

STANDARD BIBLIOGRAPHIC MICROFILM TARGET

Section 1 Original Material (as filmed)

Author(s) Whitaker, W. Author's date(s) \_\_\_\_\_

Title Praelectiones de sacramentis in genere. ...

Publisher, if a book I. Ammonii ciuis & Bibliopolae

Publication Date(s) 1624  
or period covered \_\_\_\_\_

No. of vols. ( ) Pages ( ) Other ( )

Place of Publication Francofurtensis

Edition \_\_\_\_\_ Editor, or Translator \_\_\_\_\_

Holder of Original Material University of Toronto - Thomas Fisher Rare Book Library

Editor and Publisher of Microfilm Edition \_\_\_\_\_

Holder of Master Negative University of Toronto - Robarts Library, Photocopy Unit

Restrictions, if any, on use \_\_\_\_\_

Section 11 Technical Microfilm Data

Producing Laboratory \_\_\_\_\_ Date \_\_\_\_\_

Film size - 35mm (X), 16mm ( ), Reduction Ratio 14X (X), 20X ( ), Other ( ),

Image Placement - 1A ( ), 11A (X), 1B ( ), 11B ( ), Duplex ( ), Duo ( ).

NOTE that this form is to be used for books, manuscripts, records, maps, periodicals and newspapers interchangeable.

ALA: MICROFILM NORMS

9H  
mol



Library  
of the  
University of Toronto

all lend to L  
strengtheneth  
adements.  
in time of his  
labour againe in

deale faithfully  
wayes finde the  
hee.

g was lent them,  
and put them to

he wil kisse a mans  
urs money he will  
he should repay,  
nd retorne words  
he time.

shall hardly receiue  
as if he had found  
d him of his mo-  
an enemy with-  
curlings, and  
he will pay him

refused to lend  
fearing to be de-

re with a man in  
iew him mercy.  
the commande-  
not away because

the brother and  
under a stone

according to the  
ost-High, and it  
then gold.

thy store-houses:  
n all affliction.  
ee against thine  
mighty shield and

for his neigh-  
w<sup>th</sup> forsake him.  
ship of thy sure-  
for thee.

grow the good e-

an vnthankfull  
anger ] that deli-

many of good  
a waue of the  
uen from their  
among strange

ing the Com-  
shall fall into  
and fol-

po  
into

21  
bread, and  
same.

22 Be it  
meane cottag  
mans house.

23 Be it li  
ted, that thou  
house.

24 For it  
house to hous  
thou darst n

25 Thou  
haue no than  
bitter words.

26 Come  
ble, and feed t

27 Giue p  
rable man, m  
ed, and I haue

28 These  
vnderstanding  
and reprochin

C  
1 It is good to con  
14 Health is  
are shortened by

**H**E \* that  
to feelet  
him in the ene

2 He that  
joy in him, a  
his acquaint

3 \* He that  
enemy: and be  
of him.

4 Thoug  
though he we  
behind him th

5 While  
in him: and  
rowfull.

6 He left  
his enemies,  
nes to his fri

7 He that  
shall binde v  
will be tre

8 Ar  
strong  
wilf



9th  
mol



Library  
of the  
University of Toronto

8 \* Abstain  
diminish thy sin  
kindle strife.  
9 A sinfull  
maketh debate  
10 As the  
nerth : and as  
wrath , and  
risseth , and  
tend the more  
11 An h  
and an h  
12 If thou  
if thou spit v  
both these co  
13 \* Cu  
gued : for suc  
at peace.  
14 A ba  
many , and d  
tion , strong  
ouethrowen  
15 A // b  
virtuous wor  
labours.  
16 Who  
finderest , and  
17 The f  
in the flesh  
keth the bon  
18 Many  
sword : but  
tongue.  
19 Well  
and hath no  
therof ; who  
of , nor hath  
20 For  
and the band  
21 These  
grau were b  
22 It sh  
godly woman is  
feare God , he Lord.  
23 Such an will reuerence  
to it , and it  
quenched ; it shall be counted  
on , and deuotion shall feare  
24 Look  
about with  
and gold : of all : but thee  
25 And er pride , shall bee  
and make a d  
26 Bewman , and a scold  
fall before him  
C h s that griue my  
must not d  
good man will  
and undertake  
to live at home

sell  
not b

Of some in  
what is in vs.  
crede. 25. 11.

\* M Any  
ter : a

dance will r

2 \* As a

ioynings of t

close betwee

3 Vnlesse

in the feare of

be ouerthrow

4 As wh

refuse remain

// talke.

5 The fi

fall : so the \*

6 \* The

beene dressed

ceit in the hea

7 Praiser

speake , for th

8 If thou

shalt obtaine

ous long robe

9 The b

so will trueth

in her.

10 As th

prey : so sinn

11 The d

wayes with v

as the Moon

12 If thou

serue the tim

men of vnde

13 The d

and their spor

14 The ta

maketh the l

braules make

15 The st

ding , and the

care.

16 Who

his credit ; a

minde.

17 Le

him : bu

low no

18





Library  
of the  
University of Toronto

8 \* Abstaine  
diminish thy sin  
kindle strife.  
9 A sinfull  
maketh debate  
10 As the  
neth: and as  
wrath, and a  
riseth; and th  
tend, the more  
11 An ha  
and an ha  
12 If thou  
if thou spit v  
both these co  
13 \* Cu  
gued: for suc  
at peace.  
14 A ba  
many, and d  
tion, stronge  
ouertrowen  
15 A || b  
is vpon the holy  
vertuous won  
labours.  
16 Whole  
finde rest, and  
17 The fl  
in the flesh:  
keth the bon  
18 Many  
sword: but n  
tongue.  
19 Well i  
and hath no  
therof; who  
of, nor hath  
20 For  
and the band  
21 The  
graue were be  
22 It shall  
godly woman is  
feare God, he Lord.  
23 Such an  
the flame then  
contemne  
24 Look  
about with th  
and gold: of all: but thee  
25 And er  
pride, shall bee  
and make a d  
26 Beware  
man, and a scold  
fall before him  
way the enemies.  
C les that grieue my  
must not  
must not  
good man will  
and undertake  
to live at home

res, and eyelids  
chamelesse, keepe  
er selfe through  
udent eye: and  
against thee.  
outh as a thirstie  
and a fountaine:  
ere her: by eue  
ne, and open her  
lighbreth her hus  
fat his bones.  
woman is a gift  
nothing so much  
ucted.  
thfull woman is a  
intent minde can  
it ariseth in the  
auty of a good  
house.  
is vpon the holy  
y of the face || in  
are vpon the soc  
faire feete with a  
oure of thine age  
to strangers.  
en a fruitfull pos  
sowe it with  
the goodnesse of  
leauett shall be  
fidence of their  
21 The d  
wayes with v  
as the Moon  
12 If tho  
serue the tim  
men of vnde  
13 The d  
and their spor  
14 The ta  
maketh the l  
braules make  
15 The st  
ding, and the  
eare.  
16 Who  
his credit; a  
minde.  
17 Lo  
him: by  
low n  
18 mi  
b

1 Of sinne in  
what is in vi.  
eccl. 25 11.

\* M Any H  
ter: a

dance will tur

2 \* As a

ioynings of t

close between

3 Vnlesse

in the feare of

be ouertrow

4 As wh

refuse remain

|| talke.

5 The fi

sell: so the \*

6 \* The

beene dressed

ceit in the hea

7 Praise r

speake, for th

8 If thou

shalt obtaine

ous long robe

9 The b

so will tructh

in her.

10 As th

prey: so sinn

11 The d

wayes with v

as the Moon

12 If tho

serue the tim

men of vnde

13 The d

and their spor

14 The ta

maketh the l

braules make

15 The st

ding, and the

eare.





Library  
of the  
University of Toronto

and  
dand  
loue of  
at agree to-

soule hateth,  
r life: a poore  
that is a liar,  
1.  
othing in thy  
any thing in

is iudgement  
nen to know  
fdome of old  
insell to men

rowne of old  
eir glory.  
which I haue  
pie, and the  
ngue: a man  
nd he that li-

se.  
h with a wife  
h not\* slipped  
h not serued a  
selfe.  
nd//prudence,  
s of him that

findeth wise-  
him that sea-  
rd passeth all  
at holdeth it,

is the begin-  
he beginning

out the plague  
esse, but the

the affliction  
any reuenge,

the head of a  
aboue the

on and  
wicked

n-  
e

1.  
8 Her husban  
ours: and when  
terlie.

19 All wick  
wickednesse of  
a sinner fall vp

20 As the e  
the feete of th  
words to a quie

21 \* Stumbl  
man, and desire

22 A woma  
band, is full of  
reproch.

23 A wicke  
maketh an hea  
ded heart: a  
her husband  
hands, and see

24 Of \* th  
of sinne, and

25 Giue the  
wicked woman

26 If shee g  
her, cut her of  
a bill of diuor

C H

1 A good wife,  
A wicked wife  
bath wines. 28  
Merchants and

Blessed is  
wife, for  
be double.

2 A vertua  
band, and he fl  
in peace.

3 A good  
shall bee giuen  
feare the Lord

4 Whether  
haue a good he  
at all times reio  
nance.

5 There be  
feareth; and for  
f the slander of  
of an vnruely m




6 But a g  
woman that is  
and a scourge c  
nicateth witha

7 An euill  
fro: he that ha  
held a scorpion

8 A drunk  
broad, causeth  
couer her owne

9. The wh





GUILIELMUS WHITAKER  
ANGLI S. THEOLOGICÆ ACADEMIÆ  
Academia Cantabrigiæ OLIM IN  
foris Regii idemq.




P R Æ L E C T I O N E S  
De Sacramentis in Genere, & in Specie de SS. Bapti-  
simo & Eucharistia.

Quibus vniuersum negotium Sacramenta-  
rium omnesque controversiæ cum veteres  
tum recentiores perspicuè, methodicè,  
solidè pertractantur.

Ab ore quidem docentis excepta cura & industria  
Ioannis Allensonii, Britanni, S. Theologiae Baccal.  
& Collegii S. Ioannis in eadem Acade-  
mia socii;

Nunc verò in publicam & lucem datæ  
Sumptibus Ioannis Ammonii civis & Bibliopole  
Francofurtensis.

M DC XXIV.







# REVERENDISS IN CHRISTO PATRI, AC

D. TOBIÆ MATTHÆO, DIVINA PRO  
Archiepiscopo Eboracensi, Angliæ Primati ac  
Domino suo observandiss.

publicis pra-  
nnis Evangelistæ  
fidei calamo ex  
um ipsius D. VVhi-  
scriptis, accuratè co-  
is. Indinem, ipse  
Exemplar pralo de-  
lludiam (Reueren-  
rerum  
atoin



Iratus est olim (Amplissime  
ptor, Vincentius <sup>ius Papi</sup>  
vesaniam, qui non ois  
accepta antiquitus cre-  
ua ac noua in diem qu-  
aliud gestiant religioni

trahere. Neq. enim de Ecclesia Christi ver-  
indicatur, quam ex dogmatum diuinorum fida &  
eorundem fidei custodia certius pronuntiat, quam  
isdem nihil innouari, siue minuendo, siue mutando, siue ap-  
quod alibi apertius exprimit, idem nitidissimus scriptor, Christi Ec-  
clesia sedula & cauta depositorum apud se dogmatum cu-  
stos, nihil in iis vsquam permutat, nihil minuit, nihil addit;  
non amputat necessaria, non apponit superflua, non amit-  
tit sua, non vsurpat aliena. Scilicet vir sapiens animaduertebat,  
Dogmata Religionis hisce omnibus modis deprauari, amputando ne-  
cellaria permutando genuina, addendo superflua. Si ad hanc  
Vincentii normam Dogmata in recentioribus Synodis Pontificiis Late-  
ranensi sub Innocentio III. Constantiensi, Florentino, & Tridentino,  
definita exigamus, non difficile erit iudicium facere, utrum illorum Ec-  
clesia, sit illa sedula & cauta depositorum apud se Dogmatum  
custos, de qua agit Vincentius, an secus. Indicio sunt illorum Dogmatici  
errores non solum quoad agenda & caeremoniarum ritus, sed  
etiam in iis quæ credenda sunt, ut verbis utar nostræ Confessio-  
nis. Ea omnia singula iam recensere vnius aut alterius pagellæ an-  
gustia non patientur. Certum est eos regulam fidei veterem in nonnullis,  
consequenter saltem, tum minuendo, tum permutando, correxisse  
vel potius corrupisse, sed certo certius est, eos nouam fidei formulam  
veteratoriè supposuisse, veteremq. fidem XII. nouorum articulorum

Articul.  
Relig. Ec-  
cles. An-  
glic. Art.  
XIX.

# DEDICATIO.

pro & conatu sane audacissimo, auxisse. Huius rei testis  
 est huiusmodi fidei nouellum à Pio IV. in Bull. super forma  
 tionis fidei Tridentinis Decretis formatum, quod  
 nopolitano cui annectitur, ut & amulum ex-  
 pietatis affectu omnibus sub pena amittenda sa-  
 pientum. Hisce ambabus omnes præfutura Ecclesia  
 triuere, nec subscribere modo, sed & iurare tenent,  
 simul profiteri, hanc esse fidem Catholicam, &  
 solus esse potest. Et denique (ut nihil desit huic  
 etiam) & diris omnibus deuouere. Scilicet  
 olim Tertullianus de Marcionitis) liberanda  
 interea perperam euangelizabatur, per-  
 tot millia paruulorum perperam tincta,  
 ram administrata, tot virtutes, tot cha-  
 operata, tot sacerdotia, tot ministeria per-  
 tot denique martyria perperam coronata.  
 nis esset, in singulis immorari. In una re sacramentaria  
 minime quantum à veteris Ecclesie semitis deflexerunt. Geminis Ec-  
 clesie veri nominis Sacramentis quæ à latere Saluatoris perfosso flu-  
 xisse, frequenter & perseveranter testantur patres tum Græci omnes,  
 tum Latini non pauci, de nouo adiecerunt Concilia, Florentinum & Tri-  
 dentinum, alia quinq. proprii nominis Sacramenta, Confirmationem,  
 Penitentiam, Ordinem, Matrimonium & extremam Vnctionem. Et  
 tamen nemini obscurum esse potest periculosius longe errari circa Sacra-  
 menta, præsertim nouello introducendo, Ecclesieq. obtrudendo, quam  
 circa alia dogmata, tum enim alia fere theorica sint, & eorum plurima  
 necessaria cognitu sint necessitate tantum præcepti, unde & eorum  
 ignorantia inuincibilis excusat nescientes. Sacramentorum tamen co-  
 gnitio ad praxim pertinet, & ad praxim singulorum hominum, unde  
 & fatentibus aduersariis necessaria sunt singulis, posita institutione  
 diuina, necessitate non solum præcepti sed & medii ubi haberi pos-  
 sunt, sed etiam ad bene esse, exempli Ordine & Matrimonio. Sed errores  
 Romanensium circa Sacramenta, tum in Genere tum in Specie excute-  
 re supersedeo. Vnum augustissimum Eucharistie Sacramentum nouit  
 satis Amplitudo vestra, quam crasse & enormiter corruerunt, depraua-  
 runt. Laicos in uniuersum à Sacri Calicis communione arcendos nouo  
 sacrilegio decreuerunt Concil. Constantiense & Tridentinum, contra  
 diui-

Bellarmin.  
 de Sacra.  
 in genere  
 XXXII.

# DEDICATIO.

Canonem, contra uniuersalis Ecclesie Academia publicis præ-  
 mille & amplius à Christo nato, annos. Enchiridionis Ioannis Euangelista  
 tionem. Corpus & sanguinem Domini, ut socius, fidei calamo ex-  
 ciebus panis & vini veraciter contineri, subsidium scriptis, accurate co-  
 pus, & vino in sanguinem potestate diuina, rum vicissitudinem, ipse  
 nenses sub innocentio III. idq. sub anathemat. sit. Exemplar prælo de-  
 equo non liceat, & periculo hæreseos, dissentire. t. Illud iam (Reueren-  
 consequenter docemur. I. Panis & uinum in  
 charistia post consecrationem prælo in  
 Catholica Ecclesie uniuersalem com-  
 Chrysostomus, Theodoretus & Gelasius prælo in  
 panis & vini absq. omni inhaerentia subiecti. Specus & Academia  
 veterem Ecclesiam, sed & contra ipsorum accidentium prælo in  
 prietatem. III. Corpus Christi, inuisibile, impalpabile, nullo  
 ptibile, intra hasce specie, nouo planè commento, veteribus inaudito  
 sistere. IV. Docent etiam consequenter, miraculosam multiplicem  
 corporis Christi in sacra Eucharistia, ut tot locis existat idem corpus quot  
 celebretur ipsum Sacramentum. V. Idem corpus Christi, omnibus suis  
 membris distinctum, figuram habens & ordinem corpori humano con-  
 gruum, in quauis hostia nummularia, imò & in qualibet hostia parua  
 contineri absq. omni membrorum ad inuicem penetratione. VI. Idem cor-  
 pus in mille locis existere absq. ulla loci occupatione. En non corpus  
 spiritum: vel si corpus, non verum & reale sed phantasticum, Marcio-  
 niticum, Apollinariisticum. En Sacramenti, sublato elemento & ana-  
 logia sacramentali, destructionem. En plane euersa & subuersa iur-  
 & dictamina natura. En fidei Ecclesie nouis articulis si consequenter  
 quuntur, auctam & multiplicatam. Hisce accedat ab eodem turbido  
 fonte manans de prælo, quæ creatura adoratur pro creatore, panis pro  
 carne Filii Dei. Quæ horrenda sit illa idololatria, si non detur de Trans-  
 substantiatio, quam nos, ut scripturas patribus, recte rationis dictamini,  
 & uniuersalibus Naturæ edictis contrariam, merito reuicimus & auer-  
 samur. ipsius Costeri testis non ignobilis, verba. præmere opera præ-  
 tium erit. Si non detur (inquit ille) Transsubstantiatio, tolerabilior fo-  
 ret error eorum qui pro Deo colunt statuam auream, aut ar-  
 genteam, aut alterius materiæ imaginem, quæ modo Gentiles  
 Deos suos venerabantur: vel pannum rubrum in nastam ele-  
 uatam, quod narratur de Lappis; vel riuia animalia, ut quon-  
 dam Egyptii, quàm cocum qui frustularum panis adorabunt.

Costerus  
 in Enchi-  
 rid con-  
 trauerit.



# DEDICATIO.

pro dicto Transubstantiationis fundamento nixi, in  
 huiusmodi, & reale corpus Christi sub speciebus  
 celebratione offerri in sacrificium reale  
 metropolitan. satisfactorium & impetratorium  
 ius, idq; ex opere operato. En Sacramenti  
 cium proprii nominis mutationem. Id quod  
 tis & solitariis apertius cernitur, ubi solum sa-  
 cramentatione habet, peragitur & celebratur.  
 Haec scilicet sunt, horum veteratorum in re Eucharistica nouita-  
 tes, de quibus usurpare me vere posse videor illud, quod de omnium ha-  
 reticorum nouitatibus olim pronuntiavit supra dictus Lerinensis. Quod  
 Hareti cum ceperint illas non proferret tantum, sed etiam  
 exponere; nec adhuc iactare solum, sed etiam interpretari;  
 tunc amaritudo illa, tunc acerbitas, tunc rabies intelligitur,  
 tum nouitium virus exhalabitur, tunc prophanæ nouitates  
 aperiuntur, tunc transferri patrum terminos, tunc Catholi-  
 cam fidem cædi, tunc Ecclesiasticum dogma lacerari. Hinc  
 est quod contra veterum unanimem consensum, doceant, fideles in Eu-  
 charistia oraliter manducare corpus Christi, in stomachum traicere, nec  
 fideles solum sed & infideles; nec hos solum, sed (quod aures Christianæ  
 exaudiri perhorrescunt) mures, canes, porcos & id genus impura anima-  
 li, si quando hostiam consecratam comedant. Illud coronidis loco adiecit,  
 illos in sacris hisce mysteriis pessimè miracula querere, & multiplicare.  
 Iesus Iesuita duodecim miracula in venerabili hoc Sacramento enu-  
 merat, quorum aliquot supra recensui. Quam vellem & ex veterum  
 patrum genuinis monumentis, testimonium vel unum, clarum & dilu-  
 cidum in medium proferret, ex quo liquide constare possit, vel unum ho-  
 rum miraculorum ab ullo patre per 600. & amplius à Christo nato, an-  
 nos, categoricè & dogmaticè assertum fuisse, ut taceam in Sacramentis  
 non miracula, sed mysteria sanctos patres querere solere. Sed longius  
 forsàn (Antistes Amplissime) quam Epistola ratio poscit, prouectus sum.  
 De tota re Sacramentaria pro causa pontificia nemo aut accuratius aut co-  
 piosius disputauit, quam Cardinalis Bellarminus in Tomo II. suarum  
 controuersiarum. Hasce disputationes omnes ad calculos reuocare in ani-  
 mo habebat vir longe doctissimus D. Gulielmus VWhitakerus, Sacra  
 Theologia annis abhinc aliquot, in Academia Cantabrigiensi Regius  
 Professor. Sed ecce in medio cursu, magno bonorum omnium luctu, im-  
 matura morte abreptus, triste sui desiderium nobis reliquit. Quam tamen  
 de Sa-

# DEDICATIO.

de Sacramentis aduersus Bellarminum in Scholis Academia publicis præ-  
 legit, vir diligentissimus D. Allenfoni Collagii. Ioannis Euangelista  
 in eadem Academia, cui D. VWhitakerus præsuit, socius, fideli calamo ex  
 ore dictantis excepit, & post Authoris mortem, cum ipse D. VWhit-  
 ker concisis annotatiunculis in memoria subsidium scriptis, accurate cõ-  
 tulit; pralogus destinabat. Sed en rerum humanarum vicissitudinem, ipse  
 etiam antequam pralo mandarentur, satis concessit. Exemplar pralo de-  
 stinatum post eius obitum ad manus meas peruenit. Illud iam (Reueren-  
 disime Antistes) fretus D. Allenfoni industria, ne verbulo immutato in  
 lucem emitto. Hasce autem VWhitakeri prælectiones, in clientelam re-  
 cipere vestram Amplitudinem nõ dedignaturã confido. Nam siue opus  
 Authoris spectes, in illo de rebus longe grauissimis agitur, de Sacrosan-  
 ctis nostra Religionis mysteriis diuinarum promissionum signaculis, no-  
 stra Christiana Professionis tesseris, gratia diuina signis visibilibus effi-  
 cacissimis beneuolentia diuinæ erga nos mortales certissimis pignoribus.  
 Porro hic eradicatur Zizania qua in agro Dominico superseminasset pau-  
 latim inimicus homo, & Sacramentorum doctrina à corruptelis hisce poste-  
 rioribus sæculis in Ecclesiã à Romanensibus introductis, asseritur & vin-  
 dicatur. Siue etiam Authorem ipsum spectes, hoc etiam nomine spero  
 minime ingratum fore hoc opus, quod eum Authorem habuerit, quæ ve-  
 stra Amplitudo ob insignem pietatem, morum probitatem, doctrinam  
 singularem, scriptorum elegantiam, in disputando acumen, in dicendo  
 suauitatem sæpius laudare solet. Accedat & illud, quod disputationes D.  
 VWhitakeri de summo Pontifice sub vestris auspiciis, operã D. Allenfoni  
 in lucem prodierint, quem etiam semel atq; iterum ex eo tempore horta-  
 tus fueris, ut pergeret in lucem emittere, quacunque ex D. VWhitakeri  
 prælectionibus, excerpta habuit. Deniq; quod ad me ipsum spectat lubens  
 meritoq; agnosco, me pluribus nominibus Amplitudini vestra deuinctum  
 in quibus & illud est, quod aliquot abhinc annis præbendam in Ecclesia  
 vestra Cathedrali Eboracensi in me conferre dignatus sit. Nefas plane  
 esset non omni obseruantia prosequi illum, qui plane immerentem, tot ac-  
 tantis beneficiis gratiose affectit. Accipe ergo (Reuerendissime Archipra-  
 sul) sereno vultu hoc quaecumq; nostra erga Amplitudinem vestram siue  
 obseruantia testimonium, siue gratitudinis symbolum. Et vestra Autho-  
 ritatis præsidio tãquam Aiæis Clypeo munitum prodeat hoc postremum,  
 Clariissimi VWhitakeri scriptum posthumum. Deus Opt. Max. det Am-  
 plitudini vestræ, ut præclara sanitate diutissime fruatur. Londini. VI.  
 Kal. Martii. Anni Bissextilis. 1624.

Vestræ Amplitudinis deditissimus

Samuel Wards.





## QVÆSTIONVM ORDO de Sacramentis in genere.

### I.

**D**E definitione Sacramenti, Quid sit Sacramentum: Vbi de consecra-  
tionis Sacramenti agitur, quomodo fiat. Pag. 1

### II.

De Sacramentorum necessitate, An sint simpliciter necessaria ad  
salutem. 31

### III.

De Ministro Sacramentorum, Siue intentio Ministri necessaria  
ad Sacramentorum perfectionem. 38

### IV.

De efficacia Sacramentorum, An Sacramenta noui Testamenti  
conferant gratiam ex opere operato. 54

### V.

De differentia Sacramentorum veteris & noui Testamenti, An  
differant quoad effectum gratiæ in recto vsu: Vbi de chara-  
ctere indelebili Pontificiorum agitur, & de rationibus non  
iterandi Baptismi. 107

### VI.

De numero Sacramentorum, An septem sint Sacramenta noui  
Testamenti: Vbi de ordine & comparatione Sacramento-  
rum inter se, & de cæremoniis in Sacramentis adhiberi solitis  
agitur. 164

CON.

## I



## CONTROVERSIÆ DE SACRAMENTIS IN GENERE.

### Quæstio I.

*Quid sit Sacramentum.*

### CAPVT I.

DE NECESSARIO SACRAMENTORVM  
vsu in Ecclesia & de Controversiæ distributione in  
suas Quæstiones.



**P**OST QUAM re-  
futati sunt errores  
Papistarum, qui-  
bus Christi Pro-  
pheticum & Re-  
gale munus ab il-  
lis violatur, sequi-  
tur vt ad eos transeamus, qui Chri-  
sti Sacerdotium attingūt, ad quem  
locum pertinet Controversia de  
Sacramentis. Sacramenta Ecclesiæ  
omnia, seu noui seu veteris Testa-  
menti, è Christi sacrificio manant:  
sunt enim symbola & sigilla bene-  
ficiorum, quæ Christi sacrificio &  
sacerdotio continentur, suntque  
diuinitus instituta ad confirman-  
dam tantæ gratiæ fidem ac virtu-  
tem. Potuit Deus sine Sacramentis  
nostram salutem expedire: fide enim  
sola (quantum uis rumpantur Papi-  
stæ) salutem consequimur, & qui  
vera fide præditi sunt, seruari pos-

sunt, licet nullum Sacramentum  
accesserit, modò contemptus Sa-  
cramentorum nullus intercedat.  
Quid ergo opus Sacramentis? aut  
quorū Sacramenta adhibentur  
Nunquam certe Ecclesia Sacramen-  
tis caruit, ne in Paradiso quidē ante  
lapsū; ibi enim arbor vitæ, quam  
ante oculos primi Parētes nostri ha-  
buerunt, & cuius suauissimis fru-  
ctibus vescebantur, Sacramentum  
illis fuit. Extrusi è Paradiso nō mo-  
dò invocabant Deum, sed pecudes  
immolabant, & sacrificia offerebāt,  
& illa omnia sacrificia erant vnici  
& perfecti sacrificii Christi Sacra-  
menta, idemq, sacrificiū illis omni-  
bus adumbratum fuit. Postquam  
verò Deus Abrahæ familiam sibi in  
populum & Ecclesiam assumpsit,  
instituta fuit circūcisio; & postea in  
egressu Israelitarū ex Aegypto Mo-  
ses ex mandato Dei Pascha instituit;

A

innu-



innumeraque postea ceremoniæ accesserunt, quæ omnes vnâ cum circumcissione & Paschate ad Christi aduentum permanserunt. Et Christianorum Ecclesia etsi innumeris ceremoniis & obsequationibus liberata fuerit, tamen Sacramentis quibusdam, licet illis quidē paucissimis religiosissime astringitur. Verum quorsum Sacramenta instituit Deus? quamobrem non toti à Spiritu penderemus, vt quidam; qui se *πνευμαλικὸς*, id est, spirituales putant? causa est, quia non modò ex anima & spiritu immortali, sed & ex corporea quadam mole & concretionem constamus; neque enim iam *ισόγγελοι*, id est, *pares Angelis* sumus, quales postea erimus: ergo aliter Deus se nobis patefacit, & in nostros animos illabitur, propter hanc discrepantiam naturarum coniunctionem, quàm Angelis, qui nullis corporibus conclusi sunt. Neque enim aures modò nostras verbi prædicatione & sermone externo pulsant, vt cælestē doctrinā animis imprimant, sed & oculos & alios sensus externis notis ad cælestium rerū cōtemplationē excitant. Sunt n. Sacramenta quasi quædam picturæ, quæ in oculos incurrunt, & nos ad mysteriorum sublimium intelligentiam deducunt: ergo instituta sunt, vt & ruditatem nostram adiuuent, & infirmitati atque incredulitati nostræ succurrant. Vnde præclare Chrysostomus, *in incorporeus esses, nuda & incorporea tibi dedisset ipsa dona; sed quoniam anima corpori inserta est, insensibilibus intelligibilia tibi præbet.* Et eadem

alibi quoq; habet, *Situ essis ἀσώματος*, inquit, hoc est, incorporeus, tum *δοῦναι παρὰ δὲ τὸν γυναικαὶ ἡ ἀσώματα*, dona tradidit nuda & incorporea, sed quia σῶμα ἐστὶν ἡ ψυχὴ συνπλέκεται, id est, anima corpori coniuncta est, ideo ἐν αἰσθητοῖς τὰ νοητὰ παρέδωκε, in sensibilibus intelligibilia tradidit. Dionysius Areopagita, seu quisquis ille fuit, qui librum illum de Ecclesiastica hierarchia scripsit, rectè ait, non posse nostram mentem pertingere εἰς αὐτὸν τῶν ἁγίων ἱεραρχῶν μύησιν ἢ θεωρίαν, ad immaterialem cælestium hierarchiarum imitationem & contemplationem, nisi nos Deus rebus externis quasi manu duxerit; & ait, mysteria illa augustissima substantiis cælestibus *ὑπερκοσμοῦς*, hoc est, supramundano seu cælesti quodam modo, at nobis *συμβολικῶς* *ἡ διδασκαλία*, symbolicè tradi. Sic Gregorius Nazianzenus ait, nos esse *διπλῆς*, id est, duplices, ex anima nimirum & corpore constare; ac proinde Deum & externis Sacramentis & verbo nos pascere. Sunt ergo Sacramenta nostræ ruditatis & tarditatis subsidia, ideoq; non contemnenda; si enim contemnimus, & nostram infirmitatem ignoramus, & eiusdem adiumenta ac remedia à Deo instituta aspernamur. Ecclesia triumphans nec Sacramentis indiget, nec verbi prædicatione; at nos & verbo & Sacramentis, quæ, vt ait Augustinus, sunt *visibilia verba*, oculos erudientia scilicet. Et sine Sacramentis religio nulla esse potest, vt pulchre idem Augustinus, *In nullum nomen religionis, inquit, seu verum seu falsum coagulari homines*

Matth.  
hom. 93.

Dionys.  
Areopag.  
in lib. de  
Ecclesiast.  
hierarch.

Greg. Nazianz.  
eis τὸ ἀγίον βάπτισμα.

August.  
tract. 80.  
in Ioan.  
c. 1. 19.  
c. 16. cont.  
Faust.  
Idem cōt.  
Faust.  
Manich.  
l. 19. c. 11.

Euph.  
36.

Chrysost.  
ad pop.  
Antiochen.  
hom. 60.  
Idem in

mines possunt, nisi aliquo signaculorum aut Sacramentorum visibilium consortio colligantur.

De his nostræ religionis professionisq; Sacramentis, maximæ inter nos & Pontificios controversiæ sunt, quas vt ordine ac dilucide tractemus, in duo capita distribuemus: primò enim Quæstiones illas discutiemus, quæ sunt de Sacramentis in genere, deinde illas, quæ sunt de duobus veris ac geminis, & de quinque supposititiis ac commentitiis Sacramentis. Quæstiones de Sacramentis in genere hæc sunt, prima, Quid sit Sacramentum; secunda, Quæ necessitas Sacramentorum; tertia, Quis idoneus Sacramentorum minister; quarta, de efficacia & effectu Sacramentorum; quinta, de Sacramentorum veteris Testamenti & nostrorum discrimine; sexta, de numero Sacramentorum. Sequar ego institutum meum, ut friuola & superuacanea omnia prætermittam, cuiusmodi Bellarminus infinita habet, persequar verò necessariam tantum disputationem. De prima igitur Quæstione primo loco dicamus.

## C A P V T II.

In quo docetur, quæ ad Sacramenti naturam constituendam requirantur, & varia Sacramenti definitiones proponuntur.

Rom. 4.  
II.

SCIBITUR Rom. 4. 11. Καὶ ὁμοίως ἡμεῖς τῶν ἁγίων, σφραγισ-

δα τῆς δικαιοσύνης τῆς πίστεως, Et signum accepit circumcissionis, sigillum iustitiæ fidei. Fidem Abraham imputatam esse ad iustitiam, antequam circumciscus, Apostolus ex Mose probat. Abraham enim credidit, & iustus pronunciat, antequam de circumcissione vllum mandatum fuit. Circumcisio ergo, inquit Apostolus, tanquam signum accessit, vt esset sigillum iustitiæ, quam per fidem Abraham ante adeptus est. Si quis ergo querat, quorsum circumcissionem Abraham accepit, respondet Apostolus, vt esset sigillum iustitiæ, quæ est ex fide. Ex hoc fine circumcissionis, Sacramenti definitio colligi potest. Sacramentum igitur signum est à Deo institutum, vt sit sigillum iustitiæ, quam quis ex fide consecutus est. Nec enim hic circumcissionis tantum, sed Sacramenti in genere definitio habetur, & hæc brevis ac perspicua Sacramenti definitio est, vt mihi videtur. Primò enim σημεῖον pro genere ponitur, hoc est, signum externum aut ceremonia, deinde σφραγὶς δικαιοσύνης, hoc est, sigillum iustitiæ, quæ ex fide scilicet est, rem Sacramenti & finem & vsum declarat; vt si possemus esse scripturis contenti, non meliorem definitionem desiderarem. Sed quia Adversarii quæstiones & rixas mouent, & scholastici varias nobis Sacramenti definitiones proponunt, necessarium videtur, vt perfectiorem definitionem queramus. Sacramenti nomen ipsum non reperitur in scripturis, sed à Theologis inuentum est; an



retinendum tamen sit, nulla à nobis controversia mouetur. Nec quisquam nostrum hoc nomen improbanit, quanquam hoc Lutherò, Melanthoni, Zvinglio & Calvino, Bellarminus obiicit, sed falso. Non improbant illi, sed semper vtuntur, vt ex eorum libris patet: hoc tantum dicunt, Sacramenti nomen in hoc sensu & usu non inveniri in Scripturis, sed à profanis authoribus sumptum esse; verum salubriter à Theologis esse inventum, & in Ecclesia retineri posse fatentur. Nec *μυστήριον* vsquam in Scripturis habetur, vt significet id, quod nunc propriè Sacramentum dicimus. Nam quod apud Apostolum Paulum legimus, τὸ μυστήριον τῆς ἐκκλησίας, *Mysterium hoc magnum est*, id non de matrimonio, sed de Christi & Ecclesiæ coniunctione intelligendum esse suo loco docebimus. Et sic *μυστήριον* semper in Scripturis pro re sacra aut occulta, non pro signo talis rei ponitur. Nemo tamen nostrum hanc vocem è religione tollendam esse contendit, sed vt alia quædam salubriter inventa libenter retinemus.

Iam ad Sacramenti definitionem veniamus, etsi Scholastici disputant non posse definiri, idq; argumentis Aristotelicis probare conantur. Nam quod definitur (inquiunt) debet esse in genere aliquo: at Sacramentum constat ex re & verbo: non est igitur in genere aliquo. Item Sacramentum non est vnum, at quod non significat vnum, nil significat, ut ait Aristoteles, & quod tale est, definiri non potest. Vnde

Ockam & Richardus non posse definiiri propriè affirmant, sed per accidens tantum, aut crasso quodam modo describi: & Bellarminus hoc esse verum ait secundum Physicam considerationem, at secundum moralem considerationem posse definiri, vt scilicet Sacramentum rem vnam & ens reale constituit; & hoc quidem verum est. Etsi enim in Sacramento est ens reale, vt externum signum, & ens rationis aut per accidens, id est, significatio huius signi: tamen hæc omnia non nisi vnum medium aut instrumentum gratiæ significant, quod definibile est, vt ciuitas, regnū, familia. Etiam si Physicè Sacramentum consideres, potest definiri: nam homo vnus ens reale & physicum est, constat tamen ex partibus duabus, quæ non sub eodem genere continentur, & nihilominus homo definiri potest, & definitur, ut omnes norunt. Quare nos hæc mittamus; & enim hæc Scholasticorum mera *λεγομηνία*. Convenit ergo posse Sacramentum definiri, vtinam de definitione tam conveniret.

Antequā verò Sacramenti definitionē proponamus, *πρὸ λεγόμενα* quædam præmittamus necesse est, in quibus quæ ad Sacramenti naturam constituendam requirantur explicemus: ita enim facilius Sacramentum definire poterimus. *Primo* igitur Sacramentum debet esse signum aut symbolum; hoc enim esse genus in definitione Sacramenti diximus. Signum autem ab Augustino dicitur, quod præter speciem, quam ingerit sensib. aliud aliquid ex se

Ockam, & Richard. in 4. dist. 1.

Gen. 17. 11.  
Rom. 4. 11  
Rom. 6. 5.  
1. Cor. 11. 26.

11.

ex se facit in cogitationem venire: & idem Augustinus ait, in Sacramentis, non quid sint, sed quid significant, attendere oportere, & Sacramentum aliud esse, aliud significare. Ergo in Sacramentis non tantum signa spectari debent, quam res, quæ per signa repræsentantur & significantur: est enim res signo longè præstātor, vt homo imagine sua. Ita circumcisio signum fœderis dicitur, & signum iustitiæ, quæ est ex fide. Ita Baptismus vocatur *ὁμοιωμα*, hoc est *similitudo* mortis & resurrectionis Christi. Ita qui panem & poculum sumunt in Eucharistia, dicuntur mortem Christi *καταγγέλλειν*, hoc est *annunciare*, donec venerit: ergo panis & poculum in Eucharistia aliud sunt, aliud significant. Vnde Patres Sacramenta appellarunt symbola, antitypa, repræsentationes, figuras, imagines: De hoc inter nos convenit: ergo quod non est signum, non potest esse Sacramentum. *Secundo*, Sacramentum debet esse sensibile signum, non in mente latens, sed obiectum sensibus & sensui oculorum præcipuè, non aurium. nam hoc inter Sacramenta & verbi prædicationem interest, quod Sacramenta visum & tactum afficiant, verbi prædicatio auditum. Ita nos quoduis Sacramentum affirmamus esse signum non modò sensibile, sed visibile, & tangibile, vt est aqua in Baptismo, & panis ac vinum in Eucharistia, & talia etiam signa in Sacramentis veteris Legis fuerunt. At apud Pontificios quædam Sacramenta sunt, quæ nullum

Aug. de doctr. Christian. l. 2. c. 1.

visibile signum habent, saltè à Deo institutum. *Tertio*, hoc signum sensibile debet esse voluntarium, non naturale, vt aurora est signum vicini solis, fumus incendii; nec miculolum, vt prodigia quædam: non enim oportet ex Sacramentis prodigia facere. Sed debent Sacramenta esse signa voluntaria ex arbitrio instituentis: potuit enim Deus, si voluisset, alia signa instituire. Atque huiusmodi signa in triplici varietate posita sunt: alia enim sunt *μνημόσυνα*, *memorativa*, quæ sunt rerum præteritarum *μνημοσύνα*, hoc est, *monumenta*, vt acervus lapidum ex Iordane euectus, vt virga Aaronis in arca posita, vt altare extructum propter denictum Amalech: alia sunt *συμμερικὰ*, *significativa*, & quasi rem obsignantia, vt iris signum est, nullum posthac deluvium fore: alia sunt exhibentia & præbentia rem quam significant, vt cum Christus afflavit Apostolos, afflatus ille & significavit & exhibuit Spiritum Sanctum. Nostra Sacramenta sunt ex his omnibus mixta, nam & significant, & obsignant, & præbent seu exhibent. *Quarto*, debet esse inter signum & rem quam significat analogia, id est, similitudo & convenientia quædam; non debent enim Sacramenta esse vt verba, quæ res significant absque aliqua analogia. Ita in Baptismo inter aquam & Spiritum Sanctum, & inter ablutionem externam ac internam: ita in Eucharistia inter panem ac vinum, & corpus ac sanguinem Christi est analogia & convenientia quædam. Sic Augustinus, *Si Sacramenta*

111.

Iosue 4. 7  
Num. 7. 10.  
Exod. 7. 15.

IV.

August. Epist. 23. ad Bonifacium.



cramenta quandam similitudinem earum rerum, quarum Sacramenta sunt, non haberent, omnino Sacramenta non essent. Sic & in Sacramentis veteris Testamenti inter signa & res significatas conuenientia quædam fuit. Hinc Sacramenta dicuntur *αἰτίτυπα*, quasi signa ad vivum expressa, vt quodammodo certare cum rebus, quarum sunt signa, de forma videantur. Pontificii debere in omnibus Sacramentis hanc *αἰτία* esse, fatentur, sed in quibusdā inuenire non possunt. Quinto, signa hæc debent rem sacram repræsentare, non profanam, atque ideo Sacramenta vocantur, quasi ex vocabulo *sacer* deducta; nec quæuis tamen res sacra per Sacramenta repræsentatur. Bellarminus rem illam sacram, quæ per Sacramenta repræsentatur & significatur, triplicem esse vult, nempe gratiam iustifican-tem, mortem Christi, & vitam æternam. Hæc ego non improbo, si rectè intelligantur: nam reuera noui Testamenti vt & veteris Sacramenta instituta sunt ad fidem confirmandam, qua Christum & cum Christo remissionem peccatorum, sanctificationem, & vitam æternam apprehendimus. Res ergo Sacramenti est optima & cælestis, quantumuis Sacramentū ipsum sit res terrestris & caduca. Nam Sacramenta constant ex signo & re, ex substantia terrestri & cælesti: res verò cælestis est Christus, in quo omne bonum continetur. Sexto requiritur, vt hæc signa non modò res sacras significent, sed & quæ tunc fiunt, cum Sacramenta adhibentur. Nemo

prehendo, modo dextre intelligatur: nam Sacramenta non modò significant, sed & obsignant & actu exhibent id quod significant in legitimo vsu; vt qui aut ad Baptismū aut ad Eucharistiam rectè preparatus accedit, is vnà cū signis res ipsas percipit: non enim inania aut vacua signa sunt. Septimo autem quod ait Bellarminus, hoc fieri vi ipsius Sacramenti, id quomodo intelligendum sit, postea dicemus, cum ad Questionem de vi & efficacia Sacramentorum ventum fuerit. Sacramenta sunt quidem instrumenta & media quibus Spiritus Sanctus in nobis gratiam operatur, sed non inclusam tamen in ipsis Sacramentis gratiam esse, nec ipsi signis externis Spiritus S. gratiam adherescere putamus, quemadmodum postea declarabimus. Non ergo vis est in Sacramentis ipsis, sed in Spiritu Sancto per Sacramenta agente ac operante; tamen cū Sacramentis dare gratiam fatemur, modò non ex opere operato id fieri dicatur. Octavo & vltimo, debent Sacramenta esse signa & ceremoniæ statæ, solennes ac perpetuæ, atque ad mundi finem durare. De hoc inter nos convenit: vetera enim Sacramenta ad Christum durarunt, nostra ad mundi finem sunt duratura; sicut enim de Eucharistiæ Sacramento Paulus, *Quotiescunque ederitis panem hunc, & poculum hoc biberitis, mortem Domini annuntiatis, vsquequo venerit.* Sed quod vult Bellarminus, hæc, de quibus diximus omnia ad nouæ tantū Legis Sacramenta pertinere, non assentior; nam & ad veteris Testa-

VII.

VIII.

Testamenti Sacramenta pertinent, vt nos postea suo loco plenius docebimus.

Hic iam explicatis ad Sacramenti definitionem accedamus. Sunt verò eius definitiones variæ. Alii sic definiunt, *Sacramentum est signum rei sacræ*: alii verò sic, *Sacramentum est invisibilis gratiæ visibilis forma*. Bellarminus ait has definitiones, si accipiantur, vt verba absolute sonant, imperfectas esse; nam esse plura signa rerum sacrarum & gratiæ, quæ Sacramenta: non rectè ergo illos facere, qui pro hac definitione defendenda nimium altercantur, scilicet. Sacramentum est visibile signum invisibilis gratiæ. Non rectè igitur Alanus, nam ille hanc definitionem ponit & defendit, & rectissimam esse putat. Bellarminus etiam has definitiones defendi posse putat, si secundum sensum & intentionem Ecclesiæ & Doctorum accipiantur, tamen magis probat definitionem Hugonis de sancto Victore, quæ est huiusmodi, *Sacramentum est corporale vel materiæ elementum, foris sensibilter propositum, ex similitudine repræsentans, ex institutione significans, & ex sanctificatione continens aliquam invisibilem & spiritualem gratiam*. Magister sententiarum sic definit, *Sacramentum est invisibilis gratiæ visibilis forma, eiusdem gratiæ imaginem gerens, & causa existens*. Sed omnibus antepōnit Catechismi Tridentini definitionem, quæ sic se habet, *Sacramentum est res sensibus subiecta, quæ ex Dei institutione sanctitatis & iustitiæ tum significanda, tum efficienda vim habet*. Quare in hac tandem acquiescit, suam

enim nullam affert. Alii tamen Doctores Pontificii Scoti definitionē *Sacramentum est signum sensibile, gratiæ Dei vel gratuitum effectum ex institutione divina efficaciter significans, ad salutem hominis viatoris ordinatum*. Videris magnam definitionum varietatē; & sanè fateor, posse Sacramenti definitiones afferri varias quoad verba, modò in re nulla dissenso sit. Nos illas definitiones non respue-remus, si rectè exponerentur: nam Sacramenta efficere gratiam vt media & instrumenta, suo modo non negamus, sed quia illi gratiam ad Sacramenta alligant, & in Sacramentis includunt, sic vt per se gratiam afferant, non possumus probare. Neque enim instituta in eum finem Sacramenta sunt, vt gratiam infundant ex natura sua & per se, aut ut in se vim arcanam sanctificandi habeant perpetuò insitam, vt illi volunt, sic ut licet non credas promissionibus, tamen Sacramenta faciant vt credas, & te iustificent. Nos verò Sacramenta instituta esse dicimus, non vt fidem infundant, sed ut fidem antea infusam confirment in promissionibus, easdemq; promissiones nobis obsignent; & vim Sacramentorum eam esse dicimus, vt iis qui non credunt promissionibus, nullam gratiam Sacramenta conferant, iis verò qui credunt, maximam. Nos ergo aliter definiendum esse Sacramentum existimamus.



## CAPUT III.

*In quo Calvinii definitio defenditur adversus Bellarmini calumnias.*

**I**VTHERVS, Melanthon, Zvvinglius, Kemnitius, Martyr, aliter atq; aliter Sacramentum definiunt, sed illorum omnes definitiones eodem recidunt. Calvinii definitio mihi longè optima videtur; hanc ergo omnibus aliis definitionibus præfero. Est verò illa huiusmodi, *Sacramentum est externum symbolum, quo benevolentia erga nos sua promissiones conscientis nostris Dominus obsignat, ad sustinendam fidei nostræ imbecillitatem: & nos vicissim pietatem erga eum nostram coram eo & Angelis, quam apud homines testamur.* Hanc ego definitionem omnibus Thomisticis & Scoticis meliorem iudico. Alii nostram, fateor, aliter definiant, sed in sensu non pugnant: cum enim omnes de institutione & fine Sacramentorum idem sentiamus, non possumus in definitione differre. Quidam volunt ritum aut ceremoniam esse genus Sacramenti, qui re non discrepant: nam quod nos signum aut symbolum dicimus, intelligimus cum ritu aliquo & ceremonia adhibitum. Non enim aqua aut panis simpliciter sacramentum est, sed aqua aspersa, & panis fractus ac distributus, sic ut extra usum non esse sacramenta dicamus, ut postea patebit. Iam quomodo Bellarminus hanc definitionem oppugnet videamus. Antequam verò ad de-

finitionem accedat, hos primum refellit, quod Calvinus sacramenta faciat testimonia gratiæ & remissionis peccatorum; ait eum hoc intelligere de gratia prædestinationis, & sacramenta non nisi prædestinationis esse testimonia, ad eam fidem alendam instituta, qua homo certo credit se esse prædestinatum. In quo satis ostendit, nunquam se intellexisse, quid Calvinus, aut Lutherus, aut alii nostri de sacramentis statuunt: nemo enim nostrum hoc unquam dixit, quod ille hic Calvino tribuit. Nam quando nos dicimus, sacramenta obsignare promissiones Dei, & esse instrumenta conferendæ gratiæ in recto usu, non hanc gratiam prædestinationis esse volumus: non enim prædestinatio est in nobis, sed in Deo, nec Deus offert prædestinationem in sacramentis, sed piis offertur & præbatur in usu sacramentorum gratia, quæ est incrementum & robur fidei in Dei promissionibus de vita æterna. Quomodo possunt sacramenta confirmare prædestinationem in nobis, quæ utique non in nobis, sed in Deo est, sed fidem confirmant, quæ in nobis est, quæ Christum amplectitur, & Dei promissiones de remissione peccatorum & vita æterna; hæc fides alitur, hæc promissiones obsignantur & confirmantur sacramentis. Ait quidem Calvinus & rectè, prodesse nullis sacramenta, nisi prædestinatis: hoc ita Bellarminus interpretatur, quasi Calvinus dixisset, sacramenta non nisi prædestinationis esse testimonia, cum sint testimonia Christum esse

esse nostrum cum suis omnibus beneficiis, quæ est gratia longè maxima. **I.** Postea Bellarminus omnes huius definitionis partes excutit, & primum quod Calvinus Sacramentum vocet *symbolum externum*, hoc ait esse absolute verum, sed non eo sensu, quo accipitur à Calvino: nam Calvinus, inquit, intelligit nudum esse symbolum, id est, quod solum significet. At hoc insigniter falsum. Semper enim Calvinus se non nudum symbolum intelligere profiteretur, sed rem esse semper in recto usu cum symbolis coniunctam affirmat; idemque omnes nos dicimus: & tamen isti pergunt calumniari. Afferit ipse Bellarminus locum ex Calvino, ubi vocat Sacramenta iustificationis instrumenta: non ergo vult esse nuda symbola. Sed ait, eum intelligere esse instrumenta non per aliquam efficientiam, sed quia excitant & alunt fidem. Nonne hoc est aliquid efficere, excitare & alere fidem? si habent hanc vim & energiam, ut fidem excitent, alant, confirmant, quod nos omnes dicimus, nonne efficientiam aliquam ex nostra sententia habent? quod enim nudum omnino & inefficax signum est, non potest fidem alere: ergo manifesta hæc calumnia est. Sed ait, Sacramenta ex Calvinii sententia non nisi mere obiective hoc facere. Nos sane dicimus, non in externis symbolis gratiam includi, ut illi volunt, atque hinc est quod nos aiunt nuda symbola statuere, sed tamen dicimus Spiritum sanctum efficere in mente aliquid per Sacramenta, si quis eis rectè utatur,

& hæc obiecta esse ac organa ad mouendam mentem & sensus interiores: si sic obiective intelligat, fateor. Sed hoc modo (ait) signa quæ pendent in foribus hospitiorum possunt dici instrumenta cænationis, quia mouent hominem ut cogitet in ea domo paratam esse mentem. Sed hoc est impie ludere in rebus sacris: nam Sacramenta non modo mouent ut cogitemus de Christo, sed etiam fidem nostram ad Christum apprehendendum eoque fruendum excitant, ut in Christum inferamur arctius, ab eoque vitam hauriamus. Si qui signum præ foribus tabernaculi alicuius intuetur, ex ipso aspectu cibos optimos perciperet, iisdemque aleretur, aliquid diceret. Sed sic isti semper nugantur, & nolunt quod dicimus intelligere, quia quod dicimus non possunt refutare. Dicimus ergo Sacramenta esse res operantes, quæ nos mudent, lauent, sanctificent, regenerent, quia hæc Spiritus sanctus per Sacramenta ut instrumenta facit, non quia ipsa per se Sacramenta hæc in quouis efficiunt. Quod verò subiungit Calvinus in definitione sua, *Sacramentum esse symbolum benevolentia Dei erga nos*, id Bellarminus dupliciter refellit. Primum, quia Sacramenta habent vim afferendi primam justificationem: at Calvinus vult esse signum gratiæ præteritæ, nec afferre primam iustificationem, sed augere & confirmare. Respondet: Nos vere dicimus Sacramenta non iustificare nec primum nec secundum per se & proprie. Nam



quando fides nostra in prædicatione Evangelii Christum amplectitur, tum iusti sumus: verbum igitur iustificat, Sacramenta hanc iustificationem obsignant, ut nisi quis iustificatus & pius ad Sacramenta accedat, Sacramenta non eum iustificare possint. Iustitia ergo & prima & secunda ex verbi prædicatione confertur, per Sacramenta verò alitur & augetur. Non possunt Sacramenta homini qui caret iustitia, iustitiā conferre, sed in eo tantum qui habet augere & corroborare. Et quod si Sacramenta primam iustitiam afferrent, num ergo non essent divinæ benevolentie signa? *Secundo*, inquit Bellarminus, sepe contingeret Deū falso restituti benevolentiam, si promissio gratiæ prædestinationis per promissionem benevolentie intelligatur, ut vult Calvinus: & tum nemo aliam baptizare sine peccato posset, quia nemo potest certus esse de alio, si ne prædestinatus an non. *Resp.* Totus à mente Calvini aberrat Bellarminus, cum de prædestinationis gratia illū loqui vult: nam Calvinus per *benevolentiam* non prædestinationis gratiam intelligit, sed amorem fauoremque Dei, quo nos in Christo actu amplectitur. Fluxit hæc quidē benevolentia à prædestinatione, sed hæc non illa est æterna benevolentia, qua nos ante secula cōplexus est, sed præsens & actualis gratia, qua nobis remissionem peccatorum & vitam eternam promittit. At Calvinus ait, Deum non sic omnes sed solos prædestinatos diligere: non ergo bona hæc Sacramenti definitio videtur; non enim

omnes qui Sacramēta percipiunt à Deo diliguntur. *R. sp.* Hoc est calumniari: Sacramentum enim delinitur ex legitimo usu & fine, ut Baptismus *ἡ ἑνὶ πλὴν ἡ ἑνὶ πλὴν ἡ ἑνὶ πλὴν*, i.e. *lavacrum regenerationis* dicitur, non tamē regenerantur omnes, qui aqua Baptismali lauantur, sed ex parte Dei offerentis sic vocatur: hominum verò culpa est quod illis lavacrum regenerationis non sit, qui coram Deo & hominibus simulāt. Quamquam ergo nonnulli abutuntur Sacramentis, tamen semper Dei benevolentiam ex parte Dei confirmant. Nos simili argumento illorū quoque definitiones possemus evertere. Nam illi dicunt Sacramentum esse inuisibilis gratiæ visibile signum, & omnes illorum definitiones mentionem aliquam gratiæ spiritualis faciunt; & tamen constat, non omnes huius gratiæ participes esse, qui ad Sacramenta accedunt. Bellarminus respondet, Sacramenta esse causas gratiæ efficaces, nisi ponatur obex (de qua re postea erit dicendum) ut sicut aqua Baptismi (inquit) corpus abluat, sic gratia Christi animam, & hoc perpetuum: & infallibile esse, & non pendere à dispositione. *Respondeo.* Quod Sacramenta ait esse causas gratiæ efficaces, etiam sine dispositione, ut qui baptizatur, etsi non dispositus, tamen animæ eius omnes sordes abluantur; falsissimum est, ut postea patebit: Sacramenta n. sine fide nil valere, sed esse prorsus nuda symbola, nos postea probabimus. Et quomodo sine dispositione ait, cum hoc ipsum ponere

Tit. 3. 5.

nere vel nō ponere obicem, sit quædam dispositio? 2. Fatetur ergo Bellarminus, Sacramēta non esse causas efficaces gratiæ, si ponatur obex: qui ergo ponunt obicem, ii nullam gratiam ex Sacramentis percipiunt: & tamen non propterea Sacramenta ab illis falso definiuntur, esse gratiæ inuisibilis signa visibile: non ergo hoc magis nostram quā illorum definitionem evertit.

III.

*Tertium* vocabulum, quod impugnat Bellarminus in Calvini definitione, est *promissiones*: atque hic iterum impingit in id, quod antea dixerat de promissione gratiæ prædestinationis, quam nusquam extate ait in scripturis. Sed nos promissionem remissionis peccatorum & vitæ æternæ intelligimus, vel ut Lutherus ait, gratiæ reconciliationis. Et Bellarminus concedit esse in Sacramentis promissionem gratiæ, quæ est effectus Sacramentorum, sed non esse promissionem gratiæ præcedentis: & vere noster hic sensus est, Sacramenta confirmare promissiones gratiæ præcedentis. Hoc vocabulum omnes Papistæ oppugnant, ut Alanus, & hic Bellarminus, & alii; in quo se absurdissimos ostendunt, & nihil sanī de Sacramentis sentire: nam si remoucantur promissiones à Sacramentis, quid boni erit in Sacramentis? tum certe nil nisi nuda & adulterina signa erunt. Sed Bellarminus in Eucharistia nullam esse gratiæ promissionem ait. Imò verò in Eucharistia, amplissimæ & augustissimæ nobis promissiones proponuntur, id quod ex ipsis ver-

bis cœnæ apparet: nam hæc verba: *Hoc est corpus meum, quod pro vobis frangitur; & illa, Hic est sanguis meus novi testamenti, qui pro multis effunditur in remissionem peccatorum*, quid aliud volunt, quā eos qui fide, ut oportet, panem hunc comedunt, & de poculo hoc bibunt, participes fore corporis & sanguinis Christi? Sed Christus non ait (inquit Bellarminus) corpus suum dari Apostolis in remissionem peccatorum, sed dari pro illis, nimirum Deo in remissionem peccatorum; & similiter non ait sanguinem propinari Apostolis, sed effundi pro illis in remissionem peccatorum. *Respondeo*: Non ergo Christus Apostolis corpus dabat, aut sanguinem propinabat: & tamen ex his solent concludere, Christum dedisse corpus & sanguinem suum Apostolis: imò dictitant, in Eucharistia corpus Christi etiam populo dari: nunc Bellarminus ne Apostolis quidem datum ait, sed Deo. Verum esto: Si ergo datum sit corpus Christi Deo in remissionem peccatorum, nonne hæc promissio est? quia dedit corpus, ut impetraret remissionem peccatorum, & sic procul dubio impetravit? sed quibus tandem? nonne Apostolis, & nobis etiam omnibus, quotquot in eum credimus? ergo qui ad Eucharistiam accedunt, in qua Christi mors celebratur, hoc beneficium commemorare, & in hac promissione fidem suam fundare & stabilire debent. Vnde Christus. *Si quis manducaverit ex hoc pane, vivet in æternum, &*

1. Cor. 11.

14

Matt. 26.

28

Bellarmin.

l. 1. c. 14.

ubi supra.

pra.

Bellarmin.  
de Sacrament.  
in genere l. 1.  
c. 24.Alan. c.  
23. de Sacramentis.

Ioh. 6. 51.

c. 58.

B 2

Quid



Quid manducat hunc panem, vivet in aeternum. Promissio in his verbis manifesta est: promittitur enim vita aeterna manducanti hunc panem. Sed Bellarminus ait, nos non admittere, in hoc capite agi de Eucharistia. *Respondeo*: non agi quidem in hoc capite particulariter de Eucharistia, tamen in hoc capite docetur, quis usus & fructus sit Eucharistiae, & quid boni ex Christi manducatione percipiamus: ergo pertinet hæc promissio ad omnes eos, qui accedunt ad Eucharistiam, aut saltem ad eos, qui fructum aliquem ex Eucharistia cupiunt percipere. In Eucharistia Christum comedimus, ut volunt Pontificii: ergo vitæ æternæ promissionem habemus hoc sacramento obsignatam. Et si enim non proprie de Eucharistia hoc capite agatur: tamen potest hoc caput explicare doctrinam de Eucharistia; sunt vero sacramenta æstimanda ex perpetua scripturæ doctrina de sacramentis. Promissio hæc est, Christum pro nobis esse mortuum in remissionem peccatorum; Eucharistia vero est sigillum huius promissionis, quod in Eucharistia mors Christi nobis quasi ante oculos ponatur. Similiter de Baptismo sunt promissiones, ut: *Qui crediderit & baptizatus fuerit, salvus erit.* At Bellarminus hanc ait non esse promissionem gratiæ præcedentis, sed esse explicationem efficaciam sacramenti. *Respondeo*: Bene habet. Si hæc sit efficacia Baptismi, ut servemur, annon hæc promissio est, Baptismum: hanc in nobis efficaciam habeturum? ergo promittitur hic gratia, nisi gratia

non sit servari, quæ certe maxima gratia est. Et Christus ponit fidem ante Baptismum. *Qui crediderit, inquit, & baptizatus fuerit, & sic omnes fidem requirunt in adultis ante Baptismum*; sic Philippus Eunuchum, *Si credis ex toto corde, potes baptizari, Act. 8. 37.* quasi diceret, Si per fidem apprehendis Christum, & in illo remissionem peccatorum, ego sigillum quasi diplomati apponam; & hoc in omnib. adultis perpetuo requiritur. Cum ergo fide remissa peccata credimus, hanc fidem & promissionem Baptismus obsignat: nõ ergo Baptismus efficit fidem & vitam æternam, sed confirmat: quare ante promissa esse vita debet. Sed Bellarminus ait, verbum quod signo annectitur divina ordinatione, ut inde fiat sacramentum, nunquam esse promissorium, sed assertorium, vel deprecatorium? *Respondeo*: Si sit assertorium, tum plus est quam promissorium: nam si asserit, quid tandem asserit, nisi gratiam? & si gratiam asserit, certe promittit gratiam ei qui vult rite percipere: ita Bellarminus idem dicit quod nos, & aliquid amplius. Nos enim dicimus gratiæ promissionem esse annexam sacramentis; ille ait sacramenta asserere gratiam: certe si asserunt atque adeo asserunt gratiam, ut illi volunt: tum promitti gratiam necesse est in sacramentis. Sed vere promissorium verbum est in sacramentis, ut in Baptismo, *Qui crediderit, & baptizatus fuerit, servabitur.* Hic salutis promissio Baptismo annectitur, propter quam promissionem omnes Christiani ad Baptismum accedere debent.

debent, ut huius promissionis fructum percipiant. Quis non hanc promissionem agnoscit? Sed Bellarminus ait, in Baptismo cum aqua aspergitur, tantum dici, *Ego te baptizo in nomine Patris, & Filii, & Spiritus Sancti*, non, *Qui crediderit & baptizatus fuerit, salvus erit*: illa verò verba non sunt promissoria. *Respondeo*: Quid? nil hoc verba promittunt. *Ego te baptizo in nomine Patris, & Filii, & Spiritus Sancti*? imò remissionem peccatorum & salutem per Christum promittunt: nam perinde est ac si diceremus, Ego lauo corpus tuum aqua, sed debes intelligere, hoc lauacrum esse Sacramentum à Christo institutum, ut internam animæ per Christi sanguinem lotionem ab omnibus peccatorum sordibus repræsentet, quæ est remissio peccatorum, cum qua salus coniungitur. Cum ergo Baptismus internam purgationem significet, quæ fit per Christi sanguinem, certum est nobis in Baptismo Christum applicari, & hanc applicationem Baptismo confirmari. Nonne autem insignis hæc promissio est, fore ut eum, qui baptizatur, Christus suo sanguine lavet magis ac magis, & tandem ad salutem perducatur? ut sanè mirandum sit, sic desipere Pontificios, ut hoc negent. Similiter ut Eucharistiæ distributione Bellarminus ait, non dici, *Qui manducat hunc panem, vivet in æternum*, sed, *Accipite & comedite, hoc est corpus meum.* *Respondeo*: Quod si qui dicat, *Hoc est corpus meum*, is non dicat, *Qui hunc panem manducat, vivet in æternum*: nam Christi corpus est panis vitæ: ergo omnes

promissiones vitæ æternæ, panem hunc vitæ comedentibus factæ, ad eos pertinent, qui ad Eucharistiam accedunt, in qua Christi corpus percipitur, ex cuius perceptione salus sequitur. Hæc adeo certa & explorata sunt, ut Alanus fateatur, *Alan. lib. de Sacramentis. c. 13.* quosdam Catholicos, & illos quidem de Sacramenti posuisse verbum *promissionis*, ut dixerint, Verbum Sacramenti esse illud, quod innititur promissioni, promissionisq; verbi: ergo in Sacramento præcipuum esse promissionis verbum; et si ille acerrimè oppugnat hanc partem nostræ definitionis. Imò ipse postea cogitur fateri, signum includere implicite promissionem: ait enim in omni institutione Sacramenti inesse hæc duo, primum esse assumptionem aut designationem externi signi ad gratiæ significationem; secundum, applicationem illius designati signi in præscriptam sanctificationem: unde concludit, *non esse opus verbali promissione cum res ipsa aperiant Dei voluntatem ostendant.* Si ergo est in Sacramentis promissio gratiæ sanctificationis, & quidem realis; cur nos reprehendunt, quod dicamus Sacramentis annexam esse promissionem? nam hoc tantum inter nos & illos interest, quod illi dicant hanc promissionem esse implicitam, nos expressam; illi in signis implicite contineri, nos verbis explicite declarari. Sed si adsit promissio seu implicite, seu expresse, nostra definitio vera est, in qua hæc particula apponitur; & revera est expressissima. Præterea promissio ista, de qua

putamus, est de remissione peccatorum, vt Kemnitius statuit. Sed Bellar. hoc impugnat: ait n. Eucharistia non esse institutam proprie ad remittenda peccata, sed ad charitatem nutriendam, & augendam. *Resp.* 1. Verū aliquid hic ait, sed non consentaneum. Nam volunt illi Sacramenta gratiā ex opere operato conferre: nunc ait Bellarminus, Eucharistiā non nisi nutrire & augere charitatem: non ergo infundit charitatem non habenti, sed auget tantum in eo qui habet. 2. *Resp.* falsum illud esse, quod ait, non confirmari promissionem de remissione peccatorum in Eucharistia: nam quorsum Christus mortuus est, nisi vt remissionem peccatorum impetraret? & nos in Eucharistia Christi mortem annunciamus tanquā beneficiorū participes, quæ ex ea fluunt: & qui in Eucharistia carnē & sanguinem Christi percipiunt, nonne de remissione peccatorū confirmantur? Sed Bellarminus duas ratiunculās contrā affert. *Prima* hæc est, Eucharistiā dari sub specie panis & vini, q̄ nutriunt vivos, non excitant mortuos. *Respond.* Ergo Eucharistia non potest hominē mortuum in peccatis excitare: at in peccatis mortuus est, qui caret fide: iustus enim ex fide sua viuet, ergo Eucharistia non prodest fumentibus sine fide, at illi dicunt prodesse Sacramenta noni Testamenti, etsi nō accedat opus operans suscipientis i.e. fides & interna deuotio. Tamen reuera homini mortuo in peccatis Eucharistia nō prodest; debet enim habere fidē, & sic remissionem peccatorum, qui Eu-

charistiam cum fructu percipit; sed in Eucharistia confirmatur & obfirmatur promissio hæc de remissione peccatorum, & certē assidua confirmatio requiritur. *Secūda* Bellarmini ratio sumitur ex verbis Pauli, qui iubeat vt homines, qui ad mensam domini accedunt, probent se antea, h.e. inquit Bellarmin. an sint absq; peccato nimirum, antequā ad Eucharistiā accedant. *Resp.* hæc absurdissimē ab illo dici. Non iubet Apostolus, vt quisq; se probet, an sit absq; peccato, antequā ad Eucharistiam accedat; tum enim nemo vnquam ad mensam Domini accederet, quis n. est, qui se ausit dicere sine peccato esse? Quid verō sit probare seipsum, docet idē Apostolus alibi melius quā Bellarm. nempe vt quisq; se probet, an sit in fide, i.e. num per fidem remissa illi sint peccata, aliud verō est, remitti peccatū, aliud esse sine peccato. Ita nihil afferunt Adversarii, vnde promissionem gratiæ & remissionis peccatorum a Sacramentis excludendam esse probent.

*Quantum* vocabulum, quod reprehendit Bellarminus in Caluini definitione est, *conscientiis nostris*, cum quo coniungit & illud, *ad sustinendam fidei imbecillitatem*. Probat ex Baptismo paruulorum, non recte poni hæc verba in definitione Sacramenti: Baptismus enim paruulorum, inquit, est verissimum Sacramentum, at in paruulis nec actualis fides est, nec conscientia. *Respond.* Conscientiæ mentionem recte fieri in Sacramenti definitione, ex Apostolo Petro patet, qui docet in Baptismo requiri *συνειδήσεως ἀγαθῆς*

ἐν τῇ.

ἐν τῇ στήθῳ αὐτοῦ. *conscientia bona stipulationem erga Deū.* Si in Baptismo bona conscientia requiritur, multo magis in Eucharistia. Quod autem ait, paruulos non habere conscientiam nec fidem actuale, ac proinde non esse baptizandos; hoc Anabaptistarū argumentū est. Sed responsio facilis est, paruulos etsi non credant nec conscientias habeant, tamen in futuram fidem & penitentiam & conscientiam bonam baptizari, non n. necesse est, vt Calvinus ait, rem esse priorem signo temporis ordine, ergo infantium conscientias diuine beneuolentiæ promissio obfirmatur. nō dum infantes sunt, sed postea cū adoleuerint, & vsum rationis habere ceperint. Sed Bellar. ait, longē vt. lius esse, eos baptizare adultos, quando fidei capaces sunt. *Resp.* De hac re non cum Caluino, sed cum Deo litiget, qui & infantes circumcidi voluit, cū tamen circumcisio sigillū iustitiæ fidei sit, vt Apostolus ait, & infantes baptizari; & Petrus Baptismū esse bonæ conscientiae stipulationē affirmat. Sed etsi infantes non sentiunt se baptizari, dū baptizantur, nec quorsum baptizentur; tamen postea intelligunt, & tūc Baptismi tā luculentū fructum habent, quā si adulti baptizarentur. Sed Bell. ait, nos Baptismi, quē in infantia accipimus, nullam habere notitiā, nisi ex narratione aliorum. *Resp.* Sic nec olim Iudæi in infantia circumcisos norunt, nisi ex relatione aliorum, ergo hæc res non tanti est, vt differant Baptismū in adultam etatē. Sed cum in Ecclesia nati sint, nō est cur hac de re dubitent; & fideles parentes propter

mandatū Dei de Baptismo paruulorum, non debent differre illorū Baptismū, vt certiores sint, baptizari. Sed addit Bell. etiam si certissimi essemus, tamē magis mouere res visas q̄ auditas, ergo melius ad fidē alendam baptizari adultū, quā infantem. *Resp.* Si serio & ex animo disputet, est Anabaptista; si contra Caluinum tantū hæc vrgeat, dico, etiam si magis moueant visa quā audita, tamen debere nos videre non nisi ea, quæ possunt videri ex diuina institutione, nec debere nos expectere, vt ea videamus, q̄ Deus noluit nos videre. Non videmus Christū in cruce suspensum, non morientem, non resurgentē, & tamen cruci affixum esse Christum credimus, & mortuū esse, & resurrexisse, atq; etiam ascēdisse. Et quāq̄ nō vidimus nos baptizari, tamē in aliorum infantium Baptismo nostrum videmus. Quare falsum est, q̄ ait Bellarm. baptizari apud nos infantes ea solum de causa, vt sint membra Ecclesiæ externæ, quēadmodum nec circumcisi olim infantes Iudeorū sunt, illa tantū de causa; sed vt illis signum diuini fæderis imprimatur, q̄ etsi non renatis & prædestinatis nil prodest, tamen electis prodest eo modo, quo Deus nouit. Nam infantes electos, morientes antequam adoleuerint, Deus virtute Spiritus sui renouat, si vero vitā longius propagare illis cōtingerit, eo magis ad studium renouationis accenduntur, q̄ eius tesseram se infantes accepisse sciūt. Ergo etsi infantes baptizantur, tamē nō semper infantes erunt, sed tandē, si vita illis longior cōcedatur, vim eius Baptismi sentient, quē infantes susceperūt.



Quintò & postremò vocabulum (*obsignat*) in Caluini definitione positum nullo modo placet Bellarmino, ut dicamus scilicet Sacramenta obsignare instar sigilli promissionem gratiæ. nam quod ille addit, nos etiam dicere, instar miraculi confirmare, hoc nostrum non est: non enim è Sacramentis miracula facimus: quāquam aliquid habent simile miraculis. Nam ut miracula doctrinam & vocationem Apostolorum confirmabant, & erant signa visibilia: sic & Sacramenta Dei promissioni, tanquam sigilla diplomati, annexa sunt. Sed ait Bellarminus, hoc esse diligenter refutandum; esse enim hanc præcipuam definitionis nostræ particulam: quod quomodo præstiterit videamus.

## CAPUT IV.

*In quo Bellarmini argumenta diluuntur aduersus obsignationem promissionum Dei per Sacramenta.*

1. **P**ROBAT Bellarminus Sacramenta non obsignare promissiones Dei instar sigilli quinque rationibus. *Prima* eius ratio hæc est. Si Sacramenta confirmarent promissiones Dei instar sigilli, tum essent notiora & efficaciora ad fidem persuadendam, quàm sint ipsa Dei verba: at hoc falsum. Consequentiam maioris probat *primò*, quia frustra adhiberetur vnum ad confirmandum aliud, nisi eo esset notius.

*Respondeo*: hoc argumento ne confirmari quidem fidem nostram aliquo modo Sacramentis, quod nemo, opinor, dicet: nec tamen sequitur frustra adhiberi, nisi sit notius. Nam etiam quod minus notum est, propter fidei nostræ tenuitatem atque infirmitatem, adhiberi potest aliquando ad confirmandum id quod notius est, ut fidei nostræ adiumenta vndique conquirantur. Qui etiam maximas copias habet, & sibi aliisque satis robusti & muniti videntur, auxilia tamen alia non respiciunt, si accesserint: multo minus nos debemus aspernari adiumenta illa, quæ Deus instituit: at Deus qui videt nostram infirmitatem, adiunxit verbo Sacramenta: ergo et si verbi prædicatio sit efficacior Sacramentis, non tamen sequitur, Sacramenta frustra adhiberi, quia Deus videt nos multis adiumentis indigere. *Secundò*, hanc esse vim sigilli ait Bellarminus, ut sit notius literis, quibus est appensum, ut sigillum Regium, inquit, notius est & firmitus, quàm literæ Regis. *Respondeo*: hoc fieri propter externam formam & notam: at Sacramenta non ex specie externa, sed ex Dei institutione æstimantur & agnoscuntur. Nam Sacramenta vim omnem ex verbo & prædicatione habent; sigillum verò Regis non ex literis: hoc discrimen est inter Sacramenta & sigillum Regium. Nam in similitudine omnia non congruunt; & nos Sacramenta non vera sigilla esse dicimus, sed quasi sigilla: et si sigilla Regia etiam adulterari possunt, & adulterantur aliquan-

quando, ut non sit illis nimium fidendum, neque semper pro sigillis Regiis habenda, quæ illorum speciem externam præferunt. Illud ergo dicimus, et si verbum à Sacramento separatum sit multò notius & efficacius, quàm Sacramentum sine verbo, at verbum cum Sacramento multò efficacius est, quàm sine Sacramento, ut sic Sacramentum instar sigilli sit. *Quemadmodum* enim qui literas Regis habet, is non dubitat; at certior tamen sit, postquam sigillum accesserit: sic Sacramenta sunt nobis ἀσφαλισματα, id est, certa quasi signa seu pignora, utpote à Deo instituta, atque ideo nos reddunt ἀσφαλεσέστες, id est, certiores. Non ergo verbum à Sacramento, nec Sacramentum à verbo separatum considerare debemus, sed vtraque coniunctim, & sic plus in Sacramentis efficacie est, ut antea diximus. Sed Bellarminus instat, nihil fingi posse efficacius Dei verbo: unde vult concludere, Sacramenta non posse confirmare Dei verbum, aut promissiones in Dei verbo factas. *Respondeo*: Sacramenta non adhiberi, ut Dei verbum confirmet, sed ad nostram fidem de verbo & Dei promissione confirmandam: verbum enim & promissiones non ex parte Dei promittentis, sed ex parte nostra, indigent confirmatione. Sed Bellarminus hoc refellit, Si promissiones Dei, inquit, egent confirmatione ex parte nostra, vel sit quia nescimus quæ sint Dei promissiones, idque ex Sacramentis discimus, vel quia Sacramentis simpliciter magis credimus

quàm promissionibus. *Respondeo*: neutrum horum verum esse: non enim Sacramenta nescientes faciunt scire, nec simpliciter notiora sunt, sed adduntur verbo, quod aures instruit, ut signa externa quæ oculos erudiant, ad maiorem confirmationem, propter fidei nostræ imbecillitatem. Quia enim Deus intellexit fidei nostræ imbecillitatem, ideo coniungere voluit cum verbo Sacramenta, ut quæ ex verbo auribus accepimus, eadem per Sacramenta oculis repræsentaret. Nam Deus et si nouit suam promissionem esse veram, tamen propter nostram ἀπιστίαν, id est, incredulitatem, seu fidei defectum, addit promissionem promissioni, & priorem promissionem noua promissione confirmat: quid mirum ergo si & Sacramentis promissiones confirmet: dicant illi, vtra notior promissio, prior an posterior. Et si ergo verissimum est, quod dicit Bellarminus, verbum habere sine Sacramentis infallibilem auctoritatem, sed Sacramenta nullam sine verbo; non tamen proinde verbum potius sigillum Sacramenti appellandum, quàm Sacramentum verbi: nam Sacramenta à nostris vocantur sigilla, quia adduntur verbo, & quasi appenduntur, quemadmodum in diplomate fieri solet. Sed hoc non torquendum est ultra scopum similitudinis: nam verbum etiam sine Sacramentis per se firmum est, non sic diploma sine sigillo. Non ergo sic sigilla sunt Sacramenta, ut sine eis verbum nullius auctoritatis sit, sed quia per Sacramenta

menta verbum nobis magis confirmatur & sigillatim applicatur. Quare non sunt Sacramenta tantum quasi motus manuum & oculorum in docente, ut Bellarminus tandem nos dicere fingit, ut qui gestu orationem confirmat, sic magis persuaderet, quam si nullum *gestum* adhiberet; sed sunt quasi sigilla quædam adhibita ad maiorem confirmationem promissionum, ex institutione divina; non tamen addunt verbo aliquid, ut nos Bellarminus dicere ait, sed verbo adduntur propter infirmitatem nostram: quemadmodum Chrysostomus ait, quia non sumus toti *πνευματικοὶ καὶ ἁγιοὶ*, id est, spirituales & incorporei, necesse est ut his adminiculis sustentemur. Promissio percipitur auditu, & sic fides nascitur: quid amplius requiritur, inquit, quam ut quis credat? sanè si fides perfecta esset, nil amplius requireretur, quia fides amplectitur promissiones, & sic iustificat; sed quia infirmissima fides nostra est, & mista cum imbecillitate, Deus ut huic succurrat, etiam Sacramenta oculis rem eandem representantia addidit. Hæc nos cum Apostolo sigilla vocamus, & ideo à Pontificiis reprehendimur. Tamen Bellarminus tandem fatetur, nos instrui & deduci ad intelligenda spiritualia per signa sensibilia, & Deum docere spiritualia per similitudines rerum corporalium. Quod si verum sit, quomodo negare potest, adiuvari fidem nostram, & promissiones Dei confirmari, signis sensibilibus: nam si doctrina Dei confirme-

tur signis externis & Sacramentis, quidni etiam Dei promissio? cum doctrina tam certa sit, quam promissio Dei. Itatandem se nihil dicere confitetur.

Secundum Bellarmini argumentum est huiusmodi, In Scripturis Sacramenta nusquam dicuntur testimonia promissionum, sed ut instrumenta iustificationis ubiq; describuntur, & Lutherus ait, *In rebus sacris vehementissimus & robustissimus locus est, arguere ab auctoritate negativè.* Respondeo: At nos postea varia scripturæ loca afferemus; in quibus Sacramenta dicuntur sigilla, & testimonia, & fœdera, & signa.

Tertium Bellarmini argumentum sic se habet; Si Sacramenta essent solum testimonia promissionis & gratiæ, essent superuacanea: nam habemus alia testimonia longè efficaciora, inquit, ut bona opera sunt longè meliora testimonia iustitiæ adeptæ, quam ablutio aquæ, vel sumptio Eucharistiæ. Respondeo: falsum hoc esse. Bona enim opera non sunt promissionis divinæ testimonia, sed sunt fidei nostræ fructus & testimonia. Quamquam electio & vocatio nostra, id est, nos nunc esse electos & vocatos, bonis operibus confirmatur, non tamen Dei promissio his confirmatur, quod Bellarmino probandum fuit; sed Sacramentis promissio Dei de remissione peccatorum, & reconciliatione cum Deo per Christum sancitur & stabilitur.

Quartum Bellarmini argumentum hoc est; Si Sacramenta solum essent testimonia promissionum, ad ex-

II.

Luther.  
in lib. cōs.  
Cochla-  
um.

III.

ad excitandam fidem instituta, frustra baptizarentur infantes & amentes, quos certum est, non modo non accedere, sed nec posse credere actu: at Lutherani omnes, inquit, pro Baptismo parvulorum pugnant contra Anabaptistas. Respondeo: De infantibus baptizandis antea diximus. Et si in presenti tempore non percipiunt promissiones, tamen si detur illis vita longior, possunt percipere, atq; ita in futurum tempus baptizantur Dei iussu, ut cum adoleverint, fructum baptismi percipiant. Litigent ergo cum Deo hac de re. Amentes verò qui baptizant, ipsi amentes sunt: hoc enim esset Sacramentum Christi exponere ludibrio: at Papistæ etiam amentibus Sacramenta tribuunt; quod est Sacramenta profanare, iisque abuti.

Quintum Bellarmini argumentum in hunc modum instituitur; Si Sacramenta essent testimonia gratiæ, quæ in particulari confertur alicui, sæpenumero falsa essent, nimirum cum Sacramentum ministratur homini, qui fingit se credere, cum reuera non credit. Respondeo: Nos Sacramenta testimonia & sigilla gratiæ esse dicimus non nisi in recto usu: si quis in sanus, aut *id est*, aut profanus, aut in fidelis ad Sacramentum accedit, non illi remissio peccatorum confirmatur: nam is non nisi Sacramento abutitur: sed iis qui credunt promissioni divinæ, & in hac fide, atque ad huius fidei confirmationem, Sacramentis utuntur, sunt testimonia & sigilla. Fidelibus enim destinata sunt Sacramenta, qui magnum inde fidei

incrementum percipiunt, non in fidelibus, qui illis abutuntur, & ipsi certè infideles in culpa sunt, quod illis Sacramenta promissiones Dei non obfignent. Ex parte Dei qui offert per illa gratiam, semper sunt testimonia gratiæ, at non ex parte hominum semper. Non est Sacramentum testimonium gratiæ absolute, sed si is, qui suscipit Sacramentum, credat promissioni. At Lutherus ait, inquit Bellarminus, eum qui non credit verbo Ministri dicentis, *Ego te baptizo*, vel, *Ego te absolvo*, facere Deum mendacem, cuius illa verba sunt. At si illa verba, inquit, intelligerentur cum conditione, fidei sui licet; si aliter credat, non fieret Deus mendax. Respondeo: Lutherus non docuit, Baptismum est sigillum remissionis peccatorum nisi credenti; & tamen qui non credit Ministro illa verba proferenti, Deum facit mendacem, quia Dei illa verba sunt; at non abluuntur, nisi crediderit. Facit verò Deum mendacem, quia non credit se abluui, sed Deum se fallere nudo & inani signo. Loquitur verò Lutherus, ut Ioannes Euangelista, *Qui non credit Deo, mendacem eum facit.* Sed addit Bellarminus, Si essent illa verba conditionata, tum rueret fides iustificans Lutheranorum. Quare? quia illi volunt, inquit, hominem debere credere absolute sine vlla hesitatione se esse iustum: ergo Deus absolute testatur, illum esse iustum. Respondeo: Quam illud (sine hesitatione) verum sit, postea docebimus. Debet quidem quisque carere hesitatione, sed in hac vita nemo potest,

Luther. in  
assert.  
1. artic.

1. Joh. 5.  
10.



test, & omnes deberent se credere esse iustos, & Sacramenta esse sibi sigilla iustitiæ: num ergo sequitur, esse sigilla omnibus, & hoc Deum testari absolute? testatur quidem homini credenti planè & absolute, & omnib. testaretur, si omnes crederent. Promissiones verò Dei sunt vel categoricæ & absolutæ, vel hypotheticæ & conditionales: illæ semper ratæ sunt, nec vnquam mutari possunt, siue nos credamus, siue non, vt promissio de diluuiio nunquam futuro, de mundi fine, de resurrectione, resurgemus enim, quantumuis non credamus: at promissio gratiæ conditionalis est; requirit enim fidem: non credenti igitur Sacramentum nihil confirmat, quia promissiones Sacramentales sunt conditionales; & nō credentes sunt fædi fragi, & pacti violati sibi consci. Pascha verò Iudeorum habebat promissionem partim categoricam, partim conditionalem; categoricam de liberatione & salute temporali omnium Israelitarum, & sic omnes seruati sunt, etiam non credentes; conditionalem de spiritali liberatione & salute æterna, & sic soli fideles seruati & liberati sunt. Idem de mari rubro dici potest: nam categoricæ promissionis in transitu per mare omnes participes fuerunt; conditionalis verò ii tantum, qui fide eam apprehenderunt.

CA

## CAPUT V.

*In quo argumenta nostra defenduntur, quibus probamus Sacramenta obsignare promissiones Dei.*

SEd nos nunc paucis doceamus, Sacramenta esse sigilla promissionum Dei, & eas obsignate, quod maximè in definitione nostra Pontificii improbant: quod certe quare faciant, vix intelligi potest, nisi quia se Dei promissionib. inimicos esse, testari volunt, & quia naturam ac vim Sacramentorum cupiunt euertere. Vtemur verò primò testimoniis aliquot ex Scripturis. Et primum quidem locum hæc verba Apostoli *Rom. 4. 11.* *καὶ σημεῖον ἔλαβε τοῦτο, ὅτι ὁ Θεὸς δαπνῶν δικαιοσύνης τῆς πίστεως. Et signū accepit circumcisionis sigillum iustitiæ fidei: vbi vocatur circumcisio non σημεῖον tantum, id est, signum, sed & σφραγὶς, id est, sigillum iustitiæ: quæ est per fidem: si verò circumcisio fuit sigillum, tum multo magis Sacramenta noui Testamenti sigilla sunt. Hinc sic ratiocinamur; Circumcisio obsignabat Abraham iustitiam fidei: ergo circumcisio erat sigillum promissionis Dei. Pepigerat enim Deus fædus cum Abrahamo, se eius fore Deum, & seminis ipsius, & Abrahamus vicissim ei promiserat se & semen eius fore illi in populum: huius pacti & fæderis, cuius fide iam antea Abrahamus fuerat iustificatus, sigillum erat circumcisio. Bellarminus de hoc loco tripli-*

tripliciter respondet. Primò ait, quæ de sola circumcissione dicuntur, non posse trahi rectè ad omnia Sacramenta. Respondeo: At ex vno Sacramento iudicare de omnib. possumus: etsi enim Sacramenta differunt in forma & materia, at non in fine principali: fuit verò circumcisio sigillum fidei in Christum venturum, & sic nostra Sacramenta sunt sigilla fidei in eum postquam iam venerit. Si de vnius Sacramenti natura & essentia sit, quod sit sigillū, non debet excludi hoc membrum à definitione Sacramenti ex legib. Dialecticæ: tum enim imperfecta erit definitio. Quare sine ratione negat Bellarminus, hoc esse in Sacramenti definitione ponendum. Secundo respondet Bellarminus, Apostolum hīc nullam facere mentionem promissionis aut pacti, cum loquitur de sigillo circumcisionis: vocat eam sigillum iustitiæ fidei (inquit) non sigillum promissionis & pacti. Respondeo: Circumcisionem fuisse signum fæderis, patet ex Gen. 17. 11. *Circumcidetis carnem praputii vestri, & erit signum fæderis inter me & vos: & hoc est quod Apostolus hīc ait, Abrahamum accepisse signum circumcisionis: cuius (quæso) rei circumcisio signum erat, nisi fæderis illius, quod inter Deum & Abrahamum factum est: ideoq; vocatur paulo antea fædus ipsum, id est, Sacramentum fæderis, & alibi vocatur Ἀγαθήνη, id est, pactum, vel, vt vulgata editio habet, Testamentum. Dedit illi, id est, Abrahamo Deus pactum seu Testamentum circumcisionis: in omni verò pacto seu testamento est pro-*

missio. Ergo etsi hīc apud Paulum aperta fæderis mentio non sit, tamen quis tam cæcus est, qui non Apostolum ex Mose concludere & ad Mosis verba respicere videat? Tum illud sigillum iustitiæ fidei, fuisse sigillum promissionis divinæ, quis ausus negare, cum quod fidei iustitiam obsignat, id multas promissiones obsignet? nam qui fide iustus est, is promissioni de remissione peccatorum & vita æterna credit, & tamen Bellarminus in iustitiæ fidei nullas promissiones inuenire potuit. Certè nescit ille Scripturas, aut quid sit aliquem esse iustum fide: nam fides semper in-tuetur promissiones. Illam ergo Abraham fidem, qua Dei promissiones amplexus est, confirmabat circumcisio: tanquam sigillum. Quid *Rom. 4.* quod paulo post hoc ipso in capite 13. promissionis diserta mentio fiat? Non enim per legem (inquit Apostolus) ἐπαγγελία, id est, promissio cessit Abraham, aut semini eius, vt hæres esset mundi, sed per iustitiam fidei: ergo fides promissionem arguit, & quod iustitiam fidei, id promissionem ob-signabat. Quid enim est sigillum iustitiæ fidei? Bellarminus putidam interpretationem affert ex Origine, Circumcisionem dici sigillum iustitiæ fidei, quia sub typo Circumcisionis carnalis, velabatur Circumcisio cordis, quæ est vera iustificatio, quam Christus allaturus erat: quasi verò nullus ante Christum habuerit circumcisionem cordis. Sed Origines non attingit mentem Apostoli. Et Bellarminus Origeni Chrysostomum subiungit, qui ali-

ter hæc verba interpretatur, scilicet dici Circumcisionem sigillum iustitiæ fidei, quia data fuit Abrahamo in signum & testimonium iustitiæ, quam sibi acquisierat per fidem. *Respondeo*: Chrysostomi expositio vera est, & eadem cum nostra. Si data Abrahamo circumcisio fuit, ut signum & testimonium esset iustitiæ per fidem, tum ut obsignaret Dei promissiones de salute æterna; idque est, quod Apostolus ait, imputatam ei fidem esse pro iustitia *in dno. Ro. 4. 11.* cum esset in *praputio*; & cum quæri posset, quorsum ergo circumcisio? respondet, ut esset signum & sigillum iustitiæ fidei, eum scilicet nunc esse iustum fide, amplectendo promissiones Dei. Res per se tam clara est, ut nemo illam obscurare possit. Tertiò igitur respondet Bellarminus, fuisse hoc privilegium solius Abrahamæ, & non posse ad alios transferri, quasi circumcisio, in quocunque esset, reificatio esset iustitiæ illius. *Respondeo*: Hoc desperationis iudicium est, dicere hoc ad solum Abrahamum pertinuisse. Quid enim? num solus Abrahamus circumcisus fuit? num ille solus credidit? num ille solus fide iustus est? num cū illo solo Deus fædus pepigit? Sed si in Abrahamo circumcisio fuit iustitiæ sigillum, tum Deus vidit hoc sigillum esse necessarium: si fuit Abrahamo necessarium, cuius fides multo fortior, quàm nostra, quâto magis nos tali sigillo indigemus? institutio huius primi Sacramenti vsum & finem omnium indicat: quanquam enim materiâ & formâ differunt Sa-

cramenta non tamen vsum & fine principali differunt, ut antea diximus: si ergo hic finis fuit circumcisionis in Abrahamo, tum & reliquorum Sacramentorum idem finis est. Sed Bellarminus ait, cæteris Iudæis circumcisionem fuisse nō sigillum iustitiæ fidei, sed signum quoddam, quod essent filii Abrahamæ. *Respondeo*: quasi nil iis aliud ex circumcisione accessit, nisi ut intelligerent se esse filios Abrahamæ? at hoc per se nil illis profuisset. Non enim est privilegiū aliquod nasci ex Abrahamo, si nihil aliud sequatur. Sed Deus se non soli Abrahamæ sed & semini eius pacto quodam obstrinxit dicendo, *Ero Gen. 17. 7. Deus tuus & seminis tui post te: & illi vici-* *10.* *ssim pacto se obstrinxerunt Deo; sequitur enim paulo post, Hoc est pactum, seu fædus, meum inter me & vos & semen tuum post te, quod servabitis, ut circumcidatur vobis omnis tuus.* Non ergo erat illis signum tantum se esse filios Abrahamæ, sed fædus illud ad se pertinere: erat enim pacti Sacramentum non modò in Abrahamo, sed & in eius semine. Ita Apostolus ait, *Rom. 4. 13. & 16.* *promissionem esse factam Abrahamæ & eius semini; & firmam esse promissionem ex fide toti semini: ergo omnes credentes dicuntur esse filii Abrahamæ, quia eadem hæreditas ad illos pertinet, & sic sigillum circumcisionis eadem obsignavit. Annon inter Iudæos multi credebant? certe Apostolus ait, *πὶ γὰρ ἐὶ πιστεύουσιν* *Rom. 3. 3.* *nves; Quid enim si quidam non crediderunt? nō ergo omnes increduli erant: quidni ergo circumcisio in iis qui crederent sigillum erat iustitiæ fidei, non minus quàm in Abrahamo? &**

sic

*Rom. 2. 28. 29.*

sic Apostolus laudat eum, qui in occulto Iudæus est, & occultam cordis circumcisionem veram esse ait circumcisionem, quæ est in spiritu, non in litera: non ergo tantum circumcisio Iudæis signum fuit, ut eos esse Abrahamæ filios testaretur. Hoc (fateor) Abrahamus proprium habuit, & hoc est eius privilegiū, quod ille primus circumcisionem accepit, & fædus pro suisq; cum Deo pepigit, & pater credentium dictus est: sed circumcisionem non nisi in Abrahamo fuisse sigillum iustitiæ, est absurdissimum; tum enim circumcisio non nisi illos esse filios Abrahamæ testabatur, non autem esse heredes eiusdem promissionis cum Abrahamo. Quis non hos ignaros & impuros sophistas execretur? Tum enim quare iussi sunt circumcidi, qui nō nati ex Abrahamo sunt, nempe eius vernæ & domestici, & proselyti? num ut ipsi intelligerent se esse filios Abrahamæ? nequaquam certè, tum enim falsum signum fuisset, quia illi Abrahamæ filii non fuerunt: annon potius circumcidebantur, ut hoc externo signo promissiones Dei illis quoq; ratæ esset?

*Secundum nostrum Scripturæ testimonium sumitur ex Gen. 9. vbi iris siue arcus cælestis dicitur signū fæderis inter Deum & Noë, & ex Gen. 17. vbi circumcisio dicitur signū fæderis inter Deum & Abrahamum posterorq; illius. Si n. iris & circumcisio sigilla fuerūt confirmantia pactum ac promissionem Dei, cur nō idē de Baptismo & Eucharistia dici possit? Atq; hoc etiam inter homines vñtatum est, ut fædera signo ali-*

quo externo sanciantur, ut porcæ cæsâ, vel contactu dexteræ, & aliis huiusmodi signis, quæ nihil essent, nisi præcederēt verba pacti: cur non ergo Deus potest similiter suas promissiones populo suo externis signis ratas & firmas reddere? Bellarminus apertè respondet, itidem & circumcisionē fuisse signa fæderis, non nisi ad iuvandam memoriam, non ad confirmandam fidem. *Resp.* Illi dicunt Sacramēta adiuuare memoriam, nos fidem; vtri de Sacramentis honorificetius loquuntur? Sed quomodo (quæso) memoriam *Gen. 9. 11.* iuvant? De atcu certe cælesti Deus ait, *Stabiliam fædus meum vobiscum:* erat ergo iris signum fæderis; sed cuius fæderis? nēpe illius, quod statim sequitur, *non excindetur amplius omnis caro ab aquis diluvii,* hoc est, non erit amplius tale diluviū. Hæc promissio fuit: fidem de hac promissione nostram Deus hoc signo cōfirmat; dicitur enim hoc fædus factum nō modò inter Deum & Noachum, *Gen. 9. 12.* verum etiā inter Deū & vniuersam *13.* terrā in generationes sempiternas. Bellarminus nō nisi ad memoriam iuvandam institutum esse hoc signum ait, sed non docet, cuius rei memoriam iuvat. Si intelligat diluvii præteriti memoriam, non opus fuit, ut Deus hoc illis in memoriam reuocaret, cuius qui tum vixerunt immemores esse nō poterant, illorum verò posterī ex historiārum monumentis facile intelligere potuerunt: si verò intelligat memoriam promissionis diuinæ, se non esse in posterum tali modo genus humanum deleturum, idem dicit quod nos;



nos: & certè est iris huius promissionis monumentum, quàm Deus voluit sic confirmare, ne mundum iterum diluio perituum quis existimaret. Sic cum Deus voluit Abrahamum circumcidi, voluit eternum aliquod signum in carne eius manere, tanquam externum aliquod illius fæderis sigillum, quod tum cum illo pepigit, quod suam illi promissionem confirmaret. Dixerat enim Deus Abrahamo, *Ero Deus tuus, & Deus seminis tui post te*; nonne hæc promissio fuit? huius verò promissionis implendæ signum circumcisio fuit. Sic Deus apud Ezechielem de Sabbathis suis ait, se dedisse ea, ut essent signum inter se & populum suum, ut sciret se Iehovam sanctificare ipsos: ergo Sabbata confirmabant fidem de sanctificatione. Bellarminus ait, Baptismum & Eucharistiam esse signa commemoratiua passionis & mortis Domini, non esse signa confirmatiua: nos & commemoratiua & confirmatiua dicimus. Nam memoria nuda non valet ad salutem; ita ista beneficia meminisse tantum non sufficit: ipsi enim reprobi & dæmones passum & mortuum esse Christum meminerunt, sed necessaria est fides in hunc passum & mortuum. Et si tantum instituta essent Sacramenta, ut essent subsidia & fulcra memoriæ nostræ, tum non opus esset, ut ea singuli reciperent, & iis uterentur: at voluit Deus omnes iis uti, ut omnes intelligerent, promissiones ad se pertinere. Christus ait, *Qui edet me, vivet ipse quoque per me*; cõfirmat eam promissionem.

Eucharistia. Atque ob eam causam voluit Deus esse analogiam inter signa & res signatas in Sacramentis, ut intelligeremus res ipsas his signis confirmari. Talis est analogia panis cum corpore & vini cum sanguine Christi, & aquæ cum abstersione & purgatione peccatorum per sanguinem Christi: sicut enim panis & vinum nostram naturam alunt, sic caro & sanguis Christi animam & in anima fidem; & sicut aqua abluit sordes corporis, sic Christi sanguis animæ sordes, id est, peccata: quod aperte probat Sacramenta non esse tantum commemoratiua sed & confirmatiua signa. Et hoc usitatum est, ut signa accedant ad fædera, quæ non modò commemorant præterita, sed & in futurum confirmant. Instituta enim tum signa primum fuerunt, cum iam rerum præteritarum recentissima memoria esse, ut commemoratione aliqua tum saltem opus non fuerit; & Christus Eucharistiam instituit, antequam passus & mortuus esset, sic ut Eucharistiam tum administratam non potuit esse commemoratio mortis & passionis præteritæ. Sic cum Deus apud Ezechielē ait Sabbathata sua esse signum sanctificationis, non vult præteritæ tantum sed etiam futuræ sanctificationis signum esse: ergo non vult tantum commemoratiuum sed & confirmativum signum esse; confirmabant enim Sabbathata assiduam populi sanctificationem per Deum. Quod verò nos de pactis obiicimus inter homines, Bellarminus hoc fatetur tenere in pactis hominum,

num, non autem tenere in Dei patris, quia Deus non potest fallere aut obliuisci, ut homines. *Respondeo*. Et si Deus nec fallere potest nec obliuisci, at nos tamen ἀπιστοι, id est, increduli & suspiciosi sumus; ergo Deus promissis suis signa adiecit. Sic non simpliciter dixit & verbis promissit Deus, se nunquam mundum iterum diluio deleturum, sed & signum in nube posuit. Sic Moysi signa dedit, se liberaturum esse populum. Sic Gedeoni in veliere signum dedit, eum victoriam à Madianitis reportaturum. Sic Ezechiae signum recuperandæ valetudinis in umbra horologii datum est. Sic eidem Deus non modo liberatorem promissit ab obsidione Sennacherib, sed & signum huius liberationis adiecit. Sic Rex Achaz iussus est petere signum. Deus ergo non tam qualis ipse sit cõsiderat, quàm quales nos simus, & nostræ ἀπιστίας, id est, incredulitatis rationem habet. Sed hic ut secum constet Bellarminus videre: suprā dixit verbum Sacramento annexum esse assertoriū, nunc non esse confirmativum sed commemoratiuum: quid, quæso, interest inter assertorium & confirmativum? certe qui aliquid asserit, is idem sua assertione confirmat.

*Postremò* adhibebo testimonia Patrum. Patres Sacramenta vocant sigilla. Chrysostomus in commentariis in hunc locum Pauli, quem nos tractamus, eandem adhibet expositionem horum verborum Apostoli, quam nos, ut antea docuimus. Multa ille præclare scribit, sine fide Sacramentum non esse aut signum

aut sigillum; rem enim, cuius signum est, esse fidem; cuius ergo, inquit, aut signum aut sigillum erit, *μὴ ὄντος τῆ σφραγίδος*: ubi res ob signata non est? Et affert similitudinem crumenæ, quæ licet egregiè ob signata fuerit, tamen si nihil in ea sit reconditum, non nisi ridicule ostentatur: unde docere vult, Sacramentum sine fide nihil valere. Quare Chrysostomus & Baptismū & quoduis Sacramentum esse fidei sigillum existimavit: fides autem Dei verbum & promissiones respicit. Tertullianus lavacrum esse ob signationem fidei ait; & mox quid senserit explicat. *Non ideo abluimur, inquit, ut desinamus delinquere, sed quia desimus, & corde loti sumus*. Obseruetur hoc, quia corde loti sumus, ideo baptizamur; quorsum, nisi ut Baptismus internā hanc lotionem ob signet, quæ est remissio peccatorum? Sic Basiliius, *πιστεύου δὲ πρὸς τὸν Θεόν*, *ἐπειτα ἐπισφραγισαμένοι*, *Credere oportet: primū, deinde ob signari*; vel, ut Bellarminus vertit, *& tum demū accipere sigillū fidei Baptismum*: quorsum hæc σφραγίς, id est, hoc sigillum post πίστιν id est, post fidem, nisi ad fidei confirmationem? Bellarminus ait, adhiberi ad testificandam & approbandam fidem eius qui baptizatur. *Respondeo*: Verum hoc quidem est aliquo modo; sed non ob hoc tantum adhibetur: nam hæretici & hypocritæ multi baptizantur. Et si Baptismus post fidem adhibetur in eum tantum finem, ut sit testificatio fidei eius qui baptizatur, tum Baptismus non confert gratiam ex opere operato; quod illi volunt. Sed multæ sunt

Gen. 17. 7.

Ezech.  
20. 12.Ezech.  
20. 12.

1ol. 6. 5 7.

Gen. 9. 13.  
Exod. 3.  
12. & 4.  
Iudic. 6.  
38. & c.  
2. Reg. 20.  
11.Isa. 37.  
30. & 7.  
11.Chrysost.  
in Rom.  
4. 11.Basil. l. 3.  
cont. Eun.  
non.



sunt fidei testificationes Baptismo certiores & efficaciores, ut confessio, imprimis martyrium pro fide. Hæc possunt eius qui ad Baptismum accedit, fidem melius testificari,

*Idem de Sp. Sancto.* alibi, *ὁ βαπτισμὸς ὁμολογία πρὸς τὸ σωτηρίαν εἰσαγέσθαι: ἐπακολουθεῖ τὸ βαπτισμῷ ἐπισφραγίζον ἡμῶν συγκάθεσθαι.* *Præcedit quidem confessio, qua ad salutem ducit, sequitur Baptismus obsignans nostrum assensum.*

Credimus ergo primo & confitemur ad salutem tum sequitur Baptismus, ut sigillum huius fidei. Nazian.

*ἐν τῷ αὐγ.* anzenus in oratione de sacro Baptismo, vocat Baptismum *ἐρείσμμα πλοῦτος*, id est, *adminiculum vel fulcrum fidei*, cui scilicet innititur, &

*Augustin.* quo sustentatur. Augustinus vocat *tract. 80.* Sacramentum *visibile verbum* Evangelii verbum est verbum promissionis: Sacramentum autem est quasi visibile verbum, quod Dei promissiones oculis repræsentat & confirmat. Quomodo dici visibile verbum potest, nisi quia quod in verbo promittitur, ante oculos statuit? Et idem alibi ait, Sacramenta habere similitudinem quandam earum rerum, quarum sunt Sacramenta, & ideo interdum accipere nomina harum rerum: quod non fieret, nisi res nobis obsignarentur in Sacramentis. Ira Sacramentum corporis Christi dicitur corpus Christi, quia in Sacramenti perceptione veritas corporis Christi nobis communicatur. Et ibidem ait Augustinus, in Sacramento immolauit Christum populis omni die, qui tamen non nisi semel in se im-

*Idem Epi.* 23.

molatus sit: quomodo in Sacramento immolatur nobis Christus, nisi quod ut credimus Christum mortuum esse pro nobis in remissionem peccatorum, ita huius mortis fides nobis confirmatur in Sacramento? Et Christus nobis præbetur in Sacramento ut panis vitæ: Qui credit, inquit Augustinus, Christum manducavit: si qui credit manducavit, tum Christum & sine Sacramentis & in Sacramentis manducamus. Ergo Sacramenta confirmant nobis remissionem peccatorum & promissiones vitæ per Christum, quæ nos manducamus, id est, per quem vitam habemus. Etiam Scholastici saniores tale aliquid affirmant. Scotus ait, Sacramentum esse signum sensibile gratiam Dei efficaciter significans. In verbi predicatione Dei gratia significatur, sed efficacius in Sacramentis. Sic Thomas ait, Sacramentum esse memorativum passionis Christi, demonstrativum gratiæ in nobis, & prognosticum vel prænunciativum gloriæ, quia scilicet spem obsignant Sacramenta vitæ æternæ. Sic etiam Scotus in loco supra citato.

*Scotus in 4. d. 1. q. 2.*

*Thom. 3. q. 60 art. 3.*

*Scot. in 4. d. 1. q. 2.*

## C A P V T VI.

### Quibus verbis consecratur Sacramentum.

**S**ED Sacramenta ex se nihil efficiunt, sed omnem vim à verbo accipiunt, unde etiam habent ut sint Sacramenta: Hoc est quod Augustinus ait, *Accedat verbum ad elementum, & fit Sacramentum.* Sacramenta ex verbis ut forma, & ex rebus ut mate-

materia constant. In Baptismo aqua materia & res est, in Eucharistia panis & vinum, vel ut Papistæ volunt, species harum rerum: iam de verbis & forma quæritur. Pontificii dicunt esse pauca & certa quædam verba, quæ sunt pronuncianda super has creaturas, quibus nihil addendum aut detrahendum est, & hæc etiam esse cum susurro & tacite pronuncianda, & sic fieri Sacramenta & consecrari; ut in Baptismo, *Ego te baptizo*, in Eucharistia, *Hoc est corpus meum*, esse verba consecratoria: inesse vim quandam in verbis hoc modo demurmuratis etiam sine populi intelligentia, ut efficiant Sacramenta. Hoc a nostris reprehenditur, & magica demurmuratio ac incantatio rectè dicitur. Nos dicimus verba ex quibus Sacramenta constāt ut forma, esse verba diuinæ institutionis, i. e. verba quibus Deus hæc elementa instituit in eum usum; quæ verba sunt in Sacramenti institutione palā recitanda, & si fieri possit explicanda, ut huius ceremoniæ usus intelligatur. Nam per se elementum est quasi res mortua, sed institutio & mādātum Domini de his elementis vitam quodammodo iis infundit, ut iam sint non elementa sed Sacramenta: nō ergo esse in verbis tacite demurmuratis vim latentem: sed verbum clare pronunciandum & explicandum esse, ut omnes rationem, finē & usum Sacramentorum intelligāt. Illi arcanam vim consecrandi res suis verbis tribuunt vrcunque pronunciatis; nos cōsecrationem non aliam rerum ponimus, nisi quando Dominica institutione recitata, res

ad hunc usum adhibetur, eo modo quo Christus præcepit, id est, quando res sumuntur & separantur iuxta Dei mandatū ad sacros usus, ut cum aqua ad Baptismum adhibetur, & panis ac vinum ad Eucharistiam, & cum Christi mandatū & finis exponitur, tum demū consecrari dicimus. Et hæc illa forma est, hoc illud verbū est, quod accedit ad elementum. Quare Christus ait, *Profecti do-*

*Matth.*

*28 19.*

*Act. 2. 41.*

*10. 48.*

*Matth. 3.*

*6.*

*Ioh. 6. 53.*

*35. &*

*48.*

*cete omnes gentes, baptizantes eos in nomine Patris & Filii & Spiritus Sancti;* doctrina ergo Baptismum præcedere debet, & sic etiam Apostoli post concionem baptizabant credentes; & Ioānes Baptista eos antea docuit, qui ad eius Baptismum accesserūt, quā baptizaret. Sic quod ad Eucharistiam attinet, antequam Christus Sacramentum in cœna distribuit, docuit Apostolos de necessitate comedendæ carnem suā, quam etiam vocavit panem vitæ: tum in ipsa cœna ad hanc rem repræsentandam accepit panem, & docuit esse corpus suum, & vinū, quod docuit esse sanguinē suum; & iussit nos similiter facere. Ergo non tātum illa verba, *Ego te baptizo in nomine Patris & Filii & S. S.* sunt verba consecratoria Sacramenti Baptismi, sed totum mandatū Domini de his verbis pronunciandis & aqua in hunc usum adhibenda; nec illis tantum verbis, *Hoc est corpus meum, Hic est sanguis meus* consecratur Eucharistia, sed tota verborum & actionis serie, ut quod Christus acceperit panē & vinum, quod fregerit panem, effuderit vinum, dederit utraq; & iusserit nos similiter facere. Sic Apostolus de



*Eph. 5. 26.* Baptismo affirmat Christum mundasse Ecclesiam suam lavacro aquæ *ἐν ῥήματι*, per verbum. Hoc verbum Dei promissionem significat, quæ debet prædicari, ut vis & usus signi explicetur, utq; intelligi possit, Deum purgare Ecclesiam lavacro aquæ non per se, sed quia hoc vitur ut medio & organo: est ergo Baptismus Sacramentum, ut est verbi sigillum, & ut ex verbo pender. Sic verbum promissionis de ablutione peccatorum, & verbum institutionis, quo Deus iussit ut aqua in eum usum adhiberetur, est verbum quo fit Baptismus Sacramentum. Quando Ecclesia sequitur Christi auctoritatem & mandatum in explicando hoc verbo, tum fit Sacramentum. Sed Bellarminus illud *ἐν ῥήματι*, per verbum apud Paulum non aliud vult esse, quam in nomine Patris, & Filii, & Spiritus sancti: nimis præcise *ἐν ῥήματι* ad illa tam pauca verba restringit; & Hieronymus in illum locum per verbum intelligit verbum doctrinæ, & Catharinus Papista, Christum sermone pronunciatum & corde susceptum; & ait, Sacramentum purgare, non nisi quia sunt bona; totum consistere in pactis. Deus invisibiliter facit in anima, quod signo visibili significatur. Hinc duo colligimus; primum est, Sacramenta esse testimonia gratiæ; secundum, verbum Sacramenti esse Christum pronunciatum & fide susceptum: esse ergo concionale verbum, ut vult Calvinus, non incantatorium, ut volunt Papistæ: Tum quod in veteri versione legitur, *in verbo vite*, arguit plura esse verba quam illa, *In nomine Patris, & Filii, & S. S.*

*Hieron. in locum.*  
*Cathar. in locum.*

Non esse certa verba & immutabilia, quibus consecrantur Sacramenta, satis docuimus. In veteri Testamento Sacramenta sine verbis certis ex Domini mandato celebrata sunt, ut non in illis certa verba adhibita fuisse appareat: nullam legimus præscriptam verborum formulam vel in circumcisionis vel in Paschatis institutione: nec constat Apostolos his verbis semper usos, quibus Papistæ consecrationis vim tribuunt; imò verisimile est, cum magna multitudo ab illis fuit Baptizanda, ut Actor. 2. non singulos dixisse singulis, *Ego baptizo te*, sed unum nomen aliorum coniunctum de omnibus, *Baptizamus vos*. Et Apostolos olim in Christi solius nomine baptizasse Bonaventura ait; & si quis nunc sic baptizaret, Scotus affirmat, se non audere dicere; eum esse nullum Baptismum. Græci vsi sunt hac forma baptizandi, *Baptizetur servus Christi in nomine Patris, & Filii & Spiritus sancti*; & Dominicus à Soto verum esse Baptismum ait, & rationem elegantem addit, quia Ecclesia Romana eum ritum; sed si Ecclesia Romana eum ritum detestaretur (inquit) tuus fore ut ipsi non verè baptizarent. At tum penderet Baptismus ex Ecclesiæ Romanæ nutu. Bellarminus illum reprehendit, sed non minus ineptè. Si, inquit, detestaretur Ecclesia Romana ut accidentalem tantum corruptionem, esset baptismus; si ut essentialem, non esset. Ita ille Romanæ Ecclesiæ tribuit, ut possit statuere, vel esse Baptismum, vel non esse. Sed Græci hanc Romanam Ecclesiam non

*Aug. 1. 41.*

*Bonavent. in 4. artic. 2. q. 2.*

*Dominic. Sot. in 4. q. 1. art. 8.*

*Gratian. de consecrat. d. 4. c. Retulerunt.*

non morantur, nec eius decreta. Apud Gratianum legimus, quendam ex nimia imperitia linguæ latinæ baptizasse his verbis, *Ego te baptizo in nomine Patria, & Filia, & Spiritua sancta*, & Zachariam Pontificem iudicasse sic baptizatum non esse rebaptizandum; & Bellarminus hoc Papæ iudicium approbat; ait enim Pontificem prudentissime iudicasse; sed addit rationem contra seipsum, nimirum quod audientes facile possent intelligere eum qui sic baptizavit, voluisse idem dicere, quod alii: quod si verum sit, tum non in verbis vis, sed in voluntate hominum consistit. Vnde non sit fixa & rata esse verba intelligimus, quin mutari possint: non ergo in certis verbis sit consecratio, quia tum nulla omnino mutatio fieri debet, sed in declaratione & recitatione Dominicæ institutionis; quod Bellarminus concionale verbum vocat. Nos quidem concionem requiri dicimus, non quod semper necessarium sit, cum Sacramento concionem coniungi, ut aliter non sit Sacramentum; sed requiritur ad bene esse Sacramenti prædicatio verbi, ut omnes intelligant, non esse ludicram actionem. Sic Irenæus, *Quando mixtus calix & fractus panis percipit verbum Dei, fit Eucharistia*, id est, quado de his elementis & creaturis Dominica ordinatio exponitur, & Christi mandatum explicatur, tum non amplius panis est panis communis & cibarius, nec vinum amplius est vinum commune, sed panis est panis Eucharisticus, & vinum est vinum Eucharisticum, id

*Iren. l. 5. c. 4. cont. hæres.*

est, ex his fit Sacramentum Eucharistiæ. Et postea ait Irenæus, *panem terrenum accipere vocationem Dei*, quia Dei vocantis & præcipientis institutio explicatur. Augustinus luculentissime hac de re scribit, *Vnde in tract. 80. in Ioh. tanta virtus aquæ, inquit, ut corpus tangat & cor abluat, nisi faciente verbo, non quia dicitur, sed quia creditur*: ergo fides requiritur, aliàs Baptismus nudum erit elementum, & nuda ac inanis ceremonia: addit Augustinus paulo post, *Hoc est verbum fidei, quod prædicamus*: & multa præterea in eandem sententiam scribit. Bellarminus fatetur, hunc locum nonnullos mire torquere; & illum certe maxime torquet. Versat se varie. & tamen nullum fere verbum affert ex suo, sed omnia pene ex Alano sumpsit, in quibus sigillatim refutandis si insisterem, frustra tempus tererem. Fatetur Augustinum hic loqui partim de verbo concionali, partim de Sacramentali, & tamen ait, nullam esse in verbis Augustini æquivocationem. Sed omnes verbi concionalis & sacramentalis non esse eandem rationem & definitionem norunt; & postea Bellarminus ait, loqui Augustinum nunc de verbo concionali, nunc de Sacramentali: quod satis iudicat, aliud esse verbum concionale, aliud Sacramentale. Sed illud ipsorum Sacramentale verbum, quod occulte cum tenui strepitu in certis syllabis ab ipsis demurmuratur, non multum abesse à magia dicimus. Sed Augustinus non distinguit verbum in concionale & Sacramentale, sed loquitur de verbo concionali tantum:

D 3. non.

non enim ait, hoc est verbum quod dicimus, aut quod recitamus, sed quod prædicamus. Quod verò ait Bellarminus, Augustinum nulla vi æquiuocatione, ab ipso certe sine ratione dicitur: nam si hoc verum esset, quod ille dicit, Augustinum partim concionale partim Sacramentale verbum intelligere, certe æquiuocatione vreretur. Sed quia nos illis magicam incantationem obiciamus, tumultuatur Bellarminus, & Christum à nobis magum & diabolium dici calumniatur. At non Christum (bone vir) nos magum dicimus, sed vos magos vocamus: Christum enim leui mormuratione hæc verba locutum esse non legimus, nec ad certa verba Christus Sacramentorum consecrationem alligauit, sed in declaratione suæ institutionis posuit, vt primò Ecclesiæ promissio remissionis peccatorum proponeretur, tum sigillo adhibito sanciretur, eo modo quo Christus fecit & faciendum docuit. Quod verò querit Bellarminus, num Christus non potuerit tantam vim verbis dare; potuisse omnes concedunt, dedisse negamus. Certè non aliam verbo Sacramentali vim dedit, quàm concionaliat in verbis ipsis concionalibus aut in verborum syllabis non est vis aliqua occulta, sed vis omnis pendet ex Spiritu sancto, nec verba nisi audita & intellecta vim & gratiam afferunt: sic nec in Sacramento. Nam si Iudæi aut Turcæ vrerentur iisdem verbis, & tamen nihil de Christo crederent, non ibi esset consecratio. Quàm vero magis si-

miles sint Aduersarii, ex eo constat, quod ita adhærescant ad voculas & syllabas quasdam, vt si vlla fiat transmutatio, non esse Sacramentum existiment. In ipsa transpositione verborum dicunt non fieri Sacramentum, etiam si sensus maneat, vt si quis dixerit, *Meum est hoc corpus*, vel, *Est hoc corpus meum*, idem certè esset, ac si diceret, *Hoc est corpus meum*; & tamen non fieri illis verbis Sacramentum existimant. Quid hoc aliud est, nisi plane magicum, non modo ad certa verba, sed & ad ordinem verborum vim Sacramenti alligare præsertim si sensu remanente ordo mutetur? cum etiam ordine seruatò etsi nullus sensus sit (vt, *In nomine Patriæ, & Filia, & Spiritua sancta*) aut falsus sit sensus (vt, *In nomine Patriæ, & Filia*) Sacramentum fieri credant: Alanus enim ait, ne hic quidem tolli Sacramentum. Vnde quàm friuola ratio Papæ Zachariæ & Bellarmini sit videamus, qui si quis ita baptizauerit, *In nomine Patriæ, & Filia, & spiritua sancta*, verum esse Baptismum aiunt, quia hæc verba nihil significant; at ista verba, *In nomine patriæ & filia*, significare aliquid, ac proinde si quis inter baptizandum vtatur his verbis non esse verum Baptismum. At si ordine verborum seruatò, etiam si nullus aut falsus sensus fuerit, tamen erit Sacramentum; quidni mutato verborum ordine, eodem tamen sensu interim manente, multo magis Sacramentum sit? Et de prima Quæstione hæc dixisse sufficiat.

*Finis prima Quæstionis.*

Quæ-

## Quæstio II.

### De Sacramentorum necessitate.

#### C A P V T I.

##### De statu Quæstionis.



**D**OST QVAM expositum sit, quid sit Sacramentum, & quorsum sit à Deo institutum, nempe vt sit signum & sigillum promissionum Dei, sequitur vt deinceps differamus & doceamus, quàm necessaria hæc signa aut sigilla sint ad salutem. Et hæc quidem quæstio utilis est, vt nec nimium nec parum Sacramentis tribuamus. Nam omnem spem salutis in Sacramentis ponere, quod faciunt Papistæ, est nimium tribuere Sacramentis; putare verò signa esse superuacanea, qui error est Syuenckfeldianorum, est parum illis tribuere: quare mediam sententiam, quæ recta est, tenere debemus. Bellarminus hanc Quæstionem paucis absoluit, quia postea in Controuersia de Baptismo & Pœnitentia, hanc causam vberius & tractaturus. Ego quæ illorum doctrina, quæ nostra sit, breuiter proponam. Non attingam varias necessitatis distinctiones, quas afferunt Papistæ. De Baptismo & Pœnitentia statuunt, esse necessaria simpliciter, posita institutione diuina; Baptismum quidē

omnibus, Pœnitentiam verò iis, qui post Baptismum lethali ter peccarunt, ac proinde seruari neminem posse, qui non baptizatur vel actu, vel saltem voto, id est, qui non vel baptizatur, vel Baptismum desiderat, licet ex ignorantia vel impotentia id acciderit; & sic similiter qui post admissum peccatum aliquod mortale, sine Pœnitentia de hac vita migrauerit. Concilium Tridentinum statuit, Sacramenta nouæ Legis esse ad salutem necessaria, & homines per solam fidem sine Sacramentis aut eorum voto non adipisci gratiam iustificationis. Et Bellarminus ait, fidem quamuis maximam, non tamen iustificare, nisi adsit etiam Sacramentum in re vel in voto; imò magis requiri Sacramentum quàm fidem, quia sine Sacramento in re vel in voto nemo iustificatur, neque paruulus, neque adultus; at sine fide paruuli, qui fidem propriam nullam habent, qua recipiant iustificationem, & tamen per Sacramentum fidei, inquit, iustificatur. Nos dicimus, Sacramenta esse media salutis, & organa Spiritus sancti, in quibus Deus promissiones Euangelii credentibus proponit, & præbet, & applicat, & ob-

signat;

*Concil.  
Trident.  
sess. 7. c. 4.*



signet; esse ergo aliquo modo necessaria; non autem simpliciter, sic ut sine his prorsus actum sit de salute, si nullâ culpâ nostrâ hoc fiat. Quod verò ait Bellarminus, aut in re aut in voto necessarium esse Baptismum, si de adultis tantum loqueretur, æquior eius sententia esset; quoniam nec actu baptizatur, cum possunt, nec Baptismum desiderant, cum actu habere non possunt, eos nullo modo possumus excusare; sed ille de infantibus etiam loquitur, & sic iniquissimum est, quod ait, & Scripturis contrarium, ut postea patebit. Equumne enim est, infantes, si mortui ante fuerint, quam baptizentur, in æternum perire, quia votum Baptismi non habuerunt? at ne adulti quidem pereunt, si sine aliqua negligentia sua aut contemptu Baptismo caruerint, multò minus infantes, qui nec negligere nec contemnere possunt. Infantes ergo servari posse dicimus, etsi nec re nec voto baptizentur, imò adultos quoque, etsi non re baptizentur, modò nullus contemptus intercesserit. Fatemur ergo Sacramenta esse necessaria, *primò*, propter Dei mandatum & ordinationem, quia Deus his mediis uti nos voluit, ad applicanda & obsequanda nobis beneficia Christi, & quia signa sunt fæderis inter Deum & Ecclesiam: qui verò signa fæderis aspernatur, is se diuini ordinis contemptorem declarat, & est apertus sacrilegus & fædifragus; *secundò*, propter nostram infirmitatem, quæ his adminiculis opus habet: nemo

enim in hac vita ad eum fideigradum ascendit, quin incremento & confirmatione indigeat. Interim tamen non esse Sacramenta aut magis aut tam necessaria dicimus, quam est fides aut Dei verbum, sine quibus nemo (de adultis loquor) servari potest, ut si quis millies in voto haberet credere, nisi tamen actu crederet, non servaretur: imò si quis in voto habeat baptizari, fide tamen careat, nihil ei votum eius proderit. Sed Bellarminus hanc necessitatem non nisi in duobus Sacramentis agnoscit, in Baptismo scilicet, quem ait omnibus esse necessariam, & in Pœnitentia, quam etiam omnibus, qui post Baptismum læthaliter peccant, necessariam esse affirmat, & addit, Ordinis etiam Sacramentum ipsi Ecclesiæ in uniuersum necessarium esse; sine reliquis verò posse homines saluari fatetur, modò absit negligentia & contemptus: quod etiam omnes Papistæ dicunt. Alanus Calvinum ait facere Baptismum *ἀδιάφορον*, id est, *indifferentem*, & liberæ observationis: at tum eo uti vel non uti quis posset; & hoc esset Baptismum plane contemnere. Non ita Calvinus, non ita nos insanimus; imò maximam Sacramentis vim tribuimus, sed iis salutem non alligamus. Fatemur cum Augustino, vim Sacramentorum inenarrabiliter valere plurimum; & ideo contempta sacrilegos facere.

## CAPUT II.

## In quo Adversariorum argumenta de Sacramentorum necessitate diluuntur.

**B**ELLARMINUS non nisi duo Scripturæ loca obicit, ut doceat, hæc duo Sacramenta, Baptismum scilicet & Pœnitentiam, esse ad salutem necessaria, eo modo scilicet, quo diximus. De Baptismo obicit illa verba, *Nisi quis renatus fuerit ex aqua & spiritu, non potest introire in regnum dei.* Respondet: 1. Si aqua hic Baptismum significaret, a quibus postularer, ut ad adultos tantum hanc Christi orationem accommodaremus, quia Christus hoc tempore cum Nicodemo veterano inter Iudæos Doctore locutus est: quod ei necessarium fuit, hoc ad paruulos etiam transferre, nimis iniquum est, & nulla ratio suadet, præsertim cum nulla illorum culpa sit, quod Baptismus non habeatur. Imo ipsi Scholastici aiunt, hæc verba cum hac exceptione esse intelligenda, si absit scilicet contemptus. Sic Lombardus ait, hoc intelligendum esse de illis, qui possunt & contemnunt baptizari. 2. Si aqua hic pro Baptismo accipiat, tamen non hinc sequitur, Baptismum esse simpliciter necessarium, sed hoc signo gratiam Spiritus sancti ob signati, tanquam sigillo: ut cum Christus ait, *Qui crediderit & baptizatus fuerit, servabitur.* licet Baptismum cum fide coniungat, non tamen vult Baptismum esse æquum necessarium ac fidem, sed esse

tantum ut testimonium & sigillum fidei: quare non addit in posteriore membro, *Qui non crediderit, & qui non baptizatus fuerit, peribit, sed tantum. Qui non crediderit, condemnabitur:* quibus verbis satis indicat, fidei, non Baptismi priuationem esse exitialem. 3. Dico per aquam hic non Baptismum, sed Spiritum sanctum intelligi per *ἐκ νεκρῶν*, quia postea statim dicitur, *Quo natus est ex Spiritu, Spiritus est,* nullâ aquæ factâ mentione. Aquæ verò Spiritus sanctus comparatur propter similitudinem, quia ut aqua abluit sordes corporis, ita Spiritus sanctus applicans per fidem cordibus nostris sanguinem Christi, abluit omnes maculas animæ, hoc est, peccata nostra: unde etiam Christus Sacramentum purgationis in aqua instituit. Huic simile est, quod Ioannes Baptista ait, *Ipse baptizauit vos Spiritu sancto & igne:* & Spiritus sanctus die Pentecostes in specie ignis descendisse dicitur: ita & aquæ & igni Spiritus sanctus comparatur. Ineptum ergo est, hinc eo ligere, *primò*, aquam hic esse Baptismum: *secundò*, omnibus simpliciter necessarium esse Baptismum, etiam paruulis, ut nisi Baptismum aut actu aut voto habuerint, eos à salute arceri sit necesse.

*Secundus* Scripturæ locus à Bellarmino citatus, ad probandam Sacramenti Pœnitentiæ necessitatem affertur, & his verbis continetur, *Nisi Pœnitentiam habueritis, omnes similiter peribitis.* Sic Bellarminus perperam verba Christi apud Lucam legit, & Pœnitentiæ vocabulum à

Alan. lib.  
de Sacra.  
c. 25.

August.  
cōt. Faust.  
l. 19. c. 11.

Lombard  
l. 4. d. 4. in  
litera E.

Marc. 16.  
16.

Ioh. 3. 6.

Math. 3.  
11.  
Act. 2. 3. 4.

Luc. 23. 3.  
& 5.

litera maiuscula orditur, ut pro Sacramento Pœnitentiæ sumi credatur; at verba græcè sic se habent, ἐὰν μὴ μετανοήτε, πάντες ὡσαύτως ἀπολείθε, id est, Nisi respiciatis, omnes item peribitis. Respondeo. Igitur: Fateor quidem pœnitentiam esse necessariam omnibus, at non ut Sacramentum (non est enim Sacramentum) sed ut cordis renouationem, & conuersionem ad Deum: debet enim in omni homine esse cordis renouatio & conuersio ad Deum: at illi volunt esse necessariam, ut Sacramentum. Per pœnitentiam enim intelligunt confessionem peccatoris Sacerdoti in aure factam, & eiusdem Sacerdotis absolutionem: nam volunt omnes debere peccata sua post Baptismum commissa alicui Sacerdoti confiteri, & ab illo absolutionem petere, & qui in quouis peccato mortali post Baptismum commissio, nōre aut voto sic absolutus fuerit, eum seruari non posse statuunt: sine tali enim absolutione nullam dicunt esse salutem. At nos dicimus non esse ulli necessarium, à Sacerdote absolutionem petere, aut Sacerdoti confiteri; sufficit ut soli Deo confiteamur: & pœnitentiam esse veram dicimus, etsi homines omnes peccata nostra in specie celebamus: ergo hic locus nihil ad rem facit. Restringere verò pœnitentiam ad tempus post Baptismum, est ἀθετοῦν, ut omnes nōrunt. Sed de necessitate horum Sacramentorum postea se plura dictorum pollicetur Bellarminus.

## CAPUT III.

*In quo nostra argumenta contra  
Papisticam Sacramentorum  
necessitatem proponuntur.*

Nunc nos pauca contra Papisticam Sacramentorum in genere necessitatem argumenta proponemus. Primum nostrum argumentum est huiusmodi: Sacramenta in veteri Testamento non simpliciter ad salutem necessaria fuerunt: ergo nec in nouo sunt necessaria. Antecedens probatur, quia non fuit necesse omnibus in veteri Testamento aut agno Paschali vesci, aut circumcidi: De agno Paschali, non dixerint (opinor) periisse omnes, qui eum non comederunt: comedere enim nullis licuit, nisi iis, qui mysterii rationem per ætatem intelligere potuerunt. Nec circumcisio omnibus simpliciter ad salutem necessaria fuit, quia tū in octauum diem dilata non fuisset, ante quem multi sine dubio mortui sunt. Num si Sacramenta fuissent ad salutem simpliciter necessaria, distulisset Deus circumcisionem in octauum diem? Lombardus quidem dicit, periisse omnes, qui ante octauum diem mortui sunt; sed discipuli eius omnes hic eum relinquunt, eumque propter hoc ipsum reprehendunt. Et in deserto ommissa circumcisio fuit per annos quadraginta: at non dubium est, multos eorum, qui nati sunt in deserto, mortuos esse, antequam Iosue fecit ut omnes circumci-

Isa. 53.

cumciderentur: num tam diu huius Sacramenti vsum omisissent, si ad salutem simpliciter necessarium fuisse credidissent? Tum Deus ipse docet, non priuationem circumcisionis sed eius contemptum fuisse peccatum, cum ait: *Præputiatus mas, qui non circumciderit carnem præputii sui, utique, excindetur homo ille e populis suis, quia irritum fecit fœdus meum*: irritum verò Dei fœdus facere, nemo dici potest, nisi qui circumcisionem sponte neglexit aut contempsit, quorum vtrumque in adultostantum cadere potest. Si ergo in veteri Testamento seruari homines potuerunt sine Sacramentis, cur non etiam in nouo possunt? num durius nobiscum agit Deus, quam cum illis egit? Dicunt illi, nostra Sacramenta esse preciosa Sacramentis veteris Testamenti; esto, sint; de quo tamen postea erit differendum: sed num dicemus magis lubricum esse statum hominum in nouo Testamento, quam olim in veteri fuit? cum non perierint olim omnes, qui sine circumcisione mortui sunt, num periisse nunc omnes dicemus, qui sine Baptismo hinc migrauerint? nil certe dici absurdius potest. Et cum pueri & alii olim sine Sacramentis seruari potuerint, hoc arguit salutem tum non alligatam esse Sacramentis: at si Deus potuit & voluit etiam tum sine Sacramentis seruare, cur non & nunc etiam? hoc certè est, facere Deum in nouo Testamento magis rigidum & seuerum, quam olim in veteri fuit, si eū gratiam suam nunc magis quam olim externis rebus alligasse statua-

mus. Quare falsum est, cum priuatione Sacramenti damnationem coniungi, cum eius qui priuatur culpa nulla fuerit.

Secundum nostrum argumentum sumitur ex verbis Apostoli Pauli, *Alioqui liberi vestri impuri essent; nunc autem sancti sunt*. Quibus verbis Apostolus affirmat, liberos etiam ex impari coniugio, fidelis scilicet cum infideli, natos, sanctos esse. Quomodo sancti? num omnes sancti? non omnes quidem; sed nostrum non est segregare. Omnes includantur in fœdere, *Ero Deus tuus, & seminis tui*, & ratione huius fœderis omnes sancti sint. Etiam si alter tantum parens fidelis fuerit, tamen omnes ex eo coniugio nati in fœdere sunt: salus autem ex fœdere pendet, & propter hoc fœdus, & hanc ex fœdere sanctitatem, ad Baptismum admittuntur. Alias si faceret sanctos Baptismus, cur non infidelium liberi ad Baptismum adducuntur, ut huius sanctitatis participes fierent? quod ne ipsi quidem Papistæ (opinor) concesserint. Caietan. *in locum.* ait, Paulum loqui de legali mundicie; quod valde absurdum est, cum scribat Paulus ad Corinthios, qui legalem immundiciem ignorabāt. Catharinus præuiam quandā sanctitatem intelligi vult, qualis fuit candidatorum: at Apostolus sanctos pronunciat, quemadmodum solet, quando de fidelibus loquitur. Putide inepti sunt, qui in locum tam apertum impingunt. Si liberi ex altero fidei parente nati, sancti sunt ratione fœderis, etiam ante Baptismum, tum sine Baptismo seru-



uari possunt: nam qui sancti sunt, perire non possunt. Sed de hoc loco postea fusius erit dicendum.

Tertium nostrum argumentum sic se habet; Si Christi gratia apprehendi & applicari potest, sine Sacramentis, tum homines sine Sacramentis seruari possunt: at verum primum: ergo & secundum. Consequentia ratio in maiore propositione hæc est, quod in applicatione & apprehensione beneficiorum Christi salus æterna consistat; atque ideo ipsi Pontificii volunt, Sacramenta esse necessaria propter istam applicationem. Assumptio manifestæ est: Scripturæ enim docet, Christum cum omnibus eius beneficiis applicari nobis in Evangelii prædicatione extra & ante Sacramenta, & sic sine Sacramentis per solam fidem, quando scilicet promissiones Christi fide amplectimur. Aduersarii hoc negant, sed ego sic probō: Fide reconciliamur Deo, & iustificamur: fide corda purgantur: non ergo in Sacramento, sed in fide est purgatio; Sacramentum accedit, ut huius purgationis sigillum: per fidem Christus in cordibus nostris habitat: sic fides facit, ut Christus totus noster sit: ergo fide applicatur nobis Christus cum omnibus suis meritis; habitatio enim Christi in nobis est applicatio Christi. Quare quod Augustinus olim de Eucharistia dixit, *Crede & manducasti*; ita nobis licet de Baptismo dicere, *Crede, & baptizatus es*. Quorsum igitur Baptismus? inquit aliquis: quorsum tum (inquam ego) Eucharistia? non sequitur ex eo, vel Ba-

Rom. 1.  
16. & 5. 1.  
Ad. 15. 9.

pismus esse non omnino necessarium, vel Eucharistiam esse prorsus superuacaneam, quia hæc fides utroque Sacramento alitur, augetur, confirmatur. Eadem quidem gratia in verbo offertur, quæ in Sacramentis, nisi peculiaris aliqua gratia sit in Sacramentis, quæ non est in Evangelii prædicatione; si verò aliqua alia sit, dicant Aduersarii, quæ illa sit. Certè omnia illa bona, quæ in verbo offeruntur, ut remissio peccatorum, & reconciliatio cum Deo, & quæ sunt huiusmodi apprehendi possunt per solam fidem, antequam ullum omnino Sacramentum accedat: ergo Sacramenta instituta sunt, non ut nouam aut aliam aliquam gratiam afferant, sed ut eam, quam habemus, nutrant & obfirmant. Sic igitur argumentum instituo, Si Sacramenta non applicant aliam gratiam, quam quæ in solo verbo offertur & applicatur cuius fidei, tum sine Sacramentis fideles seruari possunt: at verum primum: ergo & secundum. Hoc argumentum est ἀδιάλυτον, indissolubile; aut afferant Aduersarii, si possunt, ullam Sacramentalem gratiam, quæ non conceditur credentibus sine Sacramento. Quare dicere non posse, homines sine Sacramentis seruari, est non modò salutem & gratiam ad elementa alligare, sed & fidei vim eneruare, & ipsum Evangelium contumelia afficere, quod omnes promissiones gratiæ credentibus offert.

Quantum nostrum argumentum Rom. 4. 11. ab exemplo Abraham sumitur in hoc loco quem tractamus. Abrahamus

Alc

fide iustificatus est, ut in hoc capite habetur, & ex hac iustificatione beatus dicitur, etiam antequam aut circumcissus est, aut aliud ullum Sacramentum accepit: quorsum ergo est circumcisus? nimirum ut circumcisio illi esset signum & sigillum iustitiæ illius, quam antea per fidem adeptus fuerat, non ut illi iustificationem aut nouam gratiam conferret: in beatitudinis ergo statu aliquis esse potest etiam sine Sacramentis. Idem plane de Baptismo nostro dici potest, ut postea patebit; ea tamen vis & gratia Sacramentorum veteris Testamenti fuit, quæ nostrorum est, ut postea docebimus.

Quid & postremo nonnulla antiquitatis testimonia adducemus. Fuit olim in more positum veteri Ecclesiæ, ut cum aliqui ex Gentibus ad fidem accederent & Christo nomina dare vellent, non ante baptizarentur, quam ad tempus aliquod catechumeni fuissent, & ad maturiorem aliquam religionis & doctrinæ Christianæ cognitionem peruenissent. Si verò in morbum aliquem lathalem incidissent interitum, antequam plane instituti fuissent in doctrina Christiana, non baptizabantur in morbo, sed eis manus tantum impositæ sunt. Hoc manifestum est ex Concilio Elibertino, & ex Concilio Arelatensi primo: utrumque enim Concilium cavet, ne baptizarentur catechumeni ex Gentibus conuersi etiam infirmitate aliqua laborantes, sed permittit tantum, ut manus iis imponerentur. At hoc crudele decre-

Concil.  
Elibert.  
an. 39.  
Concil.  
Arelat. 1.  
an. 6.

tum fuisse, si Baptismus esset ad salutem necessarius, & si omnes non baptizati damnentur. Certè non denegassent hæc Concilia eis Baptismum, si hoc illis fraudi fore existimassent. Quare manifestum est, hæc Concilia non suspendisse salutem ex Baptismo. Gracianus ait, ex Cypriano, passionem aliquando implere vicem Baptismi, exemplo latronis in cruce. Sed Augustinus subiungit apud eundem, se inuenire, non modò passionem pro nomine Christi (neque enim latro, inquit, pro nomine Christi crucifixus est, sed pro meritis facinorum suorum) sed & fidem per se sufficere: De hoc vide Augustinum ipsum. cum Baptismus ex voluntate de fuerit, reatu hominem inuoluit, inquit idem Augustinus alibi: ergo nil damni accedit ex priuatione Baptismi, nisi nos in causa fuerimus: at paruuli hanc culpam præstare non possunt. Idem adhuc Augustinus alibi ait, inuisibilem sanctificationem quibusdam adfuisse & profuisse sine visibilibus Sacramentis, sed visibilem sanctificationem, quæ per sacramenta fit, posse adesse sine inuisibili, sed non prodesse. Vocat Sacramentorum sanctificationem visibilem, & ab ea distinguit inuisibilem, quam & sine ea esse & prodesse posse ait. Ambrosius ait, Catechumenis sine Baptismate & martyrio migrantibus patere adiuturum perpetuæ beatitudinis: & Valentiniani sorores consolatur de morte eius ante baptismum: ait eum habuisse voluntatem Baptismi accipiendi, & ablutum fuisse sua pietate

Gracian.  
de conse-  
crat. d. 4.  
c. Baptis-  
mi vicem.

Augustin.  
lib. 4. c.  
22. cont.  
Donat. c. 25.  
Idem su-  
per Leuit.  
9. 4.

Ambros.  
in funere  
Valentin.

rate ac voluntate. Si Baptismus simpliciter necessarius esset, num sufficeret velle baptizari, præsertim cum toties potuerit? ergo satis apertum est, Ambrosium existimasse, salutem nullo modo ex Baptismo pendere. Et quid de latrone dicemus? ille certe nec voluit baptizari, nec de eo cogitavit; neque enim de Baptismo nec de Eucharistia audiuit unquam, aut de alio ullo Sacramento, sed quia credidit in Christum, hæc illum sola fides servauit. Ergo Scholastici triplicem dicunt Baptismum esse, fluminis, flaminis, & sanguinis: at nec martirium est propriè Baptismus, nec flamen, sed

illi commenti sunt diuersas species Baptismi, cum reuera improprie hæc Baptismus sint. Sed si vera hæc illorum distinctio sit, tum qui flamine baptizatur, id est, Spiritu sancto, is seruari potest, etiam sine aqua Baptismo. Et hoc est, quod vulgò ex Lombardo citari solet, *Gratiam non esse alligatam Sacramento*: nam is vere & sine Baptismo & sine aliis Sacramentis posse hominem seruari statuit. Sic Thomas ait, *Deum virtutem suam non alligasse Sacramento is*. Sed nos plura postea hac de re dicemus, si Bellarminus plura attulerit.

*Finis secunda Questionis.*

### Quæstio III.

#### De Ministro Sacramentorum

Sitne intentio Ministri necessaria ad Sacramentorum perfectionem.

#### C A P V T I.

*In quo agitur de administratione Sacramentorum per Laicos, aut homines improbos, & de statu Questionis, quod attinet ad Ministri intentionem.*



ERTIA Quæstio esset Quis sit Minister legitimus Sacramentorum, quam nos Quæstionē paucis tractabimus, quia fatetur Bellarminus, nullam sibi hoc loco esse cum Caluino contro-

uersiam: nam quod Calvinus nec laicos, nec mulieres posse in necessitatis articulo baptizare affirmat, id in disputatione de Baptismo se velle refutare ait. Quare nunc totus in Lutherum fertur, quem ait docere, omnes homines habere potestatem Sacramenta omnia conferendi. Lutherus quidem ait, Christianos

ianos omnes esse sacerdotes, & nullum esse peculiare sacerdotium in Ecclesia, non tamen voluit quēuis temere & confusè arrogare sibi aut verbum prædicandi aut administrandi Sacramenta, sed eum solum hæc facere debere, qui ad hanc functionem legitimè vocatur: non requiri ordines Papisticos, ut quis Euangelii Minister fiat, aut creationem cum ritibus & ceremoniis, cuiusmodi Pontificii videntur in suis creandis sacrificiis, sed sufficere, ut post examinationem admittatur, & officio suo fungatur. At hæc etiam Caluini sententia est, cum quo tamen nihil sibi hic negotii esse affirmat Bellarminus: nam Calvinus omnes Christianos esse sacerdotes ait, ut Lutherus, & ad Ministrum Euangelii constituendum nihil requiri, nisi ut probeatur prius, & tum ordinetur, id est, cum precibus in muneris sui functionem mittatur. Frustra igitur hic litigat Bellarminus, & Antabatarum more umbram suam diuerberat; nos enim non omnibus permittimus aut verbum prædicare, aut Sacramenta administrare, sed iis solis, qui legitimè vocantur, quod non modo de Eucharistia, sed & de Baptismo intelligi volumus, ut postea patebit. Ergo hoc totum ad alium locum referemus.

Quod autem nonnulli existimant, fructum Sacramenti ex personæ administrantis dignitate, fide, & probitate pendere; nos in errore non versamur. Verus hæc hæresis fuit Donatistarum, & quorundam Anadapristarum & fanatico-

rum nostro seculo, qui prædicationem & ministerium respuunt eorum, quorum mores non probant. Negari certe non potest, probitatem in Ministris vel maximè requiri, si in ullo homine requiratur; sed tamen non facit hypocrisis aut improbitas Ministri, ut aut verbum aut sacramenta sint inefficacia, quasi vis verbi & Sacramentorum ex Ministri dignitate sit metienda. Sunt enim Sacramenta æstimanda non ex eius manu, qui administrat, sed Dei, qui instituit: Deus enim est, qui Spiritu sancto baptizat; homines non nisi ministri huius actionis sunt. Iudæis non obfuit, quod ab impuris sacerdotibus aut apostatis circumciderentur; imò qui à Samaritanis circumcisi sunt, admittebantur sine noua circumcisione, ut docet Augustinus. Iudas non minùs, quam alii Apostoli, minister verbi fuit, qui tamen erat apostata & diabolus. Multi mali Ministri Ecclesiæ utiles fuerunt: multi impii dicent Christo in die iudicii, Domine, Domine, nonne in nomine tuo prophetauimus, & in nomine tuo demonia eiecimus, & in nomine tuo multas virtutes edidimus? quibus Christus respondebit, Nunquam noui vos; discedite à me, qui facitis iniquitatem. De scribis & Phariseis Christus ait, Omnia quæ dixerim vobis, ut seruetis, seruate & facite: de quo loco Augustinus sæpe scribit egregie. Contendo corpus meum (inquit Apostolus Paulus) & in seruitutem redigo, ne quo modo cum aliis prædicari, ipse reprobis fam. Et idem Apostolus se gaudere ait, si quovis modo

*August. lib. 1. c. 31. cont. Crescent.*

*Matth. 7. 12.*

*Matth. 23.*

*1. Cor. 9.*

*27.*

*Philip. 1.*

*18.*



modo Christus predicetur, siue per inuidiam & contentionem, siue ex charitate: quod Apostolus minime diceret, si inutilis impiorum prædicatione esset. Ergo alibi idem ait, *nec, is*

*1. Cor. 3. 7. qui plantat est aliquid, n. q. qui rigat. sed*

*Deus qui dat incrementum: tota ergo ministerii vis à Deo est. Si aqua salubris sit, non refert qualis is sit qui rigat, nec utrum per lapideum, aut plumbeum, aut argenteum canalem transeat: si bonum semen sit, licet manus seminantis impura & fordida fuerit, non multum laboramus: si donum preciosum tibi oblatum fuerit, non respices propter nuncium à quo offertur, aut propter vas in quo continetur. Quid te*

*August. tract. 5. in Euang. Ioan.*

*Idem l. 3. cont.*

*Donat.*

*Ambros. de iniqui*

*init. myst.*

*Nazian.*

*etis τὸ αὐτ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*εὐαγγ.*

*impedit malitiosus praco, ubi benivolus est index? inquit Augustinus. Et idem alibi, Lumen Solis non inquinatur, si trās- eat per lutum vel loca caeca. Sic Ambrosius, Non merita personarum consideres, sed officia sacerdotum. Sic Nazianzenus, μή ζητεῖς ἀξιολύτων τῶν καὶ ἐὺδοκῶν καὶ μὴ δὲ τῶν βαπτιστῶν, Noli sollicitè inquirere in dignitatem eius qui predicat aut qui baptizat: & hoc exemplo illustrat, Sint, inquit, duo an-*

*εὐαγγ.* nuli Regis, alter ex ferro, ex auro alter, & idem sit utriusque ἐν σφραγίδι, id est, effigies seu character; etsi est differentia, inquit, ἐν ὕλῃ, id est, in materia, at non in effigie. Similiter qui morbo lathali laborat, medicum bonum non recusabit, etsi hominem malum. Et idem addit ibidem, μή κρινεῖς τὸς καλὸς ὁ χεῖρ- ζων τῆς ἰατρείας, Noli iudicare in aces, qui medicinā indiges. Rectè Hugo de Sancto Victore, Quod bonum accipit, quare bonum non iudicetur, etiam si à bo-

no non acceperit. Quare Sacramenta bona sunt, etsi qui dedit, non sit bonus. Sed Bellarminus fatetur nullam sibi nobiscum hac de re controuersiam esse: quare nos hanc Questionem missam faciemus.

Sed de eo quod sequitur, magna inter nos controuersia est, nempe utrum in Ministro Sacramenti intentio necessaria sit. Esse necessariam Papistæ omnes vno ore affirmant. Sic Concilium Tridentinū,

sic Lombardus, Scotus, alique Scholastici. Et Bellarminus in hac defensione multus est. Quid autem illi per intentionem intelligunt? & quamnam, quæso, est ista intentio?

nimirum non fieri Sacramentum, nisi Minister intendat: quid hoc? nisi animum conficiendi & conferendi Sacramentum habeat: at, quid

illud tale cogitet? quid si animum sit in patinis? num erit inutile toti Ecclesiæ Sacramentum? Bellar-

minus ex magistrorum suorum placitis requiri intentionem affirmat. Sed illi hinc distinguunt de intentione: dicunt enim non necesse esse,

ut habeat Sacerdos particularem intentionem Baptismi conferendi aut absolutionis, sed sufficere generalem intentionem faciendi, quod

Ecclesia facit; ut si quis Sacerdos accedat ad baptizandum, aut ad Eucharistiam celebrandam, qui

nesciat quæ res agatur, aut quid sibi velint Baptismus & Eucharistia,

tamen si habeat intentionem faciendi, quod facit Ecclesia, satis est; adeo ut si ille Sacerdos ignarus plane sit, tamen si faciat quod liber

prescribit, & intentionem habeat faci-

endi, quod facit Ecclesia, satis est; adeo ut si ille Sacerdos ignarus plane sit, tamen si faciat quod liber prescribit, & intentionem habeat faci-

*Concil. Trident. sess. 7. c. 11.*

faciendi, quod Ecclesia facit, & facere iubet, Sacramentum verum sit, quod ab illo administratur. Quod verò de Ecclesia aiunt, hoc non necessario de Romana Ecclesia intelligendum est, quasi opus sit intendere tantum quod facit Romana Ecclesia: ait enim Bellarminus sufficere, si quis intendat facere, etiam quod facit Ecclesia Geneuensis, si modò Geneuensem Ecclesiam putat esse veram Ecclesiam. Sed qualis tandem est hæc intentio, quam requirunt? num actualis? non necessario, inquit, requiritur; ut actu quis semper intendat, quia non est in nostra potestate, quin distrahatur aliquando nostra cogitatio, etiam dum res sanctissimas agimus: num habitualis ergo intentio sufficit? Bellarminus ait non sufficere, quia tum baptizatus diceretur, si quis à dormiente vel ebrio baptizaretur; & tamen Thomas ait, habitualem intentionem in precibus sufficere, id est, qualis in dormiente aut ebrio esse potest. Quid? num ergo plures adhuc intentiones sunt? est certè adhuc alia, nempe virtualis; & qualis tandem illa est? cum scilicet actualis intentio in presenti non adest propter euagationem aliquam mentis, tamè paulò ante adfuit, & in illius virtute sit operatio; & hanc ait omnium consensu requiri, si actualis non adsit; & sufficere. Est verò exempli gratiā intentio virtualis, ut si quis habeat in animo adire Compostellam, & ibi Diuum Iacobum adorare, atq; interim emateam, quæ ad iter necessaria sunt, & inter emendum de

Diuo Iacobo nihil cogitet, si Sacerdos mane intendat illo die missam celebrare & consecrare, mox alia cogitans tamen ad celebrationem accedat, & tum nihil de Missa sua, sed de aliis rebus cogitet, hanc esse virtualem intentionem dicunt, & sufficere aiunt. Sed quid si intenderit Sacerdos non nisi per mensem aut annum antea? ait Bellarminus, si paulò ante adfuit intentio, sufficere, sed non docuit quàm diu antea adfuisse sufficiat. Quis non hanc Sophistarum nequitiam & istiusmodi insomnia detestetur? primò simulant se intentionem quasi serio requirere, deinde talis intentionis mentionem faciunt, quæ intentionis nomen plane non meretur. Nam qui res alias animo roto agit, quomodo is dici potest intendere id, de quo non cogitat? intentio vocatur, quia animus in id, quod agitur intentus est: si ergo animus aduersus fuerit, non recte dicitur intentio: dicere verò aliquem intendere aliquid nunc, quia paulò ante intendebat, aut intendere præ se ferebat, Sophisticum est. Nos hoc Papisticum & Sophisticum dogma respuimus. Requiritur intentionem, quis negat? cum enim totus populus in sacra intentus esse debeat, tum certè Minister vel maxime debet, Hoc agere, quod olim de sacris Gentium & Paganorum dici solebat; atq; ideo etiam in Ecclesia Christianorum clamare olim Diaconus solitus est, ἀνω τὰς καρδίας, Sursum corda: si verò ludit Minister, dum res sacras tractat, aut aliis se cogitationibus occupat, magni

F certe



certè sacrilegi reus est: interim tamen non desinit esse Sacramentum, quod administrat, si ordinem à Christo institutum seruet: & pii non minorem fructum ex hoc Sacramento percipiunt, quàm si Minister intentissime celebrasset. Non enim Sacramentum ex voluntate hominis, sed ex Dei manu & mandato & promisso pendet. Ita nos requiri vel maxime Ministri intentionem fatemur, & grauissime peccare illos Ministros. affirmamus, qui aliud intendunt; non tamen ita requiri volumus, ut non sit Sacramentum, si desit: & cum Caluino dicimus, si Epicurus quispiam intus totam actionem subsannans, nobis cœnam iuxta Christi mandatum, rituque legitimo administraret, non dubitemus panem & calicem illius manu portectâ, vera nobis esse corporis & sanguinis Christi pignora; imò cum Luthero affirmare non veremur, dæmon in specie hominis baptizaret aliquem iuxta institutionem Christi, non tamen faceret, quin verum Sacramentum esset. Denique vno verbo, illi Sacramentum ex Ministri celebrantis & administrantis intentione pendere dicunt; nos contra, quicquid Minister intenderit, si Christi mandatum & institutionem obseruauerit, verum ab illo Sacramentum celebrari, & administrari dicimus.

\* \* \*

## CAPVT II.

## In quo Aduersariorum argumenta diluuntur.

Nunc pauca & illa quidem ridicula Bellarmini argumenta diluamus. Primum eius argumentum est huiusmodi: Illa verba, *Ego te baptizo*, possunt habere varias significationes: nam baptizare, est tingere aquis; tingit autem aquis, qui lauat sordes corporis, qui refrigerat, qui lauando in edetur: opus ergo est determinatione horum verborum: at nihil fingi potest, quod determinetur hæc indifferentia formæ nisi intentio Ministri. *Respondeo*: 1. fidem & intentionem eorum, qui baptizantur, facere ut hic Baptismus sit Sacramentum, non aliam rem aliquam, quantumuis Minister intendat medici aut balnearioris munere fungi, dum baptizant: non ergo opus est alia verborum determinatione, quàm intentione suscipientium Sacramentum. Atque ipsi etiam Papistæ tale aliquid affirmant: nam & illi dicunt, si quis ad Paganum accederet, & ab illo peteret, ut ipsum baptizaret, & is voto eius satisfaceret, licet Paganus ipse de Baptismo nihil cogitet, Baptismum tamen hunc verum Baptismum esse. Sed obicit Bellarminus, infantes nihil posse intendere. *Respondeo*: at si non ipsi possunt aliquid intendere, possunt tamen eorum parentes, aut propinqui, aut amici, aut saltē Ecclesia: non enim fieri potest, ut Ecclesia tota contra-

rium

## Prælectiones de Sacramentis.

rium intendat. At 2. *Respondeo*, etiam si in horum nullo esset intentio baptizandi, tamen intentio est in ipso Christo, qui instituit Baptismum: ille semper intendit esse Sacramentum, & eius intentio non potest mutari; imò hoc erit Sacramentum ex intentione Christi instituentis, licet Minister contrarium intendat. Sed obicit Bellarminus, tum quare non esset verum Sacramentum si verba à pſittaco proferrentur. Impurum os! Sed *respondeo*: quia pſittacus non potest esse Minister Sacramentorum, nisi fortè Aduersarii nostri etiā pſittacis potestatem concionandi & baptizandi concedant; nec est Dei verbum, quod pſittacus pronunciat, quia non loquitur, sed garrit & perstre-pit: imitatur quidem vocem hominis, non tamen loquitur; imò non est verbum, quod ab illo pronunciat, nedum verbum Dei: nam λόγος & sermo est τὸ λογικόν tantum, id est, creaturæ rationalis; pſittacus verò non est λογικός. At si Minister, homo cum sit, licet improbus & nequam, verba pronunciet, est Sacramentum: potest enim homo nequam esse Sacramentorum Minister, & eius ministerium efficax esse potest, ut in verbo, sic & in Sacramentis. Sacramenta enim pendent à Christo & eius instituto, licet agat & intendat Minister, quid velit, modò ordinem à Christo institutum obseruet. Hoc ei est capitale, quod non intendat; non impedit tamen fructum Baptismi. Nostram responsionem non alio potest argumento refellere Bellarminus,

nisi hoc à pſittaco sumpto. Certè si loqui pſittacus posset, non posset absurdius respondere.

*Secundum* Bellarmini argumentum hæc tadem redit: Ministri sunt ut præfides & iudices sub Rege: præfides verò & iudices sub Rege, sunt Regis instrumenta quoad prudentiam & voluntatem; ergo in talibus voluntas & intentio requiritur; & Ministri sunt talia instrumenta, iuxta illud Christi in Euangelio: *Quis est fidelis seruus & prudens, quem constituit Dominus super familiam suam?* 24. 45. *Respondeo*: Ministros quidem aliquo modo esse similes iudicibus & præfidentibus, & aliquo etiam modo dissimiles. Similes sunt, quia Ecclesiæ & populis præfunt sub Domino Christo: at gubernationis ratio diuersa & modus dissimilis est. Rex enim, quia homo est, non potest ubiq; esse, & omnes causas iudicare: cogitur ergo præfidentibus uti & in iudicibus, iisq; populos gubernandi & ius dicendi potestatem concedere. At Christus ubique præfens est etiam in cuiusq; ministerio, ergo si ordo ab illo institutus seruetur, ministerium eius efficax est in quouis vel impurissimo Ministro. Christus enim est qui docet & qui baptizat, Minister non nisi os & manus Christi est. Deinde iudex est quasi alter Rex: Minister non sic, sed est instrumentum tantum Christi quoad externam actionem, interna verò, efficacia tota fuit non ab instrumento, sed à Christo principali motore & summâ causâ, at in ciuilibus actionibus nulla eiusmodi interna efficacia est. Hinc fit, ut quemadmo-



dum si Minister verè prædicet, licet malam intentionem habeat, & si legat Scripturas verè, etsi iis nō credat, eius tamen prædicatio & lectio efficax esse potest; sic si Sacramenta celebret etsi ioco, vera tamen Sacramenta erunt. Præterea quæ iudex facit, licet iniuste, rata sunt, vt si iniustam sententiam pronunciauerit, si innocentem damnauerit, si nocentem absoluerit: at non ita se res habet in Ecclesiastico ministerio; nam si Minister iniuste excommunicauerit aliquem, irrita est hæc excommunicatio apud Deum. Ita multiplex est inter iudices politicos & Euangelii Ministros dissimilitudo. Neque certè in hac re conueniunt, in qua comparantur: nam fateatur Bellarminus, eum esse exterius, absolutum, quem iudex absoluit etiam sine intentione: ergo si sibi constare velit, & suam comparationem approbare, fateatur etiā oportet, eum absolutum esse saltem exterius quem sacerdos etiam sine intentione absoluit. Et ne Rex quidem ipse interius quenquam potest absolvere; at Christus interius & absoluit & baptizat: quare nec Rex Christo hac in re similis, nec iudices politici Ecclesiæ Ministris.

*Tertium* Bellarmini argumentum sic se habet, Verba Sacramentorum sunt practica: ergo requirunt voluntatem, ac proinde intentionem. Si Rex sine intentione, vt somnando, iubeat hominem accidi, imperium eius non solet mandari executioni, quia non constat, an velit, licet possit, Rex illud iubere. *Respondeo*: Sacramentorum quidem

verba practica esse; sed ea Christi sunt, non Ministri. Nam quando Minister ait, *Ego baptizo te*, non sunt hæc verba practica, quia ab homine proferuntur, sed propter Christi mandatum; & sic cum ait, *Hoc est corpus meum*, non sua sed Christi verba loquitur, & hæc etiam verba nō habent *περὶ* aut efficaciam aliquam, nisi propter mandatum & institutionem Christi: Christus verò nunquam carer intentione, nunquam somniat, aut aliud loquitur, aliud sentit. Quare quicquid intendat Minister, est Sacramentum propter Christi auctoritatem. Habent igitur verba Sacramentalia virtutē, quando mouentur à Deo, vt instrumenta; cuius verba sunt, non Ministri. Sed Bellarminus ait nō moueri à Deo, vt instrumenta nisi quando pronunciantur ab eo, cui ipse commisit. *Respon.* hoc verū esse. Pronuncianda quidem sunt ab eo, cui Deus commisit, alioqui non sunt instrumenta: sed pronunciarī nō possunt, etsi sine intentione. Hoc quod ait, pronunciarī debere ab eo, cui Deus commisit, non probat necessariō cum intentione pronuncianda esse, alioqui vim aliquam aut efficaciam non habitura. Ita Bellarminus hīc, dum de intentione loquitur, aliud intendit, aliud concludit: hoc enim solum concludit, Sacramenta non nisi à Ministris administrari debere; non probat cum intentione verba necessariō pronuncianda esse, quod sibi initio probandum proposuit.

*Quartum* & postremum Bellarmini argumentum sumitur ex absurdis,

surdis, quæ alioqui sequerentur, si intentio non requiratur. *Primum* absurdum hoc est, Si parens in balneo filium immergeret, & super eum verba Baptismi pronunciat, etiam nihil de Baptismo cogitans, esset hic Baptismus, si baptizandi intentio non sit necessaria. *Respondeo*: Non esset: nam parens non est Minister, & dixit antea Bellarminus, verba Sacramentorum nō esse instrumenta Dei, nisi ab eo pronuncientur, cui Deus commisit, id est, à Ministro. Sed quid si Sacerdos etiam in balneo, & quidem cum intentione puerum sic baptizaret? nō dubito quin Bellarminus Baptismum esse nō statueret: ego verò non ausim dicere; non enim seruatur Christi ordo, si id temere fiat, nemine præse, cum & alibi idem fieri posset. Et si absurdum sit, vt parens sic baptizaret, non minùs absurdum est, vt Minister sic baptizaret. Quid enim si quis puerum in flumen proliceret aut puteum, & verba Baptismi pronunciat? nam & hoc ab illis quæri solet, & fore Baptismū statuunt, nisi quia baptizans non tangit corpus baptizati. At hoc non est necesse, vt manus baptizantis tangat baptizatum; si aquam ei aspergat, sufficiet. *Secundum* absurdum est, Si Minister in mensa legeret Euangelium, & inter legendum pronunciat illa verba, *Hoc est corpus meū*, iam totus panis & totum vinum illius mensæ esset consecratum, si non requiritur intentio. *Respondeo*: Et quid si Minister aliquis ad huiusmodi lectionem accederet, cum intentione consecrandi

omnem panem, cum illa verba legeret? an ideo omnis panis in illa mensa esset consecratus? aut esset certè, aut nullum est hoc argumentum. At hoc, opinor, non audent dicere, tum enim non tutum esset Sacerdotem in mensa legere. At Sacramentum non penderet ex nuda lectione & recitatione verborum, nisi cum solenni ritu & ceremonia recitentur, & vsus ac finis Sacramenti explicetur ex Christi institutione: nam verba Sacramentorum recitari possunt sine administratione, vt verba precum sine precatione. *Tertium* absurdum est huiusmodi, Si quis ancillam conducens diceret, Accipio te in meam, nec exprimeret ancillam, & illa vicissim diceret, Accipio te in meum, non exprimens hetum, sed intelligens tantum, essent hi duo coniugati, si intentio non requiratur. *Respondeo*: 1. Si intenderet vterq; coniugium, non sequeretur tamen esse coniugatos: quid enim si vir aliam antea uxorem haberet? 2. Dico hoc esse civile pactum, non sacrum; inter homines tantum, non inter Deum & homines, vt in Sacramentis: in humanis verò pactis homines intentionem habere debent.

### C A P V T III.

*In quo nostra argumenta proponuntur & defenduntur.*

**N**VNC nos contra necessitatem intentionis argumenta quædam afferemus. *Primum* verò nostrum argumentum hoc erit: Sacra-



menta non pendent ex Ministri dignitate, sed ex Dei ordinatione: non igitur ex Ministri intentione. Ratio enim nulla afferri potest, cur magis ab intentione Ministri penderet, quam ab eius probitate, quia si vis Sacramentorum à Deo penderet, non minus erit Sacramentum, si Minister non intenderit, quam si nequam & improbus fuerit. Cur enim Ministri intentio magis impediret Dei voluntatem, qui Sacramenta instituit, quam eius improbitas & nequitia Dei benignitatem? non impedire ministri improbitatem fatentur Aduersarii, quo minus sit Sacramentum: quid est ergo cur verentur idem de Ministri intentione statuere?

Secundum nostrum argumentum sic se habet. Verbum Dei quacumque intentione dicatur, excitat fidem in audiente, ergo verbum Sacramentale efficax est, quacumque intentione proferatur. Bellarminus ait, hoc argumentum recte probare apud eos, qui sentiunt cum Lutero Sacramenta tantum instituta esse ad excitandam fidem, at apud ipsos nihil concludere. *Respondeo*: Valere ergo Sacramenta & instituta esse ad excitandam fidem, negare non audient Aduersarii, sed non ad hoc tantum. Canisius diserte ait excitare fidem, quando incurrunt in sensus externos, & esse viuifica instrumenta, per quae Deus nostram salutem operatur. Agnoscimus. Ergo quatenus Sacramenta excitant fidem, non requiri intentionem concedit Bellarminus, vtrum verò fidem infundant iis, qui nullam fi-

Canisius in  
Catechismo  
de Sacra-  
mentis in genere  
§. 6.

dem habent, postea videbimus. Nos verò dicimus, Sacramenta non habere alium finem, quam ipsum verbum habet, si ergo verbum Dei, quacumque intentione praedicetur, efficax sit, cur non & Sacramenta similiter efficacia sint, quacumque Ministri intentio fuerit? nisi rationem aliquam afferant, cur Ministri magis interio in Sacramentis, quam in verbo requiratur; quod facere non possunt. Per verbum verò Deus non modò excitat fidem, sed etiam generat, etiam si Minister nullum habeat propositum aut generandi aut excitandi fidem, at Sacramenta non generant fidem, sed alunt tantum & augent & confirmant fidem; & plus est generare quam alere, absurdum ergo est, non requiri in verbo intentionem, quod plus efficit, & tamen requiri in Sacramentis, quae minus efficiunt. Non possunt maius aliquid adscribere Sacramentis, quam ut gratiam afferat, & verbum quoque gratiam affert, quacumque intentione praedicetur. Sed Bellarminus ait, ad excitandam fidem non requiri ullam efficientiam, sed significationem sufficere. *Respondeo*: An id quod excitat fidem, non habet efficientiam? imò vero licet ipsa Scripturae verba millies recitentur, atque adeo intelligantur, tamen sine efficientia Spiritus sancti, nihil valebit sonus & strepitus verborum; alioqui omnes haberent fidem, qui scirent significationem verborum. Sed Dei Spiritus est, qui excitat fidem, qui potest esse efficax in verbo sine Ministri intentione; ergo & in Sacramentis. Inde fit, ut in iis etiam qui

qui fidem habent, ita sopita tamen iaceat aliquando haec illorum fides, quemadmodum videre est in Davide, ut nisi à Spiritu sancto excitata sentiri aut percipi non possit. Sed nonne requiritur efficientia ad fidem in cordibus nostris creandam? negari non potest: ergo si intentio requiritur in Sacramentis, quia requiritur ubi est efficientia, tum etiam in verbo non minus quam in Sacramentis. Sed eo tandem detruditur Bellarminus, ut dicat non esse eandem rationem verbi concionalis & Sacramentalis, quia verba concionum sunt speculatiua, at verba Sacramentalia sunt practica; haec ergo pendere ab intentione, illa verò non. *Respondeo*: Dei verbum non est speculatiuum, sed practicum; imò magis est practicum, quam Sacramenta: nam Evangelium dicitur δύναμις Θεού εἰς σωτηρίαν, potentia Dei ad salutem, teste Apostolo; & Propheta. Dauid ait, eloquia Dei restituere animam, afferre sapientiam, laetificare animum; illustrare oculos: ergo verbum Dei habet ἐνέργειαν, i. e. efficientiam. Et Apostolus ait, ζῶν ὁ λόγος τοῦ Θεοῦ, καὶ ἐνεργής καὶ τομώτερος ὑπὲρ πάντων μαχαιρῶν δίστομον, καὶ διχνομήτης ἀχρημερισμῶς ψυχῆς. π. καὶ πνέματι, ἀρμῶν τε καὶ μυελῶν, καὶ κρηπιδὲς ἐνθυμήσεων καὶ ἐννοιῶν καρδίας. Vivus est sermo Dei & efficax, & penetratior quouis gladio ancipiti: at pertingit usque ad divisionem animae simul ac spiritus compagumque, & medullarum, & diiudicat cogitationes & conceptiones cordis. Hic cinne sermo speculatiuus tantum est? Hoccine verbum in efficax? quae spe-

Rom. 1.  
16.  
Psalm. 119.  
8.9.

Heb. 4. 12.

culatiua tantum sunt, ea nullam in corde mutationem efficiunt: at cor mutatur verbo multò magis quam Sacramentis: ergo verbum est multò πλεονέκτερον Sacramentis; nullum Sacramentum magis est practicum, quam verbum. Sic tamen Aduersarii nostri statuunt de verbo, quasi nihil ageret, & nihil in se efficaciae haberet, sed tantum in speculatione consisteret, & significandi tantum vim haberet. At quamvis verum sit, verbum & Sacramenta simul plus efficere, quam vel verbum solum, vel Sacramenta sola; tamen verbum solum plus in se virium habet, quam Sacramenta sola. Tadem ad calumnias descendit, & primo ait, tum sola verba sufficerent sine aqua, vel alio elemento. *Respondeo*: aquam requiri propter Christi mandatum: & ut in verbo Deus efficax est sine intentione Ministri, sic & in aqua, quae minus requiritur, quam verbum. Sufficit quidem verbum per se, si aqua obtineri non potest, sed si aqua potest adhiberi, adhibenda est propter Christi mandatum. Secundo ait, tum Sacramenta conferri possent ab ebrio; imò etiam à pica. *Respondeo*: Iterum nobis suas picae & psittacos obrundit. Requirit ille intentionem in Sacramentis, quia alias possent conferri ab ebrio, aut pica; aut psittaco: sed si haec obiectio ullam in se vim haberet, tum concionale verbum esset efficax, quod pica aut psittacus pronunciarer, quia in eo aiunt non requiri intentionem. Num obsecro si haec aves haberent loquendi & concionandi facultatem, illarum verba essent: verba



verba Dei, aut efficacia ad salutem? num psittaci aut picæ verbum potest esse concionale? Quid ille nobis picas commemorat, cum constet hominū esse hoc ministerium non picarum? Nostum ergo argumentum adhuc firmum est, Deus in verbo efficax est sine intentione Ministri: ergo & in Sacramentis; Deus enim non magis alligatur ad hominis intentionem in Sacramentis, quā in verbo, & non minora bona in verbo quā in Sacramentis offert. Si in diplomate non necessaria intentio sit, tum nec in sigillo; imo in eo certē magis, quā in hoc requiritur.

*Tertium* nostrum argumentum sequitur, quod est huiusmodi: Legimus quosdam per iocum & ludum & inimice esse baptizatos, quorum tamen Baptismus creditur esse verus Baptismus. Sic Athanasius, cum esset puer, baptizavit alios pueros per ludum, & tamen illi pueros non erant denuo baptizati; imo Ecclesia illum Baptismum esse verum iudicavit; quā rectē non nunc dixerim: sed hinc apparet, Ecclesiam tum non sensisse, intentionem esse necessariam: nam Athanasius certē non intendebat verē baptizare, sed ludere tantum; tamen Alexander Episcopus Alexandrinus iudicavit hunc esse verum Baptismum; quā rectē, ipse viderit. Habetur hæc historia apud Sozomenum, atque etiam apud Nicephorum & Rufinum. Bellarminus ait, Athanasium intendisse verē baptizare, quod ille mihi nunquam persuaserit: nam Athanasius ludebat inter pueros, &

Sozom. l.  
2. c. 17.  
Niceph. l.  
8. c. 40.  
Ruffin. l.  
10. c. 14.

pueriliter imitabatur, quod vidit ab Episcopo in Ecclesia factitatum. Si verē baptizare intenderit, dignus certe multis plagis fuit: quis enim illi tum puero existenti auctoritatem baptizandi dedit, & quidem baptizandi ἀμύτης, id est, non iniuriatos, & rerum sacratum imperitos? cum olim non nisi plene in fide instituti baptizari solerent. Et forsitan etiam erant aliqui horum puorum, quos baptizavit Athanasius, antea baptizati: certe si fuissent, similiter illos baptizasset, ut alios. Verum obiicit Bellarminus, pueros seriō solere res ludicras facere, ut locum aliquem oppugnare, & Regem creare, & id quod agunt vere intendere. *Respondeo*: Pueri quidem seriō intendunt ludum, & sic Athanasius seriō baptizabat: sed Baptismum intendebat, ut ludum, non ut Baptismum. Puerilis hæc & ludicra actio fuit, & nil nisi ludum sibi propositum habuit. Nil vero aliud intendisse hos pueros nisi ludere, ex eo patet, quod vocati & examinati primo negabant factū, tandem confessi sunt, quid egerant: ergo nō intendebant seriō Baptismum. Episcopus vero cum intelligeret ταῖς ἐκκλησιαστικῶν, i. e. ordinem Ecclesiasticum esse seruatum, sensit nō esse re-baptizandos, qui sic baptizati sunt. Sed ille Episcopus non querebat, num intentionem haberet Athanasius baptizandi; quod tamen imprimis querendum fuit, si intentio tam necessaria sit, quā Aduersarii volunt; sed interrogavit tantum ποταποὶ λόγοι καὶ πράξεις, quibus ille verbis usus est, & quibus actionibus,

bus. Non afferimus hoc exemplum, ut probemus factum aut Athanasii aut Alexandri: nam primō Athanasius negabat factum; secundō nō habebat auctoritatē; tertio erat puer. Quod verō Alexander Episcopus putavit, illos tum fuisse baptizatos, in eo requiro iudicium eius. Sed inquirebat ille de ordine tantum actionis, ut diximus, non de intentione aut auctoritate Athanasii.

*Quartō* sic ratiocinamur, Intentio est arcana & ignota aliis: hinc sequitur incertum semper fore, an Sacramentum quis accepisset, & sic homo semper de salute dubitaret, cum quædam Sacramenta, ut Aduersarii statuunt, sint simpliciter ad salutem necessaria. Intentione nihil incertius est: ergo si ab intentione Ministri penderet efficacia Sacramenti, periret certitudo, quam homo debet habere de effectu Sacramenti, & consolatio spiritualis, quia nemo potest certus esse de intentione alterius. Est hæc obiectio Thomæ. Respondet vero Thomas 64. art. 8. primō, suppleri defectum intentionis in pueris per Christum, in adultis per eorum fidem & intentionē. Sed videtur non probare hanc responsionem, quia character non potest suppleri per deuotionem accedentis. Et Alanus ait nullo modo probandam esse hanc responsionē, quia si dixerimus Christum suppleri defectus, tum si vel materia, vel forma, vel Minister defuerit, potest Christus supplere; quod necessitati huius Sacramēti repugnat. Et Molanus ait, non esse pium credere, suppleri à Christo, si desit in-

tentio baptizantis. *Secundō* Thomas respondet, Ministrum exprimere intentionem Ecclesiæ, etsi nullam suam habeat, & hoc sufficere, quod est apertē contra Bellarminum, Alanum, & alios Papistas, qui in Ministro intentionem requirūt; Thomas vero ait, intentionem Ecclesiæ sufficere. Et quanquam Caietanus & Dominicus à Soto conantur excusare Thomam, tamen Alanus non posse excusari ait, & esse hanc eius opinionem; etsi contrā Bellarmino videtur, qui futiliter exponit verba Thomæ, ut postea patebit. Sed Adrianus Papa ascribit Thomæ hanc opinionem, ut non requiri mentalem intentionem exultinet, sed sufficere Ecclesiæ intentionem. Et Bonauetura respondet ut Thomas, Christum supplere in paruulis defectum, si Sacerdos non intenderit; ex quo sequetur, quod Alanus ait, Christum supplere, si absit omnino Baptismus. Sic isti inter se conueniunt. Et quanquam Bellarminus defendit Thomam, non tamen vitur responsione Thomæ, sed ea, qua Alanus vitur, qui Thomam improbat & damnat. Ait scilicet non requiri certitudinem infallibilem de salute vel iustificatione, sed humanam & moralem sufficere, & eam nos ex Sacramentis habere, etiam si pendeant ab intentione alterius. *Respondeo*: Sed quomodo saltem hanc habere possumus vel probabilem certitudinem? Bellarminus ait, facillimum esse habere intentionem: nullam ergo esse causam dubitandi, an Minister habuerit intentionem, nisi aliquo

G signo

Molan. in  
theol.

Thom. p. 3.  
64. art.  
8.

Alan in  
lib. de Sa-  
cram. c. 55.

Adrian.  
Papa su-  
per 4. q. 3.  
de Baptis.

Bonauet.  
in 4. dist.  
6. art. 4. q. 1.

signo exteriori id prodat. *Respondeo*, & dico, perinde facile esse non intendere, ac proinde magnam esse causam dubitandi. Et facillimum quoque est Ministro frontem componere ac si intendat, tum nihil minus facit, quam intendit; ergo semper dubii erimus. Iam igitur si Sacramenta simpliciter necessaria sint, & non sint Sacramenta, nisi intentio Ministri adfuerit, sequitur nostram salutem & damnationem ex intentione Ministri pendere, quod nihil indignius; nisi hic cum Thoma dicamus, Christum supplere defectum; quod Alanus improbat. Imo hinc incommoda sequuntur infinita. Baptismus & poenitentia, ut illi volunt, sunt simpliciter ad salutem necessaria: si ergo sacerdos voluerit ex destinato intendere non baptizare, non hic Baptismus erit; ita peribit baptizatus non suam sed alterius culpam: nisi enim Minister intendat, non est Baptismus, & si quis Baptismo careat, ex illorum sententia damnabitur. Similiter homo ad confessionem accedit, petit a sacerdote absolutionem, sacerdos vero malitiosus verba absolutionis pronunciat, sed non vult intendere absolutionem; ita cum nulla hic sit absolutio, homo perit. Hoc est tribuere homini & malitiae hominis, ut possit, quem vult, priuare caelo & salute aeterna. Nonne videtis hic rathrum blasphemiae, quasi tam lubrica salus hominum sit, ut ex voluntate viri scelerati, pene dixeram, nequissimi nebulonis pendeat, qui potest alicuius saluti inuidere, & cum cupere perditum? Ita inuidia

vel malitia sacerdotis fieri potest, ut multi in peccatis suis moriantur, & in aeternum pereant. In Eucharistiae vero Sacramento maximum periculum erit. Si enim sacerdos in Missa non intendat consecrare, non transubstantiatur panis, & tum Ecclesia committit horrendam idololatriam, quia panem pro Christo adorat; nam cogitur Ecclesia adorare, siue sacerdos intenderit consecrare, siue non. Sed forsan adorat Ecclesia sub conditione, nempe si sacerdos intenderit consecrare: at hoc non sufficit; nam adorare pro Deo, quod nescias num sit Deus, necne, non est ex fide, ac proinde peccatum. Atque hoc quotidie facere, quis non cum magno periculo coniunctum videt? Ita sacerdos potest efficere Ecclesiam idololatricam, quando vult, si modo suam intentionem in Missae celebratione & Sacramenti consecratione abstraxerit. Et sic Matrimonium erit adulterium, si Minister non intendat. Rectius ergo forsan erit cum Thoma respondere, suppleri intentionis defectum in infantibus per Christum, in adultis per eorum fidem & intentionem. Sed Bellarminus ait, Lutheranos cogi id confiteri, quod ipse ait, non requiri scilicet certitudinem illam necessariam & infallibilem, quia nesciunt se baptizari, nisi credant parentibus. *Respondeo*: At Lutherani non talem Baptismi necessitatem agnoscunt, qualem Aduersarii somniant, & praeterea non credunt ex intentione Ministri vim Baptismi pendere. Sic ergo tandem argumentum hoc nostrum

nostrum concludo: Si Ministri intentio faciat Sacramentum, & Sacramentum sit ad salutem simpliciter necessarium, tum salus simpliciter pendet ex intentione Ministri: at falsum secundum: ergo & primum: nam si salus simpliciter penderet ex intentione Ministri, tum cuiusque interesset, Ministri intentionem scire, ne alioqui salus eius in suspenso semper relinqueretur: at scire alterius intentionem nemini mortali conceditur.

*Quintum* nostrum argumentum sic instituo: Minister non nisi Christi instrumentum est: ergo non nisi instrumentaliter agit: sed actio perficitur ex intentione agentis principalis, non ex instrumenti actione: ergo in Ministri actione sufficit Christi intentio. Hac etiam Thoma obiectio est. Respondet Thomas, hoc esse verum in instrumentis inanimatis: Minister vero est instrumentum animatum. *Respondeo*: Hic desidero acumen Thomae; quasi vero potest esse intentio in instrumento inanimato. Sed haec responsio est insufficiens: nam tum etiam in verbi praedicatione Ministri intentio requiritur. Imò quoad finem & effectum principalem Sacramenti, id est, gratiam, non requiri Ministri intentionem ipsi fatentur, & tamen eo respectu Minister est instrumentum animatum. Sed siue animatum siue inanimatum instrumentum sit, vis omnis & fructus actionis ex principali agente fluit: is vero in verbi praedicatione & Sacramentorum administratione solus Christus est.

*Sextum* & postremum nostrum in hac causa argumentum erit ex Patrum & aliorum testimoniis. Augustinus quaerit, si Baptismus extra Ecclesiam collatus sit, & in eo conferendo tantum ludicre, & inimice & ioculariter agatur, utrum sit Baptismus, necne. Non aude ille definire, sed ait, Dei reuelationem expectandam esse. Ergo Augustinus nesciuit, Ministri intentionem esse necessariam: nam si credidisset illam requiri, nunquam hac de re dubitasset, quia in ludicro & inimico & ioculari Baptismo nulla intentio esse potest. Quare manifestum est, nondum illud de intentione commentum in Ecclesia Dei natum aut notum esse. Baptismus quidem nunquam minus sine intentione administratur, quam in iis casibus quos nos ex Augustino commemorauimus; tamen non audeat Augustinus negare, Baptismum hoc modo administratum verum Baptismum esse. Hoc Augustini ignorantiae tribuendum, qui Baptismi mysteria non nouit. Sed Bellarminus ait, locum hunc facere contra nos. Cur, quaeso, & quomodo? quia Augustinus, inquit, cum ait perendam esse Dei reuelationem, aperte testatur, non esse certum ex Scripturis, Sacramenta non requirere intentionem Ministri. *Respondeo*: Augustinus non id testatur; neque nos, qui dicimus Ministri intentionem non esse necessariam, unquam Baptismum ludicre, aut inimice, aut ioculariter administratum, probaremus, aut ex Scripturis confirmare conaremur. Sed hoc apertum est,



Idem  
tract. 80.  
in Euang.  
Ioan.  
Chrysost.  
homil. 85.  
in Ioan.

est, Augustinum de Ministri intentione sollicitum non fuisse; atq; ita hic locus cōtra Papistas facit. Idem Augustinus alibi ait, *Accedit verbum ad elementum, & fit Sacramentum*: verbum autem accedit ex Christi institutione, non ex Ministri intentione. Chrysostomus hæc verba habet, *Sacerdos linguam & manus præbet: neq; enim iustum est propter alterius malitiam ad salutem nostram accedentes offendi*. Bellarminus ait, Chrysostomum excludere virtutes, non intentionem Ministri. *Respondeo*: at Chrysostomus ait, Ministrum nisi linguam & manus præbere. Et si excluduntur Ministri virtutes omnes, tum etiam intentio excluditur: nam præcipua Ministri virtus est pietas & sancta cura in sacris tractandis, quæ intentionem includit. Tum quod Chrysostomus subiungit, nostram adhuc causam magis confirmat, *Iustum non est*, inquit, *propter alterius malitiam ad salutem nostram accedentes offendi*: at sacerdos esse tam malitiosus potest, ut intentionem auertat; non tamen propterea iustum est accedentes offendi, inquit Chrysostomus. Innocentius Pontifex eius nominis tertius, vel, ut vult Bellarminus, quartus, aperte ait, ad Sacramenti veritatem non requiri intentionem Sacerdotis; cuius testimonium Kemnitius recitat in examine suo ex Angelo in summa. Bellarminus respondet, Kemnitium more suo non fideliter recitasse Innocentii sententiam. *Sed respondeo*: illum fideliter satis recitasse. Nam Innocentius clare ait, non esse necessesse, ut baptizans sciat, quis sit ef-

Innocent.  
in Extra.  
de Baptis.  
c. 1.

fectus Baptismi. At hoc Aduersarii nihil esse dicent, 2. ait, non esse necesse, ut sciat & credat, quod sit Sacramentum. Hoc aliquid est: qui enim non credit esse Sacramentum, quomodo is facere potest quod facit Ecclesia? nam Ecclesia certe intendit dare Sacramentum. 3. ait, non esse necesse, ut sciat quid sit Ecclesia. Hoc plus est: nam qui nescit, quid sit Ecclesia, quomodo is facere potest, quod facit Ecclesia? 4. ait, non esse necesse, ut gerat in mente, facere, quod facit Ecclesia. Hoc adhuc amplius quiddam est: nam perinde est, ac si diceret, non necesse esse, ut intendat facere, quod facit Ecclesia. Quomodo potest ille intendere facere, quod facit Ecclesia, qui non gerit in mente, id est, non intendit facere, quod facit Ecclesia? 5. ait, etiam si gerat in mente, id est, intendat, facere contrarium ei, quod facit Ecclesia, fore tamen Sacramentum, modo baptizet. Hoc plus est, quam satis: nam prius illud suffecisset contra Papistas. Hæc omnia habet Innocentius. Quomodo ergo non fideliter recitauit Kemnitius Innocentii sententiam? quia omisit scilicet illud, inquit Bellarminus, *dummodo intendat baptizare*. *Sed respondeo*: 1. Kemnitium hoc non omisisse, quemadmodum facile est cuius Kemnitium legenti videre. 2. Dico, his verbis non sanari Innocentii sententiam: nam Innocentius non verum Baptismum, sed communem lotionem intelligit in hunc modum, *dummodo intendat baptizare*, id est lavare, quia ait, si non credit Baptis-

Angel. in  
summa, in  
verbo, Ba-  
ptismus.  
Aureum  
rosarium.  
in verbo  
Baptis.  
c. 27.

smum, nec intendit facere, quod facit Ecclesia, imò etiam si gerat in animo non facere, quod facit Ecclesia; non ait modò, et si non gerat in animo facere, sed et si gerat in animo non facere; imò addit, et si gerat in animo contrarium facere, hoc est, non modò si non intendat baptizare, sed etiam si plane contrarium intēdat. Quod autem Bellarminus hoc exponit de effectu Baptismi, non de substantia actionis, ut sensus horum verborum, *Etiam si gerat in mente non facere, quod facit Ecclesia*, hic sit, etiam si non intendat hominem iustificare à peccatis, quia non putat illam ceremoniam talem virtutem habere, sed intendat tantum vere facere ceremoniam, quam facit Ecclesia; satis est; hoc plane ridiculum est. Nā primò Innocentius ait, etiam si nesciat esse Sacramentum: ergo non vult illum intendere, ut faciat Sacramentum: nam qui nescit Sacramentum, quomodo potest ille intendere Sacramentum, siue quoad substantiam actionis, siue quoad effectum Sacramenti? *Secundo*, facere quod Ecclesia facit, omnes Scholastici de actu Baptismi non effectu intelligunt. *Tertio*, omnes etiam Papistæ fatentur, effectum Baptismi, id est, gratiam non esse in Ecclesiæ potestate, sed actum tantum. Et sic Innocentium intelligunt Angelus in summa, & aureum Rosarium. Author aurei Rosarii ait, alios aliter putare, requiri intentionem faciendi quod Ecclesia facit, sed Innocentii opinionem esse veriore,

et si illa sit tutior. Aut ergo Papistarum opinio falsa est, aut Papa errauit. Alii Scholastici dicunt, si sacerdos puerum baptizaret cum intentione immergendi eum ter, & puer in prima immersione moreretur, non baptizari illum puerum. Sic ille qui scripsit auream armillam: quod tamen aperte falsum est, quia semel immergi aut aspergi, in nomine Patris, & Filii, & Spiritus sancti, satis est. Sed hoc aperte probat, Baptismum ex intentione Ministri non pendere; tum enim talis Baptismus non esset verus Baptismus. Idem etiam author ait, Si quis baptizaret sine intentione faciendi quod facit Ecclesia, modo adultus is fuerit, qui sic baptizatur, eum securum esse de salute. Vnde duo colligo: *primum* est, posse hominem securum esse de salute; *secundum*, non requiri intentionem Ministri in baptizandis adultis, quia bonum propositum, ut idem Author addit, supplet defectum intentionis. Sed quid si puer sic baptizatus fuerit? tum Deus, inquit, defectum supplet. Hoc aperte facit contra Bellarminum & Alanum, qui intentionem præcise requirunt. Catharinus scripsit libellum de intentione Ministri Sacramentorum, & statuit non esse necessariam, idq; multis & testimoniis & argumētis probat. Bellarminus ait, eum solum ex Catholicis ita sentire. At hoc falsum est: nam multi Papistæ præter Catharinum idem sentiunt. Manifestum enim est, etiam ipsum Thomam, ut antea docuimus, & Bonauēturam,

Aurea  
armillæ  
verbo  
Baptis-  
mus. q.  
26. & 50.

& Innocentium Papam, idem cum Catharino sensisse: nec dubito quin hodie saniores Papistæ idem

sentiant. Sed de hac Quæstione satis multa diximus.

*Finis tertiæ Quæstionis.*

## Quæstio IV.

### De efficacia Sacramentorum.

#### C A P V T I.

#### De statu Quæstionis.



**Q**UARTO loco sequitur disputatio de vi & efficacia Sacramentorum. Aduersarii vim maximam Sacramentis tribuunt, & nos fatemur, magnam illis vimtribuendam esse; neque enim Sacramentis suam vim detrahimus: cauendum tamen esse dicimus, ne quod Christi solius est, Sacramentis tribuamus, quod Papistæ faciunt. Cum enim salus ab vno Christo speranda sit, si nos ad Sacramenta visibilia remittunt, illis adhærescendum esse, in illis positam esse spem salutis dicunt, ut verè Calvinus dixerit, eos abstrahere homines à Christo, & alligare Sacramentis. Hoc certè est Christo maximam iniuriam facere: siue enim à Sacramentis solis pendeamus, siue ab illis præcipue, Christo admodum iniuriosi sumus. At non esse Christo iniuriosum, vult probare Bellarminus, quod illi faciunt. Nos enim, inquit, potius trahimus ad Christum,

& eius passionem, quia dicimus Sacramenta esse Christi instrumenta, quibus ille nobis applicat meritum passionis suæ. *Respondeo*: Nos quoque dicimus, per Sacramenta tanquam per media & instrumenta à Deo instituta applicari nobis merita mortis & passionis Christi; at verò vel duntaxat vel præcipue hoc fieri per Sacramenta, quasi sine iis meritis Christi nobis applicari non possint, vel omnibus necessario applicari, qui Sacramenta recipiunt, vel vllis eo modo applicari, & Sacramenta gratiæ instrumenta esse, quæ illi volunt, negamus; & dicere id, quod illi dicunt, debere nos sic ad Sacramenta adhærescere, quasi ab illis ut vel solis vel præcipuis instrumentis ducenda salus sit, Christo iniuriosum esse dicimus: neque enim Christus aut merita mortis suæ aut iustificationem ad Sacramenta alligauit. Quanquam ergo dicunt, Sacramenta vim omnem à passione Christi habere, tamen vim passionis Christi omnem quodammodo ad Sacramenta reuocant, & gratiam

gratiam in Sacramentis includunt. *Secundò* Bellarminus ait, non esse querendum de modo, quo Sacramenta sunt causæ gratiæ, an physice, an moraliter tantum; & tamen statuit esse causas iustificationis instrumentales: sunt ergo causæ ut instrumenta, & quidem veræ ac propriæ causæ, ut ille ait. Sed postea intelligit, esse de hoc controuersiam etiam inter ipsos Papistas: nā S. holastici sese miserè torserunt, ut quomodo sint causæ docerēt. Querunt enim primò, num gratiam continent Sacramenta, & continere aiunt. Concilii Tridentini Patres, ei anathema denunciant, qui negat continere. Quomodo igitur continent gratiam? & quare Bellarminus negat querendum esse, quomodo gratiæ causæ sint? Alanus ait, *Cupio ingenue, non id dici, quasi gratia in Sacramentis sit, ut in subiecto accidens*: ergo non est gratia in Sacramentis, ut calor est in igne; & tamen Bellarminus ait, Christi passionem sic nobis applicari per Sacramenta, ut ignis calefacit per calorem tanquam per instrumentum; quanquam quis dixerit, calorem esse instrumentum ignis? sed aut malum hoc exemplum est, aut gratia in Sacramentis ut in subiecto continetur, quod Alanus negat, ac proinde ait, Sacramenta non habere in se gratiam. Et addit Alanus, non inesse in Sacramentis gratiam ut in loco, neque ut in vase: quomodo ergo in Sacramentis continetur & est gratia? scilicet eo modo, inquit, quo effectus dicitur contineri in causa, virtute scilicet; nam res producta, ante-

quam actu sit, causæ suæ inesse dicitur virtute. Sed hic modus ab Alanus positus non placuit Bellarmino, ergo ille maluit omnem hanc de modo quæstionem omitti. Nam si Sacramenta causant gratiam, quia Deus per illa ut per instrumenta gratiam causat, ut vult Bellarminus, atque adeo Alanus ipse, qui hæc verba habet, ut homo dicitur scribere per librum, sic Deus per Sacramenta gratiam operatur; tum gratia non inest in Sacramentis virtute, ut effectus in causa: nemo enim sanus dixerit (opinor) effectum esse in instrumento virtute, ut in causa. Exéplis Alanus duobus utitur; ut lectus, inquit, in ferra esse dicitur, & seges in semine. Sane fateor segetem in semine proprie esse: sed non sic gratia in Sacramentis est: non enim sunt Sacramenta causa gratiæ dispositiva aut materialis: lectum autem esse in ferra aut securi virtute, nemo, opinor, ante Alanum ausus est dicere; tum enim ferra ex vi insita naturæ suæ lectum faceret. Ea dicuntur esse virtute in aliis, quæ ex illis, non per illa producuntur; sed gratia per Sacramenta confertur, non ex Sacramentis nascitur aut producit. Et sane Scholastici non conueniunt de modo quo Sacramenta gratiam aut conferant aut continent: magna inter illos dissensio est, ut docet Alanus. Alii dicunt conferre gratiam, quia sunt dispositio- nes tantum ad gratiam; at si disponant tantum ad gratiam, tum non conferunt gratiam; alii, quia remouent impedimentum gratiæ; at tum non conferunt gratiam; aliud enim est

*Concilii Tridentini.*

*Alanus in lib. de Sacramentis, in gen. 6. 28.*

*Alanus in lib. de Sacramentis, c. 31.*

*Alanus in lib. de Sacramentis, c. 34.*



est tollere & remouere quod impedit gratiam, aliud conferre gratiam; quare Alanus horum opiniones non probat. Alii dicunt gratiam non contineri in creaturis, sed Deum assistentem Sacramentis producere gratiam ex pacto, ut in Sacramentis veteris Testamenti; quod certe verum est, & tamen negant Aduersarii, quia tum Sacramenta noui Testamenti non essent meliora Sacramentis veteris Testamenti. Alii dicunt Sacramenta esse causas morales, ut consilium est causa rei gerendae; sed hanc quoque opinionem Alanus improbat, quia tum occasio tantum essent, non proprie causa: atque hic Alanus duo subiungit, quae nullo modo omittenda censui; *primum* est, meritum non esse causam mercedis, sed occasionem tantum, quod contra modernos Pontificios vel maxime facit. Hoc etiam dicitur ab aliis Scholasticis, ut à Durando, qui ait, non magis esse causam, quam viam ad terminum. *Secundum*, quod hoc loco Alanus ait, est, Christi passionem non nisi occasionem esse nostrae liberationis; quo quid dici potuit magis blasphemum? imò propria & maxime propria causa est. Alii dicunt, Sacramenta non producere gratiam, sed facere homines gratos Deo. Hanc nouam viam gratiam conferendi Dominicus à Soto excogitauit. At hoc Luthero valde fauere videtur, posse hominem gratum fieri Deo non ex qualitate infusa. Alanus hoc nimis subtile & minus solidum esse ait, Sacramenta facere homines gratos Deo sine

vlla qualitate gratiae, quam dicit Dominicus à Soto Deum postea infundere. Hoc ergo est, quod Dominicus dicit, gratia donari à Deo, & non à Sacramentis, & hoc Alanus improbat; in quo secum aperte pugnat. Nam si à Sacramentis donatur gratia, tum sunt non tantum instrumenta, quod tamen ponit Alanus, & sic Bellarminus, qui non audet ista discutere, ut Alanus fecit. Atque hic Dominicus à Soto Concilio Tridentino interfuit, & eius sententiam nouit, & post Concilium hanc sententiam proposuit. Quomodo verò Sacramenta sint instrumentales causae gratiae, nos postea docebimus; nunc quomodo gratiam ex opere operato conferant videamus: dicunt enim Aduersarii, non modò conferre gratiam, sed etiam ex opere operato conferre.

Hic nobis dent veniam Grammatici, necesse est: non enim Sophistae vllis aut Grammaticae aut Theologiae legibus teneri se patiuntur; neque nos tam verborum quam sententiarum solacismum reprehendimus; est enim intolerabilis. Et priscae olim Ecclesiae inauditum hoc opus operatum fuit, à Scholasticis nuper, Scoto, opinor, inuentum; at nunc autoritate Concilii Tridentini comprobatur, ut nunc sit plane legitimum, & Papistae palam & acriter pro opere operato dimicent. Kemnitius vir doctissimus in Examine suo multa ex Scholasticis recitauit de opere operato; tamen eius Examen est cum examine legendum; non enim satis ipse examinavit

aminavit sententiam Scholasticorum, & quaedam citauit contra eorum sententiam, quod negari non potest; nec mirum certe; adeo enim perplexè loquuntur, ut vix intelligi possint: quare facillimum fuit Kemnitio errare. Opus operatum opponitur operi operantis; opus verò operantis dicitur esse meritum eius, qui ministrat aut qui suscipit Sacramentum. Dicunt Scholastici, Sacramenta veteris Testamenti gratiam ex opere operantis contulisse, nisi quod circumcisionem aliqui volunt contulisse gratiam ex opere operato, sed noui Testamenti Sacramenta omnia aiunt ex opere operato conferre gratiam, non ex opere operantis. Non ergo iuxta illorum sententiam ex opere operantis Sacramenta noui Testamenti gratiam conferunt. Hinc Kemnitius non male concludere videtur, Sacramenta noui Testamenti ex Pontificiorum sententia gratiam sine fide, aut bono motu, aut interna conversione susipientis conferre. Sed Bellarminus ait, hoc esse falsum, & non excludi, imò necessariò requiri bonum motum & fidem susipientis, & sine iis Sacramenta non conferre gratiam. Sic Alanus aperte. Sic Episcopus Roffensis. Sic Gropperus, Alphonsus, Tapperus, & alii. Et hi omnes insignis nos calumniæ accusant. Similiter Lombardus ait, Sacramentum sine fide recipi posse, sed non rem Sacramenti, id est, gratiam. Hec si ita se habeant, hoc est, si Pontificii teneant, opus operatum non remouere, imò exigere in suscipiente fidem, poeni-

rentiam, bonos motus internos, & sine iis Sacramenta non conferre gratiam, quid est, quod in illorum sententia reprehendimus, aut cur opus operatum non probamus? Ego certe Papistis libenter non ascriberem errorem aliquem, quem illi non tenent nec tuentur; est hoc alienissimum ab instituto meo. Dedi operam, ut quid sentiant, planè intelligerem; si illorum sententiam non rectè interpretatus fuero, erit hoc traditatis meae, non malitiae. Distinctè omnia proponam. Duo verò dicunt Aduersarii. *Primum* est, Sacramenta nullam conferre gratiam sine fide, conuersione, & poenitentia susipientium, quod tamen non de paruulis intelligi volunt; illos enim semper excipiunt; nam paruulis sine fide Sacramenta conferre gratiam dicunt. *Secundò* dicunt, gratiam per Sacramenta ex opere operato adultis conferri, & opus operatum opponitur operi operantis, id est, fidei & conuersioni susipientis. Ita excludunt fidem & conuersionem. Nonne ergo pugnantia dicunt? nam quomodo conferunt gratiam Sacramenta exclusa fide, si non conferant sine fide? utrumque horum Bellarminus & Alanus affirmant, quando aiunt nos nescire quid teneant. Bellarminus verò hoc ita exponit. Requiritur, inquit, ista in adultis, scilicet voluntas, fides, & poenitentia, tamen non ista efficiunt gratiam, sed ipsum per se Sacramentum gratiam efficit. Et postea ait, opus operatum excludere fidem & motum internum ab efficientia gratiae Sacramentalis, sed non excludere



simpliciter, quasi Sacramenta conferant simpliciter gratiam sine fide & motu interno. Hoc nunc aliud est, quam olim tenuerunt, & possunt hæc intelligi. Dicunt igitur, esse quandam gratiam Sacramentalem, quæ ex opere operato confertur, id est, vi ipsius Sacramenti, quia scilicet Sacramentum confertur; non tamen ullis, nisi qui fidem habent, nec tamen vi fidei, sed Sacramenti per se: fidem enim hominem tantum disponere ad suscipiendam gratiam, quam confert sacramentum, quia non confertur gratia, nisi subiectum rectè dispositum fuerit. Explanat hoc Bellarminus per similitudinem ligni & ignis. Si ad ligna comburenda, inquit, primum exicca rentur ligna, deinde excuteretur ignis ex silice, tunc applicaretur ignis ligno, & sic tandem fieret combustio; nemo diceret, inquit, causam immediatam combustionis esse siccitatem ligni, aut excussionem ignis ex silice, aut applicationem ignis ad ligna, sed solum ignem ut causam primariam, & solum calorem seu calefactionem, ut causam instrumentalem. Sed quis sanus calorem dixerit instrumentum ignis esse? multo rectius Thomas, ignem agere per virtutem suæ formæ, id est, caloris. Sic autem Aduersarii, Sacramenta conferre gratiam ex opere operato, requiri tamen fidem & bonos motus, at non conferri gratiam vi fidei aut bonorum motuum, sed vi Sacramentorum. Quemadmodum ergo nos dicimus fidei vi non operum iustitiam apprehendi, & tamen fidem inanem operum non iustificare: Similiter

Thom. 3.  
pari. sum.  
q. 2. art. 1.

illi dicunt, fidem adesse debere in iis, qui Sacramenta percipiunt, sed non esse causam gratiæ Sacramentalis. Quid ergo? probamusne Aduersariorum sententiam? nullo modo: imò latere in illa multum fraudis & veneni dicimus, ut postea patebit. Etsi enim dicunt, fidem requiri, & Sacramenta nullis prodesse, qui fide carent; redeunt tamen statim ad ingenium, & ab ea sententia subinde discedunt. Excludunt enim sæpe à Sacramentorum perceptione præsentiam fidei, & bonorum motuum, nec requirunt necessariò ut adsint. Illud verò prius affirmare vel vi coguntur aliquando ad vitandam & declinandam inuidiam: odiosum enim esset dicere, Sacramenta conferre gratiam non habentibus fidem, & bonos motus. At reuera tenent, Sacramenta gratiam homini non habenti fidem, ex vi sua, & ex mero externo actu conferre; quod argumentis necessariis evincam.

Primo statuunt illi, conferri gratiam paruulis in Sacramentis noui Testamenti sine fide, aut vilo bono motu. Hoc est tribuere vim Sacramentis per se & sua vi in paruulis; quod nos falsum esse dicimus. Non enim ex opere operato ne paruulis quidem gratiam conferri à Sacramentis affirmamus, ut necesse sit habere gratiam omnes, qui Sacramenta percipiunt. Sed hoc ostendit, Pontificios Sacramentis alligare gratiam, quam possunt etiam iis communicare, qui nullam fidem habent. Bellarminus respondet, Catholicos efficacissime probare

ex

exemplo paruulorum, efficaciam Sacramentorum non pendere ab vlla qualitate susipientis. Hic se prodir. Nam si Sacramentorum efficacia non pederet ab vlla qualitate susipientis, tum etsi omnis qualitas bona absit, erit efficax Sacramentum, & si efficax, tum efficit gratiam, etiamsi fidei qualitas absit: quod si verum sit, tum quomodo dicunt requiri fidem, & non excludi? Nunquam constare ista possunt; nam si hæc requiruntur ut dispositiones, tum sine iis Sacramenta nihil efficiunt: nam nisi subiectum rectè dispositum fuerit, nil effici potest & tamen non pendere efficaciam Sacramentorum ab vlla qualitate susipientis, ex exemplo paruulorum probant. Quomodo hoc efficacissime probat, Sacramentorum efficaciam non pendere ab vlla qualitate susipientis, nisi quod ut in paruulis non est fides, sic nec in aliis Sacramenta recipientibus fidem necessario requiri credant? Et quod de paruulis statuunt, idem etiam de amentibus & morionibus dicunt.

Bellarmin.  
Sacra.  
genere  
c. 16. §.  
hoc to-  
m.

Secundo, Bellarminus ait, Catholicos omnes docere, Sacramenta conferre gratiam, & sæpe primam gratiam; & antea ipse dixit, Scripturas tribuere Sacramentis vim afferendi primam iustificationem: ergo ex Aduersariorum sententia, atque adeo ipsius Bellarmini, Sacramenta conferunt gratiam iis, qui carent fide & poenitentia. Nam qui fidem & poenitentiam & bonos motus habent, ii primam gratiam & iustitiam habent: ergo docent Sacramenta gratiam iis conferre, qui illas qualita-

tes non habent, quod est aperte contrarium ei, quod Bellarminus videri vult dicere. Nam qui non gratiam primam nec fidem habent, iis Sacramenta gratiam primam & fidem conferunt: ergo non habenti fidem conferunt gratiam. Ait enim Bellarminus, Sacramenta sic conferre gratiam, ut hominem ex impio iustum faciant: ergo possunt conferre gratiam sine fide, poenitentia, & bonis motibus: nam impius ista non habet. Hinc manifestum est, illos in sua opinione non esse constantes.

Tertio, ipsi Scholastici, qui exco- gitant hoc dogma, vel potius monstrum dogmatis, de opere operato, affirmant non requiri bonum motum in iis qui Sacramenta recipiunt. Sic Gabriel Biel acutus in primis Scholasticus, aperte ait, tunc esse opus operatum, cum non requiritur motus internus. Sed Bellarminus respondet, intelligi motum meritorium gratiæ, non motum disponentem ad gratiam. Resp. Bellarminus hic sophistam agit: nam Biel aperte ait, opus operatum non requirere bonum motum internum, & operi operato opponit opus operantis, ubi ultra id quod Sacramentum foris exhibetur, requiritur bonus motus seu devotio interior susipientis Sacramentum; & ait, Scotum sic sentire. Similiter Mynfingerus quidam, quem citat Kemnitius, ait Sanctos in veteri Testamento fide accepisse gratiam in usu Sacramentorum, sed noui Testamenti Sacramenta esse maioris efficaciam, ut ex opere operato conferant gratiam, etiamsi non accedat opus operans

H 2 susci-



suscipientis, hoc est, fides seu deuotio interior. Bellarminus ait, non excludi omnino deuotionem internam operantis, sed ab efficiencia Sacramenti. *Respondeo*: At manifestum est, illum omnino fidem excludere; nam addit, etiam si non accedat opus operantis. Quod potuit apertius dici? nam si non accedit opus operantis, tum non adest, si non adsit, tum abest bonus motus, & tamen gratiam conferri ait.

*Concil.  
Trident.  
can. 6.*

*Roffens. in  
1. artic.  
cont. Luther.*

*Concil.  
Trident.  
can. 8.*

*Quarto*, hæc videtur Concilii Tridentini sententia esse, si vlla potest ex Concilio illo sententia elici. Nam dicunt Patres illius Concilii, Sacramenta conferre gratiam non ponentibus obicem. Quid hoc est? Roffensis quidem ait, obicem esse aut peccatum mortale, aut non rectam fidem; qui ergo aut in peccato mortali sunt, aut fidem non habent, iis Sacramenta non conferre gratiam. Sed dubito an hæc Concilii sententia fuerit, & Bellarminus quid sit ponere obicem, non ausus est explicare. Videntur hæc verba Concilii non excludere fidem. At paulo post Conciliū opponit opus operatum fidei: nam ait, *Si quis dixerit, per ipsa noua Legis Sacramenta ex opere operato non conferri gratiam, sed solam fidem diuinæ promissionis ad consequendam gratiam sufficere, anathema sit*: ergo videtur Concilium excludere fidem per opus operatum. Bellarminus ait, Concilium opponere opus operatum non fidei, sed soli fidei. *Respondeo*: At Concilium anathema iis denunciat, qui non gratiam ex opere operato per Sacramenta conferri, sed fidem solam

sufficere ad gratiam consequendam dicant; & opus operatum illi fidei opponit, quæ diuinæ promissiones amplectitur; nam ait *sed fidem solam diuinæ promissionis*. Si fides diuinæ promissionis, id est, quæ promissiones diuinæ amplectitur, non sufficit, ad gratiam consequendam, sed contra ex opere operato gratia confertur, non video quin fides excludatur. Atque hinc est quod Alanus tantum operi operato tribuat, ut mediocrem dicat sufficere dispositionem personæ: dixisset nullam, nisi quod præ pudore ausus non est. At qui vera fide præditus est, & cui præterea pœnitentia & boni motus insunt, is non mediocriter sed optimè dispositus est. Et quod peccatum mortale aut propositū peccandi esse obicem dicunt, patet non bonum motum ab illis requiri; nam potest quis vacare & peccato mortali & proposito peccandi, & tamen nullum verè bonum motum habere. Quod verò Scotus ait, infidelitatem etiam obicem esse, hoc dupliciter intelligi potest: sumitur enim infidelitas vel pro actu siue habitu animi rectæ fidei contrario, vel pro nulla fide, seu pro absentia omnis fidei: & puto Scotum primo modo intellexisse.

*Quinto* & vltimò si verū sit, quod illi dicunt, requiri in eo, qui accedit ad Sacramenta, fidem, & pœnitentiam, & alias virtutes, quare tum dicunt in Sacramentis noui Testamenti conferri gratiam, quæ iam collata est: nam qui fidem, & iustitiam, & primam gratiam habet, is habet iam gratiam: quomodo ergo

*Alan. lib.  
de Sacram.  
c. 4.*

con-

conferunt ei Sacramenta gratiam, cum conferre sit ei dare qui non habet? Loquuntur de gratia Sacramentali, & dicunt hanc gratiā Sacramentalem non conferri, nisi homo per fidem dispositus fuerit. Quænam, quæso, hæc gratia Sacramentalis est: num diuersa à fide, & pœnitentia, & conuersione? Sacramentalem hanc gratiam vocant iustificationem, & hanc conferri dicunt ex opere operato, non tamen nisi quis fidem antea habuerit, neque id vi fidei, sed Sacramenti tantum. Sed qui fidem habet, is gratiam & iustitiam habet; nam & ipsi fatentur, iustitiam primam in fide consistere: quomodo ergo hæc ei per Sacramenta conferuntur? Hic se iterum Sophistæ versant. Nam gratia Sacramentalis aut est eadem cum gratia virtutum, aut diuersa: si diuersa, tum debent inauditam quandam gratiam excogitare, quæ non sit fides, nec spes, nec charitas, nec aliquid eiusmodi; nam Spiritus sanctus in Scripturis nō agnoscit aliam vllam: & illi dicunt esse gratiam iustificantem; at eam ipsi volunt in fide & charitate consistere: si eadem, non ergo confertur per Sacramenta, ut ipsi volunt. Bellarminus hæc non explicat, tantum facit mentionem gratiæ Sacramentalis, quam à fide distinguit. Sed Alanus apertè ait, gratiam illam virtutum, & hanc Sacramentalem, partim conuenire, partim discrepare. Totam hanc rem copiosè tractat; summa omnium quæ dicit hæc est, gratiam Sacramentalem non esse diuersam ab illa communi gratia; illam tribui

*Alan. ubi  
supra.*

sine Sacramentis sæpe & augeri; illam perfectè & integrè iustificare hominem, sicut gratia Sacramentalis; illam tollere omne mortale peccatum, ut gratia Sacramentalis. Quid ergo gratia Sacramentalis amplius? ait Sacramentalem gratiam addere aliquid, aut hæc facere copiosius & facilius. Nos ex Alano ista colligimus. *Primo*, posse hominem sine Sacramentis (id enim aperte ait) consequi gratiam omnem, quæ confertur per Sacramenta. *Secundo*, posse hominem perfectè iustificari per gratiam communem sine Sacramentis. *Tertio*, in Sacramentis hanc gratiam non nisi facilius conferri: nam quod ait per Sacramenta addi aliquid ad gratiam priorem, quam ille communem vocat, non video quomodo hoc stare possit cum eo quod prius dixit, posse hominem integrè & perfectè iustificari per communem gratiam sine Sacramentis: ad integram verò & perfectam iustitiam quid rādem addi potest? Non possunt, quantumuis rumpantur, nouam aliquam gratiam, quæ propria sit Sacramentis, nominare aut designare. Credideram mirificam & singularem quandam gratiam per Sacramenta conferri, quæ nusquam alibi haberi posset; at nunc eandem æquè perfectè sine Sacramentis acquiri posse video, tātum augeri, aut fieri luculentior per Sacramenta: quod ipsum nos quoque dicimus. *Quarto*, hinc pater, quā ineptum illud sit, quod isti disputant, efficaciam Sacramentorum non pendere à fide aut bono motu suscipientis,



Alan. de  
Sacram.  
c. 31.

cum gratia Sacramentalis sit fides, & poenitentia, & conuersio ad Deum, & iustitia. *Quintò*, hinc etiam patet, quàm vere nos dicamus, illos dicere Sacramenta conferre gratiã sine fide, cum et si affirmant requiri fidem vt dispositionem; tamen hãc fidem asserunt nullam asserre gratiam: talis enim fides ne fidel quidem nomen meretur, quia nulla fides potest esse sine gratia: at illi dicunt Sacramenta asserre primam gratiam, & tamen non asserre, si fides absit. *Sextò*, hinc quoque constat, quàm illud absurdum sit, quod Alanus alibi ait, opus operatum esse inuentum, vt intelligatur sacramenta operari ad gratiam producendam aliter quàm Euangelium & verbum. Quid hoc *aliter* sibi vult? certe non operatur alias gratias: impium id quidem esset dicere, alias esse gratias sacramentorum, alias verbis: si verò non sint alię gratiæ, tum omnis gratia per verbum confertur sine sacramentis, & eadem gratiæ haberi possunt in Euangelio & verbo, quæ in sacramentis. Quare cum per verbum omnes gratias Euangelicas percipiamus, quæ sufficiant ad integram & perfectam iustitiam, habeant illi sibi suam gratiam sacramentalem. Sed vbi interim illa simplex necessitas sacramentorum, cum haberi sine sacramentis & gratia & iustitia perfecta possit? Ex his perspicuum est, quàm illi dubii & perplexi sint; neq; enim certò statuere possunt, num Sacramenta gratiam conferant sine fide, aut quæ hæc sacramentalis gratia sit, & quid ab illa

gratia differat, quæ per verbum confertur, aut quorsum inuenta sit, cum omnis gratia sine ea haberi possit.

Quid ergo nos dicimus? omnē ne à sacramentis gratiam remouemus: absit; etsi illi quidem de nobis sic mentiuntur. Dicimus enim esse efficacissima organa Spiritus sancti, & esse causas etiam instrumentales gratiæ: & hoc illi etiam dicunt; sed aliter illi, aliter nos. Nos dicimus esse instrumenta, sumendo hoc nomen large, quia Deus iis utitur in conferendo nobis gratiam: non autem esse instrumenta volumus, vt Aduersarii, quasi Deus sic ad illa alligetur, vt quando vellet conferre gratiam, non aliter id facere posset, quàm per sacramenta, vt artifex non potest lectum facere sine ferra & securi; nec ideo instrumenta dicimus, quasi ipsa aliquid efficiant, aut quasi vllam in se vim aut virtutem latentem propriam & suam habeant, vt instrumenta præter actionem instrumentalem habent etiam propriam actionem: at sacramenta nullam vim gratiæ producendæ habent, sed omnis vis in Deo est, qui gratiam in vsu sacramentorum operatur, non quasi per sacramenta traduceretur aut transiret gratia (nam & libere Deus etiam extra sacramenta gratiam immediate in cordibus nostris efficit & operatur) sed cum sacramentis, quia sacramentis adhibitis placet illi gratiam operari, quemadmodum in simplici verbo fieri solet. Vt enim verbum est medium & instrumentum gratiæ, sic & sacramentum,

mentum, non aliter: illud auribus, hoc oculis adhibetur. Hoc interest, quòd verbum inchoet & creet gratiam; fides enim ex auditu nascitur; at sacramentum, quod oculis obicitur & in oculos incurrit, non inchoat aut creat gratiam, sed nutrit & auget: fides enim ex istis non nascitur, sed augetur tantum. Non ergo sunt sacramenta causæ instrumentales gratiæ, aliquid per se operando. sed quia sacramentis adhibitis Deus in anima gratiam operatur: ergo sacramenta nihil ex opere operato efficiunt, id est, ob id tantum quia adhibentur, ne quidem in paruulis. Non enim paruuli, eò tantum quòd baptizantur, gratiam participant; nec tamen frustra baptizantur, quia in futuram fidem & poenitentiam baptizantur, & quia membra sunt Ecclesiæ, & sancti ex fœdere, ideoque signum fœderis iis negandum non est: adulti vero nisi credant Euangelio, nullam ex sacramentis utilitatem percipiunt; atque ita, omnis vis sacramentorum ex fide pender. Ergo nos longe aliud dicimus, quàm illi, quia illi dicunt contineri gratiam in sacramentis, nos vero non contineri in sacramentis gratiam dicimus, sed Deum per sacramenta & cum sacramentis gratiam conferre. Quare non sic conferunt sacramenta gratiam, vt Tapperus ait, quæ secutus est Hardingus. Tapperi hæc verba sunt. *Sicut sanamur per medicamentum; sic iustificamur per Sacramenta.* Hunc modum contineri nunquam Bel-

larmius, aut Alanus, aut doctior aliquis Papista approbaret: nam tum gratia inesset in sacramento, vt sanitas in medicamento: at medicamentum habet insitam & naturalem quandam vim sanandi; non sic sacramentum iustificandi. Denique sic Deus per sacramenta noui Testamenti gratiam confert, vt olim per sacramenta veteris Testamenti contulit: Papistæ negant vetera sacramenta contulisse gratiam ex opere operato, & nos negamus noua aliter conferre, quàm vetera contulerunt. Et de statu Quæstionis hæctenus.

## C A P V T II.

### In quo Aduersariorum argumenta diluuntur.

EXPOSITVM à nobis antea est, quid Papistæ de sacramentorum operatione sentiant. Dicunt non modò conferre sed & continere gratiam, & esse causas instrumentales gratiæ & salutis ex opere operato. Nunc Bellarmius nos magnis copiis aggreditur. Sex classes argumentorum affert; sed hæ vacuæ classes sunt: non vnum est argumentum solidum in omnibus. Vna classis sufficeret, si quid argumentum suppeditaret. Prima classis Scripturæ testimonia continet ex nouo Testamento.

Primum

Tapper. in  
artic. 1.  
Harding.  
cont. A-  
polog. Ec-  
cles. An-  
glican.



Matth. 3.  
11.

Primum testimonium habetur Matth. 3. vbi Ioannes Baptista ait, *Ego baptizo vos aqua, ille vos baptizabit Spiritu sancto.* Quibus verbis, inquit, non est dubium, tantum discrimen poni inter efficaciam Baptismi Ioannis, & Baptismi Christi, quantum est inter aquam & Spiritum: at Baptismus Ioannis, inquit, non minus efficax erat ad alendam fidem, quam Baptismus Christi: ergo Christi Baptismus non alit aut confirmat fidem tantum, sed confert gratiam ex opere operato. *Respondeo*, 1. De Ioannis Baptismo postea erit dicendum. Nunc verò dico, illum Ioannis Baptismum aut verum Sacramentum fuisse, aut non fuisse: si fuit verum Sacramentum, tum augebat & confirmabat fidem, & idem cum Christi Baptismo erat, & sic Aduersarius nihil concludit: si non fuit verum Sacramentum, sed nuda ceremonia tantum, tum non fuit efficax ne ad alendam quidem fidem, & sic Aduersarii argumentum multò minus valebit. Nam nos loquimur de sacramentis: ceremonia verò, quæ omnino sacramentum non est, non est æque efficax ad fidem alendam, quam sacramentum, quia sacramentum non ex ceremonia externa, sed ex Dei promissione & ordinatione vim habet. 2. *Respondeo*: discrimen ibi poni non in Baptismis, sed in personis, quòd Ioannes erat Minister externi ritus, Christus autem erat auctor internæ sanctificationis. Sed Bellarminus obicit & ait, Si ita est, tum non debuit Ioannes dicere, *Ego baptizo, ille baptizabit*, sed, *Ego baptizo,*

ille baptizat. *Respondeo*: imò debuit dicere, *Baptizabit, primò*, quia ait, *vos*, id est, vos qui nondum fide præditi estis & gratia baptizabit: non enim quia Ioannis sacramentum acceperunt, ideo erant Spiritu sancto baptizati, quia plerique eorum erant hypocritæ: ergo de Christo prædicat, illum eos melius baptizaturum, si ad illum vellet accedere: *Secundò*, recte dicit, *baptizabit*, quia Christus tum latuit, & nondum in medium prodierat, nondum se patefecerat, nondum baptizandi munus in se susceperat; quasi diceret, est in medio vestrum, qui veniet, & baptizabit vos. Nec sequitur, baptizabit: ergo non baptizat; nam illud, *baptizabit*, continuum actum, siue còtinuam actionem significat. Sed obicit deinde Bellarminus locum ex Act. 19. de quo tum respondebimus, quando de Ioannis Baptismo erit dicendū, quia nolumus quæstiones confundere. Hic ergo locus non probat, sacramenta gratiam ex opere operato conferre.

*Secundum* Bellarmini testimonium ex nouo Testamento habetur. Marci ultimo, *Qui credid. rit & baptizatus fuerit, saluus erit.* Hic tribuitur Baptismo, inquit, vis saluandi. *Respondeo*: Baptismus dici nos seruare, quia nostram per Christum salutem obsignat, non quia vis seruandi in ipso Baptismo est. Quæro enim num per se Baptismus sine fide seruet: hic locus illud refellit: nam Christus hic fidem cum Baptismo coniungit, *Qui crediderit, inquit, & baptizatus fuerit, seruabitur:* si vero

Act. 19. 5.

Marc. 16.  
16.

si verò cum fide Baptismus coniungi debet, quid de infantibus sentiendum est, qui non credunt, quorum tamen exemplo ait Bellarminus opus operatum efficacissimè probari: & quomodo fides præcedit Baptismum, ut ille ait? num infantes credunt antequam baptizantur? ergo manifestum est hic Christum loqui de adultis, qui credendo seruantur. ut ex multis Scripturæ locis constat: hi fide seruantur, in his fides præcedit, & additur Baptismus, ut sit sigillum fidei. Verum obicit Bellarminus & ait, Sic ut fides apud Aduersarios immediate iustificat applicando merita Christi; cur non eodem modo fateantur, Baptismum immediate iustificare applicando Christi merita; cum Christus hieodem modo loquatur de fide & de Baptismo? *Respondeo*: Non negamus, Baptismum dici posse applicare nobis merita Christi, & sic nos iustificare; non quòd ex opere operato hoc faciat; & sic nihil contra nos Bellarminus concludit; sed quia obsignat nobis iustitiam fidei, ut omnis vis Sacramentorum ex fide pendeat, non fides ex Sacramentis. Sed hic iterum obseruandum est, illos Sacramentis vim seruandi tribuere sine fide; volunt enim in Sacramentis non minus applicari merita Christi, quam fide: quomodo id, quæso, cum Sacramenta sint res externæ & corporeæ, & non ultra corpus pertingant, & fides internum Spiritus sancti donum sit? absurdissimum hoc est; posse applicari cuiquam merita Christi sine fide.

*Tertium* Bellarmini testimonium ex nouo Testamento habetur Ioannis 3. *Nisi quis renatus fuerit ex aqua* <sup>Ioh. 3. 5.</sup> *& Spiritu, non potest introire in regnum Dei:* vbi ait, præpositionem ex significare, hunc locum aperte facere. Baptismum aquæ causam nouæ natiuitatis; & Calvinum non potuisse aliter respondere, nisi negando, hic agi de Baptismo. *Respondeo*: 1. etiam si demus hic agi de Baptismo, tamen nihil hinc elici posse, unde intelligamus Baptismum nos ex opere operato iustificare. Nam aqua in Baptismo est Sacramentum renouationis & regenerationis nostræ, & sic ex aqua renascimur, sed Sacramentaliter tantum, quia aqua significat & obsignat nouam nostram natiuitatem, quam in nobis Spiritus sanctus operatur. Quare nihil ad rem faciunt, quæ Bellarminus ex hoc loco colligit. Sed 2. *respondeo*: veram esse Caluini responsionem, per aquam hic non Baptismum sed Spiritum sanctum intelligi, qui instar aquæ lauat & mundat nos ab omni immundicie peccati, ut supra de hoc ipso loco respondimus. Sic non Calvinus modo, sed & Bucerus, & Petrus Martyr, & alii nostris hunc locum interpretantur. Sed Bellarminus contra disputat, & primò ait, omnes scriptores omnesque interpretes hunc locum de Baptismo intellexisse. *Respondeo*: Fateor multos ex Patribus ita hunc locum interpretari; & tamen nemo horum tribuit aquæ in Baptismo vim regenerandi aut iustificandi nos ex opere operato, nec affirmat quisquam illorum aquam sine fide prodesse



prodesse: hinc aliqui Baptismi necessitatem colligunt, sed hoc nihil pro opere operato facit. Nec si omnes Patres sic interpretentur, id eo nos necesse est sic interpretari, quia prior & antiquior nobis esse debet Christi & Evangelistarum autoritas & sententia, quam omnium Patrum. Christus ipse satis declarat, se tantum de Spiritu sancto loqui, idq; multis argumentis euinci potest. *Primò*, concionari de Sacramentis apud Nicodemum, qui nihil adhuc de fide audierat, non fuisset consentaneum, imo præposterum fuisset. *Secundò*, si per aquam Baptismum intellexisset Christus, tum primo loco Spiritum posuisset, & postea aquam, quia Spiritus sanctus ordine naturæ prior Baptismo est. *Tertiò*, si aqua hic Baptismum significaret, tum necessario sequeretur, Baptismum simpliciter & absolute in omnibus requiri, & sic actum plane esset de iis, qui non actu & re vera baptizantur; quod ne ipsi quidem Adversarii dixerint, quantumvis Baptismi necessitatē urgent. Nec valet, quod de voto aiunt; nam votum non est Baptismus; nec quod de Baptismo flaminis & sanguinis afferunt: nam Christus disertè ait, *Nisi quis renatus fuerit ex aqua & Spiritu, non potest introire in regnum Dei.* *Quartò*, Christus nasci ex aqua & Spiritu S. opponit ei, quod est nasci ex carne, & ei quod est nasci ex carne opponit simpliciter nasci ex Spiritu, τὸ γεννημῆναι ἐκ τῆς σαρκὸς, inquit, οὐκ ἐστὶν καὶ τὸ γεννημῆναι ἐκ τῆς Πνεύματος,

Ioh. 3. 6.

πνεύματος ἐστὶν. Quod genitum est ex carne, caro est; & quod genitum est ex Spiritu, spiritus est: & paulò post. ὅτι τὸς ἐστὶν πνεύματος, sic est omnis qui genitus vel natus est ex Spiritu. Ergo nasci ex aqua & Spiritu idem est quod nasci ex Spiritu solo: nam in his versibus nulla aquæ mentio fit. *Quintò* & postremò, fidei soli sine mentione aquæ salus tribuitur: ergo credere per se ad salutem sufficit. Prout Moyses extulit serpentem in deserto, ita ex tolli oportet filium hominis; ut quisquis credit in eum, non pereat, sed habeat vitam æternam: & Ita Deus dilexit mundum, ut filium unigenitum dederit, ut quisquis credit in eum non pereat, sed habeat vitam æternam. Et, Qui credit in eum, non condemnatur. Sed secundò oppugnat Bellarminus nostram responsionem, & expositionem huius loci, huiusmodi argumento, Si italiceret ludere in Scripturis, possumus negare Baptismum aquæ: nam ubique intelligemus nomine aquæ Spiritum sanctum. *Respondeo*: Falsum est: nam quidam loci tam aperti sunt, ut non possint nisi de externo Baptismo intelligi, ut, cum cognovit Dominus Phariseos audiuisse, ipsum plures discipulos facere & baptizare quam Iohannem (Quamquam Iesus ipse non baptizabat, sed discipuli eius:) num hic locus sic eludi potest dicendo, Christus non baptizabat, id est, non conferebat Spiritum sanctum, sed discipuli eius? & in hoc eodem capite postea, Baptizabat etiam Iohannes in Ænon prope Salim, quoniam aquæ multæ erant illi: & ve-

vers. 8.

vers. 15.

16. 18.

Ioh. 4. 1. 2.

Ioh. 3. 23.

AA. 8. 36. & veniebant ac baptizabantur; & alibi, Ecce hic aqua est, quid prohibet me baptizari? Quis hæc loca potest de Spiritu sancto intelligere? & adhuc alibi, Num quis aquam prohibere potest, quò minus baptizetur isti, qui Spiritum sanctum acceperunt, sicut & nos? Iussitque eos baptizari in nomine Domini, id est, iussit Petrus afferri aquam, ut baptizarentur; non dixerit quispiam (opinor) iussisse eum afferri Spiritum sanctum. Quare futilis hæc Bellarmini obiectio est. *Tertiò* obiicit, esse hanc coactam, & absurdam, & Scripturis inusitatam loquutionem. *Respondeo*: esse facillimam & usitatissimam. Nihil in Scripturis usitatius est, quam per aquam Spiritum sanctum intelligi. Christus ait, Quisquis biberit ex aqua illa, quam ego ei dabo, non sitiet in æternum: loquitur de Spiritu sancto. Similiter Deus apud Esai. 44. 3. Prophetam, Effundam aquas super sitientem, & fluentia super aridam, id est, Spiritum meum: nam postea statim se explicat, cum ait, Effundam Spiritum meum super sementium. Ob eamque causam Spiritus etiam interdum igni comparatur propter eundem vel similem effectum, ut, ipse vos baptizabit Spiritu sancto & igni. Ibi ignis eundem Spiritum sanctum significat. Bellarminus ait, posse intelligi externum ignem, qui in die Pentecostes super Apostolos visibiliter descendit, vel ignem tribulationis, vel ignem Purgatorii. *Respondeo*: Nugatur: apertum enim est, per ignem ibi intelligi vim Spiritus sancti: & ut ille modò de aqua dixit, cuius

mentio fit Iohan. 3. 5. sic ego de hoc igne dico, omnes Doctores de Spiritu sancto interpretari. Sed obiicit Bellarminus & ait, ignem postponi Spiritui sancto in loco apud Matthæum, at in loco apud Iohannem aquam præponi; absurdissimum autem est, inquit, prius poni declarationem, deinde id quod declarandum est. *Respondeo*: ἐξήγεις, id est, declarasti seu explicasti non semper sequitur, ut omnes norunt, in Scripturis; imò magis conuenit metaphoram præponi, & postea sequi explicationem, ut in loco Isaiæ, quem supra citauimus, Esai. 44. 3. metaphora præponitur; ait enim Deus primò, Effundam aquas & fluentia, & tum Effundam Spiritum meum: & in hoc loco apud Iohannem aqua non est ἐξήγεις Spiritus, sed Spiritus aquæ. *Quartum* Bellarmini argumentum, quo nostram huius loci expositionem oppugnat, est huiusmodi: Aqua non gignit, sed lauat & refrigerat: ergo malè coniungeretur cum verbo renascendi, si non nisi effectum Spiritus sancti explicat. *Respondeo*: Christus metaphoricè loquitur: nam nec Spiritus quidem sanctus propriè dicitur gignere; sed quia nouam quasi vitam in nobis inchoat, & quia ab illo loti & mundati nouam vitam viuere incipimus, idcirco renasci dicimur ex Spiritu sancto & aqua. Sanè fateor me nunquam putidiores calumnias audiuisse.

*Quartum* Scripturæ testimonium à Bellarmino ex nouo Testamento citatum habetur, I 2 Act.



Act. 2. Baptizetur unusquisque vestrum in nomine Iesu Christi in remissionem peccatorum: cui simile est illud Act. 22. Baptizare & ablue peccata tua. In his locis, inquit, tribuitur Baptismo remissio peccatorum. *Respondeo* Tribuitur quidem, at non ex opere operato, nec vi ipsius Baptismi, sed quia Baptismus est pignus remissionis peccatorum, & quia Baptismo obsignatur nobis remissio peccatorum, ideo in Baptismo merito dicuntur peccata remitti. Sed Bellarminus ait, hunc novum esse tropum; perinde enim esse, ac si quis diceret, Bibe vinum, cum vellet significare, Inspice hederam, quæ in hospitio pender. *Respondeo*: Familiaris loquendi modus est, ut fieri dicatur, quod factum obsignatur. Quod de hædera affert, ab hac causa alienissimum est; hædera enim non nisi nota est, esse ibi vinum; quæ sæpe fallax nota esse potest; certè vinum ipsa hædera nunquam exhibet: at Baptismus non modò indicat, ubi sit remissio peccatorum, sed etiam remissio peccatorum exhibet, si modò fides afferatur: nam in recto usu regenerat hominem. Ergo in Baptismo non hæderam tantum intuemur, id est, ubi sit remissio peccatorum docemur, sed vinum bibimus, id est, ipsam peccatorum remissionem haurimus, quia obsignatur vivo symbolo fidei nostræ remissio peccatorum. Hoc Bellarminus ridet, & illud suum hæderæ exemplum nobis obicit: *sed qui sordidus est, sordescat adhuc.*

11.

Quintum testimonium sumitur Act. 8. 18. Cum vidisset Simon, quod

per impositionem manuum Apostolorum dare ut Spiritus sanctus: cui loco similis est ille, 2. Tim. 1. Admoneo te, ut resuscites gratiam, quæ est in te per impositionem manuum mearum. In his locis, inquit, apertissime impositio manuum asseritur causa gratiæ, ut patet ex illa particula *Per*, unde vult concludere, Sacramenta conferre gratiam ex opere operato. *Respondeo*: impositionem manum non esse Sacramentum, nec Confirmatio & Ordinatio de quibus hæc loca intelligi vult, Sacramenta sunt, ut postea patebit. Loquitur utrobique Spiritus sanctus de extraordinariis donis, & de donis gratis datis, non gratos facientibus: at Sacramenta conferunt gratiam gratum facientem, ut etiam illi volunt. Nec illud *Per* significat causam; tantum iudicat, dum manus imponebantur, datum illis esse Spiritum sanctum: hinc verò fingere, impositionem manuum esse causam ullam, ineptum est.

Sextum testimonium habetur 1. Cor. 10. Vnum corpus multi sumus, omnes qui de vno pane participamus. Vbi participare de vno pane, inquit, ponitur pro causa vnius corporis. Quare si tollas à Sacramento altaris, inquit, veram causalitatem gratiæ, non poterit probari, quod sumus vnum corpus, quia eandem Eucharistian participamus. *Respondeo*. Apostolus ait, nos qui vnum panem comedimus, esse vnum corpus; non quod panis faciat nos esse vnum corpus, sed quia pignus est, nos esse vnum mysticum corpus: significat enim nostram cum Chri-

sto &amp;

sto & inter nos spirituales coniunctionem.

Septimum testimonium habetur Ephes. 5. Christus dilexit Ecclesiam, & tradidit semetipsum pro ea, mundans eam laacro aquæ in verbo: cui similis est ille locus Tit. 3. Saluos nos fecit per lauacrum regenerationis: ergo mundamur & saluamur, inquit, laacro aquæ, & per lauacrum aquæ, tanquam per causam instrumentalem. *Respondeo*: In Baptismo mundari & saluari dicimur, quia Baptismus pignus & arrha est nostræ salutis, & quia in recto & legitimo usu Baptismi confertur nobis salus & remissio peccatorum: sed num ideo remissio peccatorum & salus in eterna creatura aquæ consistunt, aut eius vi efficiuntur? absit. Deus in Baptismo ut significat remissionem peccatorum & salutem, ita re operatur: & veritas cum signo coniuncta est in electis. Nihil hoc pro opere operato facit. Sed Bellarminus ait, sic nos non magis per Baptismum mundari aut saluari dicimur, quam per quamlibet aliam actionem, quæ tum fit. *Respondeo*: Falsum: nam non quicquid Minister agit, aut nos agimus in Baptismo, est Sacramentum, sed ipse Baptismus; & ideo Baptismus, ac nihil aliud, obsignat nobis ablutionem à peccatis & salutem. Nec abhorremus ab illis loquendi formulis, quibus Scriptura utitur: lauat nos Deus, fateor, per Baptismum, vel, ut Apostolus loquitur, διὰ τῆς πλυνῆσεως, per lauacrum regenerationis, & τῷ λουτρῷ τοῦ ὕδατος ἐν ῥήματι, laacro aquæ per verbum, id est, in Baptismo, & per Baptismum;

non quod efficacia sit in Baptismo, sed quod Deus hoc organo utatur, & quod ipse in usu huius organi sit efficax, & his externis signis spirituales gratias nobis obsignet.

Octauum & vltimum ex nouo Testamento testimonium habetur 1. Pet. 3. Quod nos similis forma saluos facit Baptisma, non carnis depositio sordium, sed conscientia bona interrogatio in Deum. Ex hoc loco tria obseruat Bellarminus: primum est, nos saluos fieri Baptismo; secundum, saluos nos fieri simili modo, quo illi qui in diluio seruati sunt, id est, verè & efficienter; tertium, discrimen inter Baptismata Iudæorum & nostrum, quod illa tollerent sordes carnis, nostrum purificet conscientiam. *Respondeo*: Nihil hæc omnia contra nos faciunt. Nam Baptismo nos quidem vim purgandi & seruandi quodam sensu tribuimus, nempe ut declaret & obsignet tanquam pignus nostram salutem, non quod in Baptismo gratia aut salus inclusa sit, sed ea à Deo libere donantur. Ita ex nullo loco probare potest, nos seruari vi aquæ, aut ex opere operato. Et de prima classe argumentorum Bellarmini hæcenus.

Secunda classis habet vaticinia Prophetarum, & figuras veteris Testamenti. Prophetæ sæpe loquuntur de aqua. Isai. 1. Lauamini, mundi estote. Ezech. 36. Effundam super vos aquam mundam, & mundabimini ab omnibus inquinamentis vestris. Miche. 7. Proiciet in profundum maris omnia peccata nostra: & alios eiusmodi locos Bellarminus affert, quos omnes de Baptismo Patres exponunt.



nunt. *Respondeo*: Quid hæc ad rem? nam *primò*, nulla in his locis Baptismi nostri mentio fit, quantumvis aliqui Patres anagogicè aut allegoricè ad Baptismum illos accommodent. Isaias, seu Deus potius apud Isaiam, quando iubet populum sui temporis lauari, hortatur illos non ad Baptismum, sed ad poenitentiam & ad veram vitæ puritatem ac innocentiam. Apud Ezechielem aquam effundere, non est baptizare, sed Spiritum S. dare, qui illorum corda immutat. Micheas quando ait Deum peccata fidelium in profundum mare proieciturum, nihil aliud vult, quam Deum non fore memorem horum peccatorum ad puniendum. *Secundò*, si de Baptismo hi loci exponantur, tamen nihil contra nos faciunt: nam in Baptismo reuera lauamur, & peccata nobis condonantur, & nouæ creaturæ efficiunt; non tamen vi Sacramenti, sed à Deo, qui Sacramento tamen uti voluit propter nostram imbecillitatem.

In hac etiam classe reposuit varias figuras Sacramentorum ex Scripturis, de quibus non necesse est sigillatim respondere; cuiusmodi est illa quæ habetur Genes. 1. *Spiritus Domini ferebatur super aquas*: Patres per has aquas Baptismum figuratum esse volunt, quia ut illæ aquæ vim à Spiritu sancto habuerunt procreandi pisces, sic Baptismus à Deo vim habet procreandi novos homines.

*Tertull. de Baptis.* Ob eam causam Tertullianus ait, *Ne mirum sit, si aqua animare possunt*: & ibidem Christianos vocat

*pisciculos*, quod nascantur ex aquis: & Optatus Mileuitanus, *Hinc, inquit, est piscis, qui in Baptismo per invocationem fontalibus undis inseritur*.

& hinc est, quod literæ capitales versuum Sibyllinorum faciunt *ixθvs*, id est, piscis. Sed hæc allegoricè tantum à Patribus dicuntur. Similiter eò detorquet Bellarminus aquam lustrationis, de qua legimus Numer. 19. quæ Christi sanguinem non aquam Baptismi figurabat. Huc etiam transfertur quod commemoratur de Iordanis transitu; de mundatione Naaman; de cæco nato, quem

Dominus illuminauit per aquam Siloë; de piscina probatica. Hinc colligere, Baptismum habere in se vim purgandi peccata nostra ex opere operato, absurdum est. Quæ

verò de his omnibus à Patribus dicuntur, allegorica sunt, ac proinde nihil concludunt. Nec tamen Patres aliud dicunt, quam quod nos dicimus, fieri nos in Baptismo novos homines, & peccata nobis remitti, & Spiritum sanctum esse efficacem: omnia hæc nos damus; sed non ideo sequitur, Sacramenta conferre gratiam ex opere operato, quasi quia sunt efficacia organa Spiritus sancti, ideo vi sua & ex opere operato efficacia sunt. Quod

ad aquas attinet, de quibus mentio fit Genes. 1. quæ à Deo vim habuerunt producendi pisces, multum discriminis est inter nostrum Baptismum & illas aquas: nam Spiritus sanctus aquis illis impartit vim natiuam ex se producendi pisces & aues; nulla talis vis inclusa est in aqua

*Optat. l. 3. cont. Parmen.*

*Num. 19. 9. &c.*

*Ios. 4. 11. 2. Reg. 5. 14. Ioan. 9. 7. Ioan. 5. 4.*

aqua Baptismi homines regenerandi: non enim agunt Sacramenta vi naturæ: ergo non sic Tertullianus aut vllus Pater de Baptismo hæc verba vult intelligi. Quod verò attinet ad diluuium Noë, de quo Petrus; & circumcisionem, de qua Paulus; & submersionem Ægyptiorum in mari rubro, transitum verò filiorum Israel; & Manna; & aquam à petra scaturientem; fuisse hæc typica nostrorum Sacramentorum fateor: sed non hinc colligendum est, gratiam esse in nostris Sacramentis inclusam; non enim trahenda hæc sunt ultra mentem & sensum Spiritus sancti, nec sunt per omnia virgenda. Apostolus ait, Baptismum & Eucharistiam adumbrari per mare, & nubem, & petram, & Manna: non tamen ideo sicut ibi secuta est salus & vita corporalis, sic in Baptismo & per Baptismum salus & vita spiritualis, non id Apostolus ait; nam tum quemadmodum omnes, qui edebant Manna salutis ac vitæ corporalis participes fuerunt, similiter omnes, qui percipiunt Eucharistiam, vitæ spiritualis, & salutis æternæ participes; & quemadmodum omnes, qui mare transierunt, actu seruati sunt & liberati à morte corporali, similiter omnes, qui baptizantur, seruabuntur in æternum, & à morte æterna liberabuntur. Apostolus tantum ait, illos omnes fuisse baptizatos in nube & mari, & eandem escam spiritualement manducasse, eundemque potum spiritualement bibisse; quod

contra ipsos pro nobis facit: nam ut ibi nulli rem Sacramenti sine fide perceperunt: sic neque in nostris Sacramentis; & ut gratia non in petra aut aqua inclusa fuit, sic nec in nostris Sacramentis.

Sed Bellarminus hic duo notanda esse ait. *Primum* est, Scripturam ne semel quidem dicere, vim Sacramentorum consistere in excitanda vel alenda fide; unde falsissimam esse hæreticorum sententiam colligit. *Respondeo*: Nos non dicimus, Sacramenta tantum excitare & alere fidem nostram, id est, hunc esse vnicum finem Sacramentorum, sed addimus etiam obsignare & confirmare promissiones diuinas de remissione peccatorum & salute æterna, imò gratiam & salutem ipsam offerre & præbere in recto & legitimo illorum usu.

Quod verò ait, Scripturam nunquam dicere, vim Sacramentorum in alenda fide nostra consistere, falsissimum est: nam ex Scripturâ aperte constat, Sacramenta esse instituta ad alendam fidem, & obsignandam Dei erga nos benignitatem. Quid enim aliud est, quod Apostolus vult, cum ait, circumcisionem esse sigillum iustitiæ fidei, & quod Deus circumcisionem vocat fœdus suum? nonne hæc indicant, institutam esse circumcisionem à Deo ad alendam fidem de fœdere & promissionibus Dei? Dicuntur verò Sacramenta mudare & purgare, ut intelligamus

non

*Pet. 3.*

*1. 2. 1.*

*Coloss. 2.*

*1. 12.*

*Exod. 14.*

*17. &c.*

*1. Cor. 10.*

*Exod. 16.*

*3. 14. &c.*

*1. 6.*

*1. Cor. 10.*

*Rom. 4. 11.*



non nuda esse signa, sed hoc verè semper fieri in vñ legitimo Sacramentorum, non tamen vt Sacramenta ipsa hoc per se facere aut vi sua existimemus. *Secundum*, quod ex his Scripturæ locis notari vult Bellarminus, hoc est, si liceat negare, Sacramenta verè & immediate sanctificare, eadē ratione negari posse, fidem iustificare, quia nihil Scripturæ tribuunt fidei, quod non tribuant etiam Sacramentis, verbi gratiā, salutem, vitam æternam, cordis purificationem, iustificationē. *Respondeo*: Bellarminum toto cœlo errare & hallucinari: non enim iustificat fides vi & virtute suā, quasi merito & dignitate fidei iustificemur; sed propter obiectum, quod tantum fide apprehenditur: at illi Sacramenta dicunt gratiam vi & merito suo conferre; cum non aliter dicantur in Scripturis purgare aut saluare, nisi quod fidei nostræ repræsentent & ob signent nostram purificationem & ablutionem, atque ita in nobis sunt pignora salutis. Cum enim fides sit, quæ Christum teneat credendo Euangelio, & sic iustificet, quomodo possunt Sacramenta iustificare, nisi quia hanc nobis iustitiam obsignant?

Ex Scripturis quid afferant Adversarii accepimus: nunc ad *tertiam* argumentorum classem veniamus, quæ continet pauca testimonia ex Conciliis. Ea verò quatuor sunt, quæ certe nihil ad rem faciunt. *Primum* testimonium sumitur ex Concilio Nicæno primo, cuius hæc verba sunt; *Baptisma nostrum non oculis corporis considerandum est, sed mētis ocu-*

Concil.  
Nicæn. 1.  
in cap.  
quod in-  
scribitur

lis; aquam vides, considera virtutem Dei in aquis absconditam. *Respondeo*: Non hoc ad literam intelligi voluerunt huius Concilii Patres: non enim vlla Dei virtus absconditur in aqua, quia tum esset ibi vt accidēs in subiecto, quod Adversarii negant, vt antea docuimus. Sed ratio, cur in aqua virtus abscondita esse dicitur, hæc est, quod nobis in Baptismo peccata condonentur. Et nos hoc quidem agnoscimus, in Baptismo accipi remissionem peccatorum, modò hoc non ex vi Baptismi aut aquæ, sed ex vi & gratia Spiritus S. fieri dicatur. Atque hoc illud est, quod idem Conciliū postea dicit, *descendere eum, qui baptizatur, peccatis obnoxium, seruitutis corruptione detentum; ascendere autem ab ea seruitute & peccatis liberum. filium Dei, & heredem & cohæredem Christi*: ratio est, quia Baptismus Sacramentum regenerationis est, in quā morimur peccatis, & viuimus iustitiæ. Quod verò ait Conciliū, descendere obnoxium peccatis, qui baptizatur, hoc non simpliciter intelligendum est: nam ex confessione Papistarum, qui non habet fidem, & bonos motus, & pœnitentiam, non effecta Baptismi percipit: quomodo ergo possunt descendere obnoxii peccatis, & seruitutis corruptione detenti, omnes qui baptizantur? & quomodo tum Eunuchus Philippus dixit, si credis, potes baptizari, & Eunuchus respondit, credo? descendit ille Eunuchus fide; ergo non prorsus peccatis obnoxius, & seruitutis corruptione detentus. Sed sic Conciliū loquitur, quia Baptismus nouum

doctrina  
de Bap-  
tismo. Ari-  
can. 8.

Basil. de  
Sp. sancto.  
c. 15.

nouum statum designat, & vt Basilii verbis vtat, *δὲ πρῶτον ἐστὶν ἀρχὴ, secunda vita principium est. Secundum* testimonium est ex Concilio Constantinopolitano primo in Symbolo, *Credimus vñum Baptismum in remissionem peccatorum. Respondeo*: In Baptismo remitti peccata, quis dubitat? nos hoc fatemur & agnoscimus; sed non dicunt Patres huius Concilii ex opere operato, & vi elementi externi, peccata remitti in Baptismo.

Concil.  
Mileuit.

*Tertium* testimonium sumitur ex Concilio Mileuitano: *Paruuli, qui nihil peccatorum in semetipsis adhuc committere potuerunt, ideo in remissionem peccatorum veraciter baptizantur, vt in eis r. generatione mundetur, quod generatione traxerunt. Respondeo*: Baptismum esse Sacramentum regenerationis, non negamus, etiam in paruulis, sed non ex opere operato. Deus operatur liberè, & in Baptismo sanctificat, quos vult. Si posset Bellarminus probare, aut omnes paruulos perire, qui carent Baptismo, aut omnes seruari, qui baptizantur, idque eò quod baptizentur, aliquid efficeret; sed horum neutrum vnquam poterit probare; quod satis arguit, Sacramentum non ex opere operato conferre gratiam; tum enim horum vtrumque necessariò sequeretur.

Concil.  
Arausi-  
can. 2.  
an. 25.

*Quartum* & postremum testimonium est ex Concilio Arausicano secundo: ex quo nihil aliud potest colligere, quàm accipi gratiam per Baptismum. *Respondeo*: Nos gratiam

non excludimus à Baptismo: sed quid hoc ad opus operatum? non faciunt Patres illius Concilii mentionem aut operis operati, aut gratiæ collatæ vi externi elementi in Baptismo.

Sequuntur duæ clauſes testimoniorum, quarta scilicet & quinta: altera Patrum Græcorum, altera Latinorum testimonia continet, de quibus nominatim & sigillatim non respondebo, quia satis iam responsum est. Eodem tendunt, idem volunt, idem agunt omnes hi Patres: nullus illorum facit mentionem operis operati. Tribuunt illi multum Baptismo, & meritiò quidem, remissionem peccatorum, gratiam, viuificationem, regenerationem, & alia huiusmodi: & forsan aliqui nimium tribuunt; quanquam reuera nihil dicunt, quod non satis commode exponi potest. Non enim dicunt illam gratiam esse inclusam in aqua, aut ex opere operato conferri, sed Spiritum sanctum esse in aqua & per aquam efficacem, quod ex eo Basilii loco constare potest, *Basil in quem affert Bellarminus, ἐν τῷ ὕδατι ἡ χάρις, & ἐν τῷ ὕδατι ὁ ἁγίος πνεῦμα. ἐν τῷ ὕδατι, ἀλλ' ἐν τῷ τῷ πνεύματι. Si qua est in aqua gratia, non ex aqua natura est, sed ex Spiritus præsentia*: non igitur aqua vim habet sanctificandi aut gratiam conferendi, sed in aqua Spiritus sanctus; quod non ita intelligendum est, quasi mistus cum aqua Spiritus sanctus sit, sed quia in vñ Baptismi Spiritus sanctus

K

gra-



gratiam efficit: nam qui Spiritum sanctum coniungunt cum aqua, & aquæ tribuunt, quod solius Spiritus sancti est, hos ibi Basiliius *μιγνύνειν ἀμικτα*, id est, *miscere non miscenda* affirmat: & supra Baptismum dixit *ὑποσημαίνειν συμβολικῶς ἀπὸ θεοῦ τῶν ἔργων τῆς σαρκὸς*, *significare symbolice depositionem operum carnis*: quid hoc aliud est, quàm esse symbolum & Sacramentum huius rei: & postea esse *διονεὶ καὶ θάρασιον ψυχῆς τῆ ἀπὸ τῆς σαρκὸς φρονήματι*, *quasi purgativum animæ*, id est, quasi vim habere purgandi animam, à prudentia carnis. Hoc vocabulum *διονεὶ* quasi indicat Baptismum externum non purgare, sed esse signum vel symbolum purgationis, quæ fluit à Spiritu sancto: illud quod vim subministrat & gratiam, non aqua est, sed Spiritus sanctus. Hoc est, quod ibidem Basiliius ait, *τὸ δὲ πνεῦμα πλὴν ζωοποιὸν ἐνίκησι δυνάμει*, *Spiritus est, qui vivificam immittit potentiam*. Quod ergo iustificationem & gratiam Sacramentis tribuunt hi Patres, ad hunc modum intelligendi sunt. Et quanquam Lutherus & Calvinus scribunt, quædam dici à Patribus *ὑπερβολικῶς*, & esse inmodica quædam apud illos encomia Sacramentorum, ut sic non esse contemnenda, & esse Iudæis meliora docerent: tamen reuera nullum est ex omnibus testimoniis, quæ Bellarminus affert, quod non satis commodè sine hyperbole exponi potest. Sed inutile esset de singulis respondere,

cum eadem ferè omnium sententia sit.

*Sexta* & ultima classis argumentorum, quibus utitur in hac causa Bellarminus, est ex ratione, id est, in quibusdam rationibus consistit. Atque ut eius rationes melius intelligantur, dicit signa esse duplicia: quædam esse tantum significancia & theoria, quædam efficientia & practica: illa non operari immediate & vi sua, sed si forte sequatur effectus aliquis, non sequi ex vi horum signorum, sed aliunde, ut signum hospitii non immediate mouere hominem, sed rerum apprehensionem, quibus indiget: sed practica esse, quæ præterquam quod significant aliquid, etiam efficientiam aliquam habent, ut sigillum: & tandem ait, nos dicere Sacramenta esse signa prioris generis; & si poterit probare esse posterioris generis, obtinuisse causam. Non dubium est, quin hæ præclaræ futuræ sint rationis, quas ab insigni mendacio auspiciatur. Nos enim semper Sacramenta non tantum significare, sed & efficere quod significant, dicimus, & esse signa talia, qualia sigilla sunt, sicut Apostolus circumcisionem vocat *σφραγίδα*, id est, *sigillum iustitiæ fidei*. Ergo si hæ rationes nihil aliud probant, quàm Sacramenta non esse signa nuda, nihil contra nos valent, quia nos hoc non dicimus. Sed quales hæ rationes sint, breuiter videamus.

*Prima ratio hæc est: Sacramen-*  
ta re-

ta rectè adhibentur non intelligentibus, ergo vere iustificant, immediate efficiendo sanctitatem. *Respondeo: primò* te consequente. Si hoc sit verè iustificare, efficere sanctitatem, tum qui suscipiunt Sacramenta, antea iusti, id est, sancti non sunt, at iusti & sancti sunt, etiam antequam ad Sacramenta admittantur, nam Apostolus ait, *Fili vestri sancti sunt*; & hæc est causa, cur ad Baptismum admittantur, & in adultis sanctitas antea requiritur, nam fides requiritur, & fidem semper sanctitas sequitur; ipsa fides sancta est, & sanctos efficit, qui ea præditi sunt. Philippus Eunuchò ait, *Si credis, potes baptizari*; & hoc semper addendum est in Baptismo adultorum, *Si credis potes baptizari*. Sed reuera iustificare non est sanctificare, etsi hæc duo coniuncta sunt.

Tum hoc notandum est, quod ait Sacramenta iustificare immediate, quasi iustificatio actio sit propria Sacramentorum, quæ Dei solius propria est. Et ipsi dicunt, Sacramenta non nisi causas esse instrumentales; at quis diceret causam instrumentalem fecisse aliquid immediate? num ferra aut securis dicitur facere lectum immediate? facere aliquid mediate vel immediate refertur ad causam principalem, non instrumentalem. Fatemur Sacramenta esse media, & tamen Deus in Sacramentis immediate agit; non quod non utatur medio, sed quia vis non transit per Sacramen-

ta: sicut etiam in verbo Deus immediate agit, & tamen verbum est medium.

*Se undò* de antecedente respondeo: Antecedens verò probari, id est, Sacramenta non intelligentibus rectè adhiberi, quia rectè baptizantur infantes, surdi, amentes, dormientes. Fateor quidem infantes rectè baptizari; quia Scripturæ auctoritatem habemus pro Baptismo infantium. Sed non hinc sequitur, Baptismum immediate iustificare aut efficere sanctitatem: hoc erat eis probandum, sed non probat. Baptizantur verò infantes, quia Baptismus est signum fœderis; & ii sunt in fœdere: dicere autem illos seruari, quia sunt baptizari, nullo fundamento nititur. Baptismum verò surdorum, qui verbum audire non possunt, nec vnquam potuerint, aut amentium, aut dormientium probare non aulim, quantumvis periculum mortis videatur imminere. Sed probat hoc testimonio Augustini, qui ait, baptizatum esse quendam, dum vi morbi extra se positus esset, & omnino ignoraret, quid erga se fieret, cui tamen Sacramentum utilissimum fuit. *Respondeo*: Hic homo erat Christianus, & cupiebat baptizari: eum extra se positum baptizabant; quàm rectè, non dixerim: verum quàm illi utilis hic Baptismus fuerit, non satis constat. Etsi enim conualuit post acceptum Baptismum; tamen post paucos dies expirauit.



Sed non quæque exempla sunt, pro argumentis: non videntur autem hi rectè fecisse, qui illum baptizârunt & multò minùs qui amentes aut dormientes baptizant: nos talem Ecclesiæ consuetudinem non agnoscimus. Sed paulatim, fateor, superstitio cœpit in Ecclesia inualescere, ut etiam infidelium filios clam subductos à parentibus & aliquando per vim abstractos baptizauerint; ut tandem necesse fuerit in Conciliis hoc prohiberi.

*Secunda* ratio hæc est: Sacramenta non sunt mera signa, ut verba concionis, sed signa practica: ergo vim habent aliquid supernaturale efficiendi: non esse mera signa probat, quia instituta sunt à Deo non ab hominibus: consequentia probatur, quia si ab hominibus tantum instituta fuissent, potuissent excitare fidem: ergo Sacramenta non modo significant sed & efficiunt gratiam. *Respondeo*: In hoc argumento omnia peruersa & vitiosa sunt. Nam *primò* ait verbum esse merum signum, & nudum signum, cum tamen Scriptura verbum esse plenum *εργείας* doceat, ut non modò in verbo intelligamus esse Christum & bona summa, sed etiam in verbo ac per verbum Christi & horum bonorum participes fiamus. Nos antea docuimus, Scripturam verbo vim efficacem gignendi in nobis fidem, conuertendi, illuminandi, iustificandi, seruanditribuere. Ergo insignis hæc contumelia est in

verbum & verbi prædicationem, quando sic Sacramenta verbo præferuntur, ut verbum tantum significet, Sacramenta verò efficiant.

*Secundò*, ait non referre quis instituerit signum; nam semper eandem vim habere, à quocunque instituitur; & in ordine talium signorum ponit verbum Dei: unde sequitur, verbum Dei non aliam vim habere, quàm habere potuisset, si ab homine institutum fuisset: & comparat & exæquat verbum signis in hospitiiis, quæ non refert à quo posita fuerint.

*Tertiò*, multum refert, quis signa instituerit: nam humana non nisi nuda quidem signa sunt, & non possunt internos animi motus excitare, ut ipse etiam Bellarminus paulò antea concessit, qui dixit signa in hospitio posita non propriè mouere: at diuina signa & excitant fidem, & etiam res significatas exhibent, non enim res à Sacramentis separamus in vsu legitimo.

*Quartò*, si hoc Aduersarii argumentum sequatur, Sacramenta pendent ex institutione diuina non humana, ergo gratiam ex opere operato conferunt; sequetur etiam Sacramenta veteris Testamenti contulisse gratiam ex opere operato, quod Aduersarii negant; cum constet, illa non minùs quàm nostra, à Deo instituta fuisse.

*Tertia* Bellarmini ratio sic se habet: Sacramenta pendent à Deo non solum in institutione, sed etiam in ipso vsu, ipse enim est, qui

per

per ministros suos baptizat, consecrat, absoluit, &c. ergo non sunt nuda signa ad fidem tantum excitandam instituta, ut conciones; sed aliquid præterea efficiunt. *Respondeo*: Simile est hoc argumentum priori: sed tamen respondeo *primò*: Verum quidem est, Deum operari in Sacramentis, sed non ex vi Sacramenti, aut ex opere operato, sed libere: vis non in externis elementis, sed in Deo hæret. *Secundò*, quòd ait Sacramenta aliquid efficere, fatemur: sed an fidem excitare, alere, augere, confirmare, est nihil efficere, fatemur: sed an fidem excitare, alere, augere, confirmare, est nihil efficere? sic iste loquitur, ac si quiduis posset hæc præstare, cum efficacissimum sit necesse est, quod hæc facit. Illud vnum, fidem excitare, magnum effectum est, quod nulla creatura potest efficere, sed solus Deus. *Tertiò*, non modò fidem excitant Sacramenta, ut Bellarminus vult, id est, instar signorum nostram memoriam iuuant, sed etiam res ipsas, id est, Christi merita nobis arctius applicant. Et hoc etiam argumentum non minùs concludit pro Sacramentis veteris Testamenti, quàm pro nostris.

*Quarta* ratio sequitur; Sacramenta pendent non tantum à Deo, ut institutore, & principali agente, sed etiam à Christi passione & morte: ergo non operantur solum representando obiectum, more concionis, sed verè efficiendo. *Respondeo*: Concio non modo repræsen-

tat, sed & instrumentum est præbendi eadem, quæ repræsentantur. Sed hinc intelligimus, quàm illi honorifice de verbi prædicatione sentiant: non mirum est, si eam aut omnino; aut magna certè ex parte exterminauerint. Sed etsi à Christi passione pendent Sacramenta, nullam tamen gratiam vi sua efficiunt, sed iis tantum, qui in Christum passum credunt. Habent quidem Sacramenta vim suam à Christi morte: nisi enim Christus mortuus esset, quorsum hæc Sacramenta? confirmant, obsignant, & declarant beneficia mortis Christi: at non sequitur ex opere operato gratiam conferre; quod volunt Aduersarii.

*Quinta* ratio, Sacramenta sunt instituta, ut nos certos reddant remissionis peccatorum & gratiæ Dei: ergo non solum operantur obiectiue repræsentando more concionis, sed efficiendo re ipsa quod significant. *Respondeo*: Verum illud quidem est, Sacramenta ideo esse instituta, ut nos certos faciant de remissione peccatorum & gratiæ Dei: & hîc Bellarminus concedit, quod suprà tam multis verbis negauit, Sacramenta scilicet obsignare nobis Dei beneuolentiam, nunc verò ait, nos certiores fieri per Sacramenta de remissione peccatorum & Dei gratia, quid hoc aliud, quæso, est, quàm Sacramenta nobis Dei beneuolentiam obsignare? Sed & consequens huius argumenti non pendet ex antecedente. Quomodo enim sequitur,

Sacramenta faciunt nos certos de remissione peccatorum & gratiâ Dei : ergo conferunt gratiam ex opere operato ? cum aliâ ratione nos certos faciant , nempe fidem nostram excitando & confirmando , non gratiam ex opere operato conferendo. At tum ( inquit Bellarminus ) penderet Sacramentum à nostra fide , non à Christi institutione. *Respondeo* : Si illud vult , fidem nostram facere , ut sint Sacramenta , hoc nos non dicimus : nam ut sint Sacramenta , à Deo habent , non à nobis : sin hic illius sensus sit , Sacramenta non esse nobis vtilia , nisi fidem habeamus ; verum hoc quidem est : nam sine fide inutilia prorsus Sacramenta esse dicimus. Licet enim Sacramenta possumus percipere sine fide , tamen rem Sacramenti non possumus , ut ipsi Scholastici fatentur : Sacramenta semper sunt propter Christi institutionem , sed nunquam prosunt sine fide. Ita quoad substantiam Sacramenta non pendent ex fide , quoad fructum verò & beneficium pendent. Nec dicimus omnes , qui Sacramentis utuntur , fidem habere infallibilem , ut i. g. ait Bellarminus : nouimus enim multos nullam fidem habere , & abutuntur Sacramentis ; sed in illis qui fidem habent , augeri fidem per Sacramenta dicimus.

*Sexta* ratio, Verbum Dei præcedit fidem, Sacramenta sequuntur, non ergo eodem modo operantur Sacramenta & verbum : & hinc sequi ait, nostram sententiam esse

& falsam & ineptissimam. *Respondeo* : Imò ipse potius insulsus & ineptus est, qui statum causæ nesciat. Nam vere nos ab illo dicifatemur, verbum præcedere fidem , quia *fides ex auditu est*, ut ait Apostolus, *Rom. 10. 17.* & verbum infidelibus prædicari, ut credant; at Sacramenta non recte conferri , nisi iis qui iam credunt; atque ob eam causam Philippus ait Eunuchò, *Si credis ex toto corde, licet tibi baptizari.* Sed quid hæc ad rem? imò contra Bellarminum hæc potius faciunt. Nam si ex auditu credimus, & sic ex verbo nascitur fides; & si credendo Christum cum suis meritis amplectimur; tum iusti sumus per verbum, iuxta illud eiusdem Apostoli, *Corde creditur ad iustitiam* : quorsum ergo adhibentur, quæso, Sacramenta, nisi ut hanc iustitiam nobis obfignent? ita Sacramentis confirmatur gratia in verbo accepta , non noua confertur. Quomodo ergo nostra aut falsa aut inepta sententia est? quasi non optime ista conueniant, fidem gigni verbo, Sacramentis verò excitari & confirmari. Non dicimus nos, gigni fidem Sacramentis, sed excitari : ergo antea fides sit oportet in animo eius, qui utitur Sacramentis. Gignendi fidem vis omnis verbo tribuenda; Sacramenta fidem gignere aut inspirare non possunt. Dissimulat ergo Bellarminus nostram sententiam, quia non potuit bonis argumentis refellere.

*Septima* Bellarmini ratio hæc est, Sacramenta non minùs efficacia sunt , si dentur linguâ Græcâ aut

aut Latinâ , quam non intelligat, qui Sacramenta suscipit, quam si dentur linguâ vulgari, quam omnes intelligant ; & Papistarum Baptisma, quod semper datur linguâ Latina, admittunt Lutherani & Calvinistæ : ergo Sacramenta non operantur ut conciones. *Respondeo* : In eo quidem verbum & Sacramenta differunt , quod verbum auditu percipitur, Sacramenta verò in oculos incurrunt : ergo modo forma seruetur à Christo præscripta, non impedit efficaciam Sacramentorum , quod linguâ ignota administrantur : etsi absurdum sit adultis Sacramenta dare sermone ignoto. Sacramentum visibile signum dicitur inuisibilis gratiæ : ergo potest esse efficax, etsi verba non percipiamus , quibus administratur, quia oculis non auribus obicitur. Quare qui antea nouit Euangelicam doctrinam, etsi verba non intelligat, quæ adhibentur in Sacramenti administratione, nouit tamen esse Sacramentalem actionem : est enim administratio Sacramenti actio visibilis.

*Octaua* ratio est huiusmodi : Si Sacramenta excitant tantum fidem, tum non est opus, ut doctis adhibeantur, qui possunt legere Scripturas; vel etiam imperitis, qui possunt audire concionum : multò enim melius excitat fidem Scriptura & concio, quam Baptismus vel Eucharistia : imò imago Baptismi in tabula depicta posset idem facere, quod facit Baptismus. *Re-*

*spondeo* : Hoc est Epicuræum agere, & ridere Sacramenta, atque adeo omnem religionem. Quid enim si legendis Scripturis & audiendis concionibus fides excitetur? num quia aliæ rationes sunt excitandi fidem præter Sacramenta, nulla ratio est excitandi per Sacramenta, & sic non opus est Sacramentis? imò etsi mille essent modi excitandi fidem, tamen Sacramenta non essent superuacanea, quia omnibus mediis vtendum est, quibus excitari fides potest. Imago verò Baptismi in tabula depicta non est diuinum medium excitandi fidem, sed tum excitatur fides, cum illis mediis utimur, quibus Deus vti iussit, & quæ Deus instituit. Imago Sacramenti nec est Sacramentum, nec vim Sacramenti habet, nec est à Deo instituta in talem finem. Nec fidem tantum excitari Sacramentis dicimus, sed eadem etiam percipiendo, ut oportet, coniunctius nos quotidie cum Christo vniri, & præberi etiam atque applicari nobis Christum cum omnibus suis meritis.

*Nona* ratio hæc est : Sacramenta non prosunt nisi susipientibus, etiam si multi alii præsentibus sint, & audiant, & videant, quæ geruntur : ergo non operantur more concionis, quia tam prodesse omnibus audientibus & videntibus, id est, omnibus præsentibus. *Respondeo* : Non sequitur : nam etsi inter verbum & Sacramenta est aliquid differentiæ, quia verbum audi-



auditur, Sacramenta videntur; similis tamen in utroque est ratio operandi, quia ut verbum excitat fidem in iis tantum qui audiunt, sic Sacramenta in iis tantum qui suscipiunt. Non requiritur ad similem operationem, ut sicut verbum etsi vni prædicatum, scilicet quando ad vnum tantum dirigitur, potest alios audientes excitare, ita Sacramentum vni tantum datum potest aliis præsentibus & adstantibus prodesse; quia idem verbum multis est commune, quare vni prædicatum multis prodesse potest, at Sacramentum est proprium ei, cui datur: verbum est generale, non sic Sacramentum; sed applicat Sacramentum singulis, quæ verbum in genere proponit omnibus.

Decima ratio sic se habet, Si Sacramenta tantum excitent fidem, tum nihil interesset inter nostra Sacramenta & Sacramenta veteris Testamenti. *Respondeo*: Non sequitur, est aliquid discriminis, etsi, fateor, non in eo, de quo loquitur ipse. Quod ad conferendam gratiam attinet, eadem est vis in Sacramentis utriusque Testamenti, differunt aliquo modo secundum magis & minus, ut postea docebimus, at non in specie. Et hæc Bellarmini argumenta non tam probant, nostra Sacramenta conferre gratiam, quam Sacramenta veteris Testamenti omnino fuisse superuacanea.

## CAPUT III.

*In quo nostra argumenta proponuntur & defenduntur.*

QUANDO primum aggressi sumus hanc Controversiam Sacramentariam, & quasi ingressi pelagus quoddam questionum subtilissimarum, à Deo summis votis petebamus, ut & mihi ocium spaciumque ad tractandum daretur, & vobis tam perplexa, ac difficilis, & nonnunquam spinosa disputatio nihil tædii molestiæque afferret. Nescio enim quo pacto, sed nostro certè vitio fit, ut quæ vel maxime utilia necessariaque sunt, nisi tamen magnifice dicantur, non perinde placeant: ita fere cupidi sumus delicatarum potius quam salubrium epularum. Hæc de Sacramentis materia fere posita est in minutis argutiis punctis, quæ subtilissimarum controversiarum, quæ mentis maiorem attentionem, quam orationis splendorem requirunt: sed tamen eadem est quasi amplissima quædam atque vberissima seges Theologicæ doctrinæ, in qua si diligenter versabimur, non modò religionis Christianæ: sed & Papisticæ abominationis, summa mysteria intelligemus, ut & Christum magis amemus, & Papam magis execremur, quæ duo Christianis omnibus

*Habitu est hæc Prælectio in eundem anno.*

*Zuingl. in tom. I. operum. Cathar. in lib. de sacrific. altaris Thom. de sacram. altar.*

bus precari solitus est Lutherus, syncerum scilicet amorem Christi, & serium odium Papæ. Neque enim fieri potest, ut Christum syncerè amet, nisi qui Papam cum suis blasphemis oderit, quarum plenissima est hæc, contra quam disputamus, Pontificia de Sacramentis doctrina. Testis sit vel hæc, quæ nunc refellenda nobis est, de opere operato sententia, quam aliqui pertinaciùs defendunt, qui plus Sacramentis, quam morti Christi tribuunt. Tritum est inter Papistas, per Christum remitti nobis ea duntaxat peccata, quæ ante Baptismum commisimus; quæ post Baptismum commissa sunt, ea Ecclesiæ Sacramentis esse eluenda. Sic Fridolingu Lindoverum Zuinglius concionantem audiuit; sic Ambrosius Catharinus; & sic ante illum Thomas.

Sequitur ergo nunc, ut Sacramenta non ex se iustificare, nedum ex opere operato, sed iustitiam tantum consignare doceamus ac probemus, quod tribus argumentorum generibus confirmabimus, primò Scripturis, secundò rationibus, tertio Theologorum testimoniis. Scriptura docet fidem afferre iustitiam: ergo qui credit, est iustus: credere autem possumus sine Sacramentis: ergo Sacramenta illam iustitiam confirmant, non afferunt per se aut secundam aut primam iustitiam: & nulla iustitia est nisi fidei; non vna fidei, altera Sacramentorum. Ad confirmationem propositionis primò occur-

rit insigne illud testimonium Prophetæ Abacuc, *Iustus ex fide sua vivet*; non ait, ex Sacramentis. Hunc locum sapius etiam in nouo Testamento ex Propheta citatum legimus. Bellarminus responderi primò, Scripturam non dicere, Iustus ex sola fide vivere, ac proinde relinqui suum locum Sacramentis. *Respondeo*: Vivere ex fide, est ex sola fide vivere; idque tum Propheta tum Apostolus voluit, Propheta, quia nihil cum fide coniunxit; Apostolus, quia omnia remouet à fide in negotio iustificationis; nam ait hominem iustificari *χωρὶς ἔργων νόμου, absque operibus Legis, & τῷ μὴ ἐργαζομένῳ λογίζεται ἡ πίστις αὐτοῦ εἰς δικαιοσύνην, Ei qui non operatur, imputatur fides sua in iustitiam*: ergo qui credit iustus est, propter eius in quem credit imputatam iustitiam: imputatur verò iustitia non propter Sacramenta (tum enim omnes, qui Sacramentis utuntur, iusti essent) sed propter fidem: ita ibidem Apostolus, *Dauid pronunciat beatum eum hominem, ὃς Θεὸς λογίζεται δικαιοσύνην χωρὶς ἔργων, cui Deus imputat iustitiam absque operibus*. Atque hoc est, quod Apostolus tam copiose disputat in Epistola ad Galatas, ubi disertè affirmat, iustificari hominem non aliter, *εἰ μὴ διὰ πίστεως Ἰησοῦ Χριστοῦ, nisi per fidem Iesu Christi*. Non potuit apertius loqui, si dixisset nos solà fide iustificari. Si non iustificemur *εἰ μὴ διὰ πίστεως, nisi per fidem*, certè Sacramenta non iustificant ex opere operato. Sed

*Abac. 2. 4.*

*Rom. 1. 17. Heb. 10. 38. Gal. 3. 11.*

*Rom. 3.*

*28.*

*Rom. 4. 5.*

*Rom. 4. 5.*

*Gal. 2. 16.*



obicit Bellarminus, & ait, sic Deum & Christi meritum excludi, quia Scriptura non dicit, iustus ex Deo viuit, aut, iustus ex Christi merito viuit. *Respondeo*: Deus & Christus non potest excludi, cum fide hominem iustificari dicimus, nam fides recta in Christi merita dirigitur. Dicere nos solam fide iustificari, est dicere nos nec operibus, nec Sacramentis, sed Christi meritis iustificari. Et Christus per se iustificat, non communicat hanc vim ulli rei: tantum requirit, ut eius apprehendantur merita; quod per fidem fieri potest sine Sacramentis & extra Sacramenta. *Secundo* respondet Bellarminus, Etsi non hic dicitur, iustum vivere ex Sacramentis, tamen idem alibi dicit: nam eum homo dicitur per Baptismum regenerari Iohan. 3. & Tit. 3. quid aliud dicitur, quam Baptismum dare vitam? *Respondeo*: De illis locis supra responsum est. Sed hic notandum, quomodo dici potest, nos vivere ex Sacramentis, eo modo quo Scriptura dicit, nos vivere ex fide? Ex fide quidem vivimus, quia Deus, in quem credimus, nos servabit: at ex Sacramentis quomodo? num in Sacramenta debemus credere, aut spem nostram ponere in Sacramentis? non enim fide vivimus, quia fides per se vitam nobis dat, sed quia amplectitur Christum vitam nostram: at Sacramenta non sunt vita aut Deus noster. Dicere nos vivere ex Sacramentis, est ex Sacramentis facere Deum: nam ex solo Deo vivimus.

Ioh. 3. 5.  
Tit. 3. 5.

*Tertio* respondet Bellarminus, illud Prophetæ, *iustus ex fide* vivet, non significare, hominem iustum fieri aut reputari ex fide, sed iustum constanter expectare, quæ Deus promissit, & non frangi, aut deficere; etiam si promissiones tardari videantur. *Respondeo*: Iam litteram Apostolo intendit, qui hoc testimonium citavit, ut probaret nos ex fide iustificari, id est, ut alibi loquitur, hominem reputari iustum ex fide: fidem esse, quæ acquiescimus divinæ promissioni, dum alii tumultuantur, & eorum animus non est in eis quietus: fidem facere nos quietos, quia omnes nostras curas in Deum conicimus. Si ergo fides sine Sacramentis hoc præstare potest, tum potest iustificare: at verum primum: ergo & secundum. Quare Sacramenta non iustificant aut gratiam conferunt ex opere operato.

Huic simile est, quod idem Apostolus alibi ait, *Credidit Abraham Deo, & imputatum est ei pro iustitia*. Bellarminus ait, Paulum fidei iustificationem tribuere, sed non soli. *Respondeo*: Quomodo nos fides iustificet, non est huius loci inquirere aut explicare: Apostolus certe soli fidei iustificationem tribuit. Sed hic locus Apostoli necessarii evincit, iustificationem nostram nullo modo pendere ex Sacramentis, sed ex fide & ante Sacramenta, & sine Sacramentis: nam ait Apostolus, Abrahamum reputatum esse iustum, cum credidit, *Credidit Abraham Deo, & imputatum est ei pro*

Rom. 1. 17.  
Gal. 3. 11.  
Rom. 4. 1.

*pro iustitia*. At forsan etsi non expressit Sacramenta Apostolus, tamen sensit cum fide Sacramenta esse coniuncta: id enim Aduersarii solent respondere, cum nos Scripturas pro fide adducimus. At hic Apostolus disertè ait, fidem Abrahamæ imputatam esse pro iustitia, *ὅτι ἐν ᾧ ἐσπεύη, ἀπὸ ἐν ἀκροβυστία, non in circumcisione, sed in præputio*: si antequam circumcissus fuit Abraham, iustificatus est, non potuit ex Sacramentis iustificari.

Rom. 4. 10.

Rom. 10. 10.

Rom. 10. 10.  
17.

Rom. 10. 10.

Rom. 5. 1.

Ideoque idem Apostolus alibi ait, *Christum esse finem Legis ad iustitiam omni credenti*: omnis ergo credens iustus est: num non credere sine Sacramentis possumus? imò Apostolus non ita multo post ait, *Corde creditur ad iustitiam*: at fides in corde gignitur ex auditu, ut postea ait; non ex visu aut tactu Sacramentorum; atque adeo ex auditu, ut sine eo fides acquiri non possit, ut idem Apostolus paulo post, *ὡς δὲ πιστεύουσιν ὅτι ὁκ ἡκούσαν; quomodo credent ei de quo non audierint?* non ergo furiosi, aut amentes, aut surdi ex Sacramentis fidem acquirunt, quæ non propter aures sed oculos instituta sunt.

Et idem Apostolus alibi ait, *δικαιώθεντες ἐν ἐκ πίστεως ἐις ἡμῶν ἔχομεν πρὸς τὸν Θεὸν ἁγὰ τῆς ἰουστίας ἡμῶν ἰσὺς Χριστοῦ. Iustificati igitur ex fide, pacem habemus erga Deum, per Dominum nostrum, Iesum Christum, non ait, iustificati ex Baptismo aut Sacramentis: atque hinc patet ple-*

nam iustitiam esse ex fide: nam sine plena iustitia nulla pax apud Deum.

Et adhuc alibi ait, Euangelium esse *δύναμιν Θεοῦ εἰς σωτηρίαν τῷ πιστεύοντι, potentiam Dei ad salutem omni credenti*, id est, qui credit Euangelio, eum servati. Sacramenta non sunt obiectum fidei nostræ, nec dicit Apostolus, Sacramenta esse potentiam Dei ad salutem: at Euangelium fide susceptum nos servat: qui ergo credit iis, quæ in Euangelio habentur, saluus erit; & credere quis potest sine Sacramentis, ut de Eunuchō constat, qui credidit Euangelio nondum baptizatus; & sine dubio Euangelium, cui credidit, fuisset illi potentia Dei ad salutem, etsi non baptizatus omnino fuisset; sed Baptismus hanc illi salutem obsignavit.

Rom. 1. 16.

Act. 8. 37.

Atque hinc est, quod Christus requirat fidem ante Baptismum inadultis. Marc. 16. *Qui credit & baptizatus fuerit, servabitur: qui verò non crediderit, condemnabitur*: unde constat, fidem esse, quæ servat, non Baptismum. Bellarminus ait, non hinc colligi, Baptismum non servare, sed non solum Baptismum servare. *Respondeo*: Ergo saltem hinc sequitur, Baptismum non solum servare. Si ergo Baptismus servat cum fide, quomodo tandem intelligitur hoc, cum fide? num Baptismus & fides coniunctim servant, an Baptismus tantum, sed non solus, id est, non sine fide, quia fides debet disponere

Marc. 16. 16.



hominem? id ex eo colligo, quia antea dixit, fidem esse tantum dispositionem ad iustificationem & salutem, ut siccitas est in ligno ad combustionem. Si sic, tum reuera omnem seruandi vim Baptismo tribuit, ut ignis est, qui comburit, non siccitas ligni, etsi non comburit, nisi siccum fuerit lignum. Sed pugnat hoc cum tota serie atque adeo cum constante doctrina Scripturarum, quæ faciunt fidem non esse tantum dispositionem ad iustitiam, sed fidei iustificationem tribuunt, & Abrahamum esse ex fide iustificatum a-

Rom. 5. 1.

Rom. 4. 3.

Num ea Abrahamæ fides, quæ sic commendatur in Scripturis, nil aliud fuit, nisi dispositio quædam ad iustitiam? cum ergo Scripturæ tam aperte fidei iustificationem & salutem tribuant, non potest hoc de nuda dispositione intelligi: ergo fides verè iustificat. Si ergo & fides iustificat & Baptismus coniunctim, tum iustitia partim Baptismo partim fidei tribuenda est: si sic, tum partienda inter fidem & Baptismum iustitia est; dicant ergo, quantum fidei, quantum Baptismo sit tribuendum: quod cum planè ridiculum sit, ut iustitiæ partem vnam fidei, alteram Baptismo tribuant, sequitur esse solam fidem, quæ seruat, cum Bellarminus concedat, non Baptismum solum seruare: & ideo Christus in posteriori membro ait, *Qui non crediderit, condemnabitur*, non, *Qui*

baptizatus non fuerit. Sed Bellarminus, ait, Dominum non dixisse, *Qui baptizatus non fuerit, condemnabitur*, non quia hoc non sit verissimum, sed quia non opus fuit hoc dicere. Certè non opus fuit, quia planè falsum est, damnari quisquis non baptizatus fuerit: tum enim latro in cruce conuersus & resipiscens damnatus fuit, imò tum multi martyres & sancti sunt damnati. Sed cur non opus fuit? quia ex eo, inquit, quod dictum erat, hoc intelligitur, nempe cum dicitur, *Qui non crediderit, condemnabitur*. Qui enim non credit, inquit, non vult baptizari. *Respondeo*: Qui non crediderit, id est, qui fidei & Euangelii apertus & professus hostis est, non vult baptizari, fateor: sed Christus non loquitur tantum de tali non credente: nam etiam inter Christianos multi sunt non credentes, qui tamen volunt baptizari, & cœnam Dominicam percipere, cuiusmodi sunt hypocritæ in Ecclesiâ. Sed Christus non ait, hoc ipsum non baptizari, damnationem asferre, sed non credere.

Quare cum Christus nullam aliam causam damnationis hinc ponat, nisi non credere; apertum est, non baptizari non esse causam damnationis, & sic iustitiam non esse in Sacramentis sed ex fide. Etsi ergo Christus cum fide Baptismum in priori membro coniunxit, non tamen ut simpliciter necessarium coniunxit, sed ut symbolum

bolum & sigillum, quod non simpliciter necessarium est; imò cum fide dignus est, qui promittit, non omnino necessarium est ex eius parte, qui promittit, sed tantum ex parte eius, cui promittitur: tamen in negatione, hoc est, in posteriori membro nulla mentio symboli fit, quia non catere symbolo causa damnationis est, sed fide, qua Christus apprehendi debet.

Ioh. 5. 24.

Sic Christus, *Qui sermonem meum audit* (ibi est auditus) & *credit ei, qui me misit* (ibi est fides ex auditu) *habet vitam æternam* (ibi est iustitia & vita ex fide) hinc nulla de Sacramentis mentio fit: & hanc esse veram & perfectam iustitiam ex iis patet quæ sequuntur; addit enim Christus, & *in condemnationem non venit, sed transiit à morte in vitam*. Et sic Christus multis remisit peccata, & iustificauit multos, saluosque pronunciauit ex fide ipsorum, ut mulierem illam Cananæam, & Archisynagogum, qui non erant baptizati: quod satis indicat, non pendere ex Baptismo iustificationem.

Matth. 5. 28.  
Marc. 5. 36.

Rom. 4. 11.

Sed Apostoli testimonium de Abrahamo ita clarum & luculentum est, ut non necesse sit alia adhibere: nam Apostolus clare & aperte testatur, Abrahamum nec ex circumcisione nec in circumcisione fuisse iustificatum, sed accepisse circumcisionem, postquam erat ex fide iustificatus, ad obsequendam illi iustitiam fidei instar

sigilli. Bellarminus hic duo respondet.

*Primo* ait, fuisse hoc solius Abrahamæ priuilegium, & illi soli circumcisionem fuisse signaculum iustitiæ fidei. Hoc antea dixit, & nos antea diluimus, & est certè apertum summæ desperationis indicium. Nam Apostolus exemplum Abrahamæ proponit, ad communem de iustificatione doctrinam comprobendam, nos scilicet fide sine operibus iustificari, & remissionem peccatorum impetrare; ob eamque causam Dauidis testimonium postea proponit, qui idem dicit, fide scilicet i. nos iustificari: qui enim dicit iustificari hominem ex remissione peccatorum, ille dicit fide hominem iustificari. Ergo hoc planè est tollere Apostoli argumentum, & elidere acuertere totam illius disputationem, dicere hoc fuisse priuilegium Abrahami solius. Sed Apostolus aperte hoc absurdum commentum quasi de industria refellit: nam ait, *ὅτι ἐγὼ εἶπα δὲ Rom. 4. 23. 24. δι' αὐτὸν μόνον, ὅτι ἐλογίσθη αὐτῷ, ἀλλὰ καὶ ἡμῶς, τοῖς πιστεύουσιν ἐπὶ τὸν ἐγείραντα Ἰησοῦν τὸν Κύριον, ἡμῶν ἐκ νεκρῶν.* Non scriptum est propter eum solum, quod hoc imputatum fuerit ei, sed etiam propter nos, quibus futurum est ut imputetur, iis nimirum qui credunt in eum, qui excitauit Iesum Dominum nostrum à mortuis; quasi diceret, quod dico de Abrahamo, illum fuisse ante circumcisionem per fidem vere iustificatum, hoc non affirmo.



firmiter de solo Abrahamo, sed de omnibus etiam credentibus seu fidelibus, illos etiam vere fide fore iustos, nec illorum ex ullis Sacramentis aut fide aut iustitiam pendere. Ita omnes, ut primum crediderint, iusti erunt. Et cum Apostolus iustificationem in eo statuit, quod fides λογίζεται εἰς δικαιοσύνην, imputatur pro iustitia, idque probat exemplo Abraham; manifestum est, iustificationem non in Sacramentis haberi, aut ex iis pendere, quia tum non ex imputatione fidei sed ex opere operato iusti essemus. Et quomodo hoc Abraham privilegium fuit, ut iustificaretur fide sine circumcisione, cum eodem tempore multi sine circumcisione iusti fuerunt, ut Melchisedech multi que alii? nisi forte ante circumcisionem & Abrahamum Deus nullam Ecclesiam habuit, cum nulla antea circumcisio fuerit.

Si ergo Deus Ecclesiam antea habuit, circumcisio non ex se Ecclesiam fecit, id est, gratiam ex opere operato contulit, sed Ecclesiam indicavit & gratiam obsignavit. Quod ergo ait, circumcisionem soli Abraham fuisse signaculum iustitiae fidei, absurdissimum est: tum enim quorsum sunt alii circumcisi? & quis finis aut usus circumcisionis in aliis fuit? in aliis igitur inane signum fuisse videtur.

Sed Deus quando circumcisionem Abraham praescripsit, testatur est se instituisse non propter illum

tantum, sed & propter posteros eius, quorum se non minus Deum fore professus est, quam ipse Abrahami, Ero, inquit, Deus <sup>Gen. 17. 7.</sup> tuus, & Deus seminis tui. Huius foederis circumcisio sigillum fuit. Tum etiam quando ait, circumcisionem in Abrahamo fuisse tantum testimonium fidei ante habitationem, non excitans fidem, nihil circumcisioni relinquit, ne in Abrahamo quidem, nisi ut testaretur eum esse fidelem. Sed Apostolus ait, non fuisse tantum testimonium fidei, sed & sigillum iustitiae, quae est ex fide, id est, ob signasse iustitiam, quam ex fide habuit; quod longe aliud est, quam esse nudum testimonium fidei. Et quod facit nos dicere, Sacramenta esse sigilla tantum excitantia fidem, calumniatur: non enim dicimus tantum excitare fidem, sed etiam iustitiam ex fide nostram comprobare.

Secundo respondet Bellarminus, non esse eandem circumcisionis & Baptismi rationem, quia de circumcisione Paulus ait, <sup>1. Cor. 7. 19.</sup> Circumcisio nihil est: at de Baptismo ait, <sup>Tit. 3. 5.</sup> salvos nos fieri per lavacrum regenerationis. Respondeo: De differentia Sacramentorum veteris & novi Testamenti postea dicemus, & ostendemus, non minus circumcisionem illos servasse aut saluos fecisse, quam nos Baptismus servat. Quod autem Apostolus ait, circumcisionem esse nihil, si id Apostolum voluisse existimat, circumcisionem esse nihil simpliciter;

ter; nihil ab ullo dici potuit ineptius. Tum enim Apostolus se cum pugnaret: nam hic affirmat esse sigillum iustitiae fidei: an sigillum nihil est? certe aliquid esse intelligunt ii, qui rem habent cum iurisperitis, & litigant de stipulationibus. Sed cum Apostolus circumcisionem nihil esse ait, non loquitur de circumcisione, cum erat foederis symbolum, sed postquam est abrogata, & foederis symbolum esse desinit: quod vel hinc constare potest, quia ei parum facit ἀρροβυστία, id est, incircumcisionem, seu praputium: quod certe non fecisset, si circumcisio vererem usum habuisset. Quare desierat iam circumcisio id esse, quod antea fuerat, nempe sigillum iustitiae quae est ex fide, atque hinc est, quod Apostolus eam nihil esse dicat: aliter citare aut allegare Apostolum, est turpissime Apostolo abuti; nam & Prophetarum & Apostoli multum circumcisioni tribuunt. Et si hoc Apostolus de circumcisione vera loquitur; de circumcisione litera multo magis verum est, eam scilicet nihil esse, id est, nihil valere: sed & hoc nunc de Baptismo externo tantum & ab usu legitimo separato non minus vere dici potest. Quemadmodum verò Baptismus nos saluos faciat, & quomodo idem olim praestitit circumcisio, quod nunc Baptismus, nos postea plenius docebimus.

Postremum nostrum Scripturae

testimonium habetur Marc. 2. <sup>Marc. 2. 7.</sup> Quis potest remittere peccata, nisi solus Deus? ergo Sacramenta non iustificunt, sed Deus solus. Huic simile est, quod habetur apud Prophetam Isaiam, Ego sum, ego ipse sum, qui deleo iniquitates tuas <sup>Isai. 43. 25.</sup> propter me: ergo non speranda remissio peccatorum ex Sacramentis. Hoc argumentum est Zuinglii. Bellarminus ait, se mirari haereticorum caecitatem, qui malunt Pharisaeis credere, quam Christo. Respondeo: Pharisaei quidem & Scribae hoc dixerunt, Quis potest remittere peccata, nisi solus Deus? sed num hoc haeticum est? Non Christus Pharisaeos aut Scribas reprehendit, quod dixerunt solum Deum posse peccata remittere, sed quod non crediderunt Christum esse Deum, & ideo posse peccata remittere. Et quod Christus ait, Filium hominis habere potestatem dimittendi peccata in terra, verum est, quia ille Filius hominis erat quoque Deus, & remisit peccata, non quatenus Filius hominis erat, sed quatenus Deus: & semper Ecclesia tenuit, hoc Diuinitatis esse, remittere peccata: perpetua haec & constans semper Ecclesiae doctrina fuit, solum Deum posse peccata remittere. Quod autem Apostolus <sup>Ioh. 20. 23.</sup> licuisse dicitur peccata remittere, id de ministerio intelligendum est pronuntiandi remissionem peccatorum in nomine Christi omnibus credentibus. Sed de autoritate remittendi peccata erit postea dicendum in Controversia de ab



de absolutione. Ita ex Scripturis euicimus, Sacramenta non conferre gratiam ex opere operato, sed solum Deum gratiam libere largiri in usu Sacramentorum iis qui recte utuntur, quando & quomodo ipse voluerit.

Nunc ad secundum genus argumentorum veniamus, ut rationibus hanc de opere operato sententiam refellamus. *Prima* nostra ratio est Lutheri, eaque omnes nostri utuntur. Multi sine Sacramentis per fidem seruantur, & multi damnantur, qui Sacramenta habent sine fide: ergo fides est, quae iustificat, non Sacramenta. Bellarminus ait, fidem & Sacramenta esse hac in re paria: nam ut sine Sacramentis, ita & sine fide posse aliquos seruari. Eius verò responsio quadruplex est.

*Primo* ait, in necessitatis articulo posse aliquem seruari sine Sacramento in re, modo habeat votum eius. *Respondeo*: Hoc satis probat, gratiam, quae iustificatur, non esse in Sacramentis, sed extra Sacramenta: nam si sine Sacramentis gratia haberi potest, non instituta Sacramenta sunt, ut gratiam in se continerent, cuius patricipes fierent, quicunque ad Sacramenta accedunt. De articulo necessitatis & voto satis in *Questione de necessitate Sacramentorum* diximus.

*Secundo* ait Bellarminus, paruulos seruari sine fide actuali per solum Sacramentum. *Respondeo*: hoc esse falsissimum. Non enim in-

fantes ideo tantum seruantur, quia Baptismus habent, neque ideo damnantur, quia Baptismo carent: nam & multi infantes damnantur cum Baptismo, & multi sine Baptismo seruantur. Et si hoc verum sit, tum Ethnicorum liberi damnantur tantum, quia non baptizantur, & tum oporteret rapere illos ad Baptismum, qui ne in fœdere quidem sunt, etiam inuitis parentibus & reclamantibus, addo etiam, repugnantibus. Id nemo, opinor, dixerit, ut cuiusquam liberi ad Baptismum trahantur sine voluntate parentum: at si infantes per & propter Baptismum solum seruantur, deberent etiam inuitis parentibus baptizari; neque enim æquum est, ut infantes propter parentum peruersitatem perirent. Hoc Thomas multis rationibus improbat, & nonnulli Scholastici; tamen aliqui ex Scholasticis ita absurdi & inepti sunt, ut hoc ausint affirmare, debere Ethnicorum liberos etiam inuitis parentibus ad Baptismum rapi. Sed Thomæ rationes firmiores sunt, qui ait hoc esse contra ius naturæ, & sic parentibus fieri iniuriam, sed maxime, nullorum nisi fidelium paruulos in fœdere esse, ac proinde symbolum fœderis non iis esse impartendum, qui à fœdere alieni sunt.

Tum si verum sit, quod Bellarminus ait, infantes per solum Sacramentum seruari, tum omnes, qui baptizantur, seruarentur. Verum alia causa est, propter quam seruan-

Thom. in  
Quodlibet  
2. art.  
7. & 11.  
10. art.

seruantur infantes, nempe diuina bonitas, gratia, electio, non solus Baptismus. Præterea quam iniquum est, ut infantes, si illis mori contigerit, antequam ad Baptisterium veniant, ob hanc solum causam pereant, quod Baptismo careant, qui tamen in fœdere sunt: nam ideo ad Baptismum adducuntur, quia in fœdere sunt. Sed de his suprà luculentiùs à nobis dictum est.

*Tertio* ait Bellarminus, Qui habet Sacramentum, & non vult credere, damnatur. *Respondeo*: verissimum hoc esse; unde constat Sacramenta non propriè & vi sua nos iustificare aut seruire, imò sine fide nihil valere.

*Quarto* ait, Si quis habet fidem, & non vult Sacramentum percipere, damnatur. *Respondeo*: Qui habet veram fidem, non potest non habere voluntatem utendi Sacramentis. Fingit Bellarminus hominem habere fidem, & tamen nolle uti Sacramentis: cum respondere Sacramenta, sit infidelitatis argumentum certissimum: eo enim ipso se prodit quis non credere, si Sacramenta recuset; contemptus Sacramenti indicat eum fidem non habere. Augustinus rectè ait, *Sacramentorum vim inenarrabiliter valere plurimum, & ideo contempta sacrilegos facere*: at infantes contemnere non possunt. Et idem alibi hæc verba habet, *Et si invisibilis sanctificatio esse potest & prodesse sine visibili: tamen non contemni debet visibile Sacramentum, quia contem-*

August.  
de Faust.  
119. c. 11.

Idem in  
Lenit. q.  
34.

ptor eius non potest invisibiliter sanctificari. Vbi notandum est, Augustinum Sacramentis non nisi visibilem sanctificationem tribuere: at visibilis sanctificatio non est iustificatio à peccatis; nam illa est inuisibilis sanctificatio, quæ non habetur ex Sacramentis ipsis; Augustinus enim hanc opponit illi. Visibilis sanctificatio, fateor, per Sacramenta fit ex opere operato. Vnde manifestum est, alienissimum fuisse Augustinum à sententia Pontificiorum. Nam si Sacramenta iustificarent ex opere operato, tum haberent inuisibilem gratiam & sanctificationem: ergo hæc ratio satis docet, non esse insitam aliquam vim in Sacramentis, quæ prosit ad iustificationem, sed totum hoc pendere à Deo, qui in puro usu Sacramentorum concedit gratiam: ac proinde ab illo solo quarendam esse gratiam, non in externis elementis.

*Secunda* nostra ratio est eiusdem Lutheri in eodem loco: Vbi est promissio, ibi requiritur fides ne cessariò, quæ promissionem accipiat: at in omni Sacramento est verbum promissionis: ergo fides in Sacramento immediatè promissionem accipit & iustificat, & non per se Sacramenta. Bellarminus ait, peccare hoc argumentum tribus modis. *Primo* ait, verbum promissionis non requiri in usu Sacramenti, sed in institutione. *Respondeo*: Nihil absurdius & Theologo indignius dici potuit. Non requiritur, ut qui Sacramento uti-

Luther.  
ubi su-  
pra.

tur, aliquod verbum promissionis habeat? at quorsum tum vteretur? nulla enim causa est vteretur Sacramentis, nisi facta sit promissio vterenti: & ideo in institutione Sacramenti promissio ponitur, ut illam promissionem respiciat, qui Sacramento vteretur. Sed bene se habet, quod concedit in Sacramenti institutione requiri promissionem: quod tamen alii Papistæ negant, & ne in definitione quidem Sacramenti promissionis mentionem aliquam fieri volunt: & Bellarminus ipse antea de hac re litigauit; nunc verò aliter sentire videtur.

Sic igitur argumentum instituo: Si Deus Sacramentum instituens (quod Sacramentum non est, nisi in usu) ei promissionem addidit, tum, tum in usu Sacramenti legitimo necessariò requiritur promissio; nam usus ex institutione pendet: atque ita cum fides promissionem accipiat, igitur fides in Sacramento promissionem amplectens iustificat, non ipsum Sacramentum. Sacramenta verò non esse Sacramenta nisi in usu constet, quia aqua in cisterna, aut fluvio, aut vale quouis, non est Sacramentum, sed in usu tantum, quando scilicet aliquis hac aqua baptizatur: oportet ergo institutionem ad usum, & usum ad institutionem applicare; alterum ab altero non est separandum. Quare si in institutione Sacramentorum verbum promissionis requiratur, tum etiam in usu.

Quod verò ait, eos qui baptizant non dicere, *Qui crediderit & baptizatus fuerit, saluus erit*, sed, *Ego baptizo te*, nec eos, qui consecrant Eucharistiam, dicere, *Qui manducat hunc panem, vivet in aeternum*, sed, *Hoc est corpus meum*, verum hoc quidem est: tamen certissimum est, illustrissimam promissionem etiam in illis verbis contineri, *Ego baptizo te*: promittunt enim ablutionem peccatorum; & in cæna Dominica, cum Minister Christi nomine ait, *Hoc est corpus meum*, promittit vitam æternam per carnem Christi, quia qui sumit corpus Christi, vitam sumit. Et quidem tum in Baptismo tum in cæna Dominica requiritur promissio, ut quid promittatur & offeratur in Sacramentis intelligamus; aliàs nihil valebunt. Separare usum Sacramenti ab institutione, est aliter vti, quàm Christus instituit, usus ergo ad institutionem omninò referendus est.

Secundò ait Bellarminus, etiamsi in usu requireretur semper promissio, & consequenter fides; non inde tamen posse concludi, fidem esse, quæ immediate iustificat, quia diceremus, inquit, fidem requiri ut conditionem. *Respondeo*: Imò verò necessarium est, fidem immediate iustificare, quia fides est, quæ promissionem immediate amplectitur. Cum Deus aliquid promittit, nullum aliud est instrumentum, quo hanc promissionem apprehendamus, nisi fides.

des. Quando credimus, tum promissionem apprehendimus: si non credimus, inutilis est promissio. In Baptismo fide assequimur remissionem peccatorum, & in cæna Dominica fide similiter vitam æternam. Sed Bellarminus exemplum pharmaci affert in hunc modum: Medicus offert pharmacum, promittit sanitatem, fides in ægroto requiritur, quæ medico assentiat, non tamen est ea fides, quæ sanat ægrotum, sed pharmacum. Atque ita putat se posse nos eludere, & nostrum argumentum elidere. Sed *respondeo*: longè aliam esse rationem pharmaci & Sacramenti. Non enim omnino fides in ægroto requiritur, ut vel promissionem medici esse veram credat, vel pharmacum posse illum sanare: sufficit ut in animum inducat pharmacum sumere, etiamsi de salutis recuperatione diffidat: valebit enim pharmacum propter virtutem insitam, non propter ægroti persuasionem. Num ita statuet de Sacramentis? valebuntne illa, etiamsi is qui vteretur nihil de Sacramentis aut de Christo illorum authore sciat, aut fide sibi persuasum habeat? num qui sic Sacramentis vteretur, saluus erit? non dicet, opinor. Præterea num sic in Sacramento gratia, ut in pharmaco sanitas? at hoc contra ipsum facit, qui negat postea aliquam esse hærentem aut permanentem vim in Sacramentis; at in pharmaco est vis permanens; & fidem saltem ut dispositionem necessariam esse ait: at si gratia sit

in Sacramento, ut sanitas est in pharmaco, non esset dispositio fidei necessaria; efficeret enim Sacramentum gratiam sine fide. Tertio ait Bellarminus, etiamsi concedatur & promissionem requiri, & fidem in Sacramento iustificare, non tamen inde concludi posse, solam fidem iustificare, sed Sacramentum & fidem. *Respondeo*: Imò hoc sequitur necessariò, solam fidem iustificare, quia sola fides promissionem in Sacramento factam etiam sine Sacramento accipit: nihil enim habemus, quo apprehendamus factam nobis à Deo promissionem, præter fidem. Sacramenta sunt quasi manus Dei, quibus nobis porrigit gratiam, & fides est quasi manus animæ, qua & hanc gratiam apprehendimus, & promissiones Dei firmitur tenemus.

Tertia nostra ratio est Caluini, *Caluin. institut.* Qui Sacramentis vim iustificandi, & gratiam ex opere operato conferendi tribuunt, ii homines à Deo abstrahunt, & faciunt, ut in spectaculo rei corporeæ acquiescant, non in ipso Deo. Verissimum hoc sanè argumentum est. Qui enim gratiam in ipso Sacramento sitam esse aiunt, cuius hominem participem fore vel ex sumptione sola credunt, ii homines à Deo abducunt, & in rebus corporeis acquiescere ad suam perniciem faciunt: Qui disputant & dicunt, servari nos per ipsum Baptismi Sacramentum, damnari verò atque à cælo excludi, si moriamur in itinere antequam ad Baptismum



veniamus, ii docent ex rebus externis pendere, & in iis hærere, & mentes defixas habere, cum ad Deum mentes hominum essent reuocandæ. Bellarminus respondet dupliciter.

*Primo* ait, si hoc argumentum aliquid valeret, non debuisset Deum in Testamento veteri serpentem æneum proponere, nec debuisset Deum incarnari. *Respondeo*: Non id Calvinus vult, neque nos id dicimus, externa & visibilia inutilia esse, aut impedire fidem, & sic esse noxia, ac proinde non debere nos rebus externis vti omnino; imò dicimus in externis rebus multum esse adiumenti ad fidem confirmandam, & nos huiusmodi subsidiis egere: sed hoc dicimus, affirmare gratiam in realiqua externa inclusam esse, vt in aqua, aut in oleo, aut in aliqua re huiusmodi, esse animas hominum à Deo ad creaturas abducere. Quod verò ad serpentem æneum attinet, certissimum est, nullam in eo gratiam fuisse insitam; tum enim non confregisset illum Ezechias; sed fuit semper res inanimata & gratiæ expers in se: nam sanitas non à serpente, sed à Deo fluxit: similiter nos dicimus, in Sacramentis ipsis nullam hærere gratiam, sed omnem gratiam à Deo fluere, qui Sacramenta instituit.

Serpens ille æneus fuit typus Christi crucifixi, & quemadmodum omnes, qui serpentem illum intraebantur, sanati sunt: sic omnes

salui sunt, qui Christum crucifixum oculis fidei intuentur: ergo sic in Sacramentis gratia est, vt in serpente illo æneo sanitas fuit; qui digne ad Sacramenta accedunt, ii gratiam à Deo non ex vi Sacramenti accipiunt, vt ii, qui serpentem æneum intuebantur, non virtute aliqua in serpente insita, sed virtute diuina sanabantur. Hoc verò interest, quòd omnes, qui spectabant serpentem æneum sanabantur, at non omnes, qui ad Sacramenta accedunt, gratiæ participes fiunt: ratio est, quia serpens ille æneus non erat typus Sacramentorum, sed Christi, in quem qui credunt omnes seruantur. Qui similiter intendunt oculum fidei in Christum, vt illi oculos corporeos in serpentem, seruantur. Quod verò de Deo incarnato respondet, ridiculum est: nam incarnatus est Deus, vt nos ad Deum adduceret, non vt à Deo abduceret: Deus enim homo fieri voluit, vt pro nobis mori posset. Quanquam corpus eius nunc in cœlis est, & ab oculis nostris corporeis longè remotum: quid ergo hoc impedit, quo minùs nimium in rebus corporeis hærere nobis non liceat?

*Secundo* ait Bellarminus, contrarium potius sequi ex Pontificiorum doctrina: cum enim dicant Sacramenta ex se non habere virtutem, sed Deum esse, qui per illa operatur, illos hoc ipso trahere homines ad Deum. *Respondeo*: Si dicerent Sacramenta ex se

ex se habere virtutem, insanissimè essent: sed quando dicunt Sacramenta ex Deo habere vim iustificandi, sic vt ex opere operato iustificent, & gratiam conferant, hoc facit homines in corporeis rebus acquiescere, & minùs curare Deum, quia Deus talem virtutem creaturis indidit. Nam si Deus dedit aliquibus rebus externis, vt ex opere operato nuda illorum sumptione vim iustificandi habeant, minùs Deum curabunt homines, minùs ad eum mentes attollent, imò proni in rebus externis hærebunt, quia sperabunt sufficere, si his externis creaturis vtantur; posse enim se ex solo illarum vfu salutem & vitam æternam consequi. Patres docuerunt, exempli gratiâ Chrysostomus & Augustinus, non spectanda esse elementa externa, sed in vfu Sacramentorum mentes debere ad cœlum eleuari, vt intelligamus à Deo omnem gratiam deriuari.

Qui aliter facit, ex Sacramento idolum facit, ex medicamento venenum, nec suam salutem sed damnationem per Sacramenta promouet & obsignat; & hoc docere, est fallere homines, vt mendacium sequantur. Quod verò de fimbria Christi, per cuius tactum aliqui sanabantur, & similiter de sputo ac luto, quibus in aliis curandis vsum est Christus, obicit, facillima est responsio: non enimerat vis sanandi in rebus istis, sed in Christo tantum. Atque vt

hoc Christus doceret, non esse vim aliquam sanandi in huiusmodi rebus externis insitam, adhibuit aliquando eas res, quæ vim potius contrariam haberent, vt quando luto vsum est in cœci cuiusdam oculis aperiendis, vt intelligamus totam vim à Christo immediatè manasse. Quàm insanum est, putare esse in fimbria, aut in luto arcanam aliquam vim sanandi, aut etiam in oleo? Sed Papistæ ex Sacramentis gratiam pendere volunt; atque hoc est, vt Calvinus ait, detrahare nostras cogitationes à Deo ad Sacramenta. Qui luto, aut sputo, aut fimbriâ Christi sanabantur, ii non in his rebus gratiam aliquam firam esse, sed tactu harum rerum se sanatos esse credebant: ergo non in his rebus acquiescebant. Sic nos non in Sacramentis, sed per vsum Sacramentorum, gratiam nos habere credimus: ergo ad Deum hanc gratiam referendam esse dicimus, non acquiescimus in Sacramentis.

*Quarta* nostra ratio est Kemniti, cum disputat contra hoc opus operatum, & sic se habet: Verbum Dei & Sacramenta eodem modo iustificat: verbum autem non iustificat propter aliquam in eo insitam efficaciam: ergo nec Sacramenta. De verbo Paulus ait, *Rom. I. 16. esse potentiam Dei ad salutem omni credenti.* Id etiam ratio suadet; quia in iustificatione duæ manus concurrunt, vna Dei offerentis, altera hominis accipientis gratiam: Dei

manus est verbum & Sacramenta; hominis manus est fides: ergo verbum & Sacramenta nihil profunt sine fide, quia fides est, quæ oblatam gratiam recipit: sic Apostolus, *Non profuit illis sermo auditus, non admisit fidei.* Bellarminus de loco Apostoli Roman. 1. vbi ait *Euangelium esse potentiam Dei ad salutem omni credenti*, tripliciter respondet. *Primo* ait, per Euangelium eo loco intelligi posse non concionem, sed mysteria ipsa Euangelii, vt incarnationem, passionem, Sacramenta. *Respondeo*: Per Euangelium Apostolus intelligit prædicationem Euangelii. Id patet ex eiusdem verbis paulò antè, *Quantum in me est, paratus sum vobis prædicare, vobis quoque, qui Romæ estis euangelizare*, id est, Euangelium prædicare: tum addit, *Non enim me pudet Euangelii Christi: potentia siquidem est Dei ad salutem cuius credenti*: & idem alibi ait, *εὐδόκησεν ὁ Θεὸς διὰ τῆς μαρτυρίας & κηρύγματός*, placuit Deo per stultitiæ prædicationis seruare credentes: & ibidem, *ἡμεῖς δὲ κηρύσσομεν Χριστὸν ἐσταυρωμένον*, Nos prædicamus Christum crucifixum: Vnde constat nos iustificari ex fide, qua Euangelio prædicato credimus, etsi nullum Sacramentum accesserit, modò Sacramenti contemptus absit, Certe non alia iustitia aut salus est, quàm hæc, quæ est ex fide: ergo Sacramenta non possunt aliter iustificare, si iustificent omnino, nisi ex fide: non igitur ex opere operato. *Secundo* Bellarm. ait, si accipiat Euangelium pro concione, ibidem explicari, quomodo Evan-

gelium saluet, quia subiungit Apostolus, *iustitia enim Dei reuelatur in eo ex fide in fidem*, & ait Scripturam nusquam ita exposuisse modum saluandi Sacramentorum. *Respondeo*: Hinc sequitur, Sacramenta non iustificare propriè, ex ipsius Bellarmini confessione: nusquam enim Scriptura sic de Sacramentis loquitur, vt hic de verbo. Sed hæc Euangelii iustitia ex fide in fidem est vera iustitia; nam vocatur iustitia Dei: ergo qui aliam iustitiam in Sacramentis quærunt, ii nouam iustitiam, non veram, non Euangelicam quærunt. Quare Sacramenta non iustitiam aliam sed hanc obsignant, & sic nihil sine fide valent Sacramenta, atque ideo non iustificant ex opere operato. *Tertio* ait Bellarminus, Scripturam & verbo & Sacramento tribuere vim iustificandi, sed nusquam dicere, eodem modo iustificare. Deus, inquit, & verbum, & fides, & Christi passio, iustificant, sed non eodem modo: sic verbum & Sacramenta iustificant, non tamen eodem modo. *Respondeo*: Videre hoc argumentum illum pungere, cum toties respondendo nihil ad rem respondeat. Scriptura enim docet, non nisi vnā esse iustitiam, quando Euangelio credimus. Quamquam igitur hæc omnia dicuntur iustificare, Deus scilicet, & fides, & Christi passio, & verbum, tamen non est multiplex iustitia, sed vna tantum, quæ est apprehensio Christi crucifixi per fidem. Iustitia vna & eadem fuit in Patriarchis, in Prophetis, in Apostolis, in omnibus denique piis, qui ab origine mundi fue-

fuerunt. Sive ergo Christus in verbo, siue in Sacramentis proponitur, non nisi fide recipi potest, quia Christus non potest aliter apprehendi, nisi per fidem. Ergo Christus, & gratia & iustitia, non conferuntur in Sacramentis ex opere operato: nam hoc esset non modò aliter iustificari per Sacramenta, quàm per verbum, sed etiam iustificari contrariā iustitiā ei quæ est in Euangelio, quæ est ex fide in fidem, & quæ non nisi fide suscipitur. Hætenus de Scripturæ loco respondit: iam verò quod attinet ad nostram rationem de duplici manu videamus quid respondeat. Cōcedit verbum & Sacramenta dici posse manū Dei, per quam ad nos venit gratia & iustitia, sed non eodem modo: Verbum dici posse manum, quia salutem offert, non autē quia re ipsa operatur vel applicat; contrā verò Sacramentum dici posse manum, quia applicat re ipsa Christi meritum, & operatur gratiam. *Respondeo*: Nihil dici potuit magis contra Scripturam & veritatem. An nihil aliud agit Scriptura, nisi salutem offert: imò efficit, operatur, præbet. Hominem iustum fieri, qui Euangelio prædicato credit, c'amat Scriptura, cum ait, *fides ex auditu*, &, *Qui credit, saluus erit.* Deinde si hoc verum sit, quod ait Bellarminus, verbum non nisi offerre salutem, Sacramentum verò operari, tum non sufficit, vt voto tantum participes simus Sacramentorum, sed re participemus necesse est, si salui esse velimus. Sed hoc est verbum enervare, eum omnis fructus verbi ad Sacra-

mentum alligetur: perinde enim est, ac si diceret; Verbum offert salutem, sed non potes hanc salutem accipere, nisi in Sacramentis: at hoc modo Sacramentis, quæ nō nisi verbi sunt appendiculæ, multò plus quàm verbo ipsi tribuitur. Apostolus ait, *Corde creditur ad iustitiam*: ergo verbum non modò offert iustitiam nostræ fidei, sed etiam præbet. Sed videte, quæso, summam horum Sophistarum insaniam: plus illi tribuunt Sacramento ex opere operato, quàm verbo etiā cum fide suscepto. Nam quantumuis credas, non tamē verbum applicat iustitiam, sed offert tantum; at Sacramentum ex opere operato applicat & operatur gratiam & salutem, etiam si nō credas, modò non habeas habitum fidei contrarium, vt Scholastici affirmant. Ita plus Sacramentis sine fide, quàm verbo cū fide tribuunt. Licet enim Bellarminus supra visus est operi operato nihil sine fide tribuere, tamē nūc plane ab ea opinione discedit: tum enim non pueris prodesse Sacramenta, qui actum fidei non habent: at ille pueris etiam sine fide Baptismum ex opere operato prodesse ait. Subiungit enim, huius differentia, inter verbum scilicet & Sacramentum, signum evidēs esse, quòd verbum non prædicatur nisi intelligentibus, nec prodest, nisi intelligatur & credatur: at Sacramentum exhibetur & prodest etiā non intelligentibus, vt infantibus, & amentibus, imò etiā vt antea addidit, surdis, & dormientibus. *Respondeo*: Sanè fateor esse aliquam inter verbum & Sacramenta differentiam. Sed

Rom. 1. 17.

Rom. 10.  
17.  
Ioh. 3. 16.  
36.

Lib. 2. c. 8.



Sed ille ait, verbum prædicatum, et si intelligatur & credatur, nil tamen prodesse sine Sacramento, quia verbum offert tantum salutem, non autem re ipsa operatur vel applicat: hoc enim per Sacramentum tantum fieri. Hæc absurdissima & profanissima doctrina est. Quod verò ad infantes attinet, non illis Sacramentum ex opere operato prodest, quemadmodum Papistæ volunt, id est, non iis gratiam infundit aut fidem, nec eorum salus sita est in Sacramento, & tamen iis prodest, si vixerint; & si non vixerint, prodest tamen, quod sic visibilis Ecclesiæ membra fiunt. Sed ne hic quidem secum Bellarminus constat: nam in responsione ad hoc argumentum supra ait, verbum & Sacramentum adeo non iustificare vno eodemque modo, ut verbum præcedat fidem, Sacramentum sequatur fidem. Si hoc verum sit, Sacramentum non iustificat infantes, quia non sequitur fidem in illis: nam verbum præcedit fidem: at verbum non prædicatur infantibus. Si Sacramentum sequatur fidem, & fides verbum, ut ille ait, quomodo iustificat Sacramentum infantes, cum illi nec verbum, nec fidem habeant? Teneat hoc Aduersarius, & controuersia iam ad exitum perducta est. Sacramentum reuera fidem sequitur, id est, ob signat iustitiam fidei, ut circumcisio in Abrahamo: & tamen ille antea dixit, Sacramenta afferre primam iustitiam; at tum quomo-

do sequuntur fidem Sacramenta, cum fide nulla iustitia prior sit? Ergo ex Aduersarii sententia, si sibi constare velit, nisi & verbum, & fides, & iustitia præcedant, Sacramenta nihil valent. Sed hinc iterum Bellarmini insania occurrit. Fidem fatetur dici posse manum nostram, non tamen quia promissione in apprehendit, & hoc modo iustificat, sed quia remouet obstacula, & disponit animam. Lugenda horum hominum improbitas est, adeo nil pudet eos pervertere rectas vias Domini. Num fides remouet tantum obstacula, & disponit animam? at Scripturæ docent, si credamus, & quando credimus, & propterea quod credimus, saluos nos esse: hoc cene est, quod Bellarminus ait, nos tantum disponi ad salutem credendo? Scripturæ docent, fidem & apprehendere promissionem, & iustificare: sic Propheta, *Iustus ex fide sua vivet*: *Abac. 2. 4.* hoc cene est, fidem disponere tantum ad vitam? *Iustificati ex fide pacem habemus erga Deum*, inquit Apostolus; quid hoc? an, si dispositi tantum sumus ad iustitiam, pacem habemus erga Deum? at non qui dispositi sunt ad iustitiam, sed qui iusti sunt, pacem erga Deum habent. Nil fidei hic Aduersarius tribuit, nisi ut sit dispositio quædam animæ: sed Apostolus Abrahamum credentem iustificatum fuisse ait etiam *ex angelosia*, id est, *Rom. 4. 9.* dum adhuc in præputio esset; non ait tantum ad iustitiam dispositum fuisse: & sic omnes filii Abrahamæ, id est,

est, Christiani. Et dicitur idem Abrahamus accepisse postea signum circumcisionis, tanquam sigillum iustitiæ, quæ est ex fide: at si tantum dispositus fuisset ad iustitiam per fidem, circumcisio illi falsum & signum & sigillum fuisset. Quales hi homines sunt, qui sic exiliter & abiectè de fide sentiunt & loquuntur? De latrone in Euangelio quid tandem dicemus? num ille dispositus tantum ad iustitiam fuit, quando credidit? imò verè iustificatus fuit, ita ut ex hac iustitia vitam æternam consecutus sit. Et Christus ait, *ut Moses exaltauit serpente in deserto, ita oportere filium hominis exaltari, ut quisquis credit in eum, non pereat, sed habeat vitam æternam*: non ait, sed disponatur ad vitam æternam. Si quis in his locis iustificari, & vitam æternam habere, sic ininterpretetur ut Bellarminus, id est, disponi ad iustitiam & vitam æternam, nonne hoc esset insigniter abuti Scripturis, & hæc omnia testimonia egregie pervertere? Sed nunquid adhuc aliud habet, quod respondeat? imò subiungit, fidem disponere animam, ubi est necessaria talis dispositio. Ex quo sequitur, Sacramenta in quibusdam operari gratiam sine vlla fidei dispositione, id est, ubi non est fides omnino: ita ex Aduersariorum sententia fides sine Sacramento nihil valet; Sacramentum verò sine fide iustificat. At contra Augustinus, *Non prodest Baptismus, si desit fides*. Hoc illud est, quod Sophistæ aiunt, Sacramenta ex opere operato iustificare, & gratiam con-

ferre. Et antea visus est Bellarminus dicere, fidem ut dispositionem in omnibus requiri, qui per Sacramenta ex opere operato iustificantur; nunc apertè ait, fidei dispositionem non esse in omnibus necessariam. Sed obseruanda est ratio eius, quæ sequitur; alioqui, inquit, Baptismus ne adultis quidem prodesset, si in ipso momento Baptismini paululum distraherentur animo: tunc enim, inquit, fides non apprehenderet promissiones. *Respondet*: At ipsi dicunt fidei non actum modò sed & habitum sufficere, nam etiam in somno fideles Christum tenent; & illi affirmant Baptismum etiam dormientibus adhibitum prodesse. Et hic iterum se Theologum insulsum prodit, qui putat fideles, cum primum animum ad aliud intenderint, amittere statim apprehensionem promissionum.

*Quinta & postrema nostra ratio est* Zuuinglii, Kemnitii, & omnium nostrorum, & est huiusmodi: Sacramenta sunt res crassæ, & materiales, & corporeæ: ergo non possunt ad animam penetrare, & purgare sordes peccati, quæ in anima resident. Bellarminus in explicatione & responsione huius argumenti multa aliena affert: ego tantum argumentum premam, & quid ad argumentum respondeat, non quid extra causam dicat, excutiam. Argumentum igitur nostrum contra hanc Sacramentorum efficaciam, quam Pontificii tenent & defendunt, hoc est, quod in Sacramentis, quæ sunt res corporeæ, nulla

N

virtus

August.  
9.33. super  
Numer.

virtus aut. qualitas supernaturalis inesse potest; & si inesset, non posset intelligi, quando inciperet inesse, quando desinat esse, & quid sit, nec quomodo ad animam à Sacramento transiret: & cum Sacramentum constet ex verbo & elemento, num eadem gratia in altero tantum horum sit, an in utroque; & num eadem in Sacramento, quæ in anima, cum accidens non possit esse in duobus subiectis: ergo dicendum, gratiam non esse in Sacramento, nec Sacramentum efficere gratiam, sed Deum solummodo in usu Sacramentorum gratiam efficere. Iam quid ad hæc Bellarminus respondeat videamus. *Primo* ait, posse aliquem confiteri ignorantiam circa huiusmodi nodos, & tamen hæreticis satisfacere, imò illorum ora obstruere, ut Augustinus translationem originalis peccati defendit, etsi modum nesciebat. *Respondeo*: Opus quidem est, ut nostram ignorantiam in multis rebus profiteamur: exempli gratia fatemur nos nescire modum incarnationis Christi, mysterium Trinitatis, & modum, quo peccatum originale traducitur: sed de his Scriptura aperte loquitur, & loquente Scriptura ratio taceat: non requirimus rationem, quando Scripturæ auctoritatem habemus, sed in ea acquiescimus. At in hac causa nusquam Scriptura tradit, quod Aduersarii affirmant, gratiam scilicet inclusam esse in Sacramento, imò contrarium plane tradit. Non oportet doctrinam inauditam & dogma incredibile præter & contra

August.  
Epist. 29.  
ad Hiero.  
c. 13. c.  
14. de peccat.  
merito.  
& remiss.

Scripturas proponere, & tum postulare, ut ei non minus credamus, quam quibusdam manifestis fidei articulis, qui non possunt demonstrari ratione. Si ratio suppetat ad refellendum aliquid, quod non nititur claro Scripturæ testimonio, sufficit. Afferant illi Scripturam, si quam habent apertam & manifestam, quemadmodum nos afferre possumus de Christi incarnatione, de unitate in Trinitate, de translatione peccati originalis, & tum respondeant, statuendum ita esse, etsi nos modum nesciamus. Sed Bellarminus satis confessus est, nescire se, quomodo ista explicari possunt, nec posse aliquid aptè respondere, etsi multis verbis utitur, & quærit responsionem, sed non potest commodam aliquam responsionem inuenire. *Secundo* igitur respondet, Sacramenta esse causas efficientes, & physicas, sed instrumentales, ne forte credamus esse principales efficientes causas. Sed qualis virtus est in Sacramento? ea, inquit, non est noua aliqua qualitas inhærens, spiritalis vel corporalis. Rectè: non igitur inhæret in Sacramento gratia: sed cur tum ait, Sacramentis virtutem esse diuinitus inditam? hæc enim illius verba sunt, Virtus autem diuinitus indita non est noua inhærens qualitas: ait inditam esse virtutem diuinitus Sacramentis, & tamen hanc virtutem non esse aliquam nouam qualitatem inhærentem vel spiritualement vel corporalem. Qualis hæc distinctio est inter virtutem, & qualitatem, inter inditam, & inhærentem? quid stultius dici.

dici potuit? imò sic non modò inepti sed & insani sunt Sophistæ. Quæ ergo est hæc virtus indita, quam operantur Sacramenta ex opere operato? aut qualis est? aut ubi est? aut quando est? nimirum ait, virtutem Sacramentorum esse tantum motum & usum Dei, quia Deus hac sacramentali actione utitur ad gratiam producendam, eam eleuat, & facit eam attingere effectum supernaturalem. Hoc vult scilicet, non esse inhærentem virtutem in Sacramento, sed Sacramenta efficere virtutem in nobis, quando mouentur à Deo, & quando utitur illis Deus in eum finem, ut efficiat gratiam. Et tamen antea dixit, Sacramenta esse causas physicas: nunc eorum effectum esse supernaturalem ait: quomodo possunt physica causæ supernaturalem effectum producere? hoc ergo satis falsum esse indicat, quod illi de Sacramentorum efficacia affirmant: si enim effectus Sacramentorum supernaturalis sit, non hunc effectum Sacramenta ipsa producant. Ita nihil potest dicere aut respondere, quod non ipsi contrarium sit. Quare nunc Bellarminus ingenue fatetur, nullam virtutem esse in Sacramento insitam. Sed debuit ille saltem cum Alano excipere Eucharistiam, in qua cum Christus ipse insit, gratiam aliquam insitam & inhærentem esse necesse est. Et tamen hoc tueretur, Sacramenta efficere gratiam ex opere operato, & causas esse gratiæ; quod sic exponit secutus Thomam, quia mo-

Thom. 2.  
part. sum.  
q. 62. art.  
1.

uentur à Deo ad producendum effectum spiritualement: ut gratia sit in Sacramento instrumenta-liter, quia Deus eo tanquam instrumento utitur ad gratiam producendam: ergo ut vis non est in instrumento per se, sed in agente principali, ita vis omnis Sacramentorum non est in ipsis Sacramentis, sed à Deo fluit: at instrumentum efficax est, cum ab artifice mouetur: sic Sacramentum, cum mouetur à Deo. Quid mali est in hac sententia? quid nos in hac responsione reprehendimus? videtur nihil interesse inter nostram & illorum sententiam, cum & nos Sacramenta dicamus instrumenta & media esse. Sed tamen multum interest, & nostra vera sententia est, illorum hæretica & absurda. Quod enim nos Sacramenta esse instrumenta dicimus, non proprie nomen instrumenti sumimus, sed in genere pro eo, quo quis utitur, licet ipsum nihil efficiat sua vi, cum mouetur. Nam instrumentum nisi motum nihil efficit: at motum habet vim efficacem, ut securis. Nos vero Sacramenta ipsa, ne quidem ut mouentur à Deo, esse causas gratiæ, quod ipsa gratiam efficiant, ut terra vere secatur: sed tantum in usu Sacramentorum effici gratiam à Deo immediate: esse ergo media & instrumenta, sed non physica, ut vult Bellarminus. Vtra sententia verior sit, illorumne an nostra, cui obsecrum esse potest? Iam repetamus



ramus argumentum nostrum, & videamus quomodo à Bellarmino diluatur. Sacramenta sunt res corporeæ: ergo non possunt agere in animam. Bellarminus negat consentientiam: rem enim corpoream posse agere in animam non ex natura sua, sed ex virtute Dei. *Respon-*  
*deo:* Facile est quidvis ascribere virtuti Dei; sed videndum num Deus sic agat, ut faciat rem corpoream imprimere gratiam rei spirituali. Hoc contra naturam est, & Deus non producit gratiam per Sacramenta miraculose. Aqua non potest ad animam penetrare, non enim ultra corpus pertingit: at si sic ferres haberet, ut vult Bellarminus, deberet aqua non minus ad animam verè pertingere, quàm gratia efficitur in anima, ut securis non minus tangit lignum, quàm lignum secatur: at hoc fieri non potest. Quod verò Bellarminus ex Augustino affert, *Aqua corpus tangit, & cor abluit*, id non sic intelligendum est, quòd aqua physice animam abluit, sed quòd in Baptismo lauatur anima à Deo: dicitur autem aquam ablui, quia Sacramentum est ablationis, non quòd aqua ipsa aoluat. Nam Augustinus ait, aquam corpus tangere, non longius pertingere; non dicit aquam animam tangere, quod tamen necesse esset, si modò physice efficeret gratiam in anima. Quod verò præterea obijcit de igne infernali, quod animæ & dæmones cruciantur; quem ait verum & corporum ignem esse; Theologi disputant, qualis ille ignis sit, num corporeus:

August.  
 tract. 80.  
 in Ioan.

an spiritualis. Quod ait animos nostros, qui spiritus sunt, affici affectionibus corporis, nimirum anima & corpus vnum *ipsa dæmon* sunt: non sic Sacramentum & anima. Et quod ait animas retineri in corporibus tanquam in carcere, nec posse cum voluerint recedere, nihil ad rem facit: Deus enim has duas naturas coniunxit miro modo; & tamen philosophi dicunt, animam agere in corpus, non corpus agere in animam propriè: & si corpus agat in animam, ex natura sua agit: at ille suprà dixit, Sacramentum non ex natura sua posse agere, sed ex virtute Dei. Sacramenta sunt extra nos, & neque nobiscum sunt in vna hypostasi, neque physice animas contingunt: at ignis infernalis, qualiscunque tandem sit, dæmones & animas contingit, Dicere ergo elementum efficere gratiam physice ut instrumentum, est contra omnem rationem loqui. Deinde iustificatio non potest esse proprius & physicus effectus alicuius Sacramenti: nam iustificatio est res planè cœlestis; Sacramentum res terrestris: hoc perinde est, ac si quis velit arripere gladium, ut interficiat dæmonem: gladius est materia, dæmon spiritus, ergo occisio dæmonis non potest esse effectus gladii. Sic Sacramentum est materiale quiddam, ut aqua, panis, vinum: iustificatio vero est res divina, non ergo tribuenda est iustificatio Sacramento, quasi eius proprius effectus; cum enim effectus est physicus, causa semper nobilior est effecta, at non ita hic. Deinde:

facere Sacramentum Dei proprium instrumentum, est facere Deum impotentem, & Deum alligare creaturis, qui tamen liberrimè agit; & facere eum artifici similem, qui sine instrumentis nihil agere potest. Vtitur quidem Deus rebus externis & sensibilibus, quia nos corporei sumus: sed hæres sensibiles non sunt propria & physica instrumenta Dei nobis gratiam infundentis; sed hæc nostros sensus excitant, & tunc Deus nos docet & donat suis bonis. Ipsa prædicationis, quæ est magis spiritualis, quàm Sacramentum, non tamen propriè organon est; sed cum credimus prædicationi, & eam intelligimus, tum Deus ipse nobis fidem & Spiritum suum largitur. Sed Papistæ, qui tantum tribuunt Sacramentis, adeo nihil fere prædicationi ascribunt, ut neq; ex opere operato conferre gratiam, neque in ea gratiam esse instrumentaliter dicant, ut in Sacramentis æquum est, ut dent vel prædicationem conferre gratiam ex opere operato, vel Sacramenta non conferre, cum Deus non minus in prædicatione efficax sit, imò multo efficacior, quàm in Sacramentis. Et reuera gratia, quàm in Sacramentis accipimus, est Christus ipse: num Christus potest esse effectus Sacramenti? Sed Scholastici, qui cerebra sua his disputationibus torserunt, frequentes in illam sententiam eunt, ut dicant Sacramenta non causare gratiam propriè, sed conferre gratiam moraliter per concionem illam, quia divina gratia attribuitur Sacramentis, & in usu

Sacramentorum infunditur. Bonaventura copiose hanc rem tractat: *Bonav. in 4. d. 1. q. 3. & 4.* negat Sacramenta continere gratiam, sed dici continere gratiam, quia gratiam significant. Quid ergo de Patribus Concilii Tridentini dicemus, qui dicunt Sacramenta continere gratiam, quam significant? Significant verò remissionem peccatorum & iustificationem: num hanc continent? Quanto rectius Bonaventura, qui ait Sacramenta continere gratiam, quia gratiam significant: & ait gratiam non esse à Sacramentis, nec de Sacramentis; & citat Magistrum Sententiarum, qui dicit gratiam non esse ab illis, sed per illa: sic enim Lombardus, *Homo non quarit salutem à Sacramentis quasi ab eis, sed per illa à Deo:* & præterea citat Hugonem, qui ait gratiam non esse ex Sacramentis, sed in illis, id est, in illorum usu: & hanc ait esse magnorum magistrorum opinionem; & comparatione quadam vtitur. Sicut literæ Regis, inquit, annulo Regis sigillatæ, magnæ sunt dignitatis, & virtutis, & valoris, & magna dicuntur & posse & facere; & tamen in eis nulla virtus est absoluta; quod ex eo patet, quia mortuo Rege non plus curatur de literis eius, quàm de aliis, & tamen literæ nihil absolutum amiserunt: sic intelligendum est de Sacramentis. Hoc ipsum etiam Scotus ait. *Scot. in 4. d. 1. q. 4. & 5.* Similiter Durandus vocat hanc antiquam opinionem, & ait esse immunem à calumnia, & meliùs consonare dictis Sanctorum, non ponere in Sacramentis vim gratiæ causatiuam, sed Sacramenta esse causam

causam sine qua non, quia Deus ex pacto iis gratiam largitur, qui Sacramentis utuntur: ac proinde miror, cur Kemnitius hoc Durando obiiciat, quod dicat gratiam in Sacramentis hærere. Similiter Nicolaus de Orbellis Theologus Parisiensis. Sic etiam Gabriel Biel ait, hanc esse fortem & probabilem rationem: & sic saluari auctoritates Sanctorum; & nullas rationes repugnare. Ut si Deus, inquit, ordinaret, ut ad prolationem alicuius verbi pluvia daretur; verbum causa esset pluviae, & tamen non nisi solus Deus pluviam daret. Sic alii multi, & fere omnes Scholastici, certe præcipui. Nec modò veteres Scholastici hanc sententiam probant, sed etiam ex recentioribus nonnulli. Melchior Canus longum hac de re sermonem instituit; & ait ille hanc esse opinionem Thomæ, quam tamen Bellarminus non esse ait, Sacramenta esse causas gratiæ non instrumentaliter sed moraliter. Dominicus à Soto d. 1. qui scripsit post Concilium Tridentinum, mirifice se exercet hac in re, ut inueniat, quomodo hoc verum esse possit, quod Concilium Tridentinum de hac controuersia statuit, & tandem aliquid excogitauit, Sacramenta scilicet, nos facere gratos Deo, sed non dare gratiam; nam gratiam à Deo dari. Sed Alanus hanc sententiam explodit, quia tum, inquit, Lutherus posset defendere suam imputatiuam iustitiam. Nulla ergo diffe-

rentia est inter Scholasticos & nos, quod ad modum attinet, quo gratia est in Sacramentis: hoc tantum interest, quòd illi, qui dicunt à Deo fluere omnem gratiam Sacramentorum, dicunt tamen ex opere operato Deum omnibus hanc gratiam conferre, qui Sacramentis utuntur; nos iis tantum qui fide Sacramenta percipiunt. Sed Bellarminus tribus rationibus hanc opinionem impugnat, quam tamen Durandus & Biel putant impugnari non posse.

*Prima* eius ratio hæc est: Patres passim docent, Sacramenta non agere, nisi prius virtutem à Deo accipiant. *Respondeo*: Patres non intelligunt dari ipsis Sacramentis virtutem à Deo, sed quod in Sacramentis gratiam accipiamus, hoc à Deo fieri: nusquam illi dicunt, vi Sacramentorum gratiam dari, aut Sacramenta efficere gratiam instrumentaliter, aut ex opere operato.

*Secunda* ratio sic se habet, Alias non esset differentia inter modum agendi Sacramentorum, & signorum magicorum. *Respondeo*: Quid signa magica valeant, aut quam vim habeant, nescio, sed quancunque vim habent, cam non ex se, sed à dæmone habent. Et quid incommodi erit, si dicamus nullam differentiam esse? quidni possit Deus eo modo gratiam efficere, quo dæmon quod est gratiæ contrarium? nam dæmon ipse omnia agit per signa, ipsa signa per

per se nihil: ita Deus per sacramenta.

*Tertia* ratio est huiusmodi, Si sacramenta non efficerent gratiam instrumentaliter, tum homo non esset Dei minister in actione sacramentali: at Scripturæ docent, Deum esse, qui baptizat per hominem. *Respondeo*, hominem esse ministrum Dei, non quoad internam gratiam, sed quoad externam actionem, in qua Deus internam gratiam confert, perfundit enim Minister corpus aquæ in Baptismo, & præbet panem ac vinum in Eucharistia, at nihil amplius facit, Deus enim est, qui gratiam infundit. Sic Ioannes Baptista, *Ego baptizo vos aqua, sed Christus Spiritu sancto*. Fateor tamen ministrum dici posse instrumentum Dei, quia ad ministrat illam actionem, cui Deus promittit gratiam. Non ipse Minister in sua actione gratiam confert, tamen est Dei Minister, quia Deus eum iussit hanc actionem administrare, ut ipse gratiam recte utentibus daret. Quare certissimum est, gratiam non esse in sacramentis, ut in vase, nec ut in vehiculo, sed esse secretam ab externis elementis, & in usu tantum illorum à Deo dari.

*Tertium* nostrum & postremum genus argumentorum positum est in Patrum testimoniis. Luculentissima sunt Patrum hac de re testimonia, nos pauca recitabimus. Cyprianus hæc verba habet, *Remissio peccatorum siue per Baptismum, siue per alia sacramenta donetur, proprie Spiritus sancti est, & ipsi soli huius*

*efficientia privilegium manet: & paulò post, rem ipsam Sacramenti Spiritus sanctus format, & efficit, & consummat, & perficit*. Augustinus, quem citat Lutherus, ait, *non Sacramentum, sed fidem Sacramenti iustificari*. Bellarminus ait, non id dicere Augustinum expressis verbis. *Respondeo*: Hæc sententia vulgò à Scholasticis Augustino tribuitur ex eius perpetua doctrina. Nusquam Augustinus ait, Sacramentum ex se & opere operato iustificare, sed fidem etiam sine Sacramento ait iustificare: sic enim alibi scribit, quemque ex Sacramentis tantum utilitatis percipere, quantum potuit vase fidei colligere: & adhuc alibi ait, Baptismum non prodesse, si desit fides. Quod verò obiicit Bellarminus ex Augustino, paruos saluari, si moriantur post Baptismum, quia etsi non habent fidem, tamen fidei Sacramentum habent: fateor Augustinum pueros omnes baptizatos saluari; non quòd Baptismus per se efficiat iustificationem, sed quia Deus in Baptismo iustificat. Idem, ait, Deum per se illuminare animas, quod testimonium Scholastici ad hanc causam confirmandam citare solent. Si Deus immediate per se animas illuminet, tum etsi gratia in usu Sacramentorum conferatur, tamen non per Sacramenta, neque ex Sacramentis. De hoc testimonio Bellarminus nihil respondit. Alibi etiam idem Augustinus ait, mundare corda esse tractum soli Dei per semetipsum. *Excedit hoc, inquit, humanam humilitatem;*

Luther. in lib. de capt. Babilon. c. de Baptismo. & in assert. art. 1. & in lib. cont. Cochla.

August. 9. 33 in lib. Numer. Idem Epist. 23. ad Bonifac.

Idem in lib. octogint. trium quaest. 9. 53.

Cyprian. in lib. de Baptismo Christi.

Idem in tract. 80. in Ioan.



tatem; excedit Angelicam sublimitatem, nec omnino pertinet nisi ad agricolam Trinitatem: ita ut in Baptismo non aqua, sed verbum mundet. Quare non ait Christus, inquit, mundi estis propter Baptismum, quo lori estis; sed ait, propter verbum, quod locutus sum vobis: nisi quia & in aqua verbum munda-  
 tur vero in hæc verba, Pater meus est agricola: at Papistæ contra dicunt, nos esse mundos, propter Baptismum, non propter verbum. Et alibi ait, Sacramenta non conferre nisi visibilem sanctificationem, Deum autem solum esse authorem inuisibilis sanctificationis. Qui certe egregius locus est contra Pontificios: distinguit enim Primum Deum à Ministro, & ait hominem non nisi visibile Sacramentum, Deum vero inuisibilem gratiam dare. Bellarminus ait, hominem ex naturali virtute non nisi visibile Sacramentum dare, sed alio modo, id est, applicando Sacramenta ut instrumenta à Deo mota, & eleuata ad actionem supernaturalem faciendam, iustificare, id est, etiam inuisibilem gratiam dare. Respondeo: hoc est plane contra mentem Augustini: nam ille ministerium hominum distinguit à Dei operatione: Minister (non ex naturali virtute modo, sed ut Minister Dei est) non nisi visibile Sacramentum tradit. Sic Baptista inter se & Christum distinguit dicendo, Ego aquam præbeo, Christus Spiritum. At si gratia in sacramento aut ex sacramento sit, tum ista distinctio tollitur, quam statuit Augustinus.

Secundo Augustinus ait, ita hæc separari posse, ut alius habeat sacramentum visibile sine gratia inuisibili, alius gratiam inuisibilem sine sacramento. Vnde gratiam & iustificationem non esse in sacramentis querendam constat: nam si qui habet sacramentum, non habet ideo gratiam, tum sacramentum non confert gratiam ex opere operato; & si gratia haberi sine sacramentis potest, absurdum est, putare gratiam esse inclusam in sacramentis, vel ut in vasculis, vel ut in vehiculis: nec alicuius momenti est, quod Bellarminus de hoc responderet. Augustinus iterum ait, *Sacramenta esse verba visibilia*: ergo non conferunt gratiam ex opere operato: nam vis verbi ex fide pendet, non efficit verbum vi sua gratiam. Bellarminus ait, Augustinum velle sacramenta quoad significationem tantum esse verba visibilia. Respondeo: At si villo modo verba sunt, non exhibent gratiam: nam verbum ex illorum sententia non ministrat gratiam. Tum si hoc diceret Augustinus, nil tamen faceret pro Adversariis: ait enim ibidem, sacramenta veteris & noui Testamenti re esse eadem: vnde constat eum non magis in nostris sacramentis gratiam ponere quam in illis: ac proinde non vult nostra sacramenta ex opere operato conferre gratiam: nam Adversarii nostri non tribuunt gratiam sacramentis veteris Testamenti. Inter verbum verò & sacramenta hoc tantum interesse vult Augustinus, quod verba sonent

sonent in auribus, Sacramenta in oculos incurrant, & oculis quodammodo loquantur. Kemnitius ex Augustino locum quendam citat, ubi reprehendit Augustinus eos, qui sentiebant non posse illos damnari, qui Sacramenta percipiunt Baptismi & cœnæ Domini, licet nec fidem, nec bonam vitam teneant.

August.  
de ciuit.  
Dei l. 21.  
c. 15.

Bellarminus ait, se non sic credere: non est, inquit, hæc nostra sententia. Respondeo: Fateor Adversarios non sic docere, etsi plerique etiam apud illos adeo licenter & nefarie viuunt, ut sic plane credere, id est, salutem suam ex Sacramentis suspendisse videantur. Sed fateor hoc testimonium non esse ita appositum. Quod autem Bellarminus ait, Lutheri potius hanc sententiam esse, non est prætermittendum. Nam quod Lutherus alicubi scribit, Christianum non posse salutem amittere quantiscunque peccatis, nisi nolit credere, verissimum est: nam si velit credere, peccata ei remittentur. Non loquitur Lutherus de iis, qui perseverant in peccatis, sed de iis, qui de peccatis præteritis resipiscentes, iisque renunciantes, in Christum credunt, & credentes ab eo peccatorum veniam sperant. Ergo hæc sana Lutheri sententia est. Sed misso hoc Augustini testimonio à Kemnitio citato, tanquam non satis appposito, eius loco aliud ex eodem testimonium apponam, quod & appositissimum esse, & huic causæ accommoda-

Luther. in  
lib. de ca-  
pit. Ba-  
ylon cap.  
de Baptis.

tissimum, ne Adversarii quidem ipsi, ut spero, negabunt. Sicigitur Augustinus alibi: *Aliud est aqua Sacramenti, aliud aqua, quæ significat tract. 6. in Spiritum Dei. Aqua Sacramenti visi- bilis est; aqua Spiritus inuisibilis est. ista an. abluat corpus, & significat quid fit in anima: per illum Spiritum ipsa anima mundatur & saginatur.* Egregius hic certe locus est: vnde duo sunt notanda; primum, aquam Sacramenti non abluere animam, sed animæ abluionem significare: secundum, Spiritum solum mundare animam: non ergo aqua mundat. Sed ab Augustino tandem ad alios Patres transeamus. Hieronymus citatis illis Ioannis Baptiste verbis in Euangelio, *Ego baptizo vos aqua, qui autem post me venit, ipse vos baptizabit Spiritu sancto & igne*, statim subiungit, *Ex quo discimus, quod homo tantum aquam tribuat, Deus autem Spiritum sanctum, quo sordes abluuntur, & sanguinis peccata purgantur.*

Hieron. in  
comment.  
in Isai. 4.

Vbi quod homo præbet, non esse nisi aquam ait: Spiritum verò non esse in aqua, aut super aquam, sed illam à Deo tribui: nam si in aqua Spiritus sanctus inesset, tum homo cum aqua simul & Spiritum sanctum præbet, quod negat Hieronymus. Gregorius magnus hæc verba habet: *Foris Sacramenta percipimus, ut intus sancti Spiritus gratia repleamur. Foris namque homo, intus Deus operatur, non homo: vbi aperte ait, solum Deum intus, id est, in anima operari.* Bernardus sic scribit, *Sicut inuestitur Canonicus per li- brum, mini.*

Gregor.  
magn. in  
Reg. l. 6.  
c. 3.

Bernard. in  
sermone  
de  
can. a De-

brum, Abbas per baculum, Episcopus per annulum. *sic anipso es gratiarum d. uer- sis sunt tradita Sacramentis.* Bellarminus ait, Sacramentum comparari libro, baculo, annulo, non ratione efficientiæ, sed diuersitatis Sacramentorum. *Respondeo:* Scholastici, qui nostram sententiam sequuntur, hunc Bernardi locum citant, ut probent Sacramenta non efficere gratiam instrumentaliter, tanquam causas físicas: & apertus locus est, etsi Bellarminuseum obscurare cupiat. Nam planè docet Bernardus, quid Sacramentum per se efficiat; non magis scilicet quam liber, baculus, annulus, quæ sunt dumtaxat signa externa, quibus utuntur Canonicus, Abbas, Episcopus, cum inangurantur. Ergo ibidem paulò antè ait, *Datur annulus absolute propter annulum, & nulla est significatio: datur ad inuestiendum de hereditate aliqua, & signum est: ita ut iam dicere possit, qui accipit, annulus non valet quicquam, sed hereditas est, quam querebam.* Quare ut

*Finis quarta Quaestionis.*

in horum signorum usu Canonicus, Abbas, Episcopus creantur: ita in Sacramentorum usu euadimus participes cœlestium bonorum. Annulus non tradit hereditatem, sed obsignat tantum: ita Sacramenta gratiam obsignant tantum, non tradunt. Bonauentura citans Glossam ordinariam super illud in libro Psalmorum. *Benedicam Dominum, qui triuit mihi intellectum,* ait, *Deus per semetipsum irradiat pias mentes:* ergo cum illa irradiatio per lumen gratiæ fiat, sequitur gratiam à Deo esse immediate. Denique Scholastici, quos antea citauimus, toti nostri sunt, & nostram de hac Quaestione doctrinam defendunt, eandemque esse Patrum sententiam affirmant. Quare manifestum est, nostram sententiam & clarissimis Scripturis, & optimis rationibus, & antiquissimorum Patrum testimoniis.

Quæ-

## Quæstio V.

### De differentia Sacramentorum Veteris & noui Testamenti.

#### C A P V T I.

#### De statu Quaestionis.



**P**OST Quæstionem de usu & efficacia Sacramentorum, sequitur opportuna Quæstio illa, quæ de cōparatione Sacramentorū veteris & noui Testamenti instituitur, utrum scilicet inter se differant necne, & si differant, quomodo differant. Differentiam verò intelligimus quoad effectum principalem, in iustificando scilicet, & in conferenda gratia, utrum nimirum quoad hunc effectum efficaciora sint nostra, quam illa veteris Testamenti Sacramenta: quæ de re multa à Scholasticis disputantur. Aduersarii statuunt, veteris Testamenti Sacramenta non contulisse gratiam ex opere operato; at nostra conferre: & hac in re Catholicos omnes conuenire ait Bellarminus, quod tamen nouit & mox fatetur esse falsissimum: nam de circumcisione multi Scholastici asserunt, eā contulisse gratiam ex opere operato, ut postea patebit; quod si verum sit, tum æqualis fuit vlli Sacramēto noui Testamenti, & falsum est, quod vulgo ab illis dicitur, Sacramenta noua conferre gratiam ex opere operato, vetera verò non contulisse. Sed Bellarminus ai, Circumcisio-

nem non fuisse propriè Sacramentum Mosaicum: quod miserum est subterfugium. Nam *primò* Mosaicum fuit, quia à Moise fuit repetitum: *secundò* constat fuisse Sacramentum veteris Ecclesiæ, & nos non de Mosaicis tantum Sacramētis, sed de Sacramētis veteribus & nouis, id est, de Sacramētis veteris & noui Testamenti contendimus. Non ergo omnes Catholici idem sentiunt, neque de hac Quæstione, neque de priore, sed distrahuntur in discrepantes opiniones, & Synodus Tridentina has inter illos contentiones non composuit aut diremit. Cum enim multi Scholastici circumcisionem cōtulisse gratiam ex opere operato dicant, alii verò non contulisse, quomodo omnes conueniunt? & quibus illorū credemus, quibus non? Bellarminus igitur statuit, *primò*, Patres veteres non habuisse gratiam per Sacramēta, sed per fidem, quod & nos facemur, si non habuisse per Sacramēta intelligat ex opere operato: nam & Patribus datam esse gratiam in usu Sacramentorum certum est: & sic nec nos per nostra Sacramēta gratiam ex opere operato conferri dicimus. *Secundò* ait, Sacramēta vetera iustificasse nō ex opere operato, sed ex opere operantis, id est, ex fide &



Lombard.  
4. d. 1.

deuotione suscipientis, & tamen Magister Sententiarum ne hoc quidem concedit; nam ait illa non iustificasse, nec ex opere operato, nec ex opere operantis, & data esse, non ut iustificarent, sed ut essent oneri. Ita hic non modò non contulisse gratiam vult, sed ne adiuuisset quidem omnino; imò obfuisse potius quàm profuisse. Non mirum est, impurasse Scholasticorum lacunas, qui omnia ex huius fontibus hauserunt. Quis enim ad tam profanam vocem non cohoresceret? Bellarminus ergo vult, iustificasse ex opere operantis, id est, ex fide, charitate, obedientia suscipientium, non aliter: vnde sequitur necessariò, Sacramenta noua iustificare ex opere operato, id est, sine fide, charitate, & obedientia suscipientium: alias enim nullum discrimen ponit nec inter vetera Sacramenta & nostra, nec inter opus operantis & operatum. Ita nunc videtur sententiam communem Scholasticorum de opere operato sequi, Sacramenta scilicet nostra instituiam & gratiam per se conferre, etsi qui ea suscipit, nec fidem, nec charitatem, nec obedientiam habeat: quod tam impium est, ut cum quid per opus operatum intelligatur, suprà doceret, fortiter dissimularit. Videri voluit antea paulò sanius sentire, at nunc delatus impetu omnium fere Scholasticorum aliter sentire cogitur. *Tertio*, etsi alii aliter de Circumcisione sentiant, se tamen Thomam sequi lenit, qui ait eam non iustificasse vi sua. Quid ergo de Patribus in

vetere Testamento factum est? quomodo illi iustificati sunt? audite verò quid respondeat: & videbitis ex ore aduersantium veritatem Deum elicere aliquando veram confessionem: ait veteres iustificatos fuisse ex merito passionis Christi per solam fidem: Volunt, inquit, ii auctores (Thomam intelligit & Thomæ discipulos) iustificatos fuisse veteres ex merito passionis Christi, ut nos iustificamur, sed hoc meritum nobis applicari per Sacramenta, Hebræis autem *per solam fidem*. Sic Bellarminus iustificationem ex sola fide tener. Nam quomodo veteres iustificabantur, sic & nos, ut Paulus docet exemplo Abrahamæ & Davidis: horum enim exempla adducit, ut eodem modo omnes iustificatos esse doceat, quo illi iustificati sunt. Quod verò Bellarminus ait, Concilium Florentinum solis Sacramentis nostris tribuere vim iustificandi, verum id quidem est. Hæc enim illius Concilii verba sunt: *Antique Legis Sacramenta non causabant gratiam, sed solum eam per passionem Christi dandam figurabant: sed nostra & continent gratiam, & ipsam conferunt*. Nostris Sacramentis, ut & contineant & conferant gratiam, tribuunt Patres illius Concilii; vetera verò dicunt nec continuisse nec contulisse, sed tantum figurasse gratiam, & illam quidem dandam, non datam: vnde veteres non fuisse participes gratiæ, aut meritorum passionis Christi volunt. Hoc demum est de Sacramentis præclare & honorifice sentire, dicere illa esse solum figuras,

Concil.  
Florent.  
in instr.  
ad Arm.  
nos.

ras, & nuda signa. Hoc illi de veteribus Sacramentis aperte dicunt, & nos de nouis idem dicere merentur. At si verum sit, quod huius Concilii Patres dicunt, tum actum est de Patribus veteris Testamenti; nullam illi gratiam habuerunt, sine qua perire necesse est. Sed statuendum est, illos eiusdem gratiæ participes fuisse, cuius nos sumus.

Nostra verò sententia in eo conuenit cum Pontificia, quòd nequeamus Sacramenta veteris Testamenti contulisse gratiam ex opere operato, etiam circumcisionem quidem: quòd verò aiunt, fuisse nuda signa, & umbras rerum ipsarum expertes, id falsissimum esse dicimus. Nam in usu legitimo veterum Sacramentorum Christum fuisse datum verè credentibus affirmamus, perinde ac in nouis: rem esse eandem in vtrisque, etsi figuræ sint variæ; datum fuisse verè in illis, quod figurabatur, etsi spiritualiter; non, ut Papistæ, nil esse omnino in illis datum. Sed etsi in hoc principali effectu nihil differunt Sacramenta veteris & noui Testamenti, tamen in aliis multis differre dicimus. *Primo* differunt signis, ceremoniis, & ritibus externis: alia enim illorum, alia nostrorum signa, & cæremoniæ sunt. *Secundo*, numero differunt. Nostra enim sunt numero paucissima, quia non nisi duo sunt: illi etiam duo tantum ordinaria & perpetua habuerunt, sed alia temporaria, & extraordina-

ria, ut mare, nubem, petram, purificationes.

*Tertio*, facilitas nostrorum maior: illorum enim circumcisio non carebat dolore: præterea molestem erat obseruare omnes ritus. *Quarto*, non tantus aut dolor aut molestia in nostro Baptismo & Eucharistia.

*Quarto*, nostra Sacramenta multò clariora sunt, tum quòd ipse promissiones noui Testamenti clariores & luculentiores sunt, tum quòd quæ figurabantur in vetere Testamento, ea in nouo impleta & exhibita sunt.

*Quinto*, vetera Sacramenta erant figuræ & typi nostrorum: hoc enim Apostolus dicere videtur, & sic multi ex Apostolo colligunt: quam reuera hoc disertè Apostolus non dicit; loquitur enim de iudiciis Dei aduersus populum Israelicum, & ait illa typos nobis fuisse. At negari non potest, Petrum appellare Baptismum nostrum *ἀντίτυπον* aquis diluuii, hoc est, typum cum typo collatum aut comparatum, vel typum typo oppositum. Aliquando enim typus ad rem refertur, quam repræsentat, ut liberatio ex Ægypto ad nostram spiritualem liberationem: aliquando alius typus ad alium refertur, ut nubes & mare ad nostrum Baptismum, aut diluuium ad Baptismum; & illos typos; hæc verò *ἀντίτυπα* dicimus, quia ambo rem eandem repræsentant.

*Sexto*, vetera Sacramenta non nisi ad Messiam aduentum durabant,

O 3.

*Gal. 5. 2.* bant, & tum oportebat cessare & abrogari, quia Christi mortem figurabant; quare Apostolus ait, Christum nobis nihil prodesse, si circumcidamur: at nostra Sacramenta ad finem mundi duratura sunt, quia Christum iam venisse docent, qui non iterum ante mundi finem venturus est: ideo Paulus ait, *Quotiescunque ederitis panem hunc, & poculum hoc biberitis, mortem Domini annuntiatis, usquequod venerit.* Quare multum interesse dicimus inter Sacramenta veteris & noui Testamenti, ac proinde Pontificii falso affirmant nos nullam prerogatiuam noui Testamenti Sacramentis deferre. Et has differentias ex Patribus didicimus, præcipue verò ex Augustino. Sic enim Augustinus, *Sacramentis numero paucissimis, observatione facilitatis, significatione præstantissimis, societatem noui populi colligauit.* Ita alibi, *Mutata Sacramenta, facta sunt faciliora, salubriora, feliciora.* Similiter scribens aduersus Faustum vel potius infaustum Manichæum hæc verba habet, *Pri- ma Sacramenta cum suo aduentu Christus impleuisset, ablata sunt, & alia sunt instituta, virtute maiora, utilitate meliora, actu faciliora, numero pauciora.*

Et eadem ferè alibi habet. Ergo multum nostra Sacramenta antiquis & merito præferuntur. Sed quod ad effectum gratiæ attinet in recto usu, paria sunt. Nam primo, ab eodem Deo instituta sunt: secundo eandem rem & materiam

spiritualem habent, Christum scilicet cum suis beneficiis: tertio, quicquid in vtrisque oblatum est, solo fidei instrumento recipitur: quarto idem vtrorumque finis est, ut *opere fides* scilicet, id est, sigilla sint.

Et tamen verum est, quod Augustinus ait, nostra Sacramenta esse virtute maiora, utilitate meliora, significatione præstantiora; quod non de substantia gratiæ, sed de modo, & quantitate, & gradu intelligendum est. Et hoc modo nostra sunt efficaciora illis; quia Christus & in verbo & in Sacramentis vberius & plenius à nobis percipitur; quia nostra sunt clariora & expressiora; & quia Spiritus sanctus effunditur in corda nostra largius. Non vult Augustinus, vetera Sacramenta fuisse felicitatis & salutis prorsus experta, sed illis obscurius, nostris vero clarissime Christum cum suis meritis communicari; non tam claræ & luculentæ gratiæ illos per sua Sacramenta participes fuisse, quam nos per nostra, sed tamen eiusdem gratiæ participes gratiæ participes fuisse.

Et de statu Quæ-  
stionis ha-  
cenus.

\* \*

CA-

## CAPUT II.

In quo argumenta Aduersario-  
rum proponuntur & di-  
luuntur.

NUNC ad argumenta venia-  
mus. Aduersarii argumentatio  
ferè tota aliena est: vult enim pro-  
bare, Sacramenta vetera non con-  
tulisse gratiam ex opere operato;  
quod nos negamus etiam de novis.  
Ita argumenta eius omnia præteriri  
à nobis possunt, quia nihil contra  
nos faciunt. Sed quia nonnulla in-  
termiscet & interponit, ut probet  
vtrorumque Sacramentorum gra-  
tiam dari, & vetera tantum nuda  
signa fuisse; vniuersa breuiter ex-  
aminabimus. Primum eius argu-  
mentum sumitur ex Scripturis: &  
multæ quidem ab illo afferuntur  
ex vtroque Testamento Scriptu-  
ræ, quibus conatur Sacramentis  
veteribus vim omnem iustifican-  
di adimere, quam Aduersarii no-  
stris tribuunt: & tamen nullum at-  
tulit testimonium, quod nostris  
gratiam iustificandi ascribit. At nos  
quidem non dicimus, vetera Sacra-  
menta iustificasse, sed fuisse Sacra-  
menta tamen iustificationis, non  
minus quam nostra; & pios in usu  
veterum Sacramentorum fuisse  
multiplicis gratiæ participes: quod  
cùm Bellarminus conetur impro-  
bare, Deo ipsi litem intendit. Sed  
quod possit afferre contra vetera  
Sacramenta videamus. Etsi enim  
quæ affert à causa aliena sunt, ta-

men quoniam disputat contra ve-  
tera Sacramenta, nostrum est ea-  
dem ab illius calumniis vindi-  
cate.

Primum Scripturæ testimonium  
sumitur ex libro Psalmorum: *Sa-  
crificium & oblationem noluisti: aures* *Psal. 39.  
9. 10.* *autem perfecisti mihi. Holocaustum &  
pro peccato non postulasti.* Et alibi: *Si* *Psal. 50.  
27.* *voluisses sacrificium, dedissem, uti*  
*que holocaustis non delectaberis.* Simili-  
ter Isai. 1. *Quo mihi multitudo victi-* *Isa. 1. 11.*  
*marum vestrarum? quis quaesivit hac de*  
*manibus vestris?* Ex his & huiusmodi  
locis vult probare, vetera sacrificia  
non expiâsse peccatum. *Respondeo:*  
*Absurdissimum & alienissimum.*  
*Quasi verò nostrum quisquam di-*  
*xerit nostra Sacramenta expiâsse*  
*peccata: hoc soli Christo, ut equum*  
*est, tribuimus.* Ex nouo Testamen-  
to hunc locum affert, quem tracta-  
mus; ex quo sic disputat: *Abraha-* *Rom. 4. 11.*  
*mus fuit iustificatus ante circum-*  
*cisionem: ergo Circumcisio non*  
*est data, ut iustificaret.* *Respondeo:*  
*Verissima conclusio: at data tamen*  
*est, ut iustificationem obsignaret.*  
*Præterea affert alios locos, ut illud*  
*ex Paulo, Circumcisio nihil est, &* *1. Cor. 7.*  
*præputium nihil est: & alibi; vbi Pau-* *19.*  
*lus vocat umbras Legis infirma &*  
*egena elementa; & alia huiusmodi,* *Gal. 4. 9.*  
*quæ multum detrahare videntur*  
*Sacramentis veteris Testamenti.*  
*Sed & de nostris Sacramentis quo-*  
*ad iustificationem idem dici posset.*  
*Respondeo: igitur, non probari ex his*  
*locis, pios in vetere Testamento non*  
*accepisse gratiam & iusticiam in usu*  
*Sacramentorum & Sacrificiorum:*  
*nā hic illorū vsus verus, legitimus,*  
*& pro-*



& proprius fuit, ut pii in illis Christum per fidem perciperent, & cum Christo bona omnia. Qui hoc illis adimit, extollat nova Sacramenta, quantum volent, in Deum & vetus Testamentum, & Ecclesiam, blasphemus est. Quare ergo Scriptura sic deprimat illa, & quasi extenuat? *Respondeo primò:* Quia Iudæi olim, & postea Pseudopostoli, & hypocritæ, in illis ceremoniis ut in perfecta pietate acquiescebant, in iis summam religionem positam esse, & eorum executione se Deum placasse, & officio suo satisfacisse putabant, cum interim veræ fidei & poenitentiae expertes essent; & quia illas ceremonias à Christo separabant: ergo Scriptura omnem illum harum ceremoniarum apparatus eo modo nil valuisse affirmat, non simpliciter. Hoc est quod Isaias ait,

Isai. 1. 11.

*Quorsum multitudo victimarum vestrarum?* quia illi victimas offerebant, cum tamen in peccatis interrim persisterent: at pii, qui aliam mentem habebant, & fide præditi erant, & in victimis Christi mortem intuebantur, magnum fructum ex illis Sacramentis & Sacrificiis percipiebant. Verum Bellarminus istam responsionem oppugnat, sed leuiter: contra eam aliquid blaterat, sed nihil ad rem. Paulus (inquit) vetera Sacramenta vocat egena elementa, & nihil esse affirmat, nostra autem ait saluare, regenerare, mundare, iustificare. *Respondeo:* Paulus vetera Sacramenta egena elementa vocat, & nil valere ait, extra Christum scilicet, & cum iam abrogata essent, non simpliciter.

Quoad Galatas nuda & egena elementa fuerunt, at non quoad Patres, Abrahamum, Isaacum, Iacobum, Dauidem, & reliquos, & tamen quoad illos etiam sic dici potuerunt, quia per se talia erant: non enim ex opere operato iustificabant. Nostra etiam Sacramenta hæc facere dicuntur, quæ memorat, non ex opere operato, sed quia tantam in nobis gratiam obsignant, si modo fideles sumus, nam aliàs Baptismus quoque egenum elementum est non minus quam circumcisio. Sed adhuc obiicit, quod Apostolus vocet illa Sacramenta umbras & figuras rerum nostrarum, ergo non iustificabant, inquit, non modò ut falsò exponebantur à Iudæis, sed etiam secundum se, & ut erant Sacramenta à Deo instituta. *Respondeo:* Paulus vetera Sacramenta ait fuisse umbras & figuras, quia Christum adumbrabant, ille corpus & res fuit, hæc illius corporis umbra. Ita de nostris Sacramentis statundum est, si cum Christo comparentur, adumbrant enim illum; nec in illis gratia est, sed umbræ sunt illius gratiæ, quæ in Christo est. Iam quod ait, Apostolum dicere, has umbras nihil valuisse; non id ait Apostolus, & licet hoc diceret, tamen sic intelligendus esset, quia cum iam Christus exhibitus est, quorsum umbræ spectant? hoc argumentum contra eos vrget, qui ceremoniarum nimium tenaces erant: ceremoniarum umbræ erant Christi: Christus corpus, ergo corpore exhibito ceremonias iam missas faciamus. Sed adhuc instat Bellarminus

nus in hunc modum: Si Paulus vellet solum dicere; Sacramenta vetera sine fide nihil prodesse, non conferret cum præputio, dicendo, *Circumcisio nihil est, & præputium nihil est, & neg, circumcisio aliquid valet, neg, præputium:* nam præputium, inquit, non solum sine fide, sed & cum fide nihil est, & nihil valet. *Respondeo:* Quando Apostolus de Circumcisione sic scripsit, non modo nihil sine fide, sed ne cum fide proderat: erat enim iam prorsus abrogata: merito ergo cum præputio cum comparari potuit; tamen enim tum valebat. *Secundò* cum Caluino integerrimo Theologo *respondeo:* vetera Sacramenta umbras dici, non quod non omnino Christum representarent, sed quod minus clare & significanter id facerent, quam nostra, & quod in nostris vberior Spiritus gratia se proferat, quam in illis. Bellarminus obiicit *primò.* Tum Paulus, inquit, nō diceret illa nihil esse. *Respondeo:* non dicit esse nihil, cum umbras vocat: sed post abrogationem nihil esse dicit. At umbræ vocantur, etiam cum adhuc in usu essent, & nondum abrogarentur. *Secundò* obiicit, quod vocantur non imagines, sed umbræ: at umbra non est minus corpus, sed nullum. *Respondeo:* Non dicimus umbras fuisse corpus aut maius aut minus; tum enim fuissent ipse Christus: sed umbras vocamus, quia in illis Christus representabatur obscure quidem: num quia Christus obscure, ergo non omnino percipiebatur à fidelibus in umbris? Sic enim argumentari videtur Bellarminus: Ceremo-

niæ erant umbræ & figuræ: ergo inanes erant, & Christus in illis non fuit. Hoc argumentum si sequatur, tum neque in nostris Christus est: nam & nostra Sacramenta imagines & figuræ sunt: imago vero non est corpus. Sed etsi erat umbratilis quodammodo usus veterum Sacramentorum, tamen pii vere Christum in illis percipiebant. *Tertio* igitur cum Caluino *respondeo:* quando Apostolus ita extenuat vetera Sacramenta, ut iis nihil tribuere videatur, de iis loqui pro eo tempore, quo iam erant per Christum abrogata. Bellarminus multa Scripturæ loca contra affert, de quibus ego breviter respondebo. *Primus* locus habetur Rom. 2. *Circumcisio quidem Rom. 2. prodest, si legem observes. Respondeo:* 25. Hic locus maxime contra ipsum facit: nam ait hic Apostolus, Circumcisionem prodesse, at illi nullam ei utilitatem tribuunt. Audite enim, quæso, quomodo eam utilem fuisse Bellarminus ait, quia circumcisi, inquit, habebant Legem Dei, & poterant facilius quam alii nosse Dei voluntatem. *Respondeo.* Præclara scilicet utilitas! quasi nō instituta circumcisio fuerit propter aliam causam inter Israelitas, nisi ut iis Deus daret Legem suam, & quasi non potuisset Deus dare Legem suam incircumcisis, cum circumcisio diu ante Legem datam fuit. At legimus Circumcisionem in alium usum datam esse, nempe ut esset signum & sigillum fœderis inter Deum & illum populum, profuit ergo multum. Sed hic locus nihil ad rem facit, quia

111.

Gen. 17.  
10. 11.

P

hic

**Rom. 4. 11.** hic Paulus non extenuat circum-  
cisionem, sed amplificat, nos au-  
tem dicimus Paulum, quando de-  
trahit circumcisioni, de circumfio-  
ne abrogata loqui. *Secundus locus,*  
quem affert Bellarminus, habetur  
**1. Cor. 7. 19.** *1. Corinth. 7. Circumcisio nihil est.*  
*Respondet:* Nos antea respondimus,  
Apostolum hic de Circumcisione  
abrogata loqui. Sed Bellarminus  
hoc refellit ex eo quod præcedit,  
quia Apostolus paulo ante dixe-  
rat: *Circumcisus aliquis vocatus est?*  
*non adducat præputium.* Loquitur  
de circumcisus in Lege, & monet  
ne glorientur propter circumfio-  
nem, quia nihil est. *Respondet:* Lo-  
quitur aperte de circumfione ab-  
rogata: nam alias non dixisset, *μη*  
*ἐν τῷ νόμῳ, ne attrahat præputium,*  
quasi quia iam circumfio abro-  
gata fuit, præputium attrahen-  
dum erat: & quia ait, qui in  
præputio est, *μη ἐν τῷ νόμῳ, ne*  
*circumcidatur:* at si tum Circum-  
cisio viguisset, necesse fuit eum  
*ἐν τῷ νόμῳ, circumcidi.* Non ergo  
ut non glorientur monet, sed ut  
non abiectius de se sentiant, aut se  
à Christi gratia remotiores esse pu-  
tent propter aut Circumcisionem  
aut præputium, sed ut quisque in  
eo statim, in quo vocatus est, se acce-  
ptum fore Deo sciat.

**Gal. 4. 3.** *Tertius* Scripturæ locus à Bel-  
larmino citatus habetur Galat. 4.  
vbi Paulus ait, antiquos Patres sub  
elementis mundi huius fuisse ser-  
uientes. *Respondet:* Hoc quoque  
est Sophisticum. Paulus non ait,  
hæc mundi elementa fuisse infir-  
ma & egena quoad Patres, sed

quoad Galatas, & si quoad Patres,  
non tamen quoad omnes, sed quoad  
eos tantum, qui in illis Chri-  
stum non intuebantur: sed Paulus  
ait, illa elementa fuisse Galatis post  
Christum infirma & egena.

*Quartus* Scripturæ locus habetur **Phil. 3. 4.**  
**Phil. 3. 4.** vbi Paulus contemnit Cir-  
cumcisionem, quam acceperat, et-  
iam cum ea vigeret. *Respondet:* Aposto-  
lum loqui de circumfione & aliis  
huiusmodi rebus, ut à Christo se-  
parabantur, & ut à Christo abduce-  
bant, præ Christo Circumcisionem  
contemnebat, & se ex circumfio-  
ne iustificatum fuisse non putabat.  
Perinde est quasi diceret, non posse  
hominem per illa iustificari, sed per  
Christum tantum.

*Quintus* locus habetur **Coloss. 2. 17.**  
& **Hebræor. 10.** vbi Paulus vocat  
veteris Testamenti Sacramenta &  
Sacrificia umbras & figuras, non  
autem erant umbræ & figuræ, in-  
quit, nisi ante abrogationem. *Re-*  
*spondeo:* umbras vocari etiam in le-  
gitimo usu, & non fuisse inanes  
gratiæ, quia umbræ. Vocantur  
umbræ, ut diximus, quia minus ex-  
plicate Christum repræsentarunt,  
quam nostra.

*Sextus* locus habetur **Hebr. 7. & 10.**  
vbi Apostolus ait, abrogata fu-  
isse illa propter infirmitatem & in-  
utilitatem, quia non potuerunt ex-  
piare peccata, ergo venisse Chri-  
stum, ut perficeret, quod illa non  
poterant. *Respondet:* Erant qui-  
dem infirma & inutilia hoc modo,  
scilicet quoad expiationem à pec-  
catis per se, ut multi falso credebant  
se per illa & propter illa à pecca-  
tis.

tis expiatis fuisse. Sed Christus so-  
lus sic peccata expiat: ne nostra qui-  
dem Sacramenta hoc modo expi-  
ant peccata. Non ait Apostolus  
fablara illa esse, ut nostris Sacra-  
mentis hoc fiat, sed Christum suc-  
cessisse in illorum locum, & cessasse  
illa omnia Christo, non nostris Sa-  
cramentis, quia omnis expiatio  
peccatorum fuit à Christo. Inter-  
rim non sequitur, quin Christus in  
antiquis Sacramentis peccata fide-  
lium expiaverit.

**IV. Caluin. 14. 8. 25.** *Quarto* cum Caluino *respondeo:*  
ceremonias Legis vocari umbrati-  
les, non quod nil solidi haberent,  
sed quia earum complementum  
erat quodammodo suspensum vs-  
que ad Christum. Bellarminus *pri-*  
*mò* respondet, Paulum vocare um-  
bras, non umbratiles. *Respondet:*  
Sensus idem est, umbræ dicuntur,  
quia repræsentabant & adumbra-  
bant Christum. *Secundo* ait Bellar-  
minus, tum & nostra quoque Sa-  
cramenta umbratilia dici posse, *Re-*  
*spondeo:* nostra quoque dici figuras  
& etiam umbras quodam sensu,  
sed non ut vetera, quia nostra non  
venturum sed exhibitum iam Chri-  
stum repræsentant. Sed obiicit Bel-  
larminus, nostra resurrectionem  
& gloriam futuram repræsentare.  
*Respondet:* non nisi improprie & per  
accidens: repræsentant, quidem  
proprie nostram cum Christo re-  
surrectionem à peccatis; at non nisi  
per accidens resurrectionem ad  
gloriam. *Quintò* igitur & ultimo  
*respondeo:* Apostolum potius loqui  
de modo significandi quam effi-

cacia, id est, non sensisse vetera esse  
prorsus inefficacia, sed significandi  
modum non fuisse tam efficace in  
illis quam in nostris. Bellarmi-  
nus ait, hoc impudentissimè asseri,  
nam illa verba, *Nihil est, nihil va-*  
*let; elementa egena, infirma, inutilia;*  
*non posse expiare peccata,* & similia,  
non posse nisi de efficacia exponi.  
*Respondet:* Bellarminus non dispu-  
tat contra mentem Caluini. Nam  
Calvinus quod vetera Sacramen-  
ta & Sacrificia vocantur umbræ,  
hoc exponi vult de modo signifi-  
candi: umbræ enim vocantur et-  
iam in legitimo usu, quod vero  
Paulus ait, nil esse, nil valere, infir-  
ma & egena elementa esse, hoc de  
illis intelligi vult, quatenus iam ab-  
rogata erant.

*Secundum* Bellarmini argumen-  
tum consistit in testimoniis Pa-  
trum, de quibus non est opus sigil-  
latim respondere; una responsio  
quadrabit ad omnia. Negant vno  
ore vetera Sacramenta iustificasse,  
& contemptim pene de illis lo-  
quuntur. In hac classe primum lo-  
cum tribuit Philoni & Iosepho, qui  
Christiani non fuerunt; & quod  
ait, hos potissimum scire potuisse,  
quorsum instituta Circūcisio esset,  
quia Hebræi erant, non valet eius  
ratio, nam ex Christo & eius Apo-  
stolis multo certius intelligi potest,  
quid de Circumcisione intelligen-  
dum sit, quam ex illis, qui nihil de  
Christo norunt ac tenuerunt. Ex Eu-  
angelii doctrina de veteribus Sacra-  
mentis æstimandum est; ut quiuis  
Christianus multo melius & re-



etius intelligat, in quem finem vetera Sacramenta instituta sunt, quam Philo, & Iosephus, quinihil fere recte intelligebant. Nam quod Iosephus ait, institutam esse Circumcisionem, non nisi Abraham postcritas ab aliis Gentibus discerneret, summam illius arguit & negligentiam & imperitiam. In eo enim & cum Paulo, & cum Patribus, maxime cum Augustino, & cum Scholasticis etiam pugnat, ut nos postea docebimus. Iam vero quod ad Patres attinet, qui sic extenuant & quodammodo exinaniunt vetera Sacramenta, respondeo primo, eos loqui de Sacramentis eo modo, quo Iudæi Sacramentis utebantur, ut in illis scilicet salutem & iustitiam ponebant, non ut ex vi mortis Christi pendebant. Quemadmodum & Apostolus ait illa non purgasse aut expiasse peccata, hærebat enim opinio in animis Iudæorum, homines esse duntaxat per illa iustificandos sine ullo alio medio, etiam carentes fide in Christum. Quare Patres Scripturas sequentes hanc virtutem non Sacrificiis, non Circumcisioni tribuendam esse aiunt, & hoc modo multum illis detrahunt, & nullam illis gratiam aut iustitiam relinquant.

11. *Secundo*, quando Patres vetera Sacramenta cum nostris comparant, & illa aiunt non iustificasse, nostra iustificare, ut quod Augustinus ait, *Sacramenta noui Testamenti dare salutem, Sacramenta veteris Testamenti promississe salutem.* Respondeo cum Caluino, has dicendi for-

mulas esse hyperbolicas, & non esse minus rigide vigendas. Ad hunc enim modum intelligendus est Augustinus, ut non de gratia aut virtute, quæ in vtrisque Sacramentis insit, loquatur, sed de redemptione ipsa per Christum, quam vetera Sacramenta promittebant, nostra veto exhibent: quare nostra salutem dare dicuntur. quia redemptionem non futuram figurant, ut vetera, sed eam iam factam & consummatam declarant & testantur. Hoc est, quod tam sæpe Augustinus ait, *vetera Christum prænunciassent, nostra annunciare.* Et idem ait, *vetera fuisse promissiones rerum complendarum; nostra indicia rerum completarum.* Hoc est promittere & dare in sensu Augustini. Sic idem alibi ait, *Sacramenta vetera prænunciavisse rem futuram; nostra vero contestari venisse, quod illa venturum predicabant: & paulo post, illis ventura ista prænuntiabantur, istis completa illis predicantur.* Qui aliter Augustinum intelligit aut interpretatur, illius testimonio non recte utitur.

III. *Tertio respondeo*, Augustinum & Patres, quando sic de Sacramentis loquuntur, de modo significandi loqui, quod vetera Sacramenta venturum Christum significabant, nostra venisse; non de efficacia, nisi quatenus hic modus significandi, qui in nostris cernitur, est multo illustrior, & ideo magis nos ad gratiam amplectendam excitat. Sed Bellarminus obicit, Augustinum dicere, nostra Sacramenta non significare Salvatorem, sed:

sed dare salutem. *Respondeo*: Quomodo hoc intelligendum sit, iam satis diximus, nempe quia iam Christum nos sua morte redemisse, & salutem nobis acquisivisse testantur. Sic dare salutem dicuntur, quia datam esse salutem declarant. Deinde obicit, Augustinum dicere, nostra Sacramenta esse *salubriora & felicitiora*, & alibi, esse *virtute maiora, utilitate meliora*, at hæc ad efficaciam, non ad significationem pertinent. *Respondeo*: ergo vetera Sacramenta erant salubria, & felicia, & virtute magna, utilitate bona, sed nostra multo magis propter maiorem reuelationem, quia magis enucleata gratiam confirmant, quam vetera. Hoc est quod nos dicimus secundum magis & minus differre. Præterea obicit, Augustinum dicere, homines non fuisse iustificatos veteribus Sacramentis. *Respondeo*, Augustinus loquitur ut Apostolus, sacrificia non abstulisse peccatum, non enim ipsa Sacrificia aut Sacramenta hoc præstabant, sed Christus tantum. Et hoc est quod idem alibi ait, *in sacrificiis non fuisse expiationem peccatorum.* Verissimum hoc quidem est, non enim Sacramenta expiabant illos, sed solus Christus.

Et sic ille locus Augustini intelligendus est, quem postea offert Bellarminus, *Si per se attendantur Sacramenta vetera, nullo pacto possunt mederi, si autem res ipsa, quarum hæc Sacramenta sunt, inquirantur, in eis inveniri poteris purgatio peccatorum.*

Verissimum hoc etiam est, Sacramenta vetera per se considerata nullo modo mederi potuisse: quomodo etiam mederi potuit Circumcisio, aut agnus Paschalis? Sed hic locus contra Bellarminum vel maxime facit: docet enim in Sacramentis veteribus inveniri purgationem peccatorum, si res ipsæ, quarum Sacramenta sunt, inquirantur, id est, Christus cum sua redemptione: ergo veteres, qui Christum in illis quærebant, fuerunt in illis à peccatis purgati; qui res ipsas in illis inquirebant, inveniunt in illis purgationem peccatorum. Ita nostram sententiam Augustinus tuetur: Atque hoc etiam verum est de nostris Sacramentis: si enim ipsa per se Sacramenta considerentur, non nostra magis quam illorum possunt sanare vulnera animarum nostrarum, aut iis mederi, si rem ipsam consideremus, posse in iis inveniri purgationem peccatorum dicimus. Ita vetera Sacramenta ab Augustino æquantur novis.

*Tertium & postremum* Bellarmini argumentum nititur rationculis quibusdam, quas ille ait in Scriptura fundatas esse. Quatuor ille rationibus utitur, quarum prima, hæc est: Nullum in veteri Testamento Sacramentum habuit annexam promissionem gratiæ & remissionis peccatorum, quod Adversarii in omni Sacramento requirunt: ergo nullum eorum iustificabat. Nostra responsio est habuisse: & si posset probare non habuisse:

Heb. 8. 6.  
1.

verf. 12.

buisse, nostram sententiam & doctrinam refelleret. Probat vero *primò* ex Hebræor. 8. vbi Christus melioris Testamenti mediator dicitur, quod in melioribus promissionibus sancitum est. Quæ vero illæ meliores promissiones sint postea docet, *Propitius ero iniquitatibus eorum, & peccatorum eorum non recordabor amplius*: ergo hæc promissiones non videntur pertinuisse ad vetus Testamentum. Antequam respondeam, duo velim observari. *Primum* hoc est, Etiam si vetera Sacramenta non habuerunt promissiones gratiæ annexas, posse tamen paria esse nostris quoad gratiam, etiam ex sententia Papistarum, atque adeo ipsius Bellarmini, qui verbum promissionis è definitione Sacramenti tollendum esse supra multis verbis contendit. Nolunt illi annexas esse promissiones gratiæ de Sacramentis quidem novi Testamenti. Aut ergo nunc mutavit sententiam Bellarminus, aut hoc argumentum non concludit, vetera Sacramenta non fuisse nostris æqualia.

*Secundum* est, Bellarminum sic distinguere inter vetus nouumque Testamentum, vt dicat omnes promissiones de remissione peccatorum ad nouum Testamentum pertinere; nullam fuisse in vetere Testamento peccatorum remissionem, quia hoc est proprium novi Testamenti, *Propitius ero iniquitatibus eorum*. Quod si verum sit, tum certum est, veteres

Patres periisse omnes, quia sine remissione peccatorum non poterunt feruari. Quare cum hæc absurda sit theologia, manifestum est falsum esse quod Bellarminus ait. Sed nunc de loco Apostoli respondeo. Quod ergo Apostolus ait, promissiones novi Testamenti meliores & præstantiores esse promissionibus veteris Testamenti, verissimum est, quia illæ ceremoniæ veteris Testamenti non ipsam remissionem & gratiam præstabant, sed repræsentabant tantum: at Christus præstat, quod illæ figurabant. Summa est, non in illis ceremoniis Leuiticis salutem quærendam fuisse, sed in Christo. Sed quid hoc ad rem? nam *primò* etsi illi ritus salutem non præstabant, tamen promittebant per Christum, & in illis Christus efficax fuit non minus quam in nostris. *Secundò* Apostolus non comparat Sacramenta vetera cum nouis, sed cum Christo: si cum Christo conferas aut vetera aut noua, maximum est discrimen. Probat vero *secundò* Bellarminus antecedens ex Augustino, qui ait in illis Sacramentis promissas esse res terrenas, in nostris cœlestes. *Respondeo*: Augustinus quidem ibi ait, promissiones illi populo factas fuisse terrenas: sed tamen per hæc promissiones non perseveraturas figuratas esse futuras promissiones perseveraturas: & eas fuisse figuras & prophetias futurorum: & licet omnes non hoc intelligebant, tamen Prophetæ & pii omnes

11.  
August.  
in Psalm.  
72.

omnes intellexerunt. Quare Augustinus aperte in illis rebus terrenis figurata & promissa esse cœlestia ait, ac proinde habebant Patres veteris Testamenti promissiones cœlestes rebus terrenis adumbratas. Etsi ergo illæ promissiones erant obscuriores, tamen piis cœlestes erant: terra Canaan typus erat regni cœlestis. Si Deus nihil iis nisi terrena promississet, non magna causa est, cur tam egregiè de populo illo meritis existeretur; nam sic exiguum regnum, & breuem felicitatem, & pauca bona illis promississet. Sic Augustinus alibi ait, antiquos iustos in illis Sacramentis intellexisse venturam præponi, quibus spirituale primum occultè significetur. Esse ergo promissa diuersa ait, non quoad rem, sed quoad modum, quia, vt inquit, in nouo Testamento spiritualia & aterna promittuntur manifestissime, sed in veteri occultè: at quoad res sic ait, *Eadem sunt in veteri & in nouo, ibi obumbrata, hic reuelata; ibi præfigurata, hic manifestata*. Ergo longe abfuit Augustinus à mente Bellarmini. Et certe absurdissime sentiunt, qui ita sentiunt, Deum terram tantum & res terrenas Patribus promississe, quare necesse est dicamus terrestribus figurata fuisse cœlestia.

111.

Tertiò Bellarminus probat ex Luthero, vetus Testamentum non

habuisse promissiones remissionis peccatorum. *Respondeo*: Lutherus ait, vetera Sacramenta non ipsa expiassent peccata; sed tamen non negat, annexam fuisse illis Sacramentis promissionem gratiæ in legitimo vsu. Et sic nec nostra quidem Sacramenta per se purgant. Idem sensit Lutherus, quod nos, non in Sacrificiis aut in Sacramentis vel veteribus vel nobis quærendam esse salutem, sed in Christo.

11.

*Quarid* & postremo hoc probat ex singulis veteris Testamenti Sacramentis, atque hic affert sacrificium Abelis, iridem, vellus Gedeonis, horologium Achaz. *Respondeo*: De sacrificio Abelis legimus, illud placuisse Deo, & Abeli illud per fidem obtulisse: fides autem in Christum mortuum dirigitur, ergo erat Sacramentum mortis Christi, & confirmabat promissionem de redemptione generis humani per mortem Christi. Hinc patet sacrificium Abelis præfigurasse Christi sacrificium in cruce.

Gen. 4. 4.  
Heb. 11. 4.

Quod ad iridem attinet, & vellus Gedeonis, & horologium Achaz, fateor fuisse beneficiorum temporalium symbola. Sed nos de propriis & ordinariis Ecclesiæ Israelitiæ sacrificiis & Sacramentis agimus, cuiusmodi erant Circumcisio, Agnus Paschalis, nubes, mare, & manna; & hæc fuisse Sacramenta promissionis gratiæ, cum Christo, & Apostolo, & Augustino dicimus. Bel-



Bellarminus ait, se postea ostensurum non fuisse, nullum hoc loco contra hæc argumentum offert: At ille hoc nunquam ostendet, nos vero contrarium postea ostendemus.

Nunc ad *secundam* Bellarmini rationem accedo, quæ est huiusmodi: Lex ipsa vetus tota in hoc distinguitur à noua, quod illa non iustificat, hæc iustificat, ergo fieri non potest, ut Sacramenta vetera, quæ erant pars quædam illius Legis, iustificarent. Legem veterem non iustificasse, probat quatuor argumentis, quæ plane nihil ad rem pertinent; nam contra nos non faciunt. Bellarminus à Quæstione digreditur, quæ est, num Sacramenta vetera non contulerint gratiam eo modo, quo noua, id est, num minus efficacia fuerint, illi vetera dicunt non contulisse gratiam omnino; at nostra conferre ex opere operato. Iam ut hoc probet, veterem Legem probat non iustificasse, quid hoc ad rem?

Gal. 2. 21. nam si ex Lege iustitia, Christus frustra mortuus est, ut ait Apostolus.

In nullo iustitia, nisi in Christo querenda est, non à Mose, aut ab eius Lege, Lex per Mosen data est, gratia & veritas per Christum, absit ut salutem in Mose, aut alibi quam in Christo queramus. Sed hoc modo Sacramenta vetera & Lex vetus cum Christo comparantur, non cum nouis Sacramentis, & noua, etsi sint efficacia, tamen minus (opinor) efficacia sunt, quam Christus ipse. Sed num

quia Lex non iustificat, sed Christus, ideo qui vti Sacramentis prius sunt, non in illis gratiam & remissionem peccatorum habuerunt, ut nos in nostris. Bellarminus ait, veteres Sanctos fuisse quidem iustificatos à peccatis suis, sed non per Testamentum vetus, aut per eius Sacramenta, sed per Testamentum nouum. Quid hoc, per Testamentum nouum? num Sancti veteres iustificati sunt per Sacramenta noui Testamenti? non id, opinor, dicet, quia nunquam illis vti sunt; nondum enim erant instituta, ergo per nouum Testamentum intelligat necesse est Christum, & ideo non opponit Sacramenta vetera nouis, ut debuit, sed Christo. Non igitur argumentum recte institutum est, quia etsi non Lex, non vetus Testamentum iustificabat, tamen Christus fideles omnes in vetere Testamento iustificabat, & hanc iustificationem Sacramenta obsignabant, & Sacramenta non omnino aliter iustificabant in nouo Testamento, quia solus ipse Christus nunc quoque iustificat; Sacramenta vero hanc iustificationem obsignant.

Tertia Bellarmini ratio sic se habet, Promissiones annexæ Sacramentis veteribus implebantur, etiam si homines non credebant, ergo non erant instituta ad iustificandum, quia non sine fide iustificamur. Probat ille hoc *primò* de iride, quæ significauit mundum diluuiò nunquam perituum, hæc promissio, inquit, impletur, & implebitur, etiam si homines non credant.

dant. Sed iris non est propriè Sacramentum. *Secundò* probat ex circumcissione, cui annexa promissio fuit, inquit, ut Abraham fieret pater multarum Gentium, & daret posteris eius terram promissionis ut pater Genes. 17. & Roman. 4. *Respondet*: Non hæc vnica fuit promissio annexa Circumcisioni, ut Abraham fieret pater multarum Gentium: nam ait Deus, Hoc erit fœdus perpetuum inter me & te, semen tuum post te, me fore tibi Deum & semini tuo. Hæc erat promissio principalis, quæ non impletur sine fide: illa vero altera de multitudine posterorum, & terra Canaan illis danda, non nisi secundaria promissio fuit, & quasi appendix huius promissionis. Unde patet circumcissionem obsignasse hanc promissionem Abrahamo & posteris eius, Deum fore Deum illorum, in qua promissione omnia bona insunt. Et huius promissionis nemo sine fide particeps est. Sic Apostolus hoc in loco, quem tractamus, nullum esse filium Abraham docet, nisi qui credit, *ἐἰς τὸ εἶναι αὐτὸν πατέρα πάντων τῶν πιστευόντων*, ut esset pater omnium credentium. Nulli ergo erant gemini filii Abraham, nisi credentes, ne Ismael quidem: & nos qui credimus, eius filii sumus. Ad Ismaelem non pertinebat hæc promissio, quia fide caret: ad vere autem credentes omnes pertinet, perinde ac pertinebat ad Abraham ipsum. Ergo hæc promissio tantum fide impletur: non est enim Deus Deus noster sine fide.

*Tertiò* probat hoc Bellarminus ex sacrificiis, quibus annexa fuit promissio de Christi morte futura pro expiatione peccatorum: hæc promissio, inquit, implenda fuit, siue crederent homines, siue non crederent. *Respondet*: Promissio illa non modo erat, mandandum esse Christum, sed ad salutem & iustificationem fidelium mandandum esse. Si modo de Christi morte promissio illa fuisset, fateor implendam fuisse, siue crederent homines, siue non crederent: sed Deus non modo promisit Christum moriturum, sed nobis moriturum, id est, ut nos redimeret: ergo huius promissionis nemo sine fide particeps fuit. Profuit hæc promissio tantum credentibus: ergo fides etiam in veteribus sacrificiis requirebatur.

*Quarta* & postrema Bellarmini ratio istiusmodi est: Nostra Sacramenta dicuntur in Scripturis saluare, regenerare, iustificare: nihil tale vsquam legitur de Sacramentis veteribus: ergo temere asseruntur paria quoad efficaciam. *Respondet*: Nostra Sacramenta dicuntur hæc omnia præstare, non quod ipsa propriè & per se hæc præstent, sed quia nostram salutem & iustificationem à Christo iam peractam credentibus obsignant. Et hoc ve-

Rem. 4. 11.

1 Cor. 10. 3. 4.

Q rus

tus spiritualis seruant, & d. vitam æternam nutriant: ergo ille panis & potus saluabant, vt nostra Sacramenta, vt nos postea docebinus: & sic Augustinus de circumcissione scribit, vt postea patebit. Hoc de veteribus Sacramentis Apostolus affirmat: ergo possumus dicere vetera Sacramenta regenerasse, iustificasse, & saluasse.

## CAP. V. T. III.

*In quo nostra argumenta proponuntur & defenduntur.*

Nunc nos contra docebinus, Sacramenta veteris Testamenti fuisse promissionis & gratiæ diuinæ symbola, in quibus Deus remissionem peccatorum contulit piis, non minus quam nunc in nostris.

*Gen. 17. 7. Primum nostrum argumentum sumitur ex Genes. 17. de Circumcisione, ubi Deus vocat eam fœdus seu pactum suum, & hanc ei promissionem annectit, Ero Deus tuus & semini tui; quæ promissio fit Abraham & posteris eius: hæc promissio est remissionis peccatorum & vitæ æternæ: ergo promissio de remissione peccatorum & vitæ æternæ est annexa Circumcisioni. De hoc argumento Bellarminus dupliciter respondet. Primum vult docere non fuisse annexam Circumcisioni promissionem remissionis peccatorum & vitæ æternæ, & nostram confirmationem tripliciter oppugnat. Primo quia Scriptura & Augustinus*

*aiunt, meliores esse promissiones noui quam veteris Testamenti. Respondeo: promissiones Leviticæ dici minus bonas, quia ipsæ non præstabant remissionem peccatorum, vt supra diximus: nam Christus solus hoc præstat, qui est substantia, imo vis & anima noui Testamenti. At hoc modo opponuntur illæ ceremoniæ non nostris Sacramentis, sed Christo, & tum reuera multis gradibus inferiores sunt. Sed quando cum nostris Sacramentis comparantur, tum in pari gradu collocari debent, quia idem finis & idem scopus est Sacramentorum vtriusque Testamenti. Obsignabatur illis vt nostris remissio peccatorum, nisi quod nostra plus claritatis habeant. Secundo probat, quia Abrahamus erat iustissimus ante Circumcisionem, vt patet ex Gen. 12. & Roman. 4. non ergo Circumcisioni annexa fuit promissio de remissione peccatorum. Respondeo: Abraham fuit antea iustificatus ex fide: hanc iustificationem ex fide, quæ in remissione peccatorum consistit, circumcisio obsignauit, vt hic Apostolus ait. Nam qui iustus est, potest peccare: ergo post iustificationem indiget remissione peccatorum: circumcisio illi testabatur, & vetera peccata ei remissa esse propter fidem in mediatorem, & quæcunque postea commisit, sicut & Baptismus testatur, peccata quæ ante & post commissæ sunt elui per Christi sanguinem. Quare nullum est hoc argumentum, Abraham fuit iustus ante Circumcisionem: ergo Circumcisio non*

non habuit annexam promissionem remissionis peccatorum. Hoc Bellarmini argumentum valebit etiam contra Sacramenta noui Testamenti, quia multos legimus fuisse iustos, antequam baptizati sunt, vt Cornelium, Eunuchum, feminam peccatricem, & alios nonnullos: ergo hoc modo sequetur, ne Baptismo quidem annexam esse promissionem gratiæ & remissionis peccatorum. Et tamen vult Bellarminus hanc esse differentiam inter vetera & noua Sacramenta.

Tertio probat, quia Deus promissit Abraham non nisi terrena, quando ei Circumcisionem iniunxit, vt propagationem posteritatis, & terram Palestinæ Genes. 17. Respondeo: Promissit ei cœlestia multo magis quam terrena: alias minus Abraham dedisset, quam multis impiis. Quanti enim hoc est, esse Patrem multarum Gentium, & possidere terram Cananæ, si cum regnis & populis huius mundi compareretur? si Deus Abraham amico suo dare tantum terrena voluisset, maiora dedisset. Certe Ismaeli & Esauo promissit Deus terrena bona, vt sobolem multiplicem, & terram fertilem, & alia huiusmodi: nihilne maius Abraham promissit, quam illis quos odit? an eadem Abraham promissio facta est, quæ his facta fuit? sic certe Bellarminus, cum non nisi terrena Abraham promissa esse ait. Sed necesse est fateamur promississe Deum Abraham maiora bona, quam quæ sunt huius vitæ tantum.

Et id postea Bellarminus fateatur: nam ait promissionem hanc terrenam figuram fuisse promissionis spiritualis & cœlestis: quod ille, quia est verissimum, coactus concedit, & sic suum argumentum refellit. Nam si hæc terrenæ promissiones erant figuræ cœlestium, & hoc Patriarchæ & pii intelligebant, vt ait: ergo Circumcisioni annexa fuit promissio cœlestis, quam pii illius temporis intelligebant & apprehendebant; & nos non aliud querimus. Quod enim figurate promittitur, illud promittitur: at in Circumcisione gratiam spirituales figurate promissam esse Bellarminus concedit: ergo promittitur. At non tantum figurate promittitur, sed diserte, quia Deus ait, *Ero Deus tuus, & semini tui*: & sic Prophetæ remissionem peccatorum populo offerunt: ergo promissit Deus Abraham remissionem peccatorum, gratiam, fauorem suum, vitam æternam. Sed tamen reuocat se quodammodo statim Bellarminus, quasi illum pœniteret huius sententiæ, quæ tamen est verissima: nam ait solam terrenam promissionem pertinuisse ad vetus Testamentum; quod si verum sit, tum ad omnes, qui tempore veteris Testamenti vixerunt, sola terrena pertinebant: & tum ubi figura illa promissionum cœlestium, de qua antea dixit: ergo ad vetus Testamentum etiam cœlestes promissiones piis omnibus factæ pertinebant. At hoc est, inquit,

Q 2

facere



facere ex Lege Euangelium. *Respondeo*: Imo dicere quod Bellarminus dicit, est facere ex Ecclesia Dei haram porcorum, qui nil nisi terrena cogitant & sapiunt. Et tamen non sic confunditur Lex cum Euangelio. Nam etsi in illis ceremoniis promissiones bonorum spiritualium fuerunt; tamen illæ ceremoniæ non dabant hæc bona: sed pñ tamen in illis ceremoniis hæc bona perceperunt: at nouum Testamentum, id est, Christus noui Testamenti & Euangelii epitome hæc bona ipse dat, quæ Moses dare non potuit, & cum ipse omnium bonorum author sit, promissit illis, qui ante illum fuerunt, cœlestia bona non minus quam nobis, licet nobis clarius, illis vero obscurius. Bellarminus se imperitum & nimis ignarum discriminis veteris & noui Testamenti ostendit. Verum iam videamus, quid respondeat ad nostrum argumentum ex his verbis sumptum, *Ero Deus tuus & Deus seminis tui*, quibus verbis contineri promissionem vitæ æternæ & remissionis peccatorum dicimus. Bellarminus negat, sed tantum promissionem peculiaris cuiusdā protectionis his verbis significari ait, & Deum hoc modo non minus maiorum quam bonorum Israelitarum Deum fuisse: quod dictu horrendum est. Sed *Respondeo*: Si Deus, cum Abraham dixit, *Ero Deus tuus*, non nisi protectionem peculiarem & terrenam ei promissit, quid tandem singulare promissit? nam protegit Deus omnes popu-

los & nationes peculiari quodam modo. Assyrios, Persas, Græcos, Romanos: sine peculiari Dei protectione incoluntis ad vñ diem Gens nulla esse potest. Quid enim peculiare in protectione huius populi fecit Deus? certe alios populos Deus non minus peculiariter protexit & propagauit quoad externa bona, quam hunc populum; maiores opes, regnum florentius, bona cumulatiores illis donauit: non igitur tantum de terrena protectione loquitur Deus, quia tum illud, *Ero Deus tuus*, æquè de cunctis populis ac de Israelitis verum esset: quæque enim Gens peculiarem Dei protectionem habet, sine qua periret. Et quomodo hæc terrena promissio populo Israelitico præstita fuit? permisit enim Deus, ut Iudæi in varias calamitates inciderent, ut ab hostibus caperentur, ut in alias gentes abducerentur, utque ab illis per longum tempus & multorum annorum spacium premerentur & affligerentur. Ergo fateamur necesse est, non fuisse terrestrem hanc promissionem, sed spirituales & cœlestes, imo magis cœlestes quam terrestres, quia luculentius multo in terrenis aliis Gētibz prospexit Deus quam Israelitis. Fateor Deum fuisse defensorem huius populi: at idem est defensor omnium populorum, imo beluarum. Sed addit Bellarminus hæc verba, *Ero Deus tuus*, non tam sonare remissionem Dei, quam obligationem populi, quasi diceret Deus, Non habebitis alium Deum

Gen. 17.  
13.

Deum quam me. Ita iam Deus nihil omnino promittit nec cœlesti nec terrestri, tantum obligat populum, ut illum pro suo Deo haberet. Quo isti ruunt? Sed *respondeo*: Circumcisionem vocari illud fœdus & pactum Dei, hoc est, sigillum fœderis: at in omni fœdere & pacto est mutua quædam stipulatio: nam fœdus omne est inter duos, qui se mutuis promissionibus obstringunt: ergo ut populus se Deo, ita Deus vicissim se populo obligauit, populus se Dei populum fore, id est, eius leges seruaturum promissit: Deus se eorum Deum præ omnibus populis pollicitus est fore. Ita & promittit aliquid Deus, & tale aliquid, quod nullis præterea Gentibus promissit.

At Bellarminus nil plane hic promissum esse ait: ita cœcus est, ut etiam quæ clarissima sunt non videat. Ergo his verbis promissit Deus spirituale bonum, quod ipsa verba sonant, *Ero Deus tuus*: quid hoc est, esse nostrum Deum, nisi esse nostrum seruatore? alias enim Deus est omnium conditor & protector, etiam bestiarum, ut diximus: quare promittere se illis Deum fore, est aliud quiddam, nempe æternam felicitatem illis promittere: at primus ingressus ad felicitatem & vitam æternam est remissio peccatorum: ergo quando promittit se fore illis Deum, promittit se peccata illis remissurum. Videte quantam iniuriam Deo faciat, qui non nisi terrena ab

illo vult promitti. Quid, quod hoc etiam cum superiori Bellarmini responsione pugnare? nam si promissit Deus terrenum, & per terrena figurauit cœlestia, ut antea dixit Bellarminus, non ergo nihil promissit, sed populum tantum obligauit; quali hæc verba, *Ero Deus tuus, & seminis tui*, non essent promittentia, sed præcipientia tantum. Sed maioribus adhuc viribus illum aggrediamur. Hæc ergo verba continere promissionem, eamque etiam cœlestem, ex ipsis Scripturis ostendemus. Hoc patet Exod. 3. vbi Deus sic *Exod. 3. 6.* Moysen alloquitur, *Ego sum Deus Abraham, Deus Isaac, & Deus Iacob.* Ex illo loco duo colligimus. *Primum* est, Deum, quando se horum Deum fore dixit, promississe aliquid. Perinde enim est, ac si Deus diceret, *Ego is Deus sum*, qui me fore Deum his tribus promiserim: iam præstabo, quod promisi, & indicabo me esse memorem promissionis meæ, ut omnes intelligant, me esse illorum Deum. *Secundum* est, non modo terrenam hanc fuisse promissionem, sed spirituales & cœlestes: nam Christus hinc euincit fidelium immortalitatem, quia est Deus non mortuorum sed *Matth. 22. 32.* viuorum. Bellarminus ait, Christi verba nihil aliud significare, nisi Deum non esse Deum eorum qui non sunt, sed qui sunt: est autem Deus Abraham, Isaac, & Iacob: ergo ii sunt, contra errorem Sadducæorum. *Respondeo*: Longe aliud Christus his verbis concludit.

Disputat ibi quidem cum Sadducæis: illi negabant resurrectionem: voluit ergo Christus hinc corporum resurrectionem probare. Sed num hoc probat, resurrecturos esse Abrahamum, Isaacum, & Iacobum? at esse poterant, & tamen non sequitur resurrectio corporum. Si sint tantum, non sequitur resurrectura esse illorum corpora: quia esse possunt, licet illorum corpora non resurgant. Ergo quod se Deus illorum esse Deum ait, manifestum est, eis promississe vitam æternam, quia tum illorum corpora necessario resurgent, ut Deus illos integros servare possit. Hoc est, quod

Matth. 8.  
11.

Christus alibi ait, *multos cum Abrahamo, Isaaco, & Iacobo, discubitu-  
ros in regno cælorum*: hoc est, ergo esse Deum Abrahamæ, Isaaci, & Iacobi, dare illis regnum cælo-  
rum.

Sed vrgeamus adhuc Bellarmi-  
num ex verbis Pauli, qui ait, Ephesios vna cum reliquis Gentibus, cum adhuc essent incircumcisi, fuisse sine Deo, sine Christo, sine spe, & alienos à promissionibus: ergo istorum omnium participes erant homines per circumcissionem, & sic Circumcisio spiritualis boni tessera fuit. Bellarminus ait, de Gentibus hæc dici ab Apostolo, non quia Circumcissione carebant, sed quia carebant vera fide, & idola pro Deo colebant. *Respondeo*: Aperte Apostolus Gentes cum Iudæis, & ἀπο-  
σταλῶν cum μετὰ τῶν, id est, prap-

Ephes. 2.  
12.

tium cum Circumcissione comparat, & eos qui erant in praputio ait fuisse alienos à Republica Israel: hoc exiguum damnum fuisset, si non nisi terrena bona huic Republicæ promissa fuerunt; nam quod ad hæc attinet, melius multo cum aliis Rebus publicis actum est, ut Romanorum & aliorum, cum quibus si Iudæi comparentur, in nullo numero fuerunt. Deinde Apostolus ait, illos fuisse peregrinos à promissionibus: ergo circumcisi habebant promissiones, à quibus incircumcisi erant alieni. Et addit, ἐλπίδα μὴ ἔχοντες, *spem non habentes*, quia non erant in fœdere. Concludit denique fuisse ἀθέτοι ἐν τῷ κόσμῳ, *expertes Dei in hoc mundo*. quia non illis ut Iudæis se fore Deum promisit. Vnde amplissimas promissiones Circumcissioni annexas fuisse intelligimus. Nec pugnat quod pauci pii inter Gentes fuerunt, ut Iob, & alii; nam privilegium paucorum non tollit communem legem: Apostolus loquitur de multitudine Gentium. Et Circumcisio nonne apertissimum fuit mortificationis signum, & eam adumbravit? quid illa pelliculæ abscis-  
sio significabat, nisi peccata, quod ex propagatione nascitur, purgationem, id est, remissionem, ut in Baptismo? & figura fuit internæ circumcissionis, quando cor circumciditur, id est, prænæ affectiones cordis amputantur: at ei, qui peccatum abiicit, promittitur remissio: & ideo toties in Scripturis inter-

Deut. 10.  
16 & 17.  
6 interna cordis circumcisio, quam adumbravit externa, vigetur; quæ etiam à Prophetis requiritur. Sic igitur circumcisio externa internam circumcissionem repræsentavit, ut apud nos Baptismus externus internum: reseadem ceremoniæ diuersæ. Nam Christus Abrahamæ promissus fuit, & in ipso promissum est fore ut Gentes omnes benedictionem consequerentur: huius promissionis gratiæ obsignandæ causa circumcisio addita est.

Præterea promissio illa, quam cum circumcissione Deus coniunxit, *Ero Deus tuus & seminis tui*, ad nos non minus pertinet, qui fideles sumus, & qui ad mundi finem erunt, quam ad Iudæos, quia omnes credentes Abrahamæ filii sunt: num nobis tantum terrena bona promisit Deus: ergo in illis verbis inclusa est promissio cælestis, non minus quam promissio rerum terrestrium, nisi nobis quoque terrestres tantum promissiones factas esse dixerit. Ira causa cadit Adversarius. Nunc nos ad aliud argumentum veniamus.

Levit. 4.  
2. & 5.  
1. & 6. 2.  
& 6.

*Secundum* ergo nostrum argumentum sumitur ex Levitico 4. & 5. & 6. vbi Sacrificiis peccata expiari dicuntur: ergo fuit in Sacrificiis remissio peccatorum: promissio remissionis annexa fuit ceremoniis illis, ut nostris Sacramentis. Bellarminus ait, illa Sacrificia non valuisse quoad culpam & pœnam gehennæ, sed quoad pœnam temporalem & quoad im-

mundiciem legalem: at nostra Sacramenta valent quoad peccata & pœnam æternam. *Respondeo*: hanc esse sententiam indignam Theologo, illas ceremonias & Sacrificia non nisi quoad pœnam temporalem & legalem immundiciem valuisse: nam hoc perinde est ac si diceret nihil valuisse. Legalis enim immundities non nisi ceremonialis erat, nullum in se vitium habuit: tantum adumbrabat spiritualement impuritatem peccati: si ergo ceremoniæ non nisi illam legalem immundiciem purgabant, erant re vera inutiles. Sed erant etiam symbola purgationis internæ, & obsignabant illam: & multa sacrificia instituta sunt pro peccato, & pro reatu & culpa peccati, ideoque iis nomen peccati impositum est, quia pro peccato immolebantur, & Dominus huiusmodi sacrificia immolantibus remissionem peccati promisit: hostiæ pro peccato millies mentio fit: ergo quoad culpam peccati multo magis imo præcipue valebant. *Si peccauerit anima*, & 5. vers. inquit Deus, id est, quispiam, loquitur de eo quod vere & proprie peccatum est, & paulo post confessio peccati requiritur; & de eo qui offert sacrificium dicitur, *adducet reatum suum*, id est, oblationem pro reatu, & postea, *expiabit eum sacerdos à peccato quo peccavit*, & remittetur ei: ita expiatio & remissio illis sacrificiis tribuitur.

Levit. 5. 1.  
& 5. vers.  
& 6. vers.  
& 10. vers.

Si ergo vere fuit culpa com-  
missa, vere etiam remissa fuit.

Quin



Quam enim ille pœnam temporalem intelligit? num post hanc vitam in Purgatorio? at nullum tunc Purgatorium fuit: non enim in Purgatorio, sed in Limbo Patres fuisse volunt: num aliquam huius vitæ multam intelligit? at non sunt sacrificia in hunc finem instituta: si quis iniuriam fratri fecerat, iussus est ei satisfacere, imo sæpe duplum aut quadruplum restituere; adeo non remissa his sacrificiis temporalis pœna & satisfactio fuit. Sed præter hanc pœnam, quia in omni iniuria erga hominem est peccatum in Deum, ideo sacrificium ad hoc peccatum expiandum institutum fuit. Iam Bellarminus sacrificia non nisi ad pœnam temporalem valuisse ait; cum tamen quoad hanc pœnam, ii qui sacrificia offerebant, non minus obnoxii ei erant, quam qui non offerebant. Fratri satisfieri potuit sine sacrificiis, at Deo non potuit sine sacrificiis satisfieri: non modo fratri satisfaciendum fuit, sed sacrificium etiam Deo offerendum erat, ut is qui fratrem læserat, Deo reconciliaretur. Sed videte pulchram Pontificiorum theologiam. Vetera sacrificia & Sacramenta dicunt pœnam non culpam sustulisse, nostra culpam non pœnam, ita ut vetera quoad culpam minus valuerint, sic nostra minus valeant quoad pœnam. Desultoria hæc theologia est. At sana theologia docet, nunquam remitti culpam, nisi cum pœna remittitur, & pœnam nunquam remitti, nisi cum culpa re-

mittitur. Sic ista se mutuo consequuntur: culpa pœnam trahit, & remissio pœnæ culpæ quoque remissionem sequitur. Sed nonne erant hæc signa rerum aliarum, Bellarminus ait non, nisi quatenus erant signa protestantia fidem in Christum. Hinc duo colligo. *Primum* est, ipsum se refellere: si enim aliquo modo remittebant peccata, tum nostris Sacramentis paria fuerunt: ille autem fatetur remississe & culpam & pœnam gehennæ, quatenus erant signa protestantia fidem in Christum. *Secundum* est, quod ait illa non nisi protestata esse fidem in Christum: at plus quam protestabantur fidem; nam & remissionem peccatorum per sanguinem Christi obsignabant, quod illud Bellarmini, *Nisi quatenus*, satis evincit. Sed ait Bellarminus, suam responsionem posse multis modis probari. *Primo* quia Scriptura non instituit sacrificia pro omnibus peccatis, sed pro leuioribus tantum, non pro grauioribus, ut pro blasphemia, homicidio, adulterio, idololatria. *Respondeo*: Illa tamen leuiora, ut periurium, ex cupiditate habendi res alienas, mortem æternam merebantur: ergo Deus sacrificium expiatorium ab eo reatu instituit; nisi forte Bellarminus periurium vult esse culpam venialem. Numerat ille periurium ex cupiditate rei alienæ inter leuiora peccata, sed absurde: periurium enim est gravissimum peccatum, quod nemo negabit, quia periurus in Deum gravissime peccat.

Quod

Quod si periurium mortalis culpa fuit, tum opus erat aliquo remedio aduersus illud; si autem sacrificium, quod pro periurio offerebatur, non valebat ad remissionem culpæ & pœnæ æternæ, non erat remedium morbo aptum: at fuit hoc remedium à Deo institutum: ergo procul dubio aptum erat. Quod autem non erant sacrificia aliqua pro peccatis illis grauioribus instituta, ratio fuit, quia sacrificium pro his tantum in specie offerri Deus voluit, quæ morte peccantis non expiabantur: quando enim is, qui peccarat, pœnam dignam sustinuerat, tum Deus sibi satisfactum esse putabat, nullum aliud sacrificium requirebat. Præterea non pro his sacrificium ullum offerri voluit Deus, ut intelligamus Christi mortem nihil iis profuturam esse, qui in peccatis suis moriuntur, sed iis tantum, quos peccatorum suorum pœnitent. Interim si quis fidelis homicida, adulter, blasphemus fuerit, & morte non multatus est, quia nesciebatur, ut David & alii, si tamen postea veram pœnitentiam egerit, quis negauit illum in sacrificiis remissionem peccatorum habuisse? Ita de se Propheta David; *Tunc delectaberis sacrificiis iustitia, holocausto, & prorsus consumendo, tunc pii offerent iuuenos super altare tuum.* Hoc est quod legimus de hirco illo emissario, qui portabat omnes iniquitates populi & omnes defectiones ex quibuscunque peccatis. Et sic agnus, qui in iuge sacrificium offerebatur, Christum adumbravit, qui tollit pecca-

tum mundi. Quod autem Thomas ait, vetera Sacramenta minus virium habuisse, quam nostra, quia Christus nondum mortuus est, nihil solidæ Theologiæ habet: nam etsi nondum reipsa mortuus est Christus, vis tamen mortis eius non minor illis fuit, quam nobis est.

Semper enim tenendum illud est, Christum fuisse agnum occisum ab origine mundi: ergo Christi mors valuit apud Patres, non minus quam apud nos, & sic certum est, Patres in illis sacrificiis inuenisse æterna bona. Et nisi in illis sacrificiis expiationem à peccatis per Christi sanguinem veteres Patres habuerunt, certe periire omnes: ergo certum est, pios habuisse in illis ceremoniis remissionem peccatorum, non quidem ex solo actu, & opere operato, sed non minus quam nos in nostris Sacramentis, quod & Bellarminus per suum illud. *Nisi quatenus* satis declarat. Nam si propter respectum ad Christum illa sacrificia expiabant, sic & nostra, non aliter, nisi & nostra per se secluso Christo valere ad remissionem peccatorum volunt.

*Secundo* ait Bellarminus, Sacrificia vetera non placuisse Deo ex se, sed ex deuotione & obedientia offerentis. *Respondeo*: hac in re paria fuisse nostris: nam nisi in nobis deuotio & obedientia, nullum fructum ne ex nostris quidem Sacramentis percipimus. Sed iam se apertius prodit; hic enim aperte ait, nostra Sacramenta valere ad

R remif.

Thom. in  
1.2. q. 103.  
art. 2.

remissionem peccatorum sine deuotione & obedientia suscipientium. Vetera non valebant; aut ergo nostra valent, aut nullum inter vetera & nostra discrimen est.

Quis enim tam impius est, ut si homo nequam & profanus ad Baptismum aut cœnam Dominicam accedat, hunc actum dixerit placere Deo? at hoc Bellarminus vult. Ut ergo vetera placebant cum deuote & religiose suscepta fuerunt, sic & nostra, non aliter. Atque hoc est, quod Gregorius egregie ait, quem Bellarminus contra se citat, *Iram iudicis placare nescit oblatio, nisi ex munditia placeat offerentis*; idque probat exemplo Abelis, quia Scriptura ait, Deum primo ad Abelem, tum ad eius munera respexisse. *Idcirco*, inquit, *non Abel ex muneribus, sed ex Abel munera oblata placuerunt*. Bellarminus vult Gregorium loqui de sacrificiis tantum veteris Testamenti, cum ille loquatur de omnibus oblationibus, & illorum & nostris: nam ait ibidem, *Mundari debet prius animus, qui elemosynam prabet, quia omne quod datur Deo, ex dantis mente pensatur. Cuncta itaque malitia macula ab interiori nostro homine cogitationis immutatione tergendam est*. Quare Gregorius Papisticam distinctionem sustulit, vetera Sacrificia & Sacramenta contulisse gratiam ex opere operantis, id est, offerentis, nostra ex opere operato; nam & de nostris ait, nisi ex mundicia placeant offeren-

Gregor.  
Moral.  
l. 22. c. 12.

tis, non placare iram iudicis. Obseruanda hic fraus Bellarmini, qui vult videri dictum hoc quasi de veteribus tantum sacrificiis intelligendum esse, cum non minus de nostris intelligatur. Sed Bellarminus dilemma hic obicit, egregium omnino & dignum tali Theologo, ut illa sacrificia non expiasset peccata doceat. Qui offerri iubeat: inquit, illa sacrificia, aut iustus erat, aut iniustus: si iustus, non egebat remissione peccatorum; si iniustus, nihil valebat eius sacrificium. *Respondeo*: Si iustus, non egebat remissione peccatorum: ergo non Sacramento remissionis? non sequitur; etsi enim non noua remissione, tamen signaculo huius remissionis opus habet: eger enim perpetua confirmatione & maiori persuasione remissionis suæ, ut hæc illi luculentius constet. Sic Davidi Nathan Propheta ait, *Deus remisit tibi peccatum tuum*, tamen obtulit David procul dubio sacrificia, ut fidem suam magis ac magis confirmaret. Quod ait, si iniustus erat, nihil eius sacrificium valuisse, falsum est: nam si iniustus suam iniustitiam ex animo confitebatur, & peccata sua agnoscebat, eorumque illum pœnitebat, sacrificium eius acceptum fuit, & illi remissionem peccatorum obsignauit. Verum Bellarminiano huic dilemmati nos simile referemus. Si iustus fuerit, qui nostra Sacramenta recipit, non eger remissione peccatorum, & sic

non

non eget Sacramentis: quare ergo homines iusti ad Eucharistiam accedunt, aut ad vllum Sacramentum? hoc est contradicere Christo, qui vult credentem, id est, iustum baptizari; & sic Apostolus Petrus voluit Cornelium iam iustum baptizari; & Apostolos Christus iussit cœnam frequentare, qui erant iusti. Hoc est quod Augustinus ait, Cornelius, & qui cum eo erant, cum iam inuisibiliter sanctificati essent, tamen baptizati sunt; *nec superflua iudicata est visibilis sanctificatio, quam inuisibilis iam præcesserat*. Sic idem alibi, *In Cornelio præcepit sanctificatio spiritalis in dono Spiritus sancti, & accessu Sacramentum regenerationis in lauacro Baptismi*. Iam de altero membro dilemmatis dicamus, Si iniustus quis fuerit, qui ad Sacramenta nostra accedit, ei Sacramenta non proderunt ad iustificationem & remissionem peccatorum: nam indignum est Theologo, dicere Sacramenta afferre iustitiam ei qui est ipse iniustissimus. Tamen aut nihil dicit, aut hoc dicit Bellarminus. Hæc placida Bellarmini Theologia est, homines impuros, sacrilegos, omnibus peccatis contaminatos accipere & inuenire gratiam in nostris Sacramentis. Nam certe aut prorsus nil valent nostra Sacramenta, aut ex illius sententia, ab iniustis & sceleratis tantum usurpanda sunt.

Marc. 16.  
16.  
Ad. 8. 37.  
38.  
Luc. 22.  
19.  
August.  
super Le-  
uit. 9. 84.  
idem  
1. 2. Do-  
ct. 1. 4.  
c. 4.

Hoc enim plane ait Bellarminus, ut differentiam inter nostra & vetera Sacramenta ostendat,

illa non habuisse remissionem peccatorum, quia iusti non egebant, remissione, & iniusti non poterant consequi: iam in nouo Testamento iusti non magis indigent remissione, quam in veteri: ergo sequitur esse remissionem in nostris Sacramentis, non modo sine fide, obedientia, deuotione, sed etiam iis, qui sunt iniusti, id est, quorum sacrificium in veteri Testamento erat abominabile. Nonne est quod de Iesuitis istis præclare meritam Ecclesiam existimemus?

Tertio, Bellarminus ait Ezechielis cap. 18. cum de remissione peccatorum agitur, nusquam fieri mentionem sacrificiorum; imo Prophetas cæteros & Paulum diserte docere, non posse sacrificiis expiari culpas animorum. *Respondeo*: Quis tam cæcus est, ut putet cœdem aut sanguinem arietis potuisse animos à peccatis expiare? sed tamen in illis sacrificiis pii remissionem peccatorum, & expiationem à peccatis inueniunt, non propter arietum sanguinem, sed propter sanguinem Christi, cuius ille sanguis arietum fuit Sacramentum. Et sic etiam de nostris Sacramentis dici potest: quis enim paululum aquæ animam à peccatis purgare posse existimet? tamen piis in usu huius aquæ peccata purgantur. Quod autem Ezechiel non meminit sacrificiorum, quid si ob eam causam non meminit, ut intelligamus, non in sacrificiis per se quærendam

R 2

fuisse



fuisse remissionem peccatorum, sed in Christo. Et quanquam sacrificiorum Ezechiel non meminit, tamen in multis aliis locis sacrificia pro remissione peccatorum expresse commemorantur: & alii Prophetæ urgent & laudant sacrificia, quando cum fide coniuncta fuerunt.

*Tertium* nostrum ex Scripturis argumentum sumitur ex 1. Corinth. 10. vbi Patres veteris Testamenti omnes dicuntur eandem escam spiritualement manducasse, & eundem potum spiritualement bibisse. Vnde constat, Apostolum non minus splendide & honorifice loqui de veteribus Sacramentis, quam potest quisquam de nostris; Patres nobis pares facere in Sacramentis, & nullam prærogatiuam nobis relinquere præ illis, quod ad Sacramenta attinet. Quare certum est, Patres in nube, Manna, petra, mari, spiritualiter percepisse Christum. Hoc argumento Calvinus & alii e nostris vtuntur. Sed Bellarminus, antequam ad huius argumenti solutionem veniat, ait Calvinum secum pugnare. Quamobrem vero? quia ille alibi negat, Manna, & nubem & transitum per mare esse Sacramenta; at nunc contra esse ait, & sic Christum fuisse in illis Sacramentis contentum.

*Calvin.* At Calvinus nusquam negauit, nubem, Manna, petram, mare, fuisse Sacramenta. Sed tamen ait Calvinus, non nisi Circumcisionem, & Agnum Paschalem fuisse

Sacramenta veteris populi. Verum: sola fuerunt ordinaria & perpetua Sacramenta: hæc tamen extraordinaria fuerunt & temporalia. Et si in his Christus vere fuit, tum etiam in ordinariis Sacramentis: & tum veteres Christum in suis Sacramentis perceperunt, vt nos in nostris. Sed adhuc in alio pugnare secum Calvinus ait, quod nunc nullam prærogatiuam particulam nostris Sacramentis relinquat, & tamen supra eodem capite dixerat, nostra esse excellentiora, & gratiam in iis vberius conferri. Sed non ideo secum pugnat: nam quod nullam prærogatiuam particulam nostris tribuit, hoc non simpliciter intelligendum est, quasi nulla in re nostra illis meliora sint, sed quoad modum gratiæ conferendæ nostra præstantiora esse fatetur, quoad ipsam vero gratiam non omnino. Nam Patres rem ipsam, id est, Christum in suis Sacramentis perceperunt, vt nos in nostris; sed clarius & vberius quam illi; quæ est modi, non rei differentia. Sed Kemnitium quoque secum pugnare ait, qui & hoc Caluini argumentum urget: nam Calvinus hoc argumentum profert, vt probet Christi corpus non aliter esse in Eucharistia, quam in Manna fuit: at Kemnitius contra vtpote Lutheranus. *Respondeo*: Calvinus hoc argumentum profert, vt probet non differre nostra Sacramenta à veteribus, & sic Kemnitius. Si vero corpus Domini vere in Eucharistia

*Idem  
sit. l. 4.  
14. §. 3.*

sit, non video quomodo hic locus pro Kemnitio faciat: tum enim magnum discrimen est inter vetera & nostra Sacramenta; nam realiter non fuit corpus Christi in villo sacrificio aut Sacramento veteris Testamenti. Imo cum locus apposite à Kemnitio citeretur & urgeatur ad differentiam falsam refutandam inter vetera Sacramenta & nostra, non video quomodo Kemnitius realem corporis Domini in Eucharistia præsentiam tenere potuit. Hoc ipse Kemnitius & Lutherani viderint. Aut nihil hic locus ad rem facit, aut Christi corpus non aliter quoad rem in nostris Sacramentis est, quam in veteribus fuit: at facere hunc locum ad rem Kemnitius indicauit. Sed nunc ad ipsum locum veniamus, & nostrum ex hoc loco argumentum tractemus & persequamur, quod firmissimum quidem est & contra Papietas, & contra Lutheranos. Tria urgemus ex hoc loco: tria enim sunt huius argumenti media, quorum vnumquodque ex hoc loco probatur. *Primum* quod urgemus est, quod Patres omnes dicuntur eandem escam manducasse, & eundem potum bibisse. Si illi eandem escam manducarunt, & eundem potum biberunt, tum Christum illi in suis Sacramentis perceperunt, vt nos in nostris. Bellarminus ait, non velle Scripturam dicere, eandem esse illorum & nostram escam, sed eandem illorum omnium, vt sensus sit, Omnes Iu-

dæi eandem escam manducauerunt, & tamen non omnes placuerunt Deo. Sed hoc falsissimum esse, & Paulum voluisse nos & illos eandem escam manducasse, & eundem potum bibisse, non illos eandem inter se escam & eundem potum participasse, constat.

*Primo*, quia Paulus illis Sacramentis nostri Sacramenti nomen tribuit: Omnes, inquit, baptizati sunt in nube, & in mari: at Baptismus noui Testamenti Sacramentum est.

*Secundo*, quia & illos Christum percepisse ait, quem nos percipimus: nam & cibum & potum spiritualement participasse ait, & vocat hunc potum Christum: petra, inquit, erat Christus.

*Tertio*, quia Apostolus aperte ait, illos habuisse rem eandem, quam nos in nostris duobus Sacramentis percipimus; nam *primo* ait, illos habuisse Baptismum quoad rem in nube & mari: *secundo* in Manna panem Eucharisticum, in petra potum: ergo illos habuisse nostra Sacramenta quoad rem. Aliter si sensisset Apostolus, vsus fuisset potius exemplo Circumcisionis & Agni Paschalis, & dixisset, etsi circumcisi fuerunt Patres vestri, & Agni Paschalis participes, tamen non omnes placuerunt Deo: ergo non nisi eorum Sacramentorum meminit Apostolus, quæ Iudæi nobiscum communia habuerunt, vt eorum sortem eandem esse doceret, quæ nostrum est.

*Quartò*, alias hoc nihil ad Apostoli institutum pertineret. Voluit enim Corinthios terrere exemplo Iudæorum, ne freti externa professione, & insignibus Christianismi, id est, Sacramentis, idolatriam committerent, quoniam illi eandem escam & potum, id est, eadem Sacramenta nobiscum participarunt, & tamen illos Deus gravissime puniuit; de quo postea erit dicendum: cauerent ergo ne placere se Deo existimarent propter nostra Sacramenta, neque huiusmodi externis religionis insignibus gloriarentur.

*Quintò* & postremo Patres fere omnes hoc idem testantur, & hunc locum sic interpretantur, ut nos. Sic Augustinus. Quid hoc ad rem, inquit, quod omnes illi inter se eandem escam manducarunt, & tamen multi illorum non placuerunt? quasi quod communem eundem cibum illi omnes participarunt, ergo ratio est, cur magis Deo placerent? Et ibidem, *Idem in mysterio cibus & potus illorum, qui noster, sed significatio- ne, non specie.* Sed luculentissime alibi, *In signis diversa sunt, sed in re quæ significatur paria sunt: & plura ibidem in eandem sententiam.*

Sic Ambrosius, *Illis aqua de petra, tibi sanguis è Christo: illos ad horam satiauit aqua, te sanguis diluit in æternum.* Sic idem in hunc locum ait, *Manna, & aquam, quæ fluxit è petra, habuisse figuram futuri mysterii, quod nunc nos sumimus in commemorationem corporis Domini: il-*

lorum Sacramentum ait fuisse figuram, nostrum commemorationem. Sed nos hoc postea luculentius tractabimus. Ergo hinc constat, illos eandem nobiscum escam manducasse, si Paulo credimus. Sed Bellarminus contrapugnat tribus rationibus.

*Primò*, Illa, inquit, non erant Sacramenta; nostra sunt Sacramenta. *Respondeo*: Erant Sacramenta, etsi non ordinaria & perpetua, & eadem res in illis fuit, quæ in nostris. Cum nostris re eadem erant, licet signis diuersa.

*Secundò*, Illa erant communia etiam bestiis: nam etiam bestię biberunt ex aqua scaturiente ex petra, & transierunt mare rubrum. *Respondeo*: Sed erant tantum hominibus Sacramenta: non enim propter pecudes instituta sunt, sed propter homines, id est, propter Ecclesiam. Et potest Sacramentum esse, quod à bestia sumitur: alias illorum panis Eucharisticus (si modo panis) non esset Sacramentum, quia mures illum arrodere possunt. Bellarminus ait, signa Eucharistię vorari à bestiis posse. *Respondeo*: At hæc signa sunt Sacramentum illis: non ergo ratio est, cur non illa Israelitis Sacramenta fuerint, quia erant bestiis communia.

Nec Apostolus de rebus communibus loquitur, sed miraculosis, cuiusmodi erant mare, nubes, Manna, aqua petræ. Et si horum pars aliqua per accidens ad pecudes

des peruenit, tamen non nisi propter Ecclesiam illam Israeliticam instituta sunt: ergo illi tantum Sacramenta fuerunt.

*Tertio*, ait Bellarminus, nullam illis promissionem esse factam, cum Manna ederent, aut aquam biberent è petra, aut per mare transierent: at nostra Sacramenta habent amplissimas promissiones: & Sacramenta omnia habent promissiones. Et Bellarminus ait, nos hic plane redigi in angustias: sic ille sibi placet. Sed nos facile ex his angustiis elabemur. *Respondeo*: igitur *primò*, Quod negat hæc fuisse Sacramenta, cum Paulo, & Patribus, & manifesta rei veritate pugnat. Nam & signum, & rem signatam habuerunt, & nomen Baptismi, quod est Sacramentum, quibusdam illorum tribuitur, & rem, id est, Christum perceperunt: qui illa participarunt: quomodo ergo non erant Sacramenta? & si non omnino Sacramenta erant, tum quid hoc ad Pauli institutum pertinet? non erant quidem ordinaria, sed tamen erant temporaria Sacramenta.

*Secundò*, dico fuisse factam promissionem Manna edentibus, & per mare transeuntibus, ut videre est Exod. 14. & 16. & 17. & Numer. 20. ubi promisit Dominus se seruaturum & pasturum populum suum: erat ergo his annexa salutis & conseruationis promissio. Sed Bellarminus obii- cit, has non nisi temporales promissiones fuisse. *Respondeo primò*:

Sic antea dixit, Circumcisioni annexam fuisse promissionem tantum temporalem, & tamen negare non potest, Circumcisionem fuisse verum Sacramentum. *Secundò* dico, in his terrenis & temporalibus promissionibus latuisse promissiones spirituales & cœlestes, & in temporalibus datas fuisse spirituales & cœlestes promissiones piis. Nam omnes promissiones Dei nituntur eius in Christo gratuita reconciliatione: ideo seruauit Deus Israelitas, quia erant populus electus. Sed Bellarminus, ut probet non quælibet bona, quæ Deus dat, inniti reconciliatione Dei & gratia, obii- cit epulonem in Euangelio, & Nabuchodonozorem, & Cyrum, quibus Deus affluentiam rerum temporalium & multa terrestria bona contulit, & tamen non dedit eis gratiam & vitam æternam, nec eos pro amicis habuit. *Respondeo*: Bellarminus à scopo aberrat: nos enim non dicimus, omnes esse Deo reconciliatos, quibus bona hæc externa à Deo dantur, nec omnes Deo exosos, quia à Deo puniuntur, & his bonis externis carent, sed bona temporalia esse piis tantum pignora diuinæ promissionis, non autem impiis, sed contra potius. Cum ergo se nos in angustias redegit ait, suam imperitiam prodit: non enim simpliciter omnibus, sed piis tantum vetera sacrificia diuinæ in Christo beneuolentię pignora fuisse, & his tantum sub temporali-

August. in  
Psalm.  
77.

Idem  
tra 2. 26.  
in Ioan.

Ambros.  
de his, qui  
iniciant.  
myster. c.  
9  
Idem in  
1. Cor. 10.

Exod. 14.  
13. 14. &  
16. 12. &  
17. 6.  
Num. 20.  
8.



libus promissionibus factas esse spirituales & cœlestes dicimus: ideo hæc sacrificia fuisse piis Israelitis signa & symbola reconciliationis diuinæ, vtcunque iis alii abusi sunt.

*Tertio respondeo:* ne nos nimium his angustiis premi existimet, etsi non essent in Scripturis expositæ hæc promissiones, tamen non dubitandum est, viva voce à Mose edoctam esse Ecclesiam, & institutos esse p̄tos, quorum hæc omnia spectarent, nempe quod ad Christum respicerent, necesse in illis terrestribus insistendum, sed ad cœlestia animos illorum eleuandos fuisse. Non expressæ hæc promissiones sunt, quia non futura erant hæc perpetua Sacramenta, nec erant hæc res ad posteros peruenturæ, sed ad breue tantum tempus duraturæ: satis erat, si populus vna voce de his instrueretur. Quod autem Basilium obiicit Bellarminus, qui illa Sacramenta præ nostris extenuat: *Respondeo:* Basilium ideo hoc facere, quia scribit contra eos, qui argumentum pro Spiritu sancti diuinitate ex eo sumptum, quod in Spiritum sanctum baptizamur, eludebant, quia Iudæi in Mosen baptizati dicuntur à Paulo, non tamen sequitur, Mosen Deum fuisse; respondet Basilius, illum Baptismum typicum tantum fuisse, nec aliquid valuisse, & nostrum Baptismum illi præfert.

Quod si sic intelligat, quasi nihil in illo Baptismo *πνευματικόν*,

id est, spirituale fuerit (vt videtur intellexisse) cum Paulo pugnat, cui æquius est vt credamus quam Basilio: nam Paulus aperte ait, eos edisse & bibisse Christum. Sed manifesta est inter ista differentia, quam Basilius non animaduertit: nam Israelitæ in Mosen baptizati sunt, id est, auspicio & ministerio Moysi: at nos in Spiritum sanctum baptizamur, id est, in nomen & fidem Spiritus sancti. Atque hæc de eo quod primo ex hoc Pauli loco colligimus.

*Secundum*, quod ex hoc testimonio colligimus & vrgemus est, quod cibus & potus ille spiritualis dicatur: ergo habuit effectum spirituales. Bellarminus ait, spirituales dici, non propter effectum, sed propter causam & significationem: vtrumque enim inquit, productum erat per miraculum opera Angelorum: vnde Manna alibi dicitur panis Angelorum, non quod eo vescantur Angeli, sed quia Angeli eum fecerunt. *Respondeo:* Non existimo cibum illum Angelicum dici, quod ab Angelis factus est, sed potius quia de loco vel habitaculo Angelorum delapsus est, vel quia iucundissimus & præstantissimus cibus fuit, vt si Angeli cibo aliquo vescerentur, non possent meliore cibo vesci; vt apud Paulum lingua Angelorum ponuntur pro linguis diuinissimis: vel possumus interpretari cibum heroum & fortium virorum, id est, qualis viris præstantissimis conueniat, & potentissi-

mentissimis, non quod eum fecerint, sed quod ederint, id est, quo heroes & principes vesci possent. Sed addit etiam Bellarminus, Apostolum non vocare aquam spirituales, quam bibebant, sed petram, quæ erat causa eius aquæ, id est, Christum petram inuisibilem, qui eos nunquam deserbat. *Respondeo:* At Apostolus aperte ait, omnes bibisse potum spirituales: aquam autem, non petram bibebant. Sed ait Bellarminus, aquam non dici Christum, sed petram ex qua tanquam ex causa efficiente fluxit. *Respondeo:* sed si illa aqua à Christo fluxit, habuit certe effectum spirituales.

Sed Bellarminus ait, dici spirituales aquam, non nisi quia Christus fecit, vt aqua hæc è petra fluere. *Respondeo:* Qualia hi commenta solent excogitare ad veritatem eludendam? nam si hæc aqua spiritualis dicatur, non nisi quod Christus eius causa fuit, tum quamuis aquam possumus spirituales vocare, quia Christus facit omnem aquam fluere. At hæc aqua miraculose fluebat. *Respondeo:* Quid tum? non enim quicquid sit miraculose, est spirituales; tum enim illa aqua, quam Sampson bibisse dicitur, erat spiritualis, & panis & aqua, quibus vescabatur Elias in deserto, & oleum ac similia viduæ Sareptanæ, & alia his similia; & tamen nunquam tale quicquam in Scripturis legitur: ergo necesse est

hanc aquam spirituales dici quoad vsum. Etsi enim apta hæc aqua fuit pascendis & recreandis corporibus, tamen non hic eius primus vsus fuit, sed vt pastum cœlestem, id est, gratiam spirituales significaret, qua animæ illorum ad vitam æternam alerentur: Erat enim Sacramentum Christi, & pii in ea Christum perceperunt. Hæc Pauli, hæc Ecclesiæ semper doctrina fuit; vnde Hilarius, *Sub nube fuerunt & Christo, aquam petra præbente, potati.* Idque tacite Bellarminus innuit, cum ait, hunc cibum & potum dici spirituales, propter causam & significationem: quid hoc, propter significationem, nisi quod Christum figurabat & significabat: ita erat Christi signum & Sacramentum; sic nos dicimus. Sacramentum vero in vsu legitimo semper habet rem coniunctam. Sed quando Bellarminus significationem se iungit ab effectu, non nisi inutilem & leuem significationem contra Apostoli mentem facit. Sed Bellarminus ait, suam expositionem confirmari ex Iohan. 6. quia Christus ait, eos esse mortuos, qui manducant manna: ergo manna, inquit, non fuit cibus spiritualis quoad effectum. *Respondeo:* Sic nec Eucharistia esset cibus spiritualis; nam & Christiani vt Israelitæ moriuntur: & pii Israelitæ non aliter moriebantur, quam nunc pii Christiani. Eucharistia nostra non affert immortalitatem corporibus, nec impedit quo minus



nus corpora vel morbo vel senectute intereant. Sed ut nostra Eucharistia est cibus spiritualis, quia etsi non corpus, tamen animas ad æternam vitam pascit: sic & Manna spiritualis cibus fuit. Quare igitur Christus Manna negat fuisse cibum cœlestem? num illi Apostolus contrarius est: nequaquam: sed Christus cum Iudæis rem habuit, qui petebant ab illo panem & cibum ex cœlo, quomodo Moses in deserto Israelitis panem & cibum præbuit. Christus respondet, se attulisse cibum longe meliorem & præstantiorem, carnem scilicet suam, quia illi mortui sunt, qui Manna comederunt, at qui hanc comedent, mori non possunt. Quibus verbis non innuit, Manna non fuisse cibum spirituale, sed Manna non dedisse vitam æternam: ergo alium diuiniorem cibum ab iis querendum fuisse, ipsum scilicet Christum: fuit tamen Manna cibus spiritualis, quia erat symbolum carnis Christi, ut & nostra Eucharistia est: hac ergo in re par nostræ Eucharistiæ Manna fuit. Sic Christus Manna cum sua carne comparat, non cum Eucharistia, non quasi diceret, qui Manna comederunt, mortui sunt, qui Eucharistiæ participes sunt, mori non possunt; sed perinde ac si diceret, qui Manna comederunt, mortui sunt, qui carnem meam comedunt, mori non possunt: hoc tamen non obstat, quin Manna Sacramentum

fuit, & piis cœlestis cibus. Sed quare tum ait Apostolus omnes edisse & bibisse? non erat ille cibus & potus spiritualis omnibus quoad effectum. *Respondeo*: Verum hoc quidem est, tamen spiritualis fuit, ut & nostra Sacramenta, quæ tamen non quoad effectum omnibus spiritualia sunt. Dicitur spiritualis ex Dei institutione, & quia Christus in Manna offerebatur & proponebatur omnibus, etsi omnes os fidei non habuerunt, quo illumsumerent. Sic Augustinus, *Manducauit Manna & Moses; manducauit Manna & Aaron; manducauit Manna & Phinees; manducauerunt ibi multi, qui Domino placuerunt, & mortui non sunt. Quare? Quod visibilem cibum spiritualiter intellexerunt, spiritualiter esurierunt, spiritualiter gustaverunt, ut spiritualiter satiarentur.* Vbi clare intelligimus, quosdam per Manna vixisse, ut pii nunc per nostra Sacramenta: subiungit enim statim Augustinus, *Nam & nos hodie accipimus visibilem cibum: Sed aliud est Sacramentum aliud est virtus Sacramenti.*

Idem ergo plane de nostris etiam Sacramentis statui potest. Quoad externum aspectum corporalia sunt, sed quoad effectum internum spiritualia: gustamus illa spiritualiter, ut spiritualiter satureremur. Imo ita clara res est, ut Pontificii paulo saniores & prudentiores sic hunc Pauli locum interpretentur, quemadmodum & nos.

Aqui-

Aquin. in  
locum.

Catharin.  
in. in  
locum.

Aquinas apertissime, per escam spiritualementem ait significari corpus Christi in signo spiritualiter intellecto. Sic Catharinus ait, hunc cibum & potum dici spiritualementem, quia præbebat alimoniam spiritualementem, si ex fide populus accipiebat. Quid amplius desideramus?

Iam ad tertium illud accedamus, quod ex hoc Apostolico testimonio vrgemus, atque hoc est status causæ, quam tractat Apostolus hoc in loco. Vult hic Apostolus monere Corinthios eosque tertere exemplis Iudæorum, ne desiderijs & cupiditatibus suis indulgerent. Nimium enim confidebant Corinthii suis privilegijs, quod baptizati essent, & Eucharistiam participarent, & hac ratione se saluos fore existimabant, & tamen multa interim contra pietatem commiserunt: vescebantur enim idolothytis, & accedebant ad mensam dæmoniorum, & Christiana sua libertate in rebus medijs abutebantur, nulla habita infirmorum ratione. Quare Apostolus Israelitarum exemplum illis proponit, & monet ut caueant, ne similiter pereant ut illi, qui non minus baptizati & Eucharistiæ participes fuerunt, quam Corinthii, & tamen pœnas dederunt ob idololatriam, scortationem, & alia peccata, ut postea sequitur, ac proinde Corinthijs cauendum esse.

Ergo illa Sacramenta erant eiusdem gratiæ & efficaciæ cum nostris, aut Paulus non apte cum

nostris comparat. Bellarminus ait, scopum Apostoli non esse, ut ostenderet non nimium confidendum esse Corinthijs in Sacramentis, sed potius non esse abutendum Sacramentis: si enim Iudæi puniti sunt, quod contempserint figuras Sacramentorum nostrorum, & ingrati fuerint Deo, à quo illa beneficia acceperant; quanto iustius puniendi sunt Christiani, qui contemnunt Sacramenta ipsa, & ingrati sunt Deo, à quo acceperunt beneficia longe maiora? *Respondeo*: Bellarminum Apostoli institutum non intelligere. Non enim is Apostoli scopus est, quem ille fingit, ut moneat Corinthios, ne Sacramentis abuterentur, sed ne impune se crederent idololatriam committere & concupiscentijs suis obsequi posse, quod Christianismi sacris initiati essent, neque symbolis & privilegijs Christianismi nimium confidentes peccatis sese dederent. Idem Apostolus vult, ut à commercio idololatrarum & idolothytis abstineant: quod ni fecerint, non profuturum illis titulum Christianismi. Bellarminus fateatur Apostolum de idolothytis Corinthios monere, & hoc versu septimo patet: sed non id modo monet Apostolus, sed etiam in genere, ut non nimium suis cupiditatibus indulgeant, versu sexto, & de alijs etiam peccatis caueant, ut in versibus sequentibus habetur. Ut hoc melius Apostolus Corinthijs persuadeat, reuocat illis in

1. Cor. 10.  
7. & 6. &  
8. &c.



mentem, Israelitas fuisse similiter baptizatos & Eucharistiæ participes, grauiissimas tamen scelerum suorum pœnas Deo dedisse. Hoc Apostolus nunquam fecisset, si illorum Sacramenta nihil gratiæ habuerint, nostra vero gratiæ plena sint.

Quale enim argumentum hoc fuisset, Israelitæ in nube baptizati sunt, & mare transierunt, & Manna comederunt, & biberunt de aqua è petra fluente, & tamen peccantes grauiissime puniti sunt: ergo metuendum est ne vos, et si Christi Sacramenta percipiat, pœnas maximas sustineatis; si illa Sacramenta erant inania gratiæ, & non nisi figuræ nostrorum Sacramentorum? Nam respondere statim potuissent Corinthii, & dicere, non esse parem rationem; illam nubem non fuisse Baptismum, neque mare illud & Manna fuisse Eucharistiam, sed nudas tantum ceremonias, & nostri Baptismi nostræque Eucharistiæ figuras duntaxat fuisse; illos non tantam gratiam imo nullam in suis Sacramentis habuisse, at nostra Sacramenta gratiam ex opere operato conferre; denique nubes, mare, Manna, aqua è petra non fuerunt illis Sacramenta omnino, at nostra verissima esse Sacramenta constar. Præterea qualis (obsecro) hæc ratiocinatio esset: Israelitæ inter se eundem cibum ederunt, & eundem potum biberunt, & tamen plerique illorum non placuerunt Deo: ergo ita Corinthiis eueniet, ni

caueant. At tum nulla erit comparatio inter Israelitas & Corinthios, sed Israelitarum inter se: at nullum est hoc exemplum, nisi cum Corinthiis conferantur. <sup>August. in serm. de Iacob. & Esau.</sup> *Quid est eundem cibum? idem significantem.* Hunc esse Pauli scopum, non tolerandos esse Corinthios propter Baptismum aut Eucharistiam, si intemperantes essent, quia Deus olim non Israelitas tolerauit, qui tamen baptizati sunt, & Eucharistiæ participes, ipsa Scriptura clamat, & Chrysostomus & Oecumenius in locum, <sup>Chrysost. & Oecumenius in locum.</sup> qui aiunt monuisse illos Paulum, ne præsidant, quod essent βαπτισμα & ἡ εὐχαριστία μυστήριον, *Baptismatis & spiritualium mysteriorum participes: non ergo, ne abuterentur Sacramentis, ut vult Bellarminus, sed ne propter prærogatiuam aliquam Sacramentorum sibi peccandi licentiam sumerent.*

Sic Thomas & Catharinus. <sup>Thomas & Catharinus in locum.</sup> Quare Bellarminus Soli tenebras offundere conatur. Quod autem obiicit, Si veller Apostolus ostendere, non esse nimium confidendum in Sacramentis, idque exemplo Iudæorum, accepisset in exemplum potius vera Sacramenta Iudæorum, ut Circumcisionem & Agnum Paschalem. *Respondet primò:* fuisse & hæc vera Sacramenta, quamdiu durabant: non enim fuerunt perpetua Sacramenta, ut Circumcisio & Pascha.

*Secundò dico hæc exempla fuisse*

isse multo aptiora, quia non modo erant Sacramenta, sed etiam maxima diuinæ beneuolentiæ monumenta, & miracula diuinam gratiam restantia: sed tamen si non nisi miracula aut externa beneficia fuissent, non persuasissent, quod Apostolus voluit: quia semper plus causæ fuisset, cur in novis Sacramentis confiderent, si gratiam ex opere operato conferrent. Sed cum & miracula & Sacramenta fuerint, in quorum usu Israelitæ rem eandem acceperunt, quæ nobis in usu nostrorum Sacramentorum præbetur, potuit hinc Apostolus optime in hunc modum concludere, Si Deus non pepercit illis peccantibus, nec vobis etiam parceret.

*Quantum nostrum ex Scripturis argumentum sumitur ex Coloss. 2. Circumcisi estis.* Circumcisione non manu facta, in expoliatione corporis carnis: vbi Apostolus comparat Baptismum cum Circumcisione, & Colossenses fideles per Baptismum ait habuisse, quod veteres per Circumcisionem habuerunt, id est, regenerationem. Bellarminus primò concedit, Baptismum dici hic Circumcisionem. *Respondet:* Ergo sic dicitur propter ἀναλογίαν. Non sic diceretur, si in Circumcisione nil gratiæ fuisset; non ei tum nomen Circumcisionis tribuisset, quæ nihil valuit.

*Secundò Bellarminus ait, non fuisse eundem effectum vtriusque, imo nec potuisse, cum figuræ & rei*

figuratæ non possit eadem vis esse. *Respondet:* Circumcisio non figura fuit Baptismi (nam res figurata fuit amputatio peccati, ut Apostolus ait, ἀπέκδοις τὰ σώματα τῶν ἀμαρτηῶν τῇ σαρκὶ, id est, depositio corporis carnis peccatis obnoxia) nisi ut ἀντύπῃ, id est, ut vnus typus alteri comparatur, qui ambo eiusdem rei typi sunt: & est idem effectus τύπῃ & ἀντύπῃ.

*Tertio Bellarminus ait, Apostolum vocare Iudaicam Circumcisionem manu factam, nostram autem negare esse manu factam, quia Deus est, qui principaliter baptizat, non homo. Respondet:* Sic & Deus circumcidebat, non homo: sic etiam Baptismus noster ministerio manus indiget. Sed Apostolus ait, illos esse spiritualiter circumcisos in Baptismo, cuius spiritualis Circumcisionis signum & sigillum fuit Circumcisio manu facta: ergo non nunc opus fuisse cumcidi, cum rem illius Circumcisionis haberent.

*Quartò ait Bellarminus, Paulum tribuere expoliationem à corpore peccatorum, id est, à toto corpore obnoxio peccatis, non Circumcisioni Iudaicæ, sed Christianæ, id est, Baptismo. Respondet:* Si per Baptismum intelligat externum opus falsum est, quod ait, non enim hoc magis Baptismo quam Circumcisioni tribuitur: sed si signum & gratiam simul intelligat, verum est. Nam in Baptismo ex minus corpus peccati, ut qui circumcisi sunt exuebant: & Bellarminus hunc



hunc Circumcisionis effectum fuisse faceret.

Quintò ait Bellarminus, Circumcisionem Iudaicam non totum corpus sed vnam tantum particulam circumcidisse. *Respondeo*: Etsi vna pars tantum circumcisa fuit, tamen hoc perinde erat, ac si totum corpus fuisset circumcissum: & adumbravit peccati totius amputationem. Et non necesse est, totum corpus baptizari, satis est si frons aut caput baptizetur. Igitur fictum est argumentum: Baptismus Circumcisioni comparatur, quando Apostolus docet, quid per Baptismum consecuti sumus: ergo fuit in Circumcisione depositio seu expoliatio corporis peccati: & Circumcisio manu facta fuit symbolum *πῆς ἀ- χειροποιήτης*, id est, Circumcisionis non manufacta: ergo pii in Circumcisione externa habuerunt Circumcisionem non manu factam.

Quintum nostrum ex Scripturis argumentum sumitur ex *Heb. 12. 8. Christus Iesus heri & hodie, idem est & in secula.* Bellarminus ait, Apostolum loqui de fide & doctrina, non de Sacramentis. *Respondeo*: Apostolus non diserte de Sacramentis loquitur, sed quando eandem fidem semper fuisse ait, nempe in Christum; sequitur in Sacramentis priscis Christum fuisse. Nam Christus non minus heri quam hodie fuit, quia semper fuit: ergo materia & substantia fidei vna semper fuit. Qua-

re eundem Christum Patres habuerunt, quem nos habemus: non igitur illorum Sacramenta vacabant Christo, ut Papistæ volunt, sed ibi Christus fuit, ut in nostris Sacramentis est.

Nunc ad argumentum nostrum ultimum veniamus, quod est ex Patrum testimoniis sumptum, ex quibus nunc aliquid afferemus. Inter hos primum numero Augustinum. Ille ait, vetera Sacramenta & nostra esse signis diversa, re eadem: idque sæpe in multis locis affirmat. Bellarminus ait, Augustinum nusquam dicere, Sacramenta nostra & vetera esse paria, quoad efficaciam, sed tantum quoad significationem. *Respondeo*: Augustinus ait ibidem virtute spiritali paria esse: ergo efficacia: quid aliud virtus, nisi efficacia? Bellarminus ait, fuisse paria quoad vim spiritualem significandi.

Sic ille virtutem spiritualem ait esse vim spiritualem significandi. *Respondeo*: Misere tergiversatur; quid hoc, quoad vim spiritualem significandi? quasi vis aliqua spiritalis necessario requiratur ad nudam significationem? sed Augustinus aperte de re eadem loquitur, & ait veteres Patres etsi non signa eadem, at rem eandem tamen habuisse. Sic enim scribit, *Omnes eandem escam spiritualem manducaverunt; spiritualem vtrique eandem; nam corporalem alteram, quia illi Manna, nos aliud; spiritualem vero quam nos.* Ex his duo colligo.

Pri-

Primum est, quod Apostolus ait, *Omnes eandem escam spiritualem manducaverunt*, id est intelligendum esse, eos non inter se, sed eandem nobiscum escam manducasse. Secundum est, hanc escam, quam illi comederunt, eandem fuisse cum nostra non significatione tantum, sed virtute & efficacia, quia illi eandem spiritualem escam manducaverunt, quam nos. Si ergo nostra esca habet efficaciam spiritualem, & illa habuit: & illa fuit non modo significatione spiritalis, sed & effectu, quia illi eandem escam spiritualem manducaverunt. Ita Augustinus tollit omnes calumnias Aduersariorum, & illis os obstruit. Quare nunc Bellarminus in angustiis planereditus est, ut eius verbis utar. Nam quod Manna ait dici spiritualem cibum significatione, eodem modo Augustinus panem mysticum, *Hunc panem*, inquit, *significavit Man. a, hunc panem significat altare Dei.*

Sed obstrepit tamen adhuc Bellarminus, non posse vetera Sacramenta nostris esse æqualia ex mente Augustini, quia is alibi ait, nostra Sacramenta esse salubriora, & feliciora, imo virtute maiora, utilitate meliora. Sed prius responsum est, Christum in nostris clarius percipi, at eundem tamen Christum in vtrisque percipi: differentiam non rei, sed rationis esse. Tandem ait, non esse necessarium sequi hanc expositionem Augustini, quia videt illam sen-

tentiæ Pontificiæ ex diametro repugnare. Ita nuncium remittit Augustino: at eius expositio vera est, & Scripturis apta, & Papistas omnes refellit, & nos non desinemus Augustinum virgere, quia totus noster est in hac causa. Sed obiicit postremo, Apostolum dicere, omnes eandem escam spiritualem manducasse: at multi eorum erant mali. *Respondeo*: Etsi non omnes eandem escam spiritualem manducaverunt, quia multi eorum infideles fuerunt, tamen Apostolus omnes eandem manducasse ait, quia Sacramentaliter omnes eandem manducaverunt, & in illo corporali cibo omnibus oblata & proposita est gratia spiritalis. Sic nos quoque in Eucharistia eandem spiritualem escam edere dicimur, etsi impii, qui non habent os fidei, non possunt eam edere. Sed si pii Christum in illis Sacramentis perceperunt, & eandem spiritualem gratiam habuerunt, quam nos, satis ad causam facit, Patres fideles percepisse eandem escam spiritualem, quam nos: & hoc Augustinus diserte ait. Sic alibi ait, *Idem in mysterio cibus & potus illorum, qui noster*: ergo si noster cibus gratia diuina quasi sale conditus sit, ita & cibus illorum. Atque hoc est, quod Hilarius ait, fuisse illos potatos Christo: quare non vacabat illorum potus gratia.

Iterum clarissime scribit Augustinus, in signis diversis eandem fuisse fidem & bi-

August. in tract. 26. in la. an.

August. in psalm. 72.

Idem de Faust. 19. c. 13.

Idem in psalm. 77.

Hilary in psalm. 67.

Augustin. tract. 45. in Ioan.



Idem de  
fide ad  
Petrum  
c. 19.

& ibidem, *fide manente, signa variata* esse: ergo Patres in illis diuersis signis rem eandem nobiscum perceperunt.

Idem  
cont. Do-  
nat. l. 4.  
c. 24.

Et alibi, comparat nostra Sacramenta cum antiquis sacrificiis, & ait, in illis victimis fuissefigurationem carnis Christi, in hoc Sacramento, id est, in Eucharistia esse gratiarum actionem; in illis significatum esse, quid donandum, in his quid donatum; in illis prænuntiatur esse Christum occidendum, in his annunciari Christum occisum. Sic idem alibi exæquat Circumcisionem Baptismo, & quid valeat Baptismi Sacramentum posse intelligi ait ex Circum-

Idem de  
nupt. &  
concupisc.  
l. 2. c. 11.  
ad Valer.

cisione carnis, quam prior populus accepit: at falsum hoc esset, quod ait Augustinus, nisi essent paria vtriusque Testamenti Sacramenta. Idem ait, Circumcisionem fuisse signaculum iustitiæ fidei in illo populo: ergo falsum est, quod Bellarminus supra dixit, hoc fuisse solius Abrahamæ priuilegium. Et eodem loco ait, Circumcisionem ad significationem purgationis valuisse. Alanus ait, Augustinum non dicere, ad purgationem, sed ad significationem purgationis valuisse. *Respondeo*: Hoc nihil ad rem: nam ait, ut Baptismus valet, sic Circumcisionem valuisse. Quid autem hoc, quæso, sibi vult, valere ad significationem? Augustinus ait, Circumcisionem liberaffe paruulos à morte æterna, ut nunc Baptismus.

Alan. de  
Sacram.  
in gen. c.  
39.

Sixt. Sen. Sixtus Senensis, cum citat hunc

locum, legit, ad sanctificationem purgationis: & hæc videtur melior lectio. In eo quidem fateor errasse Augustinum, quod dixerit pueros omnes, qui non circumcisi sunt octauo die periisse ex verbis Legis, *Masculus, qui non circumcideretur, delebitur de populo suo*: at non hoc de paruulis intelligitur eo in loco. Sed Augustinus sic putauit, & ab hac sententia liberari eos in circumcissione. Eodem errore paruulos ait non baptizatos petire, & per Baptismum liberari. Sed palam tantum Circumcisioni, quantum Baptismo tribuit, quod contra Alanum facit.

Vnde Magister sententiarum sic locum citat, quasi scripsisset Augustinus, ad purgationem valuisse. Et similiter Gratianus, & alii. Sic illi Augustinum intellexerunt, & sic reuera intelligendus est. Sed Augustinum Bellarminus respuit, & Chrysostomum sequitur; & tamen Chrysostomus re idem dicit, quod Augustinus. Nam in homilia, quam in hunc locum scripsit, ait esse rem eandem veteris & noui Testamenti, non esse pugnam vel diuersitatem aliquam, & hoc similitudine pulchra à pictore sumpta illustrat. Pictor primo lineas obscuras & tenues ducit, ex quibus tamen possis agnoscere, quam rem velit exprimere, exempli gratia Regem, & Regium seruum, & equos circumstantes: postea splendidos colores adhibet, & opus absoluit, & tum multo

Lombard.  
l. 4. d. 1.  
Gratian.  
de consue-  
t. d. 4. c. 1.  
quo.

Chrysost.  
in homil.  
in loc. 10.

3.

Gregor.  
Magn.  
Moral. l.  
4. c. 2.

Idem in  
homil. 27.  
Gen. 18.

Idem in  
Sen.  
Bellarmin.  
annot.

Idem in  
Sacram.  
in gen. l. 2.  
c. 26. & c.  
15.

Ambros.  
Epist.

clarius omnia intelligis: vetera Sacramenta primæ picturæ, nostra secundæ comparat. Rex ille Christus est, quem vtraque pictura exprimit, sed hæc illustrius. Fateor quidem eum alibi dicere, ad hoc tantum institutam esse Circumcisionem, ut Iudæorum pueri ab infidelibus distinguerentur. Et Sixtus Senensis ait, huic assertioni aduersari omnes tam veteres quam recentiores Theologos: tamen non Bellarminus & Alanus in hoc scopulos impingunt. Imo secum Bellarminus insigniter pugnat, qui postea ait, vetera Sacramenta non fuisse instituta ad remedium peccati, excepta circumcissione. Ergo falsum est, quod Chrysostomus ait, quem tamen & hic & supra sequitur Bellarminus, Circumcisionem tantum Hebræos ab aliis Gentibus distinxisse. Et Augustinus idem de Circumcissione docuit, quod ante illum Ambrosius, qui eadem fere habet cum Augustino, ut hæc Augustinus ab Ambrosio didicisse videatur. Nam ait Ambrosius primò, omnes nasci immundos; secundò, ut nunc in Baptismo mundamur, sic veteres olim in Circumcissione mundatos esse; tertio, ut qui nunc non baptizantur, pereunt, sic olim qui non circumcisi sunt, periisse. Sed hoc non perinde verum est, ut diximus. Hoc etiam est, quod Gregorius ait, *Quod apud nos valet aqua Baptismatis, hoc egit apud veteres vel pro paruulis sola fides, vel pro maioribus virtus sacrificii, vel pro his, qui ex A-*

braha stirpe prodierant, mysterium Circumcisionis. Vbi illud verbum *Egit* obseruari debet: indicat enim, non fuisse Circumcisionem parem Baptismo tantum significatione, quod vult Bellarminus, sed etiam operatione: nam *egisse* Circumcisio dicitur idem quod nunc Baptismus: ergo & Circumcisio & vetera Sacramenta habebant eam virtutem, quam nostra Sacramenta. Sic Beda tribuit Circumcisioni salutiferam curationem, & ait Circumcisionem idem egisse contra originalis peccati vulnus, quod in nouo Testamento Baptismus. Vbi ergo illi sunt, qui efficaciam Circumcisioni adimunt? Verum scitum illud est, quod Alanus ait, illa Sacramenta operata esse eodem effectus, quos nostra, magna ex parte, sed per accidens. At primò, si effecerint eadem, quæ nostra, non multum refert, vtrum per se, an per accidens effecerint: secundò, Gregorius & Beda non senserunt per accidens effecisse: nam ut Baptismus nunc efficit, sic illa tunc effecisse dicunt, quia Deus ut nunc Baptismum, sic tunc Circumcisionem in eum finem instituit.

Bertramus vir fuit eximie & ætrinæ & pietatis, ut liquet ex libello de Eucharistia, quem scripsit ad Carolum Magnum, in quo libello egregie de Manna & petra scribit, Christum Patribus dedisse in Manna & aqua suam carnem & sanguinem, ut nunc nobis in pane & vino. Bernardus ait, in Circum-

Beda in  
Luc. 2.

Alan. in  
lib. de Sa-  
cram. in  
gen. c. 39.

Bertram.  
in lib. de  
Euchar.

Bernard.  
in serm. de



Baptism.  
in cena  
Dom.  
Sext. Sen.  
ubi su-  
pra.

Hugo de  
sancto Vi-  
tor. de  
Sacram. l.  
1. part. 11.

Concil.  
Trident.  
sess. 7. can.  
2.

cisione cultellum erasisse rubiginem originalis peccati, quod manabat à primis parentibus. Sixtus Senensis in loco quem supra citavi, verba Bernardi citat, sed locum non indicat, ubi ait, Circumcisionem attulisse tunc salutem infantibus, ut nunc Baptismus. Hugo de sancto Victore sic scribit, *Sacramentorum alia fuerunt ante Legem, alia sub Lege, alia sub gratia specie quidem differentia, sed eundem sanctificationis effectum habentia.* Hic aperte dicit non differre, nisi quia alia ceremoniarum, & alii ritus externi sunt.

At iis qui sic dicunt Concilium Tridentinum Anathema denunciat. Magister sententiarum ait, Circumcisionem contulisse idem remedium contra peccatum originale, quod nunc Baptismus. Et licet non sic de aliis Sacramentis veteris Testamenti audet affirmare, tamen aperte de Circumcisione hoc affirmat, cuius ille singulare privilegium & prerogativam inter vetera Sacramenta agnoscit.

Accipimus quod dat: nos de reliquis item statuendum esse contendimus. Hunc secuti reliqui Scholastici huius Magistri discipuli, quia non ausi sunt discedere à Magistro suo, nec tamen ausi sunt tantum Circumcisioni tribuere, quantum Baptismo, in varias sententias distrahuntur. Aliqui aiunt remisisse peccatum originale & actuale, sed non contu-

lisse gratiam. Alii dicunt gratiam contulisse, sed non tantam, quæ posset regnum cælorum aperire: quo nihil insanius. Nam *primò* non fieri potest, ut remissio peccatorum sit sine gratia maxima: *secundò*, si quibus peccata remissa sunt, non possunt ab ingressu regni cælorum arceri, cum Scriptura ubique clamet, beatos esse, quorum remissa sunt peccata, & in remissione peccatorum iustificatio nem ponat, cum qua sanctificatio necessario coniungitur. Quid ergo potest infantes remorari, quominus regnum cælorum ingredi-antur, cum liberentur à peccato originali, & nullum aliud peccatum habeant. Alanus ait, & vetustiores & recentiores in ea opinione esse, sed ille tamen, & hunc sequutus Bellarminus, nullam Circumcisioni gratiam aut remissionem peccati tribuunt. Ita isti contra Theologorum torrentem sentiunt, quorum nemo non cum Bellarmino conferendus est. Innocentius tertius hæc verba habet: *Originalis culpa per Circumcisionem remittebatur, & damnationis periculum vitabatur, non tamen ad regnum cælorum perueniebatur.* Et si quid infantes remoretur, ut diximus, ab ingressu regni cælorum remissa culpa originali? Thomas ait, datam esse pueris gratiam per Circumcisionem & facultatem perueniendi ad gloriam. Hic longius progreditur quam Innocentius. Imo subiungit, In circumcissione sicut & in aliis Sacramen-

tis

ris veteris Legis collatam fuisse gratiam, in quantum erat signum passionis futuræ. Recte! nos non aliud postulamus. Et Circumcisio & alia veteris Legis Sacramenta contulerunt gratiam: ergo *primò* non ut Bellarminus & Alanus, Circumcisioni plus tribuit, quam aliis: *secundò*, non per accidens contulisse ait, ut, Alanus: *tertiò*, omnia veteris Legis Sacramenta gratiam conferebant, ut erant signa futuræ passionis. Nos de modo conferendæ gratiæ non laboramus, si modo contulerint, satis est. Et hinc constat, falsum esse, quod Aduersarii dicunt, inter vetera & nostra Sacramenta hoc esse discrimen, quod nostra conferant gratiam, illa non conferant. Sed nostra non aliter conferunt, quam illa: nam illa conferebant, ut erant futuræ passionis signa, & nostra conferunt, ut sunt præteritæ passionis signa. Et sic idem alibi, ait Patres comedisse eandem escam spirituales, quam nos, contra Bellarminum, qui illos neceandem, quam nos, nec Christum percepisse vult. Ita veteres Scholastici nostris Iesuitis saniores fuerunt. Iam ad Scotum veniamus.

Ille ait, peccatum originale deletum fuisse per Circumcisionem ex opere operato, & Deum instituisse Circumcisionem in remedium peccati originalis: at Bellarminus ait institutam esse, non nisi ut distingueret Israelitas ab aliis; & sic Alanus. At illi opus habebant remedio contra peccatum

originale: & si nunc Baptismus est remedium, quidni & tunc circumcisio? Sic Scotus: & ait hoc patere per authoritates Sanctorum: imò addit, non posse fieri, ut culpa originalis remitteretur sine gratiæ infusione: ergo & gratiam contulit Circumcisio, quia nullum est medium inter filium regni, & filium perditionis: quod etiam contra Limbum infantium fa-

Bonavent.  
in 4. d. 1.  
q. 3. art. 2.  
c. 9. 5.

Bonauentura ait, Circumcisionem & deleuisse peccatum, & contulisse gratiam, sed modicam: sed quæ & qualis hæc modica gratia sit, non explicat. Verum si gratiam, quamvis modicam conferebat, non differebat à nostro Baptismo, nisi secundum magis & minus: & sic nos fatemur, vberius conferri gratiam in nostris Sacramentis, quam in illis. Et ait, sacrificia piorum in veteri Lege, ut Abelis, Abrahamæ, Salomonis, placuisse Deo: quod ex Canone Missæ probat. Si enim tantopere Deo placuerunt, ut orent Deum accipere sacrificium Missæ, sicut illa accepit; quomodo non in illis sacrificiis pii cumulatissi-

Durand.  
in 4. d. 1.  
q. 5.

Durandus ait, Circumcisionem contulisse gratiam per modum Sacramenti, id est, ut Sacramentum dicitur conferre gratiam: ergo sic ut noua Sacramenta gratiam conferunt. Gabriel Biel adeo non dubitat, in Circumcissione gratiam collatam esse, ut etiam ex opere operato collatam

Biel. in 4.  
d. 1. q. 4.



dicat, quemadmodum antea Scortus, sicut in nouis Sacramentis fit. Num plura adhuc suffragia desideramus? Catharinus ait, Patres eandem escam spiritualemente manducasse, qua nos pascimur, & eundem potum bibisse, quo nos potamur: non ergo eandem escam, & eundem potum inter se tantum. Et similiter etiam Sixtus Senensis, de quo antea. Possum ergo meo iure concludere ex Autoritate Scripturæ, & testimoniis Patrum, ac Scholasticorum, veteris Testamenti Sacramenta contulisse gratiam, æque ac nostra.

## CAPUT IV.

*In quo proponitur status Questionis de Sacramentorum Characterere.*

ETiam perducta ad exitum hæc Quæstio esset, nisi nobis in fine eiusdem Bellarminus Characterem, nescio quem, obtruderet. De re ergo haud magna dicturi nunc sumus, de qua tamen ita litigant Aduersarii, ac si esset maxima. Dicunt illi Characterem esse quorundam Sacramentorum effectum, qui etsi qualis sit, ne inter ipsos quidem conuenit, tamen Patres Tridentini anathema iis denunciant, qui Characterem negant. Opponebat certe esse aliquid, quod tanta seueritate sancitur: at hic

Character omnino nihil est, & non nisi recens commentum, antiquitati inauditum. Non erimus longi in refellendo tam futili commento. *χαρακτήρ* verò notam, signaculum, formam, figuram significat. Bellarminus ait hanc vocem haberi in Scripturis, nimirum Hebr. 1. & Apocal. 13. at hoc sensu, quo sumunt Pontificii, nusquam vel in Scripturis vel in Patribus habetur. Nam in priori loco filius dicitur *χαρακτήρ τῆς ἀποστάσεως τῆς Πατρὸς*, quia Pater in Filio suam imaginem impressit, ut qui Filium viderit, & Patrem viderit, & qui vnum nouerit, alterum quoque nouerit. In posteriori vero loco mentio fit *χαραγματοῦ τῆς Ἰησοῦ*, characteris Bestie, de quo etiam aliis multis in locis eiusdem libri legimus. Hunc characterem valde illis conuenire fateor: est enim illorum proprius & genuinus character, quia illi indelebilem Antichristi characterem sibi penitus iunctum, & frontibus ac manibus suis impressum habent.

Sed illi hunc characterem non agnoscunt: nusquam ergo in Scripturis suum characterem inveniunt. Fingunt autem certa Sacramenta imprimere in anima signum quoddam indelebile, quod characterem vocant, ut qui canterio notam seruo inurit. Hæc vero Sacramenta tria sunt, Baptismus, Confirmatio, & Sacramentum Ordinis. Hunc autem characterem dicunt esse signum spirituale,

## CAPUT V.

*In quo Pontificiorum argumenta pro Characterere diluuntur.*

tuale, & qualitatem absolutam, non modo relationem quandam: hæere in animo tanquam in subiecto suo, nec inde posse deleri: esse æternum, & durare post hanc vitam ad omnem æternitatem: manere apud inferos, atque etiam in cælo: neminem posse ponere obicem characteri, qui modo Sacramentum suscipit: nec omnia Sacramenta, sed tantum tria illa, quæ diximus, imprimere characterem, & nullum veteris Testamenti Sacramentum hunc characterem impressisse: Christum vero, etsi circumcisus & baptizatus fuit, tamen nullum sibi impressum characterem habuisse. Sic illi nugantur de suo characterere, & quasi dogma præclarum esset, sic exornant. Iam vero si quis quærat, quorsum valeat character, aut quæ eius officia sint, Bellarminus ei tria officia assignat. *Primum* est, aptum facere hominem ad cultum diuinum; quasi sine illo non simus apti. *Secundum* est, configurare Christo: & tamen dicunt Christum nullum habuisse characterem. *Tertium* est, distinguere ab aliis. Sed hæc omnia absurda, ridicula, & plane commentitia sunt: & licet initio per errorem fuerint introducta, nunc tamen impudentissime defenduntur. De hac Quæstionis appendice, pauca nobis dicenda sunt, etsi reuera vix digna sit lucubratione anicularum.

\* \*

AD probandum hunc characterem abutitur Bellarminus primo non multis illis quidem Scripturæ testimoniis: quod ipse pene agnoscit. Ait enim primo non esse admodum expressa, deinde posse hunc characterem ex quibusdam locis colligi, postea vero addit, præsertim adiuncta explicatione Ecclesiæ. At sic facile erit quoduis dogma Pontificium ex Scripturis probare, si Ecclesiæ, id est, Romanæ Synagogæ explicationem admittamus: sed amentes essemus, si admitteremus. Ita nisi primum admiseris, quicquid Ecclesia ex Scripturis colligat, nullis locis certo tam insulsum commentum confirmatur. Quod autem ait nullum dogma Ecclesiasticum certo statui posse sine explicatione Ecclesiæ, falsum est & hæreticum: nam omnes articuli fidei nostræ, etsi Ecclesia non definiret, aut contra definiret, imo licet omnes homines reclamarent, certi, & rati, & veri in se erunt. Mundus à Deo conditus est: nonne hoc certum est sine explicatione Ecclesiæ? Sed videamus quemadmodum Ecclesia has Scripturas explicet.

T 3.

Pri-

Cathar.  
in 1. Cor.  
10.

Sixt. Sen.  
Biblioth.  
l. 5. annot.  
96.

Concil.  
Trident.  
sess. 7. can.  
9.

Hebr. 1.  
Apoc. 13.

Apoc. 13.  
9. & 14.  
& 16.  
& 20. & 4.

2. Cor. I. 22.  
 Primum testimonium habetur  
 2. Corinth. 1. *Qui vinxit nos Deus, & signavit nos, & dedit pignus Spiritus in cordibus nostris.* Hoc signum, inquit, seu hæc obsignatio, secundo scilicet loco posita, est character. *Respondeo:* Nunquam Ecclesiæ ex hoc loco characterem collegit. Nam aperte loquitur hic locus de gratia: at ipsi characterem non esse gratiam dicunt, quia potest esse in iis, qui nullam gratiam ex Sacramento percipiunt, & manet in anima damnata apud inferos. Apostolus huic obsignationi vñctionem adiungit: nam ait nos vñctos esse à Deo & obsignatos, scilicet ad vitam æternam, quia addit, *deditque arrhabonem Spiritus in cordibus nostris:* ergo hæc obsignatio non potest de communi quodam signo intelligi, sed de signo electorum proprio. Recte Photius apud Oecumenium, *ἡ χάρις καὶ ἡ σφραγὶς ἀρραβὼν ἐστὶ τῆς ἀποκλήτης, vñctio hac & obsignatio est arrha Paracleti,* id est, Spiritus sancti: non ergo est character Pontificius. Alanus cum alios Scripturæ locos citasset in hanc sententiam, ait, *fortasse hic locus magis vrget:* ita ipsi non vrgete vident hos Scripturæ locos, & tamen vrgent. Sanè video nihil esse conscientie Iesuitis in Scripturis allegandis: nisi enim essent impudentissimi, nunquam hunc locum afferrent.

Secundum testimonium habetur Ephes. 1. *In quo & credentes signati estis Spiritu promissionis sancto, qui est pignus hereditatis.* *Respondeo:* Hic lo-

cus multo minus pertinet ad characterem: nam loquitur hic Apostolus de Spiritu sancto, quem nulli nisi pii habent, & de fide: non ergo de characterem, quem posse esse in inferno aiunt: sed qui sigillum Spiritus sancti habet, apud inferos esse non potest. Et character Pontificius potest esse sine fide, nonnunquam ante fidem: at qui Spiritum promissionis acceperunt, iam fide præditi sunt.

Tertium testimonium habetur Ephes. 4. *Nolite contristare Spiritum sanctum Dei, in quo signati estis in diem redemptionis.* *Respondeo:* Loquitur hic Apostolus de Spiritu sancto: non ergo intelligit characterem: ait nos à Spiritu sancto signatos esse in diem redemptionis, id est, Spiritum sanctum nos obsignasse ad salutem. Et Alanus ingenue fatetur, hunc locum magis pertinere ad gratiam, quam ad characterem, idque Thomæ videri.

Quare inepte Alphonsus de Castro hunc locum pro Characterem citat; sed multo ineptius Hieronymum, quasi is eum de characterem interpretaretur. Ait Hieronymus quidem, mentes nostras imprimi signaculo Dei; sed hoc signaculum est Spiritus sanctus, quia ait, per hoc signaculum restitui nobis imaginem Dei, ad quam conditi sumus: at illa est gratia perfecta; sed characterem aiunt non esse gratiam.

Quantum est figura Circumcisionis,

tionis, quæ carnem præcidebat, & si aliquid significabat, inquit, certe significabat characterem, quo discernuntur Christiani in æternum à non Christianis. *Respondeo:* Significauit amputationem peccati, non characterem vllum commentitium.

Quintum testimonium habetur Isai. 66. *Omnes Gentes & lingua venient, & videbunt gloriam meam, & ponam in eis signum.* Nihil repugnat, inquit, si dicamus intelligi characterem, cum Paulus de signo quodam spirituali interno loquatur, & oporteat Scripturam exponere per Scripturam, cum id fieri potest. *Respondeo:* Laudo Bellarminum, quod hanc viam exponendæ Scripturæ sequatur, & quod Isaiam ex Paulo interpreteretur, ut ait. Paulus vero de dono Spiritus sancti loquitur, hoc est, de fide iustificante, qua obsignamur ad vitam æternam: si ergo vult Isaiam ex Paulo interpretari, tum illud signum est Spiritus sanctus, quem Deus electis largitur.

Sextum testimonium habetur Exod. duodecimo. vbi postes signantur.

Septimum Ezech. 9. de signo Thau. *Respondeo:* Bellarminus ipse ingenue fatetur, non esse ad rem hæc testimonia, nec ad characterem pertinere: sed certe non minus ad rem sunt, quam præcedentia. Atque hæc testimonia ex Scripturis attulit, quæ nihil minus quam characterem probant.

Deinceps ex Patribus suam sen-

tentiam confirmare conatur, & affert varios Patres, qui de characterem & signo loquuntur, sed non hunc Pontificium characterem intelligunt. Affert vero & vrget inprimis Augustinum, qui sæpe meminit characteris Dominici. *Respondeo* dupliciter: *Primo* Patres per characterem intelligunt sæpe Spiritum sanctum, ut Paulus. Sic Chrysostomus aperte, qui ait nos ut filios signatos esse characterem Spiritus sancti. *Secundo*, aliquando Baptismi formam per characterem intelligunt, nempe hanc, *In nomine Patris, & Filii, & Spiritus sancti.* Ita non de signo aliquo interno in anima, sed de externa forma, ceremoniæ, & ritu Baptismi loquuntur sæpe, cum characteris mentionem faciunt. Atque hanc Augustini mentem fuisse, vbi toties de characterem meminit, ex ipso Augustino patet, qui ait *primo*, hunc characterem videri exterius, imo exterius cognosci, & agnitum approbari: at si character sit qualitas absoluta in anima, non potest videri. Bellarminus ait, characterem posse exterius videri & cognosci, non in se, sed in sua causa. *Respondeo:* Augustinum dicere, hunc characterem exterius videri in se: nam est character ex mente Augustini visibilis Baptismus: Baptismus vero videri potest, quia est Sacramentum. Dicere vero characterem, qui est in corde, esse visibilem propter eius causam, est dicere gratiam etiam dici posse visibilem & regenerationem, & iustificationem, & remissionem peccatorum.



*Secundò* Augustinus ait, Si Donatus in nomine Donati baptizaret, Donati characterem infingeret. Bellarminus ait, eum loqui ex hypothesis Donati. *Respondeo*: Verum est Augustinum sic loqui, Si Donatus in suo nomine baptizasset, non hic fuisset Domini, sed Donati character: unde per characterem constat intelligi ipsum Baptismum. Vult enim probare Augustinus, à Donato baptizatos non esse denuo baptizandos, quia Donatus non in suo, sed in Christi nomine baptizavit. Si suo nomine baptizasset, non fuisset Christi, sed Donati character: ergo per characterem intelligit Baptismum. Fateretur Aduersarius Baptismum in nomine Donati collatum non potuisse imprimere characterem: ergo si Donatus millies suo nomine baptizasset, nunquam impressisset characterem.

*Tertiò* Augustinus apertissime ait, characterem esse formam baptizandi à Christo præscriptam, illam nimirum externam formam, *In nomine Patris, & Filii, & Spiritus sancti*: Bellarminus ait, hunc esse characterem imprimentem, non impressum. *Respondeo*: Augustinus non alium characterem agnoscit, nisi hunc: ait Christum præcepisse Ministris suis, ut hunc characterem imprimerent eis, quos castris suis congregarent, cum dixit, *Ite, baptizate Gentes in nomine Patris, & Filii, & Spiritus sancti*. Ergo hic ritus & forma Baptismi est character, quem Augustinus intelligit,

non nota aliqua interna animæ, de qua Augustinus nusquam loquitur. Nam ait, characterem hunc esse in corpore, nempe quia Baptismus est corporis: at illi characterem in anima collocant. Et si vis Baptismi manat ad animum, cum eius effectus sit spiritualis, tamen corpus est, quod aqua perfunditur non anima. Sic idem alibi, cum dixerat de iis, qui ad Ecclesiam à Donato transierunt, *Destruimus perfidiam desertoris, non destruimus characterem Imperatoris*. Quis hic character fuit? mox se explicat Augustinus, *Destruimus errorem tuum, suscipimus Christi Baptismum*: ergo character est ipse Baptismus. Sic alibi, *Characterem multi & lupi, & lupis insigunt*; intelligit Baptismum, quia paulo prius Cypriani sententiam attingit, qui apud hæreticos aut schismaticos non esse Baptismum dixit, quia, inquit, non distinguebatur Sacramentum ab effectu Baptismi: ergo ait characterem posse esse apud malos. Ita Augustinus per characterem semper intelligit non effectum Baptismi, sed ipsum Baptismum, at Aduersarii per characterem Baptismi tantum effectum intelligunt. Ait Augustinus Cyprianum in eo errauisse, cum docuit rebaptizationem eorum, qui ab hæreticis aut schismaticis baptizati sunt, quia non distinxit Sacramentum ab effectu Sacramenti & Baptismi Sacramentum ibidem characterem vocat.

Idem

Augustinus  
cont. Par.  
men. l. 1.  
c. 13.

Idem cont.  
Petil. l. 2.  
c. 108.

Idem  
cont. Dr.  
nat. l. 6.  
c. 1.

Idem cont.  
Crescon.  
l. 1. c. 30.  
& 31.

Idem adhuc alibi ait, characterem Dominicum debere agnosci à quocunque: sed quis hic character est? certè non Pontificius, sed Baptismus ipse, id est, externum Baptismi Sacramentum: non intellexisse enim Augustinum occultum aliquem characterem, qui proprius noui Testamenti sit, ex eodem postea patet, vbi Circumcisionis exemplo rem demonstrat. Qui inter Samaritanos, inquit, circumciscus erat, non iterum circumcidebatur, cum ad Iudæos veniebat: hominis error, inquit, corrigi debuit, sed fidei signaculum agnosci: vbi & Circumcisioni signaculum, id est, characterem tribuit.

Et tamen negat Bellarminus, Circumcisionem impressisse characterem; at Augustinus ei characterem tribuit: ergo per characterem Sacramentum intelligit. Nec Augustinus modo signaculum tribuit Circumcisioni, sed & Apostolus Paulus hoc in loco, quem tractamus, vbi ait Abrahamum accepisse Circumcisionem tanquam *σφραγίδα*, id est, sigillum quæ est ex fide. Ergo aut dicat Bellarminus Circumcisionem impressisse characterem, aut neget de Baptismo. Nec Augustinum modo, sed & alios omnes Patres ita intelligendos esse ait Scotus (non ego aut quisquam nostrum) scilicet de externo Sacramento: nam quod nos de Augustino dicimus, quod attinet ad Baptismum, hoc Scotus affirmat de o-

mnibus testimoniis, quæ ex Patri-  
bus pro characterem afferuntur. Hæc  
ex Patribus testimonia attulit Bel-  
larminus.

*Tertio* loco affert tres rationes, de quibus necesse est respondere. *Prima* hæc est. Deus quando hominem ad officium aliquod deputat, infundit etiam qualitates, quibus fiat aptus & idoneus ad ista ministeria: ergo similiter cum Deus aliquem deputat & consecrat ad Sacramenta vel danda vel recipienda, infundit ei qualitates: & eas qualitates, inquit, vocamus characteres. *Respondeo primò*: Deus non vocat in Baptismo aut Eucharistia homines ad officium aut ministerium aliquod peculiare: est hic communis status omnium Christianorum, communis bonis & malis.

*Secundò*, multi accedunt fidei ad Sacramenta, qui tamen accipiunt characterem, ut volunt Aduersarii: at tales nihilo sunt aptiores ad officia sancta. Qui enim non habent gratiam Sacramenti, sed tantum characterem, non accipiunt spirituales virtutes, qua melius aut sanctius fungantur suo munere: nam hoc est gratia: at character ex illorum confessione non est gratia. Accipiat à Deo gratiam diuinam necesse est, qui fit aptior ad aliquod officium seu ministerium; nam sine gratia nulla aptitudo: at illi volunt characterem imprimi sine gratia: ergo character non facit hominem vel tantillo meliorem aut aptiorem ad aliquod mini-

Scot. in 4.  
d. 6. q. 9.

ministerium aut officium, quam antea fuit.

*Secunda* fortasse ratio maioris est momenti: ea vero sic se habet. Baptismus etiam sine fide susceptus Sacramentale aliquid confert: non sic Eucharistia aut Absolutio: ergo effectum aliquem Sacramentalem habet Baptismus præter gratiam. *Respondeo*: Baptismus sine fide non aliquid confert nisi hoc, quod talis fuerit externe baptizatus, & externum Baptismi Sacramentum acceperit, non aut gratiam aut characterem. Sed Bellarminus obiicit: Actio exterior reperitur etiam in Eucharistia & Absolutione. *Respondeo*: Bellarminus vult probare, Baptismum imprimere characterem, non autem Eucharistiam aut Absolutionem, quia qui baptizatur ab infidelibus, & communicat cum eis in infidelitate, vere & proprie baptizatus est, si ritus & forma verborum seruetur: at sine fide nemo vere absoluitur, aut vere corpori Dominico communicat. *Respondeo*: Non est hæc æqua Bellarmini comparatio. Nam si vere baptizari sic intelligit, ut de iis qui vere corpus Domini accipiunt, & qui vere absoluti sunt; tum qui ab infidelibus baptizatur, & ipse expers fidei est, non vere baptizatur, quia non nisi externum elementum accepit: sin vere sumat, pro eo quod est baptizari secundum ritum Baptismi; sic possunt Eucharistiam & Absolutionem vere sumere, qui tamen fidem non

habent. Nam non minus vere sumit infidelis Eucharistiam, quam Baptismum: sed tamen non qui semel Baptismum sumpsit, iterum debet baptizari, ut qui Eucharistiam & Absolutionem accepit.

Quare quod ait, Alioquin reddant Aduersarii rationem, cur sine fide homo vere baptizetur, & non vere absoluitur aut communicet corpori Domini; dico sine fide sumi posse Sacramentum vere & Baptismi & Eucharistiæ, sed non rem Sacramenti sine fide. Ut potes dicere, illum qui fide ad Baptismum accedit, esse vere baptizatum, sic qui fide ad Eucharistiam accedit, tamen vere percepisse Eucharistiam. Sin per vere aliud quid intelligat, tum gratiam intelligit, ut qui cum fide Eucharistiam sumit, gratiam sumit: at character non est gratia. Sed Bellarminus ait, hanc fuisse Donatistarum opinionem, Baptismum non habere alium effectum, quam dare gratiam. *Respondeo*: Illi reuera putabant, Baptismum collatum à malis non esse verum Baptismum, & ideo ab his baptizatos esse denuo baptizandos: at nos nihil tale affirmamus; imo esse verum Baptismum dicimus quoad externum Sacramentum.

*Tertia* ratio adhuc fortior est, quæ est huiusmodi. Vera causa cur Baptismus, & Confirmatio, & Ordo, non possint repeti, est character, & non alia: ergo fatendum est imprimi per Sacramenta quædam chara-

characterem. *Respondeo*: Confirmationem & Ordinem omitto, quia non sunt Sacramenta, ut postea docebimus. Baptismum vero non esse repetendum dico, quem Minister rite administravit: nam an repetendus sit, quem non Minister administravit, alia quaestio est.

Quod vero ait non aliam rationem assignari posse, cur Baptismus non repetatur, nisi characterem, nego. Sed Bellarminus suam assertionem dupliciter probat.

*Primo*, quia character non potest augeri per iterationem eiusdem Sacramenti: at gratia potest. *Respondeo*: Fingit Bellarminus solam causam, cur Baptismus non iterandus sit, esse characterem. Sed cur character impediatur? nimirum quia character non potest augeri; ergo semel imprimi sufficit. Sed quidni augeri character possit, cum sit nota aut qualitas aliqua in anima? nam qualitates possunt augeri ut corporis ita & animæ. Quod non augeri characterem ait, omnino commentitium est, aut esse hanc causam non iterandi Baptismi: imò longe alia causa est, ut postea patebit.

*Secundo* Bellarminus ait, characterem esse & Sacramentum & effectum Sacramenti: ergo non esse repetendum. *Respondeo primo*: idem esse & Sacramentum & effectum Sacramenti est absurdissimum. Potestne eadem res esse sui ipsius ef-

fectus? non magis certe, quam causa sui ipsius. Non magis character quam gratia potest esse Sacramentum & effectus Sacramenti. *Secundo*. Dico eum in hoc pugnare cum Alano, qui ait characterem non esse Sacramentum, sed effectum Sacramenti. Imo secum pugnare, quia ait characterem esse lignum spirituale, & esse in anima sola, ut in suo subiecto: num sic Sacramentum? *Tertio*: Si esset character & Sacramentum, & effectus Sacramenti, tamen hæc nulla causa est, cur non repeti possit: quidni enim posset idem Sacramentum & effectus eiusdem iterari, si Deus voluisset? non ergo propter characterem non repetitur Baptismus, sed propter causam longe maiorem, nempe propter Dei mandatum & ordinationem. Et si Sacramentum mille characteres imprimeret, tamen repeti posset, si iussisset Deus repeti. Hic bonus Theologus nullam causam non repetendi Baptismi potuit inuenire, nisi characterem: quod certe putare dementissimum est. Nos vero alias multas causas proponemus.

Quærendum igitur nunc breviter est, quare Baptismus non sit iterandus. Vna ratio non iterandi Baptismi est, quam proponit Calvinus, quia Baptismus est ingressus in Ecclesiam, & semel admitti in Ecclesiam sufficit. Bellarminus, quia tenet nullam aliam esse causam non iterandi



Baptismi, nisi characterem, vult probare hanc non esse causam solidam. Sed *respondeo*, satis solidam esse. Qui enim ius alicuius hereditatis, civitatis, aut societatis vult obtinere, satis est eum semel ad illud ius admitti: illa admissio non iteratur; imo semel admissus locum & ius suum, quoad vivit, retinet. Similiter ut divina civitatis jus obtineas, semel te ascriptum esse per Baptismum satis est: impie faciunt, qui repetunt. Sed Bellarminus quatuor rationes contra affert. Prima hæc est: Qui baptizantur ab hæreticis, & eis credunt, non intrant in Ecclesiam, nec initiantur ad fidem: ergo possent isti iterum baptizari. *Respondeo*: Nego argumentum. Nam etsi qui ab hæreticis baptizantur, & cum hæreticis sentiunt, non sunt in vera Ecclesia, tamen Baptismus in recto & legitimo usu est introitus in Ecclesiam: quare etsi Baptismus non prodest hæreticis, aut iis qui extra Ecclesiam sunt, tamen non opus est reperi, quia Baptismus ab hæretico collatus secundum formam Christi, si hæresin deserueris, & Ecclesie te adiunxeris, erit tuus introitus in veram Ecclesiam: nam ne qui à piis Ministris baptizantur, omnes in Ecclesiam intrant.

*Secunda* Bellarmini ratio est, quia tum qui baptizantur in Ecclesia, & postea per hæresin aut apostasiam recedunt, iterum in Ecclesiam intrare, & sic iterum baptizate deberent. *Respondeo*: Si

talem apostasiam intelligat, qualis fuit Iuliani, qui aperte Christo eiusque Sacramentis nuntium remisit, forsan non male sentiunt, qui talem esse denuo baptizandum existimant: quanquam non id statuo, nec ad rem facit. Sin leuior fuerit apostasia, non ausim dicere esse iterum baptizandum: sed sentio cum Augustino, cuius hæc verba sunt, *Quamvis in profundam voraginem malorum irruat baptizatus, usque ad apostaticam ruinam, non caret Baptismo*: & ait, baptizatum separari posse ab Ecclesia, sed Baptismum non posse separari ab eo, qui baptizatus est. Et similiter alibi. Ergo etsi hæreticus deserit Ecclesiam, tamen verum Baptismum retinet: & ut transfuga non amittit signum sui Imperatoris, sic nec hæreticus Baptismum, ut non necessarius sit novus Baptismus, si velit ad Ecclesiam redire: nam ut Augustinus sæpe contra Donatistas, *Baptismus, qui inutilis est extra Ecclesiam in hæresi, si hæresin deseras, valet*.

*Tertia* Bellarmini ratio est, quia non minus intramus in Ecclesiam per verbum, quam per Baptismum: at verbum repeti potest: quidni ergo & Baptismus? *Respondeo*: Verbum non est proprie introitus vel ingressus in Ecclesiam, sed potius causa huius introitus: at Baptismus est initiatio ipsa, & solenne symbolum nostræ admissionis in Ecclesiam, per quod qui semel in Ecclesiam recipiuntur, non opus habent alio externo symbolo. Præterea vero verbum non potest re-

Augustin.  
cont. Do-  
nat. l. 5, c.  
15.

Idem  
cont.  
Parmen.  
l. 2, c. 13.

August.  
in expos.  
inchoat.  
Epist. ad  
Rom.

Thom.  
cont.  
Gent. l. 4.  
c. 59.

Alan. de  
Sacram.  
l. 45.

peti ut Baptismus: nam quando Baptismus iteratur, non hic idem Baptismus est, sed alius: at verbum non est aliud, per quod regeneramur, sed idem semper. Etsi enim verbum prædicationis non idem est: at verbum prædicatum idem esse semper debet.

*Quarta* Bellarminus ratio est, quia Ordinatio non potest repeti, & tamen Ordinatio non est ingressus in Ecclesiam. *Respondeo*: De Ordinatione suo loco dicemus. Sed quid si Ordinatio repeti non potest, quæ non est ingressus in Ecclesiam, num ergo ingressus in Ecclesiam repeti potest? est hæc aperta fallacia consequentis. Argumentum igitur Caluini firmum est Baptismus est ingressus in Ecclesiam: ergo non est iterandus. Et sic Augustinus Baptismum fundamento ædificii comparat: manente fundamento ædificium potest reparari: at qui fundamentum iterare vult, totum ædificium subvertit. Et sic Thomas, Baptismum non esse iterandum ait, quia est quædam consecratio: nam res, quæ semel consecrata est, quamdiu manet, non iterum consecratur. Hæc etiam ratio placuit Alano.

Sunt aliæ rationes in Kemnitio, quas Bellarminus omnes improbat; & fateor aliquas non esse validas. Si de singulis dicerem, longa & superuacanea oratio esset. Non necesse est probare, omnes Kemnitii rationes esse solidas: satis est si vlla solida sit; imò si vna cau-

sa præter characterem dari potest, cur non iterandus sit Baptismus, sufficit. Esse autem ex Scholasticis patet etiam multas. *Prima* est Thomæ, quam etiam Kemnitius habet. Is non facit mentionem characteris, ad probandum non esse iterandum Baptismi, sed citat locum ex Paulo, ubi ait, *Vnum Baptisma*: & hic locus à Kemnitio citatur. Non nunc disputabo, an hic locus apte citetur; sed sic Theologi senserunt, quos Ecclesia Romana pro Catholicis habet: ergo non putabant characterem esse vnicam causam, ut Bellarminus.

Hac etiam ratione utitur Gratianus ex Leone Papa in Epistola ad Leonem Rauennatem: quia Apostolus ait, *Vnum Baptisma*, non esse aliquem bis baptizandum. Et sic etiam Damascenus. Similiter Catechismus Romanus ex hoc loco demonstrat, Baptismum non esse iterandum. Et hoc videtur voluisse synodus Nicæna, ὁμολογῶν ἐν βάπτισμα εἰς ἁφέναι ἁμαρτιῶν. *Confitetur vnum Baptisma in remissionem peccatorum*.

*Secunda* est eiusdem Thomæ, quæ etiam apud Kemnitium habetur: Vnius hominis vna est generatio: Baptismus est spiritualis generatio: qui ergo semel baptizatur, non est iterum baptizandus. Et hæc est etiam ratio aliorum Scholasticorum: ergo quando contra hanc Bellarminus se opponit, summis Scholasticis contradicit; etiam ipsi Augustino, cuius hæc verba sunt, *Dua natiuitates sunt*, Ioan.

Thom. 3.  
q. 66. art.  
9.

Ephes. 4.  
5.

Gratian.  
de consec.  
d. 4. c.  
Cum itaque.

Damasc.  
l. 4, c. 10.  
Catechis.  
Roman.

part. 2. q.  
41.  
Nicæn. 1.  
Synod. in  
Symb.

Thom.  
cont.  
Gent. l. 4.  
c. 59.

Augu. in  
tract. 11. in  
Evangel.  
sunt, Ioan.

sunt, sed nec illa repeti potest, nec ista. Quomodo uterus non potest repeti, sic nec Baptismus. Ut Adamus non potest bis generare, sic nec Christus.

Thom. ubi  
supra. Tertia est etiam Thomæ ibidem: Infectio originalis semel hominem inquinat: ergo Baptismus, qui ad hanc infectionem tollendam institutus est, non nisi semel adhiberi debet, ne remedium putemus esse minoris efficaciz, quam morbum. Originale peccatum non iteratur: ergo nec Baptismus iterari debet. Et hæc est etiam ratio Bonaventuræ.

Thom. 3. q.  
66. art. 9. Quarta est etiam Thomæ: Baptizamus in Christi mortem; in Baptismo enim morimur peccato: Christus autem non nisi semel mortuus est: ergo nos nisi semel tantum baptizari debemus. Et hanc rationem habet Glossa ordinaria: Vna Christi mors vnum Baptisma consecrauit: ut Christus semel mortuus est, ita nos in Baptismo semel morimur peccatis.

Thom. in  
Ephes. 4.  
lect. 2. Hanc etiam causam Thomas alibi tractat copiose.

Augustin.  
cont. Cre-  
scen. l. 1.  
c. 31. Quinta est Augustini: Ut circumcisio non iterabatur: sic nec Baptismus: & nullum exemplum est in Scripturis alterutrius iterati.

Scot. in 4.  
d. 6. q. 7.  
Biel. in 4.  
d. 6. q. 2. Sexta est Scoti & Bielis: causam non iterandi Baptismi esse institutionem & ordinationem diuinam: ubi etiam aperte characterem non esse causam dicunt. Huius institutionis ea ratio iustissima est, quod Dei pactum semel cum hominibus initum perpetuo ratum est resipiscitibus, etiam post com-

missa peccata: ut non necesse sit nouum fœdus inire, quia Deus suum fœdus omnibus seruat inuolatum, qui ad ipsum conuersi sunt. Deus nobiscum pactum iniit in Baptismo: hoc non fit irritum per peccata nostra, sed semper firmum manet, modo nos pœniteat peccatorum, & modo velimus ad bonam frugem redire. Quare si pecces, non opus est nouo Baptismo, sed ut redeas ad vetus pactum, quod semel initum est. Sed contra hanc pacti perpetuitatem Bellarminus nonnullas fuit rationes affert, de quibus breuiter respondeamus oportet.

Prima eius ratio sumitur ex Heb. 6. Paulus negat, inquit, posse hominem peccantem post Baptismum redire ad pactum Baptismi. Respondeo: Non negat hoc Apostolus: non enim ibi sequitur de Baptismo. Eum quidem, qui ὁδομήτης, id est, qui excidit à Deo, & penitus deficit ab Euangelio, negat posse per pœnitentiam renouari. Loquitur de eo, qui peccat in Spiritum sanctum.

Talis homo perit, non quod Deus, non seruaret pactum suum, si resipisceret, sed quia non potest resipiscere. Ita ratio est, non quod pactum sit irritum ex parte Dei, sed propter hominis impœnitentiam, quæ facit ut ad pactum redire non possit. Bellarminus hoc de omnibus peccantibus post Baptismum intelligit, non posse illos redire ad pactum in Baptismo, sed egere alio Sacramento & alio

& alio pacto: quasi quoduis peccatum dirimat pactum in Baptismo, & Deus nouum pactum in pœnitentia faciat; de qua re postea erit dicendum. Sed hoc pactum Baptismi manet erga peccatores si eos peccatorum suorum pœniteat: at hi, de quibus Apostolus loquitur Hebr. 6. non possunt per pœnitentiam renouari, ut ait Apostolus: ergo non docuit nouum pactum esse in pœnitentia faciendum.

Secunda Bellarmini ratio est; Deus non facit pactum vllum cum eo, qui baptizatur sine fide: ergo is saltem potest rebaptizari. Respondeo: hoc non esse simpliciter verum; nam etiam cum illo aliquo modo pactum facit Deus, qui sine fide baptizatur. Etsi enim homo cum Deo fide agit, Deus tamen dat illi pacti symbolum, quod erit efficax, & valebit ut in fœdere includatur, si aut nunc, aut vnquam postea in vita crediderit, & eum peccatorum suorum pœniteat.

Tertia Bellarmini ratio est, quia sicut Baptismus est pactum, ita etiam verbum Dei: at verbum quotidie repetitur. Respondeo: verbum esse potius causam pacti, aut legationem, quam pactum stabilitum. Sancitur pactum per legationem in verbo: at fit pactum per Sacramentum. Est ergo verbum inter. nuncijs pacti, vel legatio per quam fit pactum, non autem pactum ipsum.

Quarta Bellarmini ratio est, quia

Eucharistia non minus continet pactum Dei, quam Baptismus: & tamen repeti potest Eucharistia. Respondeo: Fateor in Eucharistia esse pactum, sed non eodem modo, quo in Baptismo. Nam Eucharistia est pactum alendi nos, & ad vitam perducendi: Baptismus nos in suam familiam recipiendi. In Eucharistia paciscitur Deus, fore ut nos alat, & ad vitam æternam conseruet; in Baptismo vero fore ut nos in familiam, id est, in Ecclesiam suam admittat. Opus est sæpius ali, at non opus est sæpius admitti & recipi in Ecclesiam: ergo pactum in Baptismo semel tantum fit; at illud in Eucharistia sæpius iteratur.

Quinta & postrema Bellarmini ratio est, pactum Dei non esse perpetuum illi, qui fidem frangit, quia promissiones Dei sunt conditionatæ, nempe si nos perseueremus. Respondeo: Etsi nos fidem fallimus, & sic pactum sublatum videtur, tamen ex parte Dei pactum firmum manet, adeo ut si homines tandem aliquando redeant, antequam moriantur, ad fœdus pertineant.

Ei quidem, qui in obstinato proposito perseuerat, nil commodi ex pacto accedit: non tamen ideo perruptum penitus pactum est; nam tum filii eius è pacto excluderentur: adeo autem Dei perpetuum pactum est, ut qui malus diu fuerit, si redeat tandem, in pacto maneat, & posteri, non obstante eius malitia, non excidant è pacto



pacto: seruat enim pactum in mille generationes; tamen Beilarminus quouis peccato pactum rumpi penitus existimat. Hæ causæ grauissimæ sunt non iterandi Baptismi, de quibus diximus, non character tantum, de quo nullus Pater somniauit. Et si autem hæc sufficiant ad characteris refutationem, tamen è Scholasticis pauca adducemus, vt commentum absurditas magis elucescat.

## CAPUT VI.

*In quo nostra argumenta proponuntur contra Characterem.*

NUNC pauca nobis delibanda sunt contra Characterem ex magnis voluminibus Scholasticorum. *Primo*, non conuenit inter illos de natura & quidditate Characteris, quid nimirum & qualis sit. Plerique dicunt esse qualitatem absolutam; & sic Bellarminus, At Durandus ait, esse tantum ens rationis, vt est relatio in Doctoribus, quæ non est absoluta qualitas, sed quidam tantum respectus. Et quanquam Durandus ait, esse characterem, vt dicit Bellarminus, tamen non ille admodum stricte tenuat. Sic enim scribit: *Omnes moderni characterem profitentur in quibusdam Sacramentis, & nos loquentes vt plures dicamus cum eis characterem esse non nihil.* Ita videmus, quo

*Durand. in 4 d. 4. q. 1.*

modo characterem tenuit, nulla certe ratione inductus, sed aliorum tantum authoritate impulsus. Scotus vix potest explicare, quid sentiat; sed ait non esse absolutam qualitatem. Alii aiunt, eum dicere characterem esse realem relationem, vt est paternitas; & sic mihi videtur. Alii eum esse dubium in hac quæstione: & certe valde ambigue scribit. Occanus ait, quicquid de conclusione statuamus, rationes non probare, characterem esse aliquid absolutum. Et quanquam Bellarminus Scotum & Durandum improbat, tamen Sarnanus Cardinalis, qui ante paucos annos edidit conciliationem inter Thomam & Scotum, ait probabilius esse, quod sit relatio; & sic Scoti potius quam Thomæ sententiam approbat.

*Secundò*, inter eos, qui statuunt esse qualitatem absolutam, magna pugna & dissensio est. Thomas ait, non esse habitum, quia nullus habitus potest libere & indifferenter se habere ad bene & male agendum: at character habet se indifferenter: concludit ergo esse potentiam. Bonauentura ait, non esse potentiam, quia potentia omnibus inest: at character non inest omnibus: ergo esse habitum. Alii, vt ex Bonauentura ibidem constat, non esse aliquam qualitatem aiunt, quam ponit Aristoteles, sed nouam & incognitam: at Bonauentura hanc opinionem non probat.

Ter-

*Tertiò*, quandoquidem statuunt esse in anima, hic quoque contendunt & litigant inter se, in qua parte animæ sit. Thomas non vult esse in essentia animæ, vt in subiecto, sed in animæ potentia. Bellarminus ait, alios ponere characterem in substantia animæ, & hoc videri verius. Sed aliter magnis Magistris videtur, qui probant non esse in substantia animæ, quia per characterem configuramur Christo: at hæc configuratio non est secundum essentiam, sed secundum potentiam animæ; quæ ratio est Thomæ, & hanc certe rationem nunquam soluet Bellarminus.

*Quartò*, inter eos, qui in potentia aliqua animæ statuunt, magna est contentio, vtrum scilicet in intellectu, an in voluntate collocari debeat. Thomas ait esse in intellectu; & sic alii. Scotus ait esse in voluntate, quia gratia est in voluntate, & character est dispositio ad gratiam. Durandus autem ait esse in neutra, sed in manu aut lingua, quam vocat potentiam executiuam. Sed Concilium Tridentinum in anima imprimi ait.

*Quintò*, statuunt esse indelebilem, sed quomodo indelebilis sit, inter eos non constat: causam enim cum quærent; inter se non conueniunt. Thomas probat esse indelebilem, quia intellectus est incorruptibilis; & character est in intellectu: at tum fides esset indelebilis, quam ponit in intellectu, & tamen posse deleri ait. Et multi aiunt esse habitum: habitus autem sunt

delebiles; alii esse in voluntate dicunt; quod autem in voluntatem cadit, variabile est. Bonauentura ait, communem esse opinionem, quod characteris proprietas sit indelebilis, sed de causa huius indelebitatis multos discrepare. Occanus ait, nullam causam afferri necessariam, cur indelebilis sit, siue sit qualitas absoluta, siue relatio respectiua.

*Sextò*, quod attinet ad vsum & vtilitatem characteris admodum inepti sunt Scholastici: quis enim vsum characteris esse potest in Baptismo? Bellarminus ait, facere hominem aptum ad suscipienda alia Sacramenta: sed ad hoc nil opus est characterem; nam ipse externus Baptismus hoc facit sine characterem, quia cum primum admittimur in familiam Dei, participemus omnium priuilegiorum eiusdem familiæ. Et Confirmatio ac Ordo faciunt sua effecta sine characterem. Alius vsum est, configurare nos Christo: at nos Christo non non possumus configurari per eam rem, quæ nihil in se virtutis aut gratiæ habet; tum enim nequissimi homines possunt configurari Christo. Alium vsum ponunt, vt distinguat: sed quos? Bellarminus ait, baptizatos à non baptizatis: sed cui distinguit? num Deo? at ille non eget huiusmodi distinctione: num hominibus? at est inuisibilis; ergo homines non possunt aspicere: est enim in mente. Et Baptismus ipse re distinguit, vt nil opus sit characterem. Bonauentura ait, per characterem distingui fidelem ab infideli

*Bonauent. in 4. d. 6. q. 2.*

*Thom. 3. part. q. 63. art. 4.*

*Scot. in 4. d. 6. q. 9.*

*Occan. in 4. q. 2.*

*Sarnan. in concil. liat. l. 4. controu.*

*Thom. 3. q. 63. art. 2.*

*Bonauent. in 4. d. 6. q. 1.*

*Thom. ubi supra.*

infideli: at multi fideles non habent, & multi infideles habent. Certè si hæc officia sint characteris, tum esset character in omnibus Sacramentis, quia reliqua Sacramenta non minus hæc officia præstant.

Alan. de  
Sacram.  
c. 45. & c.  
48.

Alanus absurdissime ait, homines in aliis Sacramentis non deputari ex professo ad exercitium divini cultus, ut in his, quæ Characterem habent. Sed quis negaret, Eucharistiam disponere ad cultum diuinum? Sed postea habet aliud, quod nullo modo est prætermittendum, characterem efficere, ut qui ad Baptismum fide accedit, ideoque non accepit remissionem peccatorum; si enim postea peccatorum poeniteat, in characterem præteriti Sacramenti ei omnia peccata remittantur. Hos nos de Baptismo dicimus, per illum peccata nostra omnia remitti, si nos illorum poeniteat, ac proinde non opus esse nouo pacto aut nouo Sacramento ad remissionem peccatorum. Quare falsum est, quod ait Bellarminus, aut ruptum esse pactum, si quis post Baptismum peccauerit, aut nullum esse pactum initum, si quis ficti ad Baptismum accesserit. Atque hæc nostra sententia est etiam

Augustin.  
cont. Do-  
natist. l. 2.  
c. 5. & l. 1.  
c. 12.

sententia Augustini, cuius hæc verba sunt: Si quis peruersitate correctus redierit ad Ecclesiam, sub eodem Baptismo, quem ante acceperit, peccata ei dimittentur: & antea, Redeunti ad unitatem iam incipit prodesse Sacramentum ad remissionem peccatorum, quod ante acceptum prodesse non poterat. Sed Scotus ait, hanc nullam esse causam ponendi characterem in Baptismo, quod

non iteretur. Aut ergo Alanus hoc de Baptismo intelligit, & tum pugnat cum Bellarmino, qui ait pactum nullum esse factum in Baptismo cum iis, qui fide accedunt; & qui post Baptismum peccauerint, si poenitentia ducantur, per Sacramentum Poenitentiae nouum pactum esse faciendum: aut mauult characteri in eo qui fide accedit ad Baptismum tribuere remissionem peccatorum, quam ipsi Baptismo.

Septimò, fingunt isti homines, tria Sacramenta imprimere characterem, Baptismum scilicet, Confirmationem, & Ordinationem. Iam vero fieri potest, ut vnus homo habeat hæc tria Sacramenta, atque ita ille tres diuersos characteres in anima habebit: quod est absurdum. Esse enim hos diuersos characteres necesse est, quia vnus character non potest bis imprimi, & hanc esse causam dicunt, cur Baptismus non sit iterandus, nec potest character aut augeri aut minui. At si anima esset facta ex cera, vix posset tam multos & tam diuersos characteres recipere: sed non est ex cera facta, ut tam multarum figurarum capax sit. Sed quia eundem characterem non posse repeti aiunt, adhuc quærimus, quid inter characterem Baptismi & Confirmationis interlit? Confirmationis characterem ait Bellarminus facere nos aptos ad alia Sacramenta suscipienda, & ad profitendam fidem. At hic vsus est characteris in Baptismo: ergo in Confirmatione character idem renouatur: at non opus est eundem characterem re-

peti

peti aut renouari. Hinc constat, characterem ex eo fictum esse, quod non iterentur Sacramenta: nam his tribus Sacramentis characterem tribuunt, quia iterari non possunt. Non ergo character est causa non iterationis, sed non iteratio est causa fingendi characterem.

Octauò & postremo, negant Circumcisionem impressisse characterem: & tamen Circumcisio non magis iterari potuit quam Baptismus, ut docet Augustinus: non ergo character causa est, quod non iteretur Baptismus. Sunt & alia multa, quæ afferri possunt contra hoc commentitium de characteris figmentum; sed ne molestus sim, prætermitto. Nihil ergo est, quod cogat nos credere, talem esse characterem; quod etiam Biel, & Durandus, & Scotus affirmant, qui aiunt, nullam fuisse causam ponendi Characterem. Scotus hac de re multa scribit: ego ad certa quædam capita quæ dicit omnia reuocabo. Primò, ait Scripturam non exprimere tale aliquid, id est, nihil haberi in Scripturis hac de re. Secundò, totam Baptismi veritatem consistere in Sacramento visibili, & effectui inuisibili: characterem esse neutrum: non primum esse patet, quia non

est externum Sacramentum: non secundum, quia Augustinus Sacramenti effectum inuisibilem ponit gratiam. Tertio obiicit, Patres tamen ponere characterem: at Sancti, inquit, satis aperte tradunt characterem, ut Dionysius, quem etiam Bellarminus citat: respondet Scotus, has authoritates tantum esse vocales, & non ad intentionem eorum; quod etiam probat. Quarto ait, propter solam auctoritatem Ecclesiæ ponendum esse characterem imprimi: non ergo propter auctoritatem Scripturæ, aut Patrum, aut Conciliorum, sed duntaxat propter auctoritatem Romanæ Ecclesiæ. Quintò & postremo docet, quando Ecclesia Romana cepit tale aliquid statuere, & citat Innocentium tertium, qui vixit post annos mille ducentos à Christo: unde constat, non mentitum esse Kemnitium, ut vult Bellarminus, cum diceret eum fuisse primum authorem Characteris, circiter Annum Domini 1200. Et Scotus ait, ne Lombardum quidem facere mentionem Characteris in hoc sensu. Sed de Characterem hæc dixisse sufficiat.

Innocent.  
3. Extra.  
de Bapti-  
simo, c.  
Maiores.

Finis quinta Quaestionis,

X 2

Quæ-



## Quæstio VI.

## De numero Sacramentorum.

## CAPUT I.

## De statu Quæstionis.



ELIQUA nunc est de numero Sacramentorum Quæstio vnica, de qua postremo loco, quod attinet ad Sacramenta in genere, dicendum est. Pontificii plura numerant Sacramenta, quam nos, & nobis irascuntur, qui numerum Sacramentorum ab illis propositum minuendum esse dicimus. Nihil illi hodie maiore consensu docent, quam septem esse Sacramenta. Innocentius tertius ait, adeo esse hac profunda & fecunda, mirifica & magnifica, ut non modo à Theologis, sed etiam à Philosophis commendentur. Concilium Tridentinum anathema denunciat iis, qui dicunt esse aut plura aut pauciora quam septem, videlicet, Baptismum, Confirmationem, Eucharistiam, Pœnitentiam, Extremam unctionem, Ordinem, Matrimonium; quod tamen aliqui illorum non esse vere & proprie Sacramentum affirmant. Quod autem Bellarminus ait, hanc esse & semper fuisse sententiam Catholicorum, primum concedo, alterum vero pernego. Nam primo

Innocent.  
3. in pro-  
cem. in 7.  
Psal. Pœ-  
nitent.  
Concil.  
Trident.  
sess. 7.  
can. 1.

vetus Catholica Ecclesia, quam primitiuam vocamus, hunc numerum non agnouit; deinde ne Papistica quidem Ecclesia semper hanc sententiam tenuit, imo non nisi nuper admodum hæc inter eos de septem Sacramentis opinio obtinuit: & tamen quasi hoc perpetuo in Ecclesia obtinuisset, & res certissima esset, sic isti anathemata minantur. Iam vero reformatarum Ecclesiarum vna sententia est, nec septem, nec sex, nec quinque esse Sacramenta, imo non plura quam duo, Baptismum scilicet & Eucharistiam.

Non alia agnoscimus, quia non legimus alia à Christo instituta, & quia accurata definitio Sacramenti non potest illis quinque conuenire, quæ Aduersarii solent his duobus annumerare. Quando enim in omni Sacramento requiritur elementum aliquod externum, & verbum de promissione remissionis peccatorum & reconciliationis cum Deo, & expressum Dei præceptum de usu eius elementi in eum finem: hæc omnia clarissime de his duobus Sacramentis, Baptismo & Eucharistia, in Scri-

pturis

pturis habentur; de reliquis non item. Quare inducimur, ut neque septenarium numerum agnoscamus, & non nisi duo pro veris Sacramentis habeamus. Alias si in nomine Sacramenti ludereliceret, & inter Sacramenta numerare, quæ nec Christi institutionem, nec Sacramenti definitionem habent, non iam septem tantum, sed septies septem Sacramenta apud Patres possumus reperire. Nos ergo numerum hunc minuendum, & non nisi duo Sacramenta statuenda esse dicimus.

Sed Bellarminus magnam nobis inconstantiam exprobrat, quia Lutherus, Melanchthon, Zwinglius, Calvinus, Illyricus, non idem omnes sentiunt: alii enim horum vnum, alii duo, alii tria, alii quatuor Sacramenta statuunt. Respondet: de illis eximiis viris, & sanctissimis Spiritus sancti organis, etsi non habuerunt constantem opinionem de numero Sacramentorum, tamen hoc illis non esse vitio vertendum, quia hæc doctrina de Sacramentis miserrime fuit tunc temporis deprauata, & mirum in modum obfuscata. Nec mirum si Lutherus, & Zwinglius, & alii non satis certo statuere potuerunt de numero Sacramentorum, nec omnia primo viderunt, qui nuper è tenebris Papistarum emerferant; præsertim cum hic error non sit admodum periculosus. Si enim vera teneantur Sacramenta, non multum laborandum, nec rem magna contentione dignam existimant, si tribuat aliquis nomen Sa-

cramenti aliis rebus, quæ non sunt Sacramenta, ut si dicat Ordinem esse Sacramentum, aut pœnitentiam, modo non doceat aliam pœnitentiam, aut alios Ordines, quàm Christus in Scriptura instituit.

Sed tamen Lutherus & reliqui, quando proprie loquuntur, eundem statuunt Sacramentorum numerum, quem nos; nam vere & proprie non nisi duo Sacramenta esse aiunt. Lutherus in libro de Captiuitate Babylonica, quem scripsit vno aut altero anno post conuersionem, ait ea proprie vocari Sacramenta, quibus promissa signis annexis sunt adhibita; quæ vero non sunt alligata signis, ea esse nuda promissa non Sacramenta: ergo ait, si rigide loqui velimus, duo tantum Sacramenta esse, Baptismum scilicet & Eucharistiam. Quid dici clarius potuit? Sed cur tum Lutherus pœnitentiam pro Sacramento posuit? ait non esse proprie Sacramentum, etsi prædictis duobus adiunxit, & annumeravit, & non esse nisi reditum ad Baptismum; nec Scholasticos docere posse definitionem Sacramenti congruere pœnitentiæ; tamen vocavit Sacramentum; ut nomen Sacramenti largius sumitur.

Ergo non est quod Lutherum dicant de numero Sacramentorum aliter atque aliter sensisse: nam is clare non nisi duo Sacramenta esse ait, si rigide loqui velimus; sin aliter, pœnitentiam dici posse Sacramentum, & alia quædam.

X 3

Si-

Luth. in  
lib. de Ca-  
ptiuit. Ba-  
bylon.

Melanch, Similiter Melanchthon ait, non  
 in respons. esse septem Sacramenta, imo non  
 ad artic. plura esse quam duo, & tamen ait,  
 Bauaric. si quis velit absolutionem nomi-  
 nare Sacramentum, se nolle repu-  
 gnare. Sic etiam Zuuinglius, qui  
 Zuuingl. Lutherum statim subsequutus est,  
 in lib. de non nisi duo Sacramenta statuit:  
 vera & sacramenta, inquit, duo omnino reli-  
 quis fals. relig. quit nobis Christus, Baptismum &  
 c. de Sacr. Cenam Domini. Quod autem ait  
 Bellarminus, eum non libenter  
 Matrimonium vocare Sacramen-  
 tum, sed causari non esse, quod pu-  
 tet Sacramenti definitionem non  
 conuenire Matrimonio, sed quia  
 timet, ne Sacramenti vocabulo  
 obscuretur & inquinetur dignitas  
 Matrimonii, quia illustrius est Ma-  
 trimonii nomen quam Sacramen-  
 ti, improbe calumniatur. Nam  
 Zuuinglius diserte ait, Matrimo-  
 nium non esse Sacramentum, &  
 docet Papistas abuti illo loco, qui  
 Ephes. 5. habetur Ephes. 5. *Mysterium hoc ma-*  
 32. *gnum est.* Sed tamen si quis velit  
 dicere, Matrimonium esse Sacra-  
 mentum, quia Christum & Eccle-  
 siam figurat, non repugnat, quin  
 ei nomen Sacramenti tribuat. Ait  
 quidem nomen Matrimonii ma-  
 gis esse clarum, quam est nomen Sa-  
 cramenti, quia omnes sciunt, quid  
 Matrimonium, quid Baptismus sit,  
 non tamen quid sit Sacramentum:  
 non ait, ut Bellarminus vult, nul-  
 lam esse causam, cur Sacramenti  
 nomen Matrimonio non tribuat,  
 nisi quod timet, ne sic Matrimo-  
 nium obscuretur.

Caluin. in Sed istos non pudet impuden-  
 instit. l. 4. ter mentiri: nam & Caluinum ait

dicere, Ordinationem esse verum  
 c. 19. s. 31. Sacramentum: at Calvinus tan-  
 c. 4. s. 20. tum ait, impositionem manuum in  
 veris & legitimis Ordinationibus  
 esse Sacramentum, id est, quid-  
 dam Sacramentale, non ait esse  
 proprium Sacramentum. Bellarmi-  
 nus ait eum dicere Ordinationem  
 esse Sacramentum. Et alibi idem  
 Calvinus manifeste ponit duo tan-  
 tum Sacramenta, & ait imposi-  
 tionem manuum non esse nume-  
 randam inter ordinaria Sacramen-  
 ta; nam non nisi duo Sacramenta  
 in usum totius Ecclesie instituta  
 esse: & per totum caput. 19. libri  
 quarti quinque reliqua, quae Papi-  
 stae tenent, falso nominari Sacra-  
 menta & dicit & probat.

Quod vero ait Bellarminus,  
 Calvinum alibi quatuor tantum Sa-  
 cramenta reicere à numero Sacra-  
 mentorum, Confirmationem, Pœ-  
 nitentiam, Vnctionem extremam,  
 & Matrimonium, omnino fal-  
 sum est: non enim loquitur ibi  
 Calvinus de ullo Sacramento,  
 nisi de Vnctione extrema, & Ma-  
 trimonio nullam ille aut Confir-  
 mationis, aut Pœnitentiae men-  
 tionem facit; unde video Bellar-  
 minum usum esse oculis alienis.  
 Calvinus vero de numero Sacra-  
 mentorum idem plane dicit, quod  
 nos. Neque nos modo, quos Cal-  
 uinistas vocant, sed & Lutherani  
 duo Sacramenta & non plura sta-  
 tuunt.

Sic Kemnitius aperte, atque  
 etiam Illyricus. Bellarminus cum  
 his duobus agit, ac si res esset in fo-  
 ro accusat enim illos periurii, quia  
 omnes

Caluin. in  
 Antidot.  
 Concil.  
 Trident.  
 sess. 7. c. 1.

Kemnit.  
 in 2. part.  
 Exam.  
 Illyric. in  
 Confess.  
 Antwerp.

## CAPUT II.

In quo Aduersariorum argumen-  
 ta proponuntur & dilu-  
 untur.

NUNC quomodo hic septena-  
 rius Sacramentorum nume-  
 rus à Bellarmino probeatur videamus.  
 Tria argumenta affert. Pri-  
 mum sumitur ex testimoniis Scri-  
 pturae & Patrum, quae etsi non di-  
 cunt esse septem Sacramenta, ta-  
 men omnia ista septem Sacra-  
 menta vera & propria esse testan-  
 tur. Secundum sumitur ex testimoni-  
 is alius Conciliorum & Doctorum,  
 quae praecise numerum istum septe-  
 narium ponunt, Tertium ex rationi-  
 bus sumitur, quas ille congruen-  
 tias quasdam vocat.

Quod ad primum argumentum  
 attinet, leuiter nunc & exiliter ad-  
 modum tractat, copiosius de eo  
 postea dicturus, ubi de singulis  
 Sacramentis disputabitur. Ego  
 igitur ad illum quoque locum re-  
 seruabo: & nunc tantum ea testi-  
 monia & argumenta attingam,  
 quae praecise de septem Sacramen-  
 tis loquuntur. Ergo primo quid  
 afferat, ut probeat esse septem Sa-  
 cramenta videamus, deinceps vero  
 quomodo illa quinque esse vera Sa-  
 cramenta probeat, in suis locis doce-  
 bimur, ne postea repetere cogamur  
 quae antea diximus, ut Confirma-  
 tionem non esse Sacramentum do-  
 cebimus, quando de Confirmatione  
 dice-

omnes Lutherani iurant in verba  
 Confessionis Augustanae, quae  
 tria Sacramenta statuit. Sed Illy-  
 ricus respondet, Confessionis ver-  
 ba non esse praecise & curiose vr-  
 genda; modo res tradita in Scri-  
 pturis retineantur, non esse rixan-  
 dum de vocabulis. Certe omnes  
 nostrae Confessiones in hoc con-  
 sentiunt: nam etsi in quibusdam  
 illarum dicitur, posse nomen Sa-  
 cramenti non male conuenire plu-  
 ribus quam duobus, tamen si pro-  
 prie de Sacramentis loquamur,  
 non nisi duo esse. Unde tria illa,  
 quae Bellarminus colligit, falsa esse  
 constat, quorum primum est, mi-  
 ram fuisse inconstantiam Lutheri,  
 & Philippi: secundum, non posse  
 apud nos esse veram Ecclesiam,  
 quia non possumus numerare Sa-  
 cramenta: tertium, non posse ejus-  
 modi haereses diu durare, quia o-  
 mne regnum in seipsum diuisum  
 desolabitur. Nulla enim inter nos  
 inconstantia est, quia conuenit de  
 numero, si proprie Sacramenti no-  
 men sumatur: & nostram senten-  
 tiam non esse haereticam, quia &  
 Scripturis, & antiquissimis Patri-  
 bus ac Conciliis, congrua est, illo-  
 rum vero est contra esse nouam  
 & haereticam, apertissi-

me comproba-  
 re possu-  
 mus.



dicemus, & Pœnitentiam non esse, quando de Pœnitentia dicemus, atque ita de reliquis. Sed Bellarminus, antequam ad primum argumentum accedat, tria notanda esse ait, quæ nullo modo omittenda esse censui.

*Primo* ait, non esse ab illis petendum, ut in Scripturis aut Patribus ostendant nomen septenarii numeri Sacramentorum. *Respondeo*: Fatetur ergo ille, non modo Scripturas, sed ne Patres quidem septem Sacramenta numerare. De Scripturis fatemur, non esse mirum, si Sacramenta non numerent: de Patribus autem, qui Scripturas exposuerunt, mirum est, illos nunquam hunc numerumprehendisse. Nam etsi Scriptura non numerat Christi miracula (hoc enim exemplo Bellarminus utitur) at Patres tamen numerant, & quoties flevit, & quoties Hierusalem profectus est, & quot annos docuit, & quoties apparuit post resurrectionem: etsi Scriptura hos numeros diserte nusquam posuit, at Patres tamen & interpretes posuerunt. Ita etsi Scriptura non numerat vspiam septem Sacramenta, tamen Patres hunc numerum ex Scripturis facile collegissent, si Christus hunc numerum instituisset. Sic Patres numerum & articulorum fidei, & librorum Canonorum tradiderunt; quæ sunt alia etiam exempla à Bellarmino allata: at nemo omnium Patrum dixit vnquam esse septem Sacramenta.

*Secundo* ait, non esse ab illis pe-

tendum, ut ostendant nomen Sacramenti tribui in Scripturis Confessione aut Ordinationi. *Respondeo*: non esse reuera petendum: nec nos quidem hoc petimus. Nomen enim Sacramenta nusquam legi nouimus in Scripturis hoc sensu, sed à Theologis postea inuentum esse, Nos vero non tam de nomine, quam de re Sacramenti & quærimus & contendimus.

*Tertio* ait, sufficere si definitionem Sacramenti conuenire ritibus nec pluribus nec paucioribus quam septem ex Scripturis & Patribus ostendat. *Respondeo*: nos non aliud petere, nec amplius desiderare. Si hoc ille probet, satis est: sed nunquam probabit veram definitionem Sacramenti conuenire pluribus quam duobus. Si pluribus quam duobus conuenire probauerit, fatebor plura esse: si septem conuenire probauerit, fatebor septem esse. Iam igitur videamus, quibus argumentis septem esse Sacramenta probet.

Hæc autem tria sunt. *Primum* argumentum sumitur à testimonio omnium Theologorum, qui per annos iam quadringentos & amplius floruerunt. Nam Magister *Lombard.* Sententiarum, & omnes inde *l. 4. d. 1.* Theologi, septem Sacramenta esse tradiderunt. *Respondeo primo*: hos Theologos nullius esse antiquitatis. Nam Lombardus vixit post annos à Christo 1160; hunc secuti sunt omnes Scholastici: in tot seculis nullum nominare potest, qui de numero septenario Sacramentorum vllam mentionem fecit,

fecit, aut vllum omnino verbum dixit. Vnde intelligimus, esse hanc recentem opinionem, & nuper natam, si cum antiquitate comparatur: & tunc magnopere ab illa puritate recessum est, quam Christus & Apostoli in Ecclesia reliquerunt. Reliqui vero Scholastici omnes, quotquot fuerunt, Lombardo recentiores fuerunt. Magna ergo hæc confessio est nouitatis. Nec citat Lombardus aliquem Patrem, qui dixerit esse septem Sacramenta, cum tamen soleat suas conclusiones testimoniis Patrum probare.

Bernard.  
de Cena  
Domini

*Secundo*, quod arguit, hanc fuisse sententiam totius Ecclesiæ, quia Magister non nouum aliquid scripsit, sed quod inuenit in vlu Ecclesiæ, certum est, ne tum quidem hoc fuisse receptum: imo constat alios Theologos iisdem temporibus aliter docuisse. Nam Bernardus, qui circa eadem tempora vixit, vehementer contendit, lotionem pedum esse verum Sacramentum: ac tum octo non septem Sacramenta erunt. Similiter Hugo de Sancto Victore, qui fuit æqualis Bernardo, scripsit librum de Sacramentis, & tamen nusquam septem Sacramenta numerat. Cassander ait, ante Lombardum non facile reperiri, qui certum & definitum Sacramentorum numerum statuerit. Et certum est, multa à Lombardo tradi, quæ vulgo improbantur.

Cassand.  
vii. 13.

*Tertio* quod ait, Ecclesiam per hos annos periisse de orbe terrarum, si errauerit in numero Sacra-

mentorum, non sequitur. Non enim errauit Ecclesia, si statuit non esse septem Sacramenta, nec periit statim, si in eare errauit, quia non est error capitalis: omnis vero error non perdit statim aut euertit Ecclesiam. Quin & ipsa Romana Ecclesia potuisset esse Ecclesia, nisi grauiores errores quam hunc teneret.

*Secundum* Bellarmini argumentum sumitur à testimoniis Conciliorum. *Primum* testimonium est Concilii Florentini, quod post annos à Christo 1400. habitum est, in quo Satanas & Antichristus regnarunt. Nos non tenemur autoritate huius Concilii. *Secundum* testimonium est Concilii Tridentini, quod ante annos paucos nostra memoria habitum est. Fuit hoc Conciliabulum meretricis Babylonice, & spelunca latronum ac prædonum: iniquum ergo est, nos huius Concilii autoritate premi.

Et tamen ait Bellarminus, debere hoc testimonium sufficere, etiam si nullum haberemus aliud; quo nihil ab illo impudentius dici potuit: ita enim si Scripturæ & omnia Patrum volumina periissent, haberentque solum Concilium Tridentinum, nil amplius à nobis desiderari deberet. Sed quare sufficeret hoc testimonium? quia si tollamus, inquit, auctoritatem præsentis Ecclesiæ, & præsentis Concilii, in dubium reuocari poterunt omnium aliorum Conciliorum decreta, & tota fides Christiana. *Respondeo*: Quasi aut illa

Y

Ec.

Ecclesia fuerit, quæ non nisi lustrum prædonum fuit, aut omnis veritas ex nutu Ecclesiæ pendeat.

Quid dici potuit blasphemius in Deum, in Scripturas, in fidem, in religionem? num hæc omnia in dubium vocarentur, nisi extraret Concilium Tridentinum, & nisi propter præsentis Ecclesiæ auctoritatem? ita Deus non erit Deus, & Christus erit seductor, nisi Ecclesiæ visum fuerit Romanæ. Sic enim ait Bellarminus, firmitas omnium dogmatum pendet ab auctoritate præsentis Ecclesiæ. At dogma vnum hoc est, Deus est immortalis, aliud vero, Christus est redemptor generis humani: non firma erunt hæc dogmata, nisi propter Ecclesiam Romanam? non erunt certe, si omnium dogmatum firmitas ab eius auctoritate pendeat: tolle enim id, quo pendet aliquid, & id quod pendet statim corruat necesse est.

Et si omnium dogmatum firmitas ab auctoritate præsentis Ecclesiæ pendeat, tum nullus dogmatis firmitas pendet ex Scripturis, aut ex Patribus, aut ex Conciliis præcedentibus; & tamen Concilium Tridentinum non definiuit omnia fidei dogmata, nec de omnibus canones aut decreta edidit. Tam impudens certe est, ut nunquam crediderim quendam hominem Christianum id esse dicturum, quod ille dicit,

Quid enim? an esse Deum, & nos Christi sanguine seruari, & alia huiusmodi dogmata infirma erunt, nisi à præsentis Ecclesiæ stabiliantur? tum multum certe est, quod Deus & Christus Ecclesiæ Romanæ debeant, sine qua nec Deus esset Deus, nec Christus inter Deum & homines mediator, aut generis humani seruator aut redemptor esset, denique omnia Christianæ religionis dogmata ruerent, nisi præsens Ecclesia Romana sustineret. Sed hac de re alibi copiose diximus.

Nunc ad tertium & postremum Bellarmini argumentum veniamus, quod positum est in rationibus quibusdam, quas tamen ille potius congruentias appellandas putat. Congruentia autem non est ratio sufficiens aut fundamentum, sed est aliquid rationi consentaneum. Ita Bellarminus fateretur non hæc fundamenta esse aut demonstrationes, sed nescio quas congruentias, id est, nihil valere nisi fide supposita, hoc est, nisi certo credas ante esse septem Sacramenta, hæc rationes nunquam persuadebunt. Ita inutiles omnino sunt: nos enim non credimus esse septem, imo credimus non esse septem: ergo has congruentias esse omnino incongruas dicimus.

Sunt enim reuera futes fictiones, & puerilia ludibria nullius ingenii aut iudicii, ut facile agnoscas, e qua officina prodierint. Sunt si-

Vide  
VWhitakeri  
duplicat.  
aduers.  
Staples.

miles meritis de congruo hæc rationes à congruo: ut illa nullius meriti, ita hæc nullius momenti sunt. Quatuor vero congruentias affert,

Catech.  
Roman.  
art. 2.  
11.  
Alan de  
Sacram.  
14.  
Thom.  
cont.  
Gent. l. 4.  
c. 58.  
& alibi.

Prima, quam & Catechismus Romanus habet, & Alanus, & ante hos Thomas, sumitur à similitudine vitæ spiritualis & corporalis. Sed quis dabit hæc esse similia? quis hanc similitudinem concedet? quasi vita nostra spiritualis ex Sacramentis pendeat, cum Scriptura dicat, iustum ex fide sua vivere, quæ in anima est, non ex Sacramentis, quæ ad animam penetrare non possunt. Sed hæc tota ratio non nisi quædam similitudo est: at similitudines non probant, nec aliquam in se argumenti vim habent.

In vita corporali, inquit, requiritur primò generatio, sic in vita spirituali regeneratio, quæ est per Baptismum. Recte! ergo Baptismus non est repetendus, quia ut generatio non nisi semel fit, sic & regeneratio: alias non esset hæc congruentia.

Secundò post generationem debet esse augmentatio: hinc Baptismo additur Confirmatio, quia spiritualis augmentatio fit per Confirmationem. At augmentatio sæpius fit, & iteratur indies, usque dum ad ætatem, id est, ad ætatis maturitatem, summumque incrementum peruenerimus. Con-

firmatio vero semel tantum fit: ergo augmentatio potius Sacramento repetibili assimilari debet. Quare in hac congruentia est aliquid incongruum.

Tertiò opus est nutritione in vita corporali: ea vero in spirituali vita fit per Eucharistiam. At quis post augmentationem statuerit nutritionem, cum nutritio præcedere deberet, quia augmentatio provenit ex nutritione? postquam enim nascimur, primo nutriuntur tum augmentur corpora nostra.

Ergo hic etiam aliquid præposterum & incongruum est: nam in vita corporali primo est nutritio, tum augmentatio; at isti in vita spirituali augmentationem ante nutritionem ponunt.

Quarò, post hæc oportet morbos cauere aut curare: remedium vero contra morbos in vita spirituali est pœnitentia. Et tamen Pontificii dicunt, omnia Sacramenta esse remedia contra morbos spirituales: hic vero Bellarminus pœnitentiæ tantum hoc tribuit, quam solam habere vim remedii ait.

Quintò, oportet esse remedium contra reliquias morborum, atque hoc esse extremam unctionem ait. At hoc absurdum magis est, quam reliqua: ita enim pœnitentia non est satis efficax remedium, quia tollit morbum, sed non



reliquias morbi: aut ergo medicus imperitus Christus est, aut remedium non satis aptum adhibuit. Verum si pœnitentia potest curare morbos, potest certe etiam morborum reliquias curare. Sed quales, quæso, hæ reliquiæ sunt. Bellarminus non docet; alii autem apertius loquuntur: dicunt enim has reliquias esse venialia peccata.

*Compend. Theolog. Bonavent. in 4. d. 2. q. 3.* Hinc duo absurdissima colligo. *Primum* est, pœnitentiam posse tollere mortale, at non veniale peccatum. *Secundum* est, vñctionem extremam non nisi peccatum veniale tollere. At Sacramenta gratiam aliquam peculiarem conferunt: aqua vero benedicta potest venialia peccata tollere. Thomas

*Thom. 3. q. 65. art. 1. ad 8.* vero ait, Sacramentum nullum institutum esse contra veniale peccatum. Nunquid adhuc aliquid reliquum est etiam.

*Sexto*, adhuc requiritur Matrimonium, quo propagentur homines ad cultum Dei deputandi. At Matrimonium esse rem politicam non spiritualement omnes norunt. Multi sine Matrimonio vitam spiritualem ducunt, aut certe illorum Monastica vita non est spiritualis.

*Septimo* requiritur, ut sint Principes & Magistratus. Hinc Sacramentum Ordinis. Nugæ: nam multa alia in vita corporali necessaria sunt, si sic per singula ordine transeamus. Nonne enim vestis requiritur in singulis, qui vitam degunt corporalem? cibum illi requiri fatentur, at de veste ne ver-

bum quidem faciunt: ita oportet nudos vivere. Quanto magis congruum est, non nisi duo Sacramenta statuere, primum regenerationis, quæ generationi nostræ naturali similis est, alterum quo alimur & conseruamur, ut in vita corporali, & quæ ad vitam necessaria sunt percipimus.

*Secunda* ratio seu congruentia est ex numero peccatorum & vulnerum. Nam Baptismus, inquit, est præcipue contra originale: Pœnitentia contra actuale mortale: Vñctio extrema contra reliquias peccatorum: Confirmatio contra infirmitatem: Eucharistia contra malitiam: Matrimonium contra concupiscentiam: Ordo contra ignorantiam. Quasi vero non sint alia peccata; aut quasi concupiscentia, malitia, & reliquiæ peccatorum, non sint reuera peccata mortalia: at pœnitentiam dicunt esse contra mortale peccatum actuale. Pulchræ diuisa hæc sunt. Sed quanto conuenientius alii non nisi duo esse Sacramenta aiunt, cum duo tantum vulnera sint, culpa & pœnæ? nam si hæc dixerint multiplicari, certe in plures species quam septem multiplicantur. Imo si vulnerum nostrorum multitudinem respondeat Sacramentorum numerus, infinita erunt Sacramenta, quia vulnera nostra spiritualia infinita sunt.

*Tertia* ratio seu congruentia est ex numero virtutum: Baptismus, inquit, respondet fidei, Confirmatio spei, Eucharistia charitati, Pœnitentia

nitentia iustitiæ, Vñctio extrema fortitudini, Ordo prudentiæ, & Matrimonium temperantiæ. Sunt hic quidem tres virtutes Theologicæ, & quatuor Cardinales, ut vocantur. at aliæ sunt virtutes præter has. Quid enim de humilitate, liberalitate, mansuetudine, patientia, & aliis huiusmodi virtutibus dicent? quæ Sacramenta his virtutibus respondebunt?

*Quarta* & postrema congruentia est ex celebritate numeri septenarii in expiationibus, & hic multa testimonia cumulat. Imo ait totam Scripturam quodammodo clamare, futurum aliquando fuisse tempus, in quo septem insignia remedia darentur à Deo in expiationem peccatorum. Sed ego nullo tale aut clamantem aut loquentem Scripturam audio. Nam *primò*, ut cum Kemnitio respondeam, si hæc aut rationes, aut congruentiæ, aliquam in se vim habeant, tum debebant esse tot Sacramenta in vetere Testamento; nam idem tum, qui nunc, & peccatorum & virtutum numerus fuit, & tum etiam fuit & vita spiritualis, & corporalis. Bellarminus ait, Sacramenta vetera non fuisse instituta ad perficiendum hominem in vita spirituali, nec ad remedium peccati, excepta Circumcisione. Bene est, quod Circumcisionem excipiat: ergo saltem vnum Sacramentum veteris Testamenti institutum fuit in remedium peccati: si vnum, quidni cætera.

Sed quorsum reliqua Sacramenta instituta sunt? nempe, inquit, solum ad significanda mysteria Christiana: sed annon ad aliud? imo addit, & ad alios quosdam fines, sed propter quos alios fines instituta sunt, non explicat: certum autem est, ad eosdem fines instituta fuisse, ad quos nostra instituta sunt, nempe ut fidem fulcirent, confirmarent, augerent. Et si Deus Patribus veteris Testamenti nulla remedia dedit contra peccata, tum mortui sunt in suis peccatis, quod nemo de illis dixerit: nam peccata sunt morbi læthales: nisi ergo remedia aliqua habuerunt, actum certe fuit de illorum salute: perinde est enim dicere, non habuisse remedia, ac dicere, periisse illos in peccatis suis. At Deus illam Ecclesiam non minus amavit quam nostram: ergo non illi defuit in necessariis.

*Secundò* respondeo, si prima congruentia de similitudine vitæ spiritualis & corporalis aliquid in se virium habeat, tum septem etiam Sacramenta in vetere Testamento fuerunt. Nam veterum Israelitarum vitam aut fuisse aut debuisse esse spiritualem nemo nescit: ergo ut septem illis ad corporalem vitam, ita septem ad spiritualem necessaria fuerunt.

*Tertiò*, quod de celebritate numeri septenarii tam multa loquitur, dico esse alios numeros in Scripturis non minus celebres. Quid enim de numero ternario

respondebit, & de numero duodenario? numerus certe ternarius multo sanctior & celebrior est septenario, & numerus duodenarius sapientius in Scripturis repetitur: num idcirco aut tria aut duodecim Sacramenta statuemus? si tria, pauciora erunt quam septem, si duodecim, plura.

Sed Bellarminus ait, rationem Catholicorum sumi non ex quibuscunque numeris, sed ex numeris, qui significabant expiationem peccatorum. *Respondeo*: hoc aperte falsum esse. Nam alii Papistæ hunc septenarium numerum Sacramentorum probant per numeros etiam qui non significant talem expiationem, ut per septem candelabra in Tabernaculo Exod. trigesimo septimo, per septem oculos Zachar. 3. per septem sigilla Apocal. 5. per septem tubas Angelorum, Apocal. 8. per septem panes, quibus turbam Christus satiauit, Matth. decimo quinto: hæc & ejusmodi alia in Compendio Theologiæ habentur. In his omnibus locis nulla expiationis mentio fit. Sed quia horum puduit Bellarminum, reuocat hanc à celebritate numeri septenarii ductam rationem ad expiationes tantum. At neque semper in Scripturis septenarii numeri in expiationibus mentio fit.

Exod. 30.  
10.  
Heb. 9. 7.  
25, 26.

Summus Pontifex semel tantum in anno ingressus est Sanctuarium cum sanguine expiationis, ut significaret nos semel tantum per Christum à peccatis expi-

andos & redimendos esse: & Moses non nisi semel tantum dicitur <sup>Exod. 24. 8.</sup> populum, & librum, & altare, sanguine fœderis aspersisse. Sed quis huiusmodi inanissimis nugis vel verbum respondere dignaretur? Ita septem esse Sacramenta non aliter probat Bellarminus, nisi ex Theologis Scholasticis, & ex Florentino ac Tridentino Concilio, & ex hominum insomniis. Ego non persequar eiusmodi nani-<sup>Heb. 9. 19. 21. 22.</sup>as, quibus alii Pontificii vtuntur, ut probent septem esse Sacramenta. De his præclaris Aduersariorum argumentis satis multa diximus.

### C A P V T III.

*In quo nostra argumenta proponuntur & defenduntur.*

**I**AM nos nostra argumenta exponamus, quibus probamus non esse plura quam duo Sacramenta. *Primum* nostrum argumentum non ita proponitur, ut vult Bellarminus, nempe, Scripturæ nusquam tradunt septem esse Sacramenta; si per tradere intelligat expresse numerare, quod eum intellexisse ex eius solutione apparet: non enim requirimus, ut Scriptura vspiam sic expresse loquatur, Non sunt septem Sacramenta, aut, Sunt duo tantum Sacramenta? sed sic

sic argumentum instituimus; Habemus illustrem & claram auctoritatem Scripturarum pro duobus Sacramentis & non pluribus: ergo nos, qui debemus sapere ex Scripturis, non possumus plura quam duo Sacramenta statuere, ac proinde quinque illa Sacramenta, quæ addunt Aduersarii, sunt adulterina. Antecedens probatur, quia horum duorum clara Domini institutio habetur, qui addidit signis visibilibus & promissionem gratiæ, & præceptum vtendi; quod arguit esse Sacramenta: reliqua quinque, quia non habent & externum elementum, & verbum, tum promissionis, tum præcepti, non sunt pro Sacramentis habenda. Nam si alterutrum horum desit, tollitur ratio & definitio Sacramenti: deest autem alterum in singulis illis quinque, quæ pro Sacramentis ab Aduersariis habentur, ut nos postea Deo volente ostendemus.

Neque enim omnis ritus, aut ceremonia externa, est continuo Sacramentum: tum enim lotio pedum, & pulueris excussio, & osculum in sacris olim usurpatum, & alia huiusmodi essent Sacramenta: sed hæc non habent aut promissionem, aut præceptum.

Nec quicquid habet promissionem & præceptum statim erit Sacramentum, nisi adiunctum fuerit elementum externum, quia

precibus, & eleemosynis, & crucis, id est, afflictionis tolerationi cum patientia, tum præceptum est adhibitum, tum amplissimæ etiam promissiones factæ sunt; sed hæc nullum externum elementum habent. Ergo hæc duo concurrere debent, aut Sacramenta non tria tantum, aut septem, aut duodecim, sed plusquam viginti, imo fere infinita habebimus.

*Secundum* nostrum argumentum sumitur ex Iohanne decimo nono, ubi legimus ex perfosso Christi latere aquam & sanguinem effluxisse, quod Patres recte interpretantur de duobus nostris Sacramentis, Baptismo & Eucharistia, quæ à Christi latere manasse dicuntur, quia vim omnem à Christi morte hauriunt. <sup>Iohan. 19. 34.</sup>

Ita Chrysostomus ait, *hinc Sacramenta ortum habuisse: per aquam enim regenerati, sanguine & carne,* <sup>Chrysost. hom. 84. in Ioh.</sup> inquit, nutriti sumus. Et hæc vera congruentia est, esse duo tantum Sacramenta, primum, quo regeneramur, secundum, quo alimur, præsertim si teneat similitudo vitæ spiritualis & corporalis, de qua antea multa dixit Bellarminus, quia in vita corporali primo nascimur, tum nutri-  
mur: alioqui si tot sint Sacramenta, quot requiruntur ad vitam corporalem, multo plura Sacramenta erunt, quam septem. Si-  
militer Cyrillus. Ita etiam Theophylactus, cuius hæc verba sunt, <sup>Cyrl. in loc. Theophyl. in loc. Eccle-</sup>



Ecclesiæ ἡ ζωὴ, inquit, ἡ τῶν δύο γίνεται καὶ σωσάται, id est, Ecclesia vita per hac duo fit & consistit; per aquam enim γενόμεθα, inquit, id est, generamur, per carnem & sanguinem τεφόμεθα, id est, alimur: & hoc probat, quia ē corpore mortuo aut sanguinem aut aquam exire θαύμα παράδοξον ἐστίν, miraculum & inopinatum est. Similiter Damascenus, Christus ex latere suo ἐπήγαγεν πηλὴν ἀφ' ἑσέως, id est, effudit fontem remissionis peccatorum: & tum hæc duo Sacramenta nominat.

Damasc.  
l. 4. c. 10.  
de fid. orthodox.

Bellarminus respondet primo, non male posse sic locum exponi. Respondeo: ergo nos non male ex hoc loco argumentamur: & addit Bellarminus, Græcos fere omnes sic exponere. Sed ait, duo solum Sacramenta poni, quia sunt illa magis communia & principalia. Respondeo: imo quia sola Sacramenta sunt: nam aiunt Patres his absolui nostram salutem: ergo ex Christi latere fluxerunt omnia Sacramenta, quæ ad salutem sufficiunt, imo quæ ad perfectionem salutis requiruntur; & quis amplius desideraret? & ex ipsius Bellarmini confessione nostra Sacramenta sunt communiora & principaliora: at Patres non dicunt, magis principalia Sacramenta fluxisse ē latere Christi, sed omnia. Quare hæc ridicula Bellarmini responsio est.

Ergo secundo respondet, non esse necessarium sequi illam expositionem Græcorum, Respon-

deo: Quasi hæc Græcorum tantum sit expositio, & non etiam Latinorum: certè Augustinus habet nescio in quam multis locis. Nam ille sic scribit, *Dormit Adam, ut fiat Eva, moritur Christus, ut fiat Ecclesia: dormienti Ada fit Eva de latere: mortuo Christo lancea percussus, ut prosuant Sacramenta, quibus formetur Ecclesia.* Idem alibi ait, ostium Arcæ Nohe esse vulnus in latere Christi, quia per hoc ad Christum ingredimur, & quia hinc Sacramenta manarunt, quibus credentes initiantur. Simile quiddam in commentariis in Psalmos habet. Et alibi etiam scribit, hinc manasse Sacramenta Ecclesiæ, & sanguinem illum fusum esse in remissionem peccatorum, aquam hanc prestare & lauacrum & potum: nam hinc est, quod Ecclesia vetus cum vino in Eucharistia miscuit aquam: quod satis docet, quæ opinio Ecclesiæ fuerit de hoc sanguine & aqua. Et idem adhuc alibi hæc verba habet, *Percussus est eius latus, & statim manavit sanguis & aqua, quæ sunt Ecclesiæ gemina Sacramenta.* Similiter Cyprianus ait, ex hoc latere, emanasse Sacramenta perpetuo duratura.

Similiter etiam Beda Alexander Halensis, qui primus scripsit in Lombardum, ait à Christo non nisi duo instituta esse Sacramenta, Baptismum & Eucharistiam, idque eo quod ē Christo latere sanguis & aqua effluxerint. Si recte hi scripserint, & recte hunc locum exposuerint, non nisi duo Sacra-

Augustin.  
tract. 9. in  
Ioan. Eu.  
angel.

Idem de  
ciuit. Dei  
l. 15. c. 26.

Idem in  
Psalm. 40.

Idem in  
tract. 120.  
in Ioan.

Idem de  
symbol. ad  
catechu.  
l. 2. c. 6.  
Cyprian.  
de pass.  
Christi.

Beda in  
Ioan. 19.  
& in Luc.  
l. 6. c. 24.

Sacramenta sunt, quia non nisi duorum materia ex latere Christi manavit, non oleum, quo in reliquis Sacramentis vtuntur Pontificii, sed tantum aqua & sanguis. Et mihi ista expositio valde placet, non modo quia Sacramenta vim omnem à Christi morte habent, sed quia nos ad fontem suum, id est, ad Christi latus deducunt.

1. Cor. 10.  
1. 2. 3. 4.  
&c.

Tertium nostrum argumentum sumitur ex 1. Corinth. 10. ubi Apostolus monet Corinthios, ne nimium Sacramentis suis confidant, & impunitatem ex privilegiis Sacramentorum sperent; nam & vereres Israelitas vltos esse olim iisdem Sacramentis, quibus illi, & tamen multos ex illis misereperiisse. Hunc esse huius loci scopum Apostolicum nos supra docuimus. Iam vero Apostolus non nisi duo Sacramenta hoc in loco commemorat, nempe Baptismum & Eucharistiam: ergo duo tantum, & non plura sunt. Si enim Christiani haberent, alia aut plura Sacramenta, potuissent Corinthii respondere, se non reformidare hanc comminationem, quod plura haberent Sacramenta, quam veteres Israelitæ habuerunt, septem nimirum, quæ sunt illustria & præclara remedia peccatorum, in quibus facile possent remedium inuenire, si forte in peccatum aliquod inciderent, nempe præter Baptismum & Eucharistiam, etiam Pœnitentiam, extremam vñtionem, Confirma-

tionem, & reliqua. Vnde constat, Apostolum non nisi duo Sacramenta Ecclesiæ Christianæ agnouisse, quemadmodum reuera non nisi duo Ecclesiæ Israeliticæ fuerunt.

Veteres enim Israelitæ non nisi duo Sacramenta perpetua & ordinaria habuerunt, Circumcisionem, cui respondet Baptismus noster, & Agnū Paschalem, cui nostra Eucharistia respondet. Habebant quidem præterea purificationes & sacrificia, sed hæc eiusdem generis cum Agno Paschali fuerunt, & nostrorum peccatorum expiationem per sanguinem Agni immaculati adumbrarunt.

Et si nostra Sacramenta veteribus repræsentata fuerunt, vt docent Patres ac Scholastici, tum duo tantum sunt nostra Sacramenta: nam doceant illi, quibus Sacramentis veteris Testamenti repræsentata sunt quinque illa adulterina Sacramenta, nempe Confirmatio, Pœnitentia, Ordo, Matrimonium, Extrema vñtio: vnde hæc non esse Sacramenta constat, quia Iudæi non habebant vlla Sacramenta, quæ horum typi fuerunt. At Circumcisionem Baptismi typum fuisse, vt & nubem; & Agnū Paschalem ac reliqua sacrificia Eucharistiæ typos fuisse, nemo nescit.

Et cum vetera Sacramenta à nostris differant non nisi in modo significandi, vt ait Augustinus

Z. ope-

oportuit esse præfiguratiuum ali-  
quid in vetere Testamento, ubi  
est commemoratiuum in nouo:  
at nulla fuerunt præfiguratiua ho-  
rum quinque, sed tantum nostro-  
rum duorum: unde sic concludi-  
mus, Duo tantum fuerunt præfi-  
guratiua seu prænunciatiua: er-  
go duo tantum sunt commemo-  
ratiua.

Nunc ex Patribus quædam af-  
feremus, inter quos primum lo-  
cum Augustino tribuimus pro-  
pter dignitatem, non propter an-  
tiquitatem. Augustinus nostram  
sententiam non obscure confir-  
mar. Etsi enim nusquam ait,  
non esse septem Sacramenta,  
aut non esse nisi duo, imo tri-  
buit etiam nomen Sacramenti  
pluribus: tamen non alia esse  
tam proprie Sacramenta, quam  
hæc duo, apertissime multis in lo-  
cis docet. Tribuit ille quidem  
nomen Sacramenti aliis ritibus &  
ceremoniis præter Baptismum &  
Eucharistiam; tamen nusquam  
docet, esse eodem modo aut æ-  
que Sacramenta, ut sunt Bapti-  
smus & Eucharistia. Vocat ille  
quidem Ordinationem Sacra-  
mentum, sed sic etiam crucem  
Sacramentum vocat, & alias res,  
ut postea docebitur. Quando  
vero expresse, & proprie, & stri-  
cte loquitur, duo tantum Sacra-  
menta numerat; aliter vero cum  
loquitur, multa facit.

August.  
de doctr.  
Christi. l. 3.  
c. 9.

In tertio libro de doctrina Chri-  
stiana hæc verba habet, *Pauca*

*pro multis, eademque factu facillima,  
& intellectu augustissima, & conser-  
uatione castissima, ipse Dominus, &  
Apostolica tradidit disciplina, sicuti est  
Baptismi Sacramentum, & celebratio  
corporis & sanguinis Domini.*

Bellarminus ait, Augustinum  
hæc duo exempli loco ponere,  
quia ait, *sicuti*. Sed *Respondeo*: Tum  
potuisset alia nominare, æque  
ac Baptismum & Eucharistiam,  
nempe Matrimonium & Confir-  
mationem, aut Pœnitentiam &  
Ordinationem. Sed legendus &  
expendendus est locus. In eo lo-  
co Augustinus statum Christia-  
norum cum statu Israelitarum  
comparat; illos ait habuisse mul-  
ta signa, nos pro multis pauca, &  
quæ illa pauca sint docet, nempe  
Baptismus & Cœna Domini. Si  
non numerat omnia, non expo-  
nit discrimen inter illorum statum  
& nostrum. Si enim hæc posu-  
isset tantum exempli loco, & si  
plura fuissent, potuisset aliquis  
dicere, ea quæ tacebantur forsitan  
multa esse, ut exæquarent  
numerum Sacramentorum illo-  
rum, quæ Iudæi habuerunt. Se-  
ptem certe Sacramenta non sunt  
pauca.

Quomodo ostendit Augusti-  
nus Christianos habere pauca Sa-  
cramenta, si præter hæc duo alia  
habeant, nescio quam multa?  
Sic etiam alibi, *Sacramentis nume-  
ro paucissimis, significatione præstan-  
tissimis, obseruatione facillimis, so-  
cietatem noui populi colligauit, sicuti  
est*

Idem E-  
pist. 118.  
c. 1.

est Baptismus Trinitatis nomine con-  
secratus, & communicatio corporis &  
sanguinis ipsius: ergo non sunt plu-  
ra Sacramenta, quam duo, quia  
duo sunt paucissima.

Sed Bellarminus ait, Augusti-  
num subiungere, & *si quid aliud  
in diuinis literis commendatur*: ergo  
indicare, etiam plura esse, quam  
duo. *Respondeo primo*: Hinc intel-  
ligimus, quomodo illud *sicuti*  
vlturpari possit, etiam quando nul-  
lum omittitur: nam hic Augu-  
stinus complexus est alia omnia,  
si sint alia, & tamen ait, *sicuti*:  
*Secundo*, quod ait Augustinus, &  
*si quid aliud*; non nescio Augusti-  
num tribuere aliquando nomen  
Sacramenti etiam iis rebus, quæ  
non sunt Sacramenta omnino,  
nec quæ ab ipso pro Sacramen-  
tis habentur æque ac hæc duo,  
aut eodem modo, quo hæc duo:  
imo tribuit nomen Sacramenti  
multis rebus, quæ ne à Pontifi-  
ciis quidem ipsis pro Sacramen-  
tis agnoscuntur. Illa ergo verba  
Augustini, *si quid aliud*, non argu-  
unt eum sensisse, esse alia pro-  
prie & vere Sacramenta, sed esse  
alia, quæ possunt eo nomine vo-  
cari.

Idem in  
Epist. 119.  
c. 19.

Et fateor Augustinum cum his  
duobus alia quædam coniunge-  
re, ut Ordinationem, & Con-  
firmationem, non quod hæc æ-  
que esse Sacramenta sensit, sed  
quod quandam rationem Sacra-  
mentorum habeant. Similis lo-  
cus alibi habetur, ubi ait, Deum

voluisse nostram religionem esse  
liberam, quam paucissimis Sa-  
cramentis contentam, & tamen  
ait Ecclesiam eo tempore ita fuisse  
oneribus & sarcinis humanis oner-  
atam, ut Iudæorum conditio to-  
lerabilior esset, quam fuit cum  
Christianorum. Si tam multa  
sint Sacramenta, eaque tam mul-  
tis ritibus & ceremoniis alligata,  
quam volunt Papistæ, non mo-  
do magis seruilis esset status no-  
ster, quam fuit olim Iudæorum,  
sed multo certe intolerabilior.  
Nam ut cæteras taceam constitu-  
tiones & ritus infinitos apud Pon-  
tificios, qualis, quæso, sarcina,  
& quam intolerabilis, vnum Pœ-  
nitentiæ Sacramentum Pontifi-  
cium fuit? hominem cogi ad  
confessionem omnium & singu-  
lorum peccatorum, quæ vnquam  
admisit, tale onus est, quale nul-  
lum Iudæi habuerunt. Quid di-  
xisset Augustinus, si hoc & alia  
eiusmodi onera Papistica vidisset?  
si tempore Augustini tam multæ  
sarcinæ fuerunt, ut tolerabilior  
esset Iudæorum conditio, quam  
Christianorum, quid tandem di-  
ctum illum existimamus, si his  
nostris seculis vixisset, & tantam  
molem sarcinarum, quanta nunc  
est, conspexisset.

Denique idem Augustinus *August.  
de sym-  
bol. ad ca-  
techum. l.  
2. c. 6.*  
alibi ait, esse Ecclesiæ gemina  
Sacramenta, eaque à Christi late-  
re fluxisse. Quod gemina dicit, in-  
dicat tantum duo esse: nam septem  
aut plura quam duo non possunt  
dici



dici gemina. Gemini dicuntur, quos mulier vno partu edidit; quæ enim fœmina plures liberos quam duos, exempli gratia tres aut quatuor peperit, ea non dicitur gemellos aut geminos peperisse. Ergo Augustinus hæc duo esse gemina & genuina Ecclesiæ Christianæ Sacramenta existimauit: etsi enim nomen Sacramenti aliis tribuit, non tamen proprie, ut his duobus, Fateor Augustinum & Confirmationem & Ordinem vocare Sacramenta, nusquam tamen sic esse Sacramenta proprie ait, ut est Baptismus. Quare non mentitus est Calvinus, cum dixit Augustinum duobus Sacramentis contentum esse, loquitur Calvinus de Sacramentis proprie dictis. Augustinus certe ad alias multas res Sacramenti nomen accommodauit: nam ille omne signum sacrum vocat Sacramentum; *Signa*, inquit, *cum ad res diuinas pertinent, Sacramenta appellantur*: at hoc non sufficit, vt sit sacrum signum, nisi promissum habeat, & præceptum; alioqui satis multa Sacramenta habebimus: nam sic omnes ritus sacri & Ecclesiastici erunt Sacramenta, vt signum crucis, quo Christiani multum vsi sunt illo tempore, & lotio pedum, & alia huiusmodi.

Satis est quod Augustinus hæc duo præcipua esse Sacramenta dixit: in eo enim his peculiare quiddam tribuit. De Augustino diximus, nunc reliquos Patres per-

sequamur. Iustinus Martyr, cum  
Christianæ Ecclesiæ & religionis  
ritus proponit, non nisi duorum  
tantum Sacramentorum memi-  
nit, Baptismi & Eucharistiæ. Bel-  
larminus fatetur hoc esse verum,  
sed ait, non fuisse opus, ut quic-  
quam diceret de aliis Sacramen-  
tis: quare, quæso? quia erant, in-  
quit, ignota Gentilibus: at hæc  
nulla ratio est, quia non magis il-  
lis ignota fuerunt, quam Bapti-  
smus: num Matrimonium iis  
ignotum fuit? quare ergo? quia  
exercebantur, inquit, sine calu-  
mnia: at tunc ne Baptismi memi-  
nisset: nam nunquam Christiani  
propter Baptismum male audie-  
bant; propter Cœnam, fateor: di-  
ctum est enim, illos ad epulas  
conuenire, & postquam sese in-  
gurgitassent, tum miscere libi-  
dines.

Athenagoras hæc verba habet, *Athen.* α  
 τρία ἄσπιμῶσις ἡμῶν ἐγκλήματα, πρῶτον  
 ἀθεότης, δεύτερον δὲ πῦρ, οἰδιποδείας α.  
 μίσεις, *Tria aduersus nos crimina di-*  
*uulgant, quod Deum esse negemus,*  
*quod Thyestæa conuiuia, & Oedipo-*  
*daos concubitus exerceamus :* intelli-  
 git vero cruenta conuiuia, & in-  
 cestuosos ac illicitos concubitus:  
 nam Thyestem filios suos come-  
 disse, Oedipum vero cum ma-  
 tre sua concubuisse, poetæ refe-  
 runt.

Iustinus ait , se esse accusatos  
maxime, quod essent Christiani:  
ergo velle se , quales Christiani  
essent , exponere , & illorum ritus  
ac instituta commemorare : non-  
ne opus

ne opus fuit , vt alia non minus  
Sacramenta recenseret , si essent  
a'ia? & hæc vulgo omnibus Chri-  
stianis obiecta fuisse ait , *λυχνίας*  
*ἀνατρεπών* , *τὰς ἀνέδλω μίξεις* , καὶ  
*αἰθρωπείων σαρκῶν βορρὰς* , quod  
*lucernas extinguerent* , & *promiscue*  
*concomberent* , & *carnes humanas de-*  
*norarent*. Iustinus negat hæc omnia,  
& docet ritus, quibus utebantur:  
opus ergo erat, vt totam rationem  
professionis Christianæ explica-  
ret.

Ergo Iustinus ait , quomodo nos Deo *ἀνεθήκαμεν*, id est ; consecrauimus, exponam: & tum mox de forma Baptismi & Cœnæ scribit. Quis non videt,quin si Christiani tum alios ritus consecrationis habuissent , Iustinus illorum mentionem fecisset ? hæc forma Ecclesiæ fuit, in qua Iustinus vixit, & tum etiam Romanæ Ecclesiæ; nam Romæ scripsit hanc Apologiam Iustinus. Non meminit ille Confirmationis , aut Pœnitentiæ, aut Marrimonii , aut Ordinationis , aut Vnctionis extremæ: Pœnitentiæ quidem mentionem facit , sed quæ Baptismum præcedit; non ergo vt Sacramenti. Hæc simplicitas fuit temporum illorum. Irenæus similiter mentionem facit duorum tantum Sacramentorum, non plurium, Baptismi scilicet & Eucharistiæ, & docet quomodo his abusi sunt hæretici , & quomodo suos sacros inungunt, vt chrisma Pontificium ab hæreticis fluxisse videatur.

Sed Bellarminus ait , eum facere mentionem Pœnitentiæ & Confessionis. *Respondeo*: in loco à Bellarmino citato facit quidem mentionem Confessionis, sed non Papisticæ : ait Valentinum Romæ ἐξομολόγησιν fecisse, id est, confessionem suæ fidei; & alibi ait Deum servare ἐν μετανοίας, per pœnitentiam: quis negat resipiscentiam requiri à quovis Christiano, postquam peccatum aliquod admisit? non tamen ideo pœnitentia Sacramentum est: tum enim & fides, & charitas Sacramentum erit, quia sine his homo non servatur. Tertullianus etiam horum meminit, non aliorum.

Sed Bellarminus ait, eum face-  
re mentionem olei. *Respondeo:*  
sic etiam mellis & lactis; quod  
Bellarminus tacuit: ait enim Chri-  
stum infantare suos melle & lacte;  
quod ille nusquam ex Scripturis  
didicit, sed ex paracleta Monta-  
ni: unde illorum Confirmatio  
ab hæreticis originem traxisse vi-  
detur. Sed magis adhuc perspi-  
cuae alibi, ubi ait, Marcionitas non  
admittere ad Sacramentum Ba-  
ptismatis & Eucharistiæ, nisi eos  
qui coniurauerint aduersus fru-  
ctus nuptiarum, ubi Beatus Rhe-  
nanus annotauit in margine, Ba-  
ptismum & Eucharistiam fuisse  
duo Sacramenta Ecclesiæ primi-  
tiuæ.

Sed ait Bellarminus, Tertullianum non dicere, duo tantum esse Sacramenta. *Respondeo* : Non refert ; nam quod Marcionitas ait

Idem l. 3.  
c. 4.

*Idem l. I.*  
*c. 2.*

Tertull. l.  
I. cont.  
Marcion.

Idem l. 4.  
cont.  
Marcion.

Iren. l. 1  
c. 48.

non nisi hos admittere ad hæc duo, patet Ecclesiam non nisi hæc duo pro Sacramentis habuisse; nam si habuissent, tum & alia nominasset: non minus enim non nisi hos ad ea admisissent; & sic Rhenanus vir doctissimus. Idem a-  
*Idem de coron. milit.*  
 libi horum duorum meminit: & Bellarminus ait eum ibi non nisi duo nominare: at aliter se res habet: nam baptizatos ait statim post Baptismum prægustare mellis & lactis concordiam, & tum per totam hebdomadam abstinere à lauacro quotidiano: quod Papistæ, nisi fallor, post Confirmationem facere solent.

Quare ergo ait Bellarminus, cum non nisi duo nominare? latet in hoc mysterium? voluit scilicet nos existimare, hoc de Confirmatione accipi; *primò*, quia qui apud illos confirmantur, non prægustant mellis & lactis concordiam, sed in fronte tantum vnguntur: *secundò*, quia tum videretur Confirmatio à Montano sumpsisse exordium: fuit enim Tertullianus Montanista, cum hunc librum scripsit, & per totum fere librum, atque adeo hoc ipso in loco pro Montano pugnat, & contendit strenue, non totam disciplinam Christianam esse in Scripturis, sed traditiones non scriptas adiungendas esse; quod Papistæ quoque dicunt. Sumant ergo sibi illas traditiones, & tum præclari Catholici,

id est, plane Montanistæ erunt.

Idem quoque Tertullianus *Idem in lib. de resurrex. carn.*  
 alibi horum duorum mentionem facit, Baptismi scilicet & Eucharistiæ. Meminit ibi præterea, factor, vñctionis, & impositionis manuum, sed non ita meminit, quasi putaret esse Sacramenta à Baptismo distincta & separata: nam veteres Christiani his ceremoniis in Baptismo utebantur: non erant hæc peculiaria Sacramenta, sed ritus aut appendiculæ Baptismi.

Bellarminus ut hoc improbet, non dubitat mendacium manifestum dicere: ait enim Tertullianum posuisse manuum impositionem post Eucharistiam; quod si ita se haberet, verisimile esset, non id sensisse Tertullianum, quod nos dicimus: sed reuera Tertullianus Eucharistiam ponit post impositionem manuum; nam primo loco Baptismi meminit, tum chrismatis.

Miror Bellarminum tam cœcum fuisse. Cyprianus in omnibus fere locis duo nostra Sacramenta commemorat, nusquam vero septem Sacramenta esse dicit. Nam quod aliqui libros eius de vñctione chrismatis, & de ablutione pedum obiciunt; omnes norunt, hos non esse Cyprianum, idque etiam Pamelius Papista agnoscit, qui edidit Cyprianum: nec in his tamen libris  
*Cyprian. lib. 2. ep. ad Steph.*  
 vspiam

vspiam dicitur, septem esse Sacramenta. Confirmationem quidem alicubi vocat Sacramentum, sed non ita proprie ut Baptismum: nam Sacramenti nomen late patet, & ad multa extenditur, ut nos partim docuimus, partim postea fusius docebimus. Certe in Pontificali commissio salis & aquæ, facta ab Episcopo, cum benedicit lapidi ponendo in fundamento Ecclesiæ ædificandæ, vocatur salutare Sacramentum. Et forsan Cyprianus Confirmationem intellexit ut Baptismo annexam, non ut à Baptismo separatam aut distinctam: nam impositio manuum, ut diximus, erat olim ceremonia & appendicula Baptismi.

*Pontifical. 106. a.*  
 Iam vero Cyrillus Hierosolymitanus, qui scripsit librum *κατὰ χρίσμων*, in quo proprie de Sacramentis tractandum illi fuit, & ubi omnia Sacramenta commemorare debuit, non plura memorat quam duo, Baptismum scilicet & Cœnam Domini.

*Cyrill. Hierosol. in lib. κατὰ χρίσμων.*  
 Bellarminus ait, eum meminisse chrismatis. *Respondeo*: Sed non dicit chrisma esse nouum Sacramentum, aut par Baptismo. Solebant quidem olim vngere eos, qui baptizati sunt, sed hæc vñctio quoddam quasi additamentum fuit ad Baptismum: alioqui non satis recte & Orthodoxe à Cyrillo ibidem diceretur, nos ab hoc Chrismate dici Christianos;

quasi infantes, qui ante Confirmationem moriuntur, non essent Christiani: nam ait, ante Chrisma neminem posse vere dici Christianum.

Nam olim statim, ut baptizatus quis est, eum oleo vngabant, non quasi nouo Sacramento, sed ut gratiam Baptismi adumbrarent: iam vero Pontificii ut nouum Sacramentum adhibent, & quidem post annos multos à Baptismo.

Et fatetur Cyrillus hoc Chrisma à Mose sumptum esse: at Sacramenta omnia à Christo instituta sunt. *Ambros. in lib. de iis qui in init. myst.*  
 Ambrosius scripsit librum de iis, qui initiantur mysteriorum, in quo libro quis non videt consentaneum fuisse, ut omnia Sacramenta recitaret, & tamen ille ibi duo tantum commemorat.

Bellarminus ait, eum meminisse Chrismatis. *Respondeo*: Quid enim? num ergo Sacramentum fuit? tum candida vestimenta essent Sacramenta; nam & horum ibidem meminit Ambrosius.

Præterea idem Ambrosius sex *Idem in lib. de Sacram.*  
 libros scripsit de Sacramentis: mirum est in his libris non meminisse septem Sacramentorum: at ille ne in his quidem vspiam nisi duorum meminit.

Bellarminus ait, eum Chrismatis meminisse. *Respondeo*: at 3. de Sacram. c. 2.  
 tum Chrisma in parte Baptismi fuit, & ritus quidem Baptismalis.  
 Sed



Sed cur isti Patres, cum ex professo de mysteriis & Sacramentis scribunt, non nisi horum meminerunt? cur non septem Sacramenta discrete posuerunt? si Chrisma pro Sacramento habuerunt, tamen non nisi trium meminerunt. Attendite sciam Bellarmini rationem: quia, inquit, ad Cerechumenos ex professo scribunt. *Respondeo*: Quasi Catechumenorum non inter sit, scire alia Sacramenta, si modo alia essent? si Patres hi plura esse Sacramenta existimassent, eorum mentionem aliquam fecissent. Certe hodie omnes, qui scribunt Catechismos, Sacramenta omnia numerant, & illorum usum demonstrant. *Clem. Rom. l. i. Recognit.* Clemens Romanus in libris Recognitionum, quos libros Rufinus transtulit, duo Ecclesiae Sacramenta ponit, Baptismum & Eucharistiam.

Dionysius Areopagita Ecclesiasticam hierarchiam scripsit, in quo libro ratio postulabat, ut omnium Sacramentorum explicatio fieret, quia pastores Ecclesiastici debent omnia administrare. Quare ergo de Pœnitentia, de Matrimonio, de Extrema Vnctione nihil scripsit? facit ille quidem mentionem vñctionis, sed illa fuit mortuorum: at ralem vñctionem Papiſtæ non esse Sacramentum agnoscunt.

*Dionys. Areopag. de Ecclesiast. hierarch. c. 2.* De Chrismate (fateor) habet nonnulla, sed nihil, unde Sacramentum esse constet: nam ait, oleo perfusus esse homines, ante-

quam baptizati sunt: at Pontificii vngunt post Baptismum: & ait, oleum infusum fuisse in aquam Baptismi; quod Pontificii non faciunt: & ait præterea Dionysius, post Baptismum etiam Chrismate vñctos fuisse, quemadmodum & Clemens Alexandrinus; unde constat, fuisse hanc ceremoniam quandam circa Baptismum, non Sacramentum. *Clemens Alexand. c. vii. l. 3. c. 16.*

Sed Bellarminus causam assignat, cur non omnium Sacramentorum meminit Dionysius, nimirum quia scribit de solennibus actionibus Hierarchæ, id est, Episcopi: ergo de Baptismo, & Eucharistia tractat, inquit, item de Consecratione olei, & Ordinatione Clericorum: cætera tria omisit. *Respondeo*: At Baptismus potest administrari à Presbytero, imo tempore necessitatis, ut illi volunt, à quouis laico, etiam à fœmina: de Baptismo autem agit Dionysius: deinde de ritibus in sepultura mortuorum agit, qui non à solis Episcopis usurpari solent.

Non hunc Dionysium adduco, quasi eum vere Areopagitam fuisse existimem, de quo satis multa suo loco diximus. Et hic in capite ultimo Ecclesiasticæ Hierarchiæ se prodit: nam ait se à magistris accepisse, infantes esse baptizandos; qui id ex antiqua traditione didicerunt: num sic ille scriberet, si cum Apostolis vixisset, & si Pauli discipulus ac auditor fuisset? Sed qualiscunque fuerit,

rit, aut quodocunque vixerit, constat illum nesciuisse hanc Sacramentorum ἐπιτάφη, id est, hunc septenarium Sacramentorum numerum. Gregorius Magnus à Gratiano citatur. Ille tria Sacramenta numerat; Sunt Sacramenta, inquit, Baptisma, Chrisma, Corpus & sanguis Domini. Quomodo Chrisma Sacramentum dicatur, satis diximus. Quare non plura numerat Gregorius? in promptu causa est, quia non putauit esse plura.

Sed Bellarminus negat hoc esse Gregorii testimonium; verba enim illius Canonis in Gregorii operibus non inueniri. *Respondeo*: Mea nihil refert: citavit Gratianus tanquam Gregorii testimonium, & habentur hæc verba apud Isidorum: ergo antiqui auctoris sunt, si non Gregorii. Et quanquam non ait, esse tantum hæc tria Sacramenta, tamen perinde est, ac si hoc diceret: nam refellit eos, qui putant à malorum Ministrorum Sacramentis abstinendum, & tum Sacramenta numerat, & his definitionem Sacramenti conuenire docet: debebat ergo alia quoque addere, si alia nosset.

Rabanus Maurus Archiepiscopus Moguntinus scripsit multa volumina, & diligenter de Sacramentis scribit, & tamen nusquam numerat septem Sacramenta. Bellarminus ait, eum tractasse de omnibus Sacramentis præter Matrimonium. *Respondeo*: At ille

nusquam ait esse septem Sacramenta, imo non nisi tria esse in multis locis affirmat, & alicubi non nisi duo. Ait enim, *Vt Mo-* *Raban. Maur. in lib. de Sacram. Eucharist. c. 9. & c. 24.* ses virga percutiens petram, produxit fontem viuens aquæ; sic Christus mortem crucis degustans sanguinem & a quam produxit de latere suo: qui in duobus Sacramentis sancta induitur Ecclesia.

Hinc constat, per Chrisma a- *Idem in lib. 3. de sermonibus propriis. c. 1.* pud illum non Sacramentum paratum, sed partem Baptismi intelligi: nam Chrisma non fluxit ex latere Christi. Nec mirum est, quod Sacramentum dicat esse Chrisma, quod non nisi ceremonia Baptismi fuit, cum alicubi duo faciat Sacramenta in Eucharistia, vnum corporis, alterum sanguinis Domini: quod etiam Cassander obseruauit. Paschasius circa eadem tempora vixit: is librum scripsit de corpore & sanguine Domini. *Cassand. art. 13. Paschas. in lib. de corp. & sang. Domini. c. 3.*

Bellarminus ait, non esse mirum, si hoc in libro tractet non nisi de Eucharistia. *Respondeo*: At ille definitionem Sacramenti proponit, & tum quæ talia Sacramenta sunt docet, & ut Rabanus Maurus, Baptismum cum Chrismate & Eucharistiam nominat, non alia. Algerus scripsit libros tres de Eucharistia contra Berengarium: is ait, Christum duplici Sacramento conformare vnum corpus Christi & Ecclesiae: ita hic non nisi duplex Sacramentum statuit, ut prius Augustinus gemina Sacramenta. Rupertus ait, duo esse Sacramenta ma- *Alger. l. i. de Eucharist. c. 19. Rupert. l. 3. de Sapientia. c. 1.*

Idem de  
victoria  
verbil.  
12. c. 10.

xima, Baptismus & Eucharistia: & alibi quot sint præcipua nostra salutis Sacramenta docet, nempe duo, Baptismus & Eucharistia. Ita quanquam isti interdum nomen Sacramenti rebus aliis tribuunt, tamen non nisi duo Sacramenta præcipua stantur, quod perinde est ac si dicerent, proprie non nisi duo Sacramenta esse: alias enim si illa alia essent non minus Sacramenta, cur hæc præcipua & maxima Sacramenta vocant? Nunc peruenimus ad seculum Lombardi: ille primus ausus est dicere, septem esse Sacramenta; & tamen etiam post Lombardum nonnulli dixerunt esse duo.

Alexand.  
Halen. p.  
4. q. 8.  
memb. 2.  
art. 1.

Idem p. 4.  
q. 24.  
memb. 1.

Besarion.  
in lib. de  
Euch Sa-  
cram.

Alexander Halensis ait, non nisi duo Sacramenta à Christo instituta esse: reliqua per Apostolos data esse: non enim quando aut ubi à Christo instituta sunt, legi. At idem alibi sic scribit, Sacramentum Confirmationis, ut est Sacramentum, neque Dominus instituit, neque Apostoli: sed postea institutum est in Concilio Meldensi. Besarion Cardinalis hæc verba habet, Duo Sacramenta nobis à Salvatore tradita fuerunt: & postea, Hæc duo sola Sacramenta in Evangeliiis manifeste tradita legimus: ergo alia non à Christo, nec manifeste à quoquam tradita sunt. At Papistæ, etsi nullum verbum de aliorum institutione in Scripturis habent, tamen omnia esse à Christo instituta dicunt. Et quidem Scholastici ingenue fatentur, quædam ex

his septem non esse Sacramenta, ut Confirmationem & Matrimonium. Quare iam non potest esse cuiquam obscurum, vtra sententia verior sit, nostrane de duobus, an illorum de septem Sacramentis.

De numero Sacramentorum ea iam diximus, quæ satisfacere possent Aduersariis, nisi essent peruersissimi & deploratissimi: vnus tamen adhuc scrupulus restat, quomodo Patres non nisi duo esse Sacramenta dicant, cum reliqua quinque in multis locis Sacramenta ab illis vocentur. Sic enim argumentum institui potest: Patres Confirmationem, Pœnitentiam, & alia nonnulla vocare solent aliquando Sacramenta: ergo vere Sacramenta sunt. Respondeo primo: non posse ex Patribus proferri testimonia pro omnibus illis quinque supposititiis Sacramentis: nullum enim ex Patribus pro extrema Vnctione testimonium afferre possunt. Bellarminus quidem affert aliquid, sed ex Innocentio tantum primo, & Bernardo. Faciunt quidem Patres interdum mentionem huius ceremoniæ, sed non aiunt esse Sacramentum.

Secundo, fateor Patres aliquando tribuere nomen Sacramenti aliis rebus ac ritibus, quam his duobus, tamen hoc cum distinctione quadam faciunt, ut palam appareat, hæc magis proprie esse Sacramenta, quam alia. Vocant enim hæc maxima, & præcipua, & gemina Sacramenta.

Tertio

III.

Tertio dico Patres aliquando latius sumere nomen Sacramenti pro quavis cerimonia, aut re symbolica, aut signo externo, aut actione, quæ aliud quiddam indicat aut adumbrat: & sic fateor esse multa in Ecclesia Sacramenta. Hoc modo non nego Matrimonium dici posse Sacramentum, quia adumbrat arctum illud vinculum & coniunctionem Christicum Ecclesia. Sed tamen affirmo, hos eosdem, cum restrictius loquuntur, & Sacramenta sumunt pro iis signis, quæ ex institutione Christi annexam gratiæ promissionem habent, tum docere Ecclesia Sacramenta à Christi latere fluxisse, id est, non nisi duo Sacramenta esse.

IV.

Quarto dico habere nos illustria testimonia de duobus Sacramentis, non autem de reliquis quinque. Qui enim dicunt Confirmationem esse Sacramentum, non dicunt Ordinationem Sacramentum esse; qui pro Ordinatione afferuntur, nihil tale pro pœnitentia dicunt; qui de pœnitentiæ Sacramenti nomen tribuunt, non tribuunt Matrimonio: extremam vero vunctionem nemo Patrum Sacramentum vocat. At nostra duo omnes pro veris Sacramentis agnoscunt: æquum igitur est, ut nos horum longe aliam rationem habeamus, quam cæterorum, & de illis honorificentius, quam de his sentiamus.

V.

Quinto non moramur, si quis cum Patribus vocet reliqua Sacramenta, modo non contendat, pa-

ria esse Baptismo & Eucharistiæ: quod Patres nunquam fecerunt; imo ne Scholastici quidem ipsi omnia esse æque proprie Sacramenta affirmant, quemadmodum & res clamat, & Cassander restatur, Cassand. & nos postea docebimus. Non enim de nominibus, sed de rebus contendimus: atque hoc est, quod Lutherus & Melancthon dicunt, se non admodum de numero Sacramentorum litigare, modo res in Scripturis præceptæ retinerentur.

VI.

Sexto igitur dico, non valere argumentum; Patres hæc vocant Sacramenta: ergo sunt vere Sacramenta secundum propriam definitionem Sacramenti. Respondeo enim primo, Patres cum hoc dicunt de Sacramento loqui secundum illam latiore nominis notionem, non secundum exquisitam definitionem rei. Secundo, si valeret hoc argumentum, sequeretur multo plura esse Sacramenta, quam duo: imo hoc modo nullus esset numerus Sacramentorum, quia Patres hoc nomen multis aliis rebus tribuunt, quod ut reuera ita esse appareat, nos quædam testimonia proferemus. Augustinus ait, panem illum, qui Cathumenis ante Baptismum dabatur, quem communionis vicarium vocare soliti sunt, fuisse sanctiorem aliis cibis, quia fuit Sacramentum: & tamen sumet atur ante Baptismum, ac proinde non potuit esse Sacramentum, quia nullum est Sacramentum ante Baptismum. Ille mos nunc desit, Aa 2 at fuit

August.  
de peccat.  
merit. &  
remis. l. 2.  
c. 16.



at fuit in vetere Ecclesia. Non ergo mirum est, si Augustinus Confirmationem vocet Sacramentum.

*Idem de Symbol. ad Catechum. l. 4. c. 1.* Idem omnes illos ritus, qui adhiberi & usurpari solebant olim circa Catechumenos, vocat Sacramenta. Similiter signum crucis

*Idem ser. 19. de Sanctis.* Sacramentum vocat; *In hac, inquit, crucis figura continetur Sacramentum:* & sic alibi crucem inter Sacramenta numerat. Imo plura

*Idem in Psal. 141.* Augustini testimonia afferri possent pro cruce, quam pro villo fere ex illis quinque, quæ Aduersarii pro Sacramentis habent: num ergo crucem inter Sacramenta Ec-

*Leo in ser. 2. de resurrectione Domini. Tertull. cont. Iudeos c. penult.* *Crux Christi, inquit, & Sacramentum est, & exemplum.* Tertullianus hæc verba habet, *Quid manifestius huius ligni Sacramento?* loquitur vero de ligno, quo Elizæus ferum in aquis meisum eruerat. Sic

*Idem l. 4. cont. Marcion. 1. Tim. 3. 16.* idem vocat totam religionem Christianam Sacramentum, ut Paulus Apostolus, *Magnum pietatis Sacramentum:* sic enim habet vulgata editio.

*Cyprian. Epist. 75. Hilar. in Mat. can. 11.* Cyprianus habet unitatis Sacramentum: & Arcam Noë ait fuisse Ecclesiæ Sacramentum. Hilar. Sacramentum crucis memorat, & Sacramentum esuritionis ac satietatis. Leo virginitatem vocat Sacramentum: ergo non modo Matrimonium, sed & Cælibatus Sacramentum est. Alexander primus, Episcopus Romanus, aquam benedictam vocat Sacramentum. Quod autem

Bellarminus ait, hæc non esse Sacramenta, quia hæc esse possunt ante Baptismum, & quia Christus ista non instituit, & quia nullum horum habet promissionem gratiæ: *Respondeo:* Quasi vero nos putaremus, hæc esse Sacramenta, ac non potius argumenti quo Pontificii vtuntur, futilitatem ostenderemus. Nos non esse hæc Sacramenta dicimus, sed illos refellimus, qui ex testimonio Patrum Confirmationem, Pœnitentiam, Ordinationem, Matrimonium, & Extremam Vnditionem, Sacramenta esse probant, quia apud Patres Sacramenta vocantur: tum enim & hæc omnia, quæ diximus, Sacramenta essent, quia & hæc à Patribus Sacramenta vocantur. Nam quod Christus hæc non instituit, verum est: at sic nos de quinque illis supposititiis Sacramentis dicimus, non fuisse à Christo instituta, & sic etiam Scholastici aliqui affirmant. Quod vero nullam gratiæ gratum facientis promissionem his annexam esse ait: sic nos de quinque illis dicimus: nulla enim talis promissio aut Matrimonio aut Ordinationi annexa est.

Atque hic obiter, quam pulchre secum conueniat Bellarminus, obseruandum, qui antea negat Sacramenta esse testimonia promissionum, & in definitione Sacramenti nullam fieri debere mentionem promissionis gratiæ contendit. Iam vero quid de pedum lotionem statuet, quam à Christo aperte

*Vide Bellarmin. antea l. 1. c. 14. de Sacram. in gener.*

*Ambros. de Sacram. c. 1.* sto aperte institutam esse legimus, & quam Patres discrete vocant Sacramentum? Ambrosius vocat Sacramentum & mysterium; & ait Romanam Ecclesiam non habere hanc consuetudinem, & putat eam propterea declinauisse propter multitudinem, id est, secutam esse communem errorem. Vnde constat, Ambrosium sensisse, Romanam Ecclesiam posse declinare.

*Cyprian. in serm. de ablutione pedum.* Ita Cyprianus hoc Sacramentum à Christo institutum commendat. Bellarminus ait, Cyprianum, si attente legatur, id solum dicere, illam vnicam lotionem pedum Apostolorum, à Christo factam, fuisse Sacramentum. Ego attente Cyprianum legi, & Bellarminum mendacem deprehendi: nam ait Cyprianus, aut quisquis illius sermonis author fuit (Cypriani enim non esse putatur à doctis) lotionem illam esse omni tempore prosequendam & repetendam, ut adherentes animæ sor-des quotidiana satisfactione lauentur: & putat ille, ut Baptisma grauiora crimina eluuntur, ita minora peccata (quæ ille *excessus quotidianos* vocat) hac lotionem elui.

*Bernard. in serm. in Cena Domini de Baptism. & ablutione pedum.* Hoc ipsum etiam de Bernardo respondet Bellarminus, qui hanc etiam lotionem pedum Sacramentum vocat, & quidem Sacramentum remissionis quotidianorum peccatorum: ergo non loquitur tantum de illa vnica ablutione per Christum facta. Ita iam satis erit Sacramentorum, si mo-

do omnia sint Sacramenta, quæ à Patribus Sacramenta vocantur. *Ephes. 1. 9. 1. Tim. 3. 16. Apoc. 1. 2. 7. Coloss. 1. 27.* Quin & Scriptura etiam ipsa plura adhuc Sacramenta nobis sup-peditat, ut Sacramentum voluntatis diuinæ, Sacramentum pietatis, Sacramentum septem stellarum, Sacramentum mulieris & bestię: atque ibi etiam Euangelium vocatur Sacramentum gloriosum: nam in his omnibus locis Latina vulgaris editio Sacramenti nomen habet. Imo ipsi etiam Pontificii cogentur vel inuiti fateri esse plura quam duodecim Sacramenta. Nam Ordinatio, quam illi vnum Sacramentum faciunt ex suis septem, adeo fecunda & fertilis est, ut alia septem Sacramenta pariat & producat. Habet enim Ordinatio septem gradus, & quiuus gradus per se Sacramentum est, ut illi volunt: & hi separati ac distincti gradus sunt: ergo totidem separata & distincta Sacramenta sunt. Nam qui est Diaconus, habet Sacramentum Ordinationis, sed non ideo est Presbyter; & qui Presbyter est, habet etiam Sacramentum Ordinationis, at non ideo est Episcopus: atque idem de reliquis gradibus dici potest. Nescio iam quam multa Sacramenta habemus: opinor certe circiter triginta. Ita si Pontificiorum argumentum teneat, de quodiximus, satis magnus Sacramentorum numerus erit.

## CAPUT IV.

*In quo agitur de ordine & comparatione Sacramentorum.*

**I**N fine autem huius Quaestionis pauca Bellarminus de ordine & comparatione horum septem Sacramentorum inter se subiungit, quod cui praestet: quae certe est inutilis & ociosa, ne dicam, odiosa contentio. Nam etsi Pontificii non possunt aliter facere, quin de horum dignitate disputent, & aliud alio praestantius esse dicant, quia non potest esse par horum omnium ratio; non enim audent dicere, Matrimonium esse per omnia par reliquis: nos tamen qui duo tantum Sacramenta statuimus; dicimus eandem esse vim & virtutem utriusque, eundemque effectum; quia in utroque obligatur promissio Christi. Si ergo de veris Sacramentis loqui velimus, verum est, quod Lutherus ait, *unum Sacramentum altero dignius esse non posse.* Nam instituta Sacramenta sunt, ut promissiones Dei nobis obsignent, & ut sigilla sint iustitiae fidei: habent ergo aequalem hac in re vim in suo recto usu. Tam enim nobis datur Christus in Baptismo, quam in Eucharistia, & tam in Eucharistia, quam in Baptismo, idem

*Luther. in libro de Ministris instituen. ad Praegenses.*

effectus utriusque est, ut certo persuasi simus Christum esse nostrum.

Quod autem ait Bellarminus, Calvinistas non ponere Christi corpus in Eucharistia nisi tropice, ac proinde non esse ullam rationem, cur illi Eucharistiam Baptismo anteponant; mera calumnia est, si per tropice intelligat, non vere, ut in Eucharistiae nihil nisi tropus sit. Nos enim tantum dicimus, panem & vinum, quae sunt huius Sacramenti altera pars, non nisi Sacramentum corporis & sanguinis Christi esse, non ipsum corpus & sanguinem; non tamen ideo in Eucharistia nil nisi tropum statuimus: nam partem alteram esse verum corpus & sanguinem Christi dicimus, cuius fideles omnes in hoc Sacramento participes fiunt. Panis & vinum symbola tantum sunt, sed est altera pars spiritualis, cuius omnes qui credunt sunt participes.

Sed hinc patet, illos Christum in Baptismo non nisi tropice ponere, quia ait Bellarminus, si Christus tropice in Eucharistia ponatur, tum nullam esse rationem, cur ea Baptismo anteponatur, id est, tum Eucharistiae esse parem Baptismo: sed Christus est vere in Baptismo, quia in legitimo Baptismi usu Christum induimus; quod fieri non posset, nisi ibi vere esset.

Con-

*Concil. Trident. sess. 7. can.*

Concilium Tridentinum adeo non omnia esse paria existimavit, ut anathema iis denunciaret, qui sic sentiunt: iam vero Bellarmino necesse fuit hoc anathema tueri; quare ille huius Concilii autoritate commotus inaequalia esse contendit. Sed illi Patres frustra contra immerentes & temere suos anathematismos fulminant. Totam hanc disputationem quinque observationibus complexus est, de quibus breuiter dicemus.

*Prima* observatio est, Calvinum & Kemnitium statum quaestionis dissimulare, & rem totam vertisse ad iocum & calumnias. Quare, quaeso? dicunt enim, inquit, se maxime hunc canonem servare, quia Baptismum & Eucharistiam longe caeteris anteponunt. Sed ubi hic calumnia est? quia Concilium, inquit Bellarminus, non vim facit (nova haec phrasia est) in numero septenario, sed in ratione Sacramenti. Quis ergo Concilii sensus est? hic, inquit, si quis dixerit Sacramenta novae legis, quae in primo Canone septem esse diximus, paria esse, ita ut non sit vnum alio dignius, anathema sit. At adhuc Calvinus & Kemnitius Concilii verum sensum assecuti videntur.

Sed vult Bellarminus, Concilium non aliud voluisse, nisi anathema iis denunciare, qui inter Baptismum & Eucharistiam dis-

crimen dignitatis non ponunt, id est, qui Eucharistiam Baptismo digniorem non statuunt; quia hic Lutheranorum error est. *Respondeo primo:* At certe Canon est, Si quis haec septem Sacramenta esse inter se paria dixerit: non instituit ergo Concilium comparationem inter duo tantum Sacramenta, Baptismum & Eucharistiam, sed inter omnia.

*Secundo*, Bellarminus postea singulis Sacramentis quandam dignitatem tribuit, id est, de singulis Sacramentis docet, alia aliis aliquo modo praestare, ut non institui comparationem inter haec duo tantum intelligamus.

*Tertio*, si illud tantum dicere voluit Concilium, cur non aperte anathema iis denunciaret, qui Baptismum Eucharistiae exaequant? Nos igitur hoc anathema vere efugimus. Sed hoc non ita magni momenti est.

*Secunda* observatio est, Kemnitium posuisse novas quasdam causas huius decreti de inaequalitate Sacramentorum, nimirum quod Concilium renouare voluerit antiquam contumeliam, quod Christiana scilicet praestet Baptismo. Bellarminus ait, hanc meram esse calumniam. Sed esse hoc verum, ipse mox Bellarminus docet, qui Confirmationem Baptismo multis nominibus anteponebat. Sed ait praeterea Kemnitius, Con-



Concilium voluisse, Ordinis Sacramentum antecellere cæteris, quia opima sacerdotia & pingues præbendas affert, & esse melius coniugio, quia pari simul coniugium ut se indignum non potest. Sed hæc omnia verissima esse, ut nos postea, si Deus dederit, suis locis docebimus: quam illi autem iniuste ministerium Euangelii non posse cum Matrimonio conuenire dicunt, prius docuimus. Et si qui in Matrimonio vivit non potest sacerdos fieri, quis non videt Matrimonii & Ordinationis impari dignitatem esse.

*Tertia* observatio est, Sacramenta septem licet sint eiusdem generis tamen differre specie, & secundum varias rationes nullum esse, quod alicui alteri non præstet. *Respondeo*: Hoc si verum sit, tum falsum est, quod antea dixit Bellarminus, comparationem à Patribus Concilii Tridentini institutam esse inter duo tantum Sacramenta, quia error Lutherianorum est de paritate Baptismi & Eucharistiæ, cum nullum Sacramentum sit, quod non aliquo modo alteri alicui impar sit; quod mirum est Bellarminum nosse, Patres vero Concilii Tridentini non intellexisse: ergo hæc comparatio etiam ad omnia Sacramenta extendi & referri debet.

Sed iam de singulis videamus. Baptismus, inquit, excellit omnibus, quoad effectum remittendi peccata. *Respondeo*: Hoc magnum

privilegium est, & præstantia eximia: hoc enim si verum sit, tum certe videtur hoc Sacramentum omnibus simpliciter præstantius, aut saltem vtilius esse: quid enim nobis optabilius est remissione peccatorum? & cum remissio peccatorum secum semper gratiam afferat, nec possit sine gratia esse, si Baptismus in remissione peccatorum & gratiæ collatione reliquis omnibus Sacramentis præstet, dignissimum certe hoc Sacramentum est, imò vim habet simpliciter excellentiorem vi reliquorum.

Sed quomodo & quare est Baptismus præstantior reliquis quoad remissionem peccatorum? quia remittit, inquit, peccatum originale, quod nullo alio Sacramento remittitur. *Respondeo*: Nunc loquitur Bellarminus sermone Ashdico: intelligit enim ex opere operato remittere peccatum; <sup>24.</sup> quod falsum est. Remitti fateor originale peccatum in Baptismo, sed non, ut volunt Aduersarii, prorsus tolli, sic ut non remaneat omnino: tum enim certe nunquam postea per totam vitam peccaremus: peccati enim radice evulsa, & fonte exhausto, omnes illius surculos marcescere, & riuulos arefcere necesse est: hæret ergo in anima, nec adhuc eradicatur: <sup>Vide VWhitak. cont. Durand. 13. de parad. sed præcipui eius tractat</sup> qua de re nos alibi diximus: non enim sic penitus remissum est in Baptismo, ut non opus sit postea eius remissionem petere per omnem vitam.

Ne-

<sup>orig. cat. in Sta- det. post. edit. per tot.</sup> Neque aliter remittitur peccatum originale in Baptismo, quam in Eucharistia: in utroque enim Sacramento obsignatur nobis remissio omnium peccatorum. In Eucharistia ergo remittitur etiam originale peccatum, id est, remissum esse nobis, Eucharistia testatur, quia in Eucharistia Christum cum omnibus mortis suæ meritis accipimus: Christus autem pro originali peccato non minus mortuus est, quam pro actualibus. Sed quanquam tum in Baptismo tum in Eucharistia peccatum originale remissum esse credimus, non est tamen, ut illi volunt, penitus auulsum & abrasum. Ergo Sacramentum Pœnitentiæ non remittit originale peccatum: at certe per veram pœnitentiam remittitur. Sed num aliud aliquid de Baptismo affirmat Bellarminus? imo ait, Baptismus remittere etiam omnia actualia peccata, & omnem pœnam iis debitam; quod non faciunt Sacramenta cætera. *Respondeo*: Quis negabit hoc magnum privilegium esse? imo sic remittere dicunt, ut si quis statim post Baptismum moriatur, nullam esse illi moram affirment in Purgatorio, sed eum statim in cælum euolare: quod multos fecit ad extremum vitæ diem differre.

<sup>VWhitak. in Prælect. cont. Purgator.</sup> Sed nonne Eucharistia, nonne etiam Pœnitentia (ut illi volunt) omnia actualia peccata remittit? etiam, inquit, sed non pœnam: at nos antea satis docuimus, cum

cum peccatum remittitur, remitti etiam pœnam. Sed annon Eucharistia remittit tam pœnam quam culpam? alioqui quomodo dicitur Missa sacrificium propitiatorium pro mortuis? nonne ut à pœnis solvantur, non autem à peccatis? at si Missa liberare potest mortuos à pœnis, quidni & vivos? annon æque prodest viuis ac mortuis? Sed dicunt ut sacrificium hoc facere, non ut Sacramentum: at hoc ineptum est; non est enim vno modo sacrificium, & alio Sacramentum, ut nos postea suo loco ostendemus.

Iam igitur si hæc vera sint, tum Baptismus simpliciter melior Eucharistia erit, quia potest per se hominem seruare, & culpam tollendo & pœnam, & originale peccatum & actualia omnia remittendo, quod non facere potest Eucharistia, saltem ut illi volunt: non igitur Eucharistia est melior simpliciter Baptismo. Sed de Confirmatione quid tandem statuit? ait eam excellere omnibus, etiam ipsi Baptismo quoad bene operandum. Quid? num aptiores nos facit ad bene agendum, quam Baptismus? quam hoc absurdum? imo ait, eam esse quandam perfectionem & confirmationem Baptismi. *Respondeo*: Non ergo sine ea perfectus Baptismus est: quod si verum sit, tum effectus Baptismi non est in se integer, & tum quia baptizati sine Confirmatione moriuntur, non Bb habent

habent plenam & perfectam vim Baptismi, hoc est, non habent perfectam remissionem peccatorum, ac proinde non salutem. Quid dici blasphemius in Christi Baptismum potuit, quam illi tantam contumeliam affingere, eueruare scilicet illum, ad commentitium Sacramentum effe-  
rendum? at ubi Christus aut Apostoli hoc docuerunt? imo subiungit, Confirmationem præsupponere totum effectum Baptismi, & superaddere gratiam copiosio-  
rem: sic isti blasphemias euo-  
munt.

Sed respondeo: illum aperte se-  
cum pugnare: nam dixit antea, Baptismum excellere omnibus quoad remissionem peccatorum & poenarum, id est, quoad gratiæ collationem, ut diximus: & quomodo tum potest esse gratia copiosior in Confirmatione, cum non possit Confirmatio poenam cum culpa remittere, quia hoc Baptismus solus facit, ut ipse antea dixit. Quod vero ait Confirmationem præsupponere totum effectum Baptismi, duplicem sensum admittere potest: *primus* est, quod faciat & producat eundem effectum, quem Baptismus: at hoc ex ipsius Bellarmini sententia falsum est; non enim remittit originale peccatum: *secundus* est, quod superaddat aliquid gratiæ ad gratiam in Baptismo: at non ideo erit Baptismo excellentior; non enim quævis additio facit, ut id quod addit aliquid maius sit

eo, ad quod talis additio accedit, id est, non potest quævis leuissima additio maiorem illius dignitatem arguere. Et ad Confirmationem impudenter accommodat, quod Christus Apostolis post resurrectionem dixit, *Sedete in civitate, donec induamini virtute ex alto;* & quod cum timidissimi essent Apostoli ante passionem Christi, postea accepto Spiritu sancto, id est, Confirmationis effectum in die Pentecostes, facti essent robustissimi. Sed respondeo: num Apostoli tum Sacramentum Confirmationis acceperunt? non potest fieri: nullum enim hic materiale oleum fuit; & illi antea debebant confirmari, quia Pontificii dicunt, qui adulti baptizantur, eos statim confirmari debere: at Apostoli in adulta ætate & quidem multo antea baptizati sunt. Et hic quidem Spiritus, qui in Apostolos est delapsus, extraordinarius fuit, quem non omnia simul Sacramenta possunt conferre. Sed Pontificios honorificentius de Confirmatione sentire; quam de Baptismo, vel hinc patet, quod eam non nisi ab Episcopo conferri volunt, cum cuius Presbytero liceat Baptismum administrare. Sic illi sua inuenta institutis diuinis præferunt. Eucharistiam ait omnibus Sacramentis præstare, quoad ipsam substantiam Sacramenti, quia ipsum Christum continet. Sed respondeo: cælum, non Eucharistiam, Christum continere, quoad præsentiam corporalem. Verum hic secum rursus pugnat egre-

Luc. 24.  
49.

Act. 14.

Act. 3. 11.

egregie. Dixit enim antea Sacramenta noua gratiam conferre, non quod in illis gratia insit, sed quia Deus illis vim quandam agendi communicat per motum: quod si verum sit, tum ipse author gratiæ non est in Sacramento villo: tum enim agens principalis esset in instrumento; quo nihil absurdius, quasi faber esset in serrâ. At nunc Christum ait esse in Eucharistia: ergo Eucharistia non confert gratiam ut instrumentum, & sic per consequens non erit Sacramentum. Si dixerint esse Eucharistiæ peculiarem rationem, hoc tantum dicitur ad placitum. Bellarminus enim antea dixit simpliciter de omnibus Sacramentis, gratiam non esse in iis, sed omnem illorum gratiam esse vsum & motum Dei.

Vide Bellarmin.  
antea l. 2.  
de Sacra.  
in gen. c.  
11. §. Ter-  
tio igitur.

Sed de reali præsentia postea erit dicendum. Pœnitentiam ait excellere cæteris, quoad necessitatem, excepto Baptismo, cum quo est illi hæc excellentia communis: hoc est, Baptismus tam necessarius est, quam Pœnitentia. Sed quid hoc (quæso) est excellere necessitate? num aliqua necessitatis excellentia est? Extremam unctionem ait excellere aliquo modo Pœnitentiæ, quoad effectum gratiæ, sicut Confirmatio excellit Baptismo, quia tollit reliquias peccatorum.

Sed respondeo: Quæ, aut quales (quæso) sunt hæc reliquię? certe

non potest hoc facile explicari. Sunt enim hæc reliquię aut peccata mortalia, aut venalia: non mortalia, quia hæc tolli dicunt in Pœnitentia: non venalia, quia si mortalia peccata per Pœnitentiam tolluntur, tum multo magis venalia: & ipsi dicunt Sacramenta noui Testamenti non instituta esse contra venalia peccata, sed ea deleri aqua benedicta, aut rursione pectoris, aut aliis huiusmodi cæremoniis. Ordinationem ait excellere omnibus, excepta Confirmatione, ratione Ministri, quia ab Episcopo solo conferri potest. Respondeo: Ergo in hoc Confirmatio illi par est: Imo, inquit, etiam videtur excellere hac in re Confirmationi, quia Confirmatio aliquando ex dispensatione confertur à simplici Sacerdote. Respondeo: An non similiter Papa, si velit, potest dispensare de Ordinatione, ut Sacerdos aliquando ordinandi potestatem habeat? Sed præterea ait Ordinationem cæteris præstare, quoad aliquid sibi proprium, quia constituit homines in gradu sublimiore, quam sint cæteri Christiani. Respondeo: Nimirum hoc non aliud est, nisi quod Kemniti-  
us ait, quia homines pinguium præbendarum capaces facit, ut-  
cunque hoc Bellarminus neget. Matrimonium ait excellere reliquis significatione, quia Christi cum Ecclesia vnionem significat. Sed Respondeo: Etsi tale



aliquid significat, tamen non ideo Sacramentum est, quia hoc ipsum per aliud verum Sacramentum significatur, nempe per Eucharistiam. Nonne enim Eucharistia arctissimam nostram cum Christo unionem & coniunctionem significat? imo vero, tam arcte Christum nobiscum vniri & cōiungi significat, quam cibus cum corpore, quod alit, vnitur: alimentum enim & aliti arctissima vnio est, certe arctior, quam quæ est inter sponsum & sponfam. Et de *tertia* obseruatione hæc tenus.

*Quarta* obseruatio est, Eucharistiam simpliciter excellere omnibus, quia eius excellentia est in ipsa Sacramenti substantia. *Respondeo*: Imo potius quoad Sacramenti substantiam omnia alia excellent & præstant illi, si verum sit, quod ipsi volunt: nam in Eucharistia nulla remanet Sacramenti substantia secundum illos. Panis enim & vinum, ut illi volunt, euanescent, & sic tota Sacramenti substantia in accidentibus consistit: horum vero esse est inesse: at hæc accidentia nulli subiecto inesse possunt.

Dicunt illi post consecrationem non esse ibi aliquam substantiam, nisi corpus & sanguinem Christi, imo ipsum Christum corporaliter: at Christus non est substantia aut materia cuiusquam Sacramenti, sed est interna illa gratia, cuius etiam in Baptismo participes sumus. Substantiam ergo huius Sacramenti ipsa accidentia esse

necesse est, quæ illi dicunt externum esse elementum. Sed vult Bellarminus, Eucharistiam excellere in eo, quod in hac sit substantia corporis Christi: & certe fatendum est excellere, si hoc ita esset. Sed hoc Papisticum commentum est, ut nos postea docebimus: non enim magis ibi Christus est, quam in aqua Baptismi. Christus quoad corpus in cælis est, ut docet Scriptura, & Augustinus, & omnis antiquitas: non ergo in Eucharistia. Et hoc manifestum est, quia Christi corpus habet eadem membra, quæ nostra corpora habent, & habet magnitudinem, & latitudinem, & dimensiones omnes: at illi prodigiosum corpus Christo tribuunt sine quantitate, aut distinctione partium, ut ibi oculus sit, ubi pes est; quod est destruere humanitatem Christi: ergo hoc plane hæreticum est.

*Quinta* obseruatio est, Tridentinum Concilium in Sacramentis numerandis non seruasse ordinem dignitatis, sed primo proposuisse quinque illa, quæ omnibus sunt communia, nempe Baptismum, Confirmationem, Eucharistiam, Pœnitentiam, Vnctionem extremam, deinde duo, quæ non omnibus conueniunt, cuiusmodi sunt Ordinatio, & Matrimonium. Sed *Respondeo*: vel hinc constare, hæc duo non esse Sacramenta, quia omnia Christianæ religionis Sacramenta debent esse omnibus Christianis communia, cum promiss.

missiones annexas habeant, de redemptione & reconciliatione, quæ ad omnes pertinent: at hæc duo non modo non omnibus conueniunt, sed & nunquam possunt, simul in vno homine concurrere secundum illos. Qui enim sacros Ordines susceperunt, non possunt illi sumere Sacramentum Matrimonii: quod certe iniquum est, cum Bellarminus antea dixit, Matrimonium esse institutum contra concupiscentiam: & ipsi Sacerdotes eo morbo solent laborare.

Vide Bellarminum. antea. l. 2. c. 26. de Sacram. effect. 8. Secunda ratio.

Cum ergo Matrimonium constet esse ordinarium remedium contra concupiscentiam, cur non illos eo uti sinunt, qui concupiscentiæ morbo ordinarie laborant? quia castitatem voverunt, inquit: at quis iussit illos vovete? sceleratum certe illud votum est, quo vovet te nolle uti remedio, atque adeo eo remedio, quod Papistæ etiam ipsi ordinarium esse & à Deo institutum affirmant, & adeo sanctum, & adeo sanctum, ut etiam Sacramentum esse dicant, quod vim habeat sanctificandi: nam Sacramenta gratiam ex vi sua conferre statuunt: at illorum Sacerdotes, quasi metuant ne fiant sanctiores, ab hoc Matrimonii Sacramento abstinere.

## CAPUT V.

## Contra caeremonias Papisticas in Sacramentis.

**P**OSTREMO de caeremoniis dicendum est, quæ solent in Sacramentis adhiberi. Erit vero hæc appendix huius Quæstionis, non noua Quæstio: nolumus enim peculiarem hac de re Quæstionem instituere, quia nos non admodum de caeremoniis contendimus, modo non in se aperte impiæ sint, cuiusmodi quidem nonnullæ Papisticæ caeremoniæ sunt. Tamen aliquid etiam de caeremoniis dicere statuimus, ut quid & de Papisticis, & omnino de caeremoniis quibuscunque sentiendum sit, intelligamus. Est autem caeremonia actus aliquis externus aut ritus religionis causa susceptus. Quod ad nomen attinet, Augustinus ait, *August. l. 2. c. 37. retrad.* meminisse se, quod legerit dici à caendo, quasi caeremoniam, quod caeremoniæ à multis rebus abstinere, & multis rebus carere nos cogant, ut olim Iudæi à cibis nonnullis abstinuerunt, & sic hodie Papistæ: hoc Augustinus legerat olim in Aulo Gellio. *Gell. lib. 4. c. 9.* Et si Liuius ait Albinum quendam Cere (quod *Liui. l. 5.* est oppidum in Italia) virgines & sacra aduexisse, cum Roma à Gallis diriperetur, & hinc caeremoniæ nomen originem habuisse. Festus

vero à caritate deducit. Non videtur vero cæremonia à carendo dici propter syllabam, quæ & longa est, & per æ diphthongum scribitur.

Sed de nomine non contendimus: intelligimus vero ritus sacros & religiosos; & sic ipsa Sacramenta sunt cæremonia, sunt enim ritus religiosi, quibus in Deo colendo utimur. Sed nos de cæremoniis loquimur, quæ circa Sacramenta adhibentur. Nam Sacramenta sunt cæremonia diuinitus instituta; sed hæ cæremonia, de quibus nos loquimur, ab hominibus tantum sunt excogitata. Sunt vero huiusmodi inter Papistas infinita. Quando apud illos Missa celebratur, quot & quæ cæremonia ab illis adhibentur, in vestibus, in signis, in nutibus, in vultu, in digito? nulli histriones tam multis gestulationibus utuntur, quam illorum Sacerdotes, cum Missam celebrant. Sic in Baptismo, & Confirmatione cæremoniis abundant.

Has cæremonias non Deus instituit, sed homines. Bellarminus ait, non pauca esse, in quibus inter nos & illos conueniat: *Primo*, præter ipsa Sacramenta esse necessarias quasdam cæremonias. *Respondeo*: Verum hoc quidem est. *Secundo*, eas cæremonias esse adhibendas, quæ habent in Scripturis mandatum, vel exemplum, ut preces, gratiarum actio.

nes, psalmodiam. *Tertio*, de his cæremoniis, quæ in Scripturis habentur, posse Ecclesiam certum ordinem & modum statuere ad vitandam confusionem. *Respondeo*: Hæc quoque vera esse fatemur.

Sed addit Bellarminus, multa quidem à nobis reprehendi in illorum doctrina de Cæremoniis, sed nostra hæc esse mendacia, non illorum dogmata, veluti quod Papa possit immutare Christi instituta. *Respondeo*: At hoc non est mendacium. Nam Christus instituit, ut Eucharistia in pane & vino celebretur; quod Concilium Constantiense agnoscit, & tamen nihilominus idem Concilium assentiente si non iubente Papa contrarium sanxit. Quid hoc aliud fuit, quam mutare Christi institutum? Et quod humanas cæremonias præceptis diuinis præferant, ait hoc esse mendacium: sed nihil est verius. Nam vel illa ieiunandi cæremonia magis ab illis vrgetur, quam vllum Dei præceptum: & quis non videt illos & acrius vrgeri & grauius vindicare Papæ leges & decreta Ecclesiæ Romanæ, quam leges diuinas? Hoc Bellarminus negat, sed praxis probat.

Præterea mendacium esse ait, quod vim Sacramentorum aliquibus cæremoniis tribuant, ut sali, & oleo, & sputo, & aliis huiusmodi cæremoniis: quod tamen

men verum est. Nam & aquam benedictam valere aiunt ad veniales culpas delendas: ergo hæc cæremonia, ut illi volunt, tollit peccatum; nam peccatum veniale est peccatum, nullum vero peccatum ex sua natura est veniale.

Tam leuiter hic de peccatis æstimant, ut maxima Sacramentis ex opere operato, minima etiam cæremoniis à se inuentis deleri existiment: ubi enim Christus aquam benedictam instituit? Mendacium etiam esse ait, quod in his cæremoniis præcipuum Dei cultum constituant: at quis non ita esse videt? adeo enim in suis cæremoniis occupantur, ut verum Dei cultum sustulerint, qui in spiritu & veritate consistit.

Nam in Templis illorum omnia ad sensus externos exhilarandos & delectandos fiunt; splendor & apparatus & magnificentia; symphonia exquisita & musica; etiam suffimenta: sed ubi interim vera peccatorum Confessio, & consolatio ex Scripturis, & exhortatio? res ipsa loquitur, ista aut raro aut nunquam apud illos reperiri. Sed iam breuiter notanda capita sunt, in quibus ait nos ab illis differre. Ea vero sex sunt.

*Primum* est, an sint aliqua cæremonia, à Christo vel Apostolis instituta, quæ non habeantur in Scripturis, sed ex sola traditione cognoscuntur,

*Secundum*, an cæremonia, quæ Sacramenta non sunt, habeant vim aliquam spiritualem.

*Tertium*, an Ecclesia possit novas cæremonias instituere.

*Quartum*, an pii teneantur in conscientia huiusmodi cæremonias seruare, etiam citra scandalum.

*Quintum*, an eiusmodi sint res meritoria, & pars cultus diuini.

*Sextum*, an Sacramenta celebranda & ministranda sint lingua Latina. Ait Catholicos omnes affirmative ad hæc omnia respondere; nos vero negative ad omnia excepto tertio, de quo nos ait ne inter nos quidem ipsos conuenire.

Nam Lutherus, Melanchthon, & Illyricus, inquit, fatentur Ecclesiam posse cæremonias aliquas instituere ad eruditionem, splendorem, & ordinem Ecclesiæ: at Caluinum ait hoc negare. *Respondeo*: Non negat. Disputat tantum contra constitutiones inutiles, in quibus ponitur religio, non ait nullas omnino cæremonias posse ad ordinem & decorum Ecclesiæ institui: & sic Brentius ait, non posse novos ritus ad veritatem adumbrandam institui, ut cereos, vexilla, cruces, ad signandam victoriam Christi.

Nulla hæc dissensio est. Nos dicimus, posse Ecclesiam utiles & neces-

Caluin. l. 4. instit. c. 10. §. 11.

Brent. in Confess. Vitemb.



necessarias caeremonias instituere; non licere autem superfluas exco-  
gitare, aut eiusmodi, quæ opinio-  
nem in se cultus habent, aut nimis  
multas: paucas enim sufficere.

Sed iam de illis sex capitibus quæ  
affirmatiue tenentur à Pontificiis,  
paucis respondeamus. *Primum*

1.

*August.*  
l. 2. c. 104.  
*cont. lit.*  
*Petulan.*

est, Christum & Apostolos insti-  
tuisse aliquas caeremonias, quas  
non ex Scripturis sed ex traditio-  
ne habemus. Hoc probat Bel-  
larminus ex Augustino, qui ait  
Sacramentum Chrismatis esse sa-  
cro-sanctum, sicut est Baptismi Sa-  
cramentum: at Sacramenta, in-  
quit, solus Deus instituere potest:  
ergo Sacramentum Chrismatis  
Christus instituit, & tamen nul-  
quam habemus in Scriptura men-  
tionem Chrismatis. *Respondeo*: il-  
lam particulam (*sicut*) qua Augu-  
stinus utitur, non æqualitatem sed  
similitudinem significare. Fateor  
Augustinum putasse Chrisma esse  
Sacramentum, sed non putauit  
sic Sacramentum esse, ut est Ba-  
ptismus. Num hinc sequitur, aut  
Chrisma esse proprie Sacramen-  
tum, aut à Christo esse institutum,  
aut traditione sola receptum? Au-  
gustinus panem, qui dabatur Ca-  
techumenis ante Baptismum, esse  
& Sacramentum & sanctum ex-  
istimauit; non putauit tamen hoc  
esse Christi institutum. Sed ob-  
iicit præterea illud Apostoli, *Cæ-*

*August.*  
*de peccat.*  
*merit. &*  
*remiss. l. 2.*  
*c. 26.*

1. Cor. 11.  
*ut.*

*tera cum venero disponam*, & ait,  
Apostolum nihil tamen postea de  
ritu Eucharistiæ scripsisse, nec ta-  
men credibile esse, eum non præ-

stituisse quod promiserat, aut leges  
eius postea interiisse. *Respondeo*:  
De hoc loco in prima Contro-  
uersia de Scripturis satis multa di-  
ximus.

*Vide*  
*VWhita-*  
*keri di-*  
*sputat. de*  
*Scriptur.*  
*9.6.c.10.*

Non negamus Apostolos quæ-  
dam, quæ ad ordinem spectant,  
tradidisse, quæ non scripta sunt:  
sed illa erant libera & mutabilia,  
nec omnes Ecclesias astringebant.  
Bellarminus existimat, hanc v-  
nam Apostoli legem intelligi, ut  
Eucharistiam ieiuni susciperemus;  
idque ex Augustino confirmat.

*August.*  
*Epist. 118.*

*Respondeo*: Ego hanc consuetudi-  
nem non improbo, sed nego esse  
necessariam. Sed obiicit postea  
Bellarminus ex Basilio signum cru-  
cis, de quo nos antea satis dixi-  
mus: item similiter quod Cy-  
prius ait, aquam cum vino mi-  
scendam in Eucharistia, & ex eo  
Augustinus: quod tamen non ha-  
betur expresse in Scripturis. *Re-*  
*spondeo*: At illi id ex eo college-  
runt, quod è Christi latere aqua  
cum sanguine fluxit. Sed nec hoc  
quidem necessarium est, & non  
multum refert. Nos nec Chri-  
stum nec Apostolos ullas caeremo-  
nias instituisse dicimus, ut neces-  
sarias, aut perpetuo obseruandas;  
extra scripturas. Quid opus est  
singula recensere, quæ tantum  
ad ordinem & decorum pertine-  
bant?

*Basili.*  
*de*  
*Sp. San-*  
*cto. c. 17.*  
*Cyprian.*  
*l. 2. Epist.*  
*3.*  
*August.*  
*de doctr.*  
*Christi. l. 3.*  
*c. 21.*

*Secundum* caput est, aliquas ca-  
eremonias habere vim spiritualement,  
eamque certe mirificam, scilicet  
coercendi dæmonas. Hoc ille  
probat de signo crucis: ait enim  
omnes

11.

omnes Patres passim affirmare,  
frontem esse armandam & muni-  
endam aduersus omnes insidias  
dæmonum: & miram eius esse  
virtutem. *Respondeo*: Nos hac de  
re antea nonnulla diximus. Ego  
fateor signum crucis mirifice à Pa-  
tribus commendatum esse, & ei  
magnam vim tributam esse. Non  
dixerim omnia esse falsa, quæ à  
Patribus de hoc signo dicuntur &  
narrantur, nectamen omnia vera.  
Quis fieri posse neget, ut Deus  
hoc signo adhibito vim aliquam  
extraordinariam ostenderit, &  
mira nonnulla effecerit ad fidem  
& religionem Christianorum con-  
firmandam, eamque hostibus  
commendandam? Sed tamen fie-  
ri etiam potest, ut fraus Satanæ  
interuenerit, & intermixta fuerit,  
quæ non ab omnibus animadu-  
ersa ac deprehensa est, ut Satanæ  
se hoc signum fugere & timere  
fingeret, cum illud ne tantilli qui-  
dem faceret. Nam Satanæ cer-  
te non mouetur aut fugatur signis  
externis, quia spiritus est: opus est  
ergo aliis telis aduersus eum, quia  
spiritus rebus externis non terre-  
tur.

*Vide*  
*VWhitak.*  
*Prælect.*  
*de cultu*  
*imag. c.*  
*ut. de*  
*cruce.*

*Ephes. 6.*  
*11. &c.*

1. Pet. 5. 9.

Fide non signis Satanæ vinci-  
tur: non ergo satis muniti sumus  
aduersus Satanam, per signum  
crucis in fronte factum. Aposto-  
lus Paulus, cum Christianam  
*πανοπλίαν* omnibus fidelibus com-  
mendat, non iubet eos armare  
frontes signo crucis, imo nullam  
crucis mentionem facit. Apo-

Diabolo, non muniendo cruci-  
bus multis frontem, sed animam  
fide, *Cui resistite*, inquit, *firmi fide*.  
Sic Iacobus Apostolus non aliter  
posse Satanam profligari ait, nisi  
resistendo: *Resistite Diabolo*, in-  
quit, *& fugiet à vobis*: at figuras du-  
cere digito non est Diabolo resi-  
stere.

*Iac. 4. 7.*

Qui vero vtuntur crucibus illis,  
aut fideles sunt, aut infideles: si  
fideles, non illis nocere Satanæ  
potest, quia fides illos ab infi-  
diis Satanæ defendit, nam fides  
est victoria, quæ vincit mundum  
& Satanam huius mundi Princi-  
pem: si infideles; quid valebit  
signum crucis externum sine fi-  
de? num potest Satanæ extra si-  
gno crucis ab illis depelli, quos  
intus totos tenet, possidet, vicit,  
profligauit? De Satana, ut de  
hoste vafro, callido, & astuto iu-  
dicare debemus: hostes vero cal-  
lidi simulant fugam, aliquando,  
ut nos simus securiores, sed po-  
stea aggrediuntur, & nos incau-  
tos ac oscitantes opprimunt; &  
videntur interdum quædam arma  
& tela reformidare, quæ tamen  
contemnunt, ut nos illis freti fa-  
cilis vincamur. Sed Bellarminus  
ait, signum crucis terrere dæmo-  
nas tripliciter.

1. Ioh. 5. 4.  
Ioh. 12. 31.

*Primo*, dæmon, cum signum  
crucis fieri videt, recordatur se  
Christi cruce deuictum, ac proin-  
de horret illud signum suæ cala-  
mitatis, & fugit, quomodo ca-  
nes fugiunt, cum baculos aut la-  
pides vident. *Respondeo*: Com-  
parat

1.

Cc

parat

parat Bellarminus dæmonem, qui est leo, timido cani: at ille non ita stultus est & nullius ingenii, ut crucem sicut canis lapidem timeat. Nam canis timet, ne illum baculus feriat, aut lapis lædat: at dæmon nouit non iterum se cruce vincendum, quia id Christus semel præstitit: num veretur Satanas, ne Christus iterum crucifigatur? Nouit ille satis bene, crucem sibi non nocuisse, sed Christum fuisse, qui illum in cruce spoliavit. Neque nobis similes dæmones sunt, ut illis memoria refricanda sit, quia semper illi recordantur, se esse devictos à Christo; nec magis cum intuentur signum crucis, quam alias, cum non intuentur.

II. *Secundò*, vim habet hoc signum, inquit, ex deuotione hominis se signantis, eo modo quo vim habet oratio vocalis: est enim quædam inuocatio meritorum Christi crucifixi signo expressa, quia loquimur, inquit, corde, ore, & nutibus: & tunc effectus, inquit, procedit magis ex interna fide & deuotione, quam ex ipsa figura crucis, ut eorum, quæ orantes petimus, impetratio tribuitur non sono vocis, sed fidei & deuotioni orantis.

I. *Respondeo primò*: si adsit fides, & deuotio, non opus est signo crucis: satis munitus est, qui fide & deuotione præditus est.

II. *Secundò*, facere signum crucis non est inuocare: nam si inuo-

care nihil aliud sit, quam Deum appellare; hoc melius ore, quam nutu sit; & sic signa omittere possumus. Tum si inuocare, sit Deum ex animo & corde compellare; multi, qui cruces faciunt, non sic inuocant: at qui inuocant Christum sine deuotione, non audiuntur; qui vero deuote inuocant; propter fidem & deuotionem audiuntur.

*Tertio*, signum crucis facere, non est signum deuotionis, quia multi etiam nequissimi, qui nihil de Christi meritis cogitant, sed de adulteriis & homicidiis, & qui pessime de religione sentiunt, hoc signo uti aliquando solent.

*Tertio* ait Bellarminus, signum crucis ex Dei institutione, & opere operato terrere dæmones. *Respondeo*: At nec Christus hoc instituit, nec Deus, nec Apostolus quisquam: si ab horum aliquo institutum hoc fuerit, doceat ille, ubi: an audet dicere, institutum esse aliquid à Deo, cum non possit docere, ubi institutum sit? Illud vero omnem opinionem superat, quod ait ex opere operato fugare dæmones. Sed ille hoc probat exemplo Iuliani Apostatæ, *Ex Nazianzeno orat. in Iulian.* qui cum in Templo quodam idolis sacrificaret, signasse se signo crucis dicitur, ut solebat cum esset Christianus, atque ita dæmones fugasse. *Respondeo*: Hoc incredibile est, profligari dæmonem signo crucis ex opere operato, ut si quis non modo non cogi-

III.

III.

cogitet de Christo, nec fidem habeat, sed etiam nequam sit, hæreticus, apostata, imo si sit talis, qualis fuit Iulianus, id est, acerrimus Christianæ religionis hostis. tamen, si se cruce signet, satis tutus à dæmone sit. Habeant sibi suam Theologi sententiam: certe fustum esse Satanam signo crucis sine fide ἀθεόλογον est. Et habeant sibi Pontificii suas cruces cum aliis cæimoniis, quas vel ipsi fateri coguntur aliquando sine fide nihil valere. Nam si ipsa Sacramenta ex opere operato sine deuotione & fide nihil efficiant, quod visus est Bellarminus antea dicere, ne Eucharistia quidem, aut Baptismus, aut Vnctio, in quibus tamen ipsi Pontificii multis etiam crucibus vtuntur: num ipsum per se crucis signum, quod non est Sacramentum, sine omni deuotione ad dæmonem fugandum valebit?

Vide Bellarmin. antea l. 2. de Sacra. ingen. c. 1. §. Igitur ut intelligamus.

*Tertium* caput est, Ecclesiam posse instituere nouas cæemonias, etsi non ad iustificandum impium, tamen ad alios effectus spirituales: & hic ait cæemonias huiusmodi ab Ecclesia institutas tribus modis posse esse viles. *Primo*, ad ornandum & representandum aliquod mysterium religionis, & sic ad iuuandos rudiores. *Respondeo*: rudes non esse cæemoniis erudiendos: dedit Deus Scripturas, ut ex iis rudes institutionem necessariam haurirent. Non est hic mos veræ sed Antichristianæ Ecclesiæ

remouere Scripturas, & cæemoniis à se inuentis rudem populum pascere. Posse non nego Ecclesiam aliquas ad ornatum cæemonias instituere, sed aliud ornatus & decorum est, aliud luxus, splendor, & pompa theatra. Pontificii non contenti ornatu moderato, omnia nitere & splendescere volunt, quemadmodum olim Ethnici ad conciliandam sacris suis dignitatem facere solebant, de quibus Poëta, *In sacris quid facit aurum?* Honestas & simplicitas maxime decet Christianos: at Papiæ modum nullum tenent. Nullus Ecclesiæ ornatus tam preciosus est, quam verbi ministerium; quod si absit, cæemoniæ sunt quasi ornamenta sepulchrorum; foris splendor, intus fætor. Sed potest Ecclesia, fateor, ad ornatum cæemonias instituere.

*Secundo* ait, huiusmodi cæemonias viles esse ad morbos curandos, & dæmones pellendos, & peccata venialia purganda, & id genus alia. *Respondeo*: hæc plane magica & diabolica esse: nullis cæemoniis Ecclesia hoc potest facere.

Nam *primo* quod ad morbos attinet, certum est curare morbos sine medicamentis esse miraculosum: at Ecclesia non potest cæemonias instituere, quæ in se vim miraculi habeant: tum enim Deus Ecclesiæ dedisset perpetuam potestatem faciendi miracula: at illa potestas ad tempus tantum durauit, nec omnibus



data est, sed paucis, non toti Ecclesiae.

11. *Secundo*, quod ad daemones attingit, illos quidem expellere eiusdem generis est, & magis quidem *ἀδύνατον*. Non tam leue est pellere daemones, ut hoc per caeremonias fieri posse existimemus: & caeremonia non nisi res est externa, & ritus externus: at daemon est spiritus, & ideo non nisi armis spiritualibus profligari potest: externa ista ille non curat.

*LUC. II. 21.* Qui fortem expellit, debet eo esse fortior, inquit Christus, & vim maiorem habere. At Aduersarii ita absurdi sunt, ut putent posse daemonem terri crepitaculis & tintinnabulis & caeremoniis nisi quibus, cum tamen ille huiusmodi non magis metuat, quam miles fortis & armatus hastam iunceam.

111. *Tertio*, magis adhuc incredibile est, caeremoniis purgari peccata: imo horrendum plane est eam vim caeremoniis tribuere. Sed haec Antichristi fraus est, ad perniciem multorum millium inuenta & excogitata, *primo*, esse quaedam peccata leuissima, atque ita non magnopere curanda; *secundo*, posse obtineri horum peccatorum remissionem sine poenitentia, hoc est, istiusmodi peccata externis caeremoniis expiari. Sed cum omnis remissio peccatorum a Deo sit impetranda, atque ideo quotidie nos Christus docuit orare, Remitte nobis debita nostra, quod Aduersarii etiam de

peccatis venialibus interpretantur; quomodo potest Ecclesia caeremonias facere ad remissionem peccatorum, cum non possit ipsa vel minimum peccatum ex ipso rum confessione sine Sacramento remittere: at quauis caeremonia non est Sacramentum.

Sed Bellarminus ait hoc fieri per modum impetrationis, ex vi orationum Ecclesiae. *Respondeo*: orationes illas, quae in benedictione candelarum, palmarum, & aliarum huiusmodi rerum adhibentur, esse Deo exosas & execrabiles, quia & sine eius mandato ac promissione fiunt, atque etiam contra eius gloriam: doceat enim homines ad nugas & caeremonias confugere, cum ad solum Deum confugere deberent. Cum ergo nec aliquo mandato aut promissione nitantur huiusmodi preces, & Deum praeterea contumelia afficiant: non posse non Deo exosas esse manifestum est. Et quid si Ecclesia forte peteret, ut valerent caeremoniae ad purgationem peccatorum mortalium? num ideo valerent, quia orationes Ecclesiae, ut ille ait, sine dubio exaudiuntur.

*Tertio* ait, caeremonias non modo ex vi orationum Ecclesiae valere, sed etiam posse eosdem effectus habere per applicationem Christi meritorum ex opere operato: & ait Christum reliquisse Ecclesiae potestatem instituendi signa, quibus eius merita applicentur ad minora beneficia, cum Sa-

IH.

Sacramenta instituit ad principales effectus, id est, ad maiora beneficia consequenda. *Respondeo*: Pertaxum est harum blasphemiarum. At si quaeram, ubi Christus Ecclesiae talem potestatem dedit, & quando, & quibus verbis, ludi se putabit. Sed animaduerte, quæso, quid dicat. Christum ait instituisse signa, Sacramenta scilicet, per quæ eius merita ad gratiam & iustificationem nobis applicentur: at Ecclesiae potestatem reliquisse instituendi signa, per quæ eius merita ad alia minora beneficia applicentur. Ita vult applicationem meritorum Christi pendere ex caeremoniis ab Ecclesia institutis.

Sed *Respondeo primo*: Christum non dedisse potestatem Ecclesiae instituendi signa ad applicanda eius merita: nunquam hoc ex Scripturis probari potest.

*Secundo*, Blasphemum hoc est in merita Christi, dicere vllum Christi meritum purgare tantum venialia peccata, aut minora beneficia procurare, cum vel minima gutta sanguinis Christi morientis ad omnia mundi peccata expianda valeat: at illi aiunt quædam merita Christi ad leuiora tantum peccata tollenda valere.

*Tertio*, Dico, totam vim meritorum Christi in Sacramentis applicari: ideo enim a Christo instituta sunt, ut fructus mortis Christi & merita eius ad nos applicarent: hic autem quædam Christi merita

esse innuit, quæ non in Sacramentis applicantur.

*Quarto*, Si in Sacramentis merita Christi applicantur ad maiora beneficia, quanto magis ad maiora: si mortalia peccata purgantur in Sacramentis, qui dubitabit venialia ibi purgari?

*Quinto*, Quod ait has caeremonias ex opere operato hos effectus, de quibus diximus, producere, id est, sic ad minora hæc beneficia consequenda valere, ut Sacramenta ad maiora; & inter minora numerat, morbos curare, daemones fugare, & peccata venialia purgare: mirum hoc certe est, in Sacramentis opus operatum nihil sine deuotione valere, in caeremoniis valere, ut possit quis per has caeremonias sine vlla deuotione, imo si animum habeat à religione alienum, daemones fugare, ut de Iuliano antea dictum est. Ita merita Christi ad quosdam effectus applicari posse vult ex opere operato sine hominis vlla deuotione.

Sed tamen bene se habet, quod addit postea Bellarminus, sic quosdam disputare, sed non esse hoc usque adeo certum: ergo ait esse probabile; quod perinde est ac si diceret, hunc tertium modum non omnino certum esse. Sed ego dico, hoc non modo non probabile esse, sed etiam esse absurdum, horrendum, blasphemum. Obseruate vero huius Theologiae fundamenta non nisi probabilia esse.

Sed ait Bellarminus, quicquid de hoc sit, licere Ecclesiæ novas cæremonias instituere, non ad iustificandum, sed ad alios fines. *Respondeo*: Quasi de hoc quis dubitet? ego sane fateor & agnosco, Ecclesiam posse cæremonias instituere ad alios fines, nempe ad decorum, ad ornatum modicum, & ad ædificationis commoditatem. Verum quæ ille hac de re argumenta afferat videamus. Probat ille hoc tripliciter.

I. *Primo* affert exempla veteris Testamenti: non est enim vlla ratio, inquit, cur non possit Ecclesia Christi id facere, quod Synagoga potuit. *Respondeo primo*: Synagoram nullas instituisse cæremonias tanquam ad salutem necessarias, & quæ conscientias obligarent, id est, nullas cum opinione necessitatis & obligationis in conscientia. *Secundo*. Illud erat umbrarum & cæremoniarum tempus, ut vere Brentius dixerit, cæremonias esse veteris Testamenti proprias: quare nunc non talis Ecclesiæ libertas est. Ratio est, quia tum Christus nondum venerat: ergo multis tum fidei subsidiis opus erat: nunc vero cæremonias cumulare, est Christi aduentum obscurare. Sed demus Ecclesiam eandem habere auctoritatem instituendi cæremonias, quas habuit Synagoga: videamus ergo quas cæremonias Synagoga instituit.

*Primo* profert exemplum Iacobi, qui cum nondum Patriarcha esset, sed priuatus homo, <sup>Gen. 28. 18.</sup> erexit lapidem in titulum, fundens oleum desuper. *Respondeo primo*: Non hæc publica cæremonia fuit, sed priuata; in agro, non in Ecclesia: nos de publicis Ecclesiasticis cæremoniis loquimur.

*Secundo*: Iacobus hoc Spiritus sancti instinctu fecit. Viderat enim in somno Deum, & cum expectatus est, voluit ille signo suam reuerentiam & religionem declarare: struem scilicet lapidum Deo consecrauit, ut hoc signo externo suum erga Deum animum testaretur. Bellarminus fatetur, Iacobum hoc fecisse Deo impellente, sed non mandante expresse. *Respondeo*: Si Dei inspiratione hoc factum fecit, satis est: doceat ille hoc de sua Ecclesia, id est, doceat Ecclesiam Romanam similiter instinctu diuino tot cæremonias instituisse, & nos nihil aliud requiramus.

*Secundo* affert exemplum Machabæi ex libro Hester: ait Synagoram Iudæorum auctore Machabæo addidisse nouum festum diem, quem Deus non instituerat in Lege. *Respondeo*: & hoc Machabæum fecisse Deo inspirante, & forsan Prophetæ cuiuspiam monitu & auctoritate: at Aduersarii nihil tale de suis

suis cæremoniis possunt ostendere. Esi vero non legimus, aut Deum ipsum, aut aliquem Prophetam, hoc Machabæo mandasse, tamen quia in libro Canonico: hoc Machabæi factum reperitur & commendatur, non dubium est, quin diuina auctoritate nitatur.

*Tertio*, affert simile quiddam ex libro Iudith: sed ille liber non est tantæ auctoritatis. Bellarminus non amplius postulat, quam ut huic libro fidem habeamus, sicut Liuius aut Salustius. At non pauci sunt, & hi quidem docti & pii, qui ne tantum quidem illi tribuunt: hunc ergo librum missum facio.

*Quarto* simile exemplum producit ex libro primo Machabæorum, ubi instituitur nouum festum dedicationis altaris, ad quod celebrandum Christus ipse in Hierusalem ascendisse dicitur. *Respondeo*: Christum ea de causa profectum esse Hierosolymas non constat: fuisse tunc ibi, & arripuisse occasionem docendi ex frequentia populi constat. Puto hoc festum humana auctoritate institutum fuisse: tamen caruit superstitione, & propter magni beneficii memoriam institutum fuit, ut & dies ille festus in libro Iudith, nempe in memoriam victoriæ Iudæorum, & liberationis à manu hostium. Et

nos quidem non negamus, quin Ecclesia possit similiter propter tales causas dies solennes instituere, ad celebrandam memoriam diuini alicuius beneficii, & propter gratiarum actionem. Sic nos recte celebramus memoriam illius, id est, Nouemb. 17. quo die beatæ memoriæ Regina Elizabetha regni Anglicani administrationem iniit diei, quotannis, in quo fugatus ex hoc Regno Papisimus, & restituta vera religio fuit. Sed non hinc sequitur, posse Ecclesiam infinitas cæremonias instituere, quæ obligent conscientias; quod Pontificii de suis cæremoniis asserunt.

*Secundo*, ex nouo Testamento <sup>Act. 15. 18. 29.</sup> affert Actorum decimoquinto, ubi ait Apostolos nouam cæremoniam instituisse, ut Gentes à sanguine & suffocato abstinerent. *Respondeo*: non fuisse hanc nouam sed veterem cæremoniam: nam in vetere Ecclesia diligentissime seruata fuit.

Sed obiicit Bellarminus, legem illam Iudaicam iam fuisse euacuatam & abrogatam per Christi mortem.

*Respondeo primo*: Erat quidem quoad necessitatem obseruationis ex præscripto legis Mosaicæ abrogata, ut & cæteræ omnes cæremoniæ, sed non quoad legem charitatis, quæ iubet aliis consulere, & fratres non offendere: ex circum-



cumstantia hac non penitus abrogata ne Iudæis quidem fuit. *secundò*. Non hæc Mosaica cæremonia fuit: nam multis seculis ante Moſen fuit instituta. Legimus Deum in mandatis Noacho dedisse, ut carnem cum sanguine non comederet: & multæ gentes sua sponte sine Lege Moſis à sanguine abſtinent. *Tertio*. Non fuit hæc perpetua cæremonia: nam olim abrogata est. Igitur Ecclesia, fateor, potest instituta condere & sancire, ad scandala tollenda, & remouendas offensiones, quale hoc institutum fuit: sed cum metus scandali sublatus est, & nullum est periculum offensionis, tum non amplius opus est huiusmodi institutis. Ita cessante scandalo & offensione; quæ olim ex libero usu sanguinis & suffocati oriebantur, institutum hoc de abſtinendo à sanguine & suffocato cessauit.

Quod autem ait Bellarminus, non esse rationem, cur non possit modo Ecclesia, quod tunc poterat: fateor certe Ecclesiam nunc posse & debere etiam prouidere, ne nascentur offensiones, & ne infirmis obiiciantur scandala, quibus in religione impediuntur; sed ille nimium Ecclesiam, quæ nunc est, tribuit, quando eam cum Apostolica Ecclesia comparat, imò absurde Ecclesiam Romanæ, quæ nunc est, auctoritatem, ipsorum Apostolorum auctoritati exæquat. Magna enim differentia est inter Apostolos & ordinarios

Pastores: nam Apostoli erant selecta organa Spiritus sancti, & alia dona habuerunt, quam nunc ullus Pastor habet.

Sed Bellarminus, Apostolos hoc non fecisse ex noua aliqua reuelatione sibi concessa. *Respondeo*: Non erat opus noua reuelatione: nam vetere reuelatione die Pentecostes facta satis imbuti Spiritu fuerunt, satisque instructi ad prouidendum de mediis regendæ Ecclesiam, ut quæ ad Ecclesiam ordinarium regimen pertinerent, multo melius & intelligere & statuere potuerint, quam ulli post illos Ecclesiam Pastores.

*Tertio* loco probat Bellarminus, quod instituit, ratione in hunc modum: Si Ecclesia non posset huiusmodi cæremonas instituire, hoc ideo fieret, vel quia Ecclesia non habet auctoritatem aliquid statuendi, vel quia cæremoniæ repugnant nouo Testamento, & cum illo non conueniunt, vel quia non licet addere aliquid cæremoniis à Christo institutis: at nihil horum, inquit, dici potest: nam Ecclesiam posse aliquid statuere manifestum est, quia Concilia canones semper ediderunt; damnare autem omnia Concilia, manifesta insania esset. *Respondeo*: Fateor Concilia auctoritatem habere condendi canones ad decorum & ornatum & *ἐνταξιν*, id est, bonum ordinem Ecclesiam, sed non cum perpetua necessitate obligationis. Nam canones, qui ab hac Ecclesia sunt, possunt

III.

*Auguſt.* sunt ab alia Ecclesia abrogari, ut *cont. De-* Augustinus ait, posse vnum Concilium emendare, quod ab alio *natif. l. 2.* sancitur, & posse Concilia subsequenter tollere & abrogare ea, quæ à prioribus Conciliis constituta sunt: hoc Aduersarii quoad leges & canones Conciliorum fieri nolunt. Præterea quibus cæremoniis vna Ecclesia tenetur, iisdem altera non alligatur: at illi cæremonas certas esse volunt, quæ perpetuæ sint, & omnes obstringant, cum vnaquæque Ecclesia eas condar cæremonas, quæ sibi commodissime inferuiant.

Deinde cæremonas non repugnare naturæ noui Testamenti probat, quia Christus instituit Sacramenta, quæ sunt verissimæ cæremoniæ. *Respondeo*: Nos hoc nunquam diximus, cæremonas omnes pugnare cum natura noui Testamenti, nec posse Ecclesiam aliquas cæremonas instituire: Sacramenta vero sunt cæremoniæ à Christo, non ab Ecclesia institutæ. Num vero quia Christus duas cæremonas vel maxime nobis necessarias instituit, ergo illis licet mille cæremonas instituire, quæ ad nihil valent, nisi ad onerandam Ecclesiam? At habere multas cæremonas est contra naturam noui Testamenti: ideo Augustinus ait, societatem noui populi esse alligatam quam paucissimis cæremoniis.

Addit tertio Bellarminus, nouitatem cæremonarum non repugnare, quia nusquam Christus prohibuit, ne cæremonas adderemus ad Sacramenta ipsius commodius & utilius administranda. *Respondeo*: prohibuisse Christum eo modo addere, quo illi addunt, nempe ut ex illis fiat cultus diuinus, vel ut pars aliqua cultus diuini aut pietatis & religionis in illis statuatur. *Fruſtra Matth. 15.* me colunt docentes doctrinas, quæ 9. sunt mandata hominum, inquit Christus; & idem reprehendit Scribas & Phariseos, quod ligarent onera *δυσβάρατα* difficilia *Matth. 23. 4.* portatu, & imponent in hominum. Apostolus Paulus noluit imponere aut iniicere laqueum conscientijs Corinthiorum ne in minimis quidem rebus; & idem Apostolus prohibet *1. Cor. 7. 35.* *Coloſſ. 2.* *δογματίζεισθαι*, id est, ritus humanos & constitutiones humanas obseruare, & mox damnat *20. 23.* *ἐθελόθετοικειν*, id est, voluntarium cultum: & Deum Spiritu ac *Ioh. 4. 24.* veritate adorandum esse Christus ait: & Paulus Iudæos rationem cæremonarum paruulis comparat sub pædagogo degentibus: ergo & nos paruulis similes erimus, si tot & talibus cæremoniis subiiciamur: quare Augustinus ait ita cæremoniis oneratam esse Ecclesiam suo tempore, ut Iudæorum conditio tolerabilior esset.

Sed Bellarminus ait, Augustinum

Dd

num

num loqui de cæremoniis, quas priuati homines & maxime mulierculæ sibiipsis imponent. *Respondeo*: Augustinus certe non loquitur de priuatis hominibus, sed de Ecclesiarum ritibus, & de cæremoniis publicis ac publice receptis, quæ ita vrgebantur, vt si quis eas omisisset, magis reprehensus est, quam ii, qui contra Legem Dei peccarunt: nam ait minus tunc curari Dei præcepta, quam presumptiones humanas, vt grauius corripiamur, qui per octauas nudo pede terram tetigerint, quam qui mentem vinolentia sepelierint. Hoc de ritibus & cæremoniis Pontificiis recte dici potest: quis enim non videt cæremonias Pontificias in Ecclesia Pontificia diligentius obseruari, quam Dei instituta.

*Quartum* caput, seu quarta propositio, vt à Bellarmino vocatur, est, Cæremonias ab Ecclesia institutas non posse omitti sine peccato, etiam citra scandalum. *Respondeo*: Hoc nos negamus, & hoc antea falsum esse docuimus: sed quædam hic addenda sunt, quæ prius non sunt dicta. Dicimus ergo liberam esse obseruationem cæremoniarum, si seruetur decorum, & vitetur scandalum ac contemptus. Sed ille probat cæremonias omnes non esse liberæ obseruationis, quia propter cæremonias natæ sunt in Ecclesia grauiissimæ dissensiones, & quia sub pœnis grauiissimis

impositæ sunt leges de cæremoniis, & quia tandem hæretici habiti sunt, qui non obediebant.

*Prima* dissensio, inquit, in Ecclesia fuit ob cæremonias legales, quæ ab Apostolis sopita est Actuum decimoquinto. *Respondeo*: non fuisse hanc dissensionem de cæremoniis aliquibus Ecclesiasticis, de quibus nunc disputamus, sed de Mosais & diuinis, quas multi esse perpetuo obseruandas existimabant, vt de Circumcisione, & aliis huiusmodi cæremoniis. Hæ cæremonia in Scripturis habentur: at nos loquimur de iis cæremoniis, quæ in Scripturis non habentur: ergo hic locus nihil ad rem facit.

*Secunda* dissensio de alia cæremonia fuit, quam Ecclesia magni fecit, hoc est, de die Paschatis. *Respondeo*: Fateor fuisse hanc magnam dissensionem, & huius dissensionis causam non leuem fuisse. Nam etsi Paschatis obseruatio per se libera res fuit, tamē quorundam obseruatio, qui eodem die Pascha celebrarunt, quo Iudæi, tolerari non debuit, ne Ecclesia crederetur iudaizari, id est, Iudaizare. Sed tamen & illud addo, acerbiores fuisse has contentiones, quam oportuit. Quod autem ait, Concilium Nicænum propter istam quæstionem potissimum conuenisse, falsum est: nam propter Actum præcipue congregata hæc synodus est, & secundo

pro-

propter hanc quæstionem de Paschate.

*Tertia* dissensio, inquit, fuit, an hæretici vere baptizarent. *Respondeo*: non hanc esse cæremoniam, sed dogma: inepte Bellarminus opinionem falsam pro cæremonia ponit.

*Quarta* dissensio fuit de delictu ciborum, de temporibus ieiuniorum, de diebus festis, & aliis rebus, de quibus nos alibi diximus. Vltimo ait, si libera esset cæremoniarum obseruatio, nullus ordo in Ecclesia seruaretur. *Respondeo*: Hoc nihil ad rem facit: nos enim cæremonias sic libere obseruari volumus, quin & decorum seruetur, & scandalum ac contemptus vitentur.

*Quintum* caput, seu quinta propositio est, cæremonias esse res viles, meritorias, & partem cultus diuini. *Respondeo*: Nos pertinere ad cultum diuinum, & meritorias esse, negamus. Esse viles probat *Primo*, comparatione facta inter illorum templa, crucibus, imaginibus, aris, lampadibus ornata, & nostra, in quibus nihil est nisi sedes ad concionandum, & mensam ligneam ad cœnam faciendam: illorum templa excitare deuotionem: non item nostra. *Respondeo*: non esse aliam deuotionem illam, quam illorum templa excitant, quam olim Idololatræ fuit, quo-

rum templa non minus ornata fuerunt. In Templis Christianis quid aliud requiritur, nisi locus aptus ad precandum & audiendum verbum Dei? & Christiani olim non tam commoda loca habuerunt, quam nos. *Secundo* intelligentiam, inquit, iuant, vt Augustinus ex paruulorum exorcismo apertissime se probare putauit, esse in paruulis ante Baptismum originale peccatum. *Respondeo*: Exorcismus Pastorum crassus abusus est: multum differt ab illo, qui olim fuit. *Tertio*. Iuuant memoriam, inquit, vt nisi quotannis, inquit, repræsentaremus variis cæremoniis Christi ortum, apparitionem, passionem, aliaque mysteria redemptionis, facile mandarentur obliuioni tam insignia beneficia. *Respondeo*: Quasi horum beneficiorum memoria non melius multo per verbi prædicationem conseruari possit, quam per viles cæremonias? Nos non improbamus Festorum celebrationem, in quibus horum beneficiorum commemoratio fit, nec tamen damnamus eas Ecclesias, quæ hæc omnia Festa non obseruant.

Cætera inepta magis quam vilia sunt. Meritorias esse probat ex Matthæo decimo, Qui me confessus fuerit coram hominibus, confitebor & ego eum coram Patre meo, qui in calis est; & ex Romanorum decimo. Ore fit confessio

Dd 2

ad

August.  
de peccat.  
merit. &  
remiss. l. 1.  
c. 34. &  
in Iulian.  
l. 6. c. 2.

Matth.  
10. 32.  
Rem. 10.  
10.

Vide  
VWhitaker.  
in Præ-  
lect. de  
Rom. Pon.  
q. 7. per  
tot.



ad salutem. Respondeo : Diserta inpositio est de factis Latinis , de  
his locis testimonia sunt pro con- quibus nos alio loco satis  
fessione , at pro cæremoniis nul- multa dixi-  
lum. mus.

Sextum caput , seu sexta pro-

Finis sexta Quaestionis ; & totius Controuersiae de Sacra-  
menti in genere.



# CONTROVERSIÆ DE BAPTISMO, QVÆ- STIONES SEX.

## I.

DE definitione Baptismi, Quid Baptismus sit.  
Pag. 214.

## II.

De necessitate Baptismi, An sit simpliciter ne-  
cessarius ad salutem : Vbi de Baptismo  
flaminis & sanguinis agitur , & de tem-  
pore quando Baptismus coepit esse neces-  
sarius. 223.

## III.

De Ministris idoneis Baptismi, Quibus com-  
missa sit autoritas Baptizandi. 256.

IV. De

## IV.

De effectis Baptismi, Qui sint Baptismi effe-  
ctus: Vbi agitur de fide paruulorum cum  
baptizantur. 264.

## V.

De Ioannis Baptismo, An Baptismus Ioannis  
idem fuerit cum Christi Baptismo. 300.

## VI.

De cæremoniis Baptismi, Quæ cæremoniæ  
sint in Baptismo adhibendæ , quæ non.  
333.

Dd 3

CON



# CONTROVERSIÆ DE BAPTIS- M O.

## Quæstio I.

### Quid sit Baptismus.

#### C A P V T I.

#### De distributione totius Controuersia in suas Quæstiones.

**S**CRIBITVR  
Marc. 16. 16. ὁ  
πισθους καὶ βα-  
πτισθεὶς σωθήσε-  
ται, Qui credide-  
rit, & baptizatus  
fuerit, seruabitur.

Christus nostræ redemptionis la-  
boribus & negotio perfunctus, re-  
ditum nunc in patriam, e qua  
nostra causa quasi exularat tam  
diu, parat. Mandat autem prius  
Apostolis diserte de rebus omni-  
bus, quæ ad illorum officium per-  
tinebant, quia illos oportebat esse  
testes eorum, quæ viderant & au-  
dierant, in toto mundo. Fructus  
enim beneficiorum, quæ Christi  
morte continentur, non ad ludæos

modo, sed ad omnes homines spe-  
ctat. Quare primarium manda-  
tum fuit de prædicando omni cre-  
aturæ Euangelio, id est, ut Mat-  
thæus habet, omni genti. Tum  
Matthæus mandatum de Bapti-  
smo addit, quod Marcus præter-  
misit: sed quod Matthæus omisit,  
Marcus vtilitatem ex fide & Ba-  
ptismo redundantem conmemo-  
rat; ὁ πισθους, inquit, καὶ βαπτι-  
σθεὶς σωθήσεται, Qui crediderit & ba-  
ptizatus fuerit seruabitur. Ex qui-  
bus verbis intelligimus, ad quos  
Euangelium pertinet, ad eos etiam  
Baptismum pertinere, quo quasi  
symbolo vis Euangelii consignata  
est. Aliqui nunc primum à Chri-  
sto institutum Baptismum esse pu-  
tant:

tant: & Papistæ, quanquam non  
nunc primo institutum esse con-  
tendunt, tamen eius observatio-  
nem nunc primum necessariam fa-  
ctam esse credunt: quæ illorum  
sententia ex eo errore nascitur,  
quod Ioannis Baptismum non fu-  
isse Christi Baptismum existiment.  
Nusquam enim à Christo ante a-  
liquid de Baptismo præceptum  
legimus, nisi Ioannis Baptismum  
esse Christi Baptismum dicamus,  
de quo Ioannes ipse ait, ὁ πῦλός  
με ἐκέντησεν ἐν Ἰδαν, Qui misit me,  
ut baptizarem aqua, quo etiam Chri-  
sti Apostoli vsi sunt. Igitur an-  
te hac non modo Baptismus, sed  
etiam Circumcisio in vsu fuit, quæ  
vsque ad Christi mortem dura-  
uit: nunc abrogata Circumcisione  
Christus Baptismum retineri iu-  
bet. Ex hac autem sententia male  
intellecta duo sædissimi errores  
nati sunt.

Primus eorum est, qui dicunt, si  
quis fidem Christianam profitea-  
tur, & Baptismo initiatus fuerit,  
eum saluum fore, quantumvis  
post susceptam fidem & Bapti-  
smum viuat scelerate; quam et-  
iam nobis opinionem Papistæ fal-  
so tribuunt. Nos enim eos, qui  
flagitiose viuunt, non modo sa-  
lutis sed & fidei expertes esse di-  
cimus: nam vera fides infructuo-  
sa non est, sed semper ex charitate  
operatur: & Deum cuique secun-  
dum opera redditurum affirma-  
mus.

August.  
in lib. de

De his Augustinus alicubi, &

Euthymius non male in hunc i-  
psam Marci locum, Qui crediderit,  
& baptizatus fuerit, seruabitur, id  
est, inquit Euthymius, modo fidem  
& Baptismum impollute conseruaue-  
rit. Imo cum Baptismus nouæ  
vitæ Sacramentum & initium sit,  
quomodo seruari possunt, qui vi-  
tam professioni contrariam de-  
gunt? ergo qui crediderit, id est,  
Euangelium amplexus fuerit, &  
qui fuerit baptizatus, id est, qui  
in Sacramento Baptismi veteris  
vitæ sordes ablucit, deque aliis  
postea cauerit, ne sit inanis Bapti-  
smus, is σωθήσεται, seruabitur, id est,  
non modo pœnam improborum  
effugiet, sed summis & sempiter-  
nis gaudiis potietur.

Alter error est Anabaptistarum,  
qui nullos baptizari volunt, nisi  
qui Euangelio credere possunt,  
quia Christus ait, Qui crediderit,  
seruabitur: sed palam Christus de  
adultis loquitur, quia dixerat an-  
tea, prædicate Euangelium omni crea-  
turæ; infantibus vero non prædi-  
catur: & subiungit statim, Qui non  
crediderit, condemnabitur. Non  
ergo prohibet baptizari creden-  
tium liberos, sed ex iis, quibus  
Euangelium prædicatur, eos tan-  
tum & alios nullos baptizari vult,  
qui aut credunt, aut se saltem  
credere profitentur. Verum ista  
Quæstio non est inter nos & Pa-  
pistas agitata; nos enim non mi-  
nus quam illi Baptismum paruul-  
orum tenemus: quare hanc  
Quæstionem missam faciemus, &  
eas.



eas tantum, de quibus inter nos & illos controuertitur, tractabimus.

Sunt vero illæ huiusmodi. *Marc. 16.* Christus ait, *Qui crediderit, & baptizatus fuerit, seruetur*: quæritur ergo primo, Quid sit Baptismus; ubi de Baptismi nomine, materia, & forma dicendum est: secundo, quam sit necessarius Baptismus; quia ex his verbis videtur Baptismus necessarius esse, etiam ad salutem; ait enim Christus, *Qui crediderit, & baptizatus fuerit, seruetur*: tertio, à quibus conferendus Baptismus sit: quarto, quia hic cum Baptismo fides coniungitur, quærendum est de vi Baptismi, quid valeat, & quæ ac quanta eius effecta sint; ubi etiam nonnihil de fide paruulorum agendum est, quia Bellarminus hac de re Lutheranos & Calvinistas perstringit: quinto, quærendum est, utrum hic Christi Baptismus potior potior sit, quam fuit Ioannis: sexto & postremo, quoritu, & quibus cæremoniis procurandus & celebrandus sit hic Christi Baptismus.

## C A P U T II.

*In quo prima Quæstio tractatur & explicatur.*

**P**RIMA igitur Quæstio est, quid sit Baptismus, ubi de ipso Ba-

ptismi nomine primo loco quærendum est. *Βαπτισμός* aut *ἐκπύουα* immersionem in aquam significat, quia olim qui adulti baptizabantur, non leuiter aqua tincti aut aspersi fuerunt, sed immersi, & quibusdam quidem in locis ter immersi; qui mos in Ecclesia diu permansit. Et cum Baptismus nostræ cum Christo & mortis & resurrectionis symbolum sit, mortis quidem peccati, resurrectionis vero ad vitæ nouitatem; multo melius & conuenientius mortem & sepulturam immersio quædam quam aspergio adumbrat, & resurrectionem emerisio ex aqua, quam si vel caput, vel frons tantum aqua tingatur seu aspergatur. Hinc olim non caput modo aut frons, sed totum corpus immergebatur, idque non adultorum modo sed & paruulorum.

Alia tamen locorum & populorum quorundam consuetudo fuit, ubi tinctione contenti, quam sufficere putarunt, immersionem non desiderabant. Hinc quæstio nata est de membro, quod sit tingendum, utrum scilicet caput, an frons, an pectus, an manus, an pedes tingi debeant: sed communi omnium iudicio consentaneum visum est, ut vel caput totum, vel frons perfundatur. Quamquam autem in adultis & sanis immersionem meliorem esse putem, tamen sufficere in paruulis & clinicis asperisionem arbitror.

Nam

*Tertull. c. 1. Prax.* Nam Christus iussit *ἐκπύουα*, non modum præscripsit: *ἐκπύουα* vero non immergere tantum significat, sed & tingere, etsi nusquam, quod sciam, aspergere, nam illud est *παύειν*. Tertullianus ait, Apostolos iussos esse, ut tingerent in nomine Patris, & Filii, & Spiritus sancti; & tinctionis sæpe meminit, & sic Cyprianus Tertullianum secutus: sed baptizandi vocabulum aptius est, quam aut tingendi, aut immergendi, aut etiam mergitandi, quo vocabula usus est Tertullianus, aut abluendi. Et debet hæc ablutio per alium fieri, ut sit distinctio inter baptizantem & baptizatum: nam Christus per manus Ministri vult nobis bona cælestia in usu Sacramentorum conferri. Ideo & Christus se non baptizauit, sed à Iohanne baptizari voluit, & ab eodem Apostolos iussit baptizari. Quare ridiculus est Innocentius quarrus, qui ait Iudæum quendam recte baptizatum esse, qui se baptizarat; & eundem esse seruatum propter fidem Sacramenti, non fidæ Sacramentum. Scholastici de passiuo & actiuo Baptismo multa loquuntur, & passiuam ablutionem plus valere volunt, quam actiuam. Nam si vnus Minister decem homines eadem aqua ablueret, & diceret, *baptizo vos* &c. essent baptizati omnes & essent decem Baptismi: contra si decem vnum hominem simul baptizarent, dicentes simul, *Nos baptizamus te*, aut singuli, *Ego te baptizo*,

non nisi vnus Baptismus esset. Melius vero est, ut puto, tingere, quam aspergere: nam qui tingitur, in aquam immittitur, & quasi immergitur. Hinc *ἐκπύουα* pro lauare sumitur, ut qui manus lauant, in aquam immergunt, ut sordes abluant: *Heb. 9. 10.* & erant Iudæorum ex Lege *δύο-χοι ἐκπύουα* diuersæ ablutiones; se enim totos & vestes lauabant, & *Marc. 7.* Pharisei has lotiones auxerunt; quoties enim è foro veniebant, se lauabant; & poculorum etiam ac cyathorum crebris lotionibus utebantur: vnde Iohannes secundo, *Ioan. 2. 6.* positas esse sex hydrias legimus ad aquam capiendam, quia in more illis positum fuit continuis lotionibus uti. Metaphorice vero hoc vocabulum *ἐκπύουα*, vel *ἐκπύουα* pro calamitatibus aut miseriis sumitur, quibus pii grauiter vexantur: nam in Scripturis præsertim in Psalmis aquarum & fluituum & marium nomine afflictiones significantur. Sed ut qui baptizantur emergunt, sic pii non absorbentur ab huiusmodi afflictionibus, sed tandem aliquando euadunt feliciter. Sumitur etiam interdum pro donis Spiritus Sancti in nos largissime effusis, *Act. 1. 5.* ut Actorum primo, & secundo. In priori loco Christus Apostolis suis ait, *vos baptizabimini Spiritu Sancto post non multos hos dies*: in posteriore loco verba Dei apud Prophetam Ioëlem citantur, *Es- Ioel. 2. 28.* fundam ex Spiritu meo in vniuersam carnem: non ait, guttatim aspergam, sed vberime effundam Spiritum.

ritum meum ultimis temporibus. Patres variis nominibus Baptismum appellabant propter eius varios effectus, præcipue autem & frequentissime φωτισμόν, id est, illuminationem, quod in Baptismo noua quædam è cælo lux affulgeat; & diem, quo Baptismus administrari solebat Nazianzenus vocat ἀγὰ φωτὸς, sacra lumina; & mos erat eo die faces accendere, vt se nouo lumine illustratos esse significarent. Non assentior Bellarmino φωτισμόν dici, quod tum infunditur habitus fidei; nam si adultus baptizetur, ante habet habitum fidei, quam Baptismum, vt Cornelius, & Eunuchus: sed potius quia in Baptismo peccata abluuntur, & noua gratiæ lux confertur, id est, collata obsignatur. Iam postquam ratio nominis satis constat, de Baptismi definitione & eius partibus dicendum est.

Baptismus autem varie à Theologis definitur: Melancthonis & Caluini definitionem reprehendit Iesuita. Caluini vero definitionem hanc proponit, Baptismus est signum initiationis, quo in Ecclesia cooptamur societatem, vt Christo insiti inter filios Dei censeamur. His verbis usus & finis Baptismi optime describitur, nec credo Caluini his verbis Baptismum definisse, sed vim Baptismi docuisse.

Petrus Martyr fuscè definiuit. Summa definitionis hæc est, Baptismum esse signum regenerationis,

constans lauacro aqua in verbo: cui similis est definitio Catechismi Romani, Baptismus est Sacramentum regenerationis per aquam in verbo vita. In postrema huius Catechismi editione illud vocabulum (vita) omittitur, quod tamen apud Bellarminum habetur: vbi obseruandum, Primo, signum seu Sacramentum esse genus Baptismi; Secundo vocem regenerationis esse partem differentiæ, non totam differentiam, vt vult Bellarminus; neque distingui hac voce Baptismum à Sacramentis veteris Legis, vt ait Bellarminus, quia Circumcisio etiam olim fuit signum seu Sacramentum regenerationis, vt nos antea docuimus, sed à Cæna Dominica, quæ non renouationis & regenerationis Sacramentum est, sed vitæ potius & nutritionis per Christum; Tertio his verbis, per aquam, externum huius Sacramenti elementum & notam differentiæ significari; Quarto, hac voce, in verbo, formam Baptismi declarari, nempe, in nomine Patris, & Filii, & Spiritus Sancti, sic vt hæc vltima vocabula, per aquam in verbo, ad integram & absolutam differentiam efficiendam pertineant.

Illud vero rectissime à Bellarmino dicitur, aquam non esse Sacramentum Baptismi, quæ est res permanens, sed abluitionem per aquam, quæ est res transiens. Ita Magister Sententiarum, Non vltique ipsum elementum sit Sacramentum, l. 1. d. 3. sed ut. d.

sed ablutio facta in elemento. Vnde hæc colligimus, primo, optime à nostris Sacramentum dici actionem aut ritum: non enim Sacramentum est elementum, sed elementi, quemadmodum Christus instituit, applicatio aut cæremonia, vt hominem abluere eo ritu, quo Christus iussit, est Baptismus; secundo, Sacramenta esse in usu tantum Sacramenta, extra usum vero non habere rationem Sacramentorum: est enim Sacramentum actio transiens, non aliquid permanens: non ergo aqua in Baptisterio manens post Baptismi administrationem est Sacramentum, aut Sacramenti rationem habet, non magis quam si quis in fluuio baptizaretur, hæreret ratio Sacramenti in fluuio, quia Sacramentum est res transiens; postquam igitur actio transiit, Sacramentum esse desinit.

Sic Bellarminus, Ipsa aqua non est Sacramentum Baptismi, quæ est res permanens, sed ablutio, quæ est res transiens; tertio, transubstantiationem esse merum commentum: nam Sacramentum Eucharistiæ non est panis aut vinum, sed panis & vini sumptio; qua finita actione, nihil remanet, quod Sacramenti rationem habet. Si enim aqua non sit Baptismi Sacramentum, sed ablutio, vt statuit Bellarminus, idem certe de pane & vino sentiendum est, non hæc esse Sacramentum Eucharistiæ, sed horum perceptionem, qua frangitur & editur panis, ef-

funditur vero & bibitur vinum.

Nunc de materia Baptismi dicamus, quam omnes aquam esse volunt: nam Ioannes Christum in Iordane baptizauit; Eunuchus inquit Philippo, id est ὕδωρ, 16. En aquam: quid prohibet me baptizari? Apostolus Petrus de Cornelio & cognatis ac amicis eius ait, Num quis aquam prohibere potest quo minus baptizentur isti? & Paulus Apostolus Baptismum vocat λουτρὸν ὕδατος, lauacrum aquæ.

Hæc aqua Christi sanguinem significat; & congruit analogia: nam vt sordes infusa aqua abluuntur, sic peccata Christi sanguine aspersa: ergo infani Seleucus & Hermias fuerunt, qui Baptismi materiam ignem esse voluerunt, propterea quod Christi Baptismus igni comparatur, & in igne fore dicitur, vt Iohannis in aqua; quemadmodum testatur Augustinus: & Papistæ quidem cum aqua sputum & alia huiusmodi miscentes peccant: etsi enim non ista faciunt, quasi sine his Baptismus non sit, tamen cum sine Scripturæ autoritate faciant, tanquam corruptelæ & sordes respui debent. Iohannes pura aqua baptizauit, sic & eius Apostoli: an nos meliorem Baptismum optemus, præsertim cum Christum ipsum sciamus hoc Baptismo baptizatum fuisse? & est hæc communis sententia, aquam, & quidem aquam elementarem ac

Ec 2 natu-



naturaliter esse materiam Baptismi, & in illo necessario requiri. Lutherum hic perstringit Iesuita, quod rogatus, num si aqua deficiat, in lacte aut ceruisia baptizare liceret, respondisse dicitur, quicquid balnei nomine nuncupari potest, illud esse aptum ad baptizandum: at è lacte balneum fieri & ex oleo ac vino potest. An hoc Lutherus dixerit, nescio; non enim vidi illum librum, quem citat Bellarminus: sed si sic. Lutherus respondit, ei non assentior, nec eius iudicium hac in re probo: neque id Lutherus sensit, ut opinor. Nam analogia seruanda est inter signum & rem signatam; quæ optima & aptissima est inter sordium per aquam & peccatorum per Christi sanguinem ablutionem; at in lacte & oleo non constabit: neque enim lactis & olei ea natura est, ut abluant. Probari ergo non possunt, qui aut aliam materiam adhibent in Baptismo, quam aquam, aut hanc corrumpunt. Neque igitur in niue aut glacie baptizare licet, quia aqua fluida esse debet, alioqui non abluit; neque aquas factitias aut artificiales adhibere licet, qualis est aqua rosacea, quia hæc non elementares aquæ sunt, sed confectæ; ergo æquivoce tantum aquæ sunt, quia sunt expressiones humorum ex herbis: in aqua autem ex aere concreto licet baptizare, quia est naturalis aqua; at si paulisper mutata aqua fuerit, accidentalis est. In re tam

Luther.  
in Sympo-  
sias colloq.

seria non est ludendum. Sed de his rebus non magna inter nos & Pontificios controuersia est.

Similiter præscripta à Christo & statuta forma Baptismi est: non ergo immergere aut aspergere sufficit sine verbis sola voluntate baptizandi, aut quibus quisque verbis voluerit, sed ea verba requiruntur, quæ Christus pronuntianda esse voluit. Nam oportet ut verbum accedat ad elementum, alias non est Sacramentum; & verbum quidem Christi, non hominis cuiusquam, quia debet esse verbum vitæ, quod solius Dei est: ergo iis verbis peragi debet Baptismus, quæ Deus distauit, & usurpari præcepit. Facilius in forma peccatur, quam in materia: & vitium formæ naturam tollit potius quam materiæ. Multi hæretici gauiter hac in re peccarunt, dum formam mutarent: nobis sufficit, quod Christus discrete in nomine Patris, & Filii, & Spiritus Sancti Baptismum administrari iussit, atque ita omnino baptizandum esse credimus. Bellarminus Lutherum improbat, & meo quidem iudicio non sine causa, quod scripserit Baptismum ratum esse quibuscunque verbis collatum, modo in nomine Domini, non hominis cuiusquam, datur; ut si quis sic baptizaret, Baptizote in nomine Iesu. Etsi Lutherus vltatam formam maxime probat, tamen quod hoc in loco

Lutherus  
lib. de ca-  
pitu. Ba-  
lon c. de  
Baptism.

scri-

scribit, non video qua ratione defendi possit; nam modo in nomine Domini collatus Baptismus sit, non aliud requirit; imo sine collatus quidem in nomine Domini sit, sed tantum susceptus, esse verum Baptismum ait: quod ego non puto verum esse. Christus enim præcepit, ut conferatur Baptismus in ipsius nomine, non modo sumatur; nec in eius nomine tantum, sed etiam Patris & Spiritus Sancti. Non quicquid Lutherus scripsit statim verum est, licet ille insignis Theologus fuerit: seruanda est forma à Christo præscripta. Ne vero damnet Aduersarii Lutherum propter hunc errorem: nam Caietanus Cardinalis æque turpiter errauit, qui Baptismum in nomine Trinitatis collatum sine Personarum expressa mentione verum esse Baptismum ait: quod omnes Scholastici & Pontificii alii negant.

Zuuingl. in lib. de ver. & fals. relig. c. de Baptism. sub finem.

Zuuinglius sic potius baptizandum putat, in nomine Patris, & Filii, & Spiritus Sancti, quam, in nomine Patris, &c. quia Græce dicitur, εἰς τὸ ὄνομα, & sæpe legimus in Scripturis εἰς τὸ ὄνομα Χριστοῦ; & efficacius est in nomen Dei, quam in nomine Dei baptizari; nam illud baptizari in nomine Patris, & Filii, & Spiritus Sancti, est in horum fidem baptizari, ut qui prius eramus toti mundo dicati, nunc toti Deo consecremur: in nomine autem Patris, & Christi, & Spiritus Sancti baptizari, est auspiciis tantum & mandato ho-

rum baptizari. Sed non improbat Zuuinglius hanc baptizandi formam, neque improbanda est, quia legimus etiam in Scripturis administratum esse Baptismum *ἐν τῷ ὀνόματι Χριστοῦ*, & *ἐν τῷ ὀνόματι Κυρίου*, id est, in nomine Christi, & in nomine Domini: sed sensus debet esse, qualem Zuuinglius vult, ut non solum autoritate Dei, sed in eius fidem & cultum nos baptizari intelligamus. Quod vero reprehendit Lutherum Bellarminus, quod dixerit sufficere Christi nomen in Baptismo, certe etsi Lutherus non recte opinione mea sensit, tamen non solus sic sensit, quasi hæc noua Lutheri hæresis fuerit; nam idem ante illum Ambrosius, Beda, Bernardus, & Magister Sententiarum senserunt; quod Bellarminus ipse obseruauit: hi enim omnes putant Apostolos sic baptizauisse, & plerique etiam Scholastici, qui tenendam hanc plenam formam esse affirmant, & omnia Christi verba usurpanda esse dicunt, Apostolos vero aliter baptizasse, scilicet tantum in Christi nomine, ex dispensatione quadam, quæ tamen nusquam in Scripturis habetur. Verum hoc non satis recte ab illis tenetur: si enim Apostoli tantum in nomine Christi baptizarunt, hanc esse veram formam non dubium est; & tum licet aliis Ministris eodem modo baptizare, & tamen Scholastici non esse hanc veram formam contendunt: at impium inprimis est putare, Apostolos

Act. 2. 38.  
& 10. ult.  
vers.

Ambros.  
in l. 1. de  
Spir. S. c. 3.  
Beda in  
Act. c. 10.  
Bernard.  
Epist. 340.  
Lombar.  
l. 4. d. 3.

Ee 3 legi-

legitimam Baptismi formam non seruasse. Quod vero interdum in Actis legimus, Apostolos tantum in nomine Christi baptizasse, id non de forma Baptismi, sed de fine & scopo intelligendum est: tota enim Baptismi vis in Christo continetur, qui solus confert, quod Baptismus significat. Et hanc quoque opinionem tenet Bellarminus, quam videtur à nostris Theologis hausisse: unde illud colligi potest, eum cum suis pugnare; nam alii Papistæ arbitrantur & vno ore affirmant, Baptismi formam ab Apostolis mutata esse, ex eoque colligunt, non necessario obseruandam esse formam Eucharistiæ, vt in vtraque scilicet specie administratur: sed discant illi ex Bellarmino suo, si nos audire nolunt, non esse ab Apostolis Baptismi formam mutatam. Neq; tamen ita superstitiose verbis adhærescendum esse existimamus, quasi esset vis occulta & magica in ipsis literis, modo sensus verborum retineatur; nec sentimus, vt ex illis quidam, ne vna quidem vocula aut syllaba à verbis aberrandum esse. In quorum numero est Innocentius quartus, qui tam delirus fuit, vt si quis sic baptizaret, *Ego Petrus baptizo te in nomine Patris, & Filii, & Spiritus Sancti*, non esse verum Baptismum diceret: sed illum reprehendit Adrianus Pontifex, atque etiam Dominicus a Soto. Quare

Adrian.  
in 4. q. 1.  
art. 3.  
Dion. 106

Græcorum formula legitima est, *in a. d. 3.* quæ est huiusmodi, *Baptizetur N. in nomine Patris, & Filii, & Spiritus Sancti*: & Bellarminus ipse, si quis sic baptizetur, *Ego baptizo te in nomine Patris, & Filii eius Iesu Christi, & Spiritus Sancti*, eum recte baptizatum esse putat, & illud, *Ego*, omitti posse existimat. At Græci in eo non probandi, quod Latinorum formam ita improbarunt, vt eos etiam rebaptizarent, qui à Latinis baptizati sunt. Debemus igitur formam à Christo præscriptam obseruare, sed non debemus tamen ita superstitiose verbis adhærescere, vt nefas esse putemus vel vna vocula ab iis discedere. Græci vero sic potius baptizandum putant, vt diximus, quam cum expressione nominis Ministri propter illud Apostoli, qui hinc schisma autem esse dixit, dum alii se Pauli, alii Cephæ, alii Apollo se esse dicerent. Quod autem hanc Baptismi formam negat Bellarminus nos tueri posse sine Ecclesiæ autoritate & traditione; non mediocrem meretur reprehensionem: nam Euangelii expressa verba nos hanc formam docent, *Profecti docete omnes Gentes, baptizantes eos in nomine Patris, & Filii, & Spiritus Sancti*: & licet quis contra calumniari possit, tamen dilui hæc calumniæ facile possunt. Sed ridiculum est tam leues

consecrari ritus,

Finis prima Questionis.

Que-

## Quæstio II.

### De necessitate Baptismi.

#### C A P V T I.

#### De statu Questionis.



**M**ARC. 16. 16. *Qui crediderit, & baptizatus fuerit, seruetur*: His verbis Christus credentibus & baptizatis salutem promittit: hinc quæri potest, num Baptismus tam sit ad salutem necessarius, quam fides, quia Christus cum fide Baptismus coniungit. Sine fide vero salui esse non possunt, qui modo ad audiendum Euangelium & credendum idonei sunt: paruulorum autem ante usum rationis morientium alia videtur esse ratio. Igitur proxima Quæstio est num paruuli damnantur, si casu aliquo Baptismo priuentur, & num adultis credentibus, & tamen antequam baptizentur morientibus, modo nulla sua culpa Baptismo caruerint, non sufficiat fides ad salutem.

Concil.  
Trident.  
sess. 7. c. 2.

Bellarminus ex autoritate Concilii Tridentini statuit. Baptismum esse ad salutem necessarium: imo tantam esse Baptismi necessitatem contendunt Aduersarii, vt

non modo adulti, si recusent, damnantur, sed etiam tam infantes quam adulti propter solam eius priuationem pereant. Nos, etsi contempsisse Baptismum sit morte dignum peccatum, quia qui Christi institutum contemnit, Christum contemnit; & non sumpsisse cum possis, aut distulisse longius quam oportet sine necessaria causa, defendi nullo modo possit; tamen si homo ex animo credat, illi remissa esse peccata, & eum nihil à cælo arcere posse, non Baptismi aut rei vllius externæ priuationem, dicimus; paruulis autem non magis fraudi esse, caruisse Baptismo, quam quod non actu credunt; nec posse illos propterea à salute excludi, sed quemadmodum sine actu credendi, ita & sine Baptismo seruari posse. Mortiferum est contemnere, at non mortiferum, si careat aliquis non sua culpa sine contemptu. Nos ergo sic esse necessarium Baptismum affirmamus, vt non debeat contemni, non autem simpliciter necessarium esse contendimus:



mus: non ergo pueros ideo perire, quod non baptizentur.

Bellarminus tres partes facit huius Quæstionis de Baptismi necessitate: *prima* est, an sit necessarius Baptismus: *secunda*, quando cæperit esse necessarius: *tertia*, an Baptismi defectus suppleri possit per Baptismi fluminis & sanguinis, id est, per martyrium & poenitentiam: sed *prima* tantum nos attingit, reliquæ duæ inter ipsos agitantur; nos tamen quid doceant exponemus. Quod ad *primam* ergo partem attinet, Bellarminus nos esse Pelagianis peiores dicit, quia illi Baptismum necessarium esse dixerunt ad regnum cælorum assequendum, etsi non ad remissionem peccati originalis; nos vero ad neutrum horum necessarium esse volumus. Sed hæc impudentissima calumnia est: duplex enim inter nos & Pelagianos dissimilitudo est. *Primo*, Pelagiani dixerunt infantes non habere peccatum ullum originale: ergo non esse necessarium Baptismum ad purgandum id quod omnino non est: nos infantes esse originali vitio coinquinatos dicimus: ideo egere purgatione, cuius Sacramentum Baptismus est.

*Secundò*, Pelagiani sine Baptismo paruulis salutem ac vitam æternam pollicebantur, sed eos esse à regno cælorum alienos dicebant, ut testatur Augustinus; quod nihil stultius dici potest, quasi esset salus aut vita æterna extra re-

gnum cælorum. Imo hac in re Pelagianis simillimi sunt Papistæ: nam illi volunt paruulos sine Baptismo morientes nec gaudium nec poenam sentire, id est, nec cælum nec infernum adire: habent ergo vitam & salutem; non enim damnati sunt; tum enim ad poenam adiudicarentur: & tamen non in cælo sunt. Certe non fuit absurdior opinio Pelagianorum.

## C A P V T II.

### In quo diluuntur argumenta Aduersariorum.

**B**ELLARMINVS Baptismi necessitatem tribus argumentis conatur confirmare. *Primum* eius argumentum sumitur ex Scripturis, ex quibus unicum tantum locum affert, qui habetur Iohan. 3. *Iohan. 3. 5.* *Nisi quis renatus fuerit ex aqua & Spiritu Sancto, non potest introire in regnum Dei.* Hæc verba ait non præceptum sed medium sonare, id est, ut alii Papistæ loquuntur, docent Baptismum esse necessarium necessitate finis, non præcepti. Nam finis necessitas maior est quam præcepti: multa enim præcipiuntur, quæ non simpliciter necessaria sunt, ut Eucharistia præcipitur, non tamen pereunt omnes, qui non percipiunt

piunt Eucharistiam, & eiusmodi sunt infinita: at necessitas finis est, quando nisi hoc fecerimus, non illum finem assequemur, ut nisi baptizeris, non saluus eris, quemadmodum volunt Papistæ.

Et hoc Bellarminus ex hoc ipso capite probat, quia ibidem legitur, *Quod natum est ex carne, caro est, & Oportet nasci denuo.* At non ait hic Christus neminem sine Baptismo seruari: carnales nascimur, & denuo nasci oportet, id est, regenerari; regeneramur autem per fidem, & Sacramentum regenerationis huius est Baptismus: quis enim sanus externum Baptismum regenerationem esse dixerit? externus Baptismus non nisi ablutio est in aqua, at regeneratio est interna. quædam gratia, eaque inuisibilis. Sed hoc etiam probat Bellarminus ex figura ænei serpentis: ut olim serpens æneus (inquit) fuit remedium vnicum contra mortem serpentum: sic contra mortem æternam remedium est, renasci per fidem & Baptismum. At hoc de serpente æneo nostram sententiam confirmat: non enim ait Christus, Fide & Baptismo salutem consequentur homines æternam, ut qui olim æneum serpentem oculis intuebantur, corporis sanitatem consecuti sunt, sed usum huius similitudinis postea docet, nempe ita extolli oportere Filium hominis, ut quisquis credit in eum non

pereat, sed habeat vitam æternam. Christus ergo non intellexit per aquam Baptismum; tum enim hic cum fide Baptismum coniungeret: at fidei solus mentionem facit. Quemadmodum ergo perfecte sanati sunt, qui serpentem spectabant: sic eos qui in Christum credunt à regno cælorum nihil impedire potest. Sed exemplis adhuc rem illustrat Bellarminus: sic enim intelligenda vult esse hæc Christi verba, ac si quis diceret, Nisi comedas, non vives, vel, Nisi pharmacum sumas, non conualesces. Non minus ergo necessarius est Baptismus ad salutem illorum iudicio, quam cibus ad vitam sustentandam, aut pharmacum ad sanitatem recuperandam. Nos de hoc loco semel atque iterum antea respondimus, sed quia omnis hæc Quæstio hoc testimonio nititur, nunc quoque sed presse & breuiter respondebimus.

Negamus igitur expositionem, quam Papistæ faciunt huius loci, *Nisi quis renatus fuerit ex aqua & Spiritu Sancto, non potest introire in regnum Dei;* & respondemus *primo* cum Caluino, per aquam hic intelligi non elementum aquæ, sed mortificationem; oportere eos, qui in regnum cælorum ingredi cupiunt, mori sibi & peccatis suis: & sic etiam Patres exponunt. Basilus per aquam intelligi mortificationem, per Spiritum viuificationem: neque ut

ff Bel.

August.  
de peccat.  
merit. l. 2.  
c. 10.

Ioh. 3. 14.  
ff.

Iohan. 3. 5.

I.  
Caluin.  
in Anti-  
dot. Conc.  
Trid. ad  
sess. 6. c. 5.

Basil. in  
lib. de Sp.  
S. c. 15.

Bellarminus ait, præsupponit a-  
quam significare veram & na-  
turalem aquam, & tum quærit,  
cur aqua cum Spiritu coniunga-  
tur, sed cum de Baptismo mul-  
ta dixisset, & adumbrari in Ba-  
ptismo mortificationem docu-  
isse: (ὁ ἰοὺν ἐν δάπτειν τῷ ὕδατι  
τῶν βαπτισμένων τὰ σώματα, ut  
sepeliuntur in aqua baptizatorum cor-  
pora) atque etiam viuificationem;  
huc accommodat quod Christus  
hic ait, *Nisi quis renatus fuerit ex  
aqua & Spiritu Sancto, &c.* id est,  
nisi quis peccatis moritur & vi-  
uit iustitiæ. Et nos sine morti-  
ficatione neminem seruari dici-  
mus: sed sine Baptismo esse mor-  
tificatio potest. Sic Basilius hunc  
locum interpretatur, licet Bellar-  
minus aliter.

II. *Secundò* cum eodem Caluino  
dico, per aquam Spiritum San-  
ctum intelligi, qui est instar a-  
quæ, aquam igitur esse ἐξ ὕδατος  
& epithetum Spiritus Sancti: &  
hunc esse sensum, oportere na-  
sci ex Spiritu, qui purgat, ut  
aqua.

Bellarminus ait, se refutauisse su-  
pra hanc expositionem, quia at-  
tulit quindecim testimonia. Pa-  
trum, qui hunc locum de aqua  
Baptismi intelligunt. *Respondeo*:  
At expositio Scripturæ authori-  
tate fundata non potest infringi  
aut enervari Patrum etiam quin-  
quaginta autoritate. Quasi ve-  
ro Patres in suis expositionibus  
non errarint aliquando. Chri-  
stus per aquam vim Spiritus San-

cti intelligit, ut Ioannes Baptista  
per ignem: vtrumque elemen-  
tum vim purgandi habet, & sic  
Spiritus Sanctus. Matth. 3.  
11.

*Tertio*, Petrus Martyr ait, non  
esse vim faciendam in copula  
(&) quasi perinde aqua necessa-  
ria sit ac Spiritus: nam etsi co-  
pula (&) coniungit quædam,  
non tamen facit esse eiusdem con-  
ditionis & necessitatis: Paulus  
enim ait, *Corde creditur ad iusti-  
tiam, & ore fit confessio ad salutem*:  
at quis dixerit parem esse neces-  
sitate confessionis & fidei: nam  
sine confessione potest quis ser-  
uari, at non sine fide: potest  
enim aliquis ex metu Christum  
negare, & postea pœnitere. Bel-  
larminus ait hoc esse miserum ef-  
fugium, quia fides cordis neces-  
saria est ad iustitiam acquiren-  
dam, confessio oris ad salutem  
non amittendam. At certe hæc  
misera responsio est: nam Pau-  
lus vult vtrumque esse ad salu-  
tem necessarium; & tamen v-  
trumque non est æque necessa-  
rium. Sed dicamus cum Bellar-  
mino, confessionem esse neces-  
sariam, ne amittamus salutem;  
& sic aquam, ne amittamus re-  
gnum cœlorum: quemadmo-  
dum ergo qui volunt salutis par-  
ticipes esse, debent Christum  
confiteri, si hoc requiratur, nec  
salutem assequi possunt, qui  
confessionem, si ea opus fuerit,  
subterfugiunt: ita qui volunt in-  
trare in regnum cœlorum, non  
debent recusare Baptismum, si  
haberi

Matth. 3.  
11.

III.  
Pet. Mart.  
in com-  
ment. in  
Cor. 7.  
Rom. 10.  
10.

haberi potest. Atque si hoc ne-  
cessario de vera aqua sit intelli-  
gendum, ad eos tantum accom-  
modari debet, de quibus hic Chri-  
stus agit, nempe ad adultos Nico-  
demo similes, ad eos qui non cre-  
diderint, aut qui Baptismum con-  
tempserint.

*Quartò*, cum Wicleffo possem  
respondere, posse intelligi aquam,  
quæ fluxit ex Christi latere, ut  
sensus sit, Nisi quis renatus fue-  
rit ex aqua, quæ fluit ex meo  
latere, id est, ex passione mea,  
saluus esse non potest. Pia hæc  
responsio est, sed non propria,  
quam proinde non sequor; ni-  
hil tamen contra hanc responsio-  
nem affert Bellarminus, quod so-  
lidum sit.

*Primò* affert consensum Pa-  
trum: sed consentiens expositio  
Patrum est in Theologia proba-  
bile tantum non necessarium ar-  
gumentum.

*Secundò* ait, Scripturam intel-  
ligendam esse secundum verbo-  
rum proprietatem, nisi aliter co-  
gamur euidenti absurdo. At  
nullum dico posse esse euiden-  
tius absurdum, quam sic ad a-  
quam alligare salutem, ut nisi  
corpus aqua abluatur, anima  
non seruetur; & hominem sine  
peccato suo aliquo perire. Nam  
carere Baptismo sine aliquo con-  
temptu, non est peccatum vel  
originale vel actuale: non origi-  
nale, quia tum fuisset peccatum  
ante institutionem Baptismi ca-  
rere Baptismo: non actuale,

quia sine voluntate committi-  
tur.

*Tertio* ait, quia nisi aqua hic  
pro naturali aqua sumatur, diffi-  
cile erit statuere, Sacramentum  
Baptismi ex aqua constare. Imo  
facillimum. Ioannes enim in a-  
qua baptizavit Christum: Eunus-  
chus ait, *Ecce aquam: quid prohibet  
me baptizari?* Petrus ait, *Quis  
aquam prohibere potest, quo minus ba-  
ptizentur isti?* in quibus locis o-  
mnibus necesse est veram aquam  
intelligi sine metaphora omni.  
Sed Bellarminus aliam VViclef-  
sificationem ac responsionem præ-  
termisit, quæ plus valuit; quia  
eam vidit non posse refutari. Ita-  
que postremo cum eodem VVi-  
cleffo respondeo & dico, si Chri-  
stus hic aquam Baptismi intelle-  
xisset, tum omnes ab eo tem-  
pore, quo Christus ea verba  
protulit, *Nisi quis renatus fuerit  
ex aqua, &c.* sine Baptismo mo-  
rientes periissent: Christus enim  
aperte ait, *Nisi quis renatus fuerit  
ex aqua & Spiritu Sancto, non potest  
introire in regnum Dei*: ergo Bapti-  
smus etiam tum necessarius fuit: at  
hoc falsum.

Nam *primò*, tum Christus  
viam ad cœlum arctiorem fecif-  
set, si omnes per aquam Baptismi  
transire ad salutem debeant: at  
hoc insanum: Christus enim vi-  
am ad cœlum dilatauit: rege-  
nerari vero semper necessarium  
fuit.

*Secundò*, hoc cum Papiſtarum  
sententia, etiam cum disertis  
Ff 2 ipsius

Matth. 3.  
16.  
Act. 8. 36.  
1 Cor. 10. 47.

Vide  
VValdens.  
tom. 2. c.  
101.

V.



Bellarmin.  
de Sacra.  
Baptis. l.  
1. c. 3.

ipſius Bellarmini verbis pugnat, qui in capite proximo, propoſitione tertia, affirmat, Baptiſimum non fuiſſe neceſſarium aut neceſſitate medii, aut præcepti, ante Chriſti mortem, hoc eſt, nullo modo neceſſarium fuiſſe ante mortem Chriſti: at quando Chriſtus dixit, *Niſi quis renatus fuerit ex aqua, &c.* tum neceſſarium fuit etiam neceſſitate medii renaſci ex aqua: quare Chriſtus his verbis regenerationem neceſſarium eſſe ſtatuit, non Baptiſmum. Id patet ex ſcopo loci: nam Chriſtus Nicodemoviam ad ſalutem monſtrat; non ut ſe aqua abluat, ſed ut naſcatur denuo verſ. tertio, tum quid hoc ſit ἀναγεννηθῆναι, id eſt, *denuo naſci*, verſu quinto aliis verbis docet, ſcilicet purgari & renouari. Huic ſimile eſt, quod

Job. 6. 53.

Chriſtus alibi ait, *Niſi manducaueritis carnem Filii hominis, & biberitis eius ſanguinem, non habebitis vitam in vobis*: non ibi de Sacramentali manducatione loquitur Chriſtus, ſed de ſpirituali: ita hic per aquam & Spiritum renaſci, eſt ſpiritualis non Sacramentalis natiuitas. Hæc VVileſſi ratio certiffime euincit, Chriſtum non de Baptiſmo loqui; de qua nihil habet Bellarminus. Et quia adeo vehementer Patres vrget Bellarminus, de aqua hunc locum exponentes: reſpondeo cauendum eſſe, ne nimium Patribus hac in re adhaereſcamus. Id ex eo patet, quod

Auguſtinus diſerte ſcribat, ex illo tempore, quo ſeruator Chriſtus dixit, *Niſi quis renatus fuerit ex aqua, &c.* ſine Sacramento Baptiſmi neminem ſeruatum eſſe: at Bellarminus non fuiſſe neceſſarium Baptiſmum ait niſi poſt Chriſti mortem. Falfum ergo eſt, quod ait Auguſtinus. Atque hæc de primo Bellarmini argumento: habet enim non niſi hunc vnum locum ex Scripturis. Nam etſi quidam hunc Marci locum ſolent allegare, quem nos nunc tractamus: tamen Bellarminus, ut eſt cautus, vidit contra ſe facere: tum enim ut Baptiſmus infantibus neceſſarius eſſet, ita etiam fides actualis.

Secundum argumentum ſumitur à testimoniis Patrum, & traditione Eccleſiæ: Semper Eccleſia credidit (inquit Bellarminus) infantem perire, ſi abſque Baptiſmo de hac vita recedant. At non ſic Eccleſia ſemper ſenſit, neque id Bellarminus docere poteſt. Quid Eccleſia primitiua ſenſerit, incertum eſt: nam licet multi Patres ſic ſcripſerunt, tamen multi Paſtores Eccleſiarum nihil omnino ſcripſerunt: itaque nescit Bellarminus, an hæc conſtans Eccleſiæ opinio fuerit: & quidam etiam ex Patribus, qui ſcripſerunt, docent poſſe homines ſine Baptiſmi Sacramento ſeruari, nempe per Baptiſmum flaminis & ſanguinis. Imo inter Papiſtas ipſos aliqui contra ſtatuunt: nam Caietanus diſerte ait, ſi Baptiſmi facultas

cultras

cultras deſit, ſufficere crucis ſignum cum inuocatione Trinitatis.

Si verum ſit, quod Bellarminus ait, hic turpiter errauit. Affert Bellarminus Concilium Mileuiranum & Carthaginense, quibus interfuit Auguſtinus. Fateor illa Concilia ſic dixiſſe & ſenſiſſe: ſed reſpondeo ſine rubore erraſſe. Occaſionem errandi iis Patribus hæreſis Pelagianorum præbuit, qui infantem non habere originale peccatum dixerunt, ac proinde non opus habere Baptiſmo, quia non ſunt nati in ſordibus peccati. Iam vero ut huic errori acrius reſiſterent hi Patres, docuerunt infantem ita non naſci puros, ut ſine Sacramento regenerationis, quod contra originale peccatum valet, non ſeruarentur: imo eo progreſſi hi Patres ſunt, ut non modo paruulis non baptizatis aditum in cælum præcluſerint, ſed etiam in Tartarum & locum damnatorum eos detruderint, & damnatorum ſuppliciis adiudicarint, cum Papiſtæ iis tantum Limbum quendam assignent, in quo nihil pœnæ ſentiunt.

Sed ego fateor Patres pleroſque nimium Baptiſmo tribuiſſe, inprimis Auguſtinum, quia rem habuit cum Pelagianis: imo ſimiliter ex ſimili errore (de quo monendi ſunt Aduerſarii) & Auguſtinus, & multi alii Patres, pueros etiam ſine Euchariſtia morientes perire affirmarunt: &

Dionyſius Areopagita, ut vulgo vocatur (qui quanquam non eſt verus Dionyſius, tamen eſt Author antiquus) ait infantem ſtatim, ut baptizati ſunt, ſumpſiſſe Euchariſtiam, quemadmodum obſeruauit & Faber Stapulenſis, & Dominicus à Soto. Videte quam tutum ſit ex Patrum voce pendere.

Dionys.  
Areopag.  
c. 2. de Hierarch.  
Ecclef.  
Faber  
Stapulen.  
in cōment.  
in loc.  
Domin. à  
Soto in 4.  
d. 12. art.  
1. q. 9.

Utumque Scripturæ locum eodem modo interpretandum eſſe ſenſerunt hi Patres, & illum, de quo nuper reſpondimus, *Niſi quis renatus fuerit ex aqua, &c.* & alium illum, quem nuper citauimus, *Niſi manducaueritis carnem Filii hominis, &c.* ſimilem vtriuſque loci ſententiam eſſe dicunt. Et hoc certe Patres ſenſerunt, Papiſtæ vero de Baptiſmo quod ſenſerunt Patres, vrget acerrime, de Euchariſtia autem cum illis non ſentiunt.

Tertium & poſtremum Bellarmini argumentum ſumitur à ratione deprompta ex noſtris fundamentis, ut ille ait. Noſtra fundamenta ille facile euerti poſſe putat: ſi vero fundamenta noſtra facile euertantur, tum illi rectius ſentiunt quam nos. Noſtrum vero fundamentum ait eſſe, filios Chriſtianorum naſci liberos à reatu peccati originalis, quia non eis imputatur, cum ſint filii Sanctorum. Sed non hoc noſtrum fundamentum eſt: neque enim omnes Chriſtianorum liberos putamus naſci

ff 3

ſine

sine reatu originalis peccati, aut si moriantur vel post Baptismum, omnes seruari: hoc Deo soli notum est.

Nostrium hoc fundamentum est, Nouit Deus, qui sint sui; & aliud, Salus non est sita in rebus externis, ut carere re externa, praesertim sine culpa nostra, sit nobis fraudi capitali; & aliud, Electi non possunt perire ullo casu: at possunt pueri casu non baptizari. Hæc fundamenta debuit Bellarminus euertere: at non potuit: ergo nouum fundamentum excogitauit, quod nostrum non est. Quid tamen afferat videamus, quia quæ obicit, & ad eorum errores melius intelligendos, & ad nostræ sententiæ veritatem magis perspicuam reddendam, multum conducunt.

Rom. 9. 13. *Primo* igitur obicit Iacobum & Esau, qui erant filii optimi patris, & tamen Deus Iacobum dilexit, Esau autem odio habuit, antequam aliquid boni vel mali egissent: non ergo filii sanctorum nascuntur sancti. Petrus Martyr respondet, filios sanctorum nasci sanctos, quando sunt prædestinati: & quia nos nescimus, qui prædestinati sint, bene sperandum de omnibus filiis sanctorum, donec suam reprobationem probant.

Bellarminus ait, hanc esse ineptam responsionem, quia bene sperandum de omnibus infantibus; sæpius enim contingere,

ut filii fidelium sint reprobati, & filii infidelium sint prædestinati. *Respondeo primo*, Si Deus inter infideles, id est, ethnicos habeat ullos prædestinatos, id esse extraordinarium: nobis autem huius rei nulla est notitia. At nouimus Ecclesiam prædestinatorum esse inter eos, qui fidem profitentur. Sperandum quidem de omnibus, donec contrarium appareat. *Secundo*, Filii sanctorum sancti dicuntur, non quod singuli gratiam sanctificationis habeant, sed quod omnes beneficio fœderis diuini pro sanctis reputentur: nam omnes Adæ posterii in peccato nascuntur: ex his Deus quosdam selegit, quibus cum fœdus percussit: hos omnes sanctos esse dicimus ratione fœderis: quos vero Deus suo Spiritu ex his sanctificet, nos nescimus: sperandum vero bene, quia in hoc semine est Dei gratia. *Si radix sancta sit* (inquit Paulus) *etiam rami: si primitia sancta, sancta etiam messis*. *Tertio*, Illud, in quo præcipua vis responsionis consistit, quam adhibet Petrus Martyr, hoc est, quod ii, qui vere sancti sunt, quales multi sunt fidelium filii, non possunt propter Dei prædestinationem perire; quod probat exemplo Iacobi, de quo dicitur, *Iacob dilexi*: non ergo petire is potuit, etiamsi non circumcissus fuisset: sic Deus multos diligit antequam nascuntur, & tales perire non possunt, etiamsi careant Baptismo:

smo: quos vero Deus odit, ut Esau, non ii seruari possunt, quia Sacramenta sumunt. De hoc nihil respondet Bellarminus, quia non potuit diluere.

11. *Secundo* Davidis exemplum obicit: David (inquit) erat filius fidelis hominis, & tamen ait, *In iniquitatibus conceptus sum, & in peccatis concepit me mater mea*: & Paulus Apostolus erat filius sanctorum, ut ipse affirmat, & tamen ait, *Eramus & nos natura filii iræ*. *Respondeo*. Hi loci docent, quales homines in se sint: sed quando Deus quosdam suo Spiritu sanctificat, & non imputat illis peccatum, sancti esse possunt, quia hoc est gratiæ, illud naturæ.

Bellarminus ait, esse filium iræ, sonare reatum; & certe qui sunt filii iræ, sunt in reatu, quamdiu sunt in natura sua filii iræ, id est, donec à Christo liberentur. Apostolus de cuiusque conditione naturali loquitur, & quidem etiam prædestinati nascuntur filii iræ, & sic manent, quoad sanctificentur: sed è filiis iræ, quales omnes sumus natura, quid nos facit filios gratiæ & Dei? num Baptismus? non; sed tantum Spiritus per se; cuius beneficii Baptismus est Sacramentum. Sed Papistæ Baptismum nos facere filios Dei affirmant: quod si verum sit, tum omnes qui baptizantur, salutem æternam consequentur: at hoc absurdissimum;

cum electi, & prædestinati, atque etiam reprobati sint homines, antequam nati sint; quod exemplum Esau & Iacobi demonstrat.

111.

*Tertio*, obicit Bellarminus, loca Apostoli Pauli de peccato originali generalia esse, ut Rom. 5. 12. *In quo omnes peccauerunt*, & priori Corinthiorum decimoquinto. *Christus pro omnibus mortuus est: ergo omnes mortui sunt*. Bellarminus ait, primo, hæc loca (quanquam in loco posteriori ab illo citato nihil tale habetur, quale ille vult) non posse exponi de vitio naturæ, non de reatu: nam alias (inquit) nemo haberet reatum. *Respondeo*: Omnes peccauimus, & omnes in peccatis mortui sumus: sed tamen non omnes in reatu nascimur; nam quidam in vtero sancti sunt, ut Ioannes Baptista & Ieremias: Num vero sequitur, nullos nasci in reatu, aut neminem habere reatum, quia è comuni conditione Deus quos vult eximit?

*Secundo*, Bellarminus ait, non posse dici, filios fidelium contrahere originale peccatum, sed mox dimitti eis, antequam nascantur: nam si filii fidelium id eo sanctificantur, quia sunt filii fidelium, eodem momento incipient sancti esse, quo incipiunt esse filii fidelium: at eodem momento incipiunt esse filii fidelium, quo incipiunt esse simpliciter:



citer: ergo nunquam habent peccatum originale: quod est contra Paulum, inquit, & contra ipsos Aduersarios. *Respondeo primo*: Non sanctificantur, quia sunt filii fidelium, sed sancti nascuntur; nec natiuitas ipsa facit sanctos, sed Spiritus. Spiritus autem ex Dei fœdere eos sanctificat, qui è sanctis nascuntur, quos voluerit. *Secundo* Dico, posse habere originale peccatum, qui sancti sunt; alias nemo sanctus esset: semper enim originale peccatum haberet.

IV. *Quarto*, obiicit Bellarminus, nostrum fundamentum pugnare cum communi axiomate omnium Christianorum, & omnium Patrum, quod est, Christianos non nasci, sed fieri: & citat Hieronymum & Tertullianum: at secundum Caluinum & Martyrem, inquit, Christiani nascuntur, non fiunt. *Respondeo*: Nostrum fundamentum non pugnat cum illo axiomate. Nemo nascitur Christianus, id est, nemo ex natura sua in Adamo est Christianus, aut filius Dei: at gratiæ munere possunt aliqui nasci filii Dei, vt Iacob, Iohannes Baptista, Ieremias & alii huiusmodi.

Hieron. in  
Epist. 7.  
ad Latan.  
Tertull.  
in Apolo.  
c. 17. in  
fine.

## CAPUT III.

*In quo nostra argumenta proponuntur & defenduntur.*

POSTQVAM Papistarum argumenta pro necessitate Baptismi diluimus, sequitur vt priuationem Baptismi non esse infantibus fraudi aut noxæ capitali doceamus. *Primum* nostrum argumentum sumitur ex Geneseos decimoseptimo. *Ero Deus tuus, & Gen. 17. seminis tui.* Hoc Abraham eiusque posteris dictum est, & nos in eorum locum successimus: nos enim sumus filii Abraham per Christum: dirupta nunc maceria est, quæ nos à populo Dei diremit. Bellarminus ait, *primo*, se supra docuisse, hanc non esse promissionem de remissione peccatorum, sed de peculiari protectione, & fœlicitate terrena. Et nos supra abunde docuimus, quam hæc falsa & absurda responsio sit. *Secundo*, ait, sensu mystico esse promissionem remissionis peccatorum, & vitæ æternæ, & ad nos pertinere. *Respondeo*: Imo in sensu genuino & maxime proprio. Confitetur ergo illam promissionem aliquo modo esse de remissione peccatorum, & vita æterna, & ad nos pertinere: ergo semini nostro promissa est peccatorum remissio. *Tertio* at, hoc esse

esse verum, sed hanc promissionem descendere ad nos non per carnalem generationem parentum, sed per spiritualem regenerationem Christi, quia illi sunt veri filii Abraham, non qui carnis, sed qui fidei filii sunt, id est, qui imitantur fidem Abraham. *Respondeo primo*: Si illa promissio ad nos pertinet, tum aut eo modo, quo ad Abraham posteros, aut non: si non eo modo, tum frustra diruta & sublata materia est, qua disunctio à Iudæis fuimus: sed non frustra sublata est: ergo nos in Abraham familiam ascitum sumus, & eo modo hæc promissio ad nos pertinet, quo ad illos pertinet, ita vt quam primum quis natus est ex fideli parente, statim sit filius Abraham, & censeatur in semine fidelium, etiam antequam baptizatus est: nam priusquam Iudæus aliquis circumciscus fuit, habebatur in numero filiorum Abraham: ergo nunc etiam, quando aliquis nascitur ex fideli parente, est filius Abraham, etiam si non fuerit baptizatus: Baptismus enim non facit filios Abraham, sed natiuitas, quia nascimur in fœdere. *Secundo*, Hæc promissio pertinet ad semen: ergo ad liberos fidelium, eo quod fidelium liberi sint: Deus enim non modo se Abraham, sed & eius semini se Deum fore promittit; vnde quis è posteris Abraham potuit hanc promissionem vindicare: similiter omnes Christianorum libe-

ri possunt eandem iure natalium vindicare, quia ex fidelibus nascuntur. *Tertio*, Quod ait fidem facere filios Abraham, id est, eos pro veris filiis Abraham habendos, qui fidei, non carnis filii sunt, idque ex Romanorum quarto, & nono, & ex Galat. tertio & quarto probat, dico illud non solum nunc verum esse, sed etiam in vetere Testamento verum fuisse: nam Isaacius verus filius, Ismael adulterinus fuit: Deus enim Abraham ait, *In Isaaco vocabitur semen tuum*; non, in Ismaele. *Gen. 21. 12.* Sicut ergo in vetere Testamento non nisi in electis suum plenum complementum habuit hæc promissio: similiter etiam in nouo Testamento. *Quarto*, Quod ait, tum nos incipere esse filios Abraham, cum incipimus esse fideles, quod paruuli non faciunt, nisi cum baptizantur; *Respondeo*: paruulos esse filios Abraham, antequam baptizantur, etiam vt primum nati sunt: alias enim non deberent baptizari. Vt olim in vetere Testamento nullus infans circumciscus est, nisi qui fuit Abraham filius, quia Deus nulli nisi Abraham semini hanc promissionem fecit, *Ero Deus tuus*: ita nunc nemo ad Baptismum adducitur, nisi quod Abraham filius sit: non ergo fiunt Abraham filii in Baptismo, sed quia sunt Abraham filii, ideo baptizantur, vt circumcisio olim non fecit Abraham filiorum, sed quia quis Abraham filius fuit, ideo est circumciscus:

Gg

ergo

August.  
de peccat.  
merito.  
remissio. l. i.  
c. 27.

ergo adducere aliquem ad Baptismum nunc, qui non sit filius Abrahamæ, est sigillum affigere falso diplomati. *Quinto*, Quod ait, Augustinum dicere, Parvulis baptizari est credere: *Respondeo*, me non posse Augustini testimonium admittere in hac causa, quia hic multa durius scripsit hac de re, & præbuit occasionem multorum errorum de Baptismo. Si verum sit, quod Augustinus ait, *Credere est infantibus baptizari, non credere non baptizari*, cum omnes infantes qui baptizantur, credunt, ideoque servantur, & omnes non baptizati non credunt, ideoque damnantur; quod palam cum æterna Dei electione pugnat, qui ait, *Iacob dilexi, Esau odio habui*, antequam nascerentur, & *Misereris cuius miseris fuero*. *Sexto*, & postremo, quod ait, non posse nos fieri filios Abrahamæ per carnalem generationem, cum parentes nostri ab Abraham non descendant; *Respondeo*: non sic quidem nos esse filios Abrahamæ, ut Iudæi fuerunt, nempe secundum sanguinem; sed dici tamen filios Abrahamæ, quia ex Dei dono in locum Iudæorum successimus. Veri rami defracli sunt, & nos in radicem insiti, accensemur eius legitimis filiis: & quia Deus nobiscum nunc idem fœdus pepigit, quod cum illis, ideo filii Abrahamæ dicimur, non quod carnaliter ab Abrahamo descendimus, sed quia iisdem privilegiis

Rom. 9. 13.  
25.

fruimur. Iam ergo cum privilegium Abrahamæ, & fœdus cum Abrahamæ factum ad nos pertineat, sicut omnes Abrahamæ libertant in fœdere; sic nostri omnes, & sicut Deus omnibus eius liberis erat Deus, etiam ante octauum diem, imo ut primum nati sunt, quia dixit, *Ero Deus tuus & seminis tui*; sic & nostris liberis ante Baptismum: & cum illa promissio consistente Bellarmino sit remissionis peccatorum & vitæ æternæ: ergo promissio hæc ad omnes Christianorum liberos, quoscunque Deus elegerit, ex vi fœderis pertinet.

*Secundum* nostrum argumentum sumitur ex priori Corinthiorum septimo, *Alioqui filii vestri immundi essent; nunc autem sancti sunt*: unde sic disputamus, Fidelium parentum liberi sancti sunt & mundi etiam ante Baptismum: ergo sine Baptismo servari possunt. Bellarminus cum Augustino respondet, quæcunque sanctificatio hic intelligatur, non posse villo modo hinc colligi, filios fieri sanctos sine Baptismo. *Respondeo*: At Augustinus multo rectius in eodem capite de tali sanctificatione hunc locum intelligit, qua sancti nascebantur filii fidelium, & hoc Apostoli verba sonare, & quodammodo cogere. Si recte Augustinus scripserit, dicamus necesse est, quosdam nasci sanctos. Sed obicit secundo Bellarminus, Pau-

August.  
de peccat.  
merito.  
remissio. l. i.  
c. 27.

Paulum ibidem dicere, sanctificari coniugem infidelem per fidelem, & tamen, inquit, stultissimum esset credere, coniugem infidelem peruenire posse ad remissionem peccatorum sine conversione ad Deum & Baptismo. *Respondeo*: Quod Paulus ait, vit infidelis *hysia*, id est, sanctificatur in vxore, vel, per vxorem, non hoc de priuata persona viri, sed de conditione illa quæ est maritus, intelligendum est, fidelem scilicet vxorem sanctificare matrimonium & ipsum coniugium purum facere, ut vxor fidelis non polluat consuetudine viri infidelis: cum ergo ipsum coniugium sanctum sit inter eos, quorum impar est religio, id est, quorum alter tantum est fidelis, quanto magis sanctum est coniugium, quod contrahitur inter duos fideles? & si coniugium mundum & sanctum sit, & non quale ethnorum, semen quoque illorum purum sit necesse est: nam si radix sancta fuerit, rami etiam sancti sunt. Sicut ergo illa sanctificatio coniugii facit, ut hoc coniugium multo sanctius sit, quam infidelium: sic necesse est liberos horum sanctiores censi, quam liberos infidelium.

At Bellarminus inter filium Christiani fidelis & pagani nihil differre putat ante Baptismum: quod aperte pugnat cum hoc loco. Ita videris, quid intersit inter nostram sententiam & il-

lius: ille docet Christianorum liberos ante Baptismum esse tam impuros, quam sunt liberi infidelium: at nos contra, ut coniugium illorum sanctum est, ita liberos etiam sanctos esse dicimus. Sed Bellarminus, quia nondum satis sibi respondisse videtur: ait esse tres Patrum expositiones huius loci.

*Prima* est, sanctitatem hic quandam civilem intelligi, qua filii sint legitimi, non spurii: & hæc expositio est Ambrosii, Anselmi, & Thomæ Aquinatis: at Petrus Martyr hanc expositionem iuste reprehendit, quod etiam infidelium filii sint legitimi, si in coniugio legitimo nati fuerint: ergo alia sanctitas hoc loco necessario intelligenda est.

Pet. Mar.  
in comment.  
in  
1. Cor. 7.

Bellarminus hanc expositionem defendit, & Petrum Martyrem reprehendit, sed non satis commode: ait enim, etsi coniugium inter ambos fideles, aut ambos infideles legitimum sine dubio sit, tamen de coniugio inter fidelem & infidelem dubitari posse, an coniugium legitimum sit, propter religionis disparitatem: nam fidelis videtur pollui consortio infidelis. *Respondeo primo*, liberos fidelium dici sanctos civili quadam ratione, nimirum propterea quod nati sint in legitimo matrimonio, absurdum est. Nusquam sic Apostolus: & quis nunc Iudæorum aut Saracenorum liberos nasci sanctos diceret?

Gg 2

nam



nam sanctitas est contraria nati-  
uæ corruptioni : at illi in pecca-  
tis toti nascuntur, quia à fœdere  
prorsus alieni sunt. *Secundo.* A-  
postolus ait, virum infidelem  
sanctificari in coniuge fidele: num  
hic sensus esse potest, cum fieri  
legitimum maritum propter con-  
iugem fidem : imo sensus est,  
coniugium hoc sanctum esse, non  
modo legitimum, propter alte-  
rius sanctitatem. *Tertio, Quod*  
*ad Ambrosium attinet, illius in-*  
*commoda expositio est :* nam  
iuxta illum, si fidelis dimitteret  
infidelem nolentem vna habitare,  
& se alteri copularet, illius li-  
beri forent adulterini : quod ve-  
rum quidem est, sed Apostolus  
tali hypothese non est usus, ut  
fidelis dimittat infidelem; sed ait,  
nisi infidelis per fidem sancti-  
ficaretur, liberos eorum esse im-  
mundos; non ait, quos in altero  
coniugio, id est, in adulterio, sed  
quos in hoc coniugio suscipiunt.  
Sed Ambrosii alia quoque expo-  
sitiō est, illorum liberos mundos  
vel sanctos dici, quia nati sunt  
sub creatoris veneratione ex par-  
te propensiore, id est, quia parens  
alter fidelis Deum veneratur.  
Thomas autem non recte, quan-  
do illud, vir infidelis sanctifica-  
tur per coniugem fidem, sic  
exponit, id est, fidelis nullam ex  
cohabitatione pollutionem ac-  
cipit : at Apostolus non modo  
fidem non pollui ex infideli,  
sed infidelem sanctificari ex fidele  
ait.

*Secunda expositio est, filios ho-*  
*rum coniugum dici sanctos, quia*  
*consecrantur Deo ab altero con-*  
*iuge fidele, & Christiani per Ba-*  
*ptismum fiunt, & in timore Dei*  
*educantur. Sic Patres nonnulli,*  
*inter quos est Augustinus, qui*  
*alicubi ait quandam asperginem san-*  
*ctitatis à piis parentibus ad liberos per-*  
*uenire : & Hieronymus ait, infi-*  
*delem cum fidele permanentem esse quasi*  
*candidatum fidei, quia non sic odit*  
*nomen Christianum, ut non possit*  
*pati uxorem esse Christianam. Sed*  
*Petrus Martyr hanc etiam expo-*  
*sitionem reprehendit, quia sæpe*  
*ex stupro nati liberi Deo conse-*  
*crantur, ut Adeodatus Augu-*  
*stini filius, quem pater pie edu-*  
*cavit.*

Nec valet quod Bellarminus  
ait, scortationem rem impuram  
& illicitam esse: nam nihilo mi-  
nus qui ex stupro nascuntur pos-  
sunt Deo consecrari; nunc enim  
de liberis loquimur, non de pa-  
rentibus: si ergo sancti sunt, qui  
Deo consecrantur, ex illicito coi-  
tu nati non minus sancti dici pos-  
sent, quam ex licito; & cum vir  
sanctificatur infidelis, num Deo  
statim consecratur? Sed addit  
Martyr præterea, quod Bellar-  
minus tacuit, Apostolum velle  
illius matrimonii sanctitatem  
confirmare: quod autem filii sic  
consecrantur Deo, hic fructus  
potius est talis matrimonii: non  
ergo ipsius matrimonii sancti-  
tatem probat. Tum sæpe non  
permittuntur fideles baptizare  
suos.

suos liberos ab infideli parente.  
Et quod Hieronymus ait, infide-  
lem cum fidele habitantem esse  
candidatum fidei, & non peni-  
tus sibi exosum esse nomen Chri-  
stianum illa cohabitatione indi-  
care; sæpe legimus viros à Chri-  
stianismo abhorruisse, qui tamen  
cum Christianis coniugibus vi-  
xerint: non ergo hæc vera expo-  
sitiō est.

*Tertia expositio est, infidelem*  
*coniugem per fidem sanctifica-*  
*ri, quia discebat leges coniugii*  
*seruare, & non abuti Matrimo-*  
*nio. At seruare leges coniugii*  
*multi solent inter Ethnicos opti-*  
*ma fide, & non abuti matrimo-*  
*nio: Apostolus vero de tali san-*  
*ctitate loquitur, quæ non repe-*  
*ritur inter duos infideles. Has*  
*omnes expositiones commenti-*  
*tias esse patet: ergo nostra vera*  
*est, sanctos nasci, quia sunt in san-*  
*cto fœdere, non quales Ethni-*  
*corum liberi toti impuri. Ca-*  
*tharinus doctissimus Papistæ, ait*  
*scilicet matrimonium infidelium*  
*esse immundum, quia non gene-*  
*rant liberos Deo; si vero alter*  
*fuerit fidelis, liberos non esse im-*  
*mundos Deo, quia partus sequi-*  
*tur parentem fidem, & potest*  
*alter parens baptizare: at ambo-*

rum infidelium liberi non bap-  
tizandi: Deum enim specialiter re-  
spicere filios fidelium: & filios  
dici mundos propter parentes  
mundos. Ergo cum primum na-  
scuntur mundi sunt, etiam ante-  
quam baptizantur.

*Tertium nostrum argumentum*  
*nunc proferemus, quod est hu-*  
*iusmodi: Baptismus profanare-*  
*tur, si iis, qui ad Christum non*  
*pertinent, daretur, ut Regium si-*  
*gillum profanatur, cum falso di-*  
*plomati apponitur. Bellarminus*  
*ait, non profanari: Baptismus,*  
*cum datur immundis, sed con-*  
*tra potius sanctificare & purgare*  
*immundos. Respondeo: Si Bap-*  
*tismus esset causa sanctificationis,*  
*verum esset, quod ait Bellarmi-*  
*nus: gratia enim cum datur im-*  
*mundis, non profanatur, sed san-*  
*ctificat eum cui datur: at nos an-*  
*tea docuimus, nec Baptismus*  
*nec vllum Sacramentum esse*  
*causam ad instrumentum physi-*  
*cum sanctitatis & gratiæ, sed esse*  
*gratiæ sigillum: sigillum autem*  
*semper sequitur donum: ei vero*  
*sigillum dare, qui non habet do-*  
*num, imo cui nihil promissum*  
*est, est abuti sigillo.*

Sed Bellarminus negat Bap-  
tismus esse sigillum acceptæ gra-  
tiæ, sed ait esse instrumentum  
conferens gratiam; quod à nobis  
supra refutatum est. At Apo-  
stolus Circumcisionem vocat si-  
gillum, & quidem gratiæ ac mu-  
neris antea accepti; nam ait ac-  
cepisse Abraham signum Cir-

Rom. 4 11.

Gg 3. cum.

cumcisionis, quod obsignaret iustitiam fidei, quam in præputio habuit: cum ergo Baptismus in locum Circumcisionis successe- rit, eandem naturam & usum ha- beat necesse est. Quemadmo- dum ergo Circumcisio nullis im- mundis adhiberi debuit, id est, alienis à fœdere: ita Baptismus nunc nullis immundis dari de- bet, quia hoc est profanare Ba- ptismum.

Nam si Baptismus dari potest iis, qui ad Christum non perti- nent, ut vult Bellarminus, tum quidni adultis infidelibus, si mo- do se baptizari patiantur, quia Baptismus illis statim gratiam conferret, & illos sanctificaret: quod nemo dixerit. Cur autem non dari debet iis, si modo ve- lint accipere, quantumvis se in Christum non credere profite- antur? ratio est, quia ad Chri- stum non pertinent: ergo nec ullis dari Baptismus debet, qui ad Christum non pertinent. Vi- dete hic, ut Bellarminus Chri- stianorum infantes ante Bapti- smum ad Christum non pertine- re, sed plane immundos esse sta- tuat; quo nihil magis Christi- anis auribus absonum dici po- test: nam qui non habent par- tem in Christo, iis Baptismus adoptionis in Christo symbo- lum & sigillum dari non debet. Sed hoc palam cum Scripturis pugnat; nam Deus se Iacob di- lexisse ait, antequam natus est:

ergo ad Deum pertinebat. Quid? an nullos nunc Deus ante na- tiuitatem eligit & diligit? imo omnes prædestinatos & electos etiam *δεῦ κατὰβολὴν ἡσους*, id est, ante iacta mundi fundamen- *Ephes. 1.* 4. ta: an eos quos Deus prædesti- nauit, dicemus ad Deum perti- nere? sic quidem Bellarminus, cum nullos infantes ad Chri- stum pertinere ante Baptismum ait. At quos Deus ad vitam præde- stinauit, antequam nati sunt, non possunt ii non ad eum pertinere, cum nati sunt.

*Quartum* nostrum argumen- tum sumitur ab exemplo Cir- cumcisionis: Infantes Iudæo- rum ante octauum diem non po- terant circumcidi: at nemo di- ceret omnes periisse, qui ante o- ctauum diem moriebantur: ea- dem vero apud nos Baptismi ra- tio est, quæ olim Circumcisio- nis apud Iudæos fuit. Bellar- minus ait, argumentum totum constare ex rebus incertis: nam *primo* multos veterum negare Circumcisionem datam esse in remedium contra peccatum. *Respondeo*: Nos supra ex Scri- pturis, & Patribus, & Schola- sticis docuimus, fuisse illis Cir- cumcisionem, quod nobis Ba- ptismus, & eandem vim habu- buisse: cum ergo non perierunt omnes, qui mortui sunt ante Circumcisionem, quare per- eunt, qui moriuntur ante Bapti- smum.

*Secun-*

*Secundo* ait Bellarminus, nesci- re nos, an ante octauum diem haberent infantes Iudæorum ali- quod remedium, & quod illud esset: quanquam Dominicus à Soto putat licuisse circumcidere aliquem ante octauum diem in tempore necessitatis, hoc est, in periculo mortis: quod plane con- tra diuinum institutum fuit. Sic illi coguntur multa comminisci. At reuera nullum fuisse remedi- um certissimum est, quia Deus non vllum præcepit, nec de vllò in Lege prouidit: nusquam Scriptura docuit, quid fieri o- portuit, si infantes ante octa- uum diem periclitarentur: quod certe non tacuisset, si sine aliquo remedio de illorum æterna salu- te actum fuisset. Nec aliquis vnquam legitur pro filio ante di- em octauum moriente tanquam pro perduto luxisse. Legimus septimo die mortuum esse pue- rum, qui fuit Dauidi natus ex adulterio; quod plerique de se- ptimo die à natiuitate interpre- tantur: non tamen propter hoc lugebat illum Dauid tanquam damnatum. Et si in pueris fu- isse remedium dicamus, quid de illis statuemus, qui per qua- draginta annos in deserto carue- runt circumcisione; quo tem- pore multi procul dubio mortui sunt: num illi omnes perierunt? aut num alio remedio vsi sunt? at quo? & quare non æque cir- cumcisione ac illo remedio vsi sunt? absurdum vero est, quod

dicunt Scholastici, ideo non fu- isse circumcisos, quia erat illis quo- tidie progrediendum: nam ali- quando per integrum annum mo- rati sunt in vno loco.

*Tertio* ait Bellarminus, non esse eandem rationem Christianorum & Iudæorum. *Respondeo*: at certe non est iniquior conditio Chri- stianorum: esset autem multo ini- quior, si sine Baptismo morientes pereunt.

*Quarto* ait, omnes homines na- sci, peccatores, & non nisi per Christi passionem certis mediis applicatam saluari. *Respondeo*: ergo circumcisio fuit medium appli- candæ mortis Christi, quod ta- men ille negat: aut illi nullum me- dium habuerunt, & sic perierunt. Certe Scholastici fere omnes sta- tuunt, seruatos esse infantes in veteri Testamento, quorquot ante octauum diem mortui sunt, per fidem parentum, sine aliquo commentitio remedio: quidni ergo etiam nunc in nouo Testa- mento per Parentum fidem ser- uentur?

*Quintum & postremum* no- strum argumentum hoc est: Si Baptismus sit necessarius, peri- bunt sine sua culpa infiniti infan- tes. Bellarminus ait, Dei iudi- cia esse occulta. *Respondeo*: at hoc non est iudicium, ut aliquis sine culpa sua pereat. At ha- bent (inquit) peccatum origi- nale. *Respondeo*: At huius peccati remedio carent sine culpa sua, quod alii habent sine opera sua. Et

2 Sam. 12.  
8.



Et quid si prædestinati fuerint: an tum etiam sine Baptismo non seruantur? Bellarminus ait, Bucerum & Martyrem ineptissime dicere, infantes prædestinatos etiam sine Baptismo saluari: quos enim Deus prædestinavit, inquit, iis remedia ad salutem efficacissime prouidit. *Respondeo*: Verum hoc quidem est: nam hoc remedium est Christus, non Baptismus; *prædestinauit nos*, inquit Apostolus, *ad adoptionem per Iesum Christum*, non, per Baptismum. Sed Bellarminus clausulam subiungit Theologo indignissimam, omnes qui in infantia moriuntur, si sint prædestinati, sine dubio baptizari; vnde sequitur, eos qui non baptizantur, sine dubio non esse prædestinatos: quo nihil absurdius. Nemo enim Dei prædestinationem nouit: at si certum sit Baptismo cum moritur carentem non esse prædestinatum: tum certo posses dicere, eum esse reprobatum: quod parentes perpetuo torqueret. Sed ut Dei gratia, sic Dei prædestinatio est libera, nullis astricta Sacramentis: & ut qui prædestinantur, ante Baptismum sunt prædestinati; sic ante Baptismum ad Deum pertinent.

\*\*

## CAPVT IV.

*De Baptismo sanguinis & flaminis.*

**D**E Baptismo proprie dicto hucusque disseruimus: sed est quidam metaphoricus Baptismus, isque duplex, sanguinis scilicet & flaminis. Cum ergo Papatæ Baptismi necessitatem tuentur, de Baptismi Sacramento loquuntur: cum tamen vrgentur acrius, & exempla proferuntur, tum Baptismi quædam supplementa substituunt. Multi enim sine Baptismo mortui sunt, quos plane periisse non audent dicere: dicunt ergo martyrio & penitentia Baptismum suppleri: ex quo nos argumentum colligimus contra Baptismi necessitatem in hunc modum: Martyrium & penitentia non sunt Baptismus nisi metaphorice: ergo sine Baptismo saluari possumus, si absit contemptus. Scriptura enim si Baptismum esse necessarium dicit, de vero Baptismo loquitur; non admittit vllas Baptismi commutationes: si ergo ex confessione Aduersariorum sine Baptismo vero seruari possumus, falsum est Baptismum esse necessarium: docent autem Baptismum sanguinis & flaminis sufficere, cum veri Baptismi facultas deest: ergo non est Baptismus aquæ simpliciter necessarius. De Martyrio Bellarminus ait, recte dici

dici esse quoddam Baptisma: nos vero non nisi improprie & æquiuoce Baptismum esse dicimus; & si Baptismus sic, ut illi volunt, necessarius sit, non posse ad salutem sufficere sine vero Baptismo affirmamus. Sed Bellarminus dupliciter probat, Martyrium recte dici & esse Baptisma quoddam.

*Primo*, quia Scriptura vocat Baptismum, & sic etiam Patres: Scriptura, ut Marc. 10. *Potestis Baptismo, quo ego baptizor, baptizari*: Patres vero passim; quod omnes norunt. *Respondeo primo*: à nomine argumentari ridiculum est, cum esse æquiuocum constet. Martyrium Baptismus dicitur, non ut Baptismus est Sacramentum à Christo institutum, sed ut est immersio in aquam: & aqua calamitatem ac summa pericula significat. Sic etiam Baptismi nomen doctrinam Ioannis, & dona Spiritus Sancti extraordinaria significat: stultum esset, propter nominis communicationem, res easdem esse. Martyrium ergo Baptismus in Scripturis dicitur, quia extremum discrimen & periculosissimus conflictus est. Sic Apocal. 7. legimus, *Hi sunt qui venerunt ex afflictione magna, & lauerunt stolas suas in sanguine Agni*: At Sacramentum Baptismi dicitur à purgando, non à periclitando. *Secundo Respondeo*: Patres quidem Martyrium Baptismo assimilare, sed propter aliam causam, nempe quia Mar-

tyres suo quasi sanguine tinguntur; ut qui baptizantur madent aquis, sic illi suo sanguine: non ergo ut quasi Baptismi vicarium Martyrium statuerent (nam in iis etiam, qui ante baptizati sunt, Martyrium Baptismum vocant) sed propter eam quam diximus similitudinem. *Tertio*, Baptismo Martyrium præferunt Patres: sic Cyprianus ait Martyrium esse Baptismo præstantius: non ergo vult Martyrium habere naturam Baptismi aut Sacramenti: nam tum necesse esset Baptismum aquæ in suo genere præstantiorem esse: certe si Martyrium Baptismi supplementum esset, non posset esse Baptismi respectu præstantius. Sed quia maius quiddam est, & opus difficilius, mori pro Christo, quam baptizari pro Christo: ergo Patres Martyrium præstantius esse dicunt. Hoc enim omnium est, illud per paucorum: baptizatus Christum coram Sacerdote confitetur, martyr vero coram persecutore. *Quarto*, Luserunt Patres in his vocabulis, & nil minus voluerunt, quam vllum alium Baptismum statuere. Ex huiusmodi allusionibus nata est illa triplex Baptismi distinctio: Sed Patres etiam plures Baptismos faciunt. Nam Ambrosius aquæ sanguinis, & Purgatorii Baptismos commemorat; vbi non ille Papisticum Purgatorium intelligit, sed ut alii multi Patres, Purgatorium quod fore credidit in fine mundi, in die iudicii. Et quamquam

Cyprian.  
in exhort.  
ad Martyr.

Ambros.  
in Psal.  
118. serm.

Hh

quam

quam multi Patres de Baptismo Martyrii scribunt, non multi tamen de Baptismo flaminis: certe Scriptura nusquam aut sanguinis aut flaminis Baptismum nominat. Et Thomas Aquinas non esse Baptismos ait, sed sic vocari, quia suppleant Baptismum.

Thom. in  
3. q. 66.  
art. 11.

Secundo, probat Bellarminus, Martyrium recte dici & esse Baptismum, quia conuenit cum Baptismo aquæ in tribus effectibus: primo, inquit, configurat hominem Christi passioni & morti, Secundo, remittit originale peccatum, & reliqua omnia, si quæ sunt admixta. Tercio, remittit etiam omnem pœnam peccato debitam, tam æternam, quam temporalem: nam ista Baptismus facere putatur. Sed Bellarminus tamen caute ait, hæc omnia non æque certa esse.

Quod ad primum attinet, notum esse ait: quod Martyrium nobilior sit configuratio mortis Domini quam Baptismus aquæ, quia est realis, at Baptismi configuratio est Sacramentalis: ex quo sequitur, ut ille vult, esse meliorem Baptismum, quam aquæ, & quidem sequatur necesse est, si verus & proprius Baptismus sit. Sed etsi opus nobilius & melius est, tamen non habet meliorem rationem Sacramenti, ac proinde non potest nobilior esse Sacramentum; nulum enim nobilior Sacramentum est, quam quod Christus

instituit: sed Bellarminus etiam in eo quod Sacramenti proprium est, præfert Martyrium Baptismo: quod sine contumelia Christi fieri non potest.

Quod ad tertium attinet, certum est apud omnes, inquit, quod remittat omnem pœnam, ita ut Martyres continuo perueniant ad coronam, ac proinde Ecclesia nunquam orat pro animabus Martyrum: hoc idem de Baptismo illi affirmant. Sed tum etiam neque pro adultis Baptismum tantum flaminis habentibus, & sine Baptismo aquæ morientibus Ecclesia precari deberet, si flaminis Baptismus sufficiat, & Baptismum fluminis suppleat: at hoc non dixerunt: nam dicunt Ambrosium precatum esse pro Valentiniano. Iam vero de secundo, an ut Baptismus scilicet tollit peccatum originale, ita etiam Martyrium maiorem esse difficultatem ait. Hoc autem illius sententia est, per Martyrium ex opere operato remitti peccatum, ut si quis adhuc existens in peccatis accedat ad Martyrium, modo sine affectu peccandi, & cum fide inchoata, & pœnitentia imperfecta, is ex vi Martyrii iustificetur & saluetur: & hanc ait esse Thomæ & Scholasticorum sententiam. Sed hæc absurdissima sententia est, quam sic refello.

Primo, absurdum est, posse aliquem venire ad Martyrium cum fide

fide & dilectione imperfecta, quam Papistæ intelligunt, cum Christus dicat, hoc esse perfectissimi amoris signum, pro altero mori: & plus amare Christum, quam mundum, aut quicquam in mundo, quis dixerit imperfectæ aut fidei aut charitatis signum esse? nisi quis eo animo fuerit, inuitus ad Martyrium accedit, & tum non potest eius Martyrium esse meritum: nam actio innoluntaria non est meritoria: & Apostolus ait, Si tradidero corpus meum, ut comburam, charitatem autem non habeam, hoc nihil mihi prodest. At Georgius Maior in Lombardum ait, ut ad Sacramentum non requiritur interna volitio, sic nec ad Martyrium: ita ut quis apud hos Martyr sit, ei non esse necessariam internam voluntatem existimant: Secundo, quod ait, posse aliquem esse in peccatis suis, cum moritur, & tamen esse Christi Martyrem; nam ipsum Martyrium delere peccata, absurdum etiam est, quia tum in peccatis moritur. Tales scilicet istorum Martyres sunt.

b. 13. 13.

Cor. 13.

Maior. in

4. d. 4.

2. 3.

Tercio, absurdum est, Martyrium ex opere operato conferre gratiam remissionis peccatorum & omnium pœnarum illis debitam, adeo ut aliquis in peccatis existens, ex eo quod pro Christo occiditur, etsi nil tale cogitet, ut infantes, iustificetur tamen & saluetur. At quod est ex opere operato, id esse supra

meritum Papistæ docent: ergo iustificatio & saluatio est supra meritum Martyrii, ut in Baptismo: at illi volunt Martyrium mereri salutem, Baptismum autem non mereri salutem, sed in Baptismo salutem ex opere operato supra meritum conferri.

Quarto, & postremo etiam alii Papistæ aliter docent: nam Dominicus à Soto & alii nonnulli docent, Martyrium non ex opere operato dare gratiam aut iustificare: non ergo supplet Baptismum: itaque illi opus esse charitate dicunt, ut aliquis fiat Martyr. Sed Bellarminus sex rationibus hanc opinionem refellit, & probat Martyrium ex opere operato saluare.

Domin.  
Sot. in 4.  
d. 3. q.  
unic. art.  
11.

Prima eius ratio sumitur ab exemplo infantum, qui ab Herode occisi sunt, qui nihil operari potuerunt: ergo illi ex opere operato salutem consecuti sunt, quod Martyres essent. Sed quidam aiunt illos fuisse circumcisos: ergo salutem ex circumcisione nactos esse, ex Martyrio vero non nisi gradum in salute. Sed Bellarminus ait, esse incertum, an omnes circumcisi fuerint, imo ait, esse fere certum, non fuisse omnes circumcisos: nam occidisse Herodem omnes pueros, qui erant in Bethlehem & finibus eius, non Iudæorum tantum filios; & à bimatu ac infra: ergo eos

Hh 2

etiam,



Armach.  
1.8.c.37.

Adrian.  
Papa. in  
9.3. de  
Baptis. ad  
arg.3.

etiam, qui nondum peruenerant ad octauum diem, quo solo poterant circumcidi. Sed Armachanus eos qui non circumcisi sunt perisse ait: cui etiam subscribit & suffragatur Adrianus Papa. Meum non est de illorum diffidiis decernere: at certum est Ecclesiam absolute omnes illos infantes saluos esse credere, & omnes ut Martyres honorare.

Secundo hoc ex Thoma probat: & tamen Dominicus à Soto, qui ait Martyrium non dare gratiam ex opere operato, nec habere rationem Baptismi, si sit sine charitate, Thomam pro se facere putat, & pro sua sententia Thomam citat. Scholastici affirmant nullum actum exteriorem conferre gratiam, nisi proprie Sacramentalis sit: at Martyrium non est proprie Sacramentum. Sed Bellarminus hic ait, Martyrium conferre primam gratiam ex opere operato, id est, etiam si quis gratia expers sit, ut infans est ante Baptismum, tamen Martyrium ex opere operato ei primam gratiam conferre, quod est absurdissimum: nemo enim Martyr est, antequam sit mortuus: ergo non primam gratiam viuus accipit.

Tertio, ait Ecclesiam non examinare, qualis quis fuerit ante Martyrium, sed omnes honorare indifferenter, quos constat pro Christo occisos esse in confessione veræ fidei, & unitate Ecclesiae. At sic quis Martyr erit æ-

qualis Petro aut Stephano. Sed hæretici, inquit, & Schismatici Martyres esse non possunt: quare? quia in actu infidelitatis & schismatis perseuerant: sed unde hoc constat? quidni in ipso Martyrio & schismati & infidelitati renuncient? Alia multa eiusmodi habet Bellarminus, quæ non est opus diluere.

Ad extremum ait, virtutem Martyrii maiorem esse, quam Baptismi, & Patres hoc dicere: at Patres aiunt Martyrium non nisi supplere defectum Baptismi, & tantum conferre, quantum Baptismus: & Alexander, Bonaventura, Durandus, Paludanus, pares esse virtute omnes Baptismos aiunt; imo Alexander ait, Baptismum aquæ esse meliorem & virtute superiorem Martyrio, quia remittit & mortale & veniale peccatum, & confert gratiam; Martyrium autem non confert gratiam, sed conseruat gratiam, & remittit non mortale sed veniale tantum peccatum. Ita ludus est attendere, ut isti secum in suis commentis pugnent. Nos vero Martyrium non esse Baptismum dicimus, nec ex opere operato gratiam conferre, sed confessionem usque ad mortem esse necessariam, & Deum ex sua gratia coronare eos, qui fortiter ad sanguinem resisterunt: Papisticum vero illud Martyrium ex opere operato conferre gratiam, negamus. Iam quod ad locum Apostoli attinet, Si tradidero corpus meum, 3.

meum, ut comburam, charitatem autem non habuero, nihil mihi prodest, Bellarminus sic intelligi vult, ex vi ipsius Martyrii infundi charitatem; quo nihil stultius dici potest: nam Apostolus requirit charitatem ante Martyrium, Nisi charitatem, inquit, habuero, nihil mihi proderit, licet corpus comburendum tradam: at Bellarminus charitatem facit Martyrio posteriorem, cum ait vi Martyrii infundi charitatem. At quemadmodum vis Sacramenti non potest conferre gratiam nisi post Sacramentum sumptum: sic reuera nec Martyrium, si aliquam gratiam confert, potest eam nisi post ipsum Martyrii opus conferre, quia Bellarminus ait ex opere operato conferre: at post Martyrium homo non est in statu gratiæ: ergo post Martyrium nec charitas infundi potest, nec fides, nec spes, nec ulla virtus: Atque hæc de Martyrio.

Nunc de Baptismo flaminis pauca dicenda sunt, quem ait Bellarminus esse perfectam conuersionem ac pœnitentiam: nam hæc duo etiam supplere Baptismum affirmant Aduersarii, & sine Baptismo ad salutem valere. Et hic duo notanda esse ait. Primum est, in hac conuersione includi veram charitatem, & desiderium seu votum Baptismi. Respondeo primo: Si hæc conuersio veram perfectamque charitatem includat, atque etiam contritionem, ut vult Bellarminus, tum certe Baptismus fla-

minis est melior Baptismo sanguinis: nam in Baptismo sanguinis, id est, in Martyrio, aut nulla charitas, aut inchoata tantum, & non contritio, sed attritio sufficit, ut antea dixit Bellarminus. Si autem in vera conuersione contritio & charitas vera requiritur, & hæc in Martyrio non requiruntur: ergo potest aliquis seruari sine conuersione per Martyrium; quo nil monstrosius, cum Christus aperte dicat, Nisi respiscatis, omnes itidem peribitis. Secundo, quod ait, votum Baptismi cum contritione cordis requiri ad Baptismum flaminis, falsum est: votum enim Baptismi non necessario requiri, docet exemplum Latronis, qui de Baptismo nihil audierat, ac proinde eum desiderare non potuit: & tamen Augustinus huius exemplo probat, pœnitentiam esse instar Baptismi: ergo pœnitentia sine voto Baptismi sufficit. Secundum, quod hic notari vult, hoc est, non perinde certum fuisse apud veteres, an conuersio, & pœnitentia, id est, an Baptismus flaminis suppleat Baptismum aquæ, atque an Martyrium suppleat: nam liber, inquit, qui inscribitur de Ecclesiasticis dogmatibus, qui falso tribuitur Augustino, aperte dicit, Cathari non saluari, etiam si in bonis operibus vixerit, nisi Baptismo aquæ aut sanguinis purgatus fuerit: & Bernardus hoc idem suo seculo receptum fuisse docet. Bellarminus tamen hoc esse sine dubio tenendum dicit, & probat

Luc. 13.

5.

Author  
libri de  
Ecclesiast.  
dogmat. c.  
47.

Bernard.  
Epist. 77.

H. h. 3.

ex.

*Ezech. 18.* ex *Ezech. 18.* Si impius egerit pœnitentiam à peccatis suis, iniquitatum eius non recordabor amplius: qui locus docet quidem pœnitentiam veram sufficere, at non supplere locum Baptismi: neque hic vlla mentio desiderati Baptismi fit: nam hæc semper valuit sententia etiam ante Baptismi institutionem. Tum & Ambrosium profert, qui de Valentiniano ait, *Ambros. in orat. de obit. Valentin. junior.* Quem eram regeneraturus amisi, sed ille gratiam, quam sperauerat, non amisit: qui locus docet salutem sine Baptismo posse acquiri; nam hic Valentinianus baptizatus non est. Sed vnde probat Bellarminus, pœnitentiam esse Baptismum quendam? scilicet ex *Marc. 1.* & *Luc. 3.* vbi Ioannes Baptista dicitur predicasse Baptismum pœnitentiae in remissionem peccatorum: at hi loci aut non probant, quod vult; aut Ioannis Baptismus fuit verus Baptismus; quod illi negant. Sed affert alium locum, *Alioquin quid facient, qui baptizantur pro mortuis? si mortui non resurgant, ut quid baptizantur pro illis?* per Baptismum hic intelligit opera pœnitentiae & afflictionis, quæ viuentes suscipiunt pro animabus defunctorum. *1. Cor. 15. 29.* *Respondeo:* Vnde hanc esse veram huius loci expositionem docet Bellarminus? de hoc loco nos antea in alia Controversia diximus, vbi & hanc expositionem refutauimus, & aliam longe meliorem proposuimus. Sed hæc meræ nugæ sunt, & indignæ quæ recitentur.

Verum totum hoc vnico argumento refelli potest, quod in hunc modum instituo: Si conuersio supplet Baptismum, vt illi volunt, id est, si Baptismus fluminis tan valeat, quam Baptismus fluminis, vt mos loquendi obtinuit; tum hic fluminis Baptismus, siue hæc conuersio, aut totam pœnam dimittit aut culpam, aut non: si omnem pœnam & culpam remittant, tum melius cum illis agitur, qui vere conuersi, & Baptismi votum habentes statim non baptizati moriuntur, modo adulti sint; & non contemnant Baptismum, quam qui moriuntur baptizati, si aliquandiu post Baptismum vixerint: nam Baptismum dicunt omnes culpas & pœnas simul remittere, vt ne in Purgatorio ad momentum futuri sint, qui baptizati statim ex hac vita migrant; at si per aliquot annos post Baptismum vixerint, illis remanet pœna adhuc multiplex subeunda, quia satisfacere illos oportet pro omnibus peccatis post Baptismum commissis: ergo si pœnitentia cum voto Baptismi supplet Baptismum, & tantum valet, quantum Baptismus; quis non videt longe melius esse iis, qui vere conuersi sunt, & Baptismum ex animo desiderant, statim sine Baptismo mori, quam baptizari, quia sic non remanet illis pœna aliqua subeunda, aut culpa vlla luenda, cum fluminis Baptismus antea omnem & culpam & pœnam sustulerit. At non dixerint, opinor melius esse cui-

cuiquam sine Baptismo mori, quam cum Baptismo. Si vero Baptismus fluminis, id est, pœnitentia & perfecta conuersio, non tollat totam pœnā & culpam (quod Bellarminus hic ait, nisi sit conuersio ita perfecta & feruens, inquit, vt omnem rubiginem peccati tollat) tum non supplet Baptismum, quia Baptismus omnem & culpam & pœnam tollit; nec confert gratiam ex opere operato instar Baptismi: tum enim etsi non esset tanta intentio charitatis, tamen suum plenum effectum haberet, vt de Martyrio nuper dixit Bellarminus, in quo dilectionem inchoatam & pœnitentiam imperfectam sufficere aiebat. Quomodo autem pœnitentia & Martyrium remittant peccata, & an per solam fidem remittantur peccata, non est huius loci dicere: non enim ista ad hanc Quaestionem pertinent.

Postremo loco ait, neque martyrium, neque pœnitentiam, esse Sacramenta, licet Baptismata quædam sint. Sed ego hoc commentum refello, & doceo, nec martyrium nec pœnitentiam esse Baptisma, aut baptismini vicem supplere quatuor argumentis. *Primo,* Martyrium & conuersio dicuntur supplere Baptismum, quia quod facit Baptismus, id hæc faciunt, id est, conferunt gratiam, & remittunt peccatum, vt illi volunt: at omnia opera charitatis isti aiunt hæc eadem facere, vt eleemosyna largiri, & dimittere aliis debita: ergo hæc quoque supplent Ba-

ptismum, si verum sit, quod illi aiunt. *Secundo,* vt Baptismus gratiam confert, sic & reliqua sex Sacramenta, vt illi volunt: ergo etiam res illæ, quæ gratiam conferunt, non minus suppleant reliqua Sacramenta, quam Baptismus, & sic non minus erunt tres Eucharistiae, quam tres Baptismi. *Tertio,* multi Pontificii quosdam in vtero sanctificatos esse concedunt, qui nec fluminis, nec fluminis, nec sanguinis Baptismum habent: ergo aut pereunt qui sanctificati sunt, aut sine Baptismo aliqui seruantur, aut Baptismus fluminis non tantum est in adultis, vt illi volunt. *Quarto,* aliqui Baptismo fluminis plene baptizati sunt, qui mox aquæ Baptismo baptizantur: ergo Baptismus fluminis non supplet in illis vicem Baptismi aquæ: nam id supplere vicem alterius dicitur, quod adhibetur cum illud alterum deest: at Cornelius antea Spiritum sanctum habuit, & postea Baptismum, *Quis prohibere aquam potest,* inquit Petrus, quo minus baptizetur isti, qui Spiritum sanctum acceperunt, sicut & nos? & Paulus Baptismo fluminis prius quam fluminis baptizatus est: ergo Baptismus non nisi Sacramentum est remissionis peccatorum, non ipsa remissio.

\*\*



## CAPUT V.

*Quando Baptismus cepit esse necessarius ex sententia Pontificiorum.*

ANTEQUAM hanc de Baptismi necessitate Quæstionem dimittimus, necesse est discutere, quando primum necessarius esse cœperit: qua de re inter ipsos Pontificios magnæ & rixæ & pugnæ sunt. Et quanquam hæc fere tota inter illos contentio est, tamen qualis illa sit, nosse expedit. Bellarminus hanc omnem rem quatuor propositionibus complexus est, de quibus sigillatim dicemus. *Prima* propositio hæc est: *Baptismus antepassionem Domini institutus est: & fuisse in usu Baptismus aliquem ante constare ait ex Ioan. 3. & 4.* Sed tamen an is Baptismus fuerit Sacramentum, quod nunc habemus, an quædam præparatio, qualis Baptismus Ioannis, dubitari ait. Certe Chrysostomus, inquit, & Theophylactus, non nisi fuisse præparationem quandam ad fidem aiunt, ut Baptismus Ioannis: ideo Christum noluisse baptizare, quia non decebat Christum baptizare sine Spiritu. Sed nulla hæc ratio est, quia horum Baptismus Christi Baptismus dicitur: ergo non minorem vim habuit, quam si Christus ipse baptizasset: & quanquam Christus ipse non baptizavit tamen quod per Apo-

stolos fecit, id ipse fecisse dicitur. Hinc cernimus non mirum esse, si Ioannis Baptismus tam parum valere dicant Aduersarii, cum ne Christi Baptismus esse Sacramentum aut gratiam conferre affirmant. Solent enim obiicere Patres, qui aiunt Ioannis Baptismus non remisisse peccata, & non nostro similem fuisse: at Patres ne Christi quidem Baptismus ante mortem eius fuisse tam bonum dicunt, quam noster Baptismus est. Hoc ipsum etiam alii Patres præter Chrysostomum & Theophylactum affirmant: ergo Patrum sententiæ ex Scripturis examinandæ sunt. At alii Patres aliter, ut Augustinus & præter eum alii, etiam plerique Scholastici: & hanc sententiam Bellarminus sequitur: qua in re habet Aduersarios non modo Chrysostomum & Theophylactum, ut diximus, verum etiam Leonem Papam, qui ait Christum non instruxisse Apostolos suos de Baptismo antepassionem, quia voluit intelligi, *regenerationis gratiam ex sua Resurrectione cœpisse.* Sed hæc nulla ratio est, quia tum non de Eucharistia instruxisset, cuius tota ratio est Christi morte pender. Et quanquam institutum esse Baptismus à Christo fateor antepassionem eius, tamen non eo tempore, quo vult Bellarminus, ideoque eius rationes ad rem non faciunt: nam nos Baptismus à Christo institutum esse in persona Ioannis Baptistæ dicimus: ergo eundem fuisse eius

eius & Christi Baptismus: illi qui hos Baptismos diuidunt, dicunt quidem esse institutum ante, sed nec quando sciunt, nec omnino fuisse probant. Bellarminus probat Ioannis Baptismus alium fuisse à Christi Baptismo quatuor rationibus. *Primo*, quia Ioan. 3. dicitur Christus baptizasse: ergo hic distinctus fuit Baptismus à Ioannis Baptismo. *Respondeo*: nullarum virium esse hoc argumentum; Christus baptizabat: ergo eius alius Baptismus fuit, quam Ioannis: nam idem quoad effectum & vim esse potuit, etsi non ab iisdem collatus: qua de re postea erit dicendum. *Secundo*, ex eo probat, quia Act. 19. legimus, rebaptizatos fuisse, quos Ioannes baptizauerat: at nusquam legimus rebaptizatos, quos discipuli Christi ante eius passionem baptizauerant. *Respondeo primo*: Illi non sunt rebaptizati, ut nos postea docebimus, cum ad illam Quæstionem peruentum fuerit, *secundo*, Etiam Apostolos fuisse post Christi passionem baptizatos Dominicus Sotus affirmat. Hæc enim ponit, 1. quod Apostoli tenebantur post ascensionem Christi baptizari. 2. Christum tamen potuisse dispensare, ne illi baptizarentur, 3. probabilius longe esse, imo fere certum, fuisse baptizatos, sed quomodo & quando nescit: putat tamen se mutuo baptizasse. Si ipsi Apostoli, qui à Ioanne baptizati sunt, post mortem Christi rebaptizari debuerunt: tum certe rebaptizari oportuit, qui ab illis sunt baptizati. *Tertia & quarta* Bellarmini

ratio nihil ad rem faciunt. De aqua Iordanis in proxima propositione dicendum erit. Ad Chrysostomum vero quod attinet, ille certe aperte ait, Apostolos eo Baptismo fuisse baptizatos, qui non habuit remissionem peccatorum, & qui fuit in aqua tantum sine Spiritu: ergo non nisi Ioannis Baptismo. Quare Bellarminus nullam rationem afferre potuit, qua probet Ioannis Baptismus alium fuisse à Christi Baptismo, nec potest probare, Apostolos fuisse baptizatos, si Ioannis Baptismus verum Sacramentum non fuit. Sed tribus rationibus aperte refelli potest. *Prima* hæc est: Pontificii ipsi dicunt, Apostolos non fuisse factos sacerdotes ante cœnam: ergo non baptizabant alio Baptismo, quam Ioannis: nam sacerdotum est tantum baptizare, nisi necessitas virgeat, ut ipsi volunt: at nulla tum necessitas erat, quia Baptismus non antepassionem Christi obligabat. *Secunda* nostra ratio sic se habet: Christus non baptizavit: ergo à nemine poterant Apostoli baptizari, qui meliorem Baptismus habuit, quam Ioannes: qui vero non nisi Baptismus Ioannis habuerunt, ut illi volunt, non potuerunt Christi Baptismus conferre: at Apostoli, ut vult Bellarminus, Christi Baptismus contulerunt, nec debuerunt ab illis baptizati rebaptizari: ergo idem Ioannis & Christi Baptismus fuit. *Tertia* nostra ratio est huiusmodi: Postquam Baptismus cœpit esse in præcepto, tum demum omnes obligabat: at non nisi die Pentecostes cœ-

Ioan. 3.  
26.

Ioan. 3.  
26. & 4.  
1. 2.

Chrysost.  
hom. 28.  
in Ioan.  
Theophyl.  
in c. 3. Ioan.

Ioan. 3.  
22.

Dominic.  
Sot. in 4.  
d. 5. art. 2.

August.  
in Ioan.  
tractat.  
13. & 15.  
in Epi.  
Iol. 108.  
Leo Papa  
in Epi.  
4. c. 3.

pit esse in præcepto, vt Bellarminus postea in quarta propositione statuit: ergo tum omnes obligabat, ac proinde tum aut postea baptizati Apostoli sunt; quod ait Dominicus Sotus. At hoc Bellarminus negat.

*Secundum* Bellarmini propositio est, *Baptismum Christi institutum esse, quando Dominus ipse in Iordane à Ioanne baptizatus est.* Hic tamen duo notanda esse ait, quorum *primum* est Scholasticorum diuersas esse opiniones de puncto temporis, quo Christus Baptismum instituit, quas tamen ille non commemorat; sed vere hoc ab illo dictum est. Nam Scotus articulum temporis in dubio positum esse ait: non institutum esse, cum Christus baptizatus est in Iordane, nec tum suo, sed Ioannis Baptismo Christum usum esse; nec formam aliquam præscripsisse: nec cum locutus est cum Nicodemo, eique dixit, *Nisi quis renatus fuerit ex aqua, &c.* quia improbable est, inquit, Dominum instituisse tam celebre Sacramentum in conclaui coram priuata persona. Et Dominicus Sotus ait, postquam constat institutum esse ante passionem, non ita multum referre, quando institutum est. Videte quo redacti sunt, qui Ioannis Baptismum alium à Christi Baptismo esse volunt. *Secundum*, quod notari vult Bellarminus, est, *Christum in die sui Baptismi non docuisse veram materiam aut formam Baptismi*: nam hoc esse talium. Ergo certe

Scotus in  
4. d. 3. q. 4.

Ioh. 3. 5.

non omnino tum Baptismum instituit, & falsum est, quod ille ait, tum fuisse institutum: nam instituere aliquid, est docere & præcipere certum usum rei alicuius: at Christus tum non nisi à Ioanne baptizatus est: non hoc est aliquid instituere: tum enim quando erat circumcissus, instituit Circumcisionem. At illi volunt nunc institutum Baptismum esse, & ex hoc tempore fuisse in consilio, etsi non in præcepto: at quomodo aut institutus est, aut in consilio esse potuit, si nullis verbis Christus usus est, nec eius aut materiam aut formam præscripsit? Atque hic etiam inter se Scholastici litigant & dissentiant de caeremoniis Mosaicis, vtrum Circumcisio & Baptismus simul in usu fuerint, an Circumcisio statim cessauit, vt Baptismus institutus est.

Sunt quidem tria tempora obseruanda: *primum* tempus est antiquæ Legis vsque ad Christi passionem & resurrectionem, quo legalia & caeremonialia non modo viva erant, sed etiam obligabant. De hoc inter Augustinum & Hieronymum conuenit: *secundum* tempus fuit ab ipso passionis articulo, à quo Lex vetus extincta & mortua est, & Lex noua cœpit obligare. De his quoque inter Hieronymum & Augustinum conuenit. Sed tamen Augustinus non statim vt sunt mortua legalia, fuisse mortifera existimat, sed inuile ad tempus seruare, vt Syna-

Synagoga honorifice sepeliretur: at Hieronymus statim vt sunt mortua, mortifera fuisse ait: *tertium* tempus est à promulgatione Euangelii, ex quo tempore Lex mortifera fuit. Hinc Scholastici quatuor documenta colligunt.

*Primum* est huiusmodi, Etsi Baptismus ab institutione fuit in consilio ante Christi passionem, tamen Circumcisio manebat, & erat in in præcepto.

*Secundum* hoc est, statim à passione & resurrectione Christi totam Legem veterem vim suam omnem perdidisse, & tum Baptismus cœpisse; etsi Bellarminus vult cœpisse in præcepto non ante diem Pentecostes.

*Tertium* est, nonnullo tempore post licuisse Legem seruare, & sic Circumcisione vti, non quod vim aliquam haberet (nam ea tota Christi morte sublata est) sed ad vitanda scandala.

*Quartum* Scholasticorum documentum est, post sufficientem promulgationem Euangelii non licuisse Legem mortuam sine impietate seruare. Sed multi cum nequeant satis explicare, quemadmodum Circumcisio simul cum Baptismo in usu esse potuerit. Circumcisionem putant non obligasse, vt primum institutus est Baptismus. Sic Scotus: quod quidem absurdum est, cum caeremonias non abrogari constet nisi morte Christi.

*Tertia* Bellarmini propositio hæc est: *Baptismus Christi non fuit necessarius necessitate mediæ aut præcepti ante*

*Christi mortem.* Certe necessitate mediæ non fuit necessarius, neque nunc est, sic vt illi volunt: nam sine Baptismo homines seruari & potuerunt antea, & nunc possunt. Sed fuit in præcepto ante: *Primo*, quandoquidem ante erat institutus, vt illi fatentur: quicquid autem est institutum, id à tempore institutionis est in præcepto, quia omnis institutio semel sancita obligat necessitate præcepti. *Secundo* si Christus non præcepisset baptizare, tum nec Apostoli baptizassent, nec ille Baptismus Christi esse diceretur: at & Apostoli baptizarunt, & illorum Baptismus Christi Baptismus dicitur. *Tertio*, illud quod habetur Iohan. 3. *Nisi quis renatus fuerit ex aqua, &c.* Bellarminus antea obiecit, vt Baptismus necessarius esse necessitate mediæ probaret: at hoc fuit ante mortem Christi: si ergo ex illo loco necessarius sit Baptismus, tum ab illo tempore fuit necessarius, & sic ante mortem Christi. Bellarminus ait, illud Christi verbum, *Nisi quis renatus fuerit, &c.* non significare, ab eo die, quo Dominus cum Nicodemo loquebatur, fuisse Baptismus necessarium, sed necessarium futurum fuisse in Lege noua, postquam cessarent caeremoniæ legales. Sed hoc refello.

Nam *primo* Christus ait, *Nisi quis renatus fuerit ex aqua & Spiritu, & dōvatu, non potest introire in regnum Dei*; non ait, & dōvόσται, id est, non poterit post meam mortem & resurrectionem introire.



Ioan 3. 6.

Ergo vera illa sententia fuit, quando Christus cum Nicodemo collocutus est. Et subiungit statim Christus rationem, *Quod ex carne natum est, caro est*: at ante Christi mortem homines carnales nascebantur: ergo ex aqua & Spiritu renasci etiam tum necessarium fuit.

*Secundo*, Nicodemus quærebat remedium, quo ipse seruari posset: ergo Christus proponit illi remedium, quod tum vim habuit, & tum necessarium fuit: at hoc illi proponit remedium, ut ex aqua & Spiritu renasceretur: ergo aut non tunc de Baptismo locutus est Christus, aut tunc Baptismus fuit necessarius.

*Tertio*, ut alia Christi instituta in præcepto erant & necessaria ante Christi mortem, etiam ab illo tempore, quo primum edita & instituta sunt: sic hoc de Baptismo, quem tunc quidam Papistæ institutum esse volunt, quando Christus cum Nicodemo locutus est, Bellarminus vero antea, cum Christus in Iordane baptizatus esset. Sed Papistæ nullum Christi præceptum fuisse nobis necessarium volunt ante Christi mortem, quia non antea legalia sublata sunt: quo nihil absurdius. Nam hoc Evangelii præceptum est, ut Evangelium à Lege Mosaica distinguitur, de non dimittenda vxore, & noua ducenda: at hoc ex eo tempore valuit, quo Christus locutus est. Reuocat Christus Matth. 19. Legem Mosaicam de repudio: nemo, opinor, negat hanc Christi

prohibitionem ab illo tempore cœpisse esse necessariam. Sic & illud, *Dic Ecclesia* ab eo tempore necessarium fuit, quo Christus hoc præceptum dedit. Si ergo Baptismus antea à Christo institutus & promulgatus fuit, certe antea obligauit & necessarius fuit.

*Quarto*, nisi dicamus Baptismum ante Christi mortem in præcepto fuisse, non possumus aliquod Christi præceptum de Baptismo reperire. Nam quod Christus discipulis dixit, *Profecti docete omnes gentes, baptizantes eos in nomine Patris, & Filii, & Spiritus Sancti*, non tam præceptum nobis est de sumendo Baptismo, quam Apostolis impositum, ut suo docendi & baptizandi munere fungerentur, quod illis ante præceptum est.

*Quinto*, Augustinus aperte in libro de fide ad Petrum, quem librum Bellarminus Fulgentii esse vult, ab eo tempore, quo Nicodemus Christus dixit, *Nisi quis renatus fuerit ex aqua, &c.* neminem sine Baptismo introire posse in regnum cœlorum affirmat. Bellarminus ait, intelligi tempus futurum nouæ Legis, postquam scilicet cessarent cæremoniæ, non tempus in quo Christus hoc dixit: at hoc aperte falsum: ait enim Augustinus, *Ex illo tempore, quo Saluator noster dixit*: ergo si nolunt Aduersarii, Baptismum tunc obligasse; aut non adhuc institutus fuit, aut non fuit ad salutem necessarius, aut hic locus non probat necessitatem Baptismi; quod certissimum est: nam loquitur Christus de regeneratione, quæ

semper

semper necessaria fuit, & ante Christi mortem scilicet, & post.

*Quarta* Bellarmini propositio hæc est: *Baptismus Christi cœpit esse necessarius necessitate mediæ & præcepti à die Pentecostes*. Sed hoc in primis absurdissimum est. Nam Lex vetus simpliciter abrogata est in morte Christi: ergo nullam vim post habuit: si ergo noua Lex, ut Aduersarii loquuntur, non ante diem Pentecostes in eius locum successit, nec Baptismus, nouæ Legis Sacramentum, cœpit ante illum diem esse necessarius; tum per quinquaginta dies (tot enim dies intercesserunt inter mortem Christi & Pentecosten) nullum fuit remedium originalis peccati. Nam Circumcisio mortua est moriente Christo, & omnem vim purgandi ac remittendi peccata, atque etiam iustificandi, amisit; Baptismus vero (ut ipsi volunt) non ante promulgationem Euangelii obligabat: ergo quotquot mortui sunt in illo interuallo, damnati sunt, quia nullum remedium originalis peccati habuerunt: & tamen non sunt damnati, quia Baptismo carebant, quia nondum fuit necessarius. Quid hac de re statuemus? Deinde Bellarminus aperte contradicit aliis Pontificiis, & cum illis pugnat, qui Baptismum in præcepto fuisse aiunt, cum Christus iussit discipulos baptizare in nomine Patris, & Filii, & Spiritus sancti: at hoc fuit ante ascensionem, id est, decem diebus ante Pentecosten ad minimum. Et quanquam non legimus, in illo medio interuallo

aliquos esse ab Apostolis baptizatos, tamen ab eo tempore, quo iussi sunt Apostoli baptizare, fuit Baptismus præcepto necessarius: nam multa sunt necessaria necessitate præcepti, quæ tamen non perpetuo obseruantur. Sic dimicant illi inter se, quia nolunt concedere, Ioannis Baptismum eundem fuisse cum Christi Baptismo. Quis non videt, quam nullis illorum Theologia nitatur fundamentis?

Quare ut hanc Questionem tandem concludamus, de qua supra multa diximus, ostendemus iam ex ipsis Pontificiis, non esse Baptismum eo modo necessarium, quo illi volunt, id est, simpliciter cœtere Baptismo, nemini exitium afferre. *Primo*, Dominicus à Soto probat eum, qui non habet Baptismum in voto saltem, non seruari, quia qui Dei præceptum violat, & præsertim rei ad salutem necessariæ vsum contemnit, non potest amicitiam cum Deo habere: at infantes non contemnunt: ergo culpæ contemptus rei esse non possunt. Quis non videt, hanc Domini rationem infantes excusare. *Secundo*, dicunt Pontificii, Deum neminem obligare ad impossibile: at hoc infanti vel maxime impossibile, ut baptizetur, cum moritur, antequam aqua afferri possit. *Tertio*, illud, *Nisi quis renatus fuerit ex aqua, &c.* Petrus Lombardus docet, quo modo commode exponi possit, ut non fingamus Baptismi necessitatem, nempe ut intelligatur de illis, qui possunt & contemnunt baptizari; vel sic, *Nisi quis renatus fuerit ex*

Domin. à  
Sot. in 4.  
d. 5. art. 2.

Lombar  
l. 4. d. 4.  
lit. E.

ea regeneratione, quæ fit per aquam & Spiritum sanctum: id est, nisi quis vere regeneratus fuerit, non potest ingredi in regnum cælorum. Quarto, substituunt Pontificii Baptismum flaminis & sanguinis Sacramento Baptismi, & dicunt hæc duo esse supplementa Baptismi: at neutrum horum est Baptismi Sacramentum: ergo sine Sacramento Baptismi potest aliquis salutem consequi. Quinto, falsum etiam illud est, quod dicunt, solos adultos baptizari Baptismo flaminis, quia Deus confert Spiritum suum etiam infantibus, & quosdam etiam in vtero sanctificauit, ut quidam Pontificii fatentur. Sexto, quia solent illi nobis obiicere Patres in hac causa, nos quoque Patres possumus in illos retorquere. Augustinus ait, inuisibilem sanctificationem quibusdam adfuisse & profuisse sine visibilibus Sacramentis: visibilem vero sanctificationem, quæ fit Sacramento visibili, sine inuisibili, posse adesse, non posse prodesse: nec tamen visibile Sacramentum ideo contemnendum esse, quia contemptor eius inuisibiliter sanctificari non potest: ergo qui non contemnunt, cuiusmodi sunt infantes, etiam sine Sacramento sanctificari possunt. Et hanc Augustini sententiam citat Petrus Lombardus, qui etiam ipse ibidem ait, Deum poten-

August.  
in Genit.  
c. 84.

Lombard.  
ubi supra.

tiam suam Sacramentis alligasse. Præterea Ambrosius de Valentiniano ante Baptismum mortuo ait, *Quem in orat. de in Evangelio regeneraturus eram amisi, sed ille non amisit gratiam, quam populus scit: & tamen non potuit Valentinianus omnino excusari, quia distulit Baptismum, cum potuit habere.* Si ille non amisit gratiam, qui potuit baptizari, & distulit, multo minus infantes, qui baptizari non possunt. Bernardus ait, non priuationem sed contemptum Baptismi esse capitalem. Huc etiam facit, quod Aduersarii paruulos sine Baptismo morientes non seruari, tamen non puniri aiunt contra Patres. Nam Augustinus in libro de fide ad Petrum hæc verba habet, *Firmissime tene, paruulos, qui sine Baptismo ex hoc seculo transeunt, aeterno supplicio puniri.* Hoc cum iniquissimum sit, Papistæ mitigarunt, & non seruari aiunt, tamen nihil perpeti: itaque Limbum excogitarunt, in quo illos sine omni pœna ponunt. Ita non docent idem quod Patres. Postremo, priuata hæc sententia fuit Cardinalis Caietani, si desit aqua, sufficere signum crucis cum inuocatione Trinitatis, & posse sic baptizatum seruari. Itaque absolui-  
uimus hanc Quæstionem  
de necessitate Baptismi.

Finis secunda Quæstionis.

Quæ.

### Quæstio III.

Quibus commissæ sit authoritas baptizandi.

#### C A P V T I.

De statu Quæstionis.



R A C T A N D A nunc nobis est Quæstio tertia huius Controversiæ, in qua docendum, quibus commissæ sit authoritas baptizandi, de qua re acres inter nos & Pontificios contentiones sunt. Bellarminus suorum sententiam sex capitibus complexus est. Primo ait, ius baptizandi solis Episcopis ac Presbyteris ex officio ordinario conuenire, sed non æqualiter, seu ex æquo: nam Presbyteris ait conuenire non nisi cum quadam subordinatione & dependentia ab Episcopo: ita Presbyteri ex illorum sententia non possunt vti hac potestate, nisi quantum eis Episcopi concedunt. At hoc absurdum: nam ex Christi institutione ad Presbyterorum officium spectat, ut cœnam administrare, sic baptizare. Illorum Sacerdotes, cum initiati sunt, authoritatem celebrandi missam accipiunt: ergo etiam proprium officium est Sacerdo-

tum baptizare, ut Dominicus Sotus probat: cum enim Sacerdoti incumbat, porrigere populo Sacramentum Eucharistiæ, quod est Sacramentum vnitatis, sequatur necesse est, eum habere authoritatem administrand: Baptismi Sacramentum, per quod homo fit particeps huius vnitatis, & ius accipit accedi ad mensam Domini. Nam est eiusdem causæ & totum facere, & partes ad ipsum totum disponere. Thomas autem ait, Apostolis vtrumque munus commissum esse; quibus Episcopi succedunt: sed officium prædicandi per ipsos exercendum esse, baptizandi autem per alios exercere: quod si verum sit, ergo Sacerdotes, ut primum facti sunt Sacerdotes, possunt sine aliâ concessionem baptizare. Atque sic Hieronymus, *Quid Episcopi faciunt excepta ordinatione, quod non Presbyteri?*

Secundo ait Bellarminus, suos docere, Diaconis quoque conuenire ex officio baptizare, sed in absentia Sacerdotum, aut eorum iussu.

At



At hoc falsissimum est, quia non hoc illis commissum est in sua vocatione: nam Diaconorum aliud munus est, ut legimus Act. 6.

Act. 6. 2. 3.  
Ignatius  
in Epist.  
ad Heron.  
Epiphanius.  
Heres. 79.  
Hieron.  
ad Euagr.

Et Ignatius diserte ait, *Baptizari esse Episcoporum.* Et Epiphanius ait, Diaconis non convenire munus baptizandi. Et Hieronymus Diaconos vocat mensarum & viduarum ministros. Bellarminus ait, eos loqui de ordinario officio. Sed hæc nulla responsio est, quia etiam Laicis permittunt Aduersarii extra ordinem baptizandi officium. Si ergo non possunt Diaconi baptizare nisi in absentia Sacerdotum, non ex officio possunt: nam tum Laici baptizare possunt, ut illi volunt: & si non nisi iussi possunt baptizare (quanquam iubere nemo potest) ex officio non possunt: nam quis debet officium suum facere etiam iniussus. Fateor tamen olim Diaconos baptizasse: sed ab initio aliter fuit; quod etiam ex ipsis patet: non enim permittunt Diaconum baptizare, nisi cum deest Presbyter, aut cum à Presbytero iussus fuerit. Et Dominicus Soto ait, *Sacerdos potest in presentia Episcopi baptizare, quia sibi ex officio incumbit:* ergo non est officium Diaconi baptizare, quia non potest baptizare in presentia Presbyteri.

Dominicus.  
Soto.

Tertio ait, Catholicos docere, non licere Laicis solenniter baptizare, nec priuatim, presente Sacerdote aut Diacono, aut iis etiam absentibus, extra casum necessitatis. Sed quod ad solennem bapti-

zationem attinet, si Bellarminus putat Laicis licere unquam solenniter baptizare, aut suorum decreta nescit, aut à communi sententia discedit. Nam solenniter baptizare, est cæremoniis adhibitis solennibus baptizare: sed Laicum volunt aquam tantum cum verbis usitatis posse adhibere. Ergo Dominicus à Soto ait, mortale sacrilegium esse Laico baptizare solenniter, vel in necessitate, vel extra casum necessitatis, & eiusmodi baptizatorem fieri ipso facto irregularem, quia est usurpatio alieni muneris. Si vero non licet munus alienum usurpare, certe Laico nunquam baptizare licet, nec solenniter, nec priuatim, quia hoc non eius est, sed alterius munus. Neque necessitas potest facere, ut eius sit munus, quia non est ei legitime impositum: nunquam enim vocatus est ad sacrum Ministerium.

Quarto ait, suos docere, Laicis baptizatis licere in casu necessitatis baptizare, & ait de hoc nunquam in Ecclesia dubitatum. Certe olim inauditum in Ecclesia casus necessitatis fuit: de quo postea erit dicendum.

Quinto ait, à suis doceri, etiam non baptizatis in casu necessitatis licere baptizare, si modo ritum norint. Neque mirum hoc est, cum eo progressi sint, ut quemvis hominem, qui mentis compos sit, etiam paganum, baptizare posse dixerint; quo nihil dementius. Quare Bellarminus ait de hoc dubitatum. Fateor Patres nonnullos hoc

hoc concedere Laicis baptizatis. Tertullianus ait, eos qui baptizantur posse baptizare, quia quod ex æquo ab omnibus accipitur, ex æquo ab omnibus dari potest. Sed Bellarminus, opinor, hanc rationem non probabit, quia Eucharistia ex æquo ab omnibus accipitur, tamen Laico non permittunt, Eucharistiam unquam administrare; & qui fiunt ex æquo Sacerdotes, non possunt illi alios Sacerdotes ordinare. Hieronymus tamen Tertullianum imitatus idem asserit eadem ratione fretus. Similiter Concilium Elibertinum Laicis baptizatis baptizandi facultatem concedit, modo non sint bigami. De non baptizatis quæri igitur potest, num iis baptizare liceat, cum non habeant Baptismum. Augustinus quæstionem proponit, sed non audet decidere, quia in nullo generali Concilio res antea definita fuit. At Bellarminus audacter affirmat, scilicet quia in Florentino Concilio iam res definita est, licere in casu necessitatis Laico, seu viro, seu fœminæ, seu Christiano, seu pagano, baptizare, modo adsint materia, forma, & intentio debita: & rationem adhibet, quia cum non requiratur in Ministro Baptismi, aut fides, aut probitas, aut ordinatio, nulla ratio est, cur Baptismus pagani aut Iudæi non sit verus, si adsint ea, quæ necessaria sunt ad Baptismi essentiam. At requiritur in Ministro vocatio, & ius, & officium, quæ nec paganus, nec quiuis baptizatus habet.

Tertull.  
in lib. de  
Baptism.

Hieron. in  
dialog.  
cont. Luciferian.  
Concil.  
Elibert.  
can. 38.

August.  
cont.  
Parmen.  
l. 2. c. 13.

Nicolaus

Et quanquam Nicolaus Papa,

quendam à Iudæo baptizatum, Papa de consecrat. dist. 4. vere baptizatum esse ait; tamen Gregorius secundus iubet à paganis baptizatos rebaptizari. Sic hi pulchre inter se consentiunt. Sexto, à suis doceri ait, non modo viros, sed etiam fœminas in extrema necessitate posse baptizare. Nos contra licere solis Ministris baptizare dicimus. Si vero alii homines forte baptizauerint, illos peccare affirmamus; etsi non irritum esse hunc Baptismum audeamus statuere: nam hæc alia quæstio est. At fœminas baptizare, audaciam sacrilegam esse asserimus.

Papa de  
consecrat.  
dist. 4.  
can. A  
quodam  
Iudæo.  
Gregor. 2.  
de consecrat.  
d. 4.  
can.  
Quos à  
paganis.

## C A P V T II.

### Argumenta Aduersariorum pro Baptismo Laicorum, etiam fœminarum.

NUNC Bellarmini argumenta excutiamus. Primum eius argumentum ab exemplo veteris Testamenti sumitur. Nam Exod. 4. *Sephora vxor Moysis filium suum circumcidit: & eo modo Moysen virum suum à periculo mortis liberavit: at Circumcisio fuit tale Sacramentum illis, quale nobis Baptismus est: ergo licet etiam in casu necessitatis mulieribus baptizare.* Calvin. instit. l. 4. c. 15. §. 20. 21. 22. Male autem fecisse, nonnullis argumentis docet.

Kk

Pri-

1. *Primum* eius argumentum est, quod coram Mose fecerit: at Adversarii sceminae non permittunt vel praesente viro, nedum presbytero, baptizare: Moses autem Propheta fuit. Bellarminus ait, Mosen non potuisse filium circumcidere, quia in angustiis maximis fuit, & pene exanimatus: Deus enim ei occurrit, & voluit occidere, id est, vel morbum ei inflixit mortiferum, ut volunt Iudaei, vel Angelum misit, qui cum gladio nudato ei apparuit, ut alii exponunt, (quanquam de hoc gladio in Scriptura nihil habetur) ergo Mosen significasse Sephoræ uxori suæ, ut ipsa circumcideret.
2. *Respondeo primo*: de iussione nullum verbum reperitur in Scriptura: fingi hoc facilius potest, quam probari. Imo incredibile est iussisse sceminae, ut suum filium circumcideret, & eiusmodi praesertim sceminae, quæ nondum persuasa de circumcisione fuit: non enim Iudæa erat. *Secundo*, etsi Moses fuisset in tantis angustiis, ut non ipse posset circumcidere, nunquam tamen sceminae iussisset, sed potius viro alicui. Non deerant viri, qui id facerent: erat enim in diversorio: & certe non ille sine famulis fuit: ergo illa iniussa & temere hoc fecit. *Tertio*, etsi ei Dominus occurrit, non tamen sequitur, in iis angustiis fuisse, ut non posset circumcidere, praesertim si Angelus cum gladio illi adstitit: nam Angelus procul dubio permisisset circumcidere: &
- Moses ipse sine dubio circumcidisset, nisi hoc mulier prius fecisset. Et quid si Moses tum non potuit circumcidere? si in animo habuisset postea hoc facere, destitisset Angelus: sciebat vero Moses se tum non moriturum, quia certus erat pervenendi in Aegyptum, quo illum Dominus miserat. Sed *quarto* & postremo *respondeo*, ipsum sibi respondisse Bellarminum, cum ait, Mosen iussisse. Probet ille alias sceminas ab aliquo Propheta similiter iussas esse baptizare, ut illam a Mose iussam fuisse ait circumcidere.
11. *Secundum* Caluini argumentum, quo probat Sephoram male fecisse, hoc est, quia obmurmuravit Deo & marito, & præputium proiecit in terram. Bellarminus hæc esse mera mendacia ait, sine ullo fundamento, & ex mera libidine detrahendi. Sed *respondeo*, hæc esse verissima. Nam vocat Mosen virum sanguinum, & hoc propter circumcisionem, quod ei necesse fuit circumcidere filios: non ergo hoc placide fecit, & animo obediendi Deo, sed fremens & indignabunda: ideo & præputium in terram abiecit ante pedes Mosis, & ei exprobrat quod manifestum argumentum temeritatis fuit. Idque hinc etiam apparet, quia virum nunc dimisit, rediitque in patriam, ut ex cap. 18. patet ubi Iethro dicitur *Exod. 18. 25.* venisse ad Mosen cum uxore illius & filiis duobus. Nam etsi quod

quod in textu habetur, & dimisit eum, de Angelo non Sephora intelligatur, cum verbum masculinum sit: ramen aliqui eam offensam noluisse longius progredi a iunt; quod verum est, quia postea cum patre in solitudine Mose occurrit. Hoc igitur exemplum non est in imitationem trahendum. Postquam hoc quidem Sephora fecisset, Angelus destitit: quod ramen non recte factum esse probat. Nam causa, cur iratus fuit Deus, hæc erat, quod filii eius incircumcisi essent (etsi enim non nisi unius filii mentio sit, ramen ambo erant circumcisi) iam ergo his utrunque circumcisis placatus est Deus, ne Mosen occideret. Erat probum præputii nunc sublatum; sed non hoc probat factum Sephoræ placuisse Deo: non enim semper Deo gratum est, quod eius ultionem remoratur. Sed Caluinus etiam aliam responsionem habet, quam prætermisit Bellarminus: ait enim fuisse hic aliquid singulare, quod in exemplum trahi non debet, ac praesertim cum nusquam legatur olim circumcidi speciale datum fuisse Sacerdotibus mandatum, dissimilem esse rationem Circumcisionis & Baptismi. Hoc ab illo recte dicitur: extat enim disertum Christi mandatum Apostolis datum de Baptismo, *docete baptizantes*, ubi eisdem constituit Evangelii præcones & ministros Baptismi: de Circumcisione vero nihil tale ostendi potest.

*Secundum* Bellarmini argumentum sumitur ex verbis Christi *Matth. 28. 19.* *Matthæi vigesimo octavo, Euntes docete omnes Gentes, baptizantes eos, &c.* Hinc sic argumentatur: Ministerium verbi est proprium Apostolorum & Episcoporum: omnes tamen in articulo necessitatis tenentur docere & instruere ignorantes, praesertim in periculo æternæ salutis: ergo eodem modo licet munus baptizandi sit proprium Sacerdotum, tamen in necessitate licebit etiam Laicis & sceminis baptizare. *Respondeo primo*, Facere, quod Apostoli iussi sunt facere, nullis licet ne in articulo quidem necessitatis: nam illi non modo docere iussi sunt, sed & omnes Gentes docere.

*Secundo*, illud *μαθητεύσατε, docete*, non de priuata institutione sed de publico ministerio intelligendum est: hoc nulli ne in necessitate quidem licet nisi legitime vocato: at priuatim docere, est cuiusvis docti. Sicut ergo non licet laico prædicare, sic nec baptizare.

*Tertium* Bellarmini argumentum sumitur ab exemplis Scripturæ. *Primum* exemplum habetur Actorum octavo, ubi legimus *Act. 8. 38.* Philippum baptizasse Eunuchum. *Respondeo primo*: Philippus saltem fuit Diaconus: non ergo mere Laicus. *Secundo*, Fuit *Act. 21. 8.* Diacono factus Evangelista: *et 8. 5. & 8. 26.* ergo etiam Samaritanis prædicavit.



*Terio.* Constat Philippum Spiritus Sancti autoritate prædicasse Eunuchum, & eum baptizasse. *Secundo* exemplum est Ananiam, quem Bellarminus fuisse plane laicum, & tamen baptizasse Paulum. Fuisse autem Laicum probat, quia hoc factum est primo anno à passione Domini, quo tempore nondum ordinati erant ulli Episcopi aut Sacerdotes præter Apostolos, neque erant ulli Diaconi præter septem, inter quos Ananias non numeratur. *Respondeo primo:* nullos tunc fuisse Episcopos, id est, Ecclesiarum rectores, non potest probare. Nam cum Ecclesiæ passim constituerentur, ex certe non carebant suis Pastoribus. Samaria tota conuersa est: an ei nulli præpositi sunt Pastores. Verisimile certe est, hunc Ananiam fuisse non modo discipulum, sed & Pastorem. *Secundo* Dico hoc Ananiam fecisse iussu Domini: si Laici aut mulieres talem auctoritatem habeant, possunt baptizare. *Tertium* exemplum est Petri, qui Cornelium & eius familiam baptizari iussit à fratribus, qui secum venerant, quos probabile est non fuisse nisi simplices discipulos. *Respondeo:* Fuisse tantum discipulos, non certum est: poterant esse Ministri ac prædicatores. Nec vero certum est, non fuisse à Petro baptizatos: non illud, *iussit baptizari*, commode exponi potest in hunc modum; iussit aquam afferri, qua baptizarentur. Sed non puto tamen Petrum baptizasse. Fuisse autem mere Laicos, nulla ratio suadet. *Quar-*

*tum* exemplum sumitur ex Act. 2. ubi legimus die Pentecostes baptizata esse tria hominum millia, antequam ulli ordinarentur Episcopi, Presbyteri, aut Diaconi; quod non potuit commode fieri per solos Apostolos: ergo alii baptizarunt, qui erant Laici. *Respondeo:* Erant alii Ministri præter Apostolos: nam Christus præter Apostolos septuaginta duos discipulos habuit, qui non erant Laici, quia eos Christus ad prædicandum antepassionem suam misit.

*Quartum* & postremum Bellarmini argumentum sumitur à testimoniis & exemplis Patrum. Tertullianus hæc verba habet, *Quod ex aquo accipitur, ex aquo dari potest.* *Respondeo:* Hoc si verum sit, quivis sumere potest ius baptizandi, etiam præsentem Episcopo; quod ne ipsi quidem Pontificii concedunt: at Tertulliani ratio bona sit, hoc licet. Non ergo ad dandum sufficit ut habeas, sed etiam oportet, ut dandi auctoritatem habeas. Deinde obiicit Bellarminus Alexandri Alexandrini Episcopi iudicium, qui ratum habuit Baptismum, quem Athanasius adhuc puer & laicus aliis pueris contulerat. *Respondeo:* Ergo pueri etiam baptizare possunt, & quidem per lulum: nam illi tum ludabant. Hoc est à rebus factis atque seriis facere ludicras. Non est igitur hoc probandum. Erat Athanasius potius dignus verberibus, quam alicuius approbatione, qui ausus est imitari sacras actiones. Adhuc puer fuit, & egit pue-

pueriliter, etsi postea egregius Episcopus fuit. Obiicit postea Concilium Nicænum, quod teste Hieronymo statuit Baptisma hæreticorum esse ratum. *Respondeo:* Sic & nos quoque: sed inter hæreticos sunt, qui Ministrorum locum obtinent. Et nos Baptismum à Pa-pisticis Sacerdotibus datum ratum habemus. Obiicit etiam Concilium Elibertinum, quod statuit fideles laicos posse baptizare, cum Ecclesia procul abest, & aliquis morti vicinus est. *Respondeo:* Sed quomodo? de eo enim controvertitur. Obiicit item Ambrosium, qui ait in primitiva Ecclesia omnibus licuisse & prædicare & baptizare ob Ministrorum paucitatem; tamen ait nunc non licere clericis aut laicis alterutrum facere: Sed ait Bellarminus, quod licuit in primitiva Ecclesia ob Ministrorum paucitatem, idem nunc licere debet in extrema necessitate. Sed certe non assentior Ambrosio, licuisse hoc in Ecclesia primitiva, nec id, opinor, Bellarminus sentit. Hieronymus & Augustinus, fateor, Laicis permittunt baptizare. Tandem Concilium Carthaginense quartum assert, in quo hæc verba habentur, *Mulier baptizare non presumat, nisi necessitate cogente.* *Respondeo:* Illa conditio seu exceptiva clausula, nisi necessitate cogente, in Concilio non habetur, sed est appendix tantum Lombardi, & Gratiani, qui sic Con-

cilium exposuerunt, ut abusum suorum temporum defenderent. Sed Concilium plane habet, *Mulier non presumat baptizare:* est in Concilio simplex interdictum; & sic habetur in omnibus exemplaribus Conciliorum. Quod ad recentiores attinet, quos nominat, Gelasium, Isidorum, Lombardum, Concilii Florentini Patres, de iis non necesse est respondere, cum hic abusus tum irrepsit in Ecclesiam: & de facto quidem constat, sed tamen citius probatur hoc fuisse factum, quam recte factum fuisse. Nam abusus hunc peperit error de simplici necessitate Baptismi, de qua cum persuasi essent, non mirum si permiserint libere viris, & feminis, imo pueris, baptizare. Quanquam de feminis non modo nullum præceptum aut exemplum extat, sed etiam diserte prohibentur baptizare in Concilio Carthaginensi quarto, ut antea diximus, cui Concilio Augustinus interfuit. Et Canus Papista ait, Baptismum, qui non à Ministro datur, esse Baptismum quidem, sed non esse Sacramentum.

Argumenta nostra in hac causa qui cupit videre, quærat apud Caluinum in loco citato, quibus quicquid hic à Bellarmino respondetur partim ex ipso Caluino, partim ex his, quæ à nobis antea dicta sunt facile dilui ac refelli potest.

Finis tertiae Quaestionis.




## Quaestio IV.

### Qui sint Baptismi effectus.

#### C A P V T I.

#### De statu Questionis.



**S**CRIBITUR Marc. 16. 16. *ὁ πιστεύων καὶ βαπτισθεὶς σωθήσεται, ὁ δὲ ἀπισθὴς καταλείψεται.*  
*Qui crediderit, & baptizatus fuerit, servabitur: qui vero non crediderit, condemnabitur.* Sequitur nunc quarto loco, ut de effectis Baptismi dicamus: Christus enim ait, *Qui crediderit & baptizatus fuerit servabitur*: ita videtur esse Baptismi effectus. Bellarminus Baptismo tres effectus tribuit. *Unus* effectus est, quod characterem indelebilem imprimat. *Alter*, quod ex opere operato gratiam conferat, & dona divina, quibus homo vere & formaliter iustificatur. Sed hisce de rebus nos antea satis in Controuersia de Sacramentis in genere diximus: nam characterem esse rem prorsus commentitiam, & Sacramentum nullam ex opere operato conferre gratiam docuimus, & monstrum illud operis operati refutauimus. *Tertius* Ba-

ptismi effectus est, quod tollat ac vere deleat omnem culpam & poenam. De hoc nunc nostra omnis contentio est. Duo autem huius effectus membra sunt, *primum* de culpa, *secundum* de poena, quorum utrumque in Baptismo penitus sublatum esse contendunt. Per culpam intelligunt & originalem omnem & actuale culpam, ut qui adulti baptizantur, non modo originali peccato, sed & omnibus quaecunque ante Baptismum commiserunt, liberentur. Baptismum enim aiunt aliter delere peccatum, quam reliqua Sacramenta: nam etsi omnia noui Testamenti Sacramenta & gratiam conferunt, & peccata mortalia delent, nisi obicem inueniant, tamen solum Baptismum aiunt delere originalem culpam & mortalia etiam peccata ex suo peculiari effectui. Nam cetera Sacramenta, ut illi volunt, non sunt proprie ad hoc instituta, ut peccatum tollant, tamen tollunt consequenter: at Baptismum volunt proprie ad hoc institutum esse,

esse, ut peccatum omne tollat. In quo non possunt explicare sententiam suam; ideoque Bellarminus tantum posuit, tolli peccatum in Baptismo. Sed nos oportet ex aliis Sophistis sumere, quæ ab illo prætermittuntur. Dominicus à Soto ait, alia Sacramenta non per se & proprie ad generandum hominem ordinari; & si gratiam conferunt, non tamen per se cuncta peccata remittere, sed secundum dispositionem sumentis. Hæc cum Bellarmino & perpetua Papistarum sententia pugnant. Nam *primo* Bellarminus contendit, Sacramenta esse instituta ad iustitiam conferendam, idque probat ex definitione Sacramenti, quam Catechismus Tridentinus habet, in qua Sacramentum à Deo institui dicitur, ut habeat sanctitatis & iustitiæ tum significandæ tum efficiendæ vim; & omnes Papistæ Sacramenta esse ordinata dicunt, ut gratiam conferant. At Dominicus à Soto negat reliqua Sacramenta per se & proprie ordinari ad regenerandum hominem; ergo ex consequente ad gratiam, & iustitiam, & sanctitatem conferendam; quod tamen & Bellarminus & omnes Papistæ affirmant.

*Secundo*, ait Dominicus à Soto, alia Sacramenta conferre gratiam, sed non remittere cuncta peccata; quod est apertissime contra Bellarminum & alios Papistas: nam illi dicunt, peccatum non posse cum gratia constare, quia non conuenit tenebris cum luce, ut postea Bellarminus contra nos

disputat: si ergo Sacramenta gratiam conferunt, tum omne peccatum tollunt, & sic non minus ad tollenda peccata ordinantur, quam Baptismus.

*Tertio*, si reliqua Sacramenta non remittunt per se peccata, sed secundum sumentis dispositionem; tum non conferunt gratiam ex opere operato, quia collatio gratiæ ex opere operato fit vi ipsius Sacramenti, non vi dispositionis aut deuotionis eius, qui sumit Sacramentum. Quod ad poenam attinet, quam etiam per Baptismum tolli volunt, intelligunt poenam æternam, quæ peccatis actualibus debetur, non poenales huius vitæ, quas cum originali culpa contraximus, qualis est concupiscentia, & calamitas multiplex, & mors: Baptismus enim ab his non liberat. In quo suam sententiam euertunt, ut postea dicemus. Si enim nihil in baptizato remaneret, quod esset peccatum, nec mors, nec ulla calamitas in eum irrueret, quia hæc ex peccato fluunt, quo sublato remanere non possunt.

Iam paucis quæ nostra sit hac de re sententia explicabimus. Bellarminus ait nos docere, peccata per Baptismum non vere tolli, sed tantum non imputari. Sed non plene nostram sententiam proponit. Nam nos tolli in Baptismo peccata dicimus, eo modo quo Scriptura peccatum tolli ait: ut cum Ioannes Baptista de Christo ait, *Eccc*

Dominic.  
Soto. 5. q.  
1. & 6.  
art. 1.

Bellarmin.  
de Sacra.  
ingen. l. 1.  
c. 11.  
Catechis.  
Rom. 2.  
part. 2. c. 1.  
9. 9.



Ioan. 1.  
29.

Ecce agnus ille Dei, qui tollit peccatum mundi, non vult Christum suis omnibus peccatis expedire, ut nil in eis peccati hæreat, sed remissionem omnium peccatorum morte sua meruisse. Vere igitur tolluntur in Baptismo peccata, quia vere remittuntur: cum enim remittitur peccatum, perinde est, ac si non sit commissum. Reatus ergo totus in Baptismo tollitur, & hoc est peccatum vere tolli. Calumniatur ergo Bellarminus: & sic etiam Patres Tridentini, qui aiunt nos dicere, peccatum tantum radi in Baptismo, non tolli; quod olim Augustino Pelagiani obiecerunt, quorum ille calumniam diluit. Non enim peccatum in Baptismo tanquam novacula refecatur, sic ut radix hæreat, & statim renascatur, quemadmodum isti insulsi nos sentire putant; sed nos in Baptismo duplicem gratiam consequimur: *prima* est remissio peccatorum, *secunda*, regeneratio. Remissio est perfecta, regeneratio inchoata propter peccati reliquias, & propter originale peccatum, quod in nobis perpetuo quoad suam substantiam remanet. Regeneratio est opus multorum dierum; quod probat peccatum vere in nobis remanere, etsi non nocet nobis, quia remittitur: id quod ipsi etiam Patres Tridentini concedunt imprudenter: aiunt enim renatos esse innocentes, innoxios, & puros, quia veterem hominem exuentes, & novum induentes, non secundum carnem ambulant.

Concil.  
Trident.  
sess. 5.

August.  
l. 1. c. 13. ad  
Bonifacium.

Si ergo renati exuunt quotidie veterem hominem, & induunt novum, tum non in totum unquam vel veterem hominem exuerunt, vel novum induerunt in hac vita: ergo adhuc peccatum in eorum natura remanet. Quod autem aiunt Deum nihil in renatis odisse; verum est, quatenus renati sunt: non enim odit suam in illis gratiam, fidem, spem, charitatem: ex altera parte scilicet quatenus non sunt renati, multa odit. Sed etsi hoc ita sit, tamen potest esse in renatis aliquid dignum odio. Deinde quod aiunt, nihil in eis esse, quod eos ab ingressu cœli remotetur; hoc verum est ex gratia & indulgentia Dei, quia Christi innocentia vestiti, propriis peccatis non impediuntur: at multa Deus impedimenta inueniret, si summo iure cum illis ageret. Baptismus igitur Sacramentum quidem est mortificationis: sed hæc mortificatio non statim perficitur, ut baptizamus; tamen aliquando perficietur: interim in renatis vis peccati indies minuitur & moritur: non ergo radi tantum in Baptismo peccatum dicimus. Tolli quidem incipit in Baptismo, sed durat usque ad mortem carnis, in aliis quidem minus, in aliis magis. Peccatum autem etsi remanet, tamen non nocet duplici de causa, *primo* quia in Christo Iesu per fidem sunt renati omnes, quo mediatore illis peccata omnia ignoscuntur, *secundo*, quia pugnant contra peccatum, & inuiti in se peccatum habent: Deus ergo sic de illis

Luther.  
art. 1.

illis æstimat, ac si plane innocentessent; interim peccati materiale hæret. Rectissime ergo Lutherus ait, *Qui negat in puero remanere peccatum post Baptismum, contra Paulum & Christum loquitur.* Sic status Quæstionis apertus est: illi non manere verum peccatum post Baptismum aiunt; nos manere, sed aculeum & reatum tolli: illi peccatum plene tolli aiunt; nos reatum quidem peccati plene & totaliter tolli, peccatum autem ipsum non nisi inchoate tolli. Bellarminus ait, nos non habere aliud fundamentum, nisi quod concupiscentiam in baptizatis vere & proprie peccatum esse putamus: sed nos alia fundamenta habemus, ut postea patebit. Si vero non aliud haberemus, hoc satis esset, quia Scriptura concupiscentiam in renatis esse peccatum ait: & Bellarminus fatetur, eam remanere in renatis usque ad mortem: ergo peccatum remanet usque ad mortem: non concupiscentia est vere peccatum, ut postea ostendemus.

## C A P V T II.

### In quo Aduersariorum argumenta diluuntur.

BELLARMINVS igitur probat, sic tolli in Baptismo peccata omnia, ut non solum non imputentur, sed non sit aliquod, quod imputari possit ad culpam. Ex

Scripturis multa argumenta profert, quæ propter varietatem in certa quædam capita distribuit. Nihil facilius, quàm ad singula respondere. Primum caput est eorum, quæ habent vocabula mundandi, lavandi, tollendi, delendi, auferendi, & similia ut Psalm. 51. *Dele iniquitatem meam, Amplius laua me:* Miche. 7. *Aufer iniquitatem:* Ioan. 1. *Ecce Agnus Dei, qui tollit peccatum mundi.* Ephes. 5. *Mundans eam lauacro aquæ.* Hæc, inquit, non possunt nisi ineptissime exponi per non imputari, quia non recte quis dicitur tollere ab alio ignorantiam vel malitiam, quia ignoscit illi, quod aliquid ignoranter, aut malitiose fecerit. *Respondeo primo*, tolli, lauari, mundari, deleri, auferri peccata dicuntur, non quod nil in nobis relinquantur, quod peccati rationem habet, sed quia reatus omnino tollitur: cui enim tegantur & non imputantur peccata, is apud Deum innocens est, quia eum Deus in Christo intuetur: non ergo ineptum est, tolli, exponi, per non imputari. *Secundo* tolli & mundari dicuntur peccata, quia noua iustitia in nobis inchoatur, & quia incipimus nouam vitam agere: esset inconueniens, ut tollere per non imputare exponeremus, si peccatum in nobis dominaretur, ut prius; sed cum iam non regnet peccatum sed mortificetur, ergo re tollitur, etsi ex parte tantum. Quod vero ille de ignorantia & malitia obicit, non recte aliquem dici tollere ista, qui ignoscit tantum & remittit; verum est, nisi non modo ignoscat

is, quæ ignorantet aut malitiose gesta sunt, sed etiam ignorantiam & malitiam etsi non penitus, tamen aliqua ex parte tollat, & tandem prorsus remoueat. Ita peccata nostra in Baptismo recte tolli & auferri dicuntur, quia etsi non penitus, tamen inchoate tolluntur & auferuntur etiam in hac vita, & postea tandem prorsus tollentur & penitus auferentur.

Secundum caput est eorum locorum, qui dicunt tolli maculas, aut inquinamenta, aut iniquitates: nam maculæ vox & similes, peccati fœditatem non reatum significant: at secundum Aduersarios, inquit, non tollitur per Baptismum peccatum, nisi quoad reatum. Respondeo: Errat Bellarminus: nam quoad reatum plane, quoad fœditatem & maculam inchoate peccata tolli dicimus. Qui enim fœdi sunt, iis peccata non remittuntur: sed fœdi non sunt, qui deserunt peccata, etsi peccatis multis laborant; & in quibus peccata incipiunt abstergi, & natura ad integritatem restitui. Ad loca Scripturæ

facilis est responsio. Cantic. 4. *Tota pulchra es amica mea, & macula non est in te.* Hoc loco vsi olim sunt Pelagiani, vt testatur Hieronymus, & ait de Ecclesia intelligi, qualis futura sit, non qualis nunc sit: Christum Ecclesiæ dicturum in cœlestibus, *Tota pulchra es, &c.* Sic Augustinus non quasi iam sit Ecclesia tota pulchra, sed quod præparetur: & idem alibi ait, Ecclesiam in resurrectione futuram

esset totam pulchram, propter gloriam Christi, qui est vita Ecclesiæ: & alibi Hilario quærenti, quænam illa Ecclesia sit, de qua hoc intelligatur, respondet quod Ecclesia in fine seculi has laudes suscipiet: tum enim, vt habetur in Apocalypsi, erit ciuitas aurum mundum, simile vitro mundo. Obiicit præterea Bellarminus Christi verba, *Qui lotus est, non indiget nisi vt pedes lauet, sed est mundus totus*: non vere potest dici mundus totus (inquit) in quo aliquid relinquitur, quod maculæ rationem habeat. Respondeo: Totus mundus est, cui omnia peccata condonantur, & qui fide purgatur & sanctificatur, quia nullis peccatis dilectatur. Per imputationem Christi iustitiam maculæ eius reguntur, vt non appareant. Quod vero ait Bellarminus, Gregorium hunc locum ponderare; ponderat ille quidem, fateor, & recte exponit: Si peccata, inquit, in baptismo funditus minime dimittuntur, quomodo is qui lotus est, mundus est totus? at nos dicimus peccata funditus dimitti: ideo toti mundi sunt, qui baptizantur. Sed non ita nos mundos esse dicit Gregorius, quin opus sit pedum lotionem: pedes semper lauandi sunt; ita aliquid in nobis semper est impurum. Obiicit adhuc Bellarminus Ephes. 1. *Ephes. 1.4. Elegit nos, vt essemus sancti immaculati, & Coloss. 1. Reconciliavit nos in corpore carnis eius per mortem, exhibere vos sanctos, & immaculatos, & irreprehensibiles.* Respondeo: Sumus sancti,

sancti, immaculati, & irreprehensibiles, non in nobis, sed in Christo, quia Christi innocentia induiti sumus, vt Apostolus Paulus ait, *Quis accusabit electos Dei?* Christo aduocato damnari nequeunt electi: sunt igitur innocentes. Sed hæc tamen innocentia non est nobis insita in hac vita.

Tertium caput sumitur à figuris, quibus Baptismus respondet. Comparatur Baptismus Circumcisioni, mari rubro, fluuio Iordanis, suffocationi porcorum, probaticæ piscinæ, lotioni & curationi cæci nati. Sed harum comparisonum quædam sunt omnino commentitiæ. At in Circumcisione ver, inquit, non autem per solam imputationem abscinditur caro, & in mari rubro vere & proprie suffocati sunt Egyptii, quibus ante Hebræi seruebant. Idem quoque, inquit, de aliis dicendum. Respondeo: Non necesse est, vt figura rei, cuius est figura, per omnia respondeat: non ergo necesse est, vt sicut caro non per imputationem abscissa est in Circumcisione, sic peccata in Baptismo non per imputationem tollantur. Non sunt figuræ & similitudines per omnia virgendæ. In eo figura & res conueniunt, quod vere aliquid tollatur, etsi modus tollendi non sit idem. Vere abscinduntur & submerguntur in Baptismo peccata, quia vere dimittuntur. Atque hoc est, quod Gregorius ait, *Qui dicit peccata in Baptismo non funditus dimitti, dicat*

in mari rubro Egyptios non veraciter submersos: ergo peccatorum dimissio est submersio peccatorum; illa huic respondet.

Quartum caput continet ea loca, quæ mundationem iustificationis rebus vere & proprie mundis comparant. Psalm. 51. *Lauabis me, & super nixem dealbabor.* Isai. 44. *Deleui vt nubem iniquitates tuas, & quasi nebulam peccata tua*: at sol nebulas facit prorsus euanescere. Sic Isaiæ primo. *Si fuerint peccata vestra, vt coccinum, sicut nix dealbabitur, & si fuerint rubra, vt vermiculus, sicut lana alba erunt.* Respondeo: His similitudinibus remissio peccatorum describitur. In Christo per imputationem eius iustitiæ & innocentiae niue albiores sumus, & peccata nostra vt nebulæ euanuerunt. Virget hoc argumentum Rossensis noster, cum tamen nihil in se virium habeat.

Quintum continet similitudinem peccati originalis, Romanorum quinto. *Sicut per vnus inobedientiam peccatores constituti sunt multi: ita per vnus obedientiam iusti constituentur multi*: at in Adamo vere peccatores sumus: ergo in Christo vere iusti. Respondeo: Vere iusti sumus in Christo, sed non eodem modo iusti, quo in Adamo peccatores. Non id similitudo vult: sufficit vt sicut ab Adamo peccatum fluxit, sic à Christo iustitia non necesse est eadem ratione iustitiam ab hoc deriuatâ esse, qua peccatum ab illo. Obiicit Bellarminus verba Christi



Ioan. 3. 6. Christi Ioan. 3. Quod natum est ex carne, caro est, quod natum est ex spiritu, spiritus est. Illi vere sunt carnales, inquit, igitur isti vere spirituales. Respondeo: Qui ex Spiritu nati sunt, vere sunt spirituales, etsi non toti, propter carnem, quæ militat aduersus Spiritum. Obicit etiam id quod habetur 1. Corinth. 15. 22. Sicut in Adam omnes moriuntur; ita in Christo omnes uiuificabuntur. Respondeo: Quis negat veram esse vitam, quam à Christo accipimus? sed ea vita tamen potest cum peccato stare, non regnante illo quidem, sed tamen habitante in nobis, quamdiu in hac vita sumus.

Sextum continet similitudinem mortis Christi, Consepulti sumus cum Christo per Baptismum in morte: at Christi mors vera fuit: vere ergo nos morimur peccato. Respondeo: Nemo negat: nam in Baptismo vere peccato morimur, non quod non sit in nobis peccatum, sed quia non regnat. Morimur vere peccatis, sed ex parte tantum. Sed affert hic Bellarminus ex Augustino aliquid: Quemadmodum in illo vera mors facta est, sic in nobis vera remissio peccatorum: & quemadmodum in illo vera resurrectio, ita in nobis vera iustificatio. Respondeo: Nos hoc libenter concedimus: nam hic Augustinus cum nobis plane consentit. Comparat morti Christi nostram remissionem peccatorum, & resurrectioni eius nostram iustificationem: et remitti possunt peccata, & nos iustificari, ut maneat interim peccatum in membris nostris.

Septimum caput continet ea, quæ docent Baptismo nos renasci, Nisi quis renatus fuerit ex aqua, & spiritu sancto. Saluus nos fecit per lauacrum regenerationis, &c. Noua generatio, inquit, requirit veram mortem peccatorum. Respondeo: In renatis est vera mors peccatorum, quia etsi peccatum non plane exterminatur è natura nostra, tamen non ei seruiamus, sed vitam in Christo viuere incipimus.

Octauum ea continet, quæ docent non posse simul habitare lucem & tenebras, Quia societas luci ad tenebras: at si in nobis peccatum est, in nobis Diabolus habitat. Aduersarii, inquit, volunt simul & Diabolum in nobis habitare per peccatum, quod vere semper est in nobis, & Christum per iustificationem. Respondeo: hoc falsum esse. Non in omnibus Diabolus habitat, qui sunt peccatores, quia tum in omnibus habitaret Christianis: nam si dicimus nos peccatum non habere, mentimur. In iis quidem, qui ex proposito peccant, habitat Diabolus, at non in iis, qui peccant ex infirmitate: ubi regnat peccatum, ibi est Diabolus, at non ubi habitat: quamdiu enim viuimus, tamdiu in nobis peccatum habitat. Nec conuenit luci cum tenebris in renatis, quia nouus homo perpetuo bellum gerit contra veterem. Igitur hoc argumentum prouenit ab ignoratione vere Theologiæ.

Nonum & vltimum caput continet ea loco, quæ docent Deo odio esse peccata, Odisti omnes, qui

ope-

operantur iniquitatem: Dilexisti iustitiam, & odisti iniquitatem. Odio est Deo impietas, & impietas eius. Si peccatum, inquit, maneret, Deus illud odisset, si odisset, punire vellet; si punire vellet, non ignosceret: dicere ergo Deum non imputare peccata, quæ vere manent, atque ea nolle punire, est manifesta contradictio. Respondeo: Est in renatis peccatum, quod Deus odit: non punit autem, quia iam olim in Christo punit: nam pœnam nostrorum peccatorum Christus pertulit. Non est autem contradictio, ut in nobis peccata maneant, nec imputentur tamen, quia Christo imputata, & in Christo punita sunt.

## CAPUT III.

## In quo argumenta nostra proponuntur.

Quid ergo? an Baptismo totam peccati sentinam exhaurit? sic Papistæ quidem, quorum nos argumenta diluimus: nunc ad nostræ sententiæ confirmationem veniemus. Lutherus ait, ut antea diximus, Qui negat in puero post Baptismum remanere peccatum, Paulum & Christum conculcat. Hanc propositionem Leo decimus damnauit: sed Christum simul & Paulum cum Lutero damnauit. Nam Baptismus etsi remissionem peccatorum confert, non tamen ab originali peccato, aut peccati reliquiis,

& malis concupiscentiis liberat: remanet ergo substantia peccati, & fundamentum, etsi reatus plane tollitur. Limes est lapis, etsi non amplius distinguit agrum: fundamenta relinqui possunt extinctis relationibus: lapis remanet, sed limes amplius non est: ita peccatum in baptizatis remanet, sed quia tollitur eius reatus, non est mortiferum. Hoc multis argumentis ex Scripturis, & ratione, & Patribus, distincte & breuiter confirmabimus. Sequemur vero Bellarminum, & totam hanc Quæstionem in capita quædam distribuimus.

Primum caput continebit ea Scripturæ loca, quæ docent concupiscentiam esse peccatum. Apostolus Paulus ait, Peccatum non cognoui, nisi per Legem: non enim nossem concupiscentiam nisi Lex dixisset, Non concupisces: ergo Lex pronunciat concupiscentiam esse peccatum: quod enim Lex prohibet, peccatum est: at concupiscentiam Lex prohibet: ergo est peccatum. At forsan concupiscentia in baptizatis non remanet: imo certe omnes enim cum adulescent, multas in se concupiscentias habitare ostendunt, & multis concupiscentiis vrgentur: ergo culpa originalis à parentibus traducta remanet in liberis etiam post Baptismum. Et Paulus in hoc capite suam concupiscentiam acculat, qui & baptizatus & sanctissimus fuit. Rossensis noster, qui scripsit contra Lutheri articulos locum hunc ait obscurum esse, sed non est. Ait forsan accipi hic concupiscentiam

Li 3

Rhemenf.  
in c. 7. ad  
Rom.

1.

cupiscentiam pro consensu mentis in carnis desideria: & sic Rhemenfes aiunt, non habitualementem concupiscentiam intelligi, sed concupiscentiam cum rationis ac voluntatis consensu. *Respondeo primo:* Mentis consensum in carnis desideria ipsa ratio docet esse rem malam: sed Apostolus Legem de tali concupiscentia exponit, quam nemo nisi per Legem scire posset: ergo quævis inclinatio ad malum damnatur, ac proinde peccatum est, etiam illa, quæ mentis consensum nondum assecuta est. Et Apostolus hanc in se concupiscentiam fuisse fatetur: *Peccatum, inquit, occasione sumpta genuit in me omnem concupiscentiam:* ubi videmus originale peccatum in primis in concupiscentiis efflorescere, & sese ostendere: est enim concupiscentia primus motus actusque peccati: ergo quævis mentis inclinatio contra Legem Dei concupiscens aliquid malum, est peccatum, etiam si consensus non accesserit. *Secundo,* concupiscentiam hanc, cuius Apostolus meminit, de consensu mentis interpretari, absurdum est. Etsi enim in Paulo fuit concupiscentia, non tamen fuit in illo consensus in carnis desideria: ergo de concupiscentia quadam minus crassa loquitur, quæ etiam in viros sanctissimos cadit, quia hanc Paulus in se fuisse scribit & deplorat. Alii ergo respondent, Paulum hic non de se renato, sed non renato loqui, & eius orationem totam ad non renatos accommodandam esse: sic Origenes, & interdum et-

iam Hieronymus, & sic Pelagianos hunc locum interpretatos esse, testis est Augustinus; imo sic etiam Augustinus ipse aliquando: ait enim, olim se sic sensisse, sed post 8. verbis Apostoli melius expensis, intellexisse Apostolum de se loqui: Apostolus ergo in se renato concupiscentiam remanere sensit, & concupiscentiam vocat peccatum, & in se peccatum remanere confiteatur. Recentiores Sophistæ peccatum dici aiunt, quia ad peccatum inclinatur, non quia vere peccatum est. Sic Andradius peccatum dici ait, quia mentem ad scelera inflectit, & Legi divinæ contraria suadet. *Respondeo primo:* Quod inclinatur & inflectitur mentem ad peccatum & scelera, illud necessario peccatum est: hoc concupiscentia ex ipsorum confessione facit: ergo peccatum est. Maior patet, quia omnis inclinatio contra Legem Dei peccatum est: Lex enim requirit, ut toto corde amemus Deum, at inclinatio hæc est contraria amoris Dei: ergo est Legi contraria: imo impellere & instigare ad peccatum perpetuo, & suadere quæ sunt pugnantia cum Lege & voluntate Dei, est motus divinæ iustitiæ & voluntati maxime contrarius: ergo est peccatum: tentare enim ad peccatum, est peccatum: concupiscentia tentat & inducit ad peccandum: ergo est peccatum. Apud Apostolum Iacobum Deus dicitur neminem tentare ad malum, quia ipse est ἀπειρεσις τῶν κακῶν, καὶ πειρᾷζει ἀδέναι, id est, tentari malis non potest, nec quinquam tentat: quod ergo

August.  
ad Boni.  
fac. l. 1. c.

Idem cit.  
Iulian.  
l. 6. c. 11.  
Rom. 7.  
15. 20. 22.  
17.

Andrad.  
in defens.  
Concil.  
Trident.  
l. 5.  
1.

11.

Rom. 7.

15.

Rom. 7.

15.

Rom. 7.

15.

Gal. 5. 16.

Gal. 5. 17.

Iacob. 1.  
13.

ergo ad malum tentat, est malum, id est, peccatum. *Secundo* igitur ex ipsis Scripturæ verbis probo, hanc concupiscentiam vere peccatum esse, quia Paulus ait, legem hanc membrorum, rebellare legi mentis: lex autem mentis est sancta lex Dei: quod vero Legi Dei repugnat, necessario peccatum est: & idem ait, se facere, quod odit: nihil autem odio dignum est, nisi peccatum. Papistæ aiunt, nihil remanere in homine post Baptismum dignum odio Dei: at se odisse ait Paulus, quod in se erat: ergo Deus etiam odit: nam quod renatus odit, quatenus renatus, hoc Deus ipse odit, & contra: Deus autem nihil odit, nisi peccatum. Et alibi in eodem capite, ait se servire legi peccati in carne sua: si lex peccati erat in ipsius carne, id est, carnali natura: ergo peccatum: nam lex peccati est peccatum, quia est contra legem iustitiæ. Quare idem Apostolus alibi prohibet πλεον ὁμιλεῖν σαρκί, perscrutare concupiscentiam carnis, quia hæc ὁμιλία, id est, concupiscentia est peccatum: quicquid enim facere non licet, peccatum est: at hanc concupiscentiam facere non licet: ergo peccatum est. Tum postea ait in eodem capite, carnem concupiscere adversus spiritum, id est, adversus pios motus Spiritus, eique ἀντικεῖσθαι, opponi; quod autem opponitur & contrarium est pietati, peccatum est: at ὁμιλία τῆς σαρκὸς concupiscentia carnis est pietati ἀντικειμένη, id est, opposita, & contraria: ergo pecca-

tum est. Quare ex doctrina Scripturarum concupiscentia peccatum dicitur, non modo quia inclinatur ad peccatum, sed quia veram peccati rationem habet. Sic Apostolus monet, ut abiciamus τὸ ὁμιλεῖν ἀμαρτίαν, circumstantes seu involuens peccatum, quia pertinaciter inhæret naturæ nostræ. Loquitur vero de sanctis.

Iam igitur tertio loco respondeo: Si liceat sic interpretari Scripturas, & negare esse vere peccatum, quod Scriptura peccatum vocat, eadem ratione licebit dicere, concupiscentiam ne ante Baptismum quidem esse peccatum, & sic etiam de reliquis peccatis idem dicere licebit: ita nihil erit peccatum, quantumvis in Scripturis dicatur peccatum. Et eo quidem impudentiæ Pigghius venit hoc nixus fundamento, ut ausus sit dicere, peccatum originale non esse culpam, sed tantum pœnam peccati, & tamen fatetur dici peccatum, ut Andradius, de quo antea, id est, non vere & proprie, sed fictè quodammodo peccati nomen illi accommodat. Hæc sequuntur ex illa nimia licentia eludendi Scripturas. Nisi ergo velimus perpetuo errare, debemus cum Scripturis loqui, & peccatum appellare, quod Scriptura peccatum appellat.

Secundum caput continet eas Scripturas, quæ homines indies renouandos esse docent. Sic Apostolus Paulus nos horratur

III.

Piggh. in  
controv.  
de orig.  
peccat.

Andrad.  
in defens.  
Concil.  
Trident. l. 5.

μετὰ



Rom. 12. 2. μεταμορφωσθαι τῇ ἀνακαινώσει τοῦ νοῦ, transformari per renouationem mentis: & alibi ait, internus noster homo de die in diem ἀνακαινίσται, renouatur: & adhuc alibi iubet ἀποθεῖναι τὸν παλαιὸν ἄνθρωπον, abicere vel, deponere veterem hominem, καὶ ἀναεῖσθαι τῷ πνεύματι τοῦ νοῦ, & renouari spiritu mentis, καὶ ἐνδύσθαι τὸν καινὸν ἄνθρωπον, & induere nouum hominem: renouari autem est ē vetustate in nouitatem mutari: vetustas autem quid aliud est, nisi peccatum veris hominis, sicut nouitas est gratia noui hominis: si ergo renouandi homines indies sint, & quidem omnes homines; remanet in omnibus vetustas, id est, peccatum. Rossensis negat hanc vetustatem vere peccatum esse; quo nihil absurdius; tum enim nouitas non est vere gratia aut virtus: nam hæc duo sunt contraria. Si ergo nouitas est contraria peccato, tum vetustas est peccatum, & si nouus homo Deo placet, vetus displicet. At illi nil manere in homine renato aiunt, quod displiceat Deo: nisi autem vetus homo displiceret Deo, certe nec exuere eum iuberemur, nec nouus homo Deo placeret. Vnde quam illorum scæda sint subterfugia videmus.

1. Joh. 1. 8. Tertium caput continet eas Scripturas, quæ peccatum aperte in sanctis remanere dicunt. Si diximus nos peccatum non habere, nosipso fallimur, & veritas in nobis non est, ubi obseruat Augustinus Apostolum dicere, Si dixerimus quod peccatum non habemus, non, quod peccatum non ha-

buimus: id est, si dixerimus nos peccatum non habere, non autem, si dixerimus nos peccatum non habuisse: Apostoli ergo ipsi peccatum habuerunt. Et Christus ait, Patrem suum omnem palmitem in se non ferentem fructum tollere, & omnem qui fert fructum purgare, vt plus fructus afferat: si purgandi sumus, ergo immundum aliquid in nobis remanet. Rossensis fatetur fomitem esse immundum, sed non peccatum; quasi quod mentem intrus polluat, non vere peccatum dici possit. Christus ait, quod hominem polluit, esse intus, id est, quod hominem facit peccatorem: quod ergo purgandum, id immundum & peccatum est. Propheta Dauid inquit, Delicta quis intelligit? ab oculis meis munda me: sunt ergo occulta & ignota etiam in renatis peccata, quæ sunt expurganda. Si mundandi sumus, immundi ergo sumus. Idem Propheeta, cum etiam remissum peccatum esset (dixerat enim ei Propheeta Nathan, Dominus transtulit peccatum tuum) petit in se creari cor mundum: sensit ergo in se quandam immundiciem, a qua liberari cupit; & habuit eor ex parte immundum, etiam postquam ei peccatum remissum fuit: ergo etiam tum in eo peccatum erat. Sed quorsum longius progrediamur? nonne quotidie in oratione Dominica precamur, vt remittantur nobis debita nostra? debita vero quid aliud sunt, quam peccata? sanctissimi ergo in se peccata habent, quia hæc oratio omnibus & quidem semper conuenit. Pontifici hanc petitionem de venialibus

bus peccatis interpretantur. Recte! & nonne etiam in Baptismo venialia peccata remittuntur? si ergo remittere idem sit quod prorsus tollere, tum post remissionem peccatorum & Baptismum non necesse est vt hac petitione, quia nihil debent, qui nullum peccatum habent. Apostolus Paulus, cum ait, Non regnet peccatum in corpore mortali vestro, indicat esse in nobis peccatum, sed monet ne ei regnum concedamus. Hoc enim inter pios & impios interest: in impiis regnat peccatum, in piis est, sed non regnat. Imo tota oratio Dominica hoc probat. Quid enim petitiones illæ designant, quibus precamur vt Dei nomen sanctificetur, vt adueniat regnum eius, vt fiat voluntas eius, nos non esse idoneos & paratos ad sanctificandum Dei nomen; regnum Christi nondum ad nos aduenisse, nec in nobis esse, eo modo quo oportet; & non ex parte Dei voluntatem non facere, ex parte tantum facere?

Quartum caput ex parabolis quibusdam Euangelii sumitur. Hominem Hierichunta proficiscentem, qui in latrones inciderat, & vulneratus erat, Samaritanus, id est, Christus, cum se mi mortuum inuenisset, non subito, sed paulatim sanauit. Hoc indicat, neminem repente sanum fieri, sed postquam quis in Christum per fidem insitus est, indies sanatur: quod autem sanatione indiget, peccatum est, nihil enim nos vulnerat præter peccatum. Christus nos peccato vulneratos sanat paulatim: ægri

enim sumus aliqua ex parte, quamdiu viuimus. Huc etiam pertinet parabola de fermento, quod non statim farinam fermentat, sed paulatim. Fermentum significat gratiam Euangelicam; qua nos non statim, sed paulatim fermentamur, id est, mutamur: igitur peccatum in nobis hæret, quoad viuimus, quia hoc fermentum expellit peccatum; est enim peccato contrarium. Quare dum hic viuimus non sanctitas est in nobis, sed sanctificatio; non sanitas, sed sanatio; non finis, sed phase, id est, transitus; non terra hic est, sed migratio, vt recte Lutherus dixit. Quamdiu hic vixerimus, non erimus fermentati. Quanquam secundum aliam huius vocis metaphoram, est in nobis nimium fermenti: quare Apostolus ait, Expurgate vetus fermentum. Quid aliud hoc fermentum est, quam peccatum, quod quotidie expurgandum est? Est ergo in nobis semper fermentum, id est peccatum, etiam si in Christo & in baptismo, seu, fermenti expertes, id est, renati sumus.

Quintum caput sumitur a pœnis, quæ ex peccato fluxerunt, cuiusmodi sunt res aduersæ, morbi, & mors. Renati non liberantur ab his malis: sunt ergo peccatis obnoxii: nam ex peccato mors fluxit, & quicquid tendit ad mortem: at infans etiam baptizatus moritur. Si autem Baptismus tolleretur omnino peccatum, cur moritur infans baptizatus? nam causa sublata tollitur effectus: causa autem mortis peccatum est, iuxta illam commi-

632.2.17. nationem primis parentibus no-  
fitis factam, in quocunque die comede-  
ris, mereris: & peccatum quidem  
sola mortis causa est. Nam vt A-  
damus mori non potuit, nisi pro-  
pter peccatum; sic nulli mori pos-  
sunt, nisi in quibus peccatum est:  
at nullum est in infantibus pecca-  
tum, vt volunt Aduersarii, post  
Baptismum; sed infantium morbi  
& mortes esse in illis vere pecca-  
tum declarant. Non dico hæc mala  
omnibus in pœnam infligi, sed cer-  
te non infligerentur alicui, nisi ei  
peccatum inesset. Sic igitur con-  
cludo, Omnes huius vitæ cala-  
mitates, & omnia mortis genera  
ex peccato inhaerente nascuntur:  
ut infantes baptizati & renati mor-  
bis laborant, affliguntur, & mori-  
untur: ergo inhaerens peccatum  
habent. Christus quidem mor-  
tuus est, in quo nihil peccati fuit;  
tamen ille mortuus est primo, quia  
volens mortem subiit, eique se  
sponte subiecit, secundo, quia  
noster vas fuit, eique nostra pec-  
cata imputata sunt: nihil autem  
per se iuris mors in Christum ha-  
buit, quia nullum in eo pecca-  
tum inuenire potuit: nos vero &  
morbis, & morti, & omnibus hu-  
ius vitæ calamitatibus obnoxii su-  
mus, quia insitum nobis peccatum  
est.

Iam igitur vt pergamus, sextum  
caput habet quædam testimonia  
Patrum. Lutherus quoddam Au-  
gustini testimonium citat in hunc  
modum, Peccatum in Baptismo remit-  
titur, non vt non sit, sed vt non imputetur:

& idem testimonium citat Me-  
lanchthon: sed Roffensis & Eckius  
clamant, & sic etiam Bellarminus,  
Augustinum nusquam id dicere.  
Et fateor non esse hæc Augustini  
verba: sic tamen Augustinus, quod  
eodem redundat, & idem plane  
valet, in eodem libro & capite,  
*Dimittitur concupiscentia carnis in Ba-  
ptismo, non vt non sit, sed vt in pec-  
catum non imputetur.* Et Melanch-  
thon in Act. Wormat. fatetur  
male citatum esse locum; sed cer-  
te in sensu non erratum. Nam hic  
aperte ait Augustinus, concupi-  
scentiam esse peccatum, quia ait,  
etsi est, tamen non imputatur in  
peccatum: in peccatum autem nil  
imputari potest, nisi quod est pec-  
catum: quæ sunt peccata, pos-  
sunt non imputari; quod autem  
non est peccatum, non potest in  
peccatum imputari. Inapte Au-  
gustinus diceret, non imputari in  
peccatum, quod omnino pecca-  
tum non sit. Et in eodem etiam  
capite concupiscentiam vocat affe-  
ctionem malæ qualitatis: affectio  
autem malæ qualitatis est pecca-  
tum. Negat quidem Augustinus  
interdum esse peccatum in regene-  
ratis, quia remittitur: sic imputatiue  
non est peccatum, at in se est pec-  
catum. Idque Augustinus & sensit,  
& dixi; nam in eodem libro vbi ne-  
gat esse peccatum, tamen ibidem  
ait, non fieri à nobis quod scriptum  
est, Non concupiscis: at qui Legem  
transgreditur, peccat, quia facit  
quod Deus prohibuit. Et in aliis  
locis sæpe peccatum vocat. Sic  
enim

enim alibi scribit, Concupiscentia  
carnis (aduersus quam bonus concupi-  
scit spiritus) & peccatum est, quia in-  
est illi inobedientia contra dominatum  
mentis; & pœna peccati est, quia red-  
dita est meritis inobedientis; & causa  
peccati est, defectione consentientis, vel  
contagione nascentis. Pontificii fa-  
tentur esse pœnam peccati, & cau-  
sam peccati, ideoque tantum pec-  
catum dici aiunt; sed Augustinus  
ait, non modo esse pœnam peccati,  
& causam peccati, sed etiam pec-  
catum; & rationem subiungit;  
quia inest illi inobedientia contra domi-  
natum mentis. Quid planius dici  
potuit? Et quidem coactus est Au-  
gustinus sic scribere, quia Iulian-  
us disputauit, si concupiscentia  
non nisi pœna peccati sit, vt Au-  
gustinus interdum scripsit, tum lau-  
danda potius esse: ergo ait Augu-  
stinus, non modo pœnam esse  
peccati, sed & causam peccati,  
imo & peccatum. Et alibi sic scri-  
bit *Lex ista peccati & remissa est in  
regeneratione spiritali, & manet in  
carne mortali: ergo lex peccati ma-  
net, & quomodo maneat docet,  
quia operatur desideria, contra qua  
dimicant fideles.* Et ibidem ait,  
Multa operatur in nobis peccatum; no-  
bis reluctantiis rediit plerumque  
voluptates resurgunt. Eiusdem tra-  
ctatus 41. in Ioannem totus hu-  
iusmodi sententiis refertus est.  
Quemlibet valde iustum in hac vita  
discurias, inquit, quamuis iam sit di-  
gnus iusti vocabulo, non est tamen sine  
peccato. Est post. Nunquid quia  
deleta est tota iniquitas, nulla reman-

sit infirmitas? si non remansisset, sine  
peccato hic viueremus: ergo & de-  
leta est, & tamen remanet. Et  
post, Non ait, non sit, sed non re-  
gnet peccatum. Quamdiu viuimus, pec-  
catum necesse est esse in membris nostris:  
Satis ergo constat ex perpetua Au-  
gustini sententia, peccatum post  
Baptismum & regenerationem re-  
manere. His adiungi possent alia  
testimonia & ipsius Augustini, &  
aliorum Patrum, sed hæc de re in  
controuersia de concupiscentia e-  
rit fufius dicendum.

## CAPUT IV.

De quinque effectis, quæ à nobis  
Baptismo tribui, Bellarmi-  
nus falso affir-  
mat.

VIM Baptismi maximam esse  
constat, cum Christus dicat, 16.  
ὁ πιστεύων καὶ βαπτισθεὶς σωθήσεται.  
Qui crediderit & baptizatus fue-  
rit seruabitur; sed tamen difficile  
est modum seruare, & Baptismo  
tantum tribuere, quantum ei con-  
ueniat, non plus nec minus. Pa-  
pistæ non modo in Baptismo re-  
mittere peccata omnia aiunt, sed &  
tolli sanditus: quod nos falsum  
esse antea docuimus. Nos qui me-  
dium tenemus, & cum Scripturis  
loquimur ac sentimus, remitti  
peccata dicimus in Baptismo,  
non extinguere, vt non sint. Cum  
autem Papistæ plus Baptismo  
tribu-



Council.  
Trident.  
can. 6. 7.  
8. 9. 10.

tribuant, quam Scriptura ferat, tamen affirmant nos in eo errare, quod plus Baptismo tribuamus quam oportet. Bellarminus ex Concilio Tridentino ait nos statuere alios effectus Baptismi: enumerat autem non errores nostros, sed suas suorumque calumnias, ut nostram de Baptismo doctrinam malis artibus infamem faciat. Videndum igitur paucis, quid sit quod de nobis mentitur. Quinque effectus numerat, quos à nobis ait Baptismo tribui.

Primus est Baptismus facere homines impeccabiles, id est, eiusmodi, qui peccare non possunt. *Respondeo*: esse hanc insignem calumniam. Nemo unquam nostrum sic scripsit aut docuit: qui enim possit, cum nostrarum omnium Ecclesiarum sententia sit, peccatum remanere post Baptismum, & homines etiam iustissimos peccare, non modo cum vincuntur à suis cupiditatibus, sed etiam quando bonis actionibus incumbunt? et si enim quod faciunt bonum sit, tamen agendi modus non per omnia Legi diuinæ respondet. Ita in bonis etiam actionibus peccare homines dicimus, & Aduersarii nos docere affirmant, homines fieri in Baptismo impeccabiles. Atque hic Bellarminus duos veterum errores commemorat, & nobis obicit. *Primum* ait fuisse Ioviniani, ut refert Hieronymus & Augustinus, qui docuit, hominem vere baptizatum non posse amplius peccare. *Respondeo*: Quid Iovinianus sentit, non aliud, de nisi ex Hieronymo

Hieron.  
h. cont.  
Iovin.  
August.  
de heres.  
c. 82.

constat, qui fuit eius aduersarius, & libros in eum maledicos scripsit. Si vero sic sensit Iovinianus, infans hæreticus fuit: nam Petrus vere baptizatus fuit, & tamen peccauit, cum Christum negaret, & de baptizatis Iacobus ait, *In multis libi-mur omnes*, id est, peccamus. *Secundum* errorem ait fuisse quorundam, qui, ut refert Augustinus, docebant baptizatos non posse damnari, etiam si, perditissime viuerent, modo ab Ecclesia Catholica non recederent, id est, modo externam professionem Catholicam retinerent. Huc istos homines nimia Baptismi admiratio & commendatio impulit. Sed hanc Libertinorum infamiam Scriptura ubique damnat, quæ uiuentibus secundum carnem mortem denunciat, & auctoramentum peccati mortem esse ait. Nos igitur utramque opinionem damnamus & anathematizamus. Tamen Bellarminus ait à nobis utrumque errorem esse instauratum; *priorem* à Caluino, qui ait Baptismo tanquam Dei Chirographo nos certiores reddi de perpetua adoptionis gratia. Sed videte istorum Iesuitarum frontem. Calvinus ait, Baptismus nos certiores reddere de perpetua adoptionis gratia: an ergo nos ait non peccare post laucrum regenerationis; quod Iovinianum dixisse aiunt? Quid dici potuit *σωτηριώτερον*? nam & Baptismus instar sigilli nostram adoptionem obsignat, ut nos supra copiose docuimus, & quoduis peccatum non abrogat gratiam adoptionis. *Posteriorem* errorem esse à Luther-

Luthe-

Luther. in  
lib. d. ca.  
tit. 54.  
cap. 1.  
de Bapti-  
smo.

Luthero instauratum ait, qui affirmat hominem non posse damnari, nisi nolit credere: & Concilium Tridentinum hanc propositionem damnauit. Sed illi Lutherum male interpretantur. Nam per *credere* Lutherus non ut illi, de quibus Augustinus scribit, professionem externam fidei Catholicæ intelligit, sed habere certam fiduciam de remissione peccatorum: non illum ergo errorem instaurauit Lutherus. Sed Bellarminus hanc propositionem posse tripliciter intelligi ait. *Primo*, ut sensus sit, nullum esse peccatum vere & in se mortale, nisi incredulitatem: & fatetur Bellarminus, nos id non dicere. Non nos id quidem dicimus: non enim video quomodo defendi possit, quod Iacobus Andreas in colloquio Mompelgartensi dixit, homines propter solam incredulitatem damnari. *Secundo*, ut sensus sit, posse hominem dum peccat retinere fidem, atque ideo non amittere Dei gratiam, quia fides in corde permanens facit ne peccata imputentur & damnet. Sed non id Lutherus sensit. Nam vere Epicuræorum est, volutare in peccatis, & sibi fidem arrogare, propter quam non imputentur peccata. Et si non dicimus quouis peccato amitti fidem; tamen peccatum quod conscientiam vastat, lumen fidei extinguit, non ipsam penitus fidem destruit: peccato fides non ut aqua extinguitur, sed ut cinere obruitur: non ergo cum peccato mortali consistit fides, ut est à Bucerio in Ratisbonensi colloquio

contra Maluendam defensum. *Tertio* sic intelligi possunt Lutheri verba, ut sensus sit, fidem ita coniunctam esse cum iustificatione, ut qui fidem habet non possit perire, nec ullum peccatum habere quod damnet. Et sic vera propositio est; homo baptizatus non potest perire, nisi nolit credere; quanta-cunque peccata commiserit: nam si crediderit remissa esse peccata, non damnabitur. Quid enim aliud docet Scriptura, quam propter Christum remissa esse peccata credenti, & saluos nos fore, si credamus? Quis unquam à Tridentinis Patribus talem sententiam damnari crederet, quæ Euangelii summam continet? Et sic Lutherus sensit, non aliter. Sed Bellarminus etiam in hoc sensu falsam esse Lutheri propositionem conatur probare ex 1. Corinth. 13. *Si habuero omnem fidem, ita ut montes transferam, 2. charitatem autem non habuero, nihil mihi prodest: ubi Paulus docet, inquit, posse fidem esse sine charitate, ac proinde posse hominem cum vera fide damnari. Respondeo* cum nostris, non loqui Apostolum de fide iustificante, quia ea nunquam potest à charitate separari: at loquitur Paulus de tali fide, quæ sine charitate esse potest: ergo loquitur de fide miraculorum: ea enim potest expers esse charitatis. Sic Oecumenius hunc locum interpretatur: ait enim Apostolū non intelligere *καθολικὴν πίσιν, ἀλλὰ εἰς τὸ χάρισμα τὸ ἐμὸν ὡς τῇ πίσει λεγόμενον, non fidem catholicam, sed speciem doni aquæce fidei nomine appellatam.* Bellarminus

Oecumen.  
in locum.

larminius ait, fidem miraculorum nihil esse aliud, nisi excellentem fidem Catholicam, & suo modo iustificantem. At hoc absurdissime ab illo dicitur: nam & potest habere fidem excellentissimam, qui non potest miracula edere; & est fides miraculorum donum extraordinarium; at fides Catholica est ordinaria. Et tum quisquis ad fidei Catholicæ excellentiam pervenire posset, idem posset miracula edere: at hoc falsum: nam Episcopi in Concilio congregati habent fidem excellentissimam, qui tamen non possunt miracula edere. Et non iustificare hanc fidem pater, quia potest esse sine charitate: iustificat autem tantum illa fides, quæ per charitatem operatur; & Christus in ultimo die dicet quibusdam, qui ediderunt miracula, atque ita hanc fidem habuerunt, *Non novi vos*. Sed Bellarminus adhuc ait, nullam esse rationem secundum Lutheranos, cur non possit fides ipsa iustificans manere cum peccato, cum ipsi passim definiant, nihil esse aliud, nisi fiduciam divinæ misericordiæ: quid autem prohibet, inquit, quo minus possit aliquis, dum furatur, vel inæchatur, confidere, Deum non imputaturum eam actionem ad peccatum? *Respondeo*: Loquitur, ut novitius, & non modo ut Lutherana doctrinæ ignarus, sed ut in religione plane ἀναφάβητος. Nemo potest credere, Deum peccata sibi non imputaturum, nisi qui peccata deserit, & quem peccatorum

Matth. 7.  
23.

suorum pœnitet: quis enim potest confidere, remissa esse sibi peccata, cum pergit in peccatis? præsumptio hæc est, non fides. Sed iterum Bellarminus ait, peccatum factum remanet in iustificatis cur non etiam peccatum, quod fit? *Respondeo*: Peccatum, quod ex infirmitate facimus, potest cum fide consistere, sed peccatum, quod vastat conscientiam, non potest. At remanet, inquit, id enim nos dicimus. *Respondeo*: Calumniatur sciens: non enim dicimus peccatum actuale, ut furtum aut homicidium remanere in renatis: nam quoad actum transit, quoad maculam abluitur, quoad reatum tollitur; ita omnino non manet: sed quod de peccato remanente & inhaerente in natura nostra dicimus, id de originali peccato & concupiscentia intelligimus, non de peccatis actualibus. Nihil ergo lucet aut commodi ex hac Lutheri propositione nactus est Bellarminus.

*Secundo* dicitur, etiam ait esse, quod Baptismus liberet nos ab obedientia legis. *Respondeo*: Nemo novit, qui usque adhuc tenuit: est Lutheranus, qui anfas captant in uisum suis libidinibus. Non hoc in Lutheri aut quoquam nominis. Lutheri potest. Nam quod ex Lutheri Bellarminus affert, *Nullo modo, nulla lege, Christiano homini opus est, ut per fidem liber sit ab omni lege*. Lutherus intelligit ad iustificationem non esse opus nobis per legem. Lex, cum fide liberat iustos. Ergo Lex nos con-

Luther.  
de liber.  
tate Christi.

condemnare potest, nec ullam opus ad iusticiam est præscribendum: non tamen Lutherus ait, non esse necessariam Legis obedientiam, quam ubique virget. Merum hoc mendacium & futilis calumnia est Tridentinorum Patrum: quare non diutius in hoc effectu consistam.

Luther.  
de Captiv.  
Babylon.

Matth. 28.  
20.

Whitak.  
in centre.  
de Rom.  
Pont. 9.7.

*Tertius* effectus est, quod Baptismus liberet ab observatione legum humanarum. Lutherus quidem, fateor, homines Christianos nullis legibus, tanquam necessariis ad divinum cultum, nisi divinis, alligari ait, quia Christus dixit, *Docentes eos servare omnia, que mandavi vobis*: non ergo astringi conscientias legibus humanis extra casum scandali & contemptus, ut nos alibi fufius docuimus: non tamen temere violandas aut contemnendas esse leges humanas: nam hoc esse contra Legem divinam, & seditionibus excitandis inferuire.

Luther.  
de Captiv.  
Babylon.

*Quartus* effectus est, quod Baptismus liberet ab omnibus votis. Sic Lutherus. Atque ut Lutherus sensit est verissimum. Obligamur voto, quod in Baptismo fit in perpetuum, nos scilicet Dei populum fore, eiusque mandata servaturos, & Satanae renunciaturos. Hoc optimum, & maximum, & à Deo institutum votum est: vota autem ab hominibus inventa, non sunt nobis necessario servanda: sufficit servare votum Baptismi, quod perfectissimum est, & cui nihil accedere potest. Nos autem, qui Christiani sumus, ab humanis votis li-

berari patet, primo, quia in veteri Testamento de votis præcepit Deus, quæ, quomodo, quando, & quibus de rebus fierent: in nouo vero Testamento nihil de votis peculiaribus præscripsit, sed tantum de voto generali, quod fit in Baptismo. At si voluit nos Deus vota facere, præcepisset aliquid de votis etiam in nouo Testamento. Sed Bellarminus ait vota esse de iure naturæ, ut patet ex voto Patriarchæ Iacob: non mirum ergo esse, quod Christus & Apostoli nihil de votis præscripserint: quasi vero Christus non præceperit de iis rebus, quæ sunt de iure naturæ. Sed *Respondeo primo*, vouere non esse de iure naturæ, nisi voueatur id, quod constat Deo gratum fore: at nihil Deus de Aduersariorum votis mandavit. *Secundo*, quod ad Iacobi exemplum attinet, non probat vouere esse de iure naturæ: nam eodem exemplo probare posset, non minus decimas esse de iure naturæ, quam votum: vouit enim Iacobus decimas, quas non omnes Papistæ de iure naturæ esse tenent. *Secundo*, Christianos à votis humanis liberari patet, quia vouere quod Deus non præcepit est superstitio, *Frustra me colunt docentes doctrinas, quæ sunt mandata hominum: & Docetes servare omnia, que ego mandavi vobis*, non quæ alius: iam vero votum in Baptismo præcipitur, & est præstantissimum: hoc ergo nobis seruandum est: alia vota non sunt præcepta: non ergo seruanda sunt, & nihil valent. Sed Bellarminus ait, vota magis

Matth.  
15.9.



magis subiicere nos Deo, & hominem per votum magis ligari. *Respondeo*: Qui se non putat arctissime teneri voto, quod in Baptismo fit, is nulla voti vera conscientia tenebitur. Nam hoc votum à Deo præscriptum est, & est de seruandis Dei mandatis; est à Deo imposi- tum, & de rebus maximis: quis humanis inuentis sic astringi hominem dicet, atque voto in Baptismo facto? Sed Bellarminus ait, vota non esse humana inuenta, quia Dauid ait, *Vouete & reddite*, & omnes Patres illud Pauli de vi- duis iunioribus, *habentes damnationem, quia primam fidem irritam fecerunt*, de voto intellexerunt. *Respondeo*: Dauid quidem ait, *Vouete*, sed non quicquid libuerit, aut quicquid vobis placuerit. Et loquitur Dauid pro statu temporum illorum, quæ erant sub vetere Testamento. At liber Psalmorum, inquit Bellarminus, moralia documenta tradit, quæ omnibus conueniunt. *Respondeo*: tamen non omnia in Libro Psalmorum sunt moralia, sed miscentur interdum quædam cæremonialia, ut illud, *Tunc acceptabis sacrificium iustitia, oblationes, & holocausta, tunc imponent super altare tuum vitulos*. Quod ad locum Pauli Apostoli attinet, non omnes Patres de voto continentia interpretantur, sed aliqui de fide Christiana, quam viduæ illæ prius professæ fuerant, & postea lasciuendo aduersus Christum, & vitæ turpitudinem sectando, deseruerunt; alii de proposito seruendi Ecclesiæ.

*Psal. 76.*  
11.  
1. *Tim. 5.*  
12.

*Psal. 51.*  
20.

*Tertio*, in Baptismo plus vouemus, quam præstare possumus: ergo inepte faceremus, si nos aliis votis obligaremus. Bellarminus ait, hoc blasphemum esse: sed est verissimum, ut nos suo loco docebimus: nemo enim Dei mandata impleuit. At Christi iugum, inquit, suaue est & onus leue. *Respondeo*: verum hoc quidem est, quia Christus hoc iugum & onus nobiscum portat, & humeros suos eidem subiicit. Remittantur quæ non possumus, in bonam partem accipiuntur, quæ possumus: & sic suauissime & leuissime hoc iugum & onus à nobis portatur: At si nos ipsos viresque nostras consideremus, graue hoc iugum est, & onus quod portare non possumus. Quis enim vnquam aut Prophetarum aut Apostolorum totam Legem impleuit, quam tamen nos in Baptismo impleturos vouemus.

*Quinto* effectus est, quod sola memoria Baptismi iustificet à peccatis post Baptismum. Sed Lutherus non solam & nudam memoriam Baptismi sufficere vult ad remissionem peccatorum, quæ post Baptismum committimus: nam multi sui Baptismi meminerunt, qui nullum ex hac memoria fructum perceperunt; sed qui cum fide & pœnitentia reuocant in memoriam suum Baptismum, iustitiam suam Baptismum, iustitiam suam vult valere ad remissionem peccatorum post Baptismum commissorum. Papistæ enim Baptismum ad præterita tantum peccata valere volunt: ea omnia deleri in Baptismo aiunt, quæ autem

III.

*Matth. 23.*  
30.

*Luther. in*  
*lib. de Ca-*  
*pitu. Ba-*  
*bylon.*

tem postea à nobis commissa peccata sunt, ea nullo Baptismi beneficio remitti, sed indigere nouo remedio, nempe Sacramento Pœnitentiæ. Atque hic Bellarminus quatuor affirmari à Catholicis ait. *Primum* est, peccata in Baptismo ex opere operato vi Sacramenti remitti. *Secundum*, Baptismi efficaciam non se extendere ad futurum, sed tantum ad præteritum. *Tertium*, gratiam Baptismi amissam non posse per Baptismum recuperari, sed opus esse remedio difficiliore, nempe Sacramento Pœnitentiæ. *Quartum*, vere à Patribus dici, Pœnitentiam post Baptismum esse secundam tabulam post naufragium: non enim posse homines redire ad nauim Baptismi, sed arripendam esse nobis tabulam, per quam cum difficultate enatemus. At contra Lutherus, non opus esse nobis noua tabula, sed redeundum esse ad Baptismum, in quo obsignatur nobis remissio peccatorum omnium: nam efficaciam Baptismi etiam ad futura tempora sese extendere. Sed quia hæc disputatio pertinet ad locum de Pœnitentia, ad eum locum referuandam esse vult Bellarminus. Hic tamen vnum Scripturæ locum affert, nempe Heb. 6. *Impossibile est, eos qui sunt illuminati, iterum renouari ad pœnitentiam*. *Respondeo primo*: Apostolus ait, *τὸς φωτισθέντας*, id est, semel illustratos scilicet luce Euangelii, καὶ ὁδοποιήσαντας, id est, postea prolapsos, nempe per vniuersalem apostasiam, non posse denuo per resipiscentiam renouari. Loquitur de peccato in Spiritum Sanctum, ut

*Heb. 6.*  
5.6.

Patres vere omnes interpretantur. *Secundo*. Si hic locus ad rem aliquid faciat, tum non modo Baptismi efficacia non potest repeti, sed ne pœnitentiæ quidem locus relictus est aliquis: nam Apostolus aperte ait, impossibile esse, eos de quibus loquitur, restaurari εἰς μετάνοιαν, ad pœnitentiam. Ita euerit Pontificiorum sententiam: tollit enim tabulam pœnitentiæ. Bellarminus ait, Baptismalem pœnitentiam intelligi. Sed Apostolus in genere ait, non posse instaurari per pœnitentiam, qui prolapsi sunt: nihil ergo ad rem hic locus facit. Quod autem de secunda tabula Tertullianus & Hieronymus scribunt, commentitium est. Non enim Baptismus nauis similis est, quæ aut frangi aut submergi possit: nam in Baptismo Deus nobiscum sædus perpetuum de remissione peccatorum pepigit: quoties ergo nos peccatorum pœnitet, toties certam ex Baptismo consolationem de illorum remissione habemus. Nam Baptismus ipse est proprium Sacramentum pœnitentiæ, quia obsignat pœnitenti, quoad vivit, peccatorum suorum remissionem. Brevis certe vis Baptismi esset, si tantum in præteritis valeret: imo cum perpetua eius vis sit, semel baptizari sufficit. Sed de hoc commento suo loco videbimus: nunc Bellarmini calumnias ab- unde diluimus.

*Tertull.*  
*in lib. de*  
*pœnit. ex*  
*Montano.*  
*Hieron. in*  
*Epist. ad*  
*Demetri-*  
*ad. ex*  
*Tertul-*  
*liano.*

## CAPUT V.

*De fide paruulorum cum baptizantur varia sententia proponuntur & examinantur, & Pontificia refellitur.*

AD hanc Quæstionem de Baptismi effectu pertinet, ut quid Baptismus in paruulis seu infantibus efficiat videamus. Est autem ea quæstio cum difficilis & plena controuersia, tum digna quæ tractetur & explicetur diligenter. Christus enim ait, qui crediderit & baptizatus fuerit, eum saluum fore: puerine autem credunt? si non credunt, quo iure ad Baptismum adducuntur? si credunt, num ante Baptismum, an in Baptismo fides infunditur? & qualis tandem ea fides est? qui hanc causam difficultatibus omnibus expedire posset, eius ego me auditorem libentissime profiterer. Sed quia nostra disputationis ratio postulat, ut de hac quæstione aliquid dicamus, necessitati parandum est, alioqui libenter certe prætermissem propter & rei difficultatem, & fratrum quorundam offensionem. Cum enim Papistis omnes fere aduersemur, non omnes tamen in eadem sententia versamur de fide paruulorum. Ego pro ea facultate, quam mihi Deus dederit, ingenue exponam sententiam meam, & quidem sine cuiusquam, qui aliter senserit, præjudi-

cio; semperque ero paratus sententiam meliorem amplecti, si quis ostenderit. Cum autem variae hac de re opiniones sint, eas proponere oportet, ut quæ aut verissima sit, aut proxima veritati, indicemus. Pontificii vero quid sentiant, primo exponam, tum quid ii, qui Papistarum sententiam improbant.

Pontificii igitur *primo* dicunt, infantes non habere post Baptismum actualem fidem, hoc est, non credere actu, quia hoc intelligentiam requirit: infantes autem non intelligere quæ fidei sunt; non ergo actu credere. *Secundo*, non modo non actu credere infantes dicunt, sed ne nouos quidem motus aut inclinationes habere, quæ actibus fidei & charitatis similes sint. Nam multi Protestantes etsi non fidem actualem infantibus tribuunt, tamen inclinationes quasdam bonas, nonosque motus in pueris esse dicunt, cum baptizantur. Hoc Pontificiis absurdum videtur. *Tertio*, tamen infantes iustificari affirmant in Baptismo, nec sine fide iustificari, quia nulla sine fide iustificatio est, aut esse potest: cum ergo medium iustificationis & salutis fides sit, & infantes iustificentur & salutem consequantur, esse in infantibus necessario fidem aliquam volunt. *Quarto* igitur dicunt, in Baptismo infundi infantibus habitum fidei, spei, & charitatis. Etsi enim non admodum antiqua hæc confessio est, ut fatetur Dominicus à Soto

*Dominic. à Soto in 4. d. 6. q. 1. cum art. 2.*

*Innocent. in c. Maiores de Baptismo.*

cum Innocentio, qui rem inter Theologos dubiam relinquunt: tamen postea in Concilio Viennensi & Tridentino definitum est, habitus harum virtutum infundi in Baptismo. Sed ramen habitus fidei non idem est quod credere, quia distinguuntur habitus & actus. Quid ergo de Patribus statuent, qui infantes credere aiunt? Bellarminus ergo *quinto* ait, infantes actu credere. Itane vero? at idem ait infantes non habere actualem fidem: quomodo igitur actu credunt? Dupliciter ait, *primo*, re ipsa dum baptizantur; non quod ullum internum fidei actum habeant, sed improprie, quia baptizantur: idque ex Augustino probat, qui ait infantibus ipsum baptizari esse credere. Ita credunt, & actu credunt, quemadmodum exponit Bellarminus, quia Baptismum suscipiunt, & ipsa Baptismi susceptio fidei professio est. Sed hoc non est proprie credere, quia multi externam professionem faciunt, qui tamen non credunt.

*August. de pecc. meritis & re. missis l. 1. c. 27.*

*Secundo* ait Bellarminus, infantes actu credere, quia credunt fide aliena. Si enim infantes credunt actu, certe non sua, sed aliena fide credunt, nempe parentum, aut offerentium, aut Ecclesiæ, ut Patres dicunt. Iam autem quod infantes credere dicuntur fide aliena, non est sensus, inquit Bellarminus, eos iustificari formaliter, aut esse fideles aliena fide, ut perperam ait nonnullos nostrum colligere; neque sensus est, inquit,

ut exponit Lutherus, impetrari fidem paruulis, qua iustificentur, à fide & precibus offerentium & Ecclesiæ: sed sensus est, ipsos non habere fidem actualem propriam & suam, sed offerentium fidem actualem dici horum, & sic credunt fide actualem, non tamen suam, sed alienam. Sed hoc & stultissimum est, & contra sententiam Patrum, qui infantes eadem fide, qua credunt, etiam iustificari intelligunt, ut postea videbimus; quod hic negat Bellarminus. Nunc quid ii de hac re sentiant, qui à Papistis dissentiunt, videamus. Lutherus infantibus suam & actualem fidem tribuit; quam eius sententiam Papistæ admodum excitant.

*Luther. in lib. de capiti. Babilon. & in lib. cōt. Cocleum.*

In hanc opinionem delatus fuit vir doctissimus, *primo* ratione doctrinæ de Sacramentis: Cum enim Sacramenta sint sigilla promissionum diuinarum, & promissiones fidem requirant, videtur consentaneum, ut fidem iis tribuamus, qui promissionum harum in Sacramentis participes sunt: *secundo* Anabaptistarum importunitas & contradictio Lutherum huc impulerunt, qui paruulos nullo modo baptizandos esse contenderunt, quod fidem habere non possent. Hinc Lutherus non veritus est affirmare, ne baptizandos quidem pueros esse, si verum sit eos non credere; quod ab illo forsitan inconsulte pronunciatum est. Etsi autem nonnulli conati

Nn 2 sunt



Melanch.  
in loc.  
com in lo-  
co de Ba-  
ptism.

sunt hanc sententiam mitigare, ut Melanchthon in locis communibus, qui ait, etsi non ipse actus fidei in paruulis sit, tamen fieri in illis novos sanctosque motus ineffabili vi Spiritus sancti, qui motus sint instar fidei, ne nullam haberi in infante mutationem existimemus: tamen Lutherani hodie non contenti hac mitiore expositione, actualem in pueris fidem constituunt. Nam in colloquio Montpelgarteni Iacobus Andreas illam Lutheri priorem opinionem renouauit & defendit, à quo in hoc capite doctissimus Beza cum suis collegis dissensit. Non omnes igitur Protestantes illam Lutheri de actuali fide sententiam sequuntur. Calvinus etsi Deum posse in infantibus operari miro & arcano modo fatetur, & Anabaptistis repugnat, qui negant ab iis cognosci Deum posse, cum nihil periculi sit, si dicamus particulam aliquam iis concessam esse in hac vita gratiæ, cuius plena post largitare perfruuntur; & cum nonnulli in prima infantia morientes mox Dei faciem contemplantur, quos statim pleno lucis sue fulgore illustraturus est nil impedire, quo minus exigua aliqua scintilla eos in hac vita irradiare possit; etsi, inquam, sic scribit, tamen eandem in iis fidem esse, quam nos in nobis experimur, aut esse in eis notitiam fidei similem, non audet affirmare. Agnosco, Caluine, modestiam prudentiamque tuam: neque audes actualem illis fidem tribuere; quod videtur à ratione alienissi-

um; nec negas Deum posse arcane supra captum ingenii nostri; & de re obscurissima non temere pronuncias. Certe quam sit hæc quaestio difficilis explicatu, satis ex Caluino constat, qui cum acerrimo ingenio esset, tamen vix inuenerit, quid statueret, nec secum quidem constet per omnia: cum enim dixisset, non esse tutum adimere Deo, ne se possit infantibus cognoscendum exhibere, tamen non audet dicere, eos notitiam habere fidei similem: at si Deus se illis cognoscendum exhibet, habent notitiam, & si notitiam, cur non fidem? Petrus Martyr vir grauissimi iudicii, ait se non audere eorum sententiam amplecti, qui fidem tribuunt infantibus, non quin Deus iis infundere fidem possit, si velit, & rationem producere in eorum mentibus ante naturæ tempus. & efficere, ut quanquam ipsi non intelligant neque cognoscant quæ creduntur, tamen Spiritus sanctus in eis apprehendat illa & illis consentiat, ut dicitur idem Spiritus nobis nescientibus intercedere pro nobis & orare quemadmodum oportet, & Deum, cum nouerit eius sensum, illum audire: tamen cum Scriptura non dicat paruulos credere, neque hoc videat iis esse necessarium ad salutem, satis esse indicat, ut dicamus eos qui seruantur, cum sint de peculio Domini per prædestinationem & electionem, Spiritu sancto perfundi, qui radix est fidei, spei, & charitatis, & omnium virtutum, quas postea exerit & declarat in filiis

Pet. Mart.  
in 1. Cor.

Rom. 8.  
26. 27.

filiis Dei cum per ætatem licet: posse ergo sic dici fideles, ut dicuntur rationales. Nam etsi non possunt infantes ratiocinari, tamen animam habent ea facultate præditam, ut possint, cum ætas accesserit, ratiocinari: ergo rationales dicuntur non propter præsentem vsum rationis, sed propter insitum principium rationis, nempe animam, quæ artium & doctrinarum omnium capax est: fidem igitur expressam requiri in adultis, in paruulis sufficere fidem inchoatam in suo principio & radice, id est, Spiritu sancto, quo præditi sunt, ex quo fides suo tempore & virtutes aliæ manant: nam infantes à Spiritu sancto purgari, cum sint in Ecclesia, & ad Ecclesiam pertineant; Ecclesiam autem Christus sanctificauit, mundans eam lauacro aquæ per verbum. Si ad Ecclesiam pertinent, Spiritu ornantur, si in cælum recipiuntur, à peccato purgantur: hoc fieri à Spiritu sancto sine actu fidei: neque, ut Papistæ dicunt, infundi hanc gratiam in Baptismo, sed obsignari, cum sancti sint infantes fidelium ante Baptismum Dei gratia, quæ cum eius scedere coniuncta est. Non ergo baptizantur infantes, ut fiant sancti, sed quia sancti sunt, ideo baptizantur, id est, sigillum accipiunt: alias qui sine Baptismo morerentur, perirent, cum necesse sit, qui sancti non sunt, perire in æternum; quod etsi Papistæ de paruulis sine Baptismo morientibus pronunciant, tamen supra id esse absurdissimum ex Scri-

Ephes. 5.  
26.

pturis & Patrum testimoniis docuimus.

Iam Pontificiorum sententiam excutiamus, qui infundi infantibus in Baptismo habitum fidei affirmant. Hæc cum sit Concilii Tridentini Ecclesiæque Papisticæ sententia, certis argumentis comprobanda erat: nullus enim Pater antiquus sic docuit; nullum Concilium sic definiuit: quare recens hoc dogma est de infusione habitus. Thomas affirmat, antiquiores quosdam dixisse, non infundi infantibus gratiam, sed characterem imprimi, cuius virtute consequuntur gratiam, cum ad ætatem perfectam venerint. Sed ait Bellarminus hanc sententiam colligi posse ex Scripturis, quibus probauit sine fide paruulos non seruari. Sed nullas huiusmodi Scripturas affert, quæ in pueris fidem propriam esse docent, aut eos propria fide seruari. Possunt seruari fide aliena, ut nos postea ex communi Ecclesiæ Catholicæ sententia ostendemus: nihil enim impedit, quo minus ut eos Bellarminus aliena fide actualiter credere affirmat, sic etiam & habitualiter aliena fide credant. Salus enim non ex habitu solo, sed ex actu fidei sequitur: nemo ex fide sua saluus, nisi qui credit. Fingit Bellarminus infantes habere fidem habitualement, eaque seruari, & tamen non credere: sed Christus requirit, non modo ut sit fides in iustis, sed etiam ut credant. Ita Deus dilexit mundum, ut quis-

Thom. in  
3. part.  
Summa q.  
69. art. 6.

16.

N. n. 3. quis

quis credit in eum, non pereat, sed habeat vitam aeternam: datus autem missusque Christus est ad seruandos paruulos: credunt ergo: at credere designat actum; & *Qui non credit, iam condemnatus est*; & *Apostolus ait, Credenti in eum, qui iustificat impium, reputatur fides eius pro iustitia*. Hæc & alia loca si rigide vrgeantur, actualem non habitua-lem fidem requirunt. Sed addit Bellarminus, fidem aut actum aut habitum significare: in paruulis vero actum fidei esse non posse: ergo in eis habitum fidei esse. *Respondeo*: Non sequitur: nam vt actus non est in iis proprius, ita nec habitum in iis proprium esse necesse est. Sed subiungit, infantes recte baptizari, & per Baptismum iustificari & saluari, & nullam iustificationem esse sine fide: ergo infantes habere saltem habitua-lem fidem. Sed non probant hæc: semper enim respondeamus, baptizari & seruari infantes propter fidem quidem, sed non propriam, quæ tamen vt propria illorum reputatur; vel credere illos, quia principium & semen fidei, id est, Spiritum sanctum habent: hæc ergo pro fide habituali nihil faciunt, imo potius pro fide actuali: nam iustificatio non potest esse ex fide, quæ nunquam in actu est, & habitus cogitari non potest sine actu vel præcedente, vel subsequente. Quis de habitu vnquam aut deuotionis, aut charitatis sine vilo actu audiuit? Sed addit Bellarminus, paruulos baptizatos vere esse fideles: at fideles ab habitu non actu

dici; alias, inquit, non essemus fideles, cum dormimus. *Respondeo*: paruulos etiam ante Baptismum eo modo fideles dici, quo post Baptismum dicuntur: nam Apostolus sanctos vocat etiam fidelium infantes nondum baptizatos: nisi enim aliquo modo fideles essent, non adducerentur ad Baptismum: non igitur hinc probatur, infundi in Baptismo habitum fidei. Etsi autem fideles dicimur non à solo actu, tamen nemo vnquam fidelis aut fuit aut dictus est ex solo habitu, sed fideles dicimur ex fide, quæ credimus: etsi fideles sumus etiam, quando ab actu abstinemus. Sed ait Christum habitare in infantibus per fidem: ergo habere eos fidem saltem quoad habitum. *Respondeo*: At hoc non minus de actu quam de habitu fidei intelligitur. Quid si enim dicamus, in nullis Christum habitare, nisi qui actu credunt? & pueri habent tum actum tum habitum fidei in suo semine, id est, in Spiritu sancto, vt antea diximus. *Postremo* ait, infundi paruulis occultam gratiam, cum baptizentur, idque Augustinum docere. *Respondeo*: Id nos quoque dicimus: sed Augustinus non ait habitum fidei infundi, sed gratiam: & Bellarminus nescit an hæc gratia sit charitas cum fide & spe, an qualitas alia, cum qua tres illæ virtutes perpetuo sunt coniunctæ. Quis vnquam de eiusmodi qualitate audiuit, quæ nec spes, nec charitas, nec fides est, sed has secum coniunctas habet: infundi gratia potest sine harum virtutum aut actu aut habitu.

Vi-

Videtur Augustinus id sensisse, hanc gratiam esse Spiritum S. qui efficit fidem, licet non statim, in infantibus.

Hanc ego sententiam Papistarum non minus absurdam esse dico, quæ ea est, quæ ab illis vt absurdissima reicitur, infantes nempe habere fidem actualem. Qualis enim, quæso, hæc illorum fides habitualis est? *Primo* fides perficit intellectum, & expellit ignorantiam, etiam fides habitualis, & accendit lumen in mente: fidelem enim dormientem nemo fidei ignarum esse dixerit, vt nec doctum dormientem indoctum esse: at nulla est talis perfectio intellectus in infantibus, nec lumen aliquod tale in illorum mentibus, cum Scriptura dicat, eos nescire discrimen iater dexteram & sinistram, multo ergo minus fidei mysteria sciunt.

*Secundo*, habitus elicit assensum circa suum obiectum proprium: nam vt habitus non potest esse sine noticia, ita nec sine assensu: at nullus in pueris assensus est: tum enim & noticia & actus fidei in illis esset.

*Tertio*, Author huius insulsæ distinctionis fuit Thomas, qui ait causam, cur pueri, cum habeant habitus, tamen inhabiles sint ad actus, esse impedimentum corporale, vt dormientes licet habitus virtutum habeant, tamen propter somnum non operantur. Sed hanc esse fictam causam patet. Nam dormientes sublato im-

pedimento possunt actus exerce- re: at si puer baptizatus transferretur ad Turcas aut Paganos, vbi de Christo nihil audiret, non crederet actu, etiam remoto ætatis impedimento; quod indicat eum nullum talem fidei habitum habuisse, nam si habuisset, ætate iam prouectus sciret aliquid eorum, quæ fidei sunt, & posset aliquem fidei actum ex illo habitu elicere.

*Quarto*, fides in mente gignitur aut immediate, aut mediate, id est, aut extraordinarie & miraculose, aut ordinarie per prædicationem verbi: vt rous modo esse fidem dixerint in pueris, erit miraculum: nam sine miraculo non possunt audire & intelligere prædicationem verbi: & si extraordinaria reuelatione credant, hoc quoque miraculum erit; & hoc nullis nisi diuinis viris, Apostolis scilicet & Prophetis contingit, habere reuelationes: at Pontificii omnibus baptizatis infundi habitum fidei volunt; sic miracula etiam nunc iuxta illos non raro sed indies fere fierent, imo sæpe multa miracula in vno die. Et hac ratione paruulorum fides esset certior quam adultorum, quia fides ex reuelatione certior & absolutior est ea, quam doctrina & auditione percipimus. Nullus igitur habitus fidei in

infantibus  
est.

Ca-



## CAPUT VI.

*In quo ex Patrum testimoniis tum Pontificiorum de fide infantum sententia plenius refellitur, tum nostra confirmatur.*

QVAM hæc difficilis quæstio sit de fide Baptismoque infantum, tanta inter Theologos acutissimos sententiarum pugna docet. Nec Papistæ actualem fidem Lutheri probant, & nos illorum habitualement fidem non minus improbandam dicimus. Igitur si placeat, ambo ad antiquos Ecclesiæ Doctores prouocemus, eosque de hac controuersia consulamus; & tum sequamur eam sententiam, quam Scripturarum veterumque Patrum autoritas maxime comprobabit. Iustinus Martyr ait, pueros post Baptismum morientes, consequi illa bona, quæ ex Baptismo proueniunt. *τῇ πίσει τῶν νεοφρογόντων αὐτὰ τῷ βαπτισμῶν, fide illorum, qui eos Baptismo offerunt: ergo non sua sed aliena fide: fide ergo aliena iustificantur. Et quanquam certum est, Iustinum non fuisse authorem huius libri, cum in Quæstione, 82. Originis mentio fiat, qui centum post annis floruit; tamen liber visus est non indignus Iustino, quia multa præclara habet. Nam fidem inesse in paruulis, in quibus nulla est rerum aut humanarum aut diuinarum intelligentia, veterum nemo vnquam existi-*

*Iustin. Martyr in Respō. ad Orthodox q. 56.*

mauit. Dionysius, quem Papistæ falso Areopagitam esse dicunt, ait *παιδοὺς ἔτι τὴν θεῖαν συνίεναι δύνασθαι*, pueros nondum posse diuina intelligere. Augustinus ait, infantes non posse corde credere, ut eis deputetur ad iusticiam: & ibidem diserte ait, infantes non iustificari sua fide: negatenim eam fidem, quæ iustificat, esse in paruulis: at Papistæ eos habituali fide iustificari aiunt: est ergo hoc nouum quoddam genus fidei, & Scripturis ac Patribus inauditum, qua infantes non credunt ad iusticiam, & tamen iustificantur; quod plane absurdissimum est. Et ibidem Augustinus ait, in infantibus præcedere Sacramentum regenerationis, & sequi cordis conuersionem, si Christianam fidem tenuerint: non ergo existimauit, infundi eam gratiam in Baptismo, qua infantes iustificantur: præcedere enim ait Sacramentum regenerationis. Quid hoc est, præcedit, nisi illos cum baptizantur non nisi Sacramentum regenerationis accipere? non igitur iusticiam accipiunt. Quomodo ergo seruantur? respondet Augustinus, Sicut latroni non obfuit Baptismo caruisse, quia non contemptu, sed necessitate caruit: sic in infantibus, qui post Baptismum moriuntur, Dei gratiam supplere, quod deest ex ætatibus indigentia: igitur illis deest fides iustificans: non ergo in Baptismo infunditur. Idem Dardano quærenti, si paruuli adhuc Deum ignorent, quomodo Ioannes ad Domini præsentiam in matris utero exultauit, respondet, hoc instar

*Dionys. Areopag. Hierarch. Eccles. c. ult. in f. ne. August. cont. Do. nat. l. 4. c. 24.*

instar miraculi habendum; factum hoc esse diuinitus in infante, non humanitus ab infante: tum ait, si uelimus uerbis ostendere, paruulos nescire diuina, cum nec humana nouerint, vereor ne sensibus nostris facere iniuriam videamur, cum omnes sermonis vires superet euidentiæ ueritatis.

Si iniuriam sensibus faciunt, qui conantur docere, paruulos nescire diuina, certe Augustinus maiorem iniuriam facturum existimauit, si quis docere conaretur, scire eos diuina. Cum primum enim edere cœperint signa uocis articulata, uidemus eos talia sentire ac dicere, ut si tales persisterent, nemo eos uel fatuus nimium faruos esse dubitaret: tum ex absurdo id ostendit, nisi forte id restat, inquit, ut in uagitu infantia, aut ueri silentio sapientes fuisse dicamus, ut primum uero loqui nobiscum cœperint, uenisse ad hanc ignorantiam, quam uidemus. Nunquam igitur Augustinus de paruulorum aut actuali aut habituali fide somniauit: num enim in uagitu infantia fidem habuisse infantes existimauit, quam statim amiserint, ut loqui nobiscum cœperunt? Idque etiam ex eo adhuc luculentius constat, quod infantes cum baptizantur, & uocibus & motibus, quibus possunt, reluctantur; quod non facerent, si aut fidem aut intelligentiam haberent. Concludit tamen Augustinus, habitare in paruulis Spiritum sanctum, quamuis ipsi nesciant, ut mentem habent, quam nesciunt, in qua ratio, ut

scintilla quædam, sopita est, accessu ætatis excitanda: & hanc ex Augustino Petrus Martyr sententiam sumpsit. Vbi notandum est, quod non fidem ait Augustinus in infantibus habitare, sed Spiritum sanctum; non ergo agnouit habitualement fidem in infantibus.

Ita cum paruulis intelligentiam adimunt Patres, una etiam fidem in eis nullam esse dicunt, quæ sine intelligentia ne cogitari quidem potest. At quomodo ergo fideles appellantur paruuli, aut quare baptizantur, si neque intelligentiam, neque fidem habeant? iam igitur de fide paruulorum, quid Patres sentiant considerandum est. Non loquuntur ut Papistæ, infantes habere fidem habitualement, qua uti nequeunt propter ætatem, sed ut eis fidem, sic fidei actum tribuunt. Augustinus hæc uerba habet, *Accommodat mater Ecclesia infantibus aliorum pedes, ut de uerbis ueniant, cor ut credant, linguam ut confiteantur.* Ita sic illi credunt, ut ueniunt & confitentur: non ipsi autem ueniunt aut confitentur, sed ut aliorum pedibus ueniunt, & lingua confitentur, sic aliorum fide credunt. Idem ait, *Abfit ut paruulos dicam non credentes, quia Christus non prodest non credentibus: credit in altero, qui peccauit in altero: & ibidem postea, Credunt & infantes: sed unde credunt? & quomodo credunt? fide parentum purgantur, inquit, peccato parentum polluti sunt: non ergo aliam infantibus*

*Idem sermon. 14.*

bus fidem tribuit Augustinus, nisi qua credunt: ait enim purgari ea fide, qua credunt: credunt autem non sua sed parentum fide: non igitur habituali sed actuali fide purgantur, si Augustino credimus.

Bernard.  
Epist. 77.

Cum Augustino Bernardus consentit, quem fere nouum Augustinum dicamus. Is ait infantes habere fidem, sine qua impossibile est placere Deo, & saluari per fidem, at non suam, sed alienam: ergo falsum est, quod Bellarminus ait, nullum Catholicum docuisse vnquam, paruulos viuere id est, iustificari & saluari fide aliena: nam Augustinus & Bernardus aperte dicunt, saluari non per suam, sed per alienam fidem: si saluantur, ergo viuunt & iustificantur: aitque Bernardus, *dignum esse, & ad Dei spectare benignitatem, ut quibus fidem atque denegat propriam, gratiam prodesse concedat alienam.*

August.  
Epist. 23.

Sed quare non exigenda ab eis est fides propria? nempe quia nullam habent culpam propriam: atque Augustini in multis locis hæc ratio est, *paruuli per alios credunt, sicut per alios peccatum contraxerunt*: igitur ut vere impii sunt propter peccatum parentum, sic vere iusti sunt propter fidem parentum. Neque hoc Scholasticis displicet: sic enim Thomas: nec obstat, si parentes sint non fideles, quia offeruntur infantes non tam ab eis, quorum manibus gestantur, quam à societate fide-

Thomas  
in 3. part.  
sum. q. 68.  
art. 5.

lium. Nam ut infantes in matris uteris non accipiunt per se nutrimentum, sed ex matris nutrimento sustentantur: sic infantes in Ecclesiæ utero non per seipsos, sed per actum Ecclesiæ salutem suscipiunt. Idemque ait, *fidem Ecclesiæ paruulis prodesse propter operationem Spiritus Sancti, qui vnit Ecclesiam, & bona vnius alteri communicat*: ergo si sibi constare velit, non fide propria & habituali iustificantur infantes, sed Ecclesiæ, quæ ipsorum mater est, cuius fides eis vi Spiritus Sancti communicatur.

Vnde videmus, quam falsum sit, quod Bellarminus ait, Patres non dicere, paruulos iustificari fide Ecclesiæ: nam Patres dicunt illos credere corde ad iustitiam fide parentum: & sic iustificari fide aliena, ut peccato alieno coinquinati sunt: purgari parentum fide, quod est, ut Aduersarii volunt, iustificari: Ecclesiæ bona eis communicari, id est, Ecclesiæ fide illos iustificari: saluari per fidem alienam: igitur de habituali Papistarum fide, quam illi volunt in Baptismo ex opere operato infusam esse, Patres ne iomniarunt quidem.

Minus ergo Lutherus à sententia Patrum discessit, qui actualem infantibus fidem tribuit: nam Patres eos fide actuali iustificari aiunt, quod est necesse; nec eo enim iustificari potest, nisi ea fide qua credimus: sed hanc esse alienam

nam fidem non suam Patres dicunt, Lutherus esse suam & propriam; quod mihi longissime à vero dissentire videtur. Imo eis tribui duplicem fidem, habitua-lem qua iustificantur, sed non credunt, actualem qua credunt, non iustificantur, & illam sequi Baptismum, hanc præcedere, quod vult Bellarminus, absurdum est: cum enim fides actualis Ecclesiæ, ut Thomas docet, per Spiritum sanctum infantibus communicetur; necesse est actualis fidei meliores esse partes, quam habitualis, cum & habitum præsupponat, & actum ex habitu: aut ergo non infantibus communicatur Ecclesiæ fides, aut ea iustificatur: Falsum etiam & illud est, quod Bellarminus ait, paruulis fidem alienam non sic esse necessariam, ut si desit, non sit Baptismus verus aut fructuosus: nam Patres omnes ne baptizandos quidem infantes esse volunt, nisi propter alienam fidem, & eos baptizari aiunt in fide aliena: quam igitur infanti, dum adhuc in utero est, necessarius est cibus matris, tam paruulis baptizandis necessaria est fides Ecclesiæ, si aut Patrum aut Scholasticorum sententiam sequamur. Atque hoc usque adeo patet, ut etiam Scholastici pueros infidelium nullo modo baptizandos esse statuunt.

Thom. 22.  
q. 10. art.  
12. & ali-  
bi.

Sic Thomas sæpe: & hæc semper Ecclesiæ consuetudo fuit: nisi

autem paruulis aliena fides necessaria sit in Baptismo, non minus pueri infidelium possent & deberent baptizari etiam inuitis parentibus, quam fidelium & Christianorum: nam malitia parentum non debet infantibus obesse: multum autem obesset, si propter culpam parentum priuarentur iis bonis, quæ ex Baptismo proueniunt. Imo si actu baptizentur huiusmodi infidelium pueri, hunc esse nullum Baptismum Durandus contendit, & Paludanus ait, non magis esse Sacramentum, quam si quis brutum animal baptizaret; etli non omnes Scholastici idem hac de re sentiunt.

Sed hic quærerem à Papistis, qui infantes fidelium non esse sanctos dicunt ante Baptismum propter fœdus, quod Deus cum suo populo pepigit, cur fidelium pueri magis baptizari debent, quam infidelium: nam ante Baptismum non illi magis habent fidem, quam hi: & nisi Ecclesiæ fides ex Dei fœdere communicaretur infantibus fidelium, posset non minus communicari infidelium infantibus, cum quod in Ecclesiæ voluntate positum est, æque his atque illis communicari possit: ergo propter fœdus diuinum, quod certum & perpetuum est, & sancti censendi & baptizandi sunt fidelium infantes. Vnde etiam constat, quam absurde faciunt ii, qui infidelium liberos baptizant, si parentes volunt eos baptizari,



quasi Ecclesia suo arbitrio, quibus veller, Baptismum dare posset: tum enim etiam inuitis parentibus baptizandi essent.

Matth.  
18.6.

vers.3.

Marc.9.  
36.

Luc.18.  
15.16.

Bellarmin.  
de Sacra-  
ment. Ba-  
ptism. l.1.  
c.8.

At si paruuli non credunt, quæ-ri potest, quomodo Christus dixit, *ὅς δ' ἂν σκανδαλίσῃ ἓνα τῶν μικρῶν τούτων τῶν πιστευόντων εἰς ἐμὲ, Quis-quis offenderit aliquem ex paruulis istis, qui in me credunt: tales etiam supra vocantur παῖδία, id est, pueruli: & Marcus Euangelista ait, Καὶ λαβὼν παιδίον ἔθηκεν αὐτὸ ἐν μέσῳ αὐτῶν, καὶ ἐναγκαλισάμενος αὐτὸ, εἶπεν αὐτοῖς, Et acceptum puerulum statuit in medio eorum, eoque in vlnas recepto, dixit eis: pueri autem grandiores non gestari in vlnis solent: & Lucas Euangelista ἐρέφῃ vocat, id est, infantes, & non illos venisse ait, sed allatos fuisse, προσέφερον δὲ αὐτῷ καὶ τὰ ἐρέφῃ, Afferebant autem ad eum infantes: imo etiam nostræ Ecclesiæ hoc testimonio Baptismum paruulorum confirmant: nisi autem hi prorsus infantes essent, non valeret hic locus ad Baptismum paruulorum confirmandum: etiam Papistæ contra Anabaptistas hoc loco vtuntur, vt ipse Bellarminus; & tamen hoc in capite paulo post idem Bellarminus hos pusillos fuisse pueros grandiores ait: si vero tam grandes fuerunt, vt possent credere, quomodo hoc exemplo probatur Baptismus infantium, quos ait non credere? Hunc locum Lutherus & Lutherani pro fide infantium afferunt; nec Bellarminus Lutheri satisfacit, cum ait fuisse pueros grandiores; nam si fuerunt pueri*

grandiores, hoc exemplum non facit pro Baptismo infantium, sed grandiorum, qui iam per ætatem fidei capaces sunt, & sic aperte secum pugnaret Bellarminus, qui antea hunc locum attulit pro Baptismo infantium contra Anabaptistas. Tamen opinor esse verum, Christum cum dixit, *ὅς δ' ἂν σκανδαλίσῃ ἓνα τῶν μικρῶν τούτων τῶν πιστευόντων εἰς ἐμὲ, Quis-quis offenderit aliquem ex pusillis istis, qui credunt in me*, non de infantibus loqui; aut si loquatur de infantibus, sic eos credere velle, vt Patres dicunt paruulos credere, nempe fide aliena, id est, offerentium: Sed non de infantibus loqui videtur, quia dicitur hunc puerum ad se vocasse: ergo de iis loquitur, qui & se vocari intelligunt, & venire perse possunt, tamen adhuc in tenera ætate sunt; quia Christus talis pueri humilitatem nobis proponit imitandam; pueri vero paulo adultiores satis superbix habent, & satis peruersitatis ostendunt: ea tamen ætate fuit hic puer, vt & intelligere & credere posset; nam Christus ait, *τῶν πιστευόντων εἰς ἐμὲ*: vbi etiam de talibus pueris, qui scandalizari possent, se loqui ostendit: at mere infantes recens nati, nec venire vocati, nec scandalum pati possunt: ergo de iis loquitur, qui scandali capaces sunt. Sed præter hos grandiores, adductos esse ad Christum etiam infantes constat, qui παῖδία vocantur, & hos Lucas vocat ἐρέφῃ: nam hos vere infantes fuisse ex eo patet, quod discipuli ita iis essent, qui affere-

Matth.  
19.14.  
Luc.18.  
16.

afferebant: quod vero Christus ait, *Sinite paruulos venire ad me*, venire, ibi ponitur, pro afferri, aut adduci. Constat igitur ex Euangelistis, Christum bis tractasse pueros, nempe primo paulo prouectiores, qui & venire per se poterant, & scandalizari, & credere; postea vero infantes, quibus manus imposuit; vnde paruulos ad Christum pertinere, & nostram Ecclesiam recte hunc Euangelii locum ad infantes iam baptizandos accommodare constat: hos infantes Christus non ait credere, sed illos prouectiores; & hoc fallit quosdam. Sed hic sane vtiliter quæri posset, quoto anno pueri apti ad credendum sint: hinc certe apparet, primis etiam annis, cum adhuc teneri sunt, aptos esse; nam de talibus hic Christus loquitur. Scholastici quærent, quando pueri ad vsum rationis veniunt, & alii vnum tempus assignant, alii aliud: ego eos, vt primum apti ad ratiocinandum sunt, etiam ad credendum aptos esse sentio, & puto citius posse aptos fieri ad sumendam Eucharistiam, quam hodie vulgo fit. Papistæ, qui infantibus fidem habitualement tribuunt, vix dicere possunt, cur pueri non statim à Baptismo ad Eucharistiam admittendi sint, vt olim mos fuit, si Dionysio Areopagita credamus: nam ne accedenti quidem ad Eucharistiam, necessariam esse putant actualement fidem; dispositi autem satis sunt accedentes ex habituali fide.

Igitur cum antiquis Patribus, Augustino & reliquis, atque item

cum nostris libenter sentio, fidem alienam paruulis sufficere ad salutem. Quemadmodum enim nequeo fidem actualement paruulis cum Lutheri tribuere, qui certe vt in aliis rebus, ita in hac se hominem esse prodidit; nimis enim certe incredibile est, credere infantes actualement, qui ne rationis adhuc vsum habent: ita nihilo magis cum Scholasticis sentire possum, fidem eis habitualement inesse, propter eas causas quas diximus. Infundi autem talem gratiam infantibus in Baptismo, falsum esse experientia adultorum docet: non enim plus in infantibus quam adultis Sacramenta efficiunt: etiam minor dispositio in infante, quam in adulto, quia non potest se disponere, vt adultus; quod si eis dispositio aliena sufficit, quidni & fides aliena? quomodo ergo non impedit infusionem gratiæ labes originalis, quæ tanta est, vt propter eam damnentur infantes iuxta illos, si sine Baptismo moriantur? Iam autem adulti bene dispositi, qui non habent illud ætatis impedimentum, quod in paruulis fingunt, post Sacramenti perceptionem non sentiunt infusam nouam gratiam: qui enim adulti baptizantur, non magis credunt post Baptismum, quam antea, quia eadem mens, idem actus, idem habitus in iis manent post Baptismum, qui prius fuerunt: non igitur ex opere operato gratia fidei habitualis pueris infunditur. Commentum hoc antiquæ Ecclesiæ inauditum fuit, & Scripturis ac rationi est contrarium. Si fides infantibus in Ba-

ptismo infunditur, quidni etiam adultis? non enim video, quomodo tanta gratia infundatur paruulis, cum adultis negetur. Sed et si infantes non habere fidem habitualement, tamen à Spiritu sancto purgari dicimus, & fieri nouas creaturas, quia caro & sanguis regnum cœlorum non possidebunt.

*Finis quarta Quaestionis.*

## Quaestio V.

*An Baptismus Ioannis idem fuerit cum Christi Baptismo.*

C A P V T I.

*De statu Quaestionis.*



Marc. 16.  
16.

*Habita est hac Praelectio post longam intermissione ratione peccatis grauantis Cantabrigiae.*

πνεῦμα ἁγίου βαπτισμοῦ ὁ ἰσχυρὸς ὁμοιωθεὶς τοῦ Χριστοῦ; Qui crediderit, & baptizatus fuerit, seruabitur. Quando hanc primum de Ba-

ptismo Controuersiam aggressi sumus, eam in sex Quaestiones distribuimus, quarum adhuc una vel altera restat explicanda. Cursum enim disputationis nostrae calamitas superiorum temporum interrupit; quia factum est, ut non modo hae scholae siluerint, sed & ipsa Academia suis sedibus exularit. Triste exemplum diuinæ offensionis,

& nisi ex aqua & Spiritu sancto renati fuerint, non possunt intrare in regnum cœlorum: ergo in eis operari Spiritum sanctum ineffabiliter dicimus. Exposui quod mihi visum est; iudicium Ecclesiae relinquo.

qui ne sacratis quidem literarum ac pietatis domiciliis pepercerit, nostraque haec religiosa studia mortiferae contagionis metu disturbaret. Hoc iam periculo defuncti, ad pristinos labores & officium multo alacriores redeamus, quæque intermissa iam dudum desiderabamus, ea nunc restituta maiore quodam impetu repetamus. Quid enim prodest, patere scholas, si nos languemus animis, & fastidio optimarum artium scholas quasi molas fugimus? Quare ut qui amissis gaudiis, si denuo potiantur, suauis utuntur: ita nos incitatio ad haec studia, quibus tamdiu cum dolo-

dolore & damno caruimus, alacritatem afferamus, & nunc de Baptismo reliqua audiamus. Expositum enim est, & quid Baptismus sit, quæque eius materia, quæ forma; quæ prima Quaestio fuit: & an simpliciter ad salutem necessarius sit; quæ secunda Quaestio fuit: & à quibus administrandis; quæ tertia: & quæ eius vires, quæque effecta sint; quæ quarta fuit Quaestio. Consequens nunc est, ut ad quintam Quaestionem veniamus, quæ est de comparatione Baptismi, qui Ioannis vocatur, & qui Christi fuit, vbi idemne vterque, an natura & vi diuersus fuerit, querendum est. Non enim ex qua hac inter nos atque Aduersarios nostros Controuersia est; quam ut ordine & dilucide tractemus, opinionum differentia proponenda est.

*Concilium Trid. sess. 7. can. 1.*

Concilium Tridentinum anathema ei denunciat, si quis Ioannis Baptismus habuisse vim eandem dixerit, quam habet Baptismus Christi: vbi capitale errorem esse indicat, si quis Ioannis & Christi eundem Baptismum statuerit. Bellarminus hanc Concilii definitionem tribus propositionibus complexus est.

*Prima* propositio est, Ioannis Baptismus non fuisse idem Sacramentum cum Baptismo Christi.

*Secunda*, non eandem vim & efficaciam habuisse.

*Tertia*, post Ioannis Baptismum Christi Baptismus necessario fu-

isse adhibendum. Ita ex Ioannis Baptismo non nisi rem ludicram faciunt: non enim modo non idoneum Baptismum fuisse, sed nec contulisse gratiam, nec omnino Sacramentum fuisse noui Testamenti aiunt: volunt ergo fuisse tantum quandam præparationem ad Baptismum Christi: sed quam hoc verum sit, postea videbimus, vbi etiam Scholasticorum multiplices pugnas referemus. Nihil ergo est, quod Bellarminus obicit, Lutherum in initio sensisse de Ioannis Baptismo, ut ipsi, et si non lego vbi sic senserit, sed sic sensisse non est incredibile: nam ne ipsi quidem Pontificii, certi quid possunt adhuc hac de re statuere: & hanc Bellarmini sententiam pugnare cum Scripturis aperissime ostendemus.

Nostri fere omnes Theologi Ioannis Baptismum non distinguunt à Baptismo Christi quoad vim & efficaciam, sed tantum circumstantia quadam discrepasse aiunt: nam Ioannis Baptismus datum fuisse in Christum passurum, Apostolorum vero Baptismum in Christum passum. Et quidam è nostris, et si Ioannis Baptismus fuisse verum Sacramentum, & remissionem peccatorum contulisse putarunt, in ea tamen sententia sunt, ut exstiment, eos qui hoc Baptismo baptizati sunt, post Christi mortem nouo Baptismo initiandos fuisse, propter difficile illud locum, qui Actuum decimo nono habetur, *Act. 19. 4.* de quo



de quo postea dicemus. Sic Lutherus, & Melancthon, & alii: quæ illorum opinio num tolerabilis sit, nos suo loco videbimus. Kemnitius hanc quæstionem putat esse in medio relinquendam, quia non multum incommodi esse ait, siue isto siue illo modo sentiamus. Nos putantes eandem gratiam in Baptismo Ioannis collatam fuisse, quæ in Christi Baptismo est collata, nihil contra Scripturas, aut antiquam Ecclesiæ doctrinam tenemus: Aduersarii vero de Ioannis Baptismo tam exiliter sentientes, aperta Scripturarum autoritate refelluntur. Bellarminus nos eundem Ioannis & Christi Baptismum facientes Donatistis comparat: ait enim Petilianum Donatistam docuisse vnum esse Baptismum Christi & Ioannis. Sed in eo manifestam nobis iniuriam facit: non enim Petilianus Ioannis Baptismum esse eundem cum Christi Baptismo dixit, id est, vim eandem & efficaciam habuisse, sed vnum eundemque Baptismum docuit esse tribus gradibus consecratum: Ioannem dedisse aquam, Christum dedisse Spiritum, & paracletum dedisse ignem; quod ridiculum est, cum & Christus in suo Baptismo aquam dederit non minus quam Ioannes: & Petilianus negat Ioannem dedisse Spiritum sanctum in suo Baptismo, quod nos, qui eius Baptismum eundem fuisse cum Christi Baptismo dicimus, non docemus. Nil nobis igitur commercii cum Peti-

Vide August. cōt. lit. Petil. l. 2. c. 32. 34. & 37.

liano, qui Spiritum à Ioannis Baptismo seiunxit, & nos collatum à Ioanne Baptismū negamus Spiritu caruisse. Nūcad Bellarmini propositiones veniamus, & primo de prima dicamus, qua contendit non fuisse Ioannis Baptismum idē Sacramentum cum Baptismo Christi. Neque ego plane idem fuisse dixerim; quædam enim circumstantiæ ratione differebat: nam Ioannes non potuit baptizare in Christum mortuum, quia Ioanni Christus superfuit: Baptismus autem datur in remissionem peccatorum, & remissio peccatorum fuit ex vulneribus & sanguine Christi: noster ergo Baptismus Christi mortem præteritam spectat, Ioannis vero Baptismus Christi mortem futuram. Fuit tamen Baptismus Ioannis Sacramentum, & eandem gratiam ob signauit, quam noster Baptismus; quemadmodum & quos Apostoli ante Christi mortem baptizabant, iis verum Baptismum dederunt, & fuit hic Baptismus verum Sacramentum; & tamen dabatur in Christum moriturum: ita quodammodo alius Apostolorum Baptismus fuit ante & post mortem Christi, non quoad materiam Sacramenti, quæ est Christus, nec quoad formam baptizandi, sed quoad circumstantiam quandam formæ, id est, Christi morituri & mortui. Sed quemadmodum Petrus & Ioannes verum Sacramentum conferebant, etiam ante Christi mortem, ita & Ioannes Baptista verum Sacramentum contulit, non modo

modo nudam quandam ceremoniam gratiæ & Spiritus inanem, ut Aduersarii volunt. Iam ad Bellarmini argumenta veniamus.

## CAPUT II.

*In quo Bellarmini argumenta pro prima propositione, nempe, Ioannis Baptismum non fuisse idem Sacramentum cum Baptismo Christi, diluantur.*

ARGUMENTA Bellarmini pro prima propositione quatuor sunt. Primum est huiusmodi: Baptismus Ioannis erat ab ipso Ioanne institutus, non à Christo, nec à Deo: ergo non erat verum Sacramentum noui Testamenti. Consequentia patet, quia purus homo non potest Sacramenta instituere: id ex nostra confessione probat. Antecedens probatur, quia in Scripturis passim Ioannis Baptismus vocatur: ergo eius author Ioannes fuit, non Minister tantum: alias Baptismus Christi posset vocari Baptismus Petri, Pauli, Philippi, & aliorum. Respondeo primo: de consequentia; eam scilicet non esse firmam. Homo enim purus potest instituere Sacramentum, non sua autoritate, sed Dei, id est, vi & virtute mandati diuini. Sic Abrahamus Circumcisionem instituit, & Moses Agnum Paschalem: & erant hæc vera Sacramenta. Deus non cir-

cumcidit quenquam, sed Abraham præcepit ut circumcideret, nec Deus Agnum Paschalem occidit, sed Moses præcepit occidere: hæc Sacramenta ab his Prophetis iussu Domini instituta sunt: similiter Sacramentum aliquod noui Testamenti ab homine institui potest mandante Domino: & sic Ioannes instituit Baptismum.

Quare secundo respondeo de antecedente, Ioannem sic baptizasse, ut in mandatis à Deo acceperat: author ergo huius Baptismi non Ioannes sed Deus fuit; idque ex eo patet, quod Ioannes ipse

ait, *ὁ πέμψας με βαπτίζειν, Qui misit me, ut baptizarem*: missus ergo à Deo est, id est, iussus ut hoc faceret: ergo Ioannes Baptismum suum non instituit, sed Deus. Bellarminus ridicule de hoc loco respondet, Deum in genere mandasse, ut baptizaret Ioannes, sed ritum baptizandi in particulari à Ioanne institutum fuisse, non à Deo præscriptum. Respondeo: Ioannem & iussu esse à Deo baptizare, & edoctum quomodo baptizaret: nam ait, *Qui misit me, ut baptizarem ἐν ὕδατι, in aqua*: ibi habemus externum Baptismi elementum. Et baptizauit Ioannes in nomen Christi, quemadmodum Apostoli fecerunt, ut ex Act. 19. patet, ubi legimus Ioannem baptizasse in Christum venturum: quod indicat eum non instinctu suo, sed iussu Domini baptizasse: hocque ex isto loco Hieronymus, & Ambrosius, & Lombardus colligunt, ut suo loco docebimus. Sic Thomas

Thom. in  
4. d. 2. art.  
3.

Idem in 3.  
q. 38. art.  
2.

mas ait, Ioannis Baptismum fuisse datum in nomine venturi: Ioannes ergo non instituit ritum baptizandi, quia hic ritus, quo is usus est, idem fuit quoad substantiam cum eo, quo Apostoli vsi sunt. Et idem Thomas diserte ait, ipsum ritum, quo Ioannes baptizabat, fuisse à Deo. Bellarminus negat: Thomas ait: sed quis non Thomæ potius credat, quam Bellarmino: quam enim insulsum est, Ioannem in genere iussu esse baptizare, sed de modo baptizandi nihil certi habuisse: non sic Deus obscure mandare solet: igitur & res erat à Deo; quod Bellarminus fatetur; & ritus; quod Thomas concedit: ergo totus Ioannis Baptismus à Deo fuit.

Sed Thomas ait tamen, effectum illius Baptismi non nisi ab hominibus fuisse, quia in illo Baptismo nihil efficiebatur, quod homo facere non posset: quod quam falsum sit, nos postea ostendemus, cum eundem fuisse effectum Baptismi Ioannis & Christi probabimus. Quod Christus etiā aperte docet, cū à Principibus Sacerdotum & Senioribus populi quærit, ποῦ ἐστὶν ἡ βαπτισμὰ τοῦ Ἰωάννου, ἡ δὲ ἀπάντησις, ἡ ἐξ ἀποστόλων, Baptisma Ioannis

Matth.  
21. 25.

unde erat: ἐκ τοῦ οὐρανοῦ, an ex hominibus? non dubium est, quin ex cælo fuit, idque Christus senserit: & ex cælo totus Ioannis Baptismus fuit. Non enim quærit Christus, fueritne partim ab hominibus, partim à cælo, sed an vel à cælo tantum, vel ab hominibus tantum, quasi necesse fuit ab altero horum fuisse:

ergo aut totus Ioannis Baptismus à Deo fuit, aut totus ab hominibus. Sed Bellarminus vult partim à Deo fuisse, partim ab homine; quod cum Christi mente pugnat: vult enim Christus Baptismum Ioannis, id est, totum quod Ioannes in illo ministerio baptizandi faciebat, à Deo esse. Quare Luc 3. postquam Euangelista dixisset, ἐξ ὕδατος καὶ ὁὐκ ἐξ ὀξέος, factum est verbum Domini ad Ioannem Zachariæ filium in deserto, statim subiicit, venisse eum in omnem regionem circumiacentem Iordanis, predicantem Baptismum resipiscencie in remissionem peccatorum: ergo quemadmodum à Deo iussus & edoctus fuit, tum vt doceret, tum quomodo doceret, similiter iussus à Deo fuit & edoctus tum vt baptizaret, tum quomodo baptizaret: omni igitur ex parte & quoad rem & quoad modum à Deo institutus fuit Ioannis Baptismus. Atque hinc etiam videmus, quam falsum illud sit, quod Thomas ait, nihil in Baptismo Ioannis effectum esse, quod homo facere non posset: nam diuinæ institutionis necesse est talem esse effectum, qualem nullus homo proferre potest,

Thom. in  
3. q. 38.  
art. 2.

Tertio, quod obiicit Bellarminus, dici Ioannis Baptismum, non tanquam Ministri tantum, sed etiam tanquam auctoris; dico Ioannis dici Baptismum, non quod à Ioanne institutus fuit, sed quod per Ioannem ministerium Deus hoc Sacramentum noui Testamenti instituit, quod postea Christi Baptisma dicebatur, quia Ioannes Christo cessit.

III.

Tertull.  
de Baptis.

sto cessit. Non sic Baptismus Christi potest vocari Petri, aut Pauli, aut Philippi Baptismus, quia hi nec authores nec primi Ministri Baptismi fuerunt, sed Baptismus à Deo per Ioannem institutum retinuerunt. Atque hoc est, quod Tertullianus ait, fuisse Baptismum à Deo institutum *mediante Ioanne*: atque ideo Ioannis vocatur. Non enim Christus Baptismum instituit mediante Petro; non ergo Petri Baptismus dicitur: sed Ioannes fuit Minister primariæ institutionis, vt Scholastici loquuntur.

Secundum Bellarmini argumentum sic se habet: In Baptismo necessaria est inuocatio Trinitatis: at in Ioannis Baptismo non fuit Trinitatis inuocatio: nam nihil tale Scriptura, nec Patres docent: & videtur Ioannes nulla verborum forma vsus esse: nam & Christum baptizauit: ridiculum autem fuisset Christum baptizasse in nomine Messiae venturi. *Respondeo*: cum nostris fere omnibus, Ioannis Baptismus non omnino caruisse inuocatione Trinitatis. Neque enim Ioannes Trinitatis mysterium ignorauit, cum in Baptismo Christi vocem Patris audiret, & Spiritum Sanctum in forma columbæ videret, fueritque monitus in initio, eum esse Christum, super quem videret Spiritum Sanctum descendentem & manentem: nihil ergo dubium est, quin in fidem huius Triuitatis baptizaret. Quam enim ille doctrinam edoctus est de Trinitate

Ioh. 1. 33.

eam non dubium est illum discipulis tradidisse, & in eam baptizasse, quamuis forsitan non tam explicatè, quam postea tradita est, & nunc traditur. Sed & præterea legimus, Ioannem dixisse populo, vt crederent in Christum venturum & in Baptismo suo Christi mentionem fecisse: baptizauit igitur in fidem Christi; fides autem Christi non potest notitia & inuocatione Trinitatis carere. Fides enim in Christum necessario continet doctrinam de Trinitate, quia nemo potest in Christum credere, qui non credit in Patrem & Spiritum Sanctum. Fieri potest vt non fecerit Ioannes disertam mentionem Trinitatis in baptizando; neque id necesse fuit: nam potuit esse Sacramentum sine forma verborum adhibita à Ministro in administratione, quemadmodum de Circumcisione constat, in qua nullam eiusmodi formam adhibitam legimus. Sed Ioannes in nomine Messiae venturi baptizauit.

Act. 19. 4.

Verum putat Bellarminus ea verba Pauli non significare formam Baptismi, sed quod Ioannes admonuerit populum, vt in Christum venturum crederent. *Respondeo*: hoc esse satis, si populum de Christo erudierit: nam vel hinc constare potest, eius verum Baptismum fuisse. Ioannes populum docuit, vt in Agnum Dei crederent & Christum pro Messia agnoscerent; & eos in hac fide baptizauit: nihil hic ad verum Baptismum defuit, etsi inter baptizandum



Trinitatis nomen non expresse-  
rit. Nulla enim tum verborum formu-  
la praescripta est, cum Ioannes ba-  
ptizavit: postquam vero Christus  
iusserat, ut hac forma verborum  
Baptismus administraretur, tum  
fateor necessarium fuisse hac for-  
ma uti. Imo Scholastici multi af-  
firmant (quod tamen ego falsum  
existimo) etiam post mortem Chri-  
sti Apostolos hanc formam mu-  
tasse, & in nomine tantum Christi  
baptizasse, quia legimus in Actis  
nonnullos baptizatos fuisse in no-  
mine Domini Iesu. Nec desunt,  
qui existimant Ioannem baptizasse  
in nomine Trinitatis: diligenter  
populum de Christo instituisse, &  
sic de mysterio Trinitatis, & tum  
baptizasse aqua, & hoc symbolo  
remissionem peccatorum per san-  
guinem Agni obsignasse: sed si Io-  
annes informavit in fide, & popu-  
lum confitentem fidem de Christo  
baptizavit, licet sine expressa men-  
tione Trinitatis: & sine forma ver-  
borum, nemo dixerit non recte  
baptizatos, & gratiam Baptismi  
consequutos, qui ab illo baptizati  
sunt. Baptizasse autem illum in  
nomen Christi venturi, nescio  
quam multi affirmant, non Patres.

*Hieron. in tantum, sed & Scholastici. Sic Hie-  
ronymus, & Ambrosius: sic etiam  
Lombardus, Hugo de Sancto Vi-  
ctore, Thomas. Et Durandus  
ait, dici communiter, quod forma, qua  
Ioannes usus est, hac fuerit, Ego baptizo  
te in nomine venturi. Quare conclu-  
do, Ioannis Baptismum fuisse ve-  
rum, & habuisse effectum Bapti-  
smi: idque Dominicus à Soto ne-*

cessarium esse fatetur, si Ioannes *Sancti  
Vita de  
Sacram.  
l. 2. part.  
6 c. 6.  
Thom. in  
4. d. 2. art.  
3. & in 3.  
q. 38. art.  
6. ad 5.  
Durand.  
in 4. d. 2.  
q. 3.  
Dominic.  
à Soto in  
4. d. 2. q. 2.  
art. 1.*  
hoc modo baptizavit: at nos do-  
cuimus hoc modo baptizasse. At-  
que ideo Bellarminus & quidam  
Scholastici negant hoc modo ba-  
ptizasse, id est, negant apertam  
Scripturam, & antiquissimorum  
Scholasticorum sententiam. Quod  
vero Ioannes Christum baptizavit,  
id quadam singulari & extraordi-  
naria dispensatione factum est:  
non opus fuit, ut Christum doce-  
ret, nec Christus Baptismo indi-  
guit, tamen baptizari à Ioanne vo-  
luit, ut Ioannis ministerio commu-  
nicaret, ut eius Baptismum appro-  
baret, & cohonestaret, & in suo  
corpore sanctificaret. Non ergo  
sequitur, Ioannes non baptizavit  
Christum in nomine Christi, aut  
in fidem Christi, aut in resipiscen-  
tiam & remissionem peccatorum:  
ergo non alios ita baptizavit: nam  
Christi Baptismus extraordinarius  
fuit.

*Tertium* Bellarmini argumen-  
tum sic instituitur: Sacramenta  
noui Testamenti debent institui  
ab authore noui Testamenti: sed  
Ioannes non fuit author noui Te-  
stamenti, imo baptizavit, ante-  
quam Christus cœpit prædicare.  
eius ergo Baptismus non est Sacra-  
mentum noui Testamenti, & mul-  
to minus idem cum Baptismo  
Christi. *Respondeo*, hoc argumen-  
tum idem tere esse cum primo: ait  
enim Bellarminus, Ioannis Ba-  
ptismum non fuisse institutum aut  
mandatum à Christo: sed hoc esse  
falsum, nos antea ostendimus: ni-  
hil enim Ioannes fecit, nisi quod  
iussus

*Heb. 5. 4.* iussus est facere. Nunc præterea  
addimus, verissime de illo dici pos-  
se, quod Apostolus habet in Epi-  
stola ad Hebræos, *Nemo sibi sumit  
hunc honorem, nisi qui à Deo vocatur,  
sicut Aaron.* Ioannes ergo non in-  
se sumpsit hunc honorem, nisi vo-  
catus & iussus à Deo; alioqui gra-  
viter peccasset, si novum cultum,  
aut novum ritum, sua autoritate  
introduxisset; sed tamen hunc ho-  
norem sibi à Deo impositum recu-  
sare non debuit: ideoque etiam  
Christus ad Ioannis Baptismum  
accessit, quod non fecisset, nisi à  
Deo institutus fuisset. Et quod  
ait, Sacramenta noui Testamenti  
debere instituta esse in nouo Te-  
stamento, verum id quidem est:  
nam Ioannes fuit Minister noui  
Testamenti, etsi alii illum intersti-  
tem, alii limitem, alii medium  
inter vetus & novum Testamen-  
tum vocant; quod aliquo modo  
verum est. Sed necesse est eius mi-  
nisterium aut ad vetus aut ad no-  
vum Testamentum simpliciter  
pertinere; nam tertium nullum  
Testamentum est: veteris Testa-  
menti non fuit Minister, quia  
Christum præsentem prædicabat:  
fuit ergo proprie noui Testamenti  
Minister. Atque hoc est, quod  
Christus ait, *Omnes Prophetæ & ipsa  
Lex usque ad Ioannem prophetarunt:*  
*Matth. 11. 13.* ergo Ioannes noui Testamenti  
promulgator primus fuit, & Mi-  
nister; author vero Christus: ideo-  
que etiam eius Baptismus verum  
Sacramentum fuit, quia oportuit  
novum Testamentum non carere  
Sacramento, ut qui primus novum

Testamentum promulgavit, pri-  
mus etiam cum Sacramento noui  
Testamenti prodiret, idemque Sa-  
cramentum celebraret.

*Quartum* Bellarmini argumen-  
tum superest, quod in hunc mo-  
dum se habet: Baptismus Christi  
non potest iterari: at quos Ioannes  
baptizavit, Apostoli iterum ba-  
ptizari iusserunt. *Respondeo primo*  
de assumptione. Non potest Bel-  
larminus probare, baptizatos ite-  
rum fuisse, quos Ioannes baptiza-  
vit, vilo aut testimonio, aut ex-  
emplo Scripturæ. Nam quod ad  
Ephesios illos attinet, quos in Io-  
annis Baptisma baptizatos fuisse  
legimus Act. 19. de illis postea  
respondebimus, eique testimonio  
suo loco satisfacimus. Apolos, *Act. 18.  
26.* qui sciebat solum Baptismum Io-  
annis, non legitur fuisse iterum ba-  
ptizatus, sed tantum melius insti-  
tutus: & Ioannes multos Aposto-  
los baptizavit, quos non legimus  
fuisse iterum baptizatos, neque  
quisquam certo docere aut proba-  
re potest, iterum baptizatos fuisse.  
*Secundo*, quod ad propositionem  
attinet, fateor Baptismum Chri-  
sti, qui sic proprie dicitur, non  
esse iterandum: sed Ioannis Ba-  
ptismus, etsi verus Baptismus  
fuit, & effectum verum Baptismi  
habuit, tamen differebat à Chri-  
sti Baptismo, quia non plenam  
habuit Trinitatis confessionem,  
nec eam certam verborum for-  
mam, quam Christi Baptismus  
habuit: putant ergo Lutherus,  
& Melancthon, & Kemnitius,  
potuisse Ioannis Baptismum ite-  
rari,

rari, imo Lutherus & Melancthon putant debuisse. Et quamquam quia à Ioanne erant baptizati, & rem Sacramenti, & Sacramentum ipsum quoad materiam & formam, id est, quoad substantiam omnes acceperunt; tamen postquam Christus instituit administrationem Sacramenti in certa forma, nihil impedit, quominus qui à Ioanne baptizati sunt, etiam potuerint postea baptizari, ut sic vno eodemque modo omnes baptizarentur. Nec si iterum baptizati sunt, qui à Ioanne fuerunt baptizati, sequitur Ioannis Baptismum non fuisse verum Baptismum, ut nec Circumcisionem non fuisse verum Sacramentum, quia quosdam circumcisos baptizatos fuisse legimus.

Neque potest Bellarminus aliquid contra hanc opinionem asserere, quod alicuius sit momenti: nam quod ex Augustino affert, baptizatos à Paulo fuisse, quia à Ioanne antea baptizati fuerant, non ob aliam causam, nisi quod Ioannis Baptismus non erat Christi Baptismus; nemo nescit hanc fuisse opinionem Augustini; sed nos Augustinum hac in re non sequimur: etsi Augustinus alibi ait, fieri potuisse, ut Ephesi huiusmodi sententia sint, id est, non fuerint à Ioanne baptizati; idque multis visum esse. Vnde hæc duo colligo; primo, non esse necessarium, hanc fuisse solam causam, quam Bellarminus affert, cur E-

phesi à Paulo baptizati sunt, quod Ioannis Baptismus non fuit Christi Baptismus; nam multi illos non omnino fuisse baptizatos existimant, ut ait Augustinus: secundo, pluresque olim putasse, eundem Ioannis & Christi Baptismum fuisse, quia ne Baptismi iterationem concederent, hos non omnino fuisse baptizatos dixerunt. Ergo nec possunt Aduersarii vlllo exemplo probare iterationem Baptismi, quo Ioannes usus est, & si possent, non tamen sequeretur hoc quattum Bellarmini argumentum.

## CAPUT III.

*In quo diluuntur argumenta Bellarmini pro secunda propositione, nempe Baptismum Ioannis non habuisse eandem efficaciam cum Christi Baptismo.*

NUNC ad secundam propositionem veniendum est, qua contendit Bellarminus, Ioannis Baptismum non habuisse eandem vim & efficaciam, quam Christi Baptismus habet. Atque hic statim manus dat Aduersarius, nec se posse causam hanc sustinere satis ingenue confiteretur. Ait enim non esse questionem, an Ioannis Baptismus remiserit peccata ex deuotione & fide accedentium, sed

sed utrum Ioannis Baptismus sic remiserit peccata, ut Christi Baptismus, id est, vi sua, seu ex opere operato. Ita fuisse remissionem in illo Baptismo fatetur, sed non ex opere operato: at in Christi Baptismo esse ex opere operato; quem nos atheismum & insaniam antea refutauimus. Dementissimum enim est putare, cuiquam remitti peccata in Baptismo, qui nullam secum fidem aut deuotionem ad Sacramentum attulerit: imo tales Sacramento nefarie abutuntur, & propter hoc sacrilegium grauissime punientur; tantum abest ut gratiam mereantur. Quare si Ioannis Baptismus iis remissionem tribuebat, qui cum fide & deuotione ad illum accedebant, nos non aliud requirimus: tum enim verum Sacramentum fuit, & gratiam remissionis ac iustificationis obsignauit, quod est Sacramenti munus & officium. Non plus facit Baptismus Christi, nisi scilicet in credentibus iustitiam fidei obsignat: non enim iniustis vi sua iustitiam infundit, sed in credentibus sigillum est & symbolum iustitiæ suæ: & sic Ioannis Baptismus fuit. Non potest Bellarminus tueri hanc causam, nisi monstrum illud operis operati ei concessum fuerit, ex omnibus Theologorum scholis explodendum. Illud commentum quam insulsum sit, supra à nobis demonstratum est: nunc ut Bellarminus hoc posito contra nos disputer videamus.

Primum Bellarmini argumentum hoc est: Baptista ipse distinguit Baptismum suum à Baptismo Christi, quod ipse in aqua baptizaret, ille in Spiritu baptizaturus esset: *Ego baptizavi vos in aqua, inquit, ille vos baptizabit Spiritu Sancto.* Respondeo primo, non esse hanc idoneam distinctionem inter Baptismum Ioannis & nostrum: tum enim quemadmodum Aduersarii dicunt, Ioannem tantum aqua baptizasse, ita in nostro Baptismo non esset omnino aqua, sed tantum Spiritus sanctus: ait enim Ioannes, *Ego baptizavi vos aqua, ille baptizabit vos Spiritu Sancto*, non aqua simul & Spiritu Sancto: non ergo Baptismus à Baptismo, aut ministerium à ministerio, sed persona Ministri à persona Domini his verbis distinguitur, quasi diceret Ioannes, nos aquam largiri possumus, & hoc tantum est, quod possumus: ille solus Spiritum Sanctum dare potest. Ita Ioannes voluit testari omnibus, se non esse Messiam, cuius est Spiritu Sancto baptizare. Secundo, sensus igitur est, non à Ministro sed à Christo gratiam regenerationis provenire, quasi diceret Ioannes, *Ego vos aqua baptizavi*; quod non multum est, hoc enim cuius Minister potest facere: sed ille qui post me venturus est, *quædā βαπτισμῶν ἐν πνεύματι ἁγίῳ καὶ πυρὶ, vos baptizabit Spiritu Sancto & igni*; qui est internus & verus Baptismus: Debet enim Spiritus Sanctus quasi ignis non modo accendere & inflammare mentes nostras, sed

Marc. 1.8.

I.

II.

Matth. 3. 11.

August. l. 5. c. 9. de Baptism. Act. 19. 14

August. in lib. de unic. Baptism. cont. Pelagian. c. 7.



sed etiam illustrare & purgare: hoc ego ne possum præstare, hoc illius est. Bellarminus ait hanc expositionem facile refelli posse: ait enim Ioannem de Christo dicere, ille baptizabit vos; nondum ergo baptizabat Christus; ergo hic effectus non fuit in Baptismo Ioannis. At ille modo confessus est, potuisse esse in Ioannis Baptismo remissionem peccatorum si quis cum fide & deuotione ad illum accederet: ergo à Ioanne baptizati, sunt baptizati Spiritu Sancto. Loquitur vero Ioannes de Christo in futuro, ille baptizabit, non quod arcane non iam Christus in eius Baptismo operaretur, sed quia nondum Christus in publicum prodierat: voluit ergo innuere, quendam iam venturum ad illorum animos conuertendos; non excludere internam operationem Christi in ipsius Baptismo, quasi diceret, Ego vos hac aqua baptizo, sed mox aderit qui Spiritum Sanctum largietur. Non hoc probat, Ioannis Baptismum caruisse Spiritu Sancto, sed Ioannem non fuisse, qui Spiritum Sanctum daret. Quare alibi Ioannes ait, *Qui misit me ut baptizarem aqua, ille mihi dixerat, Super quem videris Spiritum descendente, ac manentem super eum, & τὸς ἐστὶν ὁ βαπτίζων ἐν πνεύματι ἁγίῳ, hic est qui baptizat Spiritu Sancto*: ita tum Christus per Ioannis ministerium baptizauit: & Ioannes ut primum missus est ad baptizandum, intellexit fore qui vnā baptizaret Spiritu cum ipso, sed eum nescierat; admonitus tamen eum esse, super quem

Ioan. 1. 33.

Spiritum descendente videret, ac manentem super eum, agnouit: & tum Christum baptizasse constat, quia Ioannes suos auditores in Christi fide erudit: qui autem in Christum credunt, eos Christus Spiritu suo baptizat. Voluit tantum Ioannes reuocare populum à se ad Christum, & omnium animos ad illum conuerrere, quia multi ipsum Messiam esse credebant. Nec credibile est, Ioannem tantum laborem in baptizando sumere voluisse, si suum Baptismum nudam ceremoniam gratiæ inanem fuisse existimasset: ergo tam laboriose baptizabat, quia Baptismum suum signum & signaculum gratiæ esse nouit.

Sed tertio *Respondeo*, quam ego verissimam esse responsionem censeo, cum Ioannes de Christo ait, *ἐγὼ βαπτίζω, ille baptizabit*, intelligere metaphoricum Baptismum, nempe extraordinariam illam & visibilem effusionem donorum Spiritus Sancti in forma ignis, quæ facta est die Pentecostes, quæ etiam dona postea sæpe in credentes effusa sunt. Hunc Baptismum intelligi patet, ex verbis Christi ad Apostolos Actuum. 1. *Ioannes baptizauit quidem aqua, vos autem baptizabimini Spiritu Sancto post non multos hos dies*: at iam ante erant Apostoli baptizati non sine Spiritu Sancto, sed hic nouus Spiritus Sancti Baptismus illis promissus est. Sic alibi Petrus ait, cum videret per suam prædicationem extraordinaria dona Spiritus Sancti in Gentes effusa; venisse sibi in mentem

III.

Act. 1. 5.

Act. 11. 16.

mentem statim hæc Christi verba, *Ioannes baptizauit aqua, vos autem baptizabimini Spiritu Sancto*: ubi manifestum est, Petrum interpretari Baptismum Spiritus de extraordinaria donatione Spiritus Sancti. Ergo potest esse in verbis Ioannis Baptismi non tantum personarum, sed etiam Baptismorum distinctio; at tum inter Ioannis verum & Christi metaphoricum Baptismum distinguitur. Bellarminus ait, Christum & Petrum alluisse ad verba Ioannis, sed tamen in alio sensu illa protulisse. Sed hoc probari non potest: nam & Ioannes ait, Christum baptizaturum in Spiritu & igne, ut non obscure eundem hunc Baptismum significet. Sed Bellarminus ait, Patres exponere verba Ioannis de Baptismo Christi, sed Christi & Petri verba non posse exponi nisi de missione Spiritus Sancti. Sed & Patres nos etiam possumus afferre: nam Chrysostomus non obscure ait, Ioannem posuisse hoc primum, quod post omnia esset futurum, id est, post Christi mortem & resurrectionem: nam tum demum aduenit hoc modo Spiritus Sanctus. Ambrosius vero & Hilarius de igne extremi iudicii interpretantur: non ergo ut Bellarminus. Quid quod Scholastici etiam & Papistæ aliqui sic verba Ioannis exponunt, ut nos. Durandus ait, *Si quis diligenter aduertet Scripturæ testimonia, intelliget Ioannem loqui de missione Spiritus Sancti facta in specie ignis in die Pentecostes*: si quis ergo bene aduertet, is nostram sententiam esse veram agnoscat. Sic

Chrysost.  
in Matth.  
3 hom. 11.

Durand.  
in 4. d. 1.  
94.

Iansenius ait, *Ioannem potissimum locutum esse de eo baptismo Spiritus, quo per visibilem missionem Spiritus primum Apostolos, deinde & alios plerisque credentes Christus baptizauit*: idque probat, quia Christus Act. 1. promittens Spiritum Sanctum Apostolis, Ioannis verba repetit. Sed quouis modo hæc verba sumantur, non sequetur Ioannis Baptismum fuisse Spiritu vacuum. Et de primo Bellarmini argumento hactenus.

Secundum Bellarmini argumentum sumitur à testimoniis Patrum: & multa hic testimonia citat; neque id esse difficile fateor: plerique enim Patres distinguunt Baptismum Christi à Ioannis Baptismo. Sed tamen & Patres nobiscum sentiunt, ut nos postea docebimus, qui dicunt datam fuisse etiam in Ioannis Baptismo remissionem peccatorum, etiam iidem Patres, qui Ioannis Baptismum à Christi Baptismo distinguunt. Et distinguant Aduersarii, quantum volunt, modo Ioannis Baptismum non fuisse inanem & nudam ceremoniam dixerint; quod non modo ad huius Baptismi contumeliam, sed & ad huius eximii ministerii, quo Ioannes functus est, infamiam redundat. Dicunt Patres Ioannis Baptismum non fuisse eundem cum Christi Baptismo: interim dicunt, & fuisse à Deo institutum, & non fuisse vacuum gratiæ, & Spiritu sancto, & remissione peccatorum, ut postea docebimus. Aduersarii vero inanem fuisse gratiæ dicunt, & ludicram tantum

Iansen in  
concord.  
Euangel.  
c. 13.

Act. 1. 5.

Qq

care-

ceremoniam, & nihil in eo effectum esse, nisi quod ab homine fieri posset, ut nos antea ex Thoma docuimus. Quare cum Caluino dicamus, æquum non esse, ut his Patribus potius quam Euangelistæ credamus, qui scribit Ioannem baptizasse in remissionem peccatorum: qui ergo non fide ad hunc Baptismum accedebant, ii remissionem peccatorum in eo consecrabantur.

Sed Bellarminus ait, non esse questionem, utrum Euangelistæ potius an Patribus sit credendum, sed an Euangelistam Caluinus melius intellexerit, quam tot Patres. Et quidni Caluinus Euangelistam tam bene intelligat, quam quisquam Patrum? sed reuera Patres Euangelistam sic intelligunt, ut Caluinus, Baptismum nempe Ioannis habuisse remissionem peccatorum; aut nos Caluino non esse credendum diceremus. Sed testimonia Patrum in locum suum referuabimus.

Tertium Bellarmini argumentum sumitur ab ipsa persona & officio Ioannis: ait enim Ioannem solū ad hoc venisse, ut vias Domini pararet, non ut salutem daret & iustitiam, alioqui non præcursor sed Saluator fuisset. *Respondeo*: hanc esse meram calumniam: nam hoc argumentum non minus contra nostrum quam Ioannis Baptismum valebit. Num enim Ministri hodie sunt Saluatores, quia in eorum Baptismo remissio peccatorum confertur? non dixerit,

opinor: non erigitur Ioannes Saluator, quia in eius Baptismo id factum est. Non enim Ioannes vi aut merito suo dabat remissionem peccatorum aut salutem, sed Sacramento suo remissionem peccatorum in Christi fide & nomine obsignauit: non ergo sequitur: Ioannes erat præcursor Christi: ergo Ioannis Baptismus non erat verus Baptismus; sed, ergo Ioannes non erat Christus. Nihil impedit, quo minus præcursor Christi Baptismum talem haberet, qualem Christus ipse. Et Ioannes parauit viam Domino, non simpliciter præeundo, sed concionando, & baptizando: concionabatur de Christo, & veram doctrinam de Christo proponebat, illum esse Agnum Dei, qui tolleretur peccatum mundi: in tertio capite Euangelii secundum Ioannem quam multa, quam magna, & diuina de Christo prædicat? distinguit personam suam à persona Christi, illum crescere oportet, inquit, me vero minui; & ait, iram Dei manere super eum, qui non credit in Christum: ergo docuit in Christum credere: & in hac fide suos baptizauit confitentes peccata sua; & fecit eos idoneos auditores Christi, cum eos ad pœnitentiam, & confessionem peccatorum, & fidem perduxisset. Atque hoc est, quod Angelus de illo ait, fore ut conuerteret corda Patrum ad filios, & rebelles ad prudentiam iustorum. Et Zacharias docet, quomodo præcurator esset Christum, non tempore tantum, sed dando scientiam salutis populo, in remissionem peccatorum. Hoc est tantundem, quantum hodie Ministri possunt facere: Christus enim est, qui salutem dat; homines scientiam tantum & Sacramenta salutis dare possunt. Certe si Ministri ipsi in Baptismo nostro conferrent gratiam, & remissionem peccatorum, & salutem, essent singuli Saluatores & Christi. Nihil igitur in se momenti habet hoc argumentum, quo probet, in gratia & remissione peccatorum Ioannis Baptismum fuisse imparem Baptismo Apostolorum aut ante aut post Christi mortem. Atque hæc hæcenus de hoc argumento, & de secunda Bellarmini propositione.

## CAPUT IV.

In quo Bellarmini argumenta diluuntur pro propositione tertia, nempe, post Baptismum Ioannis necessario percipiendum fuisse Christi Baptismum.

IN tertia & postrema propositione disputat Bellarminus, ab iis, qui initiati erant Baptismo Ioannis, fuisse postea recipiendum Baptismum Christi. Quæ certe non magna quæstio est: nonnulli enim nostris hoc concedunt, qui tamen negant Ioannis Baptismum meram fuisse ceremoniam, inanem gratiæ. Sed quia Ioannes ante

Christi mortem baptizabat, & in Christum venturum, quem multi venisse nesciebant, & Christus iussit omnes credentes tum ex Iudæis tum ex Gentibus baptizari, & Ioannis Baptismum non collatum fuisse legimus cum expressa mentione Trinitatis; nam postea diserta inentio facta est Trinitatis, cum Christus post resurrectionem præcepit discipulis, ut baptizarent, in nomine Patris, & Filii, & Spiritus Sancti; propter has causas putant, quos Ioannes baptizarat, fuisse iterum baptizandos. Sed tamen illorum opinio mihi verior videtur, qui putant à Ioanne aut eius discipulis legitime baptizatos, nouo Baptismo non opus habuisse, quia eiusdem Baptismi nullam iterationem esse oportet. An ergo possit probari, quos Ioannes baptizauit, fuisse iterum baptizandos necessario videamus.

Aduersarii argumenta tria sunt. Primum eius argumentum sumitur ex quibusdam Scripturæ locis nempe Matth. tertio, Luc. tertio, Marci primo. Ego baptizo in aqua, ille vos baptizabit in spiritu sancto & igni: ubi aperte videmus, inquit, eosdem, quos Ioannes baptizauerat, dici baptizandos iterum à Christo, si hic fiat collatio Baptismi Christi & Ioannis: fieri autem duorum Baptismorum collationem, est communis Interpretum sententia. *Respondeo primo*: non esse collationem Baptismorum, sed personarum:

Quæ 2 quod



quod ex eo manifestum est, quia Ministrinoui Testamenti non possunt nisi in aqua baptizare, & illi debent omnes cum Ioanne dicere, nos in aqua baptizamus, Christus ille est, qui Spiritu baptizat. Docet Ioannes se non potuisse dare gratiam Sacramenti, sed tantum externum signum: & hoc quidem omnes Ministri etiam nunc dicere debent perinde ac Ioannes olim dixit.

II. *Secundo*, non igitur ait Ioannes, illos esse denuo baptizandos, quos ipse in nomine venturi Messiae baptizarat, sed personam suam à persona Messiae distinguit, docetque cœlestia dona ab illo vno expectanda esse, non à se, quia multi Ioannem Messiam esse crediderunt.

III. *Tertio*, potest ibi esse collatio non personarum tantum, verum etiam Baptismorum, sed diuersi generis, ut nos antea docuimus, nempe veri, & metaphoric.

*Secundum* Bellarmini argumentum sumitur à comparatione variorum locorum Scripturæ. Euangelistæ aiunt, exiisse Hierusalem, & Luc. 3. 3. 7. omnem Iudæam, & omnes regiones Iordani vicinas ad Ioannem, ut ab eo baptizarentur: rari ergo erant eo tempore non baptizati à Ioanne: & tamen Act. 2. legimus, die Pentecostes baptizatos fuisse ter mille homines, & postea hominum quinque millia, præter eos, quos postea baptizauit Philippus, & alii discipuli in variis locis Iudææ & Samariæ: quomodo fieri potuit, ut nullus inter hos fuerit à

Ioanne antea baptizatus? *Respondeo primo*: quosdam propter hanc causam opinari, quos Ioannes baptizabat, de integro baptizatos esse: non enim leguntur Apostoli ea cautione vsi, an fuerint prius à Ioanne baptizati sed omnes promiscue peccata confitentes, & fidem profitentes ad Baptismum admisisse: & valde credibile est, inter hos tam multos venisse aliquos, qui antea fuissent à Ioanne baptizati. *Secundo respondeo*, non esse tamen hoc necessarium argumentum: non enim significant Euangelistæ, totum populum venisse ad Ioannis Baptismum, sed magnum fuisse ex tota regione concursum ad eum: tanta eius fama fuit. Sed tamen legimus, Phariseos & Legis interpretes eius Baptismum contempsisse: Pharisei autem erant primarii antistites Iudæorum: quare non dubium est, maximam populi, partem secutam esse illos, quos pro suis Doctoribus habebant. Et Euangelista Ioannes non omnes Hierosolymitas exiisse docet: ait enim Iudæos misisse Sacerdotes & Leuitas, qui ab eo sciscitarentur, quis esset: non ergo omnes Iudæi à Ioanne baptizati sunt. Tum quod attinet ad eos, quos Apostoli in die Pentecostes baptizarunt, non dubium est inter illos multa hominum millia fuisse, quæ Ioannes non baptizauit; nam tum Hierosolymis erant, qui vndeque ex aliis gentibus ad sacrum diem eo confluxerant: fieri ergo potuit, ut inter hos nemo fuerit à Ioanne baptizatus,

zatus, imo ut multi fuerint, qui de Ioanne ne audiuerint quidem. Ita infirmum hoc argumentum est.

*Tertium* & vltimum Bellarmini argumentum sumitur ex celebri illo loco, qui habetur Act. 19. ubi Paulus (inquit) iubet baptizari in nomine Domini duodecim illos viros, qui confessi sunt, se non nisi Ioannis Baptismum habere. *Respondeo*: falsum esse quod ait, Paulum iussisse ut baptizarentur. Nec enim legimus, aut Paulum eos baptizasse suis manibus, aut aliis baptizandos tradidisse, sed tantum manus illis imposuisse. Dicuntur quidem esse baptizati in nomine Domini, sed à quo, aut quando fuerint baptizati, non explicatur. Bellarminus decem expositiones varias nostrorum Theologorum recitat, quas ille perstringit potius, quam refellit: & sane fateor quasdam illarum non modo non probabiles, sed etiam ridiculas esse. Ego tres tantum, quæ sunt præcipuæ, proponam & persequar.

*Prima* est quorundam, qui nomen Baptismi in toto illo loco accipiunt quidem proprie, & tantum de Ioannis Baptismo exponunt; illa enim verba (*ἀκούοντες δὲ &c.*) volunt esse Pauli verba narrantis quid facere soierent, qui Ioannem audiebant; non Lucæ narrantis, quid fecerint Ephesii, qui Paulum audierant. Hæc expositio à multis doctissimis viris valde probatur, Kemnitio, Beza, Selnécero, ut taceam alios: & hi vrgent particulas *μὲν* & *δὲ*, *Ἰωάννης μὲν*

*ἐβάπτισεν; οἱ δὲ ἀκούοντες*: & Beza ait, particulam *δὲ*, quæ responderet particulæ *μὲν*, nullo modo pati, ut hæc Lucæ verba esse dicamus: in quo tamen vir doctissimus multum profecto fallitur. Nihil est in verbis, cur non æque esse Lucæ ac Pauli verba existimemus: nam quod ad particulas illas Græcas attinet, *μὲν* & *δὲ*, sæpius in Scripturis legitur & *μὲν* sine *δὲ* subsequente, & *δὲ* sine *μὲν* præeunte: utriusque generis exempla passim occurrunt. Locus huic plane similis habetur Act. 11. *ἀκούοντες δὲ τῶντα ἠκούχασαν*, & tamen *μὲν* non præcesserat. Et certe si hæc ratio alicuius fuisset momenti, miror non fuisse animaduersam à Græcis Patribus, Chrysostomo, Oecumenio, & aliis. Bellarminus fateatur hanc expositionem esse argutam, sed ait nec piam, nec probabilem esse: tamen ille nullam probabilem rationem contra affert, nam duæ illæ, quas profert, rationes non euincunt illud, quod vult, ut ex illarum examinatione patebit.

*Prima* eius ratio est, aut Paulum non bene rem narraſſe, aut populum bis à Ioanne baptizatum esse: nam ait Paulum primo dicere, Ioannem baptizasse populum, secundo addere, eundem Ioannem baptizando monuisse populum, ut crederent in Christum venturum: si ergo verba (*His auditis baptizati sunt*) pertinent ad populum, cui loquebatur Ioannes, sequeretur eum populum bis baptizatum à Ioanne, aut certe Paulum non

bene rem illam narrasse: quorum utrumque, inquit, absurdum est. *Respondeo*: hoc mere nugatorium esse. Nam Paulus primo docet, qualis Ioannis Baptismus fuerit, nempe Baptismus relapscentiæ & fidei in Christum venturum; & tum narrat, (si verba sequētia Pauli sint) ut eum perceperint ii, qui Ioannem audiebant: non sic; Ioannes primum baptizavit, tum de Christo instituit, & tum audientes denuo baptizati sunt. Hoc est mere calumniari, dicere Ioannem primo baptizasse, antequam instituisset, & tum postquam instituisset, iterum baptizasse.

Sed *secunda* Bellarmini ratio contra hanc expositionem hæc est: vel illi duodecim sunt iussu Pauli baptizati Baptismo Christi, vel non: si baptizati sunt, est id, inquit, quod nos contendimus: si non, quorsum, inquit, illa Pauli narratio? non enim alia de causa monuit Paulus, Ioannem prædicasse Christum, nisi ut à Ioanne baptizati intelligerent, esse necessarium præterea Christi Baptismum. *Respondeo*: nullam esse vim in hac consequentia; Paulus narrat quomodo Ioannes baptizavit in Christum venturum: ergo significat necessarium esse Christi Baptismum iis, qui à Ioanne baptizati sunt: nam dico hanc potuisse esse causam, cur Paulus ista narraret, nempe ut Ioannis Baptismum commendaret, & verum Baptismum esse doceret, ut qui eo baptizati essent, non alium desiderarent. Certum igitur est,

Bellarminum non potuisse probabiliter refutare hanc expositionem; quam ego tamen, utcumque facilis videatur, non possum amplecti, nec in ea acquiescere. Sed rationem afferam his Bellarminianis meliorem & probabiliorem. Scriptura enim ait, hos duodecim fuisse baptizatos *eis τὸ ὄνομα τῆς Κυρίας Ἰησοῦ*, in nomen Domini Iesu: *Act. 19. 4.* at hoc modo non baptizavit Ioannes, quia cœpit baptizare antequam nomen Messiae norat; nesciebat eum esse Iesum illum, tantum in Messiam seu Christum venturum baptizabat. Vnde sic disputamus; Scriptura ait Ioannem nescisse Christum, donec Christus ad eum baptizantem venit; quod non fuit statim: multos ergo ante baptizarat, ut ex Evangelio patet: cum ergo Ioannes adhuc nesciebat nomen Messiae, quomodo potuit in nomen Domini Iesu baptizare? Nam Ioannes baptizabat non nisi in nomen venturi, ut ex versu quarto patet: Paulus autem hoc de Christo Iesu exponit, qui mox aderat: hic erat ille venturus, sed Ioannes nescit esse Iesum filium Mariæ. Sinam ego alios ista prima expositione frui; sed omnibus circumstantiis expensis eam fateor mihi omnino minime satisfacere, & miror eam nunquam esse ab aliis antehac perspectam.

*Secunda* expositio est doctissimi Caluini, qui hunc locum de Baptismo metaphorice sumpto, id est, de missione extraordinaria & mira-

miraculosa Spiritus Sancti interpretatur, in posteriori parte; in priori vero parte Baptismi nomen proprie sumi vult. Ioannes quidem baptizavit: hunc esse proprium Baptismum ait; sed quod mox sequitur. *Qui vero audierunt, baptizati sunt in nomen Domini Iesu*, de Baptismo Spiritus, id est, de miraculosa effusione donorum Spiritus Sancti intelligit: & manifestum est sic sumi nomen Baptismi sæpe. Bellarminus vocat hanc fœdam æquiuocationem intra paucas lineas. Sed hoc non inulitatum est in Scripturis, ut vnum idemque vocabulum in eadem verborum complexione æquiuoce sumatur. Nam cum Ioannes Baptista ait, *Ego baptizo vos aqua; ille Spiritu & igni baptizabit*, non eodem modo sumitur utrobique vocabulum baptizandi: alius enim aquæ Baptismus, alius ignis: sic cum Paulus ait, *Quid facient qui baptizantur pro mortuis, si omnino mortui non resurgant?* non eodem modo mortui utrobique intelliguntur: similiter cum Christus ait, *Sine ut mortui sepeliant mortuos suos*: non est igitur hæc sufficiens Bellarmini exceptio. Sed tamen nec istam expositionem probare possum, quia tum erit manifesta hoc in loco tantologia. *Baptizati sunt in nomine Domini Iesu*, id est, ut vult Calvinus, perfusi sunt donis miraculosis, loquuti sunt linguis, & prophetarunt; talis enim fuit Baptismus ignis: at Lucas statim subiungit, *Kαὶ ὁ Ἰησοῦς ὁ αὐτοῖς τὸ Πάυλος*

*τὰς χεῖρας, ἦλθε τὸ πνεῦμα τὸ ἅγιον ἐπ' αὐτούς, ἐλάλην τε γλώσσας, καὶ παρεφύτλον*, Et cum imposuisset eis manus Paulus, venit Spiritus Sanctus in eos: & loquebantur linguis & prophetabant: ubi indicat Lucas, prius fuisse baptizatos, tum iis manus impositas esse, ut dona Spiritus Sancti acciperent; & non obscure ista ut res diuersæ narrantur: alias dixisset Lucas non καὶ, sed καὶ, si hic versus ἐξήγησιν contineret præcedentis. Quare querendam censeo aliam adhuc expositionem, quæ minus calumniis Aduersariorum sit exposita.

*Tertia* igitur expositio est eorum, qui putant in utroque loco verum & proprium Baptismum intelligi, & volunt hos duodecim fuisse baptizatos Ioannis Baptismo, & tamen iterum iussu Pauli baptizatos fuisse. Sed causa huius rebaptizationis non eadem ab omnibus affertur.

Nam *primo*, quidam purant, omnes à Ioanne baptizatos quantumvis legitime, post Evangelii promulgationem iterum baptizari debuisse, quia etsi erat verus Baptismus, tamen non eadem forma verborum per omnia administrabatur, qua Christi Baptismus. Christus enim præscripsit hanc formam, *In nomine Patris, & Filii, & Spiritus Sancti*: Ioannes autem non sic baptizavit, sed tantum in nomine venturi. In re & substantia Baptismi nihil interfuit inter Ioannis Baptismum & Christi: sed quia tamen credentes sic baptizati Christus iussit putant

οπορ-

Matth.  
3.11.

1 Cor. 15.  
29.  
Luc. 9.  
36.

Matth.  
28.19.

Act. 19. 6.

2.  
Caluin.  
instit. l. 4.  
cap. 9. 28.



oportuisse omnes à Ioanne baptizatos, iterum baptizari. Sic Lutherus, Melancthon, Ochinus: atque isto modo facilis expositio loci est; nam & noua baptizatio statuitur, quam verba non obscure indicant, & nihil tamen Ioannis Baptismo derogatur, quia non in substantia, sed in circumstantiis tantum à Christi Baptismo differre dicitur; ut nec hoc detrahit de dignitate Circumcisionis & Agni Paschalis, quod qui illorum Sacramentorum veteris Testamenti participes fuissent, postea baptizati sunt, & cœnam Dominicam sumpserunt. Neque hinc Anabaptistæ aliquid ad suum errorem stabiliendum colligere possunt, quia Baptismus ea forma datus, quam Christus præscripsit, nullo modo iterandus est: sed Ioannis Baptismus etsi pia quidem forma, non tamen illa administratus est. Vetera Sacramenta ad Christum venturum referebantur: & quanquam vi ac efficacia eadem cum nostris fuerunt, tamen Christo iam exhibito, iis Sacramentis vtendum, quæ Christus instituit: sicut si Ioannis Baptismus idem re fuit cum Christi Baptismo, tamen quia in Christum venturum dabatur; postquam Christus venerat, & peregerat id, cuius gratia venerat, necessarium videretur fuisse, percipere Baptismum, qui procuratæ salutis Sacramentum erat. Ira hi duodecim, quia non baptizabantur in nomine Trinitatis, sed in venturum tantum, Baptismum repetebant, ut & confes-

sionem Trinitatis manifestam e-derent, & Christum Messiam esse, mortuum esse, & resurrexisse agnoscerent. Nolim ego hanc sententiam damnare, neque tamen eius author ero: sed non video quid possit probabiliter afferri & dici contra illam. Et hanc Bellarminus inter suas decem expositiones non commemorat, cum tamen ignorare non potuerit, eam à viris sane doctissimis teneri ac defendi: certe puto consulto prætermisisse, quia non potuit solido aliquo argumento refutare.

*Secundo*, quidam putant hos duodecim fuisse quidem baptizatos Ioannis Baptismo, sed non legitime; forsan ab aliquo Ioannis discipulo *καὶ ἑνὶ τῷ* quadam: idque ex eo colligunt, quod aiunt hi duodecim se nescire, an sit omnino Spiritus Sanctus. Ioannes non potuit Spiritum Sanctum ignorare, quem in forma columbæ viderat descendentem in Christum; nec dubium est, quin suos instituerit, quam plene potuit: inde hos non fuisse rite baptizatos existimant aliqui Ioannis Baptismo, sed adulterino aliquo Baptismo à discipulis quibusdam Ioannis; & ideo iterum fuisse baptizatos, quia non satis recte de Trinitate instituti fuerant. Et hæc quidem non recens nota sententia est: habet enim magnos authores, & eos quidem etiam ex Patribus antiquis nonnullos. Sic enim Hieronymus: *Quicumque credere se dicit in Christum, non credens in Spiritum Sanctum, perfecta fidei oculos*

non

non habebit. Vnde & in Actibus Apostolorum, qui baptizati erant Baptismate Ioannis in eum qui venturus erat, hoc est, in nomine Domini Iesu; quia responderunt Paulo interroganti; Sed ne si sit quidem Spiritus Sanctus novimus, iterum baptizantur, imo verum Baptisma accipiunt, quia sine Spiritu Sancto & mysterio Trinitatis, quicquid in unam & alteram personam accipitur, imperfectum est. Vbi diserte ait, hos fuisse iterum baptizatos, quia professi sunt se nescire Spiritum Sanctum. Nam in Baptismo fidem Trinitatis profiteamur: non ergo legitimus adutorum Baptismus est nisi cum confessione aperta Trinitatis. Sic Ambrosius ait, hos duodecim Paulum Apostolum in Trinitatis nomine baptizari præcepisse, quia in adulterino Baptismate sub nomine Baptismi Ioannis fuerant non tincti, sed sordidati. Non ergo hunc fuisse verum Baptismum Ioannis existimavit Ambrosius: ex quo videtur sequi, si verus Ioannis Baptismus, non adulterinus fuisset, non debuisset repeti. Idque adhuc apertius alibi idem Ambrosius declarat; Illi qui negauerunt se scire Spiritum Sanctum, quamvis baptizatos se dicerent in Ioannis Baptismo; baptizati sunt postea, quia Ioannes in remissionem peccatorum, in aduenientis Iesu, non in suo baptizauit nomine. Et ideo Spiritum nesciebant, quia nec Baptismum in Christi nomine, sicut Ioannes baptizare solebat, acceperant. Ioannes enim licet non baptizaret in Spiritu, tamen & Christum prædicabat & Spiritum. Vbi duo dicit Ambrosius: Primum est, Ioannem bapti-

zasse in remissionem peccatorum in nomine aduenientis Christi: restat igitur hæc forma Baptismi fuit; & sic refellit Ambrosius Bellarminum, qui negat Ioannem baptizasse in nomine Christi, aut vllis omnino verbis vsum esse. *Secundum*, hos duodecim non accepisse Baptismum in Christi nomine, sicut Ioannes solebat baptizare: ita non verum hunc Ioannis Baptismum, sed adulterinum quendam fuisse. Sic Ambrosius aperte ait, hos duodecim non habuisse verum Baptismum Ioannis, & hanc fuisse causam, cur à Paulo iussi sunt baptizari. Quare ineptum est quod ait Bellarminus, Ambrosium non dicere, si habuissent verum Baptismum Ioannis, non iterum debuisse baptizari: nam ait, quia nesciebant Spiritum Sanctum, quem non ignorassent, si verum Ioannis Baptismum habuissent, ideo fuisse baptizatos. Atque hoc adhuc planius apparet ex eo quod sequitur: addit enim ibidem Ambrosius paulo post, Ergo isti, quia nec in Christi nomine, nec cum fide Spiritus Sancti baptizati fuerant, non potuerunt accipere Baptismi Sacramentum: baptizati sunt itaque in nomine Iesu Christi; nec iteratum est in his Baptisma, sed novatum: & plura adhuc in eandem sententiam subiungit; sed ista sufficere possunt. Præterea etiam ipse Augustinus ait, in l. de v. potuisse fieri, ut hi duodecim, se Ioannis Baptismo tinctos fuisse mentiti sint; & addit hoc multis visum esse. Et certe similiter etiam Petrus Lombardus, Magister Sententiarum in 4. d. 2.

Rr rum

rum ( sic enim vocatur ) de his duodecim scribit: hos scilicet, quia non baptizabantur in Christi nomine, nec cum fide Spiritus Sancti, baptizatos postea fuisse Baptismo Christi: sed Magistrum hoc loco omnes fere discipuli præter Alexandrum Halesium deseruerunt, & non sequuntur, nec tamen causas dissentendi iustas afferunt. Facit vero Lombardus duo genera eorum, qui à Ioanne baptizati sunt: alios ait spem non posuisse in Baptismo Ioannis, & Patrem, & Filium, & Spiritum Sanctum credidisse; & hos non iterum baptizatos esse, sed impositione manuum ab Apostolis super eos facta, Spiritum Sanctum recepisse: alios nescisse esse Spiritum, & in Baptismo Ioannis spem posuisse; & oportuisse tales iterum baptizari: huiusmodi vero fuisse hos duodecim. Non ergo nos huius opinionis auctores sumus; quæ mihi certe verissima omnium videtur; & eam etiam doctissimus

Bucer. in Bucer. in  
Matth. c. hanc expositionem mihi maxime placere, tum quia non affert vim  
3. absurditatem; tamen harum duarum causarum, (de quibus diximus) cur hi duodecim baptizati nunc iussu Pauli fuerint, utra verior sit, aliis diiudicandum relinquo. Restat nunc

ut nostram de Ioannis Baptismo doctrinam confir-

memus.

\*\*

## C A P V T V.

*In quo probatur, Ioannis Baptismum eundem quoad substantiam cum nostro fuisse.*

**I**AM nos Ioannis ministerium, quod in primis honorificum fuit, ab Aduersariorum calumniis vindicemus. Nihil enim magis profanum de Ioannis Baptismo cogitari potest, quam inanem cæremoniā, id est, merum ludibrium fuisse. Missus Ioannes est, ut baptizaret, & tamen nihil contulit eius Baptismus, sed perinde fuit, ac si quis in flumine se lauaret: Absit. Ostendamus igitur, fuisse Ioannis Baptismum eundem cum nostro, quod attinet ad materiam & formam, & effectum etiam, etsi in circumstantia quadam differant, id est, doceamus Ioannis Baptismum fuisse symbolum & sigillum gratiæ diuinæ, quemadmodum noster Baptismus est, ut qui iis animis ad eum Baptismum accesserint, quibus oportuit, non aqua tantum, sed etiam donis cælestibus perfusi discesserint.

*Primum* nostrum argumentum est huiusmodi: Si doctrina eadem, gratiæque oblatio eadem, & ritus idem, in Ioannis Baptismo & Christi fuerint, nihilque in his diuersum fuit; tum Ioannis Baptismus eandem vim habuit cum Christi Baptismo. Consequentia certa est, nec Bellarminus valde con-

contradicit: ait tamen doctrinæ similitudinem non probare Baptismum similem fuisse, quia hæretici habent vera Sacramenta, qui non habent veram doctrinam. Sed respondeo primo, Qui veram doctrinam eandem habent, & Sacramento utuntur, quod Deus instituit, illi verum quoque Sacramentum habent. Non sequitur, quia qui falsam doctrinam habent, possunt habere verum Sacramentum, ergo qui veram doctrinam habent, posse eos non habere verum Sacramentum: necesse enim est, Sacramentum eiusdem generis esse cum doctrina, si sic administratur, ut Deus præcepit: at Ioannes ut in doctrina, ita in Sacramento nihil suum habuit. Et tamen meminisse debuit Bellarminus, quamuis sint Sacramenta & quoad materiam & quoad formam, quæ ab hæreticis administrantur, non prodesset tamen hæreticis, dum sunt hæretici, nec illis esse sigilla gratiæ, donec ad fidem veniant.

*Secundo*, consequentia non à doctrina tantum, sed ab oblatione gratiæ, & ritus similitudine deducitur: ubi non tantum eadem est doctrina, sed & eadem gratiæ oblatio, & idem ritus; ibi necesse est idem Sacramentum esse. Ita enim Calvinus argumentum instituit; nihil dissimile aut diuersum est in Ioannis Baptismo & nostro in his tribus: ergo Baptismus Ioannis idem fuit cum nostro. Iam ergo de antecedente quid respondeat Bellarminus, videamus. Antecedens negat, & primo de doctrina

na agit. Ait non fuisse eandem doctrinam Ioannis & Christi, nisi in eo sensu, quod nihil contrarium docuit Ioannes Christo: nam Ioannes, inquit, nihil docuit de resurrectione Christi, imo etiam ne-<sup>Ioan. 1. 29.</sup> que expresse de passione. Respondeo: At Ioannes vocauit Christum Agnum Dei. Sed Bellarminus anteuertit hunc locum, & ait hoc potuisse referri ad Christi innocentiam & mansuetudinem. Respondeo: Si dixisset Ioannes tantum, *Ecce Agnus*, aliquid respondisset Aduersarius: at non ait tantum, *Ecce Agnus*, sed, *Ecce Agnus Dei*, id est, quem Deus ab initio destinauit. Sed verba sequentia planius adhuc hoc declarant, *qui tollit peccatum mundi*: Loquitur ergo Ioannes de Christi sacrificio aperte, quia non modo ait illum esse Agnum, & Agnum quidem Dei, sed & addit, quod Bellarminus omittit, *qui tollit peccatum mundi*. Christus vero non innocentia sua tantum & mansuetudine, sed obedientia usque ad mortem sustulit peccata nostra: licet enim maxime innocens & purus fuisset, non sustulisset peccata nostra, nisi mortem obisset. Quanquam si nihil aliud dixisset Ioannes, nisi *Ecce Agnus Dei*, eum occidendum significasset, id quod agni omnes indicabant; & alludit ad agnos sub Lege occisos, quierant omnes typi mortis Christi: hunc ergo voluit significare esse agnum Dei, & verum agnum, cuius illi typi fuerant: sed quod addit, *qui tollit peccatum mundi*, aperte declarat eum de eius

Rr 2

hostia

Calvin.  
in antido-  
to inquit.  
ubi supra.



hostia seu victima locutum, quia Christus morte peccatum sustulit. Non ergo Ioannes aut ipse ignoravit, aut discipulos suos non instituit de morte Christi, quaremissio peccatorum & salus continetur: & sic consequenter de resurrectione docuit, non enim sustulisset Christus peccatum, nisi resurrexisset, ut ait Apostolus. Si clariora hæc postea fuerunt; tamen nihil Apostoli ad substantiam & genus doctrinæ addere potuerunt. Quare Scriptura ait, Ioannem docuisse ut crederent in Christum: vera autem fides in Christum, non modo mortem, sed & resurrectionem Christi complectitur: sicut enim Ioannes ait, *ὁ πιστεύων ἐν τῷ υἱῷ, ἔχει ζωὴν αἰώνιον*, *Qui credit in Filium, habet vitam æternam*: Ioannes ergo docuit suos credere in Christum, & eam fidem docuit, qua vitam æternam homines consequi potuerunt: hæc ergo fides cum solida Euangelii doctrina coniuncta fuit. Imo de Christi ascensione & regno docuit: nam ait, *ὁ πατὴρ ἀγαπᾷ τὸν υἱόν, καὶ πάντα δέδωκεν ἐν τῇ χειρὶ αὐτοῦ*, *Pater diligit Filium, & omnia dedit in manum eius*; quod idem est cum eo, quod Christus ipse de se alibi ait, *Data est mihi omnis potestas in cælo & in terra*: hanc hæreditatem adiit Christus post ascensionem: plena ergo Ioannis doctrina fuit. Præterea Christus ait, eum fuisse amplius quam Prophetam: at Prophetæ omnes, Dauid, Isaias, Ieremias, & reliqui, norunt mortem & resurrectionem Christi, & eadem etiam docuerunt: & addit

1. Cor. 15.  
17.

Ioan. 3.  
36.

Ioan. 3. 35.

Matth.  
28. 18.

Matth.  
11. 9. &  
12.

Christus paulo post regnum cælorum vim perpeßum esse à tempore Ioannis Baptistæ, & violentos rapuisse illud: qui ergo Ioannis doctrinam amplexi sunt, si cælestis regni ciues facti sunt: quod sine fide in mortem & resurrectionem Christi fieri non potuit. *Secundo*, quod ad ritum attinet, ait similitudinem tantum fuisse in materia utriusque Baptismi, idque se supra ostendisse. *Respondeo*: At nos illum errare supra ostendimus. Nam *primo*, non ausus fuisset Ioannes novum aliquem ritum instituire: satis novit ritus humanos in religione & cultu Dei iniustos esse Deo, & Phariseos offendisse Deum traditionibus suis: at Ioannes ipse in eodem vitio fuisset, si suum ritum adhibuisset sine autoritate Dei. *Secundo*, Thomas diserte ait, ritum ipsum, quo usus est Ioannes, fuisse à Deo: non ergo fuit à Ioanne excogitatus, ut vult Bellarminus.

II.

I.

2.  
Thom. in  
3. 9. 38.  
art. 1.

III.  
A. 19. 4.

*Tertio*, Scriptura testatur, Ioannem baptizasse in nomen venturi: non ergo modo aquam adhibuit, sed & eodem ritu usus est, & eadem forma quoad substantiam, qua nos utimur, licet non iisdem verbis, quibus nos. Et sic Doctores Scholastici non modo aiunt Ioannem in hac forma baptizasse, sed hinc etiam colligunt, fuisse in eius Baptismo remissionem peccatorum, ut nos postea docebitur.

*Quarto*, res mere ridicula fuisset, tot hominum millia baptizare, si nullus eius Baptismi fructus ad animam

IV.

mam redundaret: quorsum enim populus in solitudinem confluxit? an ut Ioannes tantum illorum corpora laueret? si non aliam ob causam, tum certe non plus fructus ex Ioannis Baptismo perceperunt, quam ex communi aliquo balneo, in quo corporum sordes facile abluere potuerunt. Quare non dubium est, & Ioannem persuasisse populo, & populum credidisse, Baptismum eius profuturum ad animæ salutem. Non alio ergo ritu quoad rem baptizavit Ioannes, quam quo Christi Baptismus administratur. Iam ad tertiam partem antecedentis veniamus, quæ est de oblatione gratiæ. In hac etiam nihil interesse dicimus inter Ioannis Baptismum & Christi, quia uterque in pœnitentiam & remissionem peccatorum baptizavit. Bellarminus ait hoc falsum esse, quia Christi Baptismus nusquam dicitur Baptismus pœnitentiæ. *Respondeo*: At est & dicitur Sacramentum & pœnitentiæ & remissionis peccatorum. Quid enim aliud ritus ille immersionis significat, nisi nos mori peccatis nostris, & sepeliri cum Christo? quorum utrumque in Baptismo nostro significari Apostolus etiam docet, *An ignoratis, nos quotquot baptizati sumus in Christum Iesum, in mortem eius esse baptizatos? Sepulti igitur sumus una cum eo per Baptismum in mortem: ut sicut excitatus est Christus ex mortuis in gloriam Patris, ita & nos in nova vita ambulemus*. Morimur vero peccatis per pœnitentiam: quem enim vere pecca-

Rom. 6. 3.  
4.

torum suorum pœnitet, is peccatis suis moritur. Deinde emersio ex aqua & ipsa ablutio significant remissionem peccatorum, & resurrectionem à peccatis. Absurdissimum ergo est negare, Baptismum Christi esse Baptismum aut pœnitentiæ, aut remissionis peccatorum. Et Apostolus Petrus Bellarminum refellit, cum eos qui baptizandi erant nostro Baptismo in hunc modum alloquitur, *Resipiscite, & baptizetur unusquisque vestrum in nomine Iesu Christi, in remissionem peccatorum*: hic aperte fit mentio & pœnitentiæ & remissionis peccatorum in Baptismo Christi. Sed ait Bellarminus, non hic dici, Baptismum Christi esse Baptismum pœnitentiæ. Quid tum, quæso? scilicet, inquit, requiri pœnitentiam, ut dispositionem ante ipsam Baptismum. *Respondeo*: Sic etiam pœnitentia in Ioannis Baptismo requirebatur: Ioannes enim primum prædicavit in hunc modum, *μετανοείτε, ἡ γὰρ βασιλεία τῶν ἐφ' ὑμῶν*, *Resipiscite: appropinquavit enim regnum cælorum*; utitur eodem verbo, quo Petrus: & tum eos, quos peccatorum suorum pœnituit, ad Baptismum suum admisit, non eos, qui obstinati erant peccatores. Hinc enim acris illa reprehensio & exagratio Phariseorum, quorum ingenia ille satis probe norat: hic cum sine pœnitentia & eius fructibus ad Ioannis Baptismum accederent, eos acriter in hunc modum perstringit, *Progenies viperarum, quis vobis pramonstravit, ut fugeretis à*

A. 2. 38.

Matth. 3.

2.

Matth. 3.

Rr 3

futura

futura ira? Ferte igitur fructum dignum iis, qui resipuerint: quasi diceret, Vos ad meum Baptismum acceditis, & tamen non mutatis animum? aut resipiscite, & fructus resipiscen-  
 tia dignos proferte, aut nolite ad meum Baptismum accedere. Quare quod Bellarminus ait, pœnitentiam contratio modo se habere in Baptismo Christi & Ioannis, quia Ioannis Baptismum sequebatur, ut eius effectus, Christi vero Baptismum præcedit, ut dispositio; apertissime cum Scriptura pugnat. Nam Ioannes prædicabat pœnitentiam, non verbis modo, sed ipso habitu, vitæque instituto: lamentatus est illis, sed illi non fleuerunt: ergo voluit ut agerent pœnitentiam, quicumque ad eius Baptismum accesserunt: & tum eos tantum, qui confitebantur peccata sua, baptizauit: sicut enim legimus, eos qui baptizabantur confessos esse peccata sua: neminem ergo baptizauit, nisi qui prius peccata sua confiteretur: at confessio pars pœnitentiæ est: ergo Baptismum præcessit: fuit ergo Baptismus Ioannis Baptismi pœnitentiæ & remissionis peccatorum. Bellarminus ait, Baptismo Ioannis nusquam tribuit remissionem peccatorum: at Scriptura prura diserte ait, Ioannem prædicasse Baptismum resipiscen-  
 tia ad remissionem peccatorum. Sed ait Bellarminus, non fuisse hunc proprium & immediatum effectum Baptismi Ioannis. Respondet: Sic nec Baptismi Christi est proprius & immediatus effectus: est enim effectus

Matth.  
11 17.

Matth. 3.  
6.

Marc. 1. 4.

pœnitentiæ, non Baptismi, nisi ut symboli: pœnitentia enim & fides est parens remissionis peccatorum, quæ Baptismo obsignatur. Bellarminus Baptismo nostro ex opere operato remissionem peccatorum tanquam effectum suum tribuit. Sed hoc ex Scripturis probari non potest; nam nulli adulti baptizati leguntur, nisi qui peccata antea confitebantur: vera autem confessio peccatorum à remissione nunquam separatur. Et non modo remissio peccatorum, sed & gratiæ Spiritus Sancti quibusdam datæ leguntur ante Baptismum, ut Cornelio & cognatis eius audientibus Petrum, qui omnes Spiritum Sanctum acceperant, antequam baptizati sunt: non est ergo remissio peccatorum effectus proprius Baptismi. Ita Ioannes baptizabat pœnitentes in remissionem peccatorum, id est, ut hoc symbolo remissionem peccatorum illis obsignaret. At hic secum pugnat Bellarminus: ait enim his verbis, quibus Euangelista ait, Ioannem prædicasse Baptismum resipiscen-  
 tia in remissionem peccatorum, remissionem peccatorum tribui non Baptismo, sed pœnitentiæ; & hoc quidem verum est: illis ergo, qui ad Ioannis Baptismum cum pœnitentia accesserunt, remissa sunt peccata: quare cum statim facit hunc sensum verborum; Ioannes prædicabat Baptisma pœnitentiæ, id est, quod indicabat & inuitabat ad pœnitentiam, ut in Christi Baptismo remissionem

Act. 10.  
44.

Marc. 1. 4.

sionem peccatorum consequerentur, pugnancia loquitur. Vult enim remissionem peccatorum esse proximum & immediatum effectum Baptismi Christi: cur ergo dicit ex Tertulliano, Augustino, & Gregorio, hæc referri ad Baptismum Christi, & tamen antea dixerat his verbis remissionem peccatorum tribui non Baptismo, sed pœnitentiæ? Sed Ioannes non modo inuitabat ad pœnitentiam, sed & nullos admisit ad suum Baptismum, nisi quos peccatorum suorum pœniteret: nam baptizabat confitentes peccata sua. Hæc vera pœnitentia si non in omnibus fuit, at in multis: erant procul dubio hypocritæ multi, ut etiam inter eos, qui ad Baptismum Christi accedunt, sed multi veram pœnitentiam egerunt, ideoque remissionem peccatorum consecuti sunt. Nam pœnitentia & confessio peccatorum sine fide remissionis peccatorum, est ministerium mortis, & reſethnica: de Ioannis vero Ministerio tale aliquid cogitare, insanum est. Longe aliter Christus, qui ait populum totum, & publicanos, qui baptizati fuerant Baptismo Ioannis, iustificasse Deum, id est, Deum laudasse, eique gratias egisse: quod arguit illos fuisse participes doni alicuius spiritualis, etiam per Baptismum Ioannis. Sed Pharisei interim ab eo non baptizati consilium Dei reiecerunt aduersus semetipsos: at quod scelus erat, contemnere nudam ceremoniam, vacuum gratiæ?

Luc. 7. 29.  
30.

Nam si Ioannis Baptismus non nisi prouocatio & inuitatio fuit ad pœnitentiam, quid opus erat Baptismo? satis fuisset verbo & prædicatione hortari ad pœnitentiam: sed dabantur dona Dei hoc Baptismo, ut Ioannes ipse ait, Ex plenitudine ipsius omnes accepimus, etiam gratiam pro gratia. Sequuntur apud Bellarminum quædam Kemnitij argumenta, quæ non omnia probant, fateor; ego ea tantum attingam, quæ causam probant.

Ioan. 1.  
16.

Secundum nostrum argumentum sic se habet: Ea est suauissima consolatio omnium Christianorum, quod vnum & eundem Baptismum cum Christo capite suo habeant: at non haberent, nisi Ioannis Baptismus idem fuerit cum nostro; quia Christus non alium Baptismum quam Ioannis habuit. Bellarminus dupliciter respondet: primo indirecte calumniando. Postquam enim dixisset, Baptismum Christi tribui non posse ipsi Christo sine eius iniuria & contumelia; quia cum sit laucrum regenerationis & adoptionis filiorum, si is Christo tribueretur, videretur indignis regeneratione & adoptione, cum sit natura Dei filius, & ab ipsa conceptione sanctissimus: ait nos forsan cum Lutheri dicturos, Christum in se sanctum fuisse, tamen ratione peccatorum nostrorum, quæ in se suscepit, fuisse furem, latronem, homicidam, denique maximum peccatorem totius mundi; & sic indignis Baptismo in remissionem pec-

Luther. in  
Gal. c. 3.  
& in homil. de  
Baptismo.



peccatorum præ omnibus hominibus, quia propter omnes homines: at ait hæc omnia esse meras blasphemias in Christum. *Respondeo*: Illud observandum est, Lutherum dicere, Christum in se sanctum & innocentem fuisse; quod & omnes pii fateri debent, & contrarium sentire, Diabolica blasphemia esset, imo ipsi dæmones Christi sanctitatem prædicabant, cum ei vnus illorum dixerit, *Nouite quis sis*, nimirum *Sanctus ille Dei*: qui ergo hoc in dubium vocat, is omnia fidei fundamenta conuelit: nam Christi innocentia & perfectissima obedientia est nostra iustitia. Sanctus autem Christus est, & sanctificatione Spiritus Sancti ab vtero, & impletione Legis, contra quam nihil commisit, ita ut in eo omnes sanctitatis numeri absoluti fuerint. Sed quia Christus vas noster fuit, & personam nostram suscepit, necesse fuit ei imputari peccata omnium electorum, ut eorum debitam pœnam perferret. Et certe necesse est, peccata nostra, cum nobis non imputentur, alteri alicui imputari, si modo illorum remissionem consequi velimus: cui autem nisi Christo imputarentur, qui illorum & pœnam luit, & culpam sustinuit? Sed Bellarminus ait, Non dicitur fur, qui soluit debitum, quod fur debebat, sed qui furatur rem alienam. *Respondeo*: Quasi necesse sit vocare Christum furem: fugiendæ sententiæ sunt, quæ offensionem potius quam ædificationem pariunt. Sed Lutherus voluit, furum

omnium furta, quos furorum suorum pœnituit, in Christum reiecta, ab eo esse expianda. Et Christus non modo restituit, quod fures abstulerant, sed & pœnam his debitam tulit: quis autem pœnam furti patitur, nisi qui aut fur ipse est, aut furis personam sustinet, etsi ipse innocentissimus & sanctissimus sit? nos enim Christus non auro, aut argento, sed sanguine precioso suo redemit, statum nostrum subeundo, & pœnam nostram perferendo: non pertulisset autem pœnam nostram, nisi ei peccata nostra imputata fuissent: mors enim in neminem grassatur, nisi ratione peccati; nedum in Christum, qui natura Deus est. Atque hoc quod Lutherus dixit, idem est cum eo quod Nazianzenus habet, τὸ ἐμὸν αὐτοῦ πικρὸν εἶναι ποιεῖται, ὡς κεφαλὴ καὶ σώματος, *Nostram inobedientiam fecit suam, ut qui est caput corporis: & post ait, τὴν ἀφροσύνην ἡμῶν καὶ τὸ πλημμελὲς οἰκεῖται, nostram insipientiam & iniquitatem fecit suam*: atque huc accommodat vocem illam Christi in cruce, *Deus meus, Deus meus, cur me dereliquisti?* tum enim Christus nostram personam sustinuit, & vult Nazianzenus de se Christum in nostra persona hæc locutum esse. Sed hæc Bellarmini παρεκβολή, id est, digressio fuit, qua Lutheri sanctissimam & solatii plenissimam doctrinam in odium vocare voluit: nam directa eius responsio, quam nos secundam eius responsionem facimus, ea est, quam diximus, nempe, non posse Baptismum Christi tribui Christo sine eius

eius iniuria, quia sic videretur Christus indigere regeneratione & adoptione. *Respondeo*: Etsi Christus non erat peccator, tamen naturam suscepit in genere suo peccatricem; atque ideo baptizari voluit, quasi ipse peccator fuisset. Nec magis iniuriosum Christo est, quod nostrum Baptismum, quam quod Circumcisionem suscepit, quæ Sacramentum fuit remissionis peccatorum, ut noster Baptismus est: tamen circumcidi Christus voluit, ut in Ecclesiam hoc ritu aggregaretur, etsi Circumcisione non indiguit, quia peccatum nullum habuit: etiam Agnum Paschalem ex more comedit, qui fuit liberationis & potestate Satanz Sacramentum: & Christus etiam Eucharistiam, quæ est Sacramentum noui Testamenti, vna cum Apostolis accepit, & hoc Sacramentum est remissionis peccatorum per sanguinem Christi: Christus autem non indiguit redemptione vlla: ergo non magis iniuriosum fuit Christo baptizari Baptismo suo, quam percipere Eucharistiam suam, aut Circumcisionem accipere, aut Agnum Paschalem comedere. Et Bellarminus non habet, quod respondeat, nisi in hunc modum, Quicquid de hoc sit, magis gloriosum fuit Christo, non accipere suum Baptisma, quam accipere: sed nullam potuit rationem asserere, cur min⁹ illi gloriosum fuit, suo Baptismo baptizari, quam aut suam Eucharistiam sumere, aut circumcidi, & Agnum Paschalem comedere. Est ergo verissimum argumentum; Christus voluit percipere

Sacramenta noui Testamenti ad nostram consolationem, ut se nobiscum sociaret, nobisque præiret, quemadmodum & veteris Testamenti Sacramenta accepit, ut illam etiam Ecclesiam pro sua agnosceret: ergo magno nos solatio priuant, qui negant Ioannis Baptismum, aut verum Baptismum, aut eundem cum nostro Baptismo fuisse. Atque hoc est, quod Ioannes recusauit Christum baptizare, quia, Christus qui esset, nouit, & cum non indigere Baptismo nouit: at si non fuisset eius Baptismus Sacramentum remissionis peccatorum, si nihil in eo gratiæ, nihil regenerationis fuisset, nulla fuit causa aut recusandi aut prohibendi: Christus igitur ad Ioannis Baptismum venit, ut eum Baptismum sibi placere testaretur, ut exemplo suo eum Ecclesiæ suæ commendaret, ut eum vsui nostro sanctificaret, utque nos esse populum eius intelligeremus. Quemadmodum enim utebatur Circumcisione & Paschate, quæ Ecclesiæ Iudaicæ in vetere Testamento Sacramenta erant, ut illam Ecclesiam ad se pertinere ostenderet: sic & nostris, uti voluit Sacramentis, ut & nos quoque ad ipsum pertinere intelligeremus. At si Ioannis Baptismus fuisset ritus ab homine inuentus, quod vult Bellarminus, Christus nunquam eum aut commendasset, aut permisisset, nedum percipisset: fuit igitur Baptismus Ioannis verus Baptismus, atque adeo idem cum nostro; alioqui maximæ consolationis iacturam fecimus, si Christus non



communem nobiscum Baptismum habuerit.

*Tertium* nostrum argumentum sequitur, quod in hunc modum se habet: Cum Christus à Ioanne baptizaretur, adfuit visibiliter Spiritus Sanctus, & vox gratiae sonuit: hæc in nostro Baptismo inuisibiliter fiunt: non ergo diuersa sunt Baptismata, illud & nostrum. Bellarminus multas causas affert, cur Christus à Ioanne baptizari voluit: omissis aliis, hæc præcipua est, ut Baptismum salutarem institueret sanctificando aquas tactu carnis suæ: sed hoc ait facere contra nos, quia columba non apparuit, antequam Dominus baptizatus à Ioanne fuit, & tamē idem erat antea Baptismus Ioannis cum eo qui postea fuit: sic Christus (inquit) figurate ostendit effectum Baptismi sui. Vult ergo Spiritum Sanctum apparuisse, non ut Ioannis, sed ut Christi Baptismum illustraret, eiusque vim & efficaciam significaret. *Respondeo primo:* Quicquid hic significat spirituale effectum, id debet de Baptismo Ioannis intelligi: Christus enim non venit ad Ioannem, ut Sacramentum institueret, sed ut sumeret Baptismum Ioannis: interim dum baptizaretur, audita vox Patris est, & Spiritus Sanctus apparuit. Nihil hinc pro Baptismi efficacia colligi potest, nisi ut hunc Baptismum vere fuisse Baptismum Christi intelligamus, vti fuit. Nam quod negat Bellarminus Christum instituisse Baptismum Ioannis, iniuriam & Ioanni & Christo facit:

quasi Christus voluerit tanto honore traditiunculam humanam dignari: at ut Christus omnem *ἐξελονομία*, id est, *voluntarium cultum*, damnet: ita nunquam ceremoniam, cuius homo author fuit, approbasset. Sed esto: fuerit Baptismus Ioannis non nisi præparatio quædam ad Baptismum, & inuitatio ad poenitentiam, ut vult Bellarminus: certe Christus non magis hac præparatione & inuitatione indiguit, quam regeneratione & Baptismo: ergo non magis iniuriosum Christo est, si Ioannis Baptismus eius Baptismus fuerit, quam si talis fuit, qualem ipsi fingunt.

*Secundo* quod de tactu ait, frivolum est: nam multas aquas antetigerat Christus, & nunc solum flumen Iordanis tetigit, cum baptizaretur; & illæ aquæ, quas Christus tetigit, non omnes aquas sanctificare poterant: quæ igitur sanctificatae sunt, ut Sacramentum fierent, non tactu sed mandato Christi sanctificatae sunt.

*Quartum* nostrum argumentum hoc est: Nisi Ioannis Baptismus fuit verum Sacramentum, institutio veri Baptismi nobis est ignota. Non enim tum institutum fuit hoc Sacramentum, quando Christus post resurrectionem præcepit Apostolis baptizare *in nomine Patris, & Filii, & Spiritus Sancti*, quia Apostoli multos antea baptizauerant, imo plures quam Ioannes: non illi procul dubio baptizabant temere: sed quia Ioannis Baptismus esse à Deo

Deo institutum crediderunt, & omnibus communicandum, ideo ipsi quam poterant, plurimos baptizabant. Si hoc diuersum Baptismi genus fuit; à quo, ubi, quando institutum fuit? nihil certe proferri potest. At Sacramentorum institutiones primæ debent esse illustres, ut fuit institutio Circumcisionis, Agni Paschalis, Eucharistiæ. Sic Baptismus tum institutus est, quando Ioannes à Deo missus est ad baptizandum: alioqui nulla eius illustris institutio habetur.

*Quintum* nostrum argumentum sic instituitur: Apostoli nullum Baptismum habuerunt nisi Ioannis. Sic Apollos, sic etiam Baptista ipse: non enim fuit à Christo, vel discipulis eius baptizatus: ergo Ioannis Baptismus verus fuit, & idem cum nostro: alioqui nec Apostoli, nec Apollos & Baptista, eo Baptismo contenti fuissent. Est argumentum, fateor, negatiue sumptum ab autoritate, nec valet in omnibus, sed in verbo Dei valet, & quidem in hac causa in hunc modum: Non extrat in Scripturis, eos baptizatos fuisse alio Baptismo, quam Baptismo Ioannis: ergo non credendum est, eos alio Baptismo fuisse baptizatos.

Bellarminus ait, Apostolos fuisse Christi Baptismo baptizatos, idque probat Tertulliani & Augustini testimonio, qui tamen non nisi coniecturis suis vtuntur: nihil enim eiusmodi in Scripturis habetur. Et si Ioannis Baptismus non fuit verus, oportuit aliquid de nouo Aposto-

lorum Baptismo in Scripturis proponi, tum ut constaret eos dedisse verum Baptismum, tum ut discrimen horum Baptismatum cognosceretur. Sed probat Bellarminus, Ioan. 3. 5. Scripturæ testimonio, neminem esse saluandum sine Baptismo Christi: ergo dubitari non posse, quin illi omnes Baptismum Christi acceperint, quos post ea tempora vixisse, & ad Ecclesiam Christi aggregatos constat, etiam si id nusquam scriptum sit. *Respondeo:* Si ille locus de externo Baptismo intelligatur, potest etiam ad Ioannis Baptismum accommodari: sed non est hic locus de Sacramento Baptismi intelligendus, ut nos antea docuimus. Christum vero non hic de Baptismo loqui constat, *primò*, quia tum qui venit seruare multos, fecisset viam ad salutem arctiorem & difficiliorem, quam inuenerat: nam ante Christi Baptismum poterant homines seruare sine Baptismo: si ergo Christus salutem ad Baptismum alligasset, omnes qui casu aut sine culpa sua caruissent Baptismo, periissent, & sic multis aditum ad cælum præclusisset, & viam ad salutem coarctasset, atque ita multo melior & tolerabilior fuisset status illorum, qui ante Christum vivebant, quam illorum, qui post vixerunt: at certum est, Christum viam ad salutem non coarctasse, sed potius dilatare. Sed sine gratia Dei, qua regeneramur, nemo saluus esse potest: & de hac Christus hoc in loco loquitur.

*Secundo*, Bellarminus ipse antea

SS&Tt 2 fate.

Tertull.  
in lib. de  
Baptism.  
August.  
Epist. 108.  
& de orig.  
anima 1. 3.  
c. 9.

II.

II.



fatetur, Baptismum non fuisse necessarium aut præceptum aut finis necessitate ante Christi mortem: ergo verba hæc, *N si quis renatus fuerit, &c.* non possunt de Baptismo Christi intelligi. Nam quod Christus his verbis ait, verum fuit ante mortem Christi: hoc enim Nicodemo etiam tum necessarium fuit. Sed quid de Baptista dicemus, qui non fuit Christi Baptismo baptizatus? num is periit? Bellarminus ait, nondum obligasse legem de Baptismo Christi. Hinc duo colligo: *Primum* est, Christi verba, *Nisi quis renatus fuerit, &c.* non esse de Baptismo intelligenda. *Secundum*, Apostolos nec baptizasse, nec baptizatos fuisse alio Baptismo, quam Ioannis: Christi enim Baptismus nondum obligabat, id est, nullum fuit præceptum de Baptismo Christi: non fecissent autem Apostoli, nisi quod illis præceptum fuerat. At Ioannis Baptismus tum obligabat: nam ut ille iussus est baptizare, sic necessarium fuit aliis ad eius Baptismum venire: quare qui Ioannis Baptismum contemnebant, hoc ad suum exitium faciebant. Et Apostoli erant recte baptizati ante Christi mortem: a quo autem, nisi à Ioanne, aut aliquo, qui Ioannis Baptismo utebatur, quia Christus neminem baptizabat? quod satis indicat, Christum de Ioannis Baptismo ut vero sensitse; alias ipse Baptismum suum Apostolis præbisset: a quo enim alio datus fuisset? Quare ut concludamus, hoc ipsum visum esse Patribus vno aut altero exemplo doceamus.

*Sextum* igitur & vltimum argumentum nostrum sumitur à testimoniis Patrum. Basilius ait, Ioannis Baptismum longe præstitisse Baptismis illis, & lotionibus Mo-  
saicis: non habuit enim, inquit, *καὶ ἡμερῶν καὶ αἰῶν, observationem dierum & temporum*: nulla dilatio fuit, quo minus statim licuerit venire ad gratiam Christi: ut primum autem quisque accessit cum confessione peccatorum, quanta & qualiacunque fuerint, & baptizatus est in Iordane, καὶ εὐθὺς ἐλάβαν τὴν ἁφρῆσιν τῶν ἀμαρτημάτων, & statim accepit remissionem peccatorum. De Christi Baptismo quid augustius dici potuit? Similia habet Gregorius Nyssenus: ait enim eos, qui à Ioanne baptizati sunt, remissionem accepisse peccatorum. Atqui hoc illud est, quod Pontificii in Ioannis Baptismo requirunt: non enim præbuisse remissionem peccatorum aiunt, sed tantum præparasse ad gratiam: at hi Patres nullum fuisse peccatum dicunt, quod Ioannis Baptismus non remiserit. Ambrosius ait, Ioannem baptizasse in remissionem peccatorum in nomine Christi, sicque baptizare solitum: & licet non baptizabat in Spiritu (hoc enim Christi est) tamen & Christum prædicabat, inquit, & Spiritum: ut autem prædicabat, ita baptizabat. Augustinus, cui Aduersarius in hac causa maxime cōfidunt, & quem nos in hac causa maximum Aduersarium habemus, tamen ait, Si quis contendat, peccata etiam in Ioannis Baptismo dimissa esse, & in Baptismo Christi amplior

rem quandam sanctificationem esse collatam, se non acturum pugnaciter. Atque Pontificii hac de re pugnant contentione summa, noluntque dici, in Ioannis Baptismo peccata esse remissa; & si quis hoc dixerit, anathema ei denunciant. Faciant illi hos Baptismos quam velint diuinos, modo in Ioannis Baptismo fuisse remissionem peccatorum & gratiam concedant: nos non aliud postulamus; sed illi nudam fuisse caeremoniam dicunt. Querunt Patres sæpe, etiam ii qui aliter sentire videntur, quam nos, Augustinus, Chrysostomus, & alii cur Christus à Ioanne baptizari voluit; & aiunt hoc esse factum, non ut peccatorum remissionem acciperet, sed alias ob causas: quid opus fuit ista quæstione, si omnino nulla remissio peccatorum in Ioannis Baptismo fuit? Quicquid ergo hi Patres contra scripserint, sanè in eo quod hanc quæstionem proponunt, non obscure indicant, collatam esse in Baptismo Ioannis remissionem peccatorum. Prudentius poeta Christianus ait, Ioannem fuisse primum Doctorem novæ Legis, & lauasse notas veterum errorum: & qui venerunt ad eius Baptismum, renatos abiisse, ut si *auri recocta vena pulchrum splendeat*: ubi Baptismo regenerationem & sanctificationem tribuit. Similiter Iuuenius Presbyter de Ioannis Baptismo.

Prudent.  
καθ' ἡμ.  
hymn. 7.

Iuuen.  
Presbyt.  
Carm.  
Euangel.  
l. 1. de Baptismo. Ioan.

Zacharia soboles, desertis vallibus, omnes

Finis quinta Quæstionis.

Ad deponendas maculas clamore vocabat,  
Fluminis ut liquidi caperent miranda lauacra,  
Queis anima species abluta sorde niteret.

Ergo vis & efficacia Baptismi Ioannis, non ad corpus tantum, verum etiam ad animam pertingebat. Et paulo post, Ioannem inducit, populum, qui ad eius Baptismum accessit, in hunc modum alloquentem,

Nunc ego præteritas maculas in flumine puro  
Abluere institui,

De animæ non corporis maculis loquitur. Sic Lombardus, & multi alii Scholastici, qui rite à Ioanne baptizati sunt, eos alio Baptismo non eguisse aiunt: in hac opinione dissentiant plerique discipuli à Magistro, ut diximus: sed nos illos frustra litigare sinamus. Multi Scholastici & alii, ut antea docuimus, dicunt Ioannem sic baptizasse, *Baptizo te in nomine venturi*, & nonnulli Pontificii aiunt, si ita baptizauit, tum eius Baptismum habuisse remissionem peccatorum. Quare istam Quæstionem ex Scripturis, ex ratione, ex Patribus, atque adeo ex Scholasticis nonnullis concludimus, in Ioannis Baptismo fuisse remissionem peccatorum, atque ita Ioannis Baptismum fuisse eundem quoad substantiam cum Christi Baptismo, & eo quo nunc Ecclesia utitur.



## Quæstio VI.

Qui ritus &amp; cæremonia sint Baptismi.

CAPUT VNICVM.

In quo cæremonia Pontificia examinatur &amp; inutiles improbantur.

Matth.  
28.19.

**P**OSTREMA Quæstio est de ritibus Baptismi. Iussit Christus baptizari In nomine Patris, & Filii, & Spiritus sancti; non instituit cæremonias Baptismi, quæ postea in hoc Sacramento solitæ sunt adhiberi: & dici non potest, quam varii & multiplices ritus in hoc irreperint, quorū aliqui antiqui sunt, qui olim non sine ratione adhibiti sunt, nunc vero ridicule in dissimili causa vsurpantur. Quæstio nunc est, an illæ omnes cæremoniæ retinendæ sint, quibus veteres olim vsi sunt, & num debeant tales cæremoniæ in Baptismo tolerari, quas Pontificii κακοζήλεια quadam his addiderunt. Et de his quidem non minus acriter fere dimicant Aduersarii, quam de Baptismo ipso: tamen dicunt in tempore necessitatis posse prætermitti, quia verendum est ne dum in cæremoniis occupamur, substantia Baptismi ommittatur; sed quando cæremoniæ possunt adhiberi commode, nec periculum est in mora, tum grauius peccaturos, qui Ecclesiæ cære-

monias omiserint. Nos si non omnes, at plerasque posse & debere omitti affirmamus, quia non sunt à Christo institutæ, aut Scripturæ auctoritate nobis commendatæ, nec ad Baptismi vel necessitatem vel ornatum pertinent, imo potius Baptismi gratiam obscurant, quia in tam multis & splendidis cæremoniis Baptismus non potest gradum aut locum suum retinere. Optandum igitur, ut quam simplicissime administraretur Baptismus, ne Christi institutio violetur; non tamen ita simpliciter, ut si aqua cum verbis adhibeatur, quomodocunque id fiat, nil sit curandum; sed oportet eum modum seruare, ut quam honestissime & conuenientissime administraretur. Quare quod Bellarminus obiicit, nos præscribere in baptizando, quod in sacris literis non inuenitur, & hinc vult excusare suas tam multas cæremonias, non nisi calumniatur.

Quinque huiusmodi commemorat, quorum primum est, quod infantem coram populo baptizari præscribimus. Sed hoc non sine exemplo facimus: sic enim Ioannes in Iordane baptizauit coram infinita fere

fere hominum multitudine. Et si non negamus, quin possit interdum paucis præsentibus administrari: quis tamen dubiter conuenire, ut coram in Ecclesiæ conspectu administraretur, ut Ecclesia testis sit? Neque totam Ecclesiam requirimus, sed multos adesse cupimus, si commode fieri potest. Secundum est, quod sponsonem ab iis requirimus, qui infantes afferunt, sed educaturos infantes illos in disciplina Domini, & instituturos in doctrina fidei & morum. At nemo quam hoc necessarium sit non videt, ut admoneantur officii parentes, & qui Ecclesiæ pueros commendant, ut eos, cum adoleuerint, instituant. Neque hoc sine auctoritate Scripturæ facimus; nam Deus de Abrahamo ait, eum curaturum ut liberi eius custodiant viam Domini, & faciant iudicium & iustitiam. Ita infantes quod ipsi per se profiteri non possunt, cum baptizantur, per alios faciunt. Et scriptura requirit Catechismum. Tertium est, quod nomen imponimus infanti baptizando. Sed hoc probatur exemplis Ioannis Baptiste & Christi: nomē enim Ioanni Circumcisione impositum est, & Christus, cum circumcidere-tur, dictus est Iesus. Quartum est, quod formam Sacramenti lingua patria pronunciamus. At hoc necessarium est, quia Deus vult omnia in Ecclesia fieri ad ædificationem: non ædificat autem omnino quod non intelligitur, aut certe ad errorem ædificat. Quintum est, quod Symbolum, & Orationem Dominicam, & alias preces recitamus in Bapti-

smo. Sed hæc necessaria sunt, quia in re tam sacra opus est precibus; & quia Baptismo in Ecclesiam recipimur, & administratur Baptismus in fide Christi, confessionem fidei audiri conuenit. Quas hic calumnias affert, quibus nugas suas excuset, quarum nulla afferri ratio potest? Nos dicimus Ecclesiam posse adhibere cæremonias, sed eas debere ad Scripturæ regulam accommodari, id est, ad ædificationem, & ornatū, & ordinem facere: at Pontificii ineptissimas quasdam cæremonias habent, quæ nulli vsui nisi pompæ & ludibrio inferuiunt.

Sed non erit superuacaneū paucis explicare, quas illi cæremonias & præstigas in Baptismo suo adhibeant, ut quas accessiones ad Christi institutionē fecerint videamus. Eas vero Bellarminus in tria genera distribuit: aliæ n. præcedunt Baptismum, inquit, aliæ comitantur, aliæ sequuntur. Ante Baptismum multas illi quidem cæremonias adhibent: quasdam Bellarminus commemorat, quæ olim in vsu erant in Baptismo adultorum, & eo quidem solo, sunt que laudabiles; cuiusmodi hæ sunt, quæ sequuntur; ut Catechumeni dent nomen; ut sit scrutiniū & examen eorū, qui ad Baptismum accedunt, ne quis indignus aut non bene præparatus ad Baptismum admittatur; ut fiat abrenunciatio Satanæ ac operum eius, qua baptizandi profiteatur, se penitus velle in castra Christi transire, sub eius vexillis militare, nihil postea cū Satana commercii habere, nō ea facturos, quæ soliti sunt, quæq; Satanæ placent, ut fidei



Matth. 7.  
6.

fidei etiam professionem faciant. Quis hæc non recte fieri dixerit? non enim sancta canibus proiicienda sunt. Et abrenunciatio Sata-næ, ac confessio fidei non male etiam nunc in Baptismo paruulorum vsurpantur, vt qui infantes baptizandos offerunt, spondeant se daturus operam, quantum in ipse est, vt Deum rite colant, in Christum credant, sancte & inculpate viuant, & denique boni Christiani fiant. Nos istas cæremonias non damnamus, imo in primis necessarias dicimus, ne Baptismus contemnatur. Nunc de reliquis videamus: inter quas est vna præ cæteris insignis & antiqua cæremonia, signum scilicet crucis, quod olim in omni non modo religiosa actione, sed etiam communi adhiberi solitum est; non edebant, non cubabant, non surgebant, non exhibant ex ædibus, denique nihil fere agebant sine signo crucis. Causa fuit, quod inter profanos homines & Ethnicos viuerent, quibus nihil magis probrosum fuit, quam crux Christi, & quibus Euangelium de Christo crucifixo pro stultitia habebatur. Quare omnes qui Christum amabant, testari omnibus voluerunt, quam non ipsos puduerit Christi, imo quam isto honore quodammodo superbirent. Ita crux fuit quasi testifera & symbolum Christiani, eaq; omnes utebantur, nisi qui nolebant pro Christianis haberi: hoc signo testati sunt, se vere Christianos esse, & Christum ex animo profiteri: & per eius mortem ac passionem vitam æternam expectare: et si pau-

latim superstitio inualuit, vt creditum sit esse vim quandam arcanam in signo, cum olim non nisi externum professionis symbolum fuit. Et si Ecclesiæ status esset, qualis olim fuit inter paganos, non dubito quin sancte & legitime hoc signo nobis quoque vtiliceret, vt veteres olim Christiani vsi sunt: nunc autem cum iis permixti simus, qui religionem in signo ponunt, eo magis cauendum, ne scandalo simus, & superstitiosas opiniones foueamus. Nam Aduersariis nostris, Pontificiis scilicet signum crucis est res plane magica: nihil recte & feliciter auspiciatos se arbitrantur sine eo, imo vim dæmonum hoc signo retundi putant: fingunt enim dæmones sic horrere crucem, vt canes flagrum; præterea quod horrendum est, eo progressi sunt, vt crucem cultu latriæ colendam esse contendunt, quæ dementissima idololatriæ est: nos vero oportet idola & idololatriam fugere. Sed quædam tamen Ecclesiæ reformatæ signum hoc in Baptismo retinent. Lutherus vult baptizandos signari cruce in fronte & in pectore: at Papistæ non modo frontem & pectus, sed & oculos, aures, nares, scapulas, os, cruce signant: & nos hoc signum in Baptismis nostris retinemus, non quidem ante Baptismum, aut in Baptismo, sed post Baptismum: de quo nonnulla opinionum dissensio est propter imperitos quosdam, qui non putant esse verum Baptismum sine eo, & crucem esse partem præcipuam Baptismi existimant: quorum error corrigendus est.

Ego

Gratian.  
de consecr.  
d. 5. c. Nun-  
quid.

Ego verò nisi propter scandalum circumstantias, nil in re ipsa mali esse puto. Tum etiam Aduersarij solent aquam in Baptismo hoc signo consecrare, quasi aqua sine eo non apta sit ad Baptismum: quæ est insignis superstitio. Sic Gratianus; Nunquid Baptismatis vnda sine cruce sanctificata peccata relaxat? Christum dicunt tactu carnis suæ aquas mundasse, & tamen immundæ adhuc sunt, nisi crux adhibeatur: at olim in stagnis & fluminibus extra vrbes baptizari solita est magna multitudo: an in singulorum Baptismo aqua cruce signanda fuit? postea verò in Concilio Ilerdensi decretum est, vt fontes lapidei erigerentur, aut vasa fierent, quæ nunquam è templo efferrentur; & in his aqua exorcismis & crucibus consecrata est in Baptismi vsum.

Conc. Iler-  
dens. tem-  
pore Theo-  
doric. Regis  
& Sym-  
mach. P. ap.  
circiter an.  
Chr. 500.

Sed iam ad alias cæremonias veniamus. Vtuntur præterea Pontificij cæremonia exorcismi & exufflationis, quæ etiam verus cæremonia est. Et erat quidem olim in Ecclesia donum exorcismi, quo adiurabantur & pellebantur dæmones è corporibus hominum, potestate à Deo accepta: sed Ecclesia nō habet hanc facultatem perpetuam, quia iamdudum cessabit. Neque enim Pontificij nunc possunt dæmones vlla arte sua profligare, neque habent hanc potestatem, quicquid ipsi metuantur. Precibus quidem & ieiunio dæmonia expelluntur: sed potestas expellendi est extraordinaria. At Pontificij, cum verè nequeant dæmones expellere, hoc se tamen facere in parvulis simulant, in

1. Cor. 7.  
14.

quibus nulli dæmones apparent. Imò sanctorum liberi sancti pronunciantur: at quasi omnes essent dæmoniaci, non admittuntur in templum, priusquam Sacerdotes peregerint suos exorcismos, & dæmonem exufflarint. Hinc apud Gratianum cavetur, ne quis ad Sacramentum regenerationis admittatur, antequam exorcismis & exufflationibus spiritus immundus abigatur. Exorcismus igitur ante templi fores procuratur: postquam verò dæmon abscesserit, tum demum in templum infans introducit. Sed in quibusdam locis non semel expriment formas exorcismorum, sed sæpius, quia dæmon non statim paret, & invitus excedit. Et in puorum puellarumque Baptismo dissimiliter exorcismis suis vtuntur: nā si masculus fuerit, vices; si femella, tricies, exorcizant: credo quia Sathanas fortius tener in potestate sua feminas, quam viros. Vereres exufflationem adhibuerunt, vt declararent nos esse in manu Satanae, antequam peccata nobis remittuntur, & in Ecclesiam recipimur: isti nobis persuadent, infantes esse plenos dæmonum.

Gratian.  
de consecr.  
d. 4. cap.  
Sine

Post exorcismos sal affertur, quia omnia olim sacrificia condiebantur sa: quæ bonaratio est, si infantes mactarent. Sed vocant hunc salem sapientiæ. Fateor quidem olim adultis, & bene in religione institutis, salem datum esse, quo moniti sunt, oportere in ijs esse salem, vt factore iniquitatis careant. Sed hoc merè Iudaicum est: neque licet veteres cæremonias renouare, ne in

V u Iudaif.

Iudaismum relabamur. Sic Pontificij suos infantes saluunt, vt sapiant, non minùs ridiculè, quàm nos olim in hac nostra Academia recentes nostros salire solebamus. Sed vtinà inepti tantùm essent: nam & impij sunt, quia putant esse Sacramentũ, quo Diabolus fugatur: quasi non fugarit Diabolus exorcismus satis, quin sale adhuc opus sit. Sed nec sale contenti adiungunt salivam, quàm nares infantis & aures tangunt, eique Ephphata dicunt, quod est, *Aperitor*, exemplo Christi: & Bellarminus quærenti Calvino, cur nares & aures infantis baptizandi sputo tangerent, respondet quærendo cur Christus muti & surdi aures ac linguam sputo terigit. *Respondeo*: quia erat ille mutus & surdus, & Christus voluit hoc signo donum sanationis illi dare. Sed quid hoc ad illorum impurum sputum? nam infantes non habent tales morbos, saltem non omnes, aut si habent, in infantia illorum certò cognosci nō possunt; neq; afferuntur ad Ecclesiam, vt loquantur vel audiant: neque faciunt illorum Sacerdotes, q̃ Christus fecit, id est, non solvunt vincula linguæ, nec aperiunt aures; non magis enim postea audiunt, quàm antea: quis enim Sacerdos inter Pontificios facit infantem ex mutoloquentem, ex surdo audientem. Putidus hic certè & absurdus ritus est ex peruersa Christi imitatione natus: quasi ij possint facere, quod Christus fecit, aut ij sint, qui Christus fuit. Accedit Chrisma, vnguentum quoddam benedictum, quo vnguntur infantes in pectore

Marc. 7.  
34.

& scapulis: habent enim benedictũ oleum semper in promptu ad hos & alios vsus, quod semel in anno solet ab Episcopo consecrari in sacro illo Iovis die ante Pascha; tum vetus cum pompa profertur & exuritur, novumque consecratur.

His iam peractis itur ad Baptismum: & quibusdam in locis trina immersio est in vsu: sed non putant hoc esse de necessitate Baptismi. Et olim baptizabatur tantùm in tẽpore Paschali & in Pentecoste, vt patet ex multis testimoniis Patrum; quia in Paschate resurrexit Christus, & sic nos in Baptismo; & in Pentecoste Spiritus Sanctus dabatur: similiter in Baptismo. Fuit hic vetus mos: sed huic morem Pontificij non obseruant hodie. Et in initio omni tempore baptizari solitũ est, vt Aduersarii fatentur, & Bellarminus ex Ambrosio docet. Iam post Baptismum rursus vnguntur in vertice non fronte; nam frons Episcopo reservatur in Confirmationem: tum fax aut lucerna cærea manui infantis admouetur, quia è potestate tenebrarum transit in lumen: postremò eius capiti linteũ quoddam amiculum imponitur, quod chrismale vocant. Et olim quidem, in baptizati erant, candidas vestes induebant per septimanam à Paschate in proximam Dominicã, quæ proinde Dominica in albis vocabatur: significabat verò hoc innocentiam. Et quibusdam in locis non licebat baptizatis se lauare per illam hebdomadam, ne forte gratiã Baptismi abluerent. Fuerunt & aliæ olim cæremoniæ, vt lactis, mellis,

&

Tertullia.  
in lib. de  
coron. mil.  
Hieron. in  
dial. cont.  
Lucifer.  
Ambrosius in  
lib. 3. de  
Sacram.  
cap. 1.  
Matth. 3.  
6. Act. 2.  
41. & 8.  
38. & 10.  
48 & 16.  
15. 33. &  
19. 4.

& vini præ gustatio, de qua Tertullianus & Hieronymus: & pedum etiam locio post Baptismum, de qua Ambrosius. Nos istas cæremonias, vt quæ olim in veteri Eccl. usurpatae sunt, non omnes penitus dānamus, quæ erga adultos adhibebant, & habebant intelligentiam & significationem manifestam: at vt in Ecclesiis Pontificiis in infantũ Baptismo usurpantur quædam illarum, non nisi inanes & mutas cæremonias esse dicimus, & vt in lingua peregrina administrantur, meritò damnandas. Ergo ad fontem redeamus: in Scripturis nulla harum rerum mentio fit. Ioannem baptizasse legimus in Iordane, horum autem nihilo, nec sale, nec sputo, nec reliquis vsum esse legimus: Apostolos legimus baptizasse multa millia simul:

de his cæremoniis ne verbum quidem habetur: Philipp. Eunuchum baptizauit, Petrus Cornelium, Paulus Lydiam, & custodem carceris, & duodecim illos Ephesios (sic enim ego certè existimo:) in istis verò locis nulla fit mentio harum cæremoniarum. Quis ergo harum author fuerit, non opus est vt inquiremus; certè nec Christus, nec Apostolorum quisquam, sed quicquid ceremoniarum postea accessit, inuentum ab hominibus est. Neque tamè dicimus aquam & verba simpliciter sufficere; quod nobis Bellarminus obiicit: sed quia est Christi Sacramentum, æquum est, vt omnem & reuerentiam & grauitatem adhibeamus, cum vel ipsi celebramus, vel alios celebrantes intuemur, ijsque astamus.

FINIS SEXTÆ QVÆSTIONIS, TOTIUSQUE CONTROUERSIÆ DE BAPTISMO.

Vu 2

CON-



## CONTROVERSIÆ DE EVCHARISTIA QUÆSTIONES PRINCIPALES Septem.

1. *De reali Christi præsentiâ in Eucharistia, Sit nê corpus Christi & sanguis realiter & substantialiter præsens in Eucharistia.*
2. *De Transubstantiatione, An in Eucharistia fiat conversio substantiæ panis & vini in substantiam corporis & sanguinis Christi.*
3. *De asservatione Eucharistiæ, An panis & vinum in Eucharistia, sint Sacramentum extra usum, etiam in pixide asservata.*
4. *De pane azymo, Num Eucharistia celebrari debeat in pace azymo, an fermentato: ubi agitur de quæstione, Num Christus suam celebravit pridie azymorum.*
5. *An aqua sit cum vino miscenda in Eucharistia.*
6. *De idoneo Ministro huius sacramenti, An administrari possit Eucharistia à quoquam sine legitima vocatione & ordinatione.*
7. *De effectibus & fine Eucharistiæ, An prabeatur in Eucharistia remissio omnium peccatorum; & qui dignè ad eam accedant.*

CON-



## CONTROVERSIÆ DE EVCHARISTIA

### Quæstio I.

*DE REALI PRÆSENTIA CHRISTI IN Eucharistia, sit nê corpus Christi & sanguis realiter & substantialiter præsens in Eucharistia.*

### CAPUT I.

*DE STATU QUÆSTIONIS, QUID PONTIFICÛ teneant, quid nos.*

1. Corinth. 11. 23.



CRIBITURI. Cor. 11. 23. Εγὼ ὃ παρελάβον ἀπὸ τοῦ Κυρίου ὃ καὶ παρέδωκα ὑμῖν, Ego enim accepi à Domino, & tradidi vobis. Corinthios Paulus graviter reprehendit, quod cænam Dominicâ corrupissent: multum enim ab illa administrandi forma deflexerant, quam ijs Paulus præscripserat. Non est necesse genera corruptelarum dicendo persequi: in eo nunc verlatur Apostolus, ut quod Satanae fraude atq; hominum negligentiâ abierat in peius, restitueret atque emendaret. Non

aliud autem mandat, nisi ut redeant ad eum ordinem, quem Dominus instituit, eisque Paulus iussu Domini tradidit: neque enim aliud tradidit, nisi quod ipse à Domino accepisset. Tria ex his Apostoli verbis discamus. Primum est, nihil esse tradendum Ecclesiæ, nisi quod Dominus mandavit. Secundum, quàm sint homines, imò integræ etiam Ecclesiæ, ad errorem proclives: nam Ecclesia hæc non diu servavit ordinem ab Apostolo constitutum, sed multiplex statim secuta aberratio est. Tertium, emendationes omnes ac reformationes ab institutione

Vu 3 Domi-

Dominica repetendas esse. Sic Paulus Corinthiis præceptum Domini cum proponit, utque huic obtemperent, admonet. De cæna autem Dominica atque Eucharistia multo grauiiores Papistarum errores sunt, quam Corinthiorum fuerunt. Nam leues sanè illorum corruptelæ erant, si cum horrendis illis sacrilegiis conferantur, quibus Papistæ sacram Domini institutionem fædârunt. Non hi, ut Corinthii, alieno loco tantum & tempore cum offensione & iniuria fratrum cænam celebrant, sed formam penitus mutarunt, atque ex saluberrimo Domini Sacramento teterrimum quoddam atque omni abominatione dignissimum idolum fabricati sunt. Ita quam longissime ab institutione Dominica discesserunt, & sacrosanctam Domini cænam in turpissimam idololatricam conuerterunt. Nec se tamè aut corrigi patiuntur, aut errare cõfitentur, & monstrum illud suum, quo nihil vnquam orbis iste detestabilius, & sanguini Seruatoris nostri iniuriosius vidit, summo impetu defendunt. Magnum igitur & diuturnum nobis futurum est cum illis de Eucharistia certamen: sed rei magnitudo nostram omnem aut diligentiam aut facultatē superat. Nihil nunc est, quod in maiore controuersia ponitur. Nos verò Controuersiam totam in sua capita distribuemus, & quia reuellimus Bellarminum, eius ordinem sequemur. Sunt verò de Eucharistia inter nos & Pontificios quatuor principales Quæstiones. *Prima* est, si nunc corpus Christi & sanguis realiter & sub-

stantialiter præsens in Eucharistia. *Secunda*, quis sit modus huius præsentiae, num per transubstantiationem præsens sit, an alio modo. *Tertia*, quæ sit natura huius Sacramenti, quæ vna quæstio multas particulares quæstiones in se cõplectitur, nempe de materiâ, formâ, vsu, effectu, integritate, adoratione, asseruatione huius Sacramenti, & alias nonnullas Quæstiunculas. *Quarta*, & postrema est de Sacrificio Missæ. De prima Quæstione non conuenit inter nos. Sed Bellarminus, antequam ad statum Quæstionis, & pugnam opinionum explicandam accedit, quærit de authoribus nostræ, vnde loquitur, hæreseos. Quamquam non opus est authores quærere: nostræ enim doctrinæ author Christus, alumna & testis vetus ecclesia, quoad oppressâ ab Antichristo & libertatem & veritatem amisit. Conatur ille quorundam infanias nobis ascribere, qui nihil cum illis commune habemus.

Primos authores ait videri fuisse Simonianos & Menandrianos; idque ex Theodoro probat, qui ex Ignatii Epistola ad Smyrneneses ait, istos non fuisse confessos Eucharistiæ esse carnem Christi. Sed respondeo 1. hæc verba non haberi in Epistola Ignatii, quæ nunc extat. Theodoretus ait quidem in ea Epistola esse: habuit ergo ille aliam Epistolam ad Smyrneneses, quam nos habemus. 2. Bellarminus fatetur, illos antiquos hereticos non fuisse authores nostræ sententiæ: non enim esse nostram sententiam tam antiquam. Ita primum nos accusat, postea absoluit.

soluit. Illi quidem hæretici negabant Christum habere carnem veram: ergo negabant Eucharistiæ eius carnem, id est, carnis ipsius Sacramentum esse, ut Theodoretus & alii ex Sacramento, carnis Christi veritatem colligunt. Nos verò confitemur, Christum habuisse veram carnem, & Eucharistiæ esse carnem Christi, non quod caro Christi realiter sit in Eucharistia, sed quia Eucharistia est mysterium & Sacramentum carnis Christi, ut rerum nomina Sacramentis passim in Scripturis & Patribus tribuuntur. Sanè si senserunt Simoniani & Menandriani in Eucharistia non esse realiter carnem & sanguinem Christi, tum idem senserunt quod nos: sed hoc nomine à nullo veterum, quide hæresibus scripserunt, reprehensi sunt, non ab Irenæo, aut Tertulliano, aut Philastrio, aut Epiphano, aut Augustino, aut Theodoro, aut Damasceno, ut Bellarminus ipse fatetur; qui tamen omnes contra horum hæreses multa scripserunt. Ergo postea primos nostræ sententiæ authores facit Iconomachos in Concilio quodam Constantino-politano congregatos post annum Domini septingentesimum, qui dicebant panem & vinum in Eucharistia repræsentare corpus Christi & sanguinem, & hanc vnicam imaginem Christi esse ab ipso Christo institutam. *Respondeo*: Non est quod nos pudeat horum suffragatorum: erant enim pii Episcopi, & totius tunc temporis orbis doctissimi, qui à pio Imperatore in Concilio coacti imaginum cultum tum in eccle-

siam inuehi cæptum damnârunt. Et fuit hoc verum Oecumenicum Concilium, & rectè septimum generale Concilium appellatur. Hoc Concilium docuit, non esse vllas Christi imagines faciendas, quia Eucharistia est optima Christi imago ab ipso Christo instituta: quare alias omnes imagines prohibuit. Et certè grauissima est huius Concilii authoritas. Quamquam verò secundum Nicænum Concilium, quod proximè sequutum est, hanc Concilii sententiâ de imaginibus damnauit, tamen alteram illam de repræsentatione corporis & sanguinis Christi per panem & vinum in Eucharistia non reprehendit: at hæc multo grauior hæresis videtur Papistis. *Secundum* authorem nostræ sententiæ facit Ioannem Scotum, non illum qui scripsit in Magistrum Sententiarum, sed alium antiquiorem, qui opinionem de reali præsentia improbasse legitur. Eius liber non extat: sed Synodus quædam Papistica Vercellensis eum damnauit. *Tertium* authorem facit Bertrammum, insigni quidem iudicio virum, qui libellum doctum & piû de Eucharistia edidit: non ille ex cerebro suo, sed ex perpetua doctrina Augustini hunc suum tractatum composuit. Qui hunc librum legit, se Calvinum aut Petrum Martyrem legere putaret: & tamen ille vixit annis abhinc ferè octingentis. *Quarto* nominat Berengarium, quem virum fuisse optimum & doctissimum antiquitas testatur. Is errori huic de transubstantiatione, qui tum passim inualefcere cæpit, apertissime contradixit,



tradixit, & multas calamitates eo nomine pertulit. Coactus est Roma palinodiam canere: sed postea eum pœnituit, & in veritatis cōfessione mortuus est. Hinc ferè aiunt esse primum nostræ sententiæ magistrum: sed ille nihil tenuit, nisi q̃ Scriptura & Patres de Eucharistia docent. Postea alios quosdam commemorat, & verissimum est, non defuisse aliquos in omni ætate, qui veritatem apertè professi sunt, sed tyrannis tanta temporum fuit, vt non obtinere palam veritas posset. Tandem ad Wicleffum Anglum descendit, qui ausus est in Anglia veterem de Eucharistia sanam Ecclesiæ doctrinam reuocare, & multos ille hīc discipulos & in aliis regionibus habuit. Deinde ad Lutherum venit, quem ait semina huius erroris iecisse, etsi nunquam apertè eum docuit. Sanè Lutherum fateor realem præsentiam tenuisse, licet aliter quàm Papistæ: sed est eius opinio erroris plena, vt Papistarum. Sed eodem tempore Zuinglius Tigurinus veterē de Sacramento doctrinam fortissimè propugnauit, & post eū Oecolampadius, Bucerus, Petrus Martyr, & omnium doctissimè Calvinus, quem insignem patronum erroris Berengariani vocat Bellarminus. Atque inter hos nullū sententiæ discrimen fuit. Ait enim Bellarminus, Calvinum nihil differre reuera à Zuinglii sententiā: frustra igitur quidam Papistæ pugnare cum Zuinglio Calvinū contendunt. Et nostra sententiā, nostraq; Ecclesiæ doctrinā eadem est cum ea, quam ex Scripturis, & cla-

rissimo consensu antiquitatis Calvinus illustrauit. Eam cuiusmodi sit, Bellarminus nunc proximo loco explicare incipit.

*Primò* dicimus, Sacramentum externum Eucharistiæ esse tantum in terris; & Christi corpus esse tantum in cælis: non ergo esse realem coniunctionem corporis Christi cū Sacramento, id est, substantiæ vnius, cum substantia alterius. Quare Beza rectè dixit, tantum esse interuallum inter corpus Christi, & hoc Sacramentum, quantum est inter cælum & terram. Offensi sunt his verbis nō modò Papistæ, sed & Lutherani: est autem hoc verissimum, quod ad naturalem positionem locorum attinet: non enim est Christus in terris quoad corp⁹; sed quoad gratiam & præsentiam spiritua-

Beza in colloquio  
Pojcian.

lem, Christus præsentissimus est. *Secundò* dicimus, res & signa coniungi Sacramentaliter, id est, hæc esse vera Sacramenta earum rerum, ideoque Christum dari cum his signis, & Christum non modò quoad virtutem & gratiam, sed ipsum Christum, id est, nos ipsam Christi substantiam percipere fide ad vitam æternam. Quare Bellarminus calumniosè paulò post ait, Calvinum alicubi dicere, non nisi vim quandam à carne Christi ad nos deriuari. sc. q̃ negat Calvin⁹, carnē Christi misceri cum anima nostra, aut esse transfusionē & traiectionē carnis Christi in animā nostram: nā intelligit non esse carnalem & physicā communionem nostram: cum carne Christi; interim spiritualement statuit, nec sibi repugnat, vt vult Bellarmini-

Calvin.  
instit. l. 4.  
c. 17. §. 12.

larminus. Sed Bellarminus aut Calvinū non intelligit, aut sciens malè interpretatur. Percipimus quidem Christum in Sacramento Eucharistiæ, sed hæc perceptio spirituali nō carnali modò fit, cum nos vera fide coniungimur cum Christo, vt membra cum suo capite. Sed hæc re vera coniunctio mystica non physica est, quæ fit Spiritu & fide. *Tertio* ergo dicimus, hanc spiritualement coniunctionem esse verè mysticā, nec posse ingenio sed fide comprehendī: vt enim res, quæ maximis interuallis distant, vniri inter se & conglutinari possunt, non nisi fide percipi potest: verè ergo est mysterium. Quare non dicimus, nudam esse representationem corporis & sanguinis Christi in cæna Domini, sed esse ibi rerum perceptionem & coniunctionem admirabilem: dari enim & accipi cum Sacramento Christum ipsum est mysterium, & superat caput & rationem nostram. *Quartò*, dicimus Christum quoad realem præsentiam in cælis residentem & manentem, fide à nobis percipi, nostrumque fieri, quando Sacramentum percipimus. Sed hinc Bellarminus colligit, cōiunctionem hanc non esse nisi per cogitationem. *Respondēdo*: Sanè non est realis: si ergò per cogitationem intelligat non esse carnalem, fateor: sed non hæc simplex cogitatio est: multi enim de Christo cogitant, qui tamen non cum Christo communicant, sed ab eo alieni sunt. Fides plus est, quàm cogitatio; quia fide apprehendimus rem, quam credimus: est enim fides ὑπόστασις τῶν ἐλπιζομένων, vt ait A-

postolus, ἡ πειρασμῶν ἐλεγχὺς, & βλεπομένων, id est, facit vt extent quæ sperantur, & demonstrat quæ non videntur: sic ergo de Christo fides cogitat, vt ipsum interim percipiat, ipso fruatur. Est sanè, fateor, in Eucharistia intellectualis, non oralis, aut corporalis, aut carnalis manducatio. Sed hinc Bellarminus colligit, nullum esse mysterium, aut intelligendi difficultatem; quod vult Calvinus: quis enim non facillimè capiat (inquit) fide posse apprehendi Christum? Sed est maximum mysterium, Christi salvificam carnem præberi nobis cū Sacramento: remoue fidem, & nunquā intelliges: quæ autem fidei sunt, difficilia sunt, & supra ingenii nostri captum. Qui credit in Christum seruabitur: at salutem & vitam æternam adipisci, non facile, sed difficile est. Quemadmodum magnum mysterium est in coniunctione Christi cum Ecclesia, sic in perceptione corporis Christi in Sacramento. *Quintò* docemus, Christum à nullis percipi in Sacramento Eucharistiæ præterquā à piis ac fidelibus, quia cum carnaliter non adsit, à nullis impiis percipi potest: non enim Christi caro cibus est canum aut porcorum, sed sanctorum hominum, & angelorū. *Sextò* & vltimò dicimus, in isto Sacramento non præberi fidem ei qui non habet fidem, nec Christum ei qui non habet Christum, sed augeri & confirmari fidem hoc Sacramento, & hoc Sacramentum testari nos Christum habere, cuiusq; verā & legitima perceptione nos magis cum Christo conglutinari, & arcti⁹

Xx cum

cum eo coniūgi. Sed hic tria contra nos colligit Bellarminus.

1. *Primum* est, hoc modò non plus facere Eucharistiam, quàm faciit imago crucifixi, quæ memoriã passionis Domini pro nobis toleratæ excitat. *Respondeo*: Nos Eucharistiam dicimus non modò Christi passionem nobis in memoriã reuocare, sed & passum pro nobis Christum nobis exhibere: quod nulla imagines faciunt.

2. *Secundum* est, ex nostra sententia nihil relinq. in Eucharistia, nisi nudum symbolum rei iam habitæ. *Respondeo*: Quis nò videt, hoc esse nudum mendacium? etsi enim nulli in Eucharistia Christum percipiunt, nisi qui Christi membra sunt, & qui fidem habent: tamen hæc fides & coniunctio gradus multos & incrementa habet. Eucharistia confirmat augetque fidem, & nos cum Christo arctius coniungit; quod maximum certè beneficium est.

3. *Tertium*, quod obiicit Bellarminus, hoc est, ex nostra sententia sequi hoc absurdum, quod porrigere cænã Domini sit nihil aliud, quàm testificari, illum, cui porrigitur, iam antea sumpsisse cænã Domini, & Christi corpus comedisse. *Respondeo*: Hoc est malitiosè calumniari: non testatur te cænã antè sumpsisse, sed Christum pro te esse mortuum, & te fide, quã Christum iam mortuum complexus es, vitam eternam adepturum. Præterea an nò possunt Christi participes esse, qui nunquã participes fuerunt Eucharistiæ? quidni, quæso? aliter enim actum esset de ijs, qui ex hac vita migrant, ante-

quam participes fiant Eucharistiæ. Testatur quid reuera Eucharistia, te (modò fidelis sis) antea Christi participem esse, nec aliis ullis prodest, nisi qui ante Christi sunt participes. Sed Aduersarii non nisi meras & fuitiles calumnias excogitant. Hæc nostrarum sententia Ecclesiarum est.

Iam quid Aduersarii de præsentia corporis Christi in Sacramento Eucharistiæ dicant videamus. Concilium Tridentinum statuit, in Eucharistia Sacramento post panis & vini consecrationem, Dominum nostrum Iesum Christum verum Deum atque hominem contineri sub specie rerum sensibilium, verè, realiter, substantialiter. Sed hæc verba non nisi generalem conclusionem habent, non sufficiunt discutendis omnibus, quæ de hac re sunt, difficultatibus. Neque Patres illius Concilii ausi sunt particulares decisiones attingere, quas videbāt inexplicabiles esse. Sed ut huius sententiæ absurditatem videam, paucis eam explicemus, ut melius intelligamus. *Primo* igitur dicunt, carnem & sanguinem Christi adesse in Eucharistia post consecrationem: aut ergo de cælo delabuntur, aut potius ex terrenis creaturis fiunt; quod monstrum horrendum est, de quo postea dicemus. *Secundo*, constituunt quandam consecrationem in pronuntiatione horum verborum, *Hoc est corpus meum, &, Hic est sanguis meus, & vi huius consecrationis & horum verborum adesse Christum statuunt. At hoc planè magicum est, qui prius aberat, eum prolati verbis mox præsentem sisti virtute & murmure*

vocum

9. vocum quarundam. *Tertio* dicunt, totum Christum ibi adesse, carnem, ossa, sanguinem, animam, Deum: & rō in Eucharistia totum Christum agnoscimus fidei præsentem spiritualiter: non enim discerpi nunc Christus debet: aut totus sumendus, aut toto carendum. *Quarto* dicunt, Christum verè esse in Eucharistia: & nos quoque verè ibi esse dicimus. Quod autem seiplos postea exponunt, quid velint per verè nempe *non in signo solum aut figura*, atque ita hæc duo opponunt; in eo non rectè agunt: non enim nos ita dicimus. Licet enim signum à re ipsa distinguamus, tamen cum signo Christum percipi dicimus: res externæ non nisi signa sunt & figuræ; tamen Christus in harum perceptione verè sumitur. *Quinto* dicunt, Christum realiter & substantialiter in Eucharistia esse: quod nos falsū esse dicimus, quia de modo cum illis non consentimus. Nam etsi adest in cænã Christus, non tamen quoad realem & substantialem præsentiam modum: adest igitur non nisi spiritualiter. Et Bellarminus ipse ait, illum non adesse corporaliter, etsi realiter & substantialiter: ergo illa duo, *realiter, &, substantialiter*, significant propriam præsentiam corporis, sed non modum præsentiae, qui est corporis; quia nò hic extensum corpus est, neque occupat locum: habet magnitudinem, sed sine extensione, & tamen est debita magnitudo: at debita magnitudo est magnitudo propria & naturalis: negant autem Christum habere in Sacramento magnitudinem natura-

lem: & Christum habere dicunt suam figuram & suum colorem in Eucharistia; sed ista in Sacramento non habere modum qualitatis, sed substantiæ: ita est hic substantia cū quantitate & qualitate, sed sine modo quantitatis aut qualitatis; quare postea citius dicendum. Atque ex his Christum esse in Eucharistia adorandum, & ab impiis sumi colligunt. *Sexto* dicunt, Christum contineri sub speciebus rerum sensibilium, quæ res maximas certè difficultates peperit, ut postea docebimus. Christi corpus in Eucharistia contineri, ambiri, latere volunt, nò autem hic esse ut in vase, aut in loco, aut sub velo, sed ut ibi panis antè fuit: consecratio enim panis substantiam tollit, accidētia relinquit. Sed non ut panis species inhærebāt, ita nunc corpori Christi inhærent: quare pendent per se sine subiecto: & hoc miraculum est. Sed de his erit postea dicendum; de quibus non maior illis nobiscum, quàm inter se dissensio est. Has illorum rixas postea exponemus: nunc in compendio eorum sententiam habemus.

## CAPVT II.

*In quo Bellarmini argumentum primum pro reali & substantiali Christi præsentia in Eucharistia, à figuris veteris Testamenti sumptum diluitur.*

PRÆSENTIAM Christi corporalem in Eucharistia quatuor argumentis



gumentorum generibus confirmat Bellarminus. *Primum* genus sumitur ex Scripturis. *Secundum* ex testimoniis Patrum. *Tertium* ex consensu Ecclesiæ. *Quartum* ex rationibus. Ex Scripturis quatuor argumentorum genera proponit. *Primum* genus sumitur ex figuris. *Secundum* ex promissionibus. *Tertium* ex institutione Domini. *Quartum* ex usu Sacramentorum. Nos quantum in his erret & fallatur Bellarminus demonstramus.

1. *Primum* argumentum ex figuris veteris Testamenti sumptum sic se habet: Figuræ necessario debent inferiores esse rebus figuratis; sed si in Eucharistia sit simplex panis, figuræ huius Sacramenti vel sunt eo excellentiores, vel saltem ei æquales: ergo Eucharistia non est simplex panis. *Respondeo*: nos hanc conclusionem concedere. Nam Eucharistia non est simplex panis reuera; constat enim ex duabus naturis, ut Irenæus ait, terrenâ scilicet & cælesti. Non est ergo Eucharistia tantum panis communis, sed Sacramentum, cum quo fide percepto Christus simul spiritualiter percipitur. Sed hoc est quod nos dicimus, ea quæ in Eucharistia oculis videmus, manibus tractamus, ore sumimus, non nisi panem & vinum esse: Christus enim non oculis, manibus, ore corporis, sed mentis percipitur. Sed in hoc diutius non insistamus: videamus ergo quomodo Bellarminus argumentum suum confirmat.

Coloss. 2.

17.

Hebr. 10.1. Primo maiorem probat ex Apostolo Paulo, qui Testamenti veteris

figuras umbris, impletionem cor-

pori comparat; & alibi easdem figuras umbræ; veritatem imagini comparat: est autem solidior figura & expressior quàm umbra: & res clara est, quia figura seruit veritati, & per eam impletur. *Respondeo*, 1. Figuram quidem necesse est per omnia cedere veritati. Sed Scriptura in his locis comparat figuras veteris Testamenti non cum Sacramentis nostris, quæ etiam figuræ sunt, sed cum Christo. Hoc ex Apostolo ipso manifestum est: nam cum dixisset de figuris veteris Testamenti, eas fuisse umbras rerum futurarum; addit statim, τὸ δὲ σῶμα, τὸ ἔστιν, at corpus, est Christi: illi populo umbras, nobis se Christus præbuit: non rectè nunc ut olim, sed palam ipse prodiit remotis illis umbraculis: umbras ergo illas cum Christo, non cum nostris Sacramentis comparat. 2. Si veteres umbræ cum nostris Sacramentis conferantur, veteres figuræ neque excellentiores neque æquales nostris Sacramentis erunt: & fateor quidem vetera Sacramenta fuisse figuras non modò ipsius Christi, sed & nostrorum Sacramentorum: nostra autem dico esse simpliciter potiora, etsi non sit in Eucharistia realis Christi præsentia. Sed ille probat, nisi ponam⁹ realem præsentiam, fuisse in veteri Testamento non modò æquales, sed etiam meliores & expressiores figuras reb. figuratis, id est, nostris Sacramentis: quod absurdum est: oportet ergo ponere (inquit) realem præsentiam: tum enim nostra Sacramenta infinitis gradibus veteris Testamenti figuras antecedunt. Primo

Coloss. 1.

17.

1.

mò igitur æquales figuras proponit, deinde præstantiores.

Gen. 14. 18.

Exod. 40.

21.

Leuit. 23.

17.

1. Reg. 19.

6.7.

Æquales proponit numero quatuor, nempe 1. panem, quem Melchisedech protulit, 2. panem propositionis, 3. panem primitiarum, 4. panem quo Elias vescebat in deserto: has quatuor figuras ait nostro Sacramento Eucharistiæ æquales fuisse, si in eo Christus non sit realiter præsens. *Respondeo* breuiter: Non sequitur argumentum, quia illæ figuræ erant panis, & nostrum Sacramentum est panis, non esse nostrum Sacramentum illis illustrius: nam ex genere doctrinæ & Ministerij dignitate de Sacramentorum dignitate diiudicandum est; illustrior autem est doctrina & illustrius ministerium noui quàm veteris Testamenti.

Quare quæ hæ figuræ erant veteris Testamenti, non possunt exequari nostris, quæ quia sunt noui Testamenti, maiorem claritatem habere necesse est, propter Ministerij diuersitatem iu nouo Testamento ab eo quod fuit in vetere. Sed mox plenius respondebitur. Præstantiores verò figuras tres commemorat, nempe 1. Agnum Paschalem, 2. sanguinem Testamenti, 3. Manna; & primò de Agno Paschali agit. Ait huius Agni cæremoniâ non tam fuisse positam in immolatione, quàm in manducatione; & sic concludit ei respondere in nouo Testamento Agnum illum, qui tollit peccata mundi, quaten⁹ manducatur; quod non sit nisi in Eucharistia. *Respondeo*: hanc rationem esse merâ blasphemiam, Christum tollere peccata

mundi, quatenus manducatur. Tum enim ei non erat necesse immolari, quia manducabatur ab Apostolis, antequàm immolatus est: & sic manducari potuit ab aliis; nam ut Apostoli manducarunt Christum, antequàm mortuus est, ita & alii illū manducare possunt sine eius morte, si sustulit peccata mundi, quatenus in Eucharistia manducatur. Et tum Christus impleuit eam figuram Agni Paschalis quando Eucharistiâ instituit, potius quàm ubi in cruce sanguinem effudit, si Agnus ille Paschalis Christi non tam oblatus quàm manducati figura fuerit, & si cæremonia Agni magis in manducatione quàm in immolatione fuerit posita; quod vult Bellarminus. At Christus non manducatione in cæna, sed morte sua in cruce peccata nostra sustulit, quia non nisi sanguine suo sustulit. Sic Apostolus Petrus ait nos redēptos fuisse πρὸς αἷματι τοῦ ἀμώμου καὶ ἁγίου, pretioso sanguine utpote Agni immaculati & incontaminati: nempe, Christi: non ait βρώσει ἀμνῆ, id est, manducatione Agni, sed, αἷματι ἀμνῆ, id est, sanguine Agni: & idem ait, Christum peccata nostra secū in cruce sustulisse, ὅς τις ἀμαρτίας ἡμῶν αὐτὸς ἀνέβη γενεὴν ἐν τῷ σώματι αὐτοῦ ἐπὶ τὸ ξύλον, Qui peccata, nostra ipse pertulit in corpore suo super lignum: non ergo antea sustulit. Quare Christus, non quia manducatur in Eucharistia, sed quia immolabatur in cruce, sustulit peccata nostra: aliàs enim non semel redemptionem nostram procurasset, sed quoties in cæna manducatur: ergo Agni Paschalis cæremonia magis in ma-

1. Pet. 1. 19.

1. Pet. 2.

24.

statione quam in manducatione consistebat, quia mactatio Agni sacrificiū Christi in cruce adumbrabat, quo solo nos redempti sumus. Sed ait Bellarminus, Agnum Paschalem Iudæorum fuisse rem præstantiorem nostrā Eucharistiā, si in ea non verè Christi corpus continetur; & melius significare carnem Christi, quam noster panis significat. *Respondeo*: Panis noster iam post Christi mortem & passionem, & post Euangelii promulgationem, melius exprimit Christi sacrificiū, quam Agnus Paschalis in veteri Testamento, cum nondum Christus in carne exhibitus est. Non ergo simpliciter res cum re comparanda est, sed considerandę res sunt ex diuersa ratione Testamentorum: quia autem nostrum Testamentum est infinitè clariū: ergo & Sacramenta nostra clariora esse necesse est. *Secunda* præstantior figura est sanguis Testamenti, de quo legim⁹ Exod. 24. & Hebr. 9. Hic sanguis, inquit, melius repræsentabat Christi sanguinē, q̃ vinum. Sed & hic Bellarminus aliā adhuc insignem blasphemiam contra sanguinē Christi euomit: ait enim hanc figuram fuisse in institutione huius Sacramenti impletam. At hoc falsum & blasphemum est: tum enim Christus consummauit Testamentum sanguine suo, quando instituit Eucharistiam. Sed Bellarminus hoc quatuor argumentis conatur probare, *Primò*, quod Christus de poculo in Eucharistiā diserte ait, *Hic calix novum Testamentū est in meo sanguine*. *Respondeo*: Dicitur poculum, id est, vi-

num in poculo novum Testamentum, quia est Sacramentum noui Testamenti, quod Christus in sanguine suo sancit, non quod ipsum Testamentum sit. Nam vnū Christi Testamentum est morte Christi sancitum semel: si autem in Cæna Testamentum instituit, tum quoties Cæna celebratur, Christus Testamentum instituit, quod est blasphemū. *Secundò* probat, quia Christus iisdem ferè verbis vsus est, quibus Moyses: quod videtur de industria fecisse: nam Matthæ⁹ Euangelista ait Christum dixisse, *Hic est sanguis meus novi Testamenti*: & sic ferè Moyses. *Respondeo*: Christum intellexisse Testamentum, quod sanguine suo erat confirmandum, cuius Sacramentū discipulis suis dedit. Nō enim hoc dixit, quasi nunc voluit Testamentum ipsum condere, sed quia symbolum Testamenti voluit instituere. Voluit quidem Christus Apostolorum suorum oculos ad sacrificiū suum conuertere, in quo solo consistit salus humana; non in externis illis symbolis de fixos hærere. *Tertio*, tunc Dñs, inquit, proposuit etiam legem, vt antea fecerat Moyses, cum ait, *Mandatum novum do vobis, vt diligatis inuicem*; & sanguinē suum in pectora discipulorum asperxit: quorum neutrum in passione factum legimus. *Respondeo*: Christus in Cæna non instituit nouam Legem, sed nouum Sacramentum sacrificii post die futuri, quo novū Testamentum continetur; nec in pectora discipulorum asperxit sanguinem; nondum enim fusus erat Christi sanguis. Imò si discipuli in Cæna

Cæna Christi sanguine aspersi sunt, tum & Christus ipse suo sanguine est aspersus: ampie bibit, quod illi biberunt. Sed hoc horrendum est, vt vel Christus ipse suo tum sanguine aspersus fuerit, vel discipuli eius. Imò nulla gutta sanguinis Christi in Cæna profusa est, sed in cruce, & tum non pectora discipulorum, sed suum pectus sanguine asperxit. *Quartò*, Testamentum, inquit, fieri debet ab homine libero, ante mortem, coram testibus, & per aliquod publicum instrumentum, quod extet ad memoriam: hæc omnia, inquit, videmus adfuisse in vltima Cæna, non autem in passione. *Respondeo*: hæc esse impuri & blasphemioris sacrilegia: hi homines verè dici possunt inimici crucis Christi, quia cruci omnia detrahunt, vt dent Cæna. Sed, 1. Christus in cruce liberrimus fuit; quia sponte se obtulit: potuit enim, si voluisset, vim omnem Aduersariorum suorum effugere; sed noluit, 2. Factum est Testamentum in cruce per publicum instrumentum, quod perinde extat, atque instrumentum de Cæna: Christi mors publica fuit, quia in oculis omnium mortuus est, & mors eius ad omnes pertinet, 3. Et si Testamentum conditur ante mortem, tamen à morte robur accipit: & Christus hoc Testamentum ab initio mudi promulgauit, sed morte sua consummauit, 4. Plures erant testes mortis Christi, quam Cæna: nam tota Iudæa, imò totus prope mundus eius testis fuit. Nil amplius in Testamento requiri potest. Sed hæ blasphemiam refutantur a-

pertis Scripturis, quæ hoc Testamentum in cruce peractū esse docent. Paulus ait, Christum reconciliasse nos Deo *Ἀπὸ τοῦ αἵματος τοῦ σταυροῦ, per crucem*: non igitur in Cæna: & idem alibi ait, Deum pace factū *Ἀπὸ τοῦ αἵματος τοῦ σταυροῦ αὐτοῦ, per sanguinem crucis eius*, id est, Christi, reconciliare omnia sibi: & adhuc alibi, nos esse redemptos per Christum ait, sed quomodo? quia eum proposuit Deus, vt esset *ἰλαστήριον Ἀπὸ τῆς πίστεως ἐν τῷ αὐτοῦ αἵματι*, placamentum per fidem in sanguine ipsius. Ita novum Testamentum Paulus ad Christi sanguinem, id est mortem in cruce astringit: si verò in Cæna hoc Testamentum Christus consummauit, & figuram sanguinis Testamenti, cuius apud Moysen mentio fit, impleuit, non opus fuit illi ire ad mortem. *Quare* absurdum est, Christum in Cæna nos redemisse, quia tū morte eius opus non fuit. Sed iam ad argumentū ex hac secunda præstantiori figura sumptum redeamus, quia in hunc modum se habet: Sanguis melius repræsentat sanguinē Christi, quam vinum: ergo melior fuit figura re ipsa figuratā, si ibi verus sanguis fuit, in nostra autem Eucharistia sit tantum vinum. *Respondeo*: Non propter similitudinem illustrior sit repræsentatio, sed propter institutionem Dominicam: figuræ enim ex voluntate eius qui instituit æstimandæ sunt. Quare sanguis per se non repræsentaret omnino sanguinem Christi nisi ex circumstantia diuinæ institutionis. Et licet ille Moysis sanguis ex institutione Dei repræsentet Christi sanguinem, ta-

men



men quia à Deo institutus fuit, ut figuraret Christi sanguinem effundendum, non tam clare repræsentat, quàm nostrum vinum, quod Christi sanguinem iam effusum repræsentat. Sunt etiam figuræ illustriores propter lucem doctrinæ, & sic vinum nostrum illustriorem habet significationem propter declarationem Christi, & Apostolorum, aliorumque Ministrorum Christi.

3. Tertia præstantior figura est Manna: & probat Manna fuisse figuram nostræ Eucharistiæ; quod nos non negamus: sed tamen in primis corporis Christi, secundariè Eucharistiæ figuram fuisse dicimus. Iam verò quod Manna res fuerit multò præstantior, quàm Eucharistia, si non in Eucharistia verum corpus Domini continetur, ex eo probat, quod Manna fiebat manibus Angelorum; panis autem Eucharistiæ manu pistorum: Manna pluebat è cælo; panis iste prodit è forno. *Respondeo*: Manna quidem multas prærogativas habuit, quas noster panis in Eucharistia non habet; nam panis miraculosus fuit. Sed tamen obscurius Christum adumbravit, quàm noster panis, non ex defectu aliquo in se, sed propter maiorem tunc doctrinæ obscuritatem, quàm quæ nunc est: nam Sacramenta sunt ex doctrina iudicanda. Manna erat panis è cælo, & panem è cælo signabat ac figurabat: sed verus ille panis minus notus tunc fuit, quàm nunc est: ex quo sequitur nostrum panem esse euidenter Sacramentum Christi, quàm Manna fuit. Christus non tunc erat exhibitus: ergo opus habebat signis

euidenter: nunc Christo exhibitio signa nostra licet non tam miraculosa sint, tamè expressius Christum significant, propter vim quam ex Christi ἐπιφάνεια, id est, apparitione seu manifestatione in carne habent.

Sed iam nos de primario argumento paulò distinctius respondemus. Argumentum sic se habuit: Oportet Eucharistiam esse omnibus figuris veteris Testamenti præstantiorem, quia ijs figurabatur: at non erit præstantior, nisi in ea caro Christi contineatur: ergo in ea Christi carnem contineri necesse est. *Respondeo* 1. Figuræ veteris Testamenti institutæ sunt, propriè, ut repræsentent non Sacramenta noui Testamenti, sed rem noui Testamenti i. Christum: Christus a. vmbis omnibus longè est præstantior. Christum igitur primariè, & sic per consequens nostra Sacramenta adumbrarunt, quæ ad Christum repræsentandū instituta sunt. Comparantur tamen, fateor, ab Apostolo Paulo vetera & nostra Sacramenta inter se, ut mare rubrum & nubes cum nostro Baptismo, & petra cum nostra Eucharistia; non tam quod illa fuerint figuræ nostrorum Sacramentorum, quam ut similitudo monstretur. Possunt quidem esse similia; & tamen illa non erunt figuræ nostrorum, non magis quàm nostra illorum: non potest ergo hinc probare, nostra debere esse tantò excellentiora. 2. *Respondeo*: Quod ille nostrorum Sacramentorum excellentiam in eo constituit, quod Christus in nostris realiter & substantialiter insit, in veteribus nequaquam,

quam, falsum est: nam quod ad rem attinet, eadem sunt Sacramenta veterisque Testamenti: eadem enim res fuit Sacramentorum veteris Testamenti, quæ est nostrorum. Id Apostolus docet, cum ait Israelitas olim eandem escam spiritualem comedisse, & eundem potum spirituales bibisse nobiscum: nullus est autem cibus aut potus spiritualis præter Christum. Bellarminus in hac responsione duo peccata obseruat. Primum est, Paulum dicere, Israelitas olim eundem cibum & potum spirituales nobiscum sumpsisse. Ait illam particulam (nobiscum) nusquam apud Apostolum haberi, sed Apostolum id velle, eos cibum & potum spirituales eundem inter se sumpsisse, non eundem nobiscum. *Respondeo*: Apostolum quidem neutrum disertè dicere, sed tantum eandem escam & eundem potum sumpsisse, sed tamen disertè hanc escam & hunc potum spirituales vocat: nihil verò tale est præter Christum, & disertè eos Christum sumpsisse ait; Bibebant, inquit, ex sequente spirituali petra: petra verò erat Christus. Hic ille potus & cibus spiritualis fuit, cuius illi participes erant: si illi Christum in suis Sacramentis perciperunt, tum eundem quem nos in nostro Sacramento percipimus, nisi duo Christi fuerunt. Idque ex scopo Apostoli patet, qui deterre re voluit Corinthios exemplo Israelitarum, ne stabuterentur Sacramentis, ut illi fecerunt, similiter pereant, ut illi: nullum ergo es-

set Apostoli argumentum, nisi eadem res fuisset Sacramentorum illorum & nostrorum. Si enim nostra res sint perfectiora, sperare poterant Corinthii impunitatem. Quare Apostoli argumentum est huiusmodi, Abusi sunt illi Sacramentis iisdem cum nostris quoad rem: ergo nos puniemur similiter, si similiter peccemus. *Secundò* ait Bellarminus, in eo peccare superiorem nostram responsionem, quod dicamus rem Sacramentorum illorum fuisse Christum: Paulum enim id nunquam dicere, sed cum petram vocat Christum, hoc de inuisibili petra intelligere. *Respondeo*, 1. Paulus ait illos bibisse ex petra, & per petram intelligit Christum: ergo Christum illi comederunt & biberunt. Idem est bibere ex aqua, & bibere aquam: bibere ex petra, est aquam ex petra fluentem bibere, quæ Sacramentum Christi fuit. 2. Si illi non biberunt Christum, ut Bellarminus ait, omnes ergo perierunt: verum enim semper fuit, in æternum perire omnes, nisi quos Christus carne sua & sanguine pascit, eorumque participes facit. At inter illos multi erant sancti & fideles, Moyses, Aaron, Iosue, Phinees: hi ergo in illis Sacramentis Christo per fidem potiti sunt. Quod verò de inuisibili petra ait Bellarminus, falsum est: non posse enim hoc de inuisibili petra intelligi constare, quia ait Paulus, omnes τὸ αὐτὸ πνεῦμα πινόντων πόμα, id est, eundem spirituales potum bibisse: at non omnes illam inuisibilem

Yy petram



August.  
in Psalm.  
77. Idem  
in lib. de  
util. pan.  
c. 1.  
Idem in  
tract. 26.  
in Ioan.

petram participarunt: tamen enim omnes seruatifuerunt. Ergo omnes Sacramentum sumpserunt illius inuisibilis petrae, quod cum fide sumptum erat cib<sup>9</sup> & potus spiritualis, 3. Augustinus diserte nobiscum sentit: ait enim *eundem fuisse cibum illorum & nostrum in mysterio.* & alibi ait, *Quid est (eundem) nisi quē nos? ita diserte fatetur, se nescire, quomodo eundē cibum illos sumpsisse diceret Apostolus, nisi intellexeret eundem nobiscum sumpsisse.*

Sed omnium apertissimē in tractatu quodam in Ioannem, ubi ait, multos ex Israelitis intellexisse, qd manducarint, & nō esse mortuos; & Sacramenta illorum ac nostra esse in signis diuersa, sed in re quā significatur paria: idq; probat auctoritate Apostoli in hunc locum, *1. Cor. 10. Omnes eandem escam spiritualem manducauerunt: spiritualem utiq; eandem, inquit Augustinus, nam corporalem alteram, quia illi Manna, nos aliud: & paulō post, Omnes eundem potum spiritualem biberunt; aliud illis, aliud nos, inquit, sed specie visibili quidem, tamen hoc idem significante virtute spiritali.*

Augustinus igitur refellit Bellarminum, qui negat illos habuisse eadem Sacramentare, & comedisse ac bibisse Christum: at nisi hoc fecissent, periissent omnes, si credimus Augustino. 3. De primario argumento *Respondeo*, Si nostra Sacramenta veteribus præstantiora non erunt, nisi in ijs Christus realiter præsens constitutur, tū Chri-

stus nō modō in Eucharistia, sed in Baptismo, & in 5. etiā reliquis illorū commentitiis Sacramētis realiter inesse debet: quod cum ipsi non opinentur, ineptū est ex reali præsentia estimare dignitatem nostrorum Sacramentorum. Non enim Eucharistia modō habuit figuram in veteri Testamento, sed Baptismus etiam: figura Eucharistiæ fuit Manna, sic Baptismi nostri aqua maris rubri, & nubes: quare si Manna præstabit Eucharistiæ, nisi Christus realiter in Eucharistia præsens sit, sic aqua maris rubri & nubes præstabit Baptismo, nisi in eo Christus realiter contineatur. Sed quemadmodum Baptismus noster multis gradibus præstat mari rubro & nubi, quantumuis illa miraculosa fuerint, sic Eucharistia Mannæ, etsi de cælo descenderit: quantumuis in neutro Christus realiter præsens sit. Et hinc huius argumenti absurditas patet, quia concludere debet de omnibus Sacramentis, quod non nisi de vno verum esse volunt, & cum instituitur de Eucharistia in specie, tamen de omnibus Sacramentis in genere tenere debet. 4. *Respondeo*: nostra Sacramenta præstantiora esse veteribus multis modis, *primō*, quod sint diuturniora, & immutabilia, & quod ad numerosiores populum pertineant. Sed Bellarminus ait, hoc non esse in natura signorum, sed eis per accidens euenire. Potuit Deus etiam vetera Sacramēta his prærogatiuis donare: hæc (inquit) nulla dignitas si-

gnorum

gnorū est, ut signa sunt. Sed *respondeo*: quomodocunque nostra Sacramenta hanc dignitatem habent, constat digniora esse illis hoc modo. Non exiguum hoc priuilegium est, quod nostra Sacramenta duratura sint ad finem mundi, nec mutanda vnquam sint, & quod nō vni populo, ut vetera Sacramenta, sed omnib. præscripta fuerint. Circumcisio & Agnus Paschalis hoc priuilegio caruerunt, quia ad paucos pertinuerunt, & nostris cessarunt: Sed *secundō*, nostra etiam Sacramenta significatione excellunt: nam rem factam ostendunt, & non futuram. Sed Bellarminus ait, cum Dominus Eucharistiam instituit, mortem eius futuram fuisse, non præteritam. *Respondeo*: Hoc non magis nos refellit, quā Augustinum, qui sæpissime ait nostra Sacramenta repræsentare rem factā. Erat qdem mors Christi futura, cū Eucharistia est ab eo instituta, sed postmodū; & qui Cænæ participes fuerunt, spectatores futuri erant mortis eius, quia Christus ante illorum oculos moriturus erat: voluit ergo illis repræsentare in pane & vino fractionem corporis, & effusionem sanguinis sui, quæ statim secutura erant. Ergo Lucas ait de corpore Christi in Eucharistia, *τὸ ὑπὲρ ὑμῶν διδόμενον, quod pro vobis datur*, & de sanguine, *τὸ ὑπὲρ ὑμῶν ἐκχυνόμενον, qui pro vobis effunditur*, & Paulus de corpore, *τὸ ὑπὲρ ὑμῶν κλάμενον, quod pro vobis frangitur*, quare tempus iam aduenerat, cū hoc fieri deberet. Agnus autem Pascha-

lis institutus est, ut rem multis post seculis futurā significaret: at Christus Eucharistiam nō instituit, nisi eadē quasi horā, quā iret ad mortem. Sed nostra Sacramenta *tertiō* etiam clariora sunt veteribus, non quidem externā repræsentatione (non enim opus fuit) sed verborū claritate, quæ ibi proferuntur, quia redemptionem iam perfectam annunciant, & fidem maiorem excitant, & vberiores fructus profert. Bellarminus nunc quod se vertat nescit, sed ut solet, fuitiles quasdam voces profert; quæ nostrā hanc responsionem non attingūt. Fatetur propter verba cōsecrationis nostra esse clariora, sed ait nos hoc genus verborum explodere tanquam incantationem & magicam. *Respondeo*: Nos consecrationem omnem non negamus: est enim quædam consecratio, id est, separatio creaturarum ad hunc vsū, ut sint Sacramenta: & sit illa quidē verbis, at non illis modō, quæ ipsi volunt, sed toto Domini mandato, de celebrandā Eucharistiā. Sed nos, cū nostra Sacramenta propter verba præstare dicimus, per verba intelligimus prædicationem & doctrinam, quæ in nouo Testamento clarior & pfectior est, quā fuit in veteri. Hæc facit ut nostra Sacramenta sint clariora, etsi signa ipsa non tam expressa sint, quā vetera. Sed Bellarminus ait, etsi verba promissionis clariora sunt in nouo Testamento, tamen nō ideo sequi, Sacramenta etiam esse clariora, quia diploma clarius potest obli-

Yy 2

obligna-

Luc. 22.  
19. 20.

1. Cor. 11.  
24.



obsignari sigillo obscuriore, & e contra diploma obscurius sigillo clariore. *Respondeo*: Sacramenta diiudicanda esse ex verbis promissionis, cuius sigilla sunt: quando igitur ea clariora sunt, tum & Sacramenta sunt clariora. Si sigillum fuerit clarissimum, sed diploma ti obscuro appositum, minus certe valebit, quia sigillum non potest diploma clarius reddere: sed si diploma fuerit disertum, tum quoduis ferè sigillum, modò eius esse constiterit, qui diploma condidit & concessit, sufficit: nostra igitur infinitis gradibus clariora sunt, nò naturâ suâ, sed propter promissiones, quibus inseruiunt. In veteri Testamento diploma erat obscurum, sed signa habebat manifestiora, ut Agnum Paschalem, sanguinè Testamenti, & Manna: nostrum diploma est manifestius, & quamquam sigilla sint obscuriora per se, tamen doctrinæ & promissionum gratiâ sunt apertiora. Non igitur realis præsentia facit, ut nostra Sacramenta sint clariora, quia tum nullum Sacramentum clarius erit, nisi Eucharistia tantum: at Baptismus quoque noster clarior est circumcissione Iudæorum: & debet hoc esse verum quoque de quinque illorum Sacramentis s. pposititiis: ineptissimum ergo est argumentum pro dignitate Sacramentorum noui Testamenti, quod ex septem Sacramentis in vno tantum valet. Sed Bellarminus ait, Scripturas & Patres docere, nostra Sacramenta præstare antiquis, non quia me-

lius significant, sed quia illa erant figuræ, & nostra sunt res figuratæ: aitq; Christum facere hanc comparisonem inter Manna, & Eucharistiam, cum ait Manna non fuisse panem verè de cælo, si cum pane Eucharistiæ conferatur. Sed hoc falsissimum est, quia Christus in eo capite ne verbum quidem vnum habet de Eucharistia, ut nos postea docebimus, sed tantum de spiritali manducatione carnis Christi, quæ fit per fidem. Comparat ibi Christus Manna cum sua carne, non cum Sacramento, ut cum ait. *Ego sum panis ille vita; qui venit ad me, nunquam esuriet: & qui credit in me, non sitiet vnquam.* Hæc de Eucharistia non possunt intelligi: non enim pellit illa famem & sitim: & postea: *Ego sum panis, qui de cælo descendi: sed Eucharistia non descendit de cælo: & adhuc postea, Nisi manducaueritis carnem Filij hominis, & biberitis eius sanguinem, non habetis vitam in vobis:* at non necesse est omnib. Eucharistiam sumere; tum enim omnes veteres ante Christum perierunt, & omnes etiam infantes & non adulti nunc pereunt. Sed de hoc capite postea erit plenius dicendum. Nostra igitur Sacramenta clariora sunt propter significationem; non quia sunt res figuratæ per vetera: nam non dixerit Baptismus esse rem figuratam: figurat enim sanguinè Christi, quo sordes animæ abluuntur: sed neque est sanguis Christi, neque in eo est sanguis Christi. Postea Bellarminus Patres quosdam

Cyprian.  
in ierm. de  
Cana Do-  
mini.

dam affert, & primò Cyprianum, qui ait, *consumpto Agno inconsumptibilem cibum Magister apponit discipulis.* *Respondeo*: appositè Eucharistiam vocari cibum inconsumptibilem, quia Christum in Eucharistia percipimus; & tamen Christus non realiter in ea continetur, sed per fidem spiritaliter in Eucharistia Christum percipimus, quem ibidem Cyprianus vocat *alimoniam immortalitatis*, & ait, *nulla panem hunc multitudo consumit.* Sed obiciet aliquis, sic in Agno Paschali Christus spiritaliter comedebatur. Fateor, sed ut Petrus Martyr ait, obscure admodum, *quia res adhuc complenda erat, & tantum promisso tenebatur.* Si illorum perceptio cum nostra conferatur, nulla quodammodo fuit; nam illi non re Christum acceperant, sed tantum fide expectabant, nos & fide & re habemus, quia Christus nunc natus & datus nobis est. Quare quod Bellarminus de donationis syngrapha vnâ sigillo rudiori, & aliâ pulchriori ob signatâ garrit, quasi Petrus Martyr diceret, posteriorem tantum valere, ineptum est. Agnus consumptus est, noster cibus in Eucharistia inconsumptibilis est: hic Cyprianus Agnum comparat cum Christo, quem per fidem sumimus in Eucharistia, sed non consumimus; nò cum Sacramento, quia Sacramentum est res consumptibilis, ut Agnus fuit, quemadmodum Patres apertissime docent, & nominatim Origenes, qui ait cibum hunc iuxta materiale suum in ventrem abi-

Origen. in  
Matth. 15.

re, & in secessum eijci: ergo consumitur: sed Christus non consumitur. Et sic Patres quando efferunt nostra Sacramenta, & quasi extenuant atque exinanunt vetera, id faciunt, ut mères nostras ad Christum eleuent, & doceant, quid nobis in illis Sacramentis considerandum sit, nempe non cibus, qui citò corrumpitur, sed æternus. Veteres illis Sacramentis vsi sunt, sed plerique illorum rectum vsum non intelligebant, quia carnaliter tantum sapuerunt; atq; hinc est, quòd Patres tribuunt illis tantum symbola, nobis autem rem ipsam: nos autem oportet nò inhiare istis terrenis rebus, sed ad Christum animos erectos habere. Sed Bellarminus ait, Christianos etiam multos non intelligere, quid symbola significant. *Respondeo*: Nemo tamen nescit nostra Sacramenta non esse instituta ad alenda corpora (non enim huic vsui sufficiunt) ac proinde nemo ad illa ut ad cibum communem accedit: sed Manna erat illis communis cibus, & eo ut communi cibo alebantur: pauci spiritalè vsum intellexerunt, plerique non nisi res ipsas externas spectabant. Multi inter veteres nesciebant, Manna esse spiritualement cibum, aut aquam è petra fluentem esse spiritualement potum, sed tantum communem quendam cibum & potum esse iudicabant. Sic Augustinus, *Antiqui celebrabant figuras futuræ rei, multiscentes, sed plures ignorantes: Propheta & sancti Patriarcha nouerunt, quod celebrabant: cetera multitudo car-*

Augustin.  
in Psal. 39.



*nalis erat.* Et si verò ad nostra Sacramenta multi non eos animos afferunt, quos oportet, tamen ipsa Sacramenta declarant, se non esse instituta, ut ventrem pascere.

## CAPVT. III.

*In quo secundum Bellarmini argumentum ex sexto capite Ioannis ductum diluitur.*

**A**CCEDIT nunc Bellarminus ad secundum suum ex Scripturis argumentum, quod sumitur à promissione Domini, quæ habetur apud Ioannem capite sexto; atque hic tria facit. *Primo* disputat, an in illo capite loquatur Dominus de Eucharistia; & concludit loqui. *Secundo* hinc deducit argumentum pro veritate corporis Domini, in Eucharistia scilicet. *Tertio*, soluit argumenta Aduersariorum, qui putant non agi de Eucharistia in illo capite. Quod ad primum attinet, quatuor argumētis probat, Christum in hoc capite de Eucharistia loqui. *Primo*, ex ipso loco Scripturæ. *Secundo*, ex testimonio Ecclesiæ. *Tertio*, ex Patribus. *Quarto*, ex absurdis, quæ sequerentur, si quæ in hoc capite dicuntur, de Eucharistia non intelligantur. Ita magnum molitur ex hoc sexto capite Ioannis argumentum: ex quo tamen nihil afferri pro reali præsentia potest: neque enim nunc Dominus de Sacramento, aut Sacramentali mā-

ducatione, sed de manducatione (spirituali, quæ fit per fidem, loquitur: ergo frustra omnis hic labor impenditur. Sed quia Bellarminus ait, sine dubio verissimum esse, in hoc capite agi de Eucharistia, & de Sacramentali manducatione, nos paucis eius argumenta examine-  
mus, & primò locum ipsum excutiamus. Multa Bellarminus ex loco argumenta colligit. *Primum* est huiusmodi: Dominus loquitur de futuro, cum ait, *Panis, quem ego dabo, caro mea est, quam ego dabo pro mundi vita*: ubi secundum dabo, inquit, non potest exponi, nisi pro re verè & propriè futura: ergo nec primum. Hic panis (inquit) non significat Christum, ut fide percipitur extra Sacramentum: nam sic Patres veteris Testamenti Christum comederunt: ergo Christus carnem suā promissit, inquit, non absolute, sed in Sacramento sumendam: quod promissum impleuit in vltima Cæna. *Respondeo*: Christus ait *δώσω, dabo*, quia nondum carnem suā morti tradiderat, sed postea traditurus erat: Patres autem fide percepērunt Christum, sed ut victimam & sacrificium: ita illorum fides in Christi morte fundata est. Non dabat se in Eucharistia pro mundi vita, sed in cruce: illud ergo, non aliud tempus futurum significat. Christus non potuit dicere, quem dabo, quia nondum dabat, sed daturus erat. Et quanquam vi sua mors Christi erat omnium sæculorum (erat n. Agnus occisus ab origine mundi, & omnes pii ab origine mundi

mundi illum comederunt) tamen non nisi semel mortuus est. Sed obicit Bellarminus, Christum de Patre loqui in præsentī tempore, *Pater meus, inquit, dat vobis panem illum verè caelestem*; de se autem in futuro, *Panis, quem ego dabo*: *Respondeo*: Hoc est torquere Scripturas. Pater dat, & filius dat, sed Christus de se loquitur in futuro, quia voluit discipulorum animos ad ipsius mortem conuertere & intendere. Si verò quis malit de Christo interpretari sine tali relatione, sic intelligi hoc potest, quemadmodum quod Christus alibi de se ait, *πὸ ὧδε ὁ δώσω αὐτῷ, ἡνέσται ἐν αὐτῷ πᾶν ἡν ἔδωκεν αὐτῷ ἐν ζωῇ αἰώνιον*. *Quia illa, quam ego ei dabo, fiet in eo fons aqua salientis in vitam æternam.* Antea dederat hanc aquam, & tum dabat, & tamen ait, *ego dabo*: ergo illud dabo, non semper futurum, sed perpetuum quendam actum significat: ita hic panis, quem ego dabo, id est, quem ego dedi, do, & in perpetuum dabo: si enim petam, Christus dabit nobis perpetuò panem illum caelestem, qui nos viuificabit. *Secundum* argumentum, quod Bellarminus colligit ex ipso loco, sumitur ex collatione horum verborum cum verbis Cænæ: nam hic dicitur, *Panis, quem ego dabo, caro mea est, quam ego dabo pro mundi vita*; ibi autem, *Accipite & manducate. Hoc est enim corpus meum, quod pro vobis datur in remissionem peccatorum*: tanta est similitudo (inquit) ut planè clare videatur diuina Scriptura, ibi reddi, quod hic fuit promissum.

*Respondeo*: Christus in Cæna vocat panem corpus suum, & sic vinum sanguinem, non quòd re vera ita fuerunt, sed quia fuerunt Sacramenta corporis & sanguinis sui: quare quod de corpore ait, *quod pro vobis datur*, non ad præsentem Cænæ actionem referri debet, quia non tum dabatur: sedebat enim inter Apostolos: illud ergo, *datur*, referendum est ad eius mortem: sed non tum moriebatur. Non enim Christus in Cæna dabat se pro mundi vita; quia semel tantum se sic dabat: & si in Cæna hoc fecit, tum non opus fuit postridie mori. Sed ait Christus, *datur*, quia mox instabat mors eius: nam statim à Cæna apprehensus fuit. Quia tum mors Christi instabat, loquitur de ea Christus, ut de re præsentī. *Tertium* argumentum, quod ex ipso loco colligit Bellarminus, sumitur ex verbis sequentibus, *Pugnabant ergo Iudæi, alii aduersus alios, dicentes, Quomodo potest hic nobis carnem suam dare ad manducandum?* & ex illis verbis quorundam discipulorum paulò post, *Durus est hic sermo, & quis potest eum audire?* ergo Christus hic novum aliquod & mirandum proposuit: & solebat Christus, cum obscure aliquid proponeret, postea explicare: quod hic non facit: ergo verè intellexit suam carnem esse illis dandam. *Respondeo*: Non est magnopere laborandum, quid aut crassi Capernaitæ, aut stulti Iudæi, aut discipuli illi, qui offende-  
bantur, senserint, sed quid Christus docuit. Nam Capernaitæ erant carna-



carnales, & Christi verba carnaliter intellexerunt, quemadmodum hodie Papistæ, & qui offendeantur concione Christi, eos constat malè verba Christi intellexisse, quia sunt offensus: nam si rectè intellexissent, nolissent offensionem aliquam ex Christi doctrina capere. Sed illi reuera non intelligebant Christi mentem: putabant eum loqui de carne carnali modo, & id eo ἐμὰ ῥῶτο, id est, pugnabant, quia nullo modo id posse fieri videbatur: nec Christus reuera tale aliquid sensit, sed aliud quoddam genus manducandi, per fidem. Quod verò ait, Christum non se explicare, falsum est, nam postea se satis exponit, cum se corpore ascensurum esse ait: non ergo ab illis deuorandum esse; & cum ait, carnem eo modo sumptam, quo illi & Papistæ volunt, nihil prodesse: nam sic impii possent eius carnem manducare; sed verba sua esse spiritualiter intelligenda. Remouet ergo omnem offensionem & obscuritatem tum Capernaiticam, tum Papisticam. *Quartum* ex ipso loco argumentum sumitur ex illis verbis, *Nisi manducaueritis carnem Filii hominis, & biberitis eius sanguinem, non habebitis vitam in vobis: Qui manducat carnem meam, & bibit meum sanguinem, habet vitam aternam: & caro mea verè est cibus, & sanguis meus verè est potus: Ista tam frequens distinctio, inquit, carnis & sanguinis, & cibi, ac potus apertè indicat Christum loqui de communicatione sui sub speciebus panis & vini: spiritualis*

enim perceptio Christi per fidem non eget ista distinctione, cum vno modo fiat: Christus exprimit diuersum modum sumendi carnem ipsius & sanguinem. *Respondeo*: Si hoc verum sit, tunc illi nefarii & sacrilegi sunt, qui populo sanguinem, id est, poculum ademerunt, cum Christus voluerit diuersum modum significare sumendi corpus & sanguinem suum. Sed alia ratio est horum verborum: Christus enim accommodat doctrinam suam ad rerum naturam, & ad vsu acceptum nostrum, vt melius intelligatur: voluit nos hinc intelligere, omnem nostram vitam in ipso esse positam, ipsum esse & cibum & potum nostrum. Nos indigemus & cibo & potu: Christus nobis vtrumque est: eius caro cibus, sanguis potus est. Noluit nos intelligere, vtrumque esse sumendum seorsum: nam nunc eius caro à sanguine, & sanguis à carne separari non potest: ideo Papistæ, qui realem perceptionem sinxerunt, suam Concomitantiam excogitarunt. Quare Christus non semper ista distinctione utitur: nam alicubi facit mentionem manducationis tantum, vt cum ait, *Sicut misit me viuens ille Pater, & ego viuo per Patrem: ita etiam qui manducauerit me, viuet in ipse quoque per me: & paulò post, Qui manducauerit hunc panem, viuet in aeternum*: sed interdum ad maiorem *ἐμὸν* sanguinis etiam meminit. Modum verò manducandi esse spiritualem patet ex his verbis. *Ego sum panis, ille vita: qui venit ad me, nequaquam*

*quaquam esuriet, & qui credit in me, non sitiet vnquam: primò* ait se esse animorum pabulum: tum ostendit quomodo sit pabulum, & quomodo manducetur ac bibatur, *Qui venit ad me*, inquit, *nequaquam esuriet*: sed quid hoc est, venire ad Christum? num Christum deuorare? nequaquam, sed credere in Christum: ait enim postea, *Qui credit in me, non sitiet vnquam*: ergo spiritualis hæc manducatio est: nam credere est comedere, vt sapissimè apud Augustinum habetur. Christi enim sanguis non extinguit sitim carnalem, nec ideo bibitur, vt sitim carnalem extinguat; nec Christi caro est cibus corpori idoneus, nec ad corporis famem sedandam sumitur: ergo spiritualiter edenda hæc caro, & spiritualiter bibendus hic sanguis est.

*Quintum* Bellarmini ex ipso loco argumentum sumitur ex illis verbis, *Non vt Patres vestri comederunt Manna, & mortui sunt*: vbi Christus comparat Manna cum corpore suo, non vt sola fide sumitur, inquit, sed vt sumitur in Sacramento, quia sic transitus maris rubri apud Apostolum comparatur cum Baptismo, & Manna cum Eucharistia: & corpus Domini, vt solà fide sumitur, non defuit veteribus. *Respondeo*: Hic locus arguit Christum non loqui de Eucharistia: nam vt multi Manna comederunt, & moriebantur: sic multi Eucharistiam sumunt, & moriuntur; sed qui hunc panem comedunt, de quo hic Christus, non moriuntur. Opponit ergo

Christus corpus suum spiritualiter manducatum Mannæ, quod qui manducant ipsum, non moriuntur; at multi comederunt Manna, qui mortui sunt: ita multi sumunt Eucharistiam, qui tamen moriuntur in æternum. Nec sequitur, Apostolus comparat Manna cum Eucharistia in Epistola ad Corinthios: ergo nunc Christus similiter comparat Manna cum Eucharistia: quia diuersum institutum fuit Apostoli & Christi. Verum quidem est, Christum non defuisse Patribus, vt fide sumitur; sed pauci erant, qui in Manna Christum intuebantur, vt nos ex Augustino antea docuimus. *Sextum* Bellarmini ex ipso loco argumentum sumitur ex miraculo panum, quod in initio huius capitis habetur. Illa multiplicatio panum, inquit, fuit insignis figura huius Sacramenti: ideo Christus hanc disputationem illi miraculo adiunxit. *Respondeo*: Absurdum, planè est hoc argumentum. Nam miraculum illud factum est in solitudine, & Christus postea mare Tiberiadis traiecit, & venit Capernaum, vbi hunc sermonem habuit, ex occasione eorum, qui ipsum querebant propter panes: concionatur ergo de pane celesti, qui ipse est verà fide comprehensus, vt illorum mentes à carnali cibo ad spiritualement auocaret. Stultum igitur hoc argumentum est: Christus hunc sermonem subiunxit miraculo panum: ergo loquutus est de Eucharistia, quia hi panes erant figura Eucharistiæ. At primò non erant

Verf. 62  
63.

4.

Verf. 53.  
54. 55.

Verf. 57.  
58.

1. Cor. 10.  
1. 2. 3.

Verf. 35.

6.

Ioan. 6. 3.



hi panes figura Eucharistiæ: deinde si essent argumentum non sequitur.

Septimum ex ipso loco argumentum sumitur ex verbis manducandi carnem, & bibendi sanguinem, tam sæpe repetitis, & cum iuramento, *Amen, Amen*, confirmatis: ergo Christus propriam manducationem intellexit: non enim licet iuramento confirmare, inquit, nisi sententias apertissimas, & certissimas, quæ non possunt in alium sensum torqueri; ne detur occasio perituriis. At caro proprie significat carnem, & manducare significat corporalem actionem, qua cibus traiecitur ab ore ad stomachum. *Respondeo*: Si tam rigidè verba sumatur, Christi caro mandenda dentibus; & sic præmansa in stomachum traicienda, & postea in aliam naturam conuertenda est: id enim est manducare: & proprie quod manducatur, dentibus teritur & commolitur, & quod teritur, corrumpitur, & quod corrumpitur in aliam naturam conuertitur. Hæc cuncta omnia proprie de Christi carne dicenda sunt, quia Christus ait *Amen, Amen*: at hoc prodigiosum & monstruosum est. Sed refellamus illud, & doceamus non semper proprium esse sermonem, ubi huiusmodi iuramentum adhibetur. Christus hoc ipso in capite ait, *Amen amen dico vobis, Moses non dedit vobis panem illum caelestem; sed Pater meus dat vobis panem illum verè caelestem*: at Christus non est verus panis. & tamen hic habemus *Amen* repetitum.

Ioan. 6. 32

Similiter alibi Christus ait, *Amen, amen, dico vobis, qui non ingreditur per ostium in ovile ovium, sed ascendit aliunde, ille fur est & latro*: & tamen loquitur ibi Christus de ovili & ostio metaphorico: & paulò post, *Amen, amen, dico vobis, ego sum ostium ovium*. loquitur non de proprio, sed de metaphorico ostio, & tamen bis repetit *Amen*. Quis ergo non videt Bellarmini Sophismata, quam ridicula sint? Hoc igitur iuramentum *Amen, amen*, cor firmat re veritatem, non arguit semper sermonis proprietatem; certum eius, quod dicitur, veritatem comprobat, non semper sermonem esse proprium indicat.

Octavum argumentum ex ipso loco ductum, sumitur à collatione huius capitis cum tertio capite eiusdem Evangelii. Ibi Christus, inquit, Baptismum insinuat; & hic Eucharistiam insinuat: ibi Nicodemus mirabatur, quomodo fieri deberet illa regeneratio; & hic discipuli mirantur, quomodo possit fieri ista manducatio. *Respondeo*: stolidum hoc esse commentum. Nec in eo capite Christus Baptismum insinuat, sed regenerationem spiritualem: alias nulli salvi essent nisi Baptizati, nec si insinuaret, sequeretur hoc argumentum. Quale enim, quæso, hoc argumentum est, Christus in tertio capite Ioannis de Baptismo loquitur: ergo in sexto capite Ioannis loquitur de Eucharistia? nonne hoc egregium argumentum est? Et hæc ex ipso loco argumenta habet Bellarminus,

8.

Ioan. 1. 7.

Ioan. 6. 13. 14.

nus, quæ omnia ex Sanderò haufit.

Secundum & tertium Bellarmini argumentum, quibus probatur Christum in hoc sexto capite Ioannis de Eucharistia loqui, sumuntur ex testimonio Ecclesiæ, id est, ex Conciliis, & ex testimoniis Patrum. Vnum tantum antiquum Concilium affert, sed Patres multos, imò penè innumerabiles. *Respondeo*: Patres quidem accommodare hanc concionem Christi, quæ in sexto capite Ioannis habetur, eiusque doctrinam, ad Eucharistiam. Hoc fatemur: res enim clarissima est. Tamen dicimus, Patres non sensisse, Christum in eo loco de Eucharistia verba fecisse. Nam usus & natura Eucharistiæ potest explicari ex ijs, quæ in hoc capite habentur, ut interim non expresse Christus; cum hæc dixit, Eucharistiam intellexerit. Duplex ergo causa est, cur Patres ista ad Eucharistiam retulerint: prima, quod ibi Christus disertè de corporis sui manducatione loquitur; & quia postea Christus Sacramentum huius manducationis instituit, & externo signo eam explicavit in Eucharistia, idcirco conferunt ista Patres inter se: nam perceptio Christi in Eucharistia debet esse talis, qualis hic describitur. Patres ergo docent ex hoc capite, quibus animis oportet nos ad Eucharistiam accedere eiusque participes fieri, nempe ut non tanquam ad corporalem, sed tanquam ad spiritualem escam accedamus. Secundo, huc accommo-

1.

2.

dant Patres hanc concionem Christi, non ut doceant Christum locutum esse hic de Eucharistia, sed ut doceant non aliam esse Christi manducationem, nisi spiritualem: quare non ore sumi Christum, sed spiritu & fide. Non est ergo talis aliqua manducatio Christi in Cæna, qualem Aduersarii somniant, sed omnino spiritualis. Etsi enim hæc Christi concio non pertinet ad ritum Sacramentalem Cænae, & ad symbola externa: tamen hanc manducationem spiritualem Christus in Cæna nobis hoc ritu Sacramentali commendavit: & sic docemur, quamvis in Cæna accipimus symbola externa, tamen Christum in Cæna non aliter nobis aut edendum, aut bibendum proponi, quam ipse antea apud Ioannem docuit, id est, spiritualiter. Et hoc est cur Patres omnes hanc concionem Christi de Eucharistia intelligunt, quia eam spiritualem perceptionem Christi in Sacramento Eucharistiæ Christus nobis commendavit, quæ in hac concione explicatur. Non hoc igitur contra nos aliquid facit, sed potius pro nobis: ratio enim manducandi carnem Christi in Eucharistia prius à Christo explicata fuit. Quare etsi Christus non locutus est de Sacramento Eucharistiæ in hoc sexto capite Ioannis, tamen quia voluit hanc manducationem, de qua in hoc capite agitur, in Sacramento postea commendari, & ritu aliquo externo significari, rectè quæ in hoc capite dicuntur ad Sacramentum appli-



*Chrysoft.* cant Patres. Atq; hanc fuisse mentem ac sententiā Patrum ex Chrysoftomo patet, *Quomodo turbati, inquit, non fuerunt discipuli scilicet. cum hoc audissent?* nempe. *Accipite, comedite, hoc est corpus meum, quod pro multis frangetur in remissionem peccatorum:* respondet, quia multa iam & magna de hoc antea disseruit, Christus scilicet. id est, antea docuit, quemadmodū ipsius corpus & sanguis percipi deberent: & ne crederent se sanguinē bibere, Christus bibit prior: sic enim ibidem paulō post Chrysoftomus: *Ipsē quoque bibit ex eo, ne auditis verbis illis (scilicet hic est sanguis meus &c.) dicerēt, Quid igitur sanguinem bibimus & carnem comedimus? ac ideo perturbarentur:* & addit, *Nā & quando prius de his verba fecit, multi solummodo ppter verba scandalū passi sunt: ne igitur tunc id quoque accideret, primus ipse hoc fecit, ut tranquillo animo ad cōmunicationem mysteriorum induceret.* Non Christus ipse se manducauit, aut suum sanguinem bibit: monstrum enim id fuisset: neque opus illi fuit hoc facere, ut remissionem peccatorum & vitam æternam consequeretur; Eucharistiam tamen cum discipulis sumpsit, ut intelligerent non Christum hic corporaliter, sed mente & fide sumendum esse, ut sic per illum viuamus.

Quartum Bellarmini argumentum, quo probat Christum in hoc sexto capite Ioannis de Eucharistia loqui, sumitur ex absurdis, quæ sequerentur, si de Eucharistia non loqueretur. Et hic tria absurda

commemorat. Primum est, quod ita sequeretur, Ioannem nihil planē de hoc Sacramento scripsisse, quia nusquam attigit hanc materiam nisi hoc loco. *Respondeo:* non esse hoc absurdum, ab vno Euangelista prætermitti, quod ab aliis docetur. Tres Euangelistæ ante illum, Matthæus, Marcus, & Lucas, satis copiose & apertē primam huius Sacramenti institutionem explicarunt, quæque ad illud pertinent omnia & postillos Paulus etiam: ut non necesse fuerit Ioanni explicare. Sed vt Augustinus ait, *Augustin. de consens. Euangelist.* ideo Ioannes omisit, quia plurima antea de eare scripserat. Nam etsi in sexto capite Ioannis nullū verbum de Sacramento habetur: tamen quomodo Christus in Sacramento sumendus sit, ibi exponitur: modus enim manducandi Christū in illo capite demonstratur. Nam cum Christus dixisset, *Ego sum panis vitæ:* statim subiungit; *qui venit ad me, non esuriet, & qui credit in me, non sitiet vnquam:* ubi primò se esse eum panem ait, qui vitam hominibus præbet; vt qui vitam habere volunt, ijs hic panis necessario sumendus sit: *secundo*, quomodo hunc panem edere oporteat, docet, non ore scilicet sed fide: nam ait, *qui venit ad me, id est, qui credit in me, non esuriet, nec sitiet;* & tota subsequens cōcio in his explicandis versatur: nam Iudæi murmurabant de eo, quod se panem esse dixerat, qui de cælo descendit. Cum igitur Sacramentum Eucharistiæ, non nisi externum symbolum sit huius

huius manducationis per fidem, non mirum quod Ioannes omiserit. *Secundum* absurdum est, quod sequeretur, Christum nunquam explicuisse fructum & excellentiā huius Sacramenti. *Respondeo:* Nos hoc dicimus, fructum, quem nos ex Cæna percipimus, hoc loco explicari: nam licet extra Sacramentum Christum percipimus, tamen in Sacramento etiam illum comedimus. In ipsa tamen Cæna huius Sacramenti excellentia explicatur, quia ait ibi Christus, *Hoc est corpus meum, Hic est sanguis meus:* & his etiam verbis fructus Sacramenti declaratur, quia ijs, qui fidem habent, est corpus & sanguis Christi. Falsum ergo est, quod ait Bellarminus, Christum nunc tantum instituisse Sacramentum, non eius fructum, aut excellentiam explicuisse: nam apertē quā hoc excellens & fructuosum sit Sacramentum Christus declarat, cum ait, *Hoc est corpus meum, &c.* Hic est sanguis meus.

*Tertium* absurdum est, quod sequeretur, nullum extare præceptum diuinum de hoc Sacramento percipiendo: quia alii Euangelistæ non nisi proponunt institutionem. *Respondeo:* In ipsa institutione huius Sacramenti est præceptum de eo percipiendo, & de hoc Sacramento postea in perpetuum celebrando, cum Christus ait, *τὸ ποιεῖτε, Hoc facite:* non modo, vt Bellarminus ait, quoties facitis, hoc faciatis in memoriam Domini cæ passionis; sed simpliciter, *τὸ ποιεῖτε εἰς τὴν ἐμὴν ἀνάμνησιν, Hoc*

*facite in mei recordationem:* est ergo *Luc. 22.* simplex præceptum. Et Papistæ dicunt, Christum nunc instituisse *19.* Eucharistiam, si vnquam instituit: ergo nunc præcepit Eucharistiam celebrare. Et Apostolus Paulus, *1. Cor. 11.* cum de Sacramento Eucharistiæ loquitur, ait disertē se accepisse à Domino quod tradebat eis, & tū recitat institutionem hanc Domini in Cæna, non aliquod præceptum in sexto capite Ioannis. Sed si Christus in 6. capite Ioannis mandatum dedit de celebrando & sumendo hoc Sacramento; quare nō ante horam mortis celebravit, præsertim cum necessitas ad salutem tanta sit manducandi Christi, eo modo quo manducari iubetur in sexto capite Ioannis, vt nemo aliter salvus esse possit? At Christum non præcepisse sumere Eucharistiam in sexto capite Ioannis patet; primò, quia quod percipi iubetur in sexto Ioannis, simpliciter necessarium est omnibus & adultis & infantibus: at multi, qui seruantur, non Eucharistiam percipiunt: nam Ioannes Baptista ante occisus est, quam potuit Eucharistiam percipere: *secundo*, si nunc Christus hoc præcepit, quare nulli fecerunt, quod præcepit? nemo enim Eucharistiam ante mortem Christi aut celebravit, aut accepit.

Iam ad id accedit Bellarminus, de quo *secundo* loco se dicturum pollicitus est, cum primū de hoc sexto capite Ioannis sermonē cæpit instituere, id est, docet quomodo ex hoc capite argumentum de-



duci potest pro reali praesentia. Et est sane argumentum vnicum, idque admodum ieiunum, in hunc modum: Dominus loquens de pane, quem daturus erat in Cæna, dicit *Joan. 6. 51.* *ferre ait Panis, quem ego dabo, caro mea est, quam ego dabo pro mundi vita. Respondeo: Christum non loqui nunc de Sacramento, quod discipulis in Cæna daturus erat; nam Sacramentum non dabatur pro mundi vita: sed loquitur absolute de carne sua: est enim Christus panis verus, id est, author vitæ omnibus credentibus in ipsum. Ineptum igitur & absurdum est, trahere ad Sacramentum, quod Christus apertissime de seipso simpliciter & extra Sacramentum loquutus est. Sed ait Bellarminus, hanc expositionem profligatam esse omnibus argumentis, quæ supra attulit. Sed illa argumenta nihil probant: ea nos iam diluimus: nec potest vllum argumentum afferri, quo probet Christum in sexto capite Ioannis de pane Eucharistico vel vnum verbum fecisse. Sed affert aliam expositionem, eaque est, si admittamus per panem ibi intelligi Eucharistiam, sed dicamus panem illum Eucharisticum dici carnem Christi non proprie sed figuratè: & cõtra hanc affert frigidam quãdam ratiunculam. Sed *Respondeo: Nos istam expositionem non admittimus, quia constanter affirmamus Christum in hoc capite non esse loquutum de Sacramento. Quod autem attinet ad sensum verborum, Hoc est corpus meum, ex quibus pollicetur**

se postea fusiùs refutaturum hanc expositionem; de illis nos suo loco respondebimus. Nunc istæ paucae ineptæ rationes, contra istam secundam expositionem à Bellarmino adductæ, non sunt à nobis refutandæ, quia nos istam expositionem non probamus. Sed tamen id affirmo, posito hoc, concionem hanc Christi pertinere ad Eucharistiam, nunquã tamen posse hinc argumentum pro reali praesentia colligi. Sed certum est Christum non hoc egisse, idque nunc argumentis demonstrandum est; quæ quia Bellarminus se tertio loco soluturum promisit, id quomodo præstiterit, videamus.

Nunc igitur nos paucis argumentis docebimus, caput sextum Ioannis non pertinere ad Eucharistiam, nõ tamen eius capitis doctrinam prorsus ab hoc instituto alienam esse. Nam pulcherrimè in hoc capite docemur, qualis cibus in Eucharistia nobis offeratur, nempe Christus fide percipiendus. Neque ita se res habet, vt vult Bellarminus, nos non habere quod illis ad argumentum ex hoc capite ductum respondeamus, nisi negemus caput illud de Sacramento intelligi: nam nihil contra nos sequetur, si de Sacramento vel maximè intelligantur hæc verba, *Panis, quem ego dabo, caro mea est, quam ego dabo pro mundi vita; quia & nos in Sacramento Christi carnem esse dicimus: panis ergo dicitur caro Christi, vt Christus ait, Hoc est corpus meum: non possumus magis vrgeri illis*

verbis,

verbis, quàm his: at illa non euincunt realè praesentiam, vt nos postea fusiùs docebimus: ergo hæc multò minus. Sed reuera quando Christus ait, *Panis, quem ego dabo, caro mea est*, non Eucharistiam intellexit, sed seipsum absolute, qui de celo venit, vt nos ab æterna morte liberaret. Bellarminus argumenta quãdam pro nostris affert, de quibus non necesse est cõtendere: nos ea tantum attingemus, quæ causam continent, & directe concludunt. *Primum* nostrum argumentum est huiusmodi: Dominus hic dislerit de ea manducatione, quæ dat vitam æternam: sed Christus solus spiritualiter per fidem manducatus dat vitam æternam: ergo Christus hic de ea manducatione loquitur. Bellarminus assumptionem negat: ait enim Sacramentalem etiam manducationem dare vitam. *Respondeo: Sed nõ quia Sacramentalis est: tum enim omnes, qui manducarent Sacramentum, viuerent: at multi ad iudicium & exitium Sacramentum manducant, & multi Sacramentaliter manducant, qui à vitâ æternâ alienissimi sunt: spiritualis autem manducatio semper necessaria est, & quidem necessariò: & talem manducationem Christus apertissime hoc capite tradit & comēdat, quæ salutis causâ sit certa & necessaria. Faterur Bellarminus, Sacramentalem manducationem non dare vitam sine fide, sed id prouenire ex indispositione accedentis: at in ea manducatione, de qua hic*

Christus loquitur, non potest esse tali indispositio, quia Christus apertè ait, *Hic est panis ille, qui de celo descendit, vt q̃eo vescitur, non moriatur: & Ego sum panis viuificus, qui de celo descendit: si quis ederit ex hoc pane, viuet in æternum: & sæpe in eodem Capite Christus ait, eos qui hunc panem comederint, vitam habituros, & non morituros esse. Imò addit Christus, sine hac manducatione non posse vitam obtineri: Nisi manducaueritis, inquit, carnem Filij hominis, & biberitis eius sanguinem, non habebitis vitam in vobis: at sine Sacramentali manducatione vita haberi potest: aliàs omnes infantes perirent, & omnes, qui aliquã necessariâ causâ impediti non communicarent, etiam si alioqui baptizati & iustificati essent. Sed Bellarminus ait, hæc verba ad solos adultos pertinere, qui aut re ipsa, si possunt, aut saltem desiderio tenentur hoc Sacramentum aliquando pereipere. *Respondeo: hoc merum subterfugiũ esse. Christus enim ipsam manducationem requirit, non votam autem, aut desiderium manducandi: nam ait, Nisi manducaueritis. Ergo vt viuamus, simpliciter necessaria est hæc manducatio, de qua Christus loquitur, necessitate medii, & non sufficit voto aut desiderio manducasse, sed ipsa manducatio requiritur; idq; ex Bellarmini argumento patet, quia Dominus illic ait, Amen, Amen, ex quo alibi contendit Bellarminus, verba propriè sumenda esse, ne alioqui fenestra aperiat per nuntio, quia Christus hic verbis**

*Joan. 6. 50. 51.*

*Verf. 53.*



bis iurat. Ergo loquitur Christus de propria manducatione, quæ re ipsa fit, ex hoc Bellarmini argumēto; at Sacramentum solo desiderio percipere, non est proprie manducare, nisi qui cibum expetit, is propriè cibo vesci dicatur. Tum si hoc adultis omnibus necessarium sit, manducare Eucharistiam vel ne, vel voto; similis necessitas Eucharistiæ erit ac Baptismi ad vitam assequendam: at hanc necessitatem mediæ solent in nullo Sacramento nisi in Baptismo agnoscere: hic autem ex Bellarmino colligi potest, adultos, si non aut re, aut saltem desiderio Eucharistiam perceperint, perire. Dicat ergo quando cepit hoc esse tam necessarium, ut omnes saltem voto comederent Eucharistiam? num statim postquam Christus hanc concionem habuit? at nemo tamen ad Eucharistiam accessit, antequam Christus pridie passionis suæ instituit: interea Iohannes Baptista occisus est, nec Eucharistiam aut re aut desiderio percepit, quia nihil de Eucharistia audiuit: at Ioannes hunc panem manducauit, quia credidit in Christum: non ergo de Eucharistia loquitur Christus. Sed pergit Bellarminus, & hanc tandem responsionem adhibet, Hæc verba, *Nisi manducaueritis*, vel sonant præceptum, vel medium ad salutem necessarium. Rectè! quid si præceptum? tum, inquit, aut non pertinent ad infantes, cum eius non sint capaces, aut certè excusantur, quia non possunt implere. *Respondeo*: I-

dem nos respondere possumus de Baptismo, & de loco qui habetur Ioan. 3. *Nisi quis renatus fuerit ex aqua & spiritu, non potest introire in regnum Dei*: si hoc sit præceptum; aut non est datum infantibus, quia eius non sunt capaces; aut excusandi sunt, quia non implere possunt ipsi, sed alii in ipsis implere debent: ergo non amittent salutem, si non baptizati mortui fuerint. Nam certè non magis seuera sanctio illa est, quæ habetur in tertio capite Ioannis. *Nisi quis renatus fuerit ex aqua, &c.* Ioan. 3. quàm hæc, quæ in sexto capite Ioannis habetur, *Nisi manducaueritis carnem Filii hominis &c.* Sed Bellarminus ait, hoc Sacramentum non esse institutum ad dandam vitam iis, qui non habent, sed ad conservandam iis, qui habent. *Respondeo*: Hic Bellarminus se refellit. Nam ex hoc probo, non loqui hic Christum de Eucharistia, quia cibis & panis, de quo hic Christus loquitur, dat vitam iis, qui non habent, non modò conservat habentibus. Sic Christus ipse ait, *Panis ille Dei, is est qui de celo descendit, & ζωὴ δίδως τῷ κόσμῳ. & ad vitam mundo.* Et propter hanc causam comparat Man-  
Verf. 4. 50.  
 nã, quam qui ederunt, mortui sunt, sed hic panis de cælo descendit, inquit, ut non moriatur, qui eo vescitur: ergo dat vitam morituris. Quare omnes moriuntur, nisi qui panem hunc comederint: non modò igitur vitam conservat, sed & præbet: ideoque non nunc Christus de Sacramento Eucharistiæ loquitur, quia hoc non dat vitam, sed facit,

facit, ut qui vitam habent eam retineant. Sed quid si verba, *Nisi manducaueritis &c.* sonant medium ad salutem necessarium? tum ait, solum esse necessarium medium iis, qui vitam amittere possunt, quales non sunt, inquit, qui usu rationis carent. *Respondeo*: Idem sibi responsum putet de loco illo, qui habetur Ioannis tertio capite, *Nisi quis renatus fuerit ex aqua, &c.* si hæc verba sonant medium ad salutem necessarium, tum non infantibus, qui usu rationis carent. Sed Christus ait, hoc medium, de quo Iohannis sexto capite loquitur, esse simpliciter omnibus necessarium, quia nullus alius cibus vitam mundo dat: & ait, hunc cibum, quem ipse dat, *μὴ ἐν εἰς τὴν ζωὴν αἰώνιον, permanere in vitam æternam*: qui ergo hunc cibum non comederint, ij ad vitam æternam peruenire non possunt, siue adulti, siue infantes, siue quicunque tandem fuerint. Quare ut quod Ioannis tertio habetur, *Nisi quis renatus fuerit ex aqua &c.* omnibus simpliciter necessarium est: sic quod Ioannis sexto habetur, *Nisi manducaueritis carnem Filii hominis &c.* similiter est necessarium vniuersis necessitate mediæ: etiam infantes Christi carnem comedunt, quia per eum redimuntur, & hanc redemptionem vi Spiritus Sancti communicant. Quare argumentum necessarium est, Christum non hic loqui de Sacramento Eucharistiæ, quia hoc Sacramentum in veteri Testamento nulli sumpserunt, nec in nouo omnes sumunt, qui seruantur: sed simpliciter qui

CHRISTVM non comedunt, eos Christus pronunciat nunquam ad vitam peruenturos: quod semper verum fuit in omnibus. Atq; hæc de primo argumento.

2. *Secundum* nostrum argumentum in hunc modum se habet: Cib⁹ de quo hic Christus loquitur, fide tantum sumitur: ergo non loquitur nunc de Sacramentali manducatione, sed de spiritali, quæ fit per fidem. Antecedens probatur ex verbis illis, *Operamini non cibum, qui perit, sed qui permanet in vitam æternam*, id est, parate vobis hunc cibum; & ex verbis illis, quæ sequuntur paulò post, *Hoc est opus Dei, ut credatis in eum, quem misit ille.* Cum enim Iudæi quærerent, quomodo opera Dei operari possent, id est, quo operis genere hunc cibum possent parare: respondet Christus, hoc esse τὸ ἔργον τῷ Θεῷ, id est, opus DEI, ut crederent in eum, quem misit ille: ergo credere est hunc cibum sumere; & sic Christus de ea manducatione loquitur, quæ in fide consistit. Bellarminus hic nugatoriè respondet: ait enim non aliud his verbis intelligi, quam debere nos Christum incarnatum fide apprehendere, & ait, Christum de cælo descendisse per incarnationem. *Respondeo*: Christum non modò incarnatū, sed & mortuum esse nostrum cibum: venit hic panis de cælo per incarnationem, sed factus est nobis salutaris per mortem. Nā incarnatio nobis utilis est per mortem, nec quicquam nobis prodesset, Christum fuisse incarnatum, nisi pro nobis mortuus fuisset:



haurimus vitam ex morte, non ex incarnatione Christi, quia Christus, quatenus est mortuus, est cibus, quo mundus viuit. Docet autem hic Christus, credere in se, esse ipsum comedere, quia ait, *Hoc est opus Dei, ut credatis in eum, quem misit ille*: ergo hoc est, quod à nobis requirit, quodq; hic docet, credendum esse in eum, quem Pater misit: sic enim fore ut viuamus in æternum. Credere autem in Christum possunt, & sic vinere, qui non Eucharistiam perceperunt: ergo Christus hic de spiritali manducatione loquitur, quæ fit per fidem, non de carnali, quæ potest sine fide fieri. Et Bellarminus fatetur, hunc panem fide apprehendi, sed Christum trāsire statim ad panem Eucharisticum, cum ait, *Panis, quem ego dabo, est caro mea, quæ ego dabo pro mundi vita*. Sed Christus eundem panem utrobique intelligit. Interim fatetur Bellarminus, quidam hic de spiritali manducatione necessarium intelligi; & sanè eadem ratio est omnium. Nam Christus persistit in eadem metaphora: vocauit prius cibum, nunc panem vocat; & ut supra fidem postulat ad illam *βρωσιν*, id est, ad illum cibum, ita fidem postulat adhuc *ἀγρον*, id est, ad hunc panem: nam ait, *qui venit ad me, nequaquam esuriat, & ὁ πιστεύων ἐν ἐμῇ, & qui credit in me, non sitiet unquam*: non ergo de pane Eucharistico loquitur, quia potest ille panis comedi, & tamen non famem adimere: nam quod ait Christus, *non esuriat, non sitiet*, idem est, ac si diceret, non in æternum peribit: his e-

nim rebus vita nostra continetur: & Christus apertè de hoc pane ait, *Qui ederit ex hoc pane, viuet in æternū*: *Verf. 51.* non ergo de Eucharistico panem loquitur. Bellarminus ait, verba Christi cum conditione intelligi, si ritè manducetur hic panis: hunc enim panem, quod ad se attinet, semper viuificare, posse tamen impediri effectum aliunde, nimirum ex indispositione accedentis: & similes Scripturas affert; *Omnis qui petit accipit*, id est, qui ritè petit, &, *Quicumque inuocauerit nomen Domini, saluus erit*, id est, quicumque ritè inuocauerit. *Respondeo*: An Christus possit non ritè comedi, non huius loci est dicere: certum est, Sacramentum posse non ritè sumi, sed res Sacramenti non potest nisi ad salutem sumi. Nam si panis hic, qui est caro Christi, posset sic comedi, ut qui comedunt, non tamen viuerent in æternum, non differret à Manna: eripere hunc effectum carni Christi, est facere è Christi carne non nisi communem cibum: nam ut communis cibus non potest à morte liberare, quantumuis quotidie sumatur: ita externus cibus Eucharisticus, quantumuis assidue percipiatur, non tamen depellet mortem animæ: non igitur præstat communi cibo. Sed Christus sæpius in hoc capite ait, non morituros eos, qui hunc panem, & hunc cibum comederint. Quoties enim occurrunt verba, quæ hoc significant de eo, qui hunc panem comederit, *μὴ ἀποθάνῃ; ζήσεται ἐν τῷ αἰῶνι; ἔχει ζωὴν αἰώνιον; ἐν ἐμοὶ μένει; ζήσεται δι' ἐμῆ; ἢ ἢ ἢ* *Verf. 51.* *Luc. 11. 10.* *Ioel. 2. 31.* *Verf. 50.* *51. 54. 56.* *57.* *3.* *Verf. 51.*

*uet in æternū; habet vitam æternā; in me manet; viuet per me*. Sed hanc controuersiam postea fusiustractabimus.

*Tertium* nostrum argumentum hoc est: Si illa verba, *Panis, quem ego dabo, caro mea est*, ad Sacramentum Eucharistiæ pertinent, cur non illi habent panem in Eucharistia? nam accidentia panis non sunt panis. Bellarminus per panem vult intelligi cibum more Hebræorum, quasi dice. et Christus, Cibus, quem ego dabo, est caro mea. *Respondeo*. Illi contendunt Christum in hoc capite de Cæna loquutum esse, quia toties mentionem panis facit, & quia Christus in pane carnis suæ Sacramentum instituit: rectè igitur Petrus Martyr quærit, cur illi non retinent panem in Eucharistia, si hic panis de Sacramento intelligendus est: & Christus comparat Manna cum hoc pane, & Manna erat verus panis. Sed ramentum postea ait Bellarminus, Christum carnem suam aliquoties panem appellare, ut indicaret eam nobis edendam sub specie panis: sed rectè ait fortasse hoc ita esse: nam si id verum sit, tum panis non significat omnem cibum, quia non sub specie omnis cibi Christi caro comeditur.

*Quartum* nostrum argumentum tale est: In isto sexto capite Ioannis nulla est mentio panis materialis, nec calicis, nec cōsecrationis, nec fractionis, nec distributionis, nec Testamenti, nec memoriæ, nec gratiarum actionis, nec annuntiationis mortis Dominicæ; non igitur

tur ibi de Eucharistia agitur. Est hoc etiam Petri Martyris contra Gardinetum argumentum. Bellarminus ait, hoc argumentum rectè probare, non fuisse hoc Sacramentum tunc institutum, sed non probare, non fuisse promissum. *Respondeo*: nihil hic haberi, unde hoc Sacramentum promissum esse intelligamus, quia nulla hic Sacramenti circūstantia habetur. Quod enim ad Christi carnem & sanguinem atinet, hæc possunt præberi nobis sine Sacramento. Promisit ergo Christus carnem & sanguinem apertè, at Sacramentum non promisit, quod ex vllis hic verbis constet.

Sed Petrus Martyr aliud argumentum ibidem habet, de quo Bellarminus nihil respondet, idq; nostrum quintum argumentum erit: Aut Christus loquutus est in sexto capite Ioannis de spiritali manducatione, aut nusquam de illa loquitur. Non enim in Cæna de illa loquitur; nam ibi ipsum tantum Sacramentum instituit: non alibi, quia nullum talem locum habemus: & tamen esse spirituale manducationem Christi Aduersarii concedunt: at nō constabit esse talem aliquam ex sacris literis, nisi in sexto capite Ioannis de eo agatur. At illi plane spirituale manducationem tollunt ex sexto capite Ioannis, & volūt Christum ibi promississe corporalem & naturalem manducationem; in Cæna verò præstitisse: sic vterque locus ex illorum sententia ad realem manducationem pertinet: vbi igitur

*Pet. Mart. ubi sup. obiecit. 32.*

*Pet. Mart. 5. rex. ibid.*



tur. spiritualem inueniri dicent?

6.

Verf. 35.

*Sextum* nostrum argumentum sumitur ex illis verbis, *Ego sum panis ille vita: qui venit ad me, nequaquam esuriat: & qui credit in me, non sitiet unquam*: ergo panis, de quo Christus loquitur, credendo manducatur: quare de spiritali manducatione loquitur, non Sacramentali. Bellarminus fatetur hoc esse argumentum quorundam Catholicorum, & hæc verba non pertinere ad Sacramentum propriè, sed quæ postea sequuntur. *Respondeo*: Habemus ergo ex confessione Bellarmini, quædam hic non pertinere ad Sacramentum propriè: ergo de spiritali manducatione per fidem necessario intelligenda esse. Proferat ille vnum verbū, quod de Eucharistia nec essariò intelligi debeat, si potest: at nihil sequitur, quod propriè ad Eucharistiam pertineat: nā illud, *Panis, quæ ego dabo, est caro mea, quam ego dabo pro mundi vita*, non oportet de Cæna intelligi: fatetur Bellarminus antea, posse aliter intelligi: imò necesse est, aliter intelligi, quia non dedit carnem suam, Christus in Cæna pro mundi vita. Loquitur ergo Christus de carne sua, & docet quomodo ea sit panis noster, quia scilicet data est pro mundi vita, nempe ut Bellarminus paulò antea fatetur, occidenda & crucifigenda: at in Cæna non occisa, aut crucifixa est: & aliter non est cibus aut panis nobis. In Cæna non crux vlla fuit: Christus igitur non loquitur de edendo Sacramento, sed de spiritali māducatione carnis suæ, quæ quatenus occisa &

crucifixa est vitam mundo præbet.

*Septimum* nostrum argumentum sumitur ex illis verbis, *Amen, Amen dico vobis, nisi manducaueritis carnem Filij hominis, & biberitis eius sanguinē, non habetis vitam in vobis*. Si hæc verba de Eucharistia intelligenda sint, tum quomodo defendi potest versus Romanæ Ecclesiæ de communionem sub vna specie? nā Christus ait, *Nisi manducaueritis, & biberitis*. Et hoc argumento ait Bellarminus, quosdam Catholicos persuasos esse, sed non debuisse veritatem cognitam propter rei difficultatem, deferere: ergo respondet, vim præcepti non consistere in modo sumendi, sed in re, quæ sumitur: tota autem res, id est, Christus, integrè sub vna specie sumitur. *Respondeo*: hanc Bellarmini responsionem esse merum subterfugium: nam præceptum erit de modo sumendi, non minus quam de re, si modò Christus de Sacramento loquatur: Christus enim ait, *Nisi manducaueritis, & sic, Nisi biberitis*: si ergo de Sacramento loquatur, æquè necessitatē bibendi ac manducandi vrget. Et si autem dicunt, totum Christum summi sub vna specie, tamen non possunt dicere, Christum bibi in specie panis.

Et Bellarminus antea dixit, Christum non loqui de spiritali manducatione, quia tam sæpè distinguit manducare & bibere; carnem & sanguinem; cibum & potū, ut exprimeret diuersum modum, sumendi carnem & sanguinem: nunc ait non præcipi modum, sed rem:

7. Verf. 33.

Bellarmin. huius lib. c. 5. in arg. 4.

rem: at supra dixit, Christum expressisse hunc modum: ergo Christus expresse modum præcepit: ac inde illi contra expressum Christi præceptum faciunt, si hic Christus de Sacramento loquatur. Iam pergamus.

8.

Augustin. cont. Iulian. l. 1. c. 2. &amp; alibi.

Supere est nunc ut nonnulla Patrum testimonia proferam. Quare argumentum nostrum *Octauum* sumitur ex testimoniis Patrum & aliorum Authorum. Primus ut dignitate, ita ordine, erit Augustinus. Is sæpe ait, infantes manducare Christi carnem, & bibere eius sanguinem. quod fit spiritaliter: ergo Christus de spiritali manducatione loquitur: nam si infantes hæc faciunt, tum faciunt id, quod Christus in sexto capite Ioannis iubet fieri. Bellarminus respondet, Augustinum non raro dicere, infantes debere edere corpus Domini, si salvi futuri sint, sed non intelligere, id fieri necessariò debere re ipsa: in quo apertissimè calumniatur. Ut enim Christus de necessitate mediæ loquitur, sine quo nemo possit ad vitam æternam aspirare: ita Augustinus omnibus simpliciter necessarium esse ait, etiam paruulis, manducare Christum. Quam ridicula hæc responsio est, Augustinum dicere, infantes debere edere corpus Christi, si salvi futuri sint, id est necessarium esse infantibus edere corpus Christi; & tamen non intelligere, id debere fieri necessariò? Sanè nisi necessariò & re ipsa hoc fieri debeat, falsum est, debere infantes edere corpus Domini, si salui futuri sint: possunt enim ser-

uari, et si non ederint, nisi id necessariò re ipsa fieri debeat. At infantes non edere carnaliter & proprie Christum possunt: nam hoc ipsum edere ad eos pertinet, qui instrumentis ad edendum necessariis vtuntur: at fugere potius infantum est, quàm edere: quomodo possunt illi Christi carnem edere in Sacramento, qui ne Sacramentum quidem ipsum possunt edere? Sed iterum ait Bellarminus, Augustinum tribuere manducationem infantibus, non re, sed voto implicito; imò negat infantes communicare spiritaliter: quod est contra Augustinum, qui ait definitum esse infantes vitam non posse habere, nisi manducauerint carnem Filij hominis. Sanè Sacramentum ipsum Eucharistiæ non est simpliciter necessarium præsertim infantibus: si ergo Romanus Pontifex definiuit (loquitur enim Augustinus de Innocentii definitione) paruulos non posse seruari sine Sacramento Eucharistiæ, tum errorem & hæresin definiuit, etiam ipsorum iudicio. Satiùs ergo est de manducatione spiritali intelligere, quæ est & adultis & infantibus necessaria: nemo enim nisi per communionem cum Christo seruari potest, ne infantes quidem: quod Augustinus alibi contendit. Sic igitur argumentum instituo: Si nulli omnino seruari possunt, sine spiritali māducatione, ne infantes quidem, tum Christus de hac manducatione loquitur: at verum prius: ergo & posterius: nam sine Sacramento Eucharistiæ & infantes & adulti

Augustin. cont. Pelag. de peccat. merit. &amp; remiss. l. 3. c. 4.



Idem in  
tract. 25.  
26. in Ioan.

seruari possunt. Rursus idem Augustinus in commentariis suis in hoc sextum caput Ioannis multus in hoc est, ut doceat, hoc manducare esse credere, *Crede*, inquit, *& manducasti*, & *Credere in eum, hoc est, manducare panem viuum*, & *Quid paras dentem & ventrem?* At si hic loqueretur Christus de propria & carnali manducatione, oporteret nos dentes & ventrem parare. Bellarminus lepidè respondet, hæc quidem non esse dicta ab Augustino de Sacramento, quia nondum peruenerat ad locum Euangelii, ubi agitur de Sacramento. *Respondeo*: Augustinus mentem Christi de spiritali manducatione interpretatur, quia non modò ait, per fidem manducari Christum, sed etiam corporalem manducationem remouet. *Quid dentem*, inquit, *& ventrem paras?* Et postea ait, verba hæc Christi spiritaliter intelligenda esse. Et ait, *Hunc panem significauit Manna, hunc panem significauit altare Dei*: ubi in Sacramento propriè nò aliud sumi vult, quàm quod in Manna sumebatur. Eucharistia igitur per se non nisi Sacramentum, ut Manna, fuit: ergo oportet manducare hunc panem, de quo hic Christus loquitur spiritaliter. Et postea ait, *rem ipsam*, de qua Christus hic loquitur: id est, panem hunc, à nullo sumi ad exitium, quicumque eius particeps fuerit: non ergo de carnali manducatione Christum loqui, sensit Augustinus. Et iam venerat ad illum locum huius capitis, quem Bellarminus refert ad Eucharistiā. Et alibi Augustinus de his verbis

loquens, *Nisi manducaueritis carnem Filii hominis* &c. ait, si literaliter & carnaliter intelligantur, in illis facinus & flagitium præcipi: Christum ergo de spiritali manducatione intellexisse, quæ in recordatione mortis Dominicæ consistit. Bellarminus de hoc loco laborat, & mirificè se torquet, & nescio quæ commenta sophistica excogitat. Ait carnem Christi non dici ab Augustino, tropicè comedi, sed verè & realiter: & tropum ab illo constitui in modo manducandi, quia nò est ordinarius modus: non enim visibiliter, inquit, secatur Christi caro in partes, nec particulatim sumitur, sed Christi integra caro sumitur, & inuisibiliter, sine vlla sui læsione. *Respondeo*: Augustinum in his verbis tropum ponere, sed Bellarminum nullum tropum relinquere: nò minus n. propriè editur, quod nò videmus, quod quod videmus? alias cæci, qui non vident, quod comedunt, non sunt dicendi propriè edere. Tropus igitur non potest in eo esse, quod Christi corpus edim? realiter ore nostro, sed aliter quàm alios cibos, quia quicquid edimus ore vllò modo, id propriè edimus: sed verba figuratè vult Augustinus de manducatione spiritali intelligenda esse, quæ non est manducatio, nisi impropriè. Præterea non minus flagitium est, totum Christum edere, quàm si eum frustatim & membratim comedamus: hominem enim aut humanum corpus deuorare quocumque modo, horrendum facinus est. Papistæ putant flagitium non committi, quia

quia Christus inuisibiliter & illæsus editur: sed respondeo 1. hoc non est propriè edere, hominem totum, ossa, carnem, sanguinem deuorare; nam in edendo præmansione & comminutione cibi opus est: totum verò humanum corpus in stomachum demittere, est nouum genus edendi: helluari hoc potius est, quàm comedere: quales enim hæc fauces sunt, quæ totum corpus degluriunt? Et qui carnem demittit in stomachum illæsam, is non edere putandus est: & magis certè horrendum est integrum corpus humanum deuorare, quàm idem membratim comedere. 2. Deinceps ostendit Augustinus, quomodo Christum intelligere debeamus, nempe quid sit Christum comedere, & in qua re tropus consistat. Nò eo modo se exponit, quo Bellarminus, nempe Christum manducare, esse Eucharistiam sumere, sed manducare Christum vult esse, passioni Domini communicare, & eius mortem suauiter & vtiliter recolere, & in memoria recondere: hæc autem est manducatio spiritalis, & sine Eucharistiæ Sacramento fieri potest. Nos igitur Augustinum habemus nostræ expositioni fauentem.

Clemens Alexandrinus ait, Christum hæc verba, *Nisi manducaueritis carnem Filii hominis* &c. τῆς πίστεως ἢ τῆς εὐαγγελίας τὸ πρόπιον ἀκίνητος εἶναι, de fidei & Euangelii aqua dulci, seu, potabili intelligere, id est, hæc Christi verba de allegorica, ac spiritali cōmunicatione, quæ fit per fidem esse intelligenda: & hæc

Christi doctrinam apud Ioannem intelligit: aitque hoc verbum esse εὐαγγέλιον, id est, apertum, vel, sine cōtrouersia. Hanc igitur doctrinam Patres, olim, sic intellexerunt, ut nos. Christus, inquit, in verbo suo τὸ φῶς γέγονε πνευματικὴ τοῖς σώματι, alimentum est spirituale prudentibus. & illud lac, quo Ecclesia nutritur, esse λόγον βρεφώδην, id est, verbum Dei quo filii Dei pascuntur ad vitam æternam: nò ergo carnalem perceptionem intelligit, sed hæc omnia de verbo Dei & sermone Euangelico interpretatur. Origenes huius discipulus, de illis verbis loquens, *Nisi manducaueritis* &c. ait, *Agnoscite quia figura sunt, & ideo tanquam spirituales non tanquam carnales, ea examine, & intelligite quæ dicuntur. Si enim secundum literam sequaris hoc ipsum quod dictum est, Nisi manducaueritis &c. occidit hac litera. At Papistæ secundum literam intelligunt: ergo literam occidentem sequuntur. Basilus, quo nemo suo tempore maiorem auctoritatem habuit in Ecclesia Orientali, exponens illa verba Christi, ὁ τρώγων με, ζῆσται δι' ἐμὲ, *Qui edet me, viuet ipse per me*, ait nos τρώγειν, id est, comedere Christi carnem, & πίνειν, id est, bibere eius sanguinem, quando sumus κοινωνοὶ τοῦ λόγου, καὶ τῆς σοφίας αὐτοῦ, participes verbi & sapientie eius: Christum enim nominasse suam ἐπιδημίαν μουσικὴν, ἢ τὴν διδασκαλίαν, presentiam mysticam, & doctrinam, carnem suam, & sanguinem suum: & ait τὴν διδασκαλίαν τὴν ψυχὴν τρέφειν, hæc doctrinā animam alere: & hoc ait ὅτι τὸ φῶς δὲ λαμβάνει, per id quod hic dictum*

Origen. in  
Leuit. hom.

Basil. ad  
Cæsariens.  
Epist. 141.  
in Latinis  
libris.

Ioan. 6. 57.

Idem tract.  
27. in  
Ioan.

Idem tract.  
26. in Ioan.



dictum est indicari: ergo vult hunc esse non allegoricum modò sensum horum verborum, sed & literalem. Quando igitur doctrinam Euangelii fide percipimus, tum fide Christum percipimus, & per Christum viuimus. Hieronymus ait, quando dicit Christus, *Qui non comederit carnem meam, & biberit sanguinem meum, licet in mysterio possit intelligi*, id est, ad Sacramentum referri, nos in eo carnem Christi spiritualiter edere & sanguinem eius spiritualiter bibere, tamè verius corpus Christi, & sanguinem eius, sermonè Scripturarum esse, doctrinam diuinam esse: ergo Christus propriè loquitur de spirituali manducatione. Bernardus exponens illa verba, *Nisi manducaueritis, &c.* Quid est, inquit, manducare eius carnem, & bibere sanguinem, nisi communicare passionibus eius, & eam conuersationem imitari, quæ gessit in carne? & ait, hoc designare altaris Sacramentum, ut sicut videtur illa panis forma in nos intrare, sic nouerimus per eam quam in terris habuit conuersationem, ipsum intrare in nos, ad habitandum per fidem in cordibus nostris. Christus igitur de spirituali communicatione loquitur, ad quam designandam postea Sacramentum instituit: sed hæc Christi verba non de Sacramentali sed de spirituali manducatione intelliguntur, cum fide eius passionem recolimus. Sed quid veteres persequimur? inter Põtifícios ipsos, qui paulò doctiores & æquiores sunt, non obscure nobis suffragantur, & nostrã sententiam tuentur. Gabriel Biel Canonem Missæ multis lectioni-

Hieron. in  
Psal. 147.

Bernard.  
in Psalm.  
Qui habi-  
tat. ferm. 3.

Gabriel.  
Biel.

bus exposuit. Is ait non agi in hoc capite de Sacramentali manducatione Christi. Cardinalis Cusanus scripsit Epistolas contra Bohemos: is ait, credere & baptizari, esse carnem Christi manducare: & adducit Bedam in sextum caput Ioannis, quod hic panis corporalis non sit intelligendus: & ait hanc esse omnium Doctorum sententiam, Christum in hoc capite non loqui de Sacramento: & tum refellit eos, qui arguunt hæc verba exponi de esu Sacramentali. Et fuit ei necessarium sic dicere, quia cum Bohemis ei res erat, qui ex his verbis communicationem sub vtraque specie urgebant. Caietanus Cardinalis totus noster est in multis locis: is hoc caput exponit, ut nos: & alibi etiam ait Christum loqui de spirituali participatione; ubi ait edere & bibere spiritualiter esse idem: at Sacramentaliter aliud est edere, aliud bibere: fructum verò spiritualis manducationis vnum tantum statuit Caietanus: ait quidem Christum tripliciter hunc fructum describere: vocare enim vitam, vitam æternam, mansionem in Christo; sed tamè hæc tria non nisi rem vnam esse. Statuit ergo Christum de ea perceptione loqui, quæ fit per fidem, quæ vitam æternam omnibus sic Christum percipientibus procurat; quod Sacramentalis perceptio non facit. Idiplum etiam alibi probat idem Caietanus, quia Christus in hoc capite loquitur de fide & fiducia in se, & quia ibi dicitur, *Qui manducat meam carnem, & bibit meum sanguinem, in me manet, & opuscula.*

lect. 24. de  
Canone  
Missæ.  
Cusan.  
Epistol.  
7. contra  
Bohemos.

Caietan.  
in commen.  
in c. 6. lo-  
an. Idem in  
comment.  
in sum.  
Thom in  
3. q. 80.  
art. 12.

Idem in  
tract. de n-  
roribus in  
Eucharist.  
c. 1. inter  
opuscula.

ego

ego in eo: multi autem sumunt Sacramentum, qui non manent in Christo per fidem. Tamen contendit, non excludi spirituales manducationem, quæ fit in Sacramento; ad quod probandum affert ea argumenta, quæ hic à Bellarmino afferuntur, ut probeat Christum hic agere de Sacramentali manducatione. Sed Caietanus ait, illis argumentis non posse probari, Christum in sexto capite Ioannis de Sacramento loqui; sed tantum quia ad Sacramentum vtiliter accedunt, eos debere sic Christum edere & bibere, ut in sexto capite Ioannis præscribitur, id est, ei adhærere per fidem formatam charitate: Christi ergo verba secundum sensum germanum non esse intelligenda de vñu Sacramenti, imò nec posse saluâ fide Catholicâ, quia tunc tolleretur Baptismi sufficientia ad salutem, & perinde necessarium esset, sumere Eucharistiã, ac baptizari: ergo Bellarminus id defendit, quod fidem Christianã tollit. Imò idem Caietanus ait, hunc sensum inducere hæresim: ergo hæreticum est, sic exponere hoc caput, ut exponit Bellarminus. Similis est sententia Tapperi, qui Caietani sententiam explicat: & Ioannes etiam Hasselius Louaniensis, qui scripsit librum de communione sub vna specie, idem statuit. Eodem modo Cornelius Ianfenius, Episcopus Gandauensis, ait Christum in hoc capite non de Sacramentali, sed de spirituali manducatione, quæ fit per fidem viuam loqui: & sic respondet ijs qui quærunt, quomo-

Idem in  
Thom. in  
3. q. 80.  
art. 12.  
Tapper. in  
explic. art.  
15. Loua-  
niens. de  
commun.  
sub vtraq;  
specie.  
Hassel. in  
lib. de com-  
mun. sub

do Christus dixerit victuros, qui ex hoc pane ederint, cum multi Sacramentum sumant, qui non ad vitam perueniunt. Dominicus Sotus etsi alicubi cõtendit, Christum in hoc capite de Sacramentali manducatione loqui, tamen alibi sui oblitus ait, sua coniectura Sacramentum Eucharistiæ nunquam fuisse auditum, quousque Christus discipulis in Cæna suam corpus & sanguinem tradidit: non ergo Christus in sexto capite Ioannis de Sacramento loquutus est. Bellarminus autem vult Christum præcepisse vñum huius Sacramenti: quod si verum sit, tum loquutus est Christus de Sacramento hoc antea, & à discipulis antea de hoc Sacramento auditum fuit, & tum falsum erit quod Dominicus ait, nunquam fuisse hoc Sacramentum antea auditum. Matthias Doring Papista haud obscurus de Christi dicto quodam in hoc capite ait, *Hoc verbum directe nihil pertinet ad Sacramentalem vel corporalem manducationem.* Nos igitur argumentis ex ipso capite sumptis, & ex testimoniis Patrum & doctissimorum virorum, etiam ipsorum Papistarum, cõcludimus caput illud Ioannis sextum non esse de Sacramento Eucharistiæ intelligendum.

Et de secundo Bellarmini argumento hæc-

\* \*

Bbb

CAPVT



## CAPUT IV.

*In quo tertium generale Bellarmini argumentum sumptum ex illis verbis, Hoc est corpus meum, examinatur & diluitur.*

**I**AM aggredior disputationem de verbis Cænæ, *Hoc est corpus meum*, quæ verba habentur apud tres Evangelistas, Matthæum, Marcum, Lucam, atque etiam apud Paulum. Christus quando Cænā suam instituit, accepit panem, & cum benedixisset, fregit, deditque discipulis, & dixit, *Hoc est corpus meum*: ubi Christus aperte esse suum corpus dixit, quod discipulis suis dedit. Ita enim Bellarminus verba exponit, & hanc esse Ecclesiæ Catholicæ sententiam ait, verba esse simpliciter & proprie accipienda in hunc modum, *Hoc*, id est, quod sub his speciebus continetur est corpus meum, id est, verum & naturale corpus, verè & propriè. Sed hanc sententiam esse horum verborum, vetus Ecclesia non putavit, ut nos postea docebimus: neque est hic simplex & proprius sensus verborum. Aliud est n. dicere, *Hoc est corpus meum*; aliud, Quod continetur sub his speciebus est corpus meum: illud enim non modò de eo quod continetur, sed & de eo, quod videtur, intelligi debet; nam, *Hoc*, propriè demonstrat aliquid oculis: & aliud est dicere, *Hoc est corpus meum*; aliud, *Hoc* transubstantiatur

in corp<sup>o</sup> meum, vel, Ex hoc fit corpus meum. Aut ergo panis, aut species panis est corpus Christi, si propriè verba sumantur: sed hic sensus est falsus, ut aut panis propriè, aut species panis sit corpus Christi. Qui ergo exponit *Hoc*, id est, quod sub his speciebus continetur, is apertam synecdochen facit. Ita dum Aduersarii volunt non *panem* vrgere, & proprietatem sermonis in his verbis acriter defendere, in figuram imprudentes delinuntur. Quod etiam Lutherani faciunt, qui verba sic exponunt, in hoc, cum hoc, sub hoc pane, est corpus meum: nam Christus *panem*, non quod in pane latet, corpus suum vocat. Et Papistæ & Lutherani non *panem* vrgēt, tamen illorum pugnantia de Sacramento sententiæ sunt. Varias autem expositiones horum verborum commemorat Bellarminus, quarum tamen pleræque non differunt re: aliquæ pugnantia sunt, sed earum non multæ. Ait nuper prodiisse libellum, in quo ducentæ numerantur horum verborum expositiones. Ego hunc librum non vidi, sed tamen dico omnes esse falsas præter unam.

Bellarminus nouem tantum ex præcipuis recenset: ubi tamen obseruandum est, eum Lutheri opinionem omisisse, quæ controuersa in primis est. Andreas Carolstadius inepte per, *Hoc*, ipsum Christi corpus intelligi vult, quod Apostoli videbant, & quod inter eos se debebat: suum enim corpus & se designasse, cum dixit, *Hoc est corpus meum*.

*meum*; non quod illis tradidit: at aperte Christus, quod illis tradidit, id corpus suum vocauit. Hanc expositionem Papistæ improbant, sed nullo iure, qui volunt ipsum Christi corpus, quod inter Apostolos erat, esse ab Apostolis esum: non enim habet Christus nisi corpus unum: si ergo corpus Christi editur in Eucharistia, illud edit, quod Apostoli spectabant, nisi aliud Christi corpus proferre possint. Sed Carolstadius non putauit edi corpus Christi, ideo nouam expositionem excogitauit, quæ non aut panem verti in corpus Christi, aut esse in pane corpus Christi statuit; Christum enim loquutum esse non de pane, aut de eo, quod in aut sub pane continetur, sed de se, & ostendisse Apostolis suum corpus. Ridiculè: quorsum enim corpus suum, quod illi videbant, esse corpus suum diceret? quorsum pronuntiaret de suo corpore, quod ipsius corpus esset? Nos istam opinionem nullo modo admittimus, & nemo illam post Carolstadium amplexus est. Fuit ille quidem vir doctus, sed nimis cupidus contentionis.

Bellarmin. de  
Sacram.  
Eucharist.  
l. i. c. i.

Quod ad Buzerum, Zuinglium, Oecolampadium, Calvinum attinet, quibus opiniones differentes ascribit Bellarminus, idem hi omnes de hoc Sacramento senserunt & docuerunt, quemadmodum ex eorum summo consensu, & Bellarmini confessione patet, qui prius ait, Oecolampadium re conuenire cum Zuinglio, & Calvinum reuera nihil differre à sententia

Zuinglii: hic verò ut nobis opinionum pugnas tribuat, diuersas sententias horum facit. Bucerus quidem per *Hoc* aliquando intellexit totam actionem, & sic interpretatus est hæc verba, *Hoc est corpus meum*, id est, hæc actio significat corpus Christi, vel, Christi corpus exhibetur in hac actione: voluit enim à signis ad res ipsas conuerti mentes nostras; & hæc actio non est profana, sed repræsentat Christi mortem.

At postea in retractationibus suis per *Hoc* non modò panem & poculum, sed simul ac præcipuè corpus & sanguinè Domini intelligit: esse enim duplicem demonstrationem, ad sensum unam, ad intellectum, alteram, ut semper fieri solet, quando signo visibili res inuisibilis ostenditur & exhibetur; ut cum Episcopus dat sacros ordines, tradit librum; aliud autem oculis, aliud menti demonstratur: & Christus quando inflabat in Apostolos post resurrectionem, duas res exhibebat, sensibus afflatum, menti Spiritum Sanctum: ita his verbis, *Hoc est corpus meum*, sensibus panem, intellectui & fidei suum corpus demonstrasse & exhibuisse. Quare diuersum nihil docet Bucerus à Zuinglio, aut Oecolampadio, quorum se probare sententias sibi haud obscure indicat. Neque hi duo omnino dissentiant: eodem enim recidunt amborum expositiones. Zuinglius tropum constituit in verbo, est, in hunc modum, *Hoc est corpus meum*, id est, *Hoc* significat corpus meum: sic enim panem

Exod. 12.  
11.



corpus Christi dici, vt Agnus Paschalis vocatur transitus; atq; hunc locum ei oblatum esse in somno ait, quod multi postea riserunt: sed multa in somno succurrunt, de quibus vigilantes non cogitabant. Alios multos locos obiecit Zuinglius importuno Aduersario, cuiusmodi hæc sunt, *Ego sum ostium; Christus est petra; Ego sum pastor; Ego sum vitis*; in his non acquieuit Aduersarius, quia hæc non sunt dicta de Sacramentis: cum verò hos & alios multos locos obiecisset, nec in his Aduersarius acquievisset, ait quendam in somno sibi dixisse, Obijce hunc locum, *Agnus est Pesah*, id est, *transitus*. Potuit hoc quidem esse verum, sed de eo non valde contendo. Oecolampadius in attributo tropum potuit, *Hoc est corpus meum*, id est, inquit, signum aut Sacramentum corporis mei. Nec multum refert, vtrum dixeris, quis enim non videt, sensum eundem esse, siue dixeris, *Hoc significat corpus meum*, siue, *Hoc est signum corporis mei*. Calvinus de his non laborat, sed vtrumque admittit ait enim tropum esse posse, nempe metonymiam, in nomine *corpus*, vel etiam in verbo, *est*: nihil enim interesse.

Sed Bellarminus ait Calvinum addere, non esse panem Eucharistiae nudam figuram corporis Christi, sed talem figuram quæ rem exhibeat, ideoque Christum non dixisse, *Hoc est corpus meum*: in quo cum illis consentit, qui in Cæna verum Christi corpus spiritualiter esse dicunt: & sic Bucerus Zuinglii & Oe-

colampadii sententiam rectè exponit, quod non abesse à Cæna Christi corpus docuerint, vt quidam putabant; & idem se cum iis sentire profitetur, & Zuinglium ac Oecolampadium laudat. Hoc igitur commentum est & calumnia Pontificiorum de nostra hac in re opinionum dissensione: inter nos enim nulla est dissensio, quia conuenimus inter nos, & dissentimus à Papistis. Nos hanc Bucer, Zuinglii, Oecolampadii, Calvinis sententiam & expositionem probamus, Papistarum verò repudiamus, & non esse hæc verba proprie intelligenda dicimus. Quæstio ergo est, num proprie hæc verba intelligenda sint, vt Papistæ volūt, an, vt nos, tropicè & figuratè. Nos quidem facilem in ijs ac perspicuam & in Scripturis vsitam figuram nempe μετανομίαν esse dicimus; non tamè quod in verbis ipsis per se consideratis sit tropus aliquis (nam panis est verus panis & corpus est verum corpus) sed si coniunctim & relatè considerentur, vt scilicet prædicatum attribuitur subiecto: nam verum corpus Christi non potest de pane prædicari nisi figuratè, nec sanguis de vino: ergo corpus de pane ἐκ αὐτῶς, non simpliciter, sed figuratè prædicatur, & sic sanguis de vino. Est igitur τρόπος & ἁένσις non in verbis seorsum acceptis, sed in attributione. Sed ex verbis ipsis institutionis negamus posse concludi necessariò realem præsentiam, & cum Caietano dicimus, non apparere ex Euangelio coactiuum aliquid, ad intelligendum Christi verba pro-

prie: de quo Caietani dicto Dominicus Sotus ait; *disimulari potuisset; & hoc consultius siluisset*. Ita illi dissimulant, vt causæ suæ inseruiant.

Sed nullum esse in his verbis tropum Bellarminus 4. argumentis probat: quorum primum sumitur à materia, de qua Christus agit, secundum à personis, quibus cum Christus loquebatur, & à loco, ac tempore, in quo loquebatur, tertium à consensu Patrum, quartum à regula interpretandi Scripturas. De singulis ordine respondebimus. Argumentum primum sic instituit, Res, de qua hic agitur, est pactum, Sacramentum, Testamentum, lex, & dogma: ergo loquutio est propria; non figurata. Nos in syllogismum redigemus: Vbiunque agitur de tali materia, qualis est pactum, Sacramentum, Testamentum, lex, & dogma, ibi sermo semper est proprius, & nulla est figura: at hic Christus de tali materia agit: ergo hic proprio non figurato sermone utitur. Respondeo: Probanda hic Aduersario duo sunt, quorum primum est, hic agi de tali materia, secundum, ex eo sequi, sermonem non esse figuratum. De priore quidem non valde contendimus: non enim negamus, instituisse hic Christum Sacramentum, Testamentum, & pactum, & promulgasse legem ac dogma: sed cor sequentia infirma est, ergo non esse figuram in verbis: potest enim Sacramentum verbis etiam figuratis institui. Iam quomodo probet cōsequutionem videamus. 1. Sacramenta, inquit, solent à Deo institui proprijs ver-

bis, vt in eorum vsu non erreretur: id ex Circumcisionis, Agni Paschalis, Baptismi institutione probat: quis ergo credat, inquit, Christum in instituendo primario Sacramento Religionis nostræ ita figuratè & ambiguè loqui voluisse, vt ne ipsi quidem Doctores Legis diuinæ inter se conuenire possint, quid sit hoc Sacramentum, panisne an corpus Domini? Respondeo primum: Non quisquis loquitur figuratè, ambiguè loquitur: imo multæ sunt figuratæ loquutiones æquæ planæ ac perspicuæ, & magis quidem significatiuæ, quæque maiorem in se emphasin habent, quam quæ figuratæ non sunt. Tropus enim non pugnat cum perspicuitate, sed figuræ illustrent res sæpe, easque multò expressius declarant. Qui more communi loquitur, etsi figuratè loquatur, non ambiguè loquitur: non est ergo omnis oratio ambigua propter figuras, sed aliquando illustrior. Sic cum Christus ait, *Ego sum pastor bonus*, est figura; tamen nemo nescit quid velit, & magis expressè ac melius in sensu influit hic sermo, quàm si dixisset, *Ego sum similis pastori*. Sic aliis metaphoris utitur Christus, vt cum ait, *Ego sum ostium; & Ego sum* *via: semen est verbum: ager est mundus: semen sunt filij regni, zizania sunt filij illius Mali: messis est finis mundi: messores Angeli sunt: Ego sum vitis vera, vos palmites: In manus tuas commendo spiritum meum*. *Ioan. 10. 9. & 14. 6. Luc. 8. 11. Matth. 13. 38. 39. Ioan. 15. 1. 5. Luc. 23. 46.*

Huiusmodi figuratis sermonibus refertæ Scripturæ sunt, & summa est in eis perspicuitas: non est



ergo figura inimica semper *τὸ ἀντικείμενον*, id est, *perspicuitati*. Quod verò Doctores dissentiunt, id hominum contentiosorum vitio fit, non verbis. *Secundo* respondeo: falsum id esse, quod ait, Deum non nisi propriis verbis vti, cum instituit Sacramenta. Quando enim Scriptura nos de sacris mysteriis instruit, figuris & tropis vtitur: ergo non pugnant tropi cum Sacramentis: consentaneum verò est, vt de Sacramentis Sacramentaliter loquatur. Exempla in Scripturis suppetunt satis multa. Postquam iussisset Deus circumcidi mares, ait, *sic erit fœdus meum in carne vestra*: vbi circumcisio vocatur fœdus, q̄ nō nisi signum fœderis diuini fuit: manifestus ergo tropus est. Sic Agnus vocatur Pascha, id est, transitus; & tamen non ipse transitus erat, sed Sacramentum, quod illū transitum significabat. Deus illa nocte aedes Israelitarum præterit, & in iis neminem læsit; in Aegyptiorum aedes inuasit, in quib. singulis aliquem interfecit: huius rei Agnus Sacramentum fuit, ideoq; ipsius rei nomine vocatur. Neque hoc in vetere modo Testamento fit, verum etiam in nouo. Illa Christi verba, *Nisi quis renatus fuerit ex aqua & Spiritu*, volunt Aduersarii de Baptismo intelligi: at renasci metaphorice est. Bellarminus ait, hanc vocem explicari per illa verba, *ex aqua & Spiritu Sancto*. \* Sed nobis sufficit, quod Christus metaphorice loquutus fuerit: non igitur abhorret figura à Sacramento. Sed Bellarminus præterea ait,

Gen. 17. 13.  
Exod. 12.  
11.

Ioa. 3. 5.

\* Sic & tropus in Eucharist. postea explicatur, cum Do-

eam vocem non pertinere ad Sacramenti essentiam, sed ad effectū significandum: & sic nos possemus dicere, his verbis, *Hoc est corpus meū*, effectum significari huius Sacramenti, nos scilicet participes fieri corporis Christi, si hunc panem cum fide accipiamus: nam vt panis vocatur corpus, sic Baptismus vocari potest *παλιγγενεσία*, id est, *renascentia*, seu *regeneratio*. Et alibi Baptismus vocatur, *συνειδήσεως αἶγαν*, id est, *stipulatio bona conscientie apud Deum*, id est, Sacramentum stipulationis, qua nos victuros & seruituros Deo pollicemur. Sic Paulus ait, quotquot baptizamur in Christum, induisse Christum: & alibi, *συνετέθημεν ἐν αὐτῷ ὡς βαπτισμοῦ εἰς τὸν θάνατον*, *sepulti igitur sumus vnā cum eo per Baptismum in mortem*. Nihil magis tritum, quàm verbis figuratis doctrinam de Sacramentis exponi. Sic Christus, *Desiderio desideravi edere vobiscum hoc Pascha, antequam ego patiar*, id est, hoc Sacramentum Paschatis: & Apostoli aiunt, *Vbi vis paremus Pascha*, id est, Agnum Paschalem. Sed in verbis Eucharistie ipsis necessarium est agnoscere figuram, *τὸ ποτήριον ἡ ζωὴ καὶ αἵμα*, *Hoc poculum est nouum Testamentum*: non ipsum sane poculum, sed aliud aliquid intelligit Christus, & tamen de solo poculo loquitur: figura igitur est: & hæc Sacramenti verba essentialia sunt. Tum si per poculum sanguis intelligatur, non sanguis est nouum Testamentum, sed id quo nouum Testamentum sancitur & continetur. Duplex ergo

minu. ad. Hoc faci. te in mei memoria, & annu. ciabitur mortem Domini, donec veniat.

1. Pet. 3. 21.

Gal. 3. 27.

Rom. 6. 4.

Luc. 22. 15. & 9. 34.

ergo tropus est, in subiecto scilicet & in attributo. Et ipsi etiam Aduersarii ad tropos confugere coguntur: cum enim Paulus sæpe panis vocabulo vtitur etiam post consecrationem, sic illi exponunt, appellari panē, quia panis ante fuit: est igitur tropus, quia dicitur panis, & tamen panis abest: quidni ergo panis dicatur corpus Christi simili tropo, etsi corpus Christi realiter non adsit? & tamen Bellarminus Sacramēta solere à Deo institui ait, non nisi verbis non figuratis, hoc est, propriis & apertis. Idem de Testamentis quoque ait, nihil scilicet magis proprie, simpliciter, & exquisitè explicari solere, quam Testamentum, ne detur occasio litigandi de voluntate testatoris. Sic vetus Testamentum, inquit, propriissimis & apertissimis vocibus instituitur, vt Apostolus illam institutionem refert: & probat Cœnam esse Christi Testamētum, quia Christus ait, *Hic est sanguis noui Testamenti*, vel, vt Lucas habet, *Hic est calix nouum Testamentum in meo sanguine*. Sic Iacob, inquit, David, Tobias, Matthatias, testamenta sua, inquit, verbis clarissimis & simplicissimis composuerunt: & hic quoque mos humanus est, ex quo Apostolus argumentum sumit dicens, testamentum hominis ita esse ratum, vt nemo audeat aliquid addere vel demere: & ait leges humanas iubere, testamēta in proprio sensu verborum intelligenda esse, vt si quis domum alicui det in testamento, & aliquis cauilletur, non veram do-

1. Testamēta.

Exod. 24.

78.

Heb. 9. 19.

10.

Matth. 26.

18.

Luc. 22.

10.

Gen. 49.

2. Ge.

1. Reg. 2.

2. Ge.

Tob. 4. 2.

Ge.

1. Mach. 2.

2. 49. Ge.

Gal. 3. 15.

Lex. ff. de leg. 3. leg.

leg. 3. leg.

num, sed depictam dari, is apud nullum iudicem obtineret: Christus ergo Testamentum nouum, non figuratis vocibus obscurauit, sed propriis & perspicuis proposuit. *Respondeo*: Christus Cœnam non vltimam voluntatem suā, sed fœdus nominauit, id est, reconciliationem omnium credentium cum Deo: *Ἀσθήνη* enim fœdus & pactū non minùs quàm testamentum significat. Sed demus esse testamentum: non sequitur tamen verba proprie esse intelligenda, quia testamentum potest verbis figuratis condi, vt tamen nulla sit ambiguitas de voluntate testatoris: non enim figura omnis obscurat orationem, sed potius ad eam illustrandam adhibetur. Sed de singulis Bellarmini exemplis respondeamus. Sanguis vitulorum & hircorum vocatur sanguis Testamenti: at Testamentum proprie non habet sanguinē: aliquid ergo in verbis figuræ est. Qui dicit, hic est sanguis, quo Testamentum confirmatur aut representatur, is proprie loquitur: qui verò sanguinē taurorum aut pecudum esse Testamentum, aut testamenti sanguinē ait, is loquitur figuratè: & reuera ille sanguis non nisi signum & typus fuit illius sanguinis, quo æternum fœdus sancitur, qui Christi solius sanguis est: ergo in his verbis manifesta figura est. Sic Iacobi testamentum plenum figurarum est: *Ruben fortitudo mea: effusus es sicut aqua: catulus leonis Iuda: Isachar asinus fortis: Dan coluber in via: & pene omnia figurata sunt*. Sed Bellarminus ait,

Exod. 24.

8.

Heb. 9. 20.

Gen. 49. 2.

Ge. 3. 4. 9.

14. 17.



ait, hæc esse vaticinia, & inter vaticinandum variis figuris vti Iacobum; at cum ad ipsum Testamentum venit, clarissimis verbis vti. *Respondeo*: At nunc Patriarcha testamentum condidit, & quodammodo bona sua filiis distribuit: quæ enim quisque hæreditatem habiturus esset, exposuit; illa autem verba, *Sepelite me cum patribus meis in spelunca duplici, quæ est in agro Ephron, &c.* in quibus tantum Iacobi testamentum contineri vult Bellarminus, non nisi locum sepulturæ præscribunt. Præclarum testamentum, in quo nihil datur aut legatur, sed tantum de loco sepulturæ cauetur! quis vnquam tale testamentum condidit? Quare quæ præcedunt potius Testamentum continent, vbi Iosepho ait, *Do tibi &c.* hæc verba sunt testamenti. hic autem est figura: ait enim se dare ei sortem extra fratres, quam ceperat à manu Amorrhæi gladio & arcu suo; non videtur de ciuitate Sichem loqui, quod illius incolæ Hiuxi non Amorrhæi essent, vt Hieronymus ab Oleastro affirmat; & Iacob nondum possedit illum agrum, imò coact<sup>9</sup> est fugere metu: & cædem illam Sichemitarum execratur: ergo nunquam sibi ipsi ascriberet. Nec Iosepho sed posteris eius hunc agrum dedit, quia nondum Amorrhæis eripuerat, nec illos aliquâ victoriâ superauerat, sed loquitur de re futura, vt de præsentis, vel præteritâ, propter rei certitudinem: nouit enim Iosephi posteros certissimè erepturos esse illum agrum Amorrhæis, & eum

Vers. 29.  
30.

Gen. 48.  
vlt.

Hieron. ab  
Oleastro in  
loc  
Gen. 49. 7.

tam certò in illorum manus venturum, quàm si tunc parca possessio fuisset. Huius victoriæ mentio habetur Iosue 24. vbi Iosue Dei nomine sic alloquitur filios Israël, *Introduxi vos in terram Amorrhæi, qui habitabat trans Iordanem; cumque iugnarent contra vos tradidi eos in manus vestras, & possedistis terram eorum, atque interfecistis eos.* Ergo hic figura manifesta est, quia Iacobus hunc agrum in posteris suis eripuit Amorrhæis. Et David in suo testamento multa figuratè loquitur, *Ecce, inquit, ego ingredior viam vniuersæ terræ, id est, morior; & per vniuersam terram omnes homines intelligit.* Sic postea vbi de Ioabo & Semei loquitur, figuratè loquitur: de Ioabo enim ait, *Non deduces canitiem eius pacificè ad inferos; & de Semei, Deduces canos eius cum sanguine ad inferos,* id est, illum supplicio capitali afficies. Sic Tobias in suo testamento iubet filium non auertere faciem suam à paupere: sic enim fore, vt non ab illo facies Dei auersa futura sit: hoc figuratè dicitur; nā Deus faciem proprie non habet; & postea ait, *Panem tuum & vinum tuum, super sepulturam iusti constitue;* quibus verbis ad literam iubet filium cibos super sepulchra iustorum ponere; quod aliqui facere solebant, & Augustinus reprehendit; alii de magnificis & sumptuosis conuiuiis in sepultura piorum intelligunt: verba certè non possunt sine figurarum sensum habere. Similiter Matthathias filios suos alloquens iubet non timere verba peccatoris, quia gloria eius stercus & vermis est: hæc

Iosue 24. 8.

1. Reg. 1. 1.

Vers. 6.

Vers. 9.

Tob. 4. 7.

Vers. 18.

1. Mach. 2. 6.

hæc sine figura intelligi aut explicari non possunt. Quod verò ex Epistola ad Galatas affert, nihil aut contra nos aut ad rem facit: non enim addit aut demit, qui figuratè exponit, quod enunciabatur figuratè, sed qui aliter interpretatur, quàm intellexit is, qui Testamentum condidit. Et certum quidem est, testamenta esse in proprio sensu intelligenda; quod leges præcipiunt, vt si quis domum aut fundum legauit, is non signa harum rerum, sed res ipsas legasse intelligatur: sed proprius sensus dupliciter accipitur, vel scilicet vt verba sonant nativæ sine figura aut tropo: vel proprius sensus est, quem verba præ se ferunt secundum communem rationem & testatoris voluntatem intellecta. Regula est iuris, in testamentis optimum est scrutari in primis, quid testator demonstrare voluerit. Sic figuratus sensus potest esse proprius sensus, & Testamenta, vt & alia scripta, intelligenda sunt secundum regulas loquendi. Si quis Testamento det alicui Ciceronem, Platonem, Aristotelem, Liuium suum, quid velit, omnes sciunt: non tamè hi libri sunt ij ipsi quorum nominibus vocantur: figura est igitur. Et vix aut testamentum condere, aut omnino loqui possumus, sine figuris.

Legi Testamentum Francisci Petrarchæ: is Bibliothecam suam Sancto Marco legauit, id est, Ecclesiæ Sancti Marci, quæ est Venerabilis. Falsum igitur argumentum est, non esse in his verbis figuram,

quia Christus testamentum composuit. Christus Apostolos suos in hunc modum alloquitur, *Agredimini vniuersi, dispono vobis* (sic vulgata editio habet) quasi diceret, hæc mea nouissima voluntas est, vt edatis & bibatis in mensa mea: manifestus tropus est; nam in regno illo, de quo ibi loquitur, nulla mensa est, nec illic aut edemus aut bibemus. Iam de pactis dicamus. 3. Eriam pacta, inquit Bellarminus, seu fœdera, ex eo genere rerum sunt, quæ exquisitissimis & propriis verbis explicantur, ne locus vllus relinquatur cauillis: sed Christi Testamentum est quoque pactum, quia est (inquit) Testamentum conditionatum. *Respondeo*: Christi Testamentum esse pactum non est dubium: Sed Eucharistiæ Sacramentum neque est Testamentum, neque pactum ipsum, sed eius symbolum: nam pactum est de remissione peccatorum, & reconciliatione per sanguinem mediatoris: huius fœderis Sacramentum Eucharistia est. Målè argumentum sequitur à pactis ad pactorum symbola. Sed ne pacta quidem semper verbis propriis fiunt.

\* Fœdus cum Adamo pepigit \* totum Deus his verbis, *Semen mulieris conteret caput serpentis*: est in verbis *qñ* stamentum est multis figuris velut. Similiter cum Noacho fœdus pepigit, se non esse post deleturum hominum genus aquis, & se huius pacti signum positurum in nubibus arcum suum, vt quoties arcum aspiceret, huius pacti recordaretur: est hic figura; nullus n. in celo arcus est, nec Deus aspectibili Gen. 31. 32. signo.

Ccc



signo indiget ad reminiscendum. Conuenerat inter Laban & Iacob, vt neuter illum cumulum transiret, quem Iacob erexerat: procul dubio cumulum transire poterat, sed non ad damnum inferendum; & inferri damnum potuit, vt cumulus ipse non transiretur: ergo verba non sunt ita curiose & exquisire intelligenda, quemadmodum proprie sonant. Quid vtrique vellet, satis constabat, sed verba non tam exquisita sunt, quam Bellarminus in pactis requirit. Et si quis eo animo sit, vt fallere velit, nulla verba sufficiunt. Pepigerunt fœdus Romani cum Antiocho de tradendo classis dimidio. verba satis aperta fuerunt, ramen Romani Antiochum sefellerunt; nam eius naues omnes medias secuerunt. Tarpeia virgo cum Tatio pepigit de colle prodendo, si darent milites, quod læuis gestabant: illi potiti colle eā scutis obruerunt; sed illa armillas sperabat. Simili fraude vsus ille est, qui noctu agros populabatur, & quod dierum essent pacta, non noctium induciæ. Debent quidem pacta fieri verbis apertis, vt de sensu cōfiter, & vt pie seruari possint; sed vt verbum nullum in fœdere figuratum sit, id non est necesse. Ipsa Decalogi tabulæ, id est fœderis, suas figuras habent, *Eduxi te*, inquit Deus, *ex terra Egypti, ex domo seruorum*: certè in Egypto non vna tantum domus fuit. Et si Deus nos in his verbis alloquatur, necesse est vt loquatur figuratè: nos enim in Egypto nunquam fuimus, neque in illa seruitute, sed è potestate Sathanæ eiusque seruitute vindicati su-

mus: & hoc fœdus ad nos quoque pertinet, aut certè Decalogos nihil ad nos spectat. Sed Bellarminus nullum testimonium proferre potuit, quo à pactis figuras remoueat. 4. Proximo loco de præceptis & legibus contendit, debere scilicet verba legum perspicua & propria esse, ne detur occasio præuaricationi. Omnia Decalogi præcepta (inquit) propriis verbis explicantur; etiam alia præcepta, quibus certus ritus in lege veteri instituitur. Et hic quoque aliquid præcipitur. *Respondet*: Quicquid præcipitur fieri, id propriis verbis præcipi falsum est: multa enim præcepta figurata sunt, vt *Nolite indurare corda vestra*, *Psalm. 95. 8.* & *Lauamini, mundie stote*, & alia huiusmodi, quæ passim occurrunt. Sensus horum præceptorum satis manifestus est, sed verba aliud præcipiunt, quam præseferunt. Non enim durantur corda, sed voluntas fit peruersior, & nihil prodest corpora lauare, sed animus purgandus est. His simile illud est apud Prophetam Ioel, *Scindite corda vestra*. Præterea ne præcepta quidem omnia Christi in Cænâ figuratè carent, etiam ex illorum sententia: nam in his verbis, *Hoc facite*, constituunt illi figuram, *Hoc facite*, (inquiunt) id est, hoc sacrificate. Deinde sunt etiam ibi præcepta verbis propriis posita, vt, *Accipite, edite*: sed Bellarminus ait, non hoc satis esse, nisi etiam proprie & aperte significetur, quid sit, quod accipere & edere oporteat: aliter enim accipiendum est, inquit, frustum panis, aliter Christi corpus. Sed *Respondet*: Satis aperte consta-

bit Apostolis, quid illos facere Christus mandauit: dedit enim illis panem ac vinum, & iussit edere ac bibere; sed hunc panem & vinum non nunc dedit vt cibum & potum communem; erant enim nunc Sacramenta: non ergo vt frustum panis acceperunt, sed vt Christi Sacramentum, cum quo ipse Christus spiritualiter sumeretur. V. Postremò dogmata non nisi propriis verbis tradi solere ait in diuinis literis, præsertim præcipua, quæ præcise credantur seruari debent: at in his verbis, inquit, *Hoc est corpus meum*, vnum ex præcipuis dogmatibus Christianæ religionis contineri, nemo hactenus negauit. *Respondet*: non hoc semper fieri: nam Christus ait, *Nisi manducaueritis carnem Filij hominis, & biberitis sanguinem eius, non habetis vitam in vobis*: in his verbis Origenes & Augustinus tropum constituunt; & in his dogma continetur. Sic Christus cum docuit Apostolos, multas parabolas proposuit: & idem ait illis, *Ego sum vitis illa vera, & Pater meus agricola est: vos palmites*. Quid opus est exemplis? nullus ferè locus est, vbi non eiusmodi habentur.

Atque hoc Gardineri argumentum fuit, cui Petrus Martyr respondet, non deesse in Scriptura Sacramenta, dogmata, & præcepta tropis explicata. De præceptis hæc exempla affert Petrus Martyr, *Attendite à Pseudoprophetis, qui ad vos veniunt in vestimentis ouium: Cavete à fermento Phariseorum: Nolite contristare Spiritum Sanctum: Nolite solliciti esse de crastino*: Dogmatum figuratorum hæc exempla affert, *Deus*

*nostrum est ignis consumens: Nos omnes vnus panis sumus*, & illa, vbi Christus dicitur lapis, leo, vitis, &c. de Sacramentis exempla affert, *Petrus ait: Christus: & Agnus erat Pesach: & Circumcisio est fœdus: & Calix est novum Testamentum*. Iam quomodo Bellarminus Petro Martyri respondeat videamus. Ait Martyrem non respondisse ad argumentum sumptum ex vocibus Testamenti & pacti. *Respondet*: Non hoc illi obiectum fuit: si fuisset, procul dubio respondisset: sed ego nunc satis de his, vt opinor, respondi. Bellarminus ad ea, quæ à Martyre afferuntur, ordine respondet, & primò de præceptis, quorum ille distinctionem quandam ex suo cerebro fingit. Distinguenda esse ait præcepta peculiaria, & proprie dicta, à cohortationibus; illa esse propriis vocibus efferenda, his aptissime admisceri tropos: ratio est, quia cohortationes sunt de rebus notissimis. *Respondet*: absurdam & ineptam esse hanc responsionem.

Primò ait præcepta deberi propriis verbis efferri, postea pressus exemplis, ait illa non esse peculiaria præcepta, quia sunt de rebus notissimis, vt omnes norunt falsos Prophetas fugiendos esse, cauendum esse ab hypocrisis & falsa doctrina, non esse aliquid agendum, quod Deo displiceat, vitandas esse superuacaneas curas: ideo Christum adhibuisse tropos, cum ad ista hortaretur. Sed quid rum? non sunt ergo hæc præcepta quia omnibus notissima sunt? Deum esse diligendum, Omnib. notum est: non est



ergo præceptum? Seder si omnib. hoc notum sit, pseudoprophetas esse fugiendos, tamen quomodo discernendi pseudopropheta sint, non omnes nōrunt: hoc Christus figuratē docet, *veniūt, inquit, ad vos in vestimentis ouium*, id est, videntur mites & simplices, sed sunt crudeles & sanguinarii: & est non modò exhortatio, sed etiam præceptum, & quidem peculiare præceptum, de falsis Doctoribus cauendis. Eiusmodi est, quod Christus ait, *Matth. 23. 9. Nolite vocare quenquam patrem super terram: est præceptum peculiare, & tamen figuratē proponitur, nisi velit propriē neminem vocandum esse patrem. Et quod Apostolus ait, Expurgate vetus fermentum, est peculiare præceptum de incestuoso excommunicato; & tamen figuratum est. Falsissima ergo hæc regula est, abesse figuras, vbi est præceptum peculiare: non enim hoc magis peculiare præceptum est, Hoc facite, quā illud, Immolate Pascha. Quod ad dogmata attinet, Bellarminus ait, non vocari dogmata quaslibet de Deo sententias, sed eas tantū, quæ habent peculiarem difficultatem. Sed quis huius distinctionis author est? Dogmata sunt, quæcunq; aliquam doctrinam proponunt, seu difficile, seu minus difficile. Illud, *Omnes nos sumus vnus panis*, docet esse summam & eam quidem mysticā conjunctionem inter fideles, quæ in Symbolo communio Sanctorum dicitur: si ergo communio Sanctorum est dogma difficile, tum & hoc*

Exod. 12.  
21.

1. Cor. 10.  
17.

quoque dogma difficile est, & tamē proponitur figuratē. Sed Bellarminus iterum respondet, si hæc dogmata in vno loco tropicē proponantur, in alio propriē explicari: at dogma hoc de Eucharistia nusquam alibi in Scriptura aliis verbis habetur: nusquam enim panis Eucharistiæ vocatur figura corporis Christi. *Respondeo*: Id si verum sit, tum Patres certē malē Scripturas intellexerunt. Sed Scriptura planissimē hunc panem esse verum panem ait; sic Paulus sæpe: & hic ait, significari & annunciari hoc Sacramento mortem Christi: ergo esse signum innuit, vt nos postea fusius docebimus: & cum Christus iam ad mensam sederet cum Apostolis, faciliē intelligere potuerunt, hæc verba, *Hoc est corpus meū*, Luc. 22. non esse propriē intelligenda. Tū quomodo illa verba excusari à tropo possunt, *Hoc poculum est nouum Testamentum*? Ad Sacramenta quod attinet, de exemplis à Martyre alatis pollicetur Bellarmin⁹ se postea responsurum: nunc tantū de illo loco, *Petra erat Christus*, multa ait, quæ nos supra reputauimus; nunc tamen aliquid respondendū est.

Ait Paulum loqui non de materiali petra, sed de inuisibili, quæ est Christus, vt Deus: ideo non pertinere locum hunc ad propositum. *Respondeo*: Paulum de petra materiali loqui; quod ex his quatuor argumentis apparet.

*Primo* ait, hanc petram sequutā esse Israelitas, quia aquas emisit, quæ illos per totum desertum se-

cutæ

cutæ sunt: Christus verò non sequebatur, sed præibat eos in nubem.

2. *Secundo*, Apostolus ait, omnes bibisse ex ea petra: at non omnes de petra inuisibili biberunt, quæ est CHRISTVS, secundum deitatem.

3. *Tertiò*, Apostolus non ait, vt Bellarmin⁹ exponit, Christus erat petra, sed petra illa, de qua bibebant, erat Christus, id est, Sacramentum Christi erat, vel significabat Christum, non re ipsa Christus erat. Sic Augustinus, *Solet res, qua significat, eius rei nomine, quam significat, nuncupari: sicut scriptum est, Septem spica septem anni sunt, & multa huiusmodi. Hinc est quod dictum est, Petra erat Christus. Non enim dixit, Petra significat Christum; sed tanquam hoc esset, quod vtiq; per substantiam non hoc erat, sed per significationem.*

4. *Quartò*, agitur hic de Sacramentis: comparat enim vetera Sacramenta cum nostris: ergo hinc ducitur aptissimū exemplum Sacramentalis prædicationis: agi verò hic de Sacramentis, & comparari hic vetera & noua Sacramenta, omnes fatentur, & nos iam satis antea euicimus.

2. *Secundum* Bellarmini argumentum sumitur à personis, quibus cū Christus nunc loquebatur, cū Canam instituit, id est, ab Apostolis. Non sic Christus cum Apostolis loquutus est, vt cum Phariseis: nam Pharisei indigni erant tam sublimium mysteriorum cognitione: at Apostoli rudes ac simplices erant, & instituebantur vt ma-

gistri futuri totius generis humani: ergo eis aut omnia clarissimē proponebat, aut dicta obscurius statim exponebat. *Respondeo*: argumentum non sequi, Apostoli non erāt similes Phariseis: ergo hæc verba non sunt tropicē intelligenda, nēpe, *Hoc est corpus meum*. Neque à parabolis ad tropos, neque à Phariseis ad Apostolos valet argumentum. Parabole obscuræ satis erant, nec intelligi ferē sine interprete potuerunt: quanquam Christi quasdam parabolās a Phariseis satis intellectas fuisse constat, vt parabolam illam de Patrefamilias, cuius filius ab agricolis, quib. vineam suā elocauit, trucidatus est, *Matth. 21. 45.* Pharisei cognouerunt de se dici: at tropi, qualis horum verborum est, tam faciles sunt, vt quiuis possit intelligere. Quare Christus, cum parabolās vult exponere, tropos adhibet, vt ex parabolæ de seminante explicatione patet. Postquam enim narrauerat, quemadmodum agricola ad seminandum semen suum exiit, quæ fuit parabola; postea hanc parabolam exponens, id est, docens quid significet, ait, *Semen est verbum Dei: vbi tropus manifestus est: aliz igitur parabolæ, alia tropi ratio est: multum inter hæc duo interest. Et quanquam Christus rarò parabolicē alloquitur Apostolos, tamen figuratē passim alloquitur, vt cum ait, Beati pauperes spiritu, & Beati qui esuriunt & sitiunt iustitiam, & cū ait, Si oculus tuus dexter facit vt tu offendas erue eum, & abijce abs te, & similiter cum ait, Si dextera tua manus facit vt tu offen-*

Luc. 8. 11.

Matth. 5. 3.

& 5. & 29.

& 30.

Ccc 3 tu offen-



tu offendis, excinde eam, & abice abste-  
 nemo præter Originem hunc ser-  
 monem non esse figuratum dixe-  
 rit. Sic cum ait, *Lucerna corporis est*  
*oculus, &* Nonne ego vos duodecim ele-  
*gi, & unus ex vobis est diabolus?* neque  
 vlla ibi expositione usus est. Ita cū  
 ait, *Super hanc petram edificabo Eccle-*  
*siam meam, &* Tibi dabo claves regni  
*celorum, &* postea in eodem capite,  
*Si quis vult post me venire, abneget se-*  
*metipsum, & tollat crucem suam, ac se-*  
*quatur me:* & alibi, *In domo Patris mei*  
*multa mansiones sunt:* & Ego sum vitis  
 vera, & Pater meus agricola est; vos pal-  
 mites. His vocibus Apostolos, quā-  
 tumvis rudes, offensos non esse  
 legimus. Imò in illis Christi ver-  
 bis, *Pasce agnos meos, & oves meas,* du-  
 plex metaphora est, una in vocabu-  
 lo *pascendi*, altera in vocabulo, *oves,*  
 & *agnos*: atque his verbis Aduer-  
 sarii contendunt Christum dedisse  
 Petro primatum, quem illis ver-  
 bis, *Tibi dabo claves*, antea promise-  
 rat. Figurata sunt verba in utroq;  
 loco, & tamen Aduersarii volunt  
 esse apertissima: quidni ergo in  
 his verbis, *Hoc est corpus meum*, tro-  
 pus sit, & tamen verba sint perspi-  
 cua? illa verba licet figurata satis a-  
 perta esse affirmant, hæc, quia fi-  
 gurata sunt, ita obscura esse dicūt,  
 ut ne ab Apostolis intelligi possint:  
 quo quid stupidius? Sed utitur  
 Bellarminus argumento, Christus  
 (inquit) Apostolos hic instituit, ut  
 futuros magistros totius generis  
 humani: ergo non est usus tropis.  
 Respondeo: Quasi qui oratione figu-  
 rata utitur, is non possit institue-  
 re; aut quasi non promiserit Chri-

stus Apostolis Spiritum Sanctum, *Ioan. 14.*  
 qui illis omnia suggereret, eosq; in *26. & 16.*  
 omnē veritatem deduceret: Qua- *13.*  
 re puerile hoc & elumbe argumē-  
 tum est, Christus alloquitur futu-  
 ros magistros totius generis hu-  
 mani: ergo non utitur figuris: nam  
 illi volunt Christum his verbis,  
*Pasce oves meas*, non modo institu-  
 isse magistrum, sed etiam fecisse  
 pastorem vniuersæ Ecclesiæ; quod  
 fieri non potest, nisi in verbis illu-  
 stris sensus sit: & tamen quin ver-  
 ba figurata sint, non potest negari.  
 Sic Christus Apostolis ait, *Qui lo-*  
*tus est, non opus habet, nisi ut pedes la-*  
*uet;* ubi loquitur parabolicè, nec *Ioan. 13. 59*  
 tamen Apostoli nesciebant, quid  
 loqueretur, aut verbis eius offen-  
 debantur: Bellarmini igitur argu-  
 mentum cadit. Sed ille nunc duo-  
 bus argumentis probat, Christum  
 non exposuisse tropum in Cæna.  
 Sed quid si in Cæna non exposuit?  
 nam neque indigebant expositio-  
 ne, quia Apostoli satis norunt, qd  
 Christus vellet; neque si obscura  
 fuissent necessarium fuit statim  
 exponi: potuit aut prius aut postea  
 exponere, licet non in Cæna ex-  
 posuit. Neque tamen semper ex-  
 ponit tropos, & ea quæ figuratè  
 loquitur: nam duobus filiis Zebe-  
 dæi dixit, *Potestisne bibere poculum, &*  
*ego bibiturus sum, & baptizari?* non exponit  
 postea quid velit, quia Zebedæi fi-  
 lii statim intelligebant. Sic cum  
 Christus Mariæ matri suæ de lo-  
 anne discipulo dixit, *Mulier, Ecce fi-*  
*lius tuus, &* postea Ioanni, *Ecce mater*  
*tua,* non quarebant illi; quid sibi  
 vellet,

vellet, quia mox intelligebant. Sed  
 argumenta eius audiamus. Primum  
 est, nullum extare vestigium expli-  
 cationis. Respondeo: esse aliquod ve-  
 stigium. Et si enim verba satis per  
 se explicata sunt (quis enim Apo-  
 stolorum potuit illum panem ac-  
 cipere pro corpore ipsius Christi,  
 quod ante oculos erat?) tamen  
 postea mentem suam aperuit, cum  
 bis dixit, *Hoc facite in mei recordatio-*  
*nem;* quibus verbis docet hæc sym-  
 bola esse *μνημόσυλα* mortis suæ, id  
 est, quasi pignora quædam à se re-  
 licta, quibus mortem eius in me-  
 moriam reuocemus: Cænam hanc  
 subinde celebrandam, ut memo-  
 riam mortis Christi recolamus, nō  
 ut eius carnem ore nostro mandu-  
 cemus, & sic Christum rursus aut  
 interficiamus, aut malè mulcte-  
 mus. Et Christus antè hanc insul-  
 sam & phantasticam opinionem  
 de reali manducatione refutauit,  
 cum contra Capernaitas dis-  
 putaret.

*Ioan. 6. 53.* Secundum Bellarmini argumen-  
*6. & 61.* tum est, quia omnes Euangelistæ,  
*42. 63.* atque etiam Paulus, iisdem verbis  
 utuntur, licet diuersis & locis &  
 temporibus scripserint. Respondeo:  
 Et si hoc verum esset, nihil tamen  
 ad rem faceret: sed palam falsum  
 est. Non enim omnes iisdem ver-  
 bis utuntur: nā Matthæus & Mar-  
 cus habent tantum, *Hoc est corpus*  
*meum, &* *Hic est sanguis meus*: at Lu-  
 cas habet, *Hoc est corpus meum, quod*  
*pro vobis datur, &* Paulus, *quod pro vo-*  
*bis frangitur:* & apud Lucam habe-  
 tur, *Hoc poculum est novum Testamen-*  
*tum in sanguine meo:* in quibus verbis

manifestissim⁹ tropus est, ut isti tro-  
 porum calumniatores obmure-  
 scant. Missæ Romanæ Canon mu-  
 tauit verba Christi; nam pro *Hic ca-*  
*lix est sanguis meus*, ponitur in Cano-  
 ne, *Hic est enim calix sanguinis mei, no-*  
*ui & aterni Testamenti:* atque hanc  
 esse formam dicunt consecratio-  
 nis vini; sed hæc Christi verba non  
 sunt, nec cuiusquam Euangelistæ:  
 verba autem consecrationis de-  
 bent esse Christi. Et hæc verba, *Ac-*  
*cipite, bibite,* Lucas non habet, nec  
 Paulus verbum, *bibite:* Marcus de *Marc. 14.*  
 pane habet, *Accipite, comedite,* ante- *23. 24.*  
 quam ederunt Apostoli; de vino  
 contra, postquam bibissent, dixit,  
*Hic est sanguis meus:* si ergo vinum in  
 sanguinem versum est, non nisi e-  
 potum versum est. Hæc cum ita  
 sint, quo ore affirmat Bellarminus  
 omnes huius historiæ scriptores  
 iisdem verbis uti?

*3.* Tertium Bellarmini argumen-  
 tum sumitur à consensu interpre-  
 tum: Nullus interpres, inquit, hūc  
 locum tropice intelligendum esse  
 dixit, cum multi in Euangelia & in  
 Paulum commentarios scripse-  
 rint. Respondeo: Nil dici falsius po-  
 tuit. Omnes antiqui interpretes in  
 verbis figuram agnoscunt, idque  
 Bellarmino ignotum esse non po-  
 tuit: & tamen hunc locum nuda  
 nominum repetitione cōficir. Sed  
 ut omnes intelligant, quā hoc e-  
 gregiè falsum sit, pauca exempla &  
 testimonia Patrum hoc loco affe-  
 ram, qui figuratè hæc verba inter-  
 pretati sunt. Tertullianus ait, *Chri-*  
*stus non reprobauit panem, quo ipsum*  
*corpus suum representat:* est ergo hic  
 panis

*Tertullianus*  
*cont. Man-*  
*cion. l. 1.*



panis, nō figura tantum panis, aut accidentia panis; & hic panis representat corpus Christi, non est corpus Christi. Et idem alibi ait, *Idem cont. Marcion. l. 4.* Professus se concupisse edere Pascha vestitum, acceptum panem & distributum discipulis, corpus suum illum dicit, hoc est corpus meum dicendo, id est, figura corporis mei. Christus quidem ex pane fecit corpus suum, at non realiter, quia Christi corpus factum est ex substantia Mariæ, non ex tritico, sed Christus panem corporis sui Sacramentum fecit: & aperte ait Tertullianus, Christum, cum dixit, *Hoc est corpus meum*, nihil aliud voluisse, quam hoc esse figuram & Sacramentum corporis sui.

Chrysostomus hæc verba habet, *Si mortuus Iesus non est, cuius symbolum ac signum hoc sacrificium est?* & alibi, *In sacris vasis non est ipsum corpus Christi, sed mysterium corporis eius continetur.* Idem adhuc alibi, *Carnale est dubitare, quomodo Christus possit nobis carnem suam dare ad manducandum, cum hoc sit mysticè & spiritualiter intelligendum.* Est ergo panis non corpus ipsum Christi, sed Sacramentum eius. Basilii in Liturgia, si modò eius sit, panem vocat ἀντίτυπον, id est, figuram & exemplar corporis Christi, idque post consecrationem. Sic Nazianzenus panem & vinum vocat ἀντίτυπα: & alibi vocat τύπος, id est, typos vel figuras nostræ salutis. Similiter Macarius, ἀρετος ἡ ὁδος ἀντίτυπα τῆς σωτηρίας αὐτῆς, Panis ac vinum sunt exemplaria carnis eius & sanguinis. Sic Theodoretus, *Divina mysteria sunt ἀντίτυπα*, id est, exemplaria

veri corporis. Augustinus ait, *Sacramenta esse signa aliud existentia, aliud significantia.* Sunt enim panis & vinum, significant verò corpus & sanguinem Christi. Idem alibi, *Christus Iudam adhibuit ad conuiuium, in quo corporis & sanguinis sui figuram discipulis suis commendauit.* Idem adhuc alibi, *Non dubitauit Dominus dicere, Hoc est corpus meum, cum signum daret corporis sui.* Ambrosius hæc verba habet, *Sicut mortis similitudinem sumpsisti, ita etiam similitudinem pretiosi sanguinis bibis: ergo ut mors Christi non adest realiter in Eucharistia, ita nec sanguis Christi: & alibi vocat hoc Sacramentum figuram corporis & sanguinis Domini.* Cyrillus in Ioan. l. 4. c. 24. *Christus credentibus discipulis fragmenta panis dedit.* Fulgentius ait, *Hic calix est nouum Testamentum, id est, hic calix nouum Testamentum significat; citat Haymo.* Apud Gratianum in glossa hæc verba habentur, *Sacramentum celeste dicitur corpus Christi, sed improprie; dicitur Christi corpus, id est, significat Christi corpus.* Quid plura desideramus? nos Patres in hac causa consentientes habemus, & omnem etiam antiquitatem, quæ admodum postea, si Deus dederit, docebimus. Doctores Scholastici contententur, non posse ex verbis Cænæ inferri corporalem præsentiam, nisi hoc ordine & sensu intelligatur, *Hoc est corpus meum, Accipite, manducate: quod verò Christus ait, Accipite, manducate, Hoc est corpus meum, esse hysteron proteron, ut Innocentius & Thomas dicunt, vel ὑστερολογίαν, ut vult Bellarminus.* *Bellarmin.*

Duran-

in libello  
de Cæna  
Domini.

Durandus ait, his verbis, *Hoc est corpus meum*, nil aliud exprimi, nisi præsentiam corporis; quod fieri potest sine transubstantiatione: at Papistæ volunt sensum literalem esse, qui transubstantiationem necessariò infert. Sed Bellarminus ait, Patres multos expresse mone-re, verba hæc non accipienda esse tropicè, sed propriè; & iubet videre Chrysostomum in hunc locum, & quosdam alios. Respondeo: Patres etiam nonnullos monere, ne verbaproprè accipiamus. Origenes hanc literam occidere ait, si quis Christi carnem realiter comedendam dixerit.

Augustin.  
de doct.  
Christi. l. 3.  
c. 16.

Augustinus ait, nisi verba, quæ carnem Domini nos edere debere affirmant, figuratè sumantur, in illis flagitium & facinus præcipi.

Chrysost.  
hom. 83. in  
Matth.

Chrysostomus ait, Christum ipsum bibisse cum Apostolis, ne perturbarentur, & se sanguinem bibere putarent: at sanguinem biberunt, nisi verba mysticè & figuratè intelligantur: ne igitur tale scandalum acciperent, quale nonnulli antea acceperunt, primus ipse hoc fecit, ut tranquillo animo ad communicationem mysteriorum induceret; & postea ait, Christum, quando hoc mysterium tradidit, vinum tradidisse. Quare Chrysostomus esse panem & vinum in hoc Sacramento existimauit, non nudas species panis & vini. Ipsi nobis irascuntur propter figuras, & tamen in Eucharistia panis & vini non nisi figuras remanere aiunt. Præterea vocat ibidem Chrysostomus hanc Cænam, *mysterium; symbolum; signum;*

ergo verba non esse propriè intelligenda putauit: nam si propriè intelligerentur, res ipsa non signū vocari deberet. Tantum abest, ut Chrysostomus moneat verba non esse figuratè intelligenda, ut omnino figuratè sumenda esse doceat. Sed iubet nos Bellarminus Ambrosium etiam consulere. Sed qui locum illum Ambrosii inspexerit, quem ipse citat, inueniet hoc Sacramentum dici statim in initio capitis *figuram corporis & sanguinis Domini.* Quod verò postea subiungit, ante cōsecrationem esse panem, sed ubi Christi verba accesserint, esse corpus Christi, libenter agnoscimus: fit corpus Christi consecratione, at non ipsum reale corpus, sed Sacramentum, quod quodammodo est corpus Christi: non iam panis vsitatus est, ut capite superiori ait Ambrosius, ubi etiam abunde docet, qualem consecrationem statuatur, non scilicet quæ naturam & substantiam elementorum, sed quæ vsum immutet: ait enim & esse, quæ erant, & in aliud commutari. Sunt ergo quæ erant, id est, panis & vinum, & mutantur in aliud, id est, in corpus & sanguinem Christi, non tamen realiter; nam sunt quod erant; sed Sacramentaliter. Idque ex exemplo, quo postea Ambrosius vtitur, manifestum est: *Tu ipse eras, inquit, sed eras vetus creatura: posteaquam consecratus es, noua creatura esse capisti:* nulla tamen in nostris aut corporibus aut mentibus est transubstantiatio: noui tamen homines & nouæ creaturæ diuina quadam consecratio.

D d d ne

ne efficiuntur non quoad substantiam, sed quoad qualitates: & sic ista creatura panis & vinum in Eucharistia mutantur quoad usum & qualitates, non quoad substantiam; quia ex communibus rebus fiunt Sacramenta. Nil ergo Ambrosius dicit, quo doceat verba esse sine tropo intelligenda, imo non possunt aliter quam cum tropo intelligi, si recte Ambrosium intelligamus. Iubet nos quoque Bellarminus Cyrillum consulere, ubi Cyrillus aperte scribit, nos carnem & sanguinem Christi in pane & vino accipere: fatetur ergo panem & vinum remanere, & sic corpus Christi ibi esse non reipsa, sed Sacramentaliter: atque ita necesse est exponere verba figuratè. Sed quia Patres scribunt, fide hic opus esse, hinc probat Bellarminus, verba non esse figuratè intelligenda; si enim tropicè intelligerentur, nulla esset difficultas fidei. Quæ enim difficultas, inquit, si solum credendum, pane significari corpus Christi? *Respondeo*: etsi non adsit Christus realiter, nec panis realiter mutetur, tamen opus esse fide, quia nulum Sacramentum sine fide prodest. Et nonne fides requiritur ad ea, quæ figuratè dicuntur, intelligenda? quomodo aliter intelligemus quod Christus ait, *Ego sum vitis vera, & Pater meus agricola est: vos palmites: & si manseritis in me fructum feretis, alias arefescitis*? Quid? an non opus erat fide ad naturam veterum Sacramentorum intelligendam? nemo negarit. Et sine fide non possumus intelligere, quemadmo-

dum in Baptismo peccata nostra abluantur, & nos Christum induamus, & in communionem corporis Domini sumamus.

\* Quamvis ergo nulla transubstantiatio sit, tamen sine fide panis & vinum in Eucharistia à communibus his creaturis, quibus corpora nostra aluntur, differre non intelligemus: at nos hæc Sacramenta accipimus ut mentis pabulum, & esse corpus & sanguinem Christi, id est, Sacramenta mortis Domini intelligimus, ut quoties accedimus, Christum quodammodo pro nobis mortuum, & sanguinem eius solum spectemus, & Christum fide edamus bibamusque. Remove fide, & nil nisi anis & frigida caremonia remanebit. At Papistarum transubstantiatio est naufragium fidei: pugnat enim cum omni fide, Christi corpus, & sanguinem & animam posse ex pane & vino fieri: monstrum hoc, hæresis, blasphemia, non fides est. Sed nos de Patrum atque interpretum testimoniis suo loco dicemus. Non vnum inueniet, qui negarit verba hæc esse tropicè atque *ἐκ τῆς ἀπορίας*, id est, figuratè intelligenda.

Quartum & postremum Bellarmini argumentum sumitur à communi regula explicandæ Scripturæ, quæ est, proprium verborum sensum nunquam dimittendum esse, nisi cogamur ab aliquâ aliâ Scripturâ, aut ab articulo aliquo fidei, aut à communitotius Ecclesiæ explicatione. *Respondeo*: Fateor eum sensum retinendum esse, quem

\* Quare Chrysost. requirit fidem non modo ut verba hæc Christi rectè intelligamus, sed etiam ut quemadmodum per aquam Baptismi donum celeste conceditur, sciamus. Chrysost. hom. 83. in Matth.

verba præ se ferunt propria significatione, nisi necessitas aliqua cogat, verba aliter accipere, ac propriè sonant: nam aliàs fiet, quemadmodum Bellarminus ait, ut si desperet, & relinquatur non nisi opinio de rebus diuinis, & porta infinitis erroribus aperiat. Hoc Bellarminus nostro exemplo probare conatur: ait enim nos non habere fidem, sed meram opinionem de hoc Sacramento. Sed quomodo probat nostram fidem non nisi meram opinionem esse? quia nostra sententia, inquit, non nititur expresso verbo Dei. *Respondeo*: nostram sententiam expresso verbo niti: nam sanè opus est, ut fides verbo Dei, eoque non ambiguo aut perplexo, sed expresso nitatur: alioqui opinio non fides erit. Sed Bellarminus ait, verba expressa non esse, hoc significat, sed, *Hoc est corpus meum*. *Respondeo*: verba dici expressa dupliciter; primo cum ipsa verba sunt in sua forma expressa, quæ Scholastici vocant verba formata; & sic, Hoc significat corpus meum, non sunt verba expressa: secundo ea verba dicuntur expressa, quæ sensum manifestum & minime implicatum habent, & sic hæc verba sunt expressa, quia *Hoc est corpus meum*, aperte hunc sensum cuius offerunt, Hoc significat corpus meum. Non enim quia verba figurata sunt, ideo expressa non sunt: nam verba illa, *Tibi dabo claves*, & *Pasce oves meas*, figurata sunt, tamen his verbis primatui Petri expresse contineri Bellarminus putat.

Sed tamen aliud est primatus, quàm claves, aut pascere oves: ego igitur idem possum de illis dicere, quod Bellarminus de nobis, illorum sententiam de primatu non esse fidem, sed meram opinionem, quia non nititur expresso verbo Dei, cum verba expressa non sint, Tibi dabo primatum, aut te facio ordinarium pastorem Ecclesiæ universalis, sed, *Tibi dabo claves*, & *Pasce oves meas*. Sed Bellarminus ait, nos non niti alio verbo Dei: nusquam enim inuenire posse in Scripturis, *Hoc est corpus meum*, debere exponi tropicè. *Respondeo*: Neque illi possunt primatum suum alio Dei verbo probare. Nam Bellarminus fatetur, non nisi hæc duo loca esse, quibus Romani Pontificis primatus necessario probari possit: alia huc referri aliquo modo, sed non probare necessario. Sic igitur argumentum instituo: Sententia, quæ non nititur expresso verbo Dei, est mera opinio: at primatus Petri expresso verbo Dei non nititur: non igitur nisi mera opinio est. Minorem eodem modo probabo, quo Bellarminus nostram de hoc Sacramento sententiam refellit, quia verba expressa non sunt, Tu eris princeps Apostolorum, sed, *Tibi dabo claves*, & *Pasce oves meas*; quæ si expressa sint, tum & hæc verba, *Hoc est corpus meum*, possunt esse expressa, et si figurata sint. Sed nos alio etiam Dei verbo nitimur, quo verbum, *Est*, non propriè sed metonymicè sumi debere docemus. Dementissimum esset, verba propriè interpretari. Multa à no-

Cyrrill  
Alexand.  
in I pist ad  
Cæsar.

Joan. 15. 1.  
4. 5. 6.



Gen. 41.  
26. 27.

bis testimonia allata sunt: nil enim Scripturis familiarius est, quam verbum *Est*, ponere figuratè, vt, *Septem vaccapulchra, & septem spica plena, sunt septem anni vbertatis: septem vaccae tenues & macilentae, & septem spicae tenues & sideratae*, seu, *vento vrentè percussae, sunt septem anni famis: sunt septem anni*, hoc est, septem annos significant.

Isai 5.7.

Ezech. 37.

11.

Math. 5.

13. 14. &

13. 37.

1. Cor. 10.

17.

Sic, vinea Iehoua domus Israel est: *Offa ista sunt domus Israel: Vos estis sal terra, vos estis lux mundi: Qui seminat bonum semen, est Filius hominis: Nos multi sumus vnus panis: Panis, quem frangimus, est communicatio corporis Domini*. Sed infinitus essem, si omnia loca enumerarem. Sed Bellarminus ait, et si quaedam loca proferimus, vbi verbum, *Est*, tropicè sumitur, tamen nos fateri, non vbi que sic sumi. *Respondeo*: Id sanè necessariò nobis fatendum est: sunt enim multae in Scripturis propriae praedicationes. Sed hoc loco verbum, *Est*, non esse propriè sumendum affirmamus, non modò quia sic in multis Scripturae locis sumitur, sed quia non potest alius esse verborum Catholicus sensus, nisi tropicè sumatur. Nam Christus de pane dixit, *Hoc est corpus meum*: absurdum autem & haereticum est, vt panem esse Christi corpus, aut conuerti in Christi corpus dicamus: ipsa ergo necessitas fidei Catholicae, & optima regula interpretandi eò impellit, vt in verbis tropum constituamus; quia disparatum de disparato non sine tropo verè praedicari potest. Præterea hoc ipsum postulat natura Sacramenti, quia Sacramen-

tum omne ex duplici natura constat, signo, & re significata: signum verò semper à re ipsa, cuius est signum, distinguendum est. Quare insulsiſſimum est, quod Bellarminus ait, nos non posse ex verbo Dei solidè concludere, hæc verba accipi debere tropicè, nisi locum proferamus, vbi expressè in particulari dicatur, hæc verba esse tropicè exponenda, qualem locum nos nunquam inuenire posse ait. Non enim Scriptura solet in particulari regulas proponere interpretandarum Scripturarum: sed hic materia ipsa postulat, vt tropum adhibeamus. Proferat Bellarminus aliquem locum, vbi expressè in particulari dicitur, illa verba, *Petra erat Christus*, esse tropicè intelligenda; aut illa, *Semen est verbum Dei*, aut alia eiusmodi, quæ sunt infinita: & tamen ex verbo Dei solidè concludi potest, hæc esse tropicè intelligenda. Quare insulsa ratio est, hæc non esse tropicè intelligenda, quia nusquam expressè in particulari dicitur, hæc esse tropicè intelligenda.

Præterea ait Bellarminus, nos non habere articulum fidei, cui propria acceptio horum verborum expressè repugnet; solere quidem articulum ascensionis vrgere, sed respondet illi articulo non repugnare, quia ipsi vtrumque credunt, & Christum verè ascendisse, & esse in cælo, & simul esse in Eucharistia. *Respondeo*: Quid illi credant, non multum refert, quia illorum fides non fides est, sed mera opinio, aut potius chimæra: & vt Christ<sup>9</sup> mul-

lieri

Ioan. 4. 12.

lieri Samaritanæ dixit, *Vos adoratis quod nescitis*, itidem nos illis rectè possumus dicere, *Vos creditis, quod nescitis*. Sunt enim hæc prorsus *ἀόυστα*, Christum ascendisse in cælum, & in cælo remanere, & tamen in Eucharistia esse; nisi velint ascensionem cum Lutheranis pro disparitione ponere. Nam Christi corpus habet veri corporis naturam, & quando in cælum ascendit, terras reliquit, & eum oportet in cælis versari vsq; ad mundi finem: quare non modò cum articulo ascensionis, sed etiam cum articulo descensionis & aduentus Christi ad iudiciū pugnat: si enim Christus est in terris, idque in tam multis locis, non opus est vt descendat, & in terras reuertatur. Christus Ioannis sexto mentionem ascensionis suæ facit, eoque modo refellit eos, qui ipsius carnem comedendam esse existimauerunt, *Quid siigitur conspiceretis*, inquit, *Filium hominis ascendentem eo vbi prius erat?* quasi diceret, vel ex ascensione mea intelligeris, corpus meum nō esse crasso & carnali modo manducandū: ergo repugnat realis præsentia ascensionis Christi. Quod verò illi de præsentia Christi in Eucharistia modo inuisibili dicunt, non sufficit: nam si inuisibiliter adsit Christus, & comedatur, certè eius corpus in cælo non est, nisi duplex corpus habeat, alterum visibile in cælo, alterum inuisibile in terris: & esse inuisibile & *ἀπείργεσθαι*, id est, *in circumscriptum*, pugnat cum veritate corporis. Sed Bellarmin<sup>9</sup> ait, Doctores Scholasticos melius

nōsse regulas contradictionum, quàm omnes Lutherani nōrunt. *Respondeo*: illos regulas omnes peruertere in defensione Transubstantiationis: nemo enim nō nouit ista esse *ἀντιπαρά*, & implicare contradictionem, vt vnum idemque singulare corp<sup>9</sup>, quod nostris corporibus est *ὁμοούσιον*, id est, eiusdem essentiae cum nostris corporibus, sit visibile, & inuisibile; sit quantum, & non quantum; circūscribatur & non circūscribatur; sit in loco extensiuè, & non extensivè; sit in cælis, & non sit in cælis; & motibus contrariis simul moueatur, quia simul ab vno sacerdote eleuatur, ab alio deprimitur.

Augustinus ait, *Tolle spatia corporibus, & nusquam erunt, & quia nusquam, idè nec omnino erunt*: & hinc concludi potest, Christi corpus non nisi in vno loco esse. Imo Transubstantiatio omnes penè articulos de veritate humanitatis Christi tollit: articulus enim incarnationis docet Christi corpus ex Maria virgine natum esse; illi corpus quoddam Christi ex pane fabricantur: alii fidei articuli docent Christi corpus creuisse staturā, & habere iustam magnitudinē humani corporis; at illi Christi corpori magnitudinem demunt, & vix tantæ magnitudinis esse volunt, quantæ est *ἄτομον*: non enim excedit speciem panis; ea verò potest tam parua esse, vt oculos ferè fugiat. Hoc est contra naturā veri & proprii corporis: neque enim possumus existimare, ibi esse omnia membra corporis, imò ne vnum quidem.

Ddd 3 mem-

membrum. Denique Scriptura, unde omnes articuli fidei hauriuntur, corpus Christi nunquam nisi in vno loco simul fuisse docet: cum in Galilæa erat, non fuit Hierosolymis; cum in Cæna, non in horto; cum in cruce, non in sepulchro; cum in terris, non in cælo.

Augustin.  
cont. Faust.  
l. 20. c. 11.  
Idem serm.  
60. de verb.  
Dom.

Sic Augustinus, *Secundum præsentiam corporalem simul & in sole, & in luna, & in cruce esse non potuit; & alibi, Nisi corporaliter abiisset, semper ipsius corpus carnaliter videremus*: at Papistæ dicunt, Christi corpus & esse hic, & tamen non videri; imò tale corpus Christo affingunt, quod possit esse in cælo semper, & tamen in terris, idque in locis infinitis, imò ubique; id enim est consequens. Quod etiam Occanus Scholasticorum acutissimus fatetur: & certe tam repugnat veritati corporis esse in multis, quam in omnibus locis. Sed Bellarminus ait, Christum, quando hoc Sacramentum præbuit discipulis, non in cælo fuisse, sed in terra; nondum enim in cælum ascendisset: tunc igitur, inquit, non repugnauit hæc veritas articulo Ascensionis. *Respondeo*: At nunc Christus ascendit; nunc igitur repugnabit. Sed præter Ascensionem multa impediabant, quominus Christi corpus tum realiter in Eucharistia esse posset.

Christus enim tum sedebat in scamno cum discipulis: ergo non erat in ore Apostolorum: & si in ore Apostolorum fuit, tum non in scamno, nisi Christus duplex corpus habuit, aliud in scamno, aliud in ore Apostolorum. Deinde si Chri-

stum præsentem Apostoli realiter comedissent, tum illum in Cæna interfecissent: nihil enim vivum, propriè editur, quia hoc horrendum esset; & si vinum est, quando editur incipit, at postquam editur, mori necesse est. Sed ait Bellarminus, non magis repugnare veritatem hanc articulo Ascensionis, quam veritas Trinitatis repugnat articulo unitatis diuinæ. *Respondeo*: non esse hic contradictionem omnino, quia Deus secundum idem non est vnus & trinus, sed substantiâ non nisi vnus est, relatione verò trinus; de essentia vnitas dicitur, de personis trinitas: est hic mysterium arcanum, sed nil contradictionis: credendum igitur est, quia Scriptura sic statuit. At Christum esse realiter præsentem sub specie panis, Scriptura nusquam affirmat: & est manifesta contradictio, ut idem corpus simul in cælo sit, & non in cælo: nam corpus in Eucharistia non est in cælo, quia tum nos, qui Eucharistiam percipimus, in cælo essemus; hoc igitur corpus in cælo non est, quia tum Eucharistia in cælo administratur: sed Christi corpus in cælo est: idem ergo corpus in cælo est, & non in cælo: & contradictionis vna pars semper vera est, altera falsa: at Christi corpus esse in cælo, verum est; quæ est vna pars contradictionis: ergo Christi corpus in Eucharistia esse, id est, non esse in cælo, falsum est; quæ altera pars est contradictionis. Vltimo Bellarminus ait, nos non posse proferre communem expositionem Ecclesiæ. *Respondeo*: Possumus

sumus ostendere, Concilia & Patres non aliter hæc verba interpretari, quam nos, ut postea fusiùs explicabimus: & illi per Ecclesiam. Concilia & Patres solent intelligere. Falsum ergo est, quod ait Bellarminus, nos auctoritate tantum vnus aut alterius Doctoris niti, & leuibus coniecturis; quia nos argumentis solidissimis, & causam necessariò concludentibus utimur, ut postea patebit. Ita nos quatuor illa Bellarmini argumenta examinamus & diluimus, quibus probare vult, hæc verba, *Hoc est corpus meum*, esse propriè intelligenda, & nullum in ijs tropum esse: iam restat, ut ad verba ipsa institutionis veniamus, ea; singula sigillatim expendamus.

## CAPUT V.

*In quo qua Bellarminus ex singulis verbis institutionis colligit, & contra nos urget, examinantur & diluuntur.*

Habita est  
hæc præle-  
ctio in ini-  
tio noui  
anni.

**N**IL inter nos & Pontificios in maiore controuersia versatur, quam articulus de Cæna Domini, & Eucharistiæ Sacramentum: ut quod Christus amoris & concordie vinculum esse voluit, acerbissimæ contentionis fax & fomentum multos iam annos extiterit. Nec spes vlla est harum aliquando componendarum litium; ita & distrahimur sententijs, & odiis capitalibus concertamus. Huc accedit,

quod quia Pontifice meritò defecimus, atque Papistarum insaniam potius quam errorem damnamus, nondum ipsi inter nosmet conuenimus: palam enim est, non eam esse nostram de hoc Sacramento doctrinam, quæ est Lutheri, & eorū, qui se germanos Lutheri discipulos esse gloriantur. Tristis discordia, quam Satanæ malitia in Ecclesiam inuexit, inuictam fouet, & confirmat indies, quantum potest. Ita nos ferè nunc sumus, ut olim Iudæi, diuisi in duo regna populo: & inter se dissidebant, & ad resistendum hosti cōmuni minus roboris habebant. Deus & Pater Domini nostri Iesū Christi conerant Satanam sub pedibus nostris, & vulneribus istis Ecclesiæ suæ in tempore medeatur, & scandala tollat de regno suo, & Aduersariorum nostrorum insolentiam clamore, & compescat. Sed cum Lutheranis adhuc nihil nobis negotii est separatim: nostra nunc omnis cum Papistis lis est, quibus tamen cum respondemus, eadem operâ & Lutheranos refellimus, iisdem propè argumentis vrentes; utriusque enim realem & carnalem Christi præsentiam ac manducationem in Sacramento statuunt, Lutherani vna cum symbolis externis, Papistæ cum inani quadam specie symbolorum. Nos Christi præsentiam agnoscimus, non corporalem, ut illi, sed spiritualem, quam & Scriptura docet, & verus Ecclesia semper intellexit. Realem præsentiam suam Bellarminus conatur quatuor generibus argumentorum demon-  
strare,



strare, quorum è Scripturis primū sumitur, idque est quadruplex, *primum* è figuris veteris Testamenti, *secundum* ex promissione Domini in sexto capite Ioannis, *tertium* ex institutione Sacramenti, *quartum* ex usu, qualis in Apostolicis Scripturis describitur. De duobus primis disputatum est, & ingressi sumus tertium, quod Dominicæ institutionis autoritate nititur; in quo primo cōtendit Bellarminus, illa verba, *Hoc est corpus meum*, propriè non tropicè esse intelligenda: cuius argumenta quàm infirma & inepta sint, postremo superioris anni labore perspicuum fecimus.

Nunc ad verba ipsa institutionis veniendum est. Sed antequam singula verba sigillatim excutim⁹, refellendum Bellarmini argumentum est, sumptum ex eo, q̄ Christus instituens hoc Sacramentum, accepto pane gratias egisse, & panem benedixisse dicitur. His autem vocibus *εὐλογεῖν*, quod est, *benedicere*, & *εὐχαρισεῖν*, quod est *gratias agere*, Euangelistæ variè, & quodammodo promiscuè vtuntur.

Christus Matth. 26. cum de pane dixisset, *εὐλογήσας* (etsi multa exemplaria habent *εὐχαρισήσας*) de poculo ait, *εὐχαρισήσας*. Similiter Marc. 14. de pane *εὐλογήσας*, de poculo *εὐχαρισήσας* dicitur.

Lucas, & cum Christus illud solenne poculum sumeret ante Sacramentum, & quando Sacramentum celebrauit, *εὐχαρισήσας* habet. Sic Paulus tantum habet *εὐχαρισήσας*. Sed quomodo hoc ad

Sacramenti transubstantiationem spectat? nimirum vt hinc aliquid Papistæ eliciant, nonnulli affirmant *εὐχαρισεῖν* hoc loco non significare gratias agere, sed *benedicere*, vt idē sit, quod *εὐλογεῖν*. Sed Bellarminus ait, hoc esse valde durum: sed tamen durior est expositio eorum, qui ex Christi vel *εὐχαρισία* vel *εὐλογία* realem præsentiam & transubstantiationem concludunt: & si Bellarminus vult aliquid efficere, ipsi hæc quantumuis dura interpretatio deglutienda est. Vult enim ex eo, quod Christus gratias egit, transubstantiationem probare: at gratiarum actio non euincit transubstantiationem: ista igitur *εὐχαρισία* nō est. simplex gratiarum actio, sed benedictio, siquidem benedictio id facit, vt ipsis placet. Nos autem ait Bellarminus ponere vtrumque verbum pro *gratias agere*, seu, *benedicere*, non panis, sed Deo, vt benedictio non sit ad panē referenda. Sanè rem eandem vtroque verbo significari dicimus: sed tum *εὐχαρισεῖν* sumi *συνεκδοχικῶς* affirmamus, nō modò pro simplice gratiarum actione, sed etiam pro tali gratiarum actione, qua Deo supplicamus, & petimus aliquid; etsi autem preces ad Deum referuntur, tamen hoc fit pro donis istis: neque enim tantum Deo gratias agimus, quā do Eucharistiam celebramus, sed etiam precamur & petimus, vt hic panis & vinum sint nobis salutaria Sacramenta.

Non malè igitur Iansenius ait, vtrumque esse intelligendum in viro.

vtroque, *εὐλογεῖν* in *εὐχαρισεῖν*, & è contra; quod ille Pauli locus docet, *πάν κήρυγμα Θεῶ, καλὸν, καὶ εὐδὲν ὑποβλήτων, μετὰ εὐχαριστίας λαμβανόμενον*, Quicquid creauit Deus, bonum est, nec quicquam reijciendum est, si cum gratiarum actione sumatur: tum addit Paulus, *sanctificari per verbum Dei, καὶ ἐν πνεύματι, & per preces*: ita ἐν τῇ ἐντεύξει, in precibus, includit *εὐχαριστίαν*, id est, gratiarum actionem. Sic alibi apud Paulum *εὐλογεῖν* & *εὐχαρισεῖν* confunduntur, vt cum ait, *ἐὰν εὐλογήσας τὸ πνεῦμα*, Si benedixeris spiritu, is qui locum implet idiomate, quomodo dicet Amen ἐπὶ τῇ σῇ *εὐχαριστίᾳ*, ad tuam gratiarum actionem? quo loco non dubium est, Ecclesiæ preces, easque publicas intelligi. Sic *εὐλογεῖν* & *εὐχαρισεῖν* in hoc loco pro eodem sumuntur.

Quare cum Paulus ait, *τὸ ποτήριον τῆς εὐλογίας* ὁ *εὐλογεῖν* Poculū benedictionis, cui benedicimus, nonne communio sanguinis Christi est? poculū hoc poculū benedictionis dicit, q̄ hoc Sacramētū oratione & gratiarū actione consecratur. Chrysostom. egregiè docet, quare hoc poculum dicatur *ποτήριον τῆς εὐλογίας*, poculum benedictionis, & quomodo poculo benedicimus; non poculum scilicet crucib. nescio quot signando, aut verba quædam tacite in poculum demurmurādo, sed quia hoc poculum μετὰ χερσὶν ἔχοντες, in manibus tenentes, sic Deum ἀνυμνεῖμεν, laudamus, θαυμάζοντες, καὶ εὐλογούντες, καὶ ἐκπληττόμενοι τῆς ἀφάτης δωρεᾶς, admirantes, & benedicentes, & attoniti haerentes in inenarrabili beneficio, & quia τὸ ποτήριον ἐπι-

λέγομεν τὰς ἀφάτης ἐνεργείας τῆς Θεῶ, super poculum ineffabilia Dei beneficia commemoramus, & sic κοινωνοῦμεν *εὐχαριστῶντες*, communicamus gratias agentes. Atque hoc est, quod Iustinus Eucharistiam vocat *εὐχαριστήριον* τὸ φῶδον cibum per preces scilicet & gratiarum actionem sanctificationem, vel cibum de quo precantes Deo gratias agimus: & Irenæus panem in quo gratia acta sunt. Sic videmus qualem hi Patres *εὐλογίαν* intelligant, nempe gratiarum actionem. Idem vult Cyprianus, cum calicem benedictum vocat, & calicem solenni benedictione sacratū. Iuuenius poeta *εὐλογεῖν* vertit *Sanctumque precatus*: & *εὐχαρισεῖν*, *Gratis sanctificat verbis*. Euangelistæ igitur & Patres *εὐλογίαν* per *εὐχαριστίαν*, & *εὐχαριστίαν* per *εὐλογίαν* interpretantur; & vtraq; ad Deū referebatur in Sacramenti celebratione; idq; ipse Bellarminus imprudens concedit, q̄ benedictionem non aliud esse hoc loco ait, nisi orationem: oratio autem ad Deum, nō ad elementa refertur, nisi subiectiuè. Non igitur per *εὐλογίαν* magica incantatio, aut certarum vocum demurmuratio, aut signatio, quali sacrifici vtuntur in suis Missis, intelligitur, sed oratio, quæ quia in primis gratiarum actionem pro nostra redemptione continet, quia, vt Chrysostomus ait, humanū genus ἀπὸ πλῆθους πλάνης, ab errore liberauit, & nos sanguinis sui participes fecit, ideo vocatur *εὐχαριστία*. Sed iam ad Bellarmini argumentum veniamus. Ait hinc argumentum sumi pro veritate corporis Domini in Sacramē-

Ecc ro.

Iustin.  
Mart. in  
Apol. 2.

Iren. l. 4. c.  
34.

Cyprian.  
Epist. 73.  
& in lib.  
de Cena  
Domini.  
Iuuen.  
Presbyt.  
in carm.  
de pass.  
Dom.

Chrysost.  
ubi supra.

Iansen. in  
concord.  
c. 131.

to. Dominus, inquit, non consue-  
uerat gratias agere, nisi cum ali-  
quid magnum & mirabile factu-  
rus esset: solum enim legitur, ait,  
gratias egisse, cum quinque panes  
multiplicare vellet; & septem pa-  
nes; & cum Lazarum excitaturus  
esset; & in hoc Sacramento: & si-  
militer non consuevit benedicere  
res insensibiles, nisi cum aliquid  
mirabile operaturus esset: tantum  
enim legitur hoc fecisse, inquit, cum  
benedixit panes multiplicandos,  
& hic in Eucharistia. *Respondeo*: 1.

Ioan. 6. 11.

Matth. 15.  
36.

Ioan. 11.

41.

Luc. 9. 16.

Marc. 8. 6.

Matth. 11.

25.

Theophy-  
lac. in loc. 2.

Nam Matth. 11. ait, ἐξομολογῆμαί  
σοι, πάτερ, *Confiteor tibi Pater Domi-  
ne celi & terra, quod absconderis hac a  
sapientibus & intelligentibus, & ea de-  
reueris infantibus*: quid hoc aliud est,  
quàm gratias ago, quòd hæc fieri  
voueris? Sic enim Theophyla-  
ctus, ἐξομολογῆμαί ἀντὶ τῆς ἐνχαρι-  
στῆς, *Confiteor, pro, gratias ago*. Hic nil  
mirabile fecit Christus, sed de mi-  
rabili opere gratias egit. 2. Dico  
Christum nunc fecisse magnum &  
mirabile opus; nam Sacramentum  
instituit, quod totus præterea mū-  
dus facere non potuit: ergo non  
sequitur, quia magnum & mirabi-  
le opus fecit, ideo panis substanti-  
am mutatam esse in corp<sup>9</sup> Christi.  
Sed, 3. *respondeo*: nec ἐνχαριστίαν nec  
ἐυλογίαν transubstantiationem e-  
uincere. Christus panibus bene-  
dixit (quanquam exemplaria quæ-  
dam habent ἐπ' αὐτοῖς, & tum non  
panib. benedixit, sed super panes)  
magnum hoc quidem miraculum

fuit, sed diuersum à transubstan-  
tiatione. Non enim mutauit na-  
turam horum panum, non mu-  
tauit hos panes in pisces, aut in ali-  
am substantiam, sed panes interim  
erant, licet diuina virtute multi-  
plicati. Sed quando Christus a-  
quam in vinum verè transubstan-  
tiauit, tum nec gratias egisse, nec  
benedixisse legitur. Et de pueris,  
qui Christo offerebantur, dictum  
legimus, Καὶ ἐναγκαλισάμενος αὐ-  
τὰ, πρὸς τὰς χεῖρας ἐπ' αὐτὰ, ἐυλό-  
γει αὐτὰ: Et cum accepisset eos in vlnas,  
impositis in eos manibus, benedixit eis;  
at omnes intelligunt, nullam factā  
esse in illorum corporibus muta-  
tionem.

Et Matthæus Euangelista hoc  
expressit per πρὸς τοὺς χεῖρας: ait e-  
nim hos pueros Christo oblatos  
esse, vt manum ijs imponeret, &  
precaretur. Ita ἐυλογεῖν nihil aliud  
quàm precari significat. Christus  
in cælum mox ascensurus benedi-  
xit Apostolis: non tamen illorum  
substantias mutauit. Sic quando  
accubuit cum duobus discipulis,  
qui Emmauntē profecti sunt, λα-  
βὼν τὸν ἄρτον ἐυλόγησε, *sumpto pane  
benedixit*: quod non intelligendum  
est de Sacramento, vt rectè Iansenius,  
quia illi duo discipuli, qui  
Dominū ex panis fractione agno-  
uerunt, non interfuerunt Cænæ:  
non igitur hi fractionē illam Chri-  
sti in Cæna cognitam habere po-  
tuerunt.

Falsum ergo est, quod Bellarmi-  
nus ait, Christum non benedixisse  
res insensibiles, nisi cum in eis mi-  
rabile aliquid operaturus esset: nā  
nullum

Marc. 10.  
16.Matth. 19.  
13.Luc. 24.  
30. & 39.Iar. in  
concord.  
Euangel.  
c. 146.

nullum hic aut miraculum aut mi-  
rabile operatus est: sed vt Christus  
solitus est, cū cibum sumeret, gra-  
tias agere, ita hic faciebat; atque ex  
hac benedictione agnitus est. E-  
rat igitur fractio illa talis, quali  
Christus vti solebat, cum commu-  
nem panem sumeret, non quali in  
Eucharistia vsus est. Ita Deus Ada-  
mo & Euæ benedixit, & filiis No-  
hæ: horum tamen substantias non  
mutauit.

Et quia Bellarminus de rebus  
insensibilibus loquitur, Deus ter-  
ræ; & mari, & reliquis creaturis  
suis benedixit, in quibus nullam  
transubstantiationē contigisse le-  
gitur. Sed Bellarminus ait, Deum  
tribuisse animantibus fecundita-  
tem, quando eis benedixit, quia  
Dei benedictio non est impreca-  
tio, vt nostra, sed effectio. *Respondeo*:  
Christi benedictionem illam, de  
qua in Euangelio legimus, qua pa-  
nes scilicet multiplicati sunt, non  
nisi imprecationem fuisse; & om-  
nes Patres interpretantur illam  
Christi ἐυλογίαν de precibus: atq;  
ipse etiam Bellarmin<sup>9</sup> benedictio-  
nem ponit pro oratione. Nam etsi  
Christus multiplicauit panes, non  
tamen id fecit ἐν τῷ ἐυλογεῖν, id est,  
quando benedixit, sed inter epu-  
landum in distributione, idq; non  
vi illius benedictionis, sed suæ &  
Patris sui diuinitate. Et quanquam  
Dei benedictio est operatoria, nō  
tamen semper ad transubstantia-  
tionem. Impartit Deus creaturis  
fecunditatem benedictione, id est  
vim quandam naturalem insæuit  
creaturis ad procreandū: sed tran-

substantiatio est contra natu-  
ram.

Sed vrget potro Bellarminus,  
Christum nusquam legi benedi-  
xisse aquam, q̄ symbolum Baptis-  
mi esse volebat, q̄ nulla mutatio  
fiebatur in substantia aquæ. *Respondeo*:  
Neque hic Christus pani benedi-  
xisse legitur: nam ἐυλογήσας non de  
pane intelligitur, sed ad Deum pa-  
lām refertur: λαβὼν τὸν ἄρτον, & ἐυ-  
λόγησας ἔκλασε, Accepit panem, &  
preces Deo fudit, & tum panem  
fregit.

Sic Chrysostomus & Theophy-  
lactus ἐυλογήσας interpretantur de  
gratiarum actione: at nō pani gra-  
tias egit, sed Deo: neque vllus Pa-  
ter aliam benedictionem somnia-  
uit, quàm quæ in precibus Deo fa-  
ctis consisteret. Aqua autem Ba-  
ptismi non caret benedictione  
Christi, etsi Christus non legitur  
benedixisse, quia non legitur quē-  
quam baptizasse: at illorum sacer-  
dotes in baptizando benedicunt  
aquæ: dicunt enim super aquam,  
*Benedico te creatura aquæ per Deum vi-  
uum, per Deum verum, per Deum san-  
ctum: benedico te per Iesum Christum  
Filium eius*. Si hæc benedictio sa-  
cerdotis non mutat substantiam  
aquæ; nec panis substantiam mu-  
tare poterit aut vini: si enim sit o-  
peratiua, in vtroque Sacramento  
operatiua esse oportet. Nam  
quæ aiunt se in Sacramento Baptis-  
mi benedicere in sua persona, at in  
Eucharistia in Christi persona fal-  
sum est: nam omnis benedictio di-  
uina est, & vi diuinā fit. Et quod  
Christus benedixit, si benedixisset  
Eee 2 pani,

Matth. 26.  
26.



pani, quid hoc ad sacerdotem, qui non benedicit, nisi signando panē? & si benediceret sacerdos iisdem verbis, quibus Christus, eius tamē benedictio non potest tantum efficere, quantum benedictio Christi: alias faciant benedicens, ut quinque panes duobus millibus hominum pascendis sufficiant. Si id non possunt, quantumvis sedulo benedicant; num sacerdotis benedictio valebit ad transubstantiationem, quia Christi benedictio ad eam valuit? Sed falsissimum est, in omni benedictione Christi factam esse mutationem substantiarum, quemadmodum nos multis exemplis antea docuimus: benedixit enim Christus pueris, & Apostolis: & quia Bellarminus loquitur de rebus insensibilibus, Christus pani cibario benedixit in hospitio, nec tamen transubstantiatio consequuta est. Quamquam si benedictio tantum possit, ut corporum substantias conuertat, nulla ratio est, cur id in rebus insensibilibus magis quam in sensibilibus eueniat. Sed quamquam Papistæ oēs hanc Christi benedictionem vrgent, tamen ea qualis extiterit, & an consecratio huius Sacramenti in ea posita sit, nesciunt, & secum opinionibus configunt, & nihil certi habent.

Alan, de  
Eucharist.  
Sacram. 1.  
c. 15.

Claud.

Alanus noster affirmat Christum benedixisse dicendo, *Hoc est corpus meum*; & benedictionem ac consecrationem fuisse idem: benedixisse enim Christum, quando res propositas consecrauit. Eadem planè est sententia Catechismi Tridentini. Claudius Sanctes probat trā-

substantiationem ex benedictione; quod fieri nō potest, nisi Christus benedicens consecrauit: at ex trib. Euangelistis & Paulo constat, Christum benedixisse & gratias egisse, antequam consecrauit, id est, antequam verba hæc protulit, *Hoc est corpus meum*, quibus solis illi Christum consecrāsse volunt. *Primò* enim Christus panem accepit, *secundò* εὐλόγησε, id est, benedixit, *tertio* fregit, *quarto* distribuit, *quinto* dixit, *Accipite, edite, hoc est corpus meum*.

Alanus, quod Christus *secundò* fecit, cum eo quod *ultimò* fecit, confundit, & idem esse ait, & hic esse εὐσεβολογία seu εὐσεβον πρὸς τὸν πρὸν affirmat, & probat, quia non est existimandum, Ecclesiam vnquam fregisse panem ante consecrationem. Sed Christus fregit post benedictionem, & antequam dixit, *Hoc est corpus meum*: coactus est ergo Alanus ordinem verborum inuertere, nec id modò, sed etiam benedictionem, quam omnes Patres de precatatione intelligunt, non aliud esse dicere, nisi prolationem horum verborum, *Hoc est corpus meum*: unde in quas angustias redactus sit intelligamus. Sed hoc aperte pugnat cum Scriptura, quia εὐλογήσας idem est quod εὐχαριστήσας: at εὐχαριστήσας non potest idem omnino esse & non aliud, nisi pronuntiatio horum verborum, *Hoc est corpus meum*. Et hoc etiam pugnat cum Canone Missæ, vbi sic sacerdos orat, *Qui pridie quam pateretur, eleuatis in calum oculis ad te Deum Patrem, tibi gratias agens benedixit, fregit, deditque discipulis suis, dicens, Accipite & manducate ex hoc omnes, Hoc est enim corpus*

San. 7. 11.  
pet. 7. c. 4.

meum: vbi aperte legimus, Christum, antequam fregit, & dixit, *Hoc est corpus meum*, leuasse oculos ad Patrem, eique gratias egisse, ac benedixisse, id est, orasse. Bellarminus non audet palam affirmare, ex benedictione probari transubstantiationem, cum videat tamen suos hinc petere argumentum: nec audet dicere, Christum consecrāsse & transubstantiāsse benedicens, sed alio re detorquet, & ait Christum nunquam gratias egisse, hoc est, benedixisse (nam hæc duo idem esse docuimus) nisi cum mirabile aliquid esset operaturus: quod verum esse potest, etiamsi ipsa benedictio nō transubstantiaret. Et tamen si verum sit, quod ait, Dei benedicere esse benefacere, & si benedictio Dei est effectio, tum quando Christus benedixit, hoc effecit, id est, consecrauit; & tum aut non consecrauit dicendo, *Hoc est corpus meum*, aut non benedixit, nisi cum dixit, *Hoc est corpus meum*: quod cum Euangelistis pugnat.

Rhemenf.  
in Matth. 16.

Rhemenies nostri perplexius hunc locum interpretantur: aiunt enim; Christum benedicens panem consecrāsse, & fecisse illum corpus suum: quid ergo illa verba, *Hoc est corpus meum*, fecerunt? addunt, benedicens, cum verbis sequentibus. ergo cum Alano pugnare vident, quia benedictionem nō esse idē cū verbis sequentibus putant, sed vna cum illis Christum benedicens consecrāsse, atque ita arcanam quandam benedictionem cum verbis sequentibus coniunctam intelligere videntur. Quomodo ergo nunc sacerdos conse-

crat? non enim ille eadem benedictione utitur, qua Christus usus est, quia nescitur, quid Christus dixit, quando benedixit: Euangelistæ tantum aiunt benedixisse, sed quid dixerit, non explicant.

Thomas ait, non esse seruatum ordinem verborum ab Euangelistis: Christum enim, dum panem acciperet, & frangeret, & daret, dixisse, *Hoc est corpus meum*, & sic benedictionem nullam fuisse, nisi cum proferret verba consecrationis.

Thom. 3. q.  
78. art. 1.

Dominicus Soto dissentit à Magistro Thoma, & meritò: multas enim rationes affert contra illius sententiam. *Primò* ait, in re tam graui non esse verisimile, voluisse Euangelistas ordinem rei gestæ narrando mutare: & omnes Euangelistas consentire. *Secundò* ait, non fuisse conueniens, ut fractioni intentus esset Christus cū veller consecrare: tum enim intentio eius nō occuparetur tota in consecratione. *Tertio* ait, distributionem postulasse longius spacium, quam verborum prolatio postulabat. Statuit igitur per benedictionem aliud quam consecrationem significari, quia Christo in more positum fuit, quotiescunq; panem comederet, gratias agere, imò quoties vllum miraculum eдебatur; quem morem Euangelistæ nō exprefferunt, quia erat familiaris: igitur hæc benedictio præcessit consecrationi, & sic ex benedictione nulla transubstantiatio conuincitur.

Dominic.  
Sot. in 4. d.  
11. q. 1. art. 2.

Bonauentura ait Christum non benedixisse per verba consecrationis.

Bonauent.  
in 4. sent.

Scot. in 4.  
d. 8. q. 1.

nis. Scotus ait, illa verba, *Accipite, comedite*, esse necessaria ad consecrationem, nec illa modò, sed & alia in Canone præcedentia, *Accipiens panem benedixit, fregit, deditq; discipulis, &c.* aitque non esse necessarium, ut sciamus quæ sit forma cōsecrationis in hoc Sacramento; id eo monēt, ut sacerdos legat attente totum Canonem, & non intendat consecrare his verbis, *Hoc est corpus meum*, aut ullis certis verbis, sed tantum ijs, quæ Christus instituit, ut formam consecrationis.

\* Caietan.  
in Matth.  
26.

Sic Caietanus ait, Christum benedixisse benedictione laudis, non consecrationis.

Catharin.  
in 1. Cor.  
11.

Catharinus ait, Caietanum fuisse incertum, quibus verbis Christus consecravit; nunquam enim dixisse, *Hoc est corpus meum*, esse formam consecrationis: & ipse putat Christum consecrassse benedicens.

Iansen. in  
Matth. 26.

Iansenius in Concordia; & Marcus Ephesiorum Episcopus, & Nicolaus Cabasilas, qui Græcas liturgias ediderunt, aiunt non fieri cōsecrationem his verbis, *Hoc est corpus meum*, sine adiectione orationum. Ita prorsus quid de hac benedictione sentiant, non inveniunt, imò quomodo Christus consecravit, & quibus verbis, est inter Scholasticos inceleberrimum. Nam ut Thomas ait, aliqui Christum putant usum esse verbis quibusdā, non his, *Hoc est corpus meum*, sed aliis nobis ignotis: aliqui Christum volunt his hæc verba protulisse, *Hoc est corpus meum*; semel secretè, & rursus consecrassse; & postea manifestè cum

Thom. 3.  
q. 78. art. 1.

corpus suum dedit. Sed Innocentius tertius ait, Christum consecrassse non his verbis, *Hoc est corpus meum*, sed virtute diuinā: sed expressisse formam postea, sub qua posteri benedicerent. Ineptum autem est, quod Thomas ait, Innocentium hæc dixisse opinatiuè magis, quam determinatiuè: nam aperte determinat, *Sanè dici potest*, inquit: & mox, *Christus namque virtute propria per se benedixit: nos autem ex illa virtute, quam indidit verbis; & nullam aliam responsionem adhibet, sed in hac acquiescit.* Thomas hanc determinationem explodit, aitque verba Evangelii contra esse expressè, quia Christus benedixit; ergo verbis aliquibus usus est, & ea sunt, *Hoc est corpus meum*: quod tamen est falsum, quia Christus benedixit, antequam hæc verba protulit, ut & Euangelistæ docent, & Scholastici, quos protuli, multiq; alii.

Innocent.  
3 l. 4. c. 6.  
de myst.  
Missæ.

Quare Erasmus scitè & falsè scribit, *non potuisse cognosci, quibus verbis sacerdos consecrat, nisi propter auctoritatem Ecclesiæ*: & tamen Ecclesia hanc rem nusquam definiuit. Et alibi ait, non esse pertinaciter asserendum, quibus verbis Christus consecravit, aut sacerdos nunc cōsecrat: nam hæc verba, *Hoc est corpus meum*, esse potius porrigentis panem cōsecratum, quam consecrantis. Sed Leus Erasmus propter hoc reprehendit.

Erasm. in  
annot. in 1.  
Cor. 11.  
Idem in  
annot. in  
Marc. 14.

Bellarminus vltimò ait, Patres colligere ex hoc loco argumentum ad idem probandum, quod illi probare contendunt, & vnum pro multis

Ambros.  
in lib. de his  
qui initi-  
antur my-  
st. c. 9.

multis affert Ambrosium, qui ait, *non hoc esse, quod natura formauit, sed quod benedictio consecrauit: maiorem esse vim benedictionis, quam naturæ, quia benedictione & ipsa natura mutatur.* Respondeo: panem hunc mutatum esse benedictione Dei, non ut panis, sed ut communis panis esse desinat, & fiat Sacramentum, id est, cibis mentis: benedictio autem Dei significat mandatum & institutionem Christi, quæ fatemur fieri mutationem, at non substantialem, sed Sacramentalem. Sed quia Ambrosius meminit benedictionis, non sequitur sensisse, Christum consecrassse, cum benedixit, quod nec Bellarminus ausit affirmare: nec transubstantiatione statuisse, quia ait naturam mutari: nam mutationem intelligit Sacramentalem.

Idem de  
Sacramen-  
t. 4. c. 4.

Hoc ex eodem Ambrosio alibi patet, ubi ait, hominem post consecrationem, id est, post regenerationem, non esse eundem, qui antè fuit; tamen eadem est eius substantia postea, quæ antea fuit: at hoc exemplum affert Ambrosius, ut doceat quomodo Deus instituta naturæ mutet. Non ergo est illud vocabulum (natura) tam rigidè vrgendum: nam certum est hominem post regenerationem non sic mutari: nec sic panis mutatur quoad substantiam, sed ex usitato pane fit Sacramentum, & pignus diuinæ gratiæ, & hæc mutatio non sine benedictione Dei fieri potest. Magnum mysterium! magna mutatio! quæ superat vires omnium creaturarum. Ex benedictione igitur

tur non euincitur transubstantiatio. Nunc ad verba, quæ vocantur consecrationis, & forma Sacramenti, vel potius consecrandi, quibus Transubstantiatio conficitur, veniamus: ea Bellarminus seorsim & ordine expendit.

## Hoc.

Primum est vocabulum *Hoc*: videndum est, quid *Hoc* significet & demonstret. Est verò pronomen demonstratiuum, & præsens aliquid aut sensui aut intellectui demonstrat: aliàs pronunciatum est falsum. Bellarminus quatuor expositiones recenser, quarum tres à nostris improbantur. Neq; enim dicimus cum Carolstadio *Hoc* significare *Hic*, aut Christum, cum dixit, *Hoc*, designasse corpus suum, quod inter Apostolos sedebat: neque *Hoc* volum⁹ significare totam actionem; non enim tota actio est corpus Christi (quod Bucerus aliquando sensit, sed postea retractauit, ut nos antea docuimus) neque *Hoc* esse prædicatum in propositione volumus, ut sensus sit, Corpus meum est hoc; quæ Langius cuiusdam opinio fuit. Ineptæ hæc omnes expositiones sunt, quas non Lutherus, non Calvinus, non Zuinglius, non Oecolampadius, non vlla Ecclesia reformata adhibet: & tamen multus est Bellarminus in his tribus expositionib. resellendis: sed sinamus illum umbras verberare. Nos constanter affirmamus, per *Hoc* panem denotari, quæ Christus acceperat, & fregerat, & dede-

Lang. in  
annot. in 2.  
Apolog.  
Iustin.



Luther. in  
lib. de ca-  
ptiuit. Ba-  
bylon. &  
cont. Regē  
Anglia.

dederat: Christus igitur panem demonstrabat, quem in manibus habuit, & Apostolis comedendum porrexit. Hæc nostrum omnium sententia est, atque hæc etiam Lutheri sententia fuit in initio, etiā si postea in eadem non permansit. Nos in ea permanendum esse defendim⁹: iam verò quomodo Bellarminus hanc opinionem improbet audiamus. Eam facile refelli posse ait: sed miror eum tam leues argutias attulisse: ex ipsius facili hac refutatione, non posse omnino refutari cōstabit. Sic igitur argumentatur cōtra hanc nostrā huius vocabuli expositionē. *Hoc* aut adiectiuē aut substantiuē sumitur, non adiectiuē, quā nō concordat cū nomine, *Panis*, sed, *Corpus*. Nā *panis* & Latine & Græcè est generis masculini: at *Hoc*, &, *Corpus*, est generis neutri Latine & Græcè: Dñs dixit, non ἔπος, sed τὸ πρῶτον. *Respondeo*: nos faciteri *Hoc* non sumi adiectiuē: non enim Euangelistæ habent ἔπος, sed τὸ πρῶτον: non est igitur in hoc immorandum. Grammatica non patitur, ut sumatur adiectiuē: substantiuē igitur accipitur; & hoc illi etiam sentiunt. Sed si substantiuē accipiat, inquit, tum sensus erit, *Hoc*, id est, hæc res est corpus meū, & tum absurdissima, inquit, propositio erit. Prius dixit ex quatuor opinionibus & explicationibus huius vocabuli, *Hoc*, hanc esse min⁹ absurdam, quā cæteræ: nunc è contra. Sed quare absurdissima propositio erit. Nos per *Hoc*, intelligi dicimus hanc rem: eam autem fuisse panem. Quomodo hoc re-

fellit? *Hoc* (inquit) non potest dici de re, quæ cernitur, & apertè cognoscitur, nisi ea res sit generis neutri: ut nemo diceret, *Hoc* est frater meus, aut, *Hoc* est Cæsar, id est, hæc imago est Cæsar: ita nec de pane, quem discipuli videbant, dici rectè potuit, *Hoc* est corpus meum. *Respondeo*: nihil esse absurditatis, ut quis loquens de re masculini aut feminini generis, p̄ nomine neutri generis vratur. Est vsitatissimum, ut cum quis alteri præbet panem, aut pecuniam, aut mercedem, dicat, Accipe hoc: *Hoc*, quod tibi do, est merces tua, est panis, est potus, est liber: nil tam tritum est, & omnibus linguis consuetum.

\* Nemo sanè diceret, *Hoc* est frater meus, quia homo demonstratur: nam hæc ratio loquendi seruatur potius in rebus insensibilibus & inanimatis, tum quando id quod demonstratur, efferri potest isto modo, Hæc res: nemo diceret, hæc res est frater meus: non igitur rectè, *Hoc* est frater meus: nam *Hoc* substantiuē significat hæc rem. Si quis autem nummos aliqui offerret variarum imaginum, absurdum non est, si dicat, *Hoc* est Cæsar, aut Cæsaris, *Hoc* Tiberius, *Hoc* Constantinus. Sic Christus sumptopane & distributo discipulis non min⁹ appositè potuit dicere, Accipite, edite, hæc res est corpus meum, quā hic panis est corpus meum: non est absurdum, ut *Hoc* de pane dicatur. Et si ergo Apostoli videbant illum panem, & sciebant esse panem, tamen non min⁹ p̄prie & vsitatè Christus dixit,

\* Sic lan-  
sen. in con-  
cord. Eu-  
angel. cap.  
131.  
Quarenti  
de re ali-  
qua, quid  
est hoc.  
vel illud,  
dicimus,  
Hoc est  
lapis. hoc  
est ar-  
gentum.  
Et paulo  
post, ut si  
faber, dum  
clauum  
subito  
motu for-  
mat. di-  
cat, Hoc  
est clauus.

dixit, *Hoc*, quā hic panis: nam *Hoc* significat rem vniuersaliorem, hic panis naturam certam & particularem; & licet rem, quam demonstramus, præferim inanimatam, ut dixi, vel per vniuersale, vel per particulare nomen demonstrare. Exempla igitur, quæ affert Bellarminus, sunt in dissimili genere. Cū vides rem aliquam, & ostendis ijs, qui nesciunt quid sit, potes dicere, Illud est homo: cum videt esse hominem, sed quis homo sit, ignorat, non dicis, illud, sed ille homo est Petrus; nimirum quia homo est persona, & nemo diceret de homine, Illa res est homo: sed quando, illares, commodè vsurpari potest, tum &, illud: sic quando, Hæc res, tum &, *Hoc*. Nemo dixerit absurdum esse, ut quis alteri panem porrigens dicat, *Hoc* est corporum nostrorum nutrimentum: vel, si hoc comedes, non morieris. Est ergo hæc planè ridicula obiectio, & non valde vrgetur à Papistis: sed Bellarminus non habuit meliorem. Quasi non liceat dicere, *Hoc* est ilex, aut pirus, aut lapis, aut piscina, aut fluuius.

Sed pollicetur deinceps Bellarminus, se argumentum ex Scriptura robustissimum allaturum, quod cuiusmodi sit, videamus. Si, *Hoc*, inquit, panem demonstraret, tum similiter etiā in consecratione vini, *Hic*, siue, *Hoc*, Græcè, demonstraret vinum; quod nos concedimus: nam *Hic* demonstrat calicem, in quo vinum erat: quare Lucas ait, τὸ πρῶτον τὸ ποτήριον, hoc poculum, apertè demonstrat poculo. Sed Christus

inquit Bellarminus, non demonstrauit poculū, quā addit, ut est apud Lucam, τὸ ὑπὲρ ὑμῶν ἐκχυνόμενον, quod pro vobis effunditur, quod cum ποτήριον coniungitur, non cum αἷματι, id est, cum vocabulo, poculum, non cum vocabulo, sanguis: at vas aut vinum non fuit pro nobis fustum: ergo sanguis: calix igitur, inquit, non significat calicem vini, sed calicem sanguinis. *Respondeo*: Si ἐκχυνόμενον referatur ad ποτήριον, ut constructio Grammatica videtur postulare, non tamen ideo non vinum demonstrauit Christus; nā possumus dicere, vinum effundi pro nobis, ut panis dicitur corpus Christi, quod datur pro nobis, i. e. Sacramentaliter: sic vinum pro nobis effundi dicitur, ut vinum significat illum sanguinem, quem Christus pro nobis effudit.

Sed non malè Beza ait, aut esse in verbis συλακοφανές, seu ἐν ἀλλο-  
γῶ casus, aut legendum esse τὸ ἐκ-  
χυνόμενον, ut Basilii legit: & sanè  
alias non benè constabit aut co-  
hætebit sensus: quis enim horum  
verborum sensus esse potest, Hic  
sanguis est nouum Testamentum  
in sanguine meo? sed hic optimus  
sensus est, *Hoc* poculum, id est, vi-  
num in hoc poculo συνεκδοκῶς,  
est nouum Testamētum, id est, Sa-  
cramentum noui Testamenti με-  
τωνυμικῶς, in meo sanguine, qui p̄  
vobis effunditur. Igitur hic locus  
nostrum sententiam confirmat,  
nempe *Hoc* significare panem, quia  
*Hoc* significat poculum, id est, vi-  
num in poculo; nam Lucas apertè  
ait, τὸ πρῶτον τὸ ποτήριον, *Hoc* poculum.  
Fff Sic

Luc. 12.  
20.



Cyprian.  
Epist. 63.

Sic Cyprianus legit, *Hoc est sanguis meus*, ut Erasmus in suo Cypriano habet, & codex Remboldi; sed Papisticae editiones habent, *Hic est sanguis meus*. Panem igitur demonstrari, ex verbis manifestum est: & quanquam Christus non dixit, *Hic panis*: tamen intellexit, ut ex Paulo constat, qui ait, *Panis, quem frangimus, nonne communio corporis Christi est?* atque ita Patres Christi verba intellexerunt.

1. Cor. 10.  
16.

Iren. l. 4.  
c. 32. & c.  
34. & c. 37.

Sic Irenaeus, *Christus panem, qui est creatura, corpus suum confessus est*: & alibi, *panis in quo gratia acta sunt, corpus Domini est*: & adhuc alibi, *accipiens panem suum corpus confitebatur*.

Tertullian  
cont. Iu-  
daeos.

Idem cont.  
Marcion. l.  
3. & 4.

Cyrill. in  
Ioan. l. 4. c.  
21. & l. 12.  
c. 58.

Sic Tertullianus, *Christus, inquit, panem corpus suum appellavit*: & alibi, *Christus accepit panem, & corpus suum illum fecit dicendo, Hoc est corpus meum, hoc est, figura corporis mei*.

Sic Cyrillus, *Credientibus discipulis fragmenta panis dedit*: & alibi, *fractum panem distribuebat dicens, Hoc est corpus meum*.

Cyprian.  
Epist. 63.

Sic Cyprianus, *inuenimus vinum fuisse, quod sanguinem suum dixit*. Sed nunc plura exempla non profereamus. Ex his constat, nostram interpretationem & auctoritate Christi, & Apostoli Pauli, & Patrum nitenti.

Sed nunc Bellarminum interrogemus, quid Christus demonstraret, si non panem: ait ille non panem demonstrasse, sed rem contentam sub speciebus panis, quæ etsi antea fuerat panis, tamen *tunc iam*, inquit, erat Christi corpus. Sed quando erat illud *tunc iam*? numquam quando Christus dixit, *Hoc*? at si

Christus consecrauit his verbis, *Hoc est corpus meum*, non potuit esse corpus, antequam verba omnia sunt prolata: at quando Christus dixit, *Hoc*, nullum aliud verbum protulerat: non potuit igitur adhuc demonstrare corpus suum: ergo panem demonstrauit: tum enim consecratio nondum erat completa & consummata, sed inchoata tantum fuit. Res autem illa contenta sub speciebus panis quid erat? an panis? tum habemus, quod volumus; tum enim Bellarminus nostram expositionem sequitur: *an Christi corpus? tum hic sensus erit horum verborum, Corpus meum est corpus meum; quæ est nugatoria & ridicula expositio, ut Thomas ipse concedit*: & tum hic sermo non erit (ut illi volunt) practicus, sed tantum indicatiuus; nam quando quis ait, *Corpus Christi est corpus Christi*, non nisi indicat: sed illi volunt hunc sermonem Christi esse operatorium. Tum si *Est* significat fieri, corpus Christi non ex se fit, sed ex alio: ergo *Hoc* non corpus demonstrat, sed panem, ex quo Christi corpus fit. Vel forsitan, *Hoc*, neque panem, neque Christi corpus demonstrat, sed aliud aliquid: nam ipsi inter se non consentiunt: nec supernacaneum erit illorum pugnas intueri.

Guilmundus, qui fere primus contra Berengarium scripsit, sic exponit hæc verba, *Hoc, id est, Hoc corpus, est corpus meum, vel, Hoc, quod vobis do, est corpus meum*. Sed hoc corpus, quod Christus fregit & dedit discipulis, aut erat Christi

Guilmundus l. 2.  
cens. Bereng.

Christi corpus, aut panis: si Christi corpus, tum ex verbis nulla facta est conuersio, quia corpus Christi, antequam verba prolata sunt, fuit: sed hoc est contra mentem omnium Papistarum, qui volunt transubstantiationem nullam esse, nisi prolatis hisce verbis; & statim post verba prolata, in ultimo instanti prolacionis verborum, corpus Christi ibi esse: si verò, *Hoc*, demonstrat & significat, quod Christus dedit, tum panem demonstrauit: nam constat ex Euangelistis, quod panem discipulis dedit, quia postquam dedit, dixit, *Hoc est corpus meum*.

Innocent. 3.  
in lib. 4. c.  
17. de Myst.  
Mist.

Innocentius tertius ait, *Christum consecrasset, cum benedixit, antequam hæc verba protulit, & sacerdotem uti iis verbis, Hoc est corpus meum, non enunciatiue, sed tantum recitatiue: at tum, Hoc, nec panem, nec corpus demonstrat, quia tum sacerdos nihil demonstrat, sed tantum verba Christi recitat. Hoc si verum sit, non est quod de pronomine, Hoc, tanto opere laboremus. Similiter Glossa apud Gratianum, & Guilielmus Wiclford contra Wiclephum, & multi veteres in ea opinione sunt, ut Durandus testatur. Sed eam Thomas refellit, & nunc omnes fere Thomam sequuntur: & sanè nescitur, quibus verbis consecratio conficiatur, nisi bis. Bonauentura ait, non demonstrari corpus Christi, sed substantiam panis, quia intentio sacerdotis fertur super panem, ut conuertatur in corpus Christi: ergo Christus panem demonstrauit, cum dixit, *Hoc est corpus**

Glossa decret. de  
Consecrat.  
d. 2. c. Timorem.  
Guil. Wiclford. cont.  
Wiclef.

Bonauent.  
in 4. d. 8. q.  
1.

*meum*. Non igitur visum est absurdum Bonauenturae, per, *Hoc*, significari panem. Et similiter etiam Gerson huius opinionis est. Sed Innocentius, & Thomas, & alii non probant; quia tum sequetur, panis substantiam esse corpus Christi; quod sine tropo fieri non potest.

Scot. in 4.  
d. 8. q. 3.

Scotus subtilis Doctor, quem Petrus de Alliaco sequitur, ait, *Hoc*, nihil demonstrare pro tempore prolacionis verborum Cænæ, sed post totam orationem completè pronunciatam, ipsum Christi corpus demonstrare: ergo & *CHRISTVS* ipse olim, quando primum dixit, *Hoc*, nihil demonstrauit, & nunc sacerdos; sed postquam uterque loqui desiit; quo nihil magis ridiculum: & istam expositionem Thomas refellit, quia sic non aliud dicitur, nisi, corpus meum est corpus meum. Durandus ait, hæc verba à sacerdote pronunciari non nisi recitatiue; idque ex eo, quia recitat, *qui pro vobis effundetur*: at sanguis Christi non nisi semel effusus est. Sed tamen idem Durandus postea ait isto vocabulo, *Hoc*, indiuiduum vagum demonstrari; quod quale sit, cogitari non potest: at, *Hoc*, aliquid certum & singulare significat, ut Dialectici loquuntur, quod non potest esse indiuiduum vagum. Gardinerus hoc commentum de indiuiduo vago amplexus est in libro, quem Petrus Martyr refellit; etsi in libro Anglico, quæ Diaboli Sophisticam inscripsit, ingenuè per, *Hoc*, panem designari fatetur.

Durand. in  
4. d. 8. q. 2.



Richard. de  
med. vill.  
in 4. d. 8.  
q. 1.

Richardus de media villa per, *Hoc*, ait demonstrari aliquid sub hac specie præfens, vel de propinquo futurum: igitur ex illius sententia demonstrat corpus Christi: nam, corpus Christi, ut illi volunt, aut adest, aut statim aderit. Sed tamen hoc in dubio est: quid si enim sacerdos non intendat consecrare?

Occam in  
4. d. 13.

Occam hæc verba sic interpretatur, *Hoc est*, id est, *Hoc erit* corpus meum. Erat ille valde subtilis, & alio modo interpretatur, quam alii: sed vim affert verbis Christi, quia Christus non ait, *Erit*, sed *Est*. Et tunc *Hoc*, demonstrat panem: ita Occam, qui nemo inter Scholasticos subtilior fuit, vidit, *Hoc*, non posse aliter nisi de pane intelligi.

Marsil. in  
4. q. 6. ar. 1.

Marsilius in hunc modum verba exponit, *Hoc*, id est, id, in quod hoc conuertitur, est corpus meum: sed tum hæc oratio non est practica & conuersiva. Quid igitur Thomas, quem Schola ut magistrum sequitur? nam longum esset dissentientes horum opinionum recensere. Is per *Hoc*, intelligit contentum sub speciebus panis & vini: *Hoc*, inquit, id est, hæc substantia sine determinatione. At *est* debet significare aliquid certum: ostendat ille, quænam sit illa substantia: non potest indefinita & indeterminata substantia sub definitis & determinatis speciebus contineri. Et hanc Thomæ opinionem eius discipuli, aut non intelligunt, aut explicare nequeunt.

Pantheolog.  
de Eucharistia  
Sacr. 1. c.  
33.

Nam Pantheologus Thomam interpretans ait, *Hoc demonstrat contentum sub speciebus, scilicet ipsum cor-*

pus Christi, & non substantiam panis.

Sed Thomas hanc opinionem differtè improbat. Caietanus, qui commentarios in Thomam scripsit, putat Thomam dicere, pronomen, *Hoc*, demonstrare hanc substantiam, scilicet panem, quæ postea est corpus Christi. Sed illum Dominicus Soto refellit: & quidē Thomas ait, demonstrari aliquid, quod communiter se habet ad utrumque, & panem scilicet & corpus Christi. Sed quale, obsecro, hoc est singulare, quod perinde sit aut panis, aut corpus Christi? nihil singulare est eiusmodi: sed, *Hoc*, aliquid singulare demonstrat. Si pronomen, *Hoc*, esset indifferens ad res duas, tum hæc propositio, *Hoc est corpus meum*, non esset singularis, sed indefinita propositio: & quid cogitari potest contentum sub speciebus, nisi singularis substantia aut panis aut corporis? Alanus etiam

Alan. de  
Sacram. 1.  
l. c. 34.

videri vult Thomista, non tamen adhærescit ad expositionem Thomæ, nec nos dimittit aut certiores aut doctiores. Ait ille pronomen *Hoc*, sumi vagè & indefinitè; nec demonstrare exactè aut hoc, aut illud, donec oratio compleatur, & tunc determinari ad corpus. Sed hæc ineptissima expositio est: nam *Hoc*, aliquid exactè demonstrat aut sensui aut intellectui: hic verò ait, nihil alterutri exactè demonstrare, sed sumi vagè, & demonstrare nec panem, nec corpus. Sed quod continetur sub his speciebus, est aliquid singulare exactè: & id exactè demonstrari debet. Quare coactus est ad extremum dicere, hanc

hanc orationem esse singulariter admirabilem, & non esse exigendam ad regulas Sophistarum: quasi Grammatici & Philosophi sint Sophistæ: imò hi Sophistæ nullo modo audiendi sunt, qui ad sensum perspicuum obscurandum mille sophismata excogitarunt, sed eadem insanissima.

Iansen. in  
concord.  
Evangel.  
c. 131.

Iansenius ait, *Hoc*, demonstrare substantiam quandam indiuidualem, quæ speciebus illis vestitur; & tamen negat hanc substantiam esse aut panem, aut corpus Christi: doceant ergo, quæ substantia indiuidualis possit sub illis speciebus contineri, nisi aut panis, aut corpus Christi? nam hæc species ostenduntur aut ante consecrationem, aut post: si autem, tum est panis, qui sub speciebus continetur; si post, tum est corpus Christi, ut illi volunt; sed nunquam est vlla substantia sub eis speciebus, nisi substantia panis aut corporis Christi: & hoc nemo unquam asseruit. Idque statim agnoscit, cum ait, Si ulterius queratur, quæ illa substantia indiuidualis sit, dicendum quod ante consecrationem completam, quæ perficitur & fit in momento terminante verborum prolationem, substantia illa est panis, post verò consecrationem est corpus Christi: ergo, *Hoc*, substantiam panis significat, quia non est ibi substantia corporis Christi, nisi post prolationem omnium verborum: at omnia non sunt prolata, cum primum tantum est prolatum: imò verba profertur successiue, sed mutatio est in instante, ut volunt, ad finem verborum: cum igitur, *Hoc*, dicitur, non est corpus, & proinde

oratio esset falsa, si, *Hoc*, corpus demonstraret. Sed Iansenius, ut huic incommodo subueniat, ait veritatem huius propositionis non pendere ab existentia rei pro tempore, quo profertur, sed pro momento finiente orationem: ut verè quis dicit, Ego fiteor, si post prolationem non loquatur. Sed Thomas hanc expositionem reiicit, & exemplum ponit, quo usus est Iansenius; quia tum non alius erit horum verborum sensus, nisi corpus meum est corpus meum: sed oratio hæc est conuersiva panis in corpus Christi, ut Thomas vult: ergo, *Hoc*, aliud significat quam corpus, quia significat id, quod in corpus Christi conuertitur. Sed utitur Iansenius alio exemplo, ut si faber, inquit, interea dum clauum subito motu format, dicat, *Hoc est clauus*. Sed exemplum est dissimile: nam faber non conuertit substantiam, tantum huic ferro formam clauus, quæ est artificialis, tribuit: vera igitur est hæc propositio, *Hoc ferrum est clauus*, quia manet substantia eadem post nouam formam, quæ prius fuit. Quod ergo ait, in hac propositione, *Hoc est clauus*, *Hoc*, non significare determinatam substantiam, falsum est: nam significat substantiam illam determinatam ferri: clauus enim non materiam, sed formam nouam significat. Sed aliud adhuc exemplum affert: Christus in nuptiis cum aquam in vinum conuertit, dicere potuisset, *Hoc est vinum*: neque tamen pronomen, *Hoc*, inquit, demonstrasset aut aquam aut vinum, quia falsum fuisset aquam esse vinum, & efficienti non conuenit ille ser-



mo, Hoc vinum est vinum. Indeterminatè ergo, inquit, substantiam demonstrasset, quia non tum fuisset vinum, cum oratio proferretur, sed cum prolata iam fuisset. Sed respondeo: hoc exemplum esse fictum: non enim Christus aquam in vinum mutauit verbis, sed occultâ virtute. Sed si aqua in Christi conspectum adducta fuisset, ut eam in vinum conuerteret, non dixisset Christus, Hoc est vinum, sed, Hec aqua esto vinum: nâ, *Est*, significat, quid res antè fuerit, non quid post: ita Christus, si voluit panem transubstantiare, non dixisset, *Hoc est corpus meum*, sed, Hoc esto corpus meum. Claudius Sanctes contrarius est sibi: ait enim (*Hoc*) neque panem, neque corpus Christi distinctè demonstrare aut significare: sed mox ait, Christi sermonem enunciare potius rem factam, quàm fieri. *Hoc*, inquit significat, quod prius erat panis, esse corpus Christi. At quod prius erat panis, non potest esse aliquid, nisi corpus Christi. Sed ait, hoc non distinctè significari seu demonstrari. At, *Hec*, aliquid distinctè demonstrat in particulari. Ita nec qui Innocentium Papam, nec qui Thomam acutissimum sequuntur, nec qui expensis superiorum erroribus consideratè loquuntur possunt expositionem probabilem afferre, imò non apertè absurdam.

Bellarminus vno verbo omnia expedit, quia non audet hanc Camarinam mouere: ait enim, *Hoc*, non panem, sed rem contentâ sub speciebus panis demonstrare. Sed quænam ea res est: addit, quæ et si

ante fuerat panis, tamen tunc iam erat corpus Christi: igitur, *Hoc*, ex Bellarmini sententia non aliud, quàm Christi corpus demonstrat: nam ait, tunc iam erat Christi corpus: & ante fuerat panis: at panis corpus succedit, ut illi volunt. Delabitur ergo in eam opinionem, quam Thomas refellit, ut dicat horum verborum sensum esse, Meum corpus est meum corpus. Sic nullum commentum excogitare possunt, quod illorum instituto inferuiat.

## EST:

De pronomine (*Hoc*) diximus, & eo nihil aliud nisi panem demonstrari docuimus. Iam de verbo (*Est*) aliquid dicendum est, quod Zuinglius interpretatur, significat: ita etiam interdum Calvinus, Martyr, Beza. Ita tropum statuunt in verbo (*Est*) ut hæc verba, *Hoc est corpus meum*, hunc sensum habeant, Hoc significat sacramentaliter corpus meum. Siue enim dicamus, *Hoc*, id est, hunc panem esse corpus Christi, siue, Hoc significare corpus Christi, nihil est diuersum in sensu; quod omnibus est perspicuum.

Bellarminus contendit verbum (*Est*) propriè sumendum esse, & nihil significare nisi (*Est*) de quo nos non valde laboraremus, si in attributo tropum esse concederet: sed in nullo verbo tropum relinquit. Et quanquam nostri tropum in prædicato constituunt in hunc modum, *Hoc est corpus meum*, id est, signum, figura, Sacramentum corporis

poris mei, non inane, sed efficax, nisi culpa sit in nobis; tamè rectius sedes tropi in copula statueretur, id est, in modo attributionis. Nam extrema sunt disparata; ergo vnum de altero propriè prædicari non potest: est igitur tropus; nempe *μετανομία*, in verbo (*Est*) ut ponatur pro significat. Sensus ergo est, *Hoc est corpus meum*, non propriè, sed in signo, & mysterio, id est, Hoc significat corpus meum verè. Sed Bellarminus probat verbum (*Est*) accipiendum esse propriè, & nō posse aliter nisi in sua propria significatione accipi: & in hunc finem argumenta quædam affert, quorum primum est huiusmodi.

1. Hoc verbum (*Est*) habet significationem simplicissimam & communissimam, ita ut alia verba omnia resoluantur in hoc, & aliquid aliud, ut Homo ambulat, id est, Homo est ambulans. Respondeo: non sequi, quia alia verba possunt resolui in hoc & aliud: ergo hoc semper propriè accipi. Homo est ambulans propriè accipitur, quia ambulare potest, de homine propriè dicitur: sed in hac prædicatione, Homo est volans, si (*Est*) propriè accipiatur, tum homo propriè volat; quod est *ἀδύνατον*. Significatio ergo verbi (*Est*) metienda semper est ex natura rerum, quas copulat.

2. Secundum argumentum sic se habet: Hoc verbum (*Est*) in omni propositione copula est, coniungens prædicatum cum subiecto: ergo est in omni propositione necessarium; ergo nunquam potest

dimittere suam significationem, ut induat aliam. Respondeo: verbum quidem (*Est*) non posse dimittere significationem suam, sed eam semper habere, licet non semper propriam. Non autem sequitur, Hoc verbum est copula in omni propositione, & coniungit extrema: ergo semper propriè accipitur: nam copulat & coniungit extrema, quemadmodum possunt coniungi; consentanea propriè, disparata tropicè, non propriè: nam vñ disparatum propriè de altero prædicari non potest. Significat aliquando similitudinem, ut cū Christus Herodem vulpem vocat. Vera Luc. 13. est hæc propositio, Herodes est 32. vulpes: hæc autem duo, Herodes, & vulpes, non copulantur propriè: ergo in verbo (*Est*) *σχέσις* inest, & sic dicitur Herodes propter similitudinem, ut sensus sit, Herodes est vulpino ingenio.

Sic Christus ait, Ioannes est Elias, non quod verus Elias erat, sed 14. propter quandam similitudinem, quia scilicet Elias zelo similis fuit. Nam quemadmodum Dialectici loquuntur prædicata talia sunt, qualia permittuntur esse à suis subiectis. Ergo verbum (*Est*) non semper significat *ὡσαύτις*, sed aliquando *σχέσις*.

3. Tertium argumentum hoc est: Verbum (*Est*) nihil significat, nisi coniunctionem vnius cum altero: ergo non potest in eo esse tropus aliquis. Respondeo: negando argumentum. Et si enim non nisi coniunctionem significat, tamen illa coniunctio potest esse non propria,



1 Cor. 10.  
16.

pria, sed tropica, & sic in verbo tropuserit. Paulus ait, *Panis quem frangimus, est communicatio corporis Christi*: hic verbum (*Est*) non sumitur ὑπαρκτικῶς, sed σχετικῶς: & tamen coniungit extrema, sic ut ὑπαρκτικῶς corporis Christi de pane prædicetur, quæ non potest esse propria prædicatio.

\* quia est prædicatio non naturalis, sed sacramentalis, & ἡ ἐκείνη, iuxta habitudinem prædicati ad subiectum.

4.

Hic enim horum verborum sensus est, Panis est communicatio corporis Christi, id est, Panis est pignus vel Sacramentum communionis corporis Christi.

Postremum Bellarmini argumentum est huiusmodi: Nullus unquam Rhetor scripsit, tropum posse fingi in verbo (*Est*) hæc opinio igitur ex mera imperitiâ nata est.

Respondet: imò hoc argumentum ex mera inscitia profectum est: nã omnes intelligunt in parabolis, & metaphoris, & impropriis sermonibus verbum (*Est*) non posse propriè accipi, sed habere parabolicam & impropriam significationem, ut in his propositionibus, *Circumcisio est fœdus, Agnus est transitus*: & huiusmodi: mirum certè & miserabile est, Indæos rectè intellexisse has propositiones, nos verò in tanta luce Euangelii adeo cæcutire, ut non intelligamus istam propositionem, *Hoc est corpus meum*. Nunquam legimus veterem Ecclesiam de harum propositionum sensu litigasse, sed semper tropicum esse agnouisse: non putauit illa vel circumcisionem esse reuera fœdus, vel Agnum Pascha: at Pontificii propositionem his planè similem, nempe *Hoc est corpus meum*, propriè

non tropice intelligi contendunt. Similiter cum legimus, *Septem vacca sunt septem anni: Semen est verbum Dei: Petra erat Christus*: in his & huiusmodi propositionibus verbum (*Est*) non ὑπαρκτικῶς, sed σχετικῶς, & σχετικῶς significat. Ita sceptrum dicitur esse regnum, id est, signum & symbolum regni: ita lex vocatur mutus magistratus, non ὑπαρκτικῶς, sed σχετικῶς, propter similitudinem: sic olim sacrificia passim dicuntur expiationes: sic Arca fœderis vocatur Iehoua plus quadragies in Scripturis: similiter panis est corpus Christi symbolicè & sacramentaliter. Atque hoc omnes Rhetores agnoscunt & tradunt. Imò ipsi etiam Scholastici eodem modo interdum hæc verba exponunt.

Sic Gratianus, *Cælestis panis, qui Christi caro est, suo modo vocatur corpus Christi, cum reuera sit Sacramentum corporis Christi*: ubi Glossa, *Vocatur Christi corpus, id est, significat: Sacramentum ergo dicitur corpus Christi impropriè, unde dicitur, suo modo*. Atque hoc est, quod Augustinus tam sæpe ait, *Sacramenta aliud sunt, & aliud significant*.

Sic Ambrosius, *Ante benedictionem verborum cælestium alia species nominatur, post consecrationem corpus significatur*.

Sic & idem alibi, *Quia morte Domini liberati sumus, huius rei memores, in edendo & potando, carnem & sanguinem, qui pro nobis oblata sunt, significamus*.

Sic Augustinus, *Sacramentum sanguinis Christi secundum quendam modum*

Gen. 41.  
26.

Luc. 8. 11.  
1. Cor. 10.

4.

Idem in  
Luc. 9. 57.

Tertullian.  
li. 1. cont.  
Marcion.

Durand.  
in 4. d. 8 q.  
2.

Tertullian.  
li. 1. cont.  
Marcion.

modum est sanguis Christi. Est, sed secundum modum quendam, id est, σχετικῶς. Sic idem alibi, *Solet res, qua significat, eius rei nomine, quam significat, nuncupari*: ergo (*Est*) idem est, quod significat.

Sic Tertullianus, *Christus non repræbavit panem, quo corpus suum repræsentauit*.

Et ob hanc causam Durandus quosdam ait verba hæc, *Hoc est corpus meum*, sic interpretari, Significatum per hoc est corpus meum, quod idem est ac si diceret, *Hoc significat corpus meum*. Nihil ergo afferri potest, quo min⁹ sedes tropi non sit in verbo (*Est*). Quanquā perinde nobis erit, siue in verbo, siue in attributo tropus ponatur: & Patres quidem potius in prædicatione ponunt.

Sic Tertullianus, *Hoc est corpus meum: id est, Hoc est figura corporis mei*. Sic Augustinus, *Hoc est signum*, & alibi, *Hoc est figura*. Sed melius Aduersariorum argutiæ & calumniæ euitari possunt, si (*Est*) interpretemur per *significat*. Sacramentum enim constat ex materia terrena & cælesti: harum est coniunctio, sed Sacramentalis, non naturalis: ergo verbum (*Est*) non debet hic exponi naturaliter, sed Sacramentaliter.

Non posse verò verbum (*Est*) in hac sententia, *Hoc est corpus meum*, ὑπαρκτικῶς accipi, ut Aduersarii volunt, certum est, idque ex ipsorum Aduersariorum sententiâ. Ipsi enim Aduersarii statuunt, transubstantiationem fieri his verbis, i. e. conuersionem panis in corp⁹ Christi;

at si verbum (*Est*) propriè sumatur, ut vult Bellarminus, tum his verbis nulla fit conuersio. Nam (*Est*) propriè sumptum, non conuertit rem, sed rei naturam declarat, qualis in se est, nec significat mutationem aut conuersionem aliquam, in ipsa verborum pronuntiatione, sed declarat qualis rei natura fuit ante pronuntiationem verborum: at Papistæ fingunt in verbis esse vim quandam factiuam conuersionis, ut Thomas ait; non igitur verbum (*Est*) propriè sumitur. Ex pane corpus fieri dicunt: & fuit panis ante verba hæc: iam his verbis panis in corpus mutatur, (ut illi volunt) quoniam verbo, si non isto verbo (*Est*) multò enim rationi conuenientius est, ut conuersionis vis verbo, quam pronomini aut nomini tribuatur. Nisi ergo ad sit corp⁹ Christi ante verborum prolationem, non potest hæc vera esse prædicatio, *Hoc est corpus meum*, nisi (*Est*) aliter sumatur, quàm propriè, & significationem plusquam naturalem habeat. Ob eam causam aliqui Scholastici (*Est*) per (*Erit*) interpretantur in hunc modum, *Hoc est corpus meum*, id est, *Hoc erit corpus meum*, ut Occani: alii per (*Fit*) aut (*Transubstantiatur*) quod tamen Bellarminus non agnoscit, & Calvinum eo nomine reprehendit: sed alias illorū Transubstantiatio ruit, nisi in verbo (*Est*) sit vis quædam transubstantiandi, quod propterea à Scholasticis imperiosum verbū vocatur: aliàs enim erit Transubstantiatio ante Transubstantiationem: & sic nulla omnino Transubstan-

Ggg

substan-

substantiatio erit, atq; ita illorum falsa sententia erit, qui in his verbis vim transubstantiandi ponunt. Sic igitur contra Bellarminum disputo: Si verbum (*Est*) propriè sumatur, rem remanente existentem, & præsentem significat (ut si quis dicat, Hic homo est doctus, in hac propositione verbum (*Est*) propriè sumitur, quia significat qualis fuerit & sit ille homo, qui demonstratur, non facit illum doctum:) at in his verbis, *Hoc est corpus meum*, verbum (*Est*) non remanente existentem significat (ut illi volunt) nisi hæc non sit forma consecrandi; quod omnes affirmant: non ergo propriè sumitur verbum (*Est*) sumitur igitur pro *transubstantiatur*, aut *fit*, aut pro aliquo eiusmodi. Quæ hic sequuntur apud Bellarminum, ad Boquinum refellendum pertinet, qui verbum (*Est*) de communicatione idiomatum interpretatur: quæ sententia à vero longissimè abest, neque refutatione indiget: nostra certe non est.

### CORPUS.

Iam ad tertium vocabulum veniamus, quod est *corpus*: quāquam in Canone Missæ interposita est ab istis particula (*Enim*) sic enim leguntur verba in Canone, *Hoc est enim corpus meum*: sed hæc particula in nullo Evangelistarum reperitur; tamen eam nullo modo à sacerdote prætermittendam esse adiunt: sed si forte prætermittenda fuerit, plerique putant consecrationem non impediri, sed grande tamen sacrilegium commissum esse. Mul-

ta hic Bellarminus de vocabulo (*corpus*) disputat, quæ prorsus aliena à causâ sunt. Tres opiniones refellit, quarum prima est, quod vox (*corpus*) significet corpus Christi mysticum: de quo nemo nostrum somniavit; secunda est, quod significet signum corporis Christi; tertia, quod significet signum efficax: & nos sapissime per *corpus* signum intelligimus, sed efficax, non nudum: qui nudum, inane, vacuum signum intelligunt, nos ab eorum opinione non minus abhorremus, quàm a Papistæ. Vere a. exponi verba possunt, si panem dicamus esse Christi corpus, id est, Sacramentum & signum efficax corporis, ut vna cum signo corpus offeratur, & à populo Christiano sumatur. Hæc non Calvinus, aut Martyris, sed veterum Ecclesiæ Patrum sententia est: eam quomodo Bellarminus improbet, audiamus. Corpus igitur ex mente Calvinus & Martyris est signum efficax: & ideo Christus panem vocavit corpus, non signum corporis, ut efficax esse signum declararet. Et hic in memoriam reuocari vult Bellarminus, Calvinum non putare, Christum dare nobis re ipsa corpus suum cum pane: quod omnes falsissimum esse possunt meminisse. Calvinus enim re ipsa Christum nobis cum pane dari existimavit, non ut de cælo descendere cogatur Christus, quoties hoc Sacramentum celebratur: sed quia in legitimo usu Sacramenti cum pane ipsum Christum in cælis sedentem cum bonis suis omnibus percipimus, cuius perceptionis

orga-

organon fides est. Hanc verissimam sententiam Bellarminus figmentum vocat, eamque duobus argumentis conatur refellere.

Primum eius argumentum à Calvinus ipsius quodam principio sumitur: nam ait ex Calvinus sententia sequi, manducare Christum, nihil aliud esse, nisi credere in Christum: & credere in Christum, inquit, non est verè manducare Christum: panis enim non diceretur corpus Christi, si credere esset manducare: idque probat ex verbis quibusdam Calvinus, in quibus contendit, manducare Christum, amplius esse quam credere in Christum: esse enim fructum credendi, & arctiorem quandam cum Christo coniunctionem: interim ait non aliam esse hanc nisi fidei manducationem. Quod autem ait Calvinus credere in Christum, & manducare Christum perinde esse ut cibum videre & edere, non eo hoc dicit, ut eos qui credunt non aliter velit Christum participare, nisi ut qui cibum aspiciunt, quo non vescuntur, sed ut manducare plus esse doceat, quam simpliciter credere: nam certe Christi participes sumus, si Evangelio credimus, etsi nondum ad Sacramentum accessimus: sed quando credentes accedimus ad Christum manducandum in Sacramento, penitus Christo inserimur: non ergo in re differentiam esse vult Calvinus, sed in gradu, modoque. Iam quid hinc contra Calvinum colligit Bellarminus: vult scilicet probare, quod manducare Christum nihil aliud

sit ex sententia Calvinus, quàm credere in Christum: quod si ita sit, quid hoc ad rem? debuit probare, per *Corpus* non intelligi signum efficax; quod Calvinus ait. Num id ex eo sequitur, quod Calvinus dicat, manducare non aliud esse nisi credere? Sed quomodo non aliud esse probat ex sententia Calvinus? scilicet quia nulla est actio alia hominis manducantis, nisi credere. At hoc falsum: nam qui Christum in Sacramento percipit, plus facit, quàm qui simpliciter in Evangelio Christum fide apprehendit: manducat enim Sacramentum, quod ipsius fidei est ipsum Christi corpus; & hoc modo arctior communio contrahitur cum Christo: & hoc Calvinus voluit. Quare quod inbet Bellarminus, ut nos explicemus, quam actionem homo exerceat post actum fidei ad coniunctionem cum Christo faciendam; in sciriam suam prodit.

Homo enim credendo Christum amplectitur, sed post hunc actum in Sacramento Christum ut cibum sumit, atque hoc modo inrer Christum & nos firmitus quoddam vinculum colligatur. Idque exemplo Calvinus docuit: Apostolus ait Christum per fidem habitare in cordibus nostris: ista habitatio Christi non est fides, sed fructus effectusque fidei. Inpre igitur Bellarminus & imperitè ait, habitare Christum in homine, non esse distinctum ab actione fidei: nam in nobis Christus habitat, quando nos nullam actionem fidei exercent. Ita manducatur Christus, ut in-



star cibinós alat, vegetet, conseruet: & hoc illustriorem & expressiorem coniunctionem significat. Nam Papistarum manducatio oralis est inutilis: Christi corpus ab illis manducatur, sed non habitat in illis, imo ne moratur quidem cū illis, sed elabatur statim si nō ē manibus, ac certē ē dentibus, nec trāsit in naturam nostram, & sic nulla est coniunctio: igitur reuera ne manducatio quidem est. Quis enim eam manducationem dixerit, quando cibus ori imponitur, sed non in stomachum transit, sed auolat? Atque hoc illi statuunt.

Secundum Bellarmini argumentum hoc est, panem non posse dici corpus Christi, quia sit signū efficax, propterea quod vetera Sacramenta habebant vim eandem, & in nouo Testamento Baptism⁹, verbum Dei, imago Crucifixi, eandem efficaciam habent; & tamen ista nunquam dicuntur corpus Christi. Atque hic egregium mendacium profert: ait enim se prius docuisse, Calvinum nihil aliud tribuere Eucharistiæ, nisi vt sit symbolum ad memoriam renocans Christi passionem, & sic excitans fidem.

At potuit intelligere, longē plus Calvinum tribuere huic Sacramento, cum in verbis præcedentibus, vt accepimus, ex Calvino doceat, manducare Christum in Eucharistia, esse plus quā simpliciter credere: at possunt reuocare ad memoriam Christi passionem, qui ne omnino credunt, & fides potest in ijs excitari, qui nunquam ad Sa-

cramentum accedunt: at in hoc Sacramento Christus ipse verē sumitur spiritualiter, & ideo hoc Sacramentum fuit institutum. Quod ergo de imagine Crucifixi ait, stolidum est: Christus enim nusquam instituit, nec præcepit spectare tales imagines ad fidem excitandam; imō non tam excitat quā opprimit fidem, nec est signum efficax, sed scandalum: & tamen consuetudine loquendi imago Christi dicitur Christus: quanto magis panis Christi corpus dici potest, cuius ex Christi institutione est signum efficax. Quod ad Sacramenta & sacrificia vetera attinet, erant illa quidem signa, eaq; efficacia Christi: nam Circumcisio iustitiam fidei, & remissionem peccatorum; Agnus verō Paschalis transitum significabat; transitus verō ille signum erat liberationis ē manu Satanæ: sed illa Sacramenta non dicuntur Christus, aut corpus Christi, vt Petrus Martyr rectē ait, quia nondum erat peracta Christi passio; nunc autem peracta est. Bellarminus ait, cum Christus dixit, *Hoc est corpus meum*, nondum peractam fuisse passionem: sed plenam Martyris responsionem non ausus est proponere; nam ait Martyr, quia illa Sacramenta Christum venturum adumbrāunt, & corpore ius in crucem dādum: nostra profectum significant: & licet nō tum peracta Christi passio fuit, tamen quasi tum; quia statim à Cæna apprehensum est, & postridie cruci affixus. Et Martyr ait, vetera Sacramenta non esse dicta corpus Christi,

## MEUM.

sti, quia signa erant venturi Christi, at venerat Christus, cum Cæna institueretur. Præterea quædam Sacramenta veteris Testamenti dicuntur Christus: nam petram fuisse Christum Paulus ait. Sed quid si Christus illa Sacramenta non vocauit corpus suum? hoc cōne probat, nostrum Eucharistiæ Sacramentum non posse sic dici? loquendum eo modo est, quo Scriptura loquitur: at ea panem vocauit corpus Christi: sic nos. Sed vrget Bellarminus instantiam suam de Baptismo: Rideretur (inquit) qui Baptismum diceret esse ipsum corpus Christi.

Aburdē: nos enim non dicimus, panem esse ipsum corpus Christi, sed eius signum efficax: non rideretur, qui Baptismum esse signum efficax sanguinis Christi diceret, quem Petrus bonæ conscientiæ *ἡ ζωὴ* vocat, & Paulus lauacrum regenerationis appellat, & ait nos in eo induere Christum; certē non realiter; tum enim Christus nō minus in aqua Baptismi inclusus esset, quā in Cæna: ita nec manducamus Christum realiter in Cæna, sed hoc spiritali modo fit; hic tamen modus efficax & verus est: certē nō minus in Baptismo Christum induimus, quā in Eucharistia comedimus. Sic ridiculum nihil in eo est, vt panis dicatur signū efficax Christi, & suo modo Christus, quia Sacramentum est corporis Christi: nam vt Augustinus ait, *vsitatum est, rerum nomina.*

tribui Sacramentis.

Postremum vocabulum est (*Meum*) de quo Bellarminus nihil ait, nisi quod cuiusdam expositionem proponit & refellit, qui (*Meum*) interpretatur, à me creatum: *Hoc est corpus meum*: id est, corp⁹ à me creatum: quam expositionem Lutherus ridiculi causā excogitauit. Sed hoc nihil ad nos. Sed Scholastici tamen laborant, vt (*Meum*) sic interpretentur, ne corpus sacerdotis intelligatur, quia à sacerdote hæc verba pronunciantur. Quærunt enim an verba quæ præcedunt sint necessaria, quia alioqui non intelligentur hæc esse verba Christi, aut sacerdotem loqui in persona Christi: tum si sacerdos vel maxime in persona Christi loqueretur, non tamen sequeretur, eum panem, quem sacerdos in manibus suis tenet, esse corpus Christi, sed quem Christus tenebat, quia sacerdos non nisi recitat quid Christus dixerit & fecerit.

Sic de verbis singulis institutionis satis multa diximus; ex quibus nihil exculpere potest Bellarminus, quo minus in ijs tropus insit, id quod Patres Ecclesiæ semper intellexerunt.

\* \*

## CAPVT VI.

*In quo quartum Bellarmini argumentum diluitur, sumptum ab ijs Scriptura locis, qua continent vsum huius Sacramenti, ac primum ex I. Corinth. 10. deinde ex I. Cor. II.*

**N**UNC ad quartum & postremum Bellarmini ex Scripturis argumentū peruenimus, quod ex iis locis Scripturarum deducitur, quæ vsum Eucharistiæ declarant tempore Apostolorum.

Sunt autem hi loci duo. *Primus* locus habetur I. Corinth. 10. in illis verbis, *Calix benedictionis, cui benedicimus, nonne communicatio sanguinis Christi est? & panis quem frangimus, nonne communicatio corporis Christi est?* Hinc tria argumenta colligit.

*I. Primum* eius argumentum est, consecrationem esse ad hoc Sacramentum necessariam: at non esset necessaria, si hoc Sacramentum tantum contineret figurā: ergo est ibi verum corpus Christi. *Respondeo:* εὐλογίαν quidem, id est, benedictionem, esse necessariam ad hoc Sacramentum: per εὐλογίαν autem Calvinus recte non simplicem gratiarum actionem intelligit, sed consecrationem per preces in eum vsum adhibitas, ut nobis sit symbolum corporis & sanguinis Christi. Id fit verbo promissionis, cum populus Christianus iuxta Christi mādatum memoriam mortis Do-

minicæ in hoc Sacramento celebrat, & diuinorum beneficiorum admiratione erumpit in gratias & preces.

Oecumenius sic hoc verbum interpretatur, ὁ εὐλογεῖν, id est, inquit, ὁ μετὰ χειρὸς ἔχοντες εὐλογεῖν τὸν χαριστὴν ἡμῖν τὸ αἶμα αὐτοῦ, τὸ ἐν εὐχαριστίᾳ, ὃ manib. tenentes benedicimus ei, qui donauit nobis sanguinem suum, id est, gratias agimus. sed mox melius, ὁ εὐλογεῖν τὸ θεοῦ χάρισμα, quod cum gratiarum actione preparamus. Sic Thomas, Cui benedicimus, id est, quod nos fideles exaltamus credendo, & gratias agendo.

Quare quod Bellarminus ait, consecrationem non esse necessariam, nisi sit transubstantiatio, falsum est: opus est enim consecratione, licet non tali, qualem illi fingunt, quæ hæ creaturæ, panis & vinum, euadant symbola & Sacramenta corporis & sanguinis Christi: nisi enim hunc panem & calicem eo ritu, & in eum finem adhibeamus, quem Christus instituit, non erit omnino hic Sacramentū: quare consecratio necessaria est. Sed Bellarminus obiicit de Agno Paschali, & Manna, hæc, quia tantum figuræ erant, non habuisse consecrationem: ergo si nostra Eucharistia sit tantum figura; nec illa consecratione opus habet. *Respondeo:* nec in Eucharistia nostra tantum, esse, nec in illa tantum fuisse figuram: etsi enim panis & calix est figura, non tamen tantum figura, sed veritas cum ea coniuncta est: sic Agnus & Manna non simplex & nuda figura erant: nam Aposto-

*Oecumen. in locum.*

*I. Cor. 10. 3. 4.* lus de piis, qui tunc fuerunt, ait, *Omnes eandem escam spiritualement bibisse: & omnes eundem potum spiritualement bibisse: & petram illam fuisse Christum.* Nuda figura non potuit esse cibus aut potus spiritualis: & si petra erat Christus, non fuit ibi tantum figura: sic nec Manna, nec Agnus Paschalis nuda figura erat.

*Augustin. in locum. 41.* Hoc est, quod Augustinus ait, *fide manente signa esse variata, & eundem cibum manducasse, & eundem potum bibisse, id est, eundem spiritualement, corporalement non eundem.* Sed obiicit Bellarminus, nullam fuisse in illis Sacramentis consecrationem. *Respondeo:* De Manna quidem, quia erat panis etiam communis, nihil tale legitur: sed pii sine dubio in eo plus quam corporeum alimentum spectabant: & ea consecratio est, in eum finem sumere cum gratiarum actione: sic quoque pii Agnum Paschalem comederunt, ut caeleste beneficium commemorarent, non ut corpora sua saginarēt: & hoc erat consecrare, & tum spiritualis cibus & spiritualis potus illis fiebant, cum in spiritualement vsum intentierant. Quare etsi non legimus, Agnus, cui benedicimus, & Manna, cui benedicimus, est corpus Christi; tamen extra controuersiam est, pios in his reb. externis spectasse Christum. Manna quidem non erat tantum Sacramentum, sed communis etiam panis, quem quotidie edebant, & aqua illa, quæ fluxit e petra, communis potus fuit, quem quotidie bibebant: pii tamen alio fine utebantur, quam vulgus; in his enim

non corpora tantum, sed & animos suos pascebant: atque ita illis Sacramenta fuerunt.

Sed Bellarminus hanc Calvinæ expositionem refellit: ait enim, Si vinum commune deberet consecrari, ut fieret Sacramentum, hoc esset, vel quia Sacramentum est signum ad placitum, vel quia est quædam analogia inter rem signatam & signum ex natura rei. *Respondeo:* indoctè hoc dici à Bellarmino, quia etsi Sacramenta omnia analogiam quandam habent cum rebus, quæ sunt Sacramenta, ut aqua in Baptismo, panis & vinum in Eucharistia, Agnus Paschalis, Circumcisio, Manna; tamen signa sunt ad placitum ex institutione Christi. Sed tum (inquit) sufficeret prima institutio, si signa sint ad placitum: at non sufficit; postea enim Apostolus benedixit, cum ait, *Poculum, cui benedicimus:* ergo opus est adhuc aliqua cōsecratione præter primam institutionem. *Respondeo:* quoad Sacramenti formam, primam Christi institutionem sufficere: nam ut Augustinus ait, *Accedit verbum ad elementum, & fit Sacramentum.* Non enim nouum Sacramentum institimus, sed Sacramentū à Christo institutum celebramus: quod ut faciamus, has creaturas in eum vsum consecramus. Prima institutio sufficit nobis ad celebrandam hanc actionem; sed prima institutio non fecit omnem panem & omne vinū esse Sacramenta, sed cōsecratio has creaturas in eum vsum separauit: quare opus est speciali sanctificatione & separatione creatura-



turarum ad hunc usum. Et Analogia naturalis non sufficit: nam panis & vinum illam Analogiam habebant, antequam erant Sacramenta; tamen non fuissent Sacramenta, nisi Christi institutio accessisset.

Quod autem in aqua Baptismali nullam ait esse necessariam benedictionem, morem Ecclesiae suae damnat: sacerdos enim apud illos sedulo benedicit aquae ante Baptismum, & est necessaria etiam in Baptismo consecratio, non qualem illi adhibent, sed ut haec creatura quasi caelestis quaedam animatum lotio sit, non quae communes tantum corporis sordes abluat. Quando enim pueri ad Baptismum accedunt, non hoc fit, ut earum corpora lauentur, sed ut participes gratiae spiritualis sint. Haec est consecratio legitima Baptismi. Etsi ergo nulla est in his Sacramentis mutatio creaturarum quoad substantiam; tamen *εὐλογία* in usu horum Sacramentorum necessaria est: igitur cum talis *εὐλογία* in omni Sacramento requiratur, nulla hinc transubstantiatio colligi potest.

2. Secundum Bellarmini ex hoc Apostoli loco argumentum sumitur ex illis verbis, *Panis quem frangimus*. Hic *frangim*? (inquit) significat immolamus: immolarur autem non panis triticeus, sed corpus Christi. Hinc autem euidenter probatur (inquit) Christi corpus verè esse praesens in Cæna. Sed quomodo probat *frangere* esse immolare? Nimirum ex 1. Corinth. 11. *Hoc est corpus meum, quod pro vobis frangitur*: hic *frangitur* (inquit) idem est quod im-

1. Cor. 11.  
24.

molatur, ut Calvinus disertis verbis dicit: ergo etiam hoc loco fractio erit immolatio, quia est verbum eiusdem auctoris, in eadem Epistola, & de re eadem tractantis. Egregium scilicet argumentum, & quale Iesuitam decuit. Sed Respondeo: Cum Paulus ait, *quod pro vobis frangitur*, ibi *frangi* pro Christi passionem & immolationem in cruce tumitur: sed cum Paulus hic ait, *Panis quem frangimus*, nullam Christi passionem aut immolationem intelligit: tum enim Christum frangi oporteret, id est, cruciari, & necari, cum Eucharistia celebratur. Si ergo illi in Missis & sacrificiis suis Christum frangunt, tum saluunt in Christum, ut Iudaei cum Christum cruci affixerunt, eumque interfecerunt. Sed fractionis nomen non pro eodem in his locis sumitur. Paulus ait corpus Christi pro nobis esse fractum: hoc immolationem significat, quia corpus eius pro nobis verè immolatum est: sed cum ait, *Panis, quem frangimus*, hic *frangere* non est immolare, 1. quia Apostolus hic disertè de vero pane loquitur, qui non immolatus est, 2. quia si de Christo loqueretur, tum Christus immolaretur in Cæna; si immolaretur, tum frangeretur (quia vult Bellarminus haec duo idem esse), si frangeretur, tum iterum panem pateretur & moreretur; quod haereticum & blasphemum est, 3. quia Patres haec Apostoli verba de Sacramenti, id est, panis fractione, non de fractione Christi ipsius interpretantur.

Chrysostomus, quando hunc locum

in homil.  
14. in 1.  
Cor.

Exod. 12.  
48.  
Ios. 19.  
36.

Theodoret.  
in 1. Cor.  
13

Thom. in  
locum.  
Caietan. &  
Catharin.  
in locum.

locum tractat, valde *ἐμφανῶς* loquitur: ait hoc esse verum in Eucharistia, non in cruce: ergo ille non exponit hanc fractionem de illa, quae facta est in cruce: nam negat Christi corpus fractum esse in cruce, quia scriptum est, *Os eius non frangetur* (at pace tanti viri dixerim, fractum est corpus Christi in cruce; nam pedes eius perfossi sunt clavis, & manus, & latus lancea transfossus est, & cor vulneratum, etsi nullum os eius fractum est) sed Chrysostomus ait, Christum in Eucharistia pati, quod non in cruce passus est, quia frangitur in Eucharistia; quod ex omnium confessione de symbolis & elementis intelligi debet: nemo enim ne audacissimus sophista Christi corpus iterum frangi dicet. Theodoretus interpretatur de eiusdem panis communicatione: frangitur enim, ut à multis communicetur. Sic etiam Scholastici. Thomas Aquinas de fractione specierum panis intelligit: sic Caietanus & Catharinus de specierum fractione: at fractio specierum panis non est immolatio corporis Christi, quam hic Bellarminus impiè & indoctè statuit.

Quamquam hoc absurdum est, quod hi Scholastici dicunt: non est enim fractio specierum communicatio corporis Christi. Quam fractionem Paulus intelligat, non est obscurum: nam ut Caietanus ait, Ecclesia olim imitabatur Christum: ille accepit panem, & benedixit, & fregit, & fractum distribuit: haec fractio est, de qua Paulus loquitur: at Bellarminus noster

*frangere* interpretatur per immolare: at Christus fregit antequam dixit, *Hoc est corpus meum*: non potuit autem Christus immolare corpus suum, cum nondum esset corpus suum: ergo *frangimus* significat distribuimus. Sic apud Prophetam Isaiam, *Frangere esurienti panem tuum*: 1. Isai. 58. 7. sic apud Ieremiam, *Paruuli petierunt panem, & non erat qui frangeret eis*: sic in Actis, *Et quotidie perdurantes concorditer in templo, & κλῶντες ἄρτον καὶ οἶκον, ac frangentes per domos panem, capiebant cibum cum exultatione & simplicitate cordis: frangere ergo hic non immolare sed distribuere significat. Sed probare vult Bellarminus, *frangere* esse verbum consecrationis, quia de poculo Paulus ait, *Calix, cui benedicimus*: hic benedicere (inquit) est consecrare. Admirabilis profecto expositio: ergo frangere non erit tantum immolare, sed etiam consecrare. Quid dici languidi? potuit? illa *εὐλογία*, non, ut illi volunt, consecrationem, aut immolationem, aut transubstantiationem significat, sed creaturarum sanctificationem per verbum Dei, & preces, ad hunc usum, ut distribuatur: Paulus enim ait poculum esse *κὶνῶντιαν*, id est, *communicationem* sanguinis Christi: erat ergo ibi distributio, sed distributio sequebatur.*

Quod ergo ait, non posse huic argumento responderi, nisi admitendo duplicem æquiuocationem, vnam in voce *frangimus*, aliam in voce *panis*; inuisum est: nam est vniuocè panis, & propria fractio: sed eius expositio habet absurdum.

Hhh  
simas

simas æquiuationes: *frangere* enim est immolare: at quis vnquam vidit aut audiuit fractionem pro immolatione poni, cum de pane dicitur? & panis non pro substantia, sed pro specie panis, aut pro speciali pane ponitur, qui tamen non potest frangi.

3. *Tertium* Bellarmini ex isto loco argumentum sumitur ab illis verbis, *Communicatio sanguinis Domini, & Communicatio corporis Domini, est*: ubi *κοινωνία*, id est, *communicationis* triplicem acceptionem proponit: ait enim primo, significare aliquando distributionem, vt cum Apostolus ait, *τῆς ἑκάστης τῶν ἁγίων κοινωνῶντες*, necessitatibus sanctorum communicantes; secundo significare aliquando societatem seu confederationem, vt cum idem Apostolus alibi ait, *δεξιὰς ἐδώκαν ἐμοὶ καὶ Βαρνάβᾳ κοινωνίας*, *Dexterarum dederunt mihi & Barnabæ societatis*; tertio poni aliquando pro participatione eiusdem rei, vt in illis Apostoli verbis, *συγκοινωνήσαντες μετὰ τῆς θλίψεως*, communicantes tribulationi meæ, id est, tribulationis meæ participes effecti.

Sed non est quod de significatione verbi magnopere laboremus. Paulus commendat nobis participationem & communicationem corporis ac sanguinis Christi, eamque veram.

Sed ait Bellarminus, difficultatem totam in eo esse positam, num corporaliter sumatur sanguis & caro, an tantum spiritualiter. *Esse* nos enim non sumus dicimus corpus & sanguinem Christi nisi spiritualiter & Sacramentaliter, non cor-

poraliter. Sed ait Bellarminus id posse probari omnibus argumentis, quib. supra probauit, hæc verba, *Hoc est corpus meum*, esse proprie intelligenda. At nos probauimus illa argumenta nihil probare. Quare Bellarminus illis omissis, tribus nouis argumentis utitur.

*Primum* est, quia sensus proprius & literalis semper est eligendus, nisi euidenter proberetur contrarium. *Respondeo*: sensum proprium esse horum verborum, nos communicare corpus & sanguinem Domini. Num hoc nos negamus? nunquam certe: ergo sensum literalem tenemus & admittimus. Nā sensus hic non requirit, vt hæc communicatio sit corporalis, quia communicatio spiritualis est vera & propria communicatio; alias qui nunquam ad Eucharistiam accedunt, nullam cum Christo veram communionem haberent, quia non nisi spiritualem communionem habent: quod omnes esse falsum norunt.

*Secundum* eius argumentum est, quia veteres sic exposuerunt, ac præsertim Chrysostomus, qui ait esse in calice, quod fluxit è latere Christi. *Respondeo*: Quis non agnoscit Chrysostomi γοργότητα, esse ἐν ποτηρίῳ τὸ εἶναι ἐκ τῆς πλευρῆς Ἰησοῦ. Sed nonne hic tropus est? necesse est esse. Nam ipsi Papistæ nolunt esse in poculo Christi sanguinem extra corpus, & illum ipsum sanguinem, qui fluxit è latere Christi, non rediisse denuo in corpus putant, sed exceptum fuisse ab Angelis, & hodie in quibusdam locis

locis seruari. At si Chrysostomi verba arctius premantur, & crasse accarnaliter intelligantur, erit in Eucharistia separatio sanguinis Christi à corpore: quod Papistæ negant. Quis ergo non videt, Chrysostomi verba tropicè esse intelligenda? Ita postea in eodem loco scribit Chrysostomus, statim enim post illa verba, ait nos oportere τὸ θυσιασθεῖν, id est, *altare* Christi, eius sanguine *κοινισθῆναι*, id est, *cruentare*. Hoc si verè & proprie fieret, horrible esset. Igitur vt altare *κοινισθῆται τῷ αἵματι τοῦ ἁγίου*, *cruentatur sanguine Christi*, sic sanguis, qui è latere Christi fluxit, est in calice. Quis non videt, ista intelligenda esse, secundum morem & consuetudinem loquendi, qua utitur Chrysostomus, qui tales figuras sæpe sollet adhibere? Sed vrget Bellarminus, quod Chrysostomus ait, Paulum non μετέχων, id est, *participationem*, sed *κοινωνίαν*, id est, *communicationem* dicere; nam ait Chrysostomus nos communicare ἐν τῷ εἶναι, in eo quod vnimur Christo, non ἐν τῷ μετέχειν, καὶ μεταλαμβάνειν, id est, non in participando, & accipiendo tantum: & fateor nos per hoc Sacramentum vniri Christo: quis id vnquam negauit? non enim μετέχομεν tantum, id est, donorum & beneficiorum eius participes sumus, sed *κοινωνοίμεθα*, id est, arctissime cum Christo coniungimur, sic vt membra coniunguntur, cum capite: non potest aliquis meliorem *συνάφειαν*, id est, *coniunctionem*, seu, *contactum* excogitare. Sed vrget quod Chrysostomus ait, hanc esse

talem communionem seu coniunctionem, qualis est verbi & carnis. Sed hæc similitudo non nimis urgenda est: nam re verà non conuenit per omnia: Est enim vnio hypostatica inter verbum & carnem; at non inter nos & Christum. Sed voluit his verbis Chrysostomus significare, veram, arcanam, & arctam esse nostram cum Christo coniunctionem, quod nos concedimus: & hoc, opinor, est, quod Bellarminus vult. Atque ita verissimum est, quod Cyrillus ait, *Cyrill. in Ioan. l. 10. c. 13.* Christum nobis vniri in Eucharistia, non solum per charitatem, sed etiam verè & corporaliter; id est, non modo coniunctio inter nos & Christum est affectionum, sed etiam naturarum: nos enim *membra sumus corporis eius, ex carne eius, & ex ossibus eius*, vt ait Apostolus. *Ephes. 5. 30.*

*Tertium* & postremum Bellarmini argumentum sumitur ab intentione & proposito Apostoli, quod erat (inquit) auertere Corinthios à sacrificiis Gentilium, & ab esu carniū immolararum: auertit autem illos ostendendo mensam meliorem: sed ex Aduersariorum sententia (inquit) Apostolus nihil obtinuisset, si in altari non nisi figura & signum sit. *Respondeo*: non hanc esse nostram sententiam, sed eam nobis falsò ab Aduersariis assigni.

Dicimus enim esse in Eucharistia ipsum Christi corpus, sed percipiente non ore. Argumentum igitur Apostoli optimum est: Nos in Eucharistia Christi corpus & sanguinem percipimus, & inter il-



lum ac nos est *κοινωνία*, i. e. *communio* seu *coniunctio* verissima & arctissima: non igitur debemus ad mensam dæmonum accedere. Atque hoc Chrysostomus elegantissimilitudine illustrat: Cum amatores, inquit, viderint eos, quos amant *τῶν ἀδελφῶν ἐκ τῶν ἐκείνων*, aliena concupiscere, largiuntur sua, & sic suadent *ἀποστῆναι τῶν ἐκείνων*, ut ab illis abstineant: sed illi (inquit) hoc in pecunijs, aut vestibus, aut possessionibus faciunt: in proprio sanguine nemo unquam: Christus autem etiam in hoc curam & vehementem in nos dilectionem ostendit, id est, etiam sanguinem suum nobis dedit. Ineptè ergo contra nos Bellarminus disputat, ac si nos diceremus, pios ac fideles in Eucharistia non ipsius Christi participes esse, sed eius tantum figuram percipere. Sed hoc eius erroris aut malitiæ tribuendum est.

De priori loco satis responsum est; sequitur nunc secundus locus, qui habetur. 1. Corinth. 11. *Qui manducat & bibit indignè, iudicium sibi manducat & bibit, non diiudicans corpus Domini: & supra, Reus erit corporis & sanguinis Domini.* Hinc argumentum colligit Bellarminus in hunc modum: Quidam recipiunt corpus Domini indignè, & iudicium inde hauriunt: ergo corpus Christi est verè præsens in Eucharistia: nam hi non spiritu & fide recipiunt, tum enim vtiliter reciperent; ergo recipiunt solo corpore: at ore corporali non sumi potest corpus Christi, ut est in cælo.

1. *Respondeo primò:* Apostolum non dicere quosdam recipere corpus

Domini indignè, sed edere panem, & bibere poculum Domini indignè; & quod sequitur postea, *Qui manducat & bibit indignè, iudicium sibi manducat & bibit*, non de ipso corpore & sanguine Christi, sed de pane & poculo intelligendum est, ut ex versu præcedente patet; ubi iubet Apostolus, ut se probet quisque, & sic de pane illo edat, & de poculo illo bibat: tum sequitur, *Nam qui edit & bibit indignè, iudicium sibi edit, & bibit.* *Verf. 29.*

Sensus ergo verborum hic est, Qui edit de hoc pane: & bibit de hoc poculo indignè, edit & bibit sibi iudicium, seu damnationem. Bellarminus de corpore & sanguine Christi intelligi vult, quod Apostolus de Sacramentis intelligit: & tamen ait Apostolus, illos qui hæc Sacramenta indignè sumunt, reos fore corporis & sanguinis Domini, quia indignè sumunt hæc symbola. Si autem sensisset Apostolus, ut Aduersarii, dixisset, Qui ederet corpus hoc, & biberit sanguinem hunc indignè: quis enim non videt, hoc fuisse multò, *ἐμφανώτερον*.

2. *Secundò*, quod ait Bellarminus, non posse corpus Christi sumi ore corporali, ut est in cælo: euerit causam suam, & omnem corporalem præsentiam in Eucharistia tollit. Nam ut Christi corpus ipsum in cælo est; ita sumi à nobis debet, ut est in cælo: nos igitur in cælum animis ascendere oportet, ut ibi Christi corpus comedamus, non corpus eius è cælis deuocare, ut hic promiscuè à porcis perinde deuoretur,

retur, atque à filiis sumatur. Et scilicet qui Christi corpus aliter quam ut est in cælo sumit, is nullum inde fructum percipit. Christus in cælum ascendit, & ad dexteram Patris confedit, ut nos ad se traheret, non ut nos inde illum deducere-mus, eiusque corpus gloriosum aliter quam ut est gloriosum sumeremus: nam ubicumque est corpus Christi post ascensionem, ibi est gloria, & summa gloria: at corporis gloriosi ratio non patitur, ut aut in Sacramento includatur, aut manibus ac dentibus nostris prematur; imò hoc cum Christi gloria prorsus pugnat, & Christi gloria non potest ab eius corpore separari: at Iesuita separat, quod est summam iniuriam Christo facere. Summa enim Christi abiectio est, detrudi corpus eius gloriosum in Sacramentum: quare corporalis præsentia Christi in Eucharistia tollit Christi maiestatem & gloriam. Ergo sic disputamus, Papistæ non sumunt Christi corpus in Sacramento, ut est in cælo: ergo non sumunt omnino, quia Christus non aliud corpus habet, nisi quod in cælo est, & ut in cælo est, id est, gloriosum.

3. *Tertiò igitur respondeo*, reos esse corporis & sanguinis Christi, qui Sacramenta corporis & sanguinis Christi indignè accipiunt, idque duab. de causis, quas Bellarminus hic commemorat, etsi non plene: ego ergo plenius proponam.

1. *Prima causa est*, quia tractare indignè Sacramenta corporis & sanguinis Dominici, ad ipsius Christi

iniuriam & contumeliam redundat. Sic si quis Principis statuam aut diploma dedecoret, aut sigillum aut nummum eius adulteret, is Principem dicitur dedecorare, & personæ illius iniuriam facere, ac proinde læsæ maiestatis reus est, & panâ capitali plectitur. Theodoretus narrat, quàm indignè Theodosius tulerit iniuriam, qua quidam imaginem vxoris suæ affecerunt. Sic olim dicti sunt rei læsæ maiestatis, qui Romani nominis dignitatem aut gloriâ contumelia affecissent: & qui insignia imperii aut Regis alicuius malè tractat, is à crimine læsæ maiestatis immunis non est. Ergo rei sunt corporis & sanguinis Christi, qui horum symbola & Sacramenta indignè sumunt, & aliter tractant quàm oportet, licet ipsum Christi Corpus ore corporali non edant, nec sanguinem bibant.

Sed Bellarminus sollicitè hanc responsionem labefactare conatur, & primò hinc obliquè pro imaginibus argumentum deducit, quia tum qui Christi & Sanctorum imagines demoliuntur, eis iniuriam faciunt. Sed causa est dissimilis: nam Christi & Sanctorum imagines, quia cultus causâ à superstitionis fiunt, ex Dei mandato demolendæ sunt: Principum autem imagines, quia non fiunt ut colantur, non prohibentur. Sed addit Bellarminus, non censeri fieri iniuriam imagini, nisi quando eo animo quis imaginem violat, ut illi iniuriam faciat: at rei erunt corporis Dominici, etiam qui non ac-

Hhh 3 cedunt

cedunt eo animo vt Eucharistiam violent.

*Respondeo:* Debet quisque accedere eo animo, vt hunc panem & hoc poculum dignè sumat: ergo debet se probare, & sic accedere; quia hæc est mensa summi Regis: quia ergo quis non considerat, quorsum veniat, & quid agat, id eo indignè ad hoc Sacramentum accedit, & Eucharistiam violat, & Christo iniuriam facit, & reus corporis & sanguinis Christi est. Alia igitur est ratio Sacramenti huius, quam imaginum, quia iussi sumus à Domino, non modò ne contemnamus aut violemus hoc Sacramentum, sed ne aliter ad ipsum accedamus, quàm nos decet, id est vt afferamus veram fidem, resipiscenciam, propositum seruiendi Deo, & bene viuendi: qui hoc non faciunt, rei sunt corporis & sanguinis Christi, eiusq; maiestatem violant, etsi animo violandi non accedant. Qui portat imaginem aut coronam Principis, & inuitus finit in lutum cadere, aut frangit, non punitur: at si mandatum acceperit, vt nullo modo pateretur hoc fieri: propter neglectum mandati, magni criminis reus est: ita cum Christus iussit nos omni reuerentia tractare hoc Sacramentum, si hoc Christi mandatum negligamus, rei erimus corporis & sanguinis Christi, non propter horum contactum, sed propter mandati Christi contemptum.

*Hieron. in Malach. 1.*

Sic Hieronymus, dum Sacramenta violantur, ipse, cuius sunt Sacramenta, violatur: violamus autem, non

solum quando cum contemptu accedimus, sed etiam quando non afferimus tales mentes, quales debemus. Potest Principis imago violari sine iniuria, si animus abest in Principem malitiosus: at Eucharistia non potest sine Christi iniuria indignè tractari, quia iussi sumus cauere, ne indignè sumamus, vt si quis vestem aut statuam Principis violet, aut violari sinat, quam illæsam seruare iussus est. Sed pergit Bellarminus, & aliam adhuc obiectionem affert: Si ideo peccarent, inquit, qui indignè sumunt Eucharistiam, quia illa Christum repræsentat, tum non liceret homini peccatori aspicere vel tractare imaginem Christi depictam, quia Christum repræsentat.

*Respondeo:* Sacramenta non modò repræsentant, sed & offerunt Christum: & non est tale mandatum de imagine Christi spectanda, quale est de Eucharistiâ sumenda: Christus ait, *Hoc facite*, nusquam ait, *Spectate imagines*: nec reus dicitur, qui non spectauerit imagines, sed qui indignè ederit & biberit. Sed obicit præterea: Tum nec impio liceret verbum Dei audire. *Respondeo:* Qui verbum Dei audiunt, & contemnunt, aut non proficiunt, illi sunt rei mortis æternæ, quia tantam gratiam respuunt, & Deum mendacem faciunt. Sed iterum ait, Cur qui Manna indignè sumebant, & aquam è petra non dicebantur rei corporis & sanguinis Domini? *Respondeo:* Christus & Paulus aiunt, qui hæc indignè sumperunt, reos fuisse corpo-

tis

*Joan. 6.*

*49.*

*Augustin.*

*tract. 26.*

*et Joan.*

ris & sanguinis Domini. *Patres vestri* (inquit Christus) *comederunt manna in deserto, & mortui sunt*: quia scilicet indignè comederunt: nam vt Augustinus ait, *Quidam non sunt mortui, id est, ij qui dignè manducarunt: qui ergo mortui sunt, ideo sunt mortui, quod indignè manducarunt. Manducauit Manna & Moyses, inquit, manducauit Manna & Aaron, manducauit Manna & Phinees, manducauerunt ibi multi, qui Domino placuerunt, & mortui non sunt. Quare? quod visibilem cibum spiritualiter intellexerunt, spiritualiter esurierunt, spiritualiter gustauerunt, vt spiritualiter satiarentur: & paulò post, Patres vestri Manna manducauerunt, & mortui sunt; non quia malum erat Manna, sed quia malè manducauerunt.* Et hoc Augustinus de morte æterna interpretatur. Externa quidem elementa & symbola omnes acceperunt, sed pij præterea aliam rem, id est, spiritualem cibum acceperunt. Apostolus enim ait, *Omnes eandem escam spiritualement edisse, & omnes eundem potum spiritualement bibisse.* *αὐτοὶ ἐκ τοῦ πνεύματος ἐδύναντο αὐτῶν εὐδοκῆσαι τὸ θεῶς*, inquit, id est, *in pluribus illorum non bene placitum est Deo: prostrati sunt enim*, inquit, *in deserto*: quod indicat Deum fuisse illis grauissimè offensum, quia his Sacramentis indignè vsi sunt. Et sic in vetere Testamento non licuit cuiquam polluto accedere ad sacrificia, & Agnū Paschalem cum fermento comedere prohibiti sunt: in illis ergo requirebatur, vt dignè accederent, non modò quia illa sacrificia erant typi, & hæc nō nisi corporalis mun-

*1 Cor. 10.*

*1. 4. 5.*

ditia erat, vt vult Bellarminus, sed etiam quia & illi debebant spiritualem munditiam afferre, & quia talem Deus requirebat: & qui non tales erant, non modo in sacrificia, sed etiam in Deum ipsum iniuriosi fuerunt: non enim ludebat Deus: nec tamen credit Bellarminus, fuisse in illis sacrificiis corpus Christi. Sic in aqua Baptismi non est sanguis Christi, aut Spiritus Sanctus, & tamen in Sacramentum & Christum peccant, qui ad Baptismum indignè accedunt. Bellarminus fatetur hoc esse verum de omni Sacramento, sed quia tales ponunt obicem gratiæ, non quia materia illa significat vel repræsentat aliquid sacrum. Rectè: hoc est, rei sunt, quia contemnunt oblatam gratiam.

Sed hic Bellarminus aut incitiam aut incogitantiam suam prodit. Dixit enim supra obiecem ponit, cum quis voluntatē peccati mortalis affert: nam etsi quis nō fidem aut vllum bonum motum habeat, si tamen non fuerint in illo mali motus, Sacramentum erit illi causa gratiæ, vt illi volunt. At ex Apostoli doctrina indignè sumunt nō modò *ἀθεοι*, & qui fidem tantum historicā habent, sed & veri Christiani, qui remissius in vita se gerūt, & qui leuiorib. peccatis se dedunt, etsi vera fide præditi sint: multi enim propter indignam sumptionē puniuntur, qui tamen non condēnantur, vt postea in hoc ipso capite pater. Non ergo tantum qui ponunt obicem gratiæ, id est, qui in peccato mortali veniunt, sed &

*1. Corinth. 11. 32.*

qui



August.  
cont. Ful-  
gent. cap. 6.

qui sine debita examinatione & emendatione vitæ suæ accedunt, indignè sumunt, etsi non in summo gradu. Et qui indignè vtuntur Baptismo, eos iudicium accipere ait Augustinus, & sic qui Eucharistia similiter: ita non minùs honorificè de Baptismo, quàm de Eucharistia loquitur. Sed ait Bellarminus, in Eucharistia requiri singularem puritatem: & sanè singularis puritas etiam in Baptismo requiritur, nec in Eucharistia maior. Nam ineptum est, quod tale nihil legi ait de vlllo Sacramento, quale illud est, *Reus erit corporis Domini*: hoc enim nihil aliud est, nisi reum fore mortis Christi, ac si Christum occidissent: & sic qui Baptismo abutuntur, mortis Dominicæ rei sunt, quia non induunt Christum, & sic remissionem peccatorum non habent, quam Christus morte sua procurauit. Sed id probat etiam Bellarminus ex pæna, quâ punitos esse Apostolus ait, qui indignè Eucharistiæ Sacramentum perceperunt, *Ideo inter vos, inquit, multi infirmi, & dormiunt multi*: qualia de Baptismo, inquit Bellarminus, nusquam inueniuntur. Sed non coheret ista; quia Apostolus non hoc de Baptismo ait, igitur qui Baptismo indignè vtuntur, eos à Deo non puniri. Indignè enim accedentes ad Baptismum, respuunt Christum; ac proinde grauiter peccant. Quam graue verò sit illorum peccatum, ex Simone Maggo patet, qui statim post Baptismum in omnem nequitiam prorupit. Et iubet Scriptura, vt credentes ba-

1. Cor. II.  
30.

Act. 8. 19.  
et.

ptizentur: qui ergo adulti cum sint, simulant fidem, & non cum vera fide ad Baptismum accedunt, eos necesse est magni peccati, & magnæ pænæ reos esse. Sed adhuc ait Bellarminus, semper in Ecclesia cautum esse, ne vlla particula Eucharistiæ in terram caderet, & in hunc finem affert locum ex Tertulliano, *Calicis aut panis nostri aliquid decuti in terram, anxie patimur*. Sanè non dubito, magna reprehensione dignos esse eos, qui vel cadere in terram panem Eucharisticum, vel effluere è poculo vinum permiserint: nec tamen sequitur, ibi esse corpus Christi. Ita Pontificii non modo Eucharistiam, sed & sacrasa, & superaltare, & alia omnia, quæ ad Missam pertinent, religiosissimè tractant, nec sinunt à populo tractari, & tamen non putant in his omnibus esse Christum, aut saltem non semper esse. Quanquam Beatus Rhennus Tertullianum non loqui putat de Eucharistia, sed de communi pane, quia ait, *panis etiam nostri*. Neque tanta olim veterum cura fuit de Eucharistia, quantam Aduersarii volunt: solebant enim olim deferre domum, & quotidie sumere ante commune cibum.

Sic Tertullianus ait, se domi suæ habuisse, & edisse ante omnem cibum. Imò etiam mittere solebant ad absentes per Diaconos, etiam aliquando per mulierculas & pueros, vt Eusebius testatur, *Puer, inquit, in manibus ad egrotum portabat*. Sanè si esset verum corpus Christi, Ecclesia nunquam rem tantâ pueris

Tertullianus  
de coron.  
milit.

Tertullianus  
ad uxorem.  
l. 2.

Iustinus  
Martyr.  
Apol. 2.

ris cõmisisset. Cyprianus ait, mulierem quandâ in arca sua seruasse. Hieronymus ait, Exuperium Tolo. Episcopum corpus Domini canistro vimineo, sanguinem in vitro portasse.

Et Augustinus ait, non minus reum fore, qui verbum Dei negligenter audierit, quam illum, qui corpus Christi in terram cadere negligentia suâ permiserit: non hoc de vero Christi corpore dixisset.

2. Secunda causa, quam ob rem rei sunt corporis & sanguinis Christi, qui tamen Christi corpus reale non sumunt, hæc est, quia corpus Domini in Eucharistia oblatum non recipiunt ea veneratione & fide, qua decet: vt si quis Regem ad se venierem aut prorsus excluderet, aut contemneret, aut non honorificè exciperet: sic illi rei sunt, qui tantam gratiam sibi oblatam respuunt. Christus enim ad nos venit in Eucharistia: si ergo nos illum respuamus, nonne cum hoc facimus, Christum cõtemnimus? Sed Bellarminus hoc refellit, & ait, 1. Apostolum non dicere eos peccare, q̃ non recipiant, sed quod recipiant indignè. Respondeo: Non quod Christi corpus indignè recipiant, sed quod indignè recipiant panem & vinum: illi autem hæc indignè recipiunt, qui non res ipsas cum Sacramentis accipiunt, sed nuda tantum symbola, aut qui non præparatione debita accipiunt 2. Bellarminus ait, illa verba, *Iudicium sibi manducat & bibit*, aperte indicare, ipsum quod sumitur ab indignis, afferre illis mortem, cum aliis affe-

1. rat salutem. Respondeo: Hoc quidem Sacramentum, quod pius est salutare, impiis mortiferum esse; sed non ideo est ibi corpus Christi: nã tum in verbo prædicato esset Christi corpus, quia Euangelium est o-  
2. Cor. 2.  
mnibus aut odor mortis ad mortem, 16.  
aut vita ad vitam, vt ait Apostolus, 3. Bellarminus ait; illis verbis, *Non diiudicans corpus Domini*, non negari manducationem veri corporis, sed maximè asseri. Respondeo: Offeritur quidem in Eucharistia corpus Domini, at non ori, sed fidei: qui verò indignè accedunt, Sacramentum à communis cibo non distinguunt, & sic rem sacram faciunt profanã, non contactu, sed contemptu. Oportet igitur ad Eucharistiam cum ea reuerentia accedere, ac si ibi adesset Christus, qui sanè adest fidei; & nos si aliter accedimus, *non diiudicamus*, vel non discernimus corpus Domini, sed vt communem panem, sic Sacramentum accipimus, quod suo modo corpus Christi vocatur. 4. Ait Bellarminus, Si nollent impii sumere corpus Christi, non accederent ad Communionem: non ergo in eo peccant, quod volunt corpus Domini sumere, sed in eo, quod illud volunt, cum sint eo indigni.

Respondeo: Multi ad Eucharistiam temere accedunt, pro more tantum, non rectè comparati, qui Christum nolunt sumere, etsi eius Sacramentum sumant. Non oēs volunt Christum sumere, qui ad Eucharistiam accedunt: multienim accedunt, qui tamen parum cogitant, aut quantum bonum accepturi sint, 4.

Respondeo: Multi ad Eucharistiam temere accedunt, pro more tantum, non rectè comparati, qui Christum nolunt sumere, etsi eius Sacramentum sumant. Non oēs volunt Christum sumere, qui ad Eucharistiam accedunt: multienim accedunt, qui tamen parum cogitant, aut quantum bonum accepturi sint,

111 si di-



si dignè accedant, aut quantū malum, si indignè. Non ergo peccant multi, quia volunt Christum sumere, cum sint indigni, sed quia profanis animis ad Eucharistiam venientes, non in ea Christum sumunt culpa sua. Sic Chrysost. *Quomodo non aēs inde, i. ex Eucharisti, alucrum consecuti sunt, inquit? Id certe nō illius, id est, Christi, causa, qui maxime hoc optat, accidit, sed eorum culpā, qui eum suscipere nolunt.* Perinde ergo hi faciunt, ac si quis Regem, aut virum aliquem nobilem ad se venientem non ad se admitteret, nec eū aliquo aut sermone aut honore dignaretur. Ultimo Bellarm. Patrū testimonia vrget, quos ait omnes ita hunc locum semper intellexisse, & in eo peccatum ponere, quod immundi ac sordidi purissimum Domini corpus sumere audeam.

*Respondeo:* Sacramentum vocari à Patrīb. corpus Christi, non quod ibi corpus realiter adsit, aut quod censetur indignos sumere ipsum corpus Christi, sed propter coniunctionem Sacramentalem rei cū signo, qua fit, vt in legitimo vsu cū signo res sumatur: & quanquam impii hanc coniunctionem dirimunt, tamen non ideo cessat esse Sacramentum, quia consideratur vt est in naturā suā. Sic & Scriptura & Patres rei nomē tribuunt Sacramento. Nec vllus Pater aliud, aut plus dixit. Hoc Sacramentum corpus Christi, verum repraesentari, ac proinde opus esse subtili diiudicatione nostri, ait Hesychius. Chrysostomus ait nos edere corpus Christi, idque de omnibus as-

firmat: fateor; sed nō obscura eius mens est: ait enim corpus ipsum Domini *οὗ ἐστὶ τῆς γῆς δέξω καί με* *vor, ostendam tibi in terra positum: & mox, τὸ βασιλεὺς σὺ μὲν ἐξέσιν ἐπὶ γῆς id ēv, Regis corpus licet in terra videre: & postea, Nec fides tantum, sed tangis, nec tangis tantum, sed edis, & eo accepto domum redis.* Sic igitur impii edunt corpus Regis vt tangunt, & vident, & secum domum auferunt: ac non nisi Sacramentū tangunt, & vident & secū domum auferunt. Et similitudine vtitur Chrysostomus, *Sipuer regius purpurā & diademate ornatus tibi ferendus traderetur, nonne omnibus humi abiectis eum susciperes? verum nunc cum non hominis regium puerum, sed vnigenitum Dei filiū accipias, dic quāso, non horrescis, & omnem secularium rerum amorem abijcis?* Et idem alibi planius mentem & sententiam suam explicat, cum docet quomodo iudicium sibi manducat & bibit, qui indigne hoc Sacramentum sumit. *Quemadmodum inquit, praesentia Christi, qua magna illa & arcana nobis bona attulit, ijs qui eum non receperunt, maiorem damnationem inuexit: ita & hac mysteria maioris panis sunt materia* *τοῖς ἀναξίως μετέχουσιν, ijs qui indigne participant;* peccatum igitur in eo est, nō quod indigni sumant, sed quod respuant Christi corpus, indigne sumentes Sacramentum. Christus in mundum venit, iis salutem afferens, à quibus receptus est, exitium aliis: ita in hoc Sacramento qui oblatū Christum non recipiunt, exitium sibi accersunt. Ita Filium Dei con-

Leuit. 16.  
c. 26.

Chrysost.  
in 1. Cor.  
homil. 24.

Idem in 1.  
Cor. hom.  
23.

Heb. 10.  
29.

prosa-

profanum ducere, qui Euangelium contemnunt: & tamen nemo dixerit Christum corporaliter adesse in Euangelio: ergo potest Christus eodem modo in hoc Sacramento aut recipi, aut respuī, licet non adsit ibi corporaliter. Afferatur etiam à Bellarmino Chrysostomus alibi, vbi haec verba habet, *Animam prius tradam meam, quam Dominicum alicui corpus indigno, sanguinemque meum effundi potius patiar, quam sacratissimum illum sanguinem praterquam digno concedam.* Hoc ille de Sacramento ait: & verum hoc quidem est, non esse hoc Sacramentū tribuendum indignis; imo Principes, & magnates, vt ait idem paulo antea, si fuerint indigni, ab hoc Sacramento arcendi sunt. Sed quid tum postea? num ideo sensit Chrysostomus, Christi corpus esse realiter in Sacramento? nequaquā: nam in eadem homilia ostendit, se in alia opinione fuisse, cum ait, Christum edisse cum Apostolis & bibisse, ne perturbarentur & dicerent, *Quid igitur? sanguinem bibimus, & carnem comedimus?* Vult ergo Chrysostomus, Christum, vna edisse & bibisse cum Apostolis, vt hanc suspensionem eriperet eorum animis, se sanguinem eius bibituros, & corpus eius deuoratuos esse. Afferit etiam Theodoretum, Oecumeniū & Theophylactum: sed cum responsum sit Chrysostomo, iis etiam responsum est, quia idem ferè dicunt: idem ergo responsum sufficiet omnibus. Sed Cyprianus afferitur, qui ait *panem sanctificatum intrare in os sceleratum.* Respondeo: Apertè loquitur Cypria-

Chrysost.  
in Matth.  
hom. 83.

Theodoret.  
Oecumen.  
Theophyl.  
in 1. Cor. 11  
Cyprian.  
in serm. de  
Cana Dom.

nus de Sacramento: nam Christus non est panis sanctificatus, sed sanctificans. Num sacerdos, obsecro, Christum sanctificat? Sed Cyprianus loquitur de eo panē, qui oratione Ecclesiae sanctificatur: hic quidem in os sceleratum intrare potest, sed ipsum Christi corpus non potest. Hoc postea ex Cypriano clariùs apparet: ait enim, *Qui corpore sicci, & mente aridi, sacris inter-* *\* Ali-*  
*sunt, veteriam participant donis lam-*  
*bunt quidem petram, sed inde nec mel qui legunt*  
*sugunt, nec oleum: hoc est, accipiunt corde.*  
tantum externum Sacramentum. Videtur dicere, tantundem accipere, qui indignè accipiunt, quoad rem Sacramenti, quantum ijs qui interfuerunt sacris, & non participarunt. Et quidem vt nihil polluit, ita nihil sanctificat hominem, quod in os intrat. Sed obiicitur etiam Augustinus, qui ait, Eucharistiam esse corpus Domini, & sanguinem Domini etiam indignis. Respondeo: Ait, *Iudam locum in se Diabolo praeuisse, non accipiendo malum, sed bonum male: sic qui indigne sumit Sacramentum Dominicum, non efficere, vt quia ipse malus est, malum fit; aut quia non ad salutem accipit, nihil acceperit: tum ait, esse corpus Domini indignè manducantibus, nimirum vt antea locutus est, id est, Sacramentum Dominicum, Sacramentum scilicet corporis Domini.* Ex quo concludit Augustinus, qui semel Baptismum acceperint, eos nō esse iterū baptizandos; non enim quia mali sunt, ideo Baptismū non acceperunt: id ex eo probat, quia mali in Eucharistia non nihil

Mat. 15. 17.

August. de  
Baptis. in  
com. Do-  
nat. l. 5. c. 8.



Idem cit.  
Crescon. l.  
1. c. 25.

accipiunt, sed *Sacramentum Domini-  
nicum*. Iterum alibi ait, indignos  
sumere *ipsum corpus Domini*, intelli-  
git *Sacramentum corporis Domi-  
nici*, & illos accipere corpus Do-  
mini *Sacramento* tenus: sic quod  
addit, *unicum sacrificium pro salute  
nostra*, intelligit *Sacramentum* illi-  
us *vnici sacrificii*. Alius etiam lo-  
cus affertur ex Augustino, ubi ait,  
*superbos accipere corpus Christi & ado-  
rare, sed non saturari, quia non imitan-  
tur*.

Idem Epist.  
120. ad  
Honorat.  
c. 27.

*Respondeo*: Omisit hic aliquid  
Bellarminus: ait enim Augustinus,  
Christum *pauperem à nobis comedi* in  
Eucharistia. Quis ergo non videt,  
illum de reali manducatione non  
loqui: nam si Christum nunc ore  
ederemus, non pauperem, sed di-  
uitem, non humilem, sed glorio-  
sum sumeremus. Christum igitur  
sic in Cæna sumi vult Augustinus,  
vt pro nobis passus est; in mortem  
eius dirigendam esse fidem nostrā,  
atq; in illum in cruce pendentem,  
in qua Christus verè pauper fuit.  
Non autem sic sumi Christus po-  
test nisi fide: non igitur esum cor-  
poralem intelligit Augustinus. At-  
que hoc est quod Cyprianus ait,  
oportere nos *habere cruci*, id est,  
querere remissionem peccatorum  
in sanguine Christi pro nobis in  
Cruce effuso, eumque fide bibere.  
Sed adhuc alius locus affertur ex  
Augustino ubi ait, Christum per-  
misisse, vt *Iudas acciperet inter in-  
nocentes discipulos, quod fideles nouerūt,  
precium nostrum*. *Respondeo*: *Sacra-  
mentum* vocatur nostrum precium,  
vt vocatur corpus Christi: Iudas

Cyprianus  
ubi supra.

Augustin.  
Epist. 162.

igitur accepit precium nostrum,  
quia *Sacramentum precii* nostri  
accepit: ergo non realiter, sed Sa-  
cramentaliter Christi corpus acce-  
pit. Nam si reuera ipsum precium  
accepisset, nō periisset: nemo enim  
cum illo precio potest perire, sed  
quisquis Deo hoc precium osten-  
dit, à morte absoluitur: esset enim  
Deus iniustus, si aliquem damna-  
ret, qui precium hoc habet. Sic  
Christus vocauit poculum nouum  
fædus i. e. si oēs essent noui fæde-  
ris participes, qui poculi sunt par-  
ticipes, præclare cum illis agere-  
tur. Sed vocatur poculum nouum  
fædus, quia est *Sacramentum noui  
fæderis*, & quia per impios stat,  
quo minis sit illis fædus. *Rectè*  
Ambrosius ait, *indignum esse Domi-  
no, qui aliter mysterium celebrat, quàm  
ab eo traditum est*: & paulò post, *Sine  
disciplina traditionis & conuersationis  
qui accedunt, rei sunt corporis & san-  
guinis Domini. Quid est autem reos esse,  
nisi penas dare mortis Domini?* & post-  
ea ait, *Dominum esse cuius in mysterio  
sanguinem potat, qui testis est beneficii  
Dei*. Non ergo Christi sanguinem  
potant impii, sed pii tantum, quia  
illi soli testes sunt beneficii Dei: &  
impii rei sunt corporis & sanguinis  
Domini, nō quia sumunt, sed quia  
respuunt, & *beneficium Christi irri-  
tum ducunt*, vt ibidem ait Ambro-  
sius.

Luc. 11.  
20.

Ambrosius  
2. Cor. 11.

Quod autem Christi corpus  
sumi ab impiis contendit Bellar-  
minus, vt est horrois & blasphem-  
iæ plenum, ita semper à Patribus  
refutatum est.

Augustinus ait, impios non nisi  
Sacia.

1. 2. 6.  
in 10. 17.

*Sacramentum* tantæ rei accipere:  
rem enim à nullo sumi ad exitium.  
Bellarminus ait, Augustinum non  
negare, quin impii corpus Christi  
sumant, sed nō gratiam iustifican-  
tem: non enim distinguere *Sacra-  
mentum* à virtute & re *Sacramen-  
ti*, sed corpus Christi ab eius gra-  
tia.

*Respondeo*: Nihil à Bellarmino  
dici impudentius potuit. Nam ap-  
pertè distinguit Augustinus *Sacra-  
mentum* à re, cuius est *Sacramen-  
tum*, aitq; *Sacramentum sumi de men-  
sa Dominica à quibusdam ad vitam, à  
quibusdam ad exitium, sed rem ipsam  
nullū exitium asferre, qui eius particeps  
est*. Res autem ipsa, quæ distingui-  
tur à *Sacramento*, est ipsum Chri-  
sti corpus, quia externum *Sacra-  
mentum* volunt esse species visibi-  
les: ergo quicquid est præterea, res  
est *Sacramenti*, quam nemo impi-  
us sumit, quia non potest sumi ad  
exitium. Non igitur Augustinus  
per virtutem *Sacramenti* intelligit  
tantum gratiam spiritualem, sed i-  
psū inprimis corpus Christi, quod  
nunquam à gratia sua separari po-  
test; & manifestam oppositionem  
facit inter *Sacramentum* & corpus  
ac sanguinē Christi: ait n. *Sacramen-  
tum huius rei, id est, vnitatis corporis &  
sanguinis Christi*. Num corpus Chri-  
sti est *Sacramentum vnitatis cor-  
poris & sanguinis Christi*? nemo  
dixerit. Per *Sacramentum* igitur  
non Christi corpus, vt vult Bellar-  
minus, sed externas creaturas in-  
telligit, quas impii sumunt; & nil  
aliud. Quod verò obicit, Patres  
veteris Testamenti non ipsum

Christi corpus sumpsisse, quostam-  
en Augustinus ait in Manna rem  
*Sacramenti* accepisse, falsum est:  
nam reuerā corpus Christi, etsi  
nondum natum, fidei tamen illo-  
rum præsens erat. Et obeam cau-  
sam Christus dicitur Agnus ab o-  
rigine mundi occisus: Agnus re-  
spectu corporis, occisus respectu  
mortis: erat ergo Christus Patribus  
veteris Testamenti Agnus & qui-  
dem occisus, propter mortem: ipsa  
verò mors necessariò requirit cor-  
pus. Idem ergo illi corpus sumpse-  
runt, quod nos: idque Augustinus  
voluit, cum ait illa *Sacramenta &  
nostra paria esse in re, quæ significatur*.  
Sed quid opus est multis? Augusti-  
nus ait, *Qui non manet in Christo, &  
in quo Christus non manet, eum non e-  
dere spiritualiter*. Bellarminus fate-  
tur, sed tamen ait edere corpus  
Christi *Sacramentaliter*: at Augu-  
stinus talem nō nisi *Sacramentum*  
corporis Christi sumere ait: nam  
ait, *licet carnaliter & visibiliter premar-  
dentibus Sacramentum corporis & san-  
guinis Christi*: ubi Augustinus ait,  
impios non nisi *Sacramentū cor-  
poris & sanguinis Christi* sumere:  
at corpus & sanguis non est *Sacra-  
mentum corporis & sanguinis*, sed  
res ipsa, quæ distinguitur à *Sacra-  
mento*; & Augustinus ait, impios  
nil nisi *Sacramentum visibiliter e-  
dere*: Christi verò corpus non e-  
ditur visibiliter.

Apo. 13. 8.

Sed Bellarminus ait corpus  
Christi comprehendere nomine si-  
gni visibilis: at hoc falsum; non e-  
nim videtur corpus Christi in *Sa-  
cramento*; visibile verò dici non

III 3 potest



potest, quod non videtur. Tum si corpus Christi sit visibile, ineptè Augustinus distinguit semper corpus Christi à Sacramento, id est, à visibili signo: ait enim impios premere dentibus visibiliter Sacramentum corporis & sanguinis Christi: at corpus & sanguis Christi non est Sacramentum aut visibile signum corporis & sanguinis Christi: hoc totum est quod impii sumunt, nempe Sacramentum.

Augustin.  
cont. Do-  
natist. l. 3.  
c. 10.  
Idem de  
correct.  
Donat. c.  
30.

Non potest Augustinus Christi corpus nomine signi visibilis comprehendere, quia alibi ait, *res Sacramentorum visibiles corrumpi*: ergo res visibilis Sacramenti non est corpus Christi, quia Christi corpus non corrumpitur. Et alibi ait, *Sacramentum foris tantum; rem autem, cuius est Sacramentum, intus haberi*: ergo foris nil nisi Sacramentum sumitur. Sed iubet Bellarminus nos cogitare, Scholasticos omnes dicere, Christi corpus sumi ab impiis Sacramentaliter tantum, cum tamen ipsum Christi corpus verè sumi ab ijs doceant. *Respondeo*: Quid ille nobis Scholasticos obiicit? hæc sunt *ἀσώματα & ἀνεπαρκέα*: nam si sumant corpus Christi tantum Sacramentaliter, certè non sumunt ipsum Christi corpus realiter. Et Scholastici planè contra Augustinum docent, qui impios non nisi Sacramentum sumere ait, & quantum visibiliter dentibus premitur; & opponit Sacramentum rei Sacramenti, & rem non esse gratiam ait, sed ipsum corpus & sanguinem Christi. Iterum Augustinus ait, ceteros Apostolos *manducasse panem*

Idem in  
Ioan. tract.  
59.

*Dominum*, Iudam panem Domini contra Dominum: id est, non vna cum pane edisse Dominum, sed Sacramentum edisse tantum, non corpus Christi: at si realiter in Sacramento adsit Christus, & Iudas realiter ipsum corpus Christi edisset, ut illi volunt, tum panem Dominum manducasset: quanquam Hilarius Iudas exiisse antè scribit, eo quod ne Sacramentorum quidem communione dignus fuerit: eum ergo dignum fuisse corporis Christi communione multò minus sensit.

Hilar. in  
Matth. 23.

Bellarminus ait, non dici corpus Christi, quod ab impiis scilicet sumitur, quia non habet effectum corporis Christi: ut is dicitur nihil comedisse, qui tam parum comedit, ut non sufficiat ad eius vitam sustentandam, aut quod comedit, non retinet.

*Respondeo*: absurdè hoc à Bellarmino dici: nam Iudas non minus edit quam reliqui ore: ergo si illi ore ederunt Christum, tum & ipse. Qui multum edunt, aut quantum alii, & hoc eis non sufficit, nemo ideo eos nihil comedisse dicet, quia non nutriuntur, aut eis non prodest. Deinde Christi corpus esse sumi non potest non esse viuificum, quia est corpus Filii Dei, & est verè cibus, & nunquam est sine effectum suo nec à fructu suo separari potest: citius splendorem à sole, quam salutarem gratiam & effectum à Christi corpore separabis. Non posse vitam separari à corpore Christi docet Augustinus: & habetur etiam apud Gratianum, *Quando*

Augustin.  
serm. 2. de  
verb. Apost.  
Christus

*Christus manducatur, vita manducatur: quando manducatur, reficit non deficit*. Sed locus Augustini apertissimus habetur in libro quodam de Unitate Dei, ubi non modò hæreticos & schismaticos non edere corpus Christi ait, sed ne Catholicos quidem in peccatis perseverantes, quantumvis Sacramentum percipiant. Bellarm. ait, corpus Christi accipi ab Augustino pro Christi corpore mystico: quo nihil absurdius: nam corpus Christi mysticum est Ecclesia: at quis dixerit aut pios aut impios edere Ecclesiam? Sed Augustinus de ipso Christi corpore loquitur: nam exponit illa Christi verba, *Ego sum panis vivus, qui de celo descendi: si quis ederit ex hoc pane, vivet in aeternum*. Hinc quidam promittebant sibi vitam aeternam, etsi sceleratè viverent, modo hoc Sacramentum perciperent. Sed Augustinus eorum opinionem refellit, quia (inquit) tales non sunt dicendi manducare corpus Christi, quia non sunt computandi in membris Christi non autem esse in membris Christi; probat, primò quia sunt membra meretricis, secundò quia non manent in Christo; id verò probat, quia Christus non manet in eis: ergo concludit, illos non reuera manducare corpus Christi, sed tantum Sacramento tenus. Nam qui non manet in Christo, & in quo Christus non manet, non sedicat aut existimet manducare corpus Christi: non ait virtutem aut gratiam Christi, sed ne corpus Christi.

Mar. 1. 8.

Sic Hilarius, *Panis, qui de celo de-*

*scendit, non nisi ab eo accipitur, qui Dominum habet, & Christi membrum est: at impii nec Dominum habent, nec Christi membra sunt.*

Sic Ambrosius, *Omnis anima, quæ recipit panem illum descendentem è caelo, domus panis est, hoc est, panis Christi, quæ habitantis in se panis celestis firmamento alitur, & corde confirmatur: & paulò post, Omnis anima fidelis Bethlehem est.*

Ambros.  
Epist. 18.

Sic Hieronymus, *Qui non sunt sancti corpore & spiritu, nec comedunt carnem Iesu, neque bibunt sanguinem eius, de quo ipse loquitur, Qui comedit carnem meam, & bibit sanguinem meum, habet vitam aeternam: at omnes non impios non tales esse.*

Hieron. in  
Isai. c. 66.

Ioan. 6. 54.

## CAPUT VII.

### Argumenta nostra pro tropica interpretatione verborum Cæna.

**S**EQVITUR nunc ut verborum Cæna tropicam interpretationem defendamus, & realem præsentiam refellamus. Bellarmini responsiones & tergiversationes in argumentis nostris quibusdā diluendis i. loco discutiendæ sunt, tum quæ is argumenta prætermisit addenda. *Primum* nostrum argumentum est huiusmodi: In his verbis *Hoc est corpus meum*, (Hoc) panem demonstrat: at corpus de pane propriè prædicari non potest: ergo verba non sunt propriè sed tropicè intelligenda. Bellarminus primò ait, pronomen exponendum esse adiectivè,

Hoc



*Hoc est corpus meum*, id est, hoc edulium est corpus meum: *Hic est sanguis meus*, id est, Hic potus est sanguis meus. Ineptissime sanè & alienissime. Nam, 1. (*Hoc*) necessariò ad id referendum est, quod Christus discipulis dedit, & de quo ait, *Accipite, māducate*: ergo neutro substantiue pro hac re, id est, pro hoc pane sumitur. 2. Quando Christus dixit (*Hoc*) si hoc edulium demonstrabat, non aliud edulium nisi panem demonstrabat: ineptum enim est, ut (*Hoc*) ad rem communiorē referatur, cum rem demonstret singularem. Sic melius, *ταυτο ἐστὶ τὸ αἶμα μου*, interpretamur, *Hoc est sanguis meus*, quàm *Hic est sanguis meus*, quia non sanguinem, sed vinum, aut potum demonstrat.

Sic Cyprianus habet; & sic Beza. Et sic Iansenius ait melius, *Hoc*, quàm, *Hic*, vsurpari. Iam si (*Hoc*) vtroque rem singularem demonstrat, quæ non sit corpus & sanguis Christi propriè; prædicatio est tropica non propria.

2. *Secundò* ait Bellarminus, Catholicos conuenire de re, quam pronomen (*Hoc*) demonstrat, non tamen in modo explicandi. Sed reuera nec de re, nec de modo conueniunt, ut nos antea docuimus. Alii enim esse ipsum Christi corpus & sanguinem volunt: sed hoc nunc Papistæ Thomam sequentes non tenent: at sic veteres plerique Pontificii interpretabantur, & multi recentiores, ut Alanus, & Iansenius; & ratio est, quia in propositionibus, quæ significant quod tunc fit, cum dicitur, *Hoc*; pronomen

demonstrat non quod est, sed quod erit: ut si quis dum lineam aut circulum pingit, diceret, hæc est linea, hic est circulus. Sed Bellarminus hanc explicationem non probat propter duas causas. *Prima* est, quia si quis rem digito ostendat, dum pronomen effert; valde absurdum videtur dicere, pronomine illo non demonstrari rem præsentem: at Christus accepit panem, eumque porrigens ait, *Accipite, edite, Hoc est corpus meum*: videtur igitur (inquit) panem demonstrauisse. *Respondeo*: Imò Christus hoc pronominè reuerà panem demonstrauit, aut Bellarminus rationem suam euertit. Nihil enim aliud præsens fuit, nisi panis: at Christus aliquid præsens demonstrauit: & contra sentire, Bellarminus ait esse valde absurdum. Ait enim pronomina demonstratiua mox indicare certum aliquid, etiam antequam sequantur cæteræ voces: nulla autem est transubstantiatio, nisi post omnes voces prolata: ergo non potuit Christus aliud aliquid hoc pronomine demonstrare, quam panem. *Secunda* causa, quam obrem Bellarminus hanc explicationem non probet hæc est, quia si (*Hoc*) demonstraret corpus, verba Sacramentalia erunt speculatiua, non practica; quod est contra omnes Catholicos. Semper enim verum est (inquit) demonstrato Christi corpore dicere, *Hoc est corpus Christi*, siue id dicatur ante consecrationem, siue postea; siue à laico, siue à sacerdote: at verba Sacramentalia, quia operatoria (inquit)

quit) non sunt vera, nisi dicantur ab eo, qui est legitimus minister.

*Respondeo*: Tum nihil efficiunt verba Sacramentalia, nisi à sacerdote proferantur: at secus de verbis Sacramentalibus in Baptismo sentiunt, quæ etiam in ore laici, imò mulieris valere affirmant. Sed quid si sacerdos nō intelligat verba: quid si non cogitet de transubstantiatione? quid si verba proferat sine intentione consecrandi: imò quid si afferat mentem Transubstantiationi contrariam? quid tumnè hæc verba vera erunt; imò ex illorum opinione tum non sunt practica, quia dicunt nullam fieri cōsecrationem sine sacerdotis intentione. Ergo tunc hæc propositio erit falsa; *Hoc est corpus meum*: at id nullo modo fieri potest, quia hæc Christi verba sunt, quæ quominus vera sint, nullius negligentia facit.

Sic igitur contra Aduersarios disputo: Illa expositio, ex qua sequitur verba Christi posse falsa esse, nō est admittenda: at hæc Papistarum expositio talis est: ergo non est admittenda. Minorem probo, quia non erit corpus Christi, si sacerdos voluerit, cum tamen Christus dicat, *Hoc est corpus meum*; quod necessariò semper de Sacramento verum est in vsu legitimo, cum nos scilicet agimus, quod Christus nos vult agere, licet sacerdos aliud intendat; aut Sacramenta non ex institutione Christi, sed ex voluntate sacerdotum pendebunt. Deinde si Christus his verbis indidit eam vim, quam illi volunt, ut statim

post prolationem horum verborum adsit Christi corpus, tum vis hæc non in mente sacerdotis est, sed in ipsis verbis.

Aliam ergo sententiam Bellarminus sequitur, & aliam horum verborum expositionem probat, quæ statuit pronomen (*Hoc*) nec panem, nec corpus Christi demonstrare, sed in communi substantiâ, quæ est sub illis speciebus: & tamē ait demonstrationem propriè ad species pertinere, sed in obliquo; non ut sensus sit, *Hoc*, id est, hæc species sunt corpus meum, sed *Hoc est corpus meum*, id est, sub his speciebus est corpus meum. Hæc præclara illa expositio est, in qua ille acquiescit, & quam reliquis omnibus expositionibus præponit. *Sed respondeo primò*: non esse hanc propriam prædicationem, quando de re, quæ propriè demonstratur, quis ait, *Hoc est*, id est, contentum sub hoc est, quod volo scilicet; ut si quis crumenam porrigens, in qua est aurum, diceret, *Hoc est aurum*; & demonstraret propriè crumenam; vel si quis cantharum in manu tenens vino plenum, diceret, *Hoc est vinum*, cum cantharum propriè demonstraret. Quis diceret eum qui sic loquitur propriè, & non potius tropicè loqui? Tale quidem est, quod hic Bellarminus ait: affirmat enim demonstrationem propriè pertinere ad species: ergo aut species propriè sunt corpus Christi, aut prædicatio non erit propria.

2. *Secundò*, ait Bellarminus (*Hoc*) aliquam rem præsentem demonstrare mox cum profertur: de-

K'k k monstrat

Iansen. in  
concord. c.  
131.

Alan. de  
Sacramēt.  
l. i. c. 34.  
Iansen. in  
concord.  
c. 131.



monstrat ergo panem, quia nulla alia substantia mox præsens est: nā illud, Edulium, aut Contentum, sub his speciebus, non substantiam singularem, sed incommuni substantiam significat: at nulla substantia nisi singularis sub illis visibilib. speciebus contineri potest: nam genera & species non subsistunt. Debet ergo illud, quod Christus demonstravit, nō communis substantia esse, sed indiuiduum substantiæ, quia sub speciebus singularibus nihil nisi singulare contineri potest. Vnde sic disputo. Contentum sub illis speciebus aut est aliquid singulare, aut vniuersale: non vniuersale, quia vniuersale tantum in intellectu est, & Christi corpus non ex communi seu vniuersali materia, sed ex singulari fit: ergo singulare sit necesse est: si singulare sit, aut corpus Christi est, aut corpus panis: non Corpus Christi ex confessione Bellarmini: ergo panis.

3. Tertiò, quod ait Bellarminus, optimè solui posse nostrum argumentum, dicendo (*Hoc*) non demonstrare panem præcisè, sed cōtenrū sub his speciebus: dico (*Hoc*) debere aliquid præcisè demonstrare: est enim ea natura pronominis demonstratiui, idque ex Bellarmini cōfessione, qui eo rem præsentem demonstrari affirmat: res autem præsens est aliquid præcisè. Præterea (*Hoc*) id est, contentum sub his speciebus, supponit aliquid vel ante consecrationem, vel post, vel inter consecrandum: ante consecrationem est præcisè

panis: post cōsecrationem est præcisè corpus Christi: ergo inter cōsecrandum aut panis est, aut corp⁹ Christi, aut tertia quædam natura, quæ nisi singularis sit, est monstrū. Semper igitur (*Hoc*) singulare aliquid demonstrat: aut panem ergo, aut corpus Christi. Denique de illo contento ait, quod licet fuerit panis ante consecrationem, tamen vi illorum verborum incipit esse corpus Domini. Sed quid hoc est, incipit esse? nam non prius aut posterius in Transubstantiatione ponunt: dicunt enim fieri in momento, in termino finiente prolatione horum verborum: ergo cum incipit esse corpus Christi, est in momento eodem corpus Christi. Si ergo corpus esse incipit, cum (*Hoc*) profertur, tum est ibi corpus Christi, cum primum (*Hoc*) profertur: si sic; tum esset ibi etiam si reliquæ voces non sequerentur: at id nemo dixerit: ergo (*Hoc*) aliquid significat, quod nec est corp⁹ Christi, nec esse incipit corpus Christi, quia principium & filius non distinguuntur in Transubstantiatione. Quare hæc aut pessima, aut nulla reuerā est solutio nostri argumenti.

Bellarminus Guitmundi expositionem sequitur, qui scripsit contra Berengarium, quæ est huiusmodi, *Hoc est corpus meum*, id est, hoc hætenus panis, nunc est corpus meum: ex hoc scilicet tempore est corpus meum. Sed non aduertit in hac propositione, Hoc hætenus panis nunc est corpus meum, aut inesse tropum, aut falsitatem: nam hæte-

hætenus panis, quid erat nisi panis? at panis non est corpus Christi: si sic verba intelligatur; Hoc hætenus panis, nunc est, id est, fit corp⁹ Christi, aut mutatur in corpus Christi; tum in verbis est tropus: nam tum (*Est*) ponitur pro fieri aut mutari: ita Bellarminus aut tropum, aut absurditatem non effugiet. Similiter ipsa Bellarmini expositio tropo non caret (*Est*) i.e. incipit esse: at in Transubstantiatione nulla est successio. Quāto melior nostra expositio, quæ nullas admittit huiusmodi absurditates.

Matt. 26.  
27.

Sed nostram expositionem esse veram, ex altera parte huius Sacramenti præterea constat, cum Christus ait, *Bibite ex hoc omnes*. Pronomen illud (*Hoc*) quid tandem significat? & quid demonstrat? certè nihil aliud, nisi vinum. Bellarminus ait, Christum non iussisse, ut biberent vinum, sed quod in calice sub speciebus vini continebatur, i.e. Christi sanguinem. Sed quando Christus dixit, *Bibite ex hoc*, non erat sanguis: nondum enim illa verba protulerat Christus, in quib. vis Transubstantiationis consistit, i.e. quibus dicunt, vinum mutatum esse in sanguinem. Nam postea Christus dixit, *Hoc est sanguis meus*: non erat autem sanguis, antequam hæc verba prolata sunt: at Christus antea dixit, *Bibite ex hoc*: ergo illud (*Hoc*) vinum demonstrabat. Siquidem argumētum instituo: Quod Apostoli iussi sunt bibere, illud biberunt: vinum autem iussi sunt bibere: vinum ergo biberunt. Minorem probo, quia Christus ante

consecrationem dixit, *Bibite ex hoc*: ergo vinum fuit, quia cum nondū pronunciata essent verba cōsecrationis, nondum mutatum vinum fuit.

Et Marcus Euangelista ait, A-<sup>Marc. 14.</sup> postolos bibisse, antequam Christus dixit, *Hoc est sanguis meus*: ergo si vinum in sanguinem mutatum, est, id in Apostolorum visceribus factum est. Sed Bellarminus ait, fuisse vinum ante cōsecrationem, sed finitis verbis consecrationis, non vinum sed sanguinem fuisse. At cum Christus iussit bibere hoc, non finierat verba consecrationis, imò nullum verbum consecrationis protulerat: ergo vinum erat, non sanguis. Si illos iussisset Christus bibere vinum, & statim vinum è medio sustulisset, non potuissent Apostoli facere, quod iussi sunt: at voluit Christus eos facere, quod iussi sunt: vinum igitur illis bibendum præbuit. Similiter de altera parte Sacramenti dixit, *Accipite, edite*: quid? nimirum, *Hoc*: illi ergo acceperunt, & ederunt, quod illos Christus iussit accipere & edere: iussit autem accipere & edere panem.

Et hoc argumentum est ἀλυτον, id est, insolubile. Sic etiam in ijs verbis, *Hic calix est nouum Testamentum*,<sup>Luc. 22.</sup> τὸ de calice dicitur, non de sanguine: similiter alterum τὸ ad panem refertur, non ad corpus. Bellarminus ait hoc facere pro se, quia calix generatim significat, quicquid in calice continetur. Sed hoc pro nobis facit; non enim modo hoc à nobis affertur, ut τὸ de



pane & poculo intelligi probem? sed ut in his verbis esset tropum doceamus. Clamant illi contra nos, quia tropus in verbis Christi statuiamus: at in his verbis, *Hic calix est nouum Testamentum*, tropus duplex est; *primò* enim calix ponitur pro eo quod est in calice; *secundò* nouum Testamentum ponitur pro instrumento noui Testamenti, vel noui fœderis, quo sanciebatur: nam si vel sanguis ponatur in poculo fuisse, tamen non potuit sanguis Christi nouum Testamentum esse, sed id, quo nouum Testamentum sancitur. Quid quod ne sanguine quidem propriè, sed morte Christi nouum Testamentum sanciebatur? Quare ergo nobis succensent, & nobiscum tantopere litigant, quod tropum statuamus in illis verbis, *Hoc est corpus meum*, cum illi duplicem statuunt in his, *Hic calix est nouum Testamentum in sanguine meo*? & hæc quidem verba non minùs sunt consecratoria, quàm illa. Lutherus aliam rationem habet, quæ tamen non concludit, Christum scilicet Hebraicè locutum esse: Hebræos verò non habere genus neutrum in pronomine: Christum ergo non dixisse, *Hoc est corpus meum*, sed, *Hic est corpus meum*; ac proinde panem demonstrasse, non corpus. Sed non dubium est, quin Euangelistæ mentem Christi rectè intellexerint, & pronomen Hebraicum potest cum nomine (*Corpus*) congruere. Atque hinc apparet, Lutherum in initio (*Hoc*) de pane interpretatum esse, ut nos, nec ita à tropis abhorruisse, ut postea; imo anathema ijs denū-

Luther. in  
lib. de Ca-  
ptiv. Babil.  
c. I.

ciauit, qui non de pane interpreta-  
rentur.

Sed Calvinus & Martyr ex ordine verborum firmissimum argumentum colligunt in hunc modum: Quod Christus accepit, benedixit, fregit, id dedit Apostolis: nam, verba omnia accepit, benedixit, fregit, dedit, eundem casum regunt: Sed Christus panem accepit, benedixit, fregit: ergo & dedit. Bellarminus fatetur Christum accepisse, & benedixisse panem; sed dedisse non panem communem, sed benedictum, & benedictione mutatum.

*Respondeo*: Neque nos panem communem dedisse dicimus, sed benedictum, & mutatum: sed non quoad substantiam: panis enim Sacramentalis est verus panis naturæ, relatione tantum aut qualitate diuersus: at nullam aliam naturam aut substantiam dedit Christus, nisi panem: Papistæ verò volunt, substantiam vnâ accepisse, & benedixisse; dedisse verò aliam: quod est contra τὴν & collocationem verborum. Sed Bellarminus ait, verbum (benedixit) intercedere inter accepit, & dedit: quid tum: hoc facit, inquit, ne verba hæc omnia regant eundem accusatiuum eodem modo se habentem.

*Respondeo*: εὐλογεῖν, id est, benedicere, potest eundem casum regere, quem λαβεῖν, id est, accipere: & quanquam non necesse sit, ut accusatiuus in omnibus verbis eodem modo se habeat, tamen non debet mutari in aliam naturam: debet

debet ergo eadem natura remanere. Sed si vult verbum εὐλογεῖν mutasse naturam panis, tum Christus transubstantiauit panem, quando benedixit, non illis verbis, *Hoc est corpus meum*. Et addit Bellarminus, non esse hoc inusitatum: ut si quis dicat, Aliquis Petrum percussit, occidit, sepeliuit; verba omnia regunt eundem casum, sed non eodem modo se habentem: nam Petrus percussus est viuus, sed sepultus est mortuus.

*Respondeo*: Sed 1. Petrus mortuus & viuus est naturæ eiusdem: qui hominem occidit, non eius substantiam mutat; corpus enim, non animam occidit; corpus, non animam percutit; corpus, non animam sepelit: non ergo aut percutit, aut occidit, aut sepelit totum Petrum, sed corpus Petri. Ut ergo de eadem substantiâ omnia illa tria verba intelliguntur (percutit, occidit, sepeliuit); id est, de corpore, non de anima Petri: ita hæc omnia verba (accepit, fregit, dedit) de vnâ & eadem substantiâ intelligenda sunt.

2. In illis verbis, percutere, occidere, sepelire, operatio pertinet ad rei destructionem significatur: nam mors ex percussione oritur; percussio enim est causa mortis: mors verò mutationem affert, etsi non transubstantiationem: at in his verbis, accepit, benedixit, fregit, nullum verbum est, quod aut transubstantiationem aut destructionem innuat. Exemplum ergo non congruit. Sed Bellarminus ait, panem fuisse benedictione mutatum: quibus verbis significat Christum

benedictione consecrassè: eo enim alea & impetu disputationis redactus est, ut consecrationem in benedictione ponat. Sed in eo & se cū pugnat; & cum aliis, quorum sententia iam dudum in scholis dominata est. Secum *primò*, quia contendit pronomen (*Hoc*) demonstrare substantiam, quæ non sit corpus Christi præcisè: at post consecrationem est ibi præcisè corpus Christi; & fatentur post consecrationem dici posse, *Hoc est corpus Christi*, præcisè: si ergo consecrauit Christus benedictione, tum (*Hoc*) Christi corpus præcisè demonstrabat: sed negat hoc Bellarminus: ergo secum apertè pugnat. Deinde fatetur hæc verba, *Hoc est corpus meum*, esse operatoria, id est, operari quod significat: at si Christus antè consecrauit benedictione, nil operantur, sed tantum significant. Nam quid opus fuit aliqua operatione, si antea fuit corpus Christi?

*Secundò* cum aliis manifestè pugnat, qui consecrandi vim omnem in illis verbis ponunt, *Hoc est corpus meum*. Sed forsàn ego Bellarmini mentem non assequor: forsàn enim hanc sententiam tener, Christum his verbis benedixisse, *Hoc est corpus meum*, & non vsum esse aliâ benedictione: & hæc quidem sententia Thomæ fuit: sed Bellarminus, ut est callidus, sententiam suam occultat. Verum si hæc illius sententia sit, facile refelli potest. Secum enim ipse tum pugnat, quia antea in decimo capite huius libri, probat esse transubstantiationem, quia

Bellarmin. de  
Eucharist.  
l. 1. c. 10.

Christus benedixit: nunquam enim legi benedixisse, nisi cum magnum aliquid, & mirabile facturus esset, ut cum pisces & panes multiplicauit, & Lazarum suscitauit. At illæ omnes benedictiones erant verbis conceptis prolatae ante miraculum: ergo debet similiter hic esse benedictio quædam ante Transubstantiationem, id est, antequam Christus miraculum operaretur. Et aliàs sanè non seruaret Christus eum ordinem, quem semper seruare solitus est, qui erat hic scilicet, benedictione uti, antequam rem magnam aggrediretur. Igitur benedictio fuit alia à verborum horum prolatione. Deinde omnes Euangelistæ mentionem huius benedictionis faciunt, & eam ante verba consecrationis ponunt. In re tantimomenti incredibile est omnes verborum inuersione vfos esse. Nam regula est apud Theologos, quod omnes Euangelistæ perinde narrant, de eo nil controuersie esse; omnes autem Euangelistæ dicunt, Christum statim cum accepit panem benedixisse, & tum fregisse, dedisse, & dixisse, *Hoc est corpus meum*: ergo necesse est istam benedictionem diuersam fuisse à prolatione horum verborum, *Hoc est corpus meum*. Præterea hoc εὐλογεῖν, benedicere, nil aliud est, quàm εὐχαριστεῖν, id est, gratias agere, ut nos antea docuimus: ergo in hac εὐλογία debuit esse gratiarum actio: at hæc verba, *Hoc est corpus meum*, nullam in se gratiarum actionem continent: ergo Christus aliis verbis quam his benedi-

xit. Bellarminus ipse ait, in ista εὐλογία fuisse orationem & gratiarum actionem, & εὐχαριστίαν, id est, gratiarum actionem accipiendam esse in propria significatione.

Et sic Chrysostomus hoc ipsum εὐλογεῖν refert ad Deum, & de gratiarum actione interpretatur: Christum autem gratias egisse ait tres ob causas: *primò*, ut nos instrueret, quomodo hoc mysteriū celebrare oporteret, nempe cum gratiarum actione; *secundò*, ut declararet, se sponte sua ad mortem ire, & sponte sua in hunc mūdum venisse, ut mortem subiret; *tertiò*, ut nos omnia quæ patimur, æquo animo & cum gratiarum actione ferenda esse discamus. Ergo de solenni benedictione Chrysostomus interpretatur, quæ non potest intelligi de illis verbis, *Hoc est corpus meum*. Quare Thomæ sententia falsissima est, qui Christum ait, benedixisse proferendo hæc verba, *Hoc est corpus meum*: nam cum Christus benedixit, statim post accepit, antequam fregit, aut dedit, aut dixit aliquid: sic accusat Thomas Euangelistas, quod verborum ordinē transmutarint: quod de illis nullo modo imaginandum est.

Ita Thomas & Bellarminus nō possunt sua signemeta tueri, nisi vim verbis Euangelii afferant. Sed ut demus Christum consecrāsse benedicendo, & benedixisse proferendo hæc verba, *Hoc est corpus meum*, tamen argumentum nostrum perinde sequitur: tum enim sic argumētamur, Quod Christus accepit, de eo dixit, *Hoc est corpus meum*.

Si

Si hæc verò Bellar. sententia sit, tum cū aliis magni nominis Papatibus pugnat, in primis cum Innocentio tertio, Pontificè Romano, cuius autoritas debet omnes minores Scholasticos præponderare. Is ait Christum quidem consecrāsse benedicendo, sed hanc benedictionem de arcana quidem vi interpretatur, non de horum verborum prolatione, *Hoc est corpus meum*, ut stultè Thomas, & multi hodie Thomam sequentes.

Bonauentura existimat, Christum non consecrāsse benedicendo.

Sic Caietan. ait, illam fuisse benedictionem laudis. Et Dominicus Soto improbat illam Thomæ expositionem, & ait Christum nunc fecisse, quod semper solebat, cum cibum sumeret, id est, Deo benedixisse. Et sic in Canone Missæ legimus, Christum benedixisse, eleuatis in cælum oculis: at quando dixit, *Hoc est corpus meum*, non oculos in cælum eleuauit, sed in panem demisit, quia demonstrauit panem, nisi velimus oculos eleuasse in cælum, & digitum intendisse ad panem. Quare falsum est, quod Bellarminus ait, Christum accepisse panem, sed mutāsse cum benedixit: nulla enim mutatio facta est, nisi his verbis, *Hoc est corpus meum*, & Christus aliis verbis benedixit, ut nos iam probauimus. Et hoc constat ex omnibus Liturgiis Iacobi, Clementis, Basilii, Chrysostomi, in quibus dicitur Christus benedixisse, & gratias egisse Deo, sublati in cælum oculis,

cum panem manu teneret, & postea fregisse, & dedisse, & dixisse, *Hoc est corpus meum*. Et certè absurdum est, ut dicamus omnes Euangelistas inuertisse ordinem verborum Christi, & præbuisse occasionem tantarum controuersiarum in Ecclesia Dei. Alanus tamen noster ait, hanc communem esse sententiam omnium Scholasticorum, Christum benedixisse his verbis, *Hoc est corpus meum*.

Sed iam ad argumentum redeamus: Christus quando dixit, *Hoc est corpus meum*, pronomine (*Hoc*) panem demonstrauit: nam (*Hoc*) ad illud refertur, quod Christus accepit, benedixit, fregit: id autem erat panis: ergo (*Hoc*) non rem nouam, sed eandem demonstrauit; quia debet rem præsentem demonstrare ex confessione Bellarmini supra. Sed negat Bellarminus panem, aut corpus Christi, præcisè demonstrari, sed substantiam sub illis speciebus contentam: at ea non alia est, nisi panis; id quod ex Bellarmino constare potest.

Ille enim hoc exemplo vitur, & ait esse aptum exemplum: Si Christus (inquit) quando mutauit aquam in vinum, ostendisset hydrias aquæ, ac dixisset, *Hoc est vinum*, & illis verbis mutāset aquā in vinum, non posset hæc sententia sic exponi, *Hoc est vinum*, id est, hæc aqua est vinum, neq; sic, *Hoc vinum est vinum*; non enim aderat vinum, cum diceretur (*Hoc*) sed hic esset sensus, *Hoc est vinum*, id est, in hoc vale est vinum. Hinc sic disputo; Cum Christus dixit, *Hoc est corpus*

corpus



corpus meum, nondum adfuisse eius corpus: at panis fuit antequam Christi corpus fuit, quia corpus Christi succedit pani: (*Hoc*) igitur panem demonstravit. Tum quis non tropum hic videt, Hoc est vinum, id est, in hoc vase est vinum? & tum similiter hic esset: sensus enim verborum hic esset, *Hoc est corpus meum*, id est, hic est corpus meum, aut in his speciebus est corpus meum. Sed Aduersarii (*Hoc*) de substantia exponunt, non pro (*Hic*) aut (*in hoc*) poni volunt. Nulla igitur substantia intelligi potest, nisi aut corpus Christi, aut panis; nam indiuiduum vagum cogitari potest, & mente concipi, demonstrari autem non potest. Et hic Bellarminus, dum Petrum Martyrem doctissimum virum incertum vult accusare, quod Scotum primum authorem indiuidui vagi faciat, qui nullum tamen de eo verbum habet; ipse non minus suam incertitiam prodit, qui Dominicum à Soto eius primum meminisse vult. Nam ante illum Durandus indiuidui vagi meminit, quia ait pronomine (*Hoc*) non indiuiduum signatum, sed vagum demonstrari, ut sensus sit, Hæc substantia non specialis, sed in genere, sine determinatione aut ad corpus Christi, aut ad panem. Et hæc est sententia Bellarmini. Sed (*Hoc*) necessario indiuiduum aliquod signatum & determinatum demonstrat, quia quod sub illis speciebus continetur, certum indiuiduum est: communis enim substantia non potest sub illis accidentibus, quæ singu-

Dominic.  
Sot. in 4.  
d. 11. q. 1.  
art. 5.  
Durand in  
4. d. 8. q. 2.

laria sunt, latere. Sed hic Bellarminus admonet dicendum esse, non, Hæc substantia, sed, Substantia sub his speciebus; multum enim interesse inter illa duo, *Hoc*, id est, hæc substantia, & *Hoc*, id est, substantia sub his speciebus. O miras & meras præstigias. Sed age, dic (quæso) quid intersit: Nō dicimus (inquit) *Hoc*, id est, Hæc substantia, vel, *Hoc* ens, sed, *Hoc*, id est, substantia sub his speciebus. Cur ita, quæso? Quia si dicas *Hoc* (inquit) id est, hæc substantia, necesse est, ut substantia illa tunc sit præsens, quando dicitur, *Hoc*; at nondum Christi corpus est præsens: at si dicas, *Hoc*, id est, substantia sub his speciebus, non necesse est, ut illa substantia tunc sit præsens, sed satis est, si præsentem sint species, quæ demonstrantur pronomine, *Hoc*. Ergo hic sensus est, *Hoc est corpus meum*, i. e. substantia sub his speciebus est corpus meum, vel, Sub his speciebus est corpus meum.

Sed Respondeo: 1. hanc expositionem esse figuratam, ut (*Hoc*) demonstrat accidentia propriè, cum tamen accidentia non sint corpus Christi aut propriè, aut impropriè. Rossensis contra negat pronome (*Hoc*) demonstrare accidentia, sed ait demonstrare corpus Christi, 2. (*Hoc*) semper aliquid determinatum demonstrat, etiam præcisè. Sic Caietanus, ait enim (*Hoc*) demonstrare indiuiduum substantiæ, i. hanc substantiā. Sic igitur ex Caietano disputo: Si (*Hoc*) demonstrat hanc substantiā, cum rem præsentem demonstrat; si rem præsentem, tū panem, quia corpus Christi nondū aderat.

3. Quis non videt absurdissimum esse, ut substantia sub illis speciebus contenta demonstratur, & tamen non sit præsens? sunt hæc planè contradictoria, contineri sub illis speciebus, & non esse præsens. (*Hoc*) non significat substantiam præsentem, & tamen contentam sub illis speciebus. Quid hoc monstri est? quasi non sit necesse, substantiam sub illis speciebus contentam esse præsentem: & ipse Bellarminus necessarium esse faceret, ut pronomen (*Hoc*) rem præsentem demonstraret, & mox aliquid certum indicet. Certè quam verè sunt species illæ præsentem, tam verè præsens est res contenta sub illis speciebus. 4. Aut nulla erit in his verbis operatio, aut (*Hoc*) debet demonstrare substantiam, ex qua corpus Christi fiat: corpus autem Christi non fit ex indiuiduo vago, sed ex pane (ut illi volunt) nisi & corpus Christi sit indiuiduum vagum: ergo sequitur (*Hoc*) de pane intelligi, quem Christus accepit, benedixit, fregit, dedit: & ideo est tropus: qui contrasentiunt, ij nesciunt certe quid tropus sit. Res singularis non nisi ex re singulari fit: at corpus Christi est res singularis: ergo ex re singulari fit: nulla est autem alia res singularis, cum pronomen (*Hoc*) effertur, nisi panis: ergo ex pane fiat necesse est, si fiat omnino. Idq; ex eo patet, quod Aduersarii in infinita absurda rapiuntur, cum aliter exponunt.

Dominic. à Sot. in 4. d. 11. q. 1. ar. 5.

Dominicus à Soto ait de expositione horum verborum tot esse sensus, quot sunt capita: desinant

ergo nobis diffensionem obijcere. Et quidem non alius sensus est horum verborum (*Hoc est corpus meum*) post consecrationem, quam quando sacerdos ad consecrandum accedit, aut in consecrando versatur; nimirum, Hoc est Sacramentum corporis mei, vel, Hoc significat corpus meum. Et pronomine (*Hoc*) demonstrari panem, ex ratione Aduersariorum probatur. Nam Caietan. probat, per (*Hoc*) non demonstrari corpus Christi, quoniā corpus Christi non fit ex corpore Christi, nec conuertitur in corpus Christi: ergo si ille rectè ratiocinatur, pronomine (*Hoc*) panis demonstratur, quia panis fit corpus Christi, ex illorum sententia.

De primo nostro argumento diximus: nunc ad secundum veniamus, quod sumitur à verbo (*Est*) Papistæ verbum (*Est*) tropicè pro (*Fit*) accipere cogitur: ergo in his verbis tropus est. Antecedens dupliciter probatur.

Primo, alioqui falsa hæc propositio esset, *Hoc est corpus meum*. Res enim prius esse debet, quam pronunciemus eam esse, præsertim si hæc verba sint causa cōuersionis: causa enim semper est effectu suo prior.

Secundò verba hæc sunt operatoria ex sententia Papistarum, sicut illa (*Fiat lux*): ergo verbum (*Est*) debet sumi pro (*Fit*). Bellarminus cum Thoma respondet, verba hæc non habere perfectam significationem, nisi in ultimo instanti: pendere enim intellectum, donec ad finem veniatur: idq; ait fieri in quauis

Caietan.  
tom. 2. sr.  
2. c. 7.

2.

1.

2.

Thom. 3.  
p. 9. 78. art.  
2. c. 5.

1.



1. quavis alia sententia. *Respondeo*: 1. Necessse est, ut verbum (*Est*) aliter in hac propositione sumatur, quā in aliis, quia hanc esse singularem propositionem, inter omnes constat.

In aliis autem veritas orationis sequitur veritatem rei: talis enim est veritas orationis, qualis est rei,

\* Fuit Bellarminus Iesuita, cum habita esset hac Praelectio, licet nunc Cardinalis. ut si dixerō, Bellarminus est Iesuita, vera est hæc propositio, si ante sit Iesuita, si non, falsa. Et si ergo intellectus in omni oratione pendet, donec ad finem veniat, tamen veritas in re se habet ante, ut post, & intellectus pendet non loquentis, sed audientis. Nam me loquente vester intellectus pendet, donec orationem plenā protulerim: at eius intellectus orationem totam mente concepit, & informavit, priusquam incipio loqui.

Similiter quando Christus protulit hæc verba, *Hoc est corpus meum*, pendebat quidem intellectus, sed Apostolorum, non Christi, usque dum ad ultimi verbi finem peruentum est, nam hæc sententia in mente Christi prius concepta & informata fuit. Ergo semper ita rem esse oportet, quemadmodum esse pronuntiatur, etiam priusquam verba omnia proferantur, si proprius sermo fuerit. 2. Conuersio non est, nisi in ultimo instanti, ut illi volūt, & verba hæc sunt causa conuersionis: ergo conuersio est posterior hac oratione. Quando igitur (*Est*) profertur, nondum est conuersio, quia duo verba, nempe (*Corpus meum*) nondum sunt prolata, & non

tantum intellectus pendet, usque dum omnia verba proferantur, sed & veritas rei, ut illi volunt. Ita enim hic fatetur Bellarminus, verba hæc, quatenus causa sunt conuersionis, præcedere conuersionem; è contra quatenus veritas propositionis pendet ab essentia rei, conuersionem præcedere significationem. Ergo verbum (*Est*) non habet propriam significationem: quia in aliis propositionibus naturam rei sequitur, non præcedit; in his autem verbis conuersio præcedit significationem: ergo donec conuersio facta sit, aut nihil significat, ut Scotus ait, aut non propriè. Conuersio, ut illi dicunt, sequitur prolationem horum verborum; nam prolationem dicunt esse causam conuersionis: ergo dum oratio profertur, nulla est in ea veritas: at debet esse in oratione veritas, quando profertur, aut aliter se res habet in hac oratione, quā in aliis. 3. Quod ait se Thomam sequi apertissime falsum est: nam Thomas hanc opinionem ponit inter eas, quas refellit; nam tum, ait, *Hoc* non aliud nisi corpus Christi demonstraret, & sic hæc esset horum verborum sententia, *Hoc corpus meum est corpus meum*. Idque etiam ex Bellarmino constat, qui secundum Thomam vult (*Hoc*) non demonstrare panem, sed substantiam in communi ante prolationem omnium verborum: at quid opus est istis ambagibus, si veritas orationis ex ultimo instanti pendeat? nam in ultimo instanti est substantia non in communi, sed

sed determinata. Quare Bonauerura (*Est*) pro (*Fit*) poni ait, ut Dominicus à Soto. Non ergo hæc obiectio est Petri Martyris, aut Caluini, sed Papistarum. Obseruemus interim Bellarminum dicere, intellectum horum verborum pendere ex ultimo instanti, & tamen sollicitè quærere, quid demonstraretur per pronomen (*Hoc*): dicamus ergo cū Scoto & aliis, pronomen (*Hoc*) nihil demonstrare donec omnia verba prolata fuerint.

Quod ad secundam nostram rationem attinet, qua antecedens huius argumenti probamus, ait Bellarminus, verba esse operatoria, etiam si non ponatur (*Est*) pro (*Fiat*) quia cum Deus, qui mentiri non potest, dicit aliquid esse, necesse est, ut illud sit.

*Respondeo*: tum esse falsum, quod illi aiunt, veritatem propositionis suspendi ad finem prolationis omnium verborum. Non est corpus Christi, ut illi aiunt, donec finis loquendi fuerit: ergo nondum est, quod Deus esse dicit: at Deus nunquam dixit esse aliquid, quod non fuerit. Igitur verbum (*Est*) non potest sumi propriè, ut sensus verus propositionis sit, quia verba omnia nondum sunt prolata.

3. *Tertium* nostrum argumentum sequitur, quod est huiusmodi: Hæc oratio (*Hoc est corpus meum*) est Sacramentalis: ergo Sacramentaliter intelligenda est, ut sensus sit, *Hoc est*, id est, *Hoc* significat corpus meum Sacramentaliter, vel, *Hoc est* Sacramentum corporis mei. Hoc

quidem nostrum argumentum est, quod Bellarminus aut non intellexit, aut non intelligere se simulauit: igitur quædam respondet, sed nihil ad rem. Probat enim sollicitè his verbis Sacramentum institutū esse, non modo explicatum. Et nos quoque his verbis institutum esse Sacramentum affirmamus: & quia Christus nunc Sacramentum instituit, ergo orationem esse Sacramentaliter exponendam. Christus enim instituit Sacramentum, non vnā naturam conuertit in aliam, aut nouā creaturam produxit: Sacramenta verò non requirunt, ut signa externa in res signatas mutantur, sed ut naturis suis saluis aliud quiddam significant.

Quando ergo Christus dixit, *Hoc est corpus meum*, quia Sacramentum instituit corporis sui, non mutauit panem in corpus suum, sed ex pane Sacramentum corporis sui fecit. Nam in nullo Sacramento signum mutatum est in re, quia tum signum nō esset signum, sed res ipsa signata, nec relinqueretur analogia aliqua inter externum signum, & rem illam, quæ hoc signo declaratur. Et Calvinus verè de hoc argumento dixit, *Hic murus abeneus esto*. Prorsus enim Sacramenti veritas tollitur, si sit conuersio Sacramenti in rem. Bellarminus omnino nihil ad rem respondet, & tamen ait hunc murum inuentum esse luteum. Sed quo, quæso, argumento? istone? Christus instituit Sacramentum: ergo corpus suum fecit ex pane, quia



dixit, *Hoc est corpus meum*? at tum quando Circumcisionē instituit, & dixit, *Circumcisio est fadus meum*, conuertit Circumcisionem in fædus: & quando *Agnū* similiter transitum esse dixit, mutauit Agnū in transitum. Imo quia voluit Sacramētum instituere corporis sui, debuit nomen corporis sui Sacramento tribuere, vt fieri solet in omni Sacramento. Et hic murus ahenus esto contra lutea Papistarum argumenta. De hoc igitur argumento satis multa diximus: iam ad quartum veniamus.

4. *Quartum* nostrum argumētum sic se habet: Apostoli verba Christi sic acceperunt, vt nos, & non dubitarunt Christum figuratē locutum esse; & illi Christi mentem intellexerunt: ergo nostra expositio vera est. Sic intellexisse illos Christum, ex eo liquet, quod alioqui vehementissimē turbati & obstupefacti fuissent Christi verbis: at illi placidē & tranquillē audierunt, & fecerunt quod à Christo iussi sunt facere. Nullam ergo transubstantiationem agnouerunt, sed figuratē locutum esse Christum existimarunt, vt solitus est. Si Christum propriē loquutum esse credidissent, sanē hæc oratio eos commouisset. Perplexē enim de leuioribus multō & minutoribus reb. interrogabant, vt cum Thomas Christo dixit, *Domine, nescimus, quoadis*, Christus verō dixisset, illos scire: & cum dixerunt quidam ex eis, *Quid est hoc quod dicit nobis, Paulisper, & non conspicietis me; & rursus paulisper, & videbitis me: & Quia ego*

Ioan. 14. 5.

Ioan. 16. 17.

*vado ad Patrem*? Dicebant ergo, *Quid illud est, quod dicit, paulisper: nescimus, quid loquatur*. Ita multis aliis in locis, cum res ipsa non postulabat tantam dubitationem; turbati erant: at nunc cum Christus ait, *Hoc est corpus meum*, nullus eorum commouetur, miratur, dubitat, aut interrogat: non illis igitur in mentem venit, Christi verba esse propriē intelligenda. Bellarminus duas causas affert, cur non turbati sunt.

*Prima* est, quod antea instructi & præmoniti fuerunt, vt Chrysostomus docet. *Respondeo*: nos istam causam non improbare. Præmoniti quidē à Christo Apostoli sunt de mādicatione corporis sui, quæ in fide fieret, de qua Christus in 6. capite Ioannis copiosē concionatus est, & ibi de carne & sanguine suo multa verba fecit, & longum sermonem instituit: & edocti sunt à Christo, hæc omnia intelligenda esse spiritualiter: quando igitur Christus nunc instituit Sacramentum huius spiritualis manducationis, hoc eis nouum visum non est. Quanquam Apostoli sapius de vna eademque re admoniti sunt, & ex minima quauis occasione Christum interrogauerunt, vt eis Christus semel dixerit, *Adhuc & vos sine intelligentia estis?* Quare hæc causa non satisfacit huic argumento. Licet enim præmonuisset eos Christus, si tamen cum Christus Sacramentum instituit & dixit, *Hoc est corpus meum*, carnaliter hæc verba intellexissent, multas procul dubio quæstiones proposuissent. Sed

1.

Ioan. 6.

Chrysost.

homil. 83.

in Matth.

Mat. 15. 16.

aliam

2. *aliam* adhuc causam subiungit Bellarminus, nempe quia idem Christus, qui mysteria tradebat, mentē eorum fide illustrabat, vt simpliciter crederent. Nam alia (inquit) multa audierant mirabiliora, & non turbati sunt; vt hominem illum, quem videbant comedere, bibere, dormire, fatigari, esse verū Deum, & iam tunc esse in cælo, cū loqueretur in terris. *Respondeo*: hoc non esse tam mirabile: nam Christum esse Deum Apostoli & ex ipsius operibus, & ex Scripturis Prophetis norant: non illis ergo mirum videri potuit, quod se tum in cælo esse dixerit, cum in terra esset quoad præsentiam corporalem: nil enim absurdum est, esse in cælo quoad Deitatem, qui in terris erat quoad carnem. Sed corpus quod intuebantur, & quod ibi sanum sedebat, esse inuisibiliter in pane, & comedi ab vnoquoque illorum; hoc non modò admirationem, sed & horrorem illis inculcasset, idque dupli. i nomine, *primo*, quomodo inuisibiliter ibi adesse potuit, *secundo*, quomodo & quorū Domini sui corpus comederent.

Luc. 1. 18.

6. 34.

Certē nunquam hoc præterissent Apostoli sine multis & curiosis quæstionibus: at illi nullam quæstionem nouerunt. Zacharias, cum ei Angelus dixit, se geniturū esse filium, mox ait, *Ἐγὼ πὶ γυνώσκω αὐτὸν*; inquit, id est, *Vnde hoc cognoscā?* sic Maria cum se virginem parituram audierit, *ἄωγος ἔσται τέκον*; inquit, id est, *Quomodo erit hoc?* hoc erat multo magis mirabile, & tamen

nemo Apostolorum quærit *πῶς*, id est, *quomodo* hoc fieret: imò neq; de re, neque de modo dubitant Apostoli, quia nulla difficultas est in spiritali manducatione. Petrus, cum voluit Christus pedes illius lauare recusauit, donec Christus ei dixit, nisi pareret, nil sibi cū illo commercii fore: nunc scilicet Dominum suum totum deuorat, & à singulis Apostolis deuoratum videt, & tamen tacet.

Ioan. 13. 8.

Sed præter has duas causas Chrysostomus aliam commemorat, quā Bellarminus callidē subtrixit, & consultō prætermisit. Ait enim Apostolos non fuisse turbatos, quod viderint Christum antē edentem, & bibentem: Vnde intelligebant, Christū Sacramentaliter locutum fuisse, quia nunquam in mentem illorum venire potuit, vt Christus corpus suum comederet: quorū enim Christus seipsum ederet, & quis esset modus huius manducationis? Sed Bellarminus quærit, cur hodie tot milia simplicium Catholicorum non turbantur, nisi quia fide illustrantur. *Respondeo primo*, hanc nō esse fidem, sed crassam & brutam opinionem ex eorū errore, & peruersa verborū Christi intelligentia natam. Tum etsi hodie nulli turbantur Papistarum, quia illis res non noua est: at Apostoli debebant turbari, quibus hoc nouum & inauditum fuit: ideo in sexto capite Ioannis multos recessisse legimus, & dixisse, *Durus est hic sermo*: at plerique eorum postea redierunt. Si illi offensi sunt, cum Christus non nisi de spiritali co-

Ioan. 6. 60. &amp; 66.

LII 3 poris

Matth. 16.  
21. 22.

poris sui manducatione loqueretur: quid Apostolos facturos credimus, si Christum de corporali manducatione locutum esse existimassent? Cum Christus se Hierusalem iturum diceret, & ibi multa passurum, Petrus aut non intellexit, aut putavit indignum esse Christo; certè contra iussit: nos nunc tamen ista nō miramur, nec illis offendimur: ergo Apostolis mira & noua multa fuerunt, quæ non sunt nobis propter assiduitatem, quia non nunc audimus primum. Quare nulla hæc ratio Bellarmini est.

5. Quintum nostrum argumentum sumitur ab illis verbis, *Accipite, manducate*: ipsum Christi corpus non manducatur propriè: ergo aut corpus figuratè sumitur, aut manducare. Bellarminus respondet primo, Corpus Christi manducari in Eucharistia propriè. At certè non teritur dentibus; quod est necessarium ad manducationem. Sed ait Bellarminus, hanc attritionem non esse necessariam, sed sufficere sumptionem, & transmissionem ab ore ad stomachum: & probat, quia aliter pueri & senes edentuli nihil comederent. *Respondeo*: in manducatione, quæ propriè sic vocatur, aut attritionem, aut comminutionem requiri, quia à manducando fit: est igitur manducare, si verbi propriam significationem spectemus, cibum aut dentibus, aut ore & mandibulis conficere. Quod verò ad pueros & senes edentulos attinet, quis puerum edentulum propriè manducare di-

xerit? sugere enim non est manducare, nec sorbere est propriè manducare: tum enim bibere esset edere: imò cibos integros demittere in ventriculum sine præmansione, non est manducare propriè: aliud enim est deglutire, aliud manducare. Et senes decrepiti solent sorbitunculis, aut cibis mollioribus, aut frugibus uti, quæ facile manducari possunt: at corpus humanum traicere in stomachum, & illud quidem totum, est genus manducandi Cyclopicum. Imò ipsi etiam *ἀνὸρ πωπὸς φάγοι*, id est, *humana carne vescientes*, eorum corpora diuidunt frustulatim, quos deuorant. Non igitur est hoc manducare aut edere propriè, aliquid integrum deuorare, quia non his instrumentis fit, quæ ad manducationem requiruntur.

Sed secundo respondet Bellarminus, si attritio esset necessaria, tamen Christi corpus propriè manducari in Eucharistia: non absolute, sed tamen propriè. *Respondeo*: Mirum hoc certè, ut aliquid edatur propriè, nec tamen absolute: non igitur hæc est absoluta manducatio. At Christus de manducatione absoluta loquitur; nam iussit Apostolos ita edere, ut alii homines edunt. Non dixit, hoc integrum deuorate; abstinete dentes; sed manducate: nec dubium est, quin Apostoli, ut rudes, sic Eucharistiam, ut alios cibos, manducarent.

Sed Bellarminus manducationem propriam, non absolutam, vocat, quando species visibiles & sensi-

sensibiles manducantur, & dentibus atteruntur, & sub illis inuisibiliter sumitur etiam & transmittitur ad stomachum integrum corpus Christi. Fatetur igitur species atteri, & dentibus atteri: iam verò hoc cogitandum est, Christi corpus integrum latere sub vnaquaque parte specierum; est autem attritio specierum in multas partes: ex hoc igitur sequitur, fieri posse, ut vnus homo habeat in ore non vnum tantum corpus Christi, sed multa, forsitan centum aut mille corpora: in singulis enim vel minutissimis fragmentis specierum est integrum CHRISTI corpus, quia ipsum Christi corpus non atteritur, sed tantum species: at hoc monstrum est, ut aliquis tot simul Christos in ore habeat. Sed hic necesse est, esse tropum, si quod Christus de corpore suo dixit, id de speciebus panis intelligatur: imò duplex tropus est: primo, quia corpus Christi dicitur manducari, quando species tantum panis sub quibus later, manducantur: nam Bellarminus ait, species tantum dentibus atteri: at attritio ad manducationem necessariò requiritur; secundo, quia species non possunt propriè manducari: nam manducatio est alienius substantiæ & eius quidem corporalis. Debet esse aliquid, quod possit manducari: sed species per se manducari non possunt, quia nihil in eis crassum est, quod comminui aut atteri potest: imò non opus est multum morari in speciebus manducandis, id est, atterendis: nam omnes species rerum, si possent

abstrahi à subiectis suis, nihil in se solidum, aut crassum, aut durum haberent, ne quis metuat ab illis suffocationem. Si omnes rerum species essent in vnum collectæ, facile deglutiri possent, & in stomachum traici, sine attritione: at nollet Bellarminus hostiam traici sine comminutione & attritione specierum. Et quod atteritur, & post attritionem in stomachum traicitur, alit corpora nostra: non sic species: certè si Aduersarii speciebus tantum pascerentur, citò fierent macilenti. Non igitur hæc manducatio ad species refertur, quæ non possunt manducari, nisi respectu subiectorum: Christus autem iussit manducari *Hoc*: nam de quo dici potest, *Hoc est corpus meum*, illud manducare iussit: at (*Hoc*) non species panis, sed vel corpus Christi, vel panis est. Sic igitur concludo; Quando sumimus & manducamus Sacramentum, atterimus aliquid solidum & crassum: non autem corpus Christi: ergo corpus panis: ergo quod Christus iussit accipere & manducare, non aliud erat, quam panis. Sed adhuc pergit Bellarminus & ait, verum panem non atteri dentibus, nisi ratione accidentium suorum. Quid tum? an quia panis non posset diuidi & sic manducari, nisi mollis & fragilis esset; ergo accidentia absolute manducantur? Substantiæ nō possunt manducari sine accidentibus: ergo ne accidentia propriè manducantur? certè si substantiæ sine accidentibus manducari non possunt: multò minùs accidentia sine



sine substantiis. Igitur cū manducationē refert Bellar. ad accidentia, nō ad corpus Christi; q̄s nō videt corpus Christi non manducari p̄priē? Accidentia verò sola, à suis substantiis separata, nil in se habēt, in quo dentes occupentur aut exerceantur: nulla igitur est illorum manducatio. Si ergo manducare referant ad corpus Christi, & hoc de propria manducatione intelligant, tum Christi corpus debet dentibus atteri, quia hoc necessarium est in corporib. solidis, quæ carnem, neruos, & ossa habent: at hoc de Christi corpore statuendū non est: manducatio igitur p̄pria ad panem, id est, Sacramentum externum; figurata verò ad corpus Christi refertur, quod corde non corpore, fide non dente aut ore manducatur. Atque hoc est quod Augustinus ait, *Quid paras dentem & ventrem?* at in manducatione propria dens & venter parandi sunt.

Caietan.  
tom. 2. tr.  
2. c. 5.

Caietan. ait, *manducari verum Christi corpus in Eucharistia, sed non corporaliter, sed spiritualiter.* Hoc est, quod nos dicimus. Non igitur propria est hæc manducatio, quia spiritualis manducatio nō est propria manducatio, sed per similitudinem tantū: manducatio verò quæ est propria est corporalis.

6. *Sextum* nostrum argumentum sumitur ab illis Scripturæ locis, qui sanè multi sunt, in quibus aut verbum (*Est*) accipitur pro, *significat*, aut p̄dicatū accipitur figuratè, vt Gen. 17. 13. Gen. 17. *Circumcisio est fædus*, & eiusmodi innumera, de quibus mox

dicendum erit: quidni ergo liceat idem de hoc loco dicere, & de his verbis, *Hoc est corpus meum*? Bellarminus dupliciter respondet, *primò* in genere, *secundò* in specie de singulis locis. In genere etiam dupliciter respondet: *primò*, non posse ex aliquot exemplis concludi, sic ubique esse.

*Respondeo*: Nos non ita disputamus, In multis locis verbum (*Est*) sumitur pro (*significat*) ergo in omnibus: sed ex eo quod (*Est*) in multis similibus locis sumitur figuratè, & in simili argumento: ergo & hoc in loco ita sumi contendimus. Et ipsi P̄ficienti sic argumentari solent: verbū (*Est*) in aliis multis Scripturæ locis p̄priē accipitur: ergo & in hoc loco. Bellarminus Klebitum sic respondentem ait mentiri in caput suum.

*Respondeo*: Certè nil mentitur, nam reuera vrgēt propriam significationē horum verborum, quia alia loca plerumq; propriē sumuntur. Sed Bellarminus ait: Nos generali regula utimur, ac dicimus ubique (inquit) seruandam esse verborum proprietatem, nisi euidenter doceatur, alicubi esse tropum.

*Respondeo*: Et in his etiam verbis, nisi essent peruersissimè cæci, euidentem tropum viderent. Cum enim Christus panem accepit, & de pane dixit, *Hoc est corpus meum*, quis negaret tropum? Neq; quicquam ad rem facit, quo minùs (*Hoc*) de pane intelligatur, quia verbum (*benedixit*) est interpositum: nam si benedictionem separat à prolatione

ne

ne horum verborum, tum putat Christum nō consecrassè his verbis, *Hoc est corpus meum*; quod est contra opinionem à Pontificiis communiter receptam: si benedictionem de prolatione horū verborum intelligat, tum quid de eo statuet, quod Christus in manus accepit, & de quo dixit, *Hoc*? certè non potest aliud statuere, quam quod nos dicimus, nempe fuisse panem.

Deinde cum Christi corpus tale sit, quale nostrum, & iam in cælo sit, analogia fidei postulat, vt in verbis tropum constituamus, ne Christum è cælo deuocemus, & veritas humanæ naturæ tollatur, cum in tantillo spacio includatur. Hæc sunt fundamenta tropicæ significationis.

*Secundò*, respondet in genere Bellarminus, nullum à nobis exemplum simile allatum esse. Nam in exemplis allatis, inquit, semper prædicatur de disparato disparatum, vt patet ex illis, *Boues sunt anni*, *Semen est verbum*, *Christus est vitis*, &c. ergo cogimur necessariò recurrere ad tropos: at in hac sententia, inquit, *Hoc est corpus meum*, non prædicatur disparatum de disparato, saltem verbis disertis. *Respondeo*: Quid hoc est, saltem verbis disertis? sufficit si disparatum de disparato omnino prædicetur: & quidē disertissimè prædicatur: nam corpus Christi de pane dicitur.

At panis, inquit, non nominatur. At (*Hoc*) respicit panem, nil aliud: & Christus panem accepit,

dedit, & dixit, *Hoc est corpus meum*. Sed Bellarminus ait esse in questione, quid (*Hoc*) significet. At illi nullam probabilem horum verborum significationē afferre possunt, nisi vt, *Hoc*, de pane intelligatur. Sed iubet afferri exemplum, vbi de pronomine prædicatur aliquid tropicè. Certè quanquam exempla quædā ab alio allata sunt, tamen quia requirit exemplum vnum, ego repræsentabo illi duo, eaque ex vno capite Prophetæ Zach. 5. 3. Zach. 5. 3. chariæ, vbi *primò* de volumine volante dicitur, *Hæc est maledictio*; *secundò* de muliere, quæ sedebat in medio amphoræ, dicitur, *Hæc est impietas*, quia mulier illa fuit typus nequitie. Sed nunc de exemplis in argumento allatis videamus.

Non necesse erit singula percurrere, satis est, si quæ præcipua sunt attingam, eaque in primis, in quibus est Sacramentalis analogia. Fatetur enim Bellarminus in plerisque esse tropum, quando scilicet similitudo vsurpatur, vt in his, *Septem vacca sunt septem anni*, &c. *Ego sum vitis*, &c. in aliis huiusmodi: sed nos probabimus etiam in Sacramentalibus locutionibus rem ita se habere, vt cum dicitur, *Hic est sanguis fæderis*. Bellarminus ait non legi, *Hoc est Testamentum*. *Respondeo*: *Hic sanguis est fæderis*, non alium sensum habet, quam hic sanguis est fædus, vel signum fæderis. Nam sanguis erat iuueni, sed hoc sanguine fædus illud repræsentabatur. *Hic est sanguis fæderis*, non potest sine tropo intelligi, quia fædus non habet sanguinem.

M m m Cum



Cum ergo sanguis sit propriè iuenci, impropriè faderis, nempe quia illo sanguine sanciebat fædus suum Deus; non esse hanc propriam sed tropicam & impropriam locutionem necesse est. Sic sacrificia sæpe vocantur expiationes: non tamen ipsæ expiationes, sed signa tantum eorum erant. Bellarminus ait hoc esse falsum: non sic dici. At nihil frequentius est, quam *immolare hostiam expiationis*, & *aqua expiationis*, quod perinde est, ac si hostia & aqua dicatur expiatio. Sic Arca vocatur Deus: quod cum Bellarminus negat, aperte Scripturis contradicit. Cum enim Arca tolleretur, Moses solebat dicere, *Surge Iehova*, & cum deponeretur *Reuertere Iehova*: Deus autem nec surgit, nec reuertitur. Sic stare coram Domino, epulari coram Domino, sæpissimè dicitur, hoc est, coram Arcâ. Dicta est autem Arca Iehova, quia symbolum erat præsentia diuinæ. Sed ad manifestiora veniamus. Agnus dicitur *Pesah*, id est, transitus. Atque hic audacia Iesuitæ obseruanda est. Ait Agnum quidem dici Pascha non tropicè, sed propriè: quasi hoc nomen proprium Agni fuerit: quod nemo vnquam dixit, nec à quoquâ explicari, imo nec cogitari quidem potest, quomodo Agnus fuerit Pascha, & quomodo transitus dici potuerit. Nam transitus est in prædicamento Actionis; Agnus verò in prædicamento Substantiæ: quemadmodum verò substantia dicatur actio, nemo cogitare potest.

Exod. 19.  
36.

Num. 19.  
21.

Num. 10.  
35-36.

Exod. 12.  
11.

Sed ait Bellarminus, nullam esse similitudinem inter Agni occisionem, & transitum Domini. At potuit dici Pascha propter aliam causam, quam propter occisionem. Nam Deus iussit comedi festinanter, & addit causam, quia est transitus Iehouæ. Propter hanc in cōedendo celeritatem vocatur transitus, quia illam celeritatem adumbrabat, qua vsus est Deus in Ægyptiis interficiendis. Erat ergo signum huius transitus; quod cum Bellarminus negat, quid aliud nisi aperam Scripturam negat? Deus enim iubet comedi cum festinatione, & rationem addit; quia est transitus Domini. Vbi dicitur Pascha, non quod hoc ei proprium nomen fuerit, sed quia transitum Iehouæ repræsentabat. Quidam vir doctus vult Pesah propriè significare saltum, quia Deus quasi saltu quodam transibat per domos Israelitarum, irruebat vero in domos Ægyptiorum: cum enim Israelitæ inter Ægyptios habitarent, Deus saltando quasi transibat eorum domos. Obseruandum autem, quam præclare inter istos Iesuitas conueniat.

Duræus Scotus negat Agnum dici transitum, sed tantum causam afferri ait, cur vtendū fuit festinatione in comedendo, quia Deus transibaturus erat Israelitas percussis Ægyptiis: Et sic alii multi Papistæ, vt Claudius Sainctes. Et Rossensis ait, Agnum non vocari Pascha, sed caeremoniam in occidendo Agno transitum dici. Quanquam Petrus Micael Iesuita, agnoscit tropum in

Ioan. Duræus Scot. in refutatione. v. 10. rati. Capian. 1. 2. Claud. Sainctes. R. Pet. 3. c. 2.

in his verbis. Sed illi omnes supra nominati palam refelluntur, quia iubetur Pascha sæpe mactari, & immolari, & comedi, & præparari: quæ omnia de Agno intelligenda sunt: quare nomen Pascha tribuitur Agno, non caeremoniæ; nam de caeremonia ista dici non possunt.

Bellarminus adeo Agnum dici Pascha vult, vt hoc sit eius proprium nomen: quo nihil absurdius aut desperatius ab illo dici potuit. Præterea prohibentur Israelitæ os ei confringere; quod de Agno necessarium intelligendum est: & Christus Pascha nostrum dicitur.

Hieronymus ab Oleastro discrete ait, Agnum vocari Pascha, quia signum eius saltus fuit. Ita nullis calumniis locus est: vt Agnus Pascha fuit, sic panis est corpus Christi. Ita petra dicitur Christus: de quo loco valde laborat Bellarminus. Ait non accipi hoc de petra materiali, quæ significaret Christum, sed de petra inuisibili & spiritali, quæ Iudæis omnia necessaria prouidebat; quæ petra, inquit, verè & propriè erat Christus, vt Deus: & Chrysostomi Theophylacti, Theodoret, & Ambrosii nomina vsurpat. Sed ego his omnibus possum vnum Augustinum opponere, qui multis locis contrarium docet. In libro de Quæstionibus super Leuiticum hæc verba habet. *Petra erat Christus, non dixit significat Christum, sed quasi hoc esset, quod vtique hoc non erat per substantiam, sed per significationem.*

Augustin. in quæst. super Leuit. q. 57.

Augustinus igitur de petra ma-

teriali intelligit: nam petra inuisibilis erat Christus quoad substantiam. Ita alibi ait *petram aliud significare, quam erat: erat ergo corporalis & visibilis, sed petram spiritualem & inuisibilem significabat.*

Et Hieronymus ait, *hanc petram fuisse figuram Christi*: non ergo erat ipse Christus, vt vult Bellarminus. Idque ex ipso loco euidentissimè colligi potest: ait enim Paulus *omnes bibisse eundem potum spiritualem*, id est, aquam è petra illa spiritali fluentem: at non omnes Christi, qui fuit petra inuisibilis, participes erant; tum enim omnes salui fuissent: omnes tamen petram spiritualem, id est, spirituale signum Christi acceperunt. Sed Bellarminus de Christo probat intelligi, quia Paulus ait, hanc petram secutam esse Hebræos: at hæc aqua non secuta est eos: nam statim post aqua indiguerunt. *Respondeo*: Apostolus non ait, petram hanc eos sequutam esse per totam solitudinē, et sic fert traditio Iudæorum, & Tertullianus *Manna escatilem pluuiam, & petra aquatilem sequelam cōmemorat*, & Hieronymus ait, *petram sequutam esse illos per omne desertum*. Sequi potuit ad spatium aliquod; & legimus petram esse bis percussam à Moïse, & longum interual-

Idem de Gen. ad l. 1. 8. c. 4.

Hieron. in 1. Cor. 10.

Num. 20. 2. 21. 5.

Tertullian. in lib. de patientia. Hieron. in locum.

Exod. 17. 6. Num. 20. 10.

Et Bellarminus ait, illam fuisse  
Mmm 2 figu-



figuram Christi, sed non propterea eam figuram explicatam esse per hæc verba, *Petra erat Christus*. Quæro igitur quibus aliis verbis explicata sit? proferat alia verba, ubi ea petra dicitur esse figura Christi: at non potest. Quid nostrum interest, quod ille petram esse Christi figuram dicat, si hoc non possit probare? sublato certe hoc loco nunquam probare poterit. Nos igitur verum loci sensum proponimus, cum dicimus Apostolum per petram non inuisibilem petram intelligere, de qua non omnes biberunt, sed illam terrestrem, aut potius aquam ex illa fluentem: hæc non erat verè Christus, sed dicebatur Christus, quia erat Sacramentum Christi. Ita mare fuit quoddam Sacramentum Christi, & nubes, & Manna, quæ erant res externæ: eodem modo & petra. Ergo sensus est, petram dici Christum, quia significabat Christum, & erat figura Christi.

Innocent. 3. in l. 4. de ba. *Petra erat Christus*, hoc modo exprimit. *Missa* ponit, *Petra significabat Christum*.

6. 7. Caetan. in opuscul. tom. 2. tr. 2. c. 7. Sic Caieranus, & alii. Sic igitur petra dicitur Christus, ut panis dicitur corpus Christi, id est, figuratè, & propter hanc figuram nomini rei signo tribuitur. Sed iam veniamus ad eum locum, qui in eodem capite paulò post habetur, *Panis, quem frangimus, nonne est communicatio corporis Christi?* In his verbis nemo negare potest esse tropum: nam panis non est propriè communicatio corporis Christi, sed eius signum & Sacramentum. Bellarminus ait, non esse hic tropum vllum tolerantem rei veritatem: aut qui ob-

scuretur sententiam. Id nos quoque dicimus: nam certè tropi nec tolerant rei veritatem, nec sententiam obscurant: nam ad illustrationem adhibentur. Nos tamen affirmamus in verbis his esse tropum: panis enim non est propriè communicatio: & ut panis est communicatio corporis Christi, sic est corpus Christi. Paulus ergo est optimus hoc in loco Christi interpretis, cuius verba sunt instar commentarii in illa verba Christi, *Hoc est corpus meum*. Quando Christus ait, *Hoc est corpus meum*, quid per, *Hoc*, intelligitur? Apostolus respondet, *Panis*: quid per *Corpus*? non, ut Papistæ volunt, ipsum Christi corpus realiter & substantialiter; sed vult Apostolus oportere nos communicare Christum fide: non ergo ait, panis est corpus Christi, sed panis est communicatio corporis Christi: quæ certè oratio necessariò tropum includit.

Sed Bellarminus ait, hunc non esse sensum, *Panis significat communicationem corporis Christi*. Quis ergo sensus est? Loquitur Apostolus, inquit, de pane consecrato. Esto; quis tum sensus est? hic scilicet. Communicatio panis consecrati in Cæna Domini est communicatio corporis Domini. At Apostolus non ait, *Communicatio panis*, sed, *Panis*. Sed demus per panem intelligi verum corpus Domini: tamen qui dicit, verum corpus Domini esse communionem corporis Domini, is non propriè loquitur. Sed quam hic absurdus sensus est, Verum corpus Domini nonne est communicatio corporis Domini? quis

quis de eo dubitat? nam qui verum panem edit, is verum panem communicat. Sed Apostolus docet illo pane communionem eam, quam cum Christo habemus, declarari. Absurdissimè sanè Apostolus, si sic loqueretur, Qui verum Christi corpus edit, is Christi corpore communicat: sed sensus verus est, cum pane hoc Christi corpus communicari. Et quod hic de pane ait Apostolus, prius de poculo dixit, *Poculum benedictionis, cui benedicimus, nonne communicatio sanguinis Christi est?* ubi communicatio sanguinis Christi prædicatur de poculo. Si remoueamus omnes tropos, quomodo hæc verba interpretabimur? an poculum esse propriè communionem sanguinis Christi dicemus? Non, opinor: si ergo hic necesse sit tropos admittere, non sic malitiosè de tropis calumniemur. Sed quid tandem de illis verbis respondebunt, *Circumcisio est fædus*? certè non aliud responderet Bellarminus, nisi ibidem explicationem poni, id est, dici signum fæderis. Sed quia expositio ibidem habetur, non proinde illa sententia non est figurata. Fatetur ergo Bellarm. hic esse tropum; quod tamen Duræus noluit: non enim circumcisionem, sed cōventionem Dei cum Abrahamo dictam esse fædus ait: at hoc absurdum: nam tum fædus diceretur fædus. Similiter etiam respondet Sainctes, ut Duræus. At iubetur Abrahamus imprimere fædus in carne: at fædus ipsum non potuit imprimi in carne. Et sic habetur in libro, qui vocatur Ecclesiasticus, ubi de Ab-

rahamo dicitur, *In carne eius stare fecit testamentum*. Quare manifestum est, circumcisionem vocari fædus & Testamentum. Et hoc Bellarminus hic concedit; sed ait ibidem haberi explicationem, esse scilicet signum fæderis. Similiter nos multas solemus explicationes afferre ex Scripturis, unde has orationes esse figuratas doceamus. Christi omnia verba indicant tropos: Paulus panem vocat, quod Christus suum corpus. Non ego nunc parabolas, & allegorias, & similitudines afferro, in quibus nemini dubium esse potest, quin (*Est*) ponatur pro *significat*, sed ea tantum testimonia, in quibus oratio Sacramentalis habetur.

Iam ad septimum nostrum argumentum veniamus: illud verò sic instituimus; Si in illis verbis, *Hoc est corpus meum*, corpus propriè luminatur, tum est ibi corpus sine sanguine, sine anima, sine deitate: at hoc non est concedendū, quia nulla est diuino naturarum: quare ista separari non possunt: si verò corpore significet totum Christum, tum non sumitur propriè: ergo est tropus, & quidē tropus manifestus, quia corpus nec significat sanguinem, nec animam, nec deitatem propriè: præterea tum æquè liceret dicere de pane, *Hoc est sanguis*, atque *Hoc est corpus*; & de poculo, *Hoc est corpus*, atque *Hoc est sanguis*: at hoc sine tropo ne cogitari quidem potest: non enim potest sanguis cum corpore, aut corpus cum sanguine & anima intelligi, cum dicitur corpus tantum, & sanguis tantum, sine tropo. Bel-

M n m 3 larmi-

Gen. 17.  
10. & 13.  
11.

Duræus  
ubi supra.

Sainctes  
ubi  
supra.

Ecclesiast.  
44. 21.

- larminus audacter responder, verba propriè significare, & nomine corporis solum corpus intelligi, nomine sanguinis solum sanguinem, nec tamen distrahi corpus à sanguine propter necessariam cōcomitantiam. *Respondeo*: 1. vt cedamus talem concomitantiam, tamen necesse est, vt in verbis figuram statuamus, & hic tropum esse dicamus, quia corpus tantum nominatur: at corpus propriè non significat sanguinem cum corpore, sed solum corpus. Qui corpus tantum demonstrat, & intelligit corpus cum sanguine, ille procul dubio tropo utitur. 2. Imo hæc ipsa concomitantia est maximus tropus, vel monstrum potius tropi; facit enim vt sub speciebus panis non corpus modò sed & sanguis lateat, & sic sub speciebus vini non sanguis modò sed corpus. 3. Non modo tropum in verbis statuit, sed naturæ ordinem tollit. Si enim sit sub specie panis verus sanguis, tum edere iubemur sanguinem, quia illud totum iubemur edere, quod latet sub specie panis: & hoc forsan non mirum: qui enim corpus integrum edit, ei facile est sanguinem in venis latentem vna cum corpore edere: sed iussimus etiam corpus bibere (quod est *αὐτὸν πίνειν*, & ab omni ratione alienum) quia cum sanguine est corpus per cōcomitantiam, & sanguis nō potest esse extra corpus; & quicquid sub specie vini latet, bibere iubemur: & tamen debet sanguis prius demonstrari dicendo, *Hoc est sanguis*: quod nō po-

test fieri, nisi sanguis sit extra corpus.

Cum ergo nos ex Papistarum sententia Christi corpus eodem modo bibamus, quo edimus, novum hic tropum esse necesse est, qui facit vt humana corpora non modo edantur, sed etiam bibantur. Sic igitur disputo: Si verba Cænæ postulent, vt Christi corpus bibatur, & sanguis edatur, tum figuratè accipiuntur: at verum prius: ergo & posterius. Maioris consequentia patet, quia tropus est, vbi non est proprius sensus: at edere non est propriè & edere & bibere; nec corpus propriè & corpus & sanguis; nec bibere propriè est & bibere & edere. Minor etiam patet, quia quod in poculo est iussimus bibere: si ergo corpus Christi sit in poculo, non minus quàm sub specie panis, tum illud bibere iubemur, & si sanguis Christi sit sub specie panis, non minus quàm sub specie vini, tum sanguinem edere iubemur. 4. Hæc concomitantia pugnat non modò cum verbis Christi, verum etiam cum mente Christi: cum verbis primò, quia Christus corpus & sanguinem separatim dedit: ita concomitantia ea cōiungit, quæ Christus disiunxit; Christus primò corpus, deinde sanguinem porrexit: at Aduersarii ista miscent: & Christus dixit hoc esse corpus, non corpus cum sanguine; & hoc esse sanguinem; non sanguinem cum corpore; & iussit edere corpus tantum, & sanguinem tantum bibere, non & edere, & bibere vtrumque, vt illi qui

qui concomitantiam statuunt: deinde pugnat cum mente Christi, quia Christus voluit Sacramentum instituere corporis sui exanguis, id est, mortui; ergo ait, *Hoc est corpus meum, quod pro vobis frangitur, & Hoc est sanguis meus novi Testamenti, qui pro multis effunditur in remissionem peccatorum*: at corpus fractum, id est, exanime & mortuum, est à sanguine separatum, & sanguis effusus non est in corpore. Sic nobis Christus voluit mortem suam repræsentare, quia redemptio & salus nostra in morte Christi cōsistunt: at isti cum tropo suo concomitantia euertunt mortis Christi Sacramentum & memoriam, quia corpus viuum in hoc Sacramento repræsentari volunt, cum Christi corpus in Sacramento vt mortuum nobis proponatur, quia Christus nobis vitam morte sua peperit, & in hoc Sacramento hoc beneficiū celebramus. Sed adhuc de isto argumēto responder Bellarminus, & contendit nullum ibi tropum esse, quia etiam si ibi sit anima, & sanguis, & deitas Christi, (*Hoc*) tamen corpus tantum demonstrat, idque exemplo declarat, vt si quis Petri corpore demonstrato diceret, *Hoc est corpus Petri*, corpus propriè sumitur, nec tamen sequitur esse sine anima.

*Respondeo*: exemplum dissimile esse, quia qui tantum corpus demonstrat, is propriè loquitur dicendo, *Hoc est corpus Petri*: nec refert ad veritatem propositionis, sitne anima ibi an non, quia tantum de corpore loquitur: sed fa-

cerdos primò facit Christum ibi præsentem totum, vt illi volunt; deinde non vult demonstrare solum corpus Christi, sed totum Christum: illud enim totum demonstrari volunt quod sit, idq; ex ipsis patet, qui dicunt (*Hoc*) demonstrare totum contentum sub illis speciebus: id autem est corpus, & sanguis, & anima: cum ergo hæc omnia nomine corporis significetur, tropum hic esse necesse est.

Pulchra hæc concomitantia est, ex qua nō modò sequitur esse sanguinem cum corpore, & corpus cum sanguine, sed quæ facit etiam sanguinem Christi ex pane & corpus Christi ex vino: imò non id modo, sed animam quoque; nisi fortè velint dicere, corpus ex pane fieri, & sanguinem ex nihilo; & sanguinem ex vino fieri, corpus vero ex nihilo: sed vnde tunc anima in vtroque? absurdum est, animam fieri vel ex pane, vel ex vino, quia substantia spiritalis non fit ex substantia materiali. Sed nunc de tropo verborum: Corpus tantum nominatur, & tamen totus Christus intelligitur: ergo est tropus. Exempli gratia, cum *verbum caro factum* esse dicitur, caro *συνεκδοχικῶς* pro tota humana natura sumitur: ita hic synecdochen constituent necesse est. Bellarminus se non grauatè id facturos ait, quia magnum est discrimen, inquit, inter intellectionem (sic ab illo synecdoche vocatur) & metonymiā, quia hæc tollit rei veritatem, illa non.

Sed metonymia non tollit veritatem.

Ioan. 1. 14.



Tit. 35.

ritatem rei, ut cum Baptismus lauacrum regenerationis dicitur, est enim verè lauacrum regenerationis, & signum quoq; quia res simul cum signo coniungitur. Sed ut tropus est in voce caro, sic in voce Corpus ex ipsorum Aduersariorum sententia. Et certè est utrobique tropica locutio: illic significatur vnio hypostatica τὴ λογῶς cum humanitate; hic Sacramentalis, Christi sc. cum Sacramento.

8.

Luc. 22.

20.

1. Cor. 11.

25.

*Octauum* nostrum argumentum sumitur ex Luca & Paulo, apud quos hæc verba habentur, *Hic calix est nouum Testamentum in meo sanguine*. Hic tropus duplex est, *primus* in voce (*Calix*) vbi continens pro re contenta accipitur; *secundus* in voce (*Testamentum*.) Bellarminus fatetur in priore voce esse tropum. sed tamen clarissimè ibidem explicatum. Sed non refert quàm clarus sit tropus modò tropus sit. Nò ergo nos accusandi sumus, quod tropos adhibeamus, quia non possunt Christi verba sine tropis intelligi, & quia Christus ipse tropis vsus est. Et sanè non minùs illustris & perspicuus tropus est in his verbis, *Hoc est corpus meum*. Nam ut vas non bibitur, sed quod in vase continetur, ita nec Christi corpus ore editur: imò facilius est vasa omnia ebibere, quàm illud gloriosum Christi corpus edere. Nulla igitur hæc responsio est, quod sit tropus apertus, aut statim explicatus.

Nam ex eo quod Christus iussit accipere & edere quod dedit, & hoc esse corpus suum dixit, quod

pro nobis frangeretur & daretur, nò minus perspicuum esse tropum apparet, quia corpus eius tum non dabatur aut frangebatur, nec nunc, sed semel in cruce: & illud accipere & edere non potest de propria veri corporis manducatione intelligi, quia quod Apostolos iussit facere, *Luc. 22. 16. 18.* ipse prior fecit: at non potuit ipse corpus suum edere, imò nec manibus tenere, quia totum non potest à parte vna capi aut teneri: ergo Christum panem ore sumpsisse & manu tenuisse constat, non corpus suum. Ita omnes circumstantiæ, & verba etiam ipsa, testantur imò clamant esse tropum. Sed bene est quod saltem vnum tropum agnoscit Bellarminus: non ergo aut Christus, aut Euangelistæ absurdum putarunt figuratè loqui. Sed nos docebimus esse tropum etiam in altero vocabulo, scilicet in voce (*Testamentum*.) Neque enim dicit Bellarminus aut sanguinem aut vinum esse Testamentum: est igitur hic metonymia, quia signum pro re signata ponitur: idque his argumentis Calvinus & Martyr docent.

*Primò*, quia alioqui Testamentum Christi singulis diebus renouaretur: celebratur enim hoc Sacramentum sæpius. Bellarminus primò distinguit, & tum respondet. Air esse duo, quæ nomine Testamenti appellari solent; *primum* esse voluntatem testatoris: *secundū* esse instrumentum authenticum, quo continetur voluntas testatoris. Sed debuit explicare, quid Testamentum propriè sit: nomen enim

nim multis rebus congruere potest: & constat Testamentum propriè esse vltimam voluntatem eius qui cõdit. Instrumentum quidem vocatur Testamentum, sed impropiè, quia significat voluntatem vltimā testatoris, ut sacra Biblia vocantur Testamenta, quia in his explicatur voluntas Dei. Quare si Eucharistia sit secundo modo Testamentum, certè non nisi figuratè & impropiè Testamentum est.

Iam igitur respondet, non renouari quoridie hoc Testamentū, quia Eucharistiæ celebratio nò est noua institutio Testamenti, sed repetitio eiusdem, quæ sit ad applicandam hæreditatem variis hæreditibus.

*Respondeo*: 1. Si sanguis hic sit ipsum Testamentum realiter, necesse est repeti & renouari, quoties Eucharistia celebratur: nam ut sunt diuersa indiuidua Sacramenti, ita quoque diuersa Testamenta, si modo realia Testamenta sint. At Testamentum ipsum est vnicum, idq; non nisi semel factum est: nisi velimus dicere Christum quotidie condere Testamentum suum. Id si faceret, tum esset nouum quotidie: at nò indiget reali renouatione aut repetitione, quia illud vnū Testamentum semel conditum, sufficit omnibus hæreditibus. Si enim hominis Testamentum semel factum nò opus habet repetitione, tum nec Christi: at hominis Testamenta non repetuntur: ergo nec Christi Testamentum indiget repetitione. Tantum haberi in memoria debet, conseruari, adhi-

beri, inspicere, non repeti realiter. 2. Ad applicationem hæreditatis nò opus est repetitione Testamenti: vnum Testamentum semel factum sufficit in æternum. An opus est Testamentum repeti aut describi, quoties singuli volunt hæreditatē sibi datam cernere? nequaquam: igitur certum est in Eucharistia nò ipsum esse Testamentum, sed signum Testamenti. Nam si Testamentum sit voluntas Dei de hæreditate, id est, de remissione peccatorum, reconciliatione cum Deo, & vitâ æternâ, patet ne ipsum quidem Christi sanguinem esse Testamentum, sed id quo sancitur Testamentum. Vocatur ergo Christi sanguis Testamentum, quia eo fuit confirmatum factus.

*Secundum* Calvini & Martyris argumentum hoc est, quia tum necesse esset Christum sæpe mori: nā Testamentum sine morte testatoris non valet. Bellarminus air, mortem Christi non fuisse Testamentum, sed confirmationem Testamenti: sufficere tamen vnā eius mortem ad confirmandum testamentum ipsius, etiam si infinites repetatur.

*Respondeo*: 1. Si in Eucharistia sit Testamentum propriè, debet esse ibi mors propriè. Ut ibi est mors Christi, ita ibi Testamentum est: ut vna realis mors Christi fuit, sic nò nisi vnum reale Testamentum. 2. Si mors Christi non sit Testamentum, multò minùs sanguis Christi, qui est signum tantum mortis: at vult sanguinem dici Testamentum, propriè, cum fateatur mortem nò

N n n esse



esse testamentum: ergo tropus est. Nam sanguis sumitur pro morte; & mors non est Testamentum: ergo sanguis non nisi figuratè Testamentum dici potest: sic est tropus in voce Testamentum.

3. *Tertium* Martyris & Calvinii argumentum sumitur à collatione Matthæi cum Luca. Matthæus ait, *Hic est sanguis meus novi Testamenti*; ubi non vocatur sanguis novum Testamentum, sed novi Testamenti: at Lucas ait, *Hoc poculum est novum Testamentum in sanguine meo*. Necessè est alterum horum figuratè loqui.

Bellarminus ait in verbis Matthæi accipi vocem Testamenti primo modo, id est, pro diuina promissione: in Luca verò pro instrumento eius promissionis: & sic utrumque propriè dictum esse. *Respondeo*: Christus non dixit utrumque, sed alterutrum. Euangelistæ non iisdem verbis utuntur: alter vocat sanguinem Testamenti; alter Testamentum in sanguine: utrumque figuratum. Nam quocunque modo Testamentum sumatur, sanguis Testamenti non propriè dicitur; Testamentum enim non habet sanguinem: & sanguis non potest dici novum Testamentum, quia Testamentum est fædus & promissio, ut fatetur Bellarminus: ita semper tropus remanet. Cerrè Euangelistæ non fuissent ea diuersitate vsi, si tantum in tropis periculum fuisset, quantum volunt Aduersarij.

4. *Quartum* Martyris & Calvinii argumentum sumitur à verbis Lucæ

& Pauli, quorum vterque ait, *Hic calix est novum Testamentum in meo sanguine*: ergo per calicem non sanguis in calice intelligitur: tū enim hic esset sensus, Hic sanguis est Testamentum novum in sanguine meo: at hoc absurdum, quia tum idem esset in seipso. Bellarminus ait nō esse absurdum, quia sanguis primo loco sumitur pro sanguine latente in poculo sub speciebus vini; at in secundo loco pro sanguine ipso Christi visibiliter effuso in cruce, ut sensus sit, Hic calix, id est, res contenta in hoc calice sub speciebus vini, est novum Testamentum dedicatum & sancitum in sanguine meo. *Respondeo*: Si per calicem verus sanguis latens in poculo intelligatur, tamen non est propriè Testamentum, quia Testamentum propriè est promissio & voluntas diuina, ut fatetur Bellarminus: non hoc sanguis. Et si calix ponatur pro re contenta in calice, quis nō videt manifestum tropum esse? Deinde secum nunc Bellarminus pugnat: nam supra contendit, *τὸ πᾶρ ὑμῶν ἐκχυρόμενον, quod pro vobis effunditur*, referri ad *ποτήριον*, id est, ad poculum: si ergo calix pro sanguine sumatur, tum pro sanguine visibiliter effuso in cruce sumitur: sed nunc aliter. Iansenius ait, non posse calicem hic sumi pro sanguine in calice contento: & necessario fatendum esse, verba hæc non esse in proprio sensu accipienda. Si verò Testamentum fuit dedicatum & cōfirmatum sanguine visibiliter effuso in cruce, ut ait Bellarminus, ideoque sanguis vocatur

Iansen. in  
concord.  
Euangel.  
c. 131.

catur Testamentum; tum sanguis in poculo non est Testamentum, quia non est visibiliter effusus.

5. *Quintum* & postremum Martyris & Calvinii argumentum est, Matthæum & Marcum exponi debere per Lucam & Paulum. Illi dicunt, *Hic est sanguis meus novi Testamenti*; hi verò, *Hic calix est novum Testamentum in sanguine meo*, id est, Sacramentum novi Testamenti. Lucas & Paulus non modo vsi sunt pluribus verbis, quàm Matthæus & Marcus, sed etiam post hos scripserunt: ergo horum interpretes esse debent: illi verò aperte vocant calicem novum Testamentum in sanguine Christi: at calix non potest esse novum Testamentum, propriè idque his argumentis probari potest; *primò*, quia si esset novum Testamentum, tum sine eo nulli seruarentur: nam sine sanguine Testamenti nulla est salus: at multi seruati sunt sine poculo in Eucharistia, cuius illi nullum ex plebe participem esse volunt: *secundò*, quia tum omnes, qui hoc Sacramentum percipiunt, necessariò seruarentur: qui enim cum Deo reconciliati sunt, ij interire non possunt: at qui ipsum Testamentum sumunt, ij reconciliantur: est enim Testamentum ipsa reconciliatio, ut qui partem in Testamento habeant, non possint esse extra gratiam. Iam quomodo Lucam & Paulum interpretetur Bellarminus, videamus. Hic calix, id est, sanguis in hoc calice sub speciebus vini, est novum Testamentum, id est, instrumentum promissionis

diuinæ, ait Bellarminus, in sanguine meo, visibiliter scilicet in cruce effuso.

Hic igitur sensus est, verum Christi sanguinem esse instrumentum confirmandæ promissionis, quod scilicet instrumentum Christus suo sanguine visibiliter in cruce effuso confirmavit. Absurde! nam non instrumentum promissionis, sed ipsa promissio fuit sancita sanguine Christi visibiliter in cruce effuso. Si verò novum Testamentum in Luca & Paulo pro ipsa promissione hæreditatis sumatur, tum tropus manifestus in verbis est, quia sanguis non est ipsa promissio.

9. *Nonum* nostrum argumentum sumitur ab illis verbis, *Hoc facite in meam commemorationem*: ergo hic non est corpus & sanguis Christi, sed symbola utriusque. Bellarminus hæc verba exponit alia verba Pauli, *Mortem Domini annuntiabitis, donec veniat*: mors Christi non est præsens, sed tamen eius corpus & sanguis potest esse præsens. *Respondeo*: mortem Domini posse annuntiari sine eius corporali præsentia: imò corporalis præsentia mortis eius *ἀνάνησιν*, id est, recordationem impediret. Cum igitur his finis sit Sacramenti, ut eius mortem annunciemus & commoremur, non hic præsentem esse Christum putemus: nam sumptio corporis viui, non est commemoratio mortis. Sic igitur argumentum instituo: Si hic finis præcipuus Sacramenti sit, ut mortem Christi annunciemus, tum non ut eius



corpus & sanguinem realiter sumamus (ratio est, quia corpus & sanguis eius non sumuntur realiter, ut eius mortem commemoremus) at verum prius: ergo & postea. Minorem Lucas & Paulus confirmant, qui tradunt Christum instituisse hoc Sacramentum, ut eius mortem annunciemus: in quo non dubium est, quin quorsum hoc Sacramentum celebrari voluerit docuit: non ut corpus eius realiter sumamus, sed ut mortem eius gratis animis recolamus. Sed Bellarminus ait, Christum iis verbis, *Hoc est corpus meum, quod pro vobis datur, & Hic est sanguis, qui pro vobis effundetur in remissionem peccatorum*, aperte significare, finem huius Sacramenti esse peccatorum remissionem.

Respondeo: id non negari: est ille quidem finis ultimus: commemoratur enim mors Domini, ut nos hac commemoratione mortis eius, qua nobis remissionem peccatorum impetravit, de salute nostra certiores fiamus. Et hoc est quod Christus in sexto capite Iohannis toties ait, carnem suam esse comedendam: nos autem Christi carnem edim⁹, quando eius mortem fidei commemoratione celebramus.

Decimum nostrum argumentum sumitur ex verbis Matthæi & Marci, *Non bibam posthac ἐν τῷ τῷ γεννήματι*, ex hoc fructu vitis, vel ut vetus interpret habet, *ex hoc genimine vitis*; Columella vocat progeniem vitis: fructus verò vitis est vinum: ergo in calice

post consecrationem vinum fuit: figuratè igitur sanguis vocatur.

Bellarminus ait, Matthæum & Marcum hoc non narrasse suo loco: nam ex Luca constare, hæc verba prolata fuisse ante consecrationem, & pertinere ad calicem vini, quem Christus Apostolis propinauit post esum Agni Paschalis, ante huius Sacramenti institutionem. Idque probat duabus rationibus, *primò*, quia Lucas narrat Christum bis Apostolis poculum porrexisse, & de priore non dixisse, *Hic est sanguis*, vel, *Testamentum in sanguine*: de illo autem non de altero dixisse, *Non bibam posthac de hoc genimine vitis*: *secundò*, quia Lucas coniungit hæc verba (*Non bibam amodo de hoc genimine vitis*) cum illis, *Non manducabo ex hoc*, nimirum Paschate, *donec impleatur in regno Dei*: ergo illa verba (*Non bibam amodo de hoc genimine vitis*) de vino intelligenda esse, quod cum Agno Paschali biberunt. Respondeo: *primò* de posteriore ratione: etsi Bellarminus contendit, de Agno Paschali intelligi quod Christus ait, *Desiderio desideravi hoc Pascha edere vobiscum, antequam ego patiar*, tamen aliter magnis Theologis videtur, nempe de nouo Paschate, id est, de hoc Sacramento intelligi. Sic Eusebi⁹, ut affirmat Thomas in catena aurea; sic Tertullianus; sic Hieronymus; sic Roffensis; multique alii, ut si multitudine testimoniorum res agatur, non hoc facile euicturus sit Bellarminus. Tamen ego hoc largior, quia mihi sanè multò verius videtur: Christus enim se

desi-

desiderio magno teneri dixit huius ultimi cum Apostolis conuiuii celebrandi, ut significaret se læto animo ad mortem proficisci. 2. Respondeo: Lucam quidem meminisse duplicis poculi, cuius nullus præterea Evangelista meminit; sed an hoc aliud fuit poculum, quam quod in huius Sacramenti institutione adhibuit Christus, dubium est.

Multi putant eum morem fuisse à Iudæis seruatum in his Paschalibus epulis, ut pater-familias in fine omnibus conuiuiis poculum propinaret: Christum nunc sic fecisse: sed alii non nisi vnum fuisse poculum volunt, de quo Lucas bis meminit.

Augustinus ait Lucam præoccupasse, quod Matthæus & Marcus suo loco narrant: & Euthymius idem poculum fuisse ait: & sic Iansenius: nam & Paulus poculi meminit antequam panis. Etsi horum auctoritatem vrgere possem, non tamen eâ utar: nam diuersum fuisse poculum credo ab eo quo Christus in Cæna usus est, *primò* quia Lucas noluit in tam breui narratione eiusdem poculi bis meminisse; *secundò*, quia magna sunt testimonia illius moris Iudæorū de poculo inter conuiuas circumferendo. Et tamen nostrum argumentum nil inde detrimenti capit. Nam *primò* cum Matthæus & Marcus scribant Christum hoc dixisse de eo quod in poculo Apostolis dedit post consecrationem: necesse est ut vinum eis in eo poculo dedisse dicamus, quia *γεννήμα* τῆς ἀμ-

πέλης, id est, *fructus vitis* est vinum. & Christus ait, *ἐμὴ πίω ἀπ' αὐτοῦ ἐν τῷ τῷ γεννήματι*, τῆς ἀμπέλης, *non amodo bibam ex hoc fructu vitis*: etsi ergo Christus post prius illud poculū hæc protulit, tamen Matthæus & Marcus, qui nullam illius poculi mentionem faciunt, hæc verba non prætermiserunt, & statim post vini consecrati propinationem recitauerunt: quod non fecissent, nisi illud esse verum vinum credidissent.

*Secundò*, Christus in illo poculo *εὐχαριστήσας*, id est, *gratias egisse* dicitur: iam quid fiet de argumento Bellarmini ab *εὐχαριστία* & *εὐλογία* sumpto? certè aut vinū in hoc poculo transubstātiatum est, aut nullum est Bellarmini argumentum ex Christi benedictione seu gratiarum actione ductum pro reali presentia: nā & huic poculo Christus benedixit, seu de eo gratias egit: si ergo Christi *εὐλογεῖν* & *εὐχαριστεῖν* mutationē naturarum effecerunt, tum hoc vinum fuit mutatum. Mittat ergo Bellarminus argumentum à Christi benedictione sumptum, quæ non nisi communis benedictio fuit, cuius forma in libris ritualibus Iudæorum habetur, ut cum poculum ab iis in solennibus epulis inter conuiuas distribuere-tur, in hunc modum gratias agerent, *Benedictus es Domine, qui fructū vitis creasti*. Bellarminus antea dixit, Christum nunq̃ egisse gratias, nisi cum miraculum ederet: igitur in illo priore poculo miraculū fuit. Non ergo satis est quod ait, nunc Christum non hoc de vino con-



1470

Guilhelmi VVhitakeri

3.

Clemens  
Alexand.  
pad. l. 1. c. 2.

secrato dixisse. Tertiò Patres etiam pro nobis faciunt, & nostram sententiam confirmant. Clemens Alexandrinus sic scribit, ὅτι οἶνος τοῦ εὐλογηθέντος, ἀπέδειξε λέγων, ὅτι μὴ πῶς ὁ πῶς ἀπὸ τοῦ τέτος ὁ ἡννήματ ὁ τῆς ἀμώλης, Quod vinum fuit, cui benedixit Christus, demonstravit dicens, non a modo bibi ex hoc fructu vitis, &c. & antea ait fuisse ἀμῶς τῆς ἀμώλης, sanguinem vitis, de quo Christus dixit, Bibite ex hoc omnes, Hoc est sanguis meus. Ergo nos ex hoc loco verè concludimus esse tropum in verbis Cænæ, quia Apostoli biberunt vinum, & Christus appellat sanguinem. Alii Patres possent afferri, sed dabitur occasio illos postea proferendi.

Sed Bellarminus ait, Si Christus post consecrationem hoc dixit, nō tamen debere verba hæc referri ad calicem consecratum, sed antea potatum: non enim voluisse Christum dicere, se non amplius celebraturum Eucharistiam, sed se non bibiturum more humano ad reficiendas vires.

Respondeo: Dicant illi cum Matthæo & Marco hæc Christum dixisse de vino, quod in calice consecrato fuit & necesse est, ut illud fuisse verum vinum fateatur, quia τὸ πρῶτον τὸ ἡννήματ τῆς ἀμώλης, hic fructus vitis verum vinum necessario demonstrat.

Vndecimū & postremum nostrum argumentum ab illis verbis sumitur, quod pro vobis datur, & quod pro vobis frangitur, & qui pro vobis effunditur. Hæc tropicè necessario intelligenda sunt: nec enim Christi

corpus in Cænā dabatur aut frangebatur, nec sanguis eius rum effundebatur, sed postea in cruce. Huic argumento Bellarminus hic nihil respondet, sed antea aliquid dixit, posse scilicet hæc omnia dici de corpore & sanguine Christi, ut est in Eucharistia, non autem ut fuit postea in cruce, ut sensus sit, Hoc est corpus meum, quod pro vobis datur, i. e. quod offertur & donatur Deo Patri in sacrificium; & ut verborum de calice hic sit sensus, Hic est sanguis meus, qui pro vobis effunditur, i. e. qui libatur & offertur Deo in sacrificium pro salute vestra.

Respondeo: hanc expositionem & falsam esse & blasphemam. Christi enim corpus in Eucharistia non offerebatur in sacrificium, quia tū bis offerebatur, in Cænā scilicet & in cruce. Vtrā igitur oblatione redemit nos Christus? num illā, quam in Cænā obtulit? at tum non est mortuus: num non in Cænā? at ait, Hoc est corpus, quod pro vobis datur, si pro nobis dedit, nonne ut nos redimeret? sed Scriptura habet etiam quod pro vobis frangitur, quod in cruce tantum factum est. Sed Bellarminus exponit frangere per dare, ut apud Isaiam, Frange esurienti panem tuum; & tamen hic frangere non significat dare, sed aliquid præcedens.

Et situm in Cænā scilicet offerebatur Christus in sacrificium Deo Patri, aut non fuit acceptum hoc sacrificium Deo, aut valuit ad salutem nostram: at neutrum dici potest: non igitur constare potest ista expositio. Præterea pugnat hæc expositio

Bellarmin.  
ubi supra.

Isa. 58. 7.

1. Cor. 11.  
24.  
Matth. 26.  
28.  
Luc. 22.  
20.  
Marc. 14.  
24.  
August.  
in Psal. 98.

expositio cum verbis in versione vulgata, in qua legitur, Hoc est corpus meum, quod pro vobis tradetur, & Hic est sanguis meus novi Testamenti, qui pro multis effundetur, & Hic est calix novum Testamentum in sanguine meo; qui pro vobis fundetur, in futuro scilicet. Et sic Augustinus, non estis bibitori sanguinem, quem fundent, qui me crucifigent: quem fundent, inquit, non quem ego nunc fundo. Sed ait Bellarminus, hanc expositionem, si recipiatur, planè euertere sententiam hæreticorum de corpore Domini tropicè intelligendo. Sed ista expositio recipi non potest, nisi ab hæreticis, imò apostatis, & atheis, quæ Christum sese in sacrificium Deo obtulisse statuit, antequam in cruce passus est: nam si in Cænā se Patri obtulit, non opus fuit, ut postero die moreretur: sic hac expositione tollitur sacrificiū crucis, salutis fundamentum. Ergo quod Christus in Cænā dedit, non sacrificium fuit, sed signum & Sacramentum sacrificii. Ex quo sequetur, aut tropum esse in voce Corpus, ut sensus sit, Hoc est corpus meum, id est, Hoc est Sacramentum corporis mei, aut in verbo (Est) ut sensus sit, Hoc est signum corporis mei, vel, Hoc significat corpus meum: nostra non refert, in utro vocabulo tropus ponatur. Sed non in utroque ponendus est tropus:

non enim hic sensus est, Hoc significat signum corporis mei.

\* \*

# CAPVT VIII.

Argumenta nostra ex Scripturis contra realem præsentiam corporis & sanguinis Christi in Eucharistia.

QVICOQV ID hætenus profigurata verborum Cænæ expositione disputatum est, id pertinet ad hæc quæstionem, quā nunc tractare aggredimur, in qua illorum opinio est refellenda, qui corporale Christi in Eucharistia præsentiam defendunt. Si enim Christus locutus est figuratè, quando dixit, Hoc est corpus meum, & Hic est sanguis meus, tum certum est errare eos, qui hinc Christum in Cænā corporaliter adesse & comedi contendunt. Christus autem loquutus est figuratè, quemadmodum vndecim argumentis demonstratum est: errant igitur qui corporalem præsentiam defendunt. Sed nunc aliis argumentis utendum est in hac causa, quæ huius quæstionis propria sunt. Et multa quidem è Scripturis afferuntur à nostris Theologis, quorum nonnulla Bellarminus attingit, sed non diluit. De ijs primum differemus.

Primum nostrum argumentum sumitur ex verbis quæ habentur Psal. 113. vel, ex Hebræorum computatione, 115. Deus autem noster in celo, & ex Isai. 66. Calum sedes mea: & hoc esse Petri Martyris argumentum ait Bellarminus, Quia Christus

I.  
Psal. 113. 3.

Isa. 66. 1.  
Pet. Mart.  
in lib. cont.

Luc. 22.  
19.  
1. Cor. 11.  
24.  
Luc. 22.  
20.



Gardiner.  
part 1. in 8.  
obit.

Christus, ut homo, est in eadem sede cum Patre, & Pater non in templis, sed in cælo habitat, ideo non est in templis aut in pixide quærendus Christus, nisi velimus sedem Dei & cælum in pixide contineri. Respondet Bellarminus, etsi sedes Dei est in cælo, tamen Deum extra cælos inueniri, cum sit vbique; & falsum esse, Deum non esse querendum nisi in cælo, cum Paulus dicat Act. 17. vbique posse quæri & inueniri Deum. Sic & Christum hominem, licet in cælo sedeat, tamen esse extra cælum, vbicunque voluerit. *Respondeo* 1. A natura Dei, quæ omnipotens est, & ubique præfens, non valet argumentum ad naturam, quæ finita & creata est. Non loquimur de persona Christi, qui Deus est, & est vbique ut Deus, sed de Christi humanitate, quæ non potest simul esse in cælo, & in templo. *Secundo*, Bellarminus non rectè proposuit Martyris argumentum: nam sic Martyr disputat: Si Christus quatenus homo in cælis sedeat ad dexteram Dei Patris, tum non habitat in templis manufactis, nec est quærendus in hostia aut in pixide: at verum prius: ergo & posterius. Consequentia maioris probatur, quia Scriptura distinguit cælum à terris, & Deum in cælo habitare ait, non in templis: ergo Christi humanitas ad illam sublimem sedem euecta, non est in hostia aut pixide quærenda. Et si est Deus vbique, tamen Prophetæ docent sedem Dei in cælo esse: & credimus Christi corpus in illa sede collocatum esse: non ergo Christus

in his terris nunc habitat: si enim habitaret, tunc sedes Dei & gloria esset in terris: at Scriptura ait esse in cælis: ibi ergo est Christus quoad humanitatem. Quare Gardinerus aliter coactus est respondere, quam hic Bellarminus, nempe Christum non habitare in pixide, sed adesse in Sacramento, non secundum sedem habitationis, quæ in cælo est, sed secundum dispensationem. Sed inepte: nam, 1. tempus dispensationis, quæ detrahit & tollit aliquid de maiestate & gloria Christi, iam præterit: Christi corpus non potest non sedere nunc ad dexteram Patris, id est, non potest non esse gloriosum: nulla dispensatio nunc est admittenda, quæ cum hac gloria pugnet. Christus nunc non habet corpus, nisi gloriosum: ergo ubi Christus, ibi gloria. 2. Nos de reali præsentia agimus, quam quocunque modo intellexeris, siue secundum sedem habitationis, siue secundum dispensationem, necesse est talem esse, quæ fidei articulis conueniat: non autem conuenit, ut Christi corpus sit in terris, aut spatio tam exiguo inclusum: vbicunque aut quomodocunque sit, oportet esse verum corpus hominis, & propterea non contineri alicubi inuisibiliter: hoc enim pugnat cum naturâ veri corporis. Sed præterea Petrus Martyr deducit hoc argumentum ad absurdum in hunc modum: Christi corpus est in cælo: & Christi corpus est in Sacramento Eucharistiæ: ergo Sacramento Eucharistiæ est in cælo. Gardinerus respondet, esse in hoc

Pet. Mart.  
ubi supra.  
o. i. c. 48.

hoc syllogismo quatuor terminos: Petrus Martyr negat, & ait non nisi tres esse nempe corpus Christi, existens in cælo, existens in Sacramento. Sed Bellarminus verum esse ait, quod Gardinerus respondet, de quatuor terminis: nam aliud est, inquit, Sacramentum, aliud, quod est in Sacramento: conclusionem igitur, ergo Sacramentum Eucharistiæ est in cælo, non rectè inferri, sed hanc debere esse conclusionem, ergo aliquid existens in Sacramento est in cælo, & id esse verum. Sed Martyr syllogismum expositoriū esse ait, Hoc corpus est in cælo: Hoc corpus est in Eucharistia: ergo Eucharistia est in cælo. Et necessariò sequitur hoc argumentum: simile enim est huic: Christus fuit natus ex Maria: Christus fuit natus Bethleem: ergo fuit Maria Bethleem. Quis hoc bonum argumentum esse negauerit? Si Christus & nasci Bethleem debuit, & ex Maria; tum necesse est Mariam fuisse Bethleem: Sic si corpus Christi in cælo sit, idemque simul in Eucharistia, quia vnum corpus non potest esse in locis tam remotis quam cælum est à terris, oportet aut cælum esse in Eucharistia, aut Eucharistiam esse in cælo, idque propter veri corporis naturam. Nam certè non sic se habet in natura diuina: non enim sequitur, Deus est in cælo: Deus est in terra: ergo terra est in cælo: nam hæc natura est vbique: sed corpus non nisi in vno loco est.

Idque sic Martyr docet: Si corpus Christi in cælo sit eodem tem-

pore sine Sacramento, erit & cum Sacramento, & sine Sacramento: at hæc est contradictio. Bellarminus negat, quia vtrumque est affirmatiuum; esse cum Sacramento, & esse sine Sacramento. Sed esse in Sacramento, & non esse in Sacramento, est contradictio: at Christi corpus est in Sacramento, & non est, si Eucharistia non sit in cælo. Nam si quis corpus illud Christi in cælo demonstret, & dicat, Hoc corpus non est in Eucharistia, is verum dicet: nam alias corpus gloriosum erit in Eucharistia, quod non concedunt; aut vnum idemque corpus simul erit gloriosum, & non gloriosum; quod implicat contradictionem: nam hoc corpus significat corpus cum suis indiuiduis proprietatibus: quicquid ergo in hoc corpore inest, id debet in Eucharistia esse, si ibi idem corpus sit: ergo Eucharistia debet ad dexteram Dei sedere, & esse plena maiestatis: quæ & alio syllogismo demonstrat Petrus Martyr in hunc modum: Omne corpus Christi, vel, quicquid est corpus Christi, est in cælo: at Eucharistia est corpus Christi: ergo Eucharistia est in cælo: non nunc de corpore mystico loquor, id est, de Ecclesia militante, quam Bellarminus non esse in cælo ait, sed de proprio & naturali Christi corpore. Siue dicas, omne corpus Christi, siue corpus Christi, erit propositio vniuersalis, & sic syllogismus erit in prima figura: nam omnis Petrus, & Petrus, idem est, si de vno homine loquamur, ut concedit Bellarminus: si corpus Christi,

O o o &

& omne corpus Christi, est idem. Sic igitur disputo: Corpus Christi est in cælo: Eucharistia est corpus Christi: ergo Eucharistia est in cælo.

Iam Bellarminus assumptionem negat: esse enim corpus Christi in Sacramento ait, sed Sacramentum nō esse corp<sup>9</sup> Christi. Sed hoc absurdè & miserè ab illo dicit. Quid ergo est Eucharistia? num species aut accidentia? at Christus dixit, *Hoc est corpus meum*. Deinde obicimus illud Augustini, non dubitavit Christus dicere, *Hoc est corpus meum*, cum daret signum corporis sui: ipsi verò dicunt, idem esse signum & rem: Eucharistia est signum: ergo & res. Sed Eucharistia non est externum Sacramentum, sed multo magis ipse Christus: verè igitur Eucharistia dici potest Christi corpus ipsum: quare si sit Christi corpus propter realem præsentiam, tum Eucharistia est in cælo, quia Christi corpus ibi est. Sed esto: nō dicamus Eucharistiam esse corpus Christi, sed contentum sub illis speciebus. Sic igitur disputo: Corpus Christi est in cælo: contentum sub specie panis est corpus Christi: ergo contentum sub specie panis est in cælo. Nullam hic propositionem negare possunt: nō maiorem, Christi corpus esse in cælis; nec minorem, contentum sub speciebus panis esse corpus Christi: omnia ergo concedant necesse est: ergo illud singulare corpus, quod sub specie panis latet, est in cælo. Si sic, tum panis est in cælo: nam illud singulare nō continetur sub specie

panis, si sit extra eam speciem: at est extra, nisi panis sit in cælo, ubi est contentum sub specie panis. Deus quidem, quia est in cælo & in terra simul, non dicitur contineri aut ibi, aut hic, quia tum non esset in alterutro: quare si Christi corpus in cælo continetur, non est in Eucharistia; si in Eucharistia, non est in cælo: at dicunt Christi corpus contineri in specie panis, & sanguinem in poculo: ergo nusquam hæc sunt nisi hic: quare contentum sub specie panis non est in cælo.

Secundum nostrum argumentum sumitur ex verbis Christi Matth. 15. *Omne quod in os ingreditur, in ventrem cedit, & in secessum eijcitur*: at Christi corpus nō emittitur in secessum, sed solus panis: ergo non intrat corpus Christi in os, sed solus panis. Bellarminus respondet primo, cum Algero, oportuisse ad huiusmodi argumenta aures ob-  
 1. *Alger. l. 1. cont. Berengar.*

Respondet: Si quid in argumento sit, quod pias aures merito offendat, illorum esse culpam, ex quorum sententiā necessariò consequitur, ut homines in tales cogitationes & sermones prorumpant.

Cum enim Christus Apostolos defendens, quod non lauerint se priusquam ederent, iis verbis usus sit, *Nondum intelligitis, quicquid ingreditur in os, in ventrem cedere, & in latrinam eijci*: ex eo statim infertur, Christi corpus non in os & stomachum intrare, quia nefas est tale aliquid, quale illud est, quod sequitur, de Christi gloriosissimo corpore som-  
 niare:

niare: nō igitur ore nostro editur: nam de omni quod editur Christus hoc pronunciauit, *πᾶν τὸ εἰσπορευόμενον εἰς τὸ στόμα, ὅλον ἐκέρχεται ἐκ τοῦ σώματος, ὡς τὸ ὕδωρ ἐκ τοῦ ποτηρίου*, *Omne quod intrat in os, vel, quicquid ingreditur in os, & apud Marcum, πᾶν τὸ ἐσθίων ἐσπορευόμενον εἰς τὸν ἀνθρώπον, quicquid extrinsecus ingreditur in hominem, non pollueret hominem, & ratio sequitur, quia nō in cor, sed in ventrem ingreditur*: Christi ergo corpus, etsi ore nostro ederetur, non posset in cor ingredi. Nos ergo verissimè & sanctissimè concludimus, Christi corpus non ingredi in os, nec cedere in ventrem: fundamentum nostræ rationis ex Scripturis est: minor ab Aduersariis negari non potest. Et quemadmodum quod in os ingreditur, non polluit aut coinquinat hominem, sic nec sanctificat. 2. Bellarminus ait, esse inter Catholicos quæstionē, de speciebus in stomacho corruptis, sed de ea non nunc disputari.

Respondet: at oportuisse eum nunc de illis respondere. Nam certum est, nulla fieri ex solis accidentibus excrementa, nec posse in latrinam emitti, quia nulla est in eis crassa materia: Sed in Sacramento aliquid est, quod expellitur: ergo est ibi verus panis, verumque vinum, nisi aliam materiam aliquā ostenderint. Sic igitur disputo: Si sola accidentia non possunt stomacho molesta esse, & ideo expulsionem nullam requirunt, tum est aliqua corporalis materia: at verum pri<sup>9</sup>: ergo & posterius. Non autem de corpore aut sanguine Christi hoc imaginandum est: ergo de substan-

tia panis & vini. 3. Respondet Bellarminus, corpus Christi intrare in os, sed corruptis in stomacho speciebus desinere ibi esse sine vlla sui læsione.

Respondet: Sed quid tum in secessum abit: certum est, accidentia sine subiectis non posse corrumpi, nec posse à manu in os, ab ore in stomachum, à stomacho in secessum transire, quia in accidens nil potest agere si sit abstractum: sola accidentia nil pati possunt: quia quod patitur, debet esse substantiale. 4. Bellarminus ait, Dominum loqui de cibis qui sumuntur ad alendum corpus: sed corpus Christi ad animam alendam, non ad corpus sustentandum sumi. Respondet: Christus in genere de omni cibo loquitur, quod in os immittitur, & non refert quorsum cib<sup>9</sup> sumatur: nam qui sumunt ad sanitatē non ad alimentum, quia tamē in os immittuntur, & in ventrem ingrediuntur, necesse est ut in secessum transeant: non igitur hoc verum est dumtaxat in cibis corporalibus, sed omnino in omnibus, quæ in stomachum deiciuntur, quæ non possunt ibi perpetuo hære, sed querunt exitum. Et quanquam non accedunt ad Eucharistiam Christiani, ut alant corpora, neque in hunc finem sumitur Eucharistia, ut corpus nutriatur; tamen certissimum est corpus ali Sacramento: aliàs non esset analogia & similitudo inter Sacramentum & rem Sacramenti: quare Sacramento corpus, re animam nuttiri oportet. Et omnes intelligunt hominem posse viuere solo  
 Ooo 2 pane



pane consecrato, & solo vino consecrato, si tantum sumat, quantum sufficiat ad sustentandam vitam: quod non fieri posset, si nil in Sacramento nutrimenti esset. Si quis solo pane consecrato & vino utatur, non panem meliorem, aut vinum melius desiderabit, si modò sumat, quantum satis est. Et potest sacerdos, si velit non unum panem tantum, sed & totum pistrinum, nec unum poculum, aut unum haustum tantum, sed & totam cellam vinariam consecrare.

Guilmund  
l. 2. cont.  
Berengar.

Guilmundus, qui scripsit contra Berengarium, ait quosdam sanctos Patres, nullum aliud edulium sumplisse, sed sola communione Dominica saginatos vixisse multos annos: accidentia verò nunquam saginabunt. Quare esse aliquid in Sacramento, quod nutriet, manifestum est: ergo quod in secessum abeat: non ergo materia Sacramenti est corpus Christi. j. Bellarminus ait, Dominum post resurrectionem comedis, non ad nutriendum corpus, sed ad testandam resurrectionem, & corporis sui veritatem: & nihil emissum fuisse in secessum.

Gardiner.  
ad obiect.  
88.

Sic Gardinerus conatur multis exemplis Christi sermonem arguere falsitatis: ait enim multos comedere, & non posse expellere, & inde mori; aliquos cum cupiant cibum in stomachum dimittere, eum læthaliter dimittere in pulmones, quosdam gargarismo reicere quod hauriunt; quosdam orantium diluere, tum expuere; Demosthenem verò lapillos in ore

tenuisse, ut pronunciationem suam emendaret. Sed quorsum ista? Christus loquitur de cibis, qui transmittuntur *εἰς κοιλίαν*, in ventrem: si expuantur, aut in pulmones dimittantur, non *εἰς κοιλίαν*, i. in ventrem abeunt. Demosthenis lapilli, quos in os iniecit, si in stomachum dimissi fuissent, non multum eius aut pronunciationem, aut valetudinem iuvissent. At Sacramentum verè in stomachum dimittitur, ex eoq; aliquid excernitur (ut Christus de omnibus cibis ait) quod in latrinam eiicitur: blasphemum autem est Christi corpus eiici: ergo panis est, qui in stomachum dimittitur, & in latrinam eiicitur. Præterea Christus non loquitur de corporibus immortalibus aut angelis, qui interdum edisse leguntur; nam hoc fuit miraculosum: sed loquitur Christus de corporib. mortalibus, qualia nostra sunt, qui ad Eucharistiam accedimus. Si accidentia sine substantia nutriant nostra corpora & eiiciantur, id non sine miraculo fit: at tam multa miracula fingere, est ineptissimum. Non est ergo exemplum aptum de Christo post resurrectionem comedente: nam miraculosè cibus ille non nutrebat.

Damascenus hac de re sic scribit, *ἐγένετο βρώσεως μετὰ τὴν ἀνάστασιν, ἀλλ' ἂν νόμῳ φύσεως, ὁικονομίας δὲ τῶ πῶ; τὸ ἀληθὲς πρὸς ἑμὲ τῆς ἀναστάσεως*. *Gustavit cibum post resurrectionem, non tamen naturali lege, sed dispensationis modo, veritatis resurrectionis suæ fidem faciens.* At Sacramentum nutrit, ut nos antea docuimus.

Damascen.  
in Græc.  
cod. c. os. id  
est 77. in  
Latin. l. 4.  
c. 1.

cimus. Tum quorsum Christus in stomachum dimittitur, ut ibi maneat quamdiu accidentia non sint corrupta; tum evanescat, editur enim ut nutriet: & tum aut corpora aut animas nutrit: non corpora, quia non est cibus corporalis, & nostra corpora non possunt verè nutriri corpore Christi, quia tunc Christus in nos mutaretur; quod est blasphemum, & tum nostra corpora essent meliora corpore Christi, quia quod nutritur, semper eo melius est, quod nutrit. Si animas nutriet, tum non ore edere oporteret; nam quod ore editur, tantum in stomachum dimitti Christus ait: non potest anima, quæ est spiritus, cibo corporali nutriri. Christi verò corpus frustra comedi, impium est: frustra autem comeditur, si nec corpus, nec anima eo nutriatur: neutrum autem propriè nutritur: nam spiritualiter anima nutritur, etsi non edatur ore corpus Christi. Nec hoc Berengatii argumentum est, aut nostrum, sed Origenis, qui ait, *cibum sanctificatum, iuxta id quod habet materiale, in ventrem abire, & eiici in secessum*: ubi etiam Sacramentum vocat *typicum & symbolicum corpus Christi*: ergo corpus Christi non est materia Sacramenti.

Origen.  
in cap. 15.  
Matth.

3.

Duobus argumentis realem præsentiam sustulimus; quorum primum sumptum est ab illa sede, in qua Christi corpus nunc collocatum esse Scripturæ affirmant; alterum à Christi ipsius pronunciatione dicentis, quicquid in os ingreditur, ab ore in stomachum, à sto-

macho transmitti *εἰς ἀφεσπῶνα*, in secessum, vel, in latrinam.

Tertium nostrum argumentum nititur illo Christi interdicto, *Tunc Math. 24. si quis vobis dixerit, Ecce hic Christus, aut hic, ne credite*: non igitur credendum est Papistis, Christum adesse realiter præsentem mentientibus in his atq; illis altaribus, templis, sacrariis. Sic enim illi in locis infinitis Sacramentarium suum Christum ostendant: ab iis igitur cauendum est.

Bellarminus 1. ait, Christum monuisse, ut nobis caueremus ab impostoribus, qui se Christi nomine venditabunt. *Respondeo*: nullum unquam fuisse in mundo tantum impostorem, quantus est Papistarum cibarius Christus. Nam reliqui paucos fefellerunt, nec diu præstigiis suis usi sunt, sed intellecti sunt breui, certo euentu esse præstigiatores: sed hic transubstantiatus Christus, cum non nisi merum idolum sit, tamen trecentos iam annos & amplius pro vero Christo habitus est à maxima multitudine Christianorum, & pontificum ac præsulum omnia auctoritate defensus. Tanto magis cauendum, ne hac fallacia capiamur, quanto ea plus inualuit, & maiores habet ad fallendum oportunitates. Si ergo Christus iussit cauere impostores, qui Christi nomine abusi sunt, hunc in pixide latentem Christum non nisi supposititium Christum esse manifestum est. Sed Bellarminus 2. hos impostores describi ait à Christo duab. conditionibus, quæ omnino repu-

Q o o 3 gnant

Vers. 26.

gnant Eucharistia. Prima conditio est, eos esse venturos clanculum, non aperte & manifeste, ut patet, inquit, ex illis verbis, *Ecce in deserto est, ecce in conclauibus*; Christi aduentus fuit omnibus manifestus: at illi occulte venient: iam verò Eucharistia non in deserto, aut penetralibus, sed in medijs vrbib<sup>9</sup>, in frequentissimis templis, in editis & conspicuis altaribus consecratur & asseruatur. *Respondeo*: 1. Christus non modò de desertis loquitur, & penetralibus, sed simpliciter omnem Christi post suam ascensionem in terris monstrationem cauendam esse monet, *Si quis dixerit, ecce hic Christus, aut hic, ne credite*: at Papistæ hic esse Christum & illic aiunt, ut quocunque ferè te contuleris, aliquem illorum Christum inuenias: Christus autem, ut omnem eius in terris præsentiam corporalem post ascensionem eius caueamus, nec illum in terris quæramus, nec eius corpus vspiam esse in terris cogitemus; monet non esse credendum iis, qui eum hic aut ibi esse dixerint. Rectè enim Gardinerus ait, Christum hæc de secundo aduentu suo intellexisse. Christus enim ascendens reliquit mundum: igitur ad finem mundi nemo Christum in terris inueniet: non nisi impostores ergo sunt, qui hic in terris Christum demonstrant, & se habere Christum præsentem affirmant. Sic igitur disputo: Si non est credendum iis, qui dicunt, Ecce hic Christus, ecce illic, tum nos Papistæ fallunt, qui & hic & illic esse dicunt: at Christus di-

Gardiner. obiect. 9.

sertè monet, ne talibus credamus: nos igitur Christo non Papistis credamus. Voluit enim Christus nos præmunire, ne fictum Christum pro vero recipiamus: ergo omnes Christi in terris monstratores cauendos esse monet: at si Christi corpus esset in terris, sanè non prohiberet monstrari. 2. *Respondeo*: Papistarum etiam Christum esse *ἐν τοῖς ταμείοις*, id est, in penetralibus, vel, in conclauibus, atque sic præclare conditioni huic conuenire. Nā Papistæ Christum in suis templis diligenter asseruant in \* cibotio a-  
\* ciborium  
alij vocant:  
vide He.  
rat carm.  
l. 2. ode 8.  
 liquo, ut vocatur, vel pixide, ut eum proferant, quoties opus fuerit, & monstrent spectare & adorare volentibus: ergo Christus quasi dedita operâ hanc Papisticâ idololatriam designauit *ἐν ταμείοις*: est enim *ταμείον* locus, in quo vinum, aut panis, aut frumentum, aut preciosior supellex seruatur, ut cella, aut promptuarium. Papistæ habent sua *ταμεία*, in quibus Christum suum reponunt, & inde depromunt. Nullus vnquam alius pseudo-Christus fuit *ἐν ταμείοις*: multi in desertis: sed Papistæ domi *ἐν ταμείοις* suum pseudo-Christum seruant.

Iam secunda conditio impostorum, quos Christus hoc loco describit, est, ut obseruauit Bellarminus, eos venturos esse visibiliter, & more humano loquentes cum hominibus, eos verbis & fallis prodigijs decepturos: sed Christus, inquit, in Eucharistia non adest visibiliter, nec more humano, sed ita ibi est, ac si non esset, quod atti-

net

ner ad iudicium exteriorum sensuum.

*Respondeo*: Hinc non esse verum Christum pro certo constat: nam si verus Christus esset, ibi esset ut Christus, & se videndum omnibus præberet, quemadmodum quando in terris fuit: Christus enim non fallit aut ludit oculos nostros. Quia ergo non videmus Christum in Eucharistia, sed ibi est, ac si ibi non esset; eum ibi non esse eo modo quo Papistæ volunt, certissime nobis persuadeamus, id est, realiter & corporaliter: nam ut Augustinus ait, si Christus nunc in terris adesset, eum videremus. Sed Christus non modò à visibilibus, sed etiam ab inuisibilibus Christis cauendum esse monet, & non modò ab ipsis, qui se pro Christis venditant, sed etiam ab iis, qui Christum nobis vspiam in terris monstrare volūt: *Si quis vobis dixerit*, inquit, &, *Si dixerint vobis*. Et quāquam non loquitur Christus in Eucharistia, & sic illorum Christus est & inuisibilis & mutus, tamē illorum sacerdotes eum nobis commendant, & prædicant, & docent, & persuadere volūt, ut colamus. Sed caueamus, quia præmoniti sumus. Igitur ex hoc loco concludimus, nulli prorsus credendum esse, qui locum in terris monstrat, vbi Christus sit. Nec refert quod Papistæ hoc de Christi visibili præsentia intelligi volunt, cum non minor fallacia, nec minus periculi sit in Christo aliquo inuisibili: perinde n. est, visibilis ne an inuisibilis sit, si fictus fuerit. Christus voluit mo-

Vers. 23.  
Vers. 26.

nere, ut à fictis Christis caueamus; Aduersarii dicunt, visibiliter venientibus; nos, omnino, seu hoc seu illo modo venientibus. Non enim minus grande peccatum est, si quis panem pro Christo adoret; quod Papistæ faciunt; quàm si quis Ben Cocab, aut Theudam, aut Iudam pro CHRISTO adoret; quod Iudæi fecisse dicuntur. Nos Christum nostrum Deum & Seruatorem in cælis esse credimus, in nullis verò nunc terrenis sedibus: nullo igitur modo Papistis credamus, qui tam multos ubiq; Christos, eosque inuisibiles ostentant.

Si enim corpus visibile possent monstrare, non tamen illis credere oporteret: nunc quādo nullum omnino corpus Christi monstrāt, sed solum panem, multo minùs illis credendum est. Tum hæc idololatria crassior est, ut quis panem pro Christo, quàm ut hominem pro Christo adoret: rectè igitur Martyr, esse idem periculum in occulto, & in apertopseudoChristo. Sed quia Bellarminus præsentiam Christi in Sacramento inuisibilem defendit, alio argumento Christum omnino non hic esse quoad præsentiam corporalem probabimus. 4. igitur argumentum nostrum sumitur ab illis verbis Christi, *Pauperes semper habebitis vobiscum, me autem non semper habebitis*. Matt. 26. 11.  
 Mulier Christi caput pretioso & suauissimo vnguento perfuderat: discipuli authore Iuda indignati sunt, quod tantum vnguenti frustra profusum esset, dicentes vendi potuisse, & dari pauperibus: Christus

4.



stus his verbis fœminæ factum excusat & defendit; hoc illam piè fecisse, vt illum sepeliret: potuisse illos pauperibus alio modo consulere, quos secum semper haberent, sed ipsum non semper: ergo nunc Christus non est corpore in terris. Bellarminus hic multa cōfusse respondet: nos singula sigillatim examinabimus. Sicigitur ex hoc loco disputamus; Si Christus dixit, *Me non semper habebitis*, tum nunc à nobis corpore abest, & sic illi errant, qui corporalem eius in Sacramento præsentiam statuunt: at verum prius: ergo & posterius.

1. Bellarminus i. respondet, Christum loqui de præsentia visibili, & tali obsequio indigente, quale hæc mulier præstitit, vngens corpus eius, quod erat laboribus defatigatum, vt refocillaret: Christum non sic in Eucharistia adesse. *Respondeo*: i. Christum simpliciter locutum esse, & dixisse, *Me non semper habebitis*: ergo hoc voluit, se non fore semper nobiscum. Aduersarii nos Christum semper habere aiunt: Christus idem negat: vtrum his an illi credamus? Non ait Christus, Non semper me videbitis, sed me non semper *ἔχετε, habetis*: Papistæ etsi non vident Christum, se tamē *ἔχειν*, id est, *habere* Christum affirmant & credunt: neque ait Christus, non semper indigebo tali obsequio, quale mihi exhibuit hæc mulier, sed simpliciter negat se fore præsentem, *Me autem*, inquit, *non semper habebitis*. Hoc est Scripturas omnino pervertere, cum Christus se ait omnino abfuturum, non nisi

de absentia visibili interpretari. 2. Si Christus in Eucharistia non indiget tali obsequio, cur Papistæ Eucharistiam ornant auro, argento, & suffitu, aliisque rebus pretiosis, & putant hæc ad Christum pertinere? 2. ergo responder Bellarminus, duplex esse obsequium, honoris, & utilitatis; & illud Mariæ obsequium fuisse vtrumq;: Christum verò nunc nullo obsequio utilitatis egere, sed tantum obsequii honoris capacem esse. *Respondeo*: Christum se pauperibus opponere: *Pauperes*, inquit, *semper habebitis, me autem non semper*: non ergo tantum negat se posse postea obsequio utilitatis honorari, sed & sumptus. Nam irati discipuli erant, non quod oleum non fuerit pauperibus erogatum, sed quod non venditum fuerit, & precium eius pauperibus distributum: Christus ergo ait, fore pauperes perpetuo, in quos sumptus magnos erogemus, quando voluerimus, sed non ipsum nobiscum perpetuo futurum, vt in eum sumptus impenderem? at nisi persuasi essent Christi corpus esse in Eucharistia, non ei aurum, non thus offerrent, non alios grandes in Eucharistiam sumptus impenderent: ergo sumptum in eum vt in pauperes impendunt: Christus verò non magis nunc auro quam vnguento eget. Sanè aurum & argentum, quo illi Christum in Sacramento honorant, vendi posset, & dari pauperibus: Christus enim ait nullum sumptum posse in eius corpus nunc fieri, qui possit pauperibus conuenire.

Quam

- Quam autem illi multa in illud imaginarium corpus impendunt? & certè si Christus in terris sit, impij simus, nisi & illum honore prosequamur, & ei vnguenta & aurum conferamus: sed Christus ait, postquam in cælos abierit, se nihil eiusmodi postulaturum: quare negat vllas tales impensas posse nunc in corpus suum conferri. 3. Bellarminus ait, illam fœminam Christo visibiliter præsentem obsequiū præstitisse: id nos nunc non posse: nihil enim nunc posse visibiliter in Christum conferri.

- Respondeo*: Christus loquitur *ἀπλῶς, i. simpliciter, Me non semper habebitis*. Hæc Papistica præsentia eius in oculo est, vt eis obsequiis indigeat, quibus nos prosequi pauperes solemus: id autem Christus futurum negat: omnem igitur eius corporalem præsentiam nobis ademit. Nec refert q. non videmus Christum, si modo certum sit, Christum hic adesse: nunquam enim nostra in Christum præsentem officia deesse debent. 4. Bellarminus ait, Si nostrum argumentum valeret, Christum ne in cælo nunc esse.

Quare, quæso? quia Christum, inquit, etiam in cælo existentem possumus auro, argento, suffitu honorare. *Respondeo*: Fateor hunc ornatum, qui in cultu Dei adhibetur, aliquo modo ad Christum pertinere; quia nostrum pium affectum erga Christum indicat. Sed tamen possemus etiā sine eo Christum piè colere: imo hæc ornamenta interdum possunt vendi, vt prosint pauperibus: quod fieri non

posset, si Christus in terris adesset: omnibus enim pauperibus Christus esset anteposendus. Si hæc referuntur ad Christi corpus præsens, non possunt in alium usum conueri, quamdiu adest Christus. 5. Bellarminus ait, non adhiberi suffitum, vt nares Christi oblectemus, nec aurum, vt oblectemus oculos Christi corporales. Cur igitur adhibemus, inquit, ista extrinsecus ad species panis & vini, vt pium nostrum affectum erga ipsam testemur. *Respondeo*: Absurdum est, vt suffitum & aurum ad accidentia referamus, quæ nec aurum spectare, nec suffitum odorari possunt. Hoc planè idololatricum est, istis officiis prosequi non modò res inanimatas, sed & nudas rerum species: necesse igitur est, vt hæc omnia ad Christum referantur: aliàs idololatria insanissima esset, species pro Christo isto honore prosequi.

Quis non videt malè agi cum Bellarmino, qui non aliter nostrum argumentum diluere potest, nisi vt dicat hunc ornatum & sumptum ad species panis & vini pertinere? Sed quis in illas species & spectra vel vnum obolum impenderet, nisi propter Christi corporalem præsentiam, quam illi sibi opinionis suæ errore fingunt? tenetur igitur hic Bellarminus, sic vt se commouere nequeat. Sic enim disputo: Si ista omnia à Papistis fiunt propter Christum corporaliter præsentem, tum hoc aperte pugnat cum Christi verbis, *Me non semper habebitis*, id est, Ego non semper adero, vt in

Ppp me

me præsentem tales sumptus impendatis, quales pauperibus impendi solent: at illa omnia propter Christum præsentem fiunt: ergo hoc cum Christi verbis aperte pugnat. Minorem probo, quia infanissimum esset, hæc propter species fieri: & si ad species referantur, tamen ideo referuntur, quia Christum continent: ita eodem reuoluitur: nam hi sumptus pertinent ad Christi corpus præsens: quod cum Christi verbis stare non potest.

6. Sed Bellarminus, 6. ait, Christum laudantem factum Mariæ docuisse cultum sui corporis anteponendum esse aliquando eleemosynis in pauperes. *Respondeo*: Hoc verum est, si Christus præsens corpore sit: semper enim Christus pauperibus antefendus. Ideo rectè Maria fecit, quod in Christum potius quam in pauperes hoc vnguentum contulit, & malè Apostoli, quod contra murmurabant; sed Christus, quod illa fecit, non posse postea fieri ait. Et hic satis ostendit Bellarminus, hunc cultum non ad species, sed ad Christi corpus referri; ait enim cultum corporis Christi esse. Nos ornamenta in cultu diuino non improbamus, imo cum Theophylacto dicimus, eos Iudæ similes esse, quia eadant pauperibus, cum possint eis aliter prospicere. 7. Bellarminus obiicit locum ex Luca, *Hæc loquutus sum vobis, dum adhuc essem vobiscum*: tamen cum illis tum fuit Christus, sed ait se non esse iam cum illis, quia non versabatur amplius cum

eis more humano, licet verè & visibiliter adesset: quanto magis dicere possumus, inquit, Christum nunc non esse nobiscum iuxta illud; *Me autem non semper habebitis*, cum non modò non versetur nobiscum more humano, sed ne adsit quidem visibiliter? *Respondeo*: Non negat Christus, se cum Apostolis tunc fuisse: imò præsentiam suam multis modis declarauit: e-debat enim & loquebatur cum illis, & corpus suum illis palpandum & tractandum præbebat, & illi videbant eum: sed non sic perpetuo & assidue cum illis versabatur, ut prius ante mortem. Quare cum Petro Martyre concludimus, Si Christus sit in Eucharistia corporaliter, tum contraria sententia erit vera, *Pauperes non semper habebitis, me autem semper*: nam pauperes non nisi in hac vita habemus: Christum & in hac & in futura vita. Sed Bellarminus ait, hanc non esse contrariam sententiam, sed ambas esse veras, si de diuerso modo præsentia intelligantur.

*Respondeo*: Christum non loqui de diuerso modo præsentia, sed se omnem suam præsentiam corporalem nobis ablaturum innuit: alias secum pugnaret. Et si Christus corpore præsens esset, nos eius corpus videremus: cum enim corpus sit, est aspectabile; & coram nobis positum posset videri, nisi aliquid impedimentum sit. Sed quid, quæso, impedimenti est? estne impedimentum in oculis nostris? at cætera omnia videmus, mensam, sacerdotem, species: quid ergo

ergo causæ est, quod Christi corpus non videmus? num in corpore Christi est aliquid impedimenti? at certè nisi φάσμα, aut φάντασμα sit, potest videri: num species non sinunt? at cum nudæ species sint, nec aliquid spissum aut crassum habeant, necesse est, ut aere rariores, & quouis vitro pellucidiores sint, nec aliquid in se habeant, quod possit obtutum oculorum nostrorum impedire. Dicunt illi quidem Christi corpus vestitum esse speciebus panis: sanè ego optarem illis non meliorè vestitum tempore hyemis. Sed de his postea. Nunc

Augustin.  
in 17. 10. in  
Ioan.

argumentum nostrum Augustini testimonio confirmamus, qui illud, *Me non semper habebitis*, de præsentia carnis vult intelligi. Bellarminus ait, Augustinum per præsentiam carnis intelligere visibilem Christi in terris *πρωτίαν*, more humano inter homines conuersantis.

Matth.  
28. 20.  
Matth.  
26. 11.

*Respondeo*: Augustinus per carnem, ipsam naturam humanam, & per præsentiam carnis, corporalem præsentiam intelligit. Nam conatur hos duos locos reconciliare, *Ecce ego vobiscum sum omnibus diebus vsque ad consummationem seculi*, &, *Me autem non semper habebitis*, & ait illud locum de præsentia maiestatis; hunc de præsentia carnis intelligi. Sed Augustini ipsius verba audiamus, qui in interpretatione horum verborum apud Ioannem, *Pauperes semper habetis vobiscum, me autem non semper habebitis*, in hunc modum scribit, *Loquebatur de præsentia corporis sui. Nam secundum maiestatem su-*

Ioan. 12. 8.

am, secundum prouidentiam, secundum ineffabilem & invisibilem gratiam (non *Matth.* ait secundum carnem) impletur quod 28. 20. ab eo dictum est, *Ecce ego vobiscum sum omnibus diebus, vsque ad consummationem seculi. Secundum carnem verò, quam verbum assumpsit; secundum id quod de virgine natus est; secundum id quod à Iudæis comprehensus est; quod ligno confixus; quod de cruce depositus; quod linteis inuolutus; quod in sepulchro conditus; quod in resurrectione manifestatus; non semper habebitis me vobiscum: ubi manifestè de naturâ Christi corporea loquitur. Addit mox: Quare? Quoniam conuersatus est secundum corporis præsentiam quadraginta diebus cum discipulis suis, & eis decentibus videndo non sequendo ascendit in celum, & non est hic. Ibi enim sedet ad dexteram Dei Patris, & hic est: non enim recessit præsentia maiestatis. Est ergo Christus & ibi, id est, in cælo, & hic, id est, in terris: ibi secundum præsentiam carnis, hic (non secundum præsentiam carnis inuisibiliter) sed præsentia maiestatis, id est, diuinitatis. Et statim subiungit Augustinus; *Secundum præsentiam maiestatis semper habemus Christum: secundum præsentiam carnis rectè dictum est discipulis. Me autem non semper habebitis.**

Sed Bellarminus ait, Augustinum non tacuisse præsentiam Christi in Eucharistia: nam Christum ait adesse tribus modis, per maiestatem, per prouidentiam, per ineffabilem & inuisibilem gratiam; & sub hoc ultimo membro ait Bellarminus includi præsentiam CHRISTI in Eucharistia



rística etiam Calvino teste. *Respondeo*: Sane Calvinus Christum in Eucharistia fidei nostrae praesentem esse ait.

Sed Bellarminus hoc refellit, quia Augustinus supra distinguit Eucharistiam ab apprehensione Christi per fidem. *Respondeo*: Augustinus ait, Christum nunc haberi per fidem, per cibum & potum altaris: sed hoc non de carnali praesentia intelligitur; nam tum & in signo crucis & in Sacramento Baptismi carnaliter praesens esset Christus, quia Augustinus & in his Christum haberi ait. Sed haec Augustinus ait, cum CHRISTI verba metaphoricè exponit: postea verò accedit ad aliam expositionem, & tum quomodo Christus praesens & absens sit, aliter docet. Sic idem Augustinus alibi, *Semper quidem diuinitate nobiscum est, sed nisi corporaliter abiret à nobis, semper eius corpus carnaliter videremus*. Et adhuc alibi, *Ibat per id quod Homo erat: manebat per id quod Deus erat*. Ergo nulla potest inuisibilis esse corporis Christi praesentia: nam si adsit, visibile erit secundum Augustinum. Similiter Cyrillus ait, Christum adesse virtute Spiritus, sed abesse praesentia carnis.

5. *Quintum nostrum argumentum ex illis Scripturis sumitur, quae disertam mentionem faciunt de Christi ascensione in caelos, & permutatione ibidem; quae quia de eius corporali praesentia necessario intelligi debent, non esse illum alibi, quam in caelis corporaliter, evincunt*. Marc. 16. ὁ κύριος ἐν Κύριον & μὴ τὸ

καλήσεται αὐτοὺς, ἀνελεῖται εἰς τὸν οὐρανόν, Dominus igitur postquam loquutus fuisset eis, i.e. Apostolis, sursum receptus est in caelum. Act. 1. Καὶ ταῦτα εἰπόντων, ἄβελων αὐτῶν ἐπήρθη, Et cum haec dixisset, aspicientibus ipsis, id est, Apostolis, eleuatus est. Act. 3. ὃν δὲ εἰς οὐρανὸν ἦλθεν, Quem oportet caelo capere usque ad tempora restitutionis omnium &c. Philipp. 3. ἡμῶν ὁ πόσις τοῦ σώματος ἐν οὐρανοῖς ὑπάγει, ἐξ ἧς σωθήσεται, ἀπεκδεχόμεθα Κύριον. Ἰησοῦν ἡμεῖς, Nostra conuersatio est in caelis, unde etiam *Servatorem expectamus Dominum Iesum Christum*. Et sunt eiusmodi multa testimonia, quae de eius corporali absentia testantur, nec illum modo esse in caelis nunc, sed & inde reditum statuunt. Nos igitur rectè clamamus, Papistas destruere vnum articulum Symboli: neque efficiet vnquam Bellarminus, ut non verissimum hoc sit. Si enim Christus corpus suum terris abstulit, & in terras non nisi in fine mundi reuersurus esse creditur, tunc falsae omnes illorum opiniones sunt de eius inuisibili praesentia in terris: at verum prius: ergo & posterius.

Bellarminus 1. ait se fateri, Christum quoad humanam naturam ascendisse in caelum, ibique nunc esse, nec ante iudicii diem descendurum: sed negat consequentiam, non esse ideo in Eucharistia; & rationem reddit, quia ut sit in Eucharistia, non ei necessariò descendendum caelum, aut descendendum motu locali. *Respondeo*: Haec responsio manifestam contradictionem

con-

continet: Christus in caelum ascendit, nec ante diem iudicii descendet, & tamen est in Eucharistia. Nam Christus reliquit terras; & quando ascendit, non corpus suum post se reliquit, sed secum abstulit: quero igitur quo pacto fieri possit, ut illud corpus in Eucharistia sit: aut enim descensione, aut noua eiusdem creatione opus est: corpus verò Christi non potest nouum creari: tum enim aut ex materia aliqua, aut ex nulla creatur: si ex aliqua materia; ex qua tandem nisi ex carne virginis? nam corpus creatum ex pane, & corpus creatum ex virgine non potest esse idem numero: at Christus non nisi vnum idemque numero corpus habet; non potest autem idem numero esse, quod ex materia diuersa fit. Si dicant ex Christi corpore in caelo fieri corpus in Eucharistia; tunc corpus Christi ex corpore Christi fit: & tunc aut totum corpus descendere oportet, aut aliquid inde decidi: at horum vtrūque absurdum. Si ex nulla materia fieri dicant, tum panis non transubstantiatur in corpus Christi: quod tamen illi affirmant. Sed utcumque hic sit, motu locali adest: nam corpus non potest esse in loco, ubi ante non fuit, sine motu locali: at Christi corpus est in loco, ubi ante non fuit: ergo motu locali ibi sit necesse est. Nam si noua creatio ab illis statuatur, quae non requirat motum localem; tum necesse est hoc corpus diuersum esse ab eo quod est in caelis: nam ut est loco distinctum, & tantum spatium est inter Eucharistia & Chri-

stum in caelis, quantum inter terras & caelum, sic numero diuersum est, quia loca diuersa continent corpora diuersa. Corpus Christi est in caelo: panis qui transubstantiatur est in terra: quare si panis conuertitur in Christi corpus, quod ante in caelo actu fuit; trahi oportet ad id in quod conuertitur: & sic panis substantia in caelum raperetur, aut necesse est esse nouam generationem & creationem corporis: sed corpus quod est semel generatum, non potest iterum generari. Atque hoc est, quod Angelus ait, *Non est hic, sed surrexit*: ex quo colligimus, corpus Christi non esse nisi in vno loco. Si n. resurrectio arguit corpus Christi non esse ibi, ubi iacuit, tunc ascensio arguit, non esse ibi, unde ascendit. Angelus ait, non esse ibi, quia surrexit: ergo eius corpus non potest esse ubi iacuit: non ait modo, surrexit, sed, non est hic: resurrectio igitur fecit, ut eius corpus non esset in sepulchro: sic ascensio, ut non sit in terris. Ergo ut angelus dixit, quia surrexit, non est hic: sic nos multo magis dicere possumus, quia ascendit, non est hic: maius enim spatium est inter summos caelos & terram, quam inter terrae superficiem & sepulchrum: & quæ admodum sepulchrum deseruit, quando surrexit, sic terras quando ascendit: & proinde non potest esse iterum in terris, nisi ut caelum deserat. Sic Fulgentius, *Christus est homo localis ex homine*: ergo est loco circumscriptus: non ergo aut ubique est, ut Lutherani volunt, aut in Eucharistia ubique sine locali-

ppp 3 tate

Augustin.  
serm. 60.  
de verb.  
Domini.  
Idem tra-  
bat. 78. in  
Joan.

Cyrrill. l. 10.  
c. 38. in  
Joan.

Marc.  
16. 19.

Luc. 24. 5.

Fulgentius  
l. 2. ad  
Thrasimund.

tate, vi Papistæ statuunt. Sed forsā localis est Christus, & tñ tum in cælo, tñ in Eucharist. Imo Fulgent. addit, *Secundū humanam substantiam absens cælo, cum esset in terra, & derelinquens terram, cum esset in cælo.* Nota hoc non de diuerso modo, sed de ipsa substantia dici: ergo substantia humana Christi si sit in Eucharistia, deseruit cælum. Sic Vigilus, *Quando in terra fuit, non erat utique in cælo: & nunc quia in cælo est, nō est utique in terra.* Sed forsā utrobique esse potest. Imò Vigilus ait, *Vna natura contrarium quid & diuersum non recipit in seipsa: diuersum autem est, ait, circumscribi loco, & vbiue esse.* Si ergo Christus in cælo est, vt in loco, corpore, tum corpus eius non potest esse in terris, quia vna natura non potest loco circumscribi, & vbiue esse, id est, non circumscribi loco. Sic Augustinus, *Ibat per id, quod homo erat, & manebat per id, quod DEVS erat: ibat per id, quod vno loco erat, manebat per id, quod vbiue erat: vbi AVGVSTINVS disertè, naturam Christi, quæ non est vbiue, id est, corpus Christi, non nisi in vno loco esse affirmat.* Nos igitur rectè dieimus, Christum in cælo esse quoad corpus: ergo non hic. Sed Bellarminus 2. respondet, Christum apparuisse Paulo, & Petro, cum ei dixit, *Vado Romam iterum crucifigi, & aliis Sanctis frequenter, & tamen nō deseruisse cælum.* Respondeo: Quod de Petro & aliis Sanctis ait, non nisi meram fabulam esse. Paulo quidem apparuit Christus, sed non dicitur tum fuisse in terris, aut extra cælum, quā-

Vigilius  
l. 4. cont.  
Eutych.

Augustin.  
tract. 78.  
in Ioan.

2.

Act. 9.3.4.

do cum Paulo collocutus est. Fuit quidem Paulus circumfusus luce cælesti, & vocem audiuit: sed Christum nec vidit, nec audiuit in terris: potuit Christus è summis cælis ipsius auribus intonare, vt ei non necesse fuerit è cælo deuenire. Nā & Stephanus Christum vidit, at nō in aere, aut in terra, sed in cælis stantem. Tum si Christus se Paulo extra cælum ostendit, certè tum in cælo non fuit: sed illud probabilius est, Christum nunquam reliquisse cælum, propter illa Petri verba, *Quem oportet cælo capi vsque ad tempora restitutionis omnium.* Sic ipsi visum est, non cælos relinquere, vsque ad consummationem mundi.

Sed Bellarminus 3. respondet, potius hic agi de articulo omnipotentia, quam ascensionis; vtrum, scilicet, Christus possit se in pluribus locis constituere. Respondeo: frustra de omnipotentia quæri, nisi prius de eius voluntate constiterit. Nam ineptè quis sic disputauerit: Christus se in pluribus locis constituere potest: ergo hoc facit. Et tamen cum hic contradictio sit, Christus hoc non potest. Cum enim eius corpus sit finitum & circumscriptum, vt simul sit non finitum & non circumscriptum, contradictio est: non potest ergo Christi corpus esse in Eucharistia, quia tum erit non circumscriptum. Sed Bellarminus ait, se velle hac de re suo loco disserere. Iam igitur cum Calvino in hunc modum disputo: Iussi sumus Christum expectare è cælis; non ergo in terris querere.

Bellar-

Act. 7.56.

Act. 3.21.

3.

Bellarminus respondet: Expectari iubemur, vt veniat cum gloria è cælis, reformaturus corpora nostra, & mundum iudicaturus: cum qua expectatione, inquit, non pugnat inuisibilis præsentia ad nos interim reficiendos. Respondeo: Inuisibilitas cum gloria pugnat: nam gloria est omnibus manifesta. Sed Scriptura vt nullum Christi corpus nunc nisi gloriosum agnoscit, ita nusquam esse nisi in cælis statuit, quia inde venturum iussi sumus expectare.

Sia. Christi corpus in Eucharist. sit, nō potest in terras venire quia nihil potest venire illuc, vbi est. Ita nunc alius articulus fidei periclitatur, nempe articulus de aduentu Christi ad iudicium. Aduentus autem non intelligendus est de gloriæ manifestatione, sed de Christi hominis aduentu. Oportet quidem gloriosè venire, quia inseparabilis est gloria ab eo: sed aduentus est naturæ humanæ. Nam Act. 1. Christum ascendisse legimus; sed non ad gloriam venit nisi post ascensionem: at Angeli eum sic descensurum affirmant, vt viderant Apostoli ascendentem. Hoc de corporali aduentu intelligendum est, quia non illum in gloria conspexerunt Apostoli: ergo realis tunc descensus erit, nec prius: non ergo hic realiter adest. Sed id Bellarmino debemus, quod verba Petri, *ὅτι δεῖ ὑμῶν μὴ δέχεσθαι, Quē oportet quidem cælo capi, &c.* de Christi in cælis commansione intelligit: Lutherani ergo nimium peruioces, qui non cælum recepisse

Act. 1.11.

Act. 3.21.

Christum, sed Christum recepisse cælum affirmant; quasi corpus Christi cælo amplius sit. Sed interrim de loco, qui habetur Philipp. 3. *Phil. 3.20!* nihil responder Bellarminus; vbi Apostolus ait, nō modo Christum expectari è cælo, sed facturum esse nostra corpora similia seu conformia corpori suo: at nostra corpora nunquam erunt immensa, aut inuisibilia, aut in plurib. locis simul.

Sextum nostrum argumentum sumitur à verbis Christi Luc. 24. *Euc. 24. Ὁρατε μὲν καὶ ἴδετε, Contrectate me & videte, quia spiritus carnem & ossa non habet, sicut me videtis habere:* vbi veritas carnis Christi sensuum testimonio comprobatur: ergo nō est caro Christi in Eucharistia, quia ibi non tangitur aut videtur. Si ergo corpus Christi in Eucharistia sit, tam subtile est, vt nec videri nec tangi possit: at corpus humanum, quale est Christi, non potest latere sensus nostros. Bellarminus respondet, aliud esse affirmatiuè colligere, Hoc palpatur & videtur: ergo corpus est; aliud negatiuè, Hoc non palpatur nec videtur, ergo nō est corpus. Prior consequentia, inquit, optima est: neq; enim fieri potest, vt res incorporealis videatur aut tangatur sensibus corporalib; & hæc est consequentia, inquit, quam Dominus facit. Sed non sequitur negatiuè, quia Dominus talem consequentiam non facit.

Respondeo: 1. Hoc palam pugnat cum instituto Christi. Voluit enim Christus persuadere Apostolis, se non esse spiritum, sed illum quem se esse dicebat, *ὅτι αὐτὸς ἐγὼ ἐμὶ, quod*

6.

Euc. 24.

39.

1.



quod ego ipse sum (inquit) hoc omnium sensuum iudicio permittit. Nā cum illis loquebatur, & illum audiebant: eum etiam videbant: nec id modo, sed & se tractari & explorari manibus ac oculis illorum permisit. Jam verò hoc fallax argumentum fuisset, nisi sensus rectè possent iudicare, id est, si sensus falli possent.

Bellarminus ait, affirmatiuè sequi, sed non negatiuè: at ego probō etiam negatiuè sequi. Christus enim se verum corpus habuisse, & non fuisse spiritum probat, ex eo quod illum videre & palpare possent: ergo si non tetigissent nec vidissent verum corpus, certè nec credidissent, nec eis opus fuisset credere. Perinde enim est, ac si Christus dixisset, Nisi ostendero me spectandum, & præbuero tractandum vobis iustam causam dubitandi habetis: sed videre & palpate. Si posset corpus humanum non videri, non palpari; posset videri & palpari, quod non est corpus: permittit Christus iudicium sensibus. Si falli possunt sensus, ut non percipiant quod est, falli quoque possunt, ut non sit quod percipiunt: & sic Apostoli non desisterent dubitare & dicere; forsā spectrum est, quantumvis videamus. Ideo Christus non modo corpus eis tractandum præbuit, sed & vulnera ostendit: nam non sequitur, Est corpus: ergo est corpus Christi Domini nostri; sed corpus suis proprietatibus distinctum, quæ in nullo nisi in Christi corpore reperiri potuerunt, omnem dubitatio-

nem remouit. Non modo igitur si non corpus, sed si non corpus vulneratum eis ostendisset Christus, poterant assensionem suam cohibere.

*Secundo* Si hoc argumentum verum sit affirmatiuè, nobis sufficiet. Si enim constabat esse Christi corpus, quia videbatur & palpabatur, tum eodem argumento esse panem & vinum in Eucharistia constaret; nam non visus modo & tactus, sed & gustus & olfactus esse panem & vinum indicant: & sicut Christus dixit, spiritus non habet ossa & carnem, sicut me videtis habere: ita nos dicere possumus, Christi corpus non habet similitudines & proprietates panis & vini, sicut videmus hoc Sacramentum habere. Si ergo argumentum à sensibus valeat affirmatiuè; ibi esse verum panem & verum vinum necesse est, quia sic sensus omnes iudicant.

Sic Augustinus, ut citatur à Beda, *Quod vidistis, panis est, & calix Christi: quod etiam oculi vobis renunciant: credendum igitur oculorum renunciationi, accedente præsertim reliquorum sensuum consensu.* Non enim Christus Sacramenta instituit, quibus nostros sensus luderet: imò hoc tendit ad tollendam veram persuasionem de corpore Christi. Quis enim Christi corpus verè humanum dixerit, quod nullo sensu eiusmodi esse percipitur? Bellarminus respondet, sensus non posse falli circa proprium obiectum, sed posse falli circa id, quod latet sub obiecto sensuum: quia peccatores sæpe fallunt oculos, ut ille qui

*August. in serm. ad infantes. Vide Bedam in 1. Cor. 10*

qui aues suis visis fefellit. *Respondeo:* nos posse melius iudicare de obiectis, quam aues: nec cernimus nos tantum, ut aues illæ, sed olfacimus, gustamus, tangimus: ergo fallimur in omnibus ferè sensibus, si hoc verum sit, quod illi aiunt. Possunt quidem sensus falli, si vitium sit aut in obiecto, aut in sensu: at nullo hic aut in corpore Christi, aut in oculis nostris vitium est. Bellarminus ait, Qui videbant & tangebant corpora ab angelis assumpta, non fallebantur, cum se corpora tangere & videre crederent; sed fallebantur, cum se existimarent corpora humana tangere & videre.

*Respondeo:* Erant illa corpora vera & humana quoad proportionem & substantiam, non quoad hypostasim. Illi nobis simile ostendant in Sacramento, & nos credemus esse Christi corpus: sed illi nil nisi panem ostendunt: falluntur ergo sensus, si nō sit panis, sed Christus. Sed Bellarminus ait, non falli sensus in Eucharistia, cum album, torundum, solidum nos sentire arbitramur, sed cum denunciant nobis latere sub eis substantiam panis.

*Respondeo:* Hoc tollit & euertit plane Christi argumentum. Sic enim Apostoli respondere potuerunt: Nos videmus & tangimus corpus, sed tamen fieri potest, ut non sit corpus, sed Christus ex tactu & visu esse verum corpus arguit. Et Bellarminus fatetur, argumentum affirmatiuè tenere; unde sic concludimus; videtur & tra-

ctatur panis: verus ergo panis est; vel sic: Si valet hoc argumentum, affirmatiuè, ut ait Bellarminus, tū necesse est eam materiam in Eucharistia esse, quæ videtur & palpatur: at videmus & palpamus panem tantum & vinum: ergo ibi est panis tantum & vini materia, non substantia corporis & sanguinis Christi. 3. Cum Christus ostendit corpus suum discipulis, resurrexerat iam à mortuis; ergo illius corpus erat tum immortale, & ex parte gloriosum: si verò Christi corpus postquam fuit immortale & gloriosum, tangi potuit & videri; tum in Sacramento, & ubicunque præterea est: nos vero non loquimur de alio corpore, quam illo, quod Apostoli viderunt & tetigerunt. Potest esse aliquod corpus, quod nō palpari aut videri potest, ut aer: tangimus tamen aerem, quem spiramus: sed hoc vinum idemque corpus est cum eo, quod Apostoli iussi sunt videre & tractare: at si nos illud non possumus tractare, ut Apostoli, non esse idem potest, imò quia nullum hominis corpus ostendunt, nullum ibi esse constat. Sic igitur disputo: Christus corporis sui veritatem Apostolis ex tactu & visu comprobauit: at sacerdotes Pontificii non possunt sui Christi veritatem hoc modo comprobare: ergo illorum Christus non est idem cum eo, quem Apostoli viderunt & tetigerunt. Si enim idem Christi corpus esset cū eo quod Apostoli cernebant & tangebant, tum à nobis similiter tangeretur & cerne-  
retur. Quid enim affert Bellarmi-

Qqq nus,

nus, cur non? Fieri potest, inquit, ut verum corpus præsens sit, & tamen non tangatur aut videatur. Sed hoc fieri non potest, cum pugnet cum natura veri corporis. Si Christi corpus in Eucharistia non videri, non tangi potest, tum dissimile est ei corpori, quod Christus Apostolis ostendit: nam fuit illud *ψηλαφῆτον καὶ ὁρατόν*, tractabile & visibile: non sic hoc in Eucharistia. Sed quomodo fieri potest? quia tectum est alio corpore, inquit Bellarminus.

*Respondeo:* Sed in Sacramento corpus Christi nullo alio corpore tegitur: nam dicunt esse ibi nullum corpus nisi Christi: species enim non sunt corpus, nec possunt tegere corpus: imo faciunt potius ut corpus appareat. Tum corpus humanum regi non potest, nisi alio corpore maiore: at nullum corpus est in Eucharistia maius corpore Christi. Hac in re probabilius respondet Lutherani, qui dicunt esse substantiam panis in Eucharistia, quæ quidem tegere posset corpus Christi, si esset tantæ molis, quantum est corpus Christi: at Papistæ non esse ibi substantiam panis dicunt: & si ibi esset, tamen hostiola Papistica vix posset tegere muscā, multo minus Christi corpus, quod habet caput, brachia, pedes, & reliqua membra.

Sed Bellarminus iterum respondet: vel quia Deus impedit, ne corpus species sensibiles ad sensus transmittat. *Respondeo:* Id fieri non potest sine miraculo, ut res sensibiles à nemine sentiantur, cum nul-

lum impedimentum nisi diuinum: & illustre hoc facere possit: tale illi aliquod impedimentum proferat in Eucharistia, & nos acquiescimus. At si sensus sint integri & salui, & corpus sit verum, sine miraculo fieri non potest, ut non ceratur & tangatur. At verò absurdissimum est dicere, hoc fieri per miraculum: tum enim tot essent miracula, quot homines sunt, qui accedunt ad Eucharistiam. At miracula non sunt temere fingenda: nec Scriptura facit mentionem alicuius miraculi in Eucharistia: at hic erūt mille miracula: panis mutatur in corpus, vinum in sanguinem: corpus non videtur, nec transfertur ad sensus: nullius sensus à prima institutione diiudicauit ibi esse verum corpus. Si enim in uno aut altero homine hoc accideret, non esset absurdum: sed res similiter se habet in omnibus hominibus, & pijs & impijs.

Sed obiicit Bellarminus exemplum Christi Luc. 4. vbi Christus transiisse dicitur per medium illorum, qui eum de monte præcipitare volebant. *Respondeo:* Legimus hoc quidem: sed tamen Lucas non ait, Christum ἀόρατον, i.e. inuisibilem transiisse per mediū illorum: transiit ille quidem, sed sensibilis; vbi potentia suæ specimen edidit. Aut enim, ut Beda ait, eos obstupescit & terruit, aut viconstrinxit manus illorum, ut eum non potuerint apprehendere. Sed esto: demus ἀόρατον transiisse, id est, inuisibile, quia illorum oculos ad tēpus perstrinxit: hoc semel tantum sine vlla mutatione.

ratione in corpore factum est: nū ideo semper hoc fieri sequitur, quotiescunq; Eucharistia celebratur? & tum eius corpus mutari necesse est, cum non in iusto spatio contineatur? Sed verior est illorum sententia, qui dicunt Christum terruisse illos maiestate sua, non ut non viderent, sed ut non ausi sint eum apprehendere. Sed addit Bellarminus, posse diuina virtute fieri, ut corpus existat more spirituum, sic ut videri aut tangi nullo modo possit.

*Respondeo:* non posse hoc fieri sine miraculo, imò ne cum miraculo: nam corpus non potest simul esse corpus & non corpus, id est, spiritus: esset autem spiritus, si haberet proprietates spiritus; & non esset corpus, si non haberet proprietates corporis. Sed de hoc postea dicturum pollicetur.

7. *Septimum* nostrum argumentum sumitur ab his verbis Christi, *Spiritus est, qui vivificat: caro non prodest quicquam:* ergo Christus non est in Sacramento carnaliter comedendus: loquitur enim Christus de sua carne. Et rectè Zuinglius hunc locum esse murum aheneum ait, & adamantem infractum. Sed Bellarminus ait, murum istum non modo non aheneum aut adamantinum, sed vix luteum dici posse; idque, 1. quia etsi constaret Christum de sua carne loqui, eamq; nil prodesse diceret, non tamē sequeretur, veram carnem non esse in Sacramento. *Respondeo:* horum hominum proiecram esse audaciam, ad quidvis defendendum omni-

quo dignissimum. Nonne sequitur, carnem Christi non esse in Sacramento, si nihil prodest carnaliter recepta illi aiunt esse in Sacramento, ut comedatur: quorum autem comederetur, si non prodesset? putasne Christi carnem esse in Sacramento sine fructu? Si igitur caro Christi non prodest ex ea carnaliter, certum est, non esse in Sacramento, ut carnaliter edatur. Sed Bellarminus hanc suam responsionem tribus rationibus confirmat, quæ cuiusmodi sint videamus.

*Prima* eius ratio est, eodem modo concludi posse, non esse panem in Sacramento, quia si Christi caro non prodest, multo minus panis triticeus. *Respondeo:* Egregia certè ratio. Nam 1. absurdissimè caro Christi cum pane comparatur. Si panis non prodest: ergo Christi caro prodesse non poterit? Fieri potest, ut panis non multum prodest: sed impium est, id de carne Christi cogitare. Longè dissimilis ratio est carnis Christi, & panis: multo præstantior est caro Christi pane triticeo; absurdum ergo est, carnem Christi cum pane comparare. Sed 2. *respondeo:* panem multum prodesse. Est enim Sacramentum corporis Christi, & nobis Christum repræsentat, & huius nostræ excitandæ confirmandæque inseruit. Et si ergo panis non sustentat animam, tamen quia est huius sustentationis vitæque Sacramentum, inutilis non est: at caro Christi carnaliter ex ea, est omnino infructuosa.

*Secunda* Bellarmini ratio est, quia si de



si de carne sua hoc Dñs dixisset, nō intellexisset eā absolutē non prodesse, sed nō pdesse si sola sit, i. absque spiritu eā viuificante; qā supra in eodem capite dixit, *Qui manducat carnem meam, habet vitam aternā, & Nisi manducaveritis, non habebitis vitam in vobis.* Respondeo: Christi carnem spiritualiter quidem edi ad salutem: & de tali manducatione in his locis Christus loquitur. Sed non possunt Aduersarij ex his locis docere, quis fructus in carnali esu sit: Nec enim omnes vivunt, qui carnaliter edunt, nec omnes pereunt, qui non edunt.

3. Tertia Bellarmini ratio est, quia est summa impietas, negare Christi carnem diuinitati vnitam multum prodesse, cum Paulus nos dicat reconciliatos esse Deo per carnem Christi. Respondeo: Est summa fatuitas isto modo disputare; Per carnem Christi Deo reconciliamur, quia Christus morte suam Dei placavit: ergo prodest edere corpus Christi carnaliter. At multi reconciliantur Deo, qui nūquam de Christi carne hoc modo comedenda somniarunt. Veteres Patres & Prophetæ per Christi carnem Deo reconciliati sunt, qui tamen Christum in Sacramento carnaliter manducare non potuerunt: & multi hodie Christiani sine Sacramento seruantur: possumus igitur reconciliari Deo sine carnali manducatione Christi. Sed Bellarminus missa hac solutione aliam affert. 2. igitur respondet, per carnem Christi hoc in loco nō substantiā carnis Christi intelligi,

sed carnalem intelligentiam; & eam quidem nihil prodesse ait. Atque hic Patres quosdam citat, vt probet humanam & carnalem cogitationem non prodesse. Respondeo: Fateor carnalem cogitationem & intelligentiam non prodesse, iuxta illud Apostoli, *τὸ φρονεῖν τῆς σαρκὸς ἐχθρὰ ἐστὶν Θεῷ*, Intelligentia carnis inimicitia est aduersus Deum. Quis enim id diceret: ne Capernaitæ quidem, quibuscumque Christus nunc locutus est. Sed quid hoc ad rem, de qua nunc agitur? Christus antea de sua carne differuit, quam quia nobis edendam commendauit, ideo offensi sunt nonnulli: Christus vt huic offensioni occurreret, carnem suam non prodesse ait: id est, inquit Bellarminus, carnalem imaginationem. At ea nunquam prodest: & quomodo tum Christus tollit offensionem? non enim sequitur, non merito offensos esse illos hac doctrina quia carnalis intelligentia non prodest. Et tamen fateor non malè Patres de carnali intelligentia interpretari; nam per carnalem intelligentiam significant, quod hi qui offensi erant carnaliter comedendum esse Christum intellexerint: Christus igitur verè ait, se de carnis suæ substantia loqui, eamque non prodesse carnaliter exeam: ergo non id se sensisse quod illi existimabant: quare eos frustra offendi & tumultuari. Hic verus sensus est. Sed Bellarminus suam hanc solutionem & horum verborum expositionem tribus rationibus confirmat.

Prima

1. Prima eius ratio est, carnem, quando in Scripturis contra spiritum distinguitur, pro infirmitate, & corruptione, & cogitatione carnali sumi. Respondeo: Quid carnis nomine intelligendum sit, potius ex hoc capite, in quo tam multa de carne dicuntur, diiudicari potest, q̄ ex aliis locis: *Caro mea vere est cibus: Qui carnem meam edit, vitam habet: Nisi manducaveritis carnem Filii hominis, non habebitis vitam in vobis: Quomodo potest hic dare nobis carnem suam?* denique per totum hoc caput sæpius mentio carnis fit: num caro in his locis pro carnali cogitatione sumitur? nequaquam: sed loquitur Christus de vera carne, & de vera carnis suæ substantia: nos enim verè Christi carnem sed spiritualiter comedimus.

2. Secunda Bellarmini ratio sumitur ab occasione, quam habuit Dominus, vt diceret ista verba: ea vero fuit error Capernaitarum. Illi Christum sic edendum esse existimabant, quemadmodum alias carnes edimus: huic errori, inquit, aptissimè respondet hæc Domini sententia: idem enim est, ac si dixisset, Animalis homo non assequitur diuina mysteria. Respondeo: Capernaitæ quidem Christum de carnali edendi modo intelligebāt, & sic offensi sunt. Bellarminus Christum carnaliter edendum esse vult, sed non vñ alios cibos: quid ergo interest: alij scil. cibi frustulatim eduntur, Christus verò totus: & sic putat omni offensioni satisfactum. At sic potius augetur offensio: magis enim immane est,

hominē totū vno morsu deuorare & deglutire, quam hominem membratim ac frustulatim edere. At totus sine læsione editur: sic etiam posset particulatim sine læsione edi. In re nullum discrimen inter Capernaitas & Papistas, nisi q̄ hi paulo voraciores sint: nam illi Christum sic edendum putabant, vt reliqui cibi eduntur: Papistæ inusitato modo totum deuorari sentiunt; & tamen se putant non crassam & carnalem cogitationem habere. Non est dubium, quin Capernaitæ talem edendi modum intellexerint, qualis in edendis carnib. vsitatus est, quarum quædam eduntur comminutæ, quædam nulla indigent comminutione. nō illi loquuntur de Christo aut toto, aut per partes comedendo, sed tantum quærunt, quomodo Christus posset illis dare carnem suam comedendam: seu hoc modo, seu illo. Christus non omnino sic se comedendum responderet, quia sic nihil prodesset. Ita illum errorem remouet, vero edendi modo explicato, *Spiritus, inquit, est, qui viuificat, caro non prodest quicquam*, id est, spiritualis manducatio vitam affert, carnalis nihil prodest. Tertia eius ratio sumitur ex verbis statim sequentibus, & hic detorquet Christi verba, *verba, quæ ego loquor sum vobis, spiritus & vita sunt*, id est, inquit, sunt verba explicantia & tradentia res diuinas spirituales. Respondeo: imo sunt spiritualiter intelligenda de vita cælesti & spirituali: nam certè omnia Christi verba res diuinas explicabant.

Qq 3 Sed

*Ioan. 6. 64.* Sed Christus illorum opinio-  
nem de esu carnali improbat, quia  
quæ dixit, de spiritali esu sunt in-  
telligenda, qui vitam eternam spe-  
ctet. Sed vrget Bellarminus, quod  
sequitur, *Sed sunt quidam ex vobis,*  
*qui non credunt;* quod ait non cohæ-  
rere cum his, *Caro non prodest quic-*  
*quam,* id est, nil prodest manduca-  
re carnem in Sacramento.

*Respondeo:* Non cohærere qui-  
dem cum illis, sed cum proximis  
verbis, nempe cum his, *verba, quæ*  
*ego loquor vobis, sunt spiritus & vita:* &  
cum his optime cohærent in hunc  
modum; Verba mea de spiritali  
manducatione sunt intelligenda,  
quæ vitam affert, & quæ in fide  
consistit; sed ex vobis multi sunt,  
qui non credunt. Sophista refert  
ista ad id quod remotius est. Sed  
hic Bellarminus incipit aduersus  
nos declamare, & ait, causam præ-  
cipuam, cur nos non credamus esse,  
quia sola carnali ratione ducimur,  
quæ non assequitur arcana Dei. Sed  
ineptus declamator est, cum nul-  
lam Scripturam afferat pro reali  
manducatione; quia tamen non  
credimus, id nos non aliam ob cau-  
sam facere ait, nisi quod non asse-  
quimur mysteria Dei. At hoc my-  
sterium realis præsentia nos non  
minus assequimur, quam illi: est  
certè mysterium iniquitatis, con-  
tra Scripturas, blasphemum, Chri-  
sto contumeliosum. Fruantur illi  
mysteriis suis: nos non carnali ra-  
tione, sed verbi Dei gladio contra  
hoc mysterium pugnamus. Quare  
ut hoc argumentum concludamus,  
Si Christi caro prodest, cur non

docuit Bellarminus, quid prodes-  
set? nullum verbum habet, quo-  
modo prodest. Et reuera nemo po-  
test hoc docere: quidam enim vo-  
lunt Christi corpus in Eucharistia  
non præterire dentes: sic quidam  
Lutherani, ut Meshusius, & alii:  
quidam non dimitti in stomachum:  
alii in stomachum descendere, sed  
non diu ibi manere: at tum non  
recipitur ut cibus, sed ut hospes,  
nec aliquis inde fructus percipi-  
tur.

Westphalus Lutheranus in li-  
bro contra Calvinum, ait ex cor-  
pore Christi calorem quendam  
salutarem ad animam prouenire:  
at id non minus ex manducatione  
spiritali fieri potest: nam quomo-  
do à carnali re prouenire spiritua-  
lis calor potest? Certè est blasphe-  
mum, ut quis Christi carnem re-  
percipiat sine fructu. Sed Bellar-  
minus callide prætermisit argu-  
mentum nostrum, quod nos ex  
vers. 62. sumimus, *Quid si conspexeri-*  
*tis Filium hominis ascendentem eo, vbi*  
*erat prius?* nam his verbis Christus  
clarissimè refellit illam opinionem  
& Capernaitarum & Papistarum  
de reali manducatione. Videbitis  
Filium hominis ascendentem: tum  
intelligetis illum non esse de car-  
nali manducatione loquutum. Et  
non hæc nostra expositio est, sed  
Athanasii, cuius hæc verba sunt.  
*Ὁ γὰρ τὸ τοῦ εἰς ἑρὰν ἐς ἀναβάσεως*  
*ἐμνημόνευσε, ἵνα τῆς σωματικῆς ἐννο-*  
*ας ἀφελευσῇ, Ob eam causam Christus*  
*mentionem fecit ascensionis sue, ut à car-*  
*nali cogitatione, seu, à corporali intelli-*  
*gentia abstraheret.*

Sic

*August. 12.* Sic Augustinus, Illi putabant eum  
*ma. 27. in* erogaturum esse corpus suum: ille autem  
*108. 1.* dixit se ascensurum in calum utique in-  
tegrum.

*Idem in* Sic idem alibi, Verba quæ locutus  
*psalm. 98.* sum vobis spiritus sunt & vita (inquit  
Christus) spiritaliter intelligite, quod  
locutus sum. Non hoc corpus, quod vide-  
tis, manducaturi estis, nec bibaturi il-  
lum sanguinem, quem fufuri sunt, qui  
me crucifigent. Sacramentum aliquod  
vobis commendavi: Spiritaliter intel-  
lectum viuificabit vos.

8. Iam ad octauum nostrum argu-  
mentum veniamus, quod sumitur  
ab illis Christi verbis, *Vbi sum ego,*  
*illic & minister meus erit:* at Sancti non  
sunt in Eucharistia: ergo nec Chri-  
stus ibi est. Bellarminus vix digna-  
tur respondere, cum tamen argu-  
mentum satis rectè conclusum sit.  
Si enim Christus promissit, vbi-  
cunque ipse fuerit, ipsius ministros  
cum eo fore; non potest esse in  
Eucharistia sine ministris suis: mi-  
ror autem quos ei ministros in Eu-  
charistia assignaturi sint. Bellarmi-  
nus respondet tamen tandem du-  
pliciter.

1. Primò ait, Christum non dixisse,  
vbi-que; ego sum, sed, *Vbi ego sum,*  
*illic & minister meus erit.* Satis igitur  
est, inquit, si sancti alicubi sint cum  
Christo, etiam si non sint, vbi-  
cunque est ipse: alioqui etiam in cruce  
cum ipso omnes esse debuissent.

1. *Respondeo:* hanc esse miseram &  
ineptam responsionem. Nam 1.  
Christus dixit ὅπου; quod perinde  
est ac si dixisset, vbi-que. Sic alibi,  
*Matth. 24.* ὅπου ἐὰν ᾖ τὸ πῶμα, Vbi-que fuerit  
cadauer, illuc congregabuntur aquilæ:

de se loquitur, vbi-que ipse fue-  
rit, ibi oportere aquilas esse: ὅπου  
ἐὰν, vbi-que. Sic alibi, *Hi sunt qui* *Apo. 4.*  
*sequuntur Agnum,* ὅπου ἂν ᾖ ὁ ἀγνός,  
quocunque erit. Non potest igitur  
Christus ne in Eucharistia quidem  
à ministris suis remoueri 2. Pugnat  
cum natura veri hominis, ut qui  
cum eo est alicubi, non eum eo sit  
alicubi, & simul: quia verus homo  
non potest esse simul in diuersis  
locis. Nam Christus ne post resur-  
rectionem quidem in duobus lo-  
cis simul fuit: cum esset Emaunc, *2.*  
non fuit Hierosolymis; cum ad  
mare Tiberiadis, non in conclau;  
cum in monte Olineti, non in val-  
le: in vno semper loco fuit 3. Quod  
obiicit, tum sanctos debuisse esse  
cum Christo in cruce, hallucina-  
tur: nam certum est, Christum de  
gaudio & fælicitate sua loqui: pro-  
mittit enim eis præmium: at in  
cruce esse, non fuit iucundum. I-  
gitur Bellarminus secundo respon-  
det, certum esse, Christum illis  
verbis promississe consortium re-  
gni & gloriæ, quia alibi ait, *Pater*  
*velo, ut vbi sum ego, & isti sint mecum,* *Ioan. 17.*  
*ut videant claritatem meam.* *24.* *Respondeo:*  
Verum hoc quidem est: & si Eu-  
charistia ab hoc regno & gloria  
fuerit separata, non ibi Christus  
est. Hinc apparet, Christum, cum  
est in Eucharistia, non modo care-  
re gloria, sed esse extra regnum tu-  
um: at hoc pugnat cum articulo de  
sessione Christi ad dexteram Dei  
Patris, & cum Paulo, *Oportet illum* *1. Cor. 15.*  
*regnare, usquequo omnes inimicos subie-* *25.*  
*cerit pedibus eius.* Non potest ergo  
Christus non esse in regno suo, non  
esse



esse in gloria. At Bellarminus ait, Christum, cum dixit, *Vbi ego fuero, ibi minister meus erit*, de regno suo loqui: vnde Christum vult in Eucharistia non modo in gloriam esse, sed & priuatum esse regno suo: non igitur esse ibi suis ministris stipatum. Quis non hos Papistas excretur, qui quoties conficiunt Christum in Eucharistia, toties eum de regno & gloria sua detrahunt? quantum hoc facinus est, Christum à cælo in terras, è regno in ergastulum, è gloria ad humilitatem deuocare? Sic igitur cum Petro Martyre disputo: Si Christus sit in Eucharistia, tum aut est ibi in gloria, aut non: si in gloria, tum cum eo ministri sui sunt: si non in gloria, tum impiè sacerdotes faciunt, qui eum à gloria Dei Patris ad hæc inferiora deuocant. Bellarminus distinguit valde sapienter, Christum in Eucharistia esse in gloria Patris, dupliciter intelligi posse.

Primò, vt dum est in Eucharistia, videat Deum; & sic Christum in Eucharistia esse in gloria. *Respondeo*: Non hoc est, de quo Christus loquitur, vt ipse videat gloriam Patris, sed vt ipse gloriosus sit, & eius gloriam sui ministri videant. *Pater volo*, inquit, *vt vbi ego sum, ibi illi mecum sint, quos dedisti mihi, vt conspiciant gloriam illam, quam dedisti mihi*: nusquam igitur Christus est, vbi non in gloria conspici possit. Bellarminus absurdissimè ait; Christum esse in gloria, quia gloriam Patris vidit. At sic epulo potuit esse in gaudio, quia Lazarum in

gaudio vidit. *Secundò* ait Bellarminus, Christum in Eucharistia esse in gloria Patris, sic intelligi posse, vt esse in Eucharistia sit illi gloria & beatitudo; & hoc modo Christum in Eucharistia non esse in gloria.

*Respondeo*: Quam hoc Christo indignum? iam Christus in Eucharistia non modo non in regno & gloria, sed ne in felicitate quidem est: quantam Christo iniuriam faciunt, qui eum è felicitate sua deijciunt? Sic enim disputo: Si Christus in Eucharistia non sit in beatitudine, vt Bellarminus vult, tum sacrilegi sunt, qui Christum in eum locum detrudunt, vbi eius beatitudo non est: at verum prius: ergo & posterius. Sed Bellarminus addit, Christo in Eucharistia adesse choros Angelorum, idque secundum doctrinam Patrum. *Respondeo*: De doctrina Patrum postea dicemus. Sed Christus quando ait, *Volo vt vbi ego sum, ibi minister meus sit*, non de angelis, sed de sanctis loqui, quos ille redempturus in mundum venerat. Quare vt de argumento hoc concludam: Si sancti non sint in Eucharistia, aut circa Eucharistiam, tum non ibi Christus est: at sancti non sunt in Eucharistia; ergo non est ibi Christus. Consequentia patet, quia vbi Christus est, ibi est stipatus satellitio & ministerio non modo angelorum, sed & sanctorum hominum: blasphemii igitur Papistæ sunt, qui Christum compingunt in eas angustias, vt solus sine ministris suis esse cogatur.

Nonum

9. Nonum nostrum argumentum sumitur à verbis Christi variis in locis, *Ego ad Patrem proficiscor, & Relinquo mundum, & proficiscor ad Patrem.*

1. Bellarminus respondet Christum reliquisse mundum visibiliter, quoad conuersationem humanam, sed esse tamen inuisibiliter in mundo. *Respondeo*: 1. *πολιτείαν* hanc *ἀδελφῶν* esse meram imposturam: versatur nobiscum Christus, inquit, sed *ἀόρατος*, id est, inuisibiliter: at tum eius corpus non differret à spiritu: nam *ἀόρατος*, id est, inuisibilis, est spiritus, non corporis: Christi verò corpus non est spiritus: non igitur potest esse *ἀόρατος*, si hic sit. 2. Christus se mundum relinquere ait: at hoc falsum esset, si remaneret in mundo inuisibiliter. 3. Promisit Christus, se absentiam suam compensaturum aduentu paracleti: at præsentia paracleti est inuisibilis: ergo Christus non est corpore inuisibilis. Bellarminus ait, 1. paracletum supplere vicem Christi inter homines humano more conuersantis. *Respondeo*: Præsentiam paracleti inuisibilem esse, non potest negari: ergo Christus non adest inuisibiliter: nam non opus est inuisibilem præsentiam compensari inuisibili præsentia. Christus consolatur Apostolos hac promissione, quod quauis relicturus mundum esset, tamè paracletum esset missurus, qui cum illis maneret, at non nisi inuisibiliter: non ergo Christus inuisibiliter præsens futurus erat: tum enim eodem modo ipse cum illis verla-

retur, vt Spiritus Sanctus; & huius quoque consolationis mentionem aliquando fecisset, dicendo, A beo visibiliter, sed vobiscum maneo inuisibiliter. 2. Bellarminus ait, Spiritum Sanctum verè descendisse, & tamen in cælo etiam mansisse: sic Christum verè ascendisse, & tamen verè etiam mansisse nobiscum, non solum vt Deum (quomodo vbiq; est) sed etiam vt hominem in Eucharistia, licet modo spirituali & inuisibili. *Respondeo*: hoc esse hæreticum, blasphemum, Eutychianum: tollit enim veritatem corporis Christi. Nam hoc modo oportet Christi corpus non modo esse spiritum, sed etiam Deum esse. Spiritus Sanctus enim est Deus, & ideo potest esse in cælo, cum in terris est: si corpus Christi similiter, tum debet esse similis naturæ, id est, diuinæ. Quis non istorum blasphemias exhorrescat? Sed quia de Christi ascensione supra diximus, nunc plura non dicemus.

10. Decimum nostrum argumentum sumitur ab illis Christi verbis, *Noli me tangere: nondum enim ascendi ad Patrem meum.*

Hinc Calvinus colligit, Christum non esse in terris quærendum: *insistit. l. 4. c. 17. §. 29.* ideo se vetare tangi à mulieribus, donec in cælum ascenderit, vt nusquam alibi se esse, aut quærendum esse ostenderet. Bellar. in hoc argumēto diluendo multum est: quod tamè fateor non multum in se virium habere. Possunt enim reuera alia causæ assignari, cur prohibuerit se Christus nunc tangi. Nam certè non modo permisit se tangi à mulieri-

R r bus,

Matth.

28.9.

Luc. 24.

39.

Ioan.

20.27.

bus, sed iussit etiam Apostolos tangere, & Thomam præcipue. Sed quod hinc Bellarminus colligit, Christum velle se quæri & tangi in terris, non sequitur. Voluit tunc à multis & videri, & tangi, vt resurrectionem suam comprobaret; sed nunc nec vult, nec potest tangi, quia se nobis subduxit, & corpus suum in celos eleuauit. Num Bellarminus se putat Christum tangere? at Christus post resurrectionem non est passus se tangi à quibusuis: patet quædam fæminæ, & Apostoli tetigerunt: à nullo verò impio aut contactus aut conspectus legitur. Iam illum tangi promissuè à quibusuis volunt: qui vero Christum tangunt, ij cum Christo coniunguntur: at impii cum Christo non coniunguntur: ergo non tangunt illum. Sed negabit forsitan, impios Christum tangere spiritualiter. Verum id quidem est, & proinde corporalis tactio nil valet ad coniunctionem spirituales. Certè enim si tactio corporalis prodesset, non minus prodesset ea, quæ manibus, quam quæ lingua aut palato fit. Cibi nisi concoquantur in stomacho, & inde succus ad corporum nostrorum sustentationem hauriatur, isque in nostram substantiam conuertatur, tantum profunt tacti quantum es: Christi autem corpus non concoquitur, neque in naturam nostram conuertitur: tantum igitur proficimus tangendo, quantum edendo.

Sic igitur disputo: Quæ sententia sic Christum edendum com-

mendat, vt edere non plus proffit, quam tangere, ea respuenda est: at Papistarum sententia talis est: ergo est respuenda. Maior perspicua est: Minorem probo, quia nullam vtilitatem nominare possunt ex eo quem diximus esu, quæ non ex tactu percipiatur. Nam si dixerint, Christum, cum editur plus aliquid pati, quam cum tangitur, vt cibis comminuitur; quod plus est, quam tangi: certum est Christum non mutari, aut corrumpi, aut partialiquid: ergo non plus quam tangitur. Carnalis igitur manducatio, est non nisi carnalis tactio: fide ergo tangendus & edendus Christus est, non manibus, non dentibus. Si quid proffit Christum tetigisse carnaliter, id manibus præstari tam potest, quam ore: sic non necesse est Papistis hostiam edere, sed tangere tantum: hoc apertissimè ex illorum doctrina sequitur. Iam de loco non multa dicam. Nos non ex hoc loco argumentum ducimus, qui variè exponi potest: & hoc Calvinus argumentum ab ea expositione sumitur, quæ non videtur aptissima. Multo mihi magis placeat expositio, quam Bellarminus affert, quæ est quoque Petri Martyris: Noli me tangere nunc, quia abi sine mora, & nuncia discipulis meis: poteris me tangere alias: nondum enim ascendi. Ita missum hoc argumentum facio.

Vndecimum nostrum argumentum sumitur à verbis Stephani, *Deus in templis manufactis non habitat*, & Pauli, *Deus, qui fecit mundum, & omnia quæ in eo sunt, quum sit celi & terra*

Pet. Mart.  
in 2. Reg.  
4. 27.

11.

Act. 7. 48.

Act. 17. 24.

terra

*terra Dominus, in manufactis templis non habitat.* Hoc argumentum ferè idem est cum primo; sed Bellarminus distinguit: Christus igitur non est in templis inclusus. Bellarminus ait, Christum esse in templis, sed non habitare in templis; quia habitare significat indigentiam loci: illi enim propriè habitant in domo, qui nisi ibi essent, male essent; significat etiam comprehensionem & conclusionem in loco. Vtrumque repugnat Deo vero, & tamen vtrumque conueniebat idolis Gentilium, & sic distinguitur Deus ab idolis. *Respondeo:* Si habitatione in templis Deus ab idolis distinguitur, cum Christus non habitat in eis. Concedit Bellarminus non habitare, sed esse ibi. Sic nec idola verè habitabant: cum enim idolum nihil sit, non potest propriè habitare in aliquo loco: neque id Propheta sensit, sed Deum non posse vllis templis quantumuis amplis comprehendere, quia ubique est. Non is sensus est, Deus non habitat in templis, id est, non indiget his tectis: sed voluit hominum mentes altius erigere, vt Deum in celo habitantem contemplerentur. *Psalm. 2. 4.* Quid? num Deus indiget celo? tamen habitare in celo dicitur, *Qui habitat in calis, iridebit eos, Dominus noster in altis habitat.* Tum nonne Christus indiget templis, & illis pixidum & capsularum claustris? certe sine his non hominum modo, sed & canum, murum, & porcorum iniuriis exponeretur. Sed Bellarminus ait, eum esse quoque extra illum locum.

*Respondeo:* Sic Deus est extra celum, & tamen dicitur in celo habitare. Sed quid si extra sit? tamen verè est intus: ergo verè hic conclusus & comprehensus, quia hic Christus est, qui in Sacramento non est extra species Sacramenti. Non enim in pixide reponerent, si illum putarent non posse in pixide comprehendi: verum igitur hoc idolum est. Nam idolum erat conclusum in templo: tamen putabant idololatræ esse etià extra templum: sic Papistarum Christus. Sed vtrū corpus Christi possit concludi in tam paruo spacio, postea dicendum. Nunc his contenti erimus.

Duodecimum nostrum argumentum sumitur à verbis Pauli, *Patres 1. Cor. 10. nostri omnes eandem escam spirituales 3. 4. manducauerunt, & omnes eundem potum spirituales biberunt*: ergo veteres Hebræi similiter ederunt Christum, atque nos: at illi non carnaliter Christum ederunt: ergo nec nos carnaliter edimus. Bellarminus ait, omnes illos, qui tunc vivebant, & boni & mali, eandem escam comedissemus, non eandem nobiscum. *Respondeo:* Nos supra in Controversia de Sacramentis in genere hanc interpretationem multis argumentis refutauimus, & docuimus eandem nobiscum escam comedissemus: non est necesse nunc eadem repetere. In hanc sententiam luculenta ex Augustino testimonia protulimus.

De Augustino Bellarminus duo respondet. *Primo*, Chrysostomum ei anteponit, quia Augustinus non exposuit hunc locum in commen-

August.  
in Psal. 77.  
& in tract.  
26. in Ioan.

Rrr 2 ratio



rario aliquo proprio. Sed hæc nulla ratio est: potest enim loci verum sensum explicare non minus qui obiter citat, quam qui ex professo exponit. Sed Bellarminus ait, non omnes ex nostrâ sententiâ, sed bonos tantum eam escam manducasse.

*Respondeo:* Omnes Sacramentaliter eandem escam manducârunt, & sic nunc omnes, sed pii tantum fide & spiritualiter; id est, rem Sacramenti perceperunt. *Secundo* Bellarminus ait, Augustinum dicere, Hebræos eandem nobiscum escam manducasse, nimirum significatione; quia idem significât Sacramenta illa & nostra; sed non eandem re. *Respondeo:* Augustinum apertè dicere, rem eandem fuisse, quam illi perceperunt, & quam nos percipimus. Vocat autem Sacramenta significatione eadem, quæ idem significabant, quod nostra: nostra Christum significant; & illa Christum significabant: at in neutris Christus est realiter: tum enim illi non escam eandem, sed tantum significationem huius escæ percipiebant. Sed obijcit, quod Augustinus ait, *Christum illis in petra figuratum, nobis in carne manifestatum.* Vides, inquit Bellarminus, Christum tribui Iudæis in petra; nobis in carne, quam petra illa figurabat.

*Respondeo:* Augustinus ait, illis Christum & nobis eundem prorsus fuisse: non ergo illi solam Christi significationem habuerunt: sed in petra illis figuratus, nobis in carne manifestatus Christus dici-

tur, quia nos in Christum incarnatum credimus, illi in incarnatum: non enim Christi caro in Sacramento manifesta est. Loquitur igitur Augustinus de Christi incarnatione, non de reali præsentia in Sacramento. Sic quod Augustinus alibi ait, *Aliud est Pascha, quod Iudæi de ovis celebrant; aliud quod nos in corpore & sanguine Domini accipimus,* per corpus & sanguinem Domini intelligit Sacramenta harum rerum. Sic igitur concludo, Israelitas in deserto non eandem Sacramenta nobiscum habuisse, sed rem eandem, id est, escam & potum spirituales, nempe Christum: non illi autem carnaliter habuerunt: nec nos igitur.

*Decimum tertium* nostrum argumentum sumitur ex 1. Corinth. 10. 16. 17. & 11. 26. 27. 28. ubi Apostolus Eucharistiam vocat panem quinquies, idque post consecrationem: non ergo desinit esse panis: & sic per consequens non est ibi corpus Christi. Valet hoc argumentum contra Papistas, qui facile dabunt, non esse ibi corpus Christi, si constiterit ibi esse panem: at non contra Lutheranos, qui non tollunt panem, sed cum pane corpus Christi coniunctum esse volunt. Sed iam quid Bellarminus respondeat videamus.

*Primo* communem Papistarum responsionem improbat, panem dici, quia fuit antea panis, ut Eua os Adami dicitur: virgæ in dracones conuersæ vocantur virgæ: claudi & cæci dicuntur ambulare & videre: meretrices & publicani dicun-

Mat. 26. 6.  
Ioan. 2. 6.

dicuntur præcedere in regnum cælorum: Simon leprosus vocatur, quod fuerit antea leprosus: architriclinus aquam gustasse dicitur, quæ facta est vinum. Et hæc fuit veterum Papistarum responsio, qui aduersus Berengarium scripserunt: sed hanc responsionem non probat Bellarminus. Possit enim Adversarii dicere, inquit, non ideo, quia alicubi res denominatur ab eo, unde facta est, ubique ita esse accipienda vocabula. Sed nos duas alias rationes afferimus, quarum prima est, quia tum Apostolus tropice loqueretur: nam res improprie dicitur non quod est, sed quod fuit; & sic nos eodem iure dicere possumus, esse tropum in his verbis, *Hoc est corpus meum*: & sic olim Berengarius respondit: *secunda* nostra ratio est, quod nusquam in Scripturis res aliqua vocetur nomine eius rei, quæ fuerit, nisi cum mutatio sensibus manifesta est. Sic constabat Euam iam mulierem, non os esse; & virgas iam fuisse dracones, non virgas; & claudos ac cæcos desuisse esse claudos & cæcos; & similiter meretrices ac publicanos, sic nec vinum tum erat aqua, sed architriclinus ex gustu diiudicabat esse vinum; nec Simon tum leprosus erat, quia paulo ante sanatus fuit, & omnes tum sanatum esse videbant. Sed hic videtur panis, & sic vocatur: est ergo. Nusquam talis tropus est, nisi cum res evidentes sunt, & euidenter tropum esse declarant. Non ergo corpus vocatur panis, quia ex pane factum est, cum omnes sensus non

esse corpus sed panem diiudicent. *Secundo* Bellarminus ait, Scripturam vocare res ordinariè, ut exterius apparent, ut æneus serpens vocatur serpens: sic Eucharistia vocatur panis, quia forma exterior non differt à vero pane.

*Respondeo:* hoc quoque tropicum esse. Nam serpens æneus non verè serpens erat, sed propter similitudinem; & sensus hic non fallebatur: nam sensus omnes testabantur esse æneum non viuum serpente: in Eucharistia autem nisi panis sit, sensus omnes falluntur. Nō ergo nos accusandi sumus, quod affirmemus panem dici corpus Christi, quia signum est corporis Christi, si hæc ratio interpretandi permixta fuerit, ut panis propter externam speciem dicatur.

*Tertio* Bellarminus ait, vocari panem phrasi Hebraica, qua nomine panis omnis cibus intelligitur. *Respondeo:* 1. Hebraicam vocem (Lechem) non omnem cibum propriè, sed tantum panem significare, nisi tropicè & metaphoricè; tum enim pro omni cibo promiscuè sumitur: si hic sic sumatur, tum tropus est 2. *ἄρτος*, & panis, nō solent sic sumi in bonis authoribus 3. Non alium cibum quam panem, mysterii ratio docet: nam verus panis triticeus in mēsa positus est, nec potest alius cibus præter panem triticeum hoc mysterium denotare. 4. Patres verum panem esse testatur, ut nos postea docebimus, qui ex multis granis tritici fit, ut eo modo nostra inter nos cōiunctio significetur. Perirer ista mystica



1. Cor. 10.  
16.

analogia, si alius cibus & non panis esset. 5. Apostolus ait, *Panis, quem frangimus nonne est* *ἡ σῶμα τοῦ κυρίου*, i. e. *communicatio corporis Christi*? Quem hæc verba sensum haberent, si per panem cibus, id est, caro Christi intelligatur? 6. Caro Christi non nisi metaphoricus cibus est, non verus corporalis cibus. Sed quàm perdita horum causa sit, quis non videt, qui tales expositiones comminisci coguntur? Paulus vocat panem, id est, inquit, cibum: at quis cibus in mensa Dominica, nisi panis.

4. *Quartò* Bellarminus ait, Eucharistiam vocari panem, quia nò modo cibus est, sed cibus solidus, præcipuus, substantialis, qualis est cibus triticeus inter cibos corporales.

*Respondeo*: Hoc nihil differt à superiore. Sed Apostolus aperte se de pane loqui testatur: nam ait, *Panis quem frangimus*. Hoc propriè ad panem refertur: panis enim propriè frangi dicitur: corpus Christi non frangitur: nec alius quiuis cibus frangi, sed scindi potius dicitur: nam fractio indicatur, quæ manibus fit.

5. *Quintò* Bellarminus ait, Christi corpus vocari panem sæpe Ioan. 6. ubi non intelligunt Aduersarij, inquit, panem materiale: ergo cibum cælestem. *Respondeo*: Quando Christi corpus vocatur panis, necesse est de pane spiritali intelligi: sed quando panis demonstratur, qui verè panis fuit, ut ipsi facerentur, & est adhuc verus panis, ut sensus declarant, tum materialis

panis intelligatur necesse est. Nos ergo optimè ex Apostolo concludimus, panem in Eucharistia manere, quia Scriptura vocat panem post consecrationem. Illi non possunt sine tropis respondere: & illorum tropi sunt absurdissimi, & alijs tropis, qui in Scripturis habentur, dissimiles: nostri faciles.

*Decimum quartum* nostrum argumentum sumitur ex Philipp. 3. *Philipp. 3. 21.* *ὁ ἰησοῦς ἡμαρτὶς τὸ σῶμα τῆς ταπεινότητος ἡμῶν, εἰς τὸ ἡγέσθαι αὐτὸ σὺν μορφῇ τῷ σώματι τῆς δόξης αὐτῆς, Qui transformabit corpus nostrum humile, ut conforme fiat corpori suo glorioso.* Corpora nostra post resurrectionem easdem dotes habebunt, quas nunc habet corpus Christi: at stultum est, nostra corpora fore in pluribus locis, aut sub modica specie panis. De hoc loco nos antea nonnulla diximus. Bellarminus ait, quod Christi corpus esse possit in pluribus locis, id non oriri ex eo, quod corpus gloriosum sit, sed ex potentia Dei: nam Christum fuisse in Eucharistia ante resurrectionem. *Respondeo*: Apostolus non modo ait nostra corpora fore gloriosa, sed *σὺν μορφῇ*, i. e. conformia corpori Christi. Theodoretus eodè modo disputat, quod nos, ex hoc loco, ἐκ τῶν ἁγίων φησὶ τὸν καθεστῆσαν τῆς φύσεως, ἢ τὸ δεσποτικὸν ἀρχαῖον πλὴν οὐκ ἔστιν ἀμετέβλητον ἔχει. Si sanctorum corpora retinent notam, seu, proprietatem naturæ suæ, tum & Dominicum corpus similiter propriam substantiam immutabilem habet: at in reali

reali præsentia nullus *καθεστῆσαν* φύσεως retinetur.

15.  
Coloss. 3. 1.

*Decimum quintum* nostrum argumentum sumitur ex Coloss. 3. *Quæ sursum sunt querite, ubi Christus est ad dexteram Dei sedens*: Christus ergo non in Eucharistia querendus est, sed in cælis: & rectè vetus Ecclesia instituit, ut ante mysteriorum celebrationem diceretur, *Sursum corda*. Bellarminus respondet, illud *Sursum corda*, non significare elevationem ad locum corporalem, sed elevationem à rebus terrenis, & à curis huius vitæ, ad Deum, & res æternas, & diuinas. *Respondeo*: *ἄνω* locum corporalem ab hoc mundo secretum significat; non res in hoc mundo, sed τὰ ἄνω, quæ sursum sunt: at si Christus in Eucharistia esset, oporteret τὰ καίτω, i. e. est, quæ deorsum sunt querere. Et Apostolus locum designat, cum ait, *ὅπου ὁ χριστός ἐστιν ἐν δεξιᾷ τοῦ Θεοῦ καθήμενος*, ubi Christus est ad dexteram Dei sedens. Quod autem obiicit de Astronomis, qui semper versantur animo & oculis inter sydera, ineptum est: nam illi non nisi sydera cōtemplantur; at Apostolus nò vult, ut nos oculis sydera cōtemplemur, sed ut supra stellas ascendant mentes nostræ, & Christum contemplantur, qui est in cælis. Sed adhuc obiicit de Magis, qui Christum in præsepi quærebant, de virgine Maria, quæ quærebat in templo, de Magdalena, quæ quærebat in sepulchro; quæ tamen omnes sursum corda habebant, quia illum quærebant, qui est super omnia. Deus benedictus in sæcula. *Respon-*

deo: Christum quando fuit in terris, hic in terris querendum fuisse: at nunc subduxit se è terris: ergo non est nunc in terris, sed in cælis querendus, in quos sublatus est. Eo spectabat, *Sursum corda*: at oporteret & oculos & corda in Sacramentum defigere, si ibi esset Christus.

## CAPVT IX.

*An possit fieri, ut Christi corpus sit præsens in Eucharistia.*

**R**EALLEM Papistarum præsentiam nò nisi humanum complementum esse, variis argumentis, quæ sunt è Scripturarum fontibus ducta, iam demonstratum est: sed nondum toto opere defuncti sumus, quia supersunt alia argumenta, quæ nullo modo in hac causa prætermittenda sunt, cum contra superstitionem Aduersariorum opinionem vel maximè valeant. Neque enim satis est nobis veritatem aperuisse, atque errores, quos refutandos suscepimus, mediocri aut sufficiente refutatione redarguisse; sed nostro instituto conuenit omnia complecti, quæ inter Theologos viri utq; partis de hac controuersia agitari solent. Veniemus nunc igitur ad illud argumentum, quod à natura corporis sumitur, quod etsi videri potest philosophicum, tamen reuera Theologicum est. Nam Scriptura docet, Christi corpus esse iisdem proprietatibus præditum, quibus nostra: eiusdem naturæ esse: & hanc natu-

*Vide apud Bellarmin. lib. 3. de Sacram. Eucharist. c. 1. & 2.*



naturam atq; has proprietates retinere, quandoquidem est necesse ut Christi corpus nunquam definat humanum esse: ex quo efficitur, ut quod à vero corpore alienum est, non possit verè de Christi corpore affirmari: quare quicquid de Christi corpore affirmatur, quod naturæ veri corporis repugnet, id falsum esse manifestum est. Iam in primis ad naturam veri corporis pertinet, habere dimensiones suas, & proinde loco suo contineri: at Christi corpus Papistæ in Sacramento affirmant carere quantitate iusta ac proportionem corporis, nec loco circumscribi; quod perinde est, ac si corporis veritatem tollant. Quid enim refert palamne an rectè hoc faciant? hoc posito Christi corpus expers esse quantitatis, & earum proprietatum, quæ in corpore necessariae sunt & *ἐσσωδεις*, id est, *essentiales*; quantumvis millies dixerint verum corpus esse Christi, tamen Christum non iam vestimento suo spoliant, ut furti rei sint, sed ipsi corpus suum auferunt, ut homicidæ & hæretici euaferint.

Quemadmodum enim si quis Deum esse concederet, interim in certum locum compingeret, nec infinitum esse cōcederet, is Deum tolleretur: sic qui se Christi corpus agnoscere profitentur, & tamē corporis veri proprietates euertunt, nihil in corpore integrum relinquunt. Utinam hæc nobis lis esset cum Papistis solis: sed Lutherani in eodem cum Papistis absurdissimi erroris cæno volutantur: imò

hærent hic putidius. Papistis enim satis est, ut Christus sit in omnibus consecratis hostiis: at Lutheranorum plerique monstruosam quandam ubiuitatem, & æqualitatem humanitatis ac deitatis, & omnipræsentiam, & omnimaiestatem, & huiusmodi prodigia in Eutyche te damnata referunt. Sed nos rectum veritatis filum sequentes, id de Christi corpore teneam, quod Scriptura docuit, veri q; corporis ratio requirit. Sumpto igitur argumento à natura corporis, realē præsentiam oppugnamus. Repugnat enim naturæ & veritati corporis humani, quod membra distincta habet, & magnitudinem iustam, esse in tantillo spatio. Et Papistæ non posse hoc fieri sine miraculo aiunt: nos contra *primò*, miracula non esse temerè fingenda dicimus; sed de miraculis postea: *secundò*, ut Christi corpus eo modo sit in Sacramento, quo Papistæ volunt non posse fieri, ne per miraculum affirmamus, quia simpliciter est *ἀδύνατον*. Nam cōtradictionem implicat, quia sic erit simul corpus & non corpus. Eo igitur insanix Papistas deuenisse contendimus, ut talem Christi præsentiam in Sacramento statuam, quæ sit simpliciter impossibilis, quæ ne in potentiam diuinam cadat.

Quæstio igitur nunc est, possitne Christi corpus esse in Eucharistia eo modo, quo Papistæ volunt. Bellarminus duas huius quæstionis partes facit, quarum *prima* est, an potuerit Deus hoc facere, *secundà*, an voluerit.

Quan-

Quamquam hoc argumentum à potestate Dei non concludit, p Papistis: non enim sequitur, Potest Deus hoc facere: ergo facit: imò pro nobis contra illos maximè facit: Si enim non potest, certè non facit: quemadmodum verò non posse dicatur, mox dicemus. Iam de argumento Papistarum & Lutheranorum; Deus efficere potest, ut corpus Christi sit in multis, aut in omnib. locis: ergo sic credendum est: *respondeo*: non sequitur: tum enim quicquid fieri potest, factum esse statuamus necesse est. Simili argumento olim Praxeas hæreticus usus est, quo Patrem esse & Filium probare voluit, quia difficile non fuit Deo ipsum se & Patrem & Filium facere, ut & sterilem & virginem parere.

Tertullian.  
cont. Praxeam.

Sed Tertullianus hanc insipientiam hæreticorum egregiè refellit. *Sit am abruptè*, inquit, *in præsumptionibus nostris hac sententia utamur, quiduis de Deo confingere poterimus, quasi fecerit, quia facere potuerit. Non autem quia omnia potest facere, id eoque credendum est, illum fecisse etiam, quod non fecerit, sed an fecerit requirendum. Potuit hominem pennis ad volandum instruxisse: potuit Praxeam & omnes hæreticos statim extinxisse. Tum ait, Hac ratione erit aliquid & difficile Deo, id scil. quodcunque non fecerit; non quia non potuerit, sed quia noluerit. Ex quibus Tertulliani verbis nos duo colligimus; *primum* est, non esse à potentia Dei argumentandum, nisi de eius voluntate constiterit.*

Quantumvis ergo posset Deus efficere, ut Christi corpus in mille

locis simul esset, non ideo credendum, nisi & voluisse docuerint Adversarij: id autem nunquam ostendit: *secundum* est, Deo difficilia dici posse, quæ noluerit, non simpliciter, quasi non omnino potuerit, sed quodammodo, quia quod Deus noluerit facere, perinde est ac si non potuerit fieri. Iam igitur, etsi Papistæ euicerint posse fieri, quod contendunt, parum profecerint, quia non oportet vitam abruptis præsumptionibus, & quiduis de Deo confingere, ut Tertullianus loquitur. Sed quia nec Deus facit, quod fieri non possit, & nos hoc esse ex eorum genere dicimus, quæ fieri nequeunt, vidit Bellarminus, hunc locum in initio sibi perpurandum esse. Quid igitur? Deus aliquid non posse dicendus? an non hoc cum Dei omnipotentia pugnat? num nos igitur omnipotentiam Dei negamus, aut in quæstionem vocamus? Absit. Id tamen non Papistæ tantum, sed insulsi quidam Lutherani de nobis blaterant, nos negare omnipotentiam Dei, quia non dicimus abruptè & absolutè, sine omni exceptione aut explicatione, Deum omnia posse.

Sic præclarus quidam author Conrad. Shlushelburg. art. 3.  
Conradus Shlushelburgius ait Dei omnipotentiam à nobis impiè negari, quia hoc fieri non posse dicimus, ut corpus sit non corpus: ut aliquid actu sit & non sit simul. In doctè. Quædam enim Deus facere non potest, ut peccare, mentiri, mori, quæ præterita sunt, facere ut sint futura, quæ facta sunt infecta  
Sss facere;



facere; & Scriptura ipsa affirmat Deum quædam non posse, ut ἀδύναμι, negare seipsū non potest, & ἀδύνατον ψεύσασθαι Θεόν, impossibile est, Deum mentiri. Apostolus tamen non negat omnipotentiam diuinam. Ita Deus non potest impellere quenquam ad peccandum, nec fallere, nec falli, nec potest non esse beatus, æternus, infinitus, bonus: hæc enim omnia pugnant cum natura diuina. Quare Augustinus ait, *Propterea quædam non potest DEVS, quia est omnipotens, & alibi, Ego dico quanta non possit; non potest mori, non potest peccare, non potest mentiri, non potest falli. Tanta non potest, quia si posset, non esset omnipotens; & adhuc alibi, Quisquis ita dicit, si omnipotens est Deus, faciat ut quæ facta sunt, facta non fuerint, non videt se hoc dicere, si omnipotens est, faciat ut ea quæ vera sunt, eo ipso quo vera sunt, falsa sint. Similiter Ambrosius, Quid ei impossibile non est virtuti arduū, sed quod natura eius contrarium. Theodoretus ait, ποῦ δὲ εὐρηκαμεν ἀδύνατα ὄντα τῷ παντοδύναμῳ Θεῷ, Multa inuenimus impossibilia omnipotenti Deo, nimirum quæ sunt τῆς φύσεως ἐναντία, ἢ ἀλόγιστα τῆς θείας, quæ sunt aliena à natura diuina, eique contraria. Sed rectè monet, ista non posse, non esse ἀδυναμίας, sed ἀδυναμίας τεκμήριον infirmitatis aut impotentia indicium, ἀδύναμεις, sed potentia & posse, esse ἀδυναμίας, & ἀδυναμίας, impotentia non potest. Et sic Ambrosius. Impossibile istud non infirmitatis, sed virtutis & maiestatis. Hieronymus ait, Audenter loquar; cum omnia possit Deus, suscitare*

virginem non potest post ruinam, id est, corrupta, facere non corruptam. Non mirum igitur quod quædam non posse Deum dicamus: nam si posset, aut non esset Deus, aut faceret vel pateretur aliquid suæ naturæ contrarium. Quemadmodum à Deo alienum est, ut quod verum est, falsum esse faciat, sic ut quod corpus est, non esse corpus faciat: hoc enim facere est mentiri: at hoc Deus non potest, quia Deus nisi verus ne cogitari quidem potest. Tria autem sunt in Papistarum dogmate impossibilia; primum est, vnum corpus poni simul in diuersis locis: secundum, corpus esse alicubi, & non occupare locum: tertium, accidentia esse sine subiecto, & nutrire. Hæc præcipua sunt: nam alia quoque ex his sequuntur: hæc illi statuunt: nos esse & falsa & ἀδύνατα dicimus. Sed antequam de his separatim dicam, dicendum prius in genere, an hæc sint simpliciter impossibilia. Quærendum ergo, quid sit impossibile, id est, quid Deus non possit facere; eo intellecto, facile an hæc possibilia sint intelligemus. Quærenda ergo regula est, ex qua liqueat, quid DEVS possit, quid non; de qua, ut spero, inter nos conueniet. Sed tamen de ea Theologi variè scripserunt. Bellarminus ait, regulam hanc posse sumi vel à Deo, vel ab homine, vel à reb. ipsis: nos de his breuiter respondēmus. I. ait, Calvinū in Catechismo & institutione docere, Deū posse facere, quod vult, & facit, nullam autem esse in Deo potentiam faciendi quod non decreuit.

Sanè

Sanè quin possit Deus quod vult, nemo pius negarit: non esse autem in Deo potentiam, qua possit facere, quod non facit, id nunquam. Calvinus dixerit, neque eiusmodi aliquid in Calvino habetur: quare mendacium hoc Bellarmini est. Id quidem Calvinus ait, potentiam Dei non esse fingendam otiosam, & quodammodo sopitam, sed efficacem, vigilem, operosam: ne Deū permisisse vim omnem secundis causis, ipsum nihil nunc agere existimemus: nō tamen proinde Deus non posset multo plura facere, si vellet, etiam nouum mundū creare, imo multos mundos. Tamen quia inutile est de potētia Dei disputare, quæ nunquam in actum venit, Theologi nonnunquam Dei potentiam ad eius voluntatem referunt, ut omnipotens sit, quia potest quicquid vult.

Tertull. *Tertullianus ait, Dei posse velle est, & non posse, nolle: ergo ait, Si probaueris illum fecisse, tunc probabis illum & potuisse & voluisse.*

August. de *Sic Augustinus, Dicitur omnipotens faciendo quod vult, non patiēdo, quod non vult. Et sic Propheta David de potentia Dei differens ait, Deus noster in calis est, quicquid voluit facit. Nos volumus multa, sed non possumus, & dæmones volunt plura, quam possunt: at Deus potest omnia quæ vult: in quo eius omnipotentia elucet, quæ nulli creaturæ conuenit. Sed tamen certum est, posse Deum multa, quæ nunquam facturum est, nec putandum est facere omnia quæ potest. Potuit impedire ne Adamus peccaret, ne*

serpens mulierem falleret, ne Iudæi Christum occiderent: potuit efficere ut omnes seruarentur, etiam dæmones. An putas me non posse nunc precari Patrem meum, inquit Christus, qui huc sistat mihi plures quam duodecim legiones Angelorum? at hoc factum non est. Et alibi, Dico vobis posse Deum etiam ex lapidib. istis excitare filios Abraham: at hoc nunquam fecisse legitur. Sic adhuc alibi, Abba Pater, omnia possibilia sunt tibi: transfer à me istud poculum: potuit Deus transferre, sed non transtulit. Sic August. ait, in futuro seculo nos multa cognituros, quæ nescimus nunc, veluti cur Deus noluerit multos seruari & seruari posset: cur noluerit Christus facere miracula apud eos quæ crederent, & facere apud eos qui non crederent: cur elegerit hos, non illos: cur non faciat multa quæ potest. Sic idem alibi ait, posse fieri, ut homo sit ἀναμάρτητος, sine peccato, et si nullus vnquam fuit, Christo excepto, qui natura Deus est. Non ergo negandum, ideo posse hoc Deum, quia nunquam fecit, aut facturum est.

Damascenus hac de re hæc verba habet, πάντες μὲν ὅσα θέλει, δύναται: ἔχοντες δὲ δύναται, θέλει: δύναται ὅσα πολεῖται τὸν κόσμον, & θέλει δὲ. De omnia quacunq; vult potest, non autem quacunq; potest vult: potest enim mundum destruere: non vult autem. Ergo simpliciter potentia Dei latius patet, quam eius voluntas, si per eius voluntatem intelligatur executio & effectio. Falsum & hæreticum est, Dei potentiam ex aequari eius effectibus, ut Petrus Abailardus docuit. Sed aliquo modo

Sss 2 volun-



voluntas & potentia Dei æqualis est: quicquid enim Deus velle potest, id facere potest. Nam etiam Angeli boni faciunt quæ volunt, quia nihil volunt, nisi quod velle debent: sic in hoc Deo pares sunt: at non possunt omnia, quæ velle possunt. Re in Deo idem voluntas & potentia est. Sed non minus incertum est, quid Deus possit velle, quam quid facere possit: melior ergo certiorque adhuc regula quærenda est.

2. *Secundo* ex parte hominis (inquit Bellarminus) posset accipi hæc regula, id omne posse Deum facere, quod potest homo concipere. Sicaliqui Scholastici, quia obiectum humani intellectus est ens aut verum: quicquid est ens aut verum, fieri potest. Et quidem Deus potest facere omnia, quæ cadere in humanam intelligentiam possunt, si de proprio obiecto loquamur (fingimus enim etiam contradictoria possumus, quæ fieri nequeunt) sed Dei potentia non est humanæ mentis angustiis circumscribenda: plura potest Deus, quam nos cogitare. Quis enim nostrum mundi structuram animo complecti potest? constructum esse credimus, & eius rei ideam quandam animo concipimus: sed modus superat intelligentiam nostram. Corpus solis oculis cernimus, sed eius rationem, vires, operationes omnes, non intelligimus. Quid de animæ origine, de generatione Filii, de processione Spiritus Sancti, de Trinitate personarum dicemus? nonne hæc omnia sunt ἀναγνώστῳ, id est,

eiusmodi quæ animo nostro concipi & comprehendere non possunt? Et nonne legimus, *Quæ oculus non vidit, nec auris audiuit, nec in mentem hominis vēβη, ascenderunt, paravit Deus ijs, qui ipsum diligunt?* Et nonne Apostolus ait, Deum posse πάντα ποιεῖν, ὡς ἐκπελάσῃ ὧν αἰτέμεθα ἢ νοῦμεν, infinita cum redundantia omnia facere, supra ea quæ petimus, aut mente concipimus? Potest ergo Deus, quod nunquam cuiquam in mentem venit: ergo non est eius potentia ex ingenii nostri captu metienda. Et quanquam, quod intelligimus, verum est: at infinita vera sunt, quæ non intelligimus. In natura quam multa sunt, quorum ratio nobis ignota est? de quibus Augustinus respondens ethnicis, qui nostram putant esse falsam, quia non intelligunt, quæritur cur sal Agrigentinus admotus igni velut in aqua fluescit, cum in aqua, velut in igne crepitare soleat: & ait apud Garamantas fontem esse tam frigidum diebus, ut non bibatur, tam feruidum noctibus, ut non tangatur; & alia eiusmodi commemorat. Faciendum igitur vinci nostram cogitationem à potentia diuina: nostra enim intelligentia finita est; at Dei potentia infinita. Nos cur Deus hunc eligere, illum reiicere voluerit, non capimus. Quare quod Bellarminus ait, nos nolle credere, nisi quod ratione capimus, mera calumnia est. Sed posse Christi corpus in Eucharistia esse non credimus, non quia non capimus, sed primo, quia pugnat cum Scripturis, secundo, quia est simpliciter ἀδύνατον,

1. Cor. 2, 9.

Eph. 3, 20.

August. de civit. Dei. 21. c. 5.

πῶν, id est, impossibile, ut nos postea doceamus.

3. Tertiò, à rebus ipsis regula sumi potest, fieri scilicet posse, quicquid non implicat contradictionem. Quia nihil simul est, & non est: si hoc Deus faceret, sibi repugnaret: esset enim Deus & non Deus: quicquid ergo repugnantiam & contradictionem inuoluit, id non potest fieri, non modò quia cum immoto quodam principio naturæ pugnat, sed quia Deus tum sibi dissimilis esset: tum enim dici posset, Deum non prædestinasse, quos prædestinavit; non reprobasse, quos reprobavit, non fecisse, quod fecit. De regula igitur inter nos convenit, sed quæstio est, an hoc implicet contradictionem, de quo nunc disputamus. Illi negant, nos affirmamus.

## CAPUT X.

*An unum corpus esse in pluribus locis, implicet contradictionem. Argumenta Pontificiorum quibus probant non implicare.*

POSS E unum corpus in pluribus locis simul adesse, Bellarminus quinque argumentis conatur probare, quorum primum est Scriptura sumitur, quæ testatur Deo nihil esse impossibile. Apud Matth. 19. 26. Luc. 1. 37. Deum omnia possibilia sunt, inquit Christus: item alibi, Apud Deum & ἀδύνατον ὅτι πᾶν ῥήμα, non erit impossi-

bile ullum verbum. Si nihil sit impossibile Deo, ergo nec impossibile est, unum corpus esse simul in multis locis.

Respondeo: Cum fateatur Bellarminus, ea Deo impossibilia esse, quæ sunt ἀντιφαστικά, id est, quæ implicant contradictionem, non omnia simpliciter erunt possibilia. Sed cetera omnia, quæ non caudam contradictionis trahunt. Si hoc eiusmodi sit, possibile esse dabitur. Sed fieri sine contradictione non potest, ut unum corpus in pluribus locis statuatur, quia tum erit corpus idem, & non idem corpus; quod sine contradictione ne cogitari quidem potest. Sed hoc Bellarminus ex nostris principiis conatur refellere. Tria autem affert principia nostra.

Primum est, nil esse credendum sine verbo Dei: at verbum Dei nunquam excipit à Dei omnipotentia præsentiam unius corporis in diversis locis. Respondeo: Si contradictionem implicet, certum est ex ipsius confessione alienum esse à Dei potentia; neque opus est proferre testimonium Scripturæ, quo corpus unum non esse in duobus locis probetur, cum pugnet cum communi regula, quæ satis clare in Scripturis habetur. Nam Deus non potest mentiri, nec se negare: id Scriptura disertè affirmat: quare? quia cum eius natura pugnat: similiter unum corpus non potest esse in duobus locis, qui tum Deus faceret, ut unum non esset unum, corpus non corpus; & sic mentiretur: deinde corpus Christi esset

Heb. 6. 28. 2. Tim. 2. 13.

Sss 3 circum-

voluntas & potentia Dei æqualis  
est: quicquid enim Deus velle po-  
test, id facere potest. Nam etiam  
Angeli boni faciunt quæ volunt,  
quia nihil volunt, nisi quod velle  
debent: sic in hoc Deo pares sunt:  
at non possunt omnia, quæ velle  
possunt. Re in Deo idem voluntas  
& potentia est. Sed non minus in-  
certum est, quid Deus possit velle,  
quam quid facere possit: melior  
ergo certiorq; adhuc regula quæ-  
renda est.

2. *Secundò ex parte hominis* (inquit Bellarminus) posset accipi hæc regula, id omne posse Deum facere, quod potest homo concipere. Sicaliqui Scholastici, quia obiectū humani intellectus est ens aut verum: quicquid est ens aut verum, fieri potest. Et quidem Deus potest facere omnia, quæ cadere in humanam intelligentiam possunt, si de proprio obiecto loquamur (fingi enim etiam contradictoria possunt, quæ fieri nequeunt) sed Dei potentia non est humanæ mentis angustiis circumscribenda: plura potest Deus, quam nos cogitare. Quis enim nostrum mundi structuram animo complecti potest? constructum esse credimus, & eius rei ideam quandam animo concipimus: sed modus superat intelligentiam nostram. Corpus solis oculis cernimus, sed eius rationē, vires, operationes omnes, non intelligimus. Quid de animæ origine, de generatione Filii, de processione Spiritus Sancti, de Trinitate personarum dicemus? nonne hæc omnia sunt ἀκατάληκτα, id est,

eiusmodi quæ animo nostro concipi & comprehendere non possunt? Et nonne legimus, *Quæ oculus non vidit, nec auris audiuit, nec in mentem hominis* ἀνέβη, *ascenderunt, paravit Deus* ἰς, *qui ipsum diligunt?* Et nonne Apostolus ait, Deum posse *πάντα ποιῆσαι* ὑπερεκπερασθεῶν ἀτέμεθα ἢ νοῦν, *infinita cum redundantia omnia facere, supra ea quæ petimus, aut mente concipimus?* Potest ergo Deus, quod nunquam cuiquam in mentem venit: ergo nō est eius potentia ex ingenii nostri captu metienda. Et quanquam, quod intelligimus, verum est: at infinita vera sunt, quæ non intelligimus. In natura quam multa sunt, quorū ratio nobis ignota est? de quibus Augustinus respondens ethnicis, qui nostrā putant esse falsā, quia nō intelligunt, quærit cur sal Agrigētinus admotus igni velut in aqua fluescit, cum in aqua, velut in igne crepitare soleat: & ait apud Garamantas fontem esse tam frigidum diebus, ut non bibatur, tam feruidum noctibus, ut non tangatur; & alia eiusmodi commemorat. Faciendum igitur vinci nostrā cogitationem à potentia diuina: nostrā enim intelligentia finita est; at Dei potentia infinita. Nos cur Deus hunc eligere, illum reicere voluerit, non capimus. Quare quod Bellarminus ait, nos nolle credere, nisi quod ratione capimus, mera calumnia est. Sed posse Christi corpus in Eucharistia esse nō credimus, non quia non capimus, sed primo, quia pugnat cum Scripturis, secundo, quia est simpliciter ἀδύνα-

1. Cor. 2.9.

*Eph. 3. 20.*

August.  
de cix.  
Deil. 21.  
C. 5.

τον,

πῶν, id est, *impossibile*, vt nos postea  
docebimus.

5. *Tertiò*, à rebus ipsis regula sumi potest, fieri scil. posse, quicquid nõ implicat contradictionem. Quia nihil simul est, & non est: si hoc Deus faceret, sibi repugnaret: esset enim Deus & non Deus: quicquid ergo repugnantiam & contradictionem inuoluit, id non potest fieri, non modò quia cum immoto quodam principio naturæ pugnat, sed quia Deus tum sibi dissimilis esset: tum enim dici posset, Deum non prædestinasse, quos prædestinavit; non reprobasse, quos reprobavit, non fecisse, quod fecit. De regula igitur inter nos conuenit, sed quæstio est, an hoc implicet contradictionem, de quo nunc disputamus. Illi negant, nos affirmamus.

C A P V T X.

*An unum corpus esse in plu-  
ribus locis, implicet contradic-  
tionem. Argumenta Pontificiorum  
quibus probant non impli-  
care.*

Math 19  
26.  
Luc. 1. 37.

**P**ossesse unum corpus in pluribus locis simul adesse, Bellarminus quinque argumentis conatur probare, quorum primum è Scriptura sumitur, quæ testatur Deo nihile esse impossibile. *Apud Deum omnia possibilia sunt*, inquit Christus: item alibi, *Apud Deum & ἀδυνατίει πᾶν ᾧ ᾔμας*, non erit impossi-

*bile vllum verbum. Si nihil sit impos-  
sibile Deo, ergo nec impossibile  
est, vnum corpus esse simul in mul-  
tis locis.*

*Respondeo:* Cum fateatur Bellarminus, ea Deo impossibilia esse, quæ sunt ἀντιφάσιμα, id est, quæ implicant contradictionem, non omnia simpliciter erunt possibilia. Sed cetera omnia, quæ non caudam contradictionis trahunt. Si hoc eiusmodi sit, possibile esse dabimus. Sed fieri sine contradictione non potest, ut unum corpus in pluribus locis statuatur, quia tum erit corpus idem, & non idem corpus; quod sine contradictione ne cogitari quidem potest. Sed hoc Bellarminus ex nostris principiis conatur refellere. Tria autem affert principia nostra.

*Primum* est, nil esse credendum sine verbo Dei: at verbum Dei nusquam excipit à Dei omnipotentia præsentiam vnius corporis in diuersis locis. *Respondeo*: Si contradictionem implicet, certum est ex ipsius confessione alienum esse à Dei potentia; neque opus est proferre testimonium Scripturæ, quo corpus vnum non esse in duobus locis probetur, cum pugnet cum communi regula, quæ satis clare in Scripturis habetur. Nam Deus non potest *mentiri*, nec *se negare*: id Scriptura disertè affirmat: quare? quia cum eius natura pugnat: similiter vnum corpus non potest esse in duob. locis, qui tum Deus faceret, vt vnum non esset vnum, corpus non corpus; & sic mentiretur: deinde corpus Christi esset

Heb. 6. 28.  
2. Tim. 2.  
13.



circumscriptū in vno loco, quod est de corporis essentia, & simul esset in multis locis, quod est contra essentiam corporis, & sic esset contradictio. Cum autem contradictio non cadat in sinum Dei, ut recte Augustinus, hoc posse fieri prorsus negandum est. Habemus igitur verbum Dei: Deus non potest facere, quæ implicant contradictionem, quia non potest mentiri. Bellarminus ait, vnum corpus in duobus locis esse, non posse clare ad hoc reduci: sed satis est, si vltimo modo reducat.

2. *Secundum* principium nostrum est, eam esse verā doctrinam, quæ Deum exaltat, & hominem deprimat, & contra falsam esse, quæ hominem exaltat, & deprimat Deum. At qui dicit posse Deum ponere vnum corpus in pluribus locis, hic Deum exaltat, & hominem deprimat, cum fateatur Deum plura posse facere, quam nos intelligamus: qui autem id negat, Deum deprimat, & hominem exaltat, cū dicat Deum nō posse facere, quod homo nō potest capere. *Respondeo*: Hoc est sophisticè nugari. Non enim verum semper est, quicquid nos Dei potētiā amplificare fingimus, quia sic possemus fingere, Deū multos filios genuisse, & multos mundos condidisse, & tñ horū vtrumque falsum est: non ergo dicimus, veram doctrinam sic semper esse æstimandam. Nostrum principium est, de rebus diuinis loquendum esse ex præscripto verbi diuini, non ut cancellos verbi prætergressi nescio quæ somnie-

mus. Denique hoc eiusmodi est, ut cum diuina gloria constare nequeat: esset enim Deus sibi contrarius, si aliquid simul esse & non esse faceret.

3. *Tertium* nostrum principium à Bellarmino citatum est, esse in loco, non esse de essentia corporis, sed accidentarium quiddam: ergo non implicat contradictionem, vnum corpus esse in pluribus locis, quia illa tantum implicant contradictionem, quæ pugnant cum essentia rei. *Respondeo*: Est de essentia corporis, implere locum, quia habet longitudinem, latitudinem, & profunditatem. Hæ dimensiones non possunt sic coarctari, ut sint sine spatio: non ergo potest esse corpus sine his: de essentia ergo sunt hæ dimensiones: & per cōsequens non potest esse corpus sine loco.

Bellarminus obicit, vltimum cælum non esse in loco: Sic nullam instantiam nisi de vltimo cælo dare potuit: ad summum cælum fugere coactus est, quia nullum in mundo exemplū reperire potuit. Sed respondeo, 1. nos de corporibus physicis loqui, imo de corpore humano, quod necessariò debet esse in loco. 2. De cælo vltimo *respondeo*, non esse aut ubique, aut in multis locis: imò Bellarminus ait, in nullo loco esse: & sane sic videri potest, quia omnis locus est intra vltimum cælum. Sed etsi vltimum cælum non sit in loco propriè, tamen superficie sua circumscribitur. Sophisticum est, cum nos de locis propriis loquamur, instantiam dare de loco non propriè dicto;

cto; & cum nos de corpore organico loquamur, sphaeram cælestē vltimam obicere: non enim axiomata est de tali corpore, sed de corpore composito ex elementis. Sed 3. *Respondeo*: de vltimo cælo non dixerit, esse in loco simul, & non esse: at de Christi corpore aiunt, esse simul circumscriptum loco, & non esse: quod necessariò contradictorium est.

2. *Accedo* nunc ad *secundum* Bellarmini argumentum, quod sumitur ab exemplo Scripturæ. Christus cum Apostolo Paulo post ascensionem apparuit, fuit simul in summo cælo, & in terra, siue in aere terræ vicino: ergo vnum corpus potest esse in pluribus locis simul. Fuisse in cælo probat, quia id, inquit, Aduersarii non negant.

*Respondeo*: Si Christus tam fuit in terra, aut in aere terræ vicino, fuisse simul in cælo negamus. Hoc Bellarmino probandum fuit, Christum simul fuisse in cælo, & Paulo præsentem ad fuisse in terris. Sed primò fuisse in cælo probat, quia Scriptura ait, *Quem oportet cælum subire usque ad tempus restitutionis omnium*. *Respondeo*: 1. Illud, *dē oportet*, non ita rigidè vrgendū esse, quasi non liceat Christo, si velit, extra aulam cælorum egredi, ne ad tempus quidem, sed hanc illi sedem fore. Christus Zachæo dixit, *dē me hodie domi tuæ manere*: non hoc ei necessarium fuit; & mansit, quamdiu voluit. Sic alibi dicitur, *Edes dē autem dicitur dē the Samariæ*, *Oportebat eum transire per Samariam*:

potuit tamen Christus alia via perficisci in Galilæam. Non ergo necessarium est, hoc de perpetua Christi in cælis permansione intelligi, quasi ne ad horam esse alibi potuerit, sed de mora & assidua commoratione ibi, ut dicitur quis nunquam exire domo, qui rarissimè exit. Sic Pater filij prodigi dixit filio natu maiori, *Tu semper mecum es*: non tamen perpetuo coram patre fuit. Sic locus exponi potest, & sic non fuit Christi corpus simul sursum & deorsum. 2. Si semel aut bis è cælo egressus est Christus, non sequitur, eum in Eucharistia semper esse. 3. Dico tum Paulo apparuisse Christum, & Paulum vidisse, & ex visione agnouisse: at Christus in Eucharistia non appareret. 4. Nego Christum fuisse in terra, aut in aere, quando Paulo apparuit; & postquam ascendit, nunquam in terris conspectum esse.

Sed probat Bellarminus ex Act. 9. & 22. atque hic duas nostras responsiones affert, & sigillatim retellit. *Prima* est, Paulum non vidisse Christum in persona sua, sed in specie seu similitudine quadā, nec ipsum Christum audisse, sed vocē quandam factam diuinitus, qualis fuit vox Dei Patris super ipsum Christum in Baptismo, & in monte Thabor: & ait sic Calvinum videri locum hunc intellexisse Act. 9. Sed Calvinus nihil eiusmodi habet, neque nos hanc responsionem agnoscimus: neque enim dubitamus, quin Christum ipsum viderit Paulus, non modo spectrum aut

August.  
Confess. l.  
12. c. 25.

Act. 9. &  
22.

Act. 3. 21.

1.

Luc. 19. 5.

Ioan. 4. 4.

Luc. 15. 31.

2.

3.

4.

aut similitudinem Christi: neque est  
necesse nobis ad has coniecturas  
confugere. Paulus ipsum Chri-

1. Cor. 9. 1. stum vidit, Nonne Iesum Christum  
Dominum nostrum vidi? inquit, & a-

libi, Εσχάτων δὲ πάντων, ὡς περιέτρεψεν  
1. Cor. 15. 8. ἐκ τῶ ματι, ὡς φησὶ καὶ μοι. Ultimo vero  
omnium, velut abortiuo, visus est etiam  
mibi: & adhuc alibi, ὁ Κύριος ἀπε-

παλασε με ( inquit Ananias Paulo )  
1. Cor. 15. 8. Ἰησοῦς ὁ ἐφ' οὗ σοι ἐν τῇ ὁδῷ ἦ ἤραξ,  
Act. 9. 17. Dominus misit me, Iesus, inquam, qui  
apparuit tibi in via, qua veniebas. Ergo

sine dubio Paulus reuera vidit  
Christum. Secunda nostra respon-

sio, quam affert Bellarminus, est,  
Paulum vidisse & audiisse Christum,

sed in caelo existentem, ita ut diui-

na virtute factum fuerit, ut Pauli  
oculi & aures caelum penetrarint:

& sic quidem Calvinus. Videamus  
iam, quomodo Bellarminus istam

expositionem refellat. Primo per-

stringit Calvinus, quod alio loco  
contra inuocationem Sanctorum

scribens ait, *Quis eorumque longas esse  
illis aures reuelauit, quae ad voces nostras*

*porrigantur, oculos etiam tam perspicaces,  
qui necessitatibus nostris adiuuarent?*  
Si oculi carnei, inquit Bellarminus,  
& aures carnae in caelum pene-

trent; non poterit eadem virtute  
fieri, ut oculi & aures spirituales a-

nimarum glorificatarum in terrā  
penetrent? Respondeo: Quin possit  
hoc miraculo fieri, non dubium  
est, ut in Paulo & Stephano factum  
est: hoc miraculum probent illi de  
Sanctis in caelo: imo Papistae illos  
non videre aut audire aliquid ex se  
aiunt, sed aut in Deo videre, aut  
reuelari eis à Deo. Sed haec obiter

Ergo iam repetimus responsionē  
nostram, quod Paulus viderit au-

dieritque Christum, non ex eo se-

qui, Christum fuisse in terra aut  
aere. Sed quare non obiicit Bellar-

minus, visum quoque fuisse Chri-

stum à Stephano; quod Lutherani  
obiiciunt: quia vidit scilicet aperte

contra se facere: nam Stephanus  
ait, Ecce, conspicio caelos apertos, & Fili-

um hominis adstantem ad dexterā Dei.  
Stephanus vidit Christum, sed in

caelo: nam caeli aperti sunt. Iam ve-

ro quemadmodum virtute Dei  
factum est, ut Stephanus Christum

in caelis viderit: ita eadem virtute  
fieri potuit, ut Paulus Christum in

caelis videre atque audire potue-

rit. Et sic Augustinus, De calo, voca-

tus est, voce sublimi. Si Christus iuxta  
stetit, non de cælo vocauit, nec vo-

ce sublimi opus fuit: nec in loco a-

liquid habetur, unde Christum  
fuisse in terris intelligamus. Sed

postea conatur Bellarminus excu-

pere aliquid ex eo, quod lux, quæ  
Paulum circumfulsit, eum planè  
excauerit: non autem lædere  
potuisset eius oculos, inquit, lux  
illa corporis Domini, nisi propin-

qua fuisset.

Respondeo: Lucas non ait illam  
luxem fluxisse è corpore Christi,  
sed è caelo: καὶ ἡ εὐφροσύνη αὐτὸν φῶς  
ἐκ τοῦ οὐρανοῦ περιέλαμψε, circumfulsit eum lux è  
caelo: id autem fieri potuit, ut Christi  
corpus non descenderit; imo po-

tuit lux è corpore Christi in caelo  
manentis fluere, quæ non modo  
Pauli oculos perfringeret, sed &  
ipsū obrueret. Et certè si Christus

tam

tam prope fuit, quam illi volunt,  
cur solus Paulus illum vidit & au-

diuit? cur Pauli comites non vide-

runt hanc lucem? cur illi excæcati  
non sunt? dicuntur illi lucem vi-

didisse & timuisse, sed vocem non  
audiuisse; & tamen alibi ait Lucas

audiuisse vocem, sed neminem vi-

didisse. Opinor vocem Pauli audi-

uisse, at non Christi, qui cum Pau-

lo loquebatur: tum enim credidif-

sent; & sic Occumenius non in-

commode. Sed si Christus iuxta  
fuit, certè & audiissent & vidif-

sent; aut forsan tantus fulgor illo-

rum quoque aciem obruisset, quæ-

admodum de Paulo legimus: at  
illi nihil passi sunt detrimenti in o-

culis: quod non potuisset fieri sine  
miraculo, si Christus adfuisset.

Quare quod Bellarminus ait,  
comites Pauli non potuisse oculis

& auribus summum caelum pene-

trasse, qui tamen & lucem vide-

runt, & sonum vocis audierunt:  
dico non id necessarium fuisse. Nā  
1. quod ad oculos attinet, non illi  
Christum, sed lucem quandam  
caelo demissam viderunt: neque e-

nim propter comites, sed propter  
Paulum Christus apparuit. 2. Non  
audierunt Christum, sed Paulum  
loquentem, ut vult Occumenius:  
vel si quis de voce Christi intelli-

gendum esse contenderit, tum illi  
loquentem Christum audiebant,  
sed quid loqueretur nesciebant;  
sonitum quendam auribus perce-

perunt, sed vim & sententiam ver-

borum non intellexerunt. Sic nos  
saepe audimus loquentes, sed quid  
loquantur, non assequimur; quod

perinde est, ut si non omni-

no audiamus. Id ergo necessarium  
est, ut Comites nescierint, quid

Christus Paulo dixerit: at si Chri-

stus tam prope fuisset, quam illi  
singūt, procul dubio exaudiissent,

cum integri sensibus fuerint: ergo  
Christum de caelo tonuisse, & in-

Pauli aures oculosque influxisse ma-

nifestum est. Sed adhuc vrget Bel-

larminus, Paulum dixisse, *Quis es*

*Domine?* & Christum respondisse,  
*Ego sum Iesus, quem tu persequeris:* Hæc

inquit, aperte Christi præsentiam  
inducant: nam si vidisset Paulus

Christum in summo caelo, ut eum  
vidit Stephanus, inquit, non dubi-

tasset, quisnam esset; sed quia re-

pente vidit coram se hominem,  
quendam supra lucem solis ruti-

lantem, ideo dixit, *Quis es Domine?*  
*Respondeo:* Neque in hac coniectu-

ra quicquam est, quod sit alicuius  
momenti. Stephanus, cum Chri-

stum vidit in caelo, nō quærit, quis  
esset: norat enim & in eum credi-

derat: Paulus vero Christi apertus  
hostis fuit: quamvis ergo in caelo  
nunc videat Christum, non mirum  
est, quod quis esset quærat, cum il-

lum in caelis videret, quem impo-

storem esse putabat, & in quem  
non credebatur, sed eum perseque-

batur & odio habebat. Quan-

quam illud, *Quis es Domine?* vox est  
attoniti, & nō tam nescientis quis  
fuerit, quam mirantis & doceri  
cupientis.

Sed postremo ait Bellarminus,  
Si solum in caelo Paulus Christum  
vidisset, non fuisset idoneus testis  
resurrectionis: potuissent enim

T t t homines



homines dicere, eum deceptum fuisse, aut sola imaginatione vidisse.

*Respondeo:* Ad confirmandam resurrectionis veritatem satis est quod Christum viderit: in cælis mean in terris viderit, nihil refert, modo viderit omnino. Tam enim sequitur Christum resurrexisse, si ascendit, quam si in terris se videndum præbeat: calumniatores possent non minus falsum dicere, si in terris Christum Paulus vidisset, quam si in cælo vidisset. Quid illi possint calumniari, parum refert: imo magis confirmat resurrectionem, Christum in cælo visum esse cum corpore suo, quam in terris, quia nulla in cælo spectra sunt, multa vero in terris. Hactenus ex Scripturis ratiocinatus est Bellarminus: nunc argumentum suum ex aliis Christi apparitionibus extra Scripturas confirmat. Petro Christum apparuisse scribit Egesippus & Ambrosius. *Respondeo:* nullam esse necessitatem credendi his testimoniis: Hegesippus primus fuit, qui Petrum Romæ fuisse, & Romæ mortuum esse scripsit: ab illo alii hoc hauserunt: nec tamen aliquid est, quod cogat nos credere, illum fuisse ibi, multa quæ non fuisse persuadeant. De illa apparitione nullum nisi humanum testimonium est. Quod autem de Sancto Antonio assertur ex Athanasio, ei Christum apparuisse; certum est illum librum non esse Athanasii, nec habere aliquid dignum Athanasio: non enim nicam ingenii aut pietatis Athanasiani habet. Certè

Egesipp. de  
excid. Hier.  
l. 3. c. 2.  
Ambros. in  
orat. cont.  
Auxent.

Athanas.  
in vita S.  
Antonii.

Hieronymus, qui multa de Antonio scripsit, nihil tale de illo commemorat. Sed potuit apparitio esse imaginaria, qualis in extasi esse solet: sic enim Paulo Christus nonnunquam apparuisse legitur: ait enim, cum precaretur in templo in Hierusalem, & extra se raperetur, se vidisse Christum dicentem sibi, *Festina & exi cito ex Hierusalem: quoniam non accipient testimonium tuum de me.* Quod vero ex Gregorii Dialogis assertur de Tharfilla, quæ Iesum venientem ad se vidit, cum moretur, hoc quoque *ἐκστασι* fieri potuit: non ex tali quaque visione colligi potest, ipsum Christum venisse. Neque quod locus fragrabat miris odoribus, præsentiam Christi arguit: potuit id miraculo fieri, ut illam animam sibi charam esse Christus ostenderet. Eiusmodi est, quod Ioannes Diaconus in vita Gregorii affirmat, Christum Gregorio apparuisse: quasi quicquid aut Diaconus in vita Gregorii, aut Gregorius ipse in Dialogis scripserit, id verum sit: nostra fides Scripturis, non visis eiusmodi nititur. Neque plus in se momenti habet, quod assertur ex Paulino: potuit angelus esse, qui pro Christo apparuit. Sed nunc ut concludamus, de huiusmodi exemplis duo respondemus, quorum primum est, Christum nunquam fuisse corpore cōspectum eodē tempore in diuersis locis: si ergo fuit in terris, reliquit cælos, ut quando in cælos abiit, terras reliquit: secundum, Christum se videndum præbuisse ijs quibus apparuit, & illos ex visu Christum adesse

Ad. 22.  
17. 18.

Gregor.  
Dial. l. 4.  
c. 16.

Ioan. Dia-  
con. in vit.  
Greg. l. 2. c.  
22.

Paulin. in  
Epist. ad  
Macar.  
qua est in l.  
5. Epist.  
Paulin.

adesse intellexisse: alias nemo dixisset, Christum ibi fuisse: in Sacramento autem nil tale est. Vbicunque Christus fuit corporaliter, ibi visus est: at nemo Christum in Sacramento videt. Si mille eiusmodi exempla afferri possent, qualia affert Aduersarius, eoque sine controuersia omnia, hæc duo responsa sufficient.

3. Tertium Bellarmini argumentum sumitur à testimoniis Patrum, qui docent rem vnam posse esse in pluribus locis simul. Chrysostomus ait, Christum in cælo cum Patre sedere, & eodem temporis articulo omnium communicantium manibus in terra pertractari. *Respondeo:* ex eodem loco: Christum sic pertractari manib. communicantium, ut immolatus conspicitur oculis communicantium: nam Chrysostomus ait, populum videre Christum immolatum, & turbam *ποικίλος* *ἐσθῆτος*, intingi, aut rubescere eius sanguine: *ποικίλοι δὲ τὸ πᾶντες* *ἄλλοι τῶν ὁφθαλμῶν*, Faciunt hoc omnes per oculos, inquit, id est, hæc omnia fiunt intuentibus astantium oculis. Neque sane nunc Christus propriè tangitur: loquitur ergo Chrysostomus hyperbolicè, de quadam spiritali tractatione. Sed Bellarminus ait, non loqui Chrysostomum de pertractatione in symbolo solum, quia hoc tribuit miraculo.

*Respondeo:* Miraculum ibi sumitur pro re mira, & communē naturæ ordinem superante. Est autem *θαύμα*, id est, res admiranda, Christum posse in Sacramento sic

sumi & pertractari, ut si in medio esset: quod certè fit vi spiritus & gratiæ, non naturæ aut carnalis præsentia. Idem de reliquis Patribus responderi potest, qui præsentiam Christi in Sacramento statuunt, sed eam neque corporalem, neque visibilem. Sed duo hæc aut tria testimonia, quæ sequuntur, nos suo loco explicabimus: nullus Pater de præsentia reali inuisibili vnquam somniauit. Sed ex Augustino aliquid affert, qui proponit quæstionem, vtrum ad memorias Martyrum, vbi miracula fiunt, ipsi martyres adsint in tam multis locis vno tempore, an hæc ministerio angelorum fiant; & se nescire responderet; & ex eodem narrat historiam de Ioanne Monacho, qui mulieri apparuit in somnis, cum nunquam ē monasterio exierit.

*Respondeo* de Ioanne, illum non in monasterio, sed in solitudine vixisse: quod autem apparuisse dicitur, id facile fieri potuit: nam fuit in somnis, & non inusitatum est, ut nos videre absentes somniemus. Sic Paulus cæcus vidit Ananiam ad se venientem in visione. Iam de Martyribus, ex Augustini ignorantia non colligitur bonum argumentum ad probandum sic esse, ut fingit Bellarminus. Augustinus nescit, vtrum ipsi Martyres adsint, an pro illis angeli, aut alii, qui eorum personas sustinent. Non dicit Augustinus posse fieri, ut Martyres vno temporis articulo simul in diuersis locis sint, sed an ita sit ad memorias Martyrum, non audet statuere; non quod nescierit, vnam

Augustin.  
de cura pro  
mort. c. 16.  
c. 17.

Ad. 9. 12.

eandemque substantiam finitam non posse simul esse in remotissimis locis, sed quia putauit posse fieri, ut Deus transferret spiritus Martyrum celerrimè ab vno loco ad alium. Sed certum est, non Martyres, sed Deum illa miracula in illis locis fecisse, ad confirmandam eam doctrinam quam Martyres & viui professi sunt, & sanguine suo obsignarunt.

Sed Bellarminus responsionem proponit, eamque diluit; aliam esse spirituum rationem, quam corporum: spiritus Martyrum posse esse in pluribus locis simul, non autem eorum corpora: & tum probat eandem esse rationem spirituum & corporum, ut sane est in hac re. Nos igitur nec Martyres nec Angelos per se vnquam fuisse in diuersis locis simul dicimus, neque id aut exemplo, aut Scripturæ aliquo testimonio probari posse affirmamus: sunt enim Angeli, etsi spiritus, tamen finitæ naturæ.

4. *Quartum* Bellarmini argumentum sumitur ab exemplis Dei, & animæ rationalis. Deus est res vna, & simplicissima, atque indiuisibilis, & tamen est simul in infinitis locis. Sic anima est tota in qualibet parte corporis: si enim extendere-  
tur ad extensionem corporis, esset materialis, & sic mortalis. *Respon-*  
*deo:* 1. de anima. Tractatur hæc ques-  
tio à Philosophis, num anima sit  
tota in toto, & tota in qualibet par-  
te. Nonnulli sedem ei in capite aut  
in corde tribuunt, unde corpus  
moueat, eique imperet. Et Scriptu-  
ra quidem videtur animam in corde

collocare, ubi principium cogitandi & volendi est. Scholastici hanc questionem copiosè tractarunt, & in re omnes consentiunt: sed aliqui non putant hoc pertinere ad fidem, credasne animam esse sic an non: sic Bonauentura, & alii. Sed alii tenendum esse aiunt, animam esse totam in toto, & totam in qualibet parte, eadem fide, qua eam esse immortalem tenemus, id est, catholica: si enim diuisibilis, aut extensa esset, non posset eius immortalitas defendi. Præterea est forma corporis (ut quidam ratiocinantur) at nisi esset in toto, & in qualibet parte totius corporis, non esset forma totius: forma autem est totius non partis: in toto igitur est: non autem extensiuè: ergo totaliter; non totalitate quantitativa, ut rectè Thomas, sed totalitate perfectionis essentiæ. Et sic esse totam in toto, & totam in qualibet parte corporis Patres affirmant.

Sic Augustinus, *tota in omnibus, & tota in singulis membris.* Similiter Ambrosius, *Anima in suo corpore vbiq; tota viget, viuificans illud, mouens, & gubernans.* Sed nunc ad Bellarmini argumentum veniamus. Anima est quidem in corpore toto, & tota in qualibet parte, sed non est in diuersis locis: nam est indiuisibilis; nec est in corpore omnino, tanquam in loco, sed tanquam forma in materia siue subiecto suo; nec est in alio corpore, præterquam in suo, quod informat, non in alieno; nec vsquam tota nisi in vno corpore, aut in vno vbi: quare si membrum vnum à corpo-  
re

*Bonauent.  
1. d. 8. p. 2.  
q. 3.*

*Augustin.  
de Trinit.  
l. 6. c. 6.  
Idem Epist.  
28.  
Idem in l.  
cont. Epist.  
Fundam.  
c. 16.  
Ambrosius in  
l. de dignit.  
human.  
conditum.*

re separaretur, anima in illo membro esse definit, quia iam non est illius corporis membrum. Semper igitur anima indiuisa consistit: at si in pluribus locis esset, deberet esse distantia animæ vnius à se: quod est impossibile. Corpus diuidi potest; sed tum non idem corpus est: anima autem cum non habeat quantitatem, non potest diuidi: tum enim eam perire necesse est. Nam corpus cum naturam diuisibilem habeat, ideo & corruptibile: quod vero corrumpi non potest, per accidens eiusmodi fit. Malè igitur corpus cum anima comparatur: nec tamen anima vlla est plus quam in vno vbi simul. Sed Bellarminus ait, etsi anima non possit naturaliter esse in membro abscisso, tamen Deus potest animam conseruare in brachio abscisso, ut ante abscissionem erat. *Respondeo:* Deus quidem potest miraculo conseruare vitam in brachio abscisso, aut nouam animam in brachio creare: at ut eadē anima sit in brachio, quæ est in corpore, à quo avulsū & separatū est, facere non potest: tum n. vna esset singularis forma duorum corporum, & anima divideretur, id est, immortalis esset simul & mortalis. Sed isti instantiis egent, cum his vtuntur. Ad Deum quod attinet, quis nescit, Deum esse vbiq; totum, cum infinitæ & immensæ substantiæ sit: at corpora composita ex elementis finita sunt: Deus tamen non est in diuersis locis, sed vbiq; ut in vno suoque loco. Deinde Deus non circumscribitur loco, quia spiritus est: hoc est corporis proprium lo-

co circumscribi: debet enim corpus loco includi, & diuersa corpora locis diuersis distingui debet. Sed Bellarminus miram instantiam affert. Posset Deus, inquit, alium mundum creare, qui istum, qui nunc est, nulla ex parte contingeret: & in eo Deus esset; ac proinde esset in locis dissitis: ergo concludit, rem posse esse in pluribus locis simul sine contradictione. *Respon-*  
*deo:* 1. Deum non esse in loco proprio, quia non circumscribitur: at corpora sunt *περικειμενα*, circumscripta, & certis finibus conclusa: absurda igitur est comparatio. 2. Etsi Deus in locis est, quæ respectu sui sunt dissita & sic diuersa, tamen non est in diuersis locis: quia etsi loca diuiduntur, ipse tamen non diuiditur. Quanquam ergo alius mundus crearetur, tamen Deus non esset in diuersis locis diuisione aliqua substantiæ suæ, sed vbiq; totus, in mundo, extra mundum: at corpus Christi volunt esse in locis pluribus, sic ut non occupet spatium interiectum: esse enim volunt in omnib. hostiis, sed non in spatio inter eas: at Deus est in omni spatio. *Quintum* & postremum Bellarmini argumentum sumitur à mysteriis nostræ fidei, quæ sunt autem difficiliora, aut æquè difficilia, atque hoc est, de quo agimus. Eiusmodi sex commemorat, de quibus breuiter est dicendum. Sed *primò* in genere *respondeo*, esse multa admodum difficilia in fidei mysteriis, at nihil impossibile, quia nihil est in illis, quod contradictionem implicat. Nos autem negamus præ-



sentiam Christi in tam multis locis, quia non potest id fieri sine contradictione. Iam nisi in mysteriis fidei contradictiones reperiri doceat Bellarminus, frustra laborat, quia nil tam difficile agnoscimus, quod à Deo fieri non potest, si tantum difficile sit: at hoc non modo difficile, sed & impossibile est. Iam de singulis his mysterijs in specie respondeamus.

1. *Primum* est mysterium Trinitatis, quod quidem intelligere, naturæ vires vincit. Sed tamen non est difficile Deo, ut sint tres distinctæ personæ in vna indiuidua natura. Quid hinc Bellarminus colligit? Si potest, inquit, vna numero natura non distrahi à seipsa, et si idēficetur cum personis realiter distinctis, cur non facilius poterit vnum corpus cōiungi extrinsecus cum distinctis locis, & tamen non distrahi à seipso? *Respondeo*: Quia inter corpus, quod est in hoc loco, & quod in alijs locis est, spatium intercedit, quod illo corpore non occupatur: nō ergo vnum corpus erit, quia interstitium cum corporis vnitatem pugnat: hoc igitur simpliciter impossibile est. Iam verò in diuinis, et si est personarum distinctio, nulla tamen aut naturæ aut loci distinctio est: ergo dissimilitudo manifesta est. Præterea personæ in Deo sunt essentiæ spirituales non corporales: illis multa cōuenire possunt, quæ non his.

2. *Secundum* mysterium est de incarnatione. Mirabilius videtur (inquit) vnā esse hypostasin in duabus naturis, quam vnum cor-

pus esse in duobus locis. *Respondeo*: absurdissime concludi ab vnione ad diuisionem in hunc modum: Duæ naturæ possunt coniungi in vna hypostasi: ergo vnum corpus potest in mille locis poni. Nil in vnitatem naturarum est ἀντιφασιν, id est, cōtradietorium, et si multa sint mirabilia & ἀναγλωττα, incomprehensibilia. Nos de cōtradietoriis loquimur: et si videri possit incredibilius, eundem esse in vna hypostasi Deum & hominem, quam vnum idemque corpus esse in varijs locis, tamen non est, quia illud nō pugnat cum essentia naturarum: vtraque enim natura seruat suas proprietates: at vnum corpus esse in varijs locis, maxime facit contra vnitatem corporis: absurdè ex mysterijs cōtradietio infertur.

3. *Tertium* mysterium est resurrectionis, quod Philosophis semper impossibile visum est. Fateor, sed quare? non propter cōtradietionem, sed propter alias difficultates in natura: at Deo nihil difficile est, nisi quod cōtradietionem implicet. In resurrectione non est cōtradietio: neque enim cōtradietio est, ut idem bis fiat. Deinde non idem bis fit in resurrectione, sed quod semel factum est, & perit, instauratur vi diuina supra naturam. Neque Bellarminus docere potest esse in resurrectione cōtradietionem; tum enim tolleret hunc articulum. Nos autem in præsentia reali esse cōtradietionem dicimus, & propter hanc solam, impossibilem esse eam affirmamus.

*Quartum*

4. *Quartum* mysterium est creatio & annihilatio. Viderur implicare cōtradietionem, fieri aliquid ex nihilo, vel ex aliquo nihil. *Respondeo*: Viderur, sed tamen non implicat cōtradietionem. Nam si Bellarminus creationem putat verè implicare cōtradietionem, tum tollit fidem Catholicam de creatione mūdi, quia certissimum est, Deum non posse facere, quod cōtradietionem implicat. Vnum autem corpus esse nō vnum, sed plura, est palam cōtradietorium: ergo Deus, qui potest creare ex nihilo aliquid, & ex aliquo facere nihil, non potest hoc facere. Non habet reuera speciem cōtradietionis, ut vis diuina, quæ est infinita, ex non ente faciat ens: sed certa cōtradietio est, ut non ens simul sit ens, aut ens non ens, id est, ut aliquid simul creatum sit & nō creatum, aut non creatum & creatum simul.

5. *Quintum* mysterium est æternitas: vnum instans durationis est in diuersis temporibus: ergo vnum corpus potest esse in diuersis locis: vnum instans durationis coexistit toti temporis præterito & futuro: quod superat captum nostrum.

*Respondeo*: Posse fieri concedo, quicquid nō nisi nostrum captum superat. Sed quædam sunt, quæ nō nostrum tantum, sed Dei quoque captum (ut ita loquar) potentiamque superant, nempe efficere, ut cōtradietoria sint simul vera. Nō modo captum vincit, vnum corpus esse simul in diuersis locis, sed etiam est impossibile, quia contra-

dictionem implicat: nam loci diuersitas & disunctio, corporis etiam diuersitatem arguit: ita vnum non vnum, & idem diuersum erit. Quod ad æternitatem attinet, tempus hac in re non est simile loco. Nam in tempore sunt spiritus, in loco non nisi corpora: & tempus non significat affectionem ad corpus, sed locus significat: tempus ex motu pendet, eiusque quædam successio est: at locus est res permanens: nos in eodem loco manere possumus, non tempore. Sed quomodo Deo præsens sit tempus præteritum & futurum, et si captum nostrum superat, non tamen Deum potentiam: non quasi præteritum sit non præteritum; nam hoc est cōtradietorium in rebus: sed quia essentia infinita & providentia nihil est immensius. Sed nihil hic cōtradietionis est: at vni corpori loca diuersa & distincta non conueniunt sine cōtradietione. Non potest Deus facere, ut & sit præteritum, non sit præteritum, aut quod sit futurum, non sit futurum: nam licet omnia Deo præsentia sint, quia Dei substantia omnia ambit: non est tamen existimandum, præterita esse futura, aut futura esse præterita, sed præterita sunt Deo præsentia, ut præterita, & futura, ut futura.

Hic nihil est cōtradietorium: at in hoc est cōtradietio, ut vnum corpus sit in mille locis; tum enim vnum corpus erit mille corpora, aut mille corpora vnum.

*Sextum* sumitur à simili in hunc modum. Potest vnus locus capere duo

duo corpora simul: ergo vnum corpus duo loca replere potest simul. Consequentia probatur, quia sic se habet locatum ad locum, vt locus ad locatum. Hæc quæstio Scholasticos mirum in modum exerceuit, qui dicunt Christum exiisse per lapidem sepulchri, intrasse per clausum ostium, vt lumen per fenestras; cum nasceretur, vterum non aperuisse. Hinc disputant, quomodo duo corpora simul in vno loco esse possint, vt non sit aut diuisio loci, aut confusio corporum; & volunt duo corpora posse esse simul in vno loco: quod tamen quemadmodum fiat, explicare nequeunt. Plærique glorificationi tribuunt, & dicunt corpus gloriosum posse esse simul cum non glorioso, sed nõ duo gloriosa, aut duo non gloriosa simul esse posse, & in corporib. gloriosis dicunt esse maiorem subtilitatem. Sed Christi corpus, quando natus est, non fuit gloriosum: volunt tamẽ exiisse ex vtero miraculose, sic vt non modo nil difficultatis aut doloris in partu fuerit, sed nil mutatum aut motum in corpore virginis. Et certè si subtilitas in causa sit, tum facilius duo corpora glorificata simul esse possunt, quam vnum glorificatum cum alio non glorificato. Sed hæc meræ fallaciæ & præstigiæ sunt: vnus locus non capit duo corpora: non magis hoc fieri potest, quam vt duo loca vnum corpus capiant: nam de Christi exitu è sepulchro & reliquis postea dicemus. Et Scholastici, qui putant duo corpora in vno loco esse simul, tamen non

putant vnum corpus in duobus locis simul esse posse: quare non est bona consequentia Bellarmini, quia nõ est eadem ratio loci ad locatum, quæ est locati ad locum. Nam vt Thomas ait, cum sint duæ conditiones vnitatis, tollitur tantum posterior, quæ est accidentalis, cum duo corpora sunt in vno loco simul; sed cum vnum corpus est in duobus locis, tum prior tollitur, quæ est essentialis. Nam vt aliquid vnum sit, opus est, inquit Thomas, *primò*, vt indiuisum sit in se, *secundò*, vt sit diuisum ab alio quocunque: iam vt duo corpora in vnum locum compingantur, tolli debet hæc posterior conditio, & potest, quia est accidentaria, inquit: at vt vnum corpus in duobus locis simul sit, tolli debet indiuisio in se: quod non potest fieri, quia hoc essentialis est corpori. Sed quis non videt, quod est vnum, nõ posse confundi cum alio, quatenus illud est aliud, & hoc vnum; & non minus absurdum ac impossibile esse, corpus penetrare corpus, & dimensionibus confundere, quam facere vt vnum sit diuisum, & tollere indiuisiõnem ab vnitatis? Nam vt quando vinum cum aqua miscetur, non duo corpora sunt, sed vnũ: sic si corpus solidum posset in alterius solidi corporis locum penetrare, cū eo confunderetur, & sic non duo corpora, sed vnum esset in loco. Quid ergo? an ex Thomæ mente non potest vnum corpus esse in locis diuersis simul? non localiter, inquit, sed Sacramentaliter.

liter. Sed hæc inepta & sophistica distinctio est. *Primò* enim, quid hoc est, esse in loco Sacramentaliter? nouus hic modus est existendi in loco. Patres de manducatione Sacramentali sæpe loquuntur, sed de loco Sacramentali nunquam. Et hæc est contradictio, esse in loco, & non esse localiter: nam non esse in loco localiter, est non esse in loco omnino. Quemadmodum aliquid in loco sit Philosophorum est explicare. *Secundò*, si Christus in Sacramento sit, vt in loco, tum Sacramentum debet esse mensura corporis Christi, & ei adæquari, & extendi ad eius magnitudinem, nõ corpus Christi ad Sacramentum: nam locus respondet corpori, non corpus loco. Si non in Sacramento sit, vt in loco, tum inepte dicitur vnum corpus esse in duobus locis Sacramentaliter, quia non est in Sacramento, vt in loco. *Tertio* vidit Bellarminus, Scholasticorum hanc doctrinam non constare. Si enim vnum corpus ideo non possit esse in duobus locis localiter, quia tum à seipso diuideretur, tum nec posset esse Sacramentaliter. Nam præsentia corporis in tam multis altaribus, & non in locis intermediis, vt Bellarminus inquit, non minus tollit indiuisiõnem rei, quam esse in multis locis localiter. Sit enim corpus Christi in tam multis hostiis quocunque modo, diuisio est horum corporum vt locorum: Et sic neque vnum corpus in duobus locis simul esse potest, nec duo in vno loco, quia cum natura vnitatis pugnat, & contra-

ditionem implicat. *Quartò*, quid quod secum Bellarminus pugnat? probare enim vult, vnum corpus replere duo loca: & tamen Christum non esse localiter in Sacramento putat. Certè ne spiritus quidem possunt esse nisi indiuisi & distincti: multo minus corpora. Quod ergo sumitur ad probandum, nempe duo corpora posse in vno loco esse simul: tam est in dubio, quam quod probandum est, nempe vnum corpus posse esse in duobus locis simul: vtrumque est falsum, & aduersarij, maxime impossibile. Certè ne prius illud fiat, mouetur terra, imo ipsum etiam cælum citius rumperetur, quam duo corpora in vnum locum cogerentur. Ita ne hoc fieret rumpuntur firmissima, mouentur immobilia. Substantia in substantia esse non potest.

## CAPVT XI.

*Argumenta nostra, quibus probamus implicare contradictionem, vt vnum corpus sit in pluribus locis simul.*

**N**VNC nos paucis eos refellamus, qui Christi corpus esse in pluribus locis affirmant, & huius sententiæ contradictionem atque impossibilitatẽ ostendamus. Matth. 28. Angelus ait mulieribus, *Matth. 28.* Non est hic: surrexit enim. Non potest igitur vnus homo, esse in diuersis locis, alioqui consequentia Angeli

V u u non



non valeret. Tum enim non se-  
queretur, non esse hic, quia est ali-  
bi: non esse in sepulchro, quia sur-  
rexit. At Angelus optimo argu-  
mento usus est: surrexit è sepulchro:  
non est igitur in sepulchro quærè-  
dus. Similiter & nos possumus di-  
cere, Ascendit in cælum: igitur è  
terris abstulit corpus suum. Bellar-  
minus dupliciter respondet. *Primò*,  
Non est hic, id est, non iacet mor-  
tuus in sepulchro, vt vos creditis:  
loquitur enim Angelus ad mentē  
mulierū, quæ veniebant, vt Chri-  
stum vngerent. *Respondéo*: Angeli  
non modo non illum iacere mor-  
tuum in sepulchro aiunt, sed non  
esse omnino in sepulchro: *ὅτι ἐστὶν  
ῶδε, non est hic*, inquit, nec mor-  
tuus scilicet, nec viuus. Si illum in  
sepulchro viuum inuenissent mu-  
lieres, illum procul dubio suis vn-  
guentis perfundere voluissent. Di-  
cūtur illæ fæminæ Luc. 24. ingres-  
sæ esse in sepulchrum, & non in-  
uenisse ibi corpus Domini Iesv:  
ex quibus verbis omnino non fu-  
isse ibi constat: cum vero miraren-  
tur, quid de eo factum esset, Ange-  
li non esse ibi quærendum dixe-  
runt, quia surrexerat: vnde neces-  
sarium simpliciter est, vt corpus,  
quod è sepulchro surrexerat, non  
potuerit simul in sepulchro rema-  
nere.

*Secundo*, Bellarminus ait, moraliter non metaphysicè loquendo hoc esse verum, sed potuit tibi Christus esse, inquit, absolute loquendo ut si quis dicat, Talis homo nō sedet ad mensam: cœnatus enim est.

*Respondet: Potest aliquis ad men-*  
sam sedere, qui cenatus est, sed non  
qui surrexit à mensa. Non sequi-  
tur, Cenatus est: ergo à mensa sur-  
rexit: sed, discessit à mensa: ergo nō  
ad mensam sedet: & sic Angelus,  
Surrexit: ergo non est hic: non ait,  
Reiuxit: ergo non est hic: poruit e-  
nim viuis in sepulchro esse: sed  
surrexit: ergo non est hic. Sed aliud  
validissimum argumentum tum  
contra Papistas, tum cōtra Luthe-  
ranos, hinc colligi potest. Angeli  
enim vt fāminis de resurrectione  
persuadeant, ne eius præsentiā  
aliquam in sepulcho somniet, hoc  
argumento vtuntur, *Venite, videte* *Mat. 28. 6.*  
*locum, vbi positus est Dominus.* Locus  
erat vacuus, quasi dicerent, nisi e-  
um hic inueneritis, nihil est quod  
de eius resurrectione & absentia  
dubitetis: at Christus non magis  
in Eucharistia apparet, quam in  
sepulchro post resurrectionem,  
vnde sic concludi ratio potest. V-  
bicunque Christus est, ibi potest  
inueniri & videri: at in Eucharistia  
Christus nec inueniri nec videri  
potest, sane non magis, quam tum  
in sepulchro: ergo ibi non est. Si  
potuit Christus esse in sepulchro,  
& non conspicuus esse, certe An-  
geli iussissent fāminas. Non ergo  
modo fuisse Christus in sepul-  
chro, si eum in sepulchro inuenis-  
sent fāminæ, sed quia non in se-  
pulchro inuenerunt, ideo non  
erat ibi. Prætereactiam Scriptura  
testatur, esse vbiq; aut vbiuis sine  
circumscriptione loci, proprium *Ierem. 23.*  
esse diuinitatis: *Ierem. 23. Cælum &* *24.*  
*terram ego impleo: Isai. 66. Cælum mihi* *Isai. 66. 1.*

1. Reg. 8.  
27.

*sedes, terra autem scabellum pedum meorum. 1. Reg. 8. Cali, & cali calorum te capere non possunt. Si potest Christi corpus esse in locis tam multis, eadem ratione potest esse in locis infinitis; inio in omnibus, vbicunq; est diuinitas: & tum par erit diuinitati: & sic creatura erit par creatori. Nam quod Christi corpus non sit in cælo in pluribus locis q̃ vno, & quod non sit vbique in mundo, id non propter rei impossibilitatem, aut corporis naturam fit, vt illi volunt, sed quia non sunt vbique sacerdotes, qui Missam celebrent: si vbique possent fieri Missæ, posset Christi corpus vbique esse: ita in natura corporis Christi nihil est, cur non æquale diuinitati sit: at manifesta cōtradictio est, tale corpus Christo affingere, quod possit ita excedere naturam veri corporis, vt par sit diuinitati: tum enim creatura non differet à creatore, quoad omnipræsentiam: quod nō modo contradictorium & impossibile est, sed etiam planè ægrov. Belarminus respondet, duas esse differentias inter DEVM & corpus Christi, quod attinet ad existentiam in loco.*

1. *Prima* est, quod Deus ubique de facto; & reipsa sit, corpus vero Christi non ubique reipsa & de facto est, sed est in vno loco localiter; in multis Sacramentaliter; in aliis multis nullo modo. *Respondeo*: 1. Esse in loco, est loco circumf. ribi, & locum implere, id est, locari in loco: hoc autem est ibi esse localiter: si est igitur in multis locis, est ibi localiter, quia localiter non

nisi modum & cōditionem significat: ratione loci est localiter: quod est in loco, est ratione loci ibi: & sic localiter est ibi. Bellarminus ait Christi corpus esse in multis locis, sed non localiter: at vel nomen loci non propriè sumitur, & tum potius negandū est esse in locis multis; aut si propriè sumatur, tum est localiter in multis locis: nā quod in loco propriè est, est ibi localiter: est igitur contradictorium, esse in loco non localiter, perinde ac si dicamus aliquid esse in loco, & non esse in loco simul: nam localiter esse, est non excedere, nec excedi ab eo loco, in quo inest: & sic corpus Christi debet esse in Sacramento, si ibi sit vt in loco: quomodo enim est in loco, si non localiter? Dicendum erat, non vt Bellarminus ait, vnum Christi corpus esse in pluribus locis, sed in vno loco, & alibi non vt in loco. Sed quia est corpus; non potuit quin ei locum assignaret, dicendo esse in multis locis Sacramentaliter, quem tamē statim aufert, cum ait non localiter esse in Sacramento: hæc clara contradictio est. Sed vt vbi est substantia, ibi est substantialiter, ita vbi est aliquid in loco, ibi est localiter: nam locus localitatem arguit. Angelus non est in loco localiter: non enim est in loco propriè, quia non spaciū occupat: definitivè quidem est in loco, quia quando est hic, non est illic: non circumscribitur loco, nec vbiq; diffunditur, sed est in vno vbi: sed corpus debet esse in spatio, & si non sit in spatio, non est in loco. Sed si Christi

corpus sit in Sacramento realiter, tum quia est in cælo circumscriptivè propter quantitatem, sic esse debet in Sacramento. Nam ubicunque idem est realiter, ibi sunt omnia eius necessaria: at quantitas est de necessitate, imo de natura corporis: si ergo propter quantitatem est circumscriptivè in cælo, similiter etiam in Sacramento erit. Si habet in Sacramento partem & partem, tum est circumscriptivè ibi: at habet ibi partem & partem: nam si non habeat, tum non est corpus organicum, & tum non est idem, quod est in cælo: at dicunt illi idem esse. 2. Quia Bellarminus ait, corpus Christi esse multis in locis Sacramentaliter, quæro quid sit esse in loco Sacramentaliter? an non in loco esse secundum modum Sacramentis? & quid hoc est, esse in loco secundum modum Sacramentis? an non ibi esse, ubi est Sacramentum, nec id tantum, sed etiam esse in loco, ut Sacramentum est in loco? saltem igitur corpus Christi est in loco, ut Sacramentum est in loco: at certe panis & vinum sunt in loco localiter: ergo corpus Christi, quod panis vinoque succedit, si sub forma panis & vini lateat, in loco etiam localiter sit necesse est. Nam illa substantia panis & vini locum aliquem implevit, quantumvis exiguum, & fuit in loco propriè & localiter: cum igitur Christi corpus ibi sit, ubi erat panis & vinum, est in loco propriè. Sed non apparet: quid tum? non enim vides substantiam panis, sed accidentia tantum: & tamen in loco panis est. At

non localiter Christus ibi est propter exiguam quantitatem: at quæcunque substantia sit, seu magna, seu parva, localiter ibi est: nec tenuitas in causa est, cur non ibi localiter sit; nam potest esse tanta magnitudo panis, quanta est corporis humani; quæ si consecrata sit, necesse est ibi esse Christi corpus tam magnum, quàm est in cælo: at dices non esse ibi localiter: at certe implet magnum locum, neque duæ eiusmodi hostiæ possunt esse in eodem loco. Dicunt illi duas hostias etsi tenues illas quidem & exiles (cuiusmodi sunt sphericæ illorum hostiæ) non tamen posse esse simul in vno loco: ergo sunt in duobus locis, & si in locis, tum certe localiter, ut nos antea docuimus. Ex his patet, Sacramentaliter esse in loco, non pugnare cum hoc, localiter esse in loco: nam necesse est ut dicant Christi corpus esse in tam magna hostia Sacramentaliter, & tamen localiter etiam ibi est. Quare vana est illa distinctio inter Sacramentaliter esse in loco, & localiter esse in loco. Et posses non minus dicere, aliquid in loco esse spiritualiter, quam Sacramentaliter: quid enim Sacramento cum modo existendi in loco? Sed quid hoc est Sacramentaliter esse in loco. Sacramentum est aut externum signum, aut interna gratia: signa sunt in loco propriè: si ergo de signis hoc intelligatur, tum Christi corpus est in loco propriè: interna gratia in hoc Sacramento est, ut illi volunt, corpus Christi: si ergo de corpore Christi hoc intelligatur,

tum

tum friuola est distinctio, quia tum hic sensus erit, corpus Christi est in loco Sacramentaliter, id est, ut corpus Christi est in loco. 3. Bellarminus ait, Christi corpus esse tantum in vno loco localiter, scilicet in cælo, in multis locis Sacramentaliter: ergo Christi corpus in loco est & localiter, & non localiter: non enim est bona diuisio, nisi Sacramentaliter sit non localiter: Christi corpus est in vno loco localiter, in alio non localiter: ergo & localiter & non localiter est in loco. Iam hæc contradictio est: nam certe nulla ratione potest idem esse numero corpus quod est in loco illocaliter, cum eo quod est in loco localiter. Nostis enim quæ sit ratio indiuiduationis: indiuiduum est vnum numero, quod proprietates certas habet, quibus distinguitur non à se, sed ab aliis omnibus. Diuersæ proprietates & conditiones distinguunt indiuidua: at localiter & illocaliter sunt diuersæ proprietates & conditiones: non igitur de vno indiuiduo simul dici possunt, nec vni simul competere: nec omnino quidem, quia pugnat cum natura corporis, ut sit illocaliter in loco: nam habere dimensiones, est ratio indiuiduationis corporis: ergo esse in loco localiter est accidens inseparabile corpori: ita nihil hic sine contradictione est. 4. Fatetur Christi corpus non esse in multis locis: est ergo non nisi in diuersis locis. Tum Vbiquistæ & Lutherani multo melius sibi consulerunt hac in re, quam Papistæ, qui dicunt corpus Christi esse v-

bique. Nam vbiquitas constat cum continuatione & indiuisione: esse in distinctis locis tollit hanc continuationem & indiuiduationem: continua habent continuam superficiem; quod est in hoc loco, non habet continuam superficiem cum eo, quod est in alio loco; sit enim diuisio per spacium, quod est inter illos locos: at hoc est maximè proprium corporis habere partes continuas.

Bellarminus ait, Christi corpus non esse in locis intermedijs: deberet autem esse, si esset continuatio: non est ergo vnum & idè corpus, quia non est continuum. Atque hinc apparet, quam friuolum sit, quod Bellarminus ait, cum vnum corpus est in pluribus locis, non tolli indiuisiōem intrinsecam, quia principia intrinseca, quæ corpus constituunt, non diuiduntur: nam est principium intrinsecum corporis habere partes continuas: continua verò non sunt, inter quæ aliquid intercedit: at inter Christi corpus in cælo & in Sacramento intercedunt sphaeræ cælestes & elementa, & alia multa: imo non sunt continua corpora in pluribus altaribus, non magis quam plura altaria sunt continua. Omnes dant corpus naturale non posse esse in duobus locis, cur, nisi quod cum principijs intrinsecis pugnet? cur Bellarminus negat Christi corpus esse in locis pluribus localiter, nisi quod natura corporis non paritur sic esse? Sed esse in loco, inquit, est accidentarium corpori, non de essentia corporis: quid tum? quia non

Vun 3 poni-



Cusan. in  
lib. de api-  
ce theoria.  
c. 10.

ponitur in definitione corporis esse in loco, num ideo potest corpuse esse sine loco? sic nec risibile ponitur in definitione hominis, tamen homo non potest esse, nisi sit risibilis. Est in natura & definitione corporis habere dimensiones, quas habere non potest, nisi sit in loco. Cardinalis Cusanus hac de re hæc verba habet, 'Esse corporis, inquit, est esse perfectæ dimensionis: unde infert, corpus idem esse indiuisibile & immultiplicabile. In eo quod vnum corpus est, indiuisibilitatem & in communicabilitatem necessariò habet: iam corpus, quod est in multis distinctis locis non est indiuisum, quia non est continuum. Sic enim disputo, Omne non continuum est diuisum, ideo non vnum: corpus quod hic est non est continuum cum eo quod est alibi: ergo nõ est vnum cum eo. Secunda differentia inter Deum & Christi corpus, quoad existentiam in loco, hæc est, inquit Bellarminus, quod diuinitas non modo est vbique, sed etiam non potest cõstringi ad vnum locum: at Christi corpus fuit in vno tantum loco ante institutione Sacramenti, & post mundi cõsummationem in vno tantum loco erit.

Respondeo: hoc nihil esse. Nam, 1. corporis ratio requirit, non modo vt possit redigi ad vnum locum, sed vt omnino & necessario in vno loco sit: & non possunt in tota rerum natura aliud exemplum proferre vnius corporis, quod sit in diuersis locis: ergo hoc est contra

naturam. Est etiam contra naturam, vt corpus vno modo possit sic dilatari, vt occupet plura loca. 2. Eadem ratione posset loca omnia occupare. 3. Quare non potest diuinitas redigi in vnum locum? quia scilicet pugnat cum eius natura: similiter nec corpus esse vbique potest, quia & hoc cum eius natura pugnat. Atque hic Bellarminus fatetur, nostrum argumentum valere contra vbiquitatem, qui Christi corpus de facto & re ipsa vbique esse aiunt: & hoc in Eutychete damnatum esse. Sed si Eutyches & vbiquitas merito damnati sunt, tum quoque Papistæ damnandi sunt: nam ex doctrina Papistarum sequitur, non esse impedimentum in natura corporis Christi, quominus vbique sit: hoc autem non minus in se hæreticum est, quam si cum Eutychete & vbiquitatis dicerent, corpus Christi re ipsa vbique esse. Sic enim veritas humanitatis & corporis Christi tollitur: & id Scholastici quoque viderunt, nec se possunt ex hoc labyrintho expedire.

Iam sumamus aliquid à philosophia, quæ cum vera sinceraque ratione nitatur, non potest repugnare Theologiæ: non de adulterina philosophia loquor, sed de ea, quæ certis suis necessarijsque principijs continetur. Habemus multas rationes contra præsentiam vnius corporis in diuersis locis. Sed Bellarminus in initio occurrit omnibus nostris rationibus testimonio quodam Augustini. Ecce qualibus argumentis omnipotentia Dei hu-

mana

August.  
de ciuit.  
Dei l. 22.  
c. 11.

mana contradicit infirmitas, quam possidet vanitas? Respondeo: nos nullum verbum contra Dei omnipotentiam facere, sed contra Papistarum contradictionem. Cum Papistæ falsa & cõtradiçtoria docent, quæ nulla aut Scriptura aut ratione defendi possunt, tum ad Dei omnipotentiam confugiunt, vt veteres olim hæretici: at à Dei omnipotentia sciunctum est, facere quæ contradiçtoria sunt. Nos igitur nostras rationes breuiter proponamus, quibus ille non aliter resistere potest, nisi diuinam omnipotentiam ementiendo. At sic quiuis posset monstrare insomniasque sua defendere.

Wicleff. in  
tom. 2. cap.  
72. apud  
Waldensẽ.

Wicleffus Theologus & Philosophus acutissimus in hunc modum contra realem Christi præsentiam in Sacramento ratiocinatus est: Non potest aliquid esse simul in duobus temporibus: non ergo in duobus locis. Bellarminus ait id fieri, quia tempora non possunt esse simul; fluunt enim: sed loca permanent.

Respondeo: Etsi loca permanent, tamen loca diuersa non sunt simul, non magis quam diuersa tempora: ergo quod in diuersis locis est, non potest esse simul. Si ergo aliquid non potest esse in diuersis temporibus simul, quia diuersa tempora non sunt simul, tum nec aliquid potest esse in locis diuersis simul, quia loca diuersa non simul sunt. Corpus vnum est simul, nec potest non esse simul, tum enim non est vnum. Certè vt omnia sunt in tempore vno, sic in loco vno: contra-

dictorium est, vnum esse in locis discontinuis: tum enim simul & non simul erit. Simul aliquid dicitur propter partium coniunctionem: loca diuersa non sunt simul: ergo quod in eis est, non est simul, nisi volumus propter figmentum realis præsentia conuellere principia naturæ, & permiscere omnia. Sicigitur breuiter disputo: Quod vnum est, debet esse simul: quod autem est in diuersis locis, non est simul, nisi hi duo loci sint simul: nã vt aliquid sit simul, requiritur partium continuatio inter se: at interuallum interiectum hoc non patitur: nam interuallum interiectum facit, vt res non sit vna & eadem. Ergo ratio optimè sequitur à temporibus ad loca; nam nec diuersa tempora possunt esse simul, nec diuersa loca.

Iam ad illud argumentum veniamus, quod nostri ab vnitatem rei sumunt: Si vnum corpus sit in diuersis locis simul, tum erit vnum simul & multa. Corpus in altari est diuisum ab eo quod est in cælo, & ab ijs quæ sunt in alijs altaribus: at vnum non est diuisum: tum enim erit vnum & non vnum. Bellarminus respondet, vnitatem rei essentialem non pendere ab vnitatem loci, sed ab internis suis principijs.

Respondeo: Internum principium vnitatis in corpore est indiuisio partium: partes verò in toto sunt distinctæ, sed indiuisæ: nam in vnitatem non debet esse confusio. Aristoteles tribuit corpori tanquam intrinsecum & scõdes, essentiale, habere

Aristot. in  
predica-  
ment.  
Quantitat.

habere situm & positionem partium in continuo. Iam verò corpus, quod est in hoc loco, non potest continuum esse cum eo corpore, quod est in alio loco, nec habere partes coniunctas cum illo, propter separationem locorum, & interuallum interiectum. Diuiduntur enim, quæ non sunt in eodem loco, cum nequeat fieri, ut interuallū, quod inter loca intercedit, non diuidat corpus hoc ab illo.

Sed Bellarminus rationem affert: Prius est rem esse vnam, quam esse in vno loco: ergo vnitas rei essentialis non pendet ab vnitate loci. *Respondeo:* Est natura quidem prius esse, quam in loco esse, & sic rem vnam esse, quam in vno loco esse: at non re & tempore prius. Propria sunt substantiis suis natura posteriora, sed re tamen inseparabilia: sic esse in vno loco & si corporis vnitate sit posterius natura, est tamen inseparabile. Sic igitur contra Bellarminum disputo: Si corpus vnum potest in duobus locis esse, quia vnum esse est naturā prius, quam in vno loco esse, tum non potest in duobus locis simul esse, quia vnum esse, & in vno loco esse sunt simul tempore inseparabiliter. Si vnitas loci sit, pprietas inseparabilis ab vno corpore, satis est sit natura posterior, modo non tempore. Sed Bellarminus addit, imaginationem non posse concipere vnum corpus in diuersis locis, sed sanam rationem posse. Sic fallitur imaginatio, inquit, dum non cogitare potest, Deum aut animam in diuersis locis esse. *Respondeo:* Ra-

tio & imaginatio de Deo concipiunt, quod sit vbique, & de anima, quod sit in toto corpore; sed non concipere potest, Deum esse in cælo & in terra, & non in locis intermediis; aut animam esse in capite & pedibus, & non in brachiis & alijs partibus interpositis: at illi volunt vnum corpus esse in cælo, & simul in terra, nec tamen inter cælum & terram: hoc nulla aut imaginatio aut ratio concipere potest. Sed ait Bellarminus, quod sint multa corpora inter corpus in cælo & in altari, hoc probare loca ipsa esse discontinua, nimirum cælum & terram. Sed quare? si enim cælum est diuersus locus à terra, quia inter hæc duo, corpora multa posita sunt, tum similiter necessario corp⁹ quod in terra est, diuersum est ab eo, quod est in cælo, quia intercedunt multa corpora: utrobique argumentum valet. Deinde etiam loca diuersa sunt propter diuersa locata: ut vero locorū diuersitas ex locatorum diuersitate arguitur, ita locatorum diuersitas ex locorum diuersitate. Et nonne quanta est distantia inter loca, tanta est inter locata, & per consequens tanta discontinuatio? Sed quid? an tam multorum corporū interpositio inter Christi corpus in cælo & in altari, nihil aliud arguit, quam cælum & terram esse loca discontinua? imò, inquit Bellarminus, & hoc quoque probat, corpus Christi diuisum esse à se respectu loci, sed non respectu propriæ substantiæ, siue quantitatis. *Respondeo:* Quid hoc est, respectu loci?

loci? ait Bellarminus, à se diuisum esse respectu loci, & tamen negat Christi corpus esse in Sacramento, ut in loco. At hic respectus non est imaginarius aut phantasticus, sed realis: re igitur diuiditur à se Christus. Et diuidi respectu loci, est loco diuidi: Christi igitur corpus diuiditur à se loco: ergo cum sit in diuersis locis, non est idem: diuisum enim non est idem: ergo hoc corpus, quod est in terra, non est idem cum eo quod est in cælo. Sic si loco diuiditur, etiam substantia diuiditur: nam vni corpori essentialiter conuenit, habere partes coherentes & connexas, & nullā distantiam disiunctas: hoc non accidentale, sed essenziale est: non autem coheret corpus, quod in terra est, cum eo quod in cælo est, quia coherentia, multorum corporum interpositione, impeditur, imo tollitur. Sed virgemus rationem: Quod est in loco, circumscribitur loco, aut saltem sic continetur in loco, ut non alibi sit; quod à Philosophis & Theologis dicitur esse in loco definitiue: quæ enim definitiue sunt alicubi, nusquam sunt alibi, quia definita est illorum substantia in illo vbi, ut anima, & angeli: at illi nolunt corpus Christi ita esse aut in cælo, aut in altari aliquo, ut non sit etiam alibi. Hic Bellarminus anxius hæret, ut in biuio, & quo se vertat, dubius est. An dicet circūscribi corpus Christi, aut definiri, an non præuidit utrinque eas difficultates, à quibus se expedire non potuit. Sequitur tandem non rationem, sed fortu-

niam: Thomas responderet, inquit, corpus Christi esse in cælo circumscriptiue, in Sacramento vero non esse in loco aut circumscriptiue aut definitiue. Sed hoc Bellarminus non respondebit, ergo dissentit à Thoma; quod certè facit ob aliquam causam, nimirum quia vidit sic vnum & idem corpus esse simul & circumscriptiue & non circumscriptiue in loco; quæ est aperta contradictio. Si enim non circumscribitur loco, non potest esse idem cum eo, quod circumscribitur loco, quia circumscribi & non circumscribi sunt opposita contradictoria. Sed Bellarminus ait ex Thoma Christi corpus esse in Sacramento circumscriptiue non secundum se, sed ratione dimensionum panis.

*Respondeo:* 1. Christi corpus debet circumscribi loco ratione dimensionum suarum, & sic in cælo se habet; non alienarum: nam corpus non potest à dimensionibus suis separari. Dicere Christi corpus esse in Sacramento circumscriptiue ratione dimensionum panis, non suarum, est dicere ibi esse corpus Christi, & non esse, quia vbi est corpus, ibi erunt necessario ipsius dimensiones. Cum enim habeat suas dimensiones, æquum est, ut harum potius ratione, quam alienarum circumscribarur. Nam quid de sanguine respondebunt? certè necesse est, cum sitiuuenis, ut eis circumscribatur, quemadmodum medulla ossibus, & caro pelle. 2. Quid hoc est, esse circumscriptiue in loco ratione di-



dimensionum panis, aut quomodo hoc fit? num dimensiones panis competunt Christo? erit igitur Christus superficie latâ & rotundâ, & tantâ tenuitate, quanta est hostia: at hoc pugnat cum veritate corporis Christi: nam habet corpus Christi dimensiones corporis humani. Deinde absurdum est, dimensiones panis tribui corpori Christi: nam hæc possunt esse varieg, non in hoc Sacramento, vt in alio, exiles in hoc, crassæ in alio. Sic idem corpus possit & rotundâ & longâ figurâ circumscribi, imo simul omni formarum varietate, & sic aliquid potest esse maius & minus seipso; imo duæ quantitates dimensionuæ erunt simul, scil. panis & corporis Christi: hoc autem impossibile est.

Aristot.  
Metaphys.  
3. text. 9.

Sic Aristoteles, id est, vox naturæ & rationis ait, *duo solida non possunt esse in eodem loco*. Hæc huius contradictionis monstra, & alia infinita sunt. Sed hæcenus contra Thomam: iam quid Bellarminus ipse respondeat videamus. Ait igitur se existimare, posse corpus non modo esse in pluribus locis, sed etiam localiter & circumscriptiuè, nec hoc tantum, sed etiam visibiliter & definitiuè. Huc certè ille non voluntate & iudicio suo, sed necessitate deductus est. Nam cum antea dixit, Christum apparuisse Paulo in terris, & simul locum suum in cælis occupasse, necesse ei fuit, vt Christum in pluribus locis visibilem statueret, tum etiam localiter & circumscriptiuè. Nunc fertur præceptus; postquam cæpit

ire: nil tam absurdum est, quod nõ ausit statuere. Sed in hoc, 1. secum misere pugnat. 2. cum aliis etiam, & ferè omnibus, certè cum optimis & doctissimis. 3. Ab omni ratione deferitur, imo certissimis rationibus refellitur.

Primò, paulo prius dixit, quando voluit differentiam inter Deum & corpus Christi statuere quoad existentiam in loco; in pluribus locis Deum esse vbiq; de facto, Christi verò corpus in vno esse loco localiter, in multis esse Sacramentaliter: vbi localiter & Sacramentaliter opposuit: nõ ergo vult ibi Christum localiter esse in pluribus locis. Nunc contra. Sed forsitan ibi dixit, non esse Christi corpus localiter in pluribus locis, nunc esse posse, non tamen ait esse. Sed aliter: nam hic non acquiescit in responsione Thomæ, qui ait Christi corpus esse in cælo tantum circumscriptiuè: ipse igitur ait, esse posse in Eucharistia circumscriptiuè: si ad rem loquatur, diceret ibi esse circumscriptiuè: & questio est, quomodo sit Christi corpus in Sacramento, non quomodo possit esse: ergo secum pugnat, & superiorem responsionem tollit. Imò & sequentem quoque rationem evertit: nam postea ait, Christum esse in Eucharistia, sed non per motum localem: at certe si est ibi localiter, tum locali motu: & Christus quando apparuit Paulo, localiter venit, vt illi volunt. Neq; hoc nouum est: millies enim sibi contradicit.

Secundò cum aliis pugnat, ijsque præ-

2.

Thom. in  
3. q. 76.  
art. 5.  
Idem  
Quodlib. 1.  
art. 22. &  
Quodlib.  
3. art. 2.

Bonauent.  
d. 10. q. 4.  
in 4.  
Durand.  
in 4. d. 10.  
q. 1.  
Gabriel. in  
4. d. 10. q. 1.  
in can.  
le. 43.  
Capreol. in  
4. d. 10. q. 1.  
art. 3.

Thom. in  
quodlib. 3.  
art. 2.  
Idem in  
quodlib. 1.  
art. 22.  
Idem in 3.  
q. 76. art. 5.

præstantissimis Scholasticis, inprimis verò cum Thoma. Thomas enim ait Christi corpus nullo modo esse in Sacramento localiter: & idem ait, vnum corpus esse localiter in duobus locis, implicare contradictionem. Sic Thomas affirmat, esse in sententia Bellarmini contradictionem: quod ergo dicit, est tam falsum, vt eo nihil falsius esse possit. Sic Bonauentura. Sic Durandus. Sic Gabriel. Capreolus etiam ad Thomam adhærescit. Licet Scotus dissentienti studio aliter sentiat, sed contra rationem: afferit enim ille miseris quasdam obiectiones, quæ facile dilui possunt. Imò tertio cum manifestissima & inuictissima ratione pugnat Bellarminus, cum hoc dicit. Ne hic nostras aliquas rationes afferam, ne in eis parum momenti esse putent, sed Scholasticorum. Prima nostra ratio est Thomæ: Deus non potest facere, vt duo contraria simul sint: at loca omnia distinguuntur secundum aliquam loci contrarietatem, vt sursum, deorsum, sinistrorsum, dextrorsum: ergo Deus non potest facere, vt vnum corpus sit in diuersis locis localiter.

Secunda ratio est etiam Thomæ: Locus est terminus locati: at terminus rei est extra quem nihil est rei: si ergo vnum corpus in duobus locis simul sit, erit extra suum terminum, & ita locatum & non locatum: quod est contradictorium. Recte! cur igitur illi Christi corpus faciunt non locatum, & extra terminum suum ponunt, cum nulla

res possit extra suum terminum esse?

Tertia ratio est eiusdem etiam Thomæ: Locus & locatum sunt æqualia: sic Aristoteles: sed Sacramentum est multo minus quam corpus Christi: nõ ergo est corpus Christi in eo, vt in loco: quomodo igitur potest corpus Christi circumscribi ratione dimensionum panis; quod vult Thomas? Nec sunt hæc obiectiones, quibus postea respondet, sed rationes, quibus suam opinionem ex animo probat.

Quarta ratio est ipsius Bellarmini hoc ipso in loco: Corpus trium cubitorum occupabit spacium sex aut nouem cubitorum, si in duobus vel tribus locis æqualibus ponatur: Christi vero corpus est trium cubitorum: iam si hoc in tribus locis ponatur, occupabit spacium nouem cubitorum, imò quia in locis tam multis est, innumerabilium cubitorum: ita non erit corpus, sed monstrum. Respondet Bellarminus, id posse fieri, si corpus illud in duobus aut tribus locis ponatur; non posse autem fieri, vt corpus trium cubitorum commensuretur loco sex aut nouem cubitorum. Sed hoc miserum est subterfugium: nam sic eueniet vt Christi corpus trium cubitorum, etsi non vno loco æquetur spacio nouem cubitorum; at in multis locis æquabitur: imò sic Christi corpus erit trium, & quatuor, & duorum cubitorum, & vnius, & nullius, si localiter in loco sit, id est, si loco commensuretur: tum etiam quomodo

Xxx 2 modo



modo corpus trium cubitorum possit esse in Sacramento, quod non est vnius palmi? Addam & quintam rationem. Si vnum corpus localiter in duob. aut pluribus locis esse possit, tum Petrus posset esse hic in scholis, & Oxonij in foro: posset ibi loqui, hic tacere: ibi esse calidus, hic frigidus: quid si ibi ad motus esset igni, num hic calefceret etiam in medio gelu? quid si ibi in ignem imponderetur, num hic arderet? num audiret ibi nos hic loquentes, & hic videret quid ibi ageretur? num posset hic disputare in scholis, & ibi contendere cum aduersario coram pratore? num posset idē ambulare Oxonium versus, & illinc ad nos per eandem lineam venire, & non se impedire in loco, ubi obuiā sibi occurreret? certe non posset impedire quā nisi vnus & idē homo est: at deberet se impedire, quā est in duob. locis localiter, ut illi volunt: cum a. duo homines, qui sunt localiter in duobus locis sibi occurrunt, se mutuo impediunt; non possunt ambo per eandem lineam ire; aliter cedat alteri necesse est: & quā hęc noua salutatio esset, quando vn⁹ sibi occurreret? quid si neuter veller alteri cedere (nemo enim sibi cedere potest) & sic ad manus veniretur? quam hęc mira pugna esset? Eiusmodi prodigia ex eo sequuntur, quod vnum corpus in duobus locis statuatur.

Dominic.  
à Soto in 4.  
d. 10. q. 1.  
art. 4.

Imo Dominicus à Soto ait, hoc modo Deum posse vnum corpus ponere vbique. Iam igitur ex Bellarmini sententia, quā vnum corpus in pluribus locis simul statuit,

hæresis Eutychianorum infertur, quā ille prius confessus est, nostris argumentis vna cum errore Lutheranorum convinci. Quāquam igitur certissimum est, nec Christi corpus, nec vllum corpus posse esse localiter in duob. locis simul, ut ipsi etiā Scholastici demonstrant, ideoq; Christum non esse in Sacramento localiter aiunt: tamen alij Scholastici non minus esse facile aiunt, ut vnum corpus sit in pluribus locis simul localiter, quā Sacramentaliter, quos Bellarminus sequi videtur; & hoc magis conuenit veritati corporis. Ego quidem fateor hoc esse verum, quod dicunt, quia vtrumque est impossibile. Sed vos pugnam Scholasticorum hac in re obseruate, quā non definita est, nec vnquam definitur, de modo scilicet præsentiae Christi in Eucharistia. Quidam Christum in Sacramento esse aiunt non ut in loco localiter, sed Sacramentaliter; alij esse etiam ibi localiter & circūscriptiue, & ratio est, quia Deus æque hoc atq; illud facere potest: illud autem non potest fieri propter contradictionem, ut illi optimè dicunt: neq; igitur hoc nostra igitur sola vera sententia est, Christum esse ibi sed non realiter: nam realis præsentia teneri & defendi non potest sine tantā implicatione contradictionum, quantā videtis. Quid noster Bellarminus? ille est in hac causa quouis Proteo nautabilior. Nam primò negat Christi corpus esse in Sacramento localiter; secundò defendit ibi esse localiter; tertio inquit, Quod si quis

quis contendat, ad hoc ut aliquid in loco sit circūscriptiue & definitiue, requiri ut res nullo modo sit alibi (quod est profecto necessarium) tum possumus dicere, inquit, Christum esse ibi per solam præsentiam, ut Deus est in loco. At hoc dici non potest, quia tum Christi corpus posset vbique esse, & sic vbiuitatē defendit, quā supra refellit. Præterea Christi corpus non potest sic esse alicubi, ut Deus, quia est natura diuersa corporis & spiritus: spiritus enim potest esse in loco, & non implere locum, at corpus non potest non implere, quia debet esse ibi cum quāritate & dimensionibus suis. Sed quid hoc est esse in Sacramento per solā præsentiam? perinde est ac si diceret esse ibi, sed se nescire quomodo ibi sit.

Dominic.  
à Soto ubi  
supra.

Nam ut recte Dominicus à Soto ait, modus præsentiae non requirit conuersionem panis: at esse ibi per conuersionem panis volunt. Talis certe hæc præsentia esse potest, qualem Lutherani statuunt. Hic modus ab omnibus explosus non displicet Bellarmino, quia reuera nulum certum modum inuenire potuit. Ita nequeunt se ex istis labyrinthis expedire. Tum hæc opinio ponit modum existendi in loco, qui non conuenit creaturæ: nam, omnis creatura est in loco aut circūscriptiue, aut definitiue: circūscriptiue, ut corpora, definitiue, ut angeli, & anima humana: non est alius modus. Nam quod illi dicunt de existendo in loco Sacramentaliter, est hoc nouum & fictū. Sed si corpus Christi sit Sacra-

mentaliter in Eucharistia ratione dimensionum panis, tum est ibi per accidens: sed quod est in alio per accidens, sic est in loco per accidens, quo illud aliud est in loco per se: at dimensiones panis in loco sunt per se circūscriptiue: igitur corpus Christi est in eodem loco circūscriptiue per accidens: si circūscriptiue, tum vna pars respondet alteri: at partes corporis Christi non possunt respondere dimensionibus panis, quia nec figura similes, nec magnitudine æquales sunt. Et rationes, quibus Thomas probat, Christi corpus non esse in Sacramento circūscriptiue & localiter, non esse ibi omnino probant. Nam primò, si hic sit, est sursum & deorsum; secundò, est extra suum terminum, quia locum habet in celo: locus vero est locati terminus, & nihil est extra terminum suum; tertio, si in Sacramento sit corpus Christi, tum aut ei æquale, aut inæquale est: si inæquale, aut maius, aut minus: si maius, tum est extra Sacramentum: si minus, tum non circūscribitur dimensionibus panis, nec est in vnaquaq; parte panis: si æquale, tum Christi corpus est æqualis magnitudinis cum pane: quod absurdissimū est: non est igitur ibi omnino. Sed non quod est peruenit, quo volumus, ut certus modus præsentiae Christi in Cana intelligatur. Certè enim Scholastici sophistæ in hoc non consentiunt, nec minus ipsi secum, quam nobiscum pugnant. Merito prohibiti sunt, ne auderent contra realem præsentiam disputare; sed alij aliorum opinio-



nes damnant: quod nobis instar esse debet maximi argumēti, illos non veritatem defendere, sed cōmunem opinionem Pontificum tyrannide stabilitam. Sed nos pergamus in hęc mysteria, imo monstra inquirere. Christi corpus esse in Eucharistia audio: id oēs Pontificij pertinacissimè defendunt: sed de modo, quæso, mihi narrate. Quomodo ergo est Christus in Sacramento Eucharistia? si Bellarmino credam, non credam Thomæ; si Thomæ, non aliis multis Scholasticis: & quis quidem his sophistis credet? Pontifex verò nihil hac de re statuit. Sed agite, dicite quomodo Christus est in Sacramento? Certè si Christi corpus sit in Eucharistia, aut ibi de nouo generatur, aut eo venit motu locali: nam quando corpus incipit esse, vbi prius non fuit, aut venit aliunde, aut generatur. Sed Christi corpus non ibi generatur: nam semel tantum natus est, nec potest generari, quod generatum est, aut fieri quod factum est. Non venit motu locali: tum enim defereret priorem locum, quia sic localiter res mouentur. Bellarminus respondet, incipere esse in altari, non per generationem, aut per motum localem, sed per conuersionem panis in ipsum.

*Respondeo:* Conuersio panis in corpus Christi nonne est noua generatio? ex pane enim fit corpus Christi: ergo noua ibi productio est; & vbi est vnius rei corruptio, ibi necesse est, alterius generationem sequi: non fuisset ibi, nisi pro-

pter hanc cōuersionem panis. Exempli causa, quando aqua à Christo versa est in vinum, noua hęc vini generatio fuit: sic cum virga Moïsis in serpentem mutata est; igitur modus conuersionis non facit vt non sit noua generatio. Nā res generari multis modis dicitur: *primò* creatione, vt Adam, & totus mundus in initio: *secundò* procreatione, vt nos: *tertio* putrefactione, vt lumbrici: *quarto* conuersione vnius substantiæ in aliam, quæ est miraculosa generatio: & sic Christus in nuptiis optimo vino multa dolia impleuit, quæ prius erāt plena aqua. Igitur inepta distinctio est, esse ibi non generationem, sed conuersionem panis. Atque hic obiter obseruandum est, Bellarminum euertere quod prius dixit: nam paulo antea dixit, Christum esse in Eucharistia per modū præsentia: at modus præsentia (vt ait Dominicus à Soto) non requirit conuersionem panis. Sed esto: sit ibi Christus per conuersionē panis: nonne illud ipsum Christi corpus, quod est in cælo, per conuersionem panis est in Eucharistia? nō negabunt, opinor: ergo illud corpus, quod est in cælo, fit ex pane: nam hoc ex pane fit: at hoc est impossibile. Nam quod est (vt ait Bellarminus) nō potest fieri, multo minus ex diuersa materia fieri: at materia panis diuersa est à semine Abraham: corpus vero, quod in cælo est, factum est ex semine Abraham: at panis ex tritico factus est. Ita Papistarum Christus ex tritico fit: sed habeant illi hunc Christum sibi;

sibi: non erit is noster Christus. Sic ergo nos disputamus: Quod est, non potest fieri: at Christi corpus est: ergo non potest fieri: fit autem ex pane, vt illi volunt: ita contradictio manifesta est: fit enim, quod est: & fit (vt aiunt) ex pane: æquiuocum igitur corpus est: nō enim vniuocum esse potest, quod ex diuersa materia fit: at Christus non nisi vnus est. Deinde esto vt Christus non descendat localiter, nec generetur, tamen illum augeri necesse est: cum enim perpetuæ fiant conuersiones panis in ipsum, non potest non augmentum esse: concedere ergo debet, esse ibi augmentationem, etsi neget generationē. Fingunt illi panem cōverti: at hęc conuersio panis aut est in nihilum, & tum non est in Christum; aut est in corpus Christi, & tum aliquam mutationē in corpore Christi, statuunt necesse est; aut est conuersio, & non conuersio.

Sic enim disputo: Omnis cōuersio est in aliquid, & producit aliquid: at hęc conuersio non est in aliquid, nec producit aliquid: ergo non est conuersio.

Minorem probo: nam si sit in aliquid, tum in corpus Christi; si in corpus CHRISTI, tum in illud, quod est in cælo: nam non est aliud corpus Christi; si in illud, quod est in cælo, tum illud, quod est in cælo, mutatur hac cōuersione: nam impossibile est, vt aliquid mutetur in aliud, sine mutatione eius rei, in quam mutatur: at illud corpus non est mutationi obnoxium.

Si verò mutatur in corpus Christi, quod est in cælo, tū necesse est, vt vel hic panis feratur in cælum, vel corpus Christi è cælo delabatur in Sacramentum. Præterea si hęc conuersio producit aliquid, tum corpus Christi producit: at productum non potest produci. Sed Bellarminus ait non deesse exempla, & tum exempla animæ & Dei affert, quæ sunt planè *ἐτερογενῆ*, id est, *diuersi generis*: nos enim de corporea substantia loquimur: non potuit in natura rerum aptum exemplum inuenire: nullum enim esse potest cōtradictionis exemplum. Sed exemplum animæ non congruit. Etsi enim anima incipit esse in materia, quæ corpori additur per nutritionem aucto, & noua anima non generatur, tamen illa noua materia non conuertitur in animam: sed vult panem conuerti in corpus Christi. Certe cibus & nutrimentum facit nouam quandam generationem, vt medici & philosophi statuunt, quia quod decedit, reparatur: est igitur aut generatio aut mutatio in corpore: sed nulla est in Christi corpore, in quod tamen volunt panem conuerti. Exemplum de Deo multo alienius est. Deus est in rebus omnibus, sed nihil in Deum mutatur, est etiam ille quidem in nouis rebus, quæ quotidie de nouo fiunt; at res illæ non cōuertuntur in substantiam Dei: si enim conuerterentur, Deus indies auctior esset: similiter si panis in corpus Christi mutatur, augetur indies corpus Christi.

Sed



Sed quæro ab illo, quæ sit causa formalis, propter quam Christi corpus est in hoc Sacramento? nã unicuique rei est aliqua ratio formalis existendi in loco: num conuersio panis in corpus Christi est ratio formalis? at illa transijt: ratio vero formalis manet: debet ergo causa assignari, quæ cum corpore remaneat: num species aut dimensiones Sacramenti sunt ratio formalis, quia tam diu manet corpus, quamdiu manet species? at illæ nõ sunt in corpore Christi, forma verò est in materia, cuius est forma. Certe Aristoteles formam existendi in loco ait esse quantitatem corporis: & hoc verum est; quia quãdiu habet quantitatem, tamdiu est in loco: ergo corpus Christi erit in Sacramento ratione quantitatis, vel quantitativè, vel per suam terminabilitatem, vt alii loquuntur: quod Aduersarij negant. At quantitas corporis Christi non potest plurificari, vt Scholastici loquuntur, quia vt corpus est vnum, sic eius quantitas est vna: nõ igitur esse potest in plurib. locis, aut nisi in vno loco. Sed illi dicunt etiã alia corpora esse in pluribus locis: at quomodo? num p modum conuersionis? at quid? num ergo generatione? ergo quod generatum est, potest denuo generari. Sed cum Bellarmino pergamus, & videamus quomodo contradictiones multas, quæ ex hac sententia pendent, & eam sequuntur, diluat. Nam si vnum corpus sit in pluribus locis, tũ sequentur contradictoria multa: erit enim simul sursum & deorsum,

Aristot. l.  
4. Physic.

sum, remotum & non remotum; quiescet & mouebitur; accedet & recedet; hic summe calidum, illic summe frigidum erit; hic vulnerari & ægrotare potest, illic valere. Quomodo Bellarminus his contradictionibus satisfacere potest? fatetur Scholasticorum dissensiones in hoc: nam aliqui relationes multiplicari aiunt, sed non absoluta; alij ipsa etiam absoluta, vt posse dicant vnum hominem esse in vno loco ebrium, in alio sitire, imo in vno mori, in altero viuere. Sed quid Bellarminus? ille mediam viam tenet, quam esse tutissimam ait. Ergo quod ad relationes attinet, putat eas necessario multiplicari ad loca: ergo vnum corpus posse esse sursum & deorsum; moueri & quiescere, diuerso respectu: possunt enim in eodem subiecto esse contrariæ relationes diuerso respectu. *Respondeo*: Potest quidẽ vnũ corpus esse ad dexteram aut sinistram; sursum aut deorsum diuerso respectu vt columna hæc est ad dexteram mihi, alteri ad sinistram; sed corpus Christi in Eucharistia secundum illos potest sui ipsius respectu esse sursum & deorsum: corpus in pixide, vel supra altare pendens, est sursum: idem corpus in mensa iacens est deorsum; hoc corpus in manu mouetur, illud in pixide quiescit; vnum tamen corpus est: totum quiescet, totumque mouebitur, sui respectu: quod fieri non potest. Et hic Bellarminus egregium philosophum indicat, quod motum & quietẽ inter relata numerat: nam hæc sunt absoluta: quies

Thom. in 3.  
q. 76. ar. 6.  
quies non est nuda relatio. Rectè THOMAS, impossibile esse, idem esse motum & quietum: tum enim contradictoria de eodẽ verificarentur: non ergo relationes sunt, sed aliquid absolutum: sic quies. Fatetur Bellarminus absoluta nõ multiplicari in Christi corpore multiplicatur, & contrariè: nam hic moueri, illic quiescere; hic sursum, illic deorsum esse potest: sed sursum & deorsum sunt relationes, inquiet: at eidem: nam dextra potest esse sursum, læua deorsum. Non tollit Bellarminus contradictionem, cum ait, respectu diuersorum locorum. Nam respectus, qui tollit contradictionem de sursum & deorsum, non est quod vnum corpus situm in diuersis locis sit sursum simul & deorsum respectu horum locorum (tum enim non tantum relatione, sed etiam erit sursum & deorsum) sed respectu locorum, in quibus non est; vt ego sursum sum respectu pauimenti, deorsum respectu tecti: non in tecto, non in pauimento sum: tum enim actu & re esse in diuersis locis; quod est impossibile: nam hæc loca vni homini & corpori sunt diuersa. Quare Thomas probat, Christum non esse localiter in Eucharistia, quia tum duo contraria simul essent, scil. sursum & deorsum; at hac ratione Christus non omnino erit in Sacramento: nam quocunq; modo ibi sit, erit sursum & deorsum: & sic contraria erunt in Christi corpore simul. 2. Si posset idem homo esse sursum & diuersum in diuersis

Thom.  
quodl. 3.  
art. 2.

locis, tum posset in vno loco cadere deorsum, & frangere ceruicem, cum interim alibi stabit in loco plano: & si hoc fieri posset (& potest fieri ex hac suppositione) tum idem corpus occidi, & simul illæsum esse posset: quod tamen hic negat Bellarminus. Nam ait absoluta non multiplicari, vt si aliquis ebrius aut satur ibi sit, non sitiet, non esuriet hic: si sanus ibi sit, non æger erit hic: at hæc euenire possunt necessariò, si vnus homo in diuersis locis simul sit. Nam Romæ potest comprehendi, & in carcerem conijci, & cruci affigi vel comburi propter religionem: hic interim in nullo periculo erit: ibi ergo morietur, quia ibi sunt omnes causæ mortis, non hic, quia nulla causa hic mortis est: ergo si vnus in plurib. locis simul esse potest, non modo relationes multiplices erunt, sed etiam ipsa absoluta contraria, vt vnus & idem ebrius Francofurti, sobrius Londini esse potest. Atque hoc est, quod Scholastici disputant, si hostia remansisset, cum Christus crucifigebatur, Christum in cruce mortuum, in hostia viuum futurum esse. Et huc referri possunt, quæ Hugo habet. Sed nunc aliter Scholastici: de quo forsã postea dicemus. Sed si Christus mortuus fuisset in hostia, tum crucifixus in hostia fuisset, & tum crucem in hostia fuisse necesse est, & Iudæos, qui Christum crucifixerunt; quorum neutrum fieri potuit. Ex his quæ diximus constat, nullum corpus simul in diuersis locis esse posse.

Hugo de  
Sacram. l.  
2. p. 8. c. 3.

Yyy

Nunc



5. Nunc Patres adhibeamus vel re-  
*August.* *in Epist. 3.* *ad Volusian* tes, vel precones veritatis. August.  
 ait, nullum corpus posse esse ubiq; totum:  
 & post, *quantumcunque corpus sit, seu*  
*quantulumcunque, corpusculum, loci oc-*  
*cupet spatium, eundemque locum sis im-*  
*pleat, ut in nulla eius parte sit totum.*  
 Non igitur Christi corpus totum  
 est, præterquam in vno loco. Bel-  
 larminus ait Augustinum loqui de  
 corpore existente in loco natura-  
 liter; esseque contradictionem, ut  
 corpus maneat extensum, & tamē  
 sit totum in qualibet parte. *Respon-*  
*deo: 1.* Augustinus Volusiano re-  
 spondet quæreni quomodo Deus  
 potuerit claudi vtero virginis: ait-  
 que Deum nullis locis includi, sed  
 totum ubique esse: corpus autem  
 sic claudi contineri; loco, ut non  
 nisi in vno loco esse possit, nec to-  
 tum in eius parte qualibet. Loq-  
 tur ergo simpliciter August. non  
 posse vllō modo, quia h.e. propriū  
 diuinitatis. Si ergo Christi corpus  
 non includatur loco, Deus erit. 2.  
 Bellarminus fatetur, corpus non  
 posse naturaliter esse totum in  
 qualibet parte loci: & hoc implica-  
 re cōtradictionem, ut corpus ma-  
 neant extensum, & totum sit in  
 qualibet parte loci: at Christi cor-  
 pus manet extensum, & tamen est  
 totum in qualibet parte loci, ut  
 plerique Papistæ volunt: ergo est  
 in eorum doctrina contradictio.  
 Imo ipse Bellarminus antea dixit,  
 Christum posse esse definitiue in  
 pluribus locis: at certe aut Biel fal-  
 litur, & cum eo innumerabiles alii,  
 aut esse definitiue in loco, est esse  
 totum in toto, & totum in quali-

*Biel. in 4.*  
*d. 10. q. 1.*  
*& in Ca-*  
*non. 11. ss. 2.*  
*lect. 43.*

bet parte: iam hoc de Christi cor-  
 pore non sine contradictione af-  
 firmari posse concedit Bellarmi-  
 nus.

Si vero corpus Christi non sit  
 totū in qualibet parte propter ex-  
 tensionem, tū habet corpus Chri-  
 sti partes extensas, & tum est cer-  
 tus ordo & dispositio partium: ca-  
 put propter extensionem partium  
 debet esse in suprema parte cor-  
 poris, pedes in infima, pectus in  
 media parte. Hoc etiam si detur,  
 tum erit quædam pars recta, quæ-  
 dam obuersa; quædam antica, quæ-  
 dam postica; & tum Christus aut  
 supinus aut pronus iacet; aut in  
 dexterum, aut in sinistrum propē-  
 det; nunc est auersus, nunc aduer-  
 sus. 3. Etiam in doctrina Thomæ  
 erit implicatio cōtradictionis. Nā  
 ille ait, Christi corpus nō circum-  
 scribi loco, & tamē esse quantum,  
 id est, extensum: at si non circum-  
 scribatur loco, tum est totum in  
 qualibet parte: nā circumscriptio  
 sola partium distinctionem extē-  
 sionemq; arguit: ubi nulla circum-  
 scriptio est, ibi partes simul sunt: &  
 ipsi Pontificii Christi corpus in-  
 minutissima quaque parte Sacra-  
 menti totum esse volunt. 4. Augu-  
 stinus ait, nullam corpus esse nec  
 magnum nec paruum, quod non  
 occupet spatium, & impleat locū,  
 & loquitur de quouis corpore si-  
 ne exceptione, etiam de Christi  
 corpore; & optima ratione utitur,  
 quia corpus (inquit) est aliqua substā-  
 tia, & quantitas eius est in magnitudi-  
 ne molis eius: & habet partes distantes,  
 quæ non possunt esse simul.

Si

*August.*  
*cont. Fau-*  
*stus Ma-*  
*nich. l. 20.*  
*c. 11.*

Si putasset aliter esse in corpore  
 Christi, eius mentionem aliquam  
 fecisset, præsertim cum de Christo  
 claudō in vtero virginis loquatur:  
 at Papistæ Christi corpus in mille  
 locis simul esse affirmant, & nul-  
 lum spatium aut locum implere. I-  
 dem quoque Augustinus alibi ait  
 de Christo, *Secundum præsentiam cor-*  
*poralem simul & in sole, & in luna, &*  
*in cruce esse non posset.* Bellarminus  
 in recitatione huius testimonii o-  
 misit illa verba, *Secundum corporale*  
*præsentiam.* Respondet ille, sed ni-  
 hil ad rem, quia non assequitur  
 scopum Augustini. Quærit Au-  
 gustinus à Manichæis, quot illi  
 Christos ponant, num vnum, quē  
 Spiritus Sanctus genuerit ex terra  
 patibilem, suspensum (ut illi vole-  
 bant) ex omni arbore, & iacentem  
 in omni herba: alium, quem Iudæi  
 crucifixerunt: tertium per solem.  
 lunamque distentum: an vnum e-  
 undemque ex parte ligatum in  
 arboribus, ex parte liberum. Tum  
 Augustinus hoc delirium refellit;  
 quia Christus (inquit) aut est spiri-  
 tus, aut est corpus: ad secundum  
 præsentiam spirituale non po-  
 tuit crucifigi à Iudæis; & secundū  
 corporalem præsentiam non po-  
 test esse simul in arboribus, in her-  
 bis, in cruce, in luna, & in sole, ut  
 illi absurdissime affirmarunt: at se-  
 cundum opinionem Papistarum  
 potest esse in multo pluribus & lo-  
 cis & rebus.

Sed Bellarminus ait, Si Augu-  
 stinus loquatur de Christi corpo-  
 re, ut est reuera, & non secundum  
 sententiam Manichæorum, tum

loquitur de corpore, secundum  
 ordinariū cursum naturæ, & nō se-  
 cundū id, quod potest in illo facere o-  
 mnipotētia Creatoris. *Respondeo:* Si  
 hoc posset fieri, ut Christus secun-  
 dum præsentiam corporalem sit in  
 sole, & luna, & cruce simul, tum  
 Augustinus inepte Manichæos re-  
 futasset, ex quorum doctrina eiuf-  
 modi quid sequebatur: nam pote-  
 rant illi Augustino eandem abur-  
 ditatem obicere, & dicere; Cur  
 negas posse Christum esse in arbo-  
 ribus, & herbis, cum esse in infini-  
 tis altaribus vos ipsi statuatis? Ne-  
 que enim Manichæus Christum  
 esse naturaliter, in tam multis locis  
 & rebus dixit, sed vi Spiritus san-  
 cti.

At Augustinus non veritus est  
 talem calumniam, quia Christum  
 nusquam nisi in vno loco esse no-  
 uit. Sed Bellarminus probat, Au-  
 gustinum non loqui de Christo, ut  
 est in se, quia ait, spiritū nullo mo-  
 do pati posse in cruce; quod neces-  
 sariō intelligi debet (inquit) secun-  
 dum ordinariū cursum naturæ;  
 alioqui (inquit) Augustin⁹ pugna-  
 ret secum, quia alibi ait spiritum  
 posse pati ab igne corporeo. *Re-*  
*spondeo:* Ait quidem Augustinus,  
 dæmones ignibus infernalib. cru-  
 ciari, vel quod aerea corpora ha-  
 beant, vel quod etiam spiritus sine  
 corporibus possint miris & ineffa-  
 bilibus modis igne corporali tor-  
 queri. Hoc fateor esse verum: dæ-  
 mones sine corporibus igne cru-  
 ciabuntur: ergone Iudæi poterant  
 Christum crucifigere, & si non  
 habuisset corpus? certe dæmones à

*Augustin.*  
*de ciuit.*  
*Dei, l. 21.*  
*c. 10.*

Yyy 2 Dco

Deo torqueri possunt flammis, sed non ab hominib. aut crucifigi, aut torqueri: Christus autem à Iudæis crucifixus est: nō ergo spiritus fuit: corpus igitur habuit: non ergo in luna & sole, & aliis locis innumera bilibus simul esse potest, vt Manichæi statuebant. Hæreticum igitur est, ponere Christum in pluribus locis simul. Ineptum verò est, quod Bellarminus ait, si spiritus possunt alligari igni corporeo, vt ab eo pānam recipiant, cur non alligari cruci possunt? perinde enim est, ac si sic diceret, dæmones sunt in aere definiti: ergo possunt comprehendi, & in carcerem conici. Nam ignis est locus dæmonum, & substantia ignis est subtilis, & in igne habitabunt: sed homines non possunt illos, vt Iudæi Christum, crucifigere. Aliud testimonium affertur à nostris ex Augustino in tractatu quodam in Iohannem, vbi hæc verba habet, *Sursum est Dominus, sed etiam hic est veritas Dominus. Corpus enim Domini, in quo resurrexit, vno loco esse potest: veritas eius vbique diffusa est.* Quod verò ait Augustinus, *potest esse*, perinde est, ac si diceret, *debet esse*: nam opponit corpus veritati eius: *veritas*, inquit, *vbique diffusa est*, id est, spiritalis gratia, sed ipsum corpus potest esse in vno loco, id est, est in vno loco; alias nulla erit oppositio.

Sed Augustinus ait, *potest*, quia est vbi vult, nulla necessitate in hoc aut in illo loco. Nostri Theologi interdum solent hoc testimonium sic allegare, *Corpus in quo Dominus*

*resurrexit, in vno loco esse oportet.* Aduersarii clamant. At in Gratiano sic legitur: vbi ridiculus Glossator, quod Augustinus ait, veritatem corporis esse vbique, sic exponit, *verum corpus Christi est in forma panis in quolibet altari: quasi hoc sit, esse vbique?* Sed Augustinus opponit corpus, & veritatem corporis: at non sunt opposita, si corpus sit & in vno loco, & in omnibus locis. Statim igitur Glossator ait, *vel veritas est diuinitas*: at hoc quoque absurde, quia ait Augustinus, *veritas eius*, id est, corporis: at non est diuinitas corporis veritas. Similiter multi Patres probant diuinitatem Spiritus Sancti, ex eo quod sit vbique: si ergo Christus vbique sit secundum humanitatem, tum ea est Deus.

Ambrosius hæc verba habet, *Quis audeat creaturam appellare Spiritum sanctum, qui non habeat circumscriptam determinatamque virtutem? nam esse in omnibus, & vbique, est diuinitatis proprium*: & sic per totum caput pulchre creaturas limitibus suis circumscribit, Spiritum Sanctum nullis; & hinc Spiritum Sanctum non esse creaturam probat: tollunt ergo Christi humanitatē, qui eā aut in omnibus, aut in pluribus locis statuunt. Similiter Basiliscus, τὸν μὲν ἅλων ἐκείνη δύναμεων ἐν παντί, *Datum hoc est alijs facultatibus* (intelligit Angelos) *in circumscripto loco esse*, vt Angelus, qui cum Cornelio loquebatur, & qui Zachariæ astitit, nō tum in cælo fuit: at πνεῦμα Κυρίου περιήρωκε τὸ οὐρανόν, *Spiritus Domini impleuit totum*

Gratian.  
de con. eccl.  
d. 2. cap.  
Prima  
quidem.

Ambrosius de  
Spiritu S.  
l. 1. c. 7.

Basil. de  
Spiritu S.  
c. 22.

August.  
tract. 30.  
in Iohann.

*tum orbem*: concludit igitur, quod est ἀχράντον τὸ μέγεθος, *immensum magnitudine*, ita scilicet. immensum, vt nullo loco capi possit, esse Deum: Christus igitur si in terra simul & cælo corpore sit, corpus eius non est finitæ naturæ: ergo est Deus. Hieronymus hæc verba habet, *Ex quo intelligimus Deum esse, qui totus vbique sit.* Id ipsum Didymus quoque probat. Augustinus ait, *se mirari cor Arianorum, plus quam explicare possit, quod cum dent, Spiritum Sanctum vbique presentem adesse sanctificandis fidelibus, ausint negare Deum esse*: quasi diceret dementissimum esse, negare eum esse Deum, qui vbique sit: ergo si corpus Christi sit vbique, est Deus.

Hieron. in  
Psalm. 138.  
Didym. in l.  
1. de Spir. S.  
August. l.  
3. c. 21 cōt.  
Maxim.

Cyrill. de  
Trinit. l. 7.

Similiter Cyrillus. Si hoc bonū argumentum Patrum sit, tū Christi corpus non est vbique, quia tum est Deus. Sed Bellarminus forsā hæc omnia concedet, quia illi non dicunt Christi corpus esse vbique: & hæc argumenta à se remouent in Lutheranos. Farentur ergo illi Lutheranos optime refelli his & huiusmodi testimonijs. Vtinam Lutherani agnoscerent tandē suū errorem & absurditatem. Sed num excusandi Papistæ sunt? nequaquā. Eadem enim vi, qua Christus est in tam multis locis, posset esse in omnibus: nam nō naturaliter hoc fieri dicunt, sed propter omnipotentiam Dei: at omnipotentia sua tam posset facere Deus vt Christi corpus esset vbique, quam vt sit in tam multis locis: & sic posset naturam suam communicare creaturæ. At hoc impossibile est: non

potest enim Deus facere plures Deos: non igitur proprietates suas rebus creatis communicare: at vbique esse est proprietas Dei: & hoc potest Deus communicare corpori Christi, non minus quam esse in multis locis simul. Deinde Eutyches, qui posuit vbiquitatem Christi, ab Ecclesia Catholica damnatus est: aut legitime certè, aut non: si non, tum male fecerunt, qui illum in Concilio Chalcedonensi damnarunt: at id dici non potest, quia Scriptura eius hæresin apertissime damnat: si legitime & merito damnatus est Eutyches, similiter & Papistæ damnandi sunt, nō modo Lutherani, quia Papistæ ponunt fundamenta hæreseos Eutychianæ, affirmando id, ex quo necessariò vbiquitas consequatur. Lutherani sine ambagibus dicunt Christi corpus vbique esse: Bellarminus fatetur eos refelli ab vbiquitate quæ est proprietas Dei. Sed non minus absurdi Papistæ sunt, qui dant eius esse efficere, vt Christi corpus vbique sit, qui facit, vt in pluribus locis sit: & necessariò colligitur ex eorum placitis, quia cum causā existendi sit omnipotentia Dei, non minus vbique per hanc causam esse potest. Sed forsā dicent esse in vno loco circumscripti, sed esse secundum diuersum respectum in mille locis. At hoc non est distinguere, sed petere principium, & affirmare prædicatum.

Nos negamus posse esse Christum in diuersis locis sine circumscriptioe: pugnat enim cum natura



tura corporis, esse simul in multis locis. Sic respondent Papistæ, quasi dicent, solem splendere sua luce, & esse obscurum suis tenebris: at quis dixerit tenebras esse in sole? Quid quod multi Papistæ disertè asserunt, Christi corpus posse esse ubique? Sic Rossensis disertè ait, Christi corpus posse ubique esse. Et Occamus eo quod Christi corpus est in qualibet parte vnius parui loci, colligit posse esse quoque in qualibet parte vnius magni loci, & quia in quatuor locis est, ergo posse in pluribus & omnibus locis esse, ubi est Deus. Et mea quidem opinio minus est absurda opinio Lutherianorum, quia ex illa non sequitur discontinuatio vnius & eiusdem corporis, ut ex opinione Papistarum.

## CAPVT XII.

*Argumenta Papistarum, quibus probant Christi corpus non occupare locum in Sacramento, diluuntur.*

**I**AM ad secundam Papistarum contradictionem veniamus, quæ in eo posita est, quod ex illorum sententia corpus non occupet locum. Non enim modo corpus Christi in infinitis locis esse dicunt, sed etiam nullum occupare locum. Id nos non posse fieri dicimus, quia contradictionem necessariam implicat. Atque hic primo videndum de statu Questionis. Bellarminus

ait duo esse obseruanda. *Primum* est, esse duas opiniones falsas Scholasticorum, quæ hæreticis, inquit, dederunt occasionem argumenta subtiliora contra veritatem fidei obijciendi.

*Prima* est Durandi, corpus Christi esse in Eucharistia sine quantitate. Sane Durandus non potuit videre, quomodo quantitas sit in Eucharistia, sed quomodo substantia sine quantitate, facile intellectu putabat. Si quidem corporis substantia à quantitate separari posset, melius esset affirmare, esse in Eucharistia substantiam sine quantitate, quia substantia non extenditur nisi per quantitatem. Hæc via Durando placuit. *Secunda* est, esse ibi quantitatem & magnitudinem, sed non esse distinctionem aut ordinem partium, sed singulas partes à singulis penetrari: & hæc videtur esse Occami & Alliacensis sententia. Hæc opiniones sunt hæreticæ, quia naturam corporis destruunt, sed tamen à Papistis refelli non possunt, qui realem præsentiam Christi in Eucharistia tenent, cum qua nullo modo constare potest, uti postea docebimus, vel distinctio partium, vel vlla ratio quantitatis. Sed quænam tandem est opinio Bellarmini, & Ecclesiæ Papisticæ? ista nimirum, esse corpus Christi in Eucharistia cum figura sua, & habere ordinem ac distinctionem partium, ut in cælo, & habere omnia accidentia, excepta relatione ad locum cælestem.

Sed, ut corpus Christi in Eucharistia

*Durand. in 4. d. 10. q. 2.*

*Occam. in 4. q. 4. Alliacens. in 4.*

ristia distinctionem & ordinem eundem habeat, quem in cælo, impossibile esse postea euincemus. 2. Quod excipit vnum accidens, scilicet relationem ad locum, se planissime refellit. Nam non potest idem non habere omnes relationes respectu sui, & eiusdem rei: Christi autem corpus semper est idem & vnum: non potest igitur à se differre relatione: differet autem, si sit in Eucharistia realiter. Sed hoc est impossibile, ut aliquis respectu sui à se differat: potest respectu rerum aliarum, ut ego simul supra & infra esse possum, ut Ioannes & pater & filius; & præceptor & discipulus simul esse potest, diuersorum respectu: at corpus Christi respectu sui à se differet ex Bellarmini sententia. Idem non potest referri ad se oppositis relationibus, ut Scholastici loquuntur. Similiter propinquum & distans sunt opposite relata: si autem idem esset in diuersis locis, posset eidem esse & propinquum & distans. Sed affert Bellarminus quasdam rationes, quibus probat corpus Christi esse in Sacramento cum quantitate & distinctione partium.

*Conc. Trid. s. 13. can. 1.*

*Prima* ratio sumitur ex Concilio Tridentino: Ecclesia vniuersa docet, inquit, non solum corpus & sanguinem, sed etiam animam & diuinitatem, atque adeo totum Christum esse in Eucharistia: certum autem est, inquit, animam & diuinitatem non esse ibi ex vi consecrationis, sed ex concomitantia: at magnitudo & figura, inquit, vniuersa sunt corpori Christi naturali-

ter & inseparabiliter. Sed hic pugnat cum Thoma: nam Thomas ait, quantitatem quoque esse in Eucharistia non ex vi consecrationis, sed propter concomitantiam. Substantia est ibi, inquit, ex vi Sacramenti, quantitas ex reali concomitantia: igitur in Sacramento est quantitas, sed per concomitantiam. Posset igitur ex hac opinione separari quantitas à substantia, ut sanguis à carne, & anima à corpore. Sed esto: quod ad rem nil refert.

*Secunda* Bellarmini ratio hæc est: Christus ait, *Accipite, edite, hoc est corpus meum, quod pro vobis tradetur*: at non tradebatur corpus sine magnitudine & figura, & aliis accidentibus, quæ in magnitudine fundantur. *Respondeo*: At hoc modo Christus erit in Eucharistia visibilis, & cum sua iusta magnitudine, non cum hac mathematica & Papistica magnitudine: nam cum tradebatur, & visibile erat corpus eius & habebat iustam magnitudinem.

*Tertia* ratio: In Eucharistia datur caro Domini: sed substantia sine quantitate & complexione quædam accidentium caro dici non potest. *Respondeo*: At tum hic ossa esse debent: nec erunt ossa sine quantitate & complexione ossium. Sed in Eucharistia nullum est discrimen inter carnem & ossa: ergo nulla est ibi complexio carnis.

*Quarta* ratio: Anima etiam in Eucharistia est: ergo est ibi corpus dispositum & organizatum: non ergo sine quantitate sua. *Respondeo*:

At

*Rossens. cont. Oecolampad. l. 5 c. 33. Occam. in centil. conclus. 25. & 29.*

*Thom. in 3. p. q. 75. art. 4. Idem contra Gent. l. 4. c. 64.*

tura corporis, esse simul in multis locis. Sic respondent Papistæ, quasi dicent, solem splendere sua luce, & esse obscurum suis tenebris: at quis dixerit tenebras esse in sole? Quid quod multi Papistæ disertè asserunt, Christi corpus posse esse ubique? Sic Roffensis disertè ait, Christi corpus posse ubique esse. Et Occamus eo quod Christi corpus est in qualibet parte vnius parui loci, colligit posse esse quoque in qualibet parte vnius magni loci, & quia in quatuor locis est, ergo posse in pluribus & omnibus locis esse, ubi est Deus. Et mea quidem opinio minus est absurda opinio Lutheranorum, quia ex illa non sequitur discontinuatio vnius & eiusdem corporis, ut ex opinione Papistarum.

## CAPUT XII.

*Argumenta Papistarum, quibus probant Christi corpus non occupare locum in Sacramento, diluuntur.*

**I**AM ad secundam Papistarum contradictionem veniamus, quæ in eo posita est, quod ex illorum sententia corpus non occupet locum. Non enim modo corpus Christi in infinitis locis esse dicunt, sed etiam nullum occupare locum. Id nos non posse fieri dicimus, quia contradictionem necessariam implicat. Atque hic primo videndum de statu Quæstionis. Bellarminus

ait duo esse observanda. *Primum* est, esse duas opiniones falsas Scholasticorum, quæ hæreticis, inquit, dederunt occasionem argumenta subtiliora contra veritatem fidei obijciendi.

*Prima* est Durandi, corpus Christi esse in Eucharistia sine quantitate. Sane Durandus non potuit videre, quomodo quantitas sit in Eucharistia, sed quomodo substantia sine quantitate, facile intellectu putabat. Si quidem corporis substantia à quantitate separari posset, melius esset affirmare, esse in Eucharistia substantiam sine quantitate, quia substantia non extenditur nisi per quantitatem. Hæc via Durando placuit. *Secunda* est, esse ibi quantitatem & magnitudinem, sed non esse distinctionem aut ordinem partium, sed singulas partes à singulis penetrari: & hæc videtur esse Occami & Alliacensis sententia. Hæc opiniones sunt hæreticæ, quia naturam corporis destruunt, sed tamen à Papistis refelli non possunt, qui realem præsentiam Christi in Eucharistia tenent, cum qua nullo modo constare potest, uti postea docebimus, vel distinctio partium, vel vlla ratio quantitatis. Sed quænam tandem est opinio Bellarmini, & Ecclesiæ Papisticæ? ista nimirum, esse corpus Christi in Eucharistia cum figura sua, & habere ordinem ac distinctionem partium, ut in cælo, & habere omnia accidentia, excepta relatione ad locum cælestem.

Sed, ut corpus Christi in Eucharistia

*Durand. in 4. d. 10. q. 2.*

*Occam. in 4. q. 4. Alliacens. in 4.*

ristia distinctionem & ordinem eundem habeat, quem in cælo, impossibile esse postea euincemus. 2. Quod excipit vnum accidens, scilicet relationem ad locum, se planissime refellit. Nam non potest idem non habere omnes relationes respectu sui, & eiusdem rei: Christi autem corpus semper est idem & vnum: non potest igitur à se differre relatione: differet autem, si sit in Eucharistia realiter. Sed hoc est impossibile, ut aliquis respectu sui à se differat: potest respectu rerum aliarum, ut ego simul supra & infra esse possum, ut Ioannes & pater & filius; & præceptor & discipulus simul esse potest, diuersorum respectu: at corpus Christi respectu sui à se differet ex Bellarmini sententia. Idem non potest referri ad se oppositis relationibus, ut Scholastici loquuntur. Similiter propinquum & distans sunt opposite relata: si autem idem esset in diuersis locis, posset eidem esse & propinquum & distans. Sed assert Bellarminus quasdam rationes, quibus probat corpus Christi esse in Sacramento cum quantitate & distinctione partium.

*Prima* ratio sumitur ex Concilio Tridentino: Ecclesia vniuersa docet, inquit, non solum corpus & sanguinem, sed etiam animam & diuinitatem, atque adeo totum Christum esse in Eucharistia: certum autem est, inquit, animam & diuinitatem non esse ibi ex vi consecrationis, sed ex concomitantia: at magnitudo & figura, inquit, vniuersa sunt corpori Christi naturali-

ter & inseparabiliter. Sed hic pugnat cum Thoma: nam Thomas ait, quantitatem quoque esse in Eucharistia non ex vi consecrationis, sed propter concomitantiam. Substantia est ibi, inquit, ex vi Sacramenti, quantitas ex reali concomitantia: igitur in Sacramento est quantitas, sed per concomitantiam. Posset igitur ex hac opinione separari quantitas à substantia, ut sanguis à carne, & anima à corpore. Sed esto: quod ad rem nil refert.

*Secunda* Bellarmini ratio hæc est: Christus ait, *Accipite, edite, hoc est corpus meum, quod pro vobis tradetur*: at non tradebatur corpus sine magnitudine & figura, & aliis accidentibus, quæ in magnitudine fundantur. *Respondeo*: At hoc modo Christus erit in Eucharistia visibilis, & cum sua iusta magnitudine, non cum hac mathematica & Papistica magnitudine: nam cum tradebatur, & visibile erat corpus eius & habebat iustam magnitudinem.

*Tertia* ratio: In Eucharistia datur caro Domini: sed substantia sine quantitate & complexione quædam accidentium caro dici non potest. *Respondeo*: At tum hic ossa esse debent: nec erunt ossa sine quantitate & complexione ossium. Sed in Eucharistia nullum est discrimen inter carnem & ossa: ergo nulla est ibi complexio carnis.

*Quarta* ratio: Anima etiam in Eucharistia est: ergo est ibi corpus dispositum & organizatum: non ergo sine quantitate sua. *Respondeo*:

At

*Roffens. cont. Occo. lampad. l. 5 c. 33. Occam. in censil. conclus. 25. c. 29.*

*Thom. in 3. p. q. 76. art. 4. Idem contra Gent. l. 4. c. 64.*



At profecto nulla dispositio humani corporis est in Eucharistia: non ergo ibi est aut quantitas, aut anima. Si ergo anima non potest esse nisi in corpore disposito & organizato, nulla certe anima est in Eucharistia, quia in dispositione iusta, debet esse positio, qualis membra organica postulant. Sed de esse necessarium, ut si ibi substantia corporis Christi sit, & quantitas, & anima ibi simul sit: sunt enim inseparabilia. Sed quia non quantitas hic aut anima est; nec corpus hic esse potest.

2. *Secundum* illud, quod hic observandum esse ait Bellarminus, est tria convenire magnitudini, quorum unum ex altero sequitur. *Primum* est essentiale, scilicet esse extensam in se, & habere partem extra partem, ac proinde situm intrinsecum, & ordinem, & dispositionem partium, & hæc esse in magnitudine perpetua. Quid enim est linea, inquit, nisi extensio in longum? quid superficies nisi extensio in longitudinem & latitudinem? quid corpus nisi extensio in longitudinem, latitudinem, & profunditatem? sublata igitur extensione tollitur magnitudo. *Respondeo*: Hæc ab illo rectissime dicuntur: neque enim vel cogitari magnitudo potest sine extensione. Cum a. in corpore sit triplex magnitudo, triplex etiam extensio necessaria est: quæ necessitas facit, ut Christi corpus non possit esse in Eucharistia, ut nos postea docebimus. *Secundum* illud, quod convenit magnitudini, est coextendi loco, seu commē-

surari loco, & habere situm extrinsecum in ordine ad locum. Hoc, inquit, sequitur ex primo: & ideo separari potest ab eo. *Respondeo*: At si sequatur, & necessario sequatur, non potest separari. Aut enim sequitur necessario & inseparabiliter, aut non: si necessario, tum non potest non coextendi: si non, cur ait sequi? imò necessario sequitur, ut corpus, quia habet extensionem, impleat locum, quia extensio est in longitudinem, latitudinem, & profunditatem. Et sequitur non, ut effectum ex causa: posset enim Deus impedire, ne causa producat effectum: sed ut ex forma formatum: extensio enim est ratio formalis existendi in loco, & locum occupandi: at forma non potest à re formata separari, dum res est, sine contradictione. Et sane non potest esse extensio partium sine occupatione loci: quare hæc sublata, & prior tollitur, ut postea docebimus. Nam quod de supremo cælo obiicit, supra respondimus: etsi non proprie est in loco, tamen situm partium in extensione habet, & sua superficie circumscribitur. Exemplum non convenit: nam supremum cælum propter immensitatem non est in loco: at corpus Christi non occupare locum putatur, non propter immensitatem, sed contra quia locus in quo ponitur ab illis, non est iustæ magnitudinis. Nihil est in corpore Christi, cur non extendi ad locum possit: at in cælo aliquid est, cur non loco capiatur. Nullam instantiam corporis dare potuit intra sphaeram mundi.

mundi. *Tertium* illud, quod convenit magnitudini, est extrudere aliud corpus è loco, & non pati, ut simul cum eo sit: & hoc ex secundo sequitur: quare ait hoc posse separari à secundo & primo, quia est posterius eis. Et ideo Catholici, inquit, tenent posse corpus esse in loco, & non expellere aliud; quæ dicitur penetratio corporum. Imò sic corpus erit in loco circumscriptivè cum alio. Sed ratio fallit: quoniam posterius est tempore, est separabile: non quod natura posterius est, semper & necessario. Non magis posterius est corpore implere locum, quam animale esse sensibile, aut homine esse risibile. Si Deus separaret risibile ab homine, non iam homo erit: hæc ergo contradictio est. Iam sententiam Papistarum habemus, corpus Christi verè cum magnitudine sua in Sacramento esse, tamen non cōmensurari loco, aut coextendi loco, & posse penetrare aliud corpus. Hoc pro Lutheranis facit: cur igitur panem destruunt, ut locum faciant corpori Christi, cum possit corpus Christi esse in Sacramento una cum alio corpore? frustra igitur litigant Papistæ cum Lutheranis. Nos contra in hac sententia esse impossibilitatem & contradictionem dicimus, & posse tolli non minus primam conditionem, quam secundam & tertiam. Sed Bellarminus oblitus sui est: nam qui prius dixit, corpus Christi esse in Eucharistia circumscriptivè; nunc mutata verificatione, non circumscribi ait, sed esse sine impletionem. Ita aliud

stans, aliud sedens dicit. Deinde antea dixit, Christi corpus esse visibiliter in Eucharistia, & corpus quodvis in duobus locis visibiliter esse posse: nunc ait corpus posse penetrare corpus: quod si verum sit, tum videre possumus duo corpora in uno loco, imò infinita: nam unum corpus potest esse in mille locis, si in duobus; sic si duo corpora possunt esse in uno loco, etiam mille possunt, & visibiliter quoque, ut Bellarminus ait; quod nemo unquam vidit. Sed nunc ad argumenta veniamus.

Bellarminus duplici argumentorum genere utitur: primum à Dei omnipotentia sumitur; alterum ab exemplis. De Dei verò omnipotentia affert quasdam Scripturas, de quibus nos antea respondimus. Dei omnipotentia prædicatur in Scripturis, à qua nos cum Scholasticis nihil excipimus, nisi quod contradictionem implicat: iam verò corpus non occupet spacium, non impleat locum, non expellat aliud corpus, non potest non implicare contradictionem. Nunc igitur vult probare, in his nullam esse contradictionem: quod si probet, tum nos fieri posse concedimus. Atque ut hoc probet, 4. affert rationunculas. i. est, posterius nihil esse de essentia: at occupare locum est posterius corpore, & implicare contradictionem est repugnare essentia. *Respondeo*: Locus est posterior corpore natura non tempore, sed extensio partium ne natura quidem posterior est: est enim extensio partium de essentia magnitudinis,



vel ipso Bellarmino cōfidente. Locus, fateor, non est de essentia corporis, sed dispositio ad locum est de essentia propter magnitudinē essentialem: nam ut primum corpus est, est locatum: locatum autē est simul cum loco. Atq; ut Scholastici volunt, corporeitas est ratio formalis existendi in loco: corpus ergo non potest non esse in loco, quia corpus non potest esse sine corporeitate. Ergo locus non est posterior corpore, et si sit externū quiddam à corpore.

2. *Secunda ratio* hæc est: Magnitudo potest definiri sine loco, aut repletionem loci: non est igitur de essentia magnitudinis esse in loco, & tum nulla est contradictio, corpus habere magnitudinem, & non occupare locum. *Respondeo*: Non omne quod non ponitur in definitione, potest à definito separari: tum enim ab homine risibile posset separari. Fateor nō poni locum in definitione corporis, ea tamen ponuntur, quæ necessario locum insinuant, & quæ sunt proprietates arguentes necessario esse in loco: nam longū, latum, & profundum esse, necessario arguunt impletionem loci. De vltima sphaera responsum est, non esse in loco, quia non est locus amplior, intra quem esset: quāquam si mouetur, est aliquo modo in loco. Nec quod locus non ponitur in definitione corporis seu magnitudinis, ideo potest corpus seu magnitudo esse sine loco: nam in definitione spiritus non ponitur illocalitas, nec in definitione Dei, tamen ea ponun-

tur, ex quibus nec Deus, nec spiritus est in loco: imo nec immortalitas ponitur, in definitione vel Dei, vel spiritus: tamen ut immortalitas, ita & illocalitas est de essentia & Dei, & angelorum. Si separari nequeat, quod in definitione ponitur, tum corpus non potest non implere locum, cum per longum, latum, & profundum definiatur: profundum vero non differet à lato, aut latum à longo, aut longum à puncto, si corpus non impleat locum: ita Christi corpus non erit verum corpus, sed corpus *μονὸν ἐξ ἑμῶν*, id est, *delinatum tantum*, non additis scilicet reliquis, quæ iustam corporis magnitudinem absoluunt.

3. *Tertia ratio* huiusmodi est. Functio seu officium non est de essentia rei: at implere locum est functio corporis: ergo non est de essentia corporis, & per consequens corpus esse alicubi, & non implere locum non implicat contradictionem, cum nihil implicet contradictionem, nisi quod repugnat essentia.

*Respondeo*: Functio quidem & essentia non sunt eadem in rebus creatis: at in Deo eadem sunt: nam Deus est perpetuus actus. Ita si per functionem intelligat age, e perpetuo, tum quidem functio est de solius Dei essentia. Homo quidem non semper ratiocinatur, est tamē hæc essentialis facultas hominis: sic corporis implere locum, & non penetrare corpus. Functio ignis est vrere: nō semper quidem, quia potest hoc impediri: sed essentia ignis

ignis est calor, qui non nuda functio sed forma est, nec potest ab igne separari. Sic actus ratiocinandi impediri potest in homine, sed ratio ipsa ab homine tolli non potest. Similiter de corpore dicendum: functiones eius impediri possunt: at extensio non est functio corporis, sed forma, quæ re ipsa salua impediri aut tolli non potest.

4. *Quarta ratio* sic se habet: Ita se habet extensio ad magnitudinem, ut grauitas ad corpus graue: at nō est de essentia corporis grauis ponderare. *Respondeo*: Extensio sic est in corpore, ut eius ratio sit & definitio. Sic enim antea dixit Bellarminus, Quid est corpus nisi extensum in longitudinem, latitudinem, & profunditatem: grauitas vero nō est de essentia corporis, sed est qualitas secundaria: ideo sine contradictione non fertur corpus graue deorsum.

Sequitur nunc secundum genus argumentorum, quod positum est in enumeratione exemplorum: & tamen alij Papista hoc esse singulare dicunt. Hasselius ex Augustino respondet in alia causa, *Si quærimus exemplum, non erit singulare*. Sic Dominicus à Soto, *Qui quidem est modus singularis, nullum habens exemplum*. Sed Bellarminus putat hoc posse exemplis illustrari: videamus ergo exempla, quibus probat corpus posse esse in loco sine occupatione aut impletionem loci. Primum exemplum sumitur ex Matth. 19. Marc. 10. Luc. 18. *Facilius est camelum per foramen acus transire, quam diuitē intrare in regnum calorum*. Cum A-

postoli attoniti dicerent, *Quis ergo potest saluus fieri?* Christus respondet, Hoc apud homines impossibile est, *at omnia possibilia sunt apud Deum*: potest ergo Deus facere, ut camelus per foramen acus transiret, quia si potest quod difficilius est, potest quod facilius est: non autem potest camelus per foramen acus transire, nisi non occupando locum: alias maius erit minus minore suo. Quod si hoc Deus potest, cur non similiter potest efficere, ut corpus Christi sit in Sacramento, & tamen non occupet locum?

*Respondeo*: 1. Variæ sunt huius loci expositiones. Augustinus allegorice exponit: per diuitē (inquit) cupidus rerum temporalium intelligitur; per camelum Christus, qui se ad onera submitit, acus punctiones, foramen angustias punctonum significat: ita sensus secundum Augustinum est, Facilius est Christum pati pro amatoribus seculi, quam amatores seculi conuertere ad Christum. Si isto modo locum interpretemur, tum perijt argumentum Bellarmini de camelo. Similiter Gregorius ait, camelum transisse per foramen acus, quando Redemptor angustias passionis suscepit. Alii per camelum intelligunt funem nauticum: sic Theophylactus, *πῶς ἂν τὸ ζῶον, ὃ καὶ τὸ πᾶν ζοῖον, ὃ καὶ τὸ πᾶν ζῶον, ὃ καὶ τὸ πᾶν ζῶον*, Intelligunt quidam, inquit, non animal, sed crassum illum funem, quo vtuntur nautæ in proiciendis anchoris: Et sic Elias Cretensis. Bellarminus ait καμῖλον

August.  
quest. Eu-  
angel. l. 2.  
c. 47.

Gregor.  
Moral. l.  
35. c. 17.

Theophyl.  
lact. in  
Mat. 19.

Elias Cre-  
tens. in

Hassel de  
real. pra-  
sent. c. 101.  
Dominic.  
à Soto in 4.  
d. 10. q. 1.  
art. 4.

1.  
Matth. 19.  
24.  
Marc. 10.  
25.  
Luc. 18. 25.



comment.  
in orat. 2.  
Greg. de  
filio.

esse funem nauticum, nō κάμηλον. Fateor Suidam in suo Lexico, & Scholiasten Aristophanis κάμηλον habere: quæ vox nusquam in antiquo aliquo authore reperitur. Sed certum est funem nauticum dictum esse camelū propter crassitiem & tortuositatem. Et scribitur in Euangelio κάμηλον; quod vocabulum Theophylactus pro fune nautico à quibusdā sumi ait. Sed siue camelus, seu funis intelligatur, in rei impossibilitate nihil interest, in proportionem vero aliquid: nam filo similior funis, quam camelus: sed simpliciter trahere crassum funem per acus foramen impossibile est. Ad acū verò quod attinet, alii per illam putant intelligi portam quandam Hierosolymitanam, quæ tam angusta fuit, ut cameli non possent, nisi oneribus detractis, & corpore submisso, per illam transire.

Caietan.  
in loc.

Sic Caietanus. Et ista etiam expositio corrumpit rationem Bellarmini. Sed nusquam talis portæ mentio fit apud authorem aliquem antiquum: non utar ergo hac responsione. Et certum est fuisse hoc παροιμιώδες, id est, proverbiale inter eos, cum de re valde impossibili loquerentur, ut quando nos dicimus, facilius esse ut bos volet, quā ut hoc vel illud fiat, vel quando de inimicis infestissimis dicimus, citius aquæ cū igne conveniet, quā hi reconciliabuntur. Loquitur ergo Christus de camelo, & de acu. Sed nunc de argumento respondeamus, quod licet ab acu sumatur, non tamen pungit. Est vero

argumentum huiusmodi: Non minus repugnat naturæ, ut camelus per foramen acus transeat, quā ut Christi corpus in parva specie panis contineatur: at illud fieri potest: quidni ergo & hoc? Respondeo: Christus non ait possibile esse, ut camelus per foramen acus traducatur, sed ut diues ingrediatur in regnum cælorum, hoc tam impossibile ait esse apud homines, quam ut camelus transeat per foramen acus. Sed Deus tamen potest hoc efficere, inquit Christus: quid? ut camelus transeat per foramen acus? non, sed ut diuites in regnum cælorum ingrediantur. Nonne autem est impossibile, ut camelus per foramen acus transeat? est certe: alioqui non attoniti fuissent Apostoli: & nonne hoc Deus facere potest? certe quod est simpliciter impossibile Deus facere non potest, sed multa, quæ apud homines impossibilia sunt, facere potest. Iā verò ut camelus transeat per foramen acus, apud homines dupliciter impossibile est: primo quoad iustam cameli proportionem, ut scilicet camelus servata & retenta eadem mole magnitudinis per foramen acus transeat: secundo, inmutata hac proportionem, id est, ut factus camelus gracilior transeat.

Primo modo simpliciter impossibile est, ut camelus scilicet & acus nullam mutationem subeant, & tamen camelus per foramen acus transeat.

Secundo modo non impossibile est, quia potest Deus, quod homines non possunt, facere scilicet camelum

lum gracilem, vel acus foramen dilatare. Sic diuitem in cælum introducere potest Deus, non qui confidit diuitiis suis, sed postquam hanc ei confidentiam abstulit, & dedit ei aliam mentem, tum potest eum servare. Sed quemadmodum est impossibile simpliciter, ut camelus cum suo gibbo, & tortuoso corpore, per foramen acus transeat, sic ut diues cum superbia & vana confidentia sua in regnum cælorum ingrediatur. Sensus non implicatus est. Quare quod Bellarminus ex Augustino probat, diuitem posse in cælum ingredi, etsi non desinat esse diues, verum est, nec contra nos facit. Nam Christus non ait oportere diuitias abijcere, sed non confidere ijs: nō necesse ergo est, ut cum inepto illo philosopho abiciamus in mare diuitias, sed ut fiduciam in diuitiis non habeamus. Apud Marcum Evangelistā Christus docet, quos diuites intelligat, nempe τῶν περὶ τοὺς θησαυροὺς ἐν τῇ γῇ, eos qui confidunt opibus: possunt vero homines multi esse diuites, ut fuerunt Abraham, Iob, & alij, qui tamen non ponunt spem suam in diuitijs. Quod verò Patres aiunt, posse Deum traducere camelum per foramen acus, ut Augustinus, Nazianzenus, Origenes, & alii, id nemo negat: sed non servata essentia & natura utriusque. Sed potest Deus rerum naturam mutare, ut potest ex diuite avaro facere Christianum liberalem. Secundum exemplum sumitur ex Ioannis 2. ubi legimus Christum venisse bis ad

August.  
Epist. 89.  
q. 4. cont.  
Pelag.

August.  
de spirit. &  
litera. c. 1.  
Nazian.  
orat. 2. de  
filio. & l. 4.  
de Theolog.  
Origen. in  
Mat. 19.  
2.  
Ioan. 20.

discipulos, cum fores essent clausæ: 19. & 26. ergo corpus Christi aut non occupavit locum, aut aliud corpus penetravit. Hoc exemplum à Lutheranis etiam affertur.

Respondeo: 1. illud θυρῶν κεκλεισμένων esse temporis præteriti, & sensum esse, ingressum esse Christum, postquam ianux erant clausæ, nō dum essent clausæ: neque enim hoc Evangelista ait. Potuit igitur Berengarius recte negare, Christū intrasse ianuis clausis; non quod ante nō clausæ essent, sed quod nō tum clausæ essent, cum Christus intraret.

Hoc in eo Guilmundus reprehendit, qui illum non argumentis sed contumelijs refutavit. Quod verò Christus intrauit, postquam clausæ essent ianux, cum illi intus essent, & quidem subito, miraculum fuit, etsi ei à se aperta sunt ianux. 2. Demus clausas fuisse ianuas, & permansisse clausas, postquā Christus ingressus est: non ait Evangelista, illum per ianuas aut clausas aut apertas intrasse, sed tantum illis clausis repente intrasse: nō minus per parietes aut tectum intrare potuit, quam per ianuas: imo si erant fenestræ, exque aperta, potuit ea via Christus intrare: nam Christus removit corpus suum subito ab uno loco in alium, per aerem: quidni igitur si locus vllus pervius esset, per eum potuit intrare? 3. Fingamus omnia clausa, & illos fuisse ædibus septos unde quaque æneis: Christus tamen potuit intrare ad eos sine penetratione duorum corporum, aut sic ut

Guilmund  
l. 13.



locum interim occupavit. Nam potuit vi sua vel facere magnas rimas, easque statim resarcire, vel aperire fores & claudere nemine sentiente, ita ut interim iustam rerinuerit corporis magnitudinem, nec vim aliquam intulerit aut corpori suo, aut alteri alicui rei. Sed cum mille modi sint, quibus Christus ad suos intrare potuit, nulli illorum placent. Aduersariis præter unum, qui & impossibilis est, & omnium maximè incredibilis. Atque hoc etiam Patres senserunt. Hilarius, cuius longum testimonium citat Bellarminus, ait *Christo per virtutem suam vniuersa esse peruia*: ergo domus ei peruia fuit. Sic Augustinus ait Christo ostium penetrante, & aquis inambulante, recessisse paulisper pondus & modum corporis.

Augustinus ait recessisse: sic non admittit contradictionem: at si remansisset Christus corpore suo utroque tempore, fuisset contradictio. Idem Augustinus alibi tribuit quidam subtilitati, ad quam Christus corpus suum in momento redegerit, quod sic intraret. Utique se res habuit, Christus non intus & extra simul fuit: at Aduersarii volunt Christum in caelo & extra caelum simul fuisse. Sic Amphilochius ait, Christum clausis ianuis intrasse post resurrectionem, non ante, ut ostenderet se corpus habere & *τοῦτο*, non eiusmodi, quale ante resurrectionem habuit. Quicquid ille sibi voluerit, sensit certe mutationem aliquam in corpore Christi fuisse, alias non potuisset in-

trare. Sic Hieronymus ait, creaturam cessasse creatori, id est, dedisse locum, vel ianuas scilicet vel aliquam partem ædium: ergo non necesse est ut fingamus penetrationem. Nobiscum sentit apertissimè Durandus, dicendum esse absolute Christum intrasse clausis ianuis, sed non per clausas, quia potuit per fenestras aut alium locum intrare: & si per ianuas, poterant subito aperiri & claudi, sic ut lateret discipulos: & quia non putatur fieri, quod lateret, ideo dicuntur ianux fuisse clausæ. Irascitur Durando Bellarminus, sed illi æquius irasci potuit Durandus. Sed Bellarminus quasdam frigiditas coniecturas contra nos affert. *Prima* hæc est: Nō fuisset miraculum, si per fenestras intrasset, aut aditu quocunque, ianuis clausis. *Respondet*: Fuit miraculum, quia nullus alius sic potuit intrare: & miraculum fuisset, ianuas nullo intrasapiente subito apertas fuisse. *Secunda* ratio: Apostoli territi & ex-  
*Luc. 24. 36.*  
 pãtēfacti putarunt esse spiritum: ergo intrauit nullo strepitu. *Respondet*: Potuit Christus ianuas aperire sine strepitu: nam quod probat totam domum fuisse imnotam, quia nullus fuit strepitus; nō sequitur, quia Deus potest motum facere sine strepitu.

*Tertia* ratio: Patres agnoscunt miraculum. *Respondet*: Et nos quoque: & verum miraculum fuit, Christum sibi aditum patefecisse. *Quarta* ratio: Patres hac responsione vti fuissent contra Marcionistas, Valentinianos, & Origenistas,

Hieron. ad  
Pammach.  
cont. Ioan.  
Hierosolym

Durand.  
in 4. d. 44.  
q. 6.

Luc. 24.  
36.

Basil in  
hom. de  
Christi  
natiuit.

istas, qui veram corporis resurrectionem negabant, & ex hoc loco argumētabantur: hinc enim Christi corpus phantasticum esse intulerunt.

*Respondet*: Sed non sequitur, quia Christus vero corpore intrare potuit, viam sibi aperiendo, & faciendo dura corpora sibi cedere, quemadmodum Hieronymus respondet refellēs Ioannem Origenistam. Non est verò quod hoc Lutherani urgeant, qui Christum ubique esse dicunt: quorsum enim transiret Christus per ianuas ad intrandum, qui antea intus fuit: at Christus intrauit, inquit Ioannes: non igitur ibi ante fuit. Ita Lutheranorum causa iacet. *Tertium* exemplum est de natiuitate Domini: Christus exiuit ex utero Matris clauso.

*Respondet*: Christum esse de virgine natum, fides persuader: anxierit verò eo modo, nec in Symbolis, nec in Scripturis habetur, nec pertinet ad fidem. Sed multi illi de beata Virgine credere præcipiunt, quæ nullo modo ad fidem pertinent. Oportuit Christum ex virgine nasci, ne cum peccato nasceretur, inquit Basilus, an verò deinceps virgo manserit, nō pertinet ad rationem mysterii fidei nostræ: & ait Basilus, *μη τὸ ὁρᾶν μὴνεσθαι τὸ λόγῳ τῆς εὐσεβείας, non ledere rationem pietatis*, si postquam peperit Christum, non respuit *τὸ νενομισμένα ἔργα εἶναι, legitima nuptiarum opera*. Sic Basilus non veritus est pro concione docere. At Papistis in ore est tāquam de fide,

ante partum, in partu, post partum virginem fuisse: & nos ante partum; & in partu, virginem fuisse concedimus; & post etiam: sed hoc non esse fidei. Nec quod de clauso utero ait Bellarminus: nam erat virgo in partu, quantumvis Christus commune lege natus fuit, quia virginitatem nil nisi carnalis copula violat.

Bellarminus de clausa porta obijcit, per quam Dominus solus intrat. *Respondet*: Hoc esse allegoricum, & nihil minus Prophetam cogitasse, quam de virginis utero: non enim intrauit Dominus virginis uterum, sed exiuit. 2. Clausus quoque uterus virginis fuit, quia nulli patuit præterquam Domino exeunti. Quod ad Iouinianum attinet, hoc ei Augustinus obiicit, quod Mariam in partu corruptam esse asseruerit. Certe nunquam corrupta fuit, neque id quisquam nisi temere dixerit: sed tamen parere filium potuit more communi sine virginitatis corruptela: & postquam natus est Christus, sic partes redire & quodammodo resarciri poterant, ut nullum partus indicium remaneret. Quod autem ex Hieronymo obiicit, virginitatem carnis amissam non posse reparari, sciens fallit. Hieronymus quidem virginem ait post ruina non posse reparari: nō autem ait non restitui posse virgini *ὁλόκληραν*, id est, integritatem & incorruptionem omnium partium; quod nemo non posse restitui ait. Sed longam historiam narrat ex Augustino de Petronia femina quada-

Ezech. 44.

2.

August.  
harej. 82.

Hieron ad  
Eustoch.

August.  
de ciuit.  
Dei l. 22.  
c. 8.

Hilar. l. 3.  
de Trinit.

August.  
serm. 159.  
de tempore.

Idem de  
agon. Christi.  
Istian. c.  
24.

Amphi-  
loch. apud  
Theodoret.  
Dial. 2.



dam nobili Carthaginensi, cui annulus capillatio vinculo inclusus miraculosè excidit: quasi difficile Deo fuerit, annulum extrahere è vinculo, quemadmodum voluit, vt nec annulus frangeretur, nec vinculum rumperetur. Etiam Christus edi potuit integris virginalibus, vt Augustinus ait, sic vt non necesse tamen ei fuerit transire per aliud corpus, sed illud corpus diuidere aut dilatare sine dolore.

Idem in  
Epist. 3. ad  
Volusian.

Durand.  
in 4. d. 44.  
q. 6.

August.  
de ciuit.  
Dei. 14.  
c. 23.

Ambrosius  
in Luc. 1. 2. 6. 7

Idem de in-  
stit. virgin.  
c. 7.

Sed audiamus quid hac de re Durandus dicat: ait ille fuisse factā in vtero virginis virtute diuina dilatationē membrorum & meatuum sine interruptione aut fractione; quod ex Augustino probat; & ait hoc futurum fuisse in omnibus fœminis, id est, sic omnes fœminas parituras fuisse, si status innocentiae durasset. Nihil certè est, cur Bellarminum aut sententiae huius aut Durandi pudeat: sed est profecto quod Durandum pudeat Bellarmini. Concludit igitur Durandus, & citat Ambrosium, ac Gregorium, in natiuitate Christi nō fuisse duo corpora simul. Quid quod Patres stant non minus à nostra sententia, quam Bellarmini? imo ab eius sententia nulli stant, fuisse duo corpora simul. Ambrosius aperte ait, Christum aperuisse vterum, & ait eum solum sibi vterum aperuisse. Bellarminus ait aperuisse non diuidendo, sed mirabiliter penetrando. Respondeo: At qui aperit, diuidit: non potest esse apertio sine diuisione. Nec aliter alibi Ambrosius: nam non aliud

alibi ait, nisi inuoluta integritatis durasse signacula, cum exiret ex virgine.

Sic Origenes ait, vterum virginis referatū esse, cū Christus nascetur. Sic Tertullianus de Maria ait, Virgo quantum à viro: non virgo, quantum à partu. Virgo concepit; in partu nupsit: & post, proprie vterū adaperuit. Similiter Fulgentius. Hieronymus de Christo hæc verba habet, Nouē mensibus in vtero, vt nascatur, expectat, fastidia sustinet; cruentus egreditur, panis inuoluitur, bladiis delinitur. Quid

apertius dici potuit? ergo natus est Christus, vt alii, & similia passus est, quæ alii. Idque probat Hieronymus ex Luc. 2. πᾶν ἄρσεν ἄρσενος γονιμὸν ἔσται, Omnis mas adaperiens vuluam; & ex Gen. 49. vsque dum venerit Shilo, secundæ eius, id est, filius eius. Sed non necesse est hac de re laborare: nunquam sane ex Patribus probabit, duo corpora fuisse simul in natiuitate Christi. Quartū exemplum est egressus Christi è sepulchro. Colligi enim potest ex Matth. 28. & Marc. 16. remotum fuisse lapidem, nō nisi post resurrectionem, ab angelo, vt mulieres vacuum sepulchrum viderent. Respondeo: 1. Ex his Euangelistis non aliud colligi potest, nisi lapidem esse reuolutum: quod fieri potuit ante resurrectionem. Et sane non incredibile est, Christum in terræ motu resurrexisse, qui factus est angelo descendente. Et est contra historiam, Christum resurrexisse, antequam custodes aspectu angeli exanimati, & in fugam versi sunt. Idē angelus, qui custodes terruit, lapidem remouit, & Christo viam resur-

Origen. in  
Luc. hom.  
14.

Tertullian.  
de carne  
Christi in  
fine.

Fulgent. de  
incarnat.  
& grat. c.  
13.

Hieron. in  
Epist. 12.

Luc. 2. 23.

Gen. 49.  
10.

4.

Mat. 28. 1.

Marc. 16. 4.

resurgenti aperuit. Nihil est in Euangelistis, quod contra hoc faciat; & nos cogemur credere, Christum per lapidem exiisse, & corpus suum cum lapidis substantia miscuisse? 2. Quid si angelus venit iam Christo resuscitato? & quid si lapis non ante reuolutus est, quam postquam Christus resurrexit? an necesse est Christum per lapidem transiisse? At potuit fieri, vt aut Christus vi sua lapidem submouerit, non deuoluerit, aut lapis Christo cesserit, & postea redierit. Nil ergo hoc pro Aduersariis facit, si vel maxime clausum sepulchrum fuerit. At non possumus, inquit, hoc probare nisi propria autoritate. Respondeo: Nobis satis est monstrare modum, quo potuit Christus exire siue penetratione, & illi nulla ratione aut Scriptura contrarium docere possunt. At aliter Patres, inquit: & citat Iustinum, Nazianzenum, Hieronymum, & alios. Respondeo: Iustinus ait, sublatum esse lapidem post resurrectionem, sed non ait Christum transiisse per lapidem: potuit diuidere, & rursus compingere, qui potuit creare: nec aliud quisquam Pater dicit.

Iustin. q.  
117.  
Nazianz.  
in tragad.  
Christus  
patiens.

Hieron. ad  
Hedib. q. 6.  
Leo Epist.  
83. ad Episc.  
Palast. &

Epist. 97 ad  
Leonem  
Augustum

Nam Nazianzenus ne resurrexisse quidem ait clauso monumento. Sed cur Bellarminus, qui Martiorem & Calvinum refellit, prætermittit quod apud Leonem habetur? Is enim disertè ait, Christum tertia die resurrexisse, reuoluto monumenti lapide. Si huic credamus, reuolutus lapis est, antequam resurrexit Christus. Sed quid? nullusue

Scholasticus nobiscum sentit? Sanè Durandus ait, in nullo textu Scripturæ haberi, quod Christus 4 d. 44. resurrexit clauso tumulo: quod Patres interdum sic dicant, per opinionem id dicere: quod si Ecclesia sic sentiat, tum fuisse tumulum apertum vi Christi, & postea clausum: nullo modo dabit, Christum penetrasse lapidem corpore suo: hoc tam absurdum, quam quod absurdissimum. Et hic Lutherani apertè refelluntur, qui corpus Christi vbique esse aiunt: at tum, quomodo nasci, intrare ad Apostolos, aut exire è sepulchro potuit? Quintum exemplum est de ascensione Christi, & beatorum in cælum. Fide tenemus Christum ascendisse, & corpora beatorum post resurrectionem ascensura: nulla autē in cælo ianua est, inquit, nulla fenestra, nulla rima. Respondeo: hoc argumentum ex sophistica curiositate natum esse. Sed quid? nullanè in cælo ianua, nulla porta est? tum impij certè Papistæ, qui populo persuaferunt, Petrum esse custodem cælestis portæ, & cæli ianitorum: quare illi etiam clauēs insignes tributæ sunt: atquæ hæc in vulgus opinio manauit. Nunc nullas in cælo aut ianuās, aut fenestras esse ait Bellarminus, vt verendum sit, ne illi cum aliis eiusmodi sophistis nullus in cælum aditus pateat.

Sed Bellarminus ex Iobo hoc probat, vbi hæc verba habentur, Solidissimi quasi ære fusi sunt cæli. Quid igitur? an ex ære facti sunt cæli? hoc est ad fabulas & poetas reuer-

A a a a ri. Sanè



ti. Sanè Homerus Ioui χαλκοβα-  
 τες δῶμα, id est, domum aream basin  
 habentem, vel, areis fundamentis insi-  
 stentem tribuit. Nec tamen sic deli-  
 rasse poetas existimo, ut nostras so-  
 phistas, sed æneas cælos dixisse, p-  
 pter æternitatem & durationem: voluerunt scilicet illas ædes cæle-  
 stes non esse similes nostris, id est, ruinosas, sed durabiles: at sophistæ esse materiâ tam durâ & solidâ vo-  
 lunt, quam æs: quod nulli vnquam poetarum in mentem venit. Et hic apud Iobum dicuntur esse firmi, p-  
 pter stabilem motum, & æri aut speculo comparantur, quia splendidi & pellucidi sunt, nō quia duri. Quomodo planetæ in suis sphaeris mouerentur, si sphaeræ cælestes essent æneæ: ipsi enim planetæ, & reliquæ stellæ sunt substantiæ densæ, non peruiæ: quod ex luna patet, q̄ semper luceret, nisi solida esset, eodem modo: at in eclipsi solis non translucet sol per lunâ: & legi Mercurium apparuisse in medio sole, tanquam maculam: habent ergo materiam bene compactâ & corpoream. Sed quod in cælo reliquū est, & si nihil ibi vacuum puto, non tñ durum, sed æthereum, & quasi aereum, purū, incorruptibile est; sed eiusmodi, ut possit diuidi cedereque duro corpori: non mirum igitur si Christus in cælos corpore ascenderit. Sed Bellarminus argumentatur more suo, id est, Iesuitico: Non est probabile, inquit, tot foramina in cælo esse faciendâ, quot corpora beatorum ascenderet: meruit, credo, ne cælum aliquid detrimenti capiat. Sed hoc non-

minus probabile est, quam corpora humana per æs transitura. Videmus aues quotidie in aere volantes, & aerem scindentes, nec quicquam inde incommodi elementō accidere: an cælum diuidi non potest sine interitu aut periculo? quis magis delirum sophistam audiuit? Sane philosophi aliqui putarunt cometas in cælo generari: sic Cardanus: quod etsi falsum sit, non tamen inde sequitur, cælos tam solidos esse, quam æs. Fuit inusitata stella nostro seculo iuxta Cassiopeam, non è numero cælestium stellarum: euanuit enim nunc: si cometes fuit, quomodo potuit ea materia sphaeræ æneæ penetrare? Sed si sphaeræ cælestes verè æneæ sint, quomodo aut stellas aut solē videremus: æs enim non est pellucidum. Si cæli omnes ænei sint, tñ est in cælo aliquid densius, & ære impenetrabilis: nam certè errantes stellæ densiores sunt suis orbibus: luna solis aspectū adimit obiectu corporis sui, digressu reddit. Sed mittamus istas nugas. Cælestis illa materia non ænea non plumbea est, sed subtilis & peruiâ. Sed Bellarminus Scripturam affert, ubi Christus penetrasse cælos dicitur: *Hebr. 4. 14* quid tum? an sic penetrauit, ut philosophi penetrationem corporum & dimensionum accipiunt? imo διελήλυθε, id est, transiit, corpus suum in cælos intulit: an hoc non aliter fieri potuit, nisi penetrando dimensiones? tum negemus Christo aerem cessisse, cum subuectus est in cælos. Multa post ineptè garrit de diuisione cæli, quia in-

Scri-

*Mat. 3. 16.* Scripturis sepe diuisos esse legim⁹, ut in Baptismo Christi, & visione Petri, & in visione Ioannis, & alibi: & ait hoc in sola imaginatione & intelligentia factum esse. Sed quid de Stephano dicit? ille ait, θεωρῶ οὐρανὸν ἁνεωγμένον, Cōspicio cælos apertos. Bellarminus ait cælum esse perspicuum & diaphanum. At rum certè nō est æneum: non enim vel solis radius per tenuissimam laminam æris trāsmitti potest: nisi cæleste æs aliud sit, quā nostrum, & tum potest tam molle esse, ut facile cedat. Quid ergo est, quod Stephanus ait, se vidisse cælos apertos? fuit, inquit, non scissio, sed noua illustratio, qua factū est, ut oculis Martyris appareret, quod antea non apparebat. Sed profecto si cæli tā perspicui & rari sint, ut non opus fuerit apertione ad videndum ea, quæ in ipsis sint, sed tantūm extraordinaria illustratione; & si oculi possunt illustrati diuinit⁹ videre intra illud velum; multo magis corpora gloriosa possunt diuidere & penetrare. Sed audiamus sophistam sophistæ respondentem.

*Durand.* Durandus ait: Ponamus cælum esse diuisibile; quod potest fieri vel per naturam, vel per virtutem diuinam: vtrumuis ponatur, non erunt duo corpora simul, sed cessit corpus corpori. Neque hoc arguit cælum corruptibile esse: non enim diuisio arguit corruptionem. Et hoc ait ponendum, quia alias sequetur, quod corpora gloriosa, quæ in cælo sunt, semper cum alio corpore glorioso erunt: quod aliqui, inquit,

reputarent satis absurdum. Atque hæc argumenti Bellarminiani absurditas est.

*Sextum* exemplum est de pænis damnatorum, in quib. multa miracula sunt: quod nihil ad rem facit: nos enim non de miraculis, sed de impossibilitatibus & contradictionibus loquimur. *Primum* miraculum est, quod corpora torqueantur & non dissoluantur.

*Respondeo:* Nulla hic contradictio est. Fit hoc diuina vi, quæ pænam torquentem non destruentem infligit.

*Secundum* miraculum est, quod spiritus teneatur & impediatur à corpore, ne transeat quocunque voluerit. Spiritus dæmonum & damnatorū in Gehenna certis locis & corporibus alligantur; & anima in homine est inclusa, ut in carcere. *Respondeo:* Spiritus sunt finitæ naturæ: non possunt esse, nisi vbi Deus voluerit: non ergo impossibile est, ut Deus has naturas locis & corporibus includat. Facile potest Deus continere dæmones in suis locis. *Tertium* miraculum est, animas ac dæmonas igne corporali affligi ac torqueri: quod Augustinus miraculo tribuit. *Respondeo:* Sic miraculum: Potest Deus multa miracula in pænis damnatorum efficere. Augustinus non potuit harum rerum causas inuenire: miratur igitur: sed non ausus est in his contradictionē aliquam ponere. Non opus est ista diluere pluribus: per se & imbecillitate sua ruunt.

*Septimum* & vltimum exemplum

Aaaa 2 sumi-



sumitur à multis rebus similibus: & tamen alij dicunt nihil esse simile. Non magis conuenit corpori quanto, inquit, occupare locum, quam graui ponderare. *Respondeo*: falsum hoc esse: multo magis corpori conuenit implere locum, quā graui ponderare, quia grauitas est qualitas, sed dimensiones sunt quantitates & proprietates essentialis: qualitas potest separari, vt grauitas; potest enim fieri corpus leue, quod fuit graue: sed dimensiones nō possunt à corpore separari. Commemorat deinceps Bellarminus Christum & Petrum, qui cum adhuc corpora mortalia haberent, super aquas ambularunt. *Respondeo*: Agnosco miraculū: corpora fuerunt suspensa ad tempus vi diuina. Non est contradictorium, vt corpus graue suspensum sit in aquis, & non submergatur, sed vt graue simul & non graue sit. Sic *Iosue. 3. 16.* obijcit ex Iosue 3. de aquis Iordanis, quæ non modo non descende-  
*Luc. 4. 30.* debant, sed etiam ascende-  
*Matth. 14. 25. 29.* bant, & instar montis eleuabantur. *Respondeo*: Sed aquæ permanserunt, & pondus suum rerinuerunt, sed vi diuina in montem collectæ sunt, & sublata, sic vt ad tempus sese nō diffunderent. Sed hic non est cō-  
*Iosue. 3. 16.* tradictio: nam hæ aquæ non simul graues & non graues fuerunt, licet non fluebant, quia grauitas earum ad reimpus suspensa est. Sed obijcit, *Luc. 4. 30.* Christum se inuisibilem fecisse.

*Respondeo*: Potuit se Christus abscondere, aut illorum oculos perstringere: sed non ait Euangelista, illum fuisse nunc inuisibilem: cō-

strictos illos tenuit, ne manus in illum iniicerent. Fateor Christum subduxisse se aliquando & disparuisse, sed tamen semper retinuit omnes proprietates & dimensiones veri corporis, etiam cum transijt per medium, & cum ambulauit super mare. Simile est quod de igne affert, qui non calefaciebat. *Dan. 3. 24. 25.* *Respondeo*: At tamen igniserat, & calidus, & omnes essentialis proprietates ignis retinebat: sed Deus cohibuit, ne seruos suos attingeret: non extinxit, aut ei ardorem suum abstulit. Exempla igitur hæc omnia dissimilia sunt. Nam 1. nihil est in his cōtradictionis: id ne Bellarminus quidem ipse negauerit: nos autem propter contradictionem negamus Christi corpus esse in Sacramento. 2. Potest Deus impedire operationes rerū, vt aquæ, ne fluat, corporis grauis, ne submergatur, ignis ne consumat: at nō potest essentiam eripere rebus saluis. Sed si corpus Christi in Sacramento sit, natura eius tollitur, & sic non est quod esse dicitur. Bellarminus respondet, hoc esse argumentum Patrum, non suum: quod falsum est. Patres non nisi hoc dicunt Christum intrasse clausis ianuis, vt ambulauit in mari, id est, vi diuina vtrumque fecisse. Sed Bellarminus iterum obijcit, exempla esse similia, quia ratio, cur possit Deus facere, vt graue non ponderet, lucidum non luceat, calidum non calefaciat, coloratum non videatur, est, quod causa sit prior effectu, & ideo potest sine eo esse. Demus hoc. At eadem, inquit, ratio.

tio valet in magnitudine, & occupatione loci, quia magnitudo est causa, occupatio loci est effectus: potest ergo vi diuina magnitudo esse sine loco. *Respondeo*: effectum causæ efficientis posse à causa separari, at non effectum causæ formalis: ratio est, quia quod fit est extrinsecum quod facit: necessario igitur separatur, vt domus à fabro, & vt calor, quem ignis facit, est extra ignem: at formatum non est extra formam, sed in forma continetur: quare Bellarmin⁹ absurdissime loquitur, cum non interesse ait multum, sitne formalis an efficiens causa. Et hic monstrosa Bellarmini contradictio obseruanda est: 1. ait, effectum formalem non posse separari à forma, ne à Deo quidem: 2. ait, causam formalem posse esse sine effectu suo: quod si verum sit, tum effectus formalis potest separari à forma: quod antea negauit. Si enim forma potest esse sine suo formato, tum formatum potest esse sine forma sua: quod posse fieri negauit. Sed forsitan formam vult posse subsistere ante formatum, vt anima ante corpus.

*Respondeo*: Sed non vt est forma: potest esse ante formatum, sed non forma esse. Iam magnitudo est forma existendi in loco, & occupandi locum: non potest igitur separari. Sed addit, grauitatem esse in eodē genere causæ, quæ tamen separari potest.

*Respondeo*: Attendite quam callide loquatur: grauitas non est forma cuiusquam corporis essentialis: ergo nullum corpus per grauita-

tem definitur: sed est tamen in eodem genere, quia ex forma pendet. Posset ergo ingens lapis marmoreus duobus digitis attolli, imò vno digito, & huc atque illuc iactari per miraculum salua natura lapidis, quia grauitas nō nisi accidens & qualitas lapidis est: sed non potest marmor, dum est quantum & tantum, carere dimensionibus suis. Istorum argumenta omnia huc recidunt: Qualitates possunt separari aut cohiberi à corporibus: ergo dimensiones possunt; cum hæ sint de essentia, illæ verò non. Non ergo sequitur: Ignis potest non calefacere: ergo corpus potest non occupare locum; nam ignis dicitur calidus, quia potest calefacere, nō quia semper calefacit: potest. nil nisi se calefacere, & in se calere, si materiam nacta nō sit aptam calefieri: at corpus magnum est, nō quia potest extendi & habere dimensiones, sed quia habet in se vt formam & essentiam magnitudinis suæ. Atque hæc Bellarmini misera sophismata sunt. Lutherani hæc eadem exempla vrgent & obijciunt, sed illi insulsiore Papistis sunt hac in re: nam qui defendunt Christi corpus esse vbiq; post hypostaticam vnionem, quomodo dicunt Christum aut exiisse è sepulchro, aut intrasse in locum aliquem, cum vbiq; sit? quid opus fuit ei aut exire aut intrare, si vbiq; fuit? Illorum ergo deploranda cæcitas est.

\* \*

Aaaa 3

CAPVT

## CAPVT XIII.

*Argumenta nostra, quibus probamus Christi corpus, si in Sacramento sit, necessario occupare locum.*

**A**DVERSARIORVM opinio de Sacramentali praesentia corporis Christi duabus partibus cōtinetur: altera est, Christi corpus in Sacramento praeditum esse quantitate sua: altera, sed tamē hac magnitudine nullum spacium occupare: quae defensio contradictione turpissima implicatur. Afferamus igitur rationes, quas in hac causa Scriptura & recta ratio multiplices nobis suppeditat. Disputamus enim de corpore, quod si veri corporis proprietatibus careat, veram corporis rationem amittet.

1. *Primum nostrum argumentum sic se habet: Est ea corporis veritas, spacio contineri, dimensionibus suis constare, faciem suam habere: ergo illud corpus, quod Papistae ponunt in Sacramento sine spacio, sine dimensionibus, sine facie sua, non est verum & solidum corpus, sed imaginarium & phantasticum. Hoc argumentum Bellarminus diluere conatur, aitque Christi corpus habere quidem dimensiones suas, & faciem suam, sed non proinde spacium occupare. Respondeo: Per faciē intelligimus iustam proportionem corporis, quae non potest latere sensus: nam in dimensio-*

nibus consistit; dimensiones autē extensione partium dijudicantur: quare si nulla partium extensio sit, tum nullae dimensiones sunt, & sic facies nulla corporis remanebit. Bellarmini omne subterfugium est, Christi corpus in Eucharistia habere has dimensiones, & extensionem in se, sed non respectu loci: quod non aliud est, nisi verbo affirmare, quod ratione demonstrandum fuit. Est autem prorsus impossibile, ut corpus in se habeat situm, & dimensiones, & omnia quae in corpore requiruntur, nec tamē habeat respectu loci. Nam Philosophus, cui in hac re multum tribuendum est, recte ait, esse de intrinseca ratione & definitione quātitatis, extendere corpus in ordine ad locum: idque est simpliciter necessarium. Nam, debet esse distantia inter partes: oculus ab oculo, manus ab auribus, caput à pedibus distare debet: quae distantia non potest sine respectu ad locum esse: oculus non potest non esse in alio loco, quam auris, facies debet esse lata, nasus oblongus, oculi rotundi: linea autem recta & circularis, & latitudo, & crassities, ordinem ad locum indiceant. Quid ergo? Christi corpus in Sacramento nonne in loco est? si in loco, tum loco continetur. Et quidem Sacramentum est in loco, parvum in paruo, magnum in magno; neque potest ullum corpus esse ubi est Sacramentum: ergo habet ordinem ad locum. Et posset esse Sacramentum tam magnum, quam est corpus Christi: quis tum negaret Christi corpus vere esse in loco,

*Arist. Metaphysic. 3. tex. 9. & in Pradicatione Quantitatis. 115.*

eo, cum locum impleri, & spacium occupari, sensus renunciarent: aut forsitan Christi corpus non magis implet locum in magno Sacramento, quam in paruo: quid ergo impleret tantum spacium? certē aut Christi corpus, aut panis: non panis, quia non remanet: at quantitas panis remanet: an panis ergo dimensiones, quae manent sine substantia, locum implebunt? tum multo magis dimensiones, quae cū substantia sua adsunt, ut illi de corpore Christi aiunt, locum implebunt: aliquid certe implet locum: si quantitas; ergo quantitas non potest non implere: ergo Christi corpus, cum habeat suam quantitatem, necessario implebit locum. Si neget Christi corpus in Sacramento esse in loco, tum contradictoria de Christi corpore affirmabuntur, nempe esse in loco, & non esse in loco totum. Neque hoc potest fieri diuerso respectu: nullum enim totum potest diuerso respectu esse in loco, & non esse in loco. Nam ratio, cur Christi corpus in caelo sit in loco, est magnitudo: ergo si eandem magnitudinem in Sacramento habeat, (quod Adversarij volunt) tum necessario in Sacramento etiam in loco est, cum ratio existendi in loco maneat, scilicet magnitudo: aut ergo non habet in Sacramento eam magnitudinem, quam in caelo habet, & tum non est idem corpus, aut ut est in loco ibi propter magnitudinem, ita & hic. Sed Bellarminus suppositionem praeclaram proponit. Si Deus, inquit, ex aula hac (legebat,

credo in aula) totum aerem auferret, nec alium ingredi pateretur, nos omnes retineremus dimensiones nostras & facies, tamen nec spacio containeremur, nec ullus alterius faciem videret. Sed quis ei dabit, vel id facturum Deum unquam, ut vacuum sit, vel sitale fieret, fore ut alius alium non videret? non hoc inter philosophos constat: multi putant fieri posse motum per vacuum: quidni ergo & visus? Sed utcumque res esset, corpora suam iustam magnitudinem retinerent, atque, etsi non aere, quia nullus esset, sua tamen extremitate ambirentur. Sed si hoc fieret in vacuo, num tale posset fieri, ubi nullum est vacuum? nisi dixerint Sacramentum semper inferre vacuum. Cur enim nobis obtrudit vacuum, cum nullum sit in Sacramento vacuum? Sed haec leuissima & insulsiissima suppositio est.

*Secundum nostrum argumentum est huiusmodi: Facultates essentiales non possunt separari à suis subiectis: ergo multo minus formae: facultas ratiocinandi non potest separari ab homine: ergo nec occupare locum à corpore: nam forma occupandi locum est magnitudo.*

Bellarminus ait, replere locum esse actum non potentiam: at intelligendi facultatem esse potentiam: actum vero facilius separari posse, quam potentiam. Respondeo: actum formae posse impediri & separari, sed non ipsam formam: ratiocinari actus est, sed anima rationalis est forma: potest homo non-

ratio-



rationis, sed non potest esse non rationalis. Iam magnitudo est forma corporis: non ergo est corpore posterior, ut ratio est anima rationali posterior. Quanquam ergo replere locum videtur esse posterius corpore, est tamen simul, nec separari potest, quia est in definitione corporis: nā quid est corpus nisi magnitudo, id est, extensum in longum, latum, & profundum? hæc forma indicat ordinem ad locum: esse igitur in loco, non magis à corpore separari potest, quam magnitudo. Deinde Bellarminus ait, posse ab homine separari facultatem intelligendi, ut in infantibus & morionibus. Sed illi actu non facultate priuantur: quis enim infantem dixerit non habere facultatem & potentiam intelligendi, & similiter etiam morionem? sed actu & usu carent. Idque statim Bellarminus sibi contradicens fatetur, cum ait illos non minus carere usu intelligendi, quam si facultatem illam penitus non haberent: habent igitur, sed ea fungi propter impedimenta nequeunt: at nil impedire potest formam essentialem esse in re, dum res salva est: non potest igitur corpus non esse in loco, quia non potest non habere extensionem partium in ordine ad locum, cum hæc forma & definitio corporis sit. Sed Bellarminus ait, quantitatem & substantiam non posse seiungi naturaliter, sed posse tamen sine contradictione. *Respondeo primo.* Ergo substantia potest esse sine quantitate: at hoc fieri non potest: ideo enim volunt esse

in Sacramento quantitatem corporis, quia non potest à substantia separari. Si posset quantitas à corpore separari sine contradictione, sane dicerent omnes cum Occamo & Petro de Alliaco, corpus Christi esse in Sacramento sine quantitate. Sed id forsitan vult Bellarminus, quantitatem posse esse sine substantia: sic enim de pane omnes dicunt: at magis posset panis esse sine quantitate sua, quam quantitas panis sine substantia sua, quia accidentis esse est inesse. *Primo* ergo alterum est multo rationabilius. *Secundo*, si posset quantitas à substantia separari, at non posset à corpore: nam corpus est quantitas continua ex tribus dimensionibus: & illi non modo substantiam Christi, sed corpus Christi esse dicunt in Sacramento.

*Tertio* & Thomæ & sibi contradicit Bellarminus, suamque causam funditus evertit, cum quantitatem ait, posse à substantia separari: tum enim aut hic est quantitas Christi sine eius substantia, aut substantia eius sine quantitate, aut certe nihil ad rem dicit: at neutrum fieri potest. Quanquam æque hic posset esse quantitas Christi sine substantia, quam panis quantitas sine villo pane: & tum nulla esset substantia in Sacramento, sed nuda quantitas. At si definitio non potest seiungi à definito aut naturaliter aut omnino, tum quantitas non à corpore separari potest, aut corpus à quantitate, sine contradictione.

*Tertium nostrum argumentum* hoc

hoc est. Substantia non potest existere nisi substantialiter: ergo nec quantitas nisi secundum modum quantitatis: sic linea non potest esse sine modo lineæ, & latitudo sine modo latitudinis, & profunditas sine modo utriusque: falsum igitur est, esse hic quantum non quantitativum. Bellarminus ait, substantiam non posse à modo suo essentiali separari, ut non potest inherere in subiecto more accidentium.

*Respondeo.* Ergo certe accidens non potest non inherere subiecto, quia hic est modus essentialis accidentis: at illi dicunt accidens non inherere in subiecto; quod est substantiæ: æque possunt dicere, substantiam inherere in subiecto more accidentis. Sed addit Bellarminus, substantiam posse separari à modo suo intrinseco non essentiali. Quis hic modus est? Per se existere, inquit. Potest ergo hoc separari à substantia, ita ut substantia non existat per se: & tamen fatetur, existere per se, intrinsecum esse substantiæ. Sed hoc magis essentialiter est substantiæ, quam non inherere: nam non inherere non ponit aliquid, sed negat: existere autem per se, ponit, & id ponit, quod facit ut non inhereat more accidentium, quæ non per se existunt. At obijcit de Christi humanitate, quæ non existit per se.

*Respondeo.* Existit per se quoad substantiam suam, sed non subsistit extra diuinitatem: habet *ὑπόστασιν* per se, sed non habet hypostasin nisi in verbo: sic corpus non

strum per se existit, quatenus substantia, sed unitur cum anima in unitate personæ. Corpus Christi habet in se existentiam, non minus quam deitas Christi, sed non habet, nec potest habere *ὑπόστασιν* nisi cum diuinitate. Non potest igitur à substantia seiungi, existere per se, & suffulcire accidentia, quia in definitione substantiæ ponitur: quod autem suffulcit aliud primo, id per se existit: substantia suffulcit & sustinet accidentia primo & per se: est ergo de essentia substantiæ existere per se. Sed iam Bellarminus pressius respondet, quantitatem non posse esse nisi quantitativam, id est, sine extensione & distinctione partium, in se, sed posse esse non quantitativam in ordine ad locum: hoc est, habet in se quantitatem suam, sed ea non occupat locum. Hoc quam friuolum sit, sæpe diximus; & hæc sententia aliis sophistis non placet.

Durandus contrarium argumentum tali demonstrat: *Quod aliqui per se comperit intrinseca ratione ex natura sua, per nullam potentiam potest ab ea separari: homo esse nequit, nisi rationalis & risibilis sit: ideo cum corporeæ substantiæ conueniat, habere partem extra partem in ordine ad locum non per substantiam sed per quantitatem; si corpus Christi habeat quantitatem, non potest non habere partes situ distantes in ordine ad locum: quæ etiam est Occami ratio: ergo hi duo CHRISTVM non esse hic quantitativum, aut habere ullam distinctionem partium* *Durand. in 4. d. 10. q. 2.*

Bbbb tium

tium in se existimant. Bellarminus non aliud ait, nisi habere distinctionem in se, sed non quoad locum; quod fieri non potest: nam distantia in se necessario postulat ut in loco habeat distinctionem. Nulla enim distinctio est, sed turpissima confusio membrorum, nisi sit distinctio respectu loci, quia tunc oculus erit in naso, & natus in brachio.

Dominic.  
à Sot. in 4.  
d. 10. q. 1.  
art. 4.

Dominicus à Soto ait, reuera puro philosopho hoc argumentum non esse imbecillum, & conatur ex Thoma responsionem mutuari, qua miror Bellarminum nostrum uti noluisse. Ea autem hæc est: esse in Sacramento substantiam Christi ex vi consecrationis, quantitatem vero vi concomitantiam: ideo quantitas est hic ad modum substantiæ, non quantitatis; quod tamen absurdissime dicitur: nam quacunque ratione sit ibi quantitas, vel per consecrationem, vel per concomitantiam, debet seruare suum modum, ut Scotus ait: modo autem substantiæ non repugnat, esse in quacunque parua quantitate: tota natura substantiæ est in qualibet parte substantiæ, ut tota natura specifica aeris est in qualibet parte aeris. Sed Bellarminus hic abstinuit ab hac distinctione, quæ certe est Thomæ, eamque Dominicus Soto mirifice laudat: sed reuera Bellarmino omnia sua subterfugia adimit, & causam Pontificiam iugulat. Idque sic doceri potest: Quantitas adest ad modum substantiæ, ait Dominicus à Soto: at modus substantiæ est

Scot. in 4.  
d. 10. q. 1.

Thom. in 1.  
3. q. 76. art.  
3.

sine vlla distinctione partium non modo ad locum extra, sed etiam intus in se: ubi enim est distinctio partium in se, ibi non est totum in toto, & totum in qualibet parte: at modus substantiæ est, esse totum in toto, & totum in qualibet parte. Vnde isti concludunt, Christum non modo esse in toto Sacramento, sed in qualibet parte totum: est igitur hic non quantitativè ne in se quidem, imo non omnino erit corpus Christi hic, aut corpus Christi mutatur in spiritum; quod Manichæi & multi hæretici dicunt: & Dominicus Soto ait, sic esse in Sacramento totum Christum, ut anima est in toto corpore, & in qualibet eius parte: quod si verum sit, tum transit in spiritum; quod hæreticum est: nam esse totum in toto, & totum in qualibet parte, est proprium spiritus: & substantia non potest esse tota in qualibet parte, nisi secreta à quantitate. Nam hi duo modi diuersi sunt, esse secundum modum quantitatis, & esse secundum modum substantiæ: modus enim substantiæ est sine quantitate.

Si ergo Christus in Sacramento sit secundum modum substantiæ; ergo sine quantitate in se est: quod omnes negant. Deinde totam substantiam esse in qualibet parte substantiæ, est verum de substantia homogenea, at non potest esse verum de heterogenea: nam tota specifica natura oculi non potest esse in qualibet parte nasi: & hinc apparet illos naturam corporis organici tollere; cum enim Christi corpus

Dominic.  
Sot. ubi su-  
pra art. 3.

corpus in Eucharistia esse volunt ad modum substantiæ, volunt esse ibi totum in toto, & totum in qualibet parte: ergo totus oculus est in auribus & in digitis. Vtrumque aiunt illi: primo, esse CHRISTVM in Sacramento cum quantitate: secundo, esse totum in toto, & totum in qualibet parte: quæ duo se mutuo tollunt. Et Christum esse totum in qualibet parte dicunt non modo post fractionem, sed & ante.

Thom. ubi  
supra.  
Innocent.  
de Missæ  
myster. l. 4.  
c. 8.

Sic Thomas, & Innocentius, & contra sentire, esse errorem, imo hæresi proximum: at hoc tollit modum omnem quantitatis & intrinsecum & extrinsecum: nullum enim quantum est totum in qualibet parte, quia habet partem extra partem in se; & ipsi etiam dant. Tum esse totum in toto, & totum in qualibet parte, est esse alicubi definitivè: ita hic modus coincidit cum Sacramentali modo: sed supra distinctus est à Bellarmino, & Thomas ait Christum esse in Sacramento nec circumscriptivè, nec definitivè, sed Sacramentaliter. Sed hoc modo corp⁹ Christi erit, ut anima est in corpore Christi, & in Sacramento: non ergo secundum modum substantiæ corporeæ, sed spiritualis. Sed si sic, tum quando est diuisio Sacramenti, non esset Christus in quaque minutissima parte: nam certe anima non est in digito aut brachio abscisso, quia anima non habet extensionem: tum enim materialis esset & mortalis: Christi igitur corpus cum materiale & diuisibile sit, non potest totum esse in qualibet parte: volunt tamen

esse totum in qualibet parte Sacramenti non modo coniuncta, sed & fracta, cum esse ibi secundum modum animæ dicunt. Sed hæc de re inter sophistas non conuenit. Quod totum Christi corpus in qualibet parte Sacramenti sit, non omnes consentiunt: multi enim aliter sentiunt, quorum meminit Alexander de Hales, & Bonaventura; & illi hanc opinionem non improbant; totum scilicet Christum esse in vna hostia, cum autem diuiditur, tum esse totum in qualibet parte, exemplo speculi fracti: nam quando sacerdos ad consecrationem accedit, non intendit nisi vnam hostiam consecrare, id est, ut totus panis in totum Christum transeat, non ut quælibet pars transeat in totum Christum: multiplicatio autem fit ex eo, quod Christi corpus est indiuisibile: at anima indiuisibilis est, nec tamen tota est in parte abscissa, & si esset, tunc diuideretur: ergo corpus Christi diuiditur, quia est in particulis & frustis Sacramenti diuisis. Sed si corpus Christi indiuisibile sit in Sacramento, & ob eam causam sit in qualibet parte fracta seu diuisa, quid est, quod diuiditur? an species Sacramenti? sed si realis diuisio sit specierum, tum & substantiæ, quæ sub speciebus illis continetur. Et certe si totus Christus & integer sit in qualibet parte, tum ante fractionem infiniti Christi sunt in hostia: nam quantitas est diuisibilis in semper diuisibilia, & quæq; pars quantitatis specierum est totus Christus, donec ad minimam

Alexand.  
p. 4. q. 40.  
memb. 3.  
Bonavent.  
art. 3.  
in 1. p. 9. 5.



particulā ventū fuerit; est ergo ibi Christus infinite: & tū quando vnam partem hostiæ sumimus, non Christū vnum, sed tā multos Christos sumimus, quam possunt fieri partes Sacramenti; & tū non debuit Christus dicere, *Hoc est corpus meum*, sed, *Hæc sunt corpora mea*: quiuis ergo homo accipit ad minimum mille Christos, si totus nō tantum in toto, sed & in parte qualibet sit. Et hæc nunc Scholæ & Thomistarum opinio est.

Innocent.  
ubi supra.

Sed Innocentius Papa primo ait, an totum Sacramentum in totum Christum, & an pars in partem mutetur, se nescire: nouit ille, inquit qui facit. *secundo* ait, se putare, si pressius vrgeatur, sub tota specie totum Christum, & in singulis partibus esse. Rationem affert, vel coniecturam potius: ait enim, *quod inde coniectio, quoniam in quocunque partes species diuidantur, totus Christus in singulis est*. Non purat Christum multiplicari fractione, vt imaginē in speculo: est ergo magna massa corporum. Sed aliam rationem affert, quia si vnus totus Christus in toto Sacramento sit, tū panis pars in partem corporis Christi conuerteretur: sed quia hoc intelligi vix potest, malunt partem qualibet in totum cōuerti: quod si verum sit, tū in quolibet puncto Sacramenti est totus Christus, caput, pedes, manus, & reliqua mēbra: & sic nulla distinctio partium erit: quæ enim in puncto partium distantia esse potest? Iam vero vtrū iaceat, an sedeat, an ster in Sacramento CHRISTVS, Innocentius

non audet statuere: sed tamen si situm partium habeat, tū hoc necessarium est: nullum enim corpus est, quod partium in se positionem & distinctionem habet, quin aut iaceat, aut sedeat, aut stet, aut situm aliquem habeat: absurdum erit, quicquid statuerint. Et si in huiusmodi Scholasticorum ineptiis refutandis inuitus versor, tamen multum facit ad veritatis illustrationem, nosse illorum prodigiosa commenta, quæ ex reali præsentia effloruerunt.

*Quartum* nostrum argumentum tale est: Spiritus non potest existere per modum corporis diuisibiliter & extense: ergo corpus non potest esse per modum spiritus indiuisibiliter. Bellarminus concedit antecedens, sed negat argumentū: ait non posse spiritum esse in loco extense, corpus tamen posse esse non extense. Nam in loco extendi (inquit) est effectus formalis extensionis in se: potest autem forma ab effectu suo separari; non effectus a forma: quia illa est prior, hic posterior: si verò spiritus in se indiuisibilis extenderetur in loco, tū effectus formalis esset sine causa, & posterius sine priore, quod fieri nequit.

*Respondeo*: 1. Concedit Bellarminus extensionem in se (quæ pertinet ad omne corpus, & omni corpori conuenit) esse formalem causam extensionis in loco: quod recte ab illo dictum est: ratio enim cur aliquid in loco extendatur, est quod in se magnitudinem & extensionem partium habeat: iam

verò

verò Christi corpus habet extensionem in se: extensio autem in se est ratio & forma extensionis in loco: ergo Christi corpus non potest non extendi in loco. Ita hoc præsentiam Christi illocalem in Sacramento funditus evertit. Sed ait Bellarminus, formam posse ab effectu separari.

*Respondeo*: effectum formæ, quatenus formæ, nullo modo posse a forma separari. Exempli causa anima rationalis est forma essentialis hominis: ea non potest esse sine effectu suo formali, qui est habere rationem, & ea formari: at ratiocinari etsi sit vi rationis & formæ, est tamen non causæ formalis effectus, sed hominis totius ex forma sua, vel ratione formæ suæ, vt potius sit causæ efficiētis effectus, quam formalis: alias homo semper ratiocinaretur, quia ne Bellarminus quidem dixerit, effectum formalis causæ posse separari a forma sine miraculo: homo autem sine miraculo non ratiocinatur, quia est in arbitrio rationis producere actum hunc *συλλογιστικόν*, at si non esset in homine, q̄ hominis forma efficit, ne homo quidem esset. Separare igitur formam a suo proprio veroque effectu, est contradictionem impossibilem statuere, perinde ac si quis hominem sine anima rationali statueret.

*Respondeo* igitur 2. extendi in loco, non posse villo modo separari ab extensione in se, quia hæc est forma illius, illud verò effectus formalis huius. Quod autem ait, formam esse priorem effectu, &

ideo posse ab effectu separari, primo antecedens falsum est: nam sunt natura simul, vt definitio, & definitum: deinde nō omne quod est natura posteri⁹ potest separari, vt grauitas a terra, risibilitas ab homine separari non potest. 3. igitur argumentum recte sequitur, Angeli non possunt extendi locis: ergo corpora non possunt non extendi locis. Nam quod ille ait, spiritus ideo non posse extendi in locis, quia non habent extensionem in se, nō aduertit se id dicere, quod contra ipsum vel maxime faciat. Si enim ideo spiritus non sint in loco, quia nullam extensionem in se habent, tū corpora necessario in loco sunt, quia extensionem in se habent.

Si enim forma separari ab effectu potest in corpore, tū etiam in spiritu: spiritus autem ea forma est, quæ non permittit extensionē in loco: at fingamus formam posse separari in spiritu ab effectu suo, & tū spiritus potest esse in loco. 4. Si sit contradictorium, spiritum in loco extensionem habere, cum nō habeat extensionem in se, nec possit fieri vt hoc sit, quemadmodum concedit Bellarminus; non minor contradictio est, vt corpus non sit in loco, cum habeat extensionem in se; quia non magis in corpore quam spiritu forma separari ab effectu potest. Nam ratio quare spiritus non potest extendi in loco est natura seu forma spiritus; ita ratio cur corpus extendatur in loco, est natura seu forma corporis.

*Quantum* nostrum argumentum

Bbbb 3 in

5.

in hunc modum se habet: De esse-  
tia quãtatis est, habere partẽ extra  
partẽ: ergo ubi vna pars est, ibi non  
est alia: ergo tota quantitas corpo-  
ris Dominici non potest in quaq;  
particula hostiæ esse. Bellarminus  
fateretur, hoc esse argumentum o-  
mnium difficillimum, & respon-  
det, corpus quantum habere par-  
tem extra partem, si illud (extra)  
habitudinẽ habeat ad subiectum,  
non ad locum: & id ait Philosophũ  
velle in prædicamento Quantita-  
tis: quod absurdissimẽ dicitur, cum  
Philosophus nunquam somnauit  
de corpore sine loco: & hoc Ad-  
uersarii tribuunt miraculo; sed  
Philosophus de miraculis non co-  
gitauit: tribuit ergo corpori quan-  
tatem, cuius essentia est habere  
partem extra partem: quod simpli-  
citer necessarium est, cum cõtinuẽ  
quantitati diuisio competat. Chri-  
sti corpus est diuisibile natura sua:  
ergo partem extra partem habet,  
non modo quoad subiectum, sed  
etiam quoad locum, quia diuisio  
nulla est sine respectu ad locum:  
non diuiditur quidem, quia est  
immortale & gloriosum; & nostra  
corpora erunt eo modo indiuisi-  
bilia, sed tamen erunt eiusdem na-  
turæ cuius sunt diuisibilia: ergo  
quoad locum pars extra partem  
erit. Et in corpore vna pars coexi-  
stit vni parti loci, alia alteri: ergo  
quoad locum pars extra partem  
esse debet: nisi enim sic, nec in  
subiecto aut in toto est pars extra  
partem.

Bellarminus impudentissimẽ  
respondet, duas partes corporis

coexistere eidem parti loci. Sed  
quid ille de duabus partibus lo-  
quitur? nam hoc de omnibus par-  
tibus, & de toto corpore verum  
esse debet: aut erit pars extra par-  
tem quoad locum. Iam igitur to-  
tum corpus Christi est in qualibet  
parte loci, id est, pars non est extra  
partem in quauis loci parte mini-  
ma. Sed esto: est igitur totum cor-  
pus in quaque particula loci: ergo  
in loco: nam quæque pars loci lo-  
cus est. Sed si in loco sit, debet esse  
in loco æquali: si nõ in loco sit, cur  
ait duas partes corporis coexiste-  
re eidem parti loci? pugnantia v-  
bique loquitur. Nam si det vllam  
partem corporis Christi esse in vl-  
la parte loci, tum reliquæ etiam  
partes possunt esse in loco, & tum  
corpus Christi est in loco: si enim  
omnes partes sint in loco, tum to-  
tum est in loco. Et tum refellit  
Thomam & alios, qui aiunt Chri-  
sti corpus non esse in Sacramento  
vt in loco. Sed intelligit ille procul  
dubio non locum proprium, sed fi-  
ctum & mathematicum. Sed iterũ  
sic in illum insurgo: Si Christus to-  
tus in qualibet particula hostiæ &  
loci sit, tum quælibet pars hostiæ  
& loci totum Christum habet: si  
totum, tum quælibet particula ha-  
bet Christi corpus, ex capite, & re-  
liquis membris integratum: si sic,  
tum aut diuisio aliqua est corporũ  
hostiæ, aut non: si non, tum nisi in  
tota hostia vnum corpus est, quia  
in indiuisione non nisi vnum esse  
potest: si diuisio sit, tum idem a  
diuiditur: quod non dixerint. For-  
san dixerint posse diuidi respectu  
lo-

loci: at nullum corpus ponunt in  
Sacramento respectu loci: dicunt  
corpus Christi in Sacramento ha-  
bere omnes proprietates corporis  
Christi in cælo excepta relatione  
ad locum. At iam intelligimus esse  
in Sacramento non modo vnum  
corpus Christi, sed esse totum in  
qualibet particula: quod si verum  
sit, tum aut omnia corpora sunt nõ  
nisi vnum corpus totum in toto,  
aut si hic plura corpora sint, quam  
vnicum, tum diuisio aliqua erit:  
nulla autem re, cum nec inter cor-  
pus in cælo, & in Sacramento sit  
aliqua diuisio; nec relatione, quia  
nulla in Sacramento est relatio ad  
locum: & sic vnde quæque exclu-  
sissimi sunt ab omni responsione.  
Iam ista mittamus, & ad Augusti-  
nũ veniamus. Ille ista omnia cõ-  
menta refellit: nam de corpore  
Christi & humanitate verba faci-  
ens, ait Christi corpus habere par-  
tes, quæ non possunt esse simul, &  
si spacia locorum tollantur corpo-  
ribus, nusquam fore, & quia nus-  
quam, nec omnino fore.

Ita si corpus Christi non occu-  
pet spacium, nusquam erit, & om-  
nino non erit, & sic destrui naturã  
Christi necesse est, nisi ei spacium  
detur. Bellarm. respõdet, i. hoc te-  
stimonium refellere vbiquistas: q̃  
verum est: vtinam illi tandem vi-  
derent: *secundò*, non refellere se, id-  
que propter duas causas. *Prima* est,  
quia Augustinus id solum requirit,  
vt omne verum corpus sit exten-  
sum in se, non autem vt necessariò  
coextendatur loco. At Augustinus  
de spacio & loco disertè loquitur,

aitq; si tollas spacia locorum cor-  
poribus, nusquam erunt. Sed ait,  
Augustinum facere mentionem  
loci, quia à posteriori probat, cor-  
pus in se extensum esse, ex eo quod  
occupet certum spacium loci; sed  
non inde sequitur, inquit, nõ pos-  
se extensum esse in se, nisi occupet  
locũ. Sed *primò* vult Augustin. pro-  
bare, Christum non vbique esse se-  
cundum humanitatem, quia habet  
corpus: corporis autem est, esse in  
loco. Scopus hic est, non corpus  
esse extensum in se, sed non esse v-  
bique; aut in diuersis locis, quia cor-  
porum est esse in certis spaciis lo-  
corum. 2. quomodo sequitur ex  
posteriori, Christi corpus habere  
extensionem in se, quia occupat  
spacium loci, cum Papistæ Christi  
corpus non occupare spacium lo-  
ci in Sacramento dicant? si enim sic  
disputet August. tum verum ex fal-  
so probat. 3. nõ magis Lutheranos  
Augustinus quam Papistas refellit:  
non enim contendit modo Chri-  
stum secundum carnem non vbi-  
que esse, sed non esse in sepulchro  
simul, & in cruce, & in paradiso,  
q̃ hoc cũ humanitatis & corporis  
natura pugnat. Si non in ligno &  
paradiso potuit simul esse Christus,  
tum non in cælo & Sacramento si-  
mul. *Secunda* ratio, quam affert  
Bellarminus, cur Augustinus ipsos  
non refellat est A V G V S T I N V M  
loqui de corporibus infra cælum:  
quod etiam falsissimum est. Nam  
loquitur A V G V S T I N V S de  
Christi corpore, & generatim  
de omni corpore. Christus homo,  
inquit, ibi est, vnde est venturus: &  
qui

August.  
in Epist. ad  
Dardan. n.  
quæ est nu-  
mero 57.



qui alibi præterea esse dicunt, eos co. poris veritatem auferre ait: & ait Christi carni datã esse immortalitatem, non ablatam esse naturam: & eum ubiq; esse per id quod Deus, in cælo per id quod homo: & postea docet corpora à loco pēdere: ergo certe non erit corpus, nisi sit in loco. Sed apertissimè, quando ait, aliter esse quantitatem in corpore, aliter qualitatem: qualitas ut sanitas potest in omnibus partibus esse: æqualiter: sed quantitas est in distantib. partibus, quæ non possunt esse simul. Sed quare? num in se tantum non possunt esse simul? Augustinus subiūgit, quoniam sua quæque spacia locorum tenent, minores minora, & maiora maiora: ergo caput Christi debet occupare maius spacium, quã oculus: sed ex Papistarum opinione non occupat. Simile est, quod alibi ait Augustinus, omne corpus aut quantumcunque aut quantumcunque, loci occupare spacium, & locum implere: quo nil aperti-

August.  
in Epist. 3.  
ad Volu-  
fian.

us dici potuit, adeo ut valde iniqui sint, qui repugnent. Sed agnoscere miseriam sophistarum: ait Bellarminus, Augustinum in priori loco de corporibus infra cælum loqui: & supra dixit, Augustinum id tantum dicere, corpus habere extensionem in se, quia in loco est: at illi volunt, corpus Christi in Sacramento sub cælo non habere extensionem in loco: nihil ergo probat Augustinus ex Bellarmini responsione.

Tum quare toties de primo cælo obiicit, si corpora tantum, quæ sunt infra cælum, ita sint in loco, ut pendeant à loco? Et Augustinus affert quædam Scripturæ testimonia, ut illud Angeli, *Non est hic: surrexit enim: & illud Christi, Gaudeo propter vos (ut credatis) me illic non fuisse: & illud Marthæ, Domine, si fuisses hic, frater meus non fuisset mortuus.* Ex his, quæ diximus, manifestum est, Papistas falsa & contradictoria defendere.

Mat. 28. 6.  
Ioan. 11.  
15 & 21.

## FINIS PRIMÆ QVÆSTIONIS.

CON-

## CONTROVERSIÆ DE Eucharistia Quæstio secunda, de Transubstantiatione,

Hoc est,

*An in Eucharistia fiat conuersio substantiæ panis & vini in substantiam corporis & sanguinis Christi.*

### CAPVT PRIMVM.

#### De statu Quæstionis.



OST QUAM explosus est error Papistarum de reali præsentia, sequitur ut de modo dicamus, quo CHRISTVS, falsa horum opinione, incipiat adesse præsens in Eucharistia. Cum enim esse ibi mordicus defendat, quemadmodum ibi incipiat esse, doceant oportet: est enim quoddam huius præsentia principium. Bellarminus ait, Ecclesiam Catholicam semper docuisse, hoc fieri per conuersionem panis & vini in corpus & sanguinem Christi: quæ conuersio dicta est postea Transubstantiatio. Nam certe antiqua Ecclesia nullam Transubstantiationis mentionem fecit, nec verò panem & vinum conuerti docuit in corpus & sanguinem Christi, ut

Papistæ. Recens ergo doctrina est tam re, quam nomine, quantumuis eam Bellarminus antiquissimã affirmet. Hæc igitur Papistarum sententia est, fieri substantiarum conuersionem, eamque dici Transubstantiationem. Nos nullam conuersionem rerum agnoscim⁹, sed panis vini que substantiam remanere, & Transubstantiationem non nisi cōmentum & monstrum esse dicimus, post nongentos aut mille à Christo annos natum & inuentum. Cum vero hæc sententia primo cæpit inualescere, multæ opiniones inter Theologos gliscebant, quæ veteri Ecclesiæ inaudita fuerunt, cum præsentia nulla nisi spiritualis olim credita fuerit.

Bellarminus septem opiniones commemorat, quas totidem errores vocat: eas breuiter examinamus.

Cccc

Prima

*Prima* est, quam esse Berengarij ait, & eius discipulorum, verum panem & vinum remanere cum vero corpore & sanguine Domini in Sacramento. Sed hoc nunquam Berengarius aut sensit, aut dixit: forsan Guitmundus hoc illum putare credidit, & ei hunc errorem affinxit. At ille Christum nunquam in Cæna realiter esse dixit, nisi quod palinodiam metu cecinit, quam postea retractavit.

*Secunda* sententia aliorum fuit, qui asserebant panem partim mutari in corpus Domini, partim non mutari: eam partem, quæ à piis sumitur, mutari in corpus Christi; eam verò quæ ab impiis, non mutari. Quod illi verè & pie dixerunt, panem esse verum corpus Domini piis, id Guitmundus aut non intellexit, aut ad calumniam traxit.

*Tertia* sententia est Durandi, formam panis mutari in corpus Christi, materiam autem manere, eamque informari animam Christi, ut ci bus in carnem nostram conuertitur per nutritionem: formam conuer ti, sed materiam non conuer ti: quæ est admodum subtilis opinio. Hic homo nouum aliquid exprimere voluit: agnoscit Transubstantiationem, quia non ausus est communem errorem negare, sed talè, quæ non tollat materiam panis: vidit enim Scholasticos absurde tollere materiam panis & vini. *Quarta* opinio est huic cõtraria, materiam panis conuer ti in corpus Christi, sed formam manere. Huius opinionis Thomas meminit sine nomine auctoris. *Quinta* est Rupertii,

panem Eucharistiæ non verti in Christum, sed assumi hypostatice à verbo, eo prorsus modo, quo natura humana ab eodem verbo assumpta est, & Christum habere corpus carneum & panaceum: impios non nisi panaceum corpus edere, pios autem vtrumque: & panem esse verum corpus Christi, sed tamen non illud, quod de Virgine sumptum est, sed solummodo panem. Mirabilis hæc opinio est, in quam detrusus est communi errore temporum de præsentia reali: potius quam concedere voluit conuer sionem panis in Christum, statuit vnionem hypostaticam Christi & panis. Et fuit hic Rupertus vir magnæ doctrinæ. *Sexta* opinio est cuiusdam Iohannis Parisiensis, cuius meminit Thomas Waldensis, panem assumi à Christo, id est, à corpore Christi, ut corpus non totum hominè, sed partem significat: ne cogeretur dicere, Deum esse panem: quod ex opinione Rupertii necessario sequitur. *Septima* est Lutheri, eaque quatuor capitibus continetur. *Primo* enim docuit Lutherus, nõ esse articulum fidei, maneatne panis an non. *Secundo* ait, panem manere, esse probabilius, & Scripturis conformius. *Tertio*, esse cum pane vnionem carnis Christi, sed non personalem: coniungi vtramque substantiam. *Quarto*, eo progressus est ardore contentionis, ut diceret, Christi corpus esse in Sacramento realiter, quia est vbique, propter vnionem cum verbo: quam opinionem multi hodie Lutherani sequuntur. Sic illi

Rupert. de  
diuin. offic.  
l. 2. c. 2. &  
in 6. cap.  
Iohann.

Thom.  
Waldens.  
tom. 2. de  
Sacrament  
c. 65.

Luther. in  
l. de capt.  
Babylon. de  
Eucharist.

illi fundamentum præsentia vbi quitatem esse volunt. Kemnitius verò fundamētum præsentia corporis Domini in Eucharistia non in vbiquitate ponit, sed in verbis institutionis Dominicæ. Sed si Christi corpus vbique sit, ut diuinitas, essentialiter, tum non potest fieri præsens per pronunciationē verborum Cænæ: adest enim prius.

Hos errores Bellarminus breuiter impugnat: quam eius disputationem licet apud ipsum consulere. Veniamus igitur ad Transubstantiationem, quæ est opinio omnium Papistarum, quam Bellarminus explicandam defendendamque suscepit. Nam certe Durandi, Rupertii, & aliorum opiniones, præterquam Berengarij, & Lutheri, ita absurdæ sunt, ut à nemine hodie teneantur: Lutheri autem opinio etsi à multis teneatur, multis tamen absurditatibus & contradictionibus implicata est. Sed mihi nunc res est cum Papistis. Horum opinionem ut certo intelligamus, quemadmodum à Bellarmino expressa sit, animaduertere oportet. Affirmat igitur esse in Transubstantiatione totalem conuer sionē substantiæ panis & vini in corpus & sanguinem Domini. Hoc ait ab omnibus teneri, non propter Scripturarum, sed propter Conciliorum authoritatem: vbi videmus, quo fundamento nitatur Transubstantiario. Ait conuenire inter se Theologos, sed huius consensionis causam significat esse Conciliorum & Ecclesiæ authoritatem.

Concilium autem nullum potest antiquum proferre: neque si posset, ad tanti dogmatis cõfirmationem sufficeret. Deinde fatetur multos discrepare in modo explicandi: etsi ergo rem tenent, non ratione, sed metu Ecclesiæ, de modo tamen dissentiant: neque certus modus adhuc ab illis definitus est. Bellarminus ait, sibi in animo esse, sequi communioem & tutiorem viam, diceret, verioem. Sed ille Thomæ viam communioem & tutiorem vocat, quæ ut melius intelligatur, tria considerata præmittit, de quibus breuiter est dicendum.

*Primum* est, ad conuer sionem veram substantiæ vnus in aliam, quatuor conditiones requiri. *Prima* est, ut aliquid esse desinat: oportet enim, ut quod conuersum est, esse desinat. Quare Augustinus scribit, socios Vlyssis non fuisse in bestias conuersos, nec socios Diomedis in aues, & cæteras Gentilium *μυροφωρεis* non nisi præstigi as fuisse: quod nulli Christiano dubium est: his fallaciis dæmon malus lusit homines ignaros veritatis. Vere Augustinus, non modo non animum, sed nec corpus humanum posse dæmonum arre aut potestate in membra aut lineamenta bestialia conuer ti ait: non ergo illæ veræ conuer siones fuerunt. Nec magi Aegyptii virgas suas verè in serpentes cõuerterunt, ut Mo ses suam. Hoc ergo fateor esse necessarium. Desinit ergo aliquid esse in Sacramento, quod prius fuit, si sit realis & substantialis conuersio.

1.

Augustin.  
de ciuit.  
Deil. 18. c.  
18.



Tamen non oportet materiam petire in conuersione: nam quando vxor Loth in statuam salis versa est, vera illa conuersio fuit, & tamen eadē corporis materia & substantia remansit, salis tantum forma in corporis materiam introducta est. In Eucharistia autem aliter fit: non enim (vt illi volunt) eadem substantia remanet, sed & materia & forma panis esse definit: quomodo materia desinat, mox dicemus. Sed hoc valde mirum est, quod de formæ mutatione dici solet: materię mutari possunt facile, sed quomodo formæ mutari possint, vix intelligi potest. Forma enim panis, si accidens sit, non potest in aliam substantiam migrare: accidentia enim eadem numero non transeunt à substantia in substantiam; & Aduersarij dicunt, accidentia panis manere post consecrationem, etiam eadem numero, quæ prius fuerunt. Si non sit accidens, sed substantia, quæro nū sit corporea an incorporea substantia: nō corporea potest esse; nulla enim forma est corporea: si incorporea, tum quæro in quā rem conuertatur: non in corpus, quia res incorporea non potest in corpus conuerti: nō in animam, quia anima ex nulla materia fit, sed creatur: & tamen Concilium Tridentinum ait, esse conuersionē totius substantiæ panis, id est, inquit Bellarminus, & formæ & materiæ. In quid igitur forma panis mutatur? aut certe in idem, in quod materia mutatur; quod est absurdum; aut in animam Christi: at non potest fieri, vt vna

forma mutetur in aliam formam: cessare forma, & noua succedere potest, at non potest esse conuersio vnius formæ in aliam.

Secunda conditio, quam Bellarminus requirit in conuersione, est vt aliquid succedat in locum eius, quod definit esse; alioqui, inquit, corruptio aut annihilatio esset, non conuersio. Et hoc etiam fateor in omni conuersione necessarium esse, vt vnum desinat, alterum existat. Sed hic Caietanus magnum scrupulum sophistis iniecit, qui aculeatorum argumentorum rapax fuit: cōtendit ille, etsi sit Transubstantiatio, tamen remanere id, quod fuit panis, vt verè dici possit, quod fuit panis, nunc esse corpus Christi: ipsam substantiam remanere, sed sub alia forma. Non hoc Bellarmino & aliis placet: vult enim Bellarminus, nihil omnino manere, quod prius fuerit panis, sed vt ignis ex ligno, & aer ex aqua fit, sit ex pane corpus Christi fieri. Sed hoc est impossibile: tum enim vera annihilatio aut corruptio esset: nam certe lignum corrumpitur incendio, & aqua, cū in aerē vertitur, quanquam id philosophis disputandum relinquo, an nō in aere aliquid sit, quod fuit aqua. Negat Bellarminus: quod si verum sit, tum non hæc conuersio, sed corruptio vnius corporis, & creatio alterius erit. Sin ex pane corpus Christi fiat, oportet vt Caietan⁹ voluit, id quod fuit panis remanere. Neque hoc Caietanus modo ait, sed etiam Magister sententiarū. Ita reuera Bellarminus Tran-

Caietan.  
in 3. p.  
Thoma, q.  
75. art. 4.

Lombard.  
in 4. d. 11.  
§. 4.

sub-

substantiationem sustulit. Si enim vna substantia ex altera fiat, necesse est in ea substantia, quæ facta est, materiam eius, ex qua facta est, remanere. Si nolunt manere, quod fuit panis, non dicant panem transubstantiari in Christum. Et Caietan⁹ nihil ait, nisi quod Thomas ante illum dixit: ait enim Thomas ibidem, hanc materiam panis fieri hanc materiam, qua Christi corpus indiuiduatur: ergo illa materia eadem, quæ panis fuit, nunc est illud indiuiduum corporis Christi.

Tertia conditio est, vt sit connectio & dependentia inter desitionem vnius, & alterius successionē. Atque hoc etiam necessarium est in Transubstantiatione. Sed quod Bellarminus putat, hoc modo nobis responderi, qui vrgemus annihilationem fieri, si nihil panis post consecrationem & conuersionem remaneat, totus errat. Ait enim, ideo non annihilari panem, etsi nihil panis maneat, quia actio, per quam panis desinit, non terminatur in nihil, sed ad aliquid, nimirum ad corpus Domini. Sed hæc nulla ratio est, nisi quod in priore corpore fuit, in nouo maneat: potest enim in annihilatione actio terminari ad aliquid, vt exempli gratia, cum Christus aquam in vinum mutauit, si totam naturam aquæ in nihilum absumpsisset, & statim pro aqua vinum introduxisset, illa actio fuisset annihilatio, & tamē in aliquid desisset. Sed quia fuit aquæ in vinum conuersio, in vino remansit quod aqua fuit: & sic oportet in Eucharistia fieri, aut

nulla conuersio, sed mera annihilatio est, quam isti nunc pro Transubstantiatione venditant.

Quarta conditio est, vt tam terminus à quo, quam terminus ad quem, sit vere positius. In creatione nullus est terminus à quo positius: in corruptione terminus ad quem est priuati⁹: at in conuersionibus supernaturalibus, qualis fuit vxoris Loth in statuam salis, aquæ in vinum, virgæ in draconem, vterq; terminus positius fuit. Quando enim Christus aquam in vinum mutauit, nō disposuit materiam aquæ ad recipiendam formam vini, vt quando aqua ex aere fit, aut aer ex aqua, sed in momento fecit, vt vnum desineret, alterum succederet. Hinc Bellarminus colligit, Transubstantiationem esse perfectissimam conuersionem, & distinguī ab aliis omnibus, id est, nullam ei similem fuisse vnquam in tota rerum natura: Deum nunquam talem conuersionem fecisse. Est hoc igitur exemplum singulare, sed planè fictum.

Quis verò credat, rem tam singulariter supernaturalem, quæ superet miracula omnia, quæcunq; legimus in Scripturis, etiam ipsam mundi creationem, nunc vulgo fieri ad nutum sacrifici cuiusque? Sed si hæc vera conuersio esset, oporteret eam esse aliis conuersionibus similem. Ait Bellarminus eam esse similiorem supernaturalibus conuersionibus, sed tamen differre ab ijs dupliciter. Primò, quia probabile est, in illis conuer-



sionibus materiam primam mansisse sub utroque termino, sed in hac conuersione non manere. *Respondeo*: Hoc satis indicat illam non esse veram conuersionem. Sic enim disputo: Cum nihil materiae remanet, corrumpitur res aut euanescit: in Eucharistia nihil remanet, ut ait: est ergo ibi corruptio aut annihilatio. Non ergo Transubstantiatio est, quia non transit substantia panis in substantiam Christi: tum enim maneret aliquid panis: non ergo totalis conuersio est, ut vult Bellarminus, sed plane nulla, quia sic panis corpus Christi succedit, ut non ex pane fiat: si enim fieret ex pane, tum materia, quae prius panis erat, in corpore Christi remaneret, quia in eo quod fit inesse debet id ex quo fit. Cum igitur haec Transubstantiatio sit dissimilis alijs omnibus conuersionibus, manifestum est, non esse veram conuersionem. Sic ergo disputo: In Eucharistia corpus Christi aut creatur, aut fit: non creatur: ergo fit: si fiat, ex aliquo fit: ergo illud manet, quia tollitur, quod fit, si tollas id ex quo fit penitus. *Secundo* ait Bellarminus Transubstantiationem differre à supernaturalibus conuersionibus, quod in illis accidentia aut omnia aut aliqua mutata sint cum forma substantiali, in hac autem omnia accidentia remanent. Sed de accidentium remansione postea erit dicendum.

*Secundum* illud, quod hic considerandum praemittit Bellarminus, est ad veram conuersionem non requiri, ut id, in quod aliqua res

conuertitur, de nouo producat, sed satis esse, si vnum alteri succedat.

*Respondeo*: In omni conuersione opus est productione. Oportet enim in omni conuersione nouum aliquid produci: quod verum esse inueniemus, si omnes, quae vnquam factae sunt, conuersiones repetamus. Quando enim vxor Loth conuersa est in statuam salis, statua noua producta est; cum virga Moysis in draconem conuersa est, novus draco productus est; cum aqua est in vinum à Christo conuersa, nouum vinum productum est. Si Christus lapides in panem conuertisset in deserto, nouum panem produxisset; & quando aqua in aerem conuertitur, nouus aer producit. Ita nulla conuersio est extraordinaria aut miraculosa in rem quae prius fuerit. Ergo hoc tertium discrimen est, idque longe maximum, inter Transubstantiationem & conuersiones supernaturales, quod in illis omnibus res nouae productae sunt; in hac non item. Sed hoc quoque satis declarat, hanc commentitiam esse conuersionem. Ait tamen conuersionem posse fieri tribus modis: *primò* producendo, si res ante non fuerit: *secundò* adducendo, si prius sit; ut cibus in hominem conuertitur per nutritionem. Sed cibus producit aliquid: nam in corpore nouum incrementum fit: *tertiò* conseruando, ut si duo aequalia corpora, inquit, simul in eodem loco se penetrerent, & vnū diuina virtute totaliter verteretur in aliud, ut illud conseruetur. Sed modus hic

fictus

fictus est, cum Deus nunquam fecerit; ut duo corpora simul se penetrarent. Iam quis modus est conuersionis in Eucharistia? ait non esse productiuam, nec conseruatiuam, sed adductiuam, quia facit, ut Christi corpus, quod ante fuit, iam incipiat esse sub speciebus panis. Sed si conuersio haec Christi corpus in Sacramentum adducat, tum aut caelo deducit, aut aliunde trahit: non potest esse ibi corpus Christi, nisi ante caelo aut aliunde deductum, cum non producat de nouo. Num igitur deferit caelum? hoc non audent affirmare: num per motum localem aliunde transfertur, & ibi adest? nec hoc audent dicere: sed tantum ibi esse aiunt post consecrationem. Sed, 1. hoc non est adducere: nam adducere est efficere, ut illud ipsum, quod in alio loco fuit, huc afferatur, huc sistatur, & hic sit: hoc oportet aut deferendo priorem locum, aut per motum aliquem fieri: nam quod hic est sine motu, non adducitur: adducitur tantum quod mouetur. 2. Quod adducitur, ex aliquo loco adduci debet per omnia interual- la media & interiecta, idque quadam successione: at Christi corpus repente & in momento in Eucharistia adest, ut anima in corpore creatur. At nemo dixerit animam adduci aut deduci in corpus: tum enim & esset alicubi, & ex se esset, antequam cum corpore vniretur. 3. Si Christi corpus, quod est in caelo, adducatur in Sacramentum (non enim aliud adduci potest, quia Christus non aliud corpus habet) tum necesse est, ut absoluta omnia, quae sunt in Christi corpore in caelo, sint in eodem in Sacramento: at hoc palam falsum. Nam illud corpus Christi, quod est in caelo, splendidius est sole: at corpus, quod est in Eucharistia, non est huiusmodi: ergo illud corpus, quod est in caelo, non adducitur in Sacramentum vi consecrationis. 4. Illud corpus Christi quod adducitur, quomodo adest in Sacramento sub speciebus panis? num per simplicem praesentiam? nequaquam: quomodo igitur? per unionem scilicet cum accidentibus panis, qualis erat antea inter substantiam panis & accidentia panis. Ergo tum accidentia panis insunt in corpore Christi, ut prius in pane. Quid ergo? an corpus Christi sustentat haec accidentia? num inhærent corpori Christi? num ab his informatur? at haec omnia negat, sed vniri tamen ait, sed non inhærere. Si verò vniantur accidentia panis cum corpore Christi, tum vel ut vestes vniantur, & sic facile possunt separari, vel personaliter: at hoc absurdissimum. Explicari non potest, qualis haec unio sit.

Sed cum accidentia non possint cum substantiis vniri, nisi per inhæssionem, inhæreant & insint necesse est, si vniantur. 5. Si corpus Christi tantum adducitur, id est, sit praesens, tum terminus ad quem huius conuersionis non est substantia, sed accidens: nam erit non alius finis, nisi ut quod ante fuit, sit praesens hic: ita non erit haec substantialis conuersio.

Bellar-



Bellarminus hic nutat & hæret, sed tamen confidenter tandem respondet panem conuerti in ipsum corpus Christi, non in præsentiam corporis Christi. Sed tum non modo adducitur, sed etiam producit corpus Christi. Nam fit ex pane, si panis in ipsum conuertitur. Ex aliquo necesse est produci aliquid, ut ex nihilo nihil. Si ergo panis conuertitur in ipsum corpus Christi, & vi huius conuersionis corpus Christi est sub specie panis, necesse est produci, quia in hac conuersione omnia sunt, quæ ad productionem requiruntur. *Primo*, est materia ex qua, scil. panis. *Secundo*, efficiens, & vis conuertendi, immensa scil. Dei potentia. *Tertio*, effectus etiam qui producit, id est, corpus Christi. Ita nunquam poterit conuersionem rueri sine productione. Si nil producat, prior ergo substantia in nihilum abiit, quia ex aliquo oportet aliquid euenire. Quod autem Bellarminus præterea, ut elabatur, ait, in conuersione attendi præcipue terminum à quo, ut in corruptione & annihilatione, i. omnes hoc falsum esse intelligunt: æquè enim aut magis terminus ad quem attendi debet: nam sine utroque termino non erit conuersio. 2. annihilari non est conuerti, sed interire: sic corrumpi. *tertio*. Bellarminus non obscure Transubstantiationem facit annihilationem, aut corruptionem: nam in his sane terminus à quo magis attenditur: si in Transubstantiatione sic fiat, tum ea erit talis: quod etsi nō vult

Erat hoc  
(ut vide-  
tur) in pri-  
ma editio-  
ne Bellar-  
mini: at nō  
in ultima.

præ se ferre, tamen ex eius sententia sequitur. *Tertium* quod à Bellarmino hic obseruandum & considerandum præmittitur, est, subiectum in quo actio diuina huius conuersionis recipitur, partim esse panem, partim corpus Domini: nā panis conuertitur & mutatur substantialiter: corpus verò Christi adducitur, & acquirit esse sub speciebus panis; quod antea non habebat.

*Respondeo*: Si Christi corpus acquirit esse, quod nō habebat, tum acquirit nouum esse; si nouum esse acquirit, tum indies fit, quod non fuit: nam missæ quotidie fiunt: sic Christi corpus in perpetua quadā mutatione erit, & nouum esse milies singulis dieb. acquireret. Quod autem Thomas & alii docent, Christi corpus in Sacramento esse non per mutationem sui, sed panis in ipsum, Bellarminus insulse hoc intelligi ait de mutatione deperditua, quæ nulla esse potest in rem aliā. Si enim quod mutatum est deperditur, non potest in aliud mutari: panis autem in aliud mutatur. Est illa mutatio deperditua, inquit Bellarminus, quia panis deperditur: at Thomas ait panem mutari in corpus Christi, non deperdi. Materia ergo panis non deperditur; nam tum hæc annihilatio esset, non conuersio: quod enim annihilatur aut deperditur, non mutatur in corpus Christi. Sic enim disputamus: Si panis conuertatur in corpus Christi, tum aut ipsa substantia panis in corpus Christi mutatur, aut in nihilum transit,

&

& corpus Christi adducitur, ut fit ubi panis fuit: non primum, quia tum quod antea fuit panis, nunc est corpus Christi: quod negauit antea Bellarminus; & tum corpus Christi propriè mutatur: necesse est enim mutari in quod aliquid mutatur, non tantum mutare locum, ut Thomas ait: sed est substantialis mutatio: fit enim ex pane: quod est substantialis conuersio & mutatio. Sic quia cibus in nostrā substantiam vertitur, esse aliquam mutationem certum est: nam nutritio non sine mutatione fit. At illi nullam mutationem in corpore Christi agnoscunt, nisi quod esse incipiat, ubi non ante fuit. Conuersio autem substantiæ panis in substantiam Christi arguit nō modo præsentiam Christi sub specie panis, sed quandam substantialem mutationem in corpore Christi. Si panis mutatur substantialiter, ex quo Christi corpus fit, tum Christi corpus mutatur substantialiter, quod ex pane fit. Absurde igitur Thomas, qui Transubstantiationem sine vlla mutatione præterquam locali statuit. Si secundum, id est, si substantia panis deperditur, ut nunc Bellarminus vult, tum nulla fit mutatio in corpus Christi: nulla ergo Transubstantiatio. Quod enim penitus euanesceat, non migrat in aliud: panis substantia penitus euanesceat; est enim deperditua eius mutatio, ut vult Bellarminus, i. e. deperit quod mutatur: non ergo in aliud mutatur, & sic Transubstantiatio est nihil. Sed tum quomodo Christi corpus est in Sacra-

mento? aiunt esse ibi substantialiter: ergo aut fit ex aliquo; & tum ex pane: aut producit miraculose. Bellarminus ait adduci, & tamen non relinquere locum, ubi prius fuit: ergo aut de nouo substantialiter creatur, aut fit corpus in Sacramento ex illo, quod est in cælo: nō primum, quia nolunt esse creationem corporis Christi in Missa, neque potest esse vnus indiuidui tam assidua creatio: nō secundum, quia nihil ex se fir: aiunt enim esse in Eucharistia ipsum corpus, quod est in cælo, non fieri hoc ex eo: & tum nulla esset Transubstantiatio, quia idem in idem mutaretur: ergo aut non est corpus Christi in Eucharistia substantialiter, aut fit ex pane; quod Bellarminus non vult.

Si enim ex pane fieret, tum quod panis erat, esset Christi corpus; quod negat: & est absurdum & ἀδύνατον, corpus Christi, quod ex substantia naturæ nostræ constat, nunc fieri totum ex substantia graminis ritice. Non potest idem indiuiduum esse, quod ex diuersa materia constat, & in quo diuersæ proprietates sunt: diuersum autem est nasci ex natura Virginis, & fieri ex substantia panis: posita ergo Transubstantiatione diuersus est Christus Sacramentarius ab eo in quem nos credimus, qui nobis ὁμοῖος est, id est, consubstantialis est: at Papistarum Christus est ὁμοῖος tritico. Quod cum Bellarminus cogitaret, dilapsus est in eam sententiā, ut panis substantiam deperdi dicat, & sic annihilationem substituat,

D d d d

quam



quam Papistæ explodunt, pro Transubstantiatione. Et sic aperte ait, Dominum destruere panem, ut in eius locum ponatur corpus Domini. At panis si in Christi corpus mutaretur aut conuerteretur, non destrueretur, sed ad summam dignitatē eueheretur, ad multo certē maiorem, quam quisquam homo euehitur: nos enim & si edimus Christum, non tamen in totum Christum mutamur, nec efficiamur quod ipse est in substantia. Bellarminus hic affirmat, corpus Christi, quod est in cælo, non mutare aut substantiam, aut accidentia, aut locum. At Transubstantiatio & realis præsentia horum omnium mutationem conuincit. Nam 1. Christi corpus, quod in cælo est, non eandem substantiam habet cū eo, quod est in Eucharistia: non enim eandem quantitatem habet: eandem autem substantiam eadem quantitas necessariò sequitur: non est autem eadem quantitas in utroque, quia Christi corpus, quod est in cælo, non potest tam breui spacio contineri. Sed de hoc supra. 2. Non habent accidentia eadem; nam illud est visibile, & plenum maiestate, hoc *ἀόρατον & ἀδοξον*, inuisibile, & inglorium. Sed de hoc etiam supra. 3. Non eundem locum habent, quia inter Christi corpus, quod est in cælo, & illud quod est in Sacramento, tantum spaciū est, quantum inter cælum & terram.

Sed hæc omnia supra tractata sunt.

## CAPVT II.

## Argumenta Pontificiorum pro Transubstantiatione.

**N** VNC ad argumenta Aduersariorum veniamus, eaque primum, quæ ex Scripturis sumunt. Vnicum verò est Bellarmini argumentum ex Scripturis, idque contra Lutheranos totum. Sumitur verò ab illis Christi verbis, *Accipite & manducate, hoc est corpus meum.* Bellarminus (enim) interponit, & sic posteriorem clausulam citat, *hoc est enim corpus meum.* Sed illud (enim), in nullo Euangelista habetur, ne in vulgata quidem editione, nec in ipso Paulo. Ait Bellarminus, hæc verba necessariò inferre, aut veram mutationem panis, ut volunt Catholici, aut metaphoricam, qualē volunt Calvinistæ, Lutheranorum verò sententiam nullo modo admittere: quod quidem verissimum est.

Si enim propriè verba sumantur, sensum Lutheranorum prorsus euertunt, ponentium non panem esse corpus, sed cum pane esse corpus: Christus a. dixit, *Hoc est corpus meum*, non, cū hoc, aut in hoc, aut sub hoc est corpus meum. Sed ego illius breuem contra Lutheranos disputationē non persequar: quorsum enim? sed an contra nostram sententiam aliquid afferat videamus. Prorsus autem nullum argumentum

mentum affert contra metaphoricam mutationem, nisi illam cōmuni consensu à Papistis & Lutheranis reijci. Sed nos illorum consensum non moramur. Sensus verborum probamus ex analogia fidei, & aliorum locorum similitudine, & consensu antiquitatis, esse metaphoricum nō proprium: illi autem ambo contendunt esse proprium sensum: quod fieri non potest, cum tam diuersum sensum afferant. Lutherani sic interpretantur, *Hoc est corpus meum*, id est, in hoc, cum hoc, & sub hoc pane est corpus meum: & illi dicunt hanc esse propriam horum verborum interpretationem. Papistæ sic, *Hoc est corpus meum*, id est, hic panis, vel hoc quod modo panis fuit, transubstantiatur in corpus meum: & illi contendunt hunc sensum esse proprium. At quis non videt, utrumque sensum non posse esse proprium: altera pars ergo fallatur necesse est; & sic illorum communis consensus parum contra nos valebit. Ait autem Bellarminus, his verbis veram mutationem panis inferri, idque Catholicos docere. Sed nos de sensu horum verborum ante diximus, & illorum technas aperuimus ac discussimus. Hoc nunc vnum dicam: Si vera mutatio panis ex his verbis necessariò inferatur, tum, 1. panis verè in corpus Christi mutatur; quod Caietanus & multi Papistæ defendunt: at Bellarmino aliter videtur. At, inquires, non aliter: ponit enim conuersionem & Transubstantiationem: sed quomodo? non sic, ut

panis materia abeat in materiam corporis Christi. Ait se Thomam sequi: sic autem Thomas hanc positionem exponit, Ex pane fit corpus Christi: ita scilicet, inquit, ut ex mane fit dies, id est, mane desinit, dies succedit: at aurora non transit in diem, sed euanesceit prorsus.

Quare Scotus primò, etsi non audet omnem transubstantiationem tollere, tamen hanc non esse propriam Transubstantiationem, affirmat: secundo, etsi dubitat, an hic sit annihilatio ponenda, ad extremum tamen panis & vini annihilationem statuit. Et Durandus probat, transubstantiationem Papistarum esse annihilationem. Sic Paludanus. Si substantia panis non cōuertitur in substantiam corporis Christi, sed in esse illic præsens (hoc est, ut Bellarminus scribit, in præsentiam corporis Domini) hoc est inficiari, inquit veritatem transubstantiationis, quia illa significat mutationem substantiæ in substantiam: & sic nō seruari sinceritatem doctrinæ Patrum, nisi conuersionem substantiæ in substantiam teneamus.

Sic Biel, ideo non esse annihilationem, quia statim alia res succedit in ordine ad rem annihilatam: ubi materiam panis docet annihilari, sed tamen non hanc dicendā esse annihilationem, quia desinit in corpus Christi: & ait hanc positionem esse veram, Ex pane fit corpus Christi; si sic intelligatur, postquam desit esse panis, incipit esse corpus Christi: non, si sic, ex

Dddd 2 mate-

Thom. in 3.  
q. 75. art. 8.

Scot. in 4.  
d. 11. q. 4.

Durand. in  
4. d. 11. q. 3.

Palud. in  
4. d. 11. q. 3.

Biel. in 4. d.  
11. q. 1. &  
lect. 49. in  
can. M. 3.



Petr. Sot.  
lect. 5. de  
Eucharist.  
Sacrament

materia panis fit corpus Christi. Quare Petrus Soto admittit hanc propositionem, Ex pane fit corpus Christi, ut si quis diceret, Ex nihilo aliquid fit; non de pane. Ergo primo annihilatur panis, & tum ex nihilo fit corpus Christi. Potuit ergo dici melius, pani succedit corpus Christi: ita nulla omnino transubstantiatio erit, quia nulla est substantiæ in substantiam transformatio. Nam si materia hæc panis, quæ fuit ante consecrationem, non mutetur reuera in corpus Christi, sic ut corpus Christi ex eo fiat, & ex eo consistat, dicant quid de illa materia panis fiat, quo abeat: certe non perit, neque transit in corpus Christi: quo ergo abit? 2. Si his verbis mutatio vera declaretur, tum aut mutatio ante facta significatur, aut ijs verbis facienda: non ante facta, quia non est conuersio ante prolationem horum verborum, ut illi volunt: non facienda, quia eiusmodi propositiones tum veræ sunt, si res antè sit, quam verba pronunciantur, & falsæ, nisi prius veræ sint. Non ergo Christus veræ dixisset, *Hoc est corpus meum*, nisi ante eius corpus fuisset: alias enim subiectum & prædicatum non supponeret per eodem: quod in propositione affirmatiua vera fieri oportet. Bellarminus ut in omni hac disputatione, ita in hac re lubricus est: ait Christum mutasse panem in corpus suum benedicendo: non ergo pronuntiando hæc verba, *Hoc est corpus meum*: nam hoc non est benedicere: & Euangelistæ aiunt, Christum benedixisse, antequam

hæc verba protulit. Quare multi Scholastici Christum transubstantiasse aiunt, cum benedixit, non cum hæc verba protulit, ut nos supra copiose docuimus. Innocentius verò ait, Christum consecrasse aliis verbis, quæ non exprimuntur ab Euangelistis, & tum postea dixisse, *Hoc est corpus meum*. Sed de his verbis, & de hoc argumento, quod nos non attingit, sed Lutheranos tantum, non nunc plura dicemus.

Secundum Bellarmini argumentum sumitur à testimoniis Patrum: & tertium à consensu & definitione Ecclesiæ ab annis quingentis. Sed de his argumentis in fine huius controuersiæ luculenter respondebimus, si Deus dederit.

Quartum argumentum sumitur à conuenientia rei: quod etsi contra Lutheranos instituitur, tamen cuiusmodi sit, paucis videamus. Conueniens fuisse contendit, primo, ut substantia panis recederet, secundo, ut accidentia panis remanerent. Nos inconuenientissimum esse dicimus, ut vel panis substantia destrueretur, vel accidentia sine subiecto remanerent. Sed pro primo sic disputat Bellarminus.

Prima eius ratio hæc est: Si cum corpore Domini maneret substantia panis, tunc duæ substantiæ haberent ordinem ad eadem accidentia, imo accidentia primariè demonstrarent panem, secundariè corpus CHRISTI: quod est absurdum.

Respondeo: At multo magis absurdum est, ut panis accidentia non demon-

demonstræt panem, cuius propria accidentia sunt; & Christum demonstrent, cui non cōueniunt. Est enim ista demonstratio aut ad sensum, aut ad intellectum: ad sensum accidentia panis non possunt demonstrare corpus CHRISTI, quia sensus quodque corpus non alienis sed suis accidentibus diiudicat: si ad intellectum & fidem, possumus æquè intelligere, esse hic corpus cum pane, quam sine pane. Immo necesse est panem remanere propter duas causas: primo, ut possit esse Sacramentum, & propter analogiam Sacramenti cum re Sacramenti: quæ nulla erit, nisi substantia panis maneat; secundo ne in Sacramento naturarum interitus ponatur, quia Sacramentum non debet esse perniciēs siue interitus creaturarum. Nam si substantia panis non transeat in substantiam corporis Christi (quod illi tenent) tum interit; & sic qui Missas conficiunt, non aliud faciunt, nisi creaturas indies perdunt & cōficiunt: si panis naturam dicant non perire aut periri prorsus, sed in aliam aliquam naturam abire, dicant inquam? & tunc erit Transubstantiatio: non in corpus Christi transit, ut antea probatum est: nec aliam aliquam naturam nominare possunt, in quam transeat. Fateor certe inconueniens esse, ut corpus Christi cum pane copuletur & commisceatur: quemadmodum Lutherani absurde statuunt: sic enim non modo duæ substantiæ simul in eodem loco essent, quorum alterius accidentia apparerent, al-

terius delitescerent, sed duæ substantiæ diuersissimi generis simul in eodem loco esset: quo nihil absurdius aut impossibilius dici potest. Sed hoc tamen non absurdum est Papistis, qui non modo duo corpora in vno loco, sed vnum corpus in duobus imo in mille locis statuunt. Non potest Bellarminus Lutheranis absurditatem aut inconuenientiam exprobrare, cum ipsi multo magis ἀόρατα & ἀδιόρατα non coherencia & impossibilia defendant.

Secunda Bellarmini ratio est huiusmodi: Si vna cum corpore Domini substantia panis sub iisdem accidentibus contineretur, periculum esset, ne simplices adorarent panem, quia adorant quod sub illis speciebus continetur. Sed Lutherani adorationem prohibent: non ergo ad rem disputat: quam in eo non satis sapiunt Lutherani. Si enim Christus ibi sit præsentia corporali, impium esset adorationem aut prohibere, aut non religiosissimè exhibere. Multo conuenientius Papistæ, qui adorant quem præsentem esse credunt: realem præsentiam tam pertinaciter urgere, & tum cauere ne adorationem tribuas, est Christo adorationem, quæ illi semper debetur, inuidere: aut ergo desinant cum Papistis realem præsentiam defendere; aut adorationem cum Papistis statuunt, ne Christum honore suo spolient. Sed est periculum, ne simplices & rudes homines adorent illud quod vident, id est accidentia, & sic maiorem ido-

solatram committant, quam si pa-  
nem adorarent. Sed profecto si  
Papistæ volunt idololatram vita-  
re, prohibeant omnem adoratio-  
nem: ista enim illorum adoratio,  
nixa fundamento commentitiæ  
transubstantiationis, est idololatria  
omnium quæ vnquam fuerunt  
crassissima.

3. Tertia ratio est ob dignitatem,  
quia non videtur rationi consen-  
taneum, vt simul maneant cibus  
mentis & cibus ventris, panis ter-  
renus & panis cælestis. Sed quare  
nō est rationi consentaneum? imo  
est necessarium ad Sacramenti a-  
nalogiam conseruandam, vtrum-  
que cibum præberi simul: si enim  
nullus sit cibus ventris, nullum e-  
rit externum symbolum huius cæ-  
lestis & spiritualis cibi. Atque hic  
Bellarmini oicitantiam obseruate.  
Non est conueniens, inquit, simul  
manere ventris & mentis cibus:  
tollat ergo nō modo substantiam,  
sed & accidentia panis: nam illi  
contendunt accidentia panis nu-  
trire: quod etsi falsissimum & insa-  
nissimum est, tamen illis est neces-  
sarium, quia & oportet hanc esse  
conuenientiam Sacramenti cum-  
re, & experientia conuincit pane  
& vino Sacramentali homines nu-  
triri. Aiunt hanc vim nutriendi  
inesse accidentibus, ne panis aut  
vini substantiā manere dicant: at si  
hoc ita sit, tum simul manet men-  
tis & ventris cibus.

4. Quarta Bellarmini ratio sic se  
habet: Si panis substantia adesset,  
non posset corpus Domini sumi,  
quin solueretur ieiunium. Sed

quare? si panis soluit ieiunium; nō  
tamen nisi sumatur ante Sacramē-  
tum: at si cum pane corpus Christi  
sumatur, panis non sumitur ante  
corpus Christi: ac proinde corpus  
Christi, quod cum pane sumitur, à  
ieiunis sumitur. Augustinus ait, *Augst.*  
traditum esse ab Apostolis, vt Sa- *in Epist.*  
cramentum non nisi à ieiunis su- *118. c. 6.*  
meretur: sed ieiunium, de quo Au-  
gustinus, cibus communis non  
sanctus aut Sacramentalis violat.  
Hæ sunt eius ridiculæ ratiunculæ  
contra Lutheranos: nos si talibus  
vteremur, vt insultarent? Atque  
hactenus probauit substantiā pa-  
nis non manere: nunc quatuor ra-  
tiones affert vt probet accidentia  
panis manere.

Pro secundo ergo disputat, panem  
non debuisse transubstantiari, etsi  
debuisset transubstantiari. *Primā e-*  
ius ratio hæc est: quia si accidentia *1.*  
etiam abessent, nullum esset in  
Eucharistia signum sensibile ac p-  
inde nullum Sacramentum. *Re-*  
spondeo: Sed signum sensibile, quod  
est externum Sacramentum, non  
est accidens aliquod, sed aliquod  
elementum & substantia, vt postea  
docebimus: ergo Papistæ nullum  
Sacramentum habent, quia nil nisi  
accidentia remanere volunt. Si si-  
gnum sensibile necessarium sit in  
omni Sacramento: concedant o-  
portet panem remanere: nam si-  
gnum sensibile non debet esse lar-  
ua aut spectrum, sed vera natura.  
Sensibile signum requiritur, vt ex-  
terno symbolo res quædam spiri-  
tualis repræsentetur: ista repræ-  
sentatio non consistit in acciden-  
tibus,

tibus, quia substantia panis nutrit,  
non accidentia; & vinum exhila-  
rat, non color vini. Res interna &  
spiritualis in hoc Sacramento, est  
vita quam haurimus ex Christo:  
respicit anima corpus Christi sic-  
ut cibum, quo hæc vita sustenta-  
tur: iam vero vt hæc res animæ re-  
præsentetur, necesse est, vt panis  
substantia maneat, quia corpora  
nostra substantiis nutriuntur, non  
speciebus.

2. Secunda Bellarmini ratio est: Si  
ita mutaretur totum in totum, vt  
nihil in vtroq; termino commu-  
ne remaneret, non posset vllō mo-  
do vera esse Domini sententia, *Hoc*  
*est corpus meum*, quia tum nihil esset,  
quod vocetur corpus Christi,

*Respondeo:* Ratio hæc falsissima &  
absurdissima est. Non minus vera  
sententia esset sublati accidentib.  
quam remanentibus, & magis ve-  
ra. Nam si quis panem in manus  
sumeret & diceret, Hoc est panis,  
verum diceret: sic si ibi esset Chri-  
sti corpus sine accidentibus panis,  
verius diceretur, Hoc est corpus  
Christi, quam nunc cum manent  
accidentia, quia (*Hoc*) videtur refe-  
rendum ad accidentia: sed accide-  
ntia non sunt corpus CHRISTI.  
Si Christi corpus ibi in sua forma  
esset, verissime diceretur, Hoc est  
corpus Christi.

3. Tertia ratio est, quia hoc modo  
maius est meritum fidei, cum cre-  
dimus scilicet, quæ non videmus:  
nam alioqui si accidentia abessent,  
oculis aspiceremus corpus Chri-  
sti.

*Respondeo:* Est certe exiguum

meritum credere quod videas:  
puniendus potius si neges, quam  
remunerandus, si concedas. Sed  
tamen non proinde fingendum  
est aliquid difficile, quod credas,  
vt credendo merearis. Meritū fi-  
dei ex earū rerum, quæ diuinitus  
traditæ sunt, difficultate ad credē-  
dum æstimatur: at Deus nunquam  
vllum verbum dixit de acciden-  
tibus absque subiecto: non commi-  
nisci debemus, quæ credamus, de  
quibus Deus nullam mentionem  
facit. Creatio mundi, natiuitas  
Christi, & alia huiusmodi propo-  
nuntur à Deo credenda: ista quā-  
do credimus, gratissima est illi fi-  
des nostra: at si volumus fingere a-  
liquid quod credamus, ficta non  
vera est fides nostra: oportet fidem  
verbo adhærescere.

Quarta ratio est ad vitandum  
horrorem, quia horror esset carnē  
humanam in propria specie man-  
ducare.

*Respondeo:* Sane ἀνθρώπου φάγισις,  
id est, hominum esus, vel humana-  
rum carniū deuoratio, quocun-  
que modo, horrenda est. Si vel ouē  
totam, vel auem deuorandam no-  
bis quis traderet, horreremus.  
Quantumuis species nihil horro-  
ris afferat, res ipsa tamen mentem  
horrore perfunderet. Si quis ali-  
quem percuteret sub persona, aut  
sub aliena specie, quem sciret esse  
patrem, aut si illum occideret sub  
ca persona aut specie, non id sine  
horrore faceret: ergo species non  
tollit horrorem, cum cogamur pro  
certissimo credere, Christum sub  
illa specie totum deglutiri. Manet  
igitur



Pet. Mart.  
cont. Gar-  
din. p. 3.  
1.

igitur horror, idq; (vt Petrus Martyr recte ait) tripliciter. *Primò*, quia etsi non apparet, tamen cruda est Christi caro. Bellarminus causam horroris in carne humana comedenda ait esse læsionem carnis: ergo cum sumitur sine læsione, animus non horret. Sed 1. non potest sumi sine læsione, si comedatur. Christi enim corpus est simile nostris, si pungatur, aut prematur, aut laceretur, dolet: panis autem teritur antequam comeditur; & sic q sub specie panis latet teritur: iam terere & commolere dentibus carnem Christi, & eius ossa confringere, vt in stomachum totus Christus demitti possit, quis cogitare sine horrore potest? Abraham horruit, cum proprium filium mactare iussus est: quid si iussus fuisset edere? & nos Christum Dominum sine horrore comedemus? 2. carnem crudam, quacunq; specie, nemo sine horrore comedit. Multi nauseant, quando vinum odorantur: at totum hominem deuorare, maior nauseandi causa est: certe impiorum stomachus talem cibum nunquam ferret. Bellarminus ait, non potuit sine læsione affari: multo certe minus potest sine læsione comedi. Sed adhuc Bellarminus adiungit: Si quis posset amicum totum sine læsione intra pectus suum recipere, libentissime faceret.

*Respondeo*: At nemo sanus cuperet amicum totum aut deuorare, aut intra pectus recipere substantialiter. Nos quidem Christum intra pectus recipere debemus, vt a-

micos cupimus, id est, vt amore & desiderio habitet in animis nostris: vt non realiter amicum intra pectus recipimus, sic nec Christum. *Secundò* Petrus Martyr ait, mentis magis horrorem esse quam oculorum. Qui enim se occidendum scit, horret etsi gladium non videat: & magis horreret quis, si deberet artocream comedere, ex humana carne confectam, quam si panem iuberetur comedere ad humani corporis similitudinem factum.

Bellarminus ait, tolli vtrumque horrorem per species panis, & doctrinam fidei. *Respondeo*: Sed nec species panis nec doctrina potest horrorem omnem tollere. Nam doctrina Papistica iubet nos credere, cibum, quem edimus, esse verè carnem humanam, ossa, sanguinem: ergo auget nō tollit horrorem. Species verò non nihil minuit, sed non tollit. Qui pharmacum acerbum aut amarum bibiturus est, horret & nauseat, antequā videat. Semper maxima causa horrores relinqueretur, quantumuis nil nisi speciem videamus: oportet enim semper rem magis animo, quam species oculis intueri: animus igitur semper intentus in materiam cibi horrebit.

*Tertiò* Petrus Martyr ait, Deum non solere parcere sensibus, quando nobis aliquid vtile proponit: si ergo Christus reuera à nobis comedendus esset, sub propria non sub aliena specie proponeretur. Bellarminus ait: Scelus esset, Christi carnē in propria specie sumere. Sed

Sed cur quæso? quia tum, inquit, deberet necessario lacerari & destrui.

*Respondeo*: Sed eadem necessitas lacerandi & destruendi manet etiam nunc: vere enim & non minus verè sumitur, vt illi volunt, quam si in propria specie sumeretur. Si ergo laceraretur, si in propria specie sumeretur, lacerari etiam nunc necesse est, cum in specie panis sumitur: species enim non potest esse causa lacerandi, sed manducatio: vt si quis carnem humanam integmine panaceo comederet, non, ideo minus manducaret. Si ergo Christus non posset in specie sua sumi sine laceratione & destructione, neque in specie panis potest: at in specie sua non posset: ergo nec in specie panis. Et hic Bellarminus pugnat cum alijs: alij enim accidentia panis dicunt remanere ad remouendum horrorem: Bellarminus, ne Christus laceraretur & destrueretur: at ipsum edere, id est, dentibus comminuere, causa est lacerationis. Si nolunt lacerare, ne comedant: at Papistæ Christum suum lacerant & destruunt: species enim non impedit aut læsionem aut lacerationem rei quæ manducatur, quia laceratio

non est specierum, sed  
materiæ sub speciebus

\* \*

## CAPVT III.

Argumenta nostra contra  
Transubstantiationem.

**P**APISTARVM de Transubstantiatione sententia exposita atque explosa est: sequitur vt nostra argumenta aduersus Transubstantiationem in medium proferamus. Et *primum* quidem nostrum argumentum ab ipso nomine transubstantiationis sumitur: est enim nomen nouum, peregrinum, barbarum, inauditum Ecclesiæ antiquæ: ergo & dogma Transubstantiationis est nouum, peregrinum, barbarum, atque à Christianorum auribus reuouendum. Bellarminus ait, cum re constet, non esse de nomine litandum. *Respondeo*: 1. quantumuis de re constet, oportet tamen nomen habere rationem. Nam Paulus *κενοφωνία*, id est, *vaniloquia*, seuere & austerque prohibet, & *βεβήλας*, id est, *profana* vocat. Et certè sermonis a nomen mutationem plerumq; sequitur mutatio doctrinæ.

Augustinus ait, Nobis ad certam regulam loqui fas est, ne verborum licentia de rebus, quæ his significantur, impiam gignat opinionē. Certe si vlla vnquam *κενοφωνία* in Ecclesiā inuecta est, nomen Transubstantiationis inter *κενοφωνίας* reponi debet. 2. De re nullo modo constat, imo rem ipsam constat, quæ

Eeee hoc

hoc nomine significatur, multo magis barbaram, sacrilegam, & horrendam esse. Non ergo rem improbamus propter nomen, sed nomen propter rem: ut signa rerum nefariarum propter rerum turpitudinem & nequitiam auersamur. Si vero de re tam liquido constaret, quam Papistae volunt, tum nomen veteri Ecclesiae tamdiu incognitum non fuisset: at vetus Ecclesia & nomen & rem ignorabat. Anni mille ducenti fluxerunt & amplius, antequam notum hoc nomen Ecclesiae fuit. Sic igitur disputo: Antiqua Ecclesia habuit non modo veram doctrinam de Sacramento, sed & nomina ac vocabula apta explicanda huic doctrinae: at Transubstantiationis nomen vetus Ecclesia ignorauit: ergo rem non habuit.

Sed Bellarminus ait Patres dixisse, panem conuertere substantialiter in carnem Christi, manentibus accidentibus. *Respondet*: Hoc Patres nunquam aut dixerunt, aut somniarunt. Alii quidem de conuersione mentionem faciunt, sed substantialis conuersio nunquam illis in mentem venit: imo apertissime substantiam panis & vini manere aiunt, ut Theodoretus, & Vigilius, & Augustinus, & alij, quorum testimonia postea citabimus. Conuersionem quidem Sacramentalem agnoscunt, quae facit ut ex cibo corporis Sacramentum fiat, quo animae nostrae nutriantur: ita in Sacramento, ut Irenaeus ait, panis terrenus non amplius est communis panis, sed efficitur Eucharistia,

quae constat ex duabus rebus, terrena & caelesti: nulla ergo conuersio substantialis olim credita fuit: quare non mirum quod illis ignotum Transubstantiationis nomen fuerit. Antiquissimus omnium, quos afferre potuit Bellarminus, est Hugo, qui fuit aequalis Petri Lombardi, qui post millesimum à Christo annum vixit. Sed quid Hugo ait? substantiam scilicet ire in substantiam: & ea quidem, fateor, est vera Transubstantiatio. Sed Bellarminus istam Transubstantiationem non credit: non enim putat substantiam panis ire in substantiam corporis Christi, quia tum quod ante panis erat, nunc est corpus Christi, & sic non perit aut deperditur panis: quod vult Bellarminus.

Si enim substantia panis abeat in substantiam Christi, tum aut in partem aut in totam: non in partem, quia dicunt totum in totum conuerti: si in totum, tum eadem substantia, quae fuit panis, nunc est corpus Christi: & haec vetus de Transubstantiatione opinio fuit: at recentiores Sophistae exponunt Transubstantiationem de tali conuersione, qua panis esse desinat, & Christi corpus succedat: qua substantia panis non ita in substantiam Christi, sed corrumpitur, ut locum det Christo. Sed *primo* haec non est Transubstantiatio, quae est transformatio substantiae in substantiam. *Secundo*, certum est Innocentium & Concilium Lateranense, si talem conuersionem intellexissent, non vocare voluisse Transubstantiationem.

tionem, nisi dementissimi fuissent: illi ergo simpliciter & verè senserunt, manere substantiam panis sub forma carnis Christi. *Tertio*, Scholastici qui Lateranense Concilium sub Innocentio secuti sunt, cum viderent talem conuersionem non posse defendi, etsi nomen transubstantiationis retinuerunt, tamè à sensu abhorruerunt, ut quidam ingenue fateantur, Transubstantiationem non aliud esse, nisi annihilationem: ergo hoc nomen non modo barbarum est, sed etiam alienum ipsorum confessione: nec dubito, quin si nunc illis nomen inueniendum esset, aliud quàm hoc excogitarent, imo non hoc approbarent. Ita illud Concilium parum sapuit, quia nomen praescripsit, quod posteritas non potuit nisi ficta expositione retinere. Sed iam progreditur Bellarminus, & ait licuisse Nicæno Concilio ponere in Symbolo nomen ὁμοῦσι & Ephesino nomen θεοῦ & Quidentum? ergo, inquit, maiore ratione licuit Concilio Lateranensi in confessione fidei ponere nomen Transubstantiationis. Sed quomodo sequitur argumentum? Nicæno & Ephesino Concilio licuit: ergo multo magis Lateranensi? quia, inquit, in Nicæno Concilio erant Episcopi trecenti & octodecim, in Ephesino verè pauciores, id est, ducenti tantum: at in Lateranensi Episcopi plures quàm quadringenti, & Patres in vniuersum plus quam mille.

*Respondet*: Fateor fuisse ibi maximam turbam & frequentiam Sa-

cerdotum & Monachorum: sed non sequitur, Frequentissimi erant: ergo licuit eis quidvis statuere, & fingere etiam quod contra Dei verbum est: nec sequitur, quia plures fuerunt, ergo melior illorum sententia fiat: hoc est decreta Conciliorum non pondere sed numero aestimare. Neque transubstantiatio sic recipi debet, ut ὁμοῦσι & θεοῦ: nam haec sunt deducta ex apertis Scripturis, quemadmodum contra Arianos & Nestorianos expositum est à Patribus Catholicis: at transubstantiatio ex nullo loco Scripturae deducitur, imo de illa ne vna quidem vocula in Scripturis habetur. Si vlla, tum in his verbis, *Hoc est corpus meum*: at haec verba non arguunt conuersionem panis in corpus Christi, aut transubstantiationem, praesertim cum Aduersarij niegent, *Hoc* pro pane supponere: nisi autem per *Hoc* panis intelligatur, certè nulla specie rationis potest his verbis Transubstantiatio panis in corpus Christi intelligi. Forsan realem praesentiam possunt his verbis aliquo modo confirmare, at non Transubstantiationem, nisi velint dicere, *Hoc*, id est, hic panis est corpus meum, id est, Transubstantiatur in corpus meum: at illi volunt nullam in his verbis fieri mentionem panis, & certum est transubstantiationis nullam fieri mentionem. Sic igitur disputo: Omnia vocabula in Theologia fundamentum habere debent in Scripturis, ut ὁμοῦσι, θεοῦ, & τῆς αἰς: at transubstantiationis nomen, nullum



in Scripturis fundamētum habet: ergo non est in Theologia admittendum: nam in his verbis, *Hoc est corpus meum*, nullum fundamētum habet, nisi *Hoc* de pane intelligant, & *Est* per *transubstantiatur*, exponant: quam illi expositionem non admittunt. Sed postea ait Bellarminus, ante Concilium Nicænum non extitisse nomen æquiualens nomini ὁμοσι: at ante Concilium Lateranense multa fuisse nomina æquiualeantia nomini Transubstantiationis.

*Bellarmin. l. 2. c. 3. de Christo. Athanas. in lib. de decret. Nicæan. synod. Theodore. 1. l. hist. c. 12.* *Respondeo:* Bellarminum secum apertissimè pugnare: nam alibi ait nomen ὁμοσι non fuisse inuentum à Concilio Nicæno: & quidē Athanasius ait, hoc nomen à Dionysio Romano & Dionysio Alexandrino vsurpatum esse ante Concilium Nicænum, & à Theognosto & Origene: & Patres Nicænos nullum nomen inuenisse ait, sed quod à maioribus inuentum est retinuisse: & Theodoretus ait Eusebium Cæsariensem licet Arianum fateri, antiquos & illustres Patres hoc nomine vsos esse: sed nemo vnquā vsus est nomine Transubstantiationis ante Concilium Lateranense. Quod autem ait, multa fuisse vocabula antea huic nomini æquiualeantia, quæro quæ tandem illa fuerunt: nam cōuersio & transmutatio non æquiualent, quia Sacramentalis cōuersio & mutatio non euincunt Transubstantiationem. Sed adducit ex Theophylacto nomen transelementationis: nam ait Theophylactus, Christum panem μετασχηματισμῶν transelemen-

tasse, & μετασχηματισμῶν; transmutare. Sed in *Mare. 14. & Mat. 26.* 1. Theophylactus est author non antiquus, si cum Chrysostomo, Augustino, Ambrosio, & Basilio compareretur: eius autoritas multo minor est illorum autoritate. 2. Si hic μετασχηματισμῶν propria sit, tū oportet rem totam, id est, elementum ex vna substantia in aliā conuertere: ex quo sequetur, rem, quæ prius sub accidentibus panis fuit, nunc conuersam esse in corpus Christi. Nam μετασχηματισμῶν est quasi cōuersio vnius elementi in aliud, id est, vnius materiæ in aliam: materia ergo eadem remanet; etsi forma substantialis mutetur: quod si verum sit, tum substantia carnis Christi ex elemento, id est, materia panis consistit, & tum corpus Christi in Sacramento est ἐπεσθιον & ἐπεσθιεν, ei quod ex Virgine natum est, id est, alterius & substantia & generis. Sed Bellarmini hoc loco praua expositio nō pratermittenda est: nam transelementationem Theophylacti sic intelligit, quasi esset mutatio rei in primam materiam, quam ait ab Aristotele vocari elementum. Sed Theophylactus non sensit panem mutari in materiam primam: tum enim esset Transubstantiatio panis non in corpus Christi, sed in materiam primam: at eius verba sonant vnius elementi, id est, vnius substantiæ mutationem in aliam. Sed hinc constat, qualem Transubstantiationem Papistæ & Bellarminus statuunt, nimirum non quæ panis in corpus Christi, sed in materiam primam, id est, in nihilum mutatur. Nam

*Scaliger exercit. 17.* Nam materiæ primæ ἐδενότης ab Aristotele millies decantata est, ut Scaliger obseruauit. Ita ex omni Bellarmini disputatione constat, illorum μετασχηματισμῶν, id est, transubstantiationem ad ἐδενότητῶν redigi, id est, ad nihilum. Sed Theophylactus μετασχηματισμῶν à Physicis mutuatur est, qui vnum elementum in aliud, exempli gratia, ignem in aerem, & aerem in aquam, mutari aiunt: manet materia, sed forma mutatur: at nolunt Aduersarii materiam panis ne sub forma carnis Christi substantiali remanere: non ergo aut Theophylacti μετασχηματισμῶν, aut Innocentii tertij Transubstantiationem tuentur. Sed ait adhuc Bellarminus: Si mutatio solius formæ rectè dicatur à Grecis μεταμορφώσις, id est, transformatio, & si externæ figuræ mutatio rectè dicatur transfiguratio etiam in Euangelio, cur mutatio substantiæ non poterit rectè dici Transubstantiatio? *Respondeo:* Hoc magis adhuc indicat, qualem illi Transubstantiationem teneant: nam in transformatione & transfiguratione vetus forma & figura mutata est, non in aliam, ut ex ea facta sit alia; sed euantit: ut quando Apuleius in asinum mutatus est: forma hominis sublata in ea materia, successit forma asini: & tales Ouidij μεταμορφώσεις sunt, ut quando Actæon in ceruum mutata est, & Daphne in laurum, & Aeneæ naues in nymphas: vocatur autem μεταμορφώσις, nō quod forma mutetur in formam; sed quod materiæ & res migrent ab vna essentiali forma in aliam. Debet ergo

esse mutatio rei in rem sub noua forma, aut non est transformatio. Nisi ergo panis substantia in nouā substantiam mutetur, non erit transubstantiatio. Nihil autem dicitur Transubstantiari, quia abiit in materiam primam, quæ est principium rerum; sed Transubstantiatio est diuersarum substantiarum mutatio, vnius scilicet in alteram: & illud non est miraculosum, ut abeat scilicet substantia aliqua in materiam primam: sed in omni Transubstantiatione est miraculū. Igitur Papistica mutatio panis in materiam primam aut in nihilum inepte & improprie vocatur transubstantiatio. Nam si panis resoluitur in materiam primam, tum aut in materiam primam nudam, aut alia aliqua forma vestitam: nō in nudam, quia materia non potest esse sine forma: si in materiam primam sub alia aliqua forma, tum doceat, quæ tandem illa forma sit: & tum aut in alio loco erit, aut in eodem simul cum carne Christi: at horum neutrum fieri potest. Ex his, quæ diximus, constat, Transubstantiationis nomen esse repudiandum, utpote quod nec cum communi Theologia, nec cum ratione, nec cum mente Papistarum constet.

*Secundum nostrum argumentum sic instituo:* Nihil pro articulo fidei proponendum est Ecclesiæ, nisi quod ex certis & manifestis Scripturis ostendi & probari potest: at Transubstantiatio non potest ex confessione Aduersariorum: non debet igitur aut proponi aut recipi.



in Scripturis fundamētum habet: ergo non est in Theologia admit- tendum: nam in his verbis, *Hoc est corpus meum*, nullum fundamētū habet, nisi *Hoc* de pane intelligant, & *Est* per *transubstantiatur*, expo- nant: quam illi expositionem non admittunt. Sed postea ait Bellar- minus, ante Concilium Nicænum non extitisse nomen æquiualens nomini *ὁμοσι*: at ante Conci- lium Lateranense multa fuisse no- mina æquiualentia nomini Tran- substantiationis.

*Bellarmin. l. 2. c. 3. de Christo. Athanas. in lib. de decret. Ni- can. synod.* Respondeo: Bellarminum secum apertissimè pugnare: nam alibi ait nomen *ὁμοσι* non fuisse inuen- tum à Concilio Nicæno: & quidē Athanasius ait, hoc nomen à Dio- nysio Romano & Dionysio Ale- xandrino usurpatum esse ante Cō- cilium Nicænum, & à Theogno- sto & Origene: & Patres Nicænos nullum nomen inuenisse ait, sed q̃ à maioribus inuentum est retinu-

*Theodore. 1. l. hist. c. 12.* isse: & Theodoretus ait Eusebium Cæsariensem licet Arianum fate- ri, antiquos & illustres Patres hoc nomine vsos esse: sed nemo vnquā vsus est nomine Transubstantia- tionis ante Concilium Lateranen- se. Quod autem ait, multa fuisse vocabula antea huic nomini æ- quiualentia, quæro quæ tandem illa fuerunt: nam cōuersio & trans- mutatio non æquiualent, quia Sa- cramentalis cōuersio & mutatio non euincunt Transubstantiatio- nem. Sed adducit ex Theophyla- cto nomen transelementationis: nam ait Theophylactus, Christum panem μετασχηματισμῶν transelemen-

*Theophyl.*

tasse, & μετασχηματισμῶν; transmutare. Sed in Marc.

1. Theophylactus est author non antiquus, si cum Chrysostomo, 14. & Mat. 26.

Augustino, Ambrosio, & Basilio comparatur: eius authoritas mul- to minor est illorum autoritate.

2. Si hic μετασχηματισμῶν propria sit, tū oportet rem totam, id est, elemen- tum ex vna substantia in aliā con- uerti: ex quo sequetur, rem, quæ prius sub accidentibus panis fuit, nunc conuersam esse in corpus Christi. Nam μετασχηματισμῶν est quasi cōuersio vnius elementi in aliud, id est, vnius materiæ in aliam: ma- teria ergo eadem remanet; etsi forma substāialis mutetur: quod si verum sit, tum substantia carnis Christi ex elemento, id est, mate- ria panis consistit, & tum corpus Christi in Sacramento est ἐπεσῆσθαι & ἐπεσῆσθαι ei quod ex Virgine na- tum est, id est, alterius & substantia & generis. Sed Bellarmini hoc loco praua expositio nō pratermitten- da est: nam transelementationem Theophylacti sic intelligit, quasi esset mutatio rei in primam mate- riam, quam ait ab Aristotele voca- ri elementum. Sed Theophyla- ctus non sensit panem mutari in materiam primam: tum enim esset Transubstantiatio panis non in corpus Christi, sed in materiam pri- mam: at eius verba sonant vnius elementi, id est, vnius substantiæ mutationem in aliam. Sed hinc constat, qualem Transubstantia- tionem Papistæ & Bellarminus sta- tuant, nimirum non quæ panis in corpus Christi, sed in materiam primam, id est, in nihilum mutatur.

Nam

*Scaliger exercit. 17.*

Nam materiæ primæ ἀδενότης ab Aristotele millies decantata est, vt Scaliger obseruauit. Ita ex omni Bellarmini disputatione constat, illorum μετασχηματισμῶν, id est, transubstan- tiationem ad ἀδενότητῶν redigi, id est, ad nihilum. Sed Theophylactus μετασχηματισμῶν à Physicis mutuat<sup>r</sup> est, qui vnum elementum in aliud, ex- eimpli gratia, ignem in aerem, & aerem in aquam, mutari aiunt: ma- net materia, sed forma mutatur: at nolunt Aduersarii materiam panis ne sub forma carnis Christi sub- stantiali remanere: non ergo aut Theophylacti μετασχηματισμῶν, aut In- nocentii tertij Transubstantiatio- nem tuentur. Sed ait adhuc Bel- larminus: Si mutatio solius formæ rectè dicatur à Græcis μεταμορφώσεως, id est, transformatio, & si externæ figuræ mutatio rectè dicatur τρά- figuratio etiam in Euangelio, cur mutatio substantiæ non poterit re- ctè dici Transubstantiatio? Respon- deo: Hoc magis adhuc indicat, qua- lem illi Transubstantiationem te- neant: nam in transformatione & transfiguratione vetus forma & figura mutata est, non in aliam, vt ex ea facta sit alia; sed euauit: vt quando Apuleius in asinum muta- tus est: forma hominis sublata in ea materia, successit forma asini: & tales Ouidij μεταμορφώσεως sunt, vt quando Actæon in ceruum mu- tata est, & Daphne in laurum, & Aeneæ naues in nymphas: vocatur autem μεταμορφώσεως, nō quod for- ma mutetur in formam; sed quod materiæ & res migrent ab vnâ es- sentiali forma in aliam. Debet ergo

esse mutatio rei in rem sub noua forma, aut non est transformatio. Nisi ergo panis substantia in nouā substantiam mutetur, non erit trā- substantiatio. Nihil autem dicitur Transubstantiari, quia abiit in materiam primam, quæ est prin- cipium rerum; sed Transubstantia- tio est diuersarum substantiarum mutatio, vnius scilicet in alteram: & illud non est miraculolum, vt abeat scilicet substantia aliqua in materiam primam: sed in omni Transubstantiatione est miraculū. Igitur Papistica mutatio panis in materiam primam aut in nihilum inepte & improprie vocatur tran- substantiatio. Nam si panis resolu- uitur in materiam primam, cum aut in materiam primam nudam, aut alia aliqua forma vestitam: nō in nudam, quia materia non potest esse sine forma: si in materiam pri- mam sub alia aliqua forma, tum doceat, quæ tandem illa forma sit: & tum aut in alio loco erit, aut in eodem simul cum carne Christi: at horum neutrum fieri potest. Ex his, quæ diximus, constat, Tran- substantiationis nomen esse repu- diandum, vtpote quod nec cum communi Theologia, nec cum ra- tione, nec cum mente Papistarum constet.

Secundum nostrum argumentum sic instituo: Nihil pro articulo fi- dei proponendum est Ecclesiæ, ni- si quod ex certis & manifestis Scri- pturis ostendi & probari potest: at Transubstantiatio non potest ex confessione Aduersariorum: non debet igitur aut proponi aut recipi.

Eccc 3 pro.



pro articulo fidei. Bellarminus de maiore respondet, si ea vera sit, tū nō posse pro articulo fidei proponi, quod libri Evangelistarum, & Epistolæ Pauli sint Scripturæ diuinæ.

*Respondeo* 1. Hæc rancida obiectio est, quasi quod illi libri pro diuinis habendi sint, ex sola Ecclesiæ traditione probari possent: at librorum contextus hoc cuius Christiano persuadere debet. 2. Non est propriè articulus fidei, hos libros esse diuinis. Nam articuli fidei semper ijdem sunt quoad substantiam, & vno articulo fidei sublato nulla salus: sed non statim damnari putandus, si quis vñum forte librum Scripturæ in dubium vocet; vt olim multæ Ecclesiæ Epistolam ad Hebræos, & Apocalypsin in dubium vocarunt. Articuli fidei ex sacris Scripturis desumpti sunt: ergo propter has credimus articulis fidei. Quædam enim sunt principia & fundamenta fidei, ex quibus articuli omnes & conclusiones fidei nascuntur: illa fundamenta creduntur vt *ἀντίστασις*; reliqua propter ea. Iam quod ad minorem attinet, eam etiam negat. Kemnitius verò ait, hoc Andradium dicere.

Bellarminus ait, Andradium non dicere, transubstantiationem nō posse ex Scripturis probari: sed si non posset, debere tamen propter Ecclesiæ auctoritatem credi. Et quidem nemo nescit, illos vrgere Scripturam, nempe hæc verba, *Hoc est corpus meum*: sed multo magis auctoritatem Ecclesiæ: &

sic quidem, vt nisi Ecclesia ita intelligeret verba Christi, illi non ita interpretarentur: posse enim verba aliter exponi fatentur. Satis ergo apertum est, Papistarū Transubstantiationem non Scripturis, sed dūtaxat traditione niti: & qua traditione? non antiqua illa quidē Ecclesiæ primitiua, ex qua nihil huiusmodi haurire possunt, sed ex recentissima, Ecclesiæ scilicet præsentis, & eius, quæ ante paucos annos extitit. Fatentur non posse ex Scripturis expressè & apertè deduci; nisi expositio Ecclesiæ suæ accesserit: quod non aliud est, nisi sola Ecclesiæ auctoritate niti. Nam quod Scripturis nititur, id ex Scripturis necessario cōcluditur, quātumuis Doctores aliter exponeant.

Quare Scotus ait 1. si Transubstantiatio remoueatur, omnia fore faciliora & expeditiora: Ergo hæc opinio inuoluit Scripturam & Ecclesiæ doctrinam multis obscuritatibus & difficultatibus. 2. ait, nullum esse in Scriptura locum, qui Transubstantiationem conuincat euidenter sine expositione Ecclesiæ, id est, Papæ: ergo Papæ auctoritas est fundamentum Transubstantiationis. 3. ait Transubstantiationem non fuisse dogma fidei ante Lateranense Conciliū: quod in illo Bellarminus improbat, & ait illum non legisse Concilium Romanum sub Gregorio septimo, neque Patrum consensum, quem ipse antea adduxit. *Respondeo*: Imo Scotus satis probè hæc omnia nō rat: sed Transubstantiatio non est definita

*Pet. de Alliac. in 4. q. 6. art. 2.*

definita aut nominata in illo Concilio Romano: tantum realis præsentia definita est, quæ potest esse sine Transubstantiatione, nec Transubstantiationem necessariò requirit: Patres autem nec transubstantiationem, nec realem præsentiam confirmant. Petrus de Alliaco ait, possibile esse, vt Christi corpus assumat substantiam panis per vñionem, & hoc non repugnare rationi aut Scripturæ: imo esse faciliorem modum, quam quenquam alium: ergo Transubstantiatio non ex Scripturis necessariò deducitur: & tandem cōcludit, Transubstantiationem hanc non aliam esse, nisi qua panis substantia & materia esse desinat: quod fieri debet aut per corruptionem aut per annihilationem. Non autem fit per corruptionem, quia materia non manet: ergo per annihilationem: ita ille apertè statuit annihilationem. Ait enim panem conuerri in corpus Christi, vt nox conuertitur in diem, quia post noctem dies est. Dies non fit ex nocte tanquam ex materia, sed nox abiit & euauit, succedit dies. Præclara certè Transubstantiatio! Quis tam cæcus nūc est, vt hoc nomine non exprimi illorum dogma non intelligat? Bonauentura disquirat diligenter, cui mutationi Transubstantiatio similis sit, & 1. ait, quia in ea nihil commune manet, creationi similiorem esse: at tum est annihilatio. 2. quia terminus initialis non est nihil, nō esse similem creationi ait, sed esse potius generationi similem. 3. quia prius est corpus Christi, & nihil

*Bonauent. in 4. d. 11. q. 2.*

hic fit de nouo, nō generationi sed augmentationi similem esse ait. 4. Quia vero nō crescit corpus Christi, non esse augmentationem ait, sed potius mutationem localem. 5. Quia Christi corpus nō relinquit locum, non esse localem mutationem ait: ergo omni motui dissimilis est. 6. Non esse corruptionem aut alterationem ait, quia corruptio non deceret: sed corruptio non minus decet, quam destructio: at in Transubstantiatione destruitur panis, vt disertè Occamus ait: & accidentia non alterantur: ergo concludit Bonauentura esse modum prorsus singularem: diceret potius fictum aut nullum modum esse. Sed hinc constat, quam falso dicant, non posse Christi verba sine Transubstantiatione intelligi, cum ipsi Transubstantiationē nullam relinquunt, & aliter melius intelligi posse concedant.

Tertium nostrum argumentum ex Scripturis sumitur, quæ docent materiam huius Sacramenti esse panem. Matth. 26. Christus accepit panem, illum demonstrat, & de illo ait, *Hoc est corpus meum*. Nam particulam demonstratiuam pertinere ad id, quod Christus accepit & dedit, ex Luca & Paulo patet in altera specie, qui dicunt, *Accipit poculum, benedixit, dedit illis, & ait, Hoc poculum est nouum illud Testamentum per sanguinem meum*. Ibi Hoc ad poculū necessariò refertur: ergo hic ad panem. Si panis sit corpus, ergo panis remanet, & non Transubstantiatur in carnem Christi, nec vinum in sanguinem. Et post consecra-

*Occam. in 4. q. 6.*

*Matth. 26. 26.*

*Luc. 22. 20. 1. Cor. 11. 25.*



1. Cor. 10.  
16. 17. &  
11. 26. 27.  
28.

secrationem Paulus Eucharistiam vocat panem quinquies: quod non fecisset, si nil nisi spectrum panis maneat, id est, accidentia sine subiecto.

Bellarminus 1. de pronomine (*Hoc*) responder, non eo panem materialem demonstrari, idque se prius docuisse: & nos non aliud demonstrari, nisi verum & materialem panem, quem Christus Apostolis suis præbuit, supra copiose demonstrauimus. Nunc duo tantum argumenta afferemus.

*Primo*, *Hoc* rem & substantiam aliquam particularem, & indiuiduum demonstrat: ergo aut verum panem, qualis antea fuit, aut panem cælestem, in quem conuersum esse dicunt: non hunc, quia ridiculum est ut dicas, *Hoc*, id est, *corpus meum*, est *corpus meum*: quod necesse est tū dici. Nam etsi sæpe re aliqua ostensa dicere solemus, *Hoc* est pomum; hoc est gemma; hoc est panis; tamen primo in huiusmodi propositionibus, *Hoc* demonstrat rem sensui in sua vera propriaque forma: aut non est propria prædicatio. Nam si quis arculam proferens auro plenam dicat, *Hoc* est aurum, improprie loquitur, quicquid Lutherani contra garriant. Non hoc opinor, Bellarminus negabit. *Secundo*, in huiusmodi propositionibus, res demonstratur, non qualis futura sit postquam verba prolata sunt, sed qualis ante fuit, & iam sit: at hic est verus panis, antequam verba pronuntiata sunt. Sic ergo disputo: Si Christi corpus non adsit, nisi in fine prolotionis horum omnium

verborum, *Hoc est corpus meum*, tum (*Hoc*) non potest demonstrare corpus Christi: at Christi corpus non ante adest: ergo pronomen (*Hoc*) non potest demonstrare corpus Christi. Et *Hoc* semper rem præsentem demonstrat, & sic verbum est.

*Secundo*, ex verbis Bellarmini argumentum colligo. Bellarminus ait diserte, capite decimo nono huius tertii libri, Dominus accepit in manibus panem, eumque benedixit, & dedit discipulis, & de eo ait, *Hoc est corpus meum*: & addit,

Itaque panem accepit, panem benedixit, panem dedit, & de pane dixit, *Hoc est corpus meum*. Hoc ipsum nos dicimus, *Hoc* panem demonstrare, quia illud, quod Christus accepit, benedixit, dedit, panis fuit: non accepit corpus suum, aut benedixit, aut dedit, sed panem. Nunc ergo Bellarminus causam nostram agit: si enim (*Hoc*) de pane intelligatur, tum panis non transubstantiatur: at verum prius: ergo & posterius. Sed hic agnoscite Bellarmini impudentiam an vafritiem dixerim, nescio: ait de pane hoc dici, sed de pane mutato. Sed *primo* si panis mutatur, tum non est eadem res, quam Christus accepit & benedixit: nam Christus verum panem in manus accepit: *secundo*, si de pane mutato hoc Christus dixit, quæto quomodo, & quando, & quibus verbis mutatus est? Christus nullum verbum protulit, quo mutaretur panis, antequam dedit: nam non mutauit benedicendo, quia mutauit ijs verbis, quib. hodie

mutatur

Bellarmin. l.  
3. de Eucha.  
rist. c. 19 §.  
Primum  
autem ar.  
gumentum

mutatur à sacrificiis, ut illi volunt: at illi mutant his verbis, *Hoc est corpus meum*: Christus autem non his verbis benedixit: nam Christi benedictio fuit *εὐχαριστία*, & *εὐλογία*, quam non ad panem, sed ad Patrem suum direxit, & præcessit hæc verba, *Hoc est corpus meum*: ergo (*Hoc*) panem verum demonstrat. In Canone Missæ diserte habetur, eleuasse Christum oculos in cælum ad Deum Patrem, quando benedixit: at cum dixit, *Hoc est corpus meum*, demisit oculos in panem: ergo his verbis non benedixit. Nunc igitur ad nostrum argumentum veniamus, quod est huiusmodi: *Hoc*, id est, panis est corpus Domini: ergo panis manet.

Bellarminus ait, hoc argumento Lutheranos contra se vti: nam Kemnitius hoc argumentum habet: at panis, inquit, improprie corpus dicitur: nam implicat contradictionem, ut panis proprius sit corpus Domini: quod est verissimum: at Lutherani tamen expositiones figuratas improbant, & τὸ ῥητὸν urgent: at si τὸ ῥητὸν urgeant, necesse est dicant, panem esse ipsum Christi corpus: quod utinam illi tandem animaduverterent. Quare Bellarminus ait, quanto fortius hoc probant Lutherani, tanto se ipsos fortius ligare. At hoc argumento Bellarminus etiam illigatur: dixit enim (*Hoc*) de pane intelligi, quem Christus manibus accepit. Sed ait, Panis mutatus verè est corpus Domini.

*Respondeo*: hanc non esse propriam enunciationem: nam panis mu-

tatus est terminus diminuens: ergo non indicat iam esse panem. Si mutatus sit, non est panis: ergo, si (*Hoc*) panem mutatum significat, prædicatio impropria est: *Hoc*, id est, hic panis mutatus est corpus meum. Idque ex Bellarmino patet: nam hanc propositionem, Panis mutatus est corpus Christi, facit huic similem, Homo occisus est cadaver: at improprie dixeris, hominem occisum esse cadaver, quia occisus homo non est homo: verius dixeris, Corpus hominis occisi est cadaver. Deinde panis mutatus rem indefinitam & incertam significat: at *Hoc* rem definitam & certam: ergo *Hoc* non significat panem mutatum. Sed iam ad Apostolum veniamus, qui vocat panem post consecrationem non semel, sed sæpius: ergo verus panis est.

Bellarminus ait, cibum superstantialem dici panem, vel quia factus est ex pane, vel quia figuram externam panis retinet, vel quia habet effectus & proprietates panis, vel quia more Hebræorum omnis cibus vocatur panis. *Respondeo*: hæc friuola & futilia esse. Nam fieri ex pane non verè & proprie dicunt, sed quia succedit pani, ut dies nocti: ergo eadē ratione possis dicere, diem esse noctem, vel noctem esse diem, quia supersubstantialem hunc cibum vocas panem, cum non nisi pani succedat. At quomodo Paulus vocauit panem, nulli dubium esse potest: ait enim de Christo. *Accipisse panem, & gratias actis fregisse, ac dixisse, Accipite, editis,*

Ffff editis,



edite, Hoc est corpus meum: ergo panē verū omnes Apostoli acceperunt. Quare cum Apostolus postea ait, Quoties manducabitis panem hunc, & Qui manducauerit panem hunc indigne, & Probet se ipsum homo, & sic de pane illo edat, in his locis nomen panis similiter proprie sumitur. Sed

Exod. 7. 10. Bellarminus ait, virgam Aaronis dici virgam, & antequam conuersa est in colubrum, & postea.

Respondeo: Aperta fuit conuersio virgæ in colubrum: sensus huius conuersionis testes fuerunt, sic ut nullum erroris periculum fuerit. Sed si panem vocas, quod non sit panis, & tamen appareat esse panis, est certum & manifestum periculum. Nunquam sic Scriptura loqui solet: nullum tale exemplum ex Scripturis proferri potest.

Sed Bellarminus obijcit illa 1. Cor. 10. Pauli verba, Vnus panis multi sumus: in quibus panis non proprie sumitur.

Respondeo r. Si hic sensus sit, nos esse vnum panem, vt coniunctio nostra exprimitur, tum verus panis intelligitur; sed prædicatio est figurata: ergo de vero pane triticeo locus intelligendus est. 2. Apostolus non ait, Vnus panis multi sumus, sed, ὡς ἓς ἄρτος, ἐν σώματι ὡς ἓς ἄρτος. Quoniam vnus panis, vnum corpus multi sumus, id est, quoniam panis vnus est, quem omnes sumimus, ideo nos omnes vnum in Christo corpus efficimur: ergo panis proprie accipitur vt vniuersi modo. Sed ait Bellarm. ante consecrationem absolute vocari panem

ab Apostolo: nam ait, ἔλαβεν ἄρτον, accepit panem; sed post consecrationem semper addi pronomen, panē hunc, vt constaret eum loqui de pane consecrato. Respondeo: 1. mendacium esse, semper addi pronomen, cum Apostolus de pane loquitur post consecrationem: nam vers. 28. non additur, Probet se homo, & sic edat ὡς ἓς ἄρτος, non ὡς ἓς ἄρτος. 2. Si semper pronomen adderetur, cum Apostolus de pane loquitur post consecrationem, non ideo sequeretur, esse transubstantiationem, sed panem hunc non esse panem communem & cibarium, qualis antea fuit, & qualem in mensa communi sumimus, sed cælestem & mysticum, quia est symbolum rei cælestis. Mutatur quidem vsus non natura. Sed Bellarminus ait, de pane non mutato falsum esse, Qui manducat indigne, iudicium sibi manducat, & reus erit corporis Christi, & non diiudicans corpus Domini.

Respondeo: Non erit falsum, etsi non mutatio substantialis panis fiat. Qui enim gratiæ Sacramentis profane vtitur, ille reus sacrilegii est, vt si quis Baptismo male vtatur. Sic si quis imagine aut sigillo Principis nefarie abutatur, læsa maiestatis reus erit.

Quartum nostrum argumentum sumitur à ratione Sacramenti, idque tripliciter. Primum oportet esse in omni Sacramento res duas, terrenam & cælestem, materiam externam & gratiam internam: verbum accedit ad elementum, & facit Sacramentum; non annihilat elementum:

tum: ac Transubstantiatio materiæ & rem terrenam nullam in Eucharistia relinquit. Bellarminus ait, rem terrenam in Eucharistia esse species illas sensibiles, quæ terrenis sensibus percipiuntur. Respondeo: Species non est materia, imo nihil in se materiæ habet: at in omni Sacramento oportet esse materiam externam: in accidentibus verò nil est materiæ. In Sacramento Baptismi species aquæ non est materia aut elementum, sed substantia aquæ: elementum non est nuda species. Sacramentum autem ex verbo & elemento constat: verbum accedit ad elementum, non tollit elementum: vbi verò nihil remanet, nisi species, elementum saluum non est: ad verum autem Sacramentum requiritur salus elementi. Quare quod ait Bellarminus, elementum non annihilari, etsi id falsum esse norit ex illorum doctrina, quæ veram annihilationem statuit, tamen si non maneat natura panis, quæro quod nā in hoc Sacramento elementum erit? num species? at non sunt elementa: & tum non nisi species erant, antequam Sacramenta erant: nam verbum accedit ad elementum, & fit Sacramentum. Si postquam accessit verbum, materiam elementi sustulit, tum etiam aqua in Baptismo transubstantiatur: si non tollit elementum, tum materia panis non tollitur.

2. Secundo Sacramenta instituta sunt ad confirmandam fidem rerum inuisibilium per signa visibilia: ideo enim aqua abluimur in

Baptismo, vt credamus ita interius nos lauari per gratiam: & ideo panem edimus in Eucharistia, vt nos Christi corpore frui credamus. Si fallimur in externo symbolo, nec panis ibi est, sed spectrum panis, fides rerum cælestium non confirmatur.

Bellarminus ait, non opus esse, vt externum signum habeat effectum suum: in Baptismo satis esse, perfundi aqua, etsi sordes non abluantur: sic in Eucharistia satis esse, vt panem ore sumamus, quatenus significare potest. Respondeo: Quid hoc est, quatenus significare potest? Signum debet reuera significare; at accidens nec significat, nec potest significare spirituale manducationem, quia non editur proprie, sed tantum per accidens: ita non potest confirmare fidem de vera manducatione Christi, sed potius eam labefactat: tum enim non panem, sed spectrum panis ore sumimus; quod potius argueret spectrum quoddam mente percipi, quam verum corpus Christi. Sed Bellarminus ait, nos fateri posse sumi tam exiguum particulam panis consecrati, vt non sufficiat ad hominem alendum corporaliter. Respondeo: Hoc non refert: erit tamen vera manducatio, quantumvis exigua particula sit: ita potest significare internam manducationem. Vnus morsus cibi non sufficit homini alendo, at sufficit ad declarandam veram manducationem. At si similitudines tantum & vmbra maneat, nec edere nec bibere possumus: ita nihil omnino confirmatur.



firmarent fidem nostram de spiritali manducatione. Sed subiungit Bellarminus, etiam species & accidentia Sacramentalia, si in magna copia sumantur, ut Theologi docent, inquit: non ipse audet hoc dicere, sed rem ad Theologos refert: illorum autem insania omnibus manifesta est. Nam substantia non potest nutriri accidentibus: res enim omnes ipsdem nutriuntur, ex quibus constant. Duplex quidem hac de re opinio est inter Scholasticos. Quidam aiunt accidentia cōverti in substantiam nostram virtute diuina, & sic nos nutriri miraculose: viderūt enim vim quandam nutriendi esse in Sacramento. Sed *respondeo* 1. Debet esse Sacramenti non miraculosa, sed naturalis facultas nutriendi, ex qua analogia sit ad supernaturalem: nam si ambæ supernaturales sint, nulla erit analogia. 2. Ex incineratione hoc commentum refellitur. Nam panis Eucharisticus redigi in cineres potest: num accidentia in cineres redigi possunt: an hoc sit virtute diuina? fiuntne hi cineres miraculose? imo hinc palam est, panem & vinum substantiam suam retinere post consecrationem. Alia opinio est, reueri substantiam panis, & ea est Innocentij: si quæras, quid nutriet, quid in cineres abeat: ait panem esse. Sed si panis redeat, ut nos nutriamur, cur panis vlla transubstantiatio fuit? Sed hoc quoque pugnat cum illorum decretis. Dicunt enim Christum esse sub illis speciebus, quamdiu species ma-

Innocent.  
de eff. 10  
Mis. 1.3.

nent: at homines possunt inebriari vino Eucharistico: ergo si verum vinum ibi sit, nulla est transubstantiatio, & Christi sanguis non est sub specie vini: ergo accidentia inebriant, nisi velint hoc Christi sanguini tribuere. Sed nec Christi sanguini, nec accidentibus tribuendum est: ergo vero vino. Et si vinum, quod transubstantiatum est reuertitur, ergo est in hoc Sacramento vera creatio, nisi panem & vinum malint ex corpore & sanguine Christi confieri: quod est horrendum. Sed veram substantiam manere certum est, quia non potest esse alteratio accidentium abstractorum à subiecto: sed vinum Eucharisticum fieri potest acidum, & panis muticus.

*Tertio*, debet esse analogia inter Sacramenta, & rem cuius Sacramenta sunt, ut Augustinus ait. Ea autem duplex est. *Prima*, quod sicut panis nutrit & sustentat corpus, ita Christi corpus nutrit sustentatque animam. *Secunda*, quod sicut panis ex multis granis conficitur, ita qui Sacramentum hoc accipiunt, fiunt vnum corpus. Bellarminus ait, in hac analogia non requiri, ut panis verè nutriat, aut ex multis granis consistat: sed satis esse, si naturaliter representet rem quæ nutrit, & constet ex multis granis. *Respondeo*: Ista esset fallax analogia, si Sacramentum non efficeret, quod significat, id est, non nutriet, sed nutritionem dumtaxat significaret, nec verè ex multis granis compactum esset, sed videretur tantum. Nam Deus voluit adiuuari fidem nostram.

3.  
August.  
Epist. 23.

nostram his externis signis, quia infirmi sumus, ut ex natura & veritate rerum aspectabilium ad fidem rerum cælestium perduceremur. Hic finis instituendorum Sacramentorum fuit: iam multum ab eo sine Deo aberrasset, si Sacramenta non haberent eam vim & naturam, quam præ se ferunt: ad destruendam fidem potius hoc faceret, quam confirmandam. Sed in omni Sacramento à Deo instituto reperiemus externo Sacramento naturalem suam facultatem constituisse. Manna verò panis erat, & nutrebat, ut Christum verè nutrire significaret: & aqua, quæ ex petra fluxit, erat vera aqua, ut Christi sanguinem, quo animæ nostræ abluuntur, verè significaret: & Agnus verus agnus fuit, qui Christum adumbravit: & sanguis, quo postea illinebantur, verus sanguis erat: & sacrificia legis veræ erant immolationes pecudum: alias non fuissent Sacramenta. Similiter nisi aqua in Baptismo esset vera aqua, non esset Sacramentum, quia non esset idonea, ut ablueret sordes corporis: nam olim totum hominis corpus in aqua demergebatur. Ergo non posse in aquis baptizari factitiis factentur Aduersarii: at posset esse in illis significatio, cum veræ aquæ speciem habeant. Et sic in Eucharistia panem ex tritico factum adhiberi oportet: sed quorsum, si natura panis non maneat, nec nos nutriat: si fieret ex hordeo aut siligine, aut si esset pictura panis, non minus sufficeret ad significationem nutritionis. Sed ut vera analogia

constaret, & sic fides nostra niteretur rei veritate, ut quemadmodum hic panis ex multis granis constat, & nutrit, ita nos multi vnum corpus sumus; & Christi corpus nos spiritualiter nutrit: oportebat esse verum panem, non modo similem esse pani. Et sic reuera quantumuis illi nihil panis aut vini superesse dicant, tamen res ipsa horum opinionem conuincit. Nam panis Eucharisticus verè nutrit post consecrationem non minus quam panes propositionis. sacerdotes & Dauidem nutrebat. Imo Sacramentum non modo verè nutrit salutariter, sed si veneno permixtum fuerit, interficit. Ita quosdam legimus. vino Eucharistico epoto expirasse: notæ sunt historiae de Henrico Lucemburgensi, vel ut ab aliis vocatur, Lucelburgensi; & Victore tertio, Papa. Et Matthæus Parisiensis ait, quendam Archiepiscopum Eboracensem hausto veneno in calice obijisse. Num venenum potest cum accidentibus misceri? Et Hildebrandus legitur temperasse atramentum, quo scripsit excommunicationem Henrici, vino consecrato, credo ut tentaret, an vini substantia remaneret. Horrendum certè fuit, Christi sanguinem cum atramento permiscere. Sed quis dubitat, quin possit in calicem consecratum infundi venenum? Et Scholastici disputant de aranea, si ceciderit in calicem, & ibi submersa & præfocata fuerit, num sit dicendum præfocari specie vini, an sanguine Christi. Absit ut Christi sanguine præfocata dicamus, nec

Matth. Parisiens. in  
vita Stephani anno  
1154.



per accidentia sola potest suffocari: ergo per vini substantiam praefocatur. Ita manifestum est, naturas rerum remanere, & hoc esse necessarium propter analogiam. Bellarminus ait, Theologos docere, species alere, si in magna copia & quantitate sumantur: at non hoc species faciunt, sed substantiae: species enim non minus alere possunt cum videntur, quam cum sumuntur. Et hinc crassus error Bellarmini patet: nam si species duntaxat significationi sufficerent, non iussisset Christus accipere & edere: possent enim significare panem, qui nutrit, etsi nunquam sumerentur. Sed ut veram analogiam haberemus, iussi sumus edere: quid? speciem panis? non, sed panem, qui sustentat corpora nostra, ut hoc modo mentes nostras à Christo nutriri intelligamus & credamus. Hanc analogiam Patres agnoscunt. Irenaeus ait, *Quando mixtus calix, & fractus panis, percipit verbum Dei, fit Eucharistia corporis & sanguinis Domini, ex quibus augetur & consistit carnis nostra substantia*: verè ergo panis viniq; substantia remanet. Ita palam est, Papistas nullum relinquere Sacramentum, quia euertunt analogiam Sacramenti, qua sublata nec Sacramentum manet. Nam ex convenientia Sacramenti cum re argumentum à Sacramento ad rem sumitur in hunc modum: Hoc, quod ore sumis, corpus tuum alit: ergo Christus, cuius est Sacramentum, animam tuam alit: Hoc est unum corpus ex multis granis: ergo nos unum corpus sumus, & quasi v-

nus homo, etsi multi. Quis non videt ab illis analogiam omnem tolli? Quare Gelasius Pontifex Romanus ait, *In Eucharistia non esse definit substantia panis & natura vini: etenim imago & similitudo corporis & sanguinis Domini in actione mysteriorum celebratur*. Vbi Gelasius pro nobis argumentum firmissimum, & inuictissimum affert. Vult enim probare contra Eutychem, Christi corpus post unionem remansisse in propria natura, etsi dicatur corpus Filij Dei, & corpus diuinum: idque ex Sacramento. Nam panis manet, etsi sit & dicatur corpus Christi: ergo corpus etiam Christi manet.

Est argumentum à Sacramento ad rem: Quod in typo verum est, idem in archetypo. At si natura panis mutata sit in corpus Christi, tum hoc vel maxime faceret contra Gelasium. Sic enim Christi corpus in diuinitatem mutaretur: quod volebat Eutyches. Sed Bellarminus obijcit Spiritum Sanctum apparuisse in specie columbae ob analogiam inter columbam, & Spiritum Sanctum; & tamen non fuisse opus, ut illa columba esset vera columba quoad substantiam, sed satis fuisse, ut speciem exteriorem columbae haberet. *Respondeo*: hac de re varias esse inter Theologos opiniones.

Chrysostomus ait, non habuisse columbae naturam, sed eius duntaxat figuram. Sic Ambrosius ait non columbam, sed quasi columbam fuisse. Sic Caietanus, & Iansenius. Sed contra Augustinus affir-

Gelas. in  
lib. cont.  
Eutychem.

Chrysost.  
hom. 12. in  
Matth.  
Ambros. de  
Sacrament.  
l. 1. c. 5.  
Caietan.  
& Iansen.  
in loc.  
August.

de agon. affirmat, verum animal fuisse: neque enim Spiritum Sanctum fallaciter apparuisse: non debuisse uti illa fictione: & non fuisse Deo difficile, nouam columbam fabricari. Et AUGUSTINUM sequitur Thomas, & reliqui omnes ferè Scholastici: & Thomas praeclare diluit argumentum Bellarmini. Nam Bellarminus ait, satis esse ut in Sacramento sit aliquid, quod panem significet. Sic Thomas obijcit, non fuisse necessarium, ut esset vera columba, quia venit tantum, ut aliquid significaret: sed hoc potuit fieri per similitudinem columbae. Sed respondet, oportuisse per columbae veritatem significari veritatem Spiritus Sancti: quibus verbis indicat, si non fuisset columba vera, non potuisse significare Spiritum Sanctum: ergo si panis in Eucharistia non habeat verum panis proprietatem, non potest significare corpus Christi. Sed Bellarminus adhuc obijcit, aeneum serpentem repraesentauisse Christum ob analogiam inter serpentem & Christum, & tamen non fuisse illum verum serpentem quoad substantiam.

*Respondeo*: hoc ab eo absurdissime dici. An inter Christum & serpentem analogia fuit? imò Christus serpenti dissimilissimus fuit: venit enim ut caput serpentis contingeret. Fuit quidem inter Christum & aeneum serpentem analogia: sed aeneus serpens non verus serpens fuit: si enim verus fuisset, non repraesentasset Christum: oportuit ergo non verum serpentem esse, ut

Christum referret. Nam ut qui à veris serpentibus icti sunt, & virus illorum in se senserunt, aspectu serpentis aenei, qui non verus serpens fuit, nec vllum venenum habuit, sanati sunt: sic nos, qui impij & scelerati sumus, & multiplicem peccati materiam in nobis habemus, aspectu fideque in Christum, qui nihilo plus peccati in se quam serpens aeneus veneni habuit, seruamur. Hæc analogia est: ex qua constat, non oportuisse esse verum serpentem, sed rem serpenti similem, & rem mortuam, ut Christi mortem declararet. Quemadmodum nihil illo signo in: prius videri potuit ad sanitatem recuperandam; ita nihil Christo despectus fuit pendente in patibulo: & quemadmodum non opus fuit, ut substantia aenei serpentis in eos, qui illum iussi sunt aspicere, delabere: ita non necesse est, ut Christum ore, palato, lingua contingamus, & sic intra nos substantialiter recipiamus. Sed aeneus serpens reuera fuit idem quod apparuit: at in Sacramento volunt apparere panem, sed nullum panem reuera remanere.

*Quintum* nostrum argumentum est huiusmodi: Transubstantiatio multis hæresibus fenestram aperit, ut hæresi Marcionis Valentini, Eutycheris, & aliorum, qui Christi corpus phantasticum esse dixerunt. Si enim corpus eius inuisibile volitet per innumera loca, & modo hic incipiat esse, modo illic, & nunquam appareat, quis non phantasma esse suspicetur? Ita veritas

Irenaeus  
l. 5.

5.



ritas humanitatis Christi in dubium veniet. Bellarminus hoc argumentum ait esse verum phantasma; quia habet faciem argumenti, sed verum argumentum non est. Nam phantasmata, inquit, videntur esse vera corpora, sed non sunt: at Christi corpus in Eucharistia non videtur oculis externis esse verum corpus, & tamen re ipsa verum corpus est, ergo habet contrarias conditiones ijs, quæ conueniunt corpori phantastico.

Respondet: hanc esse responsionem phantasticam. Nam Christi corpus esse in Eucharistia, & non videri, est *ἀόρατον*: ad naturam enim corporis compositi pertinet *ὁρατόν*, videri: & fieri non potest sine miraculo, vt sit ibi corpus Christi, & à nemine sentiatur. At miracula nunquam à Deo fiunt ad fidem labefactandam, sed confirmandam: hoc autem miraculo fides debilitaretur, quia corporis veritatem tollit: at omnimodo voluit Christus confirmare veritatem corporis sui. Præterea miracula non pugnant cum articulis fidei: si verò pugnet, Diaboli non Dei miracula sunt: iam vero vt corpus Christi sit in loco, & non appareat, cum fide pugnat: nam Christi corpus humanum esse, de fide est: at humana corpora omnia sunt *αἰσθητά*, sensibilia. Christus ipse Apostolis suis dixit, *ἴδετε τὰς χεῖρας μου, & ὁδοὺς μου, ὅτι αὐτὸς ἐγώ εἰμι*: *ψηλαφήσατε με, & ἴδετε*, Videte manus meas, & pedes meos: nam ego ipse sum: contrectate me, & videte: nam spiritus carnem & ossa non habet, sicut me θεωρεῖτε ἐχόντα, id est, conspicitis

Luc. 24. 39.

habere. Christi verò corp<sup>9</sup> sibi semper simile est, quod ad eius essentialia proprietates attinet: ergo semper videri, palpati, sentiri potest: corpus igitur Eucharisticum non potest esse corpus naturale Christi, quia corporis *ἡ φύσις* naturalia, id est, affectiones naturales non habet, vt posse percipi sensu, quemadmodum Christus voluit corpus suum diiudicari. Apostoli putabant esse corpus phantasticum, quod viderunt: putabant enim se *πνεῦμα θεωρεῖν*, spiritum videre, vel *σφαιρῶν*: ergo pendebant animi, nec credebant esse Christum: quare Christus vt persuadeat de veritate corporis sui, iubet illos propius accedere, & explorare, Thomam etiam digitos in vulnera immittere permisit; imò & coram cibum cum illis sumpsit. An Christus tam sollicitè discipulis suis comprobauit corporis sui veritatem sensuum experimento, & nunc contra cauet, ne corpus ipsius vilo sensu deprehendatur? Tum etiam verba Christi omnem dubitationem remouent: *spiritus*, inquit, *non habet carnem & ossa*, vt ego habeo, & vt vos me θεωρεῖτε ἐχόντα, *conspicitis habere*: vnde constat, si non sensissent carnem & ossa, illos non aliud nisi spiritum se vidisse iudicatos. Nam vt spiritus non habet carnem & ossa, ita hæc in corpore necessariò sunt, & esse intelliguntur: alias non certam fidem illis Christus fecisset. Nam alioqui spiritus non minus putari potest, qui habet carnem & ossa, quam corpus, quod non habet carnem & ossa: vtrumque

que

que autem est *ἀδύνατον*, impossibile, vel, vt spiritus carnem & ossa habeat, vel vt corpus non habeat.

Christi autem corpus in Eucharistia non habet carnem, nec ossa: si habeat, age, exploremus; quod Apostoli facere iussi sunt, admoveamus digitos & oculos: at nullum corporis signum inueniemus. Tum etiam corpus verum conclusum esse in tam exiguo spacio non potest: nam verum corpus est corpus physicum: at physicum corpus non potest includi in minore spacio, quam iusta quantitas requirit, & quam dimensiones pariuntur: vix musca in tam angusto loco concludi & contineri potest, nedum corpus Christi: at maius contineri à minore est *ἀνυπόστατον* contradictorium: non patitur ergo, vt hoc esse verum corpus credamus. Denique esse in tam multis locis, pugnat cum natura corporis quod vnum est continuum, idemque est in vno duntaxat continuo loco: diuidi autem necesse est, quod loco distinguitur, quia distinctio locorum arguit distinctionem locutorum. Et hoc etiam palam contra Papistas facit, *Non est hic, sed surrexit*. Non fuit in sepulchro, quia surrexit: non est igitur in Eucharistia, quia ascendit. Et Christus ait, *Gaudeo me illic non fuisse*: Christus non fuit cum Lazaro moriente, quia in alio loco fuit: ita Christus nunc in cælo est: ergo non in terris. Si hæc aliter se habeant, Christi corp<sup>9</sup> non verum sed phantasticum est. Atque hoc est, quod Marcion, Valentinus, Eutyches, & alii hære-

Luc. 24. 36.

tici dixerunt, CHRISTVM habuisse tantum imaginem veri corporis. Tertullian<sup>9</sup> refellit Marcionem ex Sacramento in hunc modum: Christus instituit figuram corporis sui in Eucharistia: ergo habuit verum corpus. Consequentia probatur, quia res vacua & phantasma non potest capere figuram: at Christus voluit panem in Eucharistia esse figuram corporis sui: quod sic probat, quia dixit Christus, *Hoc est corpus meum*, id est, *figura corporis mei*: figura autem non fuisset, nisi veritatis esset corpus. At si panis nullus relinquatur, non potest esse figura corporis. Nam si res phantastica figuram non capit, vt ait Tertullianus, multo minus figura phantastica verum corpus comprobabit. At volunt Papistæ in Eucharistia non panem sed speciem eius figuram esse corporis Christi: at qualis figura est, talis ea res est, cuius est figura: figura autem est sine re, vt volunt Papistæ, id est, phantastica: ergo & res ipsa phantastica est. Ita Marcionis dogma ex Papistarum sententia confirmatur.

Similiter Chrysostomus refellit eos, qui Christum imaginæ mortuum esse dixerunt, Marcionem scilicet & Manichæos, ex Sacramento: at si in Sacramento non res verè sint, sed rerum tantum imagines, hinc Christi mortem potius fuisse imaginariam sequeretur.

Ita Theodoretus eodem argumento usus est. Sic enim hæreticus: Symbola corporis Domini

Gggg

alia

Tertull.  
4. cont.  
Marcion.Chrysost.  
hom. l. 33.  
in Mat.Theodoret.  
in dialog.  
ἀνυπόστατον



alia sunt ante sacerdotalem inuocationem: sed postea μεταβάλλεται, mutantur, sic corpus δεσποτικόν, inquit, id est, *Dominicum* mutatum est εἰς ὁσίαν θείαν, id est, in *substantiam*, vel, *essentiam* diuinam μετὰ ἀνάληψιν, post assumptionem, vel, *receptionem* in calum: Orthodoxus responderet, ἐάλωσ αἱς ὁφθαλμοῖς ἀρεθίσιν, *Irretritus es laqueis, quos contexuisti*: nam, mystica symbola post benedictionem à natura propria ἡ ἐξ ἑαυτῶν, id est, *discedunt*. Nulla ergo est transubstantiatio: nam in omni Transubstantiatione oportet ut res ἐκ τῆς οὐκείας φύσεως, à propria natura discedat. Addit, μένει, *manet* non modo in priore forma & figura, sed & οὐσίας ὁσίας, in *priori essentia*, seu *substantia*. Si manet panis substantia, tum non transubstantiatur: at manere Theodoretus ait. Sed quorsum ista? Theodoretus addit, ὡς ὁ θεὸς τῷ δέχεται τὴν εἰκόνα, *Compara cum archetypo imaginē*, seu, *similitudinem*: oportet enim εἰκομέναι τῇ ἀληθείᾳ τὸν τύπον, *similem esse veritati typum*, inquit: at Christi corpus post assumptionem habet περιεχόν ἐν δόξῃ, καὶ σχῆμα, καὶ οὐσίαν, *priorem speciem, & figuram, & circumscriptionem*. Si circumscriptionem eandem semper habeat, tum non est in Sacramento sine circumscriptione, ut Papistæ & Lutherani volunt. Addit Theodoretus, καὶ ἀπαξάπαλως, & *omnino omnia, quæ ad ὁσίαν*, id est, *substantiam* pertinent. Ita Sacramentum cum corpore Christi comparat in hunc modum: ut Sacramentum retinet substantiam & circumscriptionē,

sic corpus Christi. Sic Gelasius: In *Gelasio contra Eucharistiam non definit substantia panis* Eutych. & vini: ex quo colligit, non esse substantiam corporis Christi ab eius diuinitate absorptam. Si ergo in Sacramento Transubstantiatio esset, hoc argumento hæresis multorum confirmaretur: quod in argumento positum est. Vnde sic disputo: Si Patres argumentum à Sacramento sumpserūt, quo Christi veram humanitatem probarēt, ut quia panis & vinum post sanctificationem retinent substantiam, quam prius habuerunt, ita Christi corpus post ascensionem idē manet, quod ante fuit; tum si panis & vini natura omnino sublata sit per Transubstantiationem, & non nisi species maneant, hoc non modo nō refelleret illas hæreses, sed stabiliret & confirmaret. Non igitur verum, quod Bellarminus ait, Christi corpus non est phantasma in Sacramento, quia phantasma videtur, & non est, Christi corpus est, sed non videtur: nam quod nō videtur, non est corpus, & non modo quod non videtur, sed quod non tangitur: in Eucharistia autem CHRISTI corpus nec videtur, nec tangitur.

Sextum nostrum argumentum sic instituimus: Si panis transubstantietur in carnem, & vinum in sanguinem Christi, tum idem manet sub utroque termino: idem autem non manet, ut Papistæ volunt: nam nihil panis post transubstantiationem manere vult Bellarminus: ergo panis non verè transubstantiatur, sed resilit, vel recedit,

ait, vel in totum definit. Et hac in re suam insipientiam toti mundo manifestam facit, cum transubstantiationem eiusmodi mutationem statuit, in qua nihil transubstantiationi simile sit. Nam hæc vox, transubstantiatio, fit ex trans, & substantia, qua significatur substantiam transire ab vno termino in alium, ut quando aqua à Christo mutata in vinum transit, ita tamen, ut materia maneat in utroque termino, licet sub diuersis formis. Si enim tota aquæ substantia vel in alium locum migrasset, vel penitus euauisset, & vinum subiisset in eum locum, ut vini nunc tantum fuerit, quantum aquæ prius; nemo eam transubstantiationem diceret. Sed Papistæ talem transubstantiationem statuunt: ergo ut dogma est monstruosum, ita nomen est ineptum & alienum. Nam in illa Transubstantiatione aquæ in vinum ex materia aquæ factum est vinum, & aquæ materia in vinum transit: at Papistæ affirmant panē & vinum cedere, non ex pane & vino fieri corpus & sanguinē Christi. Ita nos verissime illos in stultitia sua deprehensos dicimus, cum annihilationem pro transubstantiatione statuunt.

Sed Bellarminus ait, annihilationem non esse, nisi quando aliquid sic definit, ut ei nihil succedat.

Respondeo: Annihilatio est simpliciter rei interitus, quæ fuit: ergo si quod fuit, prorsus intereat, etsi aliud succedat, erit eius rei vera annihilatio. Nihil interest ad rem,

quæ fuit, & iam non est, quod aliquid successerit. Sed hoc miserrimū Papistarum subterfugium est, non esse annihilationem, quia panis remoto corpus Christi succedit: at non fit ex pane hoc corpus: ergo panis annihilatur, quia nihil remanet, quod fuit panis: ubi vero nihil substantiæ reliquum est, necesse est totam substantiam annihilari: ergo hæc annihilatio est. Sed Bellarminus hoc negat, de pane transiri in corpus Christi: hoc vero probat, panem transire in corpus Christi. Sed si transubstantiatio esset, oporteret de pane in corpus transiri. Sed num concedit panem transire in corpus? Dicimus, inquit, vltimatissimè, noctem conuertere in diem, & diem transire in noctem.

Respondeo: Impropiè hoc dicitur, etsi vltimate; non enim nox in diem conuertitur, aut dies in noctem transit, sed nox euanesceat, & dies sequitur: sic visus in cecitate transit, id est, interit, & cæcitas, quæ est priuatio, succedit. Ergo transubstantiatio improprie vocatur, quia panis non magis transit in Christum, quam nox in diem: at nox tota profligata est: ergo non transit. Sed Bellarminus affert exemplum conuersionis cibi in hominem, & vnius elementi in aliud. Sed quæro num similem his transubstantiationem statuatur? si enim statuatur, tum corpus Christi in Eucharistia habet in se aliquid panis: nam cibi aliquid in nobis remanet, & vnius elementi aliquid in alio: materia enim & substantia

cibi in nostram substantiam, & materia vnius elementi in aliud transsit: at Aduersarii volunt nil panis superesse in Eucharistia. Quamvis non est transubstantiatio elementorum aut cibi: nam ista est naturalis conuersio, sed transubstantiatio est supernaturalis & miraculosa: & transubstantiatio est mutatio æquiuoca, quia non ex causis proprijs fit. Igitur dicant, quid de ista desitione panis, & successionem corporis Christi sentiant. *Primo*, si panis desinat, tum aut in nihilum transit, aut in aliud: si in nihilum, tum in omni Transubstantiatione destruitur creatura, & omnis transubstantiatio est perniciēs & exitium creaturæ, & sic Deus quotidie mille creaturas destruit, & in nihilum redigit. Sed Deus non destruit in totum quod fecit.

*Thom. in 3. 975. art. 3.* Sic Thomas ait, Deum non esse authorem tendendi in non esse: idque ex Augustino probat. Si verò panis in aliud transeat, dicant illi in quid? non in corpus CHRISTI, quia tum aliquid panis remaneret in corpore Christi: non in aliud, quia nō possunt explicare, in quid aliud. Et nil potest subito mutari in aliud, quod est mistum: & tum etiam hoc fieret visibiliter. *Secundo*, si Christi corpus succedat, dicant unde materiam accepit? certè aut de nouo productum, aut de cælo delapsum est: non de nouo producti volunt: nec de cælo delabitur: tum enim per spacia intermedia trāsiuit, & prius in aere fuit, quam in hostia: si hic repente adsit sine descēsu, tum corpus Christi, quod

hic est, nunquam fuit in cælo: si enim illud, quod in cælo fuit, sit hic, oportet descendere. Si verò de nouo producat, tum aut de substantia panis producit, aut è nouo creatur: è substantia panis produci negant: si verò è nouo creatur, tum est noua creatio in quauis transubstantiatione.

Caietanus ex pane & de pane *Caietan. in Thom. 3. q. 75. art. 4.* corpus Christi fieri contendit, & ait, secundum veritatem nullam esse Transubstantiationem, quam illi ponunt. Et Sotus ait, non desesse, qui Caietanum sequantur: & vetus opinio hæc fuit Henrici Gandauensis: imo Sotus ait, hanc *Sot. in 4. d. 9. q. 2. ar. 4.* fuisse opinionem Ambrosij, quæ admodum ex eius verbis patet: sed fallitur: nam Ambrosius non putat ex pane fieri corpus Christi. Et Magister Sententiarum sic sentit: & Innocentius etiam Papa. Et *Innocent. de offic. Miss. l. 4. c. 6. Scot. in 4. d. 11. q. 1.* Sotus disertè affirmat, non esse hanc transubstantiationem, sed esse annihilationem. Ita manifestum est, Bellarminum à doctissimis Scholasticis atq; etiam ab alijs dissentire. *Septimum* nostrum argumentum sumitur ex confessione Berengarij, quam ei Nicolaus secundus Papa in Concilio Romano præscripsit, eique ille subscripsit, atque eo modo mortem effugit. In illa confessione habetur, panem & vinum post consecrationem esse non solum Sacramentum, sed etiam verum corpus & sanguinem Domini, & sensualiter ac in veritate sacerdotum manibus tractari, & frangi, & fidelium dentibus atteri. Hinc colligimus, panem & vinum

vinum verum in Eucharistia manere, & tractari sumique sensualiter, & dentibus fidelium atteri: nisi ista velimus de corpore Christi intelligere: quod absurdum est, & horrendum, nec fatente Bellarmino sine ingenti blasphemia dici potest.

*Wicleff. apud Waldens. tom. 2. c. 4.*

*Lanfranc. in lib. de corpore Domini.*

Recte igitur Wicleffus ait, Innocentium tertiū, qui transubstantiationem definiuit, dissensisse à Nicolao secundo, qui in abiuratione Berengariana, cuius ipse author fuit, panem & vinum manere dixit: & ipse Berengarius postea professus est sic se sentire: vt est apud Lanfrancū; vt qui dicit Christum esse lapidem angularem, inquit, nō tollit, sed ponit Christum: sic qui panem esse carnem Christi dicit, non tollit panem, sed ponit: Denique hæc confessio aut verum panem remanere statuit, aut carnem Christi dentibus frangi, aut nullus ex verbis sensus elici potest. Et sane ea vertigo mentes illorum, qui hanc palinodiam scripserunt & condiderunt, occupauit, vt nil potuerit definiri absurdi, quia nullus grammaticus sensus ex ea elici potest. Lutherani affirmant, hanc confessionem pro se facere: & quidem multo magis pro illis facit, quam pro Papistis. Bellarminus tamen conatur explicare Concilij decretum, & ait continere nil falsum, aut fidei contrarium. Quod vt doceat, partes quatuor huius confessionis facit.

1. *Prima* est, panem post consecrationem esse Sacramentum: & ait, nullum Aduersariorum hoc nega-

re. *Respondeo*: Nullus nostrum negat, panem esse Sacramentum post consecrationem, quia veram naturam panis manere post consecrationem credimus. Sed quomodo illi hanc confessionem intelligent, qui panem mutatum esse consecratione affirmant? sic enim in Confessione habetur, panem & vinum post consecrationem esse Sacramentum: ergo post consecrationem aut panis verus manet, vt sit Sacramentum, aut quid post consecrationem est Sacramentum? Num species panis & vini? at ait Concilium, panem & vinum post consecrationem esse nō solum Sacramentum, sed corpus & sanguinem Domini: ergo non intelligi species certum est, quia etsi species dici possunt Sacramentum, vt illi volunt, tamen non possunt dici corpus & sanguis Christi. Quid ergo? num per panem intelligitur panis cælestis, id est, num corpus Christi per panem intelligitur? nō potest, quia Concilium ait esse Sacramentum: at corpus & sanguis Christi non est Sacramentum: hic autē panis est Sacramentum. Quid igitur per panem intelligemus nisi verum panem? ergo post consecrationem verus panis remanet. Nam ait Concilium, panem & vinum, quæ in altari ponuntur, esse Sacramentum post consecrationem. Sic igitur disputo: Per panem intelligitur necessariò, aut species panis, aut corpus Christi, aut verus panis: non species panis, quia & panis dicitur, & non solum esse Sacramentum affirmatur, sed & verum



rum Christi corpus post consecrationem: non corpus Christi, quia corpus Christi non est Sacramentum corporis Christi, & hic panis vocatur Sacramentum corporis Christi. Superest ergo esse verum panem.

2.

*Secunda pars Confessionis est, eundem panem post consecrationem esse verum & naturale Christi corpus: quod intelligitur (inquit Bellarminus) de pane mutato substantialiter virtute consecrationis. Respondeo: Monstra Bellarminus loquitur, & sibi contradicit, 1. ait, eundem panem esse corpus Christi, sed mutatum substantialiter: at si mutatus sit substantialiter, iam non est idem: nam substantialis mutatio facit, ut non possit esse idem: non enim manet idem, quod substantialiter mutatur. Sed sine tam crassa contradictione defendi Confessio Berengarii non potest. 2. Adhuc apertius sibi Bellarminus contradicit. Nam ex hac eius responsione sequitur, esse in Eucharistia mutationem post consecrationem: quod nemo dixerit: nam mutatio, si quæ sit, in consecratione consistit. At in Berengarii confessione sermo est de pane post consecrationem, & dicitur panis esse Sacramentum post consecrationem. Nam si de pane ante consecrationem verba intelligentur, falsissimum est quod dicitur, esse non modo Sacramentum, sed & verum corpus Christi: non enim ante consecrationem sic est: ergo manifestum est, hoc dici de pane post consecrationem. Iam Bellarminus ait, eundem panem*

sed mutatum esse verum corpus Christi: at nulla est mutatio panis post consecrationem: ergo necesse est de eodem pane sine mutatione dici, quod sit non solum Sacramentum, sed & verum corpus Christi. Hunc Iesuitæ nodum ex hac Confessione tollat, si poterunt: at dum mundus iste steterit, nunquam poterunt.

Sed Bellarminus ait, panem consecratum esse Sacramentum quoad species externas, & quoad internam substantiam esse verum & naturale Christi corpus. *Respondeo: Nil dici absurdius potuit. Nam panis consecratus quid significat aut supponit? num accidentia panis, an corpus Christi, an utrumque? si accidentia, tum hic sensus erit, accidentia sunt Sacramentum quoad accidentia; quod est ridiculum: ergo aliquid præter species erit Sacramentum: num corpus Christi est Sacramentum secundum species? at nemo id dixerit. Quid igitur per panem consecratum significatur? & species & corpus Christi: ergo hoc modo corpus Christi & species externæ erunt Sacramentum, sed per species, vel quoad species: at corpus Christi nullo modo est externum Sacramentum. Nullus igitur sensus est, qui non illorum Transubstantiationem evertat. Sic enim nostrum argumentum instituimus: Panis post consecrationem est corpus Domini: ergo post consecrationem panis manet.*

Bellarminus cum Lanfranco respondet, manere panem, sed celestem.

stem. Sed quis hos putaret tam cæcos, ut non viderent, eum panem, qui manet post consecrationem, dici in Confessione Sacramentum? at panis celestis, qui est caro Christi, non est Sacramentum carnis Christi: nam ipsi Sacramentum externum non esse corpus Christi fatentur, quia Sacramentum ex duabus rebus consistit, terrena, & celesti: caro autem Christi res una est eaque celestis. *Tertia pars confessionis est, corpus Domini sensualiter manibus tractari, frangi, atterique dentibus. Bellarminus ait, Chrysostomum sic loqui. Respondeo: Certè Chrysostomus multa loquitur de Sacramento Eucharistiæ ἐμφανῶς. Eo in loco, quem citat primo Bellarminus, ait Christum videri, tangi, comedi: imo nos ait ali carnibus Christi, & nos carnem eius lingua contingere. Et alibi ait, non modo tangi & manducari Christum, sed etiam dentes nostros eius carni infigi. Et adhuc alibi, ait Christum hic pati, quod in cruce non est passus, ut propter nos se frangi sustineat: & ait, ipsum Christi corpus δειξω σοι καὶ μόνον demonstrabo tibi positum in mensa scilicet Domini: & licet id ἐν τῷ ἑβραϊστικῷ σῶμα, videre Regis corpus. Imo alibi ait, nos videre in Eucharistia τὸν κύριον πεποιημένον, Dominum mactatum, & omnes, τῷ πρῶτῳ ἐκείνῳ ἀμαρτωλοῖς ποτιζόμενος, precioso illo sanguine cruentari, vel, rubescere, & omnes hæc ποιεῖν ἡμεῖς τὸν ὁφθαλμῶν, coram oculis suis. Quis tam improbus est, ut ista rigide urgenda, & quemadmodum verba præ se ferunt, in-*

telligenda esse contendat? imo sic palam & falsa & impia essent. An nos Christum mactari cernimus? an nos eius sanguine perfundimur & cruentamur? an Christus nunc plus patitur, quam in cruce passus est: horrida hæc sunt, si verbis adherescamus. Quare hæc mysticè intelligenda sunt de Sacramentali & spiritali mactatione, manducatione, nutritione, quæ fide non sensibus percipiuntur. At Nicolaus Papa cum Patribus in Concilio Romano statuit, non tantum in Sacramento & signo, ut Chrysostomus, sed etiam sensualiter & in rei veritate manducari Christum: ubi in veritate opponitur Sacramentali modo, quia hoc fieri Sacramentaliter Berengarius docuit, sed non realiter. Num ergo sensualiter Christi corpus teritur? sic palam Concilium statuit. Sed Bellarminus sic exponit, nempe teri, & tangi, & frangi, mediantibus speciebus. Sed 1. si mediantibus speciebus teritur, ergo teritur, ut substantia quæ mediantibus accidentibus franguntur, verè franguntur: sic igitur non minus verè frangetur & atteretur caro Christi, quam caro bubula: nam illa mediantibus accidentibus frangitur & atteritur. 2. Si hic sensus sit, species teri, non carnem, præclara certa hæc confessio fuit, ad quam illi Patres Berengarium adegerunt, ut diceret species teri. At species non magis nunc teruntur, quam si verus panis hic esset. 3. Species nudas & separatas, in quibus nihil est solidi, absurdum est teri & frangi: nam solidum

3.

Chrysost.  
hom. 83. in  
Matth.

Idem hom.  
45. in Ioan.

Idem hom.  
24. in 1.  
Cor.

Idem de  
Sacramentis  
l. 3. c. 4.

solidum oportet esse, quod frangitur, & teritur: merorum accidentium nulla potest esse vel fractio, vel attritio. Non teri potest, quod substantiam non habet: nuda autem species non sunt substantia: non ergo teri possunt. Impropriè loquitur, qui accidentia aut teri aut frangi ait; sed substantia per accidentia teruntur & franguntur: ergo fractio propriè ad Christi corpus pertinet: hoc autè immane est, & cum omni execratione explodendum. Sed Bellarminus ex Scripturis similes phrasas affert, ut cum Christus ait, *Quis me tetigit?* & postea, *Tetigit me aliquis*: cum tamen nemo corpus eius, nisi mediante fimbria vestis tetigerat: & nos vltate dicimus, inquit, Pluuia me totum madefecit & humectauit, cum fortè nil nisi pallium aqua aspersum fuerit.

*Respondeo*: Hæc omnino dissimilia esse. Christus se tangi ait, cum non nisi fimbria vestimenti eius tangeretur, & nos complui dicimur, cum vestimenta nostra compluuntur, impropriè. Sic Christum in Eucharistia impropriè Sacramento tenus frangi & teri nos cōcedimus. Sed Patres in Concilio Romano realem fractionem vrgent, quia aiunt verum corpus Christi non modo Sacramentaliter, sed in rei veritate teri & frangi. An in veritate nemo se pluuia madefactum dixerit, si pluuia non peruenerit ad cutem eius. Deinde accidentia non sunt similia vestimentis: nam vestimenta sunt sub-

stantia, quæ tangi & irrigari possunt: sed accidentia non sunt substantia, ut secreta à subiectis possint illas actiones pati.

*Quarta* & postrema pars confessionis Berengarianæ est, contactum illum sensualem carnis Christi non esse tantum in Sacramento, id est, in symbolo, sed etiam in rei veritate: & hanc particulam additam esse ait Bellarminus ob fraudes hæreticorum. Nam qui picturam Christi tangeret, inquit, & videret, posset dicere, se Christum tetigisse & vidisse sensualiter: sed non sic in Sacramento, quia ibi tangitur ut reipsa præsens sub accidentibus illis: & ideo positum esse in hac confessione, *in rei veritate*.

*Respondeo*: non hoc in rei veritate fieri. Non enim quia species tanguntur & videntur, ideo corpus Christi in veritate tangitur & videtur: nam 1. hæc non sunt species corporis Christi, sed panis: non ergo inseruiunt demonstrando corpori Christi. Nemo se diceret videre panem, qui nil videret nisi species lapidis. 2. Nemo dixerit eum teri, aut lacerari, cuius tantum vestis teritur aut laceratur: multo minus Christi carnem teri dicendum, quia species panis teruntur, quia non in hærent corpori Christi, sed ab omni subiecto secretæ sunt. Ita constar hac confessione aut nostram sententiam cōfirmari de remansione panis, aut sensum nullum nisi impossibilem, absurdum, detestabilem, elici posse. Et ipsos semper laborasse in hu-

4.

Lombard.  
in 4. d. 12.  
lit. D.

Roffens.  
cont. Oeco-  
lampad. l.  
3. c. 12.

Caieran. in  
tract. de  
Eucharist.  
c. 3.  
Can. in loc.  
com l. 5. c.  
vlt.

Alan. de  
Sacram.  
Eucharist.  
l. 1. c. 37.

ius definitionis genuino sensu exquirendo apparet. Lombardus ait, quosdam ex hac confessione Berengarij docuisse CHRISTI corpus essentialiter frangi. Et sic quidem verba præ se ferunt: sed Lombardus non auder sic dicere, quia tum CHRISTI corpus corrumperetur. Glossa in Gratianum ait, *Nisi sane verba intelligas, incidis in maiorem hæresin, quam ipse Berengarius*. Ioannes Roffensis non audet defendere, sed ait, quia Berengarius in alterum latus nimium exorbitauit, Concilium in alterum trahi plus æquo. Caieranus negat illos dicere, quod dicunt, nempe Christi corpus sumi corporaliter & perceptibiliter: at quid aliud est, sensualiter? Canus ait, Christi corpus post consecrationem sibi omnia vindicare, quæ antea panis: at panem antè frangi verè & substantialiter constat. Posuit ille tamen (mentibus) pro (dentibus) & non male: nam, certè si corpus Christi dentibus teratur, nō minus infidelium quam fidelium dentibus teri necesse est. Alanus ait: Apertissimè loquimur, corpus & sanguinem Christi contractari verè, manducari, circumgestari, carni nostræ immisceri, dentibus teri. Non ait, in signo tantum, ut noster Bellarminus. Quis non hæc abhorreat? hæc si vera sint, tum Christi corpus erit mortale & corruptibile. Nam si frangatur per species, tum corripitur per species, quia species corrumuntur: ergo si verè vel in rei veritate frangatur, tum verè corrumptur necesse est.

*Octauum* nostrum argumentum sic se habet: Panis Eucharistia varias mutationes recipit, quæ non possunt fieri sine substantia, quæ sit illarum mutationum subiectum: ergo substantia panis & non sola accidentia in Eucharistia manent. Antecedens probatur, quia panis Eucharistia potest alterari & corrumpi, sic ut ex eo aliud generetur, homines eo nutrir & vermes inde procreari possunt: potest combui, & in cineres verti: & sic olim solebant reliquias Sacramenti comburere, ut ex Origene patet: aliqua certe materiam fuisse necesse est, quæ comburebatur: & vinum verti in acetum potest. Nuda accidentia non possunt istas mutationes recipere.

Bellarminus ait, hoc argumentum facile posse solui: sed inueniet non ita facile solui posse, ac ille putat. Quid enim responderet? ait mutationem in pane Eucharistia esse vel alterationem solam, vel corruptionem. Vbi statim aut sibi contradicit, aut imposturam sophisticam exercet: nam loquimur nos de ijs mutationibus, quæ fiunt in Eucharistia post transubstantiationem, quando nullus panis remanet: ille ait mutationes istas in pane fieri. At nos posse in pane has omnes mutationes fieri intelligim? quæ admodum autem in Eucharistia fiunt post cōsecrationem nescimus; neque illi possunt nisi absurdè tales mutationes in accidentibus ponere. Sed sequamur Bellarminum. Omnis mutatio, inquit, in pane Eucharistia est vel sola alteratio,

H h h h vel

8.

Origen. in  
Leuit.

Luc. 8.  
45. 46.



vel corruptio. Quid si alteratio sit, ut calefactio, condensatio, & huiusmodi habent, inquit, quantitatem pro subiecto, quæ in Sacramento manet: & qualitates aut posse manere in quantitate separata: sic posse in eandem introduci qualitates novas.

*Respondeo:* Quantitas non potest re separari à substantia: tum enim esset aliquid longum, & latum, & profundum sine materia aut substantia: quod est *ad id v. m. v.* Quantitas nisi sumatur pro re quanta, non minus est accidens, quā qualitas: si pro re quanta sumatur, tum res quanta adest: si res quanta adsit, ergo panis: quantitas abstracte non potest esse subiectum accidentiū. Non enim est quantitatis, esse subiectum accidentium: est ea definitio substantiæ: fieri ergo non potest sine miraculo, ut in sola quantitate abstracta sint accidentia, ut in subiecto: & Bellarminus hic nullum miraculum agnoscit.

Quantitas aut in abstracto est, aut in concreto: si in concreto, pro re quanta sumitur, & tum est substantia: nam prædicamentum quantitatis est quantitatis in abstracto: si in abstracto, tum non magis album in lato, quā latum in albo, ut in subiecto esse potest, & quantitas æquæ est in subiecto ac qualitas: nam sine subiecto ne distingui quidem possunt. Sed quid si corruptio sit? nam in hoc Sacramento non modo alteratio esse potest, sed & corruptio, ut in combustionem, aut quando vermes ex pane generantur, aut

vinum acescit. Bellarminus ait, tum quidem requiri materiam: ubi dat non posse corrumpi, nisi sit materia: alterari verò sine materia vult. Sed si materia necessaria sit ad corruptionem, similiter ad alterationem necessaria est: & si Eucharistia potest alterari sine materia: posset etiam sine materia corrumpi. Sed quia non potuit modum inuenire, quomodo tales corruptiones fierent, nisi ut materiæ aliquid ponatur, dat materiam requiri in corruptione. At nil materiæ, quod corrumpi possit, post transubstantiationem remanet. Deberet ergo Eucharistia aut immortalis esse (& quidem accidentia separata non magis possunt corrumpi, quam vniuersalia, quæ sunt æterna) aut saltem diutius sine corruptione remanere. At Eucharistia in vtraque specie tam cito corrumpitur, quam si nulla esset transubstantiatio: quod mirum est, cum nil corrumpi sine materia possit, & nil materiæ maneat in Eucharistia post transubstantiationem, nisi Christus: unde hæc noua materia? Deus substituit, inquit: sed quando? in illo ipso instanti, inquit, quo desinunt esse illæ species, & in quo aliud generatur: in instanti scilicet, quo vermes generantur, aut acetum, Deus substituit materiam. Sed hoc absurdum est, ut dicamus Deum introducere materiam, ex qua vermes in Sacramento fiant: multo Deo dignius esset, efficere ne vermes generentur omnino, quam vermibus materiam præparare. Sed aut Deus materiam intro-

introduxit, antequam verminatio fieret, aut verminationis principium & semen in Eucharistia est: non in Eucharistia; nam ait materiam requiri ad corruptionem: at nulla materia ibi remanet, ut illi volunt, nisi corpus & sanguis Christi: ergo Deus materiam substituit, ut sic locus verminationi sit: ergo non ante species mutatae sunt, quam Deus hanc materiam substituit. At 1. corruptio non fieret, nisi ex vi corruptente: at nulla vis esse potest corruptens nudorum accidentium; quod Bellarminus dat, quia materiam ad corruptionem esse necessariam ait: ergo nulla externa vis corruptens potest vnquam inuadere Eucharistiam, quia est experta materiæ corruptibilis. 2. Si materiam substituat Deus in instanti, tum per miraculum. Bellarminus ait, hanc substitutionem fieri sine miraculo. Sed miraculum duplex est: *primum*, quod materiam substituit: quæ enim hæc eadem, an noua? utrumuis non carebit miraculo: nam materia panis & vini cesserat, non in aliam locum, sed extra rerum naturam: eandem materiam redire, quæ desierat esse, est omnino miraculum; nam est resurrectioni simile: nec vlla materia alia in hunc locum venire potest, nisi miraculo. Et si Papistæ in transubstantiatione miraculum statuât, quia panis in corpus Christi transit, tum etiam erit miraculum, quando corpus Christi desinit esse, & ibi panis incipit esse iterum: dicunt illud miraculo fieri: ergo & hoc. Imo si vera transubstantiatio

sit, quia panis desinit esse, & Christi corpus adest, similiter vera transubstantiatio erit, quando corpus Christi desinit esse, & panis materia restituitur. Ita in omni Sacramento ad minimum duæ transubstantiationes erunt: nam Eucharistia aut sumitur statim post consecrationem, & tum noua transubstantiatio fit, aut manet ad corruptionem, & tum alia transubstantiatio fit.

*Secundum* miraculum est, quod in instanti ait materiam nouam substitui. Nulla enim generatio in instanti fit nisi miraculo: & nulla substantia est alicubi in instanti sine miraculo. Bellarminus instantiam dat de anima: Deus animam infundit in instanti: at hoc non dicitur miraculum, inquit, quia hoc exigit ordo rerum à Deo institutus.

*Respondeo* 1. Multi negant animas creari & infundi: hæc quæstio inter Theologos agitur, quam ille pro certissima veritate statuit. Sed esto: infundatur anima in instanti. 2. igitur *respondeo*, non vocari miraculum, quia conuenit ordini naturali: sed hæc transubstantiatio & substitutio est contra ordinem naturalem: alias enim nullum erit omnino in Eucharistia miraculum: quia omnia ibi fiunt secundum eum ordinem, quem Deus instituit: at illi omnes esse miraculum in Eucharistia aiunt. 3. Si ut anima infunditur, sic panis redit, tum panis creatur: nam ille ait animas creari: si creatur panis, tum est miraculum: nam quod fuit,

H h h h 2 non



non potest idem numero creari si-  
ne miraculo. Certè si materia ea-  
dem restituatur, erit hoc maius  
miraculum quam resurrectio: nã  
corpora nunquam in nihilum re-  
solvuntur: at panis Eucharisticus  
in nihilum redigitur etiam in mo-  
mento, & in momento iterum in  
aliquid: & eo redeunte corpus  
Christi in nihilum redigitur: non  
enim redit in cælum, quia ibi sem-  
per est: quo ergo abit? Gardinerus  
miraculum faterur; quod necesse  
est, imo se miraculis defendit. Sed  
Petrus Martyr ait, antequam sub-  
stituta sit materia panis, requiri  
quasdam dispositiones ad novam  
materiam recipiendam. Et Bellar-  
minus dispositiones requiri con-  
cedit, sed ait Martyrem loqui im-  
peritè, quia dispositiones fiunt ad  
recipiendam formam, non mate-  
riam. Sed ille loquitur imperitius:  
nam in naturali mutatione requi-  
ritur quidem dispositio in materia  
ad formam recipiendam, antequã  
forma accedat, sed contra hic in  
speciebus dispositiones requirun-  
tur ad recipiendam materiam. Nã  
Bellarminus ait materiam substi-  
tuit: at nō priusquam disposita fue-  
rit: ergo eã dispositio est ad recipi-  
endam materiam. Vbi nunc Bel-  
larmini calumnia? Sic igitur Mar-  
tyr: Si species illæ disponuntur ad  
recipiendam materiam panis, hoc  
fit vel manere Christi corpore, vel  
post abscissum. Bellarminus ait  
heri manente corpore Christi: sed  
in vltima dispositione, cum mate-  
ria substituitur, desinere corpus  
Christi esse in Eucharistia. Video

hos nō minus nunc laborare, quo-  
modo Christi corpus ex hoc Sa-  
cramento expediant, quam quo-  
modo in Sacramentum introdu-  
cant. Sed quid ait esse dispositio-  
nes in speciebus manente Christi  
corpore, sed in vltima dispositione  
materiam in instanti substitui.

*Respondeo* 1. Species non possunt  
disponi ad corruptionem sine ma-  
teria. Nam quæ causa est disposi-  
tionis ad corruptionem, eadem est  
causa corruptionis, vt corpora  
nostra propter causas, quibus dis-  
ponuntur ad corruptionem, etiam  
corrumpuntur: si ergo nulla ma-  
teria sit in Eucharistia, quamdiu  
corpus Christi ibi manet, nulla  
dispositio ibi ad corruptionem esse  
potest manente Christo. Nostra  
corpora non possent disponi ad  
corruptionem, nisi esset in eis ma-  
teria. 2. Ait in ipso instanti materi-  
am substitui, in quo aliud genera-  
tur. Sed hoc est impossibile. Nam  
aut materia panis substituitur, aut  
eius rei, quæ ex hac corruptione  
generatur: si res, quæ generatur, vt  
vermis, tum secum pugnat, quia  
ait panem substitui, & sic non de-  
perire materiam panis ex conse-  
cratione tot panum: si panis, tum  
quorsum requiritur dispositio in  
speciebus ad corruptionem? nam  
talis dispositio potius impediret  
substitutionem veri panis, quam  
reduceret panem. Sed quia ait,  
hæc à Scholasticis tractari accura-  
te, operæ precium erit videre,  
quomodo ab illis tractentur, &  
quomodo Bellarmino conueniat  
cum Scholasticis.

Bellar-

Bellarminus ait, accidentia esse  
in quantitate, vt in subiecto. Sed  
Scholastici nonnulli putant, non  
magis alia accidentia esse in quan-  
titate, quam quantitatem in illis.

*Marsilius in*  
*4. d. 9. q. 47.*  
*2.*  
*Maiores in*  
*4. d. 12. q. 3.*

Sic Marsilius, & Maioris, volunt  
omnia accidentia esse disiuncta, &  
sine subiecto existere: & ratione o-  
prima hoc confirmatur. Nam, 1.  
quando erant in pane, non erant  
in quantitate panis subiective, sed  
in substantia: non ergo post conse-  
crationem. Cum adest panis, quã-  
titas panis non est subiectum, ni-  
si quo: ergo cum fit transubstan-  
tiatio, quantitas nō erit subiectum  
quod: aut si sit, erit miraculum: &  
Bellarminus non vult multiplicare  
miracula. 2. Subiectum accidenti-  
um non est accidens, quia subiici  
est proprium materiæ: quantitas  
autem est accidens. 3. Si quantitas  
conseruatur in Eucharistia, sic vt  
non insit in subiecto, eodem mo-  
do & reliqua accidentia conserua-  
ri possunt. Nihil cum ratione re-  
sponderi contra potest. Henricus  
Gandauensis habet aliam opinio-  
nem, quãtatem accipere nouum  
quoddam esse à Deo per miracu-  
lum, ita vt iam naturaliter sit sub-  
iectum illorum accidentium. Sic  
etiam apertè Caietanus: nam alias  
multa miracula essent: quot enim  
sunt accidentia, tot erunt miracu-  
la, quia accidens existere extra  
subiectum est miraculum. At si po-  
natur quantitas fieri subiectum,  
quod naturaliter, vnum erit mira-  
culum, non plura. Sed si fiat sub-  
iectum quod, tum fiet substantia;  
& sic erunt duæ substantiæ post

*Caietanus*  
*in 3. q. 77.*  
*art. 1.*

consecrationem: aut si sit accidens;  
& tamen naturaliter subsistat, tum  
erit accidens simul, & non accides;  
quod est contradictorium. Iterum  
etiam disputant Scholastici, vt  
posset Deus sustentare alia acci-  
dentia in Sacramento sine quanti-  
tate, vt quantitatem sine substan-  
tia. Egidius ait, hoc esse simplici-  
ter impossibile Deo, quia est cōtra-  
dictorium. Accidentis esse est in-  
esse: erit igitur accidens & non ac-  
cidens, si in nullo insit.

Sed Thomas cōtra posse Deum  
hoc ait: etsi plerique Thomistæ il-  
lum aliter putare existimant. Sed  
si Deus æquè facere potest, vt alia  
accidentia per se subsistant, ac quã-  
titas, cur quantitati, quod est sub-  
stantiæ tribuamus, & sic miracula  
non necessaria statuamus? Deinde  
quod ad generationem vermium  
& bestiolarum attinet: inter se va-  
riè discrepant. Aliqui illas non  
fieri ex speciebus, sed ex aere cir-  
cumstante putant, quos Thomas  
refellit: alii substantiam panis &  
vini reuertunt, vt Innocentius,  
& Bonauentura: & hæc opinio  
Bellarmini videtur, sed eam Tho-  
mas refellit. Tertia opinio est,  
nouam quandam substantiã crea-  
ri, non panis aut vini, sed in quam  
inducitur forma vermis: ita secun-  
dum hanc opinionem noua quæ-  
dam materia creatur: Thomas ait,  
hanc posse defendi, sed ipse aliam  
opinionem commentus est, scilicet  
vermes generari ex quantitate il-  
la, in qua accidentia insunt. Sed  
Caietanus verè hunc modum esse  
impossibilem ait. Nam quomodo

*Thom.*  
*cont. Gent.*  
*l. 4. c. 66.*

*Thom q.*  
*77. art. 5.*  
*Innocent.*  
*l. 4. c. 11.*  
*Bonauent.*  
*in 4. d. 12.*  
*art. 2. q. 1.*

H h h h 3 ver-

*Gardiner*  
*in resp. ad*  
*obiect.*  
*72.*  
*Vide Pet.*  
*Mart. ob-*  
*iect 67.*  
*cont. Con-*  
*stant.*



vermes ex quantitate abstracta generari possunt, quæ nihil in se materiæ habet: ergo Caietanus ait in ipso momento quantitatē hanc transire in materiam: sed Bellarminus ait, materiam substitui. Sic illi præclare inter se consentiunt. Deinde quod ad nutritionem attinet, valde dissentiunt. Aliqui, quod res est, aiunt impossibile esse, ut accidentia nutrant: nam ut Aristoteles ait, Ex iisdem nutrimur & sumus: homo constat ex substantijs: non igitur potest nutriri accidentibus. Quidam dicunt accidentia conuertere in substantiam, ex qua homo nutritur: accidentia verò conuertere in substantiam, est miraculum, Alij fieri nutritionem dicunt propter formas substantiales. Sed Bellarminus hæreticum esse ait, ut formas substantiales remanere dicamus. Alii aiunt accidentia non verè nutrire, sed con-

fortare per quandam immutationem sensuum, ut solent fumi & odores. Sed experientia docet, Sacramentum verè nutrire; & de quodam sacerdote legimus, qui ad longum tempus solo pane & vino Eucharistico sustentatus est. Tam præclare isti homines inter se de istis mutationibus conueniunt: nemo modum inuenire potuit, qui non alijs necessariâ ratione displiceat. Alij accidentia verè nutrire: sed si verè & propriè nutrant, tum veram materiam habent, quia nutritio est transitio nutrimenti in substantiam. Et si accidentia possent nutrire, tum possent ex accidentibus vermes generari: at Bellarminus vermes non sine materia generari ait: vult ergo panis materiam redire. Sed antea dixit, accidentia in quantitate magna nutrire, ut volunt Theologi.

FINIS SECVNDÆ QVÆSTIONIS.

TERTIA

## TERTIA QVÆSTIO:

*An panis & vinum in Eucharistia, sint Sacramentum extra vsum, etiam in pixide asseruata.*

### CAPVT PRIMVM

#### De statu Quæstionis.



MNEM de prælectione carnali Christi in Eucharistia quæstionem superiorem anno discussimus: nunc ad alias Quæstiones, quæ ad huius Sacramenti naturam pertinet, veniendum est: quarum ea sese offert primo loco, siue Sacramentum hoc res permanens, an eius ratio ex vso pendeat, ita ut extra vsum omnino Sacramentum non sit: cuius Quæstionis perspicua explicatio magnopere facit ad refellendam superstitionem atque idololatriam Papistarum. Est autem Adversariorum hac de re sententia, quemadmodum eam Bellarminus proposuit, panem rite consecratum, siue corpus Domini sub specie panis contentum, verè & propriè Sacramentum esse, siue sumatur, siue seruetur in pixide: & ait sic expresse haberi in Concilio Tridentino. Et Concilium quidem illud ait hoc interesse inter cætera Sacramenta

& hoc, quod illa tunc primum sanctificandi vim habent, cum quis illis vritur: sed in Eucharistia ipse author sanctitatis ante vsum est. Est ergo hoc Sacramentum & in vsum, & extra vsum ut illi volunt. Sed Bellarminus Quæstionem proposuit absurdissimis verbis: ait enim panem rite consecratum siue corpus Domini sub panis specie, esse Sacramentum. Hoc (siue) aut rem eandem, aut diuersam declarat: non diuersam, ynam enim rem oportet esse, de qua quæritur, siue Sacramentum in vsum tantum: si eandem, tum panis rite consecratus est corpus Domini: at panis quantumvis rite consecratus est verus panis, nec panis post consecrationem appellaretur, nisi vera natura panis remaneret. Solent dicere, panem dici post, quia speciem panis retinet: sed Bellarminus per panem rite consecratum, non speciem panis intelligit, quia consecratio non refertur ad species, sed ad res: ergo aut inepte loquitur

Conc. Trid.  
13. c. 3. &  
6. & can.  
4. & 7.

quitur, aut per panem rite consecratum intelligit verum panem, qualis ante consecrationem fuit. Nam panis rite consecratus indicat eundem panem esse re, sed tantum differre consecratione: at ille vult post consecrationem omnino nullum panem remanere. Quis ergo panis consecratus est Sacramentum? si corpus Domini, tum corpus Domini potest non rite consecrari; & tum corpus Domini est Sacramentum, & cum sumitur, & cum in pixide seruat. At corpus Christi est semper verum corpus Christi, siue consecratur, siue non consecratur: & ipsum corpus Domini non est Sacramentum: nam Sacramentum est rei alicuius Sacramentum; at corpus Domini est nullius rei Sacramentum: & cum quaeritur, an aliquid sit Sacramentum tantum in usu, absurdum est hoc de Christi corpore quaeri: nam Christi corpus vere nunquam est Sacramentum, aut in usu, aut extra usum, sed res ipsa est, cuius in Eucharistia Sacramentum sumimus.

Nos contra Sacramentum Eucharistiae non esse rem permanentem dicimus, aut diutius esse Sacramentum, quam dum sumitur & celebratur: est actio, & res transiens, ideoque seruari non potest in pixide: panis in mensa Dominica iacens non est Sacramentum; sed panis, quem accipimus, & quando accipimus; aut potius ipsa fractio sumptioque panis est Sacramentum, reliquiae illius panis nil in se Sacramenti habent, etsi interdum

Sacramenti nomine panis & ante & post sumptionem appellatur, quod ad hunc usum adhibeatur. Vt Baptismo Spiritus Sanctus adest in actione, & est efficax in baptizato: sic cum Cæna sumitur, adest Christus, & efficax est, non propter panem & vinum, sed propter homines, qui ijs vtuntur: est ergo Sacramentum in usu propter eos, quibus institutum est. Vtile est hac de re rectam sententiam rueri, quia facit ad Papistarum impiam huius Sacramenti asseruationem, circumgestionem, adorationem refellendam. Illi ergo post consecrationem esse Sacramentum dicunt, siue sumatur, siue non, & quamdiu species rerum incolumes permanserint, forsan per annum integrum. Imo Claudius Zaindesius ait, Sacramentum in quibusdam locis seruari, quod trecentos aut quingentos annos durauit. Nos in actione & usu Sacramentum ponimus, quando scilicet facimus, quod nos Christus facere iussit. Quod autem ait Bellarminus, Bucerum fuisse primum authorem nostrae sententiae, eumque hoc Luthero persuasisse anno Domini 1536. certe & Lutherus in libro de captiuitate Babylonica, & Melancthon in locis communibus ante editis, non obscure quid de hac re sentiant, docent: itaque hoc eius insigne mendacium est. Non erit opus

verbosa disputatione: paucis absolui hæc Quæstio potest.

## CAPVT II.

## Argumenta Aduersariorum.

August.  
in tract. 80.  
in loan.

**A**DVERSARIORVM primū argumentum suinitur a verbis institutionis, *Hoc est corpus meū.* Hæc verba (inquiunt) prolata sunt ante manducationem aut sumptionem: ergo Sacramentum Eucharistiae confectum fuit ante actionem & usum: & consequentia probatur, 1. ex Augustino, *Accedit verbum ad elementum, & fit Sacramentum:* sed verbum accessit ante actionem edendi aut bibendi: ergo ante factum est Sacramentum. 2. ex eo quod verba Domini, cum primum prolata sunt, vera erant: sed prolata sunt ante actionem sumendi: vera ergo ante erant, & per consequens erat Sacramentum ante. Hoc ferè vnicum est argumentum omnium. *Respondeo* autem, 1. de verbis Augustini, illum vim manifestam facere Augustino. Nam is cum ait, fieri Sacramentum accessione verbi ad elementum, de Baptismo nominatim loquitur, *Vnde ista tanta virtus aqua, inquit, ut corpus tangat, & cor abluat?* quanquam quod ille dicit, verum est de omni Sacramento: sed Pontificij concedunt, Baptismum non nisi in usu verum Sacramentum esse. Ergo sensus Augustini est, elementum fieri Sacramentum in usu, non ut sit Sacramentum, siue vtamur, siue non vtamur. Nam

si quis hæc verba, *Ego baptizo te in nomine Patris, & Filij, & Spiritus Sancti*, millies pronunciat extra legitimum usum, nullum Sacramentum fieret: similiter non quauis prolatio horum verborum, *Hoc est corpus meū*, facit Sacramentum, sed qualem Christus instituit. Qui verò dixit, *Hoc est corpus meum, & Hoc est sanguis meus*, is antea dixit, *Accipite, edite, & Accipite, bibite*: est ergo Sacramentum, si facimus quod Christus iussit, & sicut iussit, non si verba pronunciamus super elementa, & tum abstinemus, & nihil amplius facimus. Si CHRISTI verba pronuncientur alio tempore, alio fine, alijsque adhibitis ceremonijs, quam Christus instituit, non erit Sacramentum: accedat ergo verbum ad elementum, in eum finem & usum usurpatum, ad quod Christus voluit usurpari, & tum est Sacramentum. At Christus iussit non solum edere panem Eucharisticum, & vinum bibere, sed accipere, frangere panem, effundere vinum, & in sui commemoratione hoc facere: accedant ergo verba Christi ad hunc usum, & tum est Sacramentum. At Pontificij volunt esse Sacramentum, postquam verba prolata fuerint, ex vi ipsorum verborum, etsi nemo ederet, aut biberet, etiam credo, si sacerdos postea abiiceret, aut sepeliret: ita posset Christus iterum & sapius sepeliri: quo nihil superstitiosum aut peruersum magis. Sed nunc, 2. de ipso argumento videamus, quod est huiusmodi, Hæc verba pronunciauit Christus, an-



requam Apostoli manducarunt & biberunt: & verba Christi mox ac prolata sunt, vera fuerunt: ergo Sacramentum antea fuit. *Respondeo* tripliciter. *Primo* Christum de pane loquutum esse dum comederetur, idq; ex Euangelistis constare, qui aiunt Dominum dedisse, & iussisse accipere, edere, & postea protulisse hæc verba, *Hoc est corpus meum*: sumptio ergo coniuncta est cum prolatione verborum, aut potius sumptio prior fuit prolatione verborum: nam Marcus Euangelista ait, postquam omnes bibissent, Dominum dixisse, *Hoc est sanguis meus*: ergo quod Christus verba antea protulit, cum Euangelio aperte pugnat. Bellarminus cum hanc responsionem videret causæ suæ officere vehementer, eam diluere variè conatur, sed ridicule & absurdè. 1. ait non oportere attendi, quæ verba prius posita sunt, sed ad sensum verborum, quia si Christus dixit, *Hic est sanguis meus*, postquam bibissent Apostoli, ut Marcus videtur innuere, tum pronomen (*Hic*) nihil demonstraret, & verba essent falla. *Respondeo*: Non hoc sequitur: nam per (*Hic*) vel (*Hoc*) vinum demonstrabatur, quod Apostoli biberant, quod illis Christus dederat, de quo gratias egerat. Si quis post sumptam potionem dixerit, Quid est hoc, quod bibi? & ei diceretur, Hoc est medicamentum, *Hoc* aliquid demonstraret tum in quæstione, tum in responsione: sic pronomen (*Hoc*) in verbis Christi demonstrat vinum, licet illud prius ab Apostolis

sumebatur. Et si (*Hoc*) demonstrat aliquid, quod continetur sub speciebus nō suis, ut illi volunt; quidni aliquid quod iam sumptum fuerit, quia licet nunc non appareat oculis, at paulo prius apparuit. Quare nos attendere ad ordinem Euangelistarum oportet: nā illi verba recto ordine posuerunt: non verisimile est, illos mutasse ordinem in retanti momenti. Ex verbis constat, aut sumpsisse antea, aut iussos esse sumere: statim autem quod iussi sunt fecerunt. 2. Ait Bellarminus, verba illa, *Hoc est corpus meum*, & *Hic est sanguis meus*, continere rationem, cur edere & bibere debuerunt Apostoli: ergo prius proferri oportuisse, ut scirent quid acciperent.

*Respondeo*: Potuit Christus distribuere, & iubere ut sumerent, & postquam sic fecisset, rationem adiungere. Si Christus iussit sumere, illos sumere oportuit, non causas quærere; & satis fuit, quod causam Christus postea assignauit: etiam si non fuisset Sacramentum, tamē debebant iussi sumere. Christus postquam pedes lauisset discipulorum, & toto illo ministerio defunctus fuisset; tum incipit de causis differere: voluit illis scilicet exemplum humilitatis & caritatis præbere. Sed quid si antea pronunciauit Christus verba, quam Apostolis dabantur panis & vinum? num sequitur fuisse Sacramentum, antequam sumperunt? Nequaquam. 3. Bellarminus ait, Inuitantur ad bibendum: quia est sanguis: ergo prius fuit sanguis, quam illi bibe-

biberent. *Respondeo*: Christus iussit bibere, quia voluit in hoc vino instituire Sacramentum sanguinis sui: non refert, utrum hanc voluntatem declararit, antequam biberent, an non. 4. Ait, Lucam & Paulum dicere, *Hic est calix nouum Testamentum in sanguine meo*: ergo in calice fuit sanguis, antequam sumeretur.

*Respondeo*: Potuit quod in calice fuit vocari sanguis, quia erat Sacramentum sanguinis in eo usu, quem Christus instituit, id est, in sumptione. Vocatur sanguis, aut Testamentum in sanguine, quod est in poculo, non quod ita sit, si semper in poculo maneat, sed quia in poculum infundebatur, ut esset in usu eius rei Sacramentum, sanguinis nempe Christi, quo sancitur Testamentum. 5. Virget verba Pauli, *Panis, quem frangimus, nonne communicatio corporis Domini est? & calix, cui benedicimus, nonne communicatio sanguinis Domini est?* Paulus dicit, inquit, id quod frangitur, non esse futurum, sed iam esse corpus Domini.

*Respondeo*: Id quod frangitur est corpus Domini: ergone fuit corpus Domini ante fractionem & manducationem? non sequitur: sed in fractione & sumptione est corpus Domini, id est, corporis Dominici Sacramentum. Sed profert Chrysostomum, qui ait, *esse in calice, quod è latere Christi fluxit*. *Respondeo*: Vinum in calice Christi sanguis appellatur, quia illud vinum, quod è calice bibis, repræsentat sanguinem Christi: ita semper na-

tura Sacramenti ex usu & actione pendebit: nec magis vinum in calice, nisi sumatur eo modo, quo Christus iussit, est Sacramentum, quam vllum vinum: atque idem de pane Eucharistico dici potest. 6. & ultimo ait, in omnibus Liturgiis antiquissimis ea verba multo antea pronunciari, quam panis manducetur, aut vinum bibatur.

*Respondeo*: Hoc quoque in nostris Liturgiis fieri: sed illa verba recitatiue & materialiter usurpamus, ut ratio huius cæremoniæ ex Dominica institutione & iussu repetatur. Et hinc apparet, quam absurde ex his verbis transubstantiationem colligant. Nam nos illa verba, non sic ut Christus, pronunciamus: ille enim voluit Sacramentum instituire: nos non instituimus Sacramentum, sed Dominicam institutionem recitam? ut constet nos facere quod Christus præcepit: ergo nos tantum materialiter illa verba pronunciamus; alioqui si quis vel puer hæc verba inter legendum pronunciaret, cum panis & vinum adsunt, faceret statim corpus & sanguinem Christi. Sed si tantum ea verba repeteremus, & non ederemus panem, ac biberemus vinum, nullum plane Sacramentum haberemus. Ergo hanc primam responsionem, quæ est Illyrici, nullo bono argumento labefactare potuit Bellarminus. Sed respondemus secundo, ut nō disputemus quid prius quid posterius à Christo pronunciatum fuerit, verba Domini. *Hoc est corpus meum*, non ante impleri, & vera



esse, quam sumitur Eucharistia, & manducatur ac bibitur quod Christus proposuit. Nam CHRISTVS coniunxit præceptum & promissionem: præceptum est, *Accipite & edite*: promissio est, *Hoc est corpus meum*. Est ergo corpus Domini manducantibus, sed extra usum, non est. Hæc Caluini responsio est, & ea quidē doctissima, & verissima. Si vis ut sit corpus, oportet ut facias quod Christus præcepit, id est, accipias, & edas: aliter non erit corpus, id est, Sacramentum corporis. Bellarmin. ait, hanc solutionem non magno negotio posse refutari, sed quam ille pueriliter & nugatorie diluat videte. Ait autem tria. *Primo* si verba illa, *Hoc est corpus meum*, promissionem continerent, per verbum futuri temporis expressa fuissent. Hoc autem loco nō dixit Christus, *Hoc erit*, sed, *Hoc est corpus meum*.

*Respondeo*: Hoc falsum est. Constat enim multas promissiones per verba præsentis temporis in Scripturis proponi. Christus ait Apostolis suis, *Ecce ego vobiscum sum omnibus diebus usque ad consummationem seculi*: ubi Christus promittit se cū Ecclesia sua perpetuo futurum: & alibi, *Qui credit in me, habet vitam æternam, & nō venit in iudicium*, id est, habebit, & non veniet: & adhuc alibi, *Qui edit carnem meā, habet vitam æternam*: & mille eiusmodi loca afferri possent. Indoctissimum est dicere, nullas promissiones fieri, nisi quando verbum futuri temporis usurpatur: tum enim illa pulcherrima promissio rueret, quæ

facta est Abrahamo & semini eius, *Statuam pactum meum inter me, & seminem tuum, & seminis tui post te*, vel, *me esse Deum tuum & seminis tui*, id est, me fore non modo tibi, sed & semini tuo propitium, Lyoth. Et sic in his verbis, *Hoc est corpus meum*, promissio nō obscura continetur, id est, Hic panis erit symbolum corporis mei. Promittit hic Christus, fore nos participes corporis sui, si rite, & quemadmodum ipse præcepit, hoc Sacramentum percipiamus. Et postea Christus addit, *Quod pro vobis frangitur, & Quod datur pro vobis*, pro eo quod diceret, *Quod frangetur & dabitur pro vobis*: nam tum non frangebatur, nec dabatur, sed postmodum: est ergo hæc promissio, & tamen per præsens tempus exprimitur: & nonnulli etiam Pontificii *Est* hic per *Erit* interpretantur, ut nos supra docuimus. Sic se res habet in hoc Sacramento, ut in pignoribus: si accipias est pactum: si minus, non est: ut annulus in matrimonio, si consensus adhibeatur, est pignus, si minus, est nudus annulus, non pignus: denique si quis pignus alteri certa conditione dederit, non est pignus, nisi ille conditionem accipiat. Ut si quis mulierem sibi matrimonio coniungi cupiens dicat, Hic annulus est pignus, si consentias in matrimonium; si nullum consensum adhibeas, non est pignus: ita Christus hic ait, *Hoc est corpus meum*, si accipias & edas, quemadmodum ego institui & mandavi: si minus, non. *Secundo* ait Bellarminus, si promissio annexa

nexa præcepto his verbis esset, tum implerio non comitaretur, sed sequeretur actionem manducationis: ita non erit Sacramentum nisi post manducationem: quod Calvinus noluit, quia ait, omnes, qui communicant, edere ore corporali Sacramentum: at quomodo edunt, si non sit Sacramentum, priusquam absoluta sit manducatio. *Respondeo*: hanc esse stolidissimam obiectionem. Nam potest Sacramentum dici, quia sumptum, est Sacramentum: ergo omnes manducare dicuntur Sacramentum, quod tamen non antequam manducetur est Sacramentum; quia manducant, ut sit eis Sacramentum: ex fine nomē ei tribuit. Deinde cum incipimus manducare, manducamus: & nos in usu Sacramentum agnoscimus: si manducamus, facimus quod iussi sumus: atque ita qui hunc panem manducant, faciunt quod præceptum est, & hic panis est illis Sacramentum.

*Tertio* Bellarminus ait, non modo Scripturas, sed & Patres agnoscere, non solum in ore fidelium, sed etiam in vasis & altaribus corpus Domini. De Scripturis prius respondimus. Quod ad Patres attinet, fateor panem in mensa positum vocari non modo Sacramentum, sed & corpus Domini. Nicænum Concilium dicit in sacra mensa Agnum Dei positum esse.

Et Optatus Mileuitanus vocat altare sedem corporis Christi, & calices Christi sanguinis portatores. Sic vocantur, quia instituta sunt, ut sint Sacramentum corpo-

ris Christi. Est altare sedes corporis Domini, quia est sedes symboli, quod in recto usu est Sacramentum corporis Domini. Vera hæc sunt, si dextre intelligantur: sed Pontificii abutuntur Patrum recte dictis, ad suam crassam & carnalem præsentiam confirmandam. Quod nos dicimus, tritum est usu & communi sermone. Sic enim bestia, quæ destinatur ad sacrificium, vocatur hostia aut sacrificium, etiam antequam mactata fuerit: tamen nisi mactetur, non erit sacrificium. Sic Saul impius Rex ait, *Afferre mihi holocaustum, & pacificum*, id est, pecudes: sic enim vocantur propter finem. Similiter hi Patres panem corpus Domini vocant, quod in eum finem comparatus sit, ut sit Sacramentum corporis Domini. Sic etiam in profanis authoribus, ut in Homero, agni vocantur fœdera, cū tñ nondū erant sacrificia, sed tantū comparabantur & designabant in eum finē. Cum enim inter Paridem & Menelaum certamen singulare institueretur, & fœdus sacrificio sanciretur, ea lege ut vter illorum vinceret, is Helena potiretur, Poeta agnos vocat nondum mactatos *ὄρνιθας καὶ θύων*, fœdera firma Deorum. Non ergo novum est, ex usu & fine nomina imponi rebus, antequam adhibeantur ad fines, propter quos comparatae atque institutæ sunt.

*Tertio* respondemus, usum esse non modo manducationem, sed totam actionem, in qua non modo manducare, sed etiam accipere, benedicere, frangere, dare, iube-



mur: esse corpus in hoc omni v-  
su. Sic Kemnitius. In qua respon-  
sione refellenda Bellarminus ver-  
bosus admodum est: ego vero eius  
refutationem prætermitto. Vera  
Kemnitij responsio est, in usu Sa-  
cramentum consistere: usus autem  
est tota actio à Christo instituta,  
nec sola acceptio, nec sola mandu-  
catio, sed omnis actio simul. Qui  
comederet sine benedictione &  
distributione, non Sacramentum  
comederet. Non ergo sola acce-  
ptio, sed omnes hæ actiones simul  
faciunt Sacramentum. Quare Bel-  
larminus Kemnitio nihil ad rem  
respondet, cum ita contra illum  
disputat, quasi diceret sumptione  
tantum facere Sacramentum, aut  
fractionem tantum, aut distribu-  
tionem tantum, cum ille non in  
vna parte actionis ponat Sacramen-  
tum, sed in tota actione, & in tota  
ceremonia à Christo præscripta.  
Nisi omnia faciamus, quæ Chri-  
stus fieri iussit, non vult esse Sacra-  
mentum Kemnitius, quia in tota  
& plena actione vult Sacramen-  
tum consistere.

## CAPVT III.

*Argumenta nostra.*

**N**VNC VNO aut altero argu-  
mento profanum morem Pa-  
pistarum, & superstitiosum abu-  
sum Eucharistiæ redarguamus.

*Primum nostrum argumentum*  
à Christi institutione sumitur: quo

nullum grauius afferri potest. Sa-  
cramenta pendent ab institutione  
Christi, vt ne Sacramenta quidem  
sint, nisi seruemus ordinem à Chri-  
sto institutum: at Christus iussit  
panem accipi, benedici, frangi, dis-  
tribui, comedi; non reponi in pi-  
xide: ergo panis seruatus in pixide  
non est Sacramentum, sed idolum.  
Bellarminus dupliciter respondet.

*Primo*, negando consequentiam;  
quia asseruatio in pixide non repu-  
gnat institutioni Christi. At Chri-  
stus iussit accipere & edere; quod  
pugnat cum asseruatione, & repo-  
sitione: si enim seruas, non edis. At  
Bellarminus ait, Christus non ius-  
sit continuo post benedictionem  
edere: potest differri manducatio.  
At Christus aut iussit continuo ac-  
cipi, aut non omnino accipi. Et  
Christum sic voluisse, vt sine mora  
ederetur, cui dubium esse potest,  
cum statim Apostoli acceperint &  
ederint, id est, fecerint, quod Chri-  
stus fieri iussit. Si verò differre li-  
ceat, Christus docuisset, quando  
& quamdiu seruare oportuisset, si  
seruandum aliquid fuisset: at de  
hoc nihil Christus. Ergo vt Chri-  
stus panem accepit, & post bene-  
dictionem dedit discipulis, & illi  
statim ederunt, vt iussi sunt, nullam  
partem reseruauerunt: ita nos facere  
oportet, aut non facimus, vt Chri-  
stus iussit, nec celebramus Sacra-  
mentum Christi, sed usurpamus  
commentum nostrum. Et hoc ex  
fine huius Sacramenti adhuc me-  
lius elucescit. Quorsum enim in-  
stituit Christus hoc Sacramentum?  
nonne vt mortem Domini cele-  
bremus,

bremus, & fidem nostram confir-  
memus: hoc autem fit in fractio-  
ne, & effusione, & sumptione, non  
in conseruatione. Si istæ actiones  
prætermittantur, aut in aliud tem-  
pus differantur, tum in præsentī  
nulla est annunciatio mortis Do-  
minicæ: nam panem integrum cō-  
secrare, & in pixide recondere, nō  
est edere, aut frangere: ita nec fides  
confirmatur, nec mors Domini  
annunciatur. Quæ est enim, in  
asseruatione panis, mortis Christi  
annunciatio? at debet esse cere-  
monia, quæ mortem Christi an-  
nunciet: euertunt ergo illi finem  
Dominicæ institutionis. Præterea  
institutum hoc Sacramentum est,  
vt nostram spirituales CHRISTI  
manducationem declararet, & ar-  
ctissimam nostram cum illo con-  
iunctionem repræsentaret: at si  
panis & vinum reseruētur, quod-  
nam erit huius aut manducationis  
aut coniunctionis symbolum? Et  
Apostolus Paulus videtur ante-  
uertere hanc profanam consuetu-  
dinem: iubet enim edere Domini-  
cam Cenam, cum conuenimus in  
vnum: seruare autem non est ede-  
re: ista igitur asseruatio cum Chri-  
sti institutione pugnat.

Sed Bellarminus negat dilatio-  
nem manducationis institutioni  
repugnare, modo consecratio in-  
eum finem ordinetur, vt quod cō-  
secratur, manducetur. Sed hoc ne-  
scio magisne sacrilegum an ridi-  
culum sit. Nam, 1. non oportet  
manducationem differre, quia o-  
portet statim annunciare in hoc  
Sacramento mortē Domini: quod

sine fractione & sumptione fieri  
non potest: & fides nostra non  
confirmatur reponendo Sacra-  
mentum, sed vtendo. 2. Si liceat  
differre, aut in certum tempus dif-  
ferre licet, aut in tempus indefini-  
tum: non in certum tempus: nam  
ne illi quidem certo tempore so-  
lent sumere: si in tempus indefini-  
tum, fieri potest vt non edatur o-  
mnino: ita aut non consecratur  
in ordine ad manducationem, aut  
non seruatur hic ordo: vtrumque  
est impium. 3. Manifestum est,  
panem, qui in pixide seruatur, non  
consecratum esse vt manducetur,  
quia manet ibi sæpe, donec tam  
mucidus sit, vt edi nequeat: & re-  
uera illi non edunt hunc panem,  
sed aut vermibus, aut muribus, aut  
porcis comedendum reseruant.

Sed ait Bellarminus, oportere  
semper Eucharistiam esse paratam  
ob varios vsus, & maxime repenti-  
nos casus, vt ad ægrotos deferatur,  
& absentes, & ob alios similes v-  
sus.

*Respondeo*: Certe illi cautiore  
multo sunt Christo: nam is non  
deferri ad absentes, sed distribui  
præsentibus iussit. Potuit iubere  
Apostolo alicui, vt ad discipulos  
absentes deferret, quorum ma-  
gnus numerus fuit. Nihil ille sta-  
tuit de reponendo hoc Sacramen-  
tum in pixide, aut de deferendo ad  
absentes, sed de sumendo & eden-  
do à præsentibus; neque verbum  
habet de his variis casibus, propter  
quos Eucharistiam semper para-  
tam esse oportere ait Bellarminus:  
ergo præter institutionem Christi  
hæc

hæc omnia fiunt. *Secundo* Bellarminus respondet, rem non pendere, quoad esse suum, ab usu. Etsi ergo legitimus sacerdos consecraret Sacramentum non in ordine ad manducationem, sed propter alios fines, esset Sacramentum, ut cathedra est cathedra, etiam si nemo in ea sedeat.

*Respondeo*: quasdam res esse, in quibus usus distinguitur ab essentia, cuiusmodi sunt cathedra, domus, tunica, naus: sed sunt aliæ res, in quibus usus ab essentia non distinguitur, ut Baptismus; quod ipse concedit. Baptismus enim non est, siue quis baptizetur, siue non, sed est ablutio, ipsaque abluendi actio. Sic in pignoribus & stipulationibus res se habet: tolle usum, & non erunt, quod dicuntur: ut si quis domum aut equum conduxerit, utriusque usum conduxit: & Sacramenta sunt eiusdem generis symbola. Lapis nisi in usu non est limes: annulus nisi in usu non est pignus: si hunc usum tollas, quid annulus, nisi merus annulus? quid lapis, nisi lapis? ita si usum hunc panis religiosum non adhibeas, quid aliud nisi panis erit? ergo in Sacramentis usus non debet à re ipsa distinguui: quare Sacramentum non est simile cathedræ aut domui. Sed hic secum pugnat Bellarminus; quod passim & insigniter facit. Vult intentionem faciendi, quod Ecclesia facit, requiri in omni Sacramento: & hic ait Ecclesiam semper consecrare Eucharistiam in ordine ad manducationem: at nunc ait fore Sacramentum, etsi non consecre-

tur in ordine ad manducandum: erit ergo Sacramentum, etsi non intendat sacerdos facere, quod facit Ecclesia: non est ergo intentio tam necessaria, quam ille vult. Ita hæc Bellarmini responsio in contradictionem desinit. Sed si possit esse Eucharistia sine intentione manducandi, quidni Baptismus sine intentione lauandi?

*Secundum* nostrum argumentum sumitur à similitudine Baptismi: Sacramentum Baptismi in actione consistit: ergo & Sacramentum Eucharistiæ. Consequentia probatur, (quam Bellarminus inepte vocat antecedens) quia Sacramenta noui Testamenti sunt eiusdem generis: & præterea si Baptismus in usu consistit, quia Christus iussit baptizare, multo magis Eucharistia, cum Christus non vno verbo, ut in Baptismo, sed multis actionem præceperit, *Accipite, manducate, bibite, hoc facite*. Non res aliqua permanens, est Baptismus: nam aqua non est Baptismus, sed aquæ infusio, aut usus aquæ: & id ex nomine patet: *Βάπτισμα* n. non est aqua, sed quando aqua ad lauandum adhibetur. Bellarminus respondet, rem habere se contra in Eucharistia, atque in Baptismo: fatetur rem sic habere in Baptismo: ergo vnum saltem Sacramentum in usu tantum Sacramentum est. Sed hoc quoque de reliquis illorum supposititiis Sacramentis dici potest: nam confirmatio non est oleum, sed usus olei: & sic extrema unctio. Idem de matrimonio dici potest.

Sic

Sic in Sacramento ordinis; ordinatio est res transiens; & sic poenitentia. Nō in vllō alio Sacramento rem permanentem inuenient, ex qua faciant Sacramentum: quod magno præiudicio est, nullum esse omnino nisi in usu Sacramentum. Sed Bellarminus ait, nullam actionem in Eucharistia esse Sacramentum: ita hoc Sacramentum erit solum res permanens. Eucharistiam vero non in actione, sed in re permanente consistere, sic probat, quia nulla actio nominari potest, cui tota ratio huius Sacramenti conueniat. Sic igitur argumentatur: Si nulla actio in Eucharistia potest verè Sacramentum dici, tum non in actione consistit hoc Sacramentum: at verum prius: ergo & posterius. Minorem sic probat: non actio manducandi, aut frangendi, aut distribuendi, aut consecrandi: ergo nulla actio. Non manducandi actio, quia illa est actio hominū, non Dei; & qui manducat, non conficit Sacramentum, sed consumit: nec qui frangit, aut distribuit, dicitur facere Sacramentum: consecratio autem facit Sacramentū, non est ipsum Sacramentum.

*Respondeo*: Author Sacramentorum omnium Deus est: & in Sacramento Eucharistiæ Christum præsentem oportet fide intueri: quare quasi Christus in medio sederet & faceret, quod in prima Cæna fecit, ita nos sentire de hoc Sacramento oportet: Minister est vicari⁹ Christi in illa actione. Quæritur iam, quid Sacramentum sit, num res permanentes, nempe panis & vinum,

aut corpus & sanguis Christi, aut accidentia panis & vini; an ipsa actio faciendi, quod Christus fieri iussit? Non est res durabilis, sed transiens, ipsa nempe actio, non manducandi tantum, sed frangendi, & distribuendi, & edendi, & bibendi, ad renouandam memoriam mortis Dominicæ: nisi enim omnia in hunc finem fiant, non erit Sacramentum. Etsi ergo manducatio per se nō facit Sacramentum, nec fractio, nec distributio, nec consecratio, tamen hæc omnia Sacramentum faciunt, si fiant animo mortem Christi solenni commemoratione annunciandi. Non nostra actio Sacramentum facit, sed Christi institutio, quæ in tali actione Sacramentum esse voluit. Manducatio etsi est actio manducantis, & consumit panem, tñ nō proinde non erit pars Sacramenti; quia Christus in hoc Sacramento manducationem instituit: non ergo consumitur Sacramentum, sed panis Sacramentalis, in quo est Sacramentum, aut quod est subiectū Sacramenti. Nam proprie Sacramentum est actio: id verbum (Eucharistia) docet, quæ gratiarum actionem significat: non ipsa actio gratiarum est Sacramentum; non enim est signum visibile: sed ritus externus in agēdo, quod Christus iussit, cum gratiarum actione. Sic Cæna Dominica dicitur, nō quod epulæ appositæ sint, sed quia has epulas accipim⁹. Etsi a. hæc actiones in nobis sunt ministerialiter & subiectiue, tñ effectiue & principaliter in Christo sunt, qui iussit. Sed

K k k k

Bel-



Bellarminus rei permanenti, id est, panis consecrato ait conuenire totam definitionem Sacramenti; nimirum si illi definire liceat, ut vult: sed Sacramentum naturalia est  $\pi\lambda\epsilon\tau\eta$ , id est, caeremonia quaedam, ad quam res permanentes requiruntur: res autem, quatenus permanent, non sunt Sacramentum. Sed de definitione Sacramenti prius diximus. Sic in Agno Paschali, non ipse Agnus erat Sacramentum: nam aut viuus aut mortuus Sacramentum fuit: non viuus; tum enim non opus erat mactare: si mortuus, tum aut antequam ederetur, aut in edendo, aut post: sed nil horum: ergo Sacramentum fuit non Agnus, sed ipse ritus: & vocatur *Phasé*, i. e. transitus, quod rem transeuntem non permanentem significaret. Non ergo Agnus, sed mactatio & manducatio Agni fuit Sacramentum. Similiter Circumcisio res transiens fuit: non ipsum præputium Sacramentum erat, sed amputatio præputii. Res ergo, quatenus sunt permanentes, non sunt Sacramenta, sed vsus rerum, qui in caeremonia & actione consistit. Sed Bellarminus ait, neminem vnquam vocasse hoc Sacramentum fractionem, vel consecrationem, vel distributionem, vel manducationem, vel aliam actionem, sed rem permanentem, id est, panem sanctificatum. *Respondeo*: Patres vocare panem hunc, & vinum hoc, Sacramentum, non quia sunt ipsum Sacramentum, sed quia subiectum & fundamentum sunt Sacramenti: quod hinc patet, quia vocant Sacramentum

ante consecrationem, non minus quam post: nempe paratur, ut in eo Sacramentum fiat. Nam si panis & vinum reuera ipsum Sacramentum sint, tum ex eorum sententia nullum erit Sacramentum post consecrationem, quia nullus remanet panis aut vinum post consecrationem: num corpus & sanguis Christi est Sacramentum? impium est ex rei ipsa facere Sacramentum: num species? at species panis non sunt panis consecratus: nam 1. panis omnino non sunt: 2. consecratio naturas mutat, ut illi volunt: at species manent. Volunt Sacramentum esse rem permanentem, & tamen non sinunt panem permanere: ergo nil permanens potest esse Sacramentum sublato pane: at Patres nunquam de Sacramento species rerum somniarunt. Iustinus ait, *1. 1. 1. Hic cibus à nobis Eucharistia appellatur: Martyr. A. at nil cibi est in speciebus: & non polog. 2.* Eucharistia dicitur propter aliquid in eo permanens, sed quia hic cibus cum gratiarum actione pro tanto beneficio sumitur. Tertullianus *Tertull. de resur.* ait, *Caro corpore & sanguine Domini. resur.* *vescitur*: num Bellarminus putat corpus Domini esse Sacramentum? cuius, quæso, rei? vescimur autem corpore Domini in Sacramento. Irenæus ait, Eucharistiam constare ex re terrena, & celesti: at res celestis non est propriè Sacramentum, sed id quod Sacramento representatur: sed Irenæus vult nos in Sacramento res duas accipere. Et Patres passim conferunt Sacramentum cum verbo incarnato. Sicut in Christo naturæ duæ sunt, sic

sic in hoc Sacramento: at Patres non simul copulatas esse has naturas voluerunt, sed pios vna cum re externam internam sumere; non esse permanentem coniunctionem Christi cum Sacramento. Sed quænam hæ duæ naturæ sunt secundum Bellarminum? corpus Christi scilicet, & accidentia panis: at nunquam sic Patres: nam illi per naturam terrestrem non similitudinem, aut imaginem, aut speciem, sed veram substantiam intellexerunt: alias hæc comparatio maximè fauisset hæreticis ponentibus phantasticam in Christo humanitatem. Si enim corpus Christi in Sacramento coniungatur tantum cum spectris panis & vini, non cum vero pane & vino, respondere poterant hæretici, similiter diuinam naturam Christi coniungi cum spectro corporis, non cum vero corpore humano. Ita illa comparatio duarum naturarum in Sacramento cum duabus naturis in Christo, declarate eidentissime aliam fuisse mentem Patribus, quam Aduersarij volunt.

## CAPVT IV.

## De antiqua consuetudine seruandi Sacramentum an licita fuerit.

POSTREMO loco vrget Bellarminus perpetuam seruandi huius Sacramenti consuetudinem, quam multis Patrum testimonij confirmat. De his pauca dicenda,

ut quid de illa consuetudine iudicandum sit, & quantum ab ea Papistæ discesserint, videamus. Clemens Romanus, quod reliquum est de corpore Domini, iubet reponi à Diaconis cum reuerentia in pastophorio: verba hæc sunt,  $\delta\tau\alpha\nu\ \pi\alpha\nu\tau\epsilon\varsigma\ \mu\epsilon\lambda\epsilon\tau\omega\varsigma\ \eta\gamma\ \pi\alpha\sigma\tau\omega\varsigma\ \epsilon\iota\ \Delta\iota\alpha\kappa\omicron\upsilon\tau\epsilon\varsigma\ \tau\omega\ \omega\epsilon\iota\sigma\sigma\epsilon\upsilon\sigma\alpha\iota\ \epsilon\iota\varsigma\ \tau\omega\ \pi\alpha\sigma\tau\omicron\phi\omicron\epsilon\iota\alpha$ , Cum omnes viri & femina acceperint, Diaconi quæ super fuerint, in pastophoriis reponant. Hinc possumus intelligere, non fuisse olim vsitatam Missam priuatam in Ecclesia primitiua, quia communicabant  $\pi\alpha\nu\tau\epsilon\varsigma\ \eta\gamma\ \pi\alpha\sigma\tau\omega\varsigma$ , omnes & viri & femina. Sed quod attinet ad Clementis testimonium, satis Bellarmino notum est, apud ipsos etiam Papistas hunc librum in exiguo precio esse, utpote in quo multa habentur, quæ cum fide & consuetudine Ecclesiæ Catholice pugnant. Tum certum est, non esse hos libros à Clemente scriptos, qui fuit discipulus Apostolorum, quia multa hic inuenies, quæ post Apostolorum tempora irrepererunt. Quod ad pastophorium attinet, Bellarminus putat eo vas illud intelligi, in quo Sacramentum asseruandum reconditur; sed errat; idque ex ipso Clemente patet, qui alibi iubet Ecclesiam ædificari  $\theta\eta\mu\iota\alpha$ , id est, oblongam, in formam nauis, & ex utraque parte fieri  $\pi\alpha\sigma\tau\omicron\phi\omicron\epsilon\iota\alpha$ : quod non de vasis intelligi potest: hoc enim pertinet ad formam machinæ, qualem Ecclesia habere debet ex sententia huius Clementis, ut naui similis sit. Quid autem pastophorium sit, ex Septuaginta interpretibus constare potest in Isaia

Clemens  
Roman.  
constit. A-  
post. l. 8. c.  
13.

Clemens  
Roman. v-  
bi supra, l.  
2. c. 57.

*Alii legunt* 22. ubi iubetur Isaias ingredi in *παρεκκλήσιον*, ubi praepositus templi habitet; in quem locum Hieronymus ait, pastophorium esse thalamum, in quo sacerdotes versabantur: & huius vocabuli meminit Iosephus. Iubet ergo Clemens reliquias inferri in cubiculum sacerdotum, non ut seruentur, sed ut illi eis utantur. Hoc nihil pro Papistica asservatione facit. Mos fuit, ut Ministri secum auferrent, quicquid panis aut vini supererat: Bellarminus putat *παρεκκλήσιον* significare pixidem, in qua illorum Christus habitat: sed est cœnaculum, aut cubiculum, aut tabernaculum, in quo Ministri templi habitabant, à *παρεκκλήσιον*, aut *παρεκκλήσιον*; *thalamus*, aut, *domus*: quâquam hoc vocabulum non sæpe in authoribus occurrit.

*Iustin. Mart. A-pol. 2. prope finem.* Secundum testimonium est Iustini Martyris, qui ait Diaconos consuevisse deferre Eucharistiam ad fratres absentes, qui aliqua de causa impediti non potuerunt interesse celebrationi mysteriorum: fuit ergo post actionem verum Sacramentum, & verum corpus Domini. *Respondeo* 1. illâ consuetudinē non niti auctoritate Christi: Christus enim iussit præsentes edere, non deferre ad absentes. 2. Et si deferatur ad absentes, non tamen sequitur extra usum esse Sacramentum. Nam quando Minister panem tenet manibus, quem populo distribuat, non est Sacramentum, dum tenetur, sed cum editur: ita dum Diaconi deferunt, non habet propriam rationem Sacramenti, sed cum percipitur. Absentes

autem perinde æstimabantur, ut qui remotius in Ecclesia sedebant, & ad eundem cœtum, idemque corpus pertinere putabantur. Nam Diaconi statim à cōmunionem eorum qui aderāt, deferrebant ad absentes, ut illi communicarent: erat igitur quasi vna synaxis præsentium & absentium. Irenæus ait, \* Anicetum Papam misisse Eucharistiam ad alios Episcopos in signum pacis & communionis. *Respondeo*: Qualis ea Eucharistia fuerit, incertum est, num Sacramentum, an panis communis, quem Episcopi Catholici ad alios eiusdem confessionis mittebant in signum amoris & benevolentiae. Paulinus ad AUGUSTINUM panes misit gratia charitatis, ut ait: Tertullianus vocat panes sic missos *Hospitalitatis cōtesserationem*: videtur ergo quoddam fuisse non Dominici corporis, sed hospitalitatis & mutuae cōcordiae pignus & Sacramentum: sed utcunque; missa Eucharistia est, ut sumeretur, non seruaretur. Tertullianus ait, Christianos solitos esse deferre domum secum, ut opportuno tempore sumerent: non ergo seruandi causa, sed sumendi: at Pontificij seruant inclusum in pixide, non sumunt. Faminis olim tradebatur, ut domum, deferrent: quod non fecissent veteres, si ipsum Christi corpus fuisse existimassent. Inualuit ille mos paulatim in Ecclesia, ut quidam sumerent in Ecclesia Eucharistiam, quidam domum deferrent: & quidam sumebant poculum in Ecclesia, panem vero vel tum edebant, vel postea domi,

\* Irenæus in Epist. ad Viñor. a. t. 1. c. 24.

August. Epist. 35. 36. Tertull. de præscript.

Tertull. l. 2. ad uxorem.

domi, quando libuit. Communicabantur quidem quotidie, sed aliqui non potuerunt quotidie sacris cœtibus interesse: nam famina quidam habebant viros Ethnicos: ad illas ergo panis domum deferrebat quotidie, ut quotidie cōmunicarent. Si corpus Domini fuisset, non commisissent laicis, præsertim faminis. Sed qui adesse non potuerunt, absentiam suam hac priuata sumptione consolabantur.

Cyprian. de lapsis.

Cyprianus narrat, faminam quandam, cum arcam aperiret, in qua erat Sacramentum, ut illud inde depromeret, igne deterritam fuisse inde surgente.

*Respondeo*: Hoc videtur ostendere, morem illum displicuisse Deo. Et sane abusus non ferendus fuit, ut quis Sacramentum, quod palam & in publico sumi debuit, in Ecclesia non edat, sed domum suam deferat, ut ubi visum fuerit, sumat. Et tamen hoc in priuatis adibus fiebat, & in eum tantum finem, ut ederetur: at Pontificij Sacramentum in pixide seruant, idque in templo, ut ostentetur populo, & adoratur. Postea Bellarminus venit ad Concilium Nicœnum, in quo ait cautum esse, ut in absentia Presbyterorum Diaconi Eucharistiam porrigant: at sine Presbyteris Cœna celebrari non potest: ergo loquitur Concilium de tempore, quo Cœna non celebrabatur; ac proinde constat, Eucharistiam olim seruari solitam in Ecclesia, ut quouis tempore distribui posset.

*Respondeo*: In Græcis canonibus nihil tale habetur: & Bellarminus

fatetur non haberi in omnibus editionibus. Quod autem affert ex alio canone eiusdem Concilii, qui in periculo mortis sunt, non esse priuandos viatico; hoc nihil facit asservatione Eucharistiae. Quidni potuit communio priuatim celebrari, ut hodie in multis locis fit? Non aliud hoc canone præcipitur, nisi ut qui excommunicatus esset, si resipisceret, in articulo mortis posset recipi ad pacem & communionem Ecclesiae. Deinde ex Nazianzeno aliquid affert, qui ait tororem suam Gorgoniam de nocte ad Ecclesiam cucurrisse, & partem Sacramenti, quam seruauerat, protulisse.

Nazian. in orat. de laudib. sororis Gorgonia.

*Respondeo*: Hoc nihil aliud euincit, nisi positum in more fuisse, ut panem Eucharisticum secum haberent, quem priuatim, cum vellent, ederent: non incluserunt perpetuo, non circumgestarunt in pompa, non adorarunt: tantum habuerunt, ut sumerent. Postea Ambrosium citat, qui ait Satyrum in periculo naufragii Sacramenti particulam de collo suspendisse, atque ita enataste incolumem. *Respondeo* dupliciter: 1. nec Satyrum bene fecisse, nec Ambrosium bene illum laudasse: nimium Ambrosius amauit fratrem, qui ipsius etiam vitia laudauit. Satyrus laicus fuit, necdum Christianus; constat enim nondum fuisse baptizatum, sed fuisse adhuc catechumenum. Sacramentum in sudario de collo suspendit, eoque fretus se in mare præcipitat: superstitione quadam hoc fecit, non fide: fidebat enim Sacramento magis.

Ambros. in orat. de obitu Satyri.



gis quam Deo: sperabat non passurum Deum submergi Sacramentum: Abusus insignis: non enim ideo Christus hoc Sacramentum instituit. Quod verò ad Ambrosium attinet, nescio an possit excusari, qui talem superstitionem laudavit. Quanquã si in tanto periculo nesciebat Satyrus, quid faceret cū Sacramento, & ne proiiceret in aquas, suspendebat circa collum, nō est reprehendendus. 2. Ille mos testatur communem hominum de hoc Sacramento opinionem. Nulla hic pompa, nullus suffitus, non lampas, non facula: at Papistæ nunc nō tam promiscuè hoc Sacramentum utuntur, sed nunc illi sub clauibus asseruant, & nunquam sine luminibus & pompa producant. Sed si olim credidissent, hunc panem esse corpus Christi, non tradidissent laicis, & non baptizatis, & feminis, imo aliquando non bonis Christianis, nedum Catechumenis, sed maiori prudentia vti fuissent in tradendo hoc Sacramentum.

Bellarminus ait, postea prouisum propter abusus; nam cepisse quosdã abuti Sacramentis ad magias: sed si esse ipsum Christi corpus antiquitas credidisset, non sic dissoluta in seruando fuisset; non cuius fuisset permissum habere. Sed quia de singulis testimonijs longum esset respondere, respondeamus de re ipsa ad omnia testimonia, atque ita hunc locum concludamus.

1. Respondemus igitur 1. consuetudinem non sufficere ad cōfirman-

dam asseruationem Sacramenti, nisi veritate & Scripturarum auctoritate nixa fuerit: hæc autem consuetudo nullis Scripturis confirmari potest: certum est autem statim ab Apostolorum temporibus abusus & deprauationes multas in Ecclesiam irrepsisse. Pighius fatetur in Papistica Missa abusus esse: si vlli, certe, hic merito vnus reputari potest. 2. Consuetudo antiqua seruandi Sacramenti nō fuit Papistica: nam illi seruabant ad tempus, eo animo, vt paulo post acciperent, atq; ira facerent, quod Christus præcepit: & ex historia liquet, licuisse aut edere in Ecclesia, aut deferre domum, vt oportuno tempore ederent: sed quis eum morem laudet? Papistæ autem seruant, non vt domi accipiant, cū publice non licet (quotidie enim ociosi sacrifici celebrant, neque omnino populus aliquid accipit) sed Sacramentum tanquam *κελήλιον* in cistis, & arculis, & pixidibus conclusum seruant. 3. Veteres non circumgestabant cum pompa, neque adorabant, neque tanta religione seruabant, vt quisquam eos verum Christi corpus existimasse colligat, sed tantum in iudariis ponebant, aut in cistis seruabant.

Hieronymus scribit, Exuperiū Tolosanum Episcopum, corpus Domini in canistro vimineo, & sanguinem in vitro posuisse, & seruasse. Ille hoc fecit persecutionis tempore, vt in promptu essent elementa, credo, in loco aliquo commodo: at si putasset esse verum corp<sup>9</sup>, & verum sanguinē Christi,

non

Pighius in  
Contro-  
uers.

2.

3.

Hieron. in  
Epist. ad  
Rustic.

non sic fecisset: quid enim vitro fragilius? facile potuit in terram cadere, aut allidi ad saxum, & sic sanguis Christi effunderetur; quod sine scelere fieri non potuit: & micæ vel fragmenta panis facile cadere poterant è canistro vimineo.

4. Papistæ non modo adorationis, sed & sanationis causa Sacramentū adhibent; quod non modo extra vsum, & præter institutionē Christi est, sed nullo antiquitatis exemplo probari potest. Nam quod Bellarminus de Gorgonia Nazianzeni sorore narrat, & obicit, nihil illa tale fecit: non vñ est reliquias Sacramenti ad recuperandam sanitatem, sed cum male se haberet, confugit ad Deum, & cucurrit ad templum, & proiecit se ante altare, id est, in ensam Dominicam, & ei supplicauit, qui colitur *ἐν αὐτῷ*, hoc est, non (vt Billius vult) qui super illud colitur, quasi suspendere-  
tur Eucharistia super altare, vt nūc mos est apud Papistas, sed qui in illo, id est, in altari colebatur; & si quid reseruauit *τὸν αὐτοῦ σώμα* corporis & sanguinis, cum lachrymis miscuit. Ita cum precibus vehementissimis Sacramentum coniunxit. Quid hoc ad illorum magiam, qui ex vi Sacramenti sanitatem expectant? & quidem si ibi verum corpus & sanguis Christi sit, quis non speraret sanitatem inde cum hamorroïsa? Sed non sic tractabat hæc pia femina Sacramentum, vt illi, non admonebat ad morbum, non contactu huius Sacramenti putauit morbum sanari posse.

Satyria autem exemplum, etsi alienum, non est imitandum: non adhibuit ille Sacramentum, vt recuperaret sanitatem, sed sperauit se fluctibus superiorem fore propter Sacramentum, quod in collo gestabat. Si Sacramento confidebat, superstitiose fecit: sed ille nondum fuit Christianus, aut rudis certè & nō perfectus Christianus: nec tam laudat Ambrosius, quam narrat tantum & commemorat hoc factum.

Quod verò ex Augustino hic citat, alienum quoque est. Scribit ille Sacramentum celebratum fuisse in quadam domo, quæ vexabatur à dæmone, vt hæc vexatio cessaret. Illi Sacramentum ibi celebrabāt, quod est mysterium mortis Dominicæ, vt profligaretur dæmon illis ædibus infestus, non reliquias ibi collocabant: nullum ergo hic exemplum est Papistici moris. Quam recte hi fecerint, ipsi viderint, sed alius huius facti finis fuit, quam Papistæ solent proponere. 5. & vltimo respondeo, posse nos etiam multa ex Patribus testimonia proferre contra hunc morem asseruandi Sacramentum.

Clemens, si quid super sit post communionem, iubet à clericis absumi, non seruari in crastinum. Sed Bellarminus cōtrarium ex eadem Epistola probat: vbi reliquias iubet religiose custodiri. Sed respondeo, 1. non esse hanc veram Epistolam Clementis: nam eius nō nisi vnā Epistolam cōmemorat Hieronymus. 2. Iubet Clemens absumi quicquid reliquum fuerit, nil

August.  
de Ciuit.  
Dei. l. 22. c.  
8.

5.

Clemens  
Epist. 2.

nil seruari in crastinum: cum hoc aperte pugnat, reliquias seruari: imo Papistæ non reliquias, sed integrum Sacramentum seruant.

*Origen. in Leuit. hom. 5.* Origenes ait, Dominus panem, quem discipulis dabat, non distulit, nec differri iussit in crastinum. Bellarminus ait, Dominum quidem non distulisse, nec iussisse differri, sed tamen posse nunc differri, quia multa Dominus per se non iussit, quæ postea per Apostolos iussit. Sed Apostoli hanc dilationem non instituerunt: legatur Paulus. 1. Corinth. 11. Et Origenes non esse differendum probat, quia Christus nec distulit, nec iussit differri: & loquitur de sacrificio, quod Deus eodem die comedi iussit, nil relinqui in posterum mane: & tum ait, sermonem diuinum nolle nos comedere carnes hesternas, sed recentes semper & nouas, id est, Ministros semper noua & spiritualia proferre debere: & concludit Dominum non distulisse, nec seruari iussisse in crastinum. Neque igitur nos differre oportet, aut inepte Origenes, qui hoc ex eo colligit, quod sacrificium eodem die comedendum fuit.

*Hesych. in Leuit. l. 2. c. 8.* Hesychius ait, morem Ecclesiæ esse, ut quod superest ex Sacramento, comburatur. Bellarminus ait, illum tamen ibidem non prohibere asseruationem per aliquot dies: nam & ille mos Ecclesiæ fuit.

*Respondeo:* Sed Hesychius magis probat, omnes reliquias comburi. Ex quo constat, non fuisse tunc fidem Ecclesiæ, quæ nunc est Papistarum: nam si Christi corpus sit,

sacrilegium est plusquam damoniacum, comburere. Sed nihil, inquires, Christo nocere potest: quid tum? non ergo Christus comburi debet. Quid enim illud fuit, quod comburebatur? num accidentia? at accidentia non possunt comburi: debet enim esse materia aliqua crassa, quæ comburitur: non habent in se accidentia pabulum ignis: quid? num panis substantia redit? Deus ergo panem reuocat, quem sustulerat, ut materia sit flamma: nam Christi corpus ardere non potest: neque ignis admonendus Sacramento, ut Christum fugere cogamus. Sed sic disputo: Aut Christus voluit remanere in Sacramento, aut non: si non, cur igitur seruatur? si voluit remanere, impium est incendere Sacramentum, atque ita aut absumere Christum, aut expellere non fumo, sed veris ignibus.

Nicephorus ait, Constantino-  
*Niceph. l. 17 c. 25.* poli eam consuetudinem fuisse, ut Sacramenti reliquie pueris & scholæ & φθόγοις, innocentibus, vel incorruptis comedendæ præberentur: eumque morem durasse ad sua tempora: & idem habet Euagrius, qui  
*Euagr. l. 4. c. 36.* vocat ἐθὺς παλαιόν, consuetudinem antiquam; & Gregorius Turonensis. Ex quo concludimus, illas reliquias non fuisse Sacramentum, multo minus corpus Domini, quia tradebantur pueris non baptizatis, etiam interdum pueris Ethnicorum, ut refert Nicephorus: at non licebat illis manducare Sacramentum, aut corpus Domini: ergo hæ reliquie neque pro corpore Domini,

mini, neque pro Sacramento habebantur.

*Conc. Matisen. can. 6.* Bellarminus ait, pueros adhiberi solitos, cum multum superesset, & plus quam commode cōseruari posset. Quasi non tam facile multum cōseruare possunt, quam parum. Sed hanc eius rationem non confirmat ratio: & authores non hoc dicunt, sed contra, quod remansit, à pueris innocentibus solitum edi, ijsque sæpe non baptizatis, ut diximus. Similiter in Concilio Matifconensi secundo, decretum est, reliquias Sacramenti præbendas esse innocentibus: & Concilium Toletanum primum, & Casaraugustanum, prohibent deferri extra Ecclesiam à populo Sacramentum, ut olim fiebat, iubentque

lumi in Ecclesia. His addi potest Humbertus, quem Bellarminus citat.

Sed ait Bellarminus, cum aliud improbare, non asseruationem: sed ille asseruationem improbat auctoritate Christi, qui panem benedictum mox fregit & distribuit, non reseruauit frangendum in crastinum. Denique Cassander hanc circumgestionem. Papistarum  
*Cassander art. 22.* ait esse præter veterum morem & mentem; & narrat Albertum Crantziū laudare Nicolaū Cusanum legatum per Germaniam, in metropoli.  
*Crantzius in metropoli.* qui eum morem sustulerit; additque idem Albertus rationem, quia cælestis magister instituit ad usum, non ad ostentationem.

## FINIS TERTIÆ QVÆSTIONIS.

LIII

QVARTA




# QVARTA QVÆSTIO:

De pane azymo, Num Eucharistia in pane azymo  
an fermentato administrari debeat.

## CAPVT PRIMVM.

Contentio Græcorum & Latinorum hac de re explicatur,  
& status controuersia inter nos & Papiſtas  
proponitur.



illam Quæ-  
stionem nunc  
transio, in qua  
quæritur, qua-  
lis panis sit ido-  
nea materia hu-  
ius Sacramenti. Triticeum autem  
adhibendum esse, non hordeace-  
um, aut filigineum, aut auenaceū,  
inter nos conuenit: quanquam a-  
liqui putant, nullum panem repu-  
diandum esse, qui vsitatus sit, si tri-  
ticeus comparari non possit, & si-  
militer communem potum suffi-  
cere in inopia vini: in multis enim  
locis non nasci triticum, nec vites  
pangi, aut vinum inueniri: non ta-  
men propterea homines priuan-  
dos esse Sacramento. Scholastici  
de hoc disputant, & alij aliud affir-  
mant: nam aliqui putant panem  
hunc Sacramentalem: è quouis fru-  
mento, aut farre, aut spelta, confici  
posse. Certè ridicula est quorun-  
dam ratio, ideo in triticeo pane  
celebrandum esse hoc Sacramen-  
tum, quia Christus se grano fru-

menti comparauit: indoctè! nam  
ait quoduis frumentum signi-  
ficat, non modo triticum. Sed no-  
bis non est controuersia cum Papi-  
stis de substantia aut genere panis,  
sed de panis qualitate, debeatne  
esse *ἄζυμος*, an liceat in fermen-  
tato consecrare. Neque hæc ad-  
modum capitalis controuersia est:  
nam Thomas ait, nō esse de neces-  
sitate Sacramenti, vt sit azymus, &  
Græcos non modo non peccare  
vntes pane fermentato, sed si quis  
inter eos aliter faceret, eum nō re-  
cte facere, quia ritum Ecclesiæ suæ  
peruerteret.

Sic Alanus. Et Concilium Flo-  
rentinum permittit Græcis, morē  
suum retinere. Sed alij tamen ali-  
ter. Scotus, & Paludanus, Græcos  
esse schismaticos aiunt, & nullo mo-  
do illum morem approbandū aut  
tolerandum esse: quod etiam Ga-  
briel affirmat. Tridentinum Con-  
cilium nihil hac de re statuit, quia  
vidit tam pugnantibus suorum opi-  
niones: Thomas, & Florentinum  
Con-

Thom. in  
3. q. 74.  
art. 4.

Alanus de  
Eucharistia  
Sacramentis  
l. 1. c. 12.  
Conc. Flo-  
rent. in in-  
stru. ad  
Armenos.  
Scot. in 4.  
d. 11. q. 3.  
Palud. in  
eund. q. 1.  
art. 4.

Con-

## Praelectiones de Eucharistia.

Concilium Græcorum morem in  
adhibendo pane fermentato non  
improbant: Leo nonus, & Inno-  
centius tertius, & Scotus, & alij,  
non esse ferendum aiunt: in hac  
dissensione silent Patres Triden-  
tini. Sed Græci non modo pane  
fermentato vtuntur, sed Latinos  
damnāt, quod in pane azymo hoc  
Sacramentum conficiant, eosque  
vocant azymitas, & Latini contra  
illos Fermentarios appellant. De  
hoc vide Anselmum in libro, quē  
de pane fermentato & azymo edi-  
dit.

Et Guido Carmelita ait, Græ-  
cos non permittere, vt Latini sacra  
faciant in illorum altaribus: & si  
fecisse intellectum fuerit, altaria  
polluta existimant; quod etiā In-  
nocentius tertius in Lateranensi  
Concilio dixit: adeo Græci à Lati-  
nis abhorrebant. Et morem suum  
Græci adhuc retinent, quemad-  
modū ex Ileremia Patriarcha Con-  
stantinopolitano patet, qui ait,  
Christum in fermentato pane cō-  
fecisse: nec posse Sacramentum in  
azymo celebrari, quod azymus ad  
Iudaismum spectet.

Ilerem in  
consur. con-  
fess. Augu-  
stin. ad  
art. 10.

Quid ad hæc noster Bellarmi-  
nus? ait hanc cōtrouersiam ortam  
esse circa annum Domini 1053. id-  
que probat ex Epistola Leonis no-  
ni ad Michaelē Episcopum Cō-  
stantinopolitanum (quanquam i-  
pse Leo hanc Epistolam ait scri-  
ptam esse anno 1020) atq; ita per-  
suasum nobis esse vult Bellarmi-  
nus, ante annum Domini 1053. Ec-  
clesias omnes vſas esse pane azy-  
mo. Sed is à Thoma refutatur, qui

Thom. in 3.  
q. 74. art. 4.

ait, Gregorium in Registro scribe-  
re, Romanam Ecclesiam offerre a-  
zymos panes, quia Dominus car-  
nem suscepit sine vlla commistio-  
ne viri: sed cōtra alias Ecclesias of-  
ferre panem fermentatum, quia  
verbum induit carnem, vt ferme-  
tum miscetur farinæ. Mira res, &  
mira ratio diuersæ consuetudinis!  
Christus natus est ex sola virgine:  
ergo azymo pane est vtendum:  
Christus Deus factus est homo: er-  
go fermentato pane est vtendum.  
Sed si hæ rationes quicquam va-  
lent, tum oportet nos & azymo &  
fermentato pane vti: quid ergo de  
huiusmodi rationib. sentiendum?  
Iam ergo quam nos Ecclesiam se-  
quemur, & quo nos more vtetur?  
imitanda nobis est veterum mo-  
destia & moderatio. Cum ergo  
Christus nihil mandarit vel de pa-  
ne azymo, vel de fermentato, non  
esse de istis rebus lites mouendas  
existimamus: *ἄζυμος* est vel pa-  
nem azymum vel fermentatū ad-  
hibere: non refert sitne panis azy-  
mus an fermentatus, vt nec sitne  
vinum album an rubrum. Hæc  
controuersia magis inter Græcos  
& Latinos est, quam inter nos &  
Papiſtas. Nam etſi potius in fer-  
mentato pane celebrandum esse  
hoc Sacramentum dicimus, quia  
cōmunis & vsitatus panis est; cum  
Christus pane vsitato, seu azymo,  
seu fermentato vſus fuerit: tamen  
non damnamus alium morem. At  
Græci Latinos damnant, & ab  
eorum sacrificio abstinēt propter  
hanc ipsam causam: contra Latini  
Græcos vocant schismaticos, vt ex

LIII 2 Leonis

*Leon. 9. B.* Leonis noni Epistola patet, qui ait  
*piſt. ad Mi-* hunc Michaellem Episcopum Cō-  
*chael. c. 5.* stantinopolitanum, & Leonem A-  
cradinum Episcopum, damnasse  
Romanam Ecclesiam pro eo ma-  
xime, quod de azymis cōmemo-  
rationem Dominicæ mortis cele-  
braret. Sed hic Leo, & Innocen-  
tius tertius, nō minus contra Græ-  
cos pro suo azymo fulminant.

*Innocent.*  
*2 l. 4. c. 4.*  
*de myster.*  
*missa.*

Quod verò Innocentius ait,  
Græcos à Leone in Epistola ad Mi-  
chaelem Imperatorem confuta-  
tos esse super variis hæresibus, in  
eo fallitur: non enim fuit ille Mi-  
chael Imperator, sed Archiepisco-  
pus Constantinopolitanus, ut ap-  
paret ex Epistola Leonis: & illum  
tamen Imperatorem Alanus vo-  
cat: unde non lectam ab eo Episto-  
lam Leonis constat. Nos ergo hac  
de re cum Papistis non litigamus,  
nec illi nos magnopere damnant,  
nisi quod aiunt nos non obserua-  
re morem Ecclesiæ: at æquum nos  
putamus, sequi exemplum Christi,  
qui communi pane utebatur.

## CAPVT II.

*Rationes afferuntur, quibus pro-*  
*batur, Christum non pridie Azy-*  
*morum celebrasse canam,*  
*ut volunt Græci.*

Sed quia omnis hæc inter Græ-  
cos Latinosque dissensio inde  
orta est, quod Græci Christum ce-  
lebrasse Cænam pridie Azymorū,  
vnius diei anticipatione, dicant;

contra Latini primo die Azymo-  
rum; atque ideo illi in pane ferme-  
tato, hi in azymo celebrasse affir-  
ment: & multi etiam Theologia aut  
nesciant, quid de hoc statuunt, aut  
nondum inter se conueniant; ope-  
ra pretium erit hanc rem breuiter  
explicare.

Bellarminus multa dicit, quæ  
mutuatus est ex Marcello Franco-  
lino: ego me nulli addicam, sed li-  
bertatem & rationem sequar. Et si  
autem variæ sunt doctorum opi-  
niones hac de re; possunt tamen o-  
mnes ad hæc duo capita reuocari,  
edisse scilicet Christum Pascha aut  
eodem die, quo Iudæi, aut pridie.  
Et quidā Christum pridie, sed die  
legitimo, edisse volunt, Iudæos ve-  
rò distulisse, aut propter Sabbatū,  
aut propter eam curam, qua in  
Christi necem incumbabant. Iu-  
dæi enim non ex Lege, sed ex con-  
suetudine quadam post captiuita-  
tem Babylonicam, ut quidam vo-  
lunt, si solenne aliquod Festum in  
Sabbato incideret, in proximum  
diem differre solebant: ita ex hac  
sententia Christus celebravit Pa-  
scha eo die, quo Lex præcepit cele-  
brari, Iudæi verò die pximo, quia  
Pascha eo anno, quo Christus pas-  
sus est, in Sabbato incidit: alii verò  
volunt non ideo Iudæos distulisse  
Pascha quia in Sabbato incidit, sed  
quia occupati erant in accusando  
Christum, & in tollendo eum è  
medio. At alii è contra putant Iu-  
dæos die legitimo Pascha celebraf-  
se, sed Christum præoccupasse diē  
Lege constitutum, & ante illum  
diem Pascha celebrasse, quia nouit  
se

*Marcell.*  
*Francolin.*  
*in lib. de*  
*horu Cano-*  
*nica.*

se antea morituum. Et plerique  
Theologi vnum diem inter Chri-  
sti & Iudæorum Pascha interces-  
sisse putant propter loca quædam  
in Euangelis. Mihi verò rebus o-  
mnibus diligenter expensis aliter  
visum est, Christum scilicet & Iu-  
dæos simul die Iouis ad vespæram  
Pascha celebrasse, & postridie  
Christum crucifixum fuisse: non  
ergo aut Christum aut Iudæos mu-  
tasse diem. Rationes meæ hæc sunt.

*1.* *Primæ ratio sumitur ab auctori-*  
*tate veteris Testamenti Exod. 12.*  
*Exod. 12. 6.* & *Leuit. 23.* vbi præcipit Deus de-  
*18.* *Leuit. 23. 5.* cimo quarto die primi mensis ad  
vesperam Pascha edere. Iam verò  
Iudæi adeo diligentes fuerunt ob-  
seruatores Legis, & omnium cære-  
moniarum, ut superstitioni videri  
possint. Et cautum est *Numer. 9.*  
*10. 11.* ut si qui non possent Pascha cele-  
brare decimo quarto die primi  
mensis, vel quod immundi essent,  
vel quod essent in itinere, differret  
in decimum quartum diem secun-  
di mensis: non licebat proximo die  
celebrare. Et legimus Regem Eze-  
chiam & Israelitas distulisse cele-  
brationem Paschatis in decimum  
quartū diem secundi mensis, quia  
Sacerdotes non parati erant; nō in  
diem proximum. Incredibile igitur  
est, ausos fuisse Iudæos mutare  
diem, cum Deus nullam mutatio-  
nem in Lege permississet. Et Chri-  
stus voluit seruare Legem: ideo e-  
nim venit in mundum: & oportuit  
typum ac veritatem congruere, ut  
eodem die, quo Agnus typicus, ve-  
rus etiam Agnus immolaretur: q̃  
magno argumento est Christum

in die non discessisse latum vin-  
guem à Lege.

Primo igitur Festum Paschatis  
celebrauit ad vespæram eiusdem  
diei, quo crucifixus est; postea ali-  
ud epulum instituit; & postremo  
eodem ciuili die crucifixus est: v-  
trumque tempus ad vnum diem  
ciuilem pertinebat. Nam quod  
quidam Christum præuenisse &  
præoccupasse diem dicunt, quia se  
postridie morituum præsciebat;  
nulla ratio est: non enim cuiquam  
necesse est Legem seruare, nisi dū  
viuit: potuit hæc causa esse, cur  
Cænam suam ea nocte celebraret,  
sed non cur Pascha ederet. Et certè  
cum legamus Iudæos tam diligen-  
tes fuisse in accusando Christum,  
& in conquirendis contra illum  
criminibus, si rescissent, illum hæc  
Legem de Paschate violasse, & Pa-  
scha alieno tempore celebrasse, li-  
ne dubio illum fecissent reum ma-  
gni criminis; & hæc satis iusta cau-  
sa fuisset eum è medio tollendi: sed  
nemo ei hoc obiecit, nulla hac de  
re facta est querela, imo nulla mē-  
tio. Nam etsi Christus legitimo  
die Pascha celebrasset, Iudæi verò  
non: hoc tamen ad crimen satis fu-  
isset. Quod verò aliqui aiunt,  
Christum hoc clam fecisse, ut ne-  
mo sciret, non est verisimile. Con-  
stat enim misisse Christum duos  
discipulos ad hospitem quendam,  
in cuius ædibus Pascha voluit ce-  
lebrare: ergo rota illa familia no-  
uit: & si clam aliis hoc fuit, tamen  
Iudas nouit, qui procul dubio hac  
de re Sacerdotes certiores fecisset.  
Et certum est multos fuisse con-  
scios;



scios; nemo autem Christum accusat de violato Paschate: qui Christum accusabāt, quod traditiones non seruaret, si cōmunem morem in celebrando Paschate non seruasset, nunquid tacuissent, & hæc omnino prætermisissent?

2. *Secunda ratio sumitur ex Evangelio:* Scitis, inquit, CHRISTVS, *ὅτι μετὰ δύο ἡμέρας τὸ πάσχα γίνεται, quod post biduum Pascha erit, & filius hominis tradetur, ut crucifigatur.* Christus sic loquitur ut de re nota omnibus: si autem ipse diem præuenire in animo habuisset, dixisset, Scitis Iudæos Pascha suū post triduum celebraturos: at ego post biduum celebrabo: præsertim cū vidissent illum iam bis antea eundem cum Iudæis diem seruasse. Cum enim Christus bis antea stato tempore Pascha celebrasset, si iam vnum diem præoccupare voluisset, quomodo diceret discipulis, Scitis, id est, ex more & consuetudine mea nostis? non enim sciebant, si diem præoccupare voluit: nec ex Lege id scire potuerunt, quia Lex alium diem præscripsit. Sic ergo Christus locutus est, ut si nos dicamus, Scitis Natalitia fore tali die, aut Pascha tali Dominica: Scitis? unde? ex lege, & more, quasi diceret. Nemo nescit. Et alii Euangelistæ consonant.

Marc. 14. 1. & 12. Marcus ait, *Erat Pascha & Azyma duob. post diebus:* loquitur de eodem Paschate, eisdemq; azymis: & postea, *primo die Azymorum, ὅτε τὸ πάσχα ἐθύον, quando Pascha mactabant, Iudæi scilicet:* certum est ergo, primo die Azymorum Iudæos Pascha cele-

brasse: & Christus eodem die celebravit.

Sic Lucas, Venit dies Azymorum, quo oportebat *θύεσθαι τὸ πάσχα, mactari Pascha:* unde constat Lege illos ad diem illum astrictos fuisse. Vnus Ioannes videtur paulo aliter dicere, de quo postea respondemus. Ira tres Euangelistæ rem eandem iisdem pene verbis declarant: ergo eandem horam & punctum temporis seruauit Christus in celebratione Paschatis cum Iudæis. Ex his colligimus, errare eos, qui putant diem vnum intercessisse inter celebrationem Paschatis à Christo & Iudæis obseruatam.

3. *Tertia ratio sumitur à testimoniis Patrum.* Chrysostomus ait, *Christum seruasse cæremoniā eo die, quem Lex præscripsit, ut se in omnibus non esse Legi Aduersarium vsq; ad vltimum passionis diem ostenderet.* Hieronymus ait, *primam diem Azymorum fuisse decimam quartam diem primi mensis, quando Agnus immolatur, & fermentum abijcitur.* Similiter Augustinus ait, *Christum cenasse ea vespere, qua incipiebat azymum, & eius immolatio.* Sic Beda ait, *Christum cenasse prima die Azymorum, i. e. quarto decimo die primi mensis, quando fermento abiecto Pascha immolare, id est, Agnum occidere solebant ad vespeream.* Solus ex veteribus Euthymius ait, *Christum in fermentato consecrasse; quod nullo modo defendi potest, quandoquidem oportuit ex Lege semper a- zymis vesci cum Agno.* Et si ergo Christus Pascha suum pridie celebrasset,

Epiphanius  
heres. 51.

brasset, tamē fermentum sine dubio reculasset. Epiphanius etsi nō ait Christum in fermento Pascha celebrasse, tamen ait Christum nō seruasse diem Iudæorum. Et adhuc Græci sunt in hac sententia, ut constat ex censura Ieremiæ Archiepiscopi Constantinopolitani in Augustanam cōfessionem. Et sic Calvinus, Iansenius, & alii multi docti viri putant Christum diem anticipasse.

### CAPVT III.

*Diluuntur rationes Græcorum & aliorum qui volunt Christum primo die Azymorum Cenam suam celebrasse, & Pascha edisse.*

1. *Sed contra hanc opinionē multa Græci obijciunt, & inter Latinos Paulus Brugenſis, qui ex Iudæo factus est Christianus; qui volunt Christum decimo tertio die Lunæ Pascha edisse, non iuxta Legem die decimo quarto: quorū argumenta nunc à nobis diluenda sunt.* Illa verò sumuntur ex Evangelio, & primum quidem ex Evangelio Ioannis, ubi Euangelista ait, *Christum cenasse μετὰ τῆς ἑορτῆς & πάσχα, ante festum Pascha:* nam proximo versu sequitur, *καὶ δεῖπνον γενομένον, & cana facta &c.* quem locum Græci adeo vehementer vrgent, ut dicant Iohannem correxisse cæteros Euangelistas: at sic explicādus est Ioannes necessariò, ut non pu-

gnet cum reliquis tribus Euangelistis. Ex his verbis Ioannis Græci duo colligunt, *primum est, Christum Cenam suam ante Pascha Iudæorum celebrasse: secundum Ioannem correxisse alios Euangelistas, qui aiunt Christum primo die Azymorum, id est, ἐν ἡμέρᾳ τῆς ἑορτῆς, in die Festi, suum Pascha edisse.* Doctissimus Scaliger distinguit *πρώτῳ τῶν ἀζύμων, primum diem Azymorum* ab *ἑορτῇ & πάσχα*, id est, à Festo Pascha: & quidē Festum Paschæ durabat septem dies: tamē primus dies Azymorum erat sollemnis, & festus, ut quanquam nolim cōfundi *ἑορτὴν* cum *πρώτῃ ἡμέρᾳ*, tamen defendam *πρώτῳ τῶν ἀζύμων, primum diem Azymorum*, pertinere ad *ἑορτὴν*. Sed cum Ioannes dicat *μετὰ τῆς ἑορτῆς, ante Festum*, habet difficultatem, quia quod fiebat in primo die, non ante Festum, sed in Festo fiebat, quod illis omnibus diebus celebrabatur. Sed respondeo: *primum est*, non id dicere Euangelistam, Christum celebrasse Cenam *μετὰ τῆς ἑορτῆς & πάσχα, ante Festum Pascha*, sed sciuisse rōnam suam instare: hoc ergo refertur ad tempus, quod præcessit vespeream statim, in qua Christus Pascha cū discipulis immolauit: quare quod versu secundo dicitur, *δεῖπνον γενομένον, cana facta*, non indicat Cenam esse factam ante diē Paschæ, quia palam est Ioannem multa hic prætermittere. *Secundum* quod respondeo, est Ioannem loqui de illa *ἑορτῇ*, cuius causa Sacerdotes Christi mortem maturabant: quod etsi vocatur Pascha, tamen non

non erat Agnus Paschalis, quem Christus & Iudæi comederunt pridie quam crucifixus est Christus. Hoc esse verum tum ex Lege, tum ex Euangelio pater: Lex ait, *Maclabis Pascha pecudes & boues Iehoua Deo tuo*: at Christus non nisi agnum maclauit: tum ex Euangelio hoc pater, quia cum Christus Iudæ dixisset, *Quod facis facito*, discipuli purabant, iustum esse Iudam emere ea, quibus opus erat ad Festum: non hoc de Paschate Agni intelligi potest: iam enim Christus cum discipulis Agnum Paschalem ederat: ergo illud *ἐορτή* referri debet ad aliud Festum. Sic vtriusque modo interpretemur, non pugnabit Ioannes cum aliis Euangelistis: id enim sine blasphemia ne cogitari quidem potest.

2. Secundum argumentum Græcorum & Græcis fauentium sumitur ab illis Christi verbis, *Dicite ei, Magister dicit, Tempus meum prope est, apud te faciam Pascha cum discipulis meis*. Hoc à Christo dici vult Brugenſis, ut distinguat tempus, quo ille Pascha esurus erat, ab eo tempore, quo Iudæi Pascha celebraturi erant, quasi diceret Christus, meum Pascha est ante Pascha Iudæorum: hinc Brugenſis colligit, Christum maclasse suum Pascha, antequam Iudæi Pascha suum maclarent, quia Christus ait Pascha suum prope fuisse. Sed respondeo Brugenſem in magno errore versari, quia Christus non loquitur de tempore Paschatis, sed de tempore mortis sue: ait tempus mortis sue iam appropinquare.

Tertium argumentum sumitur ab illis verbis Euangelistæ Ioannis, *Ipsi, id est, Iudæi, non ingressi sunt Prætorium, ne polluerentur, sed ut ederent Pascha*: ergo illi, nondum ederant Pascha: at Christus ederat. Chrysostomus ait, Iudæos occupatos in accusando Christo, & ad mortem rapiendo, distulisse Pascha contra Legem. Sed hoc incredibile est: tum enim palam omnibus innotuisset, illos Legis contemptores esse. Erant, ( fateor ) intenti in hanc curam; sed nunquam ausi fuissent ut malitiæ suæ indulgeret, Legem tam aperte violare. Quare aliter & melius responderi potest, edere Pascha, non hic idem esse, quod edere Agnum, sed manducare azymos, & lactucas, & victimas Paschales, quæ ex omnibus & bobus quotidie in diebus Paschæ immolabantur: ea enim nocte sacrificium solenne faciebant, idque ex Lege, cuius etiam Iosephus meminit. Et erat quidem magna differentia inter Pascha & ista alia sacrificia: nam Agnus non erat proprie sacrificium, quia cuius priuatus Agnum Paschalem maclabat, at hæc sacrificia erant à solis sacerdotibus procuranda: & Agnus in priuatis ædibus per contubernia maclabatur: hæc verò sacrificia in Tabernaculo & in Templo publice: Agnus assabatur; at ista alia sacrificia coquebantur vel elixabantur: de Agno est verbum *אכל*; in illis *בשר*: denique erant Agni in singulis contuberniis; sed vnus tantum aries, & duo iuenci in Templo. Igitur Ioannes de his sacrifici-

sificijs loquitur; nam Agnum iam ederant Iudæi: ne autem intrando prætorium cõtaminarentur, ut eis hæc sacrificia offerre non liceret, sibi cauebant.

Quartum Græcorum argumentum sumitur ex his verbis Matth. 26. *Μὴ ἐν τῇ ἐορτῇ, Non in Festo, ne tumultus fiat in populo*: vnde concludunt, Christum occisum esse ante Festum; & si ante Festum, tum ante Pascha. Respondeo: 1. Nomen *τῆς ἐορτῆς* pertinet magis ad illa sacrificia, quæ oblata sunt postridie à Sacerdotibus, nempe decimo quinto die mensis, quam ad Agnum Paschalem, qui decimo quarto die maclabatur. 2. Possumus etiam dicere, hoc inter Sacerdotes fuisse deliberatum, ut Christum è medio tollerent ante Festum, sed ad extremum illam sententiã valuisse, Christum etiam in festo die opprimendum: nam postquam Iudas operã suam illis pollicitus est, quoniam die hoc fieri posse statuerunt. Metus erat aliquis à tumultu, sed tamen aggredi voluerunt, ne si hæc occasionem omitterent, elaberetur Christus è manibus illorum. Immo hoc potuisse Christum interfici in die festo declarat, quia nihil prohibebat, nisi metus alicuius tumultus: non enim aiunt, ne nos polluamus, aut Festum violemus, sed *ἵνα μὴ ὄρουβος γένηται ἐν τῷ λαῷ, ne tumultus fiat in populo*.

Quintò obiciunt Græci, multa fecisse Iudæos eo die, quæ non licebat in festo die facere, accusasse Christum, examinasse, iudicium capitale exercuisse, Iosephum Ari-

mathæum sindonem emisse, & Christum sepeliuisse, & sâminas emisse aromata. Sed respondeo: Iudæos non exercuisse hoc iudicium, sed quod ad causam criminalem attinet, illam totam Pilato permisisse. Sepelire autem hominem etiam in Festo & Sabbato semper licuit: quare & comparare quæ ad sepulturam requirebantur. Opera seruilis in die festo prohibebantur, non omnia opera.

Vltimo vrgetur illud quod habetur Ioann. 19. *ἦν δὲ ᾠδασκευὴ & πάχα, Erat autem parasceue Pascha*. Hunc locum Paulus Brugenſis valde vrget, eique magnopere confidit. Sed respondeo: *ᾠδασκευὴ* nunquam nisi de Sabbato sequente dici. In Sabbato non licuit ignes accendere, aut cibos coquere, aut culinarium vllum negotium administrare: ergo *ᾠδασκευὴ* dicta est dies præcedens, in qua hæc omnia faciebant. Vocatur autem *ᾠδασκευὴ & πάχα*, quia illud Sabbatum in Pascha inciderat: quod magnopere auxit religionem illius Sabbati: sic *ᾠδασκευὴ* erat respectu Sabbati, non respectu Paschatis. Alia Festa præter Sabbatum non habebant *ᾠδασκευαί*: licebat in ipsis Festis parare cibos, & sacrificia: non ergo de parasceue Agni Paschalis hoc intelligendum est. Atque ita hunc Brugenſem etsi Iudæum tamen in magna rerum Iudaicarum ignoratione versari manifestum est.

Igitur necesse est, ut Christum dicamus edisse Agnũ cum Iudæis, & pane azymo vsum esse: omne enim



enim fermentum iam erat è finib. Iudæorum exterminatū. Sed hoc nihil pro azymitis facit: ratio enim, cur panē azymo vsus est Christus, hæc fuit, quod tum ille erat legitimus panis: nos ergo si Christi exemplum sequamur, legitimo & vsitato panē vti debemus: superstitiosum est, cum in comuni cibo, fermentato panē vtimur, in Sacramento panem azymum adhibere. Et si Græci in errore versantur, qui azymum ne panē quidem esse contendunt. Sed quorsum litigant Pontificii de panē azymo, cum dicant nullam substantiam panis manere in Eucharistia post consecrationem? ergo huic negotio non minus inferuire potest panis fermentatus, quam azy-

mus: quid enim refert, quo sapore accidentia panis sint? In Baptismo non refert, nūm aqua salsa sit, an dulcis, nūm frigida, an calida. Præterea panis non transit in naturam corporis Christi, sed tantum Christo venienti locum relinquit: at hoc per fermentatum panē non minus fieri potest, quam per azymū. Ita nos hanc Græcorum & Latinorum contentionem satis prosecuti sumus, & scrupulum ex Evangelio magnum sustulimus de die quo Christus Agnum comederat.

Nos nullam Papistis hac de re licentiam intendimus; convenientius tamen dicimus esse, ut panē communi utamur.

## FINIS QUARTÆ QUÆSTIONIS DE EUCHARISTIA.

## QVINTA

## QVINTA QUÆSTIO:

*An aqua sit cum vino miscenda in Eucharistia.*

### CAPVT VNICVM

*In quo Pontificiorum sententia explicatur & vellicatur, nostra vero breuiter proponitur.*



Vic Quæstioni affinis altera est de miscenda aqua cum vino: pertinet enim utraque ad materiam huius Sa-

cramenti. Vinum vitis necessarium esse omnes affirmant, ut sine eo nihil confici possit: aromatizari non sufficere: & aquæ paululum vino admiscendum esse; quam ego antiquam consuetudinem esse non nego, ut ex Irenæo, Cypriano, Iustino, & aliis manifestum est. Irenæus *temperamentum* vocat, & *vinum mixtum*. Cyprianus etiam huius mixtionis meminit. Græci *κεῖμα* appellant, ut Iustinus. Forsan mos veterum fuit vinum aqua temperatum bibere, non merum: & Christiani putarunt etiam in Sacramento vinum sobriè bibendum esse: ergo dilutū vinum adhibuerunt, ne ulli occasio ebrietatis daretur: & orientalium regionum calida & fortia vina fue-

runt. Nunc Papistæ aquam semper cum vino permiscunt: & multas hac de re cautiones adhibent. Et si res non magni momenti sit, tamen causas & fundamenta huius consuetudinis perquiremus, ut quid de omni restitutum sit videamus.

Papistarum sententia his tribus conclusionibus continetur. *Prima* conclusio est, vino aquam admiscendam esse in Eucharistiæ Sacramento. Ita iubet Alexander primus, Papa, apud Gratianum: & Concilium Florétinum in instructione ad Armenos seuerè præcipit, ut aqua cum vino permisceatur: fermentum illis suum permittit, sed aquæ omissionem non tolerat: putat hanc rem esse altioris cuiusdam mysterii, quam est abiectio fermenti. Concilium Tridentinum damnare eos, qui hanc Ecclesiæ consuetudinem non obseruant. Rationes autem has afferre solent.

*Prima ratio est, sic Christus creditur*

Irenæ. l. 4.  
c. 57. & l. 5.  
in initio.  
Cyprian.  
l. 2. Epist. 3.  
ad Cæciliū.  
Iustin. A.  
polog. 2.

Gratian. de  
consecr. d.  
2. can. 1.  
Conc. Flo-  
rent. in in-  
struct. ad  
Armen.

Conc. Trid.  
sess. 22. c. 7.

I.

ditur conecrasse. Sed vnde id liquet? certe nihil tale in Euangelio legitur. Quod ille mos olim fuit, inquit. Sed quomodo hoc probatur? Quia Prouerb. 9. legimus, inquit, *Sapientia miscuit vinum suum: & paulo post, Bibite vinum, quod miscui vobis.* Sed potuit misceri vinum, etsi non aqua: licet probabile sit, talem mixturem intelligi: sapientiae enim conuiuia etsi lauta sint, tamen semper sunt sobria: & facile credo eum fuisse morem Iudaeorum, cum hoc vulgo in Gallia fiat. Sed haec ratio neque ad Sacramentum, neque ad omnes homines pertinet: non ad Sacramentum, quia in Sacramento tam parum bibitur, ut ebrietas non sit metuenda: non ad omnes, quia vina quarundam regionum mitiora sunt, ut non requirant aquam.

2. *Secunda ratio est Dominicae passionis representatio, quia fluxit e latere Christi morientis sanguis & aqua: ergo aqua cum vino miscenda est in Eucharistia: & haec ratio a multis adhibetur. Sed hoc quidem est ludere in rebus serijs & sacris. Non est necesse, ut nos ea omnia representemus in Sacramento, quae Christus aut fecit aut passus est in cruce. Et si haec ratio valeat, tum deberet post consecrationem vinum verum & aqua remanere, aut aqua saltem cum sanguine in calice.*

3. *Tertia ratio, eaque praecipua, illa est, quam Cyprianus in Epistola citata affert, & Concilium etiam tertium Braccarense; Permissio aquae cum vino significat coniun-*

ctionem fidelis populi cum Christo: quare (inquit Cyprianus) si vinum offeratur sine aqua, CHRISTI sanguis est sine nobis: si aqua sine vino, plebs incipit esse sine Christo. Mira sane ratio tanti martyris: consuetudinem probo: rationem vero non probo. Sed hinc duo argumenta contra Transubstantiationem colligo.

*Primum est, verum vinum offerri solitum in Eucharistia: oblatio enim fit post consecrationem. Secundum, Si Christi sanguis sit realiter in poculo, & nos illum bibimus, neque nos sine Christo, neque Christus sine nobis est, etsi nulla ibi aqua sit: tum enim Christi sanguis realiter a populo fidei bibitur. Sed quia rem aliam significari mixture hac Cyprianus putauit, ideo ait separari Christum a plebe, nisi aqua adsit, quae plebem representet. Atque haecenus de prima conclusione.*

*Secunda conclusio haec est, appositionem aquae non esse de necessitate Sacramenti: sed tamen haec de re inter Sophistas litigatur. Quidam esse simpliciter necessariam dicunt, ut aliter nullum sit Sacramentum. Alanus ait, hanc questionem esse difficultatis plenam, & contrariis Scholasticorum sententijs agitari: aitque nunquam haecenus dispensatum esse cum vlla gente, ut in mero vino consecraret. Cum autem multae gentes solitae sint sine aqua consecrare, videtur Romana Ecclesia sentire, non posse dispensari: alias ut de fermentato pane cum Graecis & Armenis dis-*

*Alan. de Eucharist. Sacrament. l. 1. c. 13.*

dispensauit, sic de permissione hac cum aliquibus dispensaret. Non igitur falso Kemnitius de Papistis scripsit, ut Bellarminus ait, esse aquam de necessitate Sacramenti. Et Armachanus disertè statuit, de Sacramenti necessitate esse. Certè si Cyprianus verè scribat, eiusque ratio aliquid in se momèti habeat, nos à Christo diuelli, nisi aqua cum vino misceatur, quis non videt, æque aquam necessariam esse ac vinum? Tamen communior nunc opinio est, si absit aqua, consecrari.

3. *Tertia & postrema conclusio Papistarum hac de re est, tutius esse aquae parum apponere. Sed quare tutius est, nisi quod forsitan non esset Sacramentum sine aqua appositum: Ita nesciunt an aqua necessariò requiratur in Eucharistia, necne: tantum tutum esse dicunt adhibere. Quæro igitur sitne de materia necessaria Sacramenti, an non? non ausint dicere, esse de materia necessaria Sacramenti: nam eam dicunt esse vinum vitis: at aqua non est vinum. Deinde haec aqua non manet aqua, sed conuertitur in vinum ante consecrationem: ergo vinum solum est de essentia materiae, cum etiam aquam in illud commutatam dicant, ut sit materia Sacramenti: aqua ergo non est materia: non ergo necessaria: idque ipsi dant necessitate Sacramenti, sed esse necessariam dicunt necessitate præcepti: at cuius? Ecclesiae, dicunt: at nos respondemus cum Cypriano, non attendendum, quid hic aut ille dicat, sed quid, qui ante*

omnes est, Christus dixerit: eiusmodi præcepta, quæ nulla Scripturæ autoritate nituntur, non moramur.

Sed iam quantum aquae infundendum sit, nonnulla quaestio est: cauendum enim esse dicunt, ne aquae quantitas vini quantitatè superet: non ergo plus aquae infundendum est, quam possit faciliè in vinum conuerti. Honorius Papa ait, in quibusdam locis plus aquae adhiberi solitum esse, quam vini; sed ille hanc consuetudinem damnat, & modicam aquam ait sufficere: imò Concilium Florentinum modicissimam: & Dominicus à Soto tanto esse tutius ait, quanto minus aquae est appositum, praesertim si vinum tenue sit; nam conuerti in vinum est necesse. Sed tamen Alphonsus de Castro non putat hoc esse certum, aquam conuerti in vinum, cum sint viæ in philosophia, quibus aqua à vino separatur. Sic Innocentius, *Physisi aquam à vino per artificium asserunt posse separari: ergo nulla est cōuersio aquae in vinum, & sic aqua non transit in veram naturam vini.* Hoc si verum sit, quod Innocentius ait, tum materia Sacramenti non est vinum tantum, sed vinum & aqua: at hoc illi nullo modo cōcedunt, sed esse tantum vinum a iunt: cur ergo veteres *ἁρμα* vocant, quod est res mista ex aqua & vino. Quod si aqua transeat in vinum, tum erit Transubstantiatio ante consecrationem, aqua scilicet in vinum: & si aqua fiat vinum, tum vna natura migrat in aliam: quod

*In Decret. de celebrat. Missae. cap. Pernicio. sua.*

*Alphonf. de Castro. tit. Eucharist. haeres. 6.*

*Innocent. 3. de celebr. Missae. c. 11. Martha.*



sine miraculo fieri non potest: at illi hoc nolunt.

Iam igitur quærentur hic multa. Postquam enim statuerunt, aquam esse adhibendam in hoc Sacramento, & modicam aquam, quæri potest, quo tandem abitaqua, quæ miscetur? Tres sunt de hac re opiniones.

1. *Prima* opinio est, aquam conuertere in vinum, & sic fieri vinum, & transubstantiari. Hoc philosophis relinquo, an aqua in vinum vertatur. Sed quid si tantum aquæ apponatur, ut non possit transire in vinum? tum, inquit Soto, vinum cōsecratur, & aqua manet in substantia aquæ: quod mirum est, cum sit mistio & confusio aquæ & vini, & sic post consecrationem, aquæ & sanguinis Christi, & tum populus aquam adorat in calice: & tum sacerdos post vnam Missam non posset aliam celebrare, quia aquam bibit.

Dominic.  
à Sot. in 4.  
d. 9. q. 1.  
art. 6.

2. *Secunda* opinio est, aquam calici infusam in sua specie permanere ante consecrationem, quam post: quam opinionem Innocentius tertius commemorat, & non improbat. Ita erunt duæ diuersæ substantiæ in calice.

Innocent.  
ubi supra.

3. *Tertia* opinio est, hanc aquam conuertere in illam aquam, quæ ex latere Christi fluxit, ut vinum in Christi sanguinem. At hoc si fiat, oportet verbis aliquibus fieri; nam sic duplex erit consecratio, aquæ in aquam, & vini in sanguinem: at nullis verbis vtuntur, nisi in consecratione vini. Ita non omnes Pontificii conueniunt, aut aquam

conuertere in vinum ante consecrationem, aut post cum vino in sanguinem conuertere. Quæri etiam solet, possit ne post consecrationem aqua infundi, aut alius liquor? Scholasticorum varia opinio est.

Thomas ait, si vinum non consecratum speciebus cōsecratis admisceatur in maiore quantitate, quam fuit vinum specierum, desinere ibi esse sanguinem Christi. Sed Richardus & Durandus contra, si gutta sanguinis consecrati in dolum vini cadat, non corrumpi a iuncto vino, sed manere sanguinem. Quid si autem æqualis portio cum æquali misceatur? tum tertium liquorem effici aiunt, & desinere ibi esse sanguinem. Quid si gutta vini non consecrati in calicem vini cōsecrati cadat? tum erit vinum non consecratum: quid si gutta aquæ? tum in vini substantiam conuertitur. Hoc forsitan verum, si esset vinum in poculo; sed iam est sanguis: at non conuertitur in sanguinem; neque in vinum conuertere potest, quia non nisi accidentia vini remanent: accidentia autem vini non possunt mutare aquæ substantiam in vinum.

Nos vero dicimus de hac re, hoc est, de mitione aquæ cum vino in Eucharistia, non esse magno opere litigandum, si nihil aliud inter nos & Papistas controuerteretur, quia non constat ex Scripturis, vsusne sit Christus mero vino in Sacramento, an vino cum aqua misto. At Bellarminus ait, non minus certum esse, Dominum miscuisse aquam, quam consecrasse vinum,

vinum, quia Euangelista nusquam faciunt mentionem vini nisi in illis verbis, *Non bibam de hoc genimine vris, donec illud bibam nouum in regno Dei*: & ait hæc verba nil pertinere ad calicem Eucharistia. Sed in hoc pugnat & cum aliis Papistis, & secum: cum aliis, quia Alanus ait, materiam huius Sacramenti esse vinum vitis, quia CHRISTVS ait, *Non bibam ex hoc genimine vitis*: quod non probat, si hæc verba non pertinent ad Eucharistiam: secum vero pugnat, quia ipse ait, non esse aquam de necessitate Sacramenti: sed si tam certum sit, Christum a-

Mat. 26.  
19.  
Marc. 14.  
25.  
Luc. 22. 18.  
Alan. de  
Sacram.  
l. 1. c. 13.

quam quam vinum adhibuisse; tum aqua est de necessitate Sacramenti: nam illi dicunt vinum esse de necessitate, quia CHRISTVS in vino celebravit, & non esse aquam de necessitate, quia non est certum, quod Christus aquam adhibuit: Certè Armachanus Christum ait in solo vino sine aqua hoc Sacramentum celebrasse. Et Græci hodie aquam non apponunt, ut ex Durando & Cabasila patet, neque Armeni: & si Christus vsus est aqua, id ex more fecit: nos ergo si morem seruamus, Christi exemplum imitamur.

Durand.  
l. 4. c. 42.  
Cabasil. in  
Liturgias.

## FINIS QVINTÆ QVÆSTIONIS DE EVCCHARISTIA.

## SEXTA

## SEXTA QVÆSTIO:

## De idoneo Ministro Eucharistiæ,

*An administrari possit Eucharistia à quoquam sine legitima vocatione & ordinatione.*

## CAPVT VNICVM.

*In quo nostra de hac Quæstione sententia breuiter proponitur, Pontificiorum vero sententia explicatur & refellitur.*

**D**OST tractatas de Sacramenti huius materia Quæstiones, consequens est, vt de eiusdem forma differam, quam dicunt Adversarij in his verbis esse positam, *Hoc est corpus meum*; atque his Sacramentum fieri & consecrari. Sed hanc causam antea copiose tractauimus, & non modo pugnas illorum narrauimus, sed & magicas imposturas, quas in illis verbis ponunt, diluimus. Nunc sequitur, vt de ministro huius Sacramenti aliquid dicamus, qui est eiusdē causa secundaria: causam enim primariam Sacramentorum Christum esse omnes intelligunt. Bellarminus nos accusat, quod cuius Christiano potestatem tribuamus Sacramenti huius celebrandi, sed in eo

aut nobis impingit opinionem fixam, aut, quod magis credo, non intelligit sententiam nostram. Adeo enim non putamus cuius licere hoc Sacramentum administrare, vt qui hoc sine vocatione tentarint, eos non modo alienum officium usurpare, sed & immanis sacrilegii reos esse dicamus, & Vezia similes, qui temere munus sacerdotale inuasit. Sed illorum quidem impuras & Baaliticæ ordinationes execramur, in quibus nihil esse aut à Christo institutum dicimus, aut quod ministros Euangelicos deceat. Sed de ordinatione Ministrorum alius erit dicendi locus; paucis tamen quædam Bellarmini calumniæ diluendæ sunt, quas nobis impingit. Ait autem hac de re dissentire Lutheranos & Sacramentarios: quomodo? quia Lutherus, inquit, ait quemlibet Christianum

## Prelaciones de Eucharistia.

num ex Baptismo potestatem habere Eucharistiam consecrandi: quid? etiam sine vocatione legitima? nequaquam: vbiq; enim Lutherus requirit ex confessione Bellarmini, vt sit legitime vocatus, qui hoc officium sumit. Et quid hic reprehendi potest? nam quid illi amplius nisi vocationem & ordinationem requirunt? nos quidē non tam multas in ordinatione caeremonias adhibemus, quam illi; neque ordinationem facimus Sacramentum: sed ordinationem & vocationem requirimus, non minus quā illi, imo forsan magis. Nam illi etiam faminis potestatem baptizandi tribuunt; quod nos nō modo non faminis, sed nec viris non vocatis & institutis permittimus. Deniq; nullis nisi publicis Ministris aut Sacramentorum administrationē, aut verbi prædicationem cōcedimus: hoc nō est cuius hanc licentiam tribuere, & ordinationem tollere.

Sed Bellarminus tria dicit contra nostram ordinationem.

*Primo* ait, nos ordinationem Ministrorum facere necessariam duntaxat ob disciplinam & ordinem Ecclesiæ, ne si cuius liceret Sacramenta conficere, nimia confusio esset. Sed hic quoque antiquum morem calumniandi retinet: nos enim ordinationem esse necessariam dicimus propter mandatum Dei, vt si nulla inde confusio oriretur, nemini tamen sine vocatione & autoritate hoc officium sibi vindicare licere dicamus.

Christus enim hoc requirit, vt nemo ausit tractare aliquod munus in Ecclesia sine legitima auctoritate, id est, nisi vocetur & ordinetur ab iis, qui auctoritatem vocandi & ordinandi habent. Nos igitur ob hoc mandatum ordinationem requirimus, licet sublata ordinatione nulla confusio sequeretur: si q; n. posset, sine confusione & turba ad ministeriū ascendere, tñ sine vocatione & ordinatione non esset legitimum illius ministerium, quia careret ea vocatione, quæ est causa formalis Ministri. Esset quidem ingens confusio & maxima à *Chia*, si cuius liceret sacramunera obire: sed si fieri hoc posset sine confusione, tamen necessariam esse ordinationem dicemus propter CHRISTI mandatum.

*Secundo* ait Bellarminus, Sacramentarios aperte recessisse à sententia Lutheri: quid ita, quæso? quia Calvinus, inquit, & Bullingerus aiunt, nō modo Eucharistiam, sed & Baptismum irritum esse, si ab alio quam à publico Ministro administraretur: & citat locos: sed nihil facit: nam hæc nulla pugna est. Quid Lutherus olim senserit de Baptismo, non inquirō: putauit ille quidem non astringi nos debere ad ordinationem Papisticam: sed non permittit Lutherus laicis conficere Eucharistiam, aut si conficiant, esse legitimum Sacramentum concedit: nam requirit vocationē publicam non minus quam Calvinus: optimè ergo consentiunt.

*Tertio* ait Bellarminus, eos qui non



non sequuntur Lutherum, desere-  
re duo principia doctrinæ Luth-  
erianæ ab omnibus recepta. Quæ  
verò sunt illa?

1. *Primum* est, Sacramenta non o-  
perari nisi excitando fidem. Quid?  
nonne etiam confirmando fidem,  
& obsignando nobis diuinas pro-  
missiones? certè nos hoc dicimus:  
sed quid? hocne principiū euer-  
sum est, si quemuis Sacramenta ad-  
ministrare nō posse dicamus? imo,  
inquit, quia signa Sacramentalia  
fidem excitare possunt, à quocun-  
que exhibeantur. At hoc falsum  
est: nisi enim à legitimo ministro  
exhibeantur, non possunt fidem  
aut excitare aut confirmare, quia  
alias non sunt Christi Sacramenta.  
Nulli possunt nobis bona cælestia  
promittere, aut fidem nobis face-  
re de cælestibus Dei promissioni-  
bus, nisi quos Christus misit: qui  
ergo temere sine missione autho-  
ritatem sibi arrogant aut arripiunt  
administrandi Sacramenta, non  
possunt illi aut excitare aut confir-  
mare fidem nostram. Nemo enim  
potest facere aliquid in alterius  
persona, nisi per potestatem ab eo  
sibi commissam: ergo qui admini-  
strat Sacramenta sine vocatione  
Dei, & autoritate Ecclesiæ, non  
potest ille fidem aut excitare, aut  
confirmare. Et si enim verum illud  
sit, quod & ab illis & à nobis dici-  
tur, virtutem Sacramenti non pe-  
dere à persona aut qualitate Mini-  
stri, tamen non erit Sacramentum,  
nisi ab eo administretur, qui habet  
authoritatem sibi à Christo dele-  
gatam præbendi nobis Sacramen-

ta, id est, pignora & sigilla promif-  
sionum diuinarum: tantum ergo  
interest inter Eucharistiam à laico  
& à legitimo Ministro administra-  
tam, quantum inter sigillum adul-  
terinum & legitimum. Si quis si-  
gillum apposuerit, non perinde  
valet ac si publicus scriba appo-  
suerit.

2. *Secundum* principium, quod ait  
à nobis eueri, si nō sequamur Lu-  
therum, & dicamus Sacramenta à  
quouis administrari posse, est, or-  
dinationem non imprimere cha-  
racterem. Hæc quidem verissima  
est nostrum omnium sententia: sed  
quid tum? quia Papistarum fuitiles  
& inanes characteres non admit-  
timus, ergone potestas consecran-  
dæ Eucharistiæ omnibus est com-  
munis? quis nisi fatuus sophista sic  
ratiocinaretur? Nam et si ridicu-  
lum est, quod illi de characterem  
scribunt, tamen nulli licet sine or-  
dinatione ministerium exercere.

Bellarminus autem sic ratioci-  
natur, quasi non posito characterem  
cuius irruere in ministerium lice-  
at. Hic illorum crassus sensus est,  
propter characterem, qui est oc-  
cultum signum aut nota in anima  
impressa, Sacerdotes habere pote-  
statem administrandi Sacramenta,  
& consecrandi; alioqui nihil pro-  
ficere, quicquid fecerint: at de tali  
characterem Christus nunquā som-  
niauit, neque vetus Ecclesia. Nos  
verò non propter characterem a-  
liquem in animo latentem hanc  
authoritatem Ministris tribui di-  
cimus, vt legitima sint Sacramen-  
ta, quæ administrant, sed propter publi-

publicum munus & officiū, quod  
eis commissum est, & propter au-  
thoritatem, quam ex vocatione &  
ordinatione Ecclesiæ habent: sci-  
mus an vocati sint, an vero habe-  
ant characterem, nescimus. Quare  
quod multis disputat, non licere  
omnib. Eucharistiam administra-  
re, inutile prorsus & supervacane-  
um est: prætermittamus igitur, præ-  
sertim cum ipse dicat, nihil sibi cū  
Sacramentariis hac de re negotii  
esse. Nos quidem non dicimus, li-  
cere omnibus Eucharistiam admi-  
nistrare, sed iis solis, quibus hoc  
Christus commisit: imo sacrilegos,  
profanos, omni supplicio dignos  
esse dicimus, qui audent hoc facere  
sine legitima vocatione. Debent  
esse publici & legitimi ministri, qui  
hoc faciunt; aut populum ludunt.  
Sed fatetur se non disputare contra  
nos: disputet ergo contra e mentem  
Lutheri opinionem, quamdiu  
voluerit: nos illum non sequemur.  
Non disputabo, an Christus Apo-  
stolos suos fecerit sacerdotes, cum  
dixit, *Hoc facite*: postea de hoc erit  
dicendum, cum de sacrificio Missæ  
disputabimus: nunc tantum Bel-  
larmini contradictionem obser-  
uabo. *Primo* ait, illud Christi, *Hoc  
facite*, non esse dictum nisi Aposto-  
lis, qui eo mandato ordinati sunt  
primi sacerdotes novi Testamen-  
ti: quid? num ergo antea Apostoli  
laici fuerunt per totum trienniū?  
at prius dixit Christus, *Faciam vos  
piscatores hominum*, & fecit quidem:  
docuerunt enim antea, & baptiza-  
runt multos. At statim subiungit  
Bellarminus, illud, *Hoc facite*, signi-

ficare etiam Manducate & bibite,  
quod conuenit omnibus Christia-  
nis. Si verò *Hoc facite* contineat  
mandatum de edendo & bibendo,  
& hoc mandatum detur omnibus  
Christianis, & si his iisdem verbis  
Christus sacerdotes instituerit, tū  
omnes Christiani sunt sacerdotes.  
Certe aut his verbis nulli instituti  
sunt sacerdotes, aut hæc verba non  
ad omnes Christianos pertinent.  
Sed quia Bellarminus reuera nihil  
contra nos aut ad rem ait, & fate-  
tur ipse se contra nos non disputa-  
re, ista mittamus.

Erit autem operæ precium, quid  
de Ministro huius Sacramenti in-  
ter Scholasticos vulgo disputetur,  
inquirere, cum nihil Bellarminus  
hac de re habeat. Nos igitur ex il-  
lorū lacunis nonnulla hauriamus.  
Illud conuenit inter omnes Pon-  
tificios, proprium esse sacerdotum  
hoc conficere Sacramentum, idq;  
propter characterem, sic vt nisi quis  
characterem sacerdotalem habe-  
at, non possit hoc Sacramentum  
conficere: ergo cum soli sacerdo-  
tes hunc habeant characterem, il-  
los solos posse consecrare. At quid  
si quis in hunc ordinem irrepsit,  
& hunc characterem e mentitus fue-  
rit, cui Episcopus nunquam manus  
imposuerit? Hoc fieri posse nemo  
negauerit: legimus enim seruum  
quendam Romæ per alios magi-  
stratus ad præturam transisse. Si  
Romæ hoc fieri potuit, vbi tanta  
disciplina fuit, quidni in tāta mul-  
titudine ignobilium sacerdotum  
aliquis e mentiri characterem pos-  
sit? si quid eiusmodi acciderit, quid



de huius ministerio omni dicem? nūc consecrare nō potest, aut consecrare Sacramentum? at quid de populo fiet eius hostiam adorante, præsertim si per multos annos sacerdotis munere functus fuerit; quod fieri potest? non modo nulum Sacramentum est, sed etiam illi pro Christo nō nisi frustum panis adoraverint. Hoc necessario sequitur ex illorum theologia de reali præsentia & sacerdotali characterē. Sed absit ut populus Christianus in tantum incommodum inciderit nullā culpā suā. Sic igitur disputo: Christus nunquā coniecit Ecclesiam suam in eam perplexitatem, ut populus Christianus quid agere debeat nesciat: hoc omnes cōcedent: at si illi soli consecrarent, qui habent characterem, in eam perplexitatem Ecclesia conijcitur: si quis enim furrim irrepserit in sacerdotium, non habet ille characterem; nō potest ergo consecrare, & sic magna erit populi perplexitas, magnumque periculum idololatriæ: nam frustum panis adorare est immanis idololatria: ergo nos recte dicimus, frustum ministerii non ex characterē, sed ex functione publica pendere, & ex vocatione ac ordinatione Ecclesiæ. Iam verò hinc multæ quæstiones emergunt, quæ à Scholasticis sic agitantur, ut risum facile legenti moueant.

1. *Prima* quæstio est, num plures sacerdotes possint eandem hostiā consecrare: fuit enim mos quarundam Ecclesiarum, ut qui sacerdotes ab Episcopo ordinabantur, vna

cum Episcopo Eucharistiam celebrarent: hinc quæsitum est, an plures, forsā viginti, vnam & eandem hostiam consecrare possint: omnes enim consecrabant. Thomas existimat, quod possint, & sic Innocentius tertius statuit. Sed hinc multæ difficultates oriuntur: si enim multi vnam hostiam consecrarent, fieri potest, ut non omnes simul verba proferant, non simul incipiant, pergant, desinant: difficile enim est multos eadem verba vno momento proferre. Innocentius hoc vidit, itaque ait, tum omnium intentiones referri debere ad illud instans, quo Episcopus profert. Sed absurdum hoc est: nam intentio debet cum verbis concurrere: quomodo ergo consecrabit quis ex intentione alterius? Alii ergo aiunt, illum cōsecrare, qui primus verba protulit: quid tum reliqui? nihil superest illis consecrandum. Quam hoc nugatorium & stolidum? si quis ergo potest ante reliquos aut casu, aut festinatione verba pronunciare, is solus cōsecrabit, reliqui omnes operam ludunt.

Quare Durandus hanc consuetudinem improbat & refellit, & Caietanus præfert opinionē Durandi opinionē Thomæ & Innocentii: & tamen Innocentius ait, hoc Romæ vñtatum esse. Nec modo in ordinatione sacerdotū hoc fit, sed quoties Papa Missam celebrat, omnes Presbyteri Cardinales vna cum eo consecrant. Iam verò sapientissimus Magister Dominicus Soto expensis variis hac de

Thom. in 3.  
q. 82. ar. 2.  
Innocent.  
3. l. 4. c. 25.  
de myster.  
Miss.

Durand. in  
4. d. 13. q. 3.

Dominic.  
Sot. in 4. d.  
13. q. 1. ar. 2.  
de

- de re sententiis rem tandem decidit valde egregie: ait plures sacerdotes posse tribus modis concurrere ad vnam hostiam consecrandam: *primò* si quilibet sacerdos vnā partem hostiæ consecraret. At tum debet quisque sacerdos partem designare, quam velit consecrare, alioqui nihil consecrabitur: nisi enim certam partem consecraret, non fieret consecratio: si omnes in genere vnam partem consecrauerint, & non quisque certam, nulla erit consecratio. Sed posset quisque penicillo (inquit Dominicus) partem delineare, & quisque suam consecrare, alioqui fieri posse, ut vna pars consecraretur aliis non consecratis. Nonne videtis, quam hæc sint nugatoria? *secundò*, si omnes complexim intendant consecrare, nemo sine alio: hoc est, si quisque alio consecrante intendat & ipse consecrare. At ita quisque referre debet suam intentionem ad intentionem aliorum. Sed ait Dominicus hanc intentionem esse impiā, quia quisque debet habere absolutam, non conditionalem intentionem, alioqui non erit consecratio, si vnus aliquis fuerit, qui non intendat. Sed quidni fieret consecratio, quandoquidem aliqui intendunt consecrare? *Tertiò*, si quisque intentionem suam afferat cōsecrandi totum Sacramentum, seu totam hostiam, non eius partem aliquam, & tum, inquit, omnes eandem hostiam consecrarent, modo simul tempore adæquato omnes verba super eadem hostia pronunciarent. Sed si forte vnus præ-

ueniret, is solus consecraret, reliqui nihil facerent, quia materiam consecratam inueniunt: ita hic est consecratio sine vlla consecratione, quia nihil remanet, quod consecratur. Quo istorum insania progressa est? Atque hæc vna quæstio est.

*Secunda* huic similis est, possitne solus sacerdos hoc Sacramentum aliis dispensare? Permittunt illi Diaconis poculum dispensare, non corpus, quia potest sanguis in poculo sic dispensari, ut non tangatur, corpus non potest: non enim ab illis cuiquam tangere permisum est laico aut Diacono, sed tantum sacerdoti. Vnde si Sacramentum in terram cadat, quærunt an non peccaret laicus, si tollat; & quidam aiunt sic peccaturum, ut peccauit Vzzia: alii tamen non, si id cum reuerentia faciat: atque hæc est illorum superstitiosa insania. Hæc omnes absurdæ quæstiones manarunt ex opinione Transubstantiationis & realis præsentia: non erat antiqua Ecclesia in his rebus ita superstitiosa. Nam olim Diaconi solebant Sacramentum deferre ad absentes, ut ex Iustino Martyre patet, & non modo homines laici, verum etiam famina domum portabant in sudariis, in cistis reponebant, & vnoquoque mane aliquam eius partē edebant, imo pueris etiam tradebant, ut ad ægrotos deferrent. Nō enim tunc opinio fuit realis præsentia: post illam hæc quæstiones cæperunt. Sed indignum Christianis est, & sane valde absurdum, putare Christi

2. Chron.  
26. 16.



3. corpus vel in cænum cadere posse, vel luto oblini, vel a sacerdote aut alio quoquam transferri, quo illi voluerint. *Tertia* quaestio est, an sacerdos cōsecrans hoc Sacramentum sumere teneatur q̄ consecrauerit, id est, num liceat consecrare, & non communicare. Omnes fere respondent, sacerdotes, qui consecrant & non sumunt, magni sacrilegii reos esse: ergo simpliciter teneri sub vtraque specie sumere. Ratio est, quia Christus sumplit, cum consecrauit. Et quidem Christum cum discipulis Sacramentū sumpsisse non negari: quod non fecisset, si ipsius corpus & sanguis ibi realiter fuissent: est enim contradictorium, ut idem edat, & edatur. Ergo vel hinc colligere possunt Aduersarii, si vel micarationis & iudicii illis insit, non esse in Sacramento realiter corpus & sanguinem Christi, quia tum Christus corpus suum reale edificet, & sanguinem suum realem bibisset: at aliud esse necesse est quod edit, aliud quod editur. Sed hinc alia difficultas oritur: quid si enim Christus miraculose appareat, sub specie carnis & sanguinis? id est, quid si hostia manifeste caro appareret, & vinum sanguis? quod sine arte magica fieri non potest, ut de Marco quodā mago legimus, qui hoc efficere potuisse dicitur: num sacerdoti tum abstinendum est, an edendum & bibandum? quidam inquiunt non debere sacerdotem sumere, si appareat caro & sanguis, quia debet tantum sumere sub speciebus panis & vini. At eo magis debet sumere, quia illi credunt ibi esse veram carnem & sanguinem: non minus certe scelus est, edere & bibere verum corpus & sanguinem, etsi non videas, si noris certo ibi esse, quam si videres. Sed Thomas Hieronymi locum citat super Leuiticum, qui tamen non reperitur apud Hieronymum. Sed quid illud est, quod Thomas ait Hieronymū dicere: hoc scilicet: De hac hostia, quæ in Christi commemorationem fit, edere licet: de illa vero, quam Christus in ara crucis obtulit, nulli edere licet. Recte: hoc est quod nos dicimus, ipsam Christi realem carnem nullos ore sumere, sed tantum huius carnis Sacramentum. Sed illi volunt nos eandem carnem edere, quam Christus in cruce obtulit: Hieronymus non eam, sed aliam. Christus autem nullam habet carnem, nisi quam in cruce obtulit: nobis illam non licet edere: valeat ergo præsentia & communicatio realis.

4. *Quarta* quaestio est, an malus sacerdos possit consecrare: & omnes posse concedunt: vnus Armachanus negat, dicens per quodcunq; peccatum mortale publicam omnem delinquentis potestatem deperire: sed hæresis est dicere, publica munera cessare propter peccata personarum. Non pendet vis ministerii ex dignitate hominis: agit Minister virtute Christi, non sua, nec desinit Minister esse Christi, quod malus sit. Legimus Matt. 24. *Quis est seruus fidelis & prudens, quem constituit Dominus super famulum suum, ut det illis alimentum in tempore?*

tempore: sed paulo post legimus, *Quod si dixerit seruus ille malus in corde suo, tardat Dominus meus aduentum, &c.* Sunt ergo Sacramenta, quæ a malis ministris administrantur, modo nihil in Christi institutione mutetur aut violetur. Sed Papistarum cōsecratio est figmentum Satanæ. Non possum hic quin Thomæ absurdam in hac causa rationem proponam ex Apostolo, *Nil mihi conscius sum, sed non per hoc sum iustificatus:* Paulus, inquit, erat certus, se esse Ministrum Christi, sed non erat certus se esse iustum. Impie: nō ait Paulus, se non esse iustum, aut certum quod iustus sit, sed non in eo iustificari, quod sibi nullius rei conscius esset. Etsi autem dicunt, malum sacerdotē non minus consecrare, quam bonum, tamē aiunt Missam boni sacerdotis plus valere, non quod ad Sacramentum attinet, sed quod ad orationes, quatenus sunt Ministrorum. Sic enim disputant, Oratio boni plus valet quam mali. Sed tamen quatenus orationes sunt efficaces in persona totius Ecclesiæ, æque fructuosum est ministerium boni & mali.

5. *Quinta* quaestio est, vtrum hæretici, schismatici, & excommunicati consecrare possint, qui sunt extra Ecclesiam. Lombardus ait non posse: Thomas posse: habere enim eam potestatem, sed non recte uti: atque etsi vere consecrent, peccare tamen in usu. *Sexta* quaestio est, vtrum sacerdos degradatus possit consecrare. Quidam non posse aiunt, quia potestas ei est ablata: alii, ut Thomas, posse, quia habet characterem indelebilem, cuius vi fit consecratio: ita narrat quendam sacrificum Romæ, cum per ædes pistoris transiret, in quibus panes multi erant, eos omnes consecrasset, non ut læderet pistorem, sed ut vlcisceretur iniuriam degradationis: nam illos nunc a quibus degradatus est, oportuit emere illos panes & edere, etiamsi attri essent. Sed si hoc verum Sacramentum & sacrificium sit, quibus prodest: non ipsis, qui consecrant: peccant enim consecrantes: non populo præsentī: peccant enim, quod aut petant ab iis fieri Missas, aut eis intersint: non Ecclesiæ, quia non intendit fieri ab illis sacrificium; nam eos præcidit: ita nullus fructus huius sacrificii est: nullum igitur sacrificium, & per consequens nullum Sacramentum: & nihil habent, quo hanc perplexitatem effugiant. Atque hætenus de Ministro Sacramenti huius: nā supra de Ministro Sacramentorum in genere diximus.

FINIS SEPTIMÆ QUÆSTIONIS.

SEPTIMA

## SEPTIMA QVÆSTIO:

*De effectibus & fine Eucharistiae, An præbeat in Eucharistia remissio omnium peccatorum; & qui digne ad eam accedant.*

## CAPVT PRIMVM.

*De statu Questionis.*

UPEREST POSTremo loco, ut de effectu huius Sacramenti paucis videamus: nā hac de re non conuenit inter

nos & Papistas. De aliis causis huius Sacramenti magnifice loquuntur, de fine & effectu abiectione. Concilium Tridentinum ait, hoc Sacramentum non liberare à mortalibus peccatis, sed duntaxat à culpis quotidianis (quasi hæ quotidianæ culpæ mortales non sint) præseruare tamen à peccatis mortalibus. Quanquam aliqui concedunt, etiam mortalia peccata hoc Sacramento remitti. Sic Censura Coloniensis: sic etiam Bellarminus: sed illa mortalia peccata ea sunt, quorum in confessione obliti sumus: ita nostra obliuio potest vim maiorem afferre huic Sacramento. Sic igitur Aduersarii statuunt, eos qui fructum aliquem sperant ex Eucharistie perceptione, à mortalibus peccatis puros esse debere,

ita ut nullius peccati mortalis conscii sint: non enim eiusmodi peccata in hoc Sacramento remitti: imo peccare & indigne sumere, qui cum vilius peccati grauioris conscientia veniunt. Afferas quot velis venialia peccata, potes nihilominus ex hoc Sacramento & gratiam & remissionem sperare: at si vllum hæreat in te peccatum mortale, modo habeas memoriam & conscientiam eius peccati, indigne accedis, nec gratiam vllam accipies. Nos hanc illorum doctrinam necessario improbamus, quia tollit fines, propter quos hoc Sacramentum institutum est. Nos contra omnium peccatorum remissionem nobis in hoc Sacramento præberi dicimus, non modo venialium quorundam, sed & maximorum, quæ commisimus. Recte igitur Lutherus dixit in concione quadam, eum esse optime dispositum ad hoc Sacramentum, qui est pessime dispositus: & alibi, eos digne communicare, qui conscientias afflictas & erraticas secum afferunt, id est,

*Conc. Trid. s. 13. c. 2. & 7. & can. 5. & 11.*

*Censur. Colon. de Eucharist. Sacrament*

*Luther. in concion. de digna præparat. ad Sacram. Eucharist.*

## Praelectiones de Eucharistia.

*Idem in lib. de cap. Baby. lon. cap. de Eucharist.*

id est, qui indignitatem suam maxime sentiunt & agnoscunt: quod suauius aut iucundius dici potest? Sed hic Bellarminus contradictionem in Lutero inuenit. Si enim soli digne communicant, qui turbatas conscientias habent, & sola infidelitas est turbatio conscientiae, ut Lutherus paulo infra ait, tum soli infideles digne communicant: & tamen idem Lutherus ibidem hortatur omnes Christianos, ut cum fide indubitata ad hoc Sacramentum veniant. Sed inscientiam suam prodit Bellarminus, non Lutheri contradictionem arguit. Non enim cum certa fidei persuasionem pugnat, sentire & agnoscere peccata nostra, & recordatione peccatorum perturbari: imo nulli certius remissionem peccatorum credunt, quam qui vero peccatorum sensu tanguntur: nulla ergo hic contradictio est. Possunt habere fidem, qui peccatorum dolore cruciantur: alias Christus non dixisset, *Venite ad me* & c. *οἱ κοπιῶντες ὑπὲρ φερόμενοι*, qui fatigati estis & onerati: homines ad Christum veniunt credendo: fide itur ad Christum: & tamen Christus ad se venire iubet, qui fatigantur & ingemiscunt sub onere peccatorum. Sed præterea Calvinus etiam aliam contradictionem commemorat Bellarminus. Ille ait, *Si hic cibus in animam inciderit malitia nequitiaque pollutam, maiore illam ruinam precipitat*: & tamen paulo post ait, non requiri ad dignam præparationem, ut quis purus purgatusque sit ab omni peccato: quæ verissime ab illo dicuntur. Si enim

*Mat. 11. 28.*

*Calvin. l. 4. c. 17. §. 40. & §. 41.*

in anima nulla sit fidei scintilla, si nullum charitatis studium; certum est exitialem esse Eucharistiae summptionem. Sed quod Papistæ requirunt, ut homo sit in statu gratiae, quando accedit ad hoc Sacramentum, & hoc sic definiunt, ut purus & purgatus sit ab omni peccato, hoc est, inquit Calvinus, omnes homines ab huius Sacramenti usu arcere. Vnde enim hoc noueris, te esse ab omnibus peccatis purgatum? hic semper hærebis, semper dubitabis, nihil certi habebis. Sed illi hoc sic explicant: dicunt illos esse in statu gratiae, qui in seipso diligenter inquirunt, quantum in se est, & quantum possunt seipso purgant contritione, confessione, satisfactione. Sed vnde nos apud Deum defunctos esse munere nostro intelligemus, si quantum in nobis est faciemus? aut vnde nos fecisse: quantum in nobis est sciemus? imo nostrum nihil est, quod placeat Deo, nisi datum fuerit: quod nos facimus, nunquam Deo placere potest, si ipsa actio per se spectetur: & lane nunquam facimus, vel quantum possumus, vel quantum debemus: quanquam nos nihil possumus à nobis, licet illi multum de nostro posse garriant. Est ergo hæc doctrina crux & carnicina animarum, quia nunquam possumus facere aliquid, quod in se Deo placeat: & Calvinus verissime ait, hoc Sacramentum esse *agrotis pharmacum, peccatoribus solatiū, pauperibus largitionem: sed sanis, iustis, & diuitibus, si qui reperiri possent, nullum afferre opera precium*, nempe iis,

*Calvin. in sit l. 4. c. 17. §. 42.*

Oooo qui



qui se tales esse reputant. Sed ubi nunc est illa contradictio, quam Bellarminus observavit? hoc Sacramentum esse perniciosum illis, quorum mentes pollutæ sunt malitia & nequitia; & inutile esse iis, qui sani iustique sunt; optime conveniunt: qui se satis iustos & sanos reputant, quid illi in Sacramento quærunt? nihil certe iis prodesse potest: qui autem nequitia & malitia referti sunt, iis exitium est: sed qui agnoscunt peccata sua, & dolent, & medicinam desiderant, & sibi displicent, iis hoc Sacramentum utilissimum est: Christus se nobis in eo communicat: in Christo autem habemus omnia, quæ desiderare possumus.

Sed iam Bellarminus longa disputatione probat, eos indigne sumere hoc Sacramentum, qui cum conscientia peccati mortalis ad illud accedunt: hoc autem dum facit, cum sua ipsius umbra pugnat, nec unum verbum contra sententiam nostram affert: sic n. disputat, ac si non intelligeret, quid nos dicamus, aut saltem intelligere noller. Eo eius omnis disputatio tendit, eos qui sunt in mortalibus peccatis indigne hoc Sacramentum sumere. Hoc uno sensu verum est, alio falsum. Qui enim sunt in peccatis, id est, quos non pœnitet peccatorum, qui non habent animum deferendi peccata, qui nullam remissionem credunt, qui in peccatis perseverant; eos certum est indigne communicare: & hoc Bellarminus multis argumentis probat, sed quorsum? alii autem in peccatis ef-

se dicuntur, & conscientiam habere peccatorum, qui peccata sentiunt, & dolent, & peccatorum conscientia consternati ad Dei misericordiam confugiunt, & veniam ac remissionem petunt, & vitam in posterum emendare statuunt: tales ad hoc Sacramentum dignè accedunt, & in eo inveniunt remissionem, quam quærunt. Sed hæc sententia est Papistarum, oportere te, antequam accedas ad hoc Sacramentum, omnia peccata tua confiteri in aure sacerdotis; si vero quædam peccata menti tuæ inhæreant, quæ non confiteris, nulla peccata tibi condonari: qui verò omnia peccata cōfiteatur, ei remitti omnia per Sacramentum pœnitentiæ; at hoc verò Sacramentum eos accedere propter maiorem gratiam. Nos verò dicimus, eos qui digne accedunt ad hoc Sacramentum, habere fiduciam remissionis omnium peccatorum, sed hanc fiduciam obsignari huius Sacramenti sumptione. Nunc argumenta nostra proponamus.

## CAPVT II.

*Argumenta nostra proponuntur & defenduntur.*

**P**rimum nostrum argumentum sumitur ex Matth. 9. *Non veni ut vocarem iustos, sed peccatores ad resipiscientiam.* Lutherus hoc loco utitur, & rectissime: probat hinc nos quærere & desiderare remissionem omni-

omnium peccatorum in Eucharistia: vocat enim Christus peccatores ad Eucharistiam, ut remissionem peccatorum confirmatam sibi & obsignatam habeant. Audite, quæso, Bellarminianam huius loci expositionem: ait Christum hic loqui de prima vocatione ad fidem & pœnitentiam, non de invitatione ad Eucharistiam: ita suavissimam cōsolationem, quæ ad omnes simpliciter pertinet, ille ad eos, qui nondum nomē Christo dederunt, restringit. Sed ex ipso loco refellitur: nam proxime antea iubet Christus abire & discere, quid illud sibi velit, *Misericordiam volo, non sacrificium*: vocat Deus eos, quorum miseretur: ad omnes ergo hæc vocatio pertinet, ad quos pertinet Dei misericordia: si Christus nullis misericordiam exhibet post Baptismum, quod hæreticum est; tum non venit vocare peccatores: at non minus post Baptismum, quam ante, misericordiam exhibet: non eorum tantum miseretur, qui non sunt baptizati, nondumque vocati, sed & omnium. Deinde ex oppositione refelli potest: *Nō veni*, inquit Christus; *ut vocarem iustos, sed peccatores*: per iustos intelligit eos, qui similes sunt Phariseis, qui post circumcisionem in iustitia sua gloriabatur: ergo non venit vocare tales iustos post Baptismum, sed illos, qui intelligunt & agnoscunt se iniustos, & quærunt iustitiam alienam extra se, id est, iustitiam Christi. Et alibi vocat omnes, qui sunt *ἁπλῶντες & ἀεφροσμένοι*, id est, omnes simpliciter, qui peccatorum pon-

dere laborant & ante & post Baptismum: non ergo infideles tantum, & non baptizatos: cum verò ad se vocat, non modo ad verbi prædicationem, sed & Sacramentorum sumptionem vocat: nam ille etiam in Sacramentis reperitur. Utitur CHRISTVS Sacramentis tanquam sigillis huius indulgentiæ erga peccatores: quicumque ergo oneratur & grauatur peccatis, modo cum peccatorum suorum pœniteat, & spem habeat, eum Christus ad hoc Sacramentum vocat. Videte præclarum Theologum, qui Scripturarum cōsolationes Christianis peccatorum conscientia percussis adimit.

*Secundum* nostrum argumentum est huiusmodi: Si nulli digne accedant ad hoc Sacramentum, nisi qui idonea contritione, confessione, satisfactione conati fuerint peccata sua expiare, tum nulli omnino digne accedunt, quia nunquam certi esse possunt homines, se hoc fecisse satis, & esse sine peccato. Bellarminus ait illos digne accedere, qui moraliter faciunt, quod in se est: & talis est distinctio Scholasticorum, quosdā indigne ad hoc Sacramentum accedere contrarie, quosdā cōtradictorie, hos peccare, non illos. Sed quinā putandi sunt moraliter facere, quod in se est? in nempe, qui mediocrem diligentiam in sui examinatione adhibent. At si nostra dignitas requiratur, non sufficit moraliter & mediocriter examinationem adhibere: neque enim si puritas nostra ex nostra contritione, confessione, satisfactione



pendeat, puri à peccatis erimus, nisi omnem diligentiam adhibeamus, quantum possumus. Perniciosissima doctrina hæc Papistica est: nam *primò* docent, nullis licere ad Eucharistiam accedere, nisi puris: hoc est deterrere homines ab hoc Sacramento, quasi ægros à medico: *secundò* puros esse dicunt, qui moraliter se examinauerint, id est, probabilem quandam curam sese examinandi adhibuerint: at hæc quanta esse debet, si quis per horam vnam vel per duas horas sese examinauerit, putabit se huic muneri satis fecisse: ita fallit forsitan, cum putauit se fecisse satis, & tamen non fecerit: hoc ergo morale incertum est, quia nescitur, quantum requiratur. Nos puritatem nostram non in nostra diligentia sitam esse dicimus, quia si hæc spectetur, semper nos indignos reperiemus, propterea quod hæc diligentia est cum maiore negligentia mista. Merito igitur Ioannes Maior illam distinctionem refellit hoc argumento: Aut fecit quisque talem indaginem, qualem debuit, aut non; nullum dari medium: non sufficit cuiquam, ut secundum proprium iudicium indaginem faciat: certa ergo ratio requiritur.

*Tertium* nostrum argumentum sumitur ex Luc. 22. ubi Christus vocat Eucharistiam nouum Testamentum: in nouo autem Testamento inclusum est pactum de remissione peccatorum, cuius etiam aperta mentio fit in Sacramenti institutione in his verbis, *Hic est sanguis meus noui Testamenti, qui pro mul-*

*tis effunditur in remissionem peccatorum.*

Bellarminus ait, in Eucharistia representari effusionem sanguinis Christi, per quam peccata omnia remittuntur. Sed quid? annon hic sanguis Christi effunditur, sed eius tantum effusio representatur? ergo hic tropum tandem agnoscit: non est enim hic vera effusio sanguinis, sed representatio tantum effusionis: ergo non est verus sanguis in poculo. Sic enim panis est corpus Christi, & vinum sanguis, quia ea representant: Christus ut dixit hoc esse eius corpus, ita dixit pro nobis dari, & ut dixit hoc esse eius sanguinem, ita pro nobis effundi dixit: datur autem corpus in Eucharistia, & effunditur sanguis representatiue, ut Bellarminus ait: ergo sic panis est corpus, & vinum sanguis, nempe symbolum & Sacramentum corporis & sanguinis Christi. Prius dixit esse verum corpus & verum sanguinem Christi in Eucharistia: nunc verò ut remissionem peccatorum à Sacramento Eucharistiae seiungat, figuras & representationes in Eucharistia ponit. Sed si Christi corpus & sanguis in Eucharistia realiter sint, non potest non esse in communicatione Eucharistiae remissio peccatorum. *Ego sum panis viuificus*, inquit Christus, *qui de calo descendi: si quis ederit ex hoc pane, viuet in aeternum*: quæ autem causa est vitæ æternæ, eadem quoque causa est remissionis peccatorum. Atque hic, quæso, considerare crassam Bellarmini contradictionem: supra, quando de his verbis disputauit, *Panis, quem ego dabo*, *Ioan. 6. 51.*

*caro*

*caro mea est, quem ego dabo pro mundi vita*, ait ista verba intelligi de Christi carne, quam in Sacramento Eucharistiae dedit: impie & blasphemie; sed sicrum dixit, ut causæ suæ inferuaret: si verò Christus pro mundi vita carnem in Eucharistia dedit, tum & nunc dat: si datur in Eucharistia pro mundi vita, tum pro remissione nostrorum peccatorum, ut sit Agnus Dei, qui tollit peccata mundi: sed nunc ait non dari remissionem peccatorum in Eucharistia: non ergo datur Christi caro in Eucharistia pro mundi vita. Sed quod ait Eucharistiam esse representationem effusionis sanguinis Christi, & remissionis peccatorum, accipimus quod dat: quid ergo? num sola representatio est, ita ut nil nisi imago quædam oculis representetur? hoc est contra naturam Sacramentorum: semper enim Sacramenta efficiunt quod representant, ut ipsi Papistæ volunt.

Lombardus ait, Sacramentum esse causam eius rei, cuius est imago: est autem imago & representatio remissionis peccatorum: ergo & causæ: & Catechismus Tridentinus ait, Sacramenta habere vim non modo significandæ, sed & efficiendæ sanctitatis & iustitiæ: quod sine remissione peccatorum fieri non potest. Neque est Sacramentum modo signum, sed & instrumentum applicandi, ut Papistæ volunt: quid autem applicatur? hæreditas, inquit Bellarminus: recte: intelligit autem per hæreditatem merita Christi & gratiam: in

Christi autem meritis principem locum obtinet remissio peccatorum: ergo applicatur remissio peccatorum: si applicatur remissio peccatorum, tum peccata remittuntur. Sed alio modo, inquit, quæ per alia Sacramenta. Nostra non refert, quo modo hæc applicatio fiat: de ea nunc nulla quæstio est: sufficit applicari remissionem peccatorum. Datur ergo remissio omnium peccatorum in hoc Sacramento, & hic eius effectus est: quod illi negant: non ex opere operato, ut supra diximus, sed si cum penitentia accedamus.

*Quarto* hoc probatur ex precibus, quas faciunt in Missa: precantur enim Papistæ in suis Missis, ut fiat hoc Sacramentum in remissionem peccatorum: ergo impetratur in hoc Sacramento remissio peccatorum, aut illorum preces cum doctrina pugnant. Orant in Caneone Missæ, ut qui hoc Sacramentum participant, omni benedictione cælesti & gratia repleantur: est autem remissio peccatorum benedictio & gratia cælestis. Bellarminus ait sic orari tribus de causis: *primò*, quia delentur peccata mortalia, quorum non habemus conscientiam: *secundò*, quia peccata peccatorum remittuntur, quæ remanent: *tertio*, quia peccata venialia per hoc Sacramentum delentur. Nos hinc possumus quintum argumentum colligere in hunc modum. Peccata, quorum conscientiam non habemus, in hoc Sacramento remittuntur, & peccata

Oooo 3 venia-

Ioan. Ma.  
ior. in 4. d.  
m. 9. 1.

3.  
Luc. 22.  
20.

Mat. 26. 28

Lombard.  
l. 4. d. 1. lit.  
B.

Ioan. 6. 51.

Ioan. 6. 51.



venialia: ergo effectus huius Sacramenti est remissio peccatorum: nam alias non posset ea remittere peccata, quorum non est memoria aut conscientia. Et nulla ratio afferri potest, cur remittat hoc Sacramentum peccata, quæ non hærent in memoria, & non remittat quæ hærent: tum enim causa remissionis huius non alia erit, nisi ignorantia aut obliuio nostra: sed hoc insanum, cum nostra obliuio aut ignorantia non ponat differentiam in peccatis, aut faciat ut facilius remittantur. Si quis capitale peccatum commiserit, quod ei nunquam in mentem venit, hoc remittetur in Eucharistia, & non alia, quæ in memoria recenti sunt: ita utile erit hominibus, malam memoriam habere. Tum quæ ratio est, cur peccata venialia remittantur, non mortalia? Bellarminus ait, posse quidem hoc Sacramentum delere mortalia peccata virtute sua, & delere aliquando, sed ex propria ratione Sacramenti non ordinari ad peccata mortalia tollenda. Sed hoc sine contradictione dici non potest: ordinatur enim hoc Sacramentum ad conferendam gratiam gratum facientem; quod illi concedunt: at gratia gratum faciens non potest cum mortali peccato in eodem homine consistere; est enim contraria peccato: ergo ordinatur ad expellendum mortale peccatum: & cur aliquando, si non semper? nam peccatum mortale si per se ponat obicem, hoc faciet siue eius memineris, siue non. Cur autem venialia delet, & non

alia? audite pulchram & elegantem rationem. Hoc Sacramentum datur per modum cibi: cibus autem tollit languorem & lassitudinem: & peccata venialia debilitant animam; sed hoc cibo vires reparantur: mortalia autem occidunt: & mortui non edunt. Hoc non nisi argutum insomnium est: nam *primò* nullum peccatum est, quod non sua natura mortem meretur: *secundò*, si mortui non edunt, cur tum dixit mortalia peccata remitti, quorum conscientiam non habemus? illi enim æque mortui sunt, qui cum talibus peccatis accedunt. Atque hic plane deprehensus est: ergo nunc nouo commento vitur. Fatur hoc cibo non modo viuentes nutriri, sed & mortuos excitari: sed non debent (inquit) accedere, qui habent conscientiam mortalis peccati quia indigne accedunt. Si indigne accedunt, propter ipsum peccatum indigne accedunt; & tunc non minus indigne accedunt, qui habent tale peccatum, et si eius conscientiam non habeant: si propter conscientiam peccati indigne accedant, nos dicimus veniendum esse cum dolore conscientiae, & proposito emendationis, & fide: & hoc est habere conscientiam peccati, sic ut oportet habere: ita per flexus & ambages eo tandem pervenit sponte sua, quo nos illum pertrahere volumus.

\* \*

CAPVT

## CAPVT III.

*Scholasticorum fuitiles argutiae de huius Sacramenti effectu diluuntur.*

**S**ATISFACTVM est calumniis Bellarmini de effectu huius Sacramenti contra Lutherum & Calvinum proiectis: sed antequam dimitto hunc locum, Scholasticorum vobis Theologiam degustandam propinare debeo, qualem imprimis Thomas huius farinae princeps suis propinauit: ab eo multa de effectu & usu huius Sacramenti quaesita & disputata sunt: ea cuiusmodi sint nosse, multum ad illustrationem veritatis, & Scholasticarum ineptiarum detestationem conferet.

*1. Thom. in 3. 179.* Thomas igitur *primò* quaerit, an per hoc Sacramentum gratia conferatur; & probat *primò* ex eo quod continet, quod est Christus: sed Christum aut gratiam realiter in Sacramento contineri, non est putandum: tamen in & cum Sacramento gratiam conferri, verissimum est: Christus enim communicatur, qui gratiam & veritatem actualem affert, & carnem nobis suam dat. Sed hoc non fit propter realem coniunctionem carnis Christi cum Sacramento, sed propter spirituales communicationem Christi per fidem.

*2.* *Secundò* probat ex representatione passionis Christi, aitque effectum, quem Christi passio fecit in mundo, hoc Sacramentum facere in homine: quo nihil magis blas-

phemum dici potest. Nam quod Christus in cruce fecit, semel fieri debuit, i. e. satisfieri pro peccatis mundi per mortem Filii Dei: ar nulla mors Christi est in Sacramento; tantum huius mortis memoria celebratur. Sed si verum hoc sit, cur Bellarm. negat remitti in hoc Sacramento peccata mortalia? *Tertio* probat ex modo, quo Sacramentum hoc dispensatur, sub forma cibi & potus: ergo quos effectus cibus & potus in vita corporea habet, eosdem hoc Sacramentum in vita spirituali. *Quartò*, ex speciebus, in quibus traditur hoc Sacramentum, panis nempe & vini: hæ res ex multis in unum rediguntur: unde fidelium unitas & charitas designatur: charitas verò sine gratia esse non potest. His ille argumentis gratiam in hoc Sacramento dari probat: & quis dubitat amplissimam gratiam conferri, si quis hoc Sacramento recte utatur, cum Christus dixit, *Hoc est corpus meum, quod pro vobis datur, & Hic est sanguis meus, qui pro vobis effunditur*: Sed cauendum ne in ipso Sacramento gratiam quaeramus, quæ a solo Christo sedente in caelis pervenit; aut ex solo usu & opere operato, ut aduersarii volunt. Gratia hæc est, ut fidem tuam alas de remissione peccatorum & salute, ex eo quod Christus pro te mortuus est, & tibi se dedit: quare illam Urbani sententiam, quam in Concil. Florentino habuit, valde probò, *Quædam gratiam Saluatoris nostri recedemus memoriam; a malo retrahimur, confortamur in bono, & ad virtutem & gratiarum proficimus incrementum.*

Sed



Sed nunc sese efferre incipit curiositas Sophistarū. Hinc quærent, quantum sit tempus, quo Sacramentum gratiam conferre possit. Caietan. in Thom. Caietan. in Thomā de hac q̄stione sic statuit, non solum conferre hoc Sacramentū gratiam, tempore quo in ore aut in gutture durat, sed toto tēpore, quo in stomacho durāt species: sic Maior: sed alii gratiam Sacramenti p̄duci in instanti aiunt. Tum si hæ opiniones valerent, plus gratiæ ei conferret hoc Sacramentū, qui maiorem hostiāsumeret, quique tardius digereret. Et hinc porro inferunt, si quis hoc Sacramentum sumeret in peccato mortali, cuius tamen ipsum p̄nitenteat, antequam species absumptæ fuerint, sequi gratiā: ergo alii punctum, quo hoc Sacramentum confert gratiam, esse illud dicunt, quo guttur aut gulam transit. An quicquam vnquā homines magis deliros viderit? gratia hæc nō ad ipsum tempus restringitur, quo Sacramentum sumitur, sed per omnē vitam durat: si ad tam exiguum momentum maneat, exiguus huius Sacramenti fructus est: imo etiam ante sumptionem p̄dest hoc Sacramentum: nam tota celebratio refertur ad gratiam confirmandam & fidei incrementum, fractio panis, effusio vini, distributio vtriusque. Sophistæ totum fructum restringunt ad tēpus, quo deglutitur: sic gratia tota Sacramentalis statim euanesceat. Sed quæritur an ut augmentum gratiæ, sic primam gratiam conferat hoc Sacramentū: & hic quoq; insulsi sunt Scholastici:

fatentur cōferre gratiam primam in voto (sic Thomas) ut cum adulti baptizantur, non accipiunt gratiam nisi in voto accipiendæ Eucharistiæ: similiter infantes accipiunt Eucharistiam in v̄to Ecclesiæ: sine hoc voto nō suscipitur gratia. Ergo hoc Sacramentum, ut illi volunt, in voto confert gratiā primā, sed in re non nisi augmentum gratiæ; nisi forte per accidens propter dispositionem sumentis: nā si quis veniens attritus, qui se contritum esse putat, cōfert ei primā gratiam. Sed ipsum votum nunquam per se sufficere potest ad conferendā gratiam primam: ex quo Dominicus Soto sacerdotes parochos monet, ut agrotis Sacramentum porrigāt, nec eis persuadeant adorationem idem valere: quod tamē vulgo fit, & sic homines misere fraudantur gratia. Docent ergo conferri gratiam ei qui non habet, modo se habere putet: quo nihil demētius: & nō requiri actualem deuotionem venienti ad hoc Sacramentum, ut Dominicus Soto docet, quī Caietanum hoc nomine reprehendit. Et si ergo nec gratiā nec deuotionē habeas modo attritus, i. e. sensu p̄næ grauiter cominotus fueris, gratiam accipies. Sed Apostol. requirit, ut qui digne velint accedere ad hoc Sacramentum, sese explorent, an sint in fide: nisi ergo quis in fide sit, non modo non fidem, sed iudicium sibi accipit: nō satis est, ut quis se habere fidem putet, sed oportet reuera fidem habere: ergo se dōmū dēv, i. e. probare seu examinare debet: & illi quoq; examinationem requi-

requirunt, sed si quis fallatur, & se habere putet, quod non habet, sufficere volunt: at quemadmodum cibis nō prodest mortuo & mortui sunt, qui nō in gratia accedunt, ita Eucharistia tali homini nō prodest. *Secundo* quærit Thomas, an effectus huius Sacramenti sit adeptio gloriæ: & esse ait: & tamē cum dicat nō conferri tertiam gratiam, non video quomodo vitæ æternæ & gloriæ acquisitio possit esse proprius effectus huius Sacramenti ex eorum sententia. Sed impium est putare vitam æternam comparari vi Sacramentalis manducationis, ut illi volunt: sic enim qui non est in gratia, ex v̄sū Sacramenti posset per opus operatum adipisci gloriam, i. e. ex eo duntaxat quod Sacramentum sumit. Ita facilis & compendiaris via erit ad cælum. Sic illi miseras animas ludunt ac fallunt. *Tertio* quærit, an peccatum mortale in hoc Sacramento remittatur: de quo antea satis multa diximus. *Quarto* quærit, an venialia peccata remittantur: & remitti ait venialia, quia hæc non excludunt gratiam: posse ergo cum venialib. peccatis digne accipi Eucharistiam, & hac acceptione deleberi venialia, nisi forte quis nimium delectetur suis venialibus peccatis. Neq; mirum est Eucharistiæ susceptione abstergi peccata venialia, cum aquæ lustralis aspersione, & Episcopi benedictione hoc fieri dicant. Sed hæc omnia esse cecæ cuiusdam ignorantie ex eo patet, quod puritas omnis interna mentis non sine fide fiat, imo ex fide oriatur. *Fide purgantur*

corda, ut Petrus Apostolus dixit. Si purgamur fide, non acceptio Eucharistiæ p̄ se purgationem aliquā affert, nedum alia nuge, quibus illi remissionem peccatorum tribuunt. *Quinto* quærit, an per hoc Sacramentum p̄na omnis peccati remittatur. Ne verò Purgatorium nimis celeriter exhauriri faciat, & sic multum damni accipiat respublica sacerdotum, nō omnem p̄nam remitti ait: quod mirum, cum in hoc Sacramento totum Christū realiter percipi dicant. Christus quando sanauit aliquē tactu corporis sui, non modo morbum curauit, sed p̄nam morbi: similiter cum peccata remisit, quæ interni morbi sunt: & si p̄næ mortalium peccatorum remanent, debent esse mortales & æternæ: alias nō sunt p̄næ debitæ mortalibus peccatis. Sed aiunt fieri ex æternis temporales. Sed vnde hoc possunt probare? Christus venit, non ut faceret p̄nas æternas temporales, sed ut tolleret has p̄nas omnino: ideo enim ipse in se p̄nas tulit: est hoc plusquam dici potest iniuriosum in Christum. Sed esto: temporales iam sunt: quam autem diuturnæ? nemo id certo statuere potest, sed pro ratione culparum. Quid si autem pro iis, qui iam liberati p̄nis sunt, adhuc sacrificium offeratur? cui prodest illud sacrificium? non reliquit Christus Ecclesiam suam in tanta incertitudine. Sed nihilne p̄næ relaxatur in hoc Sacramento: etiā: quantulū igitur? Thomas ait, hoc Sacramentum esse & Sacramentū & sacrificium: habere effectum Sa-



cramenti in eo qui sumit; sacrificij in eo qui offert, aut in iis, pro quibus offertur. Si consideretur ut Sacramentū, habet effectum dupliciter, *primò* ex vi Sacramenti, *secundò* ex quadam concomitantia: ex vi Sacramēti habet effectum, ad quē institutum est; non est autem institutum (inquit) remittere pēnas omnes: ex concomitantia, ex charitate aliquis potest accipere remissionem aliquam pēnæ: sed cur nō totius pēnæ? quia non tam intensa est charitas. Vnde nos non nostra charitate iustificari constat: si enim nō tam intensa sit charitas nostra, ut pēnas omnes tollat, tum neque ut nos iustificet, cum iustificati habeant pacem apud Deum: in pace autem nil tormentorum est. Si cōsideretur hoc Sacramentum, ut est sacrificium, tum ait habere vim remittendi omnes pēnas ex sui quāritate. Cur ergo non remittuntur omnes? nam potius, inquit, remittit ex deuotione offerentium, vel illorum, pro quibus offertur: quomodo hoc probatur? in satisfactione, inquit, magis spectatur offerentis affectus, quam quantitas oblationis: vnde hoc probatur? ex eo quod vidua, quæ duō æra misit in gazophylacium, plus quam omnes misisse dicitur: at blasphemum est cōparare Christum cum duobus assibus: animus viduæ plus valebat, quam duō nummi: ergone plus quam corpus & sanguis Christi? at hæc plus valent, quam mille mundi. Quid etiam quod in Canone precantur, ut Deus respiciat potius oblationem, quam ipsorum digni-

Rom. 5. 1.

Luc. 21. 3.

tatem? *Sextò* quærit Thomas, an à futuris peccatis per hoc Sacramentum defendamur: & hoc probat testimonio Scripturæ, & ratione. Testimonium Scripturæ habetur Ioan. 6. Si quis ex ipso manducauerit, non morietur: & multa in hanc sententiam ibi habet. Hoc non de corporali morte intelligi potest: ergo hoc Sacramentū ait nos tueri à morte spirituali, quæ est peccatū. Recte si modo Christi verba de manducatione Sacramenti intelligēda essent. Sed Christus loquitur de carne sua, eiusque manducatione spirituali, quæ fieri potest sine Sacramento, & quæ in multis facta est, antequam institutum est hoc Sacramentum. Nam illum nō loqui de Sacramento pater, quia multi edentes Sacramentum mortem & corporalem & spiritualement moriuntur; at si quis panem, qui de cælo descenderit, manducabit, nunquam morietur: ergo hoc testimonium, si ad hanc rem pertineret, edentibus hoc Sacramentum, æternam & certā vitam polliceretur: sed de 6. c. Ioannis supra diximus. Ratio Thomæ hæc est: Peccatum est mors spiritualis: ergo ut corpus à morte, sic anima à peccato seruetur: corpus autē duobus modis à morte seruetur, *primò* cibo & medicina, *secundò*, armis: illa internas causas, hæc externas propugnant. Eucharistia utroque modo nos à peccatis seruat: nam vitam nostram corroborat, ut cib⁹ & medicina spiritualis: vnde hoc probat ex Psalmo scilicet, *Panis cor* *boniis confirmat*: sed hoc de comuni

Psal. 104.

17.

muni

*August.* *Matth. 26. in Ioan.* muni pane intelligitur: & Augustinus ait, *Securus accede, panis est, non venenum.* Alio modo ut signum passionis terret dæmones, & nos contra illorum impetus communit. Chrysostomus ait, *Ut leones flammam spirantes, sic ab illa mensa discimus, terribiles effecti Diabolo.* Et quidem magnum in hoc Sacramento præsidium aduersus peccatum est: facit enim ut fides corroboretur, ut Christus in nobis habiteret, accēdit charitatem, debilitat vires concupiscentiæ. Sed hoc non facit ex opere operato; quod in ipsorum sacerdotibus manifestum est, qui cum veniant attriti quotidie, non modo non firmiores fiunt ad resistendum peccatis & Diabolo, sed nequiores indies, & ad omnem nequitiam propensiores. Sic Deus securitatem vlciscitur illorum, qui non putant fidem requiri, sed sufficere dispositionem, quam attritionem vocant, quæ nil gratæ habet, sed tantū aptitudo est ad gratiam. Sic gratia vacui ad Eucharistiam veniunt, ut si crederent tanto plus se recepturos, quanto gratiæ inaniore sint, ut vasa vacua.

7. *Septimò* quærit Thomas, an hoc Sacramentum aliis quam sumentibus prodest: & prodesse ait, sed ut sacrificium, non ut Sacramentum: atque utrumque modum proficiendi à Domino expressum esse, cum ait, *Hic est sanguis noui Testamenti, qui pro vobis & pro multis effunditur: pro vobis sumentibus, pro multis aliis.* Sed si hoc de sacrificio Missæ intelligatur, tum Missa non modo sumentibus & offerentibus

Matth. 26.

proderit, sed omnibus: nam multi *Luc. 22. 20.* ibi totam Ecclesiam significant. Num omnes Christiani ex Missa quauis fructum percipiunt? at solent pro his & illis Missas celebrare, & volunt proprie illis prodesse. Sed forsitan viles sunt Missæ toti Ecclesiæ, at maxime ijs, qui eas pro se fieri procurant; & sic illi putant: & hæc opinio innumerabilium Missarum parens est. Docent igitur Missam nō æqualiter omnibus prodesse, sed ijs præcipue, qui eleemosynam pro Missa obtulerunt, vel quos sacerdos singulari intentione designauit, etiam si equalis aliorum deuotio sit. Quare Dominicus Soto ait, male facere sacerdotes, qui non pro quibusdam nominatim offerunt, sed putant esse satis in genere offerre. Sed quomodo Missa prodest, quatenus est sacrificium? num confert gratiā sumentibus & aliis? hic non consentiunt: aliqui putant prodesse per viam satisfactionis tantum, i. e. pēnas auferre: alii verò per modum meriti & offerentibus de condigno, si in gratia sint; & offerentes possunt per Missæ oblationem mereri ijs, pro quibus offerunt, de congruo bonum motum, & resipiscentiam à peccatis, & alia beneficia. Sed iā quis fructus Missarum pro infidelibus aut hæreticis? nam illi non modo nulla dispositione accedūt, qua recipiant, sed prorsus inepti sunt ad gratiam recipiendam, cum nō sint in corpore Ecclesiæ. Thomas ait non orari in Canone Missæ pro ijs, qui sunt extra Ecclesiam, quia Augustinus ait, *Quis offert cor-*

August.

pus

*in Epist. ad pus Christi, nisi pro his, qui sunt membra Renatum.*

Christi? Sed hoc testimonium non habetur apud Augustinum, & si ita esset, pro nullis nisi p membris Christi offerri corpus Christi; non igitur ullis prodest hoc Sacramentum, qui carent gratia: non ergo gratiam ullis confert, nempe gratiam primam. Sed Dominicus Soto ait, quosdam offerre pro conversione infidelium & hæreticorum, sed non hoc fieri autoritate Ecclesiae, sed privata deuotione hominum. Sed mirum est sic illos infamare: nam Christus in cruce non tantum orauit, sed etiam sacrificiū obtulit pro infidelibus & hæreticis: cur illi offerunt pro solis piis? Nobiscum male agitur, quos illi p hæreticis habent, quod nullum ex illorum Missis bonum percipere possimus: imo præclare agitur: habeant illi sibi Missas suas.

8. Octauo & ultimo quærit Thomas, utrum effectus huius Sacramenti per venialia peccata impediatur: & putant non impediri, nisi quis in eis complacentiam habeat, cum Sacramentum accipit: etsi aliter Caietanus. Thomas putat posse recipi in hoc Sacramento augmē-

tum gratiæ habitualis, & si quis sine deuotione, & cum complacentia venialium peccatorū accedat, sed nō dulcedinis spiritalis actua-lem refectionem. Caietanus hoc duob. argumentis refellit. *Primum* est, quia tum gratia & charitas sacerdotum quotidie celebrantium maior esset, quam rationabile sit credere: ingens fieret, & foras per heroica opera prodiret: quod non apparet.

*Secundum* est, quia Eucharistia datur per modum cibi: non ergo confert aut auget gratiā: nisi per modum nutritionis: at nutritio est actus vitalis: ergo nisi adsit vitalis & actualis deuotio, nil prodest hoc Sacramentum; quod est verissimum: qui enim sine deuotione actuali ad hoc Sacramentum accedit, indigne accedit. Hæc ex Scholasticis delibare voluimus, ut quam illorum insipida, insulsa, inuauis theologia sit, videatis, camque ex animo cum summa detestatione auersemini. Plura possent ex Papistarum libris de effectu huius Sacramenti afferri: sed hæc sufficient. Videte plura apud Dominicum Soto.


*Dominic.  
Sot. in 4. d.  
12.*

F I N I S.

INDEX

# INDEX VERBORVM ET RERVM IN PRÆLECTIONIBVS GWILHELMI WHITAKERI

De Sacramentis in genere. Baptismo & Eucharistia.

- A.
-  Blutio de' et per alium fieri. 217
- Abrahamus dictus pater credentium. 23
- Abrahamus fide iustificatus est, antequam sit circumcissus. 37
- Abrahā non potuit ex sacramētis iustificari. 83
- Abraham primus circumcisionem accepit. 23
- Abraham quorsum acceperit circumcisionem. 3. 37
- Abusus & deprauationes multæ statim ab Apostolorum temporibus in Ecclesiam irrepserunt. 630
- Accidens non potest esse in duobus subiectis. 98
- Accidentia nihil possunt pati. 475
- Accidentia non sunt corpus Christi. 583
- Actio inuoluntaria non est meritoria. 243
- Adiumenta quæ Deus instituit non debemus aspernari. 16
- Adorare pro Deo, quod nescias num sit Deus, necne, peccatum est. 50
- Adoratio Papistarum nixa fundamento commentitiæ Transubstantiationis, est idololatritia omnium, quæ vnquam fuerunt, crassissima. 582
- Adulti fide seruantur. 65
- Adulti nisi credant Euangelio, nullam ex sacramentis vtilitatem percipiunt. 63
- Adulti non pereunt, si sine aliqua negligentia suā, aut contemptu Baptismo caruerint. 32
- Adulti nulli leguntur baptizati, nisi qui peccata antea confitebantur. 318
- Agens principalis non est in instrumento. 195
- Agni Paschalis ceremonia magis in mactatione, quam in manducatione consistebat. 350
- Agnus Paschalem quibus priuatus mactabat. 640.
- Agnus assabatur. ibid. in privatis adibus per contubernia mactabatur. ibid. non erat propriè sacrificium. ibid.
- Agnus Paschalem comedere nullis licuit, nisi iis, qui mysterij rationem per atatem intelligere potuerunt. 34
- Agnus & Manna non simplex & nuda figura erant. 422
- Alanus improbat Thomam, & damnat. 49
- Alanus non adhaerescit ad expositionem Thomæ. 412
- Alanus redactus in angustias. 404
- Alimenti & aliti arctissima vnio est. 196
- Ambrosius sensit Romanam Ecclesiam posse declinare. 189
- Anabaptistarum error. 215
- Andreas Carolstadius fuit vir nimis cupidus contentionis. 379
- Angeli nullis corporibus sunt conclusi. 2
- Animus est purgandus. 386
- Anima an creentur & infundantur. 611
- Annihilari non est conuerti, sed interire. 576
- Annihilatio simpliciter est rei interitus, quæ fuit. 603
- Antichristi fraus ad perniciem multorum millium inuenta & excogitata. 204
- Apostata an sit iterum baptizandus. 156
- Apostoli in cœna nō indigebant expositione. 390
- Apostoli non sunt turbati, quod Christum viderint ante edentem, & bibentem. 453
- Apostoli post concionem baptizabant credentes. 27
- Apostoli erant recte baptizati ante Christi mortem.

Pppp 3

tem



# INDEX.

|   |       |   |     |
|---|-------|---|-----|
| tem.  | 327   | 1a.   | 188 |
| Apostoli ipsi peccatum habuerunt.                 | 272   | Augustinus prauit occasionem multorum er-     |     |
| Apostoli nullum baptismum habuerunt nisi Io-      |       | rorum de Baptismo.                            | 234 |
| annis.  | 325   | Augustinus quid per carnem & praesentiam car- |     |
| Apostoli plures baptizauerant, quam Ioannes.      |       | nis, intelligat.                              | 483 |
| 324   |       |   |     |
| Apostolos his verbis semper vfos esse, quos Papi- |       |   |     |
| sta consecrationis vim tribuunt, non constat.     |       |   |     |
| 279   |       |   |     |
| Differentia inter Apostolos, & ordinarios Pasto-  |       |   |     |
| res.  | 208   |   |     |
| Aqua in Baptismo est sacramentum renouatio-       |       |   |     |
| nis & regenerationis nostra.                      | 65    |   |     |
| Non omnes regenerantur, qui aqua baptismali       |       |   |     |
| lauantur.   | 10    |   |     |
| Aqua cur sit adhibenda.                           | 47    |   |     |
| Aqua minus requiritur quam verbum.                | 47    |   |     |
| Aqua non mundat animam.                           | 105   |   |     |
| Aqua non potest ad animam penetrare.              | 100   |   |     |
| Ex aqua renascimur sacramentaliter tantum.        |       |   |     |
| 65  |       |   |     |
| Aqua sacramenti quid significet.                  | 105   |   |     |
| Aqua sacramenti visibilis est.                    | ibid. |   |     |
| Aqua spiritus inuisibilis est.                    | ibid. |   |     |
| Arbor vite fuit sacramentum primis parenti-       |       |   |     |
| bus ante lapsum.                                  | 1.    |   |     |
| Arcus nullus est in coelo.                        | 385   |   |     |
| Inter assertorium & confirmatum nihil in-         |       |   |     |
| terest.   | 25    |   |     |
| Aspergi aut immergi semel in nomine Patris,       |       |   |     |
| & Filij, & Spiritus sancti, satis est.            | 53    |   |     |
| Astronomi non nisi sidera contemplantur.          | 503   |   |     |
| Athanasius baptismum intendebat, vt ludum,        |       |   |     |
| non vt baptismum.                                 | 48    |   |     |
| Athanasius puer baptizauit alios pueros per lu-   |       |   |     |
| dum.  | ibid. |   |     |
| Augustinus Baptismi mysteria non nouit.           | 51    |   |     |
| Augustinus de ministri intentione non fuit so-    |       |   |     |
| licitus.  | 52    |   |     |
| Augustinus non putauit Chrisma sic esse sacra-    |       |   |     |
| mentum, vt est Baptismus.                         | 200   |   |     |
| Augustinus numerat crucem inter sacramen-         |       |   |     |

|  |     |
|--|-----|
| Baptismi definitio qua sit.                      | 218 |
| Baptismi ritus & caremonia qua sint.             |     |
| 331  |     |
| Baptismus non est similis nauis.                 | 281 |
| Qui sint baptismi effectus.                      | 263 |
| Græci quâ formâ baptizandi vsi sint.             | 28  |
| priuationem Baptismi non esse infantibus noxa    |     |
| capituli, probatur.                              | 232 |
| Baptismi vicem aliquando implet passio.          | 37  |
| Tota Baptismi vis in Christo continetur.         | 222 |
| Carere Baptismo sine aliquo contemptu non est    |     |
| peccatum vel originale, vel actuale.             | 227 |
| In Baptismo, & in Cœna requiritur bona con-      |     |
| scientia.  | 15  |
| In Baptismo mundari, & saluari quare dica-       |     |
| mur.   | 69  |
| Baptismo obsignatur nobis remissio peccato-      |     |
| rum.   | 68  |
| sine Baptismo potest esse mortificatio.          | 226 |
| Papista de Baptismo, quod senserunt Patres, vr-  |     |
| gent acerrimè, de Eucharistia autem cum          |     |
| illis non sentiunt.                              | 229 |
| Quotuplicem gratiam in Baptismo consequa-        |     |
| mur.   | 264 |
| In Baptismo remitti peccata nemo dubitat.        | 73  |
| In Baptismo requiritur singularis puritas.       | 432 |
| sine Baptismo saluari possumus, si absit contem- |     |
| ptus.  | 240 |
| Deus in Baptismo sanctificat quos vult.          | 73  |
| Βαπτισμὸς quid significet.                       | 216 |
| Βαπτισμὸς sumitur Metaphoricè pro calami-        |     |
| tatibus, aut miseriis.                           | 217 |
| Contemnere Baptismum est peccatum morte          |     |
| dignum.  | 223 |

Baptismum

# INDEX.

|  |          |   |     |
|--|----------|---|-----|
| Baptismum debet precedere doctrina.            | 27       | rectè faciunt.                                  | 76  |
| Ad Baptismum indignè accedentes respuunt       |          | An fœmina debeant baptizare.                    | 257 |
| Christum.                                      | 432      | An niue aut glacie liceat baptizare.            | 220 |
| Baptismum nostrum videmus in aliorum in-       |          | Inter Christianos multi infideles volunt ba-    |     |
| fantium baptismo.                              | 15       | pizari.   | 84  |
| Baptismus an sit repetendus.                   | 155      | Non baptizari non est causa damnationis. ibid.  |     |
| Baptismus an sit simpliciter necessarius.      | 223      | Apostoli olim in Christi solius nomine baptiza- |     |
| Quando Baptismus cœperit esse necessarius ex   |          | runt.   | 28  |
| sententia Pontificiorum.                       | 248      | Apostoli baptizarunt multa millia simul.        |     |
| Baptismus cur non repetendus.                  | 155      | 339   |     |
| Baptismus cur nullis immundis dari debeat.     |          | Baptizatos olim solebant vngere.                | 183 |
| 238  |          | Basilus cur sacramenta vetera præ nostris ex-   |     |
| Baptismus est bona conscientia stipulatio.     | 15       | tenuet.   | 136 |
| Baptismus est ingressu. in Ecclesiam.          | 155. 157 | Bellarmini apertissima calumnia.                | 373 |
| Baptismus est pignus remissionis peccatorum.   | 68       | Bellarmini argumenta diluuntur aduersus ob-     |     |
| Baptismus est Sacramentum noui Testamenti.     |          | signationem promissionum Dei per sacra-         |     |
| 133  |          | menta.  | 16  |
| Baptismus & Eucharistia sunt signa comme-      |          | Bellarmini argumentum absurdum.                 | 361 |
| moratiua, & confirmatiua passionis, &          |          | Bellarmini argumentum cadit.                    | 390 |
| mortis Domini.                                 | 24       | Bellarmini argumentum puerile, & elumbe.        |     |
| An Baptismus faciat filios Abraha.             | 233      | 390   |     |
| Baptismus figurat sanguinem Christi.           | 356      | Bellarmini cecitas.                             | 182 |
| Baptismus sit sacramentum.                     | 28       | Bellarmini expositio habet absurdissimas equi-  |     |
| Baptismus non efficit fidem, & vitam aternam,  |          | uocationes.                                     | 426 |
| sed confirmat.                                 | 12       | Bellarmini fraus obseruanda.                    | 130 |
| Externus Baptismus non nisi ablutio est in a-  |          | Bellarmini impudens mendacium.                  | 182 |
| qua.   | 225      | Bellarmini impudentia.                          | 170 |
| Baptismus non confert gratiam ex opere opera-  |          | Bellarmini impudentissima calumnia.             | 224 |
| to.  | 25       | Bellarmini mendacium.                           | 507 |
| Baptismus non est sacramentum regenerationis   |          | Bellarmini misera, & inepta responsio.          | 495 |
| ex opere operato.                              | 73       | Bellarmini miserum subterfugium.                | 531 |
| Baptismus noster clarior est circumcisione lu- |          | Bellarmini monstrosa contradictio obseruanda.   |     |
| daorum.  | 356      | 557   |     |
| Baptismus quare dicatur nos seruare.           | 64       | Bellarmini noua phrasis.                        | 191 |
| Quibus verbis debeat Baptismus peragi.         | 220      | Bellarmini nudum mendacium.                     | 346 |
| Num Baptismus tam sit ad salutem necessarius,  |          | Bellarmini regula de præceptis falsissima.      |     |
| quam fides.                                    | 223      | 388   |     |
| Baptismus vocatur ὁμοιωµα mortis & resur-      |          | Bellarmini ridicula obiectio.                   | 409 |
| rectionis Christi.                             | 5        | Bellarmini crassus error.                       | 598 |
| Olim baptizabantur tantum in tempore Pa-       |          | Bellarmini oscitantia obseruanda.               | 582 |
| schali, & in Pentecoste.                       | 338      | Bellarmini rancid. obiectio.                    | 590 |
| Amentes aut dormientes qui baptizant, non      |          | Bellarmini ratio falsissima, & absurda-         |     |

ma



# INDEX.

|   |     |   |          |
|---|-----|---|----------|
| ma.   | 583 | Bellarminus loquitur sermone Ashdico.   | 192      |
| Bellarmini responsio p hantastica.  | 600 | Bellarminus malitiose calumniatur.  | 346      |
| Bellarmini solidissima obiectio.  | 621 | Bellarminus mentitur.   | 420      |
| Bellarmini Sophismata sunt ridicula.  | 362 | Bellarminus milles sibi contradicit.  | 530      |
| Bellarminum refellit Augustinus.  | 354 | Bellarminus motum & quietem numerat inter relata.   | 536      |
| Ambrosius.  | 313 | Bellarminus multa de vocabulo CORPVS disputat.  | 418      |
| Bellarminus ad summum cœlum fugere coactus est.   | 510 | Bellarminus nescit Scripturas.  | 21       |
| Bellarminus aliud stans, aliud sedens loquitur.   | 545 | Nihil tam absurdum est, quod Bellarminus non ausit statuere.  | 530      |
| Bellarminus aperte Scripturis contradicit.  | 458 | Bellarminus nouum fundamentum excogitat.  | 230      |
| Bellarminus aut non intelligit Caluinum, aut sciens malè interpretatur.                       | 345 | Bellarminus nullum testimonium proferre potuit, quo apactis figuras remoueat.   | 386      |
| Bellarminus comparat Daemonem, qui est leo, timido cani.                                      | 202 | Bellarminus numerat absurdè periurium ex cupiditate rei aliena inter leuiores peccata.  | 128      |
| Bellarminus cum suis pugnat.  | 212 | Bellarminus oblitus sui est.  | 545      |
| Bellarminus defendit id, quod fidem Christianam tollit.                                       | 377 | Bellarminus primum nos accusat, postea absoluit.  | 342      |
| Bellarminus dicit, nullum dogma Ecclesiasticum certo statui posse sine explicatione Ecclesie. | 149 | Bellarminus prodit suam inscitiam.  | 419      |
| Bellarminus distinctionem preceptorum ex suo cerebro fingit.                                  | 387 | Bellarminus pugnat aperte secum.  | 445. 466 |
| Bellarminus duplex facit obsequium.   | 480 | Bellarminus quo se vertat, nescit.  | 355. 529 |
| Bellarminus Ecclesie Romane auctoritatem ipsorum Apostolorum auctoritati absurde exæquat.     | 208 | Bellarminus quouis Proteo est mutabilior.   | 532      |
| Bellarminus est ineptus declamator.   | 494 | Bellarminus calumnatur sciens.  | 278      |
| Bellarminus ex cap. 6. Iohannis nihil pro reali presentia asserre potest.                     | 358 | Bellarminus errat.  | 266      |
| Bellarminus facit summam iniuriam Christo.  | 429 | Bellarminus loquitur monstra, & sibi contradicit.   | 606      |
| Bellarminus futiliter exponit verba Thomæ.  | 49  | Bellarminus manifestam nobis iniuriam facit.  | 296      |
| Bellarminus impudentissimus.  | 437 | Bellarminus non potest vilo aut testimonio, aut exemplo Scripturæ probare, baptizatos iterum fuisse, quos Ioannes baptizauit. | 301      |
| Bellarminus ineptè opinionem falsam pro ceremoniâ ponit.                                      | 211 | Bellarminus non satisfacit Lutheri.   | 292      |
| Bellarminus à doctissimis Scholasticis, atq; etiam ab aliis dissentit.                        | 604 | Bellarminus pugnat cum aliis.   | 585      |
| Bellarminus apertissimè secum pugnat.   | 588 | Bellarminus pugnat secum.   | 318      |
| Bellarminus insignem blasphemiam cōtra sanguinem Christi euomit.                              | 350 | Bellarminus quā in re suam insipientiam tori mundo manifestam faciat.   | 603      |
|   |     | Bellarminus refutatur à Thomæ.  | 635      |
|   |     | Bellarminus rem ad Theologos refert.  | 596      |
|   |     | Bellarmi-   |          |

# INDEX.

|  |     |   |     |
|--|-----|---|-----|
| Bellarminus refellit se.   | 368 | Ceremonia quauis non est sacramentum.   | 204 |
| Bellarminus sophisticè nugatur.  | 520 | Ceremonia quid sit.   | 197 |
| Bellarminus tenetur sic vt se cōmouere nequeat.  | 481 | Ceremonias nunc cumulare, est Christi aduentum obscurare.                                     | 206 |
| Bellarminus tollit omnem corporalem presentiam in Eucharistia.   | 428 | Ecclesiam posse vtilis & necessarias ceremonias instituere.                                   | 200 |
| Bellarminus torquet scripturas.  | 359 | Ceremonia vnde dicatur.   | 197 |
| Bellarminus verberat vmbas.  | 407 | Calor non est instrumentum ignis.   | 58  |
| Calvinum insignem patronum erroris Berengarij vocat Bellarminus.   | 344 | Calvini definitio sacramenti omnibus aliis definitionibus præfertur.                          | 8   |
| Bellarminus vititur oculis alienis.  | 166 | Calvinus non repugnat sibi.   | 344 |
| Benedictio omnis diuina est, & sic vi diuina.  | 403 | Calvinus per beneuolentiam quid intelligat.   | 10  |
| In omni benedictione Christi factam esse mutationem substantiarum, falsissimum est.                                    | 404 | Calvinus quid per Eucharistiam intelligat.  | 422 |
| Berengarius coactus est Romæ palinodiam canere.  | 344 | Capernaia erant carnales.   | 360 |
| Berengarius in veritatis confessione mortuus est.  | 344 | Christus in capite sexto Iohannis non est loquutus de sacramento.                             | 366 |
| Berengarius vir fuit optimus, & doctissimus.   | 343 | Caput sextum Iohannis non pertinere ad Eucharistiam, probatur.                                | 366 |
| Bernardus lotionem pedum vocat sacramentum.  | 189 | Hereticum est, exponere caput 6. Iohannis, vt Bellarminus exponit.                            | 377 |
| Bertramus edidit libellum doctum de Eucharistia.   | 343 | Christi carnem & sanguinem in Eucharistia percipientes confirmantur de remissione peccatorum. | 14  |
| Beza dixit, tantum esse interuallum inter corpus Christi, & sacramentum Eucharistie, quantum est inter cœlum & terram. | 344 | Quomodo veram Christi carnem edamus.  | 493 |
| Bona opera sunt fidei nostre fructus, & testimonia.  | 18  | Christi carnem quando edamus.   | 468 |
| Brugensis in magno errore versatur.  | 640 | Caro Christi carnaliter exesa est omnino infructuosa.   | 491 |
| Bucerus Zyvinglium & Oecolampadium laudat.   | 380 | Caro Christi cum pane absurde comparatur.   | 491 |
|  |     | Christi caro non comeditur sub specie omnis cibi.   | 371 |
|  |     | Christi caro non est cibus corpori idoneus.   | 361 |
|  |     | Catharinus scripsit libellum de intentione ministerii sacramentorum.                          | 53  |
|  |     | Catholici nec de re, nec de modo explicandi conueniunt.                                       | 440 |
|  |     | Catholici sunt Montanista.  | 182 |
|  |     | Causa sublata tollitur effectus.  | 273 |
|  |     | Causa est semper prior suo effectui.  | 449 |
|  |     | Causa instrumentalis nihil facit immediate.   | 75  |
|  |     | Facere aliquid mediate vel immediate refertur   |     |
|  |     | Ceremonia nonnulla papistica sunt impia.  | 197 |



# INDEX.

|  |          |   |       |
|--|----------|---|-------|
| ad causam principalem.   | 75       | nobis percipitur.   | 110   |
| Causa semper nobilior est effectu.   | 100      | Christus iustificabat omnes fideles in vet. Test.   | 120   |
| Per Characterem quid intelligant patres.   | 151      | Christus ipse se non manducavit, aut sanguinem suum bibit.                                  | 364   |
| Χαράτης quid significet.   | 148      | An Christus loquutus sit figurate.  | 471   |
| Χαράτης nusquam reperitur in scripturis eo sensu, quo sumunt pontificij.                                       | 148      | Christus manducabatur ab Apostolis, antequam immolatus est.                                 | 349   |
| Character sacramentorum omnino nihil est, sed tantum recens commentum.   | 148      | Christus morte sua in cruce peccata nostra sustulit.  | 349   |
| Characteri Bellarminus tria assignat officia   | 149      | Christus iussit Apostolos canam frequentare.  | 131   |
| Characteris primus author quis fuerit.   | 163      | Christus non aliud corpus habet, nisi quod in caelo est.                                    | 429   |
| Christus cur gratias egerit.   | 446      | Christus non aspersit sanguinem in pectora discipulorum.                                    | 350   |
| Cur Christus in his terris non habiter.  | 472      | Christus non consumitur.  | 357   |
| Christus dicitur ab origine mundi Agnus occisus.   | 437      | Christus non est in templis aut in pixide querendus.  | 472   |
| Christus erat agnus occisus ab origine mundi.  | 129. 358 | Christus non est in terris quoad corpus.  | 344   |
| Christus est panis verus.  | 366      | Christus non est corpore inuisibilis.   | 497   |
| Christus est substantia, vis & anima novi Test.  | 122      | Christus non est substantia, aut materia cuiusquam sacramenti.                              | 196   |
| Christus est vere in Baptismo.   | 190      | Christus non fallit, aut ludit oculos nostros.  | 479   |
| Christus fidem cum Baptismo coniungit.   | 64       | Christus non habet nunc corpus, nisi gloriosum.   | 472   |
| Christus fit noster, quando sacramentum percipimus.  | 345      | Christus non habet nisi corpus vnum.  | 379   |
| Christus fuit semper in vno loco.  | 495      | Chrisma fuit caremonia Baptismi.  | 185   |
| Christus habitat per fidem in cordibus nostris.  | 36       | Chrisma non fluxit ex latere Christi.   | 185   |
| Christus in caelo est quoad corpus.  | 486      | Christiani omnes sunt sacerdotes.   | 39    |
| Christus in cena non dabat se pro mundi vita.  | 359      | Christianos decet honestas, & simplicitas.  | 203   |
| Christus in cena non instituit novam legem.  | 350      | Christi carocibus, sanguis potus est.   | 360   |
| Christus in cena quomodo vocet panem corpus, & vinum sanguinem suum.   | 359      | Christi caro non est cibus canum aut porcorum   | 345   |
| Christus in cruce vere pauper fuit.  | 436      | Christi & Euangelistarum authoritas prior & antiquior nobis esse debet, quam omnium patrum. | 66    |
| Christus in Eucharistia non apparet.   | 511      | Christi gloria non potest ab eius corpore separari.   | 429   |
| Christus instituit Eucharistiam antequam passus & mortuus est.   | 24       | Christi humanitas non est in hostia, aut pixide querenda.                                   | 472   |
| Christus infulsam & phantasticam opinionem de reali manducatione refutavit, cum contra Capernaitas disputaret. | 391      | Christi humanitas non potest simul in caelo esse, & in templo.                              | 472   |
| Christus interius absoluit, & baptizat.  | 44       |   | Chri- |
| Christus in verbo, & in sacramentis vberius à  |          |   |       |

# INDEX.

|   |           |   |      |
|---|-----------|---|------|
| Christi merita nemini sine fide possunt applicari                                   | 65        | Christus Abraha promissus fuit.   | 127  |
| Christi morientis vel minima gutta sanguinis ad omnia mundi peccata expianda valet. | 205       | Christus abrogata circumcisione Baptismum retineri iubet.   | 215  |
| Christi mors publica fuit.  | 351       | Christus à cena statim apprehensus est.   | 420  |
| Christi inobedientia & perfectissima obedientia est nostra iustitia.                | 320       | Christus à nullo impio post resurrectionem aut contactus, aut conspectus legitur.                           | 498  |
| Christi mors valuit apud patres, non minus quàm apud nos.                           | 129       | Christus applicatur nobis fide cum omnibus suis meritis.  | 36   |
| Christi mortis erant plures testes, quam cena.                                      | 351.      | Christus ascensurus in caelum benedixit Apostolis.  | 402  |
| Christi possunt esse participes, qui nunquam fuerunt participes Eucharistia.        | 346       | Christus author nostra doctrina.  | 342  |
| Christi presentiam qualè nos agnoscamus.  | 399       | Christus cum parabolas vult exponere, adhibet tropos.   | 389  |
| Christi sanguinem non potant impij.   | 436       | Christus baptizat spiritu.  | 308  |
| Christi sanguis non extinguit sicem carnalem.                                       | 61        | Christus cur circumcidi voluerit.   | 321  |
| Christi sanguis quare vocetur Testamentum.  | 465       | Christus cur mortuus sit.   | 274  |
| Christo, non Papistis credendum.  | 478       | Christus non alium Baptismum quam Ioannis habuit.   | 319  |
| Christum ad finem mundi nemo in terris inveniet.                                    | 478       | Christus non auro, aut argento, sed sanguine suo precioso nos redemit.                                      | 320  |
| Christum in Baptismo non minus induimus, quam in Eucharistia comedimus.             | 421       | Christus non fuit cum La Zarò moriente.   | 601  |
| Christum in cena nos redemisse, absurdum est.                                       | 351       | Christus non indiget redemptione vlla.  | 321  |
| Christum nemo sincere amat, nisi qui Papam oderit.                                  | 81        | Christus non innocentia sua tantum, & mansuetudine, sed obedientia usque ad mortem sustulit peccata nostra. | 315  |
| Christum non esse corpore in terris, probatur.                                      | 479. 480. | Christus nos peccato vulneratos sanat paulatim.   | 273  |
| Christum non esse in terris querendum, probatur.                                    | 497       | Christus serpenti dissimilatus fuit.  | 595  |
| Christum nos non magum dicimus.   | 30        | Christus ubique praesens est in cuiusque ministerio   | 43.  |
| Christum quoad presentiam corporalem continet caelum, non Eucharistia.              | 194       | Christus ubi sit querendus.   | 503  |
| Christum non pridie azymorum celebrasse canam, probatur.                            | 636       | Christus venit ad nos in Eucharistia.   | 433  |
| Christum quomodo intra pectus recipere debeamus.                                    | 584       | Christus umbris omnibus est longe praestantior.   | 352. |
| Christum quomodo in sacramento Eucharistia percipiamus.                             | 345       | Christus vna cum Apostolis edit & bibit.  | 435  |
| Christum totum agnoscimus in Eucharistia fidei praesentem spiritualiter.            | 347       | Chrysostomus multa loquitur de sacramento Eucharistiae.   | 607  |
|   |           | Cibus nullus aut potus est spiritualis, praeter Christum.   | 353  |
|   |           | Circumcisio diu ante legem datam fuit.  | 113  |
|   |           | Circumcisio & agnus Paschalis ad paucos pertinuerunt, & nostris cesserunt.                                  | 355  |



# INDEX.

|  |        |   |     |
|--|--------|---|-----|
| Circumcisio est sigillum iustitiae fidei.  | 15     | Consecratio legitima Baptismi qua sit.  | 424 |
| Circumcisio instituta fuit, postquam Deus Abraha familiam sibi in populum & Ecclesiam assumpt.   | 1      | Consecratio non fit in certis verbis.   | 29  |
| Circumcisio mortua est moriente Christo.   | 253    | Contradictio non cadit in sinum Dei.  | 510 |
| Circumcisionem fuisse signum fœderis, probatur.  | 21     | Conuersio substantialis nulla olim credita fuit.  | 586 |
| Circumcisio fuit olim sacramentum regenerationis.  | 218    | In Conuersione non oportet materiam perire.   | 572 |
| Circumcisio non fuit omnibus simpliciter ad salutem necessaria.                                  | 34     | In omni Conuersione opus est productione.   | 574 |
| Circumcisio non nisi signum fœderis diuini fuit.   | 382    | Corda non durantur proprie.   | 386 |
| Propheta & Apostoli multum tribuunt circumcisi.  | 87     | Corinthij cœnam Dominicam corruerunt.   | 341 |
| Paulus quando detrahit circumcisi, loquitur de circumcisi abrogata.                              | 114    | Corpora nostra non possunt vere nutriri corpore Christi.                                  | 477 |
| Circumcisionis non priuatio, sed cōtemptus fuit peccatum.  | 35     | Corpora nostra post resurrectionem habebunt eandem dotes, quas nunc habet corpus Christi. | 502 |
| Circumcisio signum fœderis dicitur.  | 5      | Christus non legitur quenquam baptizasse.   | 403 |
| Claudius sanctes est sibi contrarius.  | 414    | Christus non nisi vnum, idemq; numero corpus habet.                                       | 485 |
| In cœlum animis nos ascendere oportet.   | 428    | Christus non nisi vnus est.   | 535 |
| In cœna nulla gutta sanguinis Christi profusa est.   | 351    | Christus non iterum ante mundi finem venturus est.  | 110 |
| Concilia quomodo habeant auctoritatem condendi canones.  | 208    | Christus non oculis, manibus, ore corporis, sed mentis percipitur.                        | 348 |
| Concilium Constantinopolitanum docuit, non esse vllas Christi imagines faciendas.                | 343    | Christus non panis gratias egit, sed Deo.   | 403 |
| Concilium Tridentinum fuit Conciliabulum meretricis Babylonica, & spelunca latronum ac pradonum. | 169    | Christus non potest esse iterum in terris, nisi vtrumq; deserat.                          | 485 |
| Concilium Tridentinum non definiuit omnia fidei dogmata.   | 170    | Christus non recessit praesentia maiestatis.  | 483 |
| Concupiscentia est primus motus actusq; peccati.   | 270    | Christus non teritur dentibus.  | 454 |
| An sine Confessione quis possit seruari.   | 226    | Christus non vocauit cœnam vltimam suam voluntatem, sed fœdus nominauit.                  | 383 |
| Confirmatio, & ordinatio non sunt sacramenta.  | 68.155 | Christus nullam aliam naturam aut substantiam dedit, nisi panem.                          | 444 |
| Confusio non debet esse in vnitatem.   | 527    | Christus nunc natus, & datus nobis est.   | 357 |
| Congruentia quid.  | 170    | Christus nunquam caret intentione, nunquam somniat, aut aliud loquitur, aliud sentit.     | 44  |
| Inter scholasticos est incertissimum, quomodo Christus consecravit, & quibus verbis.             | 406    | Christus nusquam est, vbi non in gloria conspicitur.                                      | 496 |
|  |        | Christus offerebatur omnibus in Manna.  | 138 |
|  |        | Christus peperit nobis vitam morte sua.   | 463 |
|  |        | An Christus per ianuam clausas intravit.  | 550 |
|  |        | Christus per manus Ministri vult nobis bonam celestiam in usu sacramentorum conferri.     | 217 |
|  |        | Christus potest in sacramento Eucharistiae recipi, aut                                    |     |

# INDEX.

|   |         |   |                  |
|---|---------|---|------------------|
| aut respici, licet nō adsit ibi corporaliter.   | 435     | Christi corpus factum est ex substantia Maria, non ex tritico.                          | 392              |
| Christus pro originali peccato non minus mortuus est, quam pro actualibus.                              | 193     | Corpus Christi habet dimensiones corporis humani.                                       | 530              |
| Christus quando consummarit Testamentum.  | 350     | Christi corpus habet eadem membra, quae nostra corpora habent.                          | 196              |
| Christus, quatenus est mortuus, est cibus, quo mundus viuuit.   | 370     | Christi corpus habet veri corporis naturam.   | 397              |
| Christus quoad corpus in cœlis est.   | 196     | Corpus Christi in cœna quomodo percipitur.  | 427              |
| Christus quoad gratiam, & praesentiam spirituales, praesentissimus est.                                 | 344     | Corpus Christi mysticum quid sit.   | 432              |
| Christus, quod discipulis tradidit, vocauit aperte suum corpus.   | 379     | Corpus Christi non corrumpitur.   | 438              |
| Christus quod per Apostolos fecit, id ipse fecisse dicitur.   | 248     | Christi corpus non editur visibiliter.  | 437              |
| Christus quomodo mutauit aquam in vinum.  | 414     | Corpus Christi non emittitur in secessum, sed solus panis.                              | 474              |
| Christus quomodo nobis in sacramento immoletur.   | 26      | Actio tota non est corpus Christi.  | 407              |
| Christus quomodo sit tangendus, & edendus.  | 498     | Corpus Christi non est materia sacramenti.  | 477              |
| Christus quorsum mortuus sit.   | 14      | Corpus Christi esse in Eucharistia, & non videri est a. o. v. s. r. v.                  | 600              |
| Christus, quotiescunq; panem comedit, solebat gratias agere.  | 405     | Corpus Christi in Eucharistia nec videtur, nec tangitur.                                | 602              |
| Christus remouet omnem offensionem & obscuritatem tum Capernaïticam, tum papisticam in cap. 6. Ioannis. | 360     | Corpus Christi in Eucharistia nō habet carnem, nec ossa.                                | 601              |
| Christus sacramentum purgationis in aqua instituit.   | 33      | Corpus Christi vere nunquam est sacramentum, aut in usu, aut extra vsum.                | 616              |
| Christus semper pauperibus est antefereendus.   | 482     | Corpus Christi non intrat in os, sed solus panis.                                       | 474              |
| Christus statim a cœna apprehensus fuit.  | 359     | Christi corpus non est spiritus.  | 497              |
| Corporalem praesentiam defendentes, errant.   | 471     | Corpus Christi non nisi in vno loco esse probatur                                       | 397.398.473.485. |
| Corporalis praesentia Christi in Eucharistia tollit Christi maiestatem, & gloriam.                      | 429     | Corpus Christi non potest nouum creari.   | 485              |
| Corpora sunt ο. ε. γ. ε. π. τ. α.   | 517     | Corpus Christi offertur in Eucharistia non ori, sed fidei.                              | 433              |
| Aduersarij demunt corpori Christi magnitudinem.   | 397     | Vbi cumq; est corpus Christi post ascensionem, ibi est summa gloria.                    | 429              |
| Proprietas veri corporis qua sit.   | 504.558 | Corpus Christi qui aliter, quam vt est in cœlo, sumit, is nullum inde fructum percipit. | 429.             |
| Corporis viui sumptio non est commemoratio mortis.  | 467     | Corpus Christi qui sumit, sumit vitam.  | 90               |
| Christi corpus est iisdem proprietatibus praeditum, quibus nostra.                                      | 503     | Corpus Christi si esset in terris, non prohiberet monstrari.                            | 478              |
| Corpus Christi esum non potest non esse viuificum.  | 438     | An possit fieri, vt corpus Christi sit praesens in Eucharistia.                         | 503              |
|   |         | Corpus Eucharisticum non potest esse corpus naturale                                    |                  |



# INDEX.

turale Christi. 600  
Corpus de pane non simpliciter, sed figurate prae-  
dicatur. 380  
Corpus & sanguis non est sacramentum corpo-  
ris, & sanguinis. 437  
Corpus humanum necessario debet esse in loco. 510  
Christus non est panis sanctificatus, sed sanctifi-  
cans. 435  
Corpus non potest à dimensionibus suis separari. 529  
Corpus physicum non potest includi in minore  
spacio, quam iusta quantitas requirit, &  
quam dimensiones patiuntur. 601  
Corpus non potest esse in loco, ubi ante non fuit,  
sine motu locali. 485  
Corpus non potest non implere locum. 533  
Corpus non potest proprie de pane pradicari. 439  
Corpus non potest simule esse corpus, & non cor-  
pus. 491  
Deus non potest facere, ut vnum corpus sit in di-  
uersis locis localiter. 531  
An vnum corpus esse in pluribus locis implicet  
contradictionem. 509  
Per CORPVS quale signum nos intelligamus. 418  
Corpus vnum non potest esse in locis tam remo-  
tis, quam caelum est à terris. 473  
Omnis Creatura est in loco aut circumscriptive  
aut definitive. 533  
Credens in Christum seruabitur. 345  
Omnis credens iustus est. 83  
Credentes cur dicantur esse filij Abraha. 22.  
127  
Credere in Christum, est ipsum comedere. 361.  
370  
Credere per se ad salutem sufficit. 66  
Credere possumus sine sacramentis. 81

**D**  
DABO, non semper futurum, sed perpe-  
tuum quendam actum significat. 359  
Daemon non nisi armis spiritualibus profligari  
potest. 204  
Daemon omnia agit per signa. 102  
Dæmones, & reprobi passum, & mortuum esse  
Christum meminerunt. 24  
Dæmones semper recordantur, se à Christo esse  
deuictos. 202  
Dæmonia expelluntur precibus, & ieiunio. 337  
David in suo testamento multa figurate loqui-  
tur. 384  
Dei potentia non est humana mentis angustijs  
circumscribenda. 508  
Gens nulla potest ad vnum diem esse incolumis  
sine Dei protectione. 124  
Dei virtus nulla absconditur in aqua. 72  
Deus cur coniungere voluerit cum verbo sacra-  
menta. 17  
Deus docet, & donat nos suis bonis. 101  
Deus immediate agit in verbo. 75  
Deus libere etiam extra sacramenta gratiam  
immediate in cordibus nostris efficit, & ope-  
ratur. 62  
Deus multa, quae apud homines impossibilia, fa-  
cere potest. 548  
Deus multos diligit, antequam nascuntur. 130  
Deus non est Deus mortuorum, sed viuorum. 125  
Deus non est Deus noster sine fide. 121  
Deus est perpetuus actus. 546  
Deus impartit creaturis fecunditatem benedi-  
ctione. 403  
Deus in Baptismo iustificat. 103  
Deus non destruit in totum quod fecit. 604  
Deus nunquam fecit, ut duo corpora simul se pe-  
netrent. 575  
Deus nunquam vllum verbum dixit de acci-  
dentibus absq; subiecto. 583  
Deus in verbo efficax est sine intentione ministræ  
48.

Deus

# INDEX.

Deus non habet propriam faciem. 384  
Deus non indiget aspectibili signo ad remini-  
scendum. 386  
Deus non minora bona in verbo, quam in sacra-  
mentis offert. 48  
Deus non offert predestinationem in sacramen-  
tis. 8  
Deus non potest facere, quae implicant con-  
tradictionem. 510. 518  
Deus nunquam dixit esse aliquid, quod non fue-  
rit. 451  
Deus oculos & alios sensus externis notis ad coe-  
lestium rerum contemplationem excitat. 2  
Deus per Sacramenta, & cum sacramentis con-  
fert gratiam. 63  
Deus potest motum facere sine strepitu. 550  
Deus quomodo sit vnus, & trinus. 398  
Deus quomodo nos lauet. 69  
Deus secundum idem non est vnus, & trinus. 398  
Deus sine sacramentis potuit salutem nostram  
expedire. 1.  
Deus Spiritus sancto baptizat. 39  
Cur Deus voluerit esse analogiam inter signa,  
& res signatas in sacramentis. 24  
Diabolus non in omnibus habitat, qui sunt pec-  
catores. 268  
Dimensiones extensione partium diiudicantur. 558  
Dimensiones non possunt à corpore separari. 556  
Diploma sine sigillo non est firmum. 17  
Disparatum de disparato non sine tropo verè  
pradicari potest. 396. 415  
Diuisum non est idem. 529  
Diuites esse possunt, qui tamen spem suam in di-  
uitijs non ponunt. 549  
Dogmata quid sint. 388  
Dominus non intrauit Virginis uterum, sed ex-  
iuit. 551  
Durandus probat Transubstantiationem Papi-  
starum esse annihilationem. 579

E.

**E**cclesia sacramentis nunquam caruit. 1  
Ecclesia triumphans nec sacramentis in-  
diget, nec verbi predicatione. 2  
Ecclesiam non perdit omnis error. 169  
Ecclesia potest ad ornatum caeremonias institue-  
re. 203  
Ecclesia non potest caeremonias instituere, quae in  
se vim miraculi habeant. 203  
Ecclesiam posse caeremonias instituere ad alios  
fines. 206  
Ecclesia potest instituta condere & sancire, ad  
scandala tollenda, & remouendas offensio-  
nes. 208  
Ecclesia integra ad errorem sunt proclines. 341  
Ecclesia nihil est tradendum, nisi quod Dominus  
mandauit. ibid.  
Electi non possunt perire villo casu. 230  
Elementum per se est quasi res mortua. 27  
Particula Enim in nullo Euangelistarum reperi-  
tur. 418  
Epularum potius delicatarum, quam salubrium  
sumus cupidi. 80  
Euangelium offert omnes promissiones gratiae  
credentibus. 36  
Promissiones amplissima & augustissima pro-  
ponuntur nobis in Eucharistia. 11  
Eucharistia non prodest sumentibus sine fide. 14  
In Eucharistia Christum cum omnibus mortis  
suae meritis accipimus. 193  
Eucharistiam multi sumunt, & moriuntur. 361  
Eucharistia est mysterium, & sacramentum  
carnis Christi. 343  
Eucharistia est optima CHRISTI imago. 343  
Eucharistia confirmat, augetque fidem, &  
nos cum CHRISTO arctius coniungit. 346  
Eucharistia non est simplex panis reuera. 348  
Euchari-



# I N D E X.

Eucharistia num in pane azymo, an fermenta-  
to administrari debeat? 634  
Eucharistico vino epoto quidam exspirasse legū-  
tur. 597  
Eucharistia non modo figuram habuit in veteri  
Test. sed etiam Baptismus. 354  
Eucharistiam sumere non omnib. est necesse. 356  
Eucharistia sacramentum neque est Testamen-  
tum, neq. pactum ipsum, sed eius symbolum.  
385  
De Eucharistia non fuit olim veterum tanta cu-  
ra, quantam aduersarij volunt. 432  
In Eucharistia carnem Christi non esse, proba-  
tur. 487  
In Eucharistia aon fiat conuersio substantia pa-  
nis & vini in substantiam corporis, & san-  
guinis Christi. 569  
Scripturis nihil familiarius est, quam verbum  
EST, ponere figurate. 396  
Significatio verbi, EST, merienda semper est ex  
natura rerum, quas copulat. 415  
Bellarminus quibus argumentis probet, verbum  
(est) accipiendum esse proprie. 415  
Verbum EST, non semper significat ὅτι ἐστίν, sed  
aliquando ὅτι ἐστίν. 415  
Tò EST, proprie sumtum non conuertit rem, sed  
declarat rei naturam. 417  
Tò EST, vocatur à scholasticis verbum imperio-  
sum. 417  
Excommunicatio ministri iniusta, irrita est a-  
pud Deum. 44  
Exorcismus papistarum crassus abusus est. 211  
F  
Facultates essentielles non possunt separari à  
suis subiectis. 559  
Fermentum quid scilicet. 273  
Fides vera in Christum non modo mortem, sed  
& resurrectionem Christi complectitur. 316  
Figuras ducere digito nō est resistere diabolo. 201  
Figura ex voluntate eius qui instituit, asstiman-  
da sunt. 351  
Figurate qui loquitur, non semper ambigue lo-

quitur. 381  
Figurae illustrant sapienter. 381  
Figura non semper est inimica τῆς φλῶγος.  
382. 383.  
Nihil magis tritum, quam verbis figuratis do-  
ctrinam de sacramentis exponi. 382  
Figura non abhorret à sacramento. 382  
Figura rei, vt, cuius est figura, per omnia respon-  
deat, non est necesse. 267  
Figuram non potest capere res vacua, & phan-  
tasma. 601  
Sine figuris vix aon Testamentum condere, aut  
omnino loqui possumus. 385  
Sola fide salutem consequimur. 1  
Fide vera pradii sine sacramentis possunt ser-  
uari. 1  
Fide carens in peccatis mortuus est. 14  
Fides nostra infirmissima est, & mista cum im-  
becillitate. 18  
Fides semper intuetur promissiones. 21  
Fidei testificationes multa sunt Baptismo certio-  
res, & efficaciores. 26  
Fidei, non Baptismi priuatio est exitialis. 33  
Gentes olim ad fidem accessuros oportebat prius  
esse ad tempus Catechumenos. 37  
Fidem, poenitentiam, & bonos motus qui habet,  
primam gratiam, & iustitiam habent. 59  
Fide vera qui pradii est, is non mediocriter, sed  
optime dispositus est. 60  
Fides ex auditu nascitur. 63  
Fides nulla potest esse sine gratia. 62  
Fides est internum spiritus sancti donum. 65  
Fides quomodo iustificet. 72  
Fidem semper sequitur sanctitas. 75  
Fides ipsa sancta est. 75  
Ex fide viuere, est ex sola fide viuere. 81  
Deus, & Christus non potest excludi, cum fide  
hominem iustificari dicimus. 82  
Apostolus soli fidei iustificationem tribuit. 82  
Fides debet disponere hominem. 83  
Fides in corde gignitur ex auditu. 83  
Fide carere est causa damnationis. 85  
Fides

# I N D E X.

Fides iustificat, non sacramenta. 88  
Fidem veram qui habet, non potest non habere  
voluntatem vtendi sacramentis. 89  
Fides in Christum mortuum dirigitur. 119  
Fides est victoria, qua vincit mundum, & sa-  
tanam huius mundi principem. 201  
Sine Fide non iustificamur. 120  
Fide & deuotione qui pradii est, satis munitus  
est. 202  
Vera fides non est infructuosa. 215  
Fides quid. 345  
Fides plus est, quam cogitatio. 345  
Fidei qua sunt, sunt difficilia, & supra ingenij  
nostri captum. 345  
Fides Patrum in Christi morte fundata est.  
358  
Fides Papistarum non est fides, sed mera opinio,  
aut potius chimæra. 396  
Bene sperandum est de omnibus filiis sanctorum,  
donec suam reprobationem probant. 233  
Filij sanctorum cur sancti dicantur. 230  
Fadus Dei pactum cum Abrahamo 20  
In omni fadere & pacto est mutua quadam sti-  
pulatio. 125  
Fadus omne est inter duos. 125  
Fadus non habet sanguinem. 457  
Forma vt mutetur in aliam formam, non potest  
fieri. 572  
Frangere, non est immolare apud Paulum. 424  
Fractio specierum panis non est immolatio cor-  
poris Christi. 425  
Frangimus, significat distribuimus. 425  
G  
Gabriel Biel Canonem Missæ multis lectioni-  
bus exposuit. 376  
Geladius affert pro nobis argumentum fami-  
simum, & inuisissimum. 508  
Gemini qui dicantur. 180  
Generare plus est, quam alere. 46

Sine gratia nulla aptitudo. 153  
Gratia quomodo sit in sacramentis. 103  
Guirmundus scripsit primus contra Berenga-  
rium. 410  
H  
Habitus nullus potest libere & indifferenter  
se habere ad bene & male agendum. 160  
Habitus sunt debiles. 161  
Hesitatione quisque debet carere. 19  
Hebraei veteres similiter ederunt Christum, at-  
que nos. 499  
Hegesippus primus fuit, qui Petrum Roma fuis-  
se, aut Roma mortuum esse scripsit. 514  
Gardinerus per Hoc, panem designari fatetur.  
411  
Hoc, demonstrat proprie aliquid oculis. 378  
Hoc quid significet, & demonstret. 407  
408. 448.  
Hoc, non sumitur adiective. 408  
Hoc significat poculum, id est, vinum in poculo.  
409.  
Hoc, non demonstrat corpus, sed panem. 410  
Hoc, non potest demonstrare corpus Christi. 592  
Hoc, semper rem presentem demonstrat. 592  
Quid per Hoc, intelligat Bellarminus. 410  
Christus quid demonstrarit pronomine Hoc.  
440  
Hoc, significat semper aliquid singulare. 442  
Homines non modo ex anima & spiritu immor-  
tali, sed etiam ex corporea quadam mole  
constant. 2  
Homines scientiam tantum, & sacramenta sa-  
luti dare possunt. 307  
Homo purus potest instituere sacramentum, non  
sua autoritate, sed Dei. 297  
Homo verus non potest esse simul in diuersis locis.  
495.  
Hostes callidi simulant aliquando fugam. 201  
I  
Iacobus loquitur de re futura tamquam de præ-  
senti,  
Rrrr



# INDEX.

|  |         |  |      |
|--|---------|--|------|
| senti, vel præterita propter rei certitudinē.  | 384     | Innocentius quartus cur sit ridiculus.   | 217  |
| Idola & idololatriam oportet nos fugere.   | 336     | Innocentius tertius dissensit à Nicolao secundo.   | 605  |
| Iesuita impudentissimi sunt.   | 150     | Institutio omnis semel sancita obligat necessitate præcepti.   | 251  |
| Iesuita audacia obseruanda est.  | 458     | Instrumentum nisi motum nihil efficit.   | 99   |
| Ignis infernalis an sit verus & corporeus.   | 100     | Intellectus non loquentis, sed audientis pendet.   | 450  |
| Impij sunt rei corporis & sanguinis Domini.  | 436     | Intentio vtrum sit necessaria in ministro sacramenti.  | 40   |
| Impij nisi sacramentū visibiliter edunt.   | 437     | Intentio ministri requiritur.  | 42   |
| Impij nec Dominum habent, nec Christi membra sunt.                                   | 439     | Intentio est in Christo, qui Baptismum instituit.  | 43   |
| Impij non coniunguntur cum Christo.  | 498     | Intentio Christi non potest mutari.  | 43   |
| Impositio manuum non est sacramentum.  | 68      | Homines in humanis pactis debent habere intentionem.   | 45   |
| Impositio manuum erat olim caremonia & appendicula Baptismi.                         | 182.183 | Intentio est arcana, & ignota aliis.   | 49   |
| Incarnatio est nobis utilis per mortem.  | 369     | Intentione nihil incertius est.  | 49   |
| Indignè accedentes quid faciant.   | 433     | De Intentione alterius nemo potest esse certus.  | 49   |
| Individuum vagū non potest demonstrari.  | 448     | Intencionem alterius scire nemini mortali conceditur.  | 51   |
| Infantes an sint baptizandi.   | 15      | Intentio nulla potest esse in ludicro, inimico, & ioculari Baptismo.   | 51   |
| Infantes quomodo credant.  | 289     | Catharinus, & alij Papista saniores intentionem non esse necessariam statuunt.   | 53   |
| Deus voluit infantes circumcidi.   | 15      | Inuisibile esse pugnat cum veritate corporis.  | 397  |
| Infantes electos, morientes antequam adoleverint, Deus virtute spiritus sui renouat. | 15      | Inuisibilitas pugnat cum gloria.   | 487  |
| Infantes baptizantur in futurum tempus Dei iussu.                                    | 19      | Ioannes Baptista docuit eos antea, qui ad eius Baptismū accesserunt, quā baptizaret.   | 27   |
| Infantes possunt seruari, etsi nec re, nec voto baptizentur.                         | 32      | Ioannes Baptista ante occisus est, quam potuit Eucharistiam percipere.   | 365  |
| Infantes Baptismum nec negligere, nec contemnere possunt.                            | ibid.   | Ioannes pura aqua baptizauit.  | 219  |
| Infantes multi seruantur sine baptismo.  | 88      | Ioannes neminem baptizauit, nisi qui prius peccata sua confiteretur.   | 318. |
| Infantes multi damnantur cum baptismo.   | ibid.   | quod iussus est facere. 301. non modo aquam adhibuit, sed & eodem ritu usus est, & eadem forma quoad substantiam, qua nos vtimur. 316. 317. predicabat penitentiam non verbis modo, sed ipso habitu, vitæ, instituto. 318. Ioannis Baptismi vis & efficacia non ad corpus tantum, verum etiam ad animam. | 318. |
| Infantes cur ad baptismum adducantur.  | 89      |  |      |
| Infantes nec verbum, nec fidem habent.   | 96      |  |      |
| Infantes Iudaorum non poterant ante octauum diem circumcidi.                         | 238     |  |      |
| Papista nobis persuadent, infantes esse plenos demonum.                              | 337     |  |      |
| Pontificij ridiculè admodum suos infantes saluant.                                   | 338     |  |      |
| Infantum sugere potius est, quā edere.   | 373     |  |      |
| Infantes non possunt Christum carnaliter, & propriè edere.                           | ibid.   |  |      |
| Infideles sunt fadifragi.  | 20      |  |      |
| Infidelitas dupliciter sumitur.  | 60      |  |      |

# INDEX.

|   |       |   |  |
|---|-------|---|--|
| animam pertingebat.   | 330   | K |  |
| Ioannis Baptismum eundem, quoad substantiam, cum nostro fuisse, probatur.                             | 314   | K | Emnitius satis fideliter recit. tñ Terrij sententiam.                            |
| Ioannis Baptismus an idem fuerit cum Christi baptismo.  | 294   |   |  |
| Ioannis Baptismus fuit à Deo institutus.  | 298   | L |  |
| Ioannis Baptismus fuit baptismus penitentia, & remissionis peccatorum.                                | 318   |   |  |
| Ioannis Baptismus non omnino caruit inuocatione Trinitatis.   | 299   | L | Atro in cruce iustificatus fuit.   |
| Ioannis baptisimus qualis fuerit.   | 303   |   | Leo vocat virginitatem sacramentum.  |
| Ioannis doctrinam qui amplexi sunt, ij celestis regni ciues facti sunt.                               | 316   |   | Leo decimus Christum simul & Paulum cum Luthero damnauit.                        |
| Iris, siue arcus celestis dicitur signum fœderis inter Deum & Noë.                                    | 23    |   | Lex mentis est sancta lex Dei.   |
| Iudas fuit minister verbi.  | 39    |   | Lex vetus an sit abrogata in morte Christi.                                      |
| Iudas non realiter sed sacramentaliter corpus Christi accepit.  | 436   |   | Liber Iudith non est magnæ authoritatis.   |
| Iudas fuit apostata, & diabolus.  | 39    |   | Liberos etiam ex impari coniugio natos, sanctos esse.                            |
| Iudas non minus edit quàm reliqui ore.  | 438   |   | Liberi ad baptismum non debent trahi sine voluntate parentum.                    |
| Iudai diligentes obseruatores legis erant.  | 637   |   | Liberi fidelium parentum sancti sunt & mundi: etiam ante Baptismum.              |
| Iudæi quo die Pascha celebrarint.   | 636   |   | Loca diuersa continent corpora diuersa.  |
| Iudex est quasi alter Rex.  | 43    |   | Deus non est in loco propriè, quia non circumscribitur.                          |
| Iudex absoluit etiam sine intentione.   | 44    |   | Loca diuersa non sunt simul.   |
| Disimilitudo inter Iudices politicos, & Ecclesiæ ministros.   | 44    |   | Loca quod distinguitur, diuidi necesse est.                                      |
| Iulianus acerrimus Christianæ religionis hostis.  | 203   |   | Locus arguit localitatem.  |
| Iustificatio Dei solius propria est.  | 75    |   | Loci diuersitas & disunctio arguit etiam diuersitatem corporis.                  |
| Iustificare non est sanctificare.   | ibid. |   | Locus est terminus locati.   |
| In iustificatione duæ concurrunt manus.   | 93    |   | Lombardus quando vixerit.  |
| Iustificatio est res planè celestis.  | 100   |   | Lombardus primus ausus est dicere septem esse Sacramenta.                        |
| Iustinus quomodo vocet Eucharistiam.  | 401   |   | Lutherus quid Christianis precari sit solitus.                                   |
| Iustitia prima & secunda ex verbi prædicatione confertur: per sacramenta autem alitur, atque augetur. | 10    |   | Non quicquid Lutherus scripsit, statim verum est.                                |
| Iustitia imputatur propter fidem.   | 81    |   | Lutheri opinio de reali presentia erroris plena, vt Papistarum.                  |
| Iustitia plena est ex fide.   | 83    |   | Lutheri opinio multis absurditatibus, & contradictionibus implicata est.         |
| Iustitia plena non est pax apud Deum.   | 83    |   | Lutherani nimium sunt peruicaces.  |
| Iustitia in nullo nisi in Christo querenda est.   | 120   |   | Lutherani non tollunt panem, sed cum pane corpus Christi coniunctum esse volunt. |
| Iustus potest peccare.  | 122   |   |  |

|      |   |        |
|------|---|--------|
| Rrrr | 2 | Luthe- |
|------|---|--------|



# INDEX

|  |      |  |      |
|--|------|--|------|
| Lutheranorum causa jacet.                                    | 551  | Metonymia non tollit veritatem rei.  | 589  |
| Lutherani aperte refelluntur.                                | 553  | Ad ministrum Evangelij constituendum quid requiratur.                                      | 464  |
| Lutheranorum cecitas deploranda.                             | 557  | Minister sacramentorum potest esse homo nequam, cuius ministerium tamen sit efficax.       | 39   |
| Lutherani quare sint insulsiores Papistis.                   | 557  |  |      |
| M.   |      |  |      |
| IN Eucharistia qualis sit manducatio.                        | 345  | Minister os & manus Christi est.   | 43   |
| Manducatio spiritalis semper est necessaria.                 | 367. | Minister quicquid intendat est sacramentum propter Christi auctoritatem.                   | 44   |
| In manducatione spiritali nulla est difficultas.             | 453. | Minister est tantum instrumentum Christi.  | 43.  |
| Manducare proprie quid sit.                                  | 454. |  |      |
| In manducatione propria dens & venter parandi sunt.          | 456  | Minister tantum agit instrumentaliter.   | 51   |
| Manducatio spiritalis affert vitam, carnalis nihil prodest.  | 493  | Minister potest dici instrumentum Dei.   | 103  |
| Christus Manna cum sua carne comparat.                       | 138  | Ministerij vis tota à Deo est.   | 40   |
| Manna quomodo par nostra Eucharistia fuerit.                 | 138. | Verbi ministerium preciosissimum est Ecclesiae ornatus.                                    | 203  |
| Manna cur obscurius Christum adumbrarit, quam noster panis.  | 352  | Ministri multi mali Ecclesiae utiles fuerunt.  | 39.  |
| Manna fuit panis miraculosus.                                | 352  | Probitas in ministris requiritur.  | 39   |
| Manna esse spiritualem cibum multi inter veteres nesciebant. | 357  | Ministri sunt similes, & dissimiles iudicibus, & praesidibus.                              | 43   |
| Marcionis dogma ex Papistarum sententia confirmatur.         | 601  | Minister etsi sacramenta celebret ioco, vera tamen sacramenta sunt.                        | 44   |
| Martyrium cur dicatur in scripturis Baptismus.               | 241  | Ministri virtus praecipua qua sit.   | 52   |
| Martyr nemo est antequam sit mortuus.                        | 244  | Minister nil nisi linguam, & manus praebet.  | 52   |
| Martyrium Papisticum an conferat gratiam.                    | 244. |  |      |
| Matrimonium est res politica, non spiritalis.                | 172. | Minister non nisi visibile sacramentum tradit.   | 104  |
| Matrimonium quomodo possit dici sacramentum.                 | 187  | Miraculose quod sit, non statim est spirituale.  | 137  |
| Matrimonium est ordinarium remedium contra concupiscentiam.  | 197  | Miracula non sunt temere fingenda.   | 490. |
| Medicamentum habet insitam & naturalem quandam vim sanandi.  | 63   |  |      |
| Memoria nuda non valet ad salutem.                           | 24   | Miracula nunquam à Deo fiunt ad fidem labefactandam, sed confirmandam.                     | 600  |
| Metuosis papistarum redigitur ad oûdend-                     |      | Sacerdotes, cum Missam celebrant, sunt gesticulatores.                                     | 198  |
|  |      | Missæ Romana Canon mutavit verba Christi.  | 391  |
|  |      | Missas qui consueverunt, non aliud faciunt, nisi creaturas indies perdunt, & consueverunt. | 581  |

**Mor-**

# INDEX

|  |     |  |         |
|--|-----|--|---------|
| Morbos sine medicamentis curare est miraculosum quid.            | 203 | Panem remanere cur sit necesse.  | 58      |
| Mors in neminem grassatur, nisi ratione peccati.                 | 320 | Panis & Latine & Grace est generis masculini.  | 408     |
| Mors necessario requirit corpus.                                 | 437 | Panis & poculum in Eucharistia aliud sunt, aliud significant.  | 5       |
| Mors affert mutationem.  | 445 | Panis non est ipsum corpus Christi, sed eius sacramentum.  | 392.443 |
| Mors Domini potest annunciari sine eius corporali praesentia.    | 467 | Panis sacramentalis est verus panis natura.  | 444     |
| Μυστήριον in scripturis semper pro re sacra & occulta ponitur.   | 4   | Panus & vinum in Eucharistia an sint sacramentum extra usum, etiam in pixide asserta.                  | 615     |
| Μυστήριον non reperitur in scripturis significans sacramentum.   | 4   | Panis Eucharistia potest alterari & corrumpi.  | 609     |
| N.   |     | Panis mutatus est terminus diminuens.  | 593     |
| Nominum quoque habenda est ratio.                                | 585 | Papista abstrahunt homines à Christo, & alligant sacramentum.  | 54      |
| Numerus ternarius sanctior & celebrior est septenario.           | 174 | Papista coguntur multa comminisci.   | 239     |
| O.   |     | Papista cure excogitari suam concomitantiam.   | 360     |
| Occam inter scholasticos subtilissimus.                          | 412 | Papista destruunt articulum de Ascensione Christi.   | 484     |
| Occamus scholasticorum acutissimus.                              | 398 | Papista dissimulant, ut cause sue inseruiant.  | 381     |
| Operis operati nemo Patrum facit mentionem.                      | 73  | Papista & Lutherani urgent τὸ ῥητὸν.   | 378     |
| Opus operatum prisca olim Ecclesia fuit inauditum.               | 56  | Papista ex Christi vel εὐχαριστίας vel εὐλογίας realem praesentiam, & transubstantiationem concludunt. | 400     |
| Opus operatum à quo sit inuentum.                                | 56  | Papista ex saluberrimo Domini sacramento terribilissimum quoddam idolum fabricari sunt.                | 342     |
| Opus operantis quid dicatur.                                     | 57  | Papista falsa, & contradictoria defendunt.   | 568     |
| Opus operatum opponitur operi operantis.                         | 57  | Papista grauius vindicant, & urgent Papa leges, quam leges diuinas.                                    | 198     |
| Oratio ad Deum, non ad elementa refertur, nisi subiectiue.       | 401 | Papista Christum suum lacerant, & destruunt.   | 585     |
| P.   |     | Papista ex Ioannis Baptismo non nisi rem ludicram faciunt.   | 295     |
| Pacta non semper verbis propriis fiunt.                          | 385 | Papista non modo adorationis, sed & sanationis causa sacramentum adhibent.                             | 631     |
| pactis ad pactorum symbola non valet consequentia.               | 385 | Papistarum Christus est ὁ μούσιος tritico.   | 577     |
| Pœnitentia non est sacramentum.                                  | 34  | Papistarum subterfugium miserrimum.  | 603     |
| Pœnitentia omnibus quomodo sit necessaria,                       | 34  | Papista hodie verba Christi carnaliter intelligunt.  | 360     |
| Pœnitentiam restringere ad tempus post Baptismum, est ἀθεολογόν. | 34  |  |         |
| Per pœnitentiam quid Papista intelligant.                        | 34  |  |         |

Rrrr 3

*Papista*







# INDEX.

|  |        |   |     |
|--|--------|---|-----|
| Sacerdotes morbo concupiscentia solent laborare.                                 | 197    | Sacramenta nihil valent sine fide.  | 94  |
| Sacerdoti confiteri non est necessarium.   | 34     | Ad sacramenta nisi quis pius accedat, sacramenta eum iustificare non possunt.   | 10  |
| Sacramenta ad quid sint instituta.   | 71.190 | Sacramenta non afferunt iustitiam, sed confirmant.  | 81  |
| Sacramenta aliquo modo sunt necessaria, non simpliciter.                         | 32     | Sacramenta non addunt verbo aliquid.  | 18  |
| Sacramenta bona sunt, etsi qui dedit, non sit bonus.                             | 40     | Sacramenta non contemnenda.   | 2   |
| Sacramenta Christiana Religionis omnia debent esse omnibus Christianis communia. | 196    | Sacramenta non differunt in fine principali.  | 21  |
| Sacramenta confirmant, obsignant, & declarant beneficia mortis Christi.          | 77     | Sacramenta non ex specie externa, sed ex Dei institutione estimantur, & agnoscuntur.                                      | 16  |
| Sacramenta confirmant promissiones gratia precedentis.                           | 11     | Sacramenta non frustra adhibentur.  | 16  |
| Sacramenta constant ex signo & re, ex substantia terrestri, & coelesti.          | 6      | Sacramenta non habent alium finem, quam ipsum verbum habet.   | 46  |
| Sacramenta cur addantur verbo.   | 18     | Sacramenta non iustificant nec primo nec secundo per se, & proprie.   | 9   |
| Sacramenta cur dicantur αὐτοπτε.   | 6      | Sacramenta non iustificant, sed solus Deus.   | 87  |
| Sacramenta cur non pendeant ex ministri intentione.                              | 46     | Sacramenta non modo fidem excitant, sed etiam res ipsas.  | 77  |
| Sacramenta cur non sint superuacanea.  | 79     | Sacramenta non possunt homini qui iustitia caret, iustitiam conferre, sed in eo tantum, qui habet, augere, & corroborare. | 10  |
| Sacramenta cur sint necessaria.  | 32     | Sacramenta non possunt penetrare ad animam.   | 171 |
| Sacramenta deducunt nos ad mysteriorum sublimium intelligentiam.                 | 2      | Sacramenta non sunt estimanda ex eius manu, qui administrat, sed Dei, qui instituit.                                      | 39  |
| Sacramenta Ecclesia novi & Vet. Testamenti manant à Christi sacrificio. I.       |        | Sacramenta non sunt causa gratia dispositiva, aut materialis.   | 55  |
| Differentia inter sacramenta & verbi prädicationem.                              | 5      | Sacramenta non sunt obiectum fidei nostra.  | 83  |
| Discrimen inter sacramenta, & sigillum Regium.                                   | 16     | Sacramenta non sunt vita, aut Deus noster.  | 82  |
| Sacramenta incurrunt in oculos.  | 105    | Sacramenta non vera sigilla esse dicimus, sed quasi sigilla.  | 16  |
| Sacramenta in Vetere Test. non simpliciter ad salutem necessaria fuerunt.        | 34     | Sacramenta nostra ad finem mundi sunt duratura.   | 6   |
| Sacramenta in Vet. Test. sine verbis certis celebrata sunt.                      | 28     | Sacramenta nostra antiquis preferuntur.   | 110 |
| Sacramenta in usu tantum sunt sacramenta.  | 219    | Sacramenta nostra quibus modis veteribus sint praestantiora.  | 354 |
| Sacramentale verbum efficax est, quacumque intentione proferatur.                | 46     | Sacramenta nostra quomodo dicantur umbra.   | 115 |
| Ad sacramenta nemo, ut ad cibum communem, accedit.                               | 357    | Sacramenta nostra ruditatis, & tarditatis sunt subsidia.  | 2   |
| Sacramenta nescientes non faciunt scire.   | 17     | Sacramenta Novi & V. Test. sunt instituta ad fidem confirmandam.  | 6   |
| Sacramenta nihil efficiunt ex opere operato.                                     | 26.    | Sacramenta nullis prosunt, nisi praedestinatis.   | 8   |

# INDEX.

|   |       |  |         |
|---|-------|--|---------|
| Sacramenta obsignant, & actu exhibent id, quod significant in legitimo usu.                       | 6     | Sacramenta vetera cur Paulus vocarit umbras & figuras.   | 112     |
| Sacramenta obsignare promissiones Dei, probatur.  | 20    | Sacramenta vetera fuerunt figura non modo ipsius Christi, sed & nostrorum sacramentorum.         | 348     |
| Sacramenta omnem vim ex verbo, & prädicatione habent.   | 16.26 | Sacramenta vet. & noui Test. quomodo differant.  | 80.109  |
| Sacramenta pendent à Christo, & eius institutione.  | 43    | Sacramenta vet. & noui Test. quomodo sint paria.   | 110     |
| Sacramenta quadam veteris Testamenti dicuntur Christus.   | 421   | Sacramenta vet. Test. fuerunt sacramenta iustificationis, non minus quam nostra.                 | 111     |
| Calvinus an plura faciat sacramenta, quam duo.  | 166   | Sacramenta vet. Test. non minus quam nostra à Deo fuerunt instituta.                             | 76      |
| Sacramenta quomodo patres appellarint.  | 5     | Sacramenti administratio est actio visibilis.  | 79      |
| Sacramenta quorsum à Deo instituta sint.  | 2     | Sacramenti definitio.  | 3       |
| Sacramenta respicere est infidelitatis argumentum certissimum.                                    | 89    | Sacramenti definitiones varia proponuntur.   | 7       |
| Patrum nemo unquam fecit 7. Sacramenta.   | 168   | Conscientia mentionem recte fieri in sacramenti definitione probatur.                            | 14      |
| Sacramenta sine fide nihil valent, sed sunt prorsus nuda symbola.                                 | 10    | Augustinus tribuit nomen sacramenti multis rebus.  | 179     |
| Damnantur multi, qui habent sacramenta sine fide.   | 88    | Ad sacramenti naturam constituendam quae requirantur.  | 4.5.6.  |
| Sacramenta sine fide sunt prorsus inutilia.   | 78    | Sacramenti nomen in scripturis non tribuitur confessioni, aut ordinationi.                       | 168     |
| Sacramenta sunt causa instrumentales gratiae.   | 62    | Sacramenti nomen nemo nostrum improbat.  | 4.      |
| Sacramenta sunt caeremoniae diuinitus instituta.  | 198   | Sacramenti nomen non reperitur in scripturis, sed est à Theologis inuentum.                      | 3       |
| Sacramenta sunt destinata fidelibus.  | 19    | Sacramenti nomen salubriter à Theologis est inuentum, & in Ecclesia retineri potest.             | 4       |
| Sacramenta sunt iudicanda ex verbis promissionis, cuius sigilla sunt.                             | 356   | Sacramenti res non potest nisi ad salutem sumi.  | 370     |
| Sacramenta sunt diuinitus instituta.  | 1     | Deus in Sacramentis agit immediate.  | 75      |
| Sacramenta sunt ex doctrina iudicanda.  | 352   | Patres omnes nostra duo pro veris sacramentis agnoscunt.   | 187     |
| Sacramenta sunt picturae in oculos incurrentes.   | 2.    | Sacramentis etiam si nonnulli abutuntur, tamen semper Dei beneuolentiam ex parte Dei confirmant. | 10      |
| Sacramenta sunt symbola & sigilla beneficiorum, quae Christi sacerdotio & sacrificio continentur. | 1     | Sacramentis magna vis tribuenda est.   | 54. bis |
| Sacramenta sunt res crasse, & materiales.   | 97    | In sacramentis non est vis, sed in spiritu sancto per sacramenta agente, atque operante.         | 6       |
| Sacramenta sunt res externa, & corporea.  | 65    | In omni sacramento oportet esse res duas.  | 594     |
| Sacramenta sunt res operantes, quae nos mundant, lauant, sanctificant, regenerant.                | 9     |  |         |
| Sacramenta vetera cur dicantur umbra.   | 114   |  |         |



# INDEX.

|   |         |  |     |
|---|---------|--|-----|
| E Sacramentum non facimus miracula.   | 16      | Sacramentorum vis omnis ex fide pendet.  | 63  |
| A Sacramentis non remouemus omnem gratiam   | 62      | Sacramentorum vis qua sit.   | 7   |
| Ex sacramentis non sunt prodigia facienda.  | 5       | Sacramentorum vtriusq. Testamenti idem finis, & scopus est.                          | 122 |
| In sacramentis non tam signa spectari debent, quam res, quae per signa representantur, & significantur. | 5       | Sacramentum aliud est, aliud significat.   | 9   |
| Sacramentis nos non alligamus salutem.  | 32      | Sacramentum constat ex materia terrena & coelesti.                                   | 417 |
| Sine sacramentis nulla potest esse religio.   | 2       | Sacramentum cur à patribus vocetur corpus Christi.                                   | 434 |
| In sacramentis omnem spem salutis ponere, est nimium sacramentis tribuere.                              | 31      | Sacramentum dicitur visibile signum inuisibilis gratiae.                             | 79  |
| Sine sacramentis potest quis esse in beatitudinis statu.  | 37      | Sacramentum est proprium ei, cui datur.  | 80  |
| Ecclesia sacramentis quibusdam stringitur.  | 2       | Sacramentum est res consumptibilis.  | 357 |
| Sacramentis rerum nomina tribui, vsitatum est.  | 421     | Sacramentum est res terrestri.   | 100 |
| Rabanus Maurus Archiepiscopus Moguntinus multa volumina de sacramentis scripsit.                        | 185     | Sacramentum est res transiens.   | 219 |
| Aduersarij nostri non tribuunt gratiam sacramentis veteris Testamenti.                                  | 104     | Sacramentum in vsu legitimo semper habet rem coniunctam.                             | 137 |
| Papista sacramentis vim seruandi tribuunt sine fide.  | 65      | Sacramentum multi ad iudicium & exitium manducant.                                   | 367 |
| In sacramento Eucharistiae oblatum Christum qui non accipiunt, accersunt sibi exitium.                  | 434     | Sacramentum non datur pro mundi vita.  | 366 |
| Ex vno sacramento iudicare de omnibus possumus.   | 21      | Sacramentum est rei alicuius sacramentum.  | 616 |
| Sine sacramento Eucharistia & infantes & adulti possunt seruari.  | 373-492 | Sacramentum non debet esse perniciēs siue interitus creaturarum.                     | 581 |
| De sacramentorum dignitate diiudicandum est ex genere doctrinae, & ministerij dignitate.                | 349     | Sacramentum seruandi consuetudo antiqua a licita fuerit.                             | 627 |
| Sacramentorum author quis.  | 625     | Sacramentum non est testimonium gratiae absolute.                                    | 19  |
| Sacramentorum instituendorum finis.   | 597     | Sacramentum non ex opere operato confert gratiam.                                    | 73  |
| Sacramentorum minister quis sit legitimus.  | 38      | Sacramentum non ex voluntate hominis, sed ex Dei manu, & mandato, & promisso pendet. | 42  |
| Error de sacramentorum numero non admodum est periculosus.  | 165     | Sacramentum non inchoat, aut creat gratiam, sed nutrit, & auge.                      | 63  |
| Sacramentorum verba possunt recitari sine administratione.  | 45      | Sacramentum non pendet ex nuda lectione, & recitatione verborum.                     | 45  |
| Sacramentorum verba practica sunt Christi, non ministri.  | 44      | Sacramentum nullum est ante Baptismum.   | 187 |
| Sacramentorum veteris Test. eadem res fuit, quae est nostrorum.   | 353     | Sacramentum nutrit.  | 476 |
|   |         | Sacramentum omne ex duplici natura constat.  | 396 |

Sacra-

# INDEX.

|  |     |  |         |
|--|-----|--|---------|
| Sacramentum penitentiae non remittit originale peccatum.   | 193 | mentis gratiam aut conferant, aut continent.                                   | 55      |
| Sacramentum potest definiri.   | 4   | Scholastici se misere corserunt ut, quomodo sacramenta sint causa, docerent.   | 55      |
| Sacramentum potest etiam verbis figuratis institui.  | 381 | Scholastici triplicem faciunt baptismum.                                       | 38      |
| Nullum est Sacramentum, quam quod Christus instituit.  | 242 | Scholastici, & Papista aliqui exponant verba Ioannis, ut nos.                  | 305     |
| Sacramentum qui nescit, non potest intendere sacramentum.  | 53  | Scholasticorum λογισμα.  | 4       |
| Sacramentum sine fide nihil valet.   | 25  | In scripturis multa sunt propriae predicationes.                               | 396     |
| Sacramentum vnum non potest esse altero dignius.   | 190 | In scripturis nihil vstratius est, quam per aquam spiritum sanctum intelligi.  | 67      |
| Sacrificia olim condiebantur sale.   | 337 | Secum literale nos tenemus, & admittimus.                                      | 426     |
| Sacrificia primorum parentum à paradiso extrusorum erant vni & perfecti sacrificii Christi sacramenta. | 1   | Sensus proprius dupliciter accipitur.  | 385     |
| Sacrificium Abeli quid praefiguraris.  | 119 | Sententiae sunt fugiendae, quae offensionem potius quam adificationem pariunt. | 320     |
| Sacrificium Christi erat primis parentibus adumbratum.   | 1   | Serpens aneus an fuerit vere serpens.  | 501-599 |
| Sacrificium pro quibus Deus voluerit offerri.  | 129 | Sigillum non potest diploma clarius reddere.                                   | 356     |
| Salus ab vno Christo speranda est.   | 54  | Sigillum spiritus sancti qui habet, non potest esse apud inferos.              | 150     |
| Salus pendet ex fœdere.  | 35  | Signa fœderis qui aspernatur, est aperto sacrilegijs, & fœdis fragus.          | 32      |
| Sancti non sunt canibus proicienda.  | 335 | Signa magica à quo vim suam habeant.   | 102     |
| Sancti non possunt perire.   | 36  | Signa putare esse superuacanea, est parum sacramentis tribuere.                | 31      |
| Sancti non sunt in Eucharistia.  | 495 | Signa sunt ad placitum ex institutione Christi.                                | 423     |
| Sanguis non nisi figurate Testamentum dici potest.   | 466 | Signa voluntaria quoduplicia sint.   | 5       |
| Sanguis non potest dici nouum Testamentum.   | 466 | Signum crucis facere non est signum deuotionis.                                | 202     |
| Satanas est hostis vaser, callidus & astutus.  | 201 | Signum crucis mirifice à patribus commendatum est.                             | 201     |
| Satanas est spiritus.  | 201 | Signum crucis nec Christus, nec Deus, nec Apostolus instituit.                 | 202     |
| Satanas non mouetur, aut fugatur signis externis.  | 201 | Signum nudum & inefficax non potest alere fidem.                               | 9       |
| Satanas non timet crucem sicut canis lapidem.  | 202 | Signum est aliquid.  | 87      |
| Satanas vincitur fide, non signis.   | 201 | Signum quid sit apud Augustinum.   | 4       |
| Scholastici argumentis Aristotelicis probare conantur, sacramentum non posse definiri.                 | 4   | Signum semper à re ipsa, cuius est signum, distinguendum est.                  | 396     |
| Scholastici excogitarunt monstrum dogmatis de opere operato.   | 59  | Signum crucis potissimum est res plane magica.                                 | 336     |
| Scholastici non conueniunt de modo, quo sacra-   |     |  |         |



# INDEX.

|  |     |   |     |
|--|-----|---|-----|
| Signum sensibile non debet esse larua aut spiritum, sed vera natura.   | 582 | Sacra Biblia quare vocentur testamenta.   | 465 |
| Signum sensibile, quod est externa sacramentum, non est accidens aliquod, sed aliquod elementum, & substantia. | 582 | Testamenta sunt in proprio sensu intelligenda.  | 385 |
| In similitudine non congruunt omnia.   | 16  | In testamentis optimum est scrutari in primis, quid testator demonstrare voluerit.      | 385 |
| Similitudines non probant.   | 171 | Testamentum nostrum est infinite clarius.   | 349 |
| Simon Magus statim post Baptismum in omnem nequitiam prorupit.   | 432 | Testamentum Iacobi est plenum figurarum.  | 383 |
| Σιτ & quodvis frumentum significat, non modotriticum.  | 634 | Christi Testamentum est pactum.   | 385 |
| In somno multi succurrunt, de quibus vigilantes non cogitabant.  | 380 | Testamentum proprie non habet sanguinem.  | 383 |
| Species non possunt disponi ad corruptionem sine materia.  | 612 | Testamentum sine morte testatoris non valet.  | 465 |
| Spiritus Dei potest esse efficax in verbo, & in sacramentis, sine ministri intentione.                         | 46  | Testamentum vnum semel factum sufficit in aeternum.                                     | 465 |
| Spiritus interdum igni comparatur.   | 67  | Testamentum non nisi semel factum est.  | 465 |
| Spiritus non terretur rebus externis.  | 201 | Sine sanguine testamenti nulla est salus.   | 467 |
| Spiritus potest esse in loco, & non implere locum.   | 533 | Testamentum vetus totum est multis figuris velatum.                                     | 385 |
| Spiritus S. gratia ipsis signis externis non adherescit.   | 6   | Testamentum vnum Christi est morte Christi sancitum semel.                              | 350 |
| Spiritus sanctus est in aqua, & per aquam efficac.   | 73  | Thomas & Bellarminus afferunt vim verbis Evangelij.                                     | 446 |
| Spiritus sanctus est instar aqua.  | 226 | Thomam scholam magistram sequitur.  | 412 |
| Spiritus sanctus non dicitur proprie gignere.  | 67  | Thomae sententia falsissima est.  | 446 |
| Spiritus sanctus ordine naturae prior Baptismo est.  | 66  | Transitus in quo prae dicamento fit.  | 458 |
| Spiritus sunt finitae naturae.   | 555 | Transsubstantiatio est mutatio aequiuoca, quia non ex causis propriis fit.              | 604 |
| Stephanus quomodo Christum viderit.  | 486 | Transsubstantiatio est nomen nouum, peregrinum, barbarum, inauditum Ecclesiae antiquae. | 585 |
| Substantia spiritalis non fit ex substantia materiali.   | 463 | Transsubstantiatio ex nullo scripturae dicto deducitur.                                 | 587 |
| Sugere non est manducare.  | 454 | Transsubstantiatio materiam & rem terrenam nullam in Eucharistia relinquit.             | 595 |
| Symbolum & sigillum non simpliciter necessarium est.   | 85  | Transsubstantiatio multis haeresibus fenestram aperit.                                  | 599 |

## T

|                                 |     |   |     |
|---------------------------------|-----|---|-----|
| Ταμερον quid sit.               | 478 | Transsubstantiatio est contra naturam.  | 403 |
| Tempora diuersa non sunt simul. | 527 | Transsubstantiatio est merum commentum. | 219 |
| Terminus rei quid sit.          | 531 |   |     |

Tran-

# INDEX.

|  |     |   |     |
|--|-----|---|-----|
| Transsubstantiatio papistarum est naufragium fidei.  | 394 | Valentinianus dissulit baptismum, cum potuit habere.  | 109 |
| Transsubstantiatio tollit pene omnes articulos de veritate humanitatis Christi.                                  | 397 | Venire ad Christum quid sit.  | 361 |
| Transsubstantiationem non euincit gratiarum actio.   | 400 | Verba dicuntur expressa dupliciter.   | 395 |
| Poculum cur dicatur το ποτηριον της ελογιας.   | 401 | Verba non nisi audita, & intellecta vim & gratiam afferunt.   | 30  |
| Transsubstantiatio non euincitur ex benedictione.  | 407 | Verba precum possunt recitari sine precatione.  |     |
| Transsubstantiatus Christus non nisi merum idolum est.   | 477 | Verba sonant in auribus.  | 105 |
| Pro Transsubstantiatione pontificiorum argumenta.  | 178 | Verbi concionalis, & sacramentalis non eadem est ratio.   | 29  |
| Contra transsubstantiationem argumenta nostra proponuntur.   | 585 | Verbi prae dicatio efficacior est sacramentis.  | 16  |
| Transsubstantiationem qualem papista & Bellarminus statuunt.   | 588 | Verbum a sacramento, aut sacramentum a verbo non debemus separatim considerare.                                 | 17  |
| Transsubstantiatio non nisi commetum & monstrum est, post nongentos aut mille a Christo annos natum, & inuentum. | 569 | Verbum clare pronunciandum & explicandum est.   | 27  |
| Transsubstantiationis doctrina recens est tam re, quam nomine.   | 569 | Verbum cum sacramento multo efficacius est, quam sine sacramento.   | 17  |
| Transsubstantiationis fundamentum est Papae auctoritas.  | 590 | Verbum Dei magis est practicum quam sacramenta.   | 47  |
| Transsubstantiationis nomen cur sit repudiandum.   | 589 | Verbum & promissiones non ex parte Dei promittentis, sed ex parte nostra indigent confirmatione.                | 17  |
| Transsubstantiationis nomen inter νενομογιας reponi debet.   | 585 | Verbum & sacramenta in quo differant.   | 79  |
| Transsubstantiationis nomen non est in Theologia admittendum.  | 588 | Verbum est causa introitus in Ecclesiam.  | 156 |
| Transsubstantiationis nullam mentionem fecit antiqua Ecclesia.   | 569 | Verbum est medium.  | 75  |
| Tropi non pugnant cum sacramentis.   | 382 | Verbum est plenum ενεργειας.  | 76  |
| Christi verba non possunt sine tropis intelligi.   | 464 | Verbum iustificat.  | 10  |
| Aduersarij ad tropos confugere coguntur.   | 383 | Verbum multis est commune.  | 80  |
| Christus non semper exponit tropos.  | 390 | Verbum promissionis est in omni sacramento.   | 89  |
| Bellarminus in nullo verbo tropum relinquit.   | 414 | Verbum quod occulte cum tenui strepitu in certis syllabis a pontificis di murmuratur, non multum abest a magia. | 29  |
| Tropus non pugnat cum perspicuitate.   | 381 | Verbum sine sacramentis per se firmum est.  | 17  |
| Typus refertur aliquando ad rem, quam repraesentat.  | 109 |   |     |



# INDEX

|   |     |  |     |
|---|-----|--|-----|
| Verbum solum plus in se virium habet, quam sacramenta sola. | 47  | Vitam eternam adipisci, difficile est.           | 345 |
| Veteres carnaliter tantum sapuerunt.                        | 357 | Extrema unctionem nemo patrum vocat sacramentum. | 187 |
| Vinum ipsa hedera nunquam exhibet.                          | 68  | Vniuersale est tantum in intellectu.             | 442 |
| Vinum in calice cur Christi sanguis appelletur.             | 619 | Votum non est baptismus.                         | 66  |
| Virtus nihil aliud, nisi efficacia.                         | 142 |  |     |
| Visibile non potest dici, quod non videtur.                 | 438 |  |     |
| In vita corporali quid sit primo, quid secundo.             | 171 |  |     |

**W**icleffus Anglicus veterem de Eucharistia sanam Ecclesia doctrinam reuocauit. 344

# FINIS

## Erratum.

Colum. 4 in Dedicat. lin. 14. pro, parvulorum, lege, milium, si quae alia fortassis occurrerint, benignus facile emendabit Lector.



g to thy  
fall not

\*C. bap. 3.

is water and  
ould to couer

a poore man in a  
are fave in another

ch, hold thee conten-

or the reproach of thy

unerable life to goe from

or where thou art a stranger

open thy mouth.

halt entertaine and feast, and

res: moreouer, thou shalt heare

thou stranger, and furnish a ta-

ne of that thou hast ready.

face thou stranger to an honou-

y brother cometh to be lodg-

need of mine house.

things are gracious to a man of

the vpriding of house to come

g of the lender.

H A P. XXX.

est our children, 7 and not coker them.

better then wealth. 22 Health and life

griefe.

loueth his son, causeth him of

herod, that he may haue ioy of

chastiteth his son, shall haue

nd shall reioyce of him among

ince.

te teacheth his son, grieueth the

fore his friends he shall reioyce

h his father die, yet he is as

re not dead: for he hath left one

at is like himselfe.

le liued, he saw and reioyced

when he died he was not for-

behind him an auenger against

and one that shall requite kind-

nds.

maketh too much of his son,

wounds, and his bowels

every cry.

broken becommeth head-

ft to himselfe will be

and he shall make

im, and he will

Or, as for

left thou haue

orrow



and sh

20

too farre

sharc.

21 As I

and after re

ment: but he

out hope,

22 He \* that

kech euill: and he

part from him.

23 When thou art,

lively, and will adm

the last he will || writhe

der thy sayings.

24 I haue hated many th

like him, for the Lord will ha

25 Whoso catcheth a stone o

it on his owne head, and a de

shall make wounds.

26 Whoso diggeth a \* pit,

in: and he that segeth a trap:

therein.

27 He that worketh mischief

vp on him, and hee shall not ki

commeth.

28 Mockerie and reproach

proud: but \* vengeance as a

wait for them.

29 They that reioyce at

righteous, shall be taken in th

guilt shall consume them befo

30 Malice and wrath, euen

minations, and the finall

them both

CHAP. XXV

Agains<sup>backbiting</sup> reuenge, 8 <sup>Swearing</sup> 1

H<sup>backbiting</sup> that reuengeth, shall

from the Lord, and he v

his finnes (in remembrance.)

2 Forgiue thy neighbour

he hath done vnto thee, so tha

to be forgiven when thou pray

3 One man beareth hate

ther, and doeth hee seeke p

Lord?

4 He sheweth no mercy to

as like himselfe: and doeth he

ness of his owne sinne,

5 If he that is but flesh

who will entreat for pardo

6 Remember thy cr

ceale, [remember] c

and abide in the Cor

7 Remember if

bear no malice:

ber] the coun

at ignorance.

him-

ter shall

I.

speech will tell

discovering his se-

will fall into it.

or a small mat-

leecheth for abun-

away.

fast betwene the

s: so doth sinne sticke

ng and telling.

in hold himselfe diligently

Lord, his house shall soone

in one fitch with a lieue, the

ch, so the filch of man is in his

urnace prooueth the porters vel-

trial of man is in his reasoning.

fruit declareth if the tree haue

: so is the viceance of a con-

rt of man.

no man before thou hearest him

is the trial of men.

followest righteousness, thou

ner, and put her on, as a glori-

ids will restore vnto their like,

returne vnto them that practise

e Lyon lieth in wait for the

for them that worke iniquitie,

ilcoute of a godly man is al-

ilcoute: but a fool chanceth

e. but bee continually among

standing.

ilcoute of fooler is ikefome,

like of him that sweareth much,

naire stand vpright: and their

one stop his cares.

rise of the proud is blood-shed-

ir reuillings are grieuous to the

o discovereth secrets, loiceth

shall neuer finde friend to his

nd, and be faithful vnto

mayest his secrets, fol-

destroyed his ene-

que of thy neigh-

d goe out of

his

